

ONVIELMI

RONDELETTI

DOCTORIS MEDICI

ET MEDICINAE IN PUBLICA
MONASTICENSI PR.

LIT. & PUBL. MEDICINAE IN QUIBUS
PUBL. PUBL. MEDICINAE IN QUIBUS

ET PUBL. MEDICINAE IN QUIBUS
PUBL. MEDICINAE IN QUIBUS

ET PUBL. MEDICINAE IN QUIBUS
PUBL. MEDICINAE IN QUIBUS

ET PUBL. MEDICINAE IN QUIBUS
PUBL. MEDICINAE IN QUIBUS



Apud Monachum Bonifacium

M. D. C. C. C.

Pro Privilegio Regio. Acad. et Univ.

GVLIELMI
RONDELETII
DOCTORIS MEDICI

ET MEDICINAE IN SCHOLA
MONSPELIENSI PRO-
FESSORIS RE-
GII.

Libri de Piscibus Marinis, in quibus
veræ Piscium effigies expressæ sunt.

*Quæ in tota Piscium historia contineantur, indicat
Elenchus pagina nona & decima.*

D^{is} Jacobi Caresmar

Postremo accesserunt Indices necessarij.

Sancti Bernardi de Barchinâ. Pharmacopœia.

De Phlegma. De Sanguine.

De Visceribus. De Urina.



LUGDUNI,
Apud Matthiam Bonhomme.

M. D. LIIII.

Cum Priuilegio Regis ad duodecim annos.

De la Bibliotheca del R. Moniz de Nova Gra de las Avelanas

ROMNEY

DOCTOR'S MEDICAL

OF THE UNIVERSITY OF

EDINBURGH

IN THE YEAR 1841

BY

JOHN DOUGLAS

ESQ.

OF THE UNIVERSITY OF EDINBURGH

AND

OF THE UNIVERSITY OF GLASGOW

AND

OF THE UNIVERSITY OF ABERDEEN

AND

OF THE UNIVERSITY OF DUNDEE

AND

OF THE UNIVERSITY OF PERTH

AND

OF THE UNIVERSITY OF ABERDEEN

AND

OF THE UNIVERSITY OF DUNDEE

AND

OF THE UNIVERSITY OF PERTH

AND

OF THE UNIVERSITY OF ABERDEEN

Priuilege du Roy.



HENRY Par la grace de Dieu Roy de France à noz amez & feaux Conseilliers les gens tenans noz cours de parlement à Paris, Tholose, Rouan, Bourdeaux, Aix, Grenoble, Diion, Senechaux, Baillifz & Preuostz desdits lieux, Lyon, Poiçtou, Berry, Champaigne, Iug d'Aniou & du Maine, & à tous noz autres iusticiers & officiers ou leurs lieutenans, salut & dilection. Nostre cher & bien amé maistre **GVILLAVME RONDELET** docteur regent en la faculté de Medecine en nostre ville de Montpelier, nous ha fait remôstrer que avec grâds fraiz & labeurs auroit recueilly vn grand nombre de poissons tant de Mer que de Lacz & Fleues: desquelz poissons il auroit fait anatomic, & leuer le pourtrait au plus prés du naturel, pour iceux inserer dans les liures, qu'il en auroit composés, & de long temps y auroit prins grand peine & diligence pour en faire vne histoire au plus vray qu'il luy auroit esté possible mettre en lumiere avec lesditz portraitz: Ensemble vn autre ceuvre intitulé **DE FORMIS REMEDIORVM**, & **COMMENTAIRES** sus **Dioscorides**, avec vne **OFFICINE** pour les Apoticaire: lesquelz liures pour n'estre moins vtiles que agreables aux Lecteurs, il desireroit faire imprimer: mais il doubte que aucuns Imprimeurs ou autres, que ceux à qui il auroit donné charge, se voufissent ingerer d'iceux liures imprimer, ou en faire faire extrait, ou epitome, ou les traduire en François, ou autre langaige, chose qui ne se peut bien faire au gré ou intétion de l'Auteur, & qui luy pourroit desguiser son ouurage, & le frustrer de son intétion de le faire. Et aussi en cela luy tollir les fraiz de ses labeurs, qu'ilz ha fait, & conuiendra faire, s'il n'auoit surce noz lettres de permission ou priuilege: Nous humblement requerant icelles luy ottroyer pour le tēps quil nous plaira:

Pour ce Est il, que nous inclinant liberalement à la supplication dudit **RONDELET**, & en cest endroit luy suruenir à ce qu'il se puisse aucunement releuer des fraiz, qu'ilz luy ha ia conuenue & conuiendra faire tant à luy que à ceux qui auront charge de luy, pour mettre en lumiere & impression lesditz liures, A icelluy **RONDELET** & à l'imprimeur ou libraire ayant charge pour luy, auons de nostre grace speciale donné & donnons priuilege, congé, licence & permission d'imprimer & faire imprimer en telle marge & de telz caracteres que bon leur semblera, & mettre en vente & distribuer tous & chascuns lesditz liures avec inhibitions & deffences à tous de quelque qualité qu'ilz soyent, de ne traduire en François, ny faire autre epitome desdits liures. Et à tous libraires & autres ne les imprimer, ny faire imprimer en quelque sorte que ce soit, ny en apporter vendre d'autres Imprimeurs autre part, ny en debiter, ny en distribuer d'au-

tres que ceux imprimés par celluy qui aura charge dudit suppliant, iusques au temps & terme de douze ans, à conter du iour & datte, que la premiere impression desditz liures sera paracheuée d'imprimer, & ce sur peine de confiscation desditz liures, & d'amende arbitraire, & de tous despens, dômaiges & interestz enuers les parties. Et outre vouldons & tel est nostre plaisir, que mettant ledit suppliant ou l'Imprimeur ayant charge de luy, en brief au commencement ou à la fin desditz liures le contenu en noz presentes lettres au vray, Que icelles lettres soyent tenues pour suffisamment signifiées & venues à la cognoissance de tous Libraires, Imprimeurs & autres: Et que ce soit de tel effect & vertu, que si elles auoyent esté expressement & particulierement signifiées, sauf s'ilz vouloyent pretendre que le brief extrait du priuilege mis ausditz liures ne fust selon la verité de ces presentes. Et pource en demanderoyent exhibition leur estre faite. Auquel cas leur permettons faire telle demande que bon leur semblera, par deuant le Seneschal de Lyon ou son lieutenant seullement, sans ce que autres iuges en puissent prendre cour, iurisdiction ou cognoissance, laquelle leur auons du tout interdit & deffendu, interdisons & deffendons par cesdites presentes. Et vous mandons à chacun de vous endroit soy, & comme à luy appartiendra, que noz presens priuilege, congé & permission: & de tout le contenu en icelles vous faites, souffriez & laissez icelluy suppliant & tous ceux qui auront charge pour luy, iouyr & vser plainement & paisiblement, sans leur faire ou donner empeschement au contraire: Lequel si fait, mis ou donné leur estoit, reparez, & remettez, ou faites reparer & remettre incontinent & sans delay au premier estat & deu. Et à ce faire souffrir & obeir contraignez ou faites contraindre par toutes voyes deues & raisonnables: car tel est nostre plaisir, Nonobstant oppositions ou appellations quelconques, & sans preiudice d'icelles: pour lesquelles ne vouldons estre differé, en quelconques lettres à ce contraires. Donnée à Marchais le xxviii. iour de Iuin, lan de grace mil cinq cens cinquante quatre. Et de nostre regne le huietième.

Par le Roy en son conseil.

De Lomenie.

LEUES, publiées & enregistrées au papier de la cour de la Seneschaucée de Lyon, ouy sur ce Monsieur le procureur du Roy en ladite Seneschaucée à ce consentant. Fait à Lyon le vnziesme iour d'Aoust, lan mil cinq cens cinquante quatre.

l. Tignac.

l. Croppet.



AMPLISSIMO CARDI-
NALI FRANCISCO A'
TURNONE GVLIELMVS

RONDELETIVS S.

435



GLORIA HOMINIBVS EST MAXI-
mum ad præclaras res gerendas incitamen-
tum Cardinalis illustrissime, vixque inueni-
tur qui laboribus susceptis periculisque adi-
tis non quasi mercedem rerum gestarum &
veræ virtutis fructum desideret gloriam, hu-
ius gradibus in cælum ascenderunt tot illu-
stres Græci & Romani viri, quos priora sæ-
cula tulerunt, ex quibus ij gloria maximè ex-
cellere iudicantur, qui siue pacis siue belli artibus præstantes maxi-
mis beneficiis Rempublicam suam cumularunt. Quos imitati ma-
iores tui in Gallica nostra Republica gerenda tam fortiter ac præ-
clare sese gesserunt, vt summæ eorum virtutis ac magnorum in pa-
triam meritorum fama illustris apud omnes sit peruagata, atque
ideo in sempiterna gloria sint futuri. In eodem curriculo tanta cum
laude semper versatus es, vt maximis negotiis obeundis, & guber-
naculis Reipublicæ tractandis maiorum tuorum gloriam pluri-
mum illustraueris. Verùm hæc gloria, quoniam etiam si non con-
cupiscas, sponte tanquam vmbra virtutem sequitur, per seipsa defi-
derabilis, atq; expetenda mihi esse nō videtur, sed potius virtus ipsa,
quam Deus Opt. Max. hominēsque omnes tum maximè approbant,
quum in aliorum cōmoda confertur. Nihil honestius, nihil homine
Christiano dignius quàm de vniuerso hominum genere bene mere-
ri, atq; omnium cōmodis vtilitatq; seruire. Quod vt pro mea parte
facerem, omni studio sum conatus. A te enim impetrata quiete ob æ-
tatem iam ingrauescentem morbisq; obnoxia, cœpi rursus in hac no-
stra præclara Monspelienſi Academia tractare & contemplari res
cognitione dignissimas, diuinam & nondum omnibus planè perspe-
ctam corporis humani fabricā, stirpes plantāsque multiplices & varias
quibus regio nostra abundat, metalla, pisces, aliāque plura quæ me-
dico vel necessaria sunt, vel perutilia: neq; enim breuib; cancellis

circumscrip̃ta est medendi scientia, sed multarum & magnarum re-
rum cognitione instructus atque ornatus esse debet is, qui Medici
nomine dignus haberi velit. Ex iis omnibus cū tractationem quan-
dam De piscibus, quam iam olim quum in comitatu tuo essem in-
choatam habueram, tibi doctis̃que multis non displicere intellexis-
sem, retexui atque in ordinem redegi, multis̃que & iustissimis causis
inductus, vt in nomine tuo opus id appareret, effeci. Nam qui pi-
scium, plantarum, atque aliarum huiusmodi rerum singularum hi-
storiam conscribit, si sit in tenui re, si perpetuò domi & in Bibliothē-
ca sedeat, si sit illi cum libris solis, mutis magistris consuetudo, pau-
ca pro multis, s̃ape incerta pro certis, falsa pro veris proponens in-
temperanter abutetur & otio & literis. Magni igitur sumptus in pi-
ctores, in scalptores, atque alios artifices faciendi sunt, diuersa lo-
ca diligenter perlustranda, docti viri, & in ea re de qua scribitur
exercitati, atque in literas literatōsque omnes bene affecti s̃ape
conueniendi, s̃ape cum eis agendum & differendum, vt eorum
iudicio experiētiāque in rebus certiū diiudicandis utamur. Quā
omnia per te sum consecutus: Quum enim Galliam, Germaniam
superiorem, Italiam obires, atque vnā tecum essem, liberalitate &
benignitate tua adiutus (neque enim mihi aut priuato cuiquam ho-
mini, sed Principi aut munifico alicui Mœcenati sumptus in eam
rem faciendi fuerant) omnia subcisiua tempora contuli in ea con-
quirenda, quā ad institutum opus De piscibus pertinebant, vsus
sum etiam iudicio & consilio eruditorum hominum, quos summa
tua humanitate atque egregia erga literas voluntate ad te allicis,
foues ac ornas. Quare fœtum hunc tuum domi tuæ natum iure
tibi vendicare potes, quem vt vrsi facere solent, qui fœtus informes
lambendo figurant, domi expoliui atque auxi, quantum mihi à pu-
blico docendi munere atque à domesticis negotiis vacauit. Eum
itaque cū iam exire posse videatur, ad te mitto, vt meam sin-
gularem erga te voluntatem ac referendi beneficij cupidissimam
testatam apud animum tuum relinquam. Nam vt liberales vi-
ri & facultatibus abundantes vinci se beneficiis turpissimum esse du-
cunt: ita qui ab iis beneficium acceperunt, si gratiam referre nō pos-
sunt quanta debetur, nisi tamen habeant quantam maximam animi
capere possunt, iis turpissima ingrati animi nota est inurēda, à cuius
criminis etiā suspitione me alienissimum esse, nō possum tibi certiū
testificari atq; demonstrare, quā mittendo hoc munere, quod sum
mis laboribus, maximis vigiliis, maximo impendio mihi constitit, vt
eo nomine tibi gratius esse debeat, quod rarissimū sit, & carissimum.
Quod si tibi placere intellexero, animum meum valde confirmaue-
ris,

ris, maximamque in spem veniam fore, ut auspicio tuo multò tutiùs
in publicum prodire possit, ac improborum quidem & maleuolorum
maledicta effugere, in bonorum autem & literatorum
hominum multitudine multò ornatiùs atque splendidiùs comparere. Bene vale Cardinalis
Illustrissime, Calendis Augusti.

I 5 5 4.



PETRVS COSTVS AD
GVLIELMVM RONDELE-
TIVM MEDICVM PRAE-
STANTISSIMVM.

33
9

*Vidimus ingentes, immania corpora cetos
Humida natalis linquere tecta soli:
Offensòsque tuis victor Neptune quadrigis
Ad nos se ex mediis eripuisse vadis.
Vidimus & propriis orbatum piscibus aquor:
Nec patrios retinet carula turba sinus
Usa est porticibus, primo te vindice, nostris:
Sicq; mare & terras alueus vnus habet.
Scilicet hac vna est laudū, vir summe, tuarum,
Ut quod erat pelagi, feceris esse soli.
Quicquid & Euphrates fuluis spectatus arenis,
Quicquid & effusis parturit Ister aquis,
Ultima quod Thyle, & celeres vidēre Britanni,
Quicquid & immensis Africa vorticibus,
Quicquid Arabs tota dubius spectauit Erytra,
Et mirata suo est Caspia porta sinu,
Quicquid & Oceanus prauastis fluctibus ambit,
Hoc totum vna tui continet ora libri.*

CAROLI CLVSII

E L E C T I A.

Quisquis squamigeros pisces, genus omne natantum
 Nosse cupis, præsens perlege Lector opus.
 Quod tibi florenti contexit integer auro
 Rondeletus Medici gloria rara chori.
 Inuenies hic qui saxis stabulentur opacis,
 Incuruisque colant proxima litoribus.
 Hic lupus immitis, soleæ, trigla, melanuri,
 Trachuræque greges, sepia, mugil, clops,
 Anthias hic, scarus & perca, turdique virentes,
 Hippuri celeres, Iulides & lamiae:
 Et muræna ferox, aurique imitata colorem
 Chrysophrys, sargus, scorpius, atque faber:
 Et congri, rapidique canes, & glaucus utroque;
 Solstitio nunquam conspiciendus, adest:
 Et qui præduro clauduntur tegmine pisces,
 Cuncer & obliquis gressibus aquor agens:
 Missilibus spinis horrens spectatur echinus,
 Et varijs gaudens polypus insidijs:
 Fallax limosas piscatrix rana paludes
 Incolit, & rigido conficit ore cibos,
 Difficilisque trygon, quo cernitur aquore toto
 Nil magis pestiferum, sed medicamen habet:
 Callida torpedo mira se fraude tuetur,
 Dum piscatorum membra rigere facit:
 Nautilus aquoreis cautus spatatur in undis,
 Et gaudet celeres assimilare rates:
 Sulcantem puppim fluctus echeneis, & alris
 Flatibus impulsam, sola tenere potest:
 Inuenies blandos curui delphini amores,
 Ut duri xiphiæ in tristia fata ruant:
 Ut Phocæ catulos miro sectentur amore,
 Ut stolidus scomber retia sponte subit:
 Quas pelagi sedes teneant immania cete,
 Ut passim rapiant squamigerum omne genus.
 Denique quicquid habent & pontus, & aspera saxa,
 Codice in angusto picta videre licet.
 Ergo cum vario celebrentur carmine vates,
 Et quisquis medica nomen ab arte tulit,
 Et qui solertis naturæ arcana recludunt.
 Cur laudem præsens non mereatur opus?
 Ex hoc nanque potes rerum cognoscere causas,
 Orta vel immenso monstra stupenda mari.
 Quinetiam morbis medicam superantibus artem,
 Vnus saepe tulit piscis, & alter, opem.

ELENCHVS LIBRO-
RVM OMNIUM
DE PISCIBVS.

Primum quæ ad vniuersam piscium omnium cognitionem pertinent, quatuor libris traduntur, scilicet: Quæ piscium differentia sumantur à vita viuendique ratione: à locis, in quibus degunt: ab alimentis, quibus vescuntur.

A partium siue communium siue propriarum multiplici varietate, à substantia, figura, magnitudine, situ, numero, exuperantia, defectu, sapore, odore, colore, *id est Cynegetica.*

A singulis corporis piscium partibus, capite, oculis, auribus, ore, rostro, maxillis, dentibus, fistula, branchiis, &c. & ab earundem usu.

A piscium generatione, motione, respiratione, sensibus, moribus.

Sequuntur singulorum piscium descriptiones, quorum singula genera singulis libris explicantur, iis igitur comprehenduntur.

Lati & compressi & squamosi pisces, vt aurata, sparus & similes.

Saxatiles atque his proximi, maxima ex parte lati & compressi.

Pisciculi, vt aphyarum genera, & quæ figura proxima sunt, etiam si magnitudine differant.

Lacertorum genera, sphyrænæ, acus, thunni, & cyanei pisces.

Pisces ferè rotundi & non compressi, squamosi, vt mugiles, lupi, aselli.

His rotundiores, rubescentes crassoque capite, vt cuculus, miluus, mulli.

Plani non cartilaginei, rhombi, passeris, soleæ.

Plani cartilaginei, pastinacæ, raia, & similes.

Longi, conger, serpens, muræna.

Peregrini, orbes, orthagoriscus atque alij plures.

Cetacei, beluæ marinæ, monstra.

Hæc sunt genera piscium sanguine prædatorum, quibus subiunguntur pisces sanguinis expertes.

Molles polypi, loligines, sepia.

Crusta tenui contexti, locustæ, cancri.

Hæc sunt quæ in hoc opere continentur, quibus propediem succedent reliqua genera, quæ sanguine vacant. scilicet,

Quæ testacea vocantur, conchæ, siue vnica, siue duplici testa constantes.

Turbinata & cochleæ.

Insecta & zoophyta.

Vt mari proxima sunt marina stagna, ita de piscibus marinarum stagnorum proximè dicetur.

Tum de piscibus aquarum dulcium vt lacuum magnorum.

De piscibus fluuiorum.

De palustribus & terrenis.

De amphibiiis.

Quibus omnibus vniuersa piscium historia comprehenditur.



PRÆFATIO OPERIS
AD LECTOREM.

55



VE M A D M O D V M uniuersitatem rerum qua omnia continentur, hominis causa conditam, ita hominem Dei causa creatum fuisse nemo est sana mentis qui non fateatur. Quamobrem homo in hoc splendido domicilio, vel potius in pulcherrimo theatro collocatus calum, lumina, stellas, aërem, aquam, terram, plantas, animantia omnia denique mundi corpora, tanta arte condita, tam excellenti ornata specie, tam mirabili harmonia connexa, tanta vi prædita, tam pulchro ordine distributa contemplari debet. Primum ut illustribus testimoniis quocunque oculos circumferat de Deo opifice atque architecto totius huius operis, summè bono, sapiente, verace, iusto, benefico animum confirmet, quò ad eum amandum, venerandum, colendum magis ac magis incitetur: deinde ut his quæ in sui gratiam condita esse agnoscit ad commoditates suas utatur, ad Dei gloriam omnia referens. His autem quæ non nouit nemo rectè uti potest. Quare omne studium, omnem operam, industriam, curam in id conferre debent præclari viri, ut eorum omnium quæ in terra, aëre, aqua gignuntur, causas, actiones, vires, facultates, formas internoſcant. Hac equidem exercitatione nihil præstantius esse duco, nec ullam rem aliam esse existimo (dempto unico Dei verbo quod sacris literis continetur) quæ illustrius Deum nobis ob oculos ponat, quæq; in hac vita nostra caligine, & tanta opinionum varietate nobis propius inspicendum prabeat, quoad ipsum architectum æternum Patrem, Filium & Spiritum sanctum coram intueamur. Verum hac pulcherrimarum rerum cognitio magnas ac varias multiplicèſque difficultates posteris ad eam aspirantibus reliquit: cum enim diuersis in locis & à diuersis hominibus tradita & demonstrata fuerit, in discendis diuersis linguis maior & melior ætatis nostræ pars conterenda est, sed ne hoc quidem satis fuit: nam quæ est mentis humana imbecillitas, à vero sæpe aberrant homines, interdum quæ rectè literis mandata sunt, vel temporum iniuria intercidunt, vel hominum ignorantia deprauantur. Ratione igitur & conformato, atque instructo ad diiudicandas res ingenio opus fuit. Quare differendi artem veluti organum seu certam viam, vel ad rectè, ordine, perspicuè docendum, vel ad ea quæ tradita sunt expendenda & ad calculos

reuocanda, scriptam nobis reliquerunt. Cui vicinam artem adiunxerunt, quæ de omni re proposita, ornate, copiose, splendide adhibitis luminibus orationis docet dicere. His artibus instructus facilius atque certius in rerum cognoscendarum studiis versari potest, & ea quæ nouit rectius & dilucidius explicare. Cum verò res discenda, singule atque ideo infinita sint, quibus cognoscendis plurimorum hominum ætates, nedum unius, non sufficerent, ingeniosi viri uniuersam methodum excogitarunt, id est, certam viam atque rationem, & ordinem, quibus veluti manu deducimur ad res singulas inspicendas. Hæc methodus philosophia naturali & mathematicis continetur. His enim corporum principia prima, elementa, causa traduntur, quæ his accidunt, immutationes, earum causæ tum à superioribus, tum ab inferioribus corporibus profectæ, atque alia huiusmodi quæ Aristoteles libris περὶ φυσικῶν ἀκροῦς, περὶ ἀέρος, περὶ ὕδατος καὶ φθορᾶς, περὶ μετεωρολογικῶν, περὶ ἡλίου, περὶ ἀστρονομικῶν & ἀστρονόμου, atque aliquot aliis libris propriè atque ingenuosè explicauit. Hæc est uniuersa rerum contemplatio, quæ ut primum ita non solum tenenda est, sed ad singula deueniendum, utpote quorum gratia uniuersa discuntur: nam ut prudenter scripsit Galenus uniuersalium scientia necessaria est, deinde particularium exercitatio. Quamobrem Aristoteles ad particularium exercitationem de generatione animalium, de eorum partibus, de Historia liberos edidit magno illo Alexandro ad ea quæ conquirenda erant sumptus supeditante. Idem de Plantis scripserat, quæ cum inchoata reliquisset, Theophrastus discipulus persecutus est, aliæque plura ut pisces, metalla, lapides, quæ magno studiorum incommodo maiore ex parte interciderunt. Huic prouincia se adiunxit Dioscorides, qui ea quæ ἰατρικῆς nouerat, vel ab aliis acceperat summa diligentia literis mandauit. Plinius verò inter omnes summa laude dignus, qui ex melioribus autoribus optima quæque decerpens, integram naturalem historiam contexuit, cum quo, quem conferre possemus autorem nullum haberemus, si longiore vita à Deo data quædam recognoscere, & iis iudicium adhibere potuisset. Cum igitur fieri non possit, ut unus omnia præstet, eum de literis possumè mereri existimo, qui non diligenter in eandem curam & studium incubuerit, quique pro viribus studiosos hac in parte iuuare non contenderit. Quam ignauie culpam cum effugere vellem, cumque in literas & literarum amantes optime semper fuerim animatus, pro virili parte sum conatus piscium historiam nec ex veterum libris satis hodie intellectam, nec à recentioribus rectè explicatam literis illustrare. Neque verò me à scribendo deterruerunt illi qui de eadem re libellos nuper ediderunt, in quibus sunt qui conspectis chartis meis, argumenti nouitate & eiconum pulchritudine impulsit, hancque gloriam mihi præripere volentes, magnam partem scriptorum suorum ex meis consuerunt, sed ad eam rem tractandam tam imparati, ut in piscium partibus ad eorum notitiam necessariis, exprimendis turpissimè hallucinati sint, in piscibus nominandis, in citandis veterum locis, & temere ad sensa sua accommodandis grauissimè errarint, adeo ut ex horum librorum lectione nihilo peritior euadat lector. Ego contrà magno labore, magna
rei fa

rei familiaris iactura, in nostro litore, in Gallia, in Italia, aliisque in locis pisces
 diu conquisiui, nonnullos per amicos recuperaui, dissecui, internas & externas
 partes diu multumque sum contemplatus. Aristotelis, Theophrasti, Galeni,
 Athenaei, Oppiani, Aeliani, Plinij testimonia adhibui, ex quorum fide &
 doctrina pisces ita expressimus, ut non solum eos, qui his libris depinguntur, sis
 cogniturus, sed etiam ad aliorum omnium qui sese offerent notitiam, via tibi
 sit munita. Horum autorum locos alios ad necessariam confirmationem & de-
 clarationem eorum quae proponuntur, proferimus, alios explicamus, alios emen-
 damus, & meliores reddimus. Cuius rei Lectorem admoneri oportuit, ne te-
 mere coniectos & consarcinatos esse autorum locos, ad implendas paginas exi-
 stimet. Haec omnia si quis consideret, non unius hominis opera perfici potuisse
 intelliget. Haec itaque ἀνάλεκτά mea in lucem emitto multorum eruditorum
 & bonorum virorum doctrina & iudicio usus, autoritate atque adhortatio-
 ne compulsi. Primum omnium Gulielmum Pelicerium Monspelensem
 Episcopum in honestissimarum & pulcherrimarum rerum cognitione praece-
 lentem, non solum piscium, sed etiam stirpium plantarumque ac multarum
 aliarum rerum historia cognoscenda suasorem, autorem atque praeceptorem
 habui. Gulielmi Caulij Allobrogum Praefecti, antiquitatis peritissimi, &
 erga literatos omnes liberalissimi opera librum de conchis & turbinatis au-
 ctio-rem reddidi. Eo accesserunt hortatores assidui & adiutores Monspe-
 lienses Doctores Medici, necnon Parisenses Medici clarissimi, Iacobus
 Syluius & Iacobus Goupylus. Quibus omnibus atque aliis multis,
 quorum in hisce libris memini, tantam habeo gratiam, quan-
 tam debeo, gratoque erga omnes animo me perpetuo fu-
 turum profiteor. Tū vero, studiose Lector, hoc
 nostrum opus candido animo excipe, inte-
 rim dum quae ad Piscium historiam
 omnino perficiendam supersunt,
 excuduntur, atque co-
 gnitu perutilia tibi
 preparantur.



IOANNIS PELISSONIS
CONDRIACENSIS IN
LIBROS G. RONDE-
LETII DOCTORIS

MEDICI.

Optimus ille mihi medicus sit iure colendus,
Cui vis Astrorum cognita præbet iter.
Et quod agit, nouit, nec eum variantia fallunt
Tempora, nec quod ei mens agit augurium.
Sed venturorum præsagus, casibus huius
Mortalis vitæ quo medeatur habet.
Nec finit esse locum morbis, dum creditur illi,
Dátque voluptati fræna salutis amor.
Nam mores habitûsque hominum pernouit, & horum
Ex iis affectus æstimat & vitia.
Morborum species, & cursus, atque recursus,
Vires, causas, & semina prima tenet.
Quid prius erumpat, quid mox sobolescat, acerbis
Quanta sit appendix inde futura malis.
Quomodo succurrat tûd, ac bene consulat agro,
Cùmque Deo miserum liberet interitu.
Quòd si fortè grauis qui nos sepe inficit aër,
Impediat curam, vimque malo adiciat,
Et remedi gnarus Bedicus doctissimus ille
Aëra diuina temperat artis ope.
Et tempestates ac singula tempora seruat,
Sydereâsque vices nocte dièque videt.
Nectibi terra parit, de quo medicamina fiant,
Quod quoque non idem calleat omne tibi.
Sic igitur tandem prouisis omnibus ille
Te saluum, felix reddit & incolumem.
Quòd si Neptuni lustrauerit Ennosigæi
Mirificis opibus regna superba Dei,
Notorûmque sibi cumulus adiecerit inde
Omnia quæ mentis condiderit studium.
Næ mihi quum totum disciplinæ ambiat orbem,
Possit Alexicaci nomen habere patris.
Quam laudem famamque tuam quum viceris, & iam
Rondelete tibi cesserit inuidia,
Istis qui scriptis decus immortale mereris,
Et de Principibus principis esse loci,
Quid nisi doctor es ex omni iam parte rotundus
Perfectum numeris quod reor esse suis?

FINIS.

IN GRATIAM AVTORIS

Mauritius Scæua.

*Iam cælum & tellus longè patuere, sed vltra
Quàm fuerint priscis edita de tabulis.
Restabat tantùm Neptunia visere regna,
Humida regna suis qua patet æquor aquis:
Quæ Phæbus, qui cuncta videt, non nouerat vnquam,
Assiduo quamuis decubet Oceano.
Nunc, quod nulli hominum licuit penetrasse, licebit
Ire sub vndosas, atque aperire vias:
Noscere squamosos hominum, turmasque gigantum,
Atque Ops persimiles quas alit ipsa feras.
Pelea quot varijs lussit Thetis vda figuris
Tot Monstra hinc pinnis sunt variata suis.
Nec solum formas, sed ab his noua pharmaca disces
Haud secus atque herbis cernis Apollineis.
Rondelete, suo quantum terra addita Ponto,
Tantum Mnemosyne debeat illa tuæ.*

IN EFFIGIEM G. RONDELETTII

Iacobus Dalecampius.

*Squamosos pisces, vitreas qui corpore sulcant
Vndas, atque greges Protee diuæ tuos,
Qui nitida primus Latio describere penna
Est ausus nostro tempore, talis erat,
Doctis ingenium libris per secula viuet,
Vendicat hæc facies corpus ab interitu,
Sic vtraque sui restabit parte, nec vnquam
Occidet, æternus posteritatis honos,*

IN EANDEM. IOANNES CAVLIVS.

*Docta manus potuit viuos effingere vultus,
Verius expressit doctum opus, ingenium.*

IN EANDEM. IOANNES

Nicolaus Victorius

*Quorsum opus hos buxo pallenti incidere vultus?
Aut sacra victuris ora referre typis?
Esse solent miseris fluxæ hæc solatia vitæ:
Maius mortali hic vertice culmen habet.
Tolle tuas Lysippe artes: sibi conscia virtus
Nullius externæ nititur artis ope.
Qui vaga lustravit Glauci penetrabilia Regis,
Et mira æquoreas arte retexit opes,
Ille potest laqueum ferali mittere Parcæ,
Et Strygiæ intrepida fronte videre ratem.
Dum torta Triton perflabit cærulea concha,
Æquoreisq; canet classica rauca Deus:
Dum vitreo pascet Proteus sub gurgite phocas,
Neptunique petent pascua nota greges:
Florebit viuax auctoris gloria: quum iam
Victæ situ buxus, æræque puluis erunt.*



PETRVS COSTVS

IN EFFIGIEM GV LIEL.

Rondeletij Medici Præ-
stantissimi.

55

*O si tam verè tenui te ponere cælo
Ante oculos hominum qui potuisset, erat:
Quàm bene venturo liber hic deliniat auo
Ingenij vultum, spemque decusque tui:
Iam non se docto Magnus iactaret Apelle,
Nec Phidiam efferret clara Minerua suum.
Illa habeat cæsos alieno munere vultus,
At tu animi Phidias diceris esse tui.*



G V L I E L M I
R O N D E L E T I I
D E P I S C I B V S
L I B E R I.

35

Piscium differentia cur initio cognoscenda.

CAPUT I.



COGNITIONEM Contemplatio-
nemque piscium via & ordine tractaturus,
non videor mihi aliunde commodius ini-
tium facere posse, quam à differentijs quibus
à se distinguuntur. Vt enim eorum quæ in ter-
ris gignuntur siue animalium, siue stirpium
sine notis proprijs certisq; , quibus dissident,
notitia nulla haberi potest: sic nec eorū quæ
in aquis nascuntur, nisi differentijs suis, quas
multas habent, à se discernantur. Quare à quibus rebus ea petatur
primū ostendemus: deinde singulas ordine, breuiterque pertracta-
bimus. Sed antequam hoc aggrediamur, exponendum est, cur tam
solicite piscium differentias inuestigandas esse existimemus. Propo-
sita enim rei utilitas, eaque permagna & studiosos ad nostra atten-
tius, libentiusq; legenda incitabit, & maleuolorum reprimet maledi-
cta, qui nostram hac in re diligentiam, effusosq; sumptus vellicant &
reprehendunt; se bene doctos, ac se de rebus vix solo nomine cogni-
tis præclare differere existimantes, quum in scholis de suggesto, nul-
lo repugnante, apud imperitos cum admiratione & applausu multa
effutiant: inepti sanè & ridiculi, qui ea quæ non nouerunt, confiden-
ter doceant, & impudenter ostentent. Duæ igitur imprimis sunt cau-
sæ, cur piscium differentias indagare necesse sit: vna, vt illorum natu-
ram sicut variam, ita abstrusam & mirabilem perspectam habeamus:

A

altera, vt singulorum formam figuramque internoscamus. Quæ duæ causæ tam necessariae sunt, tamque inter se connexæ, vt alterutrius ope destitutus perfectam de piscibus cognitionem parare non possit. Naturæ enim ac temperamenti cognitio quid prodest formam & figuram non agnoscanti? Aut cur piscium nomina quædam celebramus, cum eos non possimus, quum offeruntur, seligere? Commemorat alius antiquorum Poëtarum versus de piscibus, alius garum multumque, accipenserem alius laudat, innumeros item alios, alius semper in ore habet, quos, si proponantur, non possit internoscere. Scaurum, squillam, melanurum videre cupiunt multi, querunt etiam studiosissimè, quos tamen non rarò manibus tractant, ac ijs inscientes vescuntur. Vranoscopi fel, præsens ad oculorum suffusiones remedium esse aiunt Medici, pastinacæ iecur ad pruritum conferre prædicat, coracinorum fassamenta ad carbunculos discutiendos, remoram ad iudicia & amatoria veneficia valere affirmat. At his omnibus, multisque alijs præstatis remedijs, destituti sunt ij, à quibus piscium notitia neglecta fuit. Iam cōuenientem victus rationem sanis aut ægris, quomodo præscribet is, qui solas piscium formas habet in promptu, temperamentum illorum ignorat? Corporis autem naturam temperamentumque nūquam is tenebit, cui quibus alimētis vescantur pisces, quibus in aquis vitam traducant, num in littore, num inter saxa, num in ostijs fluminum degant, non exploratum fuerit: vt melioribus utatur, à deterioribus, ijsque qui naturæ suæ accommodata loca pabulæque nacti non sunt, abstineat. Cognoscenda igitur forma naturæque piscium, & ex illorum differentijs petendæ: quæ omnibus, & Medico præsertim expeditæ esse debent. Quæ enim Medicinæ pars sanitatem tuetur, hinc æstate, siccioribus naturis, pueris, denique omnibus quibus humidior victus ratio conuenit, alimenta depromit accommodata. Quæ verò morbos depellit, innumerabilia ac efficacissima remedia inde accersit. Quot emaciatis & penè marcore confectos, squillarum vel cancrorum usu pristinae sanitati restituerim: Quot oculorum suffusiones ac cicatrices vranoscopi, ac ranæ piscatricis felle curauerim, nihil attinet hîc recensere. Quid? iuuenem quendam olim cum scirrho hepatis penè confirmato iamiam in hydropem omnium iudicio prolapsurus videretur, nos præter omnium opinionem medicamento ex oleo hepatis centrinæ, mastiche, spica Celtica, ac modico styrace confecto curauimus. Inueteratam neruorum contractionem, & remedijs maximis rebellem, eodem hepatis centrinæ oleo non sine magna admiratione planè sanauimus. Alia item innumera ac præclara sunt, à nobis è piscibus parata remedia, quæ suo loco commodius exponentur.

Quæ

Quæ sint piscium differentia.

CAPUT II.

CUM perutilis necessariâque sit pisciû cognitio, & illa ex
corû differentijs pendeat, quæ qualésq; sint nunc recé-
re oportet, si prius admonuerimus differētiæ nomē hîc
latius patere, vt omne id quod aliud ab alio quoquo mo-
do differre facit, significet, siue id accidens sit, quod pos-
sit, vel non possit separari, siue proprium. Cû enim veræ differētiæ
maximèque propriæ paucissimæ sint & inuentu difficilimæ, in tanta
penuria, antiquorum Philosophorum exemplo ad alias nobis confu-
giendû fuit, quibus ita perspicuè & dilucidè res indicantur, vt earum
distinctio pernosci possit, etiam si differentijs maximè proprijs carea-
mus: nam vt scribit Arist. etiam accidentia ad cognoscendum quid
res sit, valde cōferunt. Piscium igitur, vt cæterorû animalîû differen-
tiæ à vita viuendique consuetudine, à partibus, ab actionibus, à mori-
bus omnino sumuntur, & his tanquam illustribus notis, omnium quæ
in aqua viuunt, animalium discrimina distinguemus. Hanc viam no-
bis indicauit Arist. & eâ animalium naturam est persequutus: eâdem
in plantarû historia describenda progressus est Theophrastus, eâdem
& nos in ea quæ mare continet penetrabimus, ab iisq; initijs profe-
cti totius nostri negotij & originem, & progressionem persequemur.
Piscis enim vniuersi generis nomen est, quo infinitæ diuersæque for-
mæ concluduntur: quod si eadem similium disciplina, cur non simi-
lis in omnibus erit inueniendi tradendique ratio? Similem ergo in
omnibus cursum teneamus, & ab eo quod primum in partitione po-
situm est, hoc est, à piscium vita illorum differentias inquiramus.

*Lib. i. de
Hist. Animal.
cap. i.*

*Lib. i. de
Hist. plant.
i. v. m.*

De differentijs quæ à piscium vita sumuntur.

CAPUT III.

PER SPICUA magis & lectori iucundior fiet se-
quens oratio, si quid sit *o sibi*, id est, piscium vita viu-
endique ratio, breuiter declarauerimus. Quam ergo pi-
scis aquæ partem siue regionem incolunt, locorum
constitutionem in quibus viuunt, alimenta quibus ve-
suntur & auferunt, denique omnia quæ singulorum naturæ vitæq;
tuendæ necessaria sunt, per piscium vitam, viuendique rationem hîc
intelligimus. Hac autem pisces à se differre oportere experientia ipsa
docet: pro diuersa enim maris natura, pro fluuiorû, lacuum, aliorûm-
que locorum varietate, etiam eadem piscium formæ temperamento
& succo plurimûm à sese discrepant: tantam verò in iisdem etiam for-
mis disparitatem, quò, nisi ad aquarum & alimentorum naturam re-

Tib. 5. de ferre debeamus, non video: cuius rei locupletissimus testis est Arist.
Hist. Anim. Quemadmodum, inquit, stirpium & quadrupedum animantium magna est pro locorum varietate differentia, cum ad omnem corporis commoditatem, tum maximè ad frequentiore coitum, generationemque: sic in piscibus locorum ratio causa est maximæ eorum differentia: non solum in magnitudine & optima nutritione, sed etiam in coitu & partu, ut idem alibi magis, alibi minus generent. Quamobrè solea, lupus, mullus, passer, rhombus, mugil, aliiq; multi in mari capti, succi saporisque gratia longè eis excellunt, quos stagna maris, aut fluviorum ostia aluerunt. Marinum mullum à lutario sic differre gustu ipso experiri licet, ut non minor inter hos quàm inter pratensem & montanam perdicem dissimilitudo comperiatur: sic lupi qui in fluminibus aut eorum ostijs degunt, ab ijs qui in alto natant tantoperè distant, ut etiam veteri ac perito piscatori diuersæ speciei esse videantur. Hanc differentiam Gal. diligenter annotauit. Mugil, ait, ex squamorum pisciū est genere, nasciturque non in mari modò, verum etiam in stagnis & fluuijs: proinde particulares mugiles magnum inter se discrimen habent, adeò ut pelagici mugilis genus diuersum esse videatur, ab eo quod in fluminibus, stagnis, lacubus, aut riuis vrbiū cloacas expurgantibus prouenit. Eorum sanè caro qui in aquis limosis ac sordidis degunt, excrementitia est admodum & mucosa: optima autem eorū qui in puro mari degunt, præcipuè cum ventorum procellis agitur. His aliquanto post subiungit. Fiunt nulli optimi ut ceteri omnes pisces, tum ob maris puritatem, tum ob alimentorum præstantiam: alioqui enim non insuaues solum, sed etiam ad concoquendum difficiles sunt, malique succi: Simile est ijs quod cecinit Horatius his versibus.

*Lib. 1. serm. 2.
Satyra 2.*

*Unde datum sentis, lupus, hic Tyberinus, an alto
Captus hiet, pontisne inter iactatus, an amnis
Ostia sub Tusci? & cætera.*

Lib. 8. cap. 16.

Extat & apud Columellam non illepidè dictum huic loco accommodatissimum. Cum ad Numidiū hospitem Cassini Philippus diuertisset, & sibi è vicino flumine lupum formosum appositum gustasset, exptuissetque, dixit, peream, ni piscem putari esse. Vsq; adeo à tyberino vel marino differre cognouit, ut illum nomine piscis indignum iudicaret. Verum his omisiss, si rationem ipsam intueri voles, verissima ista omnino esse comperies. Quem enim corporibus nostris aër ambiens vsus, eundem aqua piscibus præbet. Qui enim corpora nostra aër continet, ea nunc calida reddens, nunc frigida, aliàs humore superuacaneo perfundens, aliàs præter modum exsiccans, alijsque multis modis afficiens, variè commutare solet: sic piscium naturam, atque substantiam aqua similiter immutat, vndique circumfusa eos suo

suo humore imbuens, atque peruadens, ac intro alimenti & refrigerationis necessitate attracta, similem inuehens intemperaturæ suæ confititur ionem. Calidior siquidem aqua, aut frigidior, aut siccior (salva enim a facultate sicca dicitur) pisces suo temperamento similes cur non efficiet? Porro cum eiusmodi soleant esse corporum habitus, cuiusmodi sunt humorum quibus nutriuntur constitutiones, talesque in his succi generentur, qualia sunt alimenta quibus illa vescuntur, pisces qui pura temperataque enutriuntur aqua, temperata similiter & optima carne esse necesse est: contra qui in inquinatis, impuris, malæque temperatis aquis adolescunt, illos etiã pabuli vitia retinere oportet. Vtriusque modi, naturæque fluuius ladus spectaculum nobis præbet, in quo pisces non pauci nascuntur, specie formæque pares, carnis firmitate, succi præstantia longè dispares, hic ab infimis montium Cemeneorum radi dicibus oriens, primum leni tractu è fontibus labens, puro solo excipitur, nec torrentes incurrunt qui placide manantis aquæ alueum turbent: itaque incorruptus, idemque frigidissimus, & ubique fontibus suis similis primum fluit: illū deinde mox Monspelienfis ager excipit, hinc torrentium aquis, agrorum quos alluit humore crasso, sordibus, & eluuiæ cloacarum infectus priorem puritatem amittens, limosus & impurus, in stagnū fluit. Latere dictū. Ergo qui in eius fontibus, superioribusque locis aluntur pisces, fluminis integritatem, & puritatem feruant, hisque salubriores, & deliciores vix ulli habentur. At qui inferioribus in locis desederunt, ut pabulo inquinatiore sunt alti, sic carnis, saporisque gratia nulla præditi sunt, imò adeo insalubres, ut vescantibus non raro febres ex putredine generent. Non igitur mediocriter confert in piscium constituendis differentiis, quibus illi in locis degant, quibus cibis alantur, cognoscere, atque pro horum varietate, piscium quoque naturam variari manifestò liquet. Salmonem aquitanicū Plinius marinis omnibus præfert, amia byzantia, rhodia vulpecula, anguilla bæotica, ponticus mus, megaræsis thynnus, charistiæ manides, eretici pagri, maximè commendantur. At cur, si locus & pabulum nullum adferant emolumentum? Salpa quæ circa ebusum capitur, inter veterum delicias numeratur: sed obscœnus piscis alibi, & qui nusquam percoqui potest, inquit Plinius, nisi ferula verberetur. *Ibidem.* Luteriæ raia est in precio: itaque & ditiorum epulis comparatur. hanc Gallia Narbonensis spernit, nec in ea ferè quisquam est, qui huius usum iucundum habeat, aut sibi salubrem esse putet. Item cyprinos, lucios, tincas reliqua Gallia celebrat, & ijs libentiùs frequentiusque quàm alijs vescitur: At eosdem spernunt Narbonenses, damnant, ut vidimus, Romani, quorum omnium causam, pascuorum probitati & locorum constitutioni debemus tribuere.

Lib. 9. cap. 18.

Ibidem.

Aquam piscium locum esse proprium.

CAPUT IIII.




Genesios
cap. 1.

V M singula quæ cæli complexu coërcentur, effector omnium Deus crearet, quæ primum à se facta sunt, ea in operis reliqui materiam sibi delegit, vt cuique rei nouæ efficiendæ conuenirêt: pisces itaque geniturus, à se creatas prius aquas tanquam in societatem conuocauit, ab illisque operis materiam capiēs, aquatiliū animantium progeniem excitauit. Hoc Philosophorum literis mandatum est, & sacrarum literarum testimonio, cui fidem abrogare non licet, confirmatur. Iussit Deus, inquit Moses, vt aqua natatiles ederet animantes, & volucres quæ supra terrā per aërem volarent, creauitq; Deus ingentia cete, & omne genus fluitantium animalium, & alatarum volucrum, quæcunque ex aqua originem trahentia mouentur: quam rem cum videret esse bonam, benedixit ijs, his verbis, Fœtificate, multiplicamini, replete aquas in mari. Mira sanè potentia bonitatisque omnium rerum Creatoris: hac benedictione (vt sacræ scripturæ vocabulo vtat) vt aquæ sponte sua pisces producerent, effecit, idq; quod humani ingenij vim excedit, nulla seminis intercedente natura. Huius aquatiliū generationis primordijque rudimenta non rarò apparent, argumentum incomprehensæ potentia & diuinæ artis. Possum certè quod vidi verissimè scribere. Locus est inter Montempelium, Pezenatium & Berirras collibus vndique septus: hunc fons nullus irrigat, nullus fluuius, palus aut lacus alluit: denique in illum præter imbrem de cælo nullus humor influit, eum fortè pluuiæ paucis antè diebus quàm illac iter faceremus compleuerant, natura piscibus exornauerat, cyprinique inter alios plurimi apparebant. Hoc idem in Galliæ stagnis intueri licet, in quæ nulla vnquā principia aut semina multorum variorumq; piscium qui in his reperiuntur, sunt iniecta. At hæc constare quo modo possunt, nisi ex aqua sint geniti? nisi eadem piscium propria sedes, ac vitæ congruens sit domicilium? Hæc certè sententiæ nostræ plurimum suffragantur, & piscium proprium esse elementum aquam docent: illi aqua generati, eadem educati augetur, nec potiore cibo pasci, ocyus ad iustum incrementum perueniunt, in eadem commodissimè omne vitæ tempus transigunt, proli incumbunt, lusus, iocos, pugnasque frequenter exercent: & quod mirari liceat, domos priuatosque recessus deligunt, in quibus salubriter viuunt, aut si grauior vis alicunde inciderit, securi delitescant. Hinc vulgatum illud, quum eum qui prospera & integra valetudine fruatur, Pisce sanioresse dicimus. Quare propria piscium sedes est aqua: hinc nisi per vim non abdu

abducuntur, occidunt, etiam celeriter, si extra eam diutius retineantur. Quomodo enim à naturali elemento seclusi quieti consisterent? necessarioque natiui caloris pabulo, id est, aqua destituti, quomodo non extinguerentur?


A mari, lacubus, fluminibus piscium
differentias sumi.

C A P U T V.

 VM aqua cōueniens & commodus sit piscium locus, & veluti proprium elementum, eam ob causam inde varias piscium differentias sumpserunt Philosophi. Quos itaque mare continet, hos *θαλαττες* Græci, nos marinos dicimus. Quos fluuij, vt cyprinos, phoxinos, barbos, aliósque huiusmodi pepererunt: ab illis *ποταμιοι*, à nobis fluuiatiles appellantur. Qui in lacubus gignuntur, aut lacustrium aquarum pabulo magis gaudent, quales brama, carpiones, pigi, lauareti, vt vulgari verbo utar, à Græcis *λιμνίοι*, à nobis lacustres nominantur. His *τελματιες*, id est, palustres addemus: nam quò veriùs ranam & lutariã testudinem, quam *ἐμύδα* vocant, referemus? Hæc igitur & si qua alia memoria & literarum luce digna paludibus occuluntur, diligenter inquiremus, & in apertum proferemus. Ergo constitutis his quatuor summis differentiarum generibus, piscium omnium varietatem indagabimus, exordium à mari ducentes, à quo digressi stagna paludésque ingrediemur, ad flumina postremò venturi.

De differentijs quæ à mari sumuntur.

C A P U T VI.

 VOS vltro citroque mare gignit nutritque pisces, hi communi eodémque nomine marini nuncupantur. At quanuis iisdem principijs omnes geniti sint, eodem elemento semper contineantur, ab eadem natura alantur & augecant, plurimùm tamen sunt dissimiles locisque seiuncti: alios enim solitudo profundique maris recessus oblectant, alios fera immanisque natura huc & illuc agit, & ad vitam rapto quærendam concitat. Denique alij alijs oblectantur, quæ in tanta maris vastitate cùm innumerabilia sint, singulatim describi non possunt. Quid igitur? partiendum nobis est mare, & quemadmodum animalium quæ in terra degunt discrimina Philosophi à terræ partibus, sic nos marinorum piscium differentias à maris partibus cōstituemus. Quare sic mare vniuersum distribuemus, vt imis

imis & altissimis eius locis primum locum tribuamus: alterum, litoribus terrarum quæ vicinis aquis: tertium saxa alluentibus. Qui igitur in intimis profundisque recessibus degunt, litora continentique propiores vndas euitant, quales Thynni, amia, lamia, zygæna, galei omnes, raie, pastinacæ, glauci, erythrini, congri, pagri, scorpiones, aselli, alijque huiusmodi qui præda raptoque viuunt, hi primam differentiam efficient, à Græcis πελάγιοι, à nobis, in imo profundoque maris degentes nuncupabuntur. Qui muco eluuiique maris iisque purgamentis quæ in continentem vndarum fluctibus propelluntur, vitam sustinent, atque ideo litoribus terrarumque proximas sedes elegerunt ἀγία-λόςδε, id est, litorales appellantur: huiusmodi sunt canthari, scarabei à Gaza nominati, oculata, mugiles, mulli, gobij. Præter hos alij sunt qui meliori gaudet pabulo, & vt minus noxijs delicatioribusque alimentis vescuntur, ita alijs meliores salubriorisque habentur, hi musco, aliis que marinis herbis pascuntur, & eius rei gratia proxima saxis domicilia deligunt, & in illis puriora salubrioraque pascua carpentes confescent, quos πεζοφύους Greci, saxatiles Latini dicunt. Huius ordinis sunt scari, cynædi, turdi, merula, perca, exocæti.

De differentia piscium ex marinis stagnis sumpta.

CAPUT VII.



VENTORVM procellis agitato mari, & aquis decliuiores terræ partes subeuntibus complentibusque, stagna amplissima altissimæque, aliquando esse facta, satis probant veteres historiarum: idem etiam efferem te sese è suis sedibus maris vnda, patrum nostrorum memoria apud nos contigisse accepimus. Quin & maris aquas è proprijs finibus in latissimos campos iam maris magnitudine non contenta hominis deduxit industria. Cuius rei fidem faciunt in Gallia Narbonensi, maximè Monspelienfium agro stagna magnis operibus, ingentibus effosis alueis in amplissimos agros deriuata, speciem maris, stagnum esse non animaduertentibus, præbentia. Hæc innumerabilem piscium multitudinem continent, nec piscium copia varietateque à mari valde superantur: itaque in his totidem ferè piscium formæ degunt, quot pelagus à natura donatum est, aut certè in eis paucae species desiderantur. Quare in ijs soleæ, passeræ, rhombi, lupi, mormyri, gobiones, squillulæ, cancri, mytuli, pelorides, frequentissimè capiuntur: tamen vt verum fateamur, carnis firmitudine, succi bonitate, saporis suauitate, multò marinis inferiores, quæ
nota

nota maximè à marinis secernuntur, & λιμνοσταγνής, id est, in marinis stagnis degentes nominamus.

De piscium differentia ex lacubus paludibusque sumpta.

CAPUT VIII.

CV M marinorum piscium tribus generibus, quartum ex marinis stagnis sumptum proximo capite adiunxerimus, ipsa rerum nominisque affinitas, fluminibus tantisper relictis, ad dulces aquas stagnantes, quibus lacus paludésq; comprehendimus, diuertere nos cogit. Quemadmodum igitur stagna quædam mari extra littora diffuente, quædam hominum opera facta sunt, ita in decliuis, & inferiora loca ex montibus irruentes aquæ, in eisdemque asseruatæ, stagna, lacus paludésque replent, nonnulla inundant è fontibus & fluminibus sponte promanantes, interdum etiam hominum arte deriuatæ aquæ, horum plurima maximi sunt nominis in Gallia & Italia, sed illa potissimum celebrantur, quæ magna quædam flumina præterfluunt, aut ex quibus eadem ipsa oriuntur. Omnia piscium maxima varietate abundant, nec ijs accolæ marinos præstare putant: quibus quidam proprii sunt, quorum similes & eiusdem generis nulli in alijs stagnis reperiuntur. Lauaretum (sic incolæ vocant) solus Lemanus lacus alit, carpionem in Italia vnus Benacus profert. In alpium radicibus, Larius & Verbanus lacus tantum pigum nutriunt, cæteris lacubus insolentem. Plurimos tamen communes habent, quorum genus aliquod vix in vno fuerit, quod etiam in alio non reperiatur: hi magna ex parte sunt barbi, lucij, perca, cyprini, alijque innumeri qui à loco nomen, vt dictum est, sortiuntur: nam vel λιμνοῖς vel τελευθίοις dicuntur. Sed si quis miretur Cap. 5. lucios hîc inter lacustres, alibi verò à nobis inter fluuiatiles referri, intelligat pisces quosdam ancipitem agere vitam, id est, hoc loco, aquarum dissidentem contrariamque consecretari naturam, vt ijdē in fluuijs, lacubus, paludibus, vrbium arciumq; fossis reperiatur, nec minus hîc, quàm illic gratis pabulis fruuntur: huiusmodi sunt lucius, cyprinus, perca, brama, alijq; qui gulæ magis ventriq; dediti sunt, quàm esearum integritatem probitatēq; sectentur, nec omnibus sine discrimine fluuijs, aut lacubus delectantur, sed ijs potissimum qui suæ voluptati sunt accommodatiores: quamobrem, eos tantum fluuios, aut lacus, brama (exempli gratia) sectatur qui stagnorum naturam tranquillitatemq; imitantur: qui præcipiti ac rapido cursu torrentium modo ruunt, bramam non alunt, in placidis alioqui leniterq; fluentibus aquis frequentē. Etenim hæ pingues sunt, & saginandis piscibus mirificè accommodatæ. Brama-

rum delicias, & gratissima pascua, huiusmodi fluuios & lacus Gallia Belgica multos habet, in quibus frequenter capiuntur, & in Arari; quæ Lugduni lota dicitur, quam nonnulli mustellorū, alij gobionum generi ascribunt, de qua quid sentiam, dicam suo loco. In stagnis lacubusque tinæ, cyprinique capiuntur, non modò numero multitudinēq; celebres, verum etiam corporis proceritate insignes: cū enim mucō & sordibus vescantur, in iisq; locis degāt, quæ harum copiam permagnā suppeditent, necessariò fit, vt celeriter in magnam molem accrescant. Quæ cū ita sint, hi etiam pisces differentijs à locis in quibus viuunt, petitis distinguendi sunt. Quare qui in fluuijs geniti educatiq; fuerunt, *ποτάμιος*, qui in lacubus *λιμνώσι*, qui in paludibus *τελευαλις* cæterorum modo appellabūtur. Quoties igitur in piscium anticipis vitæ mentionem inciderimus, de quibus loquamur epitheton ostendet: nam si (verbi gratia) de lucio sit sermo, fluuiatilem vel lacustrem adiungemus. Hactenus de piscibus qui in dulcibus aquis stagnantibus degunt: iam de fluuiatilibus agendum.

De differentijs piscium à fluminibus sumptis.

CAPUT IX.

QUEMADMODVM marinorum piscium, eorūq; qui in aquis stagnātibus viuunt, ita fluuiatiliū quoq; plura sunt genera. Horū enim alij in fluuijs geniti, ibidem perpetuò viuunt, suisq; sedibus contenti, sua læti carpunt pabula, externa minimè conquirētes, alij in mari, marinisve stagnis procreati, sua fastidientes alimenta, vtpote quæ ingratiora sint, sedes mutant, & dulces amnium vndas subeunt: illic ciborum copia & suauitate deliniti, aquarum tranquillitate allekti, recessum amœnitate capti, reliquum vitæ tempus transigunt, pristini domesticij vitæq; planè immemores. Huius rei fidē facit, quod in fluuijs statis anni temporibus, eiusdem generis pisces semper capiuntur, alijs minimè. Porro alij sunt qui suorum etiam pertæsi, & iisdem, quibus superiores, amnium illecebris capti, mare deserunt, & in flumina sese insinuant, vt lampetræ, salmones, sturiones, alosæ. Sed hi à superioribus differunt, quod natalis soli nō omnino oblitī, vt profectiois, sic reuersionis certa stataq; habent tempora. Etenim maximè incunte vere domino exeūt, totam hanc anni partē in fluminū pascuis amœnissimè transacturi, æstate verò appetente, æstus & ardorem pertimescentes, humore dulci saginati, in suas sedes redeunt. Iam verò sunt etiam in fluminibus geniti (incredibile, ni fidem faceret experientia) qui suis aquis naturalibusque sedibus relictis, in terram prodeunt, quin & liberius & latius per campos expatiantur. Quemadmodum enim ex mari quidam exeunt in terram, vt marini mures, polypi, mure

murenæ:hinc,vt Plinius ait,miratur Arcadia exocœtum suum,appel- *Lib.9. cap.19.*
latû ab eo quòd in siccû somni causa exeat. Ita è fluuijs quum enata-
uerût quidam,in terra deerrant:hinc circa Babylonis rigua deceden-
tibus fluuijs, in cauernis hebetes aquas remanere, quosdâ exire ad pa-
scua pinnis gradientes crebrôque motu caudæ,& contra venantes re-
fugere in suas cauernas,& in ijs obuertos stare,& circa Heracleâ,Lyc-
amne decedente,ouis relictis,in limo generari pisces quosdam,qui ad
pabula petenda palpirent exiguis branchijs Theophrastus comme-
morat.Sed & anguilla huiusmodi esse censentur,vt quanquam in flu-
minibus generentur,nec earum præter dulces aquas vlla sint princi-
pia, amaros tamen lacus, paludésque sulphureas & alumen redolen-
tes ingrediantur,ibique relicto natali solo, eoque dulcissimo viuunt,
in fontes,puteos cisternásque illabûtur, stagna etiam marina frequen-
tant:in quibus (mirum dictu) libenter agunt, humorem salsum diu
sustinent, atque eodem non modo augefcunt, sed etiam saginantur.
Cotrâ in mare,à quo stagna illa profluxerût,rarissimè irrepût,in quod
semel ingressæ macie cõficiuntur, piscatorûmq; testimonio breui in-
tereût:nos inter saxa & arentia loca reciprocis decedentibûsq; flumi-
nibus relictas, aliquot dies vitam sustinuisse vidimus, nec parum diu
viuas,exemptas aquis piscatores nostri seruant,pro pabulo arenam sup-
peditantes. Easdem in Normania Gallia: prouincia extra aquas va-
gari affirmant,& serpentum more in sicco victum queritare.

De Piscibus qui extra aquas viuunt eorumque differentijs.

CAPUT X.



VONIAM Piscium qui extra aquas viuût, quorum
proximo capite meminimus, permagna est varietas,
non temerè me facturum existimaui, si perspicuitatis
gratia,quatuor summis differentiarum à loco sumpta-
rum generibus, hoc veluti quintum genus adderem.
nam quamuis huius generis alij ad marinos, alij ad fluuiatiles, alij ad
lacustres palustrésve referantur, quòd ex mari vel fluuijs, vel lacubus,
vel paludibus in terrâ egrediâtur, vel illorû reciprocis vndis in terra
relinquantur, vel in terra subterraneisq; locis viginosis & vuidis de-
gât: tamè illa tam multiplex & in tam minuta sectio potiùs quàm par-
titio, rerum confusione peperisset. Huc accedit, quòd contrariam ferè
ac valde dissentientem naturâ habeant, ab ijs quibus vel tantillo tem-
pore extra aquam citra præsens vitæ periculum viuere non licet. Pri-
mum igitur præter illa quæ superiore capite dicta sunt, ostendemus
multos esse huiusmodi pisces, qui libèter in terrâ secedant, in eaq; ver-

Lib. de Piscibus. 5^a Plinius Lib. 9. cap. 57

Lib. 34. Historiarum.

sentur ad tēpus: multos item qui sub terra reperiantur, quos ὄρυκτους Philosophi appellant, id est, fossiles. Aristoteles ipse multos pisces in terra viuere & effodi scripsit. Theophrastus quoque multos esse qui exeāt ad pabula circa Heracleam, Toronē & Lycum amnem. In ponto genus vnum esse, quod extremas fluminum oras sectetur cauernasque sibi faciat in terra, atque in ijs viuat reciprocis amnibus siccatolittore: effodi ergo, motu demum corporum viuere eos affirmant. Idem tradit in Paphlagonia effodi pisces gratissimos cibis terrenos altis scrobibus in ijs locis vbi nullæ restagnent aquæ, miraturque & ipse gigni sine coitu. His subscribit Polybius, qui narrat iuxta Narbonem agrum esse per quem feruntur fluuij Illeberis & Roscinus, in quo fossiles pisces reperiuntur solo macro, copioso gramine, sub quo terra arenosa est, ad duos & tres cubitos altitudine, fluuiatili aqua scaturiente, in qua pisces per cauernas subterraneas excurrunt. Idem experientia nostra frequens nobis persuadet. Nam in terra anguillas, ranas, aliosque pisciculos ibidem etiam generatos sæpenumero vidimus: & è terra defossas anguillas aliquoties spectauimus in villa Ioannis Scironij viri doctissimi Monspelienisque scholæ principis, in qua sophistarum barbarie Medicinā miserè conspurcatam suo nitori restituit. Huiusmodi verò pisces vitæ breuitate diurnitatēque distinguuntur: alij enim in terra diutius viuunt, alij difficilè magnaque molestia vitam trahentes celerius intereunt. Qui pulmonibus cæterisque, quibus aër in interiora subit, instrumentis à natura donati sunt, ij longiorè facilioremque in terra vitam ducunt, quòd liberiùs spirent conceptamque animā melius retineāt: ideòque illa vitali aura aquæ vice recreantur. Huius generis sunt vitulus marinus, crocodilus, cordylus, utraque testudo, marina scilicet & lutaria, rana, cæterique huiusmodi respirandi instrumentis præditi. Quibus etiam minùs hiantes sunt minùsque diductæ branchiæ, ijs longior vita concessa est: nam affatim non subit aër qui exiguum calorem opprimat & extinguat, & quum tantus, quantus calori natiuo reficiendo satis sit, sese insinuauerit, non facilè remeare potest. In his numerantur anguilla, murena, serpens marinus, exocetus, qui tamen branchijs carere existimatur. Contrà breuioris in terra vitæ sunt qui pulmonibus carent, quique patentes minùsque constrictas habent branchias: nam illi quidem in terra caloris natiui commoda refrigeratione recreationēque destituti ocylus exanimantur. hi verò aëris affatim irruentis copia oppressi protinus extinguuntur. Item quibus valde exiles angustæque sunt viæ, quibus aër intro subit, quòd instrumentorū incōmoditas satis succedere necessarij ad vitam producendam alimenti non patiatur. Istis piscibus extra aquam degentibus μαλακόδερμα quædam, hoc est, crusta intacta addemus: horum etiam alijs breuius, alijs longius vitæ curriculum natura


tura circumscripsit : in his sunt locustæ, astaci, quibus longior quàm squillis vita tradita est : diutiùs viuunt cancri minores & fluuiatiles, mæas verò & pagurus citiùs obeunt. His annumerari possunt quidam molles vt polypi, sepiæ, vrticæ. Item quædam *ὄστρακὸδερμα*, id est, silicium duritia tectæ, vt ostrea, mytuli, spondyli, purpuræ, cochleæ, chammæ, de quorum omnium respiratione suo loco dicitur. At dicet quispiam, quod nouum piscium genus hîc constituitur, cùm priùs sit ostensum aquam illorum proprium esse elementum, cuius vsura si careant, statim interituri sint. Viuunt quidem hæc omnia quæ commemorauimus aquis exempta, sed sine illis vitæ curriculum à natura datum conficere non possunt : quamobrem qui sponte aquas deferunt, aliquanto temporis interuallo in terra commorati in suas sedes remeant, vnde *ἀμφίβοιοι* dicuntur. Quòd si per vim in sicco diutiùs detineantur, familiari naturæ suæ, conuenienti ac necessario fomento destituti, moriuntur. Quorum etiam discrimen à mortis modo statui potest, alijs enim facilis placidæque mors contingit, id est, nulla ij vehementiore corporis agitatione motûque, vexati animam efflant : alijs contrà non sine acerbissimo sensu doloréque vita dissoluitur, cuiusmodi sunt quæ maiore, dum viuunt, membrorum contentione mouentur & incedunt, quorum corpora molis magnitudine tegmentorumque pondere premuntur, quibûsve artus sunt breues & imbecilli. Huius rei domesticum exemplum spectaculûmque referre possum. Marinam testudinem ingentis magnitudinis duos ferè menses alui, quæ in aqua ita expedite natabat, vt nullo modo ingressui sed solum natationi, nullo modo terræ, sed aquæ duntaxat natum animal diceres. Eadem in terra cum valido adhuc esset firmoque corpore, veluti mole corporis pressa, tegmentorumque oneri succumbens difficile mouebatur, nec sine magno corporis conatu, magnæque alarum palpiratione & verberatione, vt conuelli tota videretur, pastum capessabat : longiori verò quàm par esset tempore, natiuo solo pabulôque orbata tandem concidit : sed priùs aliquot dies vix animam trahens moribunda conspiciebatur, magnos interim ex imo corporis sonitus edens, ægrè vitam relinquentis acerbique doloris testimonia. Quare, quæ aquas egrediuntur, ad eas, vt recreentur ac reficiantur, non multò post redeant oportet : neque enim vt extra eas diutiùs viuant, fieri potest, quamuis in terra aliquantulum commodissimè versentur : neque verò fabulosum est aut monstri simile, quod de piscibus fossilibus Aristoteles & Theophrastus literis mādant : etiā si aquis exempti nulli diutiùs viuant. Etenim loca in quibus terreni isti pisces delitescunt, aut limosa sunt humoréque multo perfusa, aut velut per cuniculos ac terræ venulas subterlabentibus & errantibus aquis irrigata. Quare qui luto cœnôque gaudent, illic generati, aut in ea loca flumi-

num exundantibus ac refusis aquis depulsi, ibi terra humore multo diluta vel limosa aqua, serpentum more vitam sustinent. Huiusmodi sunt anguillæ, & ranæ vt paulò antè diximus. Huius pisciū vitæ ipsemet sum testis oculatus: nam marina intestina maximi digiti crassitudine in arena mihi visa sunt, quatuor ferè cubitum longitudine, humanorum intestinorum gracilium instar, quibus nulla erant similitudinis cum reliquis animantibus vestigia, nullæ notæ, nullæ lineæ, nulla membrorum lineamenta: denique totum corpus erat informe, sed intus arena plenum. Est & echinorum genus quoddam dentibus carens, oris intestinorumque situ à reliquis discrepans, quod arena sola viuere, eaque semper farctam habere testam comperitur. Capiunt quidem, vt diximus hæc cibum ex terra sed non sola, verum aqua perfusa. Quod si quis aliter existimauerit, fabulis & vanitati potius quam veritati credet, nec summorum philosophorum Aristotelis & Theophrasti historiam de piscibus fossilibus intelliget. Horum piscium alia rursus differentia constitui potest. Quidam enim luto cœnoque delectantur, ideo voluptatis explendæ causa è finibus suis egressi, loca cœnosa adeunt, hos cœnosos siue lutarios appellabimus: hinc Plinius

Lib. 9. cap. 17. lutarium mullum, & cœnosam salpam vocat, & Pelamydes Græcis dictæ sunt, *σαρὰ δ' ἐν τῷ πηλῷ μένει*, id est, quod in cœno se occultent. Quidam verò in litus exeunt, & arena sabuloque sese operiunt, illic aliquandiu victitantes, cuiusmodi est à Germanis *grundel* dictus quasi fundulus, istos omnes ab arena *σαμμίτας* nominabimus. Sunt & qui *φυκῶν*, id est, alga mirificè capiuntur, quam in litus proiectam magnopere persequuntur, ac in illa nidos fingere dicuntur, inde phycides dictæ: coracinus etiam gobioque piscatorum testimonio alga victitant, ac in eadem nidos construunt. Sed hæc quanquam propriè ad has differentias quæ ab alimentis sumuntur pertineant, tamen hinc ideo commemoranda fuerunt, quod ad hos cibos capessendos aquas relinquunt pisces, cuius naturæ omnes vno genere hinc complecti volumus. Sunt autem his plura alia piscium, quæ à locis sumi possunt discrimina, quæ diligens naturæ indagator poterit suo ingenio inuenire: nobis nunc ista enumerasse satis sit, iam ad alias differentias properandum.

De piscium differentijs ex alimentorum varietate.

C A P U T X I.



EXPLICATIS piscium differentijs à locis in quibus degunt petitis, superest eas quæ ab alimentis sumuntur tractare: hæc enim omnia piscium vita viuendique ratione contineri diximus. Quemadmodum igitur bestia terrenæ, gulæ voluptatisque causa varia

varia ciborum genera expetunt, vel naturæ suæ vel libidini accom-
 modatiora, ut cicutam sturni, helleborum coturnices, glandem sues,
 fœnum boues: Sic aquatiles quoque alijs atque alijs pabulis delectan-
 tur, & quæque vel magis sibi familiaria, vel gratiora, naturali im-
 petu persequuntur: algam cæterâsque marinas herbas saxatiles pi-
 sces, leporem marinum mulli, auratæ cochleas, loliginem murenæ,
 cucurbitam salpæ auidè consecretantur: denique omnia quæ in aquis
 degunt, suo quodam & peculiari pastu gaudent, quanquam vrgen-
 te fame omnia quidem in omne etiam alimenti genus feruntur ac
 promiscuè, si propria cupitâque defint, ad aliena depellendæ famis
 explendæque gulæ gratia ruunt. Quæ pabuli varietas sola in causa
 est, cur eiusdem etiam formæ generisque pisces, carne succo, sapore-
 que adeò differant, ut difficile sit nobis aliquando de ijs iudicium
 facere. Quare si qui promiscuè quouis alimenti genere utantur, nulla
 propria succi notâ ab alijs quæ sunt diuersi generis distinguuntur, sed
 pro varia multiplicique pabuli natura, alio atque alio sapore succo-
 que esse sensus ipse diiudicabit. Contrà verò, si cuiusque generis pi-
 sces ciborum delectum habeant, ut proprijs vescantur ab alienis ab-
 stineant, manifestis euidentiûsque notis ab alimentorum natura
 temperamentoque sumptis secernentur. Nam qui mucos vescuntur,
 substantia sunt glutinosa, ut anguillæ, tincæ fluuiatiles & palustres: Con-
 trà qui radices, herbas, aliâque sicciora temperatiorave pabula de-
 pascentur, quod omnes ferè saxatiles faciunt, non glutinosa, sed fria-
 bili duro mollique temperata carne præditi sunt, alij duriore sicciorè-
 que sunt carne quales sarcophagi: alij media quadam inter eos sub-
 stantia, ut lupus, asellus: alijque permulti meliorem ciborum delectu vti.
 Non desunt qui non solum prædura sunt carne sed viosum & tetrum
 aliquid redolent, quæ omnia alimentis accepta referre oportet: causæ
 enim extrinsecus occurrentes ut diuersorum & contrariorum sæpe
 sunt effectrices: sic maximè quæ intus sumuntur continuo appulsu
 adhæsiōneque: qualia ipsa sunt, talia efficiunt corpora quæ nutriunt.
 Idem perspicuè ostendit diuersa partium & interiorum viscerum
 compositio: nam ut viuendi genere, ita moribus differre lupum à mu-
 gile oris gulæque figura & conformatio docet. Mugili non carniū
 voraci, sed continentissimo & pisciū iustissimo natura os paruum sine
 dētibus tribuit, lupo verò hians vastumque, quod gulæ ventri-
 que deditus carnibus vescatur & rapto viuat. Ille paruum habet & gallinarū modo
 densum carnosumque ventriculum, quod mucos vel aqua solū vesca-
 tur: hic amplū & capace quicquid, etiā integros pisces voratos capere pos-
 sit. Postremo, varijs cibus delectari pisces etiā vulgò notū est, qui va-
 rias escas piscibus capiendis idoneas præparare solent, & hamatis pabu-
 lis vel ex imis latibulis euocant. Cuius rei, ego piscatus studiosissimus,

sæpe spectator fui ipsèque coniectis in aquam cibis ijs quos gratos esse arbiträrer, multos cepi. Extant & apud Constantinum Cæsarem compositarum escarum exempla multa, quibus pisces in siccum euocantur. Quæ cum ita sint, ab alimentorum varietate, natura, temperamento, nec pauciores, nec minùs insignes quàm à locorum varietate notæ & discrimina piscium constituentur, ex quibus non modò piscibus cognoscendis, sed etiam victus rationi rectè instituendæ, morbisque multis sanandis perutilia remedia sumuntur.

Quibus in vniuersum alimentis pisces vescantur,
quòdque aqua & ad refrigerandum &
ad nutriendum conferat.

CAPUT XII.



EXPONENDA deinceps mihi primùm videntur omnia, quibus pisces vescuntur alimenta: deinde pro eorum varietate piscium quoque variæ differentia. Sunt autem hæc in vniuersum, aqua, mucus, lutum, arena, caro, vermes, herbæ, radices, sterqus, terræ excrementa. Præter hæc, si quæ sint alia, facîle ad ista referri possunt. His autem ali pisces, præter peritorum piscatorum auctoritatem experientia ipsa confirmat: dissectis enim ipsorum corporibus, vel algam vel arenam, vel quid aliud ex ijs quæ prædicta sunt, in illorum visceribus reperias. Sed hæc omnia vt nutrire, non ita omnibus eundem vsum præbere possunt: ex illis enim aqua nò magis ad educationem, quàm ad corporis refrigerationem à natura est condonata: cum enim non solùm ex alimentorum substantia corporis materia molèsq; augeatur, sed etiam calor natiuus excitetur, incrementumque accipiat, necesse erat aliquid præter alimèta assumi, quod caloris vim accessiionemq; mitigaret, & velut ab incendio prohiberet. Quare qui carne, radicibus, herbis, aliisque solidis cibis vescuntur, ij aquam hauriunt refrigerandi magis quàm alendi corporis causa. Cuius rei certissimum est argumentum subitus aquæ per branchias exitus, cuius vsus gratia brachia ipsa piscibus sunt attributa: dum enim cibos hiant ore auidius vorant, fieri non potest quin liquidæ fluentisq; aquæ copia vnà cum cibis intrò subeat, sicq; ventriculi capacitatem repleat, vt necessarium alimentum capere non possit. Preterea fluctuaret in tanta humoris copia pabulum, & à sarcophagis deuoratos integros pisciculos in ventriculo natitare, & illic aliquādiu viuere nihil prohiberet: quibus incommodis solers natura prospexit. Nam vt branchias ad expulsiōnem cibū sequentis aquæ dedit, ita ne nimia aquæ copia inter mādendum subiret, vt vorarent, non vt manderent, effecit. Quidam tamen mandunt

mandunt, qui scilicet latiores internas maxillas habent, ut aurata, fargus, pagrus, scarus, qui ruminare comperitur. Ex ijs ergo efficitur eos pisces qui solidioribus cibis aluntur, unà cum his aquam haurire refrigerationis tantum & cibi facilius in ventrem deducendi non nutrimenti causa: eos verò qui aquam duntaxat hauriunt, ea etiam nutriri, unde pisces ψυχρόσοφοι à Græcis, id est, frigida siue aqua nutriti, non ut Calcagninus, vir alioqui eruditissimus, malè vertit aliosfi nominantur: aquam enim Græci ψυχρὸν à frigidityte summa quæ illi inest: Latini frigidam appellant. Quod cum plurimis veterum authorum exemplis constet, unicum ex Matthæo protulisse nobis hîc *Cap. 10.* satis fuerit, καὶ ὅς ἐστιν ποτήριον ἕνα τῶν μικρῶν τέλειων ποτήριον ψυχροῦ μόνος εἰς ὄνομα μαθητῆς, & cætera. Nemini autem mirum videri debet, si aqua sola nutriri pisces quosdam affirmemus, neque enim aqua nostra simplex syncerumque est elementum, sed compositam mistamque esse sensu ipso experimur: nam summam illam frigiditatem aquæ non inesse tactu, & hanc amaram illam salisam, aliam dulcem & puram, ut Dioscorides *Lib. 5. cap. 18.* ait, gustu percipimus. Etenim primum aër qua est subtilitate, omnia facile permeans & penetrans eam immutat: deinde terræ, per quam fluit eorumque quæ inde effodiuntur admistio eiusdem synceritatem viciat & corrumpit: postremò motu calorem concipit: ventis enim maria agitata sic tepefunt, ut in illis inclusum esse calorem manifestè sentias, atque etiam ex iugibus puteis aquam calidam trahi, & id maximè hybernis fieri temporibus videmus. Eidem etiam admistum esse calorem primum ipse liquor, tum aquæ declarat effusio, quæ neque congelaretur frigoribus, neque niue pruinaque concreveret, nisi eadè se, admisto calore liquefacta ac dilapsa diffunderet: itaque & aqui lonibus reliquisque frigoribus adiectis durefcit humor, & idem vicissim mollitur tepefactus & tabescit calore. Quæ omnia non simplicem, sed mistam compositamque esse aquam arguunt, rectèque Plato qui ignem, aërem, aquam, terram, materiam potius igneam, aëream, aquam, terream nominavit, quod neutiquam syncera impermistaque sint, sed horum quodlibet omnium aliorum sit particeps. Nam quod Gal. scripsit, neque epotam aquam, neque extrinsecus occurrentem *Comment. in Aphor. lib. 13. 4.* natura aptam esse ad solidas animalis partes humectandas: ideo nutrire non posse, id de corporis nostri aliorumque similium partibus intellexisse existimes, de piscibus nihil hîc cogitasse: huic enim tum ratio, tum experientia quotidiana manifestissimè repugnant. Si quidem humanum corpus solidius calidiusque est, quam ob causam ut alatur reficiaturque solidiore ac firmiore alimento indiget. At pisces in aqua geniti atque, principiorum suorum liquidam naturam retinentes, ad carnis partiumque reliquarum essentiam mollem reficiendam, aqua præsertim paulò crassior, & magis

permista satis nutrimenti potest suppeditare. Sed quid rationibus opus est, cum sensus verissimus iudex esse possit? Sunt in principum & diuitum domibus ex lapide exædificatæ & stratæ piscinæ, in quibus permulti diuersi etiam generis pisces aliquot mensibus sola aqua viuunt incolumes. Lutetiæ, Lugduni, & in magnis aliis urbibus quæ præsertim procul à mari absunt, pisces in nauculis perforatis inclusi necessariò aqua sola illic victitantes diu commodè asseruantur. In Gallia Narbonensi curiosi quidam in vasis vitreis aqua plenis diu nutriunt, certumque est quo purior fuerit aqua, eò diutius vitam producere, celeriter autè interire, si quid aliud præter aquam vt panem, aut aliud quippiam solidioris alimenti in vas coniecerint. Hoc modo suauissima coniux mea tres annos piscem domi aluit, sicque educatus in eam corporis molem accreuit, vt tandem nec vas eum capere, nec qua ingressus fuerat, eadem exire potuerit. Quòd si quis morosior his contentus non sit, consideret ostrea, mytilos, holoturia, lepades, mugiles, sardinas, aphyas. Vnde quæso, holoturia nisi ab aqua alimentum accipiunt, cum duo solum eaque perexigua foramina habeant, per quæ nihil prorsus alimenti, dempta aqua, intrò ad vitæ subsidium meare possit? Vno igitur necesse est ad alendū corpus aquam recipi: altero quod superuacaneum est expelli, quod etiam experientia docet: nam ex ipsis holoturijs manu compressis multa aqua per eos meatus exprimitur. Quid lepades saxis hærentes alimenti præter aquam possunt accipere? At forsitan animalia hæc non esse contentes, mugiles igitur, sardinas, aphyas cōtemplator, quos pisces esse nemo sanus negauerit. At omnium qui piscatum exercent testimonio, horum vitæ ratio sola aqua continetur. Quare tum ex istis, tum ex alijs quæ in progressu operis dicenda sunt, aquam non temere inter piscium alimenta annumeratam esse cuius perspicuum fore arbitror.

Quòd aqua maris nutriat, in eaque
dulcis aqua contineatur.

CAPUT XIII.



SE D ne fontium, fluuiorum, lacuum: denique dulces omnes aquæ solùm nutrire videantur, marina verò aqua minimè, quòd salis, amaris, acidis non nutriamur, sed solis dulcibus, vt medici loquuntur, non alienum à re proposita fuerit, nunc paucis de ea re differere. Ac primùm huic disputationi multum lucis accedet, si quid dulce significet, explicauerimus: nam hîc γλυκὺ καὶ ἡδὺ, id est, dulce & iucundū idem sunt, vt apertè ex Galeno colligitur. Dulce, inquit, duplex est. Vnum quod implet id quod vacuatum est, cuiusmodi est nutrimen-

*Iibr. 4. de sim-
plicium med.
facultatib.
cap. 10.*

rum: alterum quod medetur ei, quod mutationem aliquam acceperit, quod iam medicamentum est. Hac significatione mel & saccharum similiâque omnia quæ suavi illa qualitate & sapore gustum demulcent, eique grata sunt, dulcia dicuntur: Illâ, omnia quibus sensus capitur & delectatur, nec minus horum quàm illorum superiorum appulsu gaudet, similiter dulcia siue iucunda dicuntur, quæ etiam si à melle & saccharo aliisque huiusmodi dulcibus planè diuersa & contraria qualitate prædita sint, ea nihilominus dulcia & iucunda rectè nominantur, quæcunque saporis differentia temperata sint, modò ori palatòque probentur & placeant, tandèmq; nutrant: qua ratione helleborum coturnici, cicuta sturno, cichorium homini, & alia alijs animantibus dulcia erunt, cibique, quæ alijs essent valde noxia vel ingratissima. Item aqua quæ optima est nulliusque qualitatis particeps, est, vt Dioscoridis verbis utar, *καθαρὸς ἢ γλυκὺς*, id est, syncera & dulcis, & quod hoc loco Dioscorides *ὑδαρ γλυκὺ*, Paulus ægineta de eadem re loquens *ὑδὸν* vocat. Quare cùm innumera sint & diuersa cibi potioniisque genera, quibus quotidie tum substantiam corporis augemus, tum eam quæ fluxit & periit recuperamus, siue hac siue illa saporis suauitate & gratia prædita, siue etiam insignis qualitatis expertia sint, eaque omnia dulcia & iucunda appellarint medici: quid vetat aquam maris in eo numerari genere, habita piscium ratione qui cùm in ea generentur, alantur, commodissimè semper viuunt, necesse est illam suæ naturæ constitutionique sedem, locum, alimentum esse conueniens, aptum, familiare, denique dulce & iucundum. Quod si aliter res habeat, cur, cùm faciliè possint, mare non deserunt, & ad dulces aquas non confugiunt? At ex innumerabili piscium multitudine paucos admodum esse constat, qui fluuios subeant, quorum maior pars mare repetit statis temporibus. Quod autem Galenus scripsit nullû animal amaris nutriri, vnde in stagno bituminoso Syriæ palestinae nullum neque animal, neque plantam conspici, cùmque duo in id fluuij longè maximi cõfluant, pisciûmq; copia scatentes, maximè qui prope Ierichètem fluit Iordanis, nullum omnino piscium fluuiorum ostia excedere, ac si quis captos in stagnum conijciat, celeriter mori: id sententiæ nostræ non repugnat, quanuis falsa aridam exsiccantemque naturam habeant, cuiusmodi facultas cùm immodicè in amaris insit, ob id nutriendo corpori prorsus inepta esse existimantur: nam falsa maris aqua ab illa qualitatis asperitate siccitatèque eximia: & ideo ab amara multùm abest. Quocirca in illa pisces commodè viuere eadèmq; ali videmus. Adde quod in medijs vndis falsis permultus humor dulcis continetur admistusque est, quem pisces in alimentum familiare transmutant, quam ob causam frequentissimi in pontum migrare solent, & ibi pinguescere, quod ea maria dul-

Lib. 5. cap. 18.
Lib. 1. cap. 50.

Li. 4. de simp.
medi. facul.
cap. 20.

Libro 8. de
Hist. Anim.
cap. 2.

cibus aquis abundatissimè alluatur. Quòd si quis hoc ceu nouum admiretur in aqua salsa dulcem contineri, is naturæ rerum parum peritum sese prodit. Quare legat Aristotelem diligentissimum rerum indagatorem. Is in mari liquorem esse dulcem, ex aquæ transmissiōne ac percolatione docet: si enim ex cera vas tenue finxeris, idq; funiculo appensum in aquam demiseris, die ac nocte vna humoris dulcis copiam intra se colliget. Rursus nautæ, & qui arentia maris litora incolunt, aquarum dulcium copia destituti, puteis vix tres cubitos altis ad litus effosis, suauem dulcēque liquorem ex mari deducunt, qui per arenam transcolatus à salugine separatur. Præterea si quis ambigat, quī fieri possit, vt in salis aquis perpetuò natantes degentēque pisces humorem dulcem hauriant, veniant illi in mentem plantæ innumeræ, quæ non modo in litore sed in medijs fluctibus nascuntur, quas omnes sine humore augescere nemo sanæ mentis crediderit, quem & si trahant ex terra, tamen eum ab aqua quæ hanc terræ partē humectat irrigatq; prouenisse, fateri est necesse: qui humor succūsve si dulcis est, dulcis in mari aqua necessariò inerit, sin salus, aqua salsa, ex qua genitus tēperatūsq; est plantæ humor, nutriēdi vim attribuerē oportet. Quid ergo herbis, arboribus alijsq; maritimis omnibus aqua maris conueniens alimentum sufficiet supeditabitque, piscibus verò ex se generatis, quosque Græci *ψυχροδόξος* appellant, nullum suggerer? Meo quidam iudicio piscium generi natura nulla in re defuit, omnibūque ad vitam sustinendam necessarijs facultatibus donauit, quibus, quemadmodum reliqua animantia & plantæ alimentum attrahunt, & ex eo quod familiare est secernunt & assimilant, quod alienum & superuacaneum reiiciunt. Huic disputationi de aqua modum finēque faciam, si hoc vnicum adiecero, etiam solidas piscium partes aqua nutriri: nam si quæ fluunt manantque vt vinum, sanguis, lac, cæterique liquores, partibus solidis animalium formandis, nutriēdis, promouendis, producendisque materiam præbent, cur aqua piscibus non poterit? Cū præsertim ex alijs mistam minimēque simplicem & synceram esse, eaque ali pisces sit demonstratum: sed iam ultra progrediamur, & eandem ad duriorum etiam corporum compositionem & nutritionem deducemus. Ostrea, mytuli, chamæ, pectines, lepades, & vt breuiter dicam, omnia *ὀστρακόδερμα*, ex sola maris aqua natura fabricata est, eadēque sola vitam sustentant: faxis enim hærent, illicque infixæ, vagantium prædantiūque modo, non possunt aliunde sibi victū parare. Verū ne quis imperfecta esse animalia obijciat, anguillas proponam. Hæ nulla feminis intercedente natura, quod eo carere, nec etiam coire longa multorum obseruatio prodidit, ab aqua sola generantur eaque purissima, & quanuis inter cæteros pisces molli multoque humore diffuente carne consent, suis tamen spinis

olsibūque

ofibusque non carent, quarum perpaucae, ut scribit Aristoteles, & certis locis, limo edulisque cæteris, si quis apponat, vefcuntur, contrà verò plurimæ solo humore dulci pascuntur & augescunt. Quamobrem ut idem tradit, ij quibus viuaria anguillarum cūra sunt, diligenter dant operam, ut quàm maximè pura synceræque sit aqua affluens & effluens semper per ripas vbi viuaria extruunt: nam nisi aqua limpida sit, breui strangulatæ intereunt. Sunt autem anguillæ perfecta animalia, nec quisquam nisi rerum aquatiliū planè imperitus aliter existimauerit, nisi fortè Homerum secutus qui à piscium natura eos separauit. At sunt præter eas sardinæ, trichides, aphyæ, mugiles, *Lib. 8. de hist. anim. cap. 2.* ut suprà diximus, innumeriq; alij quos breuitatis gratia omitto, quos sola puræque aqua viuere, refici, augescere, ex eaque carnes ipforum, spinas, cartilagines, ossa constare, genita factæque esse experientia sensuumque testimonio est longè certissimum. Non aër subtiliore tenuioræque natura est quàm aqua? At sola aëris inspiratione aliquandiu quot viuunt animalia? quot hominum corpora eiusdem huiusmodi tanquam optimo pabulo recreata sunt? Astomos qui, ut scribit Plinius, halitu tantum viuunt, & solo odore quem naribus trahunt, *Lib. 7. cap. 3.* missos facio, fabulosum fortè hoc: tamen ab alijs qui Plinio longè vetustiores fuerunt, literis proditum est, vires in syncope & animi consternatione admotis odoratis maximè refici & instaurari. Romæ annos qua draginta sacrificum quendam sola aëris inspiratione vixisse, ex Leonis Pontificis maximi, & multorum principum custodia, & Hermolai Barbari historia fidèque certissimum est. Quæ nostra ætate aut patrum nostrorum memoria acciderunt libentius commemoro. Puellam annos tres in Gallia Narbonensi omnes audiui, vidimus multi, & Spiræ in Germania aliam extitisse accepimus, doctorumque & bonorum virorum literis proditum est annos multos, nullo præter aërem cibo potuque vitam salubriter traduxisse. Aliam etiam nos vidimus, quæ etiamnum hodie viuit, eodem victus genere ad decimum ætatis annum peruenisse, tandem grandem factam nupsisse, & felicem prolem sustulisse. Ergo aër solida firmæque corpora nutrire & reficere poterit, aqua verò longè crassiorum partium piscium solidas partes non nutrit? Sed nimium fortasse ab instituto digressi sumus. Quare ad rem redeamus, & quæ ab alimentorum ratione piscium differentiæ constitui possunt, deinceps inquiramus.

De differentijs piscium ex alimentis.

CAPVT XIII.



VM pisces alijs atque alijs alimentis vescantur, & pro
 eorum varia natura variam quoque & multiplicem
 corporis, temperamentique constitutionem & diffe-
 rentiam sortiantur, cumque horum alij promiscue &
 nullo delectu, in omne genus alimenti ruant, alij qua-
 naturæ suæ magis accommodata sunt, solum confectentur, alij quan-
 quam omnibus sine discrimine pascantur: tamē naturæ propria qua-
 dam vi quibusdam delectantur, quæ alij sine extrema perniciē ne at-
 tingere quidem ausint: inde tres præcipuæ differentiæ existent. Qui
 alga, stercore, carne cæterisque omnibus alimentis promiscue vescun-
 tur, vt nulli, lupi, cancri, omniāque *μαλακόσκρακα* dicuntur *παμφάγοι*.
 Qui vno alterove alimenti genere contenti sunt, viuuntque conti-
 nentiū, vt mugiles, sardinæ, aphyæ, trichides, alijque huiusmodi, *μο-
νόφαγοι* nominantur. Rursus horum aliæ sunt differentiæ à cibis qui
 singulis magis peculiare sunt sumptæ. Qui enim piscium carne
 (sic eorum substantiam Plinius, Paulus ægineta omnesque nomi-
 nant) tantum vescuntur, quales sunt teste Aristotele, cartilaginei
 congri, hiatulæ, alijque permulti, ij *Γεργοφάγοι* dicuntur: quanquam
 alij sunt à *μονοφάγοις* qui carne vescantur, vt *παμφάγοι* omnes, squamo-
 si omnes dempto mugile aliisque perpaucis, iisque maximē fluuiati-
 libus: cartilaginei tam plani quàm longi, item omnes qui osseum os
 dentēque habent, cetacei omnes, beluæ marinæ omnes. Balenam ta-
 men carne vesci quidam negant, quod in eius etiam recens captæ vi-
 sceribus præter mucum, aquam & spumam nihil reperiatur, quæ ratio
 mihi non omnino vana videtur: quamvis enim corporis molæ vasta
 sit, tamen quia optima temperatura à natura donata est, multorum
 hominum modo ocio pinguescentium, paucio cibo iners crassescit &
 faginatur. Sed cum incredibile videatur tantæ magnitudinis beluam
 tam tenui cibo augescere & sustineri, quid de ea re sentiam, suo loco
 dicam. Porro carnem esitant quidam molles, polypus, loligo, sepia,
 & *μαλακόσκρακα*, illi inquam, *Γεργοφάγοι* etiam dicuntur, sed minùs pro-
 priè, cum præter carnem omnia quoque alia depascantur, ex quibus
 quædam sunt etiam carne ijs gratiora. Quare in singulorum naturis
 intelligendis, vt distinctiū omnia tradantur, epitheto alij ab alijs se-
 parandi sunt, & ex *παμφάγοις* qui carne vescuntur, *παμφάγοι καὶ Γεργο-
 φάγοι* appellandi: sicut è *μονοφάγοις* ij qui carne solum aluntur *μονόφαγοι
 καὶ Γεργοφάγοι*. Præterea *μονοφάγων* alij *φυκῶ*, id est, alga, pascuntur, vt
 salpa, quare appellanda *μονόφαγος ἢ φυκοφάγος*. Eadem in cæteris o-
 mnibus seruabitur differentiarum & nominum ratio: Superest ter-
 tium

rium genus eorum, qui naturæ proprietate quadam alimentis quibusdam vtuntur, quibus, alijs sine detrimento vti non licet, hi ἰδιότροφοι nuncupabuntur: quòd si alijs omnibus etiam vescantur, vt nullus alga, carne, conchis, cœno, & quibus deterior redditur, cancellis, ἢ παμφάγοι, ἢ ἰδιότροφοι nominabuntur, si non omnibus, saltem multis, πᾶσι φάγοι καὶ ἰδιότροφοι. Ac sicut μονοφάγων à cibi genere quo vnico delectatur, variæ sunt differentiæ, sic ἰδιοτρόπων ab eo cibo quem peculiariter & vnice amant, & à quo alij omnes abstinent. Ex eo genere est nullus qui lepore marino venenato vesci salubriter solus creditur, quâquam scarum eodem vesci testis est Athenæus. Salpa cucurbitam sola au-
Lib. 8.



G V L I E L M I
 R O N D E L E T I I
 D E P I S C I B V S
 L I B E R II.,

De quibus piscium differentijs
 deinceps sit agendum.

C A P U T I.



QVOD diuersis in locis pisces commodè viuere soleant, quòd alia atque alia vtantur, vt etus ratione, tum quot qualésque & à locorum & ab alimentorum varietate inueniantur differentiæ, abundè satis à nobis primo libro est demonstratum. Quòd si quibus ad separatâ ab vniuersa tractatione, singulorû piscium descriptionē properantibus, tum hæc tum sequētia diffusius scripta esse videantur, ij cogitent quæso, me quæ à veteribus recentioribûsq; de piscibus tradita sunt, veluti syluam quandam hîc congerere noluisse, sed partim

ab alijs scripta, partim mihi longa experientia, dissectionibúque multis piscium cognita exploratáque *μεθοδικός* persecutú fuisse, vt non ijs modò piscibus qui à me particulatim explicabuntur, sed omnibus etiã alijs quibuscunque in regionibus aquisve illi reperiantur, faciliè cognoscendis & ad genus suum reuocandis, labor hic meus sit profuturus. Quæ sanè instituti mei ratio cogit me, quæ ad vniuersam piscium doctrinam necessaria sunt perscribere, eaque breuissimis, rationibus pro rerum natura confirmare, neque enim perpetuò certissima illa & potissima *ἀπὸ τοῦ λόγου*, sed sæpe exemplis, summorúmque authorum qui hoc in negotio feliciter versati sunt, autoritate vtimur, quod res aliter non ferat: nam non semper vniuersa, sed singula etiam tractamus, quorum scientiam non esse planè notum est omnibus. Huc accedit, quòd quæ hìc traduntur, cùm magna ex parte sensibus subiecta sint, nulla egeant demonstratione. Imbecillis enim ingenij est, inquit Aristoteles, demonstrationem eorum quærere, quæ sensus ipse docet. Sed vt eò, vnde digressa est, reuertatur oratio, de piscium differentijs quæ à partibus sumuntur deinceps est agendum, quas explicare constituimus, priusquã eas quæ ab actionibus moribúque inueniuntur, attingamus: perspicuam illà methodum sequuti qua quæ priora notioraque sunt, prius, quæ posteriora minúsq; nota posteriùs docentur. Cùm enim partes actionum causæ sint vel instrumenta, eas natura priores & notiores, ideòque priore loco exponendas esse merito existimamus.

Piscium partes multas & diuersas esse.

CAPUT II.



V' M vna eadèmq; particula varijs multiplicibúque actionibus obeundis satis esse non possit, sed ijs duntaxat quibus eius materia, figura, tota deniq; compositio à natura accommodata est, oportuit tum pisciũ tum cæterorum animantium corpora, permultis atq; inter se discrepantibus particulis constare, vt earum varietas actionibus varijs atque infinitis, vel ad viuendũ necessarijs, vel ad commodè viuendum perutilibus respondeat: neque enim eadem parte audire, videre, odorari, gustare pisces possunt, neq; eadem parte cibos conficere, & natare. Quare vniuersum corpus animæ instrumentũ ad naturales, vitales, animales functiones obeũdas, ex multis alijs organis partibúsq; cõponi necesse fuit. Quinetiam partes ipsæ totius compositionis minimè sunt expertes: ex alijs enim simplicibus ijsdèmq; diuersis particulis coalescunt. Porro ipsæ quoq; simplices (quæ quod sensui tales appareant sic appellantur) ex diuersis, scilicet ex quatuor humoribus tanquam proprijs elementis constant, quemadmodũ rursus ipsi

ipsi humores succique ex quatuor elementorum permissione suam naturam temperamentumque sortiuntur, necnon & ea quæ id comitantur, ut odor, saporem, colorem atque his similia. Verum quantitas, figura, numerus, situs comodus ad *μόρια ὀργανικά* (vulgò partes instrumentarias appellant) propriè referuntur, quorù particulae simplices ut os, cartilago nihil huiusmodi ex sese habent, sed illa pro natura & differentia organi quod constituunt, his insunt, nisi si quæ particulae sint simplices etiã dictæ, quæ quia solæ vel munere aliquo funguntur, vel utilitatem quandam adferunt, figuramque ac alia similia ex sese habeant, in organicis partibus habeantur, in quibus est aculeus & squama: quæ duo quanquam sensu simplicia esse diiudices, tamen hæc per se magno piscibus est vsui, ille figuram habet ad pungendum aptissimam. Sed ut res omnis dilucidior fiat, instrumentorum tres omnino classes describemus. Primæ classis erunt partes quæ simplices nominantur, ut arteriæ, venæ, ossa, cartilagines, vincula, membrana, aculei, squamæ. Secundæ quæ ex simplicibus, & ijs quæ primæ classis sunt, componuntur, ut cerebrum, oculus, pinna, cor, brachia, pulmones, hepar, splen, venter, intestina, uterus, testiculi, mentula, pedes, caput. Tertiã verò corpora ipsa continebit ex varijs organis contexta. Nam ut corpus humanum animæ hominis instrumentum. sic corpus delphini, animæ delphini instrumentum esse iure dicemus. His omnibus partibus simplicibus pisces à sese variè discrepare suis locis docebimus.

De communibus & proprijs piscium partibus.

CAPUT III.

PARTIVM illarum quæ multæ sunt & valde disparæ, ex quibus corporis piscium veluti fabrica constat, aliæ piscium propriæ sunt, aliæ cum cæteris animantibus communes, quippe oculos, dentes, os, ventriculum, intestina, hepar, fel, splenem, cum alijs animantibus habent communia: alijs verò multis, ut branchijs, pinnis, squamis, fistulis, vesicis, in ventre aëre plenis, appendicibus, spinis, lapidibus qui in cerebro sunt, à reliquis animantibus differunt: nam pisces soli branchijs respirant: præter eos nullum aliud animal, dempto crocodilo, qui tamen *τεμπύριος* est. Fistula in fronte vel in tergo in be-luis marinis tantum inuenitur, qua respirant, & aquam ore tractam reijciunt. Alis quidè volucres per aërem volant: pinnis autem nullum aliud animal aut volat, aut graditur præter pisces: vespertilio enim alas non pinnas habet, squamis integri serpentes videntur, at si propius inspicias, non squamis, sed tenui cortice potius opertos esse dixeris, unde Græci huiusmodi animalia unico vocabulo idque feliciter, ut

Lib. 1. de hist. animal. ca. 6. omnia *φοιδωλι* appellant, & *φολις* teste Aristotele, squamis similis est: aliquando rigidior & durior, vt in testudinibus & crocodilis: aliquando tenuior, vt in serpentibus & lacertis. Spinæ piscibus peculiæ sunt, neque in alio animantium genere reperiuntur, quæ carni ad eius stabilitatem affixæ sunt, pluresque in ijs qui in aqua dulci degunt, vt in alosis, herbis, cæterisque huiusmodi: multæ etiam in murenis reperiuntur, cuius rei causa explicabitur, cum ad partium declarationem ventum fuerit: non desunt tamen qui lacertos & serpentes spinas habere putent, multitudine ac tenuitate costarum decepti. Porro, circa ventriculum appendiculæ Græci *ἀποφυάδας* καὶ *ἐκφυάδας* vocant, non solis piscibus verum etiam auibus, quibusdam peculiæ sunt. Aues quidem subter & paucas habent, pisces supra & circa ventriculum, vt scriptum reliquit Aristot. Nos tamen subter magna ex parte piscibus inesse comperimus: alijs complures, vt lato, lacerto, coracino, scorpionio, gobioni, citharo, mullo, scaro: alijs paucas, vt hepato, glauco. Iam verò piscium propriū est lapides in capite habere: neque enim in vllis quadrupedibus nobis etiam diligenter perferutantibus contigit vidisse. Habent igitur lapides in capite lupi, mugiles, corui, coracini, vmbra, pagri, aurata, spari, hepato, omnesque ferè squamosi: ex planis solea siue buglossus, quorum neque naturā neque vsum perscripsit Aristoteles, sed solum annotauit omnes illos pisces quibus lapides insunt in capite, hyemem pertimescere, id tamen in paucis se obseruasse: nos verò formam, naturam, vsum suis locis docebimus. Hæc partes pisciū proprias annotasse satis sit, quarum postrema est vesica in ventre interdum vnica, interdum gemina aëre plena, maximè in fluuiatilibus naturæ prouidentia illic collocata, vel ne submergantur, vel potius vt in aqua suspensi facilius natent. Quæ cum ita sint, piscium alias quidem partes cum cæteris animantibus esse cōmunes, alias verò eorum duntaxat proprias, quibus tum à cæteris animantibus tum à sese differunt, arbitror esse perspicuum.

Alia partium diuisio quibus à sese pisces differunt.

CAPUT IIII.



Lib. 4. de hist. animal. cap. 2. PARTES eas quarum alias proprias, alias communes esse modo diximus: alia rursus diuisione distinguemus, vt alia eædem inter se sint, aliæ omnino diuersæ, aliæ alijs ad portionem respondentes. Eadem specie sunt partes dextræ ac sinistræ, similes sunt oculi pagri & rubellionis, cynedi & perca. Ad portionem alijs respondent, quæ neque eadē: neque eadē substantia aut structura, verum eundem vsum præbent. Cancrorum *χρλν* (forcipatum pedem vertit Gaza) manibus hominum pro portione respondet: vt enim manu cibos appre-

apprehendimus, iisdem corpus ab iniurijs tuemur, illatas propulsa-
mus: sic cancri, astaci chelis cibos apprehendunt, ac ori admovent, iis-
dem vel se defendunt, vel alios impetunt: at figura & cōpositione ma-
nui dissimiles sunt, imò planè contraria ratione constant: nam foris
osseæ vel lapideæ sunt, intus musculos habēt quibus mouētur, manus
contrà intus dura & ossea, foris mollis & carnosā, in quinque digitos
diuisa. Quare non huic sed rostro potius auium figura similes dici
possent. Sunt etiam squamæ piscium, & plumæ auium peræqua pro-
portione: nam, vt rectè scripsit Aristoteles, quod in auibus penna est,
id in piscibus est squama: & vt plumis obducitur auicularum corpus,
quò sint à caloribus & frigoribus tutiores (hyeme enim calefaciūt plu-
mæ, æstate corpori umbram præbēt) sic ad propulsandas iniurias mu-
niuntur frequentibus squamis piscium nonnulli: neque enim omnes
squamis integuntur, vt aues plumis, vnde quidā laues dicti. Sed vt squa-
mæ vsu, pennis auium respondent, ita his neque substantia, neque figu-
ra, sed hominū vnguibus potius similes esse dicas: quæ omnia de par-
uis plumis non de magnis quæ alis insunt, intelligi volo, volatui ma-
gis quàm iniurijs repellēdis accommodatis, quæ pinnis proportionē
respondebunt. Branchias neque substantia, neque compositionis mo-
do structuræque pulmonibus rectè compares, vsu verò sitūq; & utili-
tate perbellè: nam quemadmodū qui in aëre viuūt, illū ad spirituum
agitationem refrigerationēque intrò trahunt, calfactūque respi-
rant, sic branchijs aquam spiritūque aquæ permistū ad easdem uti-
litates vicissim trahunt redduntque pisces. Palatum carnosum est vi-
ce linguæ, percipiendorum saporum gratia: nam pisces omnes pa-
lato carnosio præditi nullam linguā videntur habere, nisi imperfectis-
simam, quod in cyprinis, bramīs, tincis obseruauimus. Ac vt summa-
tim dicā, partes omnes equa cū ijs portione esse dicuntur, quibus cum
eundē planè vsu sitūq; habent, cum parte, cuius officio fungūtur,
etiam substantia structuræq; valde dispares, vt palatū carnosum in ore
est, branchiæ circa cor, pinnæ ad latus vel sub ventre, chelæ prope os,
articulósq; habēt articulis cubiti similes: vt ad os flecti possint. Hactē-
nus de partibus ad portionem respondentibus, nunc de diuersis quæ
maximè sunt organica, figura, magnitudine, numero, situ, contrarijs
affectionum qualitibus odoris, saporis, coloris, agendi patiendiq; vi-
rum manifesta tum occulta, exuperantia defectūq; à se differētes.
Substantia quoq; dissident, quæ simplices dicuntur, quarum ratione
organica etiā substantia sunt dissimili. Quæ omnia in genere dixisse
mihi satis esse non videtur, nisi particulatim & ordine singula decla-
rentur: nam vt vniuersas quidem res prius nouisse oportet, tum quòd
ad rerū singularū cognitionē facilem præbeant aditū, tum quòd sine
illis intelligi nullo pacto possint, ita singularū notitia sic illustrantur

*Lib. i. de hist.
animal. cap. i.*

vniuersa vt illis omiſſis conſuſam, indiſtinctam, rudem imperfectam que rerum cognitionem tecum circumferas, niſi adhibitis ſingulis tete explices, euoluas atque confirmes. Quare nihil hîc temere congregere volui, ſed ita rem ſuſceptam tractare vt eius doctrina parari poſſit. Nunc igitur ad partium ſingularum differentias aggrediamur ab illis exorſi quæ ſubſtantia differunt: eſt enim hæc aliarum differentiarum veluti ſedes & fundamentum.

De piſcium ex ſubſtantia varietate differentijs.

CAPUT V.



SUBSTANTIA ſiue materia partes piſcium differre non ſolùm ſenſus arguit, ſed etiam ratio id neceſſariũ fuiſſe docet: nam quæ ſecti aut ab externis rebus affici debent, minimè ex terrea durâq; ſubſtantia, ſed molli conſtare oportet: ſentire enim eſt quodammodo pati, difficile verò patiuntur quæ dura & ſicca ſunt, cõtrâ facile quæ mollia & tenera. Quamobrem lingua partẽſq; omnes ſenſu aliquo præditæ, ex molliore aliqua nempe ex carnoſa vel neruoſa ſubſtantia conſtatæ ſunt: ex dura verò & ſicca quæ ad tutelam deſenſionẽque ac ſtabilitatẽ aliquam ſunt cõditæ, vt ſquamæ, aculei, ſpinæ, oſſa: nõ enim, vt prouerbio fertur, è quouis ligno fit Mercurius, ſequacẽque oportet eſſe materiã rei; faciendæ aptam. Pulmones à brâchijs, ſquamas à cruſta, vel oſſeo lapideoque tegumẽto, oſſa balenarum, delphinorum, teſtudinum, vitulorum marinorum à piſciculorũ ſpinis, & horum carnes ab illorum carnibus ſubſtantia differre quis non videt? Sic mollium, ſquamoſorum, cetaceorum, cruſta intectorum, ſaxatiliũ, ſubſtantiam aliam aque aliam eſſe nemo non dicet: nam exempli gratia, mollium vt polyporum ſubſtantia, mediam inter neruum & carnem naturã obtinet: eſt enim carne durior, neruo mollior, idque non ſine ſumma naturæ prouidentia, quippe cùm neq; ſquamas neq; ſpinas, neq; oſſa habeant, fluctuũ exagitatione ſubſtãtia eorum mollior diſſolueretur, & diſſoluta diſſueret, neq; durior tam bene ſecti in omnes partes poſſet: Contrâ ſaxatiliũ caro mollis teneraq; eſt. Proinde ex hac ſubſtãtiæ varietate quædã nomina piſcibus poſita ſunt. Dicuntur enim quidã Cartilaginei, & ὀσπρεα quaſi ὀστέα, id eſt oſſea. Sed præſtat tantam varietatẽ ſubſtantia ſiue carnis piſciũ in genera aliquot redigere, ſingulorũq; exempla ſubiungere. Eſt igitur piſcium quorundam ſubſtantia ſiccior duriõrque: contrâ nonnullorum mollis humorẽque multò diſfluens: inter has media eſt duro mollique temperata, ſiue quodammodo ad hanc tẽperantiam accedens. His ſuccedit quartũ genus eorũ qui carne ſunt μαθυρῶν, id eſt friabili. Aliud eorum qui

qui carnē tenacem & velut glutino compactā habent, id genus Gręcis γλίχρον dicitur, cum cello glutinosum dicemus: potest & esse aliquod inter ista medium. Postremò alia est piscium caro pinguis, alia ἀλιπαρίς, id est, nō pinguis siue macra: sic enim celsus. Duræ carnis sunt draco, cuculus, milvus, scorpis, corax, vranoscopus, hirūdo, trachurus, δρακόνδεσμα omnia, dēptis ostreis & mytulis, & mollia omnia, mollia inquam, si tegumēta tactūmq; spectes, si carnē, dura, polypi, sepiæ, loligines. Mollis carnis sunt, sparus, cantharus, aphyæ, trichides, mænæ: inter hos medij sunt lupi, coracini, auratæ, dentices, rubelliones, pagri, mylli. Friabili carne sunt saxatiles omnes. Glutinosa, oceani gallici pola, raia, congrus, ichthyocolla, quam Gallorū molluam esse putant: denique pisces omnes longi. Pingui carne sunt mugiles, macra, galei: neque enim adipem neq; seuum habent præterquā in hepate: quia cartilaginei sunt: ij enim vniuersi pingui carēt demptis, murena fluuiatili & sturione. Præterea non pinguescunt crusta intecti, neque molles. Hactenus explicatæ sunt substantiæ pisciū simplices differentia, ex quibus inter se colligatis atq; implicitis fiunt compositæ: nam pisces quidā sunt carne dura & fragili, vt rhombi, mulli: alij dura & glutinosa, vt buglossus: alij dura & pingui, vt thunni: alij dura & macra, vt galei: alij molli & fragili, vt saxatiles, & passeris: alij molli & glutinosa & pingui, vt anguillæ: alij molli & nō pingui, vt aphyæ, atherine. Neq; verò tanta substantiæ dissimilitudine solummodò pisces diuersi, sed etiā iidem à sese dissident, vt thunni qui ceruice, abdomine cōmēdantur atq; elidio, inquit Plinius, vilissima quæ caudæ proxima quia pingui carent. Eadē de causa glauci *πρόσολιν* tantopere laudarunt cupediarū studiosiores. Sed antequā hoc caput concludamus, alienum à proposito nō fuerit, de saxatiliū substantia ex Galeno & Athenæo pauca addere. Diximus ex Galeni sentētia saxatiles omnes molli fragiliq; esse carne: is enim lib. III. de aliment. facult. apertè scribit illis esse carnem *σκληρὰ πρὸς τὸν ὀστέον καὶ μαλακὰ πρὸς τὸν σπέρμα*, meritòq; in saxatilibus piscibus nullum esse inter eos, qui eiusdem sunt generis discrimen manifestum, vt qui perpetuò in purissimo mari degant, aquamq; dulcem & ex dulci marināq; mistam fugitent: Et nō multò post, saxatiles nec alimenta nec loca mutare, nec in dulcibus aquis viuere, ob eamq; causam perpetuò esse inculpato. Athenæus verò, qui saxatiles vocant, inquit, vt gobiones, scorpis, passeris, hisque similes corporibus sic cum suppeditant alimentum, augētque & nutriunt admodū, faciles sunt ad concoquendū, neq; excrementa multa, neq; flatus gignūt, qui bus mox subiungit. His simile est genus eorū qui *μαλακὸς σαρκοί*, id est, molli carne præditi sunt, vt turdi & merulæ & similes. sunt autē hi superioribus humidiores. Qui cū inter se pugnare prima specie videantur, minimè tamē disiūcta & cōtraria dici ab ijs estimabit qui nouerit,

lib. 9. cap. 15

lib. 2.

piscium quod saxatiliū vniuersē mollem fragilēque esse carnem, si eos cum alijs compares, quorum quidam molli sunt carne, sed glutinosa, alij minimē glutinosa, qua in re saxatilibus sunt similes, sed dura, in quo dissimiles. Verū saxatiliū ipsorum alios esse qui in saxis procul à litoribus delitescunt, alios qui degunt in saxis ad litora, illorum minū mollis sicciorque est substantia, horum mollior humidiorque, vt ait Athenæus: vnde *μαλαχοσάρκεις* Græci vocant, illi ad pelagiorum, hi ad litoralium naturam propiū accedunt. Ex his igitur perspicuum esse arbitror pisces esse in magna substantiæ disparitate, quæ partim ex prima natiuâque piscium constitutione, partim ex alimentorum varietate proficiscitur, de quibus libro primo satis abundē multa

De differentia piscium ex figura.

CAPUT VI.



QVEMADMODVM substantiam siue materiam partium variari necesse fuit, prout illas variē agere partique oportuit, vt proximē demonstratum fuit, ita diuersis partibus alia atque alia opus fuisse figura censendum est, quod instrumentorum actiones à figura potissimū dependeant, vel certē figura meliores deteriorēve reddantur. Ventriculus sphaerica figura constat, tum quod hæc omnium figurarum sit capacissima, tum quod difficilimē patiatur. Manus in quinque digitos diuisa est, eamque figuram nacta vt omnino rem complecti possit, meliūque apprehendat. Idem fanē de eorum piscium partibus, qui moribus & actionibus differunt, est iudicandum, pro quorum differentia varias natura figuras effinxit. Neque verò solū partes natura differunt, sed etiam diuersa est, diuersorum piscium totius corporis forma, ob varias partium ex quibus componuntur figuras, tum ad faciliorem rerum distinctionem, tum ad Dei optimi maximi potentiam nobis ob oculos ponendam, qui innumerabiles rerum formas speciēsque ex eadem prima substantia materiæ procreauit, & genuit. Vt lepus marinus à lolligine differt, sepia à polypo, locusta ab astaco, astacus à squilla, squilla à cancro, ostrea à spondylis, spondyli à mytulis, mytuli à chamis, chamæ à pectunculis, purpura à cochleis & buccinis. Quod si quæ sunt eiusdem generis, figura differre fecit, quanto magis quæ diuersorum sunt generum? Vnde alijs sphaericam figuram tribuit, vt orchis siue orbi, alijs stellæ, vnde & pisci nomen, alijs cunei vt mugili, alijs iugi, vnde *ζυγωνα* Latine libella. Iam *σφύρανα* à nostris piscatoribus & Italis *spetto*, Luna, xiphias, à veru, lunæ, gladij in rostro figura nomen inuenerunt. Denique *αὐλοῖς*, cucum

cucumeri, vuar, hippocāpo aliisque infinitis, à rerum terrestrium figuris nomina sunt posita, non magis quòd rerum varietate delectetur natura, quàm quòd earum distinctio nobis fuerit necessaria. Quid enim esset aliud inter nos quàm chaos quoddam & rerum omnium confusa congeries, nisi forma, colore aliisque huiusmodi internoscerentur? quo pacto lapides, herbae, pisces à sese discernerentur, si per omnia similes sibiipfis essent? ne illa quidem linguarum confusio in Babel tantum vnquam negotij exhibuit, quantum illa rerum omnium similitudo exhibuisset: nemo Platonem à Cicerone dignosceret, si huic ciceris nota, quæ in facie spectabatur, illi scapularum latitudo deesset. Solemus enim singulos homines, nasi, oculorum, superciliorum, menti, barbae, oris, aurium, capillorum, reliquarumque partium colore, figura, symmetria à sese distinguere: sic absinthium à lactuca, aconito, veratro, quis distingueret? Venenum proculdubio pro medicamento, & venenum pro alimento quotidie vsurparemus magno nostro malo. Vix possumus, quæ est mentis nostræ imbecillitas, res aliqua similitudine coniunctas discernere: quid futurum fuisse putamus, si omnes figura coloræque inter se conuenirent? Quæ cum ita sint non temere, sed summa cum prouidentia magnoque nostro com modo, natura pisces non solum viribus & probitate succi, sed etiam varia partium figura, varia item totius corporis mole, de qua mox dicemus, à sese disiunxit.

De piscium ex partium magnitudine differentia.

C A P U T VII.

RE C T E quidem maiores nostri magnitudine & exiguitate res multas distinxerunt, quæ figura aut alio quouis modo facile distingui posse non videbantur, magnitudinis autem differentiam *Βου* & *ἰππο* particulis expresse-
*ν*de *ἰπποσέλινον*, *ἰππομέγαθρον*, *Βελιμία*: neque verò eo inficias istis particulis quandoque non magnitudinem sed similitudinem significari, vt in Hippocampo, buphthalmo, buglosso: Hippocampus enim pisciculus cum sit digiti duntaxat magnitudine, ab insigni magnitudine dici non potuit: quanquam Marcellus Virgilius contra Dioscoridem & rei veritatem id scripserit. Neque etiam quæ magnitudine differunt, semper ijs particulis expressa sunt: nam pinnophylax ab alijs maioribus cancris sola magnitudine differt, astaco leo & elephas maiores sunt. Hæc quidem de totius corporis non partium magnitudine dicta sunt. Verum quæcunque magnitudine totius differunt, eadem partium quoque magnitudine differre est necesse: nihilo minus tamen in partibus quibusdam eam differentiam videre licet, vt in rostro, cuius longitudine sola dif-

*In Annotat.
in cap. 3. lib. 2.
Dioscorid.*

fert delphinus noster à marfuino vulgò nuncupato. item acus longissimum rostrum habet, lacertus breuiorem, sphyræna longum & acutum, lucius sphyrænae reliquo corporis habitu similis, rostro est breuiore & minus acuto: vulpeculæ marinæ altera caudæ pinna ad falcis magnitudinem accedit, quo nomine à maltha, acanthia, canicula, aliisque galeis differt. Cuculus, hirundo, lucerna à multis pinnarum magnitudine discrepant, ὀφθαλμία quæ à Gaza oculata dicitur, oculos maiores habet reliquis squamatis. Item hepatus ab alijs sui similibus oculorum magnitudine distinguitur: sed, hæc omnia clariores fient cùm de partibus sigillatim dicetur. Quare ad alias partium differentias properandum.

De partium differentia ex situ.

CAPUT VIII.

DIVERSORVM piscium partes quasdam figura, magnitudine, numero similes quidem esse, situ verò ita variari contingit, vt in his & in illis contrario sæpe modo positæ videantur. Atque vt à capite incipiam, id in animantibus magna ex parte superiorem vel anteriorem locum optimo iure occupat, vt pote quod cùm aliarum facultatum, tum diuinæ illius & immortalis quæ ἡγεμενικὴ dicitur in homine sit domicilium: in cæteris verò animantibus, illius facultatis sedes quæ sensum motumque toti corpori suppeditat. Multos tamen pisces videas, qui inter pedes & ventrem positum caput habeant, vt sunt polypi, loligines, sapia: caput illis ea in parte esse indicio sunt oculi, qui semper in capite siti sunt. In cancrorum genere caput ea in parte situm est, in qua pectus in respirantibus esse solet, vtrinque pedes lateribus hærent, quanquam Gal. lib. VIII. de vsu partium, cancris caput deesse affirmet: sed hoc verum non esse, argumeto sunt oculi, qui à cerebro per nervos opticos videndi vim accipiunt, quorum gratia caput factum esse eodem in loco ipsæmet contendit: quod si illis insint oculi, inerit & cerebrum, si cerebrum, caput quoque inesse necesse est: id enim caput appello quod cerebrum in se & sensuum instrumenta circa se contineat, neque cerebrum temerè à Græcis ἐγκέφαλον dictum crediderim, sed quod reuera semper in capite situm sit. Quemadmodum enim nares, aures, linguam, ita etiam oculos cerebro propinquos esse oportuit, ob magnam spirituum copiam sensibus illis efficiendis necessariam: quæ vt cõfestim suppeditari & transmitti posset, eos propius abesse ab origine voluit natura. Omnis enim sensus motusq; à cerebro tanquam à fonte deriuatur, neque est quod quisquam putet caput id genus pisces non habere, quod ceruice careant: ceruix enim non capitis, sed gulæ & asperæ arteriæ gratia instituta est: Sed

vt eo

vt eo redeamus vnde digressa est oratio, oculi ipsi situ quoque variāt: sunt enim quibus oculi supra caput cælum versus positi sunt, vt vranoscopo, in alijs ad latera magis spectāt. Sed de oculorum differentia suo loco fusiùs. Pinnæ situ differunt: in marinis enim ad partem superiorem vergunt, in fluuiatilibus magis ad ventrem. Fel quidam in hepate habent, vt squamosi & galei: in alijs, in intestinis situm est, vt in amia & pelamyde: in nonnullis in capite, vt in aphyis *ἐγκρασιχόλοις* ob id cognominatis. Cauda partē posteriorem, vt caput anteriorem occupans situ nonnihil differt: nam in mugile, lupo aliisque infinitis secundum spinæ longitudinem sita est, vt aquam findat, cuius ratione transuersa est, ita vt latitudine sua aquam tangat & verberet in delphinis ac balenis. Necnon aculei ad tuendum corpus à natura dati, dissident: alij enim in fronte habent, vt squilla, astacus: alij & in fronte & in toto corpore, vt locustæ, cancri marini: alij in ceruice, vt araneus, vranoscopus, cyaneus vulgò derbius: alij à ceruice ad caudam ferè, vt perca, aurata, sargus, thynnus: alij in thorace & branchijs, vt vranoscopus: alij in pinnis, sargus, cantharus, sparus, coruus, melanurus: alij in cauda tantum, qui propriè radius dicitur, vt pastinaca: alij in cauda & reliquo corpore, vt raia nonnullæ. Porro in omnibus linea à capite ad caudā ducta est, quæ in marinis magis ad dorsum vergit, in fluuiatilibus magis ad ventrem. Eadem in quibusdam recta planè est, in alijs obliqua. Iam verò vterus locum nactus est ad septum transuersum in ijs piscibus, qui intus concipiunt & ex ovo viuum pariunt, in alijs vt in squamosis inferiore in loco. Quinetiam in delphinis, vitulis, balenis mammarum situs alius est, ac in mulieribus quod in illis ad pudenda, in his in thorace locatæ sint: sed singula persequi nimis longum foret, cum in piscibus pauca sint partes quæ eundem seruent situm: nam pro corporis figura, actionibus, moribus, alium atque alium situm fortiuntur.

De piscium differentia ex numero partium.

C A P U T I X.



MVL T A S in piscibus partes esse quæ numero dissident cuius perspicuum esse potest: ideo breuiter hanc differentiam perstringemus. Branchiæ alijs sunt binæ, alijs quaternæ, alijs octonæ: earumque foramina varia sunt: nam in lampetris septena, in omnibus ferè galeis quina, in murenis & congris vnicum ex vtraque parte. Aculei in dorso eriguntur, in nonnullis duo, vt in acanthia & centrina: in alijs tres, vt in araneo pisce & vranoscopo: in alijs plures vt in mugile, aurata, perca, scaro, sargo, cantharo, radius in cauda pastina

cæ aliquādo est vnicus, interdum duo vel tres superadditi. Pinnæ alijs quibus duæ sunt, nonnullis quatuor, alijs plures, & quæ in dorso est, nonnūquam vnica eaque à capitis fine ad caudam continua est, vt in amijs & passeribus: in multis in tres pinnas diuiditur, vt in asellis & multis fluuiatilibus: interdum vnica est ad caudam, vt lampetræ, interdum vnica ad caput. Appendicum ventriculi etiam numerus in diuersis variatur: nam coracino sunt octo, plures trachuro, amijs, lacer-tis, quibusdam pauciores, vt cuculo, accipitri. Præterea viscerum ipsorum numerum varium esse dissectio ipsa docet. Nam qui per pulmones respirant, duos cordis sinus habent: qui per branchias, vnicum, vt rectissimè scripserit Gal. sinum cordis dextrum pulmonum gratia factum esse. Galeorum hepar ita diuisum est, vt nō vnus plures lobi, sed planè geminum esse videatur vtraque ex parte situm. Possem hīc plura de dentium aliarumque partium numero dicere, sed alio loco commodiūs explicabuntur.

De partium differentia, ex earum
exuperantia & defectu.

C A P V T X.

PARTIUM exuperantia defectusque ad earum numerum rectè quidem videtur referri posse: commodiūs tamen fore duximus, si hæc ita seiungeremus, vt numero partium piscis à pisce differat, cū eius quod vtrique commune est, huic plures insunt particulæ, illi pauciores: exuperantia verò defectūque cū vnā, pluresve partes hic habeat, quibus alter omnino careat, & contrā: neque enim pisces omnes partibus omnibus siue communibus siue proprijs constant, etiam si perfecti habeantur, vt delphinus & vitulus marinus partibus quibusdam præditi, quibus cæteri carent, fel non habent. Quare exuperantia defectūque pisces differunt earum partium, quæ vel ad commodiūs viuendum, vel ad ornatum, vel corporis tuendi causa à natura sunt comparatæ. Omnes crusta intecti, molles, ostrea, partes interiores indistinctas habent, si Aristoteli credimus. *οσπράκιδεσμα* oculis & auribus orba sunt. pulmones marini vulgò dicti, quos vernacula lingua *potes* appellamus, capite carent. Renibus & vesica carere permultos pisces, experientia ipsa docet: qui tamen pulmonibus respirant, renes habent, vesicam, testes & mentulam: ijs enim propter sanguinis copiam calidis admodum, pulmonibus opus fuit refrigerationis causa. Præterea eosdem ob eandem causam serosis excrementis abundare necesse est, quæ cū propter cutis duriciem expurgari non possint, neque in partes vllas absumi, natura nō renes duos, sed in vtraque

que parte propè infinitos racemi modo coglobatos donauit: ex quibus efficitur, vesica, testibus, & mentula simul donatos esse, quibus partibus squamosi, molles, alique infiniti pisces careant. Pinnis vacant murenæ, chelis squillæ, quibus astaci & cancri abundant. Squamis operiuntur permulti: contrà læues sunt, id est, sine squamis omnes cartilaginei, anguillæ, murenæ, lacerti magni & parui. Os pisces omnes, gulam non omnes habent. Quibusdam podex deest, ex quorum numero cancellum esse qui in purpurarum & cericum testis degit, quam Arist. sit author, tamen id falsum esse sensus ipse demonstrat. In Orpho seminis meatus non inueniri scribit Athenæus, caudam cancris non esse existimauit Aristoteles: rem tamè aliter habere suo loco docebimus, luna piscis in rotundam figuram desinens, nullam caudam habere videtur, sed duas tantum pinna, vnam superiorem alteram inferiorem caudæ vsum præbentes. In Galeis sunt qui aculeos habent, vt acanthias, centrina, alijs desunt. Rhomborum alij leues sunt, alij aculeati. Raiarum quarundam corpus multis aculeis est horridum, aliarum leue, nec nisi in cauda aculeis armatum: nullis alijs est barba, quos ob id barbatulos appellarunt Cicero & Varro, alijs deest. Quare his atque alijs piscibus infinitis quos persequi longioris esset operæ, natura tum ad varietatem, tum ad distinctionem diuersas partes tribuit.

*Lib. 4. de hist.
animal. cap.
4. lib. 7.
Lib. 4. de hist.
animal. c. 2.*

*In paradox.
lib. 2. de re
stica.*

De differentia piscium ex sapore.

CAPUT XI.

HACTENVS partium maximè earum quæ organica dicuntur, differentias multas exposuimus: nunc alię sunt recensendæ, quæ potissimum simplicium sunt partium, ex varia elementorum permistione ortæ, quarum prima hinc erit quæ à sapore sumitur, de quo minimè iudicium faciendum est ex ijs piscibus, qui ditiorum & principum mensis lautè atque exquisitè apparati conditiue apponuntur: cocorum enim opera ita variè miscentur ac temperantur ex aromatis, herbis, obsoniisque omnis generis, vt genuinum saporem odorèmq; nullo pacto retineant: nam quæ salsa ac nitrosa sunt, frequenti dulcis aque inter coquendum mutatione, mellis vel sacchari permistione fiunt dulcissima. Contrà ijs quæ insipida sunt naturâ, tantam salis copiam inspergunt, vt sapidissima reddantur: quæ acrimonia nulla linguam pungunt, palatūmq; irritant, cepa, porro, allio, omphacio, aceto ita condiunt, vt acria acidave sint. Isti igitur de piscium sapore ac odore sententiam rogandi non sunt, sed qui citra salem, acetum, oleum, butyrum apparatus pisces esitant, idque ad mare: longa enim vectura

succus eorum sapidior acriorque redditur: cuius rei causam aliàs trademus. Quare in aqua mediocriter elixi vel super craticulam affi edendi sunt, quod ex hoc apparatu ita non immutentur, quin odorem saporémque natiuum satis referant. Adhæc iisdem varijs temporibus degustandi sunt: nam pro temporum natura alius atque alius est eorundem sapor & odor, vt lampetra à partu dura est & insuavis, ante partum longè minùs. Et mugiles nulliq; lutum aliquando magis aliquando minus olent. Spectanda est etiam diligèter locorum cōditio, quoniam, vt lib. i. demonstraui, loci ratione meliores deterioresve pisces efficiuntur, vt lampetra marina amara est, in aqua dulci sanguinata, dulcis & minimè insuavis. Et Archestratus ille ὀψοδαΐδης quæ loca nō peragrauit, vt in singulis, optimis quibusq; selectis ac degustatis gulæ ventrique satisfeceret? His igitur diorismis vtendum esse non inutile fuit admonere, vt de piscium sapore odoréque syncerum iudicium fieri possit, quod ad meliores pisces deligendos, deteriores reiiciendos non parum habet momenti. Sapor igitur piscis proprius ille dicitur, qui in omnibus eiusdem generis eodem in loco degentibus percipitur. Sunt aliqui pisces sapore acri, vt thynni cauda, sardinæ caput, alij acri & pingui: alosa marina, thynni venter: alij amaro vt olothuria ætate, & mytuli. Amarissimos esse pisces ad Pelen insulam & ad Clazomenas Plinius refert: contrà ad scopulum Siciliae, ac Leptin Aphricæ, & Eubœam & Dyrrachium. Rursus ita falsos vt possint falsamenta existimari, circa cephaleniam, & Ampelon & Paron, & Deli petras: in portu eiusdem insulæ dulces, quam differentiam pabulo constare non est dubium. Dulces sunt squillulæ, & κυφὰι squillæ, cancri ἀνώνυμοι, pectunculi, chamæ magnæ, aselli, saxatiles ferè omnes. Insipidi pholis, passer fluuiatilis, & alij permulti. Salsi pectines, conchæ, locustæ, polypi, loligines, sepiæ. Nullos comperi acido aut austero esse sapore, quanquam Gal. lib. i i i. de aliment. facultatib. scribat λευκισκον τ' ἄλλα, μὲν ὁμοιον παρὰ τῷ κεφαλῷ, λευγότερον ὁ βραχὺ, καὶ τὴν κεφαλὴν ἔχειν μικρότερον, καὶ τὴν γέυσιν ὀξύτερον id est, Leuciscum in cæteris quidem omnibus mugili planè esse adsimilem, at paulò candidiorem, capite minore, & sapore magis acido, cùm contrà sapore sit magis insipido: quòd si quis acidus austerúsve sit, is proculdudio in aluminosis fluminibus, cæterisq; huiusmodi querendus est. Verùm & nos mugiles fluuiatiles ex Tyberi qui propter albulas aquas nōnihil aluminosus esse potest, degustauimus, & nihil acidi in eis percepimus. Quare locum Galeni corruptum esse iudicamus, & pro γλύσιν ὀξύτερον legendum censemus ὀξύρυγχότερον, & hanc germanam esse huius loci lectionē fusiùs aliàs sumus ostēsuri. Hæc omnia ferè de totius corporis sapore dicta sunt, nunc de partium sapore quædam subiungenda. In chamis circa μῆκωνα (papauer ad verbū exprimens dixit Gaza) partem aliquam

aliquam amaram sensu percipimus, quæ in medio est alba, dulcem. Si partes sapore non differunt, cur veteres, qui rerum quæ palato gratæ sunt peritissimi fuerunt, caput glauci, thûni epigastrium, clidium, lumboſ, ſcari viſcera, dorſum congrî, caput & hepar mulli, caudam mugilis cæteris partibus prætulerût? Cur ex cancris, locuſtis, anguillis, aliîſq; pluribus mares reiicimus, ſcæminas eligimus? Cur mugiles circa Setiû montē Gallia Narbonenſis, & maximè ea parte ſtagni, quod lingua noſtra *Tau* dicitur, captos tantoperè laudamus? Cur in ſtagno Prouincia quod *Martegue* appellât, piſces cæteris præſtâtiores? Cur antiqui anguillas Bœoticas, murè ponticû, thynnos Megarèſes, mœnides carſtias, pagros Ereticos, carabos ſcirios adeo celebrarunt, niſi ex ſaporis differentia & præſtantia huiuſmodi delectû piſciû feciſſent? Nos verò thynnorû carne veſcimur, à delphinorû carne abſtinemus, acâthias, caniculas, ſquatinas, malthas, libellas, & huiuſmodi cartilaginea ſaporis ingrati cauſa negligimus. Ex iſdē tamē cartilagineis lâpetras & ſturiones qui in aqua dulci aliquândiu vixerint, quod palato optimi iudicentur, in delicijs habemus. Sed de piſciû ſapore ſatis ſit hæc admonuiſſe.

De piſcium differentia ex odore.

CAPUT XII.



ODOR & ſapor ſeſe mutuò conſequûtur, atq; adeò inter ſe natura ſunt cõiuncti, vt in re inſipida nullus odor ineſſe poſſit, id quod ex pleriſq; brutis animâtibus homines odorandi ſagacitate ſuperantibus colligere licet, quæ nullû ferè cibum ore & dentibus capeſunt, niſi priûs naribus admouerint, & probaſint, nec quod odoratui iucundum fuerit reiſcere, quod iniucundum vorare ſoleant, vt ſimie, ſues, canes, equi. Verûm ſaporû quidem differentia propriâ, nobis ſunt perſpectiſſimâ, odorum verò minùs notâ. Cuius rei quânam cauſa ſit, curque animantes multâ odorandi vi hominibus præſtent, non abſurdum fuerit exponere, priuſquàm de piſciû odore quicquam dicamus. Tactu qui toto corpore equabiliter fuſus eſt, homo animalibus omnibus longè antecellit, quòd ad mediâ illam & exquisitâ temperationē corporis propiùs accedat. Cùm enim in medio ferè ſit omnis exceſſus, ideo omne exceſſum, qui ſub tactû cadit, percipere poteſt: nam energiâ omnis ſenſus organû, id eſſe nō poteſt: cuius percipiēdi gratia à natura eſt inſtitutum, ſed facultate tantûm, naturâque præparatum eſſe oportet ad ſimilitudinē rerum, quæ ſub ſenſum cadût. Ex quibus efficitur guſtatû quoq; qui tactus quidâ eſt, in homine eſſe exquisitû, vt qui omnes ſaporû qualitates lingua palatôq; percipiat, nō inſigniores modò manifeſtâſq; ſed & planè inſipidas, neq; ſolûm ſimplices & impermiſtas, verûm etiâ vel natura vel arte tēperatas, vt quæ dulcia ſimul

Lib. de sensu
& sensili.
Lib. 4. de sim-
pl. facult.

Lib. 2. de ani-
mal. cap. 5.

Lib. de odo-
ratu.
Lib. 2. de ani-
mal. cap. 9.

Lib. 5. c. 126.

Lib. 4. ca. 161.

Lib. 5. ca. 136.

amarâque sunt, quale agaricum esse creditur, quæ dulcia & acida, quæ dulcia, amara, & alstringentia, quale est rhabarbarum. Cur verò odores non similiter, sed insignes tantum propriè, & extremas earum differentias, quibus quid bene vel malè olere dicimus, cum tactus & gustatus in homine sint exquisitissimi, omniumque sensuum quasi sedes & fundamentum sit ipse tactus? Hoc ut apertius fiat, rem paulò altius repetamus. Odor, Aristoteli fumida est & ignea exhalatio, vel ut Gal. censet, eorum quæ sub odoratum cadunt ἀρωματίζεις, id est, vaporosa siue halituosa, si ita dicere liceat, substantia est, quod ea quæ à corporibus effluunt ambientī aëri primum permista, deinde per inspirationem naribus in cerebrum delata sensum moueant. Præterea ut modò diximus ex Galeni sententia lib. de odoratu, à natura præparatum esse oportet omnis sensus instrumentum ad similitudinem rerum quæ sub sensum cadunt, vel ut Aristot. ait, id quod sentit tale facultate est, quale id ipsum quod sensum mouet, est energiâ. Quare odoratus sedes & instrumentum, ut nunc omnes loquuntur, necesse est ut sit ἀρωματίζεις, id est, vaporī siue halitui simile Gal. aut hoc: talis enim est odorū substantia siue materia, vel ut scribit Arist. facultate siccum. Cum enim, inquit, odor sit sicci, vapor humidi, odorandi instrumentum tale erit facultate. Quæ cum ita sint, homines quorum cerebrum ex sese nativòque temperamento frigiditatem magnam habet cum magna humiditate coniunctam, ad odores apertè & exquisitè discernendos erunt ineptiores. Contrà, animalia quorum cerebrum ad calidiorem sicciorēque constitutionem vergit, longè magis odoratu valebunt, cuiusmodi sunt canes, præsertim venatici, qui ea odorandi sagacitate præditi sunt, ut etiam vestigia ferarum, & dominorum longo post intervallo persentiât. Quod si vel morbi, vel humidioris regionis, constitutionisve aëris causa, obtusior sint odoratu, cerebri temperiē humidiorē, sulphuris vsu corrigūt venatores. Item vultures eandē ob causam, auiibus omnibus odorandi vi præstare creduntur, & trecentis miliaribus ad cadauera Troiæ aduolasse. Hanc ob causam odoris differentia minùs nobis sunt cognitæ, & proinde nomina propria ijs posita nō sunt: saporibus verò quod gustatu præcellamus, minimè defunt, quæ per translationem odoribus accommodata sunt. Dicuntur enim odores acres, & dulces, austeri & acerbi, & pingues. Veruntamē qui rerum singularū naturā diligentius peruestigarūt, ijs non contenti, plura ex rerū aliarum similitudine mutuati sunt, quibus odorū differentias quā plurimas explicarent, ut Dioscoridi Ambrosia est τῇ ὀσμῇ ὀνωδύνης, id est, odore vinoso, & Narcissus τὸν βοτανώδη ἀποφορᾶν ἔχει, id est, herbaceum virus olet. Idem alcyoniū, ἰχθύος ὀσμή, id est, piscē olere, scribit: alia quædā odore esse moschi, denique multis alijs odorū translationis nominibus utitur, quæ fusiùs persequi, nostri non est instituti

tuti. Nunc ad pisces redeo, quos odore admodum differre negare possunt ij, qui assos tantum aut salitos, aut valde recentes edunt: nam assis omnes nihil aliud ferè quàm *εμπύρευμα* redolent, saliti garum & muriam, valde recentes pisculentum vel marinum quid. Quare qui odorem cuiusque nosse velit, tum fluuiatiles, tum marinos nulla arte apparatus, alio atq; alio tempore sæpe cōrectare, & naribus admouere nō recuset, nec Philosopho indignū existimet. Odoris igitur piscium generatim duæ sunt differentia: hic enim iucundus est, ille iniucundus. Porro iniucundi alius marinus est siue pisculentus, qui omnium piscium communis est, necnon eorum omnium quæ in mari gignuntur. Nam ambra ex se gratissimum odorem spirans, in litus eiecta marinum quid olet, quod tempore deponit. Alius ex eorum putredine ortus pessimus quidem & grauissimus. Sed quidam citius, quidam tardius putrescunt: fluuiatiles longè citius, ob dulcis aquæ maiorem humiditatem ob quam facilius putrent, qua de causa ferè viui scetent, mortui statim pessimè: prudentérq; in Gallia fuit institutum, vt nulli nisi viui vendantur. Tardius marinis putrescunt, ob falsuginem, ob quam etiam marinorum odor acris est & mordax: fluuiatilium verò odor huius acrimoniæ est expers. Adhæc iniucundum & ferinum quid redolent cetacei omnes. Grauis etiam odoris sunt cartilaginei, vt pastinaca, rana piscatrix, galei omnes, sturionis hepar. Vulpecula marina odorem vulpis terrestis, à qua nomen accepit, refert Athenæo Lib. 8: authore. Lepus marinus emittit odorem ingratissimum, quo nauseam mouet, abortum prouocat, pulmones lædit. Iam verò iucundi odores varij è piscibus exhalant: viola odorè refert qui vulgò *Esperlan* dicitur ab vnionum colore, quos *perles* appellamus. Aphyæ Græcorum simili odore sunt præditæ: Scari intestina, sal nuper cōcretum. Thymus piscis Ticini fluuij nobilissimi thymum redolet, moschū osmylus è polyporum genere, vnde à Græcorum vulgò *μοσχῆνος* dicitur, qua nota ab alijs polypis secernitur: est enim odor huic ita proprius, vt ablutus & siccatus eundem perpetuò retineat, modò non putrescat. Sunt & aliæ permultæ odorum in piscibus differentia parum nobis cognitæ, quibus omisiss sermonem ad eorum colores transfero.

De piscium differentia ex colore.

CAPUT XIII.



MNIUM rerum quæ sub aspectum veniunt, nullè perinde sentiuntur, magisq; ad rerum distinctionem faciunt quàm color & figura. Quare meritò piscium colores diligenter sunt obseruandi, vtpote qui ad horum cognitionem non parum conferant. Verum non colorum summa duntaxat, & pauca genera, sed species eorum tenere

Lib. 5. cap. III.

Lib. 5. ca. 104.

Lib. 9. cap. 15.

oportet: rursus harum in alia diuisiones quoniam ratione maioris minorisque diuiduæ sunt, & latissimè funduntur. Sunt enim album, flauum, cœruleum, viride, purpureum, puniceum, croceum, nigrum, fuscum, rufum, rubrum, liuidum, fuluum, aureum, luteum, glaucum, cæsum, & subalbum, subviride, subpallidum, subrufum subflauum, & exaturatū, purpureum, vel quoduis aliud. Sunt & colorum nomina ex rerum aliarum similitudine sumpta, vt sinopsis optima censetur Dioscoridi ἡπατιζουσα, id est, hepatis colorem referens, & Chrysocolla laudatissima τῇ χροῖα χαλκῶπως πασιζουσα, id est, viriditate porri exaturata: & Gal. bilis speciem ἰσατάδιη ἢ παρὰσοφδὴ ab isatidis & porri colore appellauit. Plinius scombros in aquis sulphureo colore esse scribit. Ad hæc non simplices modò sed etiam permisti quidam sunt colores, vt ex albo rubescens, ex albo palidus, ex rufo palidus, ex viridi flauescens. His & pluribus alijs colorum differentijs Dioscorides herbarum florumque discolorum varietates pulcherrimè notat, & oratione representat: iisdem nos in piscium veluti pictura exprimenda vtemur, non more Poëtarum Oratorumve, & aliorum qui vniuersè naturam rerum contemplantur: illi enim sæpe καὶ χρεητικῶς ea vsurpant, hi minutas differentias negligunt: sed Dioscoridis, Galeni, Plinij, aliorumque huiusmodi vestigijs insistemus, qui rerum singularum naturam diligentius sunt persecuti. Piscium igitur quidam albi sunt, vt quos vulgò Esperlans, & Cappellans appellamus, aphyia alba, atherina. λεύκισκος à candore carnis dictus est, flauus est qui nobis auriole dicitur. χρύσοπρος à supercilijs aureis nomen inuenit, luteus est cynædus, virides gobionum & turdorum aliqui, alij ex flauo virides qui χλωροί proprie dicuntur. Χλωρον enim neque viride, neque flauum significat, sed vel ex viridi flauescens, vel ex flauo virescens: qualis color visitur in malis medicis maturescere incipientibus, quorum pars vna vireat, altera flauescat, quæ inter has media, verè χλωρος est. hunc ipse facilè conficies, parua æruginis copia croco multo permista. Ex his colligere potes cur interpretes χλωρον modò viride, modò flauum conuerterint. Alij sunt turdi ex viridi cœrulæi, alij ex viridi nigri. A glauco colore Glaucus piscis cognominatus est, qui verè cœruleus vel cæsius est: quanquam apud Ciceronem hi colores differant qui cæsius oculos Mineruæ facit, cœruleos Neptuni, nisi qui minus cœrulei sint, eos propriè cæsius nomines, qui magis cœruleos glaucosque. aliter Vergilius vsurpasse videtur: cum glaucam salicem dixit, quod ex albo virescat. Galeus item cœruleus est, qui glaucus est Æliano, non is cuius pars anterior tantoperè commendatur, qui à nostris Derbuis dicitur, quod suo loco demonstrabimus. Sunt qui ex cœruleo virescunt, vt lacerti minores. Purpurei violacei sunt, turdi nonnulli, & anthias oppiani. Rubri sunt permulti,

multi, vt nulli tam barbati quàm qui barba carent, quos à mulleis calciamentorum genere cognominatos putant, vt is rubri coloris gradus in eis exprimeretur. Rubri etiam sunt lyra, piscis cataphra-ctus quem *malarma* dicimus, synagris, pagrus, erythrini siue ery-thrici à rubro colore nomen habent. Rubescunt ex cancris leo-nes nuncupati, & ferè omnes crusta inteçti cùm coçti fuerint. Sunt & multi nigro colore, vt is quem antipolis incolæ *more* appellant. elephas ex locustarum genere, coracinus ex sententia Oppiani, & eius enarratoris, quod *κόρον*, Græcis nigrum significet, vnde coraci-nus, & *κόραξ*, id est, coruus, & cocacina pix P alladio dicta, & Vi-truuiο coracinus color pro nigro: quanquam Athenæus libro se-ptimo cognominatum coracinum esse scribat, διὰ τὸ δλωκεῖς κόρας κινεῖν, id est, quod assidue pupillas moueat, apud quem Numenius coracinum *αἰολίον*, id est, vario colore, & Epicharmus alibi *αἰολίον*, alibi *κηροδέα*, id est, cerei coloris esse facit. Sunt enim eodem Athe-
Lib. 7.
 næο teste coracinorum plura genera in Nilo: nam quod idem li-bro octauo coracinum ex Nilo vnum nigrum, alterum album statuat, albus *κηροδής* dici non potest: ceræ enim color non albus sed luteus est, vt ex ipsiusmet Epicharmi verbis colligere licet, *μὲν, ἀλφεισταί τε, κο-ρακίνοι τε κηροδέες: ἀλφεισται* enim, id est, cynædi toti lutei sunt, si Plinio
Lib. 32. c. 11.
 Lib. 3. c. 134.
 Lib. 4. c. 122.
 credimus, & Athenæο scribenti *ἀλφειστας τὸ μὲν ὅλον κηροδέες εἶναι, πορφυ-ρίζοντες δὲ καὶ ἡναι μέρη*, id est, omnino cerei esse coloris alphestas, nisi quod quibusdam partibus in purpureum vergant. Hic verò non inu-tilē fuerit annotasse nigrum frequenter pro purpureo, vel cœruleo exa-turato accipi: sic Plinius elephantem è locustarum genere nigrum di-xit, qui ex cœruleo niger est. sic Dioscorides flores Cīrcææ nigros, qui purpurei exaturati sunt, contrā, violam purpuream, quam nos ni-gram dicimus. Est coloris indici turdorum species quædam, raia-rum, galeorum species aliæ sunt colore fusco, aliæ cinereo. Rursus animaduertendum est, cùm dicimus piscem hunc nigrum esse, illum rubrum, alium flauum, denique quouis alio colore depictum, id acci-piendum esse non de toto corpore, sed de eius maiore parte: nam scorpœna, verbi gratia, rubra quidem est, sed multis partibus nigre-scit: vix enim inuenias ex infinita piscium turba vnum aliquem qui vnus omnino sit coloris, sed eorum qui minus varij sunt, maximè illustris in eis color prædicatur: qui magis varij sunt æolij appellan-tur, quales potissimùm sunt saxatiles. Sunt tamen nonnulli varij, quibus ab vno colore nomen est inditum, vt auratæ ab aureis su-percilijs, cùm dorso sit cœruleo, branchijs purpureis. glauci ali-quot generibus, quæ suo loco exhibebimus, à glauco, id est, à cœru-leo dorsi colore, cùm alijs partibus minime sunt cœrulei coloris. Mul-lo à rubro colore dorsi & capitis, cum ventre sit albo, & aureas

lineas habeat. In ostracodermis varij spectantur colores : sunt enim quædam rubro colore, vt pectunculi, quædam nigro & albo, vt pectines, mytuli nigro, pinnæ species quædam perspicua est cornu similis : molles ferè omnes albi sunt, tamen polypus dum viuit, breui temporis momento multas colorum varietates representat: vticæ aliæ albae sunt, aliæ purpureæ, aliæ rubræ, aliæ cœruleæ, aliæ virides, aliæ variæ. Præterea ex colore, maris & fœminæ fit distinctio: murena varia est, myrus vnius coloris scilicet pini vel laricis: scorpium & scorpænam vulgus eiusdem generis esse existimat, eoque differre, quòd scorpæna ruffa sit siue rubra, scorpium niger. Verum tamen differentia hæc magis ad locum referenda est, quàm ad sexum : vt quæ scorpæna vulgò existimatur, sit scorpium pelagius rufus, siue ruber, vel etiam secundum Epicharmum ποικίλος, id est, varius. litoralis autem siue lutulentus, sit μελανίζων, id est, nigricans. Sepiæ mas varius magis quàm fœmina dorsoque est nigriore. In saxatilibus piscibus, fœminæ magis exaturatum colorem habent. Porro nonnulli pisces diuersis temporibus diuersis coloribus distinguuntur : nam mænæ & smarides hyeme candidæ, æstate nigriores fiunt, vel potiùs variæ, longis cœruleis, purpureis-que lineis depictæ. Mutat & colorem phycis reliquo tempore candida, vere varia. Postremò etiam interiores piscium partes colore discrepant. Est enim hepar in ijs qui pulmones habent, vt delphino, balena, phoca, sanguineo colore, in alijs vt squamosis colore minùs rubro, in alijs colore albo, vt in eo qui lota dicitur, mustella fluuiatili & marina, anthia albo, & in omnibus ferè albicantibus. Pastinacæ & cuiusdam raiaarum speciei hepar croceo est colore, Galeis magna ex parte cinerei est coloris : solen quoque in diuersis magis minùsve rubet, in multis nigricat, vt in scaro & cæteris. Item fel varium est. Vranoscopus plurimum fellis habet, quod consistentia & colore oleum refert. Hirundinis & Galeorum multorum fel porri est colore : scaro fel vt splenem nigrum

Lib. 7.

tribuit Athæneus ex Aristotele: permultis fel est flauum. Oua etiam colore sunt disparia, nonnullis vt squamosis ferè omnibus sunt alba, hirundinis oua coralli colorem imitantur, similiter & cancrorum aliorumque crusta intestorum. Oua etiam Hippocampi rubescunt. Palatum in omnibus album est, præterquàm quod in hirundine quæ rubrum habet.

De piscium ἰσχυρίαι.

CAPUT XIIII.


PISCIVM diuersæ sunt & mirabiles ἰσχυρίαι, id est, propriæ & oculæ quædam vires facultatésque. Torpedini tanta stupefaciendi vis inest, vt non solum se tangentibus, sed etiam hamo capta per ferrum, setam & arundinem in piscatorem sui torporis naturam transferat, quod à Platone, Aristotele, Galeno, Athenæo, Æliano literis consignatum est, & à me experientia comprobatum. Illa singulari torporem inducendi facultate pisces quos in escam appetit, retardat, atque ijs vescitur, frequentérque mugiles parui, qui reliquos celeritate præuertunt, hac arte capti & deuorati in eius ventriculo comperiuntur. Eadem, Dioscoride authore, diuturnis capitis doloribus admota, cruciatus vehementiam mulcet, & apposita sedem euersam procidentémque coërcet. Eandem Paulus Ægineta viuam in oleo decoqui iubet, ad articulorum dolores mitigandos. Quid mirabilius esse potest, quàm quod de remora fertur, quam naues velis remisque concitatas, ac veluti volantes remorari multi sunt experti? Eandem ad iudiciorum causas & amatoria veneficia valere aiunt. Ab Hippocampo Hydrophobiam induci scripsit Ælianus, quam antipathia quadam prohibet cancerorum fluuiatilium cinis, maximè si ex morfu canis rabidi contracta fuerit. Pulmones marini vulgò *potes* à nobis dicti oculos lædunt: qui verò à priscis propriè pulmones marini sunt dicti, podagris, pernionibus, aliisque morbis sanandis conferunt. Stella quicquid contingit vrere creditur, tantæque concoquendi vi prædita est, vt cochleas integras cum testis deuoret & comminuat. Sunt & partium quarundam propriæ & eximie vires. Caput mænidum & Smaridum valet ad callosos sedis rimas. Draconis marini & scorpij aculei venenati sunt. Pastinacæ radio nihil in mari pestilentius est, lenit tamen dentium dolores, eos frangit ac excutit. Lepus marinus per se, vel cum vrtica marina depilat. Sunt & quædam contraria prorsus facultate prædita, vt iecur pastinacæ suo veneno resistit. Mulli caro & cancer marinus, lepori marino tota, vt aiunt, substantia aduersantur. Sunt & aliæ permultæ huiusmodi propriæ facultates, vel lædendi vel iuuandi corporis nostri, vel aliarum rerum efficiendarum, quas, persequi nimis prolixum foret. Quare hæcenus de piscium differentijs ex ipsorum partibus hæc sint dicta. Nunc superest easdem partes distinctè enucleatèque explicare, quod proximo libro faciendum erit.



G V L I E L M I
R O N D E L E T I I
D E P I S C I B V S
L I B E R I I I.

De singulis partibus piscium, eorúmque differentiis esse agendum, & primum de Capite.

C A P U T I.



R O X I M O libro piscium differentias ex substantia, partium figura, magnitudine, situ, numero, exuperantia defectuque, atque alijs quæ hæc consequuntur petitis, satis dilucidè arbitror nos exposuisse, & apposis exēplis illustrasse. Hoc verò tertio singulas partes & exteriores, & interiores pertractabimus, cūmque de harum differentiis generatim atque vniuersè antea dictum sit: nunc quænam earum differentiarum quibus partibus competant, singulatim explicabimus, quæ omnia simul eodem libro tradi potuisse non diffitemur, sed illas partium differentias varias, ab hac earundem partium ampliore expositione ideo sciunximus, tum ne secundus liber in nimiam molem excresceret, tum ne ex tot rerum coniuncta tractatione confusio sequeretur. Postremò vt mihi superesset maior campus, in quo paulò liberius vagari, & fusiùs piscium partes enarrare possem, quod nullæ notæ perinde faciant ad promptam piscium cognitionem, ac partium ipsarum quibus constant, exquisita distinctio: nec est quod mireris quædam quæ superiore libro dicta sunt, hoc repeti: illic enim exempli tantum gratia ea citata fuerunt: hîc verò ita declarantur, vt singulas particulas sint omnes intellecturi, & in dissectionibus, inuenturi. A capite autem eiusque partibus ordiemur, ex quibus pisces potissimum agnoscimus discernimusque, non aliter quàm Physiognomones, qui se profitentur hominum mores naturasque, ex oculis, vultu, fronte pernoscere. Caput autem id vocamus quod cerebrum continet, & in quo sensus omnes (dempto tactu qui toto corpore æquabiliter fusus est) interpretes & nūcij rerū, tanquam in arce mirificè ad vsus necessarios collocati sunt, à quo etiā motus in vniuersum corpus veluti à fonte deriuatur. Huius varietas in magnitudine & exiguitate
in figu

in figura, partium quarundam numero, exuperantia defectūque, colore, situ, substantia consistit. Magnitudo exiguitasque in diuersi generis piscibus manifesta est, quæ etiam in ijs qui eiusdem sunt generis reperitur. Ex cartilagineis rana piscatrix capite est maximo, similiter vranoscopus pro corporis magnitudine. Eadem capitis differentia mugilum species à sese distinguuntur: qui κεφαλος dicitur, capitis magnitudine alios superat, est & capite rotundo: μύξος capite quidem magno est, sed longiore: κερδός minori est capite atq; ὀξύρυγχος: χελών quem Gaza labeonem vertit, capite quidem magno est, sed nō rotundo, vt κεφαλος. Ab iisdem lupi capite discernuntur: sunt enim hi capite quidem magno primum rotundo, deinde in acutum desinente: mugiles verò cunei formam magis referunt. Ex mullis qui barbatus est, capite est minore, depresso, minus quadrato: non barbatus magno, quodammodo quadrato, qua parte hirundini magis similis est, quàm barbatus, quanquam eadem parte alia ratione hirundo à non barbato nullo differat, quòd hæc capite sit osseo, lato, quadrato, & in aculeos quatuor desinente. Lyra vulgò gronant à Naliciassitudine dictus à Prouinciæ incolis furcat, capitis magnitudine hirundinem superat, etsi non duritie saltem eiusdem asperitate, duabusque promuscidibus quibus lyræ antiquæ cornua refert. Ὀλόστος verò malarmat vulgò promuscides quidem habet, sed longiores, & capite est minore. Cuculus, lucerna, corax, atque id genus pisces, capitis magnitudine & quadrati forma, tum ab alijs, tum à sese distant. Anguillas nostri, capitis magnitudine, figuræque rostri distingunt: mares, qui capite sunt maiore, rostroque obtusiore, marguegnons: fœminas verò, quæ capite minore acutioræque rostro sunt, anguilles fines vocant: crangones & gibbæ squillæ, ab alijs squillis & squillulis cornu differunt: illis enim è medio capitis cornu acutum & ferratum prominet, quo lupos aliosque pisces deuorata interimunt, vt eleganter cecinit Oppianus.

Ὀλλύμηναι δ' ὀλέκεσσι, καὶ οὖς ἀέφρασι φονήας. id est.

Occisa occidunt hostem, perimuntque necantem.


Alijs squillis & squillulis id cornu omnino deest. cantharus, auratæ capitis figura, superciliorumque colore dissimilis: ille enim capite est depresso & ferè in acutum desinente, supercilijsque ex rubro nigrescentibus: hæc capite magis rotundo, aureisque supercilijs, cui sparus alioqui valde similis est, nisi quod capite sit magis depresso, supercilijsque minus tumentibus & ex flauo virescentibus. Quanquam verò caput in omnibus animantibus ferè, superiorem & anteriore partem occupet: tamen in sepia, polypo, loligine inter pedes & aluum situm est: in cancrorum genere qua parte in cæteris animantibus petus est, vtrinque sunt chelæ brachiorum vice. Quæ causa fuit, cur Galenus cancris capite carere scripserit, cuius opinionem lib. secundo

reieciamus. Quare dicemus quibusdam caput esse exertū, vt squamosis, astacis, locustis: alijs minimè, vt cancerorum generi: alijs, vt omni ostreorum generi, indiscretum, vt & reliquas omnes interiores partes, cuiusmodi etiam sunt naturæ, vrticæ, echini, stellæ: Quæ tamen omnia cerebro, vel eo quod ei proportionem respondeat, carere nemo existimet. Ostrea enim claudunt & aperiunt testas, & contacta sese contrahunt. Echini aculeos mouent, usq; gradiuntur. Hinc eximere le pades possumus, quibus exertum & discretū esse caput dixeris. Præterea cum caput ad cerebri quod cōtinet tutelā duro integumento constare debeat: alijs est cartilagineū, vt cartilagineorū generi: alijs osseū, vt delphinis, balenis, orcis, physterilus, vitulis marinis: alijs media inter os & cartilaginem substantia, vt squamosis, eaque aliquādo magis, aliquādo minus dura, nonnullis cerebrū carne tantū sed duriore operitur, vt sepijs, loliginibus, leporibus marinis. Ostreorum generi cutis eadem, & cerebro & toti corpori cōtegendo cōmunis est. Rursus nonnullis horū quibus osseum est cerebri integumentum, id cute, adipe, pilis munitur, vt in vitulo marino: in alijs cute glabra, & adipe multo, vt in delphinis, balenis, pistri: in alijs tenui pelle, vt in murenis, anguillis: in alijs nulla planè præterquā testē modò duro integumento, vt in hirundine & testudine. Ceterū capitis & quarundam capitis partium, vt oculorum, linguæ, aurium, narium numerus in omnibus semper est idem: quarundam, vt dentium, promuscidum, barbæ in diuersis piscibus diuersus est, de quibus deinceps est agendum.

De oculis.

CAPUT II.

Lib. ix. cap. 37.



PRIMUM dicemus de oculis. sunt enim non capitis solū sed totius corporis pars preciosissima, vt ait Plinius, & qui lucis vsu vitam à morte distinguunt, quorum gratia non caput factum, sed supremo in loco situm esse crediderim, vt illinc veluti è specula obseruent, atque perspiciant quæ nocitura, quæque profutura sint, vt illa declinent, hæc persequantur: idque de perfectis animalibus accipiendum est, quæ loco mouentur, siue gradiendo, siue natando, siue volando: nam mytuli, ostrea, & similia dura testa intacta, quòd suis testis hæreant, oculis carent, talpæ verò, perfecta quidem animalia oculos habent intus conditos, suis humoribus tunicisque constantes, sed à natura inchoatos relictos, quòd ijs sub terra degentibus, oculorum vsus nullus foret: Cochlea autē terrestris, quiddam habet quod oculorum vicē adimplet, nempe cornua quibus iter tenet. Oculi pisciū, magnitudine & exiguitate, situ, partium quarundam defectu, colore differunt, numero

numero minimè: quoniam si in homine plures duobus non sint (nam quod de *μονοφθαλμοῖς* fertur, fabulosum esse puto) certè nec in vllis animalibus plures reperias. oportebat enim hominem, cæli terræque contemplatorem, oculatissimum esse, & tot artium inuentorem, quæ tot tamque variatum rerum obseruatione constant, non solùm mentis perspicacia, sed etiam oculorum acie plurimùm valere. Sed ad pisces redeo, quorum nonnulli magnos habent oculos, vt *Ὠβωψ*, cui id nomen ab insigni magnitudine oculorum, pro corporis modo positum est. Melanurus, *ὀφθαλμία* latinè oculata dicitur, quòd ei inter sui generis pisces oculi sint maximi. Hepatus oculorum amplitudine à sui similibus seiungitur. Torpedo oculos minimos, si corporis molem spectes, habet: quamobrem *ὀξύδερκης*, id est, acutè cernens dicitur, quòd qui oculis sunt maioribus videndi vi minus polleant. Illi nonnunquam supra caput siti sunt, vt in Callionymo, qui ab intuendo cælo *ἐρανόσκοπος* nominatus est: in planis idem ferè est oculorum situs, nisi quod *ἐρανόσκοπος* rectè cælum intuetur, plani magis è lateribus spectant, vt in rana piscatrice videre est, raijs, buglossio, passere, rhombo. Sunt tamen & ex planis qui oculum vtrinque habent, squamosorum modo, vt faber, & tania longa. Porro alijs omnino in lateribus capitis locati sunt: nonnullis in superiore eius parte supra os, vt araneo, thunno. Quibusdam in inferiore parte ad oris scissuram, vt delphinis & phocænis: quibusdam medio inter hæc loco, vt scaro, lupo, aurata, mugili, mullo, lacerto, alijsque permultis. In alijs, adeò vicini sunt oculi, vt eorum radices sese contingant, vt in tania longa, sarda, aphyis: contrà in alijs, etiam si magna corporis mole non sint, vel cubito vno à sese distant, id quod figuræ corporis attribuendum censeo, & in vnica zygæna à nobis est obseruatum, quæ refert figuram T, in cuius extremis & superioribus partibus siti sunt oculi: nam in balenis cæterisque beluis marinis, ob vastam corporis molem mirum esse non debet procul à sese dissitos esse oculos. Iam alijs in capite conditi sunt, alijs prominent, sed eorum alij semper prominentes habent, alij cùm volūt, modò proferunt, modò in lateribus velut in vagina recondūt. Prioris generis oculi sunt locustarum, astacorū & cancellorū: Posterioris, crusta intestorū ij, qui ossei & articulati sunt, vt in cancris. Superciliorum defectu piscium oculi, à terrestrium animalium oculis differunt, quanquam aurata veluti supercilia habere videatur, à quorum aureo colore *χρύσοππος* dicitur, palpebris verò omnes carent, quòd commodè nictare in aqua non possent, sed duriores oculi facti, ne facile ab aquæ falsedine, quæ arrodit, læderentur, palpebrarumque defectum corneæ duritie pensauit Natura, quæ vndique oculum ambit, non ex aduerso pupillæ tantùm vt in hominibus. Ex canicularum genere ea quæ à nobis *milandre* dicitur tunicam, quandam habet, quæ

Cap. 45.

oculum contegit aliquando, de qua fortasse Plinius intellexit lib. I X. hæc scribēs. Canicularum multitudo circa eas graui periculo vrinantes infestat, ipsi ferunt vt nubem quandam crassescere super capita animalium, &c. Quem locum in sequentibus interpretabimur. Ea autem tunica palpebra nō est, sed veluti adnatum quid: palpebra enim ex cute fit, non ex interioribus partibus, vt illa canicularum tunica. Videndi vis alijs piscibus acutior, vt raijs, pastinacis, ijsque qui per insidias venantur, alijs hebetior est. Vt summatim dicam, obtusius cernunt ij quibus oculi sunt duri, acutius quibus humidi: quibus autem fragilia operimenta, ijs oculi sunt duri. Thunni altero oculo minus vident, quod deprehensum inde fuit, quod dextra ripa intrant in Pontum, exeunt læua: id accidere existimatur, quod dextro oculo plus cernunt, utroque hebetere natura. Est in Euripo Thracij Bosphori, quo Propontis Euxino iungitur, in ipsis Europam Asiāq; separantis freti angustijs, saxum miri candoris, à vado ad summa perlucens, iuxta Chalcedonem in latere Asiæ, huius aspectu repente terrii, semper aduersum Bizantij promontorium, ex ea causa appellatum Auricornu, præcipiti petunt agmine. Hæc Plinius lib. I X. quæ sumpta ex Aristotele lib. VIII. de historia animalium, cuius verba sunt: Thunni dextrorsum terram cōtingentes subeunt, sed remeant contra, læuum enim in latus se admovent, quod propterea facere dicuntur, quod dextro oculo clariùs vident sua natura, læuo hebetiùs. Mugiles acutè audiunt, parum vident, hyemis enim tempore ob frigiditatem obæcantur, natura oculos mucagine, aut cartilaginea substantia obducente. Oculis piscium magna inest colorum varietas in diuersis, non in iisdem generibus: soli enim homini & equo diuerso colore sunt oculi, cæteris animantibus in suo cuique genere similes: quippe omnes canicular, omnes lupi, omnes auratæ, omnes sepia, denique singuli pisces, suos & proprios oculorum colores habent: alij cæsius, alij nigros, alij alios: sunt in quibus corona rufa spectatur, vt in hirundine, in alijs aurea, in alijs viridis: in alijs cœrulea, quæ varietas in saxatilibus præcipuè inest, vitulorum marinorum & hyenæ oculi in mille colores transeunt. Quin & in tenebris, multorum piscium refulgent, sicut aridi, robustique caudices, vetustate putres. Oculi primi fiunt, primique pereunt. In aphyis iamiam nascentibus & adhuc imperfectis oculos discernere licet, & in sepijs: & ob spiritus (qui ad videndum necessarius est) inopiam, primi in morte debilitantur.

Cap. 15.

Cap. 13.

De Auribus.

CAPUT. III.



EX insignibus capitis partibus sunt aures, quibus pisces tum ab alijs animantibus, tum à sese differunt. Instrumenta sunt ad sonos percipiendos comparata, disciplina, sermonisque in homine in piscibus corporis tutela, defensionisque gratia. Sonis enim territi pericula fugiūt, & vocati accedūt, de cicuratis intelligo, qui in mari & stagnis dulcibus aluntur, vt nos frequenter in delphinis, lucijs, alijsque huiusmodi experti sumus. Fit autem in piscibus auditus, sine inspiratione vlla, etiamsi organum intus positum sit, vt veterum quidam crediderunt. Ex diuersis partibus constat auris: nam partim ex cartilagine, partim ex cute carnosa compacta est, vt soni ob partium siccitatem melius resonent: interior pars turbinata est, anfractui cochleæ similis, vt etiam resonantior fiat Echo: quibus enim patētiore sunt aures, minūque anfractibus circumscriptæ, ij surda stri sunt. In osselitho de foramen est insigne, in quo veluti tympanum est: obtenditur enim membrana tenuissima & simplicissima, cui ossicula duo al ligantur, quorum vnum incudis vicem gerit, dentisque molaris figura est, & perforatum acus modo in terrestribus, in piscibus sinuosum, quo foramine neruum, vt acus filum, recipit, eoque neruo suspenditur, simul & membranæ interiūs alligatur. Alterum malleoli officio fungitur, ex quorum percussu, sonus ad cerebrum per neruum deferitur. Nec audiendus est Aristoteles qui meatum ad cerebrum perforari negat. Huiusmodi auris constructio, in respirantibus per pulmones piscibus tantum iuuenitur, vt in balenis, delphinis, vitulis marinis, quorum meatus exterior, præ exiguitate difficilis est inuentu. In alijs piscibus vix constat quā parte audiant: nescias enim an foramina ante oculos posita ad audiendum an ad odorandum data sint. Quibusdam verò piscibus certum est aures omnino deesse: nam qui oculis, ijdem auribus carent, vt mytuli, ostrea, omniāque dura testa intacta, quæ etsi sese contrahunt, cum ferreis hamis appetuntur, agitatione aquæ potius quàm auditione admonita id faciunt. Eodem modo spongiæ sentire videntur, minimè autem audire. Cùm enim partibus multis, vitæ alioqui necessarijs priuatæ sint: quo pacto eas quæ commodioris tantum vitæ causa à natura sunt constructæ habeant? Viuunt nanque plantarum ferè more. Sed de earum natura suo loco plura. Cæterum pisces qui aures habent, meatus auditus solum habent, sine auriculis. Quare illos hoc sensu audiendi obtusior esse necesse est: sunt enim auriculæ à natura constructæ, vt veluti per eas in aures infunderentur soni. Cuius rei Adrianus Romanorum Consul

*Lib. i. de hist.
anim. cap. ii.*

*Lib. 2. de part.
anim. cap. 11.*

testis est locupletissimus, qui cū sensum hunc lēsum haberet, manus cauas quo facilius audiret, à posterioribus ad anteriora spectantes, auribus obtendebat: & Aristoteles dixit equos, asinos, canes, & reliqua animalia quæ magnas habent aures, eas semper circumagere ac verte re ad sonos, vocēsque percipiendas, partium earum vsum à natura edocta. Eos itidem quibus abscissæ sunt auriculæ, minus audire experimur. Adde quod, melius audire solemus, si loquentem spectauerimus, quàm si nos obuenterimus. Ergo aut pisces hebetius audire, aut perfectiori auditus organo à natura præditos fuisse, cū sine auriculis, quæ sonos infundunt, audiant, dicendum est. Verū ratio ni magis consentaneum est, pisces minus audire, neq; iis perfectio re auditione opus fuisse, cū in aëre ea melius fiat, pisces autē in aqua degant, & disciplinæ cæterarum animantium more sint inepti. At cū illi audiendi vi minùs polleant, cur vt melius audire possent, auriculas non tribuit natura, maximè cū angustissimos meatus, & vix cōspicuos, reliquæ verò animantes & auriculas, & patentissimos meatus habeant? Non sine summa prouidentia id est à natura factū. Cū enim præterquam quod exquisita audiēdi facultate piscibus nihil est opus, vt modò dixi, etiā auricularū amplitudo natationi maximè fuisset incommoda. Adhæc, si apertas auriculas & parentes habuissent, aqua subinde replerentur, quod ne accideret, solerter meatus auditus in piscibus adeò angustos & exiguos, vt cerni vix possint, à natura factos fuisse existimo. In vitulo marino vix apparent, mihi que aliquando vitulum dissectanti & diu quærēti vix reperti sunt, sed tandē abrais pilis, conspecti tantæ exiguitatis, vt vix acum admitterent: neque enim maiores sunt iis qui in delphine paulò infra oculos reperiuntur. Hæc postrema obiter adiicienda putauī propter Aristotelē, cuius verba hæc sunt LIB. I. de historia animal. cap. XI. Vitulus marinus meatus habet manifestos quā audit. At delphinus audit quidem, sed aures non habet. His similia scribit Plinius LIB. XI. cap. XXXVII. Sed ista ex dissectione falsa apparent: meatus enim audiendi in delphino huiusmodi comperiūtur, qui ad sonos percipiendos idonei esse possint.

De Ore.

CAPUT IIII.



SEQVITVR os, cuius nomine faciem totam intellexit Ouidius, cū dixit:

Os homini sublime dedit, cælumque videre

Iussit.

Lib. III. cap. 37.

Sed propriè facies homini tantū, vt ait Plinius, cæteris os, aut rostra. Est autē os pars omnibus animalibus maximè com-

mun

munis, qua cibus primum intro demittitur, quo ipsa augeatur ac sustineatur. Extrinsecus enim appositus concoqui, confici, denique similis ei quod alitur reddi nequit, quod hæc omnia caloris interni sint opera. Quare pedibus, oculis, auribus, lingua, carent piscium nonnulli, etiam podice, quanuis omnes excrementa colligant, quod de cancellis Aristoteles scripsit, & de crocodilo vulgo fertur. At ore nullum animal caret, verum neque eodem in loco situm est, in piscibus omnibus, neque eadem structura est figuræque, neque eadem magnitudine. His igitur differentiis, à sese pisces distinguuntur. Aliis enim os est positum in promptu partæque primum obuia, ut mullis, mugilibus, lupis, sparibus, rubellionibus, delphinis, aliisque innumeris. Aliis omnino in parte supina, ut galeis omnibus, raiis, pastinacis, torpedini, sturioni. Rursus aliis os est ἀνεπίρρωνος, id est, apertum & hiās, id quod apud Aristotelem rescissum conuertit Gaza, quod iis oris scissura ventrem versus protèdatur. Suntque omnes sarcophagi, & ferratis dētibus dēpto lycoſtomo. Aliis μέσπον siue μελέσπον, id est, compressum & contractum, isti omnes non sunt sarcophagi. Habent os positum in promptu & parte primum obuia, simul & hians, ij quibus rostrum est porrectius & crassius, ut acus, sphyræ, murenæ, delphini qui hæc nota à marsui no siue phocæna secernuntur, quod illis magna sit ad ventrem scissura, quo id esset patentius. Phocæna verò positum quidem in promptu habet os, sed sine magna ad ventrem scissura, cuiusmodi os habent pisces omnes, quibus phocæna simile caput est, id est, crassum latumque. Eadē ratione scōbri à trachuris differunt: sunt enim scombri ὀξύρυχοι magnæque oris scissura ventrem versus: trachuri verò obcapitis crassitudinem lato ore. Qui os in supina parte habent, ut galei, cartilagineique ferè omnes (demptis squatina & rana piscatrice) quod illis ob tenuitatem rostrum findi non potuerit. horum aliis os minus, aliis magis ventrem versus scissum est. Isti omnes quibus Aristoteles in supina parte os esse dixit, non nisi in supinum conuersi cibum sumunt, quod natura nō solum salutis reliquorum piscium causa fecisse (vescuntur enim omnes isti carnibus, qui dum conuertuntur alij fuga vitæ suæ consulunt) sed etiam ne nimiam vorandi cupiditatem expleant, quod si facillè possent, statim præ immodica plenitudine interirent. Præterea oris quibusdam rotunda est figura, ut sturioni, lampetræ: alijs ouata ut hippocampo, sagittario, acui sine dentibus. Porro quibus os fissum est, aliis secundum corporis longitudinem fissum est: ut locustis, astacis, cancris, squillis, aliis per transversum secundum corporis latitudinem fissum est. Postremo nonnullis secundum corporis crassitudinem, altitudinemque id quod in vranoscopo, hippocampo, acus secunda specie, aphyis, atherinis quibusdam obseruauimus. Iam verò alia est præter has oris differentia, quod aliis maxi-

mum patentissimúmque os habeant, vt beluæ marinæ, vt lamirus, & lamia quæ totum hominem, vel loricatum deuorare potest: alij magnum quidem, si corpus spectes, vt rana piscatrix, squatina: alij magnum sed angustum, qui scilicet rostro sunt oblongo porrectoque, vt delphinus. Contra sunt qui paruum obtinent, habita corporis ratione, vt caprificus, orchis, & quicumque sphaerica sunt figura, qualis est qui à Germanis *büfolt* dicitur, & echinatus orbis. Denique pro varia alimentorum quibus vescuntur ratione, variam oris differentiam tribuit natura, nempe carniuoris omnibus os maximum, eorum qui sola aqua viuunt nonnullis, os minimum, vt iis qui veluti per fistulam aquam attrahunt, in quibus est hippocampus, acus altera, sagittarius, holoturiorū genus: alij os est media magnitudine, vt alosis, manis. Inter eos verò qui aqua limoque viuunt latissimum os habent mugiles. Est in piscium ore peculiare quiddam, quod in nullo alio animantium genere inuenire licet, videlicet quod os quidam protrudant, retrahantque, non aliter quàm homines labra extendunt, & retrahunt, atque id in leuibus tantum & squamosis reperire est: hanc arbitror ob causam, vt pisces quos insectantur facilius corripiant. Sed horum alij breuius, alij longius extendunt. Faber os longissimè protrudit, amplissimúmque reddit, lupi, muli, saxatiles minus. Sturiones, sphyrenæ, acus, xiphie id facere non possunt, vt quorum maxillæ in mucronem desinant, quæ oris forma, structuræque ratio huic causæ aduersatur, forma quidem, quia rostro quàm nunc longius protenso: pisces alij corripere constringique non possent, structuræ ratio: quia rostra iis qui ea producunt reuocantque cum lubet, ex multis ossibus exquisitissimè compactis, membranæque tenui reuinctis constant, vnde fit vt cum retrahant, ea veluti in vagina recondere videantur, quod in vranoscopo, rhombo, fabro euidentissimè apparet. Ceteri hac oris structura omnino carent, sed à natura acutum firmum, non articulatam, ad tutelam corporis defendendi causa datum est, quod non extendere quidem, sed rostris tanquam aculeis alios vulnerare, & vulneratos faciliè rapere possint. Sed & aliis nullis animantibus, huiusmodi os à natura datum fuisse existimo, quod quadrupedibus quidem cum cibum mandant, firmas oportuit fuisse maxillas, non tot articulorum diuisionibus imbecilliores. Aui- bus autem quia (etiã si non mandant) longum est collum, quod quum volunt extendunt, & in se reducunt. Postremò neque mollibus piscibus, neque testudinibus id datum, quia morsibus pascuntur, non integris piscibus. Quamobrem firmum quoque os esse debuit.

De Rostro.

CAPUT V.

SED cū toties rostri mentio facta sit, quid præter ea, quæ dicta sunt, in rostro piscium obseruatu dignū sit, consentaneum est hīc exponere: ab hoc enim multæ pisciū differentiæ inueniuntur. Piscium igitur alij porrectum valde rostrum habent, vt xiphia (aliquando enim ad duos trēsue cubitos extenditur) sphyræna, acus, sturiones, galei, raia, hippocampi, sagittarij. Alij breue vt mugiles, turdi, cynædi, merula, perca. Alij nullum, vt phocæna, squatina, rana piscatrix, vitulus marinus. Ex iis quibus est porrectius, alij acutum habent, vnde *ὀξύρυχοι* dicti, vt sturio, xiphias: alij oblongum quidem, sed obtusum, vt acus secunda species, hippocampus, sagittarius, delphinus, acus prima species rostro est acuto & diuiso vsque ad os, secunda verò species, rostrum habet fistulæ seu canalis modo, cuius extremo alligatum est veluti operculum, vt in hippocampo. Eorum verò qui rostrum acutum habent, alij non diuisum, vt xiphias: alij bifidum, vt lyra & *ὀλβητος*. Rursus iis qui non diuisum habent: aliis ex vtraque maxilla componitur, vt sphyrænis, acubus, scombris: alijs ex superiore tantum, vt xiphia, sturioni, attilo. Præterea alia est in rostris differentia, quædam enim ex durissimo osse compacta sunt, vt in sturionibus, xiphiis, quibus etiam naues perforant & saxa: quædam ex cartilagine, vt in galeis, raiis: alia ex pingui quadam substantia & osse, vt in barbis, & in eo qui Antuerpiæ *utim* dicitur. hinc ad maxillas transeamus.

De Maxillis.

CAPUT VI.

MAXILLIS etiam à sese pisces differunt: his enim quidam carent, quidam non carent. Carent qui fistulas duntaxat, & foramina pro ore habent, & quæcunq; dura testa integuntur, holoturia, vermes, hirudines marinæ. Maxillis etiam carere crusta intacta verisimile est, & stellarum genus. Maxillas habent quibus os scissum est, quales sunt squamosi omnes, quique rostro sunt oblongo. Omnibus magnitudo maxillarum non vna est: nam balæna maximas habent maxillas, adeo vt interdum triginta cubitos equent, qualis est illa quæ in Mōtepelio in æde D. Petri cernitur, & altera Frōtignani, quas vulgus magnitudine deceptū, costas esse putat, maximè cū nulli in eis dentes spectentur. Nos autem maxillas esse inde deprehēdimus, tum quod ossa sint nulla ratione costis alijs propositione respōdentia, tum

quod idem mihi à balenarum piscatoribus, in Aquitanici Oceani finu apud Batonam sit confirmatum. Reliqui pisces lōge minores maxillas habent. Præterea nonnullis maxilla vtraque æqualis est, interdum inferior superiore maior, vt in sphyræna, delphino, channa: interdum superior inferiore maior, vt in xiphiis. Porro, maxillæ, in aliis cute carnēque muniuntur, vt in galeis & squamosis piscibus. In aliis nulla pelle integuntur, sed osseæ totæ sunt. Pyxidisque modo altera in alteram inferitur, vsque adeo duræ acutæque, vt vice dentium ad diuidendos cibos vtantur: tales sunt sepiarum, polyporum & lolliginum maxillæ quæ Aquilarum Accipitrūmve rostris similes sunt, quare numero non differunt. At figura in his varia esse deprehenditur, quod superior ab inferiore differat, vt in Squatina cuius inferior maxilla in angulum desinit, superior verò in arcum inflectitur, quæ in salmone utroque in acutum desinit, sursumque recuratur, sed in marino magis, fluuiatili minus: marinum voco qui in Oceano degit, & verè flumina subit: fluuiatilem, qui semper in fluuiis degit, vocantque vulgò troctam. Vt apprehendant, seseque tueantur, non vt mandant maxillæ piscibus datæ sunt, demptis scaro & aurata, nonnullisque aliis squamosis maxillas intus latiores habentibus, tuberculæque ossea, qui paruis pectinibus vescuntur, non integris vt stellæ, sed minutis quanquam antiquis scarum solum ruminare dixerint. Maxillarum quædam sine dentibus sunt, quarum aliæ leues, aliæ asperæ. Quædam dentibus muniuntur, de quibus mox fusiùs.

De Dentibus.

CAPUT VII.



ED priusquam de dentium differentiis dicamus, cur piscibus dentes natura dederit, inquirendum videtur: neque enim sine causa mirum id videri possit, cum natura cæterarum animantium ora dentibus muniuerit, cum vocis explanatius efferendæ, tum mandendi gratia, pisces verò & ὀφιοί sunt & minimè mandunt, sed integros pisces deuorant, vt ex frequenti dissectione compertū nobis est. At corporis tuendi defendendique causa datos esse statim aliquis dixerit, à quo lubens sciscitor. Cur in quibusdam vt in rana piscatrice & lucio lingua palatōque dentes affixerit? Præterea, cur carniuoris & alga vescentibus dentes tribuit, minimè autem iis qui à carne abstinent, lutōque vel aqua sola degunt? Non his vt cæteris corpus tuendum fuit, ac iniuriæ ab aliis illatæ propulsandæ? Hæc si quis diligentius consideret, ad cibos captandos potius, quàm ad defensionem datos esse dentes fatebitur, quanquam non eo inficias pisces quosdam dentibus ad morsum abuti. Iulides enim venenato morsu exanimare creduntur. Et ad def-

defensionem comparatos esse ferratos, & exertos dentes in terrestribus certum est: nullis enim eorum quæ ferratos & exertos dentes habent, cornua tribuit natura, ut in apro, cane, leone, lupo, panthera videre est, quorum illis exertis, his ferrati sunt dentes. At in omnibus piscibus ferrati non sunt: nam scarum, auratam, sparum, orbem, capricum latos habere, nec multum à scari dentibus dissidentes, experientia comprobat, quicquid dicat Plinius lib. xi. cap. xxxvii. cuius verba sunt: Piscium omnibus, inquit, ferrati præter scarum, huic uni aquatilium plani. Cæterum multis eorum in lingua, & toto ore, ut turba vulnere molliant, quæ attritu subigere nequeunt. Multis & in palato atque etiam in gula (sic enim legendum non in cauda ut in vulgatis exemplaribus legitur) Quod si mandendi gratia dati essent, non ferratos, ut ferè omnes, sed molares haberent. Ex his eum esse usum dentium in piscibus facile comprobari posse existimo, non ut mandant, neque tam ut sese tueantur, ac defendat, quam ut cibos commodius capiant, retineantque, cuius rei gratia dentes in os recuruos habet. Quod confirmat Plinius: Dentes, inquit, habent in os vergentes, ne excidant Lib. xi. cap. 37. cibi, nullum habentibus retinendi adminiculum. Eadem de causa cancri chelas, sepiæ, polypi, loligines, brachia habet & acetabula. Etenim cum ob oris, ventriculique angustiam pisces integros deuorare non possint, morfu diuidunt, quod ut illis diutius commodiusque liceat, molibus, ut modò dixi, veluti brachia, crusta intectis chelas, & tanquam forcipes, ad prædam captam retinendam, dedit provida rerum natura. Iis verò qui sola aqua limoque viuunt, nullis opus fuit dentibus, neque ad mandendum, neque ad cibum retinendum, qui omnes mites sunt, unde & mugiles iustissimi sunt appellati, quod omnino à carne abstineant. Quæ cum ita sint dentium differentia, iam sunt explicanda, ut quæ ab eorum varietate, piscium differentia colligantur, perspicuum fiat. Dentium igitur varietas consistit in figura, magnitudine, situ, ordine, numero, excessu & defectu. Ac primum dentibus hominum valde dissimiles sunt: nam quatuor anteriores, quos *τομείς* ab incidendo appellant, lati & acuti cibos concidunt, & ad distincta sermonem efferendum nonnihil conferunt, succedunt canini dicti, partim lati, partim acuti, qui etiam dissecant, & si quid ab incidentibus, quod scindi non potuerit, prætermisum sit, frangunt. Postremi sunt molares, lati & inæquales, qui comminuunt & conterunt. Pisces autem magna ex parte ferratos habent, alij latos, alij exertos. Perquam pauci, diuersi generis dentes simul habent, ut latos & ferratos, vel latos & exertos, siquidem scaro & quibusdam aliis latos habentibus, in anteriore oris parte lati sunt duntaxat, & minimè alterius generis, latè etiam interiores maxillæ, & asperæ, tuberculisque ossis inæquales, quæ molarium usum præbent, scaro cum ruminat, auratæ cum cochleas mandit. Qui vulgò lepus marinus dicitur, &

Percepierre & Coquillade ferratos habent dentes presósque, & binos caninos in vtraque maxilla, quos quasi exertos dixeris. Piscibus dentes in os recuruos esse diximus ex Plinio, sed omnibus id non cōtigit: nam delphino recti sunt, & equali spatio distantes, & in desiccatis maxillis, & in senioribus delphinis singuli gemini esse videntur, quòd in duas partes facillè findantur. Aliis ad latera spectant, vt ei ex galeis, qui vulgò *Milandre* dicitur, & galeo glauco. Sunt quibusdam dentes alij aliis minores, alij maiores, vt synagridi inter ceteros quatuor longi & acuti in parte anteriore, sphyrænæ in medio maxillæ inferioris vnicus cæteris maior. Orca acuti & maiores quàm nostrorum quadrupedum vlli, cuiusmodi duos ad me misit vir doctissimus & humanissimus Capellanus HENRICI Nauarræ Regis illustrissimi medicus, qui figura cornibus vitulorum similes sunt, dimidium palmû longi, quatuor digitos crassi. Non iniucunda est varij dentium situs, ordinisq; cōsideratio in piscibus: nullum enim est in nostro orbe animantis genus, si Aristoteli credimus, quod vno plures dentium ordines habeat, dempta belua Indica, cui Manticoræ nomen est, cui dentes triplici vtrinque ordine. At ex piscibus sunt, qui duplicem, triplicem, quadruplicem dentium ordinem habeant: scaro & aurata simplex est ordo: galeorum nonnullis duplex, malthe triplex, squatinæ quadruplex, & interdum quintuplex, lamia sextuplex. Alij huc & illuc & sine ordine sparsos dentes obtinent, vt coracinus, vel in quicuncem digestos, vt maltha. Sunt qui in maxillis tantum dentes nati sunt, vt qui latos habent. Sunt quibus in maxillis & lingua natura dentes infixit, vt asello. Quibusdam in maxillis, lingua, palato & gula, vt ranæ piscatrici. Nec minus varius est eorundem numerus. Alij sunt multi, aliis ferè innumeri, nonnullis quinque, vt quibusdam echinis, stellæ, soli, arbori, quibus os rotundum est, dentisq; in ambitu positi, qui cum coeunt, in centro sese contingunt, osque claudunt. Horum autem echinorum dentes mirabili artificio naturæ intus exculptos laterne antiquæ comparauit Aristoteles. Quibusdam bini in vtraque tantum maxilla, sed magni, vt orbi, siue orchi, & ei qui lima vulgò dicitur. Hi paruo sunt ore, binosque habent dentes, vt dictum est, eosque prominentes, non in os recuruos, vt permulti. Denique aliis plures, aliis pauciores sunt dentes. Nec hoc parum ad piscium cognitionem confert, scire qui pisces dentibus careant, qui minimè. Qui enim aliter in galeorum genere, eum qui vulgò *Emissole* dicitur, à canicula internoscere? Carent igitur dentibus balæna, sturio, attilus, à quibus duobus silurus alioqui omni ex parte similis tantum differt quòd dentes habeat. Carent crusta intecti, echinorum genus vnum, cyprini (vulgò carpas vocant) testudines, polypi, sæpiæ, loligines, sed hanc dentium inopiam, aliò quòd portione dentibus respondeat, pensauit natura, vt dux balænæ mysticus Græcis dictus (quem nostram balenam esse puto, vt in lib.

de beluis marinis demonstrabimus) habet in ore laminas, in pilos
 suillis simillimos desinētes. Alij os robustum, & limē modo asperum,
 quale est in raiis, & ea Galeorū specie, quam *Emissole* vulgò appella-
 ri diximus. Cyprini in palato ossa, vnū in superiore parte, in inferio-
 re duo contrario occurſu sese contingentia, quibus herbas molliant:
 his verò molles dentes esse falsum inde deprehendas, q̃ rostris auium
 rapacium maxillas, figura, vsu, situ similes obtineant. Aliis maxillæ
 sunt duræ, carne vacuæ, quæ pyxidibus modo congruunt, & coagmen-
 tantur, vnde veluti forcipes quicquid arripiunt, dissecant, vt testudi-
 nibus, polypis, sepiis, loliginibus. Crusta intestis, duo ossa ad latera
 sunt pro dentibus validissima. In echinorum genere, cui dentes de-
 sunt, testa veluti labrum inferius in cæteris animantibus protensa est,
 quo possint aquam & lutum in os assumere. Neque verò illud præ-
 termittendum est, piscibus quibusdam statim atque nati sunt, aper-
 tos & conspicuos esse dentes, aliis, scilicet latentibus, tectos & oper-
 tos, qui non aliter quàm in quadrupedibus, decidūt nimirum secun-
 dis protrudentibus cedentes, qui initio caſeo recens coagulato simi-
 les sunt, & à primis, veluti à theca quadam siue operimento cōtegun-
 tur. Id quod in delphinis, vitulis marinis, lamiis obseruauimus, non
 sine magna prouidentia nature admiratione, quæ in latentibus den-
 tes prominere noluit, tum ne mammas offenderēt, tum vt melius su-
 gerent, quod cum dentibus commodè fieri non potest, nihildum ne-
 cessariis, quòd solidis alimentis vesci non possint.

De Naribus & Labris.

CAPUT VIII.

PISCES Odorandi sensu præditos esse certum est, id
 quod etiam aliàs demonstrabimus, nares tamen non
 habent, sed in quibusdam, vt in squamosis foramina
 ante oculos apparent. In delphinis nec foramen, nec
 meatus ullus est, etiam si sagacissimè odorentur, vt te-
 stis est Aristoteles, & experientia ipsa confirmat. Quòd autem id fiat,
 cū de sensibus agetur, pro virili conabor demonstrare. Labra verò
 in nullis piscibus esse facilè quis crediderit: à qua sententia statim ab-
 ducetur, si saxatiles pisces spectauerit & contrectauerit, qui labra car-
 nosa, vera & perfecta, mobiliâque habēt, & inter mugiles *χελδον* Lati-
 nè Labeo à labiis nomen inuenit. Labris igitur permulti pisces carēt,
 nonnulli habent, vt saxatiles, qui musco pascuntur, labrisque tan-
 quam manibus cibos apprehendunt, quemadmodum boues, & oues,
 cæteraque quæ lambendo viuunt, quibus labra necessaria sunt, quòd
 linguam imperfectam habeant.

*Libro quart-
 to de historia
 animal. c. 8.*



V^M Omnes instrumenti alicuius particulæ, in vnam totius actionem conspirare debeant, sitque os piscibus maximè cibi gratia datum à natura, ad eumque retinendum comparatos esse dentes iam demonstrauerimus, superest vt quid ad eandem rem lingua & palatum conferant, quæque sint earum partium varietates ostendamus: neque enim lingua in piscium, vt in hominũ ore sita est, vt sonos distinctos, & pressos efficiat, quia sint pisces ferè omnes ἀφωροι, neque vt, sicuti ceteræ animantes, cibos præmanfos vertant, & congregent, quo melius omnes conterantur, quod minimè mandant. Quare alimentorum saporis vt discernant, linguam eis datam dicere necesse est. At qui verum id esse possit, dicat aliquis, cum neque mandant, neque cibum dentibus conficiant: Quam ob causam nonnulli etiam lingua carent, vt cyprini & crocodilus. Verum delectu ciborum vtuntur, atque alij aqua magis delectantur, alij alga, vt salpa, scarus lincozosti, permulti carnibus, nullus lepore marino. Quonam igitur pacto hæc ciborum varietatem discernunt, vt quod gratum & familiare capessant, quod ingratum & minimè conueniens est, reiciant, nisi linguæ beneficio saporis internoscant: idque potissimũ ij qui dentibus pisces vulnerant, ex quorum vulneribus sanguis succique defluentes linguam palatumque titillare, & voluptate quadam afficere non est dubium. Quod si in iis, & in aliis qui carnibus non vescuntur, non tam exquisitè gustandi sensus afficiatur, quàm aut in aliis animantibus, aut in homine, mirum sane videri non debet, cum linguam imperfectam habeant. Quod satis sit si non multarum vtilitatum, vt in aliis, saltem alimenta conuenientia discernendi gratia, ad sustinendam vitam, eam à natura tributam esse. Porro lingua quibusdã deest omnino, permultis inest, in quibus alij imperfectiorem, alij perfectiorem obtinent. Lingua carent cyprini & crocodili, vt dictum est, cuius vice palatum carnosum habent: Quod autem crocodili lingua careant, hoc maximè in causa esse puto, quod in illis superior maxilla moueatur, in qua inniti linguam oportuisset: lingua enim ei parti quæ mouetur alligari debet: quod si in superiore crocodilorum maxilla cõtigisset, cibi transitus fuisset præclusus, maximè cum cibos nõ præmanfos deglutiat. Lingua etiam caret, qui sola aqua viuunt, vt testa simplici & non turbinata omnes, & duplici operti, quidam toti membranosi, quid enim his, vel testis, vel sedibus suis perpetuò hærentibus, saporum delectu opus fuit? Item alij qui in aqua lutoque vescuntur, linguæ vice, palatum carnosum obtinuerunt, vt cyprini omnes, Gallis *Carpes* appellati, tinea, brama: quibus enim

enim est lingua, iis iure optimo palatum carnosum deest. Rursus ex iis qui lingua carent, sunt qui aliud quiddam habeant, quod linguæ proportionem respondeat, ut locustæ, cancri, astaci, sepiæ, polypi, loliginæ, echini. Ex his autem, qui linguam habent, alij exertam & liberam, ut delphini, alij hærentem, planè immobilem ac imperfectam, ut squamosi: atque etiam alij carnosam habent, spissamque, ut balenæ, delphini, quibus est lingua suillæ similis. Alij osscam vel cartilagineâ tunica tantum carnosâ obductam, ut qui dentes in lingua habent, qui substantiæ molliori affigi non potuissent. Magnitudo in diuersis alia atq; alia: nam inter ostracea purpura linguam digito longiorem obtinuit. Ceteris verò tam exigua est, ut nisi labrum deduxeris, nevestigium quidem linguæ videas. Balena inter cetaceos magnâ habet linguam, & ut dictum est, spissam. Delphin longiorem habet marsuino, marsuinus eo latiore. Lingua semper vnica est, & quanquam vitulo marino extremum linguæ diuisum sit, vnica tantum censenda est, sed bifida. Partium linguæ numerus non semper idem: nam quibus dura est, spinea, alligata atq; imperfecta, iis neq; muscoli, neq; nerui à septima coniugatione dati. Delphin quia mobilem habet linguâ & liberam, in ea musculos & nervos septimæ coniugationis, ut sus terrestris habet. Sed priusquam caput hoc cõcludamus, hoc adiiciendū videtur, pisces omnes palatum habere, sed alios carnosum & molle, alios durū, cartilagineum, osseum tenuiq; membrana oblitum, qua in re admirari necesse est summam Dei optimi maximi prouidentiam, qui iis, qui integros pisces deuorant & asperos, nonnunquam etiâ aculeis horrentes, palatum durum dedit, ne facillè læderentur. Quo fit, ut quibus lingua mollior, palatumq; tenerius sit, ab huiusmodi piscibus abstineant, sed solum pisciculis & mollibus nutriantur, quod in delphinis experientia compertum nobis est, vescuntur enim polypis, sepiis, loliginibus, attingunt etiam interdum asellos, quod etiam molliusculi sint.

De Fistula.

CAPUT X.

AΛΟΞ Latinis fistula instrumentum est, per quod spiritus permeat, & omnis figura in rectum protensa, inquit Athenæus, hoc à stomacho differens, q̃ stomachus Lib. 5. capacitati alicui præponatur: nam stomachus est omni ventri collum præpositū, instar isthmi cuiusdam angustum autore Galeno initio libri IIII. de vsu partium, qui renes per stomachos vrinâ attrahere, & vuluam semen per stomachū excipere dixit. Est igitur fistula piscibus quibusdā per pulmones spirantibus meatus siue ductus, quo spiritū hauriant, & aquā in ore collectam

reiciunt ab intima palati parte ad extimam perforatus, duplex septoq; distinctus, nariumque nostrarum foraminibus ad palatum deductis quodammodo proportionem respondens. In extima parte vnicum foramen apparet, figura C. literæ, in quo operculum est ex carne pingui fistulis impositum, quod eas aperit & operit. Non solum fistulas sed etiam ora interdum vocauit Plinius, vt lib. ix. cap. vi. Ora, inquit, balenæ habet in frontibus, ideoque summa aqua annatates in sublime nimbos efflant: & proximo capite. Branchiæ non sunt balenis nec delphinis. Hæc duo genera fistulis spirant, quæ ad pulmonem pertinent, balenis à fronte, delphinis à dorso. Fistula igitur pisces cum ab aliis animantibus, tum à sese differunt: nam vitulus marinus & testudo quamuis pulmones habeant, fistula carent, sed eius vice vitulus marinus narium rimas habet, testudo alterius generis foramina pro nariibus, quibus non aliter quam delphin aquam reiecit. Plani pisces & cartilaginei bina foramina ad os deducta, eiusdem vtilitatis gratia comparata, hinc à balenarum delphinorumque fistulis discrepantia, quod procul à sese distita sint. Hinc obiter reprehendenda est eius audacia, qui Sueuiæ picturam edidit, siquidem balenas canalibus adeo eminentibus expressit, vt aures esse dicas, quo fit vt plura alia ex pictoris potius arbitrio, quam ex Authoris sententia depicta esse credam, vt ex aliorum piscium figuris conicere licet.

De aspera Arteria & Pulmonibus.

CAPUT XI.



SEQVITVR Vt post fistulam de aspera arteria & pulmonibus dicamus, siquidem omnes eæ partes ad eandem actionem, nempe respirationem, conducunt. Etenim pisces fistula donati per eam non aliter quam nos per nares aërem hauriunt, qui subito conferuntque illapsus, seseque penitus immergens cor frigiditate sua offenderet. Quare ad eius immutationem, pulmones in thorace necessario ponendi fuerunt, ea capacitate quæ aëris permultum continere posset, ne crebriores anhelitus fierent: veruntamen perinde ac cor eadem aëris frigiditate offenderentur (vt in iis quibus confossus est thorax, vel quibus Columella decedit experimur, quod omne frigidum pectori sit inimicum, vt scripsit Hipp.) nisi veluti ductus quidam & via, quæ aspera arteria dicitur, & Columella præposita essent: ab hac enim aëris impetus violentia frangitur, ab illa frigiditas temperatur. Cæterum aspera arteria non tantum excipit animam eam, quæ ducta est spiritu, eandemque à pulmonibus respirat, sed &, tanquam ex abundanti, vocis formandæ instrumentum est, pro cuius lon-

longitudine latitudinē que vox vel acutior vel grauior efficitur. Sed hæc hæcenus de partium harum ordine & vtu. Nunc considerandum quibus piscibus eadem vtilis, inutilēve sint. Vtilitas vocis, inquit Galenus, piscibus certē nulla est, vt qui in aqua degant, sed ne respirare quidem licet ipsis per fauces, quomodo ne nobis quidem ipsis quando in ea merfi fuerimus. Non igitur quemadmodum volucris ac gradientibus animalibus, ita etiam illis è re fuit, maximum vnum respirationis ac vocis ortum esse meatum, sed earum quas branchias nuncupamus, constructio ipsis vice pulmonis est: cum enim crebris ac tenuibus foraminibus sint branchiæ hæ interceptæ, aëri quidem ac vaporis peruiis, subtilioribus tamen quàm pro mole aquæ, hæc quidem foras pellunt, illa autem promptè intromittunt. Huc adde etiam quòd natura frigidiores sint pisces, quàm vt ipsorum cor magna indigeat refrigeratione. Indicant autem eorum temperamentum tum alia multa, tum maximè sanguinis penuria, aut enim eo carent omnino, aut planè paucum habent. Quocirca quæ aquatilia multo sanguine sunt prædita ac calida, vt delphinus, vitulus, balæna, hæc omnia ex aëre respirant incredibili quodam respirationis modo. Hæc Gal. Aspera igitur arteria in iis piscibus qui pulmonibus spirant, duccendi spiritus & respirandi gratia est constructa, cuiusque aliquando retinendi cohibendique, vt sursum faciliùs ferantur: aër enim retentus velut suspendit in aqua demergique prohibet. Cuius utilitatis causa vesicam aëre plenam quibusdam branchias habentibus dedit natura. Arteriæ verò constructio in piscibus ab arteria terrestrium animalium minimè discrepat: nam iisdem partibus, eadēque planè structura constat. Etenim primum est caput arteriæ *λάρυγξ* græci vocant, sequuntur bronchia, deinceps infiniti in pulmōnes ramuli sparguntur. Larynx tribus cartilaginibus constat, quarum duæ nomen habent, tertia *ἀνώνυμος* est, quod nulli eorum quæ sensu percipiuntur commodè comparari potuit. Prima & maxima *ὑπεοφθής* dicitur à scuti similitudine: tertia *ἐρυσσινωφθής* quod *ἐρύταιναι* referat, id est: vasculum ligneum quo nautes superuacuam è naui aquam exhauriunt, vel quo olitores ortos irrigabant, vel teste Hesychio quo oleum in lucernas iufundebatur: hæc enim omnia *ἀρυτάνης* nomine significari autores tradunt, & quodcunque vas prominenti labro. vbi asperæ arteriæ cartilago vltima desinit, ibi secunda cartilago *ἀνώνυμος* incipit, eidēque arteriæ cartilagini planè incumbit. Succedunt cartilagines à larynge ad pulmōnes vsque, quæ quod parte interiore stomachum contingant, ne eum premant lædantue, non ex integris circulis constant, sed forma nostri C. aut antiquorum signa figuratę sunt, vnde *σπινθηρίς* appellari Galenus autor est, eadē membrana copulantur, præterquam alia interior, alia exterior est. cum verò clauēs præ-

tergressa aspera arteria in thoracis capacitatem peruenit, bifariam diuiditur. rursus ex vtraque infiniti propagantur ramuli in omnem pulmonum partem, cum vasis qui ex corde exoriuntur sparsi. Cæterum cum particularum instrumentum aliquod constituentium quælibet, conuenientem conformationem positumque ad totius instrumenti actionem accommodatissimum habere debeat, pulmonesque tum se contrahant aspirantes, tum se spiritu dilatent, necesse fuit ramulos istos quos in omnes pulmones dispartitos esse modo diximus, à tota reliqua arteria figura constructioneque differre, quemadmodum eiusdem asperæ arteriæ actiones ab huiusmodi pulmonum actionibus diuersæ sunt. Quare neque laryngi præcipuo vocis formandæ instrumento similes sunt, neque reliquæ arteriæ cartilaginibus *σπυροειδῆς* spiritui deducendo ad inspirationes & expirationes vocemque accommodatis, etiam si Galenus id planè existimauerit. Eius enim LIB. VII. de vsu partium hæc sunt verba. Vbi verò primum clauis prætergressa arteria, in thoracis capacitatem peruenit, ibi diuiditur atque in omnem pulmonis partem fertur cum vasis quæ à corde proficiscuntur, in omnes eius lobos distributa. Non tamen discedit à natura quam parte superna obtinet: neque vlla in re dissident aut variant soboles eius omnes, sed similiter omnes cartilagines multæ *σπυροειδῆς* membranosis ligamenti contentæ, vsque ad extremos visceris lobos conseruantur. Rursus eodem libro. Toto thorace, inquit, dilatato, deinde consecutione ad id quod vacuatur dilatante, quod in arteriis est membranofum in longum & latum faciliè diducitur, in partibus quidem *σπυροειδῆς* cartilagines complectentibus, in latum, in connectentibus verò cartilagines ipsas, in longum. Verum si quis diligentius rimetur, & nullam non pulmonum partem dissectione persequatur, *διωροφία* ipsa statim conuincetur, & aliam arteriæ in pulmones disseminatæ constructionem fateri, & Dei optimi maximi incredibilem prouidentiam, atque excellens in huius arteriæ dilatatione & compressione opificium admirari: nam tota statim atque in pulmones spargi cœpit, vndique tenuibus cartilaginibus contexta est, quæ squamulis, seu potius *ρομβοειδῆς* figure sunt haud dissimiles, sic ordinatæ vt cum *ρομβοειδῆς* altera super alteram in medio sui steterit, vtrinque in eo quod hiat spacio sitæ sint aliæ duæ suis angulis acutis aliarum duarum contactum attingentes, atque ita vbique & vndique semper inter sese dispositæ & mirabiliter contextæ, tenuibus membranarum reuinctæ sunt, quemadmodum superioris arteriæ cartilagines, quarum membranarum beneficio latiores sunt angulis acutis & duabus super se stantibus in medio sui, procul à se secedentibus in pulmonum dilatatione in eorum verò contractione angustiores, nimirum in vnum se cogentes & constringentes vnus
ang

angulo acuto proximarum duarum super se stantium contactum supergrediente, altero eiusdem angulo duarum etiam super se stantium oppositarum contactum subeunte. Ac quemadmodum ex musculis epigastrii sine detrimento maximo nihil adimi potest (nam si transuerforum aut obliquorum quempiam sustuleris, excrementa omnia ad ilia aut costas protrudentur) sed necesse est omni ex parte esse musculos qui undique pari momento comprimant, ita arteriarum ramulis istis undique necessariae fuerunt cartilaginum veluti squamulae, ut nulla parte alteri cedente pari momento ubique, maxime in pulmonibus contrahendis fieret aeris expulsio, ut in iisdem dilatandis attractio. Præter hanc intermediam membranam alia duæ sunt ut in superiore arteria, una interior, altera exterior. Hæc de aspera arteria in pulmones disseminata à nullodum, quod sciam observata, neque scripta isto in loco, ideo à me commemorata sunt, quod non solum in homine, terrestribusque omnibus animantibus, sed etiam in piscibus qui pulmonibus spirant, ea omnino sit eius structura & veluti fabrica. At in piscium pulmonibus non inest raritas illa, & assimilis spongiæ mollitudo, qualis est in cæteris animantibus omnibus: ex densiore enim & crassiore carne constant, ob id fortasse quod maior validiorque sit eorum motus in inspirationibus & expirationibus, aut ne aqua in pulmonum substantiam permeet, sed potius in aspera arteria hæreat, & quæ collecta est expirando per fistulem rejiciatur, alioqui neque figura, neque situ, à terrestrium animantium pulmonibus differunt.

De Branchiis.

CAPUT XII.

SPIRITVS duo esse instrumenta in piscibus pulmones qui Græcis πνεύμονες dicuntur ἀπὸ τοῦ πνεύματος, id est, à spiritu, & branchias ex iis quæ superiori capite ex Galeno citauimus, satis liquet, in quo cum de aspera arteria & pulmonibus abundè dictum sit: nunc de branchiis differendum, quibus nullum animal demptis piscibus præditum est, quod si quis cordylum quod pedes habeat, opponat, respondemus Aristotelem secuti, cum quoque ex aquatiliū genere esse. Branchiæ igitur piscium propriæ sunt, quibus tum à sese tum à cæteris omnibus animantibus differunt: Sunt autem branchiæ veluti pili ordine dispositi, semicirculo osseo infixi, utrinque cor respicientes, ad ipsius refrigerationem ibi positæ, utque pisces aquam ore collectam remittant, sed eam refrigerationem per aquam fieri credit Aristoteles, Galenus verò per aerem. Verum priusquam earum differen-

tias explicemus, quæ mihi sæpe multumque branchias contemplanti venerunt in mentem, hinc exponere minimè absurdum esse duxi: hanc maximè ob causam vt studiosos admonerem, vt nunquam temerè à magnorum & vetustorum autorum sententiis discedendum esse, sic eorum dicta omnia tanquam ex oraculo Apollinis pythij edita, non esse semper accipienda, sed omnia circumspectiunda, diligenter obseruanda, experientia (quando licet) comprobada, quia tot tamq; miranda sunt naturæ opera, vt nondum omnia penitus etiam à diligentissimis perspicere potuerint, semperque restent aliqua peruestiganda. Quod si diligentia nostra effecerimus, vt aliquid quod à veteribus minus accuratè traditum sit, illustrare possimus, vel incognitum, obseruauerimus, id liberaliter omnibus communicemus, & in veritatis lucem proferamus. Quæ igitur in branchiis animaduerti hæc sunt: Primùm illis ferè immotis opercula ossea imposita dilatari & comprimi: deinde in branchiis foramina nulla esse, aut cavitates per se attrahendo aëri vel aquæ, aut istis attractis ad cor transmittendis accommodatas, quæ faciunt vt dubitem, num hiatus illius operculi ossei dilatatione aperti, & eiusdem compressione occlusi, potiùs quàm branchiarum beneficio fiat respiratio. Quis est igitur brachiarum vsus in piscibus: nempe vt cibus per hiatus illum ad respiracionem à natura comparatum non efflueret, sed branchiis veluti claustris contineretur, & recta ad ventriculum delaberetur, & aqua simul cum cibo hausta reiceretur. Sed ad id vnde digressi sumus reuertamur Branchiarum differentia consistunt potissimùm in situ numeroque. Ac primùm eorū qui branchias habent alii tectas, vt squamosi, quales sunt lupi, aurata, scari, cynædi, thunni, xiphia, sphyrenæ: Alij detectas habet vt cartilaginei omnes demptis sturione, attilo, quibus osseo operculo integuntur Branchia, & si cartilaginei sint. Quibus osseo operculo tectæ sunt branchia, iis scissura longa est, quibus detectæ ij foramina habent: quidam vtrinque singula, vt murenæ, anguilla, congri, cartilaginei quina, lampetræ vulgòque nuncupati catuli septena. Rursus quibus tectæ sunt eæ in lateribus sunt, quibus detectæ vt cartilagineis planisque in parte supina, vt torpedini, raiis, pastinacis. Rotundis verò & longis cartilagineis in lateribus, vt in quouis galeorum genere cernitur. Rana piscatrix & squatina plani cum sint cartilagineique pisces in lateribus etiam sitas habent, non spinoso quidem integumento sed *δερμ. τώδῃ*, id est, vt ita dicam cuticulari opertas. Præterea sunt quæ nec pulmones nec branchias habent, vt ostracoderma, quod iis paucus insit calor, qui satis per cutim perspirat, vt autor est Aristoteles in libro de Respiratione. Malacostracis non desunt sed pilos tenues & confertos esse diceret in lateribus dispositos. In eorum numero qui branchiis carent, murenas non repon-

repono, nec Plinio assentior qui hæc scribit *ET BL. IX. cap. x x. de* pinnis loquens, binæ omnino longis, & lubricis, vt anguillis & congris. Nullæ vt murenis quibus nec branchiæ. Nam Aristoteles à quo hæc mutuatus est id planè non asserit: eius verba hæc sunt lib. secundo de hist. animal. Nonnullis è longis nullæ omnino sunt pinnae, vt murenæ, nec branchiæ integræ vt cæteris piscibus habentur. Non igitur absolutè murenis branchias deesse, sed imperfectas esse affirmat: nam nec scissuram longam habet vt squamosi, nec foramina multa vt cartilaginei, sed vnicum, quod subsint branchiæ imperfectæ. Eiusmodi sunt cõgro, & caprisco, & orthagorisco, in quibus perfectiores quàm in murenis branchias non comperies. Qui omnia autorum dicta mordicus tenent, nihil aliorum obseruationi experientiæque tribuentes, hunc Plinij locum de fluuiatilibus murenis, quas lampetras vocant, intelligendum esse contendunt, quod si ita sit, non minus falsus erit locus. Hæ enim vt murenæ pinnis carent quidem, sed branchias habent. Ex iis constat opinor murenas ex eorum numero non esse, quæ branchias non habent. Sed de earum numero dicamus. Aliis paucae sunt, aliis nullæ, aliis simplices, aliis duplices, aliis multiplices, verùm pari semper vtrinque numero. Caprisco singulas habet easque duplices, elops & dentex quaternas & simplices: alij quaternas & duplices, dempta vltima, vt turdus, perca, glaucus, cyprinus: galei quinas & duplices vt acanthias leuis, & canicula. Non desunt qui octonis donati sunt ob ingentem scissuram vt xiphias. Verùm omnia persequi prolixum nimis foret. Quare cætera ex singulorum historia petenda sunt.

De Diaphragmate.

CAPUT XIII.

CONSENTANEVM hoc loco fuerit de diaphragmate piscium aliquid annotasse. Diaphragma Græci etiam *σπέρas* vocant, & *διάρωμα*; siue *σπέρωμα*, Plinius Præcordia, Aristotelis & Galeni interpretes Septum transuersum conuertunt, quia per transuersum, corpus cingit, quò differt ab aliis septis thoracis, narium, cæterorumque huiusmodi. Est autem musculus qui in quadrupedibus non ex vnica membrana, sed ex peritonæo, & ea quam *μυρὸν* *σπέρωμα* vocant, constat, rotundus, hoc à cæteris discrepans musculis, quòd in ambitu carnosus in medio aponeurosin habet, cum alij in medio ferè semper carnosus in aponeurosin desinant: partibus anterioribus & superioribus pectus attingit: inferioribus & posterioribus lumborum vertebris alligatur in respirantibus. Per hoc septum vena caua ad cor-

penetrat,arteria à corde ad inferiora demittitur, & gula in ventriculū definit,neruos à colli vertebris recepit vtrinque pericardio innitentes,ne faciliè rumperentur. Ad huius motum pulmones mouentur,vnde à Philosophis & Medicis præcipuum respirationis instrumentum esse dicitur: tantus est illi cum corde & cerebro consensus, cognatiōque vt eo læso pereat animal, eo inflammato statim mens ex sua sede & statu dimoueatur, multò magis quàm læso ore ventriculi,vel aliis internis partibus,quibus per neruos sextæ coniugationis magna est cum cerebro *συμπύκνωσις*. Cuius rei causam hanc esse existimo, quod maior sit immodici caloris cum cerebro & corde communicatio eo læso, quàm cæteris partibus interioribus.Etenim prout noxam acceperit, vel respiratio omnino tollitur, vel læditur, qua de causa frigidi aëris inspiratione & calidorum halituum expiratione impedita cor non refrigeratur.Sed de his plus satis.nunc de diaphragmatis vtilitate. Qui pisces pulmonibus non respirant, eos vt pulmonibus ita septo transuerso carere necessariò consequi videretur,quo si careant, omnes cor in ventre habere necesse est: quare de asello tantum hoc non erat annotandum, quod ex Aristotele tradit Athenæus, sed de cæteris omnibus.Sed rem aliter habere experientia ipsa comprobat: nam & septum in omnibus ferè est: quod si non esset,non minus aliis omnibus cor in ventre esset quàm asello. Quis est igitur diaphragmatis vsus? Subiiciet fortasse aliquis ex Aristotelis libris de partib. animal.hunc esse eius vsus, vt sentientis animæ principium (quod ille cor esse existimat) à ventriculi halitibus non lædatur, & id à cæteris animantibus ad pisces etiam transferet, sed id procul à veritate abesse ratio ipsa ostendit:nam etiamsi nullum sit septum quo pacto cordi pericardio incluso, è ventriculo sublatis halitus infestis essent & noxi? Idem Medicis est sentiendum qui cerebrum sentientis animæ principium constituunt. Quam enim quæso diaphragma impediatur quominus ex ventriculo per gulam,ex arteriis venisque sursum ad caput ferantur fumi & vapores? Quare vtilitatem diaphragmatis duplicem esse dicemus.primùm quidem & maximè: vt sit respirationis organum: deinde vt ad excrementorum excretionem conferat,ex Galeni sententia LIB.V.de vsu partium. Quibus addere possumus à diaphragmate, musculis abdominis vndique prementibus secludi intestina à corde atque semoueri, ne illud opprimant, & tandem extinguant.neque etiam Philosopho indigna est ratio,quam Plato in Timæo attulit,vt,inquit,in ædificijs fuerunt diuisionibus distinctę habitationes virorum & mulierum: sic Phrenes sunt interseptum inter partem præstantiorem seu magis virilem, & inferiorem quæ veluti culina est.De piscium diaphragmate ita statuendum.illud nostro simile ac æquè perfectum ad respirationem, excrementorum exp-

expulsionem & vociferationem à natura habent qui pulmonibus respirant, vt balæna, orca, physter, vitulus marinus, testudo, delphin, phocæna. Squamosi & galei id imperfectum, ac non musculum, sed membranam obtinuerunt, vt quibus minore opus sit respiratione, iisdem pericardium inferiore in parte duplicatum est, anteriori parti, non dorsi vertebris, vt in quadrupedibus alligatum. Sub corde situs est sine gula ventriculus, magna capacitate quæ in causa est, cur diaphragma imperfectum & membranam duntaxat habeant.

De Corde.

CAPUT XIII.



VM Partes aliquot cordis potissimum causa à natura conditæ superioribus capitibus satis, quantum ad hoc nostrum institutum pertinet, explicatæ sint, iam ad cor ipsum aggredior, partem sanè non solum in animalibus terrestribus, sed in piscibus etiam, consideratione contemplationeque dignissimam, tum quòd cordis fabrica longè alia ratione constet in plerisque piscibus, quàm in cæteris animalibus, tum quòd in ipso piscium genere, figura situsque plurimum differat. Squamosorum igitur piscium cor tribus partibus constare existimo. Infima, quæ sanguini coagulato similis est, & substantiæ hepatis crassitudine. In hanc vena ab hepate ascendens inseritur, eamque sinu dextro cordis cæterarum animantium proportionem respondere puto, ad immutandum sanguinem concoquendumque, ac gignendis spiritibus aptum efficiendum, à natura comparatam. Media, quæ est colore carnis, solidiore duriorque substantia, habetque in medio sinum, quo venam ab infima parte excipit, sinistri sinus cordis reliquorum animalium, in quo spiritus generantur vicem gerentem, cui suprema pars connectitur, membranosa, alba, dura, quæ verrucæ non absurdè mihi comparari posse videtur, si feces, interiore in parte paruulis fibris, veluti lineis distinctam videas, inde meatus prodit, tendens ad medium in quo branchiæ omnes inter se copulantur. Hunc meatum Aristoteles *αὐλὸν φλεβονδρῶδι* nuncupat: *In libr. de respiratione.* rectius meo quidem iudicio *ἀγγεῖον ἀρτηριώδες* appellaturus, ex quo hinc & inde paruulæ arteriæ tanquam ramuli propagantur. Supremam hanc partem ad quam sinus mediæ partis pertingit, tum transumendi spiritus, qui in media parte elaboratus percoctusque est, tum ex sese, vas *ἀρτηριώδες* producendi gratia à natura conditam fuisse arbitror. Nec sum nescius solam hanc partem de ipsius Aristotelis sententia, cor ipsum esse: id si verum sit, quis quæso reli-

quarum duarum partium, sinuúmque quibus vasa excipiuntur, vsus erit? Quòd si vnus alicuius partis nomine cor designandum foret, certè mediam partem cor ipsum esse dicerem. Piscium, qui pulmonibus respirant, cor à terrestrium animantium corde ferè non differt. Aures enim, quas vocant vtrunque habet, similiter sinus duos & arterias φλεβώδεις, & venas αρτηρώδεις, tunica quoque inuoluitur, quam περιγάρδιον vocant, nutriturque maximè vena à parte inferiore, ipsum cingente ac veluti coronante. Hoc tantùm interest, quòd vt in terrestribus, non ita in piscibus adipe sit munitum. Cùm verò adeps fiat ex sanguinis parte magis aërea pinquique & fluxili, quæ vbi in frigidum incidit locum, cogitur & concrescit, si verò in calidum, absumitur non aliter quàm aqua, vel aspersum oleum à candente ferro: certè præter rationem in hac parte calidissima, atque adeo caloris ipsius fonte nasci videri possit, nisi prouidentia diuinæ ratio habeatur, quæ ne cor in immodico calore in μαρasmus, id est, summam desiccationem facile incideret, imæ eius parti adipem affudit, vel vt famis tempore pabulum cordi esset, & innati roridi subitam consumptionem remoraretur: non enim aliter intelligere oportet partes adipe nutriri, quàm refici aliquando & leuari, quoad solidum & proprium accedat alimentum. At piscibus, quòd terrestribus animantibus longè sint humidiores frigidioresque, nihil opus fuit hoc (quòd à summa exsiccatione & subita roridi innati consumptione multum absint) tanquam remedio & alleuamento. Situs cordis in piscibus varius est in iis, qui per branchias respirant, propius os cor locatum est, vbi videlicet branchia dextræ sinistraeque coeunt, quæ causa est cur extra aquam subito suffocentur, nimirum aëris appulsu & impetu repente affatimque factò, à quo exiguus calor non aliter quàm paruus ignis à magna lignorum copia superiniecta extinguitur. In iis, qui per pulmones respirant, paulò inferiùs cor situm est, vt asperæ arteria locus sit. In terrestribus verò animantibus paulò adhuc inferiùs in medio thorace.

De Peritonæo.

CAPUT XV.



PERITONÆO Σ Membrana est, omnia, quæ sub diaphragmate sunt viscera contegens ac inuoluens, à qua eadem suas exteriores tunicas accipiunt. Nomen à tensione positum est, in piscibus simplex est, facileque præsertim in coctis ab aliis partibus secernitur. Eam solo colore differre obseruavi: a sello, mugili, aurata, salpa nigro colore perfusa est, in aliis albo.

De

HA CTENVS Expofuimus partes eas, quæ ad refpirationem, vitalémque vim à natura funt conditæ. His fuccedunt quæ naturalibus maximèque nutriendi actionibus miniftrant, quas breuiter percurram factò à gula initio. Nam de dentibus initio dictum eft. Quam nos gulam, Græci proprio nomine οἰσφάγον, communi τροφήν appellant, ductum fiue viam, qua cibus ab ore in ventriculum, tanquam in cellam penuariam demittitur. Ingreffum cibi pifces omnes, qui in perfectis animalibus numerantur, habent, gulam non omnes, verùm ij, maximè qui pulmonibus fpirant, vt delphini, vitulus marinus, balæna, orca, testudo omnis. Illi ventriculum ori continentem habent: hi fatis procul difiunctum, idque pulmonum caufa, qui refrigerandi cordis gratia facti, multò inferiore, quàm nunc funt loco, vt fub ventriculo commodè locari non poterant: neque enim tam facilè externus aër intrò reciperetur, neque calida & fuliginofa excrementa foras mitterentur. Ventriculo verò inferior locus longè aptior fuit, tum vt ad meliùs concoquendum multis calidis particulis circumuallaretur, parte fuperiore à corde, inferiore ab inteftinis, parte dextra ab hepate, finiftra à fplene, pofteriore à vena caua afcendente & arteria magna defcendente, anteriore à fupernatante epiploo, & mufculorum epigaftrij oppofitione, tum vt excrementa, quæ deorfum ferrentur, faciliùs expurgarentur. Sunt & aliæ multæ fitus harum partium caufæ, quas lubens omitto, & ad pifces redeo, quorum multi gulam habent, etiam fi pulmonibus careant, vt qui oblongo & tenui funt corpore, vt congri, ferpentes, acus, anguillæ, fphyrænæ, lucij: qui omnes, fi ori ventriculum continuatum haberent, propter corporis tenuitatem, aliarumque particularum vicinitatem, ventriculus nihil cibi capere vel retinere potuiffet, cui incommodo profpexit natura, gula per angufta loca ad ventriculum liberiore in loco iacentem deducta: mollia gulam habent longam & anguftam, quæ in caufa eft, cur pifces integros deuorare non poffint, fed morfu diuifos deglutiant. Gulam etiam habent crufta intefti pifces, quod & annotauit Ariftoteles, & ex diffedione manifeflum eft. Gula in omnibus rugas habet in longitudine & latitudine: in aliis breuior eft, in aliis longior, vt in echinif, ferpentibus marinis, muræna, lampetra, denique in longis omnibus: in aliis latior, vt in lamia fiue lamyro à gulæ latitudine nomen adepto.

Lib. 4. de hift.
animal. cap. 3.

DE PISCIBVS

De Ventriculo & eius appendicibus.

CAPUT. XVII.



VL A M Sequitur ventriculus, in quo retinentur, coquunturque cibi totius corporis nutriendi causa: varia est huius magnitudo, figura, situs. In magnis enim magnus est, in parvis paruus. In iis, qui ad eandem ferè magnitudinem perueniunt, diuersus comperitur, vt lupus, luciùsq; multò ampliore sunt ventriculo, quàm mugil, vel sturio, quibus ventriculus est paruus, carnosus, ventriculi gallicinarum modo. Cuique suus est pro natura ventriculus, gulosis & sarcophagis membranofus, & amplus, vt pisces integros capere, in omnemque partem facilè distendi posset: aqua mucòq; viuientibus, exiguus & carnosus. Huius figura, corporis figure similis est: nam oblongus oblongus est, rotundis rotundus, & breuis, & latus. Rursus quibus pulmones sunt & gula, is in medio ferè cauo corporis situs, æqualibus ferè spatiis distans ab ore & podice. Ventriculo appendices multæ adhærent, quæ in magna sunt varietate. Nam coracinus, latus, umbra, coruus, appendices octo vel nouem habent. Pelamydibus sunt plures eæque maiores. Afino tres tantum, eæque breues. Denique pauci sunt, qui appendicibus careant, qua parte à terrestribus animalibus pisces differunt. Harum vsus esse videtur, vt quoniam in piscibus imbecillus est ad coquendum cibum calor, is in ventriculum & in appendices veluti in plures partes distributus, faciliùs conficiatur: sic enim faciliùs vincitur à calore, quàm is qui in vnum coactus est, vel vt non statim effluat, sed in appendicibus diutius asseruetur, in tempore futurus vsui. Qui pulmonibus spirant, appendicibus carent, quod plus habeant calidi innati, ideòque meliùs concoquant.

De Intestinis & Podice.

CAPUT XVIII.



INTESTINORVM Satis magna est varietas. Cartilagineis enim densa sunt & lata, sturionibus, & iis qui pulmonibus spirant, densa & angusta, & per corporis longitudinem deducta in podicem desinunt, vbi latiora sunt, mesenterio annectuntur, venasque mesaraicas excipiunt. In quibusdam recta ad podicem descendunt, vt in galeis, aliisq; longis. Lucio longum intestinum sursum recurrit, inde ad podicem reuersum illic desinit, quæ causa est, cur tam gulofus sit. Sunt quibus intestina pinguedine obducuntur & eduntur, quòd dura non sint, vt mugilibus qui nutriuntur mucò. Eadem de causa
men

meusis apponuntur intestina sturionum, balænarum, delphinorum & scarorum, qui intestina spissa habent, pingua, non dura, violam olentia. Podicem in omnibus esse piscibus qui ore cibum capeſſunt, ratio ipsa persuadet, vt id quod in alimento à natura ipſorū alienum est: ideòque in succum verti non potest, alio loco quàm sumptum sit expellatur, quem locum Græci *ποδων* nos Podicem dicimus. Hunc habent saxatiles magnum & patetem, vt intestinum aliquando prolabatur, quod in turdis, merulis, cynædis frequenter obseruauimus: aliis ita paruus est, vt nisi ventrē premas vix appareat. Præterea nonnullis omnino in extrema cauda est situs, vt in locustis, sepiis, astacis, squillis, denique in omni crusta insectorum genere: aliis paulò superiore loco situs est vt in longis & tenuibus, quales sunt anguillæ, murenæ, serpentes, acus, conghi, sphyrenæ & his similes: in aliis magis à cauda distat, vt in auratis, lupis, mugilibus, scaris, percis, turdis, merulis: in aliis in medio ferè corpore vt in buglossis: in aliis ori propior est quàm caudæ, vt in rotundis, & qui figura sunt rhomboide. Non desunt qui eadem ferè in parte os & podicem habent vt holoturia purpuræ, cochleæ, & ferè omnia quæ rotunda sunt, demptis echinis in quibus in parte ori aduersa positus est. Sepiæ eodem meatu atramentum & excrementa reiiciunt autore Aristotele: Ego atramentum earum excrementum esse puto, quod per partem fistulæ in simam expellitur. Omnium commune est ore podicem minorem habere: quæ enim assumuntur, vel mole, vel duritie superant ea quæ egeruntur, quæ semper vel liquida, vel in tenues partes comminuta sunt.

*Lib. 4. de hist.
anim. cap. 14*

De Hepate & Splene.

CAPUT XIX.

PISCIVM aliis hepar est discretum, aliis non discretum, quod tamen hepatis functiones obit. Cùm enim hepar venarum sit origo, & sanguinis fons, qui cibo succõe aliquo nutriuntur, ventriculo, hepate, intestinis carere non possunt. Quibusdam vnicum simplexque est hepar, vt lucio, lupo, asello, auratæ, mullo, percæ: in aliis est geminum, vt in galeorum genere. Est enim illis hepar in duos longissimos lobos ita diuisum, vt merito duplex esse dicatur potiùs quàm vnicum, vt acanthiæ, caniculæ. Cartilagineorum hepar pingue est, vt liqueſci possit, & in oleum resolui, quo in multis affectibus frequenter vsi sumus: est & ad lucernas vtile. Aliorum hepar sanguineum est. Porro in quibusdam hepar rubrum est, vt in respirantibus: in aliis ex rubro albescit, vt in candidis qualis est qui vulgò à nostris *capelan* dicitur, ex Anthiarum genere. item in mustella: aliis cinereo

est colore, vt galeis & raiis: aliis croceo, vt pastinacis: aliis cœruleo, vt lampetris. Denique nulla ferè piscium pars est, quæ coloris varietate magis distinguatur. Differt etiam hepar hoc ab illo saporis bonitate: vnde nulli hepar tantoperè in deliciis olim fuit. Cartilagineorum hepar ferinum quiddam olet, vt galeorum, sturionum, & cetaceorum, estque saporis planè ingrati. Sic splenem non omnes pisces, discretum habent. Is in nonnullis magnus est & longus, in cetaceis maximus, in quibusdā exiguus & niger, vt in scaro, in aliis sanguinis colore est, vt quibus hepar albet, iis splen rubet. Positus est in nullis iuxta hepar, in aliquibus sub ventriculo, in lucio in fundo ventriculi.

De Felle eiúsque Vesica.

CAPUT XX.

IN Omnibus fellis vesica ex hepate dependet, vt bilem, quæ in hepate à sanguine secernitur excipiat. Verùm hoc interest, quod in quibusdam hepatis ipsi adhæret: in aliis per intestini longitudinem extenditur, & in eam per venulam, tanquam per riuulum fel deriuatur, vt in thumnis, pelamydibus, glaucis. In quibus hepatis ipsi adhæret, vel est in ipsius summa parte per venulas bilem trahens, vel in ipsa est hepatis substantia, & in ea sic, vt ita dicam, immersus & obrutus, vt vix appareat, nisi conquiras curiosius, id quod in galeis obseruauimus aphyis *ἐκκρασιχόλοις* ob id dictis, fel est in capite, quam ob causam caput abscinditur, cum salientur, ne fel garum vitiet. Carent vesica fellis vitulus marinus, delphin. Vranoscopus, si corpus spectes, magnam fellis copiam habet, substantięq; tenuissimæ. In aliis fel minus est & crassius. Galeorum & aliorum multorum fel viride est, scari nigrum, pastinacæ croceum.

De Renibus & Vesica.

CAPUT XXI.

RENES & vesicam non omnes pisces habent, quemadmodum nec aues nec animalia, quæ repunt, id quod ex anatome perspicuum est. Quæcunq; verò renes, etiã vesicam habent: nam cum renes naturã serosa sanguinis excrementa attrahant & secernant, necesse est, vt eo quod crassius est, nutritioni reseruato, quod tenuius est, per meatus *ἐρετῆρας* in vesicam velut in lagenam effundant. Renibus igitur carēt & vesica squamosi, læues, cartilaginei. At habent omnes qui pulmonibus spirant. Etenim ob multam sanguinis copiam, multis serosis ex-

excrementis abundare eos oportet, quod cum neq; in pilos neq; squamas, similēve particulas absumi possit, venas hoc onere leuari à renibus id attrahentibus, ac tandem per vesicam foras pelli necesse est. In horum piscium numero sunt balenæ, phyfeter, orca, vitulus marinus, delphin, testudo. Renes vituli marini renibus vitulorum terrestrium similes sunt, id est, quasi ex multis exiguis renibus constāt: in iis enim diuisiones parua cernuntur, vt in puerorum recens natorum renibus: id quod indicat Aristoteles cum scribit, morbos renum curatu difficiles esse, propterea quod quasi multi sint. Delphinorum renes racemi formam maximè referunt: sic inter quadrupedes Lutra multos racemi modo conglobatos habet, id quod ea de causa istis euenisse arbitror, vt serosa excrementa quibus abundant, facilius trahant & fecernant. Cum enim actio, vt Philosophis visum est, contactu perficiatur, quo plures fuerint rei immutandæ partes, quas id quod agit vndique contingat & complectatur, eo facilius eiusdem rei fiet immutatio, atque tota actio celerius absoluetur. Quare serosus sanguis in plures veluti renes distributus quemadmodum chylus in omnes hepatis particulas deriuatus, & aer in omnes pulmonum arterias sese insinuans, minore opera vincitur, immutatur, segregatur. Quantum ad vesicam attinet, ea in iis quos diximus piscibus duplex est: vna fel, altera urinam excipiens, quemadmodum in terrestribus animantibus. In fluuiatilibus præter has alia reperitur aëre plena & in quibusdam gemina, in marinis quibusdam eadem reperitur. In aliis huius vice spatium est inter spinam & peritonæum aëre plenum.

Lib. 3. de part. anim. cap. 9.

De Testibus & Pene.

CAPUT XXII.

ARISTOTELES libro quarto de partibus animalium, pisces omnes testibus à natura priuatos esse auctor est. Testes, inquit, nullus piscium nec intus nec foris habet, neque animalium pedibus carentium vllum, neque serpentes: meatum verò & excrementorum, & eorum quæ ad generationem faciunt eundem, quemadmodum aliæ animantes quadrupedes quæ ouum pariunt, quod vesicam non habeant nec excrementa humida. Et LIB. III. de histo. animal. Piscibus *Cap. 1.* nulli testes sunt: & paulopost: Piscibus, vt modò dixi, testes nulli sunt, nec serpentibus, sed binos habent meatus à septo transuerso pendent ex vtraque spinæ parte, cocuntes supernè in vnum, atq; vsque ad excrementorum exitum pertingunt: quod autem ad spinam est id superius nomine. Hi coitus tempore semine pleni redduntur, ex quibus

attritu semen album effluit. Haecenus Aristoteles, cuius sententiam ipsa *αὐτοψία* redarguit. Habent enim delphini testes intus oblongos digiti magnitudine, id quod etiam perinde ac sui oblitus Aristoteles alio loco affirmat: nam initio lib. tertij de hist. animal. Delphinum inter eos annumerat quibus intus sunt testes, cum alibi, ut paulò antè citauimus, scripserit nullum piscium, nec intus nec foris testes habere. Habent testes etiam & mentulam vituli marini, & balænae. Nullis verò omnino testes sunt foris pendentes: nam & natationi maximo essent impedimento, & ab aqua nimium refrigerarentur: quamobrem in omnibus quibus hæ partes non desunt, eas delitescere & intus inclusas esse necesse fuit. Nec solum maribus, verum etiam fœminis testes sunt sed positu differunt: nam in fœminis ad vteri cornua: in maribus ad imum ventrem, non procul à vesica siti sunt: multò etiam magis mas à fœmina distinguitur vasorum spermaticorum substantia & præsertim magnitudine. In maribus enim multò minora, in fœminis maiora, & vuluæ similia sunt, siquidem in his maior moles, in illis semen etiam exigua copia, valde efficax continetur. Eadem vasa in nonnullis à nostris differunt, & multò plura sunt, ut in delphino innumeri ferè venarum arteriarumque ramuli, ad testes pertingunt, quod consultò à natura, seminis scilicet præparandi gratia, factum esse existimo. Cum enim coitum citò perfici necesse sit, quia respirationem reprimit, & remoratur, semen iam antè præparatum esse oportet, & subito affatimque eiici, quod in causa est cur meatus qui id à testibus ad mentulam deferunt breues sint admodum. Penem autem habent qui respirant, quibusque sunt testes, vuluæ ceruici longitudine parem: ac quantò propius atque arctius in cõplexu venereo iunguntur animalia, tantò breuior est mentula: quantò minùs copulantur, tantò longior ut asinorum, equorum, boum, ferorùmque animalium, quæ dorso à fœminis admittuntur, ut semen calidum, & sine vlla spiritus iactura, in intimas vteri partes perferatur. Hanc ob causam in balænis, quia ob corporis vastitatem in cõmiscendis corporibus propius coniungi non possunt, Penis quatuor & decem cubitorum longitudinem æquat. Vidi equidem balænae mentulam tantam quæ etiam à procero homine humeris gestata, vtrinque terram contingeret, unde quanta sit, cum balænae libidine concitate feruntur, conicere oportet. In delphinis breuior est ea pars, quia facilius, copulari possunt, nec vulua in alto corpore sita est. Substantia, structura, color in omnibus ferè similes sunt. Figura planè non eadem: in Phocæna enim duplicatur, in delphinis rector est. Hac parte carent qui attritu & compressu solo partium genitalium coeunt, non semen eiaculando, sed super oua spargendo. Sunt & quibus mentula deest, quod fœminæ quibuscum coeunt, meatu amplo partèque extrema sito cõmodè semen excipiant.

LIBER III.
De Vulua & Mammis.

75

CAPUT XXIII.



QUEMADMODUM Testibus & pene, ita vulua & mammis pisces à se distinguntur. Ac primùm de vulua dicendum, quam balænis, delphinis, vitulis marinis, denique omnibus respirantibus minimè deesse experientia ipsa arguit. Primo loco est ceruix siue collum, sequitur vulua in duo cornua diuisa, ad quæ positi sunt testes, vt in quadrupedibus. Sunt quibus vulua duos sinus habet, perinde ac si duæ essent, vt in piscibus oua parientibus, quales sunt lupus, mugil. Iis qui oua quidem concipiunt, sed intra se ex his fœtus suos excludunt: deinde viuos pariunt, qualis est galeus acanthias, aliique multi, iis inquam vulua prope septum transuersum sita est, cui adiacent corpora duo rotunda, vitellis ouorum gallinæ similia ita disposita, vt in caniculæ picturæ exhibuimus: hæc videntur esse veluti seminis cellula, quod in vuluæ capacitatem inde deriuatur. Qui sine maris & fœminæ coitu nascuntur pisces, vt vtero fœminæ, ita meatibus spermaticis mares prorsus carent. Mammæ piscibus esse eadem experientia docet, vt in balænis, vitulis marinis, delphinis, phocænis, ac vniuersè omnibus iis qui ex semine sine ouo pariunt, lacteq; suos fœtus alunt: dixi ex semine sine ouo propter galeos & vyperas, quæ ex ouo animal viuū pariunt, ac intra se ex ouis excludunt: hæc enim animalia lacte non nutriuntur. In litore Aquitanico ex balænis lactis cados duos colligi vidimus. In delphinis quoque lac reperitur, ex quibus efficitur hos pisces mammæ habere: etenim lac non nisi in mammis fit. Idem Aristoteles confirmat. Mammæ habent, inquit, quæcunque animal intra se concipiunt, & in lucē edunt, vt quæ pilis integuntur, quemadmodum homo & equus, ac cetacea, vt delphini, vitulus marinus, balæna: etenim hæc mammæ habent & lac: & alibi. Delphin animal parit, quare duas habet mammæ non superiore in parte, sed prope genitale, non autem papillas manifestas, quadrupedum modo, sed veluti riuulos duos vtrinque singulos, ex quibus lac fluit quod à sectantibus catulis fugitur. Hæc Aristoteles. Non solum verò delphini, sed & balæna, & vituli marini papillis carent: in omnibus enim diligenter prospexit natura, ne quid natationis impulsū & motum impediret. Hac igitur mammæ particula à terrestribus secernuntur pisces: earum autem situ à muliere, quæ in pectore gestat, & ab elephante, qui in alis, à cane & sue quæ in toto ventre. Illis enim prope genitalia sunt, & podicē. Eadem partiū substantia mammæ in omnibus constant, venis arteriisque permixtis in corpora glandulosa & adipem definētibus. Lac cōpressu exprimitur, quod catuli ore excipiunt.

*Li. 3. de anim.
cap. 20.*

*Lib. 2. de hist.
cap. 13.*

Quemadmodum autem testes piscibus omnibus alio loco adimit, alio delphinis tribuit Aristoteles, sic etiam aliquoties eadem pagina, modo pisces omnes mammis carere, modo delphinos & cetacea habere scripsit: sed ne in citandis his locis longiores simus, satis erit locum indicasse, qui est lib. secundo de hist. animal. capit. xiiii. Verum Aristoteles delphinum & balænam & quæcunque ζωοτόχαι sunt, & cetacea, & fistulam habent, pulmonibusque spirant τῶν ἰχθύων, id est, piscium, siue τῶν ἐνύδρων, id est aquatilium nomine propriè non comprehendit, neque etiam terrestrium: si, inquit, pedestre est quod aërem haurit, aquatile aquam, ytrunque enim participant.

De Spinis.

CAPUT XXIIII.

SPINARVM in piscibus is est usus, vt carnem fulciant & contineant. Eæ ossibus portione respondent. Spinis carent beluæ marinæ, ique pisces qui pulmonibus spirant, quarum vice ossa dura & dēsa, qualia sunt terrestrium animantium, habent. Cartilaginei neque spinis neque ossibus fulciuntur, sed cartilagine. Spinæ habent omnes alij vt squamosi, læues, fluuiatiles, & ij qui in fluuiis nascuntur, & qui relicto mari flumina subeunt, vt alosæ quæ plurimis spinis abundant, & murænæ, alij paucioribus firmantur. sic etiam earum quædam tennes sunt admodum & breues, quales habent sardinæ, mænæ, alosæ, aphyarum genera, quorum omnium spinæ tanta sunt exiguitate, vt sine noxa deuorentur, capillorum enim quædam tenuitatē referunt.

De Collo.

CAPUT XXV.

Lib. 2. de hist.
anim. cap. 13.
Lib. 1. de hist.
cap. 12.

ACTENVS partes piscium præsertim interiores, tradidimus: nunc supersunt pauca aliquot exteriores, de quibus nonnihil dicendum: ac primùm de collo, ἀργύρεα & τράχηλον Græci vocant, quam partem omnino piscibus deesse affirmat Aristoteles. Piscium, inquit, nulli collum, nulli artus, testes, aut mammæ. Quid autem sit collum, quæ eius partes, quis usus, ex ipsomet Aristotele proferamus. Collum, quod inter faciem & thoracem est, cuius pars anterior guttur, posterior gula, pars verò cartilaginea & anterior vocis & respirationis ductus, arteria carnosa: at interior ad spinā στήμαχος, id est gula, extima autem colli pars ceruix: & alibi. Collum est omnibus animal parientibus: Ouum parientia, alia habent, alia minimè: quæcunque enim pulmonem, etiam collum habent. Et paulò post collum arteriæ causa factum

Lib. 4. de par.
anim. cap. 10.

ctum est: propugnaculum enim est, eamque & gulam vndique con-
tegens. Quæ cum ita sint cur vitulis marinis, balænis, delphinis, testu-
dinibus marinis, & palustribus, collum non tribuimus: nam & arte-
riam asperam habent, & pulmonibus spirant, & collo caput à thora-
ce seiungi experientia comprobatur, in aliis quidem magis manifestè, in
aliis minùs, ut in balæna & delphino. in quibus collum indiscretum
esse dicemus, eiusdem Aristotelis exemplo, qui in caneris caput esse
asserit. sed indiscretum: sic enim Plinius exprimit quod Aristoteles
ἀόριστον appellavit.

Lib. 4. de part.
anim. cap. 10.

De Appendicibus circa os.

CAPUT XXVI.



VM Non temere natura piscibus nonnullis maximè
circa os appendices quasdam carnosas adiecerit, ne has
quidem silentio præterire fas est: hinc enim in quibus-
dam maxima naturæ solertia elucet. Eas quæ circa os
sunt, barbam piscium non ineptè possumus appellare:
nam inde barbatulos mullulos, & barbatulos mullos apud Cicero-
nem dictos legimus. Appendicem igitur hunc usum esse existimo in
quibusdam, ut pisciculi vermèsque alliciantur: in aliis ut arceantur
quæ in os incidere possent, ranæ piscatrices binas habent appendi-
ces quibus veluti linea piscantur, totidem squatinæ habent eiusdem
usus gratia. Vranoscopus iners per insidias piscatur: nam inter lin-
guam & labrum inferius nascitur membrana tenuis, quæ foris pro-
pendens in filium carnosum vermiculo simile definit, quo tanquam
esca allecti & capti pisciculi attrahuntur, & deuorantur, quod in vranos-
copo à nullo quod sciam, scriptore obseruatum comperi. Sub men-
to appendices habent mustellæ, mulli: alij supra oculos ut scorpio,
scorpana, lepus vulgo dictus: alij è collo pendentes tanquam iubam,
ut hippocampus, quod non nisi in nuper capto, & in aqua natante ap-
paret. Alij per totum corpus sparsas ornamenti causa, ut raia mari-
næ: Neque desunt fluuiatilibus suæ appendices. Gobioni, barbo antè
os pendent, cyprino in lateribus siue in fine scissuræ oris sitæ sunt qua-
si *mustænes*. Habet etiam appendices Padi piscis *copso* vulgè dictus, sed
& dentes qua de causa puto his appendicibus pisces allici, allectos
dentibus apprehendi & retineri. Sturionibus ante os propendent ma-
gis prohibendarum festucarum aliorumque corpusculorum occur-
rentium quàm piscandi causa: dentibus enim carent, sepiusque ven-
triculis eorum dissectis nihil præter spumam mucumque reperi. Quo
fit ut existimem piscibus eos non vesci, datasque à natura esse appendi-
ces maximè muniendi oris causa, præsertim cum sint ore rotundo &
aperto ut vix bene labra iungi possint.

PINNARVM Nomine quæ piscium propriæ sunt, & auium alis proportionem respondent, non solum eas quibus inter natandum pisces corpus impellunt, sed etiam reliquas omnes quæ vel in dorso sunt, vel ad podicem & caudarum extrema, intelligimus propter similitudinem. Harum magna est in magnitudine, substantia, figura, colore, numero, excessu defectuque varietas. Miluo, cuculo, hirundini magnæ sunt: cæteris longè minores, in nonnullis longiores, in aliis breuiiores, sed latæ. Quædam fibris tenuibus seu filis constant & membranis, vt in squillulis: quædã ex cartilagine, vt in cartilagineis: aliæ ex cartilagine & osse, vt in beluis marinis: aliæ pedum figuram imitantur, vt vituli marini priores pinnæ vrsi pedibus, posteriores piscium reliquorum caudis potius quàm pinnis, vrsive pedibus similes sunt. Testudo quatuor pinnae habet, priores alis sunt similes. Quædam rotundæ sunt, vt in luna pisce, nonnullas alis auium rectè conferas, vt hirundinum marinarum pinnæ, magnitudine, substantia, figura, colore vespertilionum alis sunt quam similes. Sunt quibus pinnae extrema vnguibus munita sunt, vt testudinibus marinis & vitulis: in aliis minimè. Aliæ pinnæ sunt albæ, aliæ flauæ, aliæ ceruleæ, aliæ variæ. Nonnulli quaternas habent, binas scilicet ad branchias, & binas in ventre: quidam binas tantum ad branchias, vt anguillæ: alij nullas vt murænæ. In squamosis, pinnæ & quæ in dorso sunt, & quæ in ventre & ad podicem, aculeis innituntur: sed in quibusdã ternæ sunt, in nonnullis binæ: in aliis vnica parua: interdum vnica quidam, sed à capitis fine ad caudam continua. In thunno, pelamyde, & lacertis omnibus, plures sunt circa caudam, ex æquo à se distantes, alię paruulæ à podice ad caudam, & ab vltima dorso ad caudam vsque.

De Pedibus & Manibus.

CAPVT XXVIII.

ERRESTRIVM Quidam animantium corpora, vniuersè in ventres, & inde pendentia membra siue artus, Græci κῶλα vocant, diuiduntur. At piscibus omnibus κῶλα adimit Aristoteles. Collum, inquit, piscium nullus habet neque artus vlllos: & alibi. Piscibus nulli artus dependent, quod sint natura natatiles, essentia suæ ratione: nihil enim superuacaneum nihil frustra facit natura. Cum verò sanguine prædita sint essentia suæ ratione, quod quidem natatiles sint

Lib. 2. de hist.
cap. 13.

Lib. 4. de par.
anim. cap. 13.

• pin-

pinnas habent: quòd autem non gradientes, non habent pedes: pedum enim appositio ad motum, qui fit *ἐν τῷ ὁδοῦ*, id est, in solo utilis est. Si quis igitur Aristotelis auctoritate motus ista ad viuum refecare velit, piscibus pedes tribuere nefas esse existimabit. At si communem Græcorum loquendi vsum, atque etiam fortassis rem ipsam propius spectes, non ineptè pedes pisces quidam habere dicentur, id quod Aristoteles ipse etiam interdum ait. Ac primùm incipiam ab eo loco, qui est capit. j. libri quarti de hist. animalium, statim in initio. Piscium, qui molles dicuntur, exteriores partes hæ sunt: primùm pedes qui vocantur: deinde his continuum caput: postremò aluus, quæ totum corpus continet. Et mox, mollibus omnibus accidit inter pedes & ventrem caput habere. Pedes quidem octoni omnibus sunt, per quos bina acetabula dispersa sunt, dempto vno polyporum genere. & eodem libro: Pedes habent locustæ quinos vtrinque, cum extremis chelis: similiter cancri denos cum suis chelis. Ex his igitur & aliquot aliis auctoris locis satis constat, pedes piscium non absurdè nominari, quos etiam idem *παλαιοὶ* vocat, Plinius brachia. Polypi, inquit, brachiis vt pedibus & manibus vtuntur: & polypi à cæteris mollibus differunt, quòd illorum parua sit aluus, pedes longiorum autem magna aluus, pedes breues, vt ingredi non possint. Ad hæc polypis non solùm ad nandum, sed etiam ad ingrediendum pedes sunt utiles, eodem Aristotele teste. Polypi soli mollium in sicum exeunt duntaxat asperum, leuitatem odere: his enim verbis Plinius Aristotelis locum interpretatur: Quæ cum ita sint, non solùm polypis, qui à pedum multitudine nomen inuenere, sed etiam omnibus crusta intectis, dempto vno echino, pedes non impropriè tribuimus, vt locustis, astacis, tum fluuiatilibus, tum marinis, leonibus, elephantis, squillis, cancri omnibus. Et ne ab eodem Aristotele recedamus. Vituli marini, inquit, vt aquatiles quidem pedes habent, vt pedestres autem pinnas, posteriores enim pedes omnino piscium modo habent. Sed de pedum appellatione fortasse nimis multa, nunc horum differentias expendamus. Mollium pedes vt polyporum, sepiarum, loliginum, constant ex carne dura & flexibili, suntque glabri & sine articulis. Crusta intectorum pedes foris ossei, intus carnosii articulis aliquot constantes, asperi, in quibusdam hirsuti. Præterea crusta intectorum pedes ad latera situm habent: mollium pedes quasi ab ore pendent & habent acetabula, quibus polypus, vt scribit Plinius, hominem in aqua complectitur & sorbet, ac numeroso suctu detrahit eum: hæc enim acetabula non aliter quàm cucurbitulæ partes quibus adhærescunt, hauriunt, & validè retinent. Ex sepiarum & loliginum pedibus alij breuiores sunt, duo longissimi, quibus se firman veluti anchoris, & tanquam manibus cibum apprehendunt.

*Libro quarto
de hist. c. i.
Libro 9. cap.
29. & 30.*

*Libro 9. de hi
stor. cap. 37.*

Lib. 9. cap. 29.

*Libro quarto
de part. ani-
mal. cap. 13.*

Lib. 9. cap. 30.

Polypis pedes omnes longi, & magnitudine pares, quorum alij acetabulorum binos ordines habent, alij vnicum. Eorum, qui vulgò pulmones marini vocantur, pedes ex vitrea pituita coagulatos esse dicat. Aliorum mollium pedes rotundi sunt: horum angulati, acuti, sine acetabulis. Iam verò manus perfectæ soli homini tanquam prudentissimo animali datæ sunt, simiis imperfectæ: vero enim pollice carent, qui præcipua manus pars est, & *δύο* quasi altera manus dicitur ob robur magnūmq; vsum. Piscibus nullæ sunt manus, neq; perfectæ, neq; imperfectæ, sed particularæ aliæ quæ manibus proportionē respondent. Etenim astaci & cancri chelis suis cibos apprehendunt, retinent, ori admovent. Sed chelas habent alij maximas, vt elephantī, astaci: alij paruas & latas, vt vrsi: alij medias, vt pagurus, cancer: alij hirsutas, vt leo: alij glabras. Aliarum color est indicus, vt in elephantis viuīs: aliarum ruber, vt in leonibus: aliarum fuscus, vt in cancris fluuiatilibus chelarum paguri extrema nigrescunt. Hæc sunt quæ de piscium partibus, dicere volui, & earum differentiis, quas omnes me complexum non esse, non sum nescius. Nam in singulorum historia aliæ quædam propriæ traduntur, & aliæ quædam ex Aristotele, cæterisq; scriptoribus colligi possunt. Infinitæ verò ex admirabili, & nunquam homini satis perspecta rerum natura, quæ in tam vasto & immenso mari tantam rerum varietatem edidit, vt multis seculis omnis humani ingenij vis neque omnia assequi, neque in omnia penetrare possit. Quare operæ precium me fecisse ratus sum, si eas præsertim differentias cōquirerem, quibus perspicuè pisces à sese distinguuntur, & oblatis statim internosci possint, ex quibus etiam reliquas minutiores colligere sit facile.





G V L I E L M I R O N D E L E T I I D E P I S C I B V S

L I B E R I I I I .

35

Quid Actio, & quæ eius genera.

C A P U T I .



V^M Fieri omnino non possit, ut ad quid agendum quæque partes à natura conditæ sint, scire possimus, nisi prius numerus, figura, situs, connexio denique omnis earum constructio, quæ *ὑποκείμενον* Græcis dicitur, cognita sit, atque *ἀποφύλαξις* ipsa planè perspecta, rectè mihi videor piscium partibus proximo libro traditis, actiones eorum morèsque subiungere. Etsi verò singulæ partes ad suas actiones ita aptè appositæque factæ sint, ut ex harum diligenti contemplatione, possit solertis coniectura vir actiones diuersas, morèsque piscium varios colligere: præstiterit tamen de istis quædam explicare, ut ordo operis initio expositus postulat: sic enim & perspicua magis & iucundiora legentibus hæc mea de Piscibus Commentaria fore spero. Ac primùm quid Actio, quæque sint eius genera, dicam. Actio motus est ciens & agitans. Huic opposita perpassio, motus ab externo aliquo factus, quo nomine Galeno autore, prisce motus omnes etiam qui naturaliter fiunt, nisi actiones sint, designauerunt. Sic Plato sensuum immutationes *παθήματα* appellat, cum iunioribus, inquit Galenus, nescio quomodo sit visum, ut videlicet de eo solo, qui præter naturam sit motu, id nomen usurpent. Rectè verò Plato sensuum omnes immutationes, etiam voluptatem, *παθήματα* nomine appellauit, cum quicquid motu cieatur externo, & quoquomodo immutetur, id pati atque affici meritò dicatur, ut ex diametro opponatur ei, quod cum quouis etiam modo agitet, moueat, atque mutet, agere ab

omnibus dicitur. Hunc secuti Aristoteles & Galenus, sensum patiendi fieri, & sentire esse aliquid pati censuerunt: nec id præter rationem. nam oculi à splendore, coloreq; aures à sono, nares ab odore: lingua, palatùmque à sapore: omnes corporis partes, quæ sensum habent à primis qualitatibus, immutantur & afficiuntur, si modicè & blandè, cum voluptate: si vehementer & insigniter, cum magna partium, in quibus sensus habitant, iactura & dolore: nam & radij Solis aciem oculorum præstringunt, & tonitruum, tormentorùmq; bellicorum violentus sonus surdos reddit. Sed vt ab exterioribus sensuum sedes affici, vt sensus fiat, necesse est: ita aliquid interius est, quod agit, videlicet animus qui videt, audit, odoratur. Foramina verò illa, quæ patent ad animum à corpore, callidissimo artificio natura fabricata est, vt tantùm sint viæ quædam, & quasi fenestræ sensuum. Quæ temere à nobis adscripta non sunt, sed ne quis miretur nos, qui de piscium actionibus hoc libro agimus, suo loco de piscium sensibus disserere, quod partim agendo, partim aliquid patiendo efficiantur. Verùm de nominum explanatione fortasse nimis multa. Nunc actiones partiamur, easque potissimùm, quæ ad institutum nostrum faciunt. Gubernant animal (vt in lib. de placitis Hippo. & Plat. à Galeno demonstratum est) tres diuersi inter se generis siue *δυνάμεις*, id est, facultates, siue animi partes, siue species, toti corpori ex suo veluti fonte quæq; distributa. Est enim earum quædam ad alendum animal necessaria, ac cum stirpibus communis, quæ iecur veluti pro fonte habet, canales verò ab hoc in totum corpus sparfos, ipsas venas. Hanc seu appetentem, seu naturalem, seu altricem voces nihil interest. Altera est, quæ non modò vt stirpibus vita præditis, sed etiam vt animalibus, anima est insita. Hæc sedem in corde habet, ipso quoq; insiti caloris seu fonte quodam. Ab hoc canales arteriæ sunt, vocatùq; hæc multis sanè nominibus: nam & facultas vitalis & animosa, siue irascibilis dicitur. Tertia ratiocinatrix, in cerebro domicilium habet: vitur & hæc particulis quibusdam seu canalibus, nempe ipsis neruis, sensum motumq; per hos in totum corpus transmittens. Ab his tribus facultatibus totidem actiones proficiuntur, naturales, vitales, animales, quæ rursus in alias actiones distribuuntur. Naturales enim actiones sunt attractio, retentio, immutatio, expulsio, generatio, aliaq; plures. Animales in sentiendi, loco se mouendi actiones, & in eas, quæ principes dictæ sunt, distribuuntur. Rursus sentiendi actiones, videndi, audiendi, odorandi, gustandi, tangendi actionibus constant. Principes earum sunt, quibus imagines rerum comprehendimus, quibus ratiocinamur, & meminimus. Harum plurimis quidè à natura donati sunt pisces, quibusdā verò priuati. Quare actionibus pisces tum à sese, tum à ceteris animantibus discrepant: de quibus deinceps tractabimus à naturalibus ducto principio.

De Natu

De Naturalibus piscium actionibus, attractione,
retentione, immutatione, expulsiōe.

CAPUT II.



QMNE id quod viuit, natura sibi familiārem conuenientēque succum appetit, attrahitque, attractum retinet, vsque eo dum immutauerit, coxerit, confecerit, tum quod superuacaneum est ac inutile propellit. Pisces aliqui validissimē attrahunt, sicuti hippocāpus, acus secunda species, & qui sagittarius à nobis dicitur, holoturia: Denique quicunque per fistulam, vel foramina ita angusta, vt ferè oculorum aciem fugiant, aquam illiciunt. Non minor in quibusdam retinendi vis veluti in lamia, canicula, glauco, nihil aut parum ad retentionis robur conferentē vētriculi structura: ij enim sine gula sunt, ventriculūq; ad os positum habent, valdeq; hians, & amplum os. Iam alimenta immutandi coquendiq; vi nonnulli pisces ceteris animantibus præstant, non sine summa naturæ prouidentia. Qui enim pisces integros deuorant, cum eos dentibus non conterant, vt confici facilius possint (quia minimē mandunt eo quod quicquid esset melioris succi, id ab ore efflueret) huius actionis priuationem magno conuolquendi facultatis robore pensauit natura. Sunt verò alij qui alimenta durissima & quibus cum nulla illis naturæ, substantiæue similitudo familiaritasq; intercedere videtur, coquunt, euincunt, atq; assimilant. Quod alimentum durius esse potest marinarum cochlearū testa plane saxea? At stellarū est genus, quod illis alitur saginaturq; Libet hic referre quod vnā cum multis qui mecum erant, vidi. Stellā vix pedem vnum longam in litus proiectam, non procul à Magalona dissecui, in cuius ventre cochleas tres integras: duas alias emollitas & semicoctas inueni. Quod facit vt verū esse credam, quod de innato stellæ calore Aristot. scriptum reliquit. Stella, inquit, quæ vocatur adeo natura calida, est vt omnia quæ ceperit protinus decoquat. Et Plinius. Huic tam igneum feruorem esse tradunt vt omnia in mari cōtacta adurat, omnē cibum statim peragat. Porro quod balæna quæ sola aqua marina minimē simplici impermistaq; vt primo libro demonstratum est, & spuma maris nutritur, in tam vastā corporis molem excreseat, cui nisi insigni caloris natui actioni attribuemus? nam certum est omnia quæ alūtur & crescunt, cōtinere in se vim caloris, sine qua neq; ali possent, neq; crescere, quæ quāta sit in balæna ex eo cōiiciendū nobis est, quod ex aqua spumāq; spissiore dēsiorēq; per concoctionē facta, solidæ partes, prægrandiaq; ossa augecāt. Idem de sturione mugilēq; nobis est iudicandū, quos aqua mucōq; viuere cōstat, accommodata ad id vētriculi

*lib. 5. de hist.
cap. 15.*

lib. 9. ca. 60.

Lib. 3. cap. 17. structura, de qua suo loco dictum est. Præterea acretio, quæ supra dictas actiones nutritionemque, etsi non perpetuò, neque necessariò, sæpius tamen consequitur, in piscibus maximè euidens est: citò enim ad magnitudinis constitutum certumque modum prouehuntur. Et quanquam genus omne piscium celeriter adolescat, & præcipuè in Ponto, tamen amia longè euidentiùs, quarum incrementum singulis diebus perspicitur, sicuti murænæ, & hippuri: id quod non solum alimenterum humorisque copiam, sed etiam calido natiuo acceptum referre oportet. Nam domestica multa animalia quotidie saginantur, & multæ aues in humore degunt, ut fulicæ & erythrophœnices, quarum omnium incrementum longè tardius cernitur. His piscium actionibus explicatis, ad alias sermonem transferamus.

De Piscium generatione.

CAPUT III.

QUATOR Actiones, videlicet attractio, retentio, immutatio, siue concoctio & expulsio (quæ quales sint in piscibus, utrumque dictum est) ad nutritionem referuntur, illique tanquam auxiliares & administræ parent: Quæ quid à generatione differat, primum breuiter explicandum videtur: deinde de piscium generatione dicemus. Nam cum nihil planè nutriatur, nisi ex alimento conuerso atque immutato, partisque alendæ substantiæ assimilato, nutritio sanè nihil aliud quàm partis substantiæ corporis, quod alitur, generatio videri possit. Verùm si consideremus generationem, mutationem esse simpliciter ad substantiam, cuius prius nihil omnino erat, nutritionem verò ad eam, quæ iam est, eique iam existenti adherentem accedentemque, faciliè intelligemus diuerfas re ipsa actiones esse, facultatibus muneribusque distinguere. Præterea nutritionem ad id, quod procreatum est sustentandum, generationem tanquam subsidium ad immortalitatem opificij sui, quod propter materiam, ex qua constat, necessariò interit, natura comparauit: sic propriè piscium generatio intelligitur. Verùm etiam cum de cuiusque animantis generatione dicimus, varias generationis cuiusque efficientes causas, variòsque modos, diuersam materiam, alias atque alias partes ad hanc actionem à natura conditas accipimus. Hoc igitur modo de piscium generatione loquimur. Piscium igitur alij generant, alij minimè. Eorum, qui generant, alij viuum animal pariunt, ut beluæ marinæ: alij ouum, ut squamosi, crusta intecti, sicuti squillæ, cancri, astaci, & molles, & ex cartilagineis sturio, lampetra, rana piscatrix, raia, galeus qui *vébeios* dicitur. His adde testudines marinas & lutarias, quæ oua pariunt uti gal-

gallinæ. Rursus eorum quæ animal pariunt, alij statim è semine, quadrupedum animalium modo concipiunt, perfectumque edunt, ut vituli marini, phocenæ, delphini, balæne, orcæ, physeteres, homines marini: denique monstra omnia marina, quæ & lacte fœtus suos nutriunt. Alij autem viuum quidem animal pariunt, sed prius oua prope septum transversum in utero concipiunt, quæ ibidem excludunt, unde viuus fœtus prodit, ut in terrestribus vipera, in piscibus squatina, acanthias, galeus leuis, centrina, lamia, vulpecula, alijque permulti cartilaginei. Porro oua parientium nonnulli perfecta, nonnulli imperfecta edunt. Perfecta oua voco, quorum postquam conformata sunt, testæ rumpuntur, unde perfectus prodit piscis: qualia sunt oua raia, ranarum, canicularum quæ *ὀβελος* dicuntur. Oua imperfecta infinitorum sunt piscium, parua scilicet & mollia, tum quia uterus angustior est quam ut tantam ouorum, si maiora essent, copiam capere posset. tum quia frigidiore & humidiores sint, quam ut tot ouorum partem extimam & ambientem, duriorē solidiorēque possint reddere. Hæc foris tempore auferuntur, perficiunturque, quorum incrementum per appositè confert Aristoteles fermento, quod ex paruo magnum fit, solidiore parte humefcente, humida spiritu distenta. Id efficit in animantibus animalis caloris natura, quod in fermento humidi permisti caliditas. Cur foris auferantur in causa est piscium fœcunditas, quæ tanta est, ut intus totum suum incrementum capere non possint: celeriter foris auferuntur, ne, si generationi foris auferendo mora afferatur, totum genus pereat. Quare mas in hoc piscium genere ouis vitale virus aspergit (sic enim conuertit Plinius quod Aristotel. in piscibus *γόνιον* vocat, qui in cæteris animantibus *γόνι* siue *γόνος* dicitur) mas enim plus seminis habet quam ad coitum satis sit, mauultque id natura in ouorum iam repositorum incrementum absumere, quam in primam ipsorum constitutionem. Confert etiam ad incrementum marini humoris diuina vis, & fœcunditas ex spiritu & animali calore. Hic annotasse absurdum non fuerit, quædam non solum non oua imperfecta, sed ne oua quidem propriè dici & haberi, quæ in ostreis, & aliis huius generis sponte nascentibus reperiuntur: quippe quæ ad generationem nihil prorsus conferunt, sed melioris nutritionis sunt indicium, quemadmodum in sanguine præditis adest, quamobrem tum melioris sunt succi. Postremò oua pariunt aliquando fœminæ, cum maribus congressæ: aliquando fœminæ tantum sine ullo cum maribus congressu, ut in erythrinis, chanis, & quodam passerum genere. Hi pisces omnes fœminæ dicuntur, de quibus suo loco fusius.

Lib. 3. de generatione animal. cap. 4.

*Lib. 9. ca. 50.
Lib. 3. de hist. animal. ca. 20.*



QVEM ADMODVM Terra statis temporibus sine semine, sine vlla hominum opera, sed sponte & vi sua stirpes herbáque multas, & animalia procreat ac profert: Sic mare aliaque aquæ multa & varia gignunt, eoque magis quo humoris natura ad fingendum formandumque habilior est quam terra. Corporata verò non minimum est aqua præsertim marina: iam potui apta, dulcis frigidáque est, & nutrit, cæterum minùs corporata est. At mare, & humidum est, & corporatum magis, & natura calidum, & omnium particeps nimirum humoris, aëris, terre, ideóque ad procreandum aptius. Generantur ergò in terra & in humore, animantes & planta, propterea quod in terra quidem inest humidum, in humore spiritus, in vniuerso auté calor animalis, vt quodammodo omnia anima plena sint. Quòd si testis intecta diligentius consideres, ea marini humoris vi, sine semine, sine mare & fœmina procreari perspicuè cernes. Quæ sic nata omnia *αυτομύτως*, id est, sponte nata esse dicuntur. Quæ enim commiscendorum corporum ratio in iis esse potest, quæ testa dura vndiq; ita operata sunt, vt nullus interiorum partium, quæ ad generationem à natura conditæ sunt còtactus, nullus attritus fieri queat? Omnia ostracoderma, inquit Aristoteles, sponte nasci: hinc manifestum est, quòd in nauigiis oriantur ex putrescente limo spumoso, multisq; in locis in quibus nihil tale antè fuit, postea humoris inopia loco cœnoso reddito, ex testaceis quæ *λιμνοσπρεα* dicuntur, nata sunt: vt cum ad Rhodum classis appulisset, fistiliæq; in mare proiecta essent, temporis spacio cœno circa ipsa coaceruato, ostrea in iis reperta sunt: nihil autem ab ipsis genitale emitti indicio est, quod cum Chij quidam ex pyrrha Lesbî, viua ostrea delata in maris vicina loca limosâq; dimisissent, tempore quidem nihilo plura fuerunt, cæterum magnitudo eorum plurimum increuerat. Ex hoc genere vnicum duntaxat cochlearum genus coire perspectum est, sed earum ne ortus ex coitu sit, nòdum satis exploratum esse testatur Aristoteles. Sed quid mirum sic nasci testaceum genus, cum in Britannia ex ligno putrescente, aues anatibus similes oriatur, quas *Creuans* nuncupant? Iam vrticas, priapos, pinnas, vngues, lepades, pectines, holoturia, denique omnia quæ sedibus suis hærent, sponte oriri certum est. Nam quis etiam in iis inter se corporum congressus, quæ commistio fieri potest, cum plantarum more viuant? Plurima igitur in mari sponte existunt, sed non ex eadẽ materia omnia. Ex Aphyis ea quæ Aristoteli *ἀφροδς*, Athæneo *ἀφρίτις* dicitur, ex superfluitate in mari spuma post

Lib. 3. de gen.
anim. cap. 11.

Lib. 3. de gen.
anim. cap. 11.

Lib. 6. de hist.
cap. 15.
Lib. 7.

post multos imbres nascitur. Purpuræ, & ostracoderma ex materia putrescente & limo. Buccinis ortus idem. Limmoftreorum origo cœnosis locis existit, conchæ, chæmæ, vngues, pectines in arenosis locis formantur. Pinnæ rectæ bysso alligatæ, in locis arenosis & cœnosis: denique testacea omnia sponte fiunt in limo pro limi differentia. In cœnoso ostrea, in arenoso conchæ, in petrarum cauernulis holoturia, balani, per summa adhærēt lepadæ, neritæ. Mytulis, purpuris & buccinis origo duplex. Aliorum ostracodermorum, inquit Aristotel. natura sponte constat, quorundam, emissa à se facultate aliqua, quam hæc quoque sæpe sponte oriantur: & alio in loco. Purpuræ & alia ostracoderma è limo ferè, & materia putrescente fiunt. & mox. Ostracodermorum ea quæ fauos conficiunt, eodem modo quo alia ostracoderma fiunt. Hæc prior est origo, de qua etiā paulò antè. Altera eorum est quæ dicuntur κηράζον, id est fauos conficere, quod fauificare & fauare conuertit Gaza, siue μελίκηραν, τὸ δὲ ἐστὶν οἶον κηρίον ποιῆν, id est eodem interprete fauaginem, quæ est veluti fauus apum, condere, quod Plinius dixit de purpuris, eas mutuo attritu lentorem cuiusdam cerij saliuare. Id faciunt mytuli, purpuræ, buccina autore Aristotele. Nam emittunt lentorem quendam siue humorem mucosum velut à seminis natura, semen verò eorum nullum esse existimandum est. Ex illo purpuris verno tempore congregatis, veluti fauus quasi ex putaminibus cicerum alborum inter se cohærentibus coagmentatur, quem pro maris spuma Pharmocopolæ quidam falsò ostentant: nullus autem huic meatus est apertus, neque fiunt, neque nascuntur ex eo purpuræ, sed est veluti expurgamentum. Nam cum saliuare incipiunt ex lentore mucoso, vt dictum est, putaminibus similia ista componuntur, ex eo verò quem in terram emittunt ichore, id est tenuiore humoris parte, eo in loco fiunt in terra coagmetatæ purpuræ, non aliter quàm effuso in terram fungorum decocto, fungi permulti breui nascuntur. Ex his duos Aristotelis locos in quibus de istis agit, dilucidiores fore spero. Alter est lib. III. de generatione animalium. Alter à Gaza malè conuersus libro quinto de historia animalium, citatus etiam ab Athenæo lib. tertio, quem si cum Aristotele conferas menda aliquot facillè emendabis, maximè verò illud ἀφίησι δὲ ὃ εἶχεν εἰς τὴν γλῶσσαν, cum legendum sit ex Athenæo ἀφίησι δὲ ἰχθύα εἰς τὴν γλῶσσαν, &c. necnon Plinij locus LIB. IX. in quo scribit murices & purpuras saliuario lentore prouenire, clarior inde fiet, quàm ex Massario, qui saliuarium lentorem fauaginem interpretatur, ex qua, vt ex superioribus liquet, purpuræ minimè fiunt, sed dum putaminibus cicerum similis congeries fauago Gazæ dicta fit, ex mucoso humore, qui saliuarius lentor à Plinio nominatur, huius tenuiore parte in terram effusa, proueniunt murices & purpuræ. Huiusmodi ortus

Lib. 3. de gen.
anim. cap. 21.

Lib. 5. de hist.
Cap. 15.

Lib. 5. cap. 30.

Lib. 5. de hist.
animal. ca. 25.

Cap. 11.
Cap. 15.

Cap. 51.

Lib. 3. de generatione animal. cap. 11. rationem idem Aristoteles comparat plantis, quæ ex τῷ παραβλαστῶν id est ex sobole, aut si verbum è verbo exprimas, ex adgerminatione procreantur, vt ceparum genus. Hoc modo, inquit, mytuli gignuntur, quippe qui minores semper circa eos qui primi nati sunt, proueniunt. Purpuræ & buccina quæque fauos conficere creduntur eodem modo. Quare magna eorum copia oritur, quando origo aliqua prius extiterit: nam cum omnia hæc sponte fieri contingat, rationi consentaneum est, cum origo aliqua præcesserit, multo plura formari. A singulis enim eorum quæ primæ sunt originis, quibusque reliqua adnascuntur, excrementi aliquid effluit. Quod verò prima istorum origo ex materia putrescente fiat, certissimo indicio est id quod in stagni nostri parte quæ est ad oppidum *Baleruc* vernacula lingua nuncupatum, multorum & magnorum mytulorum feraci, accidisse vidimus. In hac cum sepes piscandi gratia dispositæ, præ vetustate computruissent, iis reuulsis, locus mytulis caruit, quoad sepi- bus repositis, & ligno tempore limum contrahente, rursus locus mytulorum copia abundauit. Sed hæc de varia piscium generatione satis. Nunc ad alia his proxima transeamus.

Quomodo Pisces coeunt, quomodo concipiunt & pariunt.

CAPUT V.



Lib. 5. de hist. cap. 5. *Ibidem.* *Lib. 5. de hist. animal. c. 5.* VM Piscium corpora eorumque partes diuersis admodum formis figurarit natura, perspicuum est, variam quoque iis esse coeundi rationem, quæ si vlla alia piscium actio, certè nobis est obscura & incomperta. Congressuri enim latebras quærunt, & recessus suos petunt, cæterorum animalium ritu, vel etiam quamuis maris partem incolant, in profundum se recipientes, & tanta celeritate coeuntes vt visum fallant, obseruari vix possunt. Aristoteles. ἡ δὲ ἀληθινή συνόδος τῶν ὠτοόκων ἰχθύων ὀλιγάκις ὁράται, διὰ τὸ ταχέως ἀπολύεσθαι παραπλέοντας, ἢ πρὶν ὠπταίησθαι ἢ πρὶν τῶν ὀχέων γινώσκειν τὸν πρῶτον. Verus piscium oua parientium coitus raro cernitur, quoniam congressionem quam primùm digressio sequatur, fieri tamen ita eorum coitum visum est. Sunt tamen quidem qui moram aliquam coeundo faciunt: morantur enim in coeundo diutius, quæ animal generant, quàm quæ ouum. Delphin & cetacei omnes, nec parum, nec multum temporis, sed mediocre in ipso coitu consumunt, eodem Aristotele autore. Pauca igitur ex Aristotelis historia, & ratione experienciæque comperta de piscium coitu proferemus. Pisces omnes, inquit Aristoteles, demptis planis cartilaginei generis, mutuo attritu supinarum partiũ coeunt, plani

plani autem & quibus cauda est, vt rana piscatrix, pastinaca, & similes non solum, vt dictum est, sese applicantes, sed etiam supinis partibus superuenientes foeminarum pronis, nisi cauda ob crassitudinem impedimento sit. At squatina, torpedo, & quibus cauda maior est, mutuo solum supinarum partium attritu coeunt. Sunt qui vidisse se affirmant cartilaginea nonnulla auersa, canum terrestrium ritu coherere. Non aliter testudines tam marinae quam palustres coire creduntur, foemina scilicet marem dorso admittente, habentque ad id accommodatos meatus. Pisces longi vt anguilla, serpentes, conghi, murenae mutuo partium supinarum complexu coeunt. vidi equidem saepe anguillas hoc modo copulatas in Lado capi. Non desunt qui auersi quadrupedum retro meientium, vt leonum, leporum, lyncum ritu coeant, vt vituli marini, & malacostroaca, vt locustae, astaci, gammari, squillarum & cancerum genera, vrsi. fit autem coitus is. foemina caudam protrudente, mare semen superponente, neque enim aliter ob caudae constructionem poterant coniungi. Molles vt polypi, sepiar, loligines mutuo brachiorum complexu, & ore ori composito fistula coeunt non ore: cum enim fistula pariant, eadem vt coeant necesse est. Quare absurda est eorum sententia qui ore semen admitti existimant, semen enim vel in ventriculo concoqueretur, vt in illis euenit qui aliorum semen vorant, vel alimento permixtum extingueretur, & periret, vel alimenti concoctionem distributionemque praepediret. Mares cartilaginei fere omnes circa podicem, appendices duas habent quibus coire creduntur. At ego illas saepe multumque contemplatus, non video quo pacto his coire illi possint: potius igitur ad retinendas foeminas factas esse arbitror. Verum vt varia est piscibus veneris explenda ratio, ita variis temporibus & concipiunt & pariunt. Etenim Deus optim. max. non solum huius vniuersitatis rerum qua omnia continentur, opifex & aedificator, sed etiam rector, custos & conseruator, rerum infinitarum quotidianum interitum, & dissipationem nouis subinde renascetibus, instaurare, vacuisque nihil esse voluit. Quamobrem terre, mari, aquis aliis, procreandi vim indidit, bestias alias mares, alias foeminas fecit, & in iis commiscendorum corporum miras libidines excitauit. Harum aliae quouis tempore cientur ad venerem. Aliae vere tantum, aliae aestate, aliae autumnu. Homo quocumque tempore & omnia fere quae cum homine viuunt, ob alimenti copiam & ocium, ex piscibus murenae, sepiar, vituli marini, cyprini, omni parte anni & congregiuntur & pariunt: alij semel tantum, vt thynnus, pelamys, & ceteri huius generis. Nonnulli bis coniugia agunt, vt lupus, & trichias, & saxatiles omnes. Mulli ter, scorpiones bis, ac fargi vere & autumnu. Cartilagineorum sola squatina bis parit, autumnu, & circa vigiliarum occasum. Molles potissimum vere, aesta-

te: delphini, thynnides circa solstitium. Mugil qui *χελάν* vocatur, item *μύζινος* coeunt mense Decembri, ferunt vterum dies tricenos. Quinetiam anthias æstate parit, mox aurata, lupus, mormyrus, denique omnes qui *σπομύδες* ab Aristotele, à Gaza cursiones vocantur. Pelagici etiam magna ex parte æstate pariunt, cuius rei argumentum est, quòd minimè per id tempus capiantur. Mænides bruma pariunt. Parit solitariorum genus in vere. Denique plurimis partus circa æquinoctium vernum agitur. Et verè potissimum non solùm pisces, verùm etiam alia omnia ad vniuersi renouationem conspirare videntur, plantæ stirpèsque omnes, bestię siue nantes, siue volucres, siue serpentes, siue gradientes. Cuncta enim tunc gliscunt, & in animantibus seminis copiâ vasa distenduntur, cùm præcesserit optima nutritio, & concoctionis triplicis perfectio à calore innato, qui hyeme & vere maximus, omniumque actionum naturalium est autor, qui veris tempore, solisque radiis, in quibus tepor ille cœlestis inest, excitatur, euocatur, fouetur, vt verissimè dictum sit, eius accessu rerum ortum existere, & eiusdem recessu interitum consequi.

De mora, numero foetuum in vtero, locis in quibus gignuntur, & eorum educatione.

CAPUT VI.

PISCIVM Vt cæterarum animantium, alij breuiore, alij longiore tempore vterum ferunt. Quorum oua sunt imperfecta, citiùs illa edunt, vt squamosi, læues quidem, vt acus, & qui sæpius anno pariunt. Qui enim diutius vterum ferrent cyprinus, & mullus, cùm hic ter, ille sexies anno pariat: Contrà, qui ex ovo viuum animal concipiunt, diutius grauidi sunt vt acanthiæ, galei læues, vulpes, & iis qui sine ouo viuum animal concipiunt, mensibus aliquot ad foetus cõformationem accretionemque opus est: quare menses nouem aut decem vterum ferunt, vt delphini, vitulus marinus, balæna, cæteraque beluæ marinæ. Præterea illi quorum imperfecta sunt oua, innumerabilia ferre, & parua edunt, quippe cùm magna eorum pars pereat, genus hoc piscium valde fœcundum est, naturâ interitum ouorum copiâ compensante. Qui ex ovo viuum pariunt, pauciores foetus concipiunt: etenim cùm ex ouis satis magnis concipiantur, fieri non potest vt vterus multorum, & magnorum ouorum sit capax. His verò pauciores edunt, qui quadrupedum ritu è semine statim cõcipiunt. Nam binos edunt, cùm duo tantum sint vteri sinus, quanquam negare nolum, vt mulierum, ita horum quoque quandoque tres foetus esse posse

se. Balænæ vnicum, ad summum geminos edunt. Vituli geminos. Delphini aliquando geminos, sæpius vnicum, quoniam fieri nequit ut multas & magnas beluas simul pariant. Quibus verò contingit duos pluresve parere, cum vteri duos tantum sint sinus, id ideo illis accidit, quod vno iam vel duobus animalibus è semine conceptis: vterus rursus aperitur, & semen apprehendit retinetque, quod locum in vtero idoneum nactum, si commodè tam vteri, quam suo calore innato foueatur & regatur, fit superfœtatio. Diuersa autem loca in quibus pariant eligunt pisces, tum propter pascua naturæ suæ conuenientia, tum propter teporem partui, fœtuumque educationi magis accommodatum. Alij enim totum mare peragrant, ut in ponto pariant, ut thynni, qui non nisi in ponto parere consueuerunt, scombrj, pelamydes idem facere creduntur: alij alios maris recessus relinquentes litora quærunt, ut multi ex galeis: alij stagna marina subeunt, ut stagnum nostrum latera dictum, mugiles, lupi, auratæ, passeræ, buglossi. Alij flumina & magnorum fluminum ostia, ut mugiles, auratæ, lupi: alij in saxis pariunt, & viuunt semper, quales sunt veri saxatiles, cynædi, turdi, merule: alij *ἐν φύκῳ*, id est, in alga ut quæ inde nomen inuenit phycis. item gobij, hippocampi. mullus sua oua limo committit. Coracinus post mullum, inter algas fœtificat. In litoribus atherina & coruus. In alto orcyne, scorpij, aselli: iuxta terram rana, inter cartilagineos numerosius fœtificat: sed quia oua faciliè pereunt, fit ut pauciores reperiantur: In terra iuxta aquam testudo oua sua ponit: ibidem vitulus marinus catulos suos in lucem edit, quos postea sensim in mare pertrahit. Glani grandiores stagno altiore pariunt, minores minus alto contenti sunt gurgite. In stagnis fluuiorum, & arundinetis lacuum phoxini & percæ parere solent. Vt breuiter dicam, non pisces solum sed etiam animantes omnes natura instructæ quærunt pastum & latibula, tum ad sobolem propagandam, tum ad se fœtusque suos alendos ac tuendos necessaria. At piscium alij fœtus valde charos habent, denique fouent & educant: alij statim editos negligunt, atque etiam in suos sine discrimine grassantur. Nam qui statim perfecti sunt, & patris matrisque tutela carere possunt, ij statim etiam liberi suo modo viuunt, ut squamosi ferè omnes, & læues. Contrà, qui lacte nutriuntur diu matres sequuntur, ut balænarum, delphinorumque catuli. Thynni quoque quanquam lacte non nutrantur, diu parentes sequuntur, & ab iis egrè diuelluntur. Glani mares oua sua quadraginta, vel quinquaginta dies custodiunt, ne ab aliis deuorètur. Hoc idem cyprinum facere scribit Aristoteles. Galei fœtus suos & emittunt & intra se recipiunt: idem faciunt squatina & torpedo: visamque fuisse ait Arist. torpedinè grandè quæ fœtus circiter octoginta contineret: id & glaucus, Æliano teste facit. Acanthias ob spinam, pastinaca ob

*Lib. 6. de hist.
anima. ca. 14.
Ibid. cap. 10.*

radium, raia ob caudę asperitatem, rana piscatrix ob capitis magnitudinem aculeosque, partum intra se recipere non possunt. Delphin & phocæna catulos lacte non aliter quàm capra hædos, nutriunt, & infirmos gestant: non minore cura vitulus marinus suos quadrupedum more educat, quos paulatim assuefactos, duodecimo à partu die ad mare deducit. Sed hæc ad piscium mores potius pertinent. Deinceps de altero actionum genere dicendum.

De Piscium differentiis ex actionis
mouendi varietate.

CAPUT VII.



CTIONVM Animalium diuisio in tres partes distributa est, ex quibus duas tantum attingemus, utpote quæ multas & insignes piscium differentias nobis suppeditent, & iis quæ à naturalibus actionibus sumptæ sunt: ideo notiores & illustriores, quod sub sensum nostrum cadant, possintque à nobis in mari, fluuiis, aquisve aliis summa cum voluptate spectari. Verum à mouendi actione primum ordiemur, cuius duæ sunt in piscibus differentiæ. Altera, qua totum corpus loci mutatione mouetur, ut in iis qui pinnas, vel pedes habent, vel qui ob corporis longitudinem varios flexus faciunt. Altera, qua partes aliquæ duntaxat sese vel dilatando vel constringendo mouentur, reliquo corpore immobili, & hærente defixoque. Animalia, inquit Aristoteles, alia stabili sede degunt, alia sedem locumque mutant. Quæ stabilem sedem habent, in aqua duntaxat degunt. nullius terrestrium sedes stabilis est. At in aqua permulta hærentia sedibus suis viuunt, ut ostreorum genera multa. Quod cum verissimum sit, non tamen desunt qui repugnent, & contra veritatem affirmant, in terra defixa animalia quædam reperiri, id quod mihi aliquando audisse contigit ex homine, gente quidam Hebræo, sed religione Christiano, qui Aristoteli Rabinorum suorum auctoritatem opponebat, quos cum nimis præfractè defenderet, non potui non opinionem hanc huiusmodi rationibus improbare. Nam si terræ hærent, num plantarum modo, ex ea radicibus alimentum trahunt, ac veluti sugunt? Visceribus igitur & sensu omni carent: quorsum enim istis potius quàm plantis sensum tribuisset natura? Hæc si ita se habent, animantes esse nullus dixerit, cum animantes à non animantibus sensu & motu distinxerit natura, num alimentum aliunde querunt: at terræ, ut ais, firmissimè affixa sunt. Quod verò præsens atq; in promptu semper alimentum illis esse potest, quemadmodum aqua

aqua piscibus: aëre certè nullum animal perpetuò vesci potest. Quòd si quis chameleontem proferat, non solùm vulgi, sed doctòrum etiam scriptòrum aëre solo victitare asserentium auctoritatem secutus, rōspōdeo vidissē me cum multis fide dignissimis viris muscas venantem, illisque vescentem. Quare his & aliis similibus minutis animalibus, vel herbulis vitam eius sustineri certum est. Quòd si non aëre, quo alio conuenienti alimento fruuntur animalia ista terræ affixa? herbis fortasse inquires: Aut igitur herbæ illæ perpetuo erunt folio, aut deciduo: si perpetuo, arrosis & consumptis proximis prius fame pereundum illis fuerit, quàm noua renascantur: idem dici potest, si vnà cum fructibus hyeme decidant folia, proximo vere aut æstate renouanda. Quare commentitia ista & fabulosa esse omnibus constat, quibûsque non maiorem quàm Luciani veris narrationibus (quantumuis illæ delectationis habeant) auctoritatem debemus, aut fidem adiungere. Censendum est igitur in mari solùm animalia reperiri, quibus stabilis sit sedes. Alia verò bysso, id est, delicatissima & tenuissima lana alligantur, vt mytuli & pinnæ: alia ad saxa adhærent, vt lepadēs, neritæ, vrticæ: alia aliis adhærent, vt holoturæ ostreis: alia in arena defixa sunt, vt pernæ, pinnæ, vngues: Alia super terram iacent ob testæ grauitatem, vt ostrea magna: parua super arenam, item spondyli, pectines, chamæ, tellinæ: quanquam sunt qui affirmant pectines supra aquam volitare. Purpuræ, cochleæ, buccina mutant sedes. Qui enim aliter ad escas venirent & congregarentur? Quo pacto alio tempore magis alio minus laterent, vt scripsit Aristoteles? Et nos sæpe in mari cochleas terrestrium cochlearum ritu moueri vidimus, præterea sese circumuoluendo natare. Quæ binis testis sicuti valuulis integuntur, vt mytuli, pernæ, pinnæ, chamæ, pectines, tellinæ, ostrea, spondyli, membranarum beneficio dilatando sese, & constringendo mouentur, nullam sui partem foras emittunt. Vngues aperta testâ caput exerunt, & retrahunt: quorsum enim Natura altera tantum partem testam colligasset, si non aperiretur? Vrticæ aliàs frondem expandunt, aliàs ita contrahunt, vt nulla appareat: similiter quæ *Poussépiedz* Gallorum vulgus appellat, & iis quos ego à similitudine penicillos marinos voco, frondem spargunt & contrahunt. Vermes rubri aliquando saxis, aliquando ostreorum testis hærentes, partem anteriorem ex fistula proferunt & reuocant, quæ tubis vel herbæ quæ umbilicus Veneris dicitur, non est dissimilis. Balanorum in saxorum rimis degentium, similis est motio. Quæ testâ clauata & turbinata inrecta sunt, caput exerunt & recondunt. Cancellus ex genere crusta opeptorum, in conchis purpurarum buccinorū & cochlearum eodē ferè modo mouetur, cochleæ vitâ degēs, partem enim sui durâ tantum

*Libro quinto
de hist. c. 15.*

foras promit, mollem testa semper abscondens. Sunt qui spongas contrahi & dilatari arbitrentur, quod falsum esse, iisdemque sentum & motum omnem deesse suo loco docebimus. Hæ sunt motionum differentiæ, quibus pisces stabili sede degentes à se differunt.

De differentiis piscium totum corpus mouentium.

CAPUT VIII.



VE M A D M O D V M terrenæ animantes, vt pastum, latibula, cæteraque, quæ sunt ad viuendum necessaria, inquirant & parent, necesse est loco moueri, & huc atque illuc transferri: sic & pisces infinitos, quorum permulti, etiam si aqua sola, quæ semper præsens atque in promptu est, nutriantur: dulcioris tamen & suauioris interdum cupidiores, vel in Pontum properant, vel maiorum fluminum ostia petunt, vel in fluminibus ipsis procul relicto mari degunt, & pinguescunt, vt in Ligeri sturiones, lampetræ, alofæ, mugiles, lupi. Idem nos experientia docuit: nam ob vnum Rhodani alueum ætate nostra, hominum opera mutatum, & aliò defluxum, totum hoc Magalonæ vicinum litus, ob dulcis aquæ influentis inopiam, piscium copia desit abundare: & vberiore, felicioremq; piscatum, in iis maris partibus semper esse, in quas multa & magna flumina influant, animaduertere facile quilibet potest. Quare pisciū alij natant tantum, alij gradiuntur tantum, alij natant & gradiuntur, alij natant & volant, alij natant, & sese trahunt. Natant solum pinnis præditi, vt squamosi omnes, galei, & plani, quorum alij latitudine sua tantum natant, vt raia, pastinaca ex sententia Aristotelis: alij latitudine & pinnis, quæ in quibusdam ad branchias, in ventre & in cauda sitæ sunt, vt in passeribus, buglossis, rhombis, rana piscatrice: in nonnullis in cauda tantum, in quibus vel cauda in pinnam definit, vt in torpedine, squatina, vel super caudam pinna erecta est, vt in raiis & pastinaca. Præterea natant longi vario corporis flexu, & qui pinnas habent, vt anguillæ, congri, serpentes, ophidion Plinij: & qui iis carent, vt murenæ, lampetræ. Qui longi sunt & rigidi, pinnis natant, vt acus genera, sphyræna, glanus. Natant solum beluæ marinæ, ex mollibus sepia, ex crusta intestis squilla, astaci, locustæ, cancri Mææ & *carides*, id est, equites, qui propter longitudinem tiliarum ingredi nequeunt, sed illis tanquam remis impelluntur. Gradiuntur tantum cancri omnes, quibus crura breuia sunt, non natant autem, tum quia caudam corpori applicatam, & appressam extendere nequeunt, tum quia pinnis carent. Natant & gradiuntur vitulus marinus, cordylus, crocodilus, testudo marina & lutaria, scolopendra minor: nam cetacea etiam mult

multos pedes habens, ingredi non potest ob maximum corporis pondus. Natant & volant hirundines, milui, mugilum ea species quæ quatuor pinnas longissimas veluti alas habet. Loligo quasi voligo prima litera commutata. Natant & se trahunt polypi: nam acetabulis suis firmè hærentes breuem aluum faciliè trahunt, quod neq; sepiæ, neq; loligines ob maiorem aluū facere possunt. Hirudines marinæ & palustres ita ore & cauda, vt Polypi acetabulis, hærendo se trahunt, natant etiam vario corporis flexu. Vermium marinorum idē qui hirudinū motus est: Neq; verò his solū differentijs, sed etiam motionis celeritate tarditatēq; pisces à se differunt. Tardissimè omniū mouentur beluæ marinæ, ob carnis & adipis copiam & veluti saburram. At velocissimum omnium animalium non solū marinorum delphinus, sed ocyor vo- Lib. 9. cap. 8. lucre, acrior telo, inquit Plinius, & Thunnus ἀπὸ τῆς θύρας καὶ ὀρμῆς, id est, quod celeriter moueatur & impetu feratur cognominatus est: inter squamosos mugil celerrimè natare creditur: vt summatim dicam qui ὀξύρυχοι sunt, ac pinnas habent neq; paruas, neque longas admodum, quique gracili sunt corpore, velocius feruntur. Contrà tardius qui magno sunt capite, vt rana piscatrix, vranoscopus, orchis: plani non magna admodū celeritate incitantur, neq; qui pedibus natant, vt polypi, sepiæ, neq; crusta intecti, cauda & pedibus natantes. Testudines latitudine corporis, & potissimum pectoris in aqua suspensæ, alarum & pedum impulsū celeriter feruntur. Troglodyta, inquit Plinius, cornigeras habet, vt in lyra annexicornibus latis, sed mobilibus, Lib. 9. cap. 10. quorum in natando remigio se adiuuant. Celetum genus id vocatur eximie testudinis sed raræ. Cur verò alij alijs celerius natant, natandi ratio & modus maximè in causa est. Qui enim recta feruntur, celerius iter conficiunt, qui verò sulcando vt hyæna piscis aut capite obtorto, tardius: vt qui ἰσθμιοειδὲς à passerina figura cognominati sunt, vt Rhombi læues, & aculeati, buglossi, tæniæ. Denique omnes quibus vterque oculus in eadem parte situs est, ij sic natant vt monophthalmi in terra ambulāt, id est contorto capite Hippocampi capite elato & ob id minus celeriter natant. Rana piscatrix & vranoscopus capite depresso cauda sursum spectante natant, quo modo impetus multum inhibetur. Porro eorū qui gradiuntur alij etiam celerius, alij tardius mouentur: cordylus extra aquam non minus celeriter, quàm stellio, aut lacertus currit. Crocodilus pro corporis magnitudine celeriter satis ingreditur. Cancer celeriter & progreditur & regreditur, ob pedum multitudinem & breuitatem. Locustæ ingredi non possunt, quod pedes in obliquum conuersos habeant, natationi quàm ingressui aptiores. Vitulus marinus, & testudines omnes pinnis suis innituntur & gradiuntur, sed cum magna contētionē etiā si pinnas vnguibus munitas habeant, anteriores verò testudinum marinarum pinnae alijs

auium, quàm pedibus animalium similiores, magis ad natandum, quàm ad ingrediendum factæ sunt, qua de causa multò meliùs natant, quàm lutariæ aut terrestres: hæ contrà celerius illis gradiuntur, quippe quæ pedes veriùs habeant, quàm pinnas: marinarum autem pinnae tam magnæ sunt, vt tam gradiendo obsint, quàm natando profint. Vitulorum marinorum pedes anteriores ungues & digitos indiscretos habent, vnũque duntaxat articulum ad omoplatam, his ingrediuntur: posteriores, piscium caudis similiores quàm pedibus, istis natant: nam fieri non potest, vt eadem pars ex æquo & ad natationem & ad ingressum valere possit. Quemadmodum verò de piscium natatione & ingressu, ita de volatu quoque nonnihil dicendum. Pisces quosdam extra aquam volitare sensus perspicuè docet. Vidi equidem hirundines marinas ad lapidis iactum extra aquam in aëre volitasse, & miluos, & mugilum genus illud alatum, de quo paulò antè. Huiusce rei locupletes sunt testes, qui ad Herculis columnas nauigant, quo in loco hirundines multæ volare videntur. Sed piscium alij alijs longiùs, celerius, & frequentius volant. Quibus enim priores pinnae sunt longiores, latiorésque & valentiore membrana contextæ, ij meliùs volare possunt, si rimam branchiarum parua habent, ob quam diutius in aëre viuere possint, longiùs etiam volant. Quare hirundo volatu omnes alios anteit, quippe quæ pinnas habeat latissimas, longissimas & robustissimas, branchias quoque parum apertas: secundas fert mugilis species ea, quæ pinnas quatuor habet magnas: tertias miluus. Exocetus saltat veriùs quàm volat, vt troctæ fluuiatiles, quæ sursum contra aquam mouentur: item salmo aquarum fontes petens: loligo etiam volitat extra aquam se efferens, quod & petunculi faciunt sagittæ modo, autore Plinio. Volant autem pisces, vt persequentem fugiant hostem, quanquam Trebius niger ex Miluaginis extra aquam volatu tempestatum mutationem colligi velir, Miluaginem, quem modò miluum dixi, appellans. Hæ sunt mutationum loci in piscibus differentia.

Lib. 9. cap. 29.

De Piscium respiratione, & an pisces omnes respirent, necne.

CAPUT IX.



RESPIRATIONEM Motum esse, qui ab anima & voluntate pendeat, quòd musculorum thoracis & septi transuersi beneficio fiat, vt iam rectè à Galeno demonstratum, sumimus. Satis igitur foret huius motus differentias in piscibus annotasse, nisi id priùs

prius in quaestionem disceptationemque vocandum esset, an respirarent in aqua pisces omnes necne: quod etsi iam olim à veteribus multis ut Democrito, Diogene, Anaxagora, Aristotele, Plinio tractatum sit, tamen quia & variæ sunt ea de re sententiæ, & Aristoteles vestustorum sententiam reprehendit & exagitat, idque immerito ut ego quidem sentio, videor operæ precium facturus, omnem quaestionem paulò fusiùs & dilucidius explicare. Ac primùm quid respiratio, & quis eius usus necessitatusve sit in animantibus dicemus, ex Hippocratis Galeni, & aliorum veterum sententia. Deinde Aristotelis de eadem respiratione sententiam adiungemus, qua penitus perspecta, rationes quibus contra veteres contendit, pisces in aqua non respirare, nos conuellemus & funditus euertemus, ex quibus facilius, & certius quod postremum est confirmabimus, pisces omnes nimirum in aqua reuera respirare & aërem trahere. Respiratio est aëris circumfusi frigidi attractio, calidi verò expulsio. Duæ sunt igitur eius partes *είσπνοη* καὶ *ἐκπνοη*, id est, inspiratio & exspiratio: fit utraque per pulmones, per branchias, per totius corporis exiguos, & sensum fugientes meatus. Non solum verò terrenas animantes, sed & pisces omnes pulmonibus præditos respirare inter omnes constat, & per omnes totius corporis exiguos meatus, inspirationem & expirationem fieri probatum sapius est à Galeno ex Hippocrate, qui docuit totum corpus nostrum *συμπνέειν* καὶ *σπρρύνειν*, id est, conspirabile & confluxile, necnon *ἐλπνέειν* καὶ *ἐκπνέειν*, id est, inspirabile & expirabile. Ea respiratio est animalium exanguium, quam Aristoteles in libello de respiratione attigisse, non tamen penitus intellexisse videtur. Quoniam animantium, inquit, aliæ aquatiles sunt, aliæ terrenæ, iis quæ admodum parvæ sunt & exangues, refrigeratio ex circumfuso aëre vel aqua satis eas ab interitu vindicare potest: exiguo enim calore prædita, exiguo egent præsidio: quam sententiam alio loco eiusdem libelli repetit. Hæc respirationis species dicitur *διαπνοη*, id est, transpiratio, quæ est aëris per totum corpus introitus & exitus. Superest ea quæ per branchias fit, quæ nunc in dubium reuocatur. Sed de hac postea, prius scilicet declarato respirationis usu, de quo variæ veterum sententiæ extiterunt. Respirationem Asclepiades ad animæ generationem conferre censuit, Praxagoras, non ad generationem animæ, sed ab robur, Philistion & Diocles ad caloris innati refrigerationem, Hippocrates ad spirituum nutritionem & refrigerationem, quæ sententia cum multis veterum verbis tantum dissentire videtur. Cum enim dicit Hippocrates spirituum nutritionem, idem sentire videtur, cum iis qui ad animæ generationem, vel robur, respirationem datam esse existimarunt. Nam Hippocrati sanguis aut spiritus est ἡ ψυχή: vnde LIB. VI. τῶν ἐπιδημιῶν scripsit ἀσθρῶς ψυχῇ

ἀδ φέρει ἀέρι θερμότης, cum verò refrigerationem, cum alijs idem pla-
 nè dicit. Præterea ex Asclepiadis, Praxagoræ, Erasistrati sententijs ef-
 ficitur, ob aëris substantiam respirationem fieri, ex aliorum senten-
 tijs ob qualitatem & non substantiam. Quòd si propter substantiam
 solam aëris respiratio fieret, non esset cur animalia plenis aëre pul-
 monibus respirarent, neque si propter qualitatem duntaxat aër tra-
 heretur, respiratione opus esset toto corpore refrigeratis, vt mulieri-
 bus ex vtero suffocationem patientibus, aut apoplexia correptis.
 Quapropter vtrumque vsum prudenter complexus est Hippoc. arbi-
 tratus animalia respirare, tum ad spirituum animalium nutritionem,
 tum ad calidi innati refrigerationem. Verùm ne quis nobis ex Ari-
 stotele obstrepat, nihil aëre, vt nec vlllo alio elemento syncero nu-
 triri posse obiiciēs, dicimus spiritum animale primum, aptissimum,
 maximèque præcipuum esse animæ actionum instrumentum, cuius
 tenuissima sit substantia, id quod perspicuè indicat mentis nostræ di-
 uina vis & agitatio, cuius tanta est celeritas, vt nulla sit quæ cum ea
 possit contendere: ob id aptè Hippo. τὸ ἐνορμικόν, id est, quæ cum im-
 petu meant, spiritus appellauit. Cùm igitur ob substantiæ tenuita-
 tem, cogitationibus & rebus multis obeundis spiritus is dissipetur;
 necesse est iacturam hanc alicunde sarciri. Quamobrem vt solidæ cor-
 poris nostri partes cibo & potu instaurantur: sic spiritus animalis, ore
 & naribus hausti aëris, & sanguinis tenuissima parte reficitur & auge-
 tur. Altera respirationis necessitas est, qua calor innatus ventilatur,
 & mediocritas eius, fuliginosorum excrementorum vacuatione con-
 seruatur. His expositis quid Aristoteles de respiratione sentiat sub-
 iungamus, ne ipsius sensum alio detorquentes (id quod aliquando
 in veterum sententijs refellendis ipse facit) iniquè reprehendisse vi-
 deamur. Multis autem locis libelli de respiratione id clarè ostendit.
 Sed hoc potissimum. Respiratione omnino animantium natura in-
 diget ob animi in corde feruorem. Hæc autem respiratione effi-
 citur, in iis animantibus quibus non solùm cor, sed etiam pulmo-
 nem dedit natura. Quibus autem cor datum est, non etiam pul-
 mo vt piscibus, ea quoniam natura sua in aquis viuunt aqua se re-
 frigerant branchiarum beneficio. Quæ si vera essent, nullusque aër in
 aqua esset (vt ipse existimat) Diogenem, Anaxagoram & ceteros me-
 rito redargueret, quòd pisces in aqua refrigerandi sui causa trahere
 censuerint. Sed quantum à veritate abhorreant, ex rationum ipsius
 confutatione perspicuum fiet, quas omnes non proferemus, quibus
 varios respirationis piscium in aqua modos à veteribus inductos re-
 fellit, sed eas solùm ex quibus effici putat pisces non respirare, quod
 aërem in aqua non trahant, cùm nullus aër in ea sit, ea enim ad presen-
 tem quæstionem faciunt. Aristoteles igitur expositis Anaxagoræ &
 Diog-

Diogenis sententiis, rationibus aliquot (quas ideo omittimus quod ea solum nobis improbanda sunt, quibus respirationem in aqua fieri non posse contendit) hanc subiungit. In omnibus, inquit, respirantibus, & spiritum trahentibus, partis eius qua trahit motum quendam existere cernimus, quod in piscibus non fit. Nihil enim eorum quae circa ventrem sunt mouere videntur, sed branchias tantum, & in terra & in aqua cum palpitant. Quam infirma sit haec ratio facile intelliget is, qui piscium & ceterorum animantium diuersam constructionem accuratius inspexerit. Nam in iis quibus pulmones dati sunt, partes quae circa ventrem sunt, mouentur ideo quod muscoli epigastrij thoraci annexi sunt. At in piscibus per branchias spirantibus idem non usu venit, neque enim epigastrij muscoli ad eas partes quibus spirant pertingunt, id est, ad branchias & earum opercula siue foramina, quae cum inspirando & expirando moueantur, minimè mirum nihil eorum quae circa ventrem sunt moueri. Proximè sequitur alia Aristotelis ratio. Quum omnia quae respirant in aqua suffocantur, bullae excitantur spiritu vi egrediente: vt si quis testudines aut ranas, aut aliquid eiusdem generis in aqua vi detineat. In piscibus autem id non fit etiam si omni ratione conemur id facere, quod spiritum nullum foris trahant. Hinc minimè concludendum fuit pisces non spirare, sed causam cur in aqua non suffocentur, neque bullas excitent inuestigare oportuit, quae est branchiarum rima, à natura piscibus in aqua semper victuris data, vt liberè aer & aqua egrediantur, quo fit vt suffocationis periculum non subeant, neque bullas excitent. At in iis quae pulmonum ope respirant, si in pulmones aqua ingrediatur, eam retineri necesse est, & aeris locum occupare, vnde necessariò suffocatio sequitur, quae piscibus accidere non potest, qui aëre cum aqua hausto refrigerati per branchiarum rimam, vel fistulam aquam statim eiiciunt. Et mox sic instat. Qua, inquit, ratione pisces respirare aiunt, eadem planè hominibus in aqua respirare contingeret. Non vides branchiarum rimam in causa esse cur nec homo, nec vllum aliud animans in aqua eo modo quo pisces respirare possunt? Quod si homini à natura foramen aliquot ad aquae exitum in thorace datum esset, cum piscibus in aqua viueret, & similiter respiraret, verum mutus foret: periret enim vocis materia nimirum aer in pulmone collectus. Si enim, pergat Aristoteles, pisces ex circumfusa aqua in os spiritum trahunt, cur non etiam trahent homines, ceteraque animantia? & cum qui ex ore editur, cur non similiter atque pisces trahent? Itaque si illa fieri possent, haec quoque fierent, quia verò haec non fiunt, perspicuum est: nec illa etiam fieri. Respondeo homines vt pisces spiritum ducere, hoc est simul cum aqua haurire, sed aquam attractam per aliam partem eiicere non posse, vt pisces

per branchias: quoniam autem neque aërem sine aqua haurire possunt, neque aquam haustam eiicere, non possunt ut pisces in aqua uiuere, oppletis enim pulmonum arteriis necessario sequitur suffocatio. Præterea, inquit Aristoteles, si respirant, cur in aëre moriuntur, palpitareque videntur ut quæ suffocantur? Id quidem alimenti inopia illis accidit (sic enim vertendum, si vulgares Græcos codices sequamur, si verò Latinos quosdam interpretes addenda negatio) nam causa, quam Diogenes affert inepta sane est: ait enim eos in aëre ideo interire, quòd copiosorem spiritum trahant, in aqua mediocrem, etenim idem gradientibus animalibus accidere oporteret, nullum autem, eorum quod vehementer respiret suffocatur. Minimè verò stulta est hæc Diogenis ratio, sed verissima. Aër enim cum tenuissimæ sit essentiæ per os & branchiarum rimam haustus vehementiore appulsu, & affatim factò impetu nimis refrigerat cor inter branchias situm, & tenui tantum membrana contactum: quare nihil mirum si pisces in aëre extinguantur. Quod autem de cæteris animalibus affert, id nihil contra Diogenem facit: nullius enim terrenorum animalium, ut piscium cor ita nudatum & aëri expositum, neq; ita ad id affatim & facillè aër penetrat, sed priùs per laryngē, per asperam arteriam, per pulmonū arterias propè infinitas permeans & transiēs immutatur, inde sensim à corde trahitur. Id verum esse multis rationibus confirmare possum: ut quibus confossum est pectus, si per vulnus multus aër sese insinuet, grauiter ab eo læduntur, adeo ut interdum suffocentur. Et pisces quibus parua est branchiarum rima, vel foramen potiùs, diutius cæteris extra aquam uiuere experimur: ut anguillas, quas equidem sæpius vidi sex dies extra aquam vixisse, & in riuulis exiccatis, & in arena menses aliquot, atque etiam sub terra atque inde etiam viuas erui. Exocætus extra aquam dormit, vel quod branchiis careat, ut existimat Plinius, vel potiùs ob rimæ branchiarum angustiam. Hirundo extra aquam volans aërem trahit branchiis: quia verò branchiarum opercula arctiùs connexa sunt diutius in aëre esse potest, tum quia non nimium aëris attrahit, tum quia attractus aliquantum retinetur & calefcit: non omittam murænas quibus duo sunt tantum branchiarum foramina, quo fit ut cor magis tectum aëris externi iniurias non tam facillè patiatur, & extra aquam diutius viuatur. Cancræ in terra diutius viuunt propter branchias densas, ac veluti ex densis pilis coagmentatas, ac *ἐν τῷ ὕδατι* *μαζα*, ut vocat Aristoteles, id est, complicationes, aërem enim modicum attrahunt & immutant, sensimque emittunt. Chamæ verò ab hiando dictæ citiùs intereunt, quod cum semper hient, facillè ab aëre suffocentur. At reliqua ferè ostracoderma omnia si testis sint parum apertis, & aqua intus aliqua fruantur, diu extra aquam

Lib. 9. cap. 19.

Lib. de respi.

viuunt. Contrà, testis apertis, & aqua destituta statim moriuntur, quòd irruentis aëris impetum non ferant. Hæc & multa alia huiusmodi si quis diligentius expendat, iudicabit in aëre mori pisces, quòd eius subitam vim & appulsum ferre non possint, in aqua verò aut cum aqua haustum aërem neque tanta copia irruere, neque tam facile per omnia permeare, ideo nec suffocare possit. Postremò addit Aristoteles: Si omnia respirant, perspicuum est etiam ea animalia, quæ insecta vocantur, respirare: videntur autem horum multa, in duas aut in plures etiam particulas diuisa viuere, vt scolopendræ, quæ quo modo aut qua parte respirare possunt? Mirum sanè Aristotelem id quærere, cum eodem in libello scripserit, id quod antea citauimus animalia exanguia, & exiguo calore prædita à circumfuso aëre vel aqua satis refrigerari. An eum ignorasse credibile est corpus animantium *ἐκπνεῖν* esse *ἐκπνεῖν*. Cum igitur scolopendræ & aliorum insectorum partes dissectæ mouentur & viuunt, tenuioris aëris aliquid vndique inspirant & expirant. Hæc sunt, quæ me mouent, quò minùs Aristoteli assentiar, contravereres de piscium respiratione contédenti. Nunc exponam quibus rationibus inductus cum iis sentiam, qui pisces in aqua respirare crediderunt. Ac primùm in aqua aërem esse ex ipsius Aristotelis dogmatis colligere facile est. Cum enim vnum esse statuat principium corporum, ex quibus eorum quæ in orbem feruntur, natura constet: alia autem quatuor corpora propter quatuor principia, quorum duplicem esse motum censet: vnum à medio, alterum ad medium mundi locum: hæc quatuor cum sint, ignis, aër, aqua, terra, omnium supremum esse ignem, infimā terram, reliqua duo eandem quam hæc rationē inter se habere (aër enim igni est proximus, aqua terræ) fit, vt hic qui circa terram est orbis his quatuor corporibus constet, qui necessariò continens quodam modo est corporibus cœlestibus quæ in orbem feruntur, vt ab illis omnis huius vis administretur. Vnde enim motus omnium principiū existit, eam primam causam existimare oportet. Inde etiam cœlū, solem, & si quid aliud huiusmodi est, genitores & patres dici idem testis est. Quæ cum ita sint, rationi quoque & Aristotelicæ doctrinæ consentaneum est, quatuor illa corpora, quæ elementa dicuntur, ex quibus omnia constant, quæ oriuntur & intereunt, locis distincta inter sese non misceri, neq; confundi, vt ex illis alia gignantur, nisi cœli planetarum & siderum omnium motu perpetuo, laboris defatigationisq; experte, lumine ac radiis quæ primùm ignem, deinde aërem igni vicinū perpetuò commouent, & his inferioribus commiscant, vt terræ aquisq; hæc inesse necesse sit, quod ipse Aristoteles asserit lib. de gene. animal. Mare, inquit, & humidum est, & corporatum, & natura calidū, & omnium particeps nimirum humoris, aëris, terræ. Ergo cum in aqua sit aër, eam

*Lib. 1. de gen.
anim. cap. 2.*

*Lib. 3. de gen.
anim. cap. 11.*

In libro μετὰ
ζωῶν.

sine aëre haurire pisces non possunt, quam aërea parte refrigerati statim per branchias emittunt: quod quid aliud est, quàm pisces suo modo, vel vt Plinij verbis vtar, naturæ suæ sorte respirare? Idem de terra sentiendum, cuius imis cauernis non solum aërem contineri dicimus, id quod Aristoteles de fontium generatione scribens existimauit, sed etiam aliis eius partibus & exiguis meatibus commisceri. Nam & vermes & talpæ in ea delitescentes, cæterâque huiusmodi animalia καὶ διατῶναι illic respirant. Iam verò alia est respiratio-
nis causa, quam aut ignorauit Aristoteles, aut certè iis libris, qui nunc extant, apertè non prodidit, ex qua effici necesse est, velit nolit Aristoteles, pisces in aqua spirare. Ea est ab Hippocrate tradita, à Galeno sapius repetita & explicata, spiritus nutritio. Ἀρχὴ ζωῆς πνέμενος ῥίνας, στόμα, βρογχος, πνεύμων καὶ ἄλλα διατῶναι. Principium alimenti spiritus, inquit Hippocrates, nares, os, arteria, pulmo, & reliqua transpiratio. Nam cùm spiritus animalis, vt dictum est, maxima tot huius vitæ actionibus fiat dissipatio, necesse omnino simili aliquo statim refici. At quod promptius alimentum aëris parte tenuissima & vitali halitu? Præterea cùm virium substantia spiritu, car-
nosa specie, & solidis partibus constet, ex quibus nullo non tempo-
ris momento aliquid defluat & dissoluatur, si salui & incolumes esse debemus: horum vnumquodque iis, quæ similia sunt, conseruari oportet, spiritum respiratione & transpiratione, & sanguinis vapo-
re, qui à Græcis dicitur ἀερώσις & τὸ ἀίμελος λεωσιπνίσις, ἢ εἰς ἀτμούς λίσσις, solidas partes solido nutrimento, carnosas eò quòd in humi-
dorum & solidorum medio est. At pisces animantes esse nemo in-
ficiabitur motu sensuque præditos, ad eas actiones, ad quas à natura conditi sunt, suscipiendas & obeundas, quorum omnium sua sunt principia & causæ necesse est, num alia quàm spiritus animalis & calor innatus? Constant & solidis partibus, & carnosis, vt in suo ge-
nere, insunt & piscibus sui humores, & quibus sanguis deest pro san-
guine alius inest humor. Vndenam igitur quæso, spirituum quorum aliquid perpetuò effluit & dissipatur, nutritio & instauratio nisi ex respiratione & transpiratione? nam promptissimè ex solo sanguinis vapore, quòd is crassiore sit substantia, spiritus refici, & celerrimè per-
meare per tenues neruos non potest. At cuius alterius naturæ in aquis quàm aquæ ipsius erit respiratio vel transpiratio, quæret ali-
quis. Aëris, inquam, & eius quem aër animantibus præbet, vitalis halitus siue diuini, cœlestis, salutaris spiritus non solum in aquas & multò spissio-
rem terram penetrantis, sed per totam rerum vniuersi-
tatem permeantis. Quæ res, ne commentitia videatur, & verbis potius fingi, aut mente concipi, quàm existere existimetur, ex ipsius-
met Aristotelis philosophiæ arcanis res est eruenda, & in veritatis
lucem

lucem proferenda. Is LIB. I. meteorologicorum, orbem inferiorem à cœlestibus orbibus administrari regique ponit. Ergo illum veluti materiam esse, hos vt principium motus, primamque causam qui in inferiora hæc, motu & lumine vires suas exerant, quo motu vna cum lumine diuinum, & æthereum tenuissimumque corpus ab ignis & caloris elemento diuersum influit, & in hunc orbem demittitur. Hoc illud est quod lib. secundo de generat. animal. scribit fœcunda effice-
 re semina his verbis. πάντων μὲν γὰρ ἐν τῷ σπέρματι ἐνυπάρχει, ὅπερ ποιεῖ γόνιμα τὰ σπέρματα, τὸ καλεῖσθαι θερμὸν, τὸτο δὲ ὁ πῦρ, ὃ δὲ τοιαύτη διύαμις ἐστὶ, ἀλλὰ τὸ ἐπιλαμβανόμενον ἐν τῷ σπέρματι, καὶ ἐν τῷ ἀφρώδι τῷ πνεύματι, καὶ ἐν τῷ πνεύματι φύσις ἀλόγος ὅτι τῶν ἀστρῶν εἰσέλθῃ, id est, in omnium semine inest quod fœcunda reddit semina, id vocatur calor: is autem ignis non est, neque aliqua huiusmodi vis, sed qui in semine, & spumoso corpore continetur spiritus, & in spiritu natura proportionē respondens elemento astrorum. Et lib. tertio γίνε-
 ται δὲ ἐν γῇ καὶ ἐν ἕρῳ τὰ ζῶα, καὶ τὰ φυτὰ, διὰ τὸ ἐν γῇ μὲν ὑπάρχειν ὕδρον, ἐν δὲ ὕδατι πνεῦμα, ἐν τῷ τέτρω παλὶ θερμότητι ψυχρῷ, ὡς τρεῖς τινὰ πάντα ψυχρῶς εἶναι πάλῃ. Gignuntur in terra & in aquis anima-
 tia & plantæ quia in terra inest humor, in humore spiritus, in vniuer-
 so autem calor animalis, vt quodammodo omnia anima plena sint. Is spiritus dicitur aliis cœlestis & æthereus tepor, Platonicis magnum naturæ seminarium, Pythagoricis spiritus vitalis, de quo etiam Vir-
 gilius LIB. VI. Æneidos.

Principio cælum ac terras campoque liquentes

Lucentemque globum Luna titaniaque astra

Spiritus intus alit, totamque infusa per artus

Mens agit molem, & magno se corpore miscet.

Hunc igitur spiritum hauriunt pisces, hoc, respiratione & transpi-
 ratione spiritus suos & calorem innatum reficiunt, instaurant, tuen-
 tur & moderantur: in qua etiam sententia est Plinius. Spirant, inquit,
 confessione omnium & paucissima animalia in mari, quæ interno-
 rum viscerum pulmonem habent, quoniam sine eo nullū animal pu-
 tatur spirare, nec pisces branchias habentes anhelitum reddere, ac per
 vices recipere existimant, quorum hæc opinio est, nec multa alia ge-
 nera etiam branchiis carentia, in qua sententia fuisse Aristotelem vi-
 deo, & multis persuasisse doctrinæ indaginibus, nec me protinus huic
 opinioni eorum accedere haud dissimulo, quoniam & pulmonum vi-
 ce alijs possunt alia spirabilia inesse viscera, ita volente natura, sicut &
 pro sanguine multis alius humor. In aquas quidem penetrare hunc
 vitalem halitum quis miretur, cum etiam reddi ab his eum cernat, &
 in terras tantò quoque spissiore naturæ partem penetrare, argumen-
 to animalium quæ semper defossa viuunt ceu talpæ. Accedit apud me

Cap. 2.

Cap. 3.

Cap. 11.

Lib. 9. cap. 7.

certæ efficacix, vt credam omnia in aquis spirare naturæ suæ sorte, primum sæpe annotata piscium æstiuo calore quædam anhelatio, & alia tranquillo velut oscitatio. Omitto alia, quæ quivis ex Plinio petere potest. Quæ verò Massarius vir sanè doctus in annotationibus suis scripsit, vt Aristotelis tueretur partes, ea contra me non faciunt. Esto enim vitalis halitus in aquas penetret, non aliter quàm aër, qui cum pondere aliquo delapso descenderit, mox sese referens vndamque rursus compellens bullas excitet, vel vapores propter Solis abstractionem, ex terra subdita mari, vel ex aliqua parte terræ cauernosa transcurrentes exhalent, vt sit necesse auram aliquam sub aqua remanere non posse: & si qua ex causa prædicta oriatur statim ascendere, sunt enim hæc illius verba. Ergo sine aëre & aurâ vitali nunquam est aqua, perpetuè enim & sine vlla intermissione cœlestes orbes mouentur, & vires suas in hunc inferiorem orbem demittunt, & aërem cum vitali halitu quoquomodo omnibus commiscent, vnde aërem & aquam perpetuè agitari cernimus, etiam si placidum ventis staret mare. Et quanquam citissimè aqua diuisionem sui in vnum conducatur, nihil tamen obstat, quò minùs aër longè tenuioris essentix eam diuidat & secet, qua subito in vnum conductâ aër & spiritus tenuis quaquauersum penetrat. Ex his liquere arbitror contra Aristotelis sententiam pisces in aqua respirationis egere, & re vera omnes vt in suo genere respirare: neque solùm eos, quibus est arteria aspera & pulmo, sed etiam quibus branchiæ data sunt naturæ suæ sorte. Præterea iniquè ab Aristotele veteres Philosophos fuisse reprehensos, qui pisces respirare censuerunt, sed rectè ne an secus respirandi rationes & causas intellexerint, nobis constare non potest, vtpote quorum scripta ad nos non peruenerunt. Quoniam autem iis quæ sensibus euidentia & perspicua sunt, refragari nemo potest, inde sumptam rationem vnam aut alteram superioribus adiungemus. Si in vase angusti oris & aquæ pleno concludantur pisces, illic viuunt & natant non dies aut menses, sed annos aliquot. Si vel manu vel aliquo operculo ita os vasis obtures, vt omnis aëri aditus intercludatur, subito suffocantur. Cuius rei ipse sæpius periculum feci. Quod sanè in illis non fieret, si sola aqua ad refrigerationem satis esset. Aërem igitur liberum, & suo motu quaquauersum sese in aquam insinuantem non torpescentem & immotum desiderant. Porro si in eodem vase ad summum os non oppletum neque obrecto, vt maior aëri locus sit, contineantur, illic nantes & ludentes pisciculos, cum voluptate cernas. Si manum ori vasis admoueas, tum certatim alius alio superior in aqua esse contendit, vt modici aëris vsura fruatur. Quare piscium genus omne respirat, sed variè: nam beluæ marinæ & quæcunque pulmones habent, aërem vnâ

vnà cum aqua hauriunt, eandem autem fistula eiiciunt, qua etiam spiritum ducunt, veluti nos naribus, vt balenæ, delphini, phyleteres. Alia pulmonibus spirant sine fistula, vt testudines marinæ, palustres, & fluuiatiles: similiter vituli marini, quibus patentēs sunt nares, pharinx angustissima, quo fit vt naribus aquam haustam eiiciant, aërem retineant. Reliqui pisces, quibus branchiæ vel apertæ vel opertæ sunt, iisdem aërem trahunt, & aquam simul haustam emittunt, molles aquam & aërem trahunt, indicant hoc maximè sepia, quæ captæ diu toto corpore agitantur, aëremq; tractum affatim reiicientes sonant *flou*, quæ magnæ expirationis indicium est. Crusta intacta densis & hirsutis suis branchiis apertè respirant, & in aëre & in aqua, argumēto sunt bullæ multæ circa oris opercula excitatæ. Ostrea tenuissima contacta cute, per illius cutis exiguos & sensum fugientes meatus respirare existimo, quoniam exiguo calido innato prædita, exigua egēt respiratione. Omnia igitur quæ in mari gignuntur animantia respiratione variè à se discrepant, pro caloris ventilandi, & spirituum reficiendorum magnitudine vel exiguitate: vt stabili sede viuētibz parum inest spirituum, beluis marinis ob maiores corporis conatus & impetus, longè maior spirituum copia necessaria est, aliis quæ inter hæc media sunt pro corporis mole pro actionum & motionum celeritate, magnitudine, robore, natura prouida eos spiritus & cum calorem natium qui necessarij essent, & proinde his respondentem respirationem largita est. Hæc de piscium respiratione isto loco aptè dici posse existimaui, qua in re inuitus equidem feci, vt Aristoteli contradicerem, sed ad id me veritas impulit, quæ apud omnes plus valere debet quàm cuiusquam hominis autoritas.

De Piscium differentiis ex sentiendi actionibus,
& an sentiant spongiæ.

CAPUT X.

EX Sensibus quos animantibus dedit natura, partim necessarij sunt, ij nimirum sine quibus vita sustineri non potest, partim nō adeo necessarij, sed ad melioris vitæ vsus conferentes. Omnibus prædita sunt animantia quæ perfectæ dicuntur, alia necessarijs tantum. Sic & pisces qui cum alijs collati imperfecti iure dicuntur (nam piscium genus, vt rectè scribit Aristoteles, etiam auium genere mutilatius est ac imperfectius partibus exterioribus. continuo enim simplici corpore à capite in caudam vsque porrigitur) perfectis pauciores sensus habent. Testa intacta & mollia quædam vt vrticæ, pulmones, leporēs, priapi marini, sol, stella, eaque quæ insecta dicuntur, oculis at-

Lib. 4. de part.
anim. cap. 13.

que auribus priuata sunt. Quorsum enim iis quæ testa inclusa perpetuò latent in tenebris oculos & aures dedisset natura? quorsum aliis quæ sedibus suis perpetuò hærent, cum illorum vsus sit in præuidentis iniuriis, & tuendo corpore? Tactu quidem & gustatu nulli non præditi sunt: nam cum alimenta corporis maximè dissimilia sint, & diuersa, pisces verò vt animantes omnes non nisi conuenientibus, naturæque suæ idoneis alantur, ad horum discrimen & delectum adeo necessarius fuit gustatus, vt sine eo vita teneri non possit. Pisces itaq; suis quibusdam saporibus gaudent, & escam imprimis ex pisce amia expetunt, & piscium reliquorum pingue, vt qui gustatu huiusmodi delectentur, voluptatem quæ ex eo genere esculenti capiant. Quod si gustatum, tactum quoque habeant necesse est, gustatus enim tactus quidam est: huc accedit quòd tactus sensuum omnium primus est. Quanquam verò tactu gustuque omnes à natura donati sint, non omnes tamen ex æquo vtriusque facultatis sentiendi sunt participes: nam marinis piscibus qui solo præsentis semper alimento victitant, non est exquisitus admodum gustatus, quia variorum ciborum delectum habere non possunt, neque ea oris constructione vt alios præter aquam possint capeßere: illis autem qui vel herbis, vel pisciculis, vel aliis alimentis, quæ semper in promptu non sunt, vescuntur, acrior est gustandi vis, quippe qui ciborum inopia vires languescere cum sentiant, appetitu illo qui animalis dicitur, incitati vndique conquirunt, ex quibus suauiores, naturæque suæ accommodatiores ab alienis citra gustus satis insignem vim secernere non possunt. Quamobrem tangendi sensum ad vitæ animantis planè necessariū esse rectè dicimus, non autem simpliciter ad vitam, vt ex plantis seminibusque perspicuè liquet, quibus sine sensu animaliq; appetitu sua inest vita. Infinitæ piscium multitudini oculos datos esse, eosq; videre qui negauerit, is oculis carere iure diceretur. Stabili sede degentes nihil cernere prius ostendimus: sed de stellis & echinis cum loco moueantur, non sine causa dubitari posset, cum oculi ad circumspicendum & ad iter dirigendum dati sint, nisi dissectio omnem dubitationem prorsus tolleret: illi igitur cæcorum ritu huc & illuc temere vagantur, cibi quæritandi gratia. Audire verò pisces planè constat, non tamen omnes, qui enim non vident, ij neq; audiunt: sed qui perfecti sunt squamosi, beluæ marinæ, galeorum genera, malacostraca vt locusta astaci, squillæ, cancerorum genera, mollia, sepiæ, polypi, loligines. Hæc omnia vident, audiunt, odorantur, id quod confirmat Aristot. Pisces, inquit, audire & odorari perspicuum est, sonitus enim magnos fugere videntur, veluti trirremium remigationes, vt in latibulis suis facile capiantur. Etenim si exiguus etiam fuerit extra aquam sonus, ex æquo tamè omnibus qui in aqua audiunt difficilis, magnus & grauis

uis videtur, quod euenit in delphinis capiendis. Cùm enim eos repente alucis circundederunt, sonos edunt in mari, & vniuersos fugientes compellunt in terram, & capiunt ob strepitum capite grauatos. Adhæc inter piscandum quàm maximè cauent, ne vel remo vel retibus moueant strepitum: sed cum aliquo in loco gregatim pisces stabulari intellexerint, certo interuallo coniectantes retia dimittunt, vt neque remo neque impetu cymbæ strepitus ad locum deueniant piscium: & omnibus præcipitur nautis, silentio quam maximo nauigent, dum gregem circundant. Nonnunquam vbi aggregare pisces placuerit, idem faciunt, quod in delphinorum captura: obstrepunt enim iactis lapidibus, vt deterriti in arctius coeant, atque ita vniuersi irretiantur. Hæc de piscium auditu ex Aristotele, cuius sententiam experientia nostra confirmat. Nam si pisces non audiunt cur post tonitrua alosas insalubres dicimus? nisi enim audiant quo pacto affici ab his possunt? Cur sturiones eadem expauescunt? Quomodo delphini Simonis nomen agnoscunt, eoque appellari gaudent: quomodo permulti pisces, cicures facti adnatant ad nos vocati, nisi audiant? Non absurdum est hic referre, quod non mihi solum sed multis in Gallia notissimum est. Non procul ab Ambiano in villa quadam diui Antonij trocta nutritur, quæ vocata ad cibum properat, & de manu capit. Glani & cyprini in viuario edium nobilissimi viri à Iarnaco pulsato pariete ad cibum properant, id quod ipse sum expertus. Audio in quibusdam viuariis Germaniæ inferioris tintinabuli fonitu pisces ad cibum vocari. Iam verò de odoratu non minus quàm de auditu certum est. Etenim eos qui præsentī alimento non vtuntur, vt gustatu ita odoratu quoque ad ea quæ conueniunt, eligenda vtī necesse est. Et quemadmodum vultures ad cadauera solo odore admoniti è longinquo aduolant: sic & pisces ad familiare alimentum adnatāt vt salpa ad stercus & porrum, scarus ad linōzostim, polypus ad oleam. Et pisces vario escarum genere allici & capi longa experientia compertum est. Idem pluribus probat Aristoteles loco ante citato. Plurimi pisces, inquit, escam non recētem non attingunt. Escis autem non iisdem omnes capiuntur sed propriis, has odore discernentes. Sunt qui fœtidis capiuntur vt salpæ stercore. Complures item piscium in spelūcis latentes quoties euocare ad capturā piscatores volunt, fauces specūs odoribus illinunt cetarijs, itaque protinus excitant. Præterea anguillam eodem modo capi palam est. Vas enim falsamentarium ponunt obstaculo in eius os indito, quod colum vocant. Nidores denique potiùs gênera quæque piscium appetunt. Vnde etiam earunculas sepiarum deustas, odoris gratia escam hamis affigunt, ita enim fit vt pisces auidius accedant. Quæ sedibus suis hærent perpetuo, vt non exquisito gustatu, ita

odoratu ferè nullo donata sunt, quippe quæ alimentum in promptu semper habeant, nimirum aquam, vt nullus vnquam ciborum delectus illis sit necessarius. Quæ cum ita sint, quæ in mari degunt, sensuum numero differre satis liquet, neque etiam omnia perinde acrisunt sensu. Pastinaca, quæ paruos habet oculos ὀφθαλμοὺς, ob visus acie dicta est: contrà, mugiles parum acutè cernunt, & facilè hyemis tempore obcæcantur, thunni dextro oculo clariùs vident naturâ, læuo hebetiùs. Vt in summa dicam, acutissimè vident quæcunq; pupillam paruum habent & oculos non prominentes: contrà, quibus pupilla magna est, & oculi prominentiores: item quibus oculi offci sunt & duri. Audiendi vi præstant mugil, chromis, lupus, salpa: permulti non nisi magnos percipiunt sonos. Delphin inter omnes pisces sagacissimè odoratur, teste Aristotele. Hactenus de piscium sensibus & cæteris actionibus, de quibus multò plura dici possè certù est, sed ea partim ex propria cuiusque historia, partim ex veterum libris & experientia his adiici possunt. Postremò huius tractationis loco absurdum non fuerit illud paulò diligentius expendere, an sentiant spongiæ necne.

Ac primùm non sum nescius videri Aristotelem in ea esse sententia, sic enim de his scribit: Sentiant spongiæ, vt aiunt, inde apparet, quia vbi auulforem sensere, cōtractæ multò difficiliùs abstrahuntur: idem faciunt flatu & fluctu vrgēte, ne sede sua excidant. Multò verò apertius Plinius. Nascuntur omnes in petris, aluntur conchis, pisce, limo, intellectum inesse iis apparet: quia vbi auulforem sensere, contractæ multò difficiliùs abstrahuntur, hoc idem fluctu pulsante faciunt, viuere esca manifestò conchæ minutæ in his repertæ ostendūt. Circa Toronem vesci illis auulfas etiam aiunt, & ex relictis radicibus recrescere, in petris quoque cruoris inhæret color. Quicquid sit quod ab istis vel ab aliis dici potest, spongas sensu omni carere existimo. Ac primùm ad Aristotelis dicta respondeo, dicòque loqui eum ex vulgi potiùs sententia, quàm quòd ipse ita sentiat, quod eius indicant verba: Ἐν ᾧ ὁ ἀυλφοὺς ὡς φασι: sensum, inquit, habet spongia, vt aiunt. Hoc vt ita esse credam, facit alius eiusdem Autoris locus: Spongia, inquit, omnino plantis similis est: has autem sensu omni priuatas esse existimat. Postremo loco ante postremum citato hæc subiungit. Sunt qui de hoc dubitent (de auulforum ratione intelligit) vt qui Toronem incolunt: aiunt enim in spongiis nutriri bestias, lumbricos, & alia huiusmodi, quæ auulsis spongiis pisciculi saxatiles deuorant, & radices relictas, quòd abrumpantur spongiæ, renasci eas, & ex eo quod relictum est, perfici. Quæ Plinij sententiam, & auulforum rationem falsam esse conuincunt: neque enim si conchæ aliæque similia in spongiis reperiantur, inde efficitur iis spongas vesci, quin potiùs in spongiis alia quæ animata esse constat, viuere. Iam quæcunque in mari pisc

Lib. 4. de hist.
animal. c. 8.

Lib. 5. de hist.
anima. ca. 6.

Lib. 9. cap. 45.

Lib. 8. de hist.
animal. c. 1.

piscibus, vel solidiore aliquo alimento vescuntur, id vnum in locum concoctioni à natura destinatum cogunt. At spongiæ cochleas vel lumbricos, non vnum in locum, sed omnibus suis foraminibus excipiunt. Quòd petris cruoris succum inhaerere ait Plinius, non cruorem spongiarum esse (sunt enim in eorum numero, quæ *σπῆγμα* dicuntur, id est, sanguinis expertia) sed succum eum, quo aluntur & accrescunt esse dicendum est. Porro quis sensus spongiis inesse posset, cum in his nullum viscerum, neque eorum, quæ eandem rationem habere possent, nullum neruorum vestigium insit, vt ex dissectione apparet? Quantum verò ad auulforum rationem attinet, facilè est intelligere à tot animantibus, quæ in spongiarum cauis sunt, cum se peti sentiunt, & se præ metu contrahunt, spongas quoque simul contrahi. Has ob causas Aristotelem sequor, qui plantis omnino similes spongas esse censet, & proinde sensu omni vacare: idem etiam Plinius, quod nescio an parum animaduertit, facit cum ex relictis radicibus recrefcere ait, quod in animantes nullo modo competit, ex nulla enim animalis parte renascitur animal, sed in plantis id vsu venit, ex quarum radicibus aliæ renascuntur, vt in vitibus, oleis, aliisque infinitis videmus.

De Piscium differentiis à moribus sumptis.

CAPUT XI.

ACTENVS Piscium differentias, quas nobis eorum viuendi ratio, partes, actiones suppeditant, ita nos explicuisse arbitror, vt qui has diligenter veluti vias persequi voluerit, facilè ad piscium cognitionem peruenire possit. Superest vltimum partitionis membrum, nempe *ἥθος*, id est, mores piscium, qui etsi maximè diuersi sint, & proinde efficiant, vt magna sit pisciū dissimilitudo, tamen nulla alia ex re, quæ quidem ad piscium cognitionem faciat, pauciores quàm ex moribus differentiae sumi possunt. Quis enim est, qui in tam alieno à nobis elemento, vel in profundo & immenso mari tam assiduus piscium spectator esse potest, vt eorū mores penitus cognoscat discernatque? Piscatores quique diu in mari aquisve aliis versati sunt, pauca quæ certa sunt, de moribus referunt. Eandem ob causam Aristoteles, Plutarchus, Athenæus, Oppianus, Ælianus, Plinius, nō adeò multa nec omnino vera, sed pleraque incerta de moribus piscium cæterorumque animalium literis mandarunt: quod vt minus mirer, facit ignorantia multarum aliarum rerum, quæ alioqui familiares ac domesticæ nobis sunt. Quotus enim quisque est, qui eorum quibus cum viuit, magnoque vsu coniunctus est, mores penitus nouit? Tanta semper fuit, & est hodie nomine familiaritatis & amicitie simulatio, tamque facilè

Lib. 2. cap. 2.

fronte ac vultu sustinetur, vt verissimè à veteribus prouerbio dictum sit, multos salis modios cum eo edendos esse quem pernoscere atque amicum asciscere volueris. Verùm vt vt obscura sit morum cognitio, tamen ne quid à nobis prætermisum esse videatur, quod ad piscium notitiam cōferre possit, pauca de moribus dicam, si priùs veterum & eorum qui illis fortè assensuri sunt opinionè refutauero, ex qua effici posse videretur omnium piscium eisdem ferè esse mores, aut certè non admodum diuersos. Sunt enim qui existimauerint pisces omnes natura calidissimos esse, quare cùm mores animi temperamentum corporis sequantur, vt in libello huic rei dicato demonstrauit Gal. non magnum esse in moribus eorum discrimen, qui eodem sunt temperamento. Hanc opinionem refert Aristoteles lib. de partib. animal. Quidam aquatilia terrenis asserunt esse calidiora, dicentes loci frigiditatem caliditate naturæ ipsorum pensari, & sanguinis expertia sanguine præditis, & fœminas maribus esse calidiores. Et in lib. de respiratione, Empedocles non rectè censuit ex animantibus calidissima esse aquatilia, & ignis plurimum habentia, quæ naturalis caliditatis excessum fugiunt, vt quoniam frigido & humido destituuntur, loco ipso hæc contraria asciscant, humorem enim aëre minus esse calidum. In eadē sententia fuerunt ex Latinis Lucretius, & Vitruuius quorum omnium ratio etsi prima specie vera esse videatur, falsa tamen est: corporis enim affectuum excessus, contrariis locis & temporibus conseruantur, similibus læduntur. Contrà naturales corporis habitus similibus gaudent & conseruantur, contrariis læduntur. Quare ex eo quod pisces in locis frigidis & humidis degunt, ineptè calidissimos esse cōcludunt, quia si natura essent huiusmodi locis similibus sese tuerentur, contrariis offenderentur. Ergo quantum ad piscium temperamentum attinet, vniuersè dicimus pisces alios frigidos esse, alios calidos colatione medijs generis, frigidos sanguinis expertes, calidos sanguine præditos. Calor enim in sanguine est, vt Aristoteles, Galenus, cæteri que omnes tum Medici, tum Philosophi toties inculcant. Ob eam causam dicemus animantia cæteris calidiora: similiter partes corporis, ætates, alias aliis calidiores quod maioris sanguinis copia abundant. Pisces igitur qui pulmonibus spirant, squamosi calidiores sunt, squamosi mollibus, crusta, testa intacta, & insecta frigida dicuntur, quod sanguine quidem, sed non omni calore destituta sint: nam cùm ipsa viuant, vitæque in calido sita sit, calorem aliquem ipsis inesse certum est, & humidam quendam substantiam, quæ sanguinis vice sit, & caloris pabulū. Hos caloris gradus manifestè respirandi ratio ostēdit. Quibus enim plurimus inest sanguis, ij pulmonibus spirant, vt cum maiore calore donati sint magis refrigerētur, vt delphini, balenæ, orcæ. Cartilaginei verò, squamosi & læues branchiis perfectis vel imperfe-

ctis

etis, utpote quibus minor insit calor, proindeque minori egeant refrigeratione. Postremo testacea & insecta pervniuersam cutim inaspiciant & expirant, quæ cum parum calidi innati habeant, parua ventilatione egent. Quæ cum ita sint piscium diuersa maximè temperamenta esse constat, non solum in diuersis ipsorum generibus, sed etiam in singulis piscibus, eaque tam varia & infinita, quam varia est & infinita piscium multitudo, ex quibus diuersi & inexplicabiles mores prodeunt. Præterea quanta morum varietate pisces à se discrepent, manifestè indicat corporum & partium dissimilitudo. Natura enim, ut scripsit Plato, animantibus corpus animi moribus & actionibus accommodatum dedit: id quod Aristoteles à Platone mutuatus est. Quoniam, inquit, instrumentum omne alicuius causa fit, partes autem singulæ corporis alicuius causa factæ sint, illudque cuius causa aliquid fit, actio quædam sit, perspicuum est totum corpus maioris alicuius actionis gratia constitutum fuisse, neque enim sectio ferræ, sed ferræ sectionis causa inuenta est. Quare corpus animi causa conditum est, & partes operum & munerum causa, ad quæ singulæ naturæ conditæ sunt. Galenus etiam primo libro de usu partium fusiùs demonstrauit omnes corporis particulas animæ utiles esse, quippe cuius instrumentum sit corpus: ob eamque causam multum à se diuersorum animalium particulas differre, quoniam ipsi animi maximè differunt. Idem Lactantius Firmianus Theologus, & Philosophus in libro de opificio Dei usurpauit. Pisces igitur quidam sunt animosi, audaces, feroces, hos natura dentibus acutis & validis armauit, ut galeos ferè omnes: alios cornibus, quibus arietum more feriant, ut locustas, astacos, squillas: alios acutissimis aculeis in aliqua corporis parte munivit, ut scorpionem, vranoscopum, ranam piscatricem: alios venenatis aculeis, ut araneum seu draconem: aliis in toto corpore dedit, ut vni raræ generi, cæteris omnibus in cauda, pastinacæ tantum venenatum & ferratum in cauda radium: alij pisces mites sunt & timidi, qui nulla à natura ad adoriendum arma acceperunt, sed ea ad tuendum corpus tantum. his integumenta quædam, ut squamas, illis aculeos dedit, veluti mugilibus & auratis, quorum aculei in caudam vergunt, qui si non tuendi corporis, sed alios inuadendi causa dati forent, ad anteriora spectassent. Timidi quidam fuga & pernecitate vitæ suæ consulunt, ut cremys: alij tarditatem corporis vel imbecillitatem arte aliqua, aut facultate, aut ingenio compensant, ut ranæ piscatrici, veluti filum ex anteriore capitis parte propendet, quo veluti linea piscatur. Torpedo stupefaciendi vi, qua prædita est, mugiles etiam velocissimos remoratur. Echeneis non solum pisces, sed etiam naues remorari creditur. Aphyæ non nisi gregatim natant, ut multæ simul iniuriis minus opportunæ sint. Anguilla & similes ob lubricum cor-

Lib. x. de partib. anim. c. 5:

pus facillè elabuntur. Quare differt anguilla à congro, quod illa mitis sit, hic ferus. Eadem ratione lampetra à murena, mugil à lupo, iulides à saxatilibus, cremis à galeis. In mugilibus iustitia & continentia inesse creditur: In galeis & polypis crudelitas: in Echinis prudentia, quia eos tradunt, inquit Plinius, scruitiam maris præfagire, correptisque operiri lapillis, mobilitatémque pondere stabilientes, nolunt spinas volutatione atterere. Delphini *φιλάνθρωποι* sunt. Peruicaces & animosi galei, lamia, lamirus, caniculæ, arietes marini, scolopendra, cete, amia, lupo. Insidiosi & ingeniosi pisces rana piscatrix, vranoscopus, pastinaca. Ingeniosa sed timida torpedo. Insidiosa & feroces squatinæ, & raia. Paguro sapientia proverbio tribuitur: dicitur enim *ἐν παγύρω σφαία* cum enim tegumento suo nudatum se sentit, latitat, donec durum redditum sit quod renascitur. Possunt multa huiusmodi ex variis autoribus, qui de piscibus scripserunt, colligi. Possunt etiam à sedulis viris experientia quædam deprehendi: sed ea partim studio & diligentia cuiusque relinquimus, partim in singulorum historia dicemus. Quare ne in re satis obscura, & non multum nobis perspecta, uti iam diximus, nimis curiosus esse videar, piscium differentijs hîc finem facio, quas quàm potui diligentissimè & cõmodissimè digessi, non ut omnia quæ de illis dici possent perscriberem (sunt enim infinita) sed ut de piscibus aliquid methodo scriberem, & ad eorum cognitionem facilem aditum darem.





G V L I E L M I
R O N D E L E T I I
D E P I S C I B V S

L I B E R V.

535

Quis ordo seruetur in piscium descriptione.

C A P U T I.



ONSTAT inter omnes qui rectè philosophantur, eam esse verissimam & utilissimam docendi rationem, qua primùm ea, quæ generatim & vniuersè de re quapiam dici possunt, traduntur: deinde singula partes explicantur, ac in iis lector exercetur. Sed vt vniuersa, ita singula via & ordine explicanda sunt. Illa quatuor superioribus libris, Aristotelis & Theophrasti vestigia secutus tradidi. In his verò, id est, in singulorum piscium picturis & iconibus exprimendis, quem potissimùm ordinem seruarem, multum diuque cogitaui: num à mugile, vt fecit Galenus, inciperem, ^{Iib. 3. de alim. facult.} num ab aliquo alio qui vel inter suos, principatum obtinet, veluti scarus inter saxatiles, vel qui in delitiis habeatur, veluti solea vel acipenser. Tandem verò commodissimum fore putauì, ab eo qui & omnibus sit notissimus, & apud veres celeberrimus, & qui omni anni tempore reperiatur, & qui nota illustri ab aliis distinguatur ab aurata scilicet, initium ducere: ad alios, in multis illi consimiles suis tamen notis propriisque dissidentes progrediendo. Nolim autem quemquam existimare, ideo nos auratam primùm depingere, quod ab A litera incipiat, hunc enim ordinem per literarum elementa, non minus in pisciù, quàm in herbarum descriptionibus vitiosum esse existimamus: & hunc secutos iure quidem à Dioscoride reprehensos ^{In pref. lib. 1.} fuisse. Sic enim necesse est dissimilia multa coniungere, & similia


diſiungere. Quanquam eo vſus ſit Galenus in tradendis ſimplicium medic. facultatibus opinor, vt memoriæ fidelius mandarentur: nondum enim tum indicum vſum inuentum fuiſſe puto. Sed ideo hinc cœpimus tanquam à notiſſimo, quemadmodum dixi, huic atq; aliis quàm ſimilimos ſemper adiungentes. Præterea in vniuſcuiuſque piſcis hiſtoria declaranda is ordo à nobis ſeruatur, vt primùm nomina ponamus Græca, Latina, Gallica, maximè que ea quæ in Gallia noſtra Narbonenſi, & in prouincia uſurpantur. His aliquando Italica, Germanica, Hiſpanica addimus. Sequuntur figura & lineamenta totius corporis, declaratiôque partium tum externarum tum internarum: nam hinc maximè ſumuntur notæ, quibus piſces internoſcuntur. Quæ piſcium veluti altera pictura neceſſaria fuit, tum quòd libri Ariſtotelis *περί ζωων ἢ περὶ ἰχθύων*, quos ſæpe citat Athenæus, perierint, quibus ingenioſe vt conicio, animalium & piſcium figuras, oratione repræſentarat, tum quod ij, quorum ſcripta ad nos peruenerunt, permultorum piſcium, vt eo tempore notiſſimorum deſcriptiones omiſerint, quòd ſit, vt nobis nunc ſint ignoti, id quod etiam in herbis vſuuenit: quarum permultas vt maximè vulgares, explicatione dignati non ſunt. His actiones morèſq; ſubiunguntur, tum vſus piſcis docetur, ſiue in cibis, ſiue in medicamentis. Quibus nonnunquam piſcandi ratio additur. Poſtremò preparatio pro carnis & facultatis eius varietate. Quorum nonnulla aliquando omittuntur, quia vel nota vel aliis ſimilia ſint, aliquando ordo is aliquam ob cauſam immutatur. In his tradendis, veteres autores Græcos & Latinos ſequimur, & citamus: horum locos alios emèdamus: alios perſpicuos facere conamur, quædam à nobis obſeruata & experientia cognita proferimus: quædam ab amicis & doctis viris mihi communicata: quos debita laude fruſtrari minimè velim, ſed illorum gratiſſimo animo, quibus in locis eorum opera vſus ſum, meminero, ac illorum in me ſtudioſosque omnes egregiam voluntatem libèter prædicabo. Piſces nonnullos obiter tantùm, & paucis verbis veteres notarunt, & non nominarunt: vt Theophrastus de piſce Nili locutus eſt ſuppreſſo nomine. Et Plinius L I B. I X. Duo locus Italiæ in radicibus alpium, Larius & Verbanus appellatur, in quibus piſces omnibus annis Vergiliarum exortu exiſtunt, ſquamis conſpicui, crebris atq; præacutis, clauorum caligarium effigie. Qui ſint hi *τεχνηγῖς* coniecturis oſtendam. Præterea ſunt aliquot piſces, de quibus veteres audita potiùs quàm viſa ſcripſiſſe mihi videntur: quam ob cauſam eueniſſe puto, vt de iſtis quædam longè aliter tradiderint, quàm nos experientiâ comprobauerimus. In horum pleriſque à veteribus diſſentio, veritatis tantùm docendæ, non contradicendi ſtudio. Nemo verò miretur, nos qui in plurimis veteres ſequimur & interpretamur, in

*Lib. de piſcib.
cap. 18.*

qui-

quibusdam eisdem refragari: id enim ipforummet exemplo facimus, qui quæ ab aliis vera & comperta acceperunt vel ipsi rectè inuenerunt, ea nobis fideliter tradiderunt, quæ falsa statim improbarunt: neque enim minùs necessarium est falsa improbare, quàm vera docere, quod qui secuti sunt philosophiam, medicinā, denique omnes bonas disciplinas à perniciosis erroribus vendicarunt. Quòd si à veterum sententiis, si quando cum veritate non consentiant, discedendum esse duximus multò certè minus mirum esse debet, si recentiorum quorundam scripta, vbi res postulat, improbemus: qui neque à se inuenta, neque rerum vsu perspecta, neque rationibus firmata literis mandant, sed variorum autorum locos, veluti centones consueunt, vel ab aliis dolo emendicata, vel furto crepta (his enim artibus mihi impo-
suerunt ineptiquidam romæ & luteriæ) publicant: digni certè non reprehensione solùm, sed etiam pœna. Hæc sunt quæ præmonuisse oportuit, vt noster in singulorum piscium historia ordo & consilium ab omnibus intelligerentur. nunc ad rem ipsam aggrediamur.

De Aurata.



CAPUT. II.

Pόππυς, Latine Aurata vel Orata, ab auri colore: nam pro auro orum rustici dicebant, vt orichalcum & oriculam, pro aurichalco & auricula. *ισοριγες* ab Ephesiis autore archestrato dicitur. Prouinciales & Hispani *dorade* vocant, seruata ab omnibus eadem ferè nominis ratione, nisi quod Græci *χρύσος*, à parte, superciliis scilicet aureis nuncupantes, rem meliùs indicarunt. Hoc quoque tempore apud Græcos nomen suum retinet. Id etiam non omittendum, à Græcis non solùm piscem hunc, sed etiam Pompilum *χρύσος* *Athen. lib. 7.* appellatum. In Gallia Narbonensi pro ætatis differentia, quæ magnitudine definitur, diuersa nomina habet. Quæ palmi magnitudinem

nondum attigit, *saunque* dicitur, quæ cubiti est magnitudine, *daura-*
de, quæ inter illas est, *meiane*, quasi dicas mediam. Piscatores nostri
 maximam auratam *subredaurade* vocant, id est supra auratam, quod
 communem magnitudinem superet. Galli *daurée*, quem nos fabrum
 esse dicimus, vocant, ne qui nominis affinitate decipiantur. Auratam
 verò nostram *brame de mer*: quo nomine etiam sparum, cantharum, &
 similis figuræ pisces nuncupant. Aurata piscis est marinus, litoralis,
 stagna aliquando marina subit, ibique pinguescit. In dulces etiam
 aquas conuehebatur ab antiquis. Inde lacus Velinus, inde etiam Sa-
 batinus, & item Vulsinensis, & Ciminus lupos auratasque procreaue-
 runt, inquit Columella. Ad cubiti magnitudinē accrescit, lato est cor-
 pore, non rotundo sed cōpresso: squamis integitur mediis, colore est
 vario variis in partibus. Dorsum ex cœruleo nigrescit, latera argētea
 sunt, venter lacteo colore. Superciliis quidem & palpebris caret, sed
 per similitudinem, à locis illis, in quibus in ceteris animantibus su-
 percilia esse solent, aureo colore fulgentibus, aurea supercilia ha-
 bere dicitur, maximè cum satis accreuerit: vnde illis nomen à Græ-
 cis positum. Oculis est mediis. Branchiarum opercula sunt ossæ alia
 parte purpureo, alia nigro calore perfusa. Os mediocre, maxillæ la-
 tæ & robustæ, dentes anteriores serrati, latiusculi, in acutum desinētes,
 breues, in superiore & inferiore maxilla ossæ tubercula, dura, quibus
 vice dentium molarium pectines, & tellinas frangit, & mandit. Bran-
 chias vtrinque quaternas habet, duplices. Pinnis natat quatuor, bi-
 nis ad branchias positis, longioribus, binis in supina parte, breuioribus.
 Præter has quatuor pinna ab Aristotele numeratas, à podi-
 ce pinnam vnam comperies ad caudam ferè deductam, tribus nixam
 aculeis. Dorsum multis & acutis aculeis, tenui membrana connexis
 horret, quos cum natat, erigit, dum quiescit, deprimat, ac veluti re-
 condit. Aculeorum primi minores, medij maiores, postremi in mol-
 lem quandam & pilis similem substantiam degenerant: A capite ad
 caudam lineæ aliquot subobscuræ ductæ sunt. Cauda lata & magna,
 sursum spectat, veluti ex duabus pinnis constans trianguli figuram
 describentibus. Peritonæum colore nigro. Ventriculus subiacet
 magnus, cum paucis appendicibus, breuibus & latis. Splen nigrescit.
 Hepar magnum est, à quo fellis vesicula pendet longa, pinguedine
 obducta. Fel viride. Intestina pinguedine oblita, in gyros ducta, la-
 ta. Cor in pectore quadratum. Aurata parit æstate, maximè vbi flumi-
 na in mare influunt, vt scribit Aristoteles, parit etiam in stagnis ma-
 rinis. Dormit interdum tam arctè, vt fuscina sæpenumero capiatur,
 alioqui fuscina capi non posse existimantur. Piscis est timidissimus,
 frigoris impatiens: quia lapides habet in capite, quò fit vt hyemis iniu-
 rias maximè patiatur. Deinceps qua sit substantia succòve dicendum.

Arc

Lib. 6. de hist.

ani. cap. 17. &

Lib. 5. cap. 10.

Archestratus peritus opsoniorum æstimator auratam Ephesiam laudat apud Athen.

Libro 7.

χρῦσθριων ἐξ ἐφέσης τὸ πῶλον μὴ παράλῃ
Auratam ex Epheso ne pratermittito pinguem.

Apud eundem Hicetius ait, piscem hunc καὶ τῇ γλυκύτητι, καὶ τῇ ἀλγῇ *Ibidem.*

δύτομα, πάλιν εἶναι ἄριστον, καὶ τροφιμώτατον, id est, & suauissimum, & inter omnes ori esse gratissimum, quique maximè alat. Et Eupolis auratam *Ibidem.*

lupis præfert, cum scribit: δραχμῶν ἑκατὸν ἰχθὺς ἐωρημένους, μόνον ὁκτώ *Ibidem.*

λάβραχας, χρυσόθρυς δώδεκα, id est, pisces drachmis cētum emptos, octo solum lupos, auratas duodecim. nec puduit Sergium Oratam cognomen inde accepisse, quod ei pisces auratæ fuerint charissimi. Alio loco *Lib. 8.*

Athen. μελανέρω ἀναλογεῖ ὁ χρυσόθρυς, & Mnesitheus Atheniensis difficilem quidem concoctu auratam esse, sed cum concocta fuerit, multum alere dixit. Et Cornelius Cels. auratam in iis recenset cibis, *Lib. 2. cap. 18.*

qui duri sunt & robustiores. Romani tarentinam prætulerunt, eam maximè, quæ Lucrinum lacum ingressa, illic concharum esu pingue-

rat. Martialis:

*Non omnis laudem pretiumque aurata meretur,
 Sed cui solus erit concha lucrina cibus.*

In pretio est apud nos quæ capitur in stagno, quod *martegue*, & in eo quod latera appellatur. Optima quæ in stagno ad mōtem Cetium pinguit. In hac opinionum varietate sic sentiendum. Auratam carne esse media, neque molli, neque dura, optimumque succum gignere:

& saxatiliū carne paulò esse duriorē: vescitur enim non solum pisciculis, sed tellinis, conchylis paruis, quas validis maxillis frangit, scarique ritu ruminat. Cæterum pro ratione ætatis, locorumque in quibus degit, succo esse diuerso: nam quas medias prius vocauimus eæ succi bonitate & suauitate ceteris præstant. Quare qui concoctu difficiles esse dixerunt, eas quæ maiores sunt, & seniores intellexerunt.


Eligendæ etiam sunt quæ in profundo stagno & puro, vel in mari mediterraneo capiuntur. Nam in oceano rariores sunt, & sicciore duriorēque carne. Quæ in stagnis aquisve aliis impuris degunt, deteriores. Aurata in cibo iis qui venenatum mel deuorarunt auxilio est, vel si ex melle syncero fastidium, cruditasve, quæ sit grauissima incidat. *Plin. li. 32. ca. 5.*

In stagno nostro fiunt sepes ex tamarice, quibus retia obtenduntur, in quibus tanta auratarum copia capitur, & sale conditur, vt in tota Gallia Narbonensi & Delphinatu, maximè quo tempore à carnibus omnino abstinetur, non pauperum modò, sed etiam diuitum mensis apponantur. Non multum dissimilem auratarum capiendarum rationem, veteribus in usu fuisse testis est Ælianus. Cum maris accessu & recessu, *Lib. 11. ca. 34.*

in litore exaggeratâ arenâ naues aqua destitutæ sunt, inquit, tum piscatores arborum ramos cum frondibus in mucronem acutos in

arenam defigunt, in circumscriptum ab his locum mare rursus accedens, magnam auratarū multitudinem trahit, quæ reciprocante estu, in exigua aqua relictæ facilè capiuntur, non solùm à piscandi peritis sed etiam à pueris & mulierculis. Preparatur variis modis: Nam si in aqua & vino elixetur, vt Galli parant, palato grata est, item si in aqua & aceto: optima si in oleo & pauca aqua elixetur, croco, pipere, aceto, vuis passis additis: vel vt Itali faciunt, si in craticula assetur, rigata oleo & omphacio. Quòd si ventri inferatur umbella fœniculi, vel ramus libanotidis, fit odorator & melior, quod maximè quando in stagno nutrita est, faciendum. Assatur & calida comeditur, vel assatur, aceto piperèque conspersa asseruatur, frigidæque editur. Farinâ bene subacta & pista conclusa oleo, omphacio, aromatisque delicatioribus condita, optima etiam est, maximè si è maioribus sit. Sale condita in aqua dulci elixatur, & cum aceto editur. Sunt qui aqua maceratam ad minuendam falsuginem, in sartagine frigunt, & sapa, aceto, cepisque condiendo saporem optimum ei conciliant, quo maximè nostri delectantur. Sapa etenim falsuginem dulcedine sua temperat, acetum acorem iucundum, cepa nidorem gratum addit.

De Sparo.



CAPV III.



PVRPURA Iuxta purpuram diiudicanda, vt pro-
uerbio dicitur: oritur enim ex mutua collatione veris-
simum de rebus iudiciū. Eam ob causam pisces similes
similibus adiūgimus, vt monuimus initio: quemadmo-
dum auratæ sparum, qui ob coloris lineamentorūmq;
corporis similitudinem, aliquando à piscatoribus ipsis primo aspectu
non internoscuntur. *σπαρὸς* Græcis dicitur: Plinio sparum, aliis spargus,
Æliano additis literis aspargus. Aristoteli *πυρρὸς*, quod mollis sit, opi-
nor

Lib. 9. ca. 19.

Lib. 11. cap. 33.

Lib. 5. de hist.

animal. ca. 12.

nor, & facillè diffuat, dissipeturque, Italis *sparlo*, aliquibus *carlino* & *carlino*, nobis *sparallon*. Hispanis *spargoil*: *sparus* marinus est piscis, litoralis, squamis, pinnis, earundem situ & numero auratè similis, corpore rotundiore, tenuiore, & magis compresso ac minore: vix enim palmi magnitudinem superat. Superciliorum locus ex viridi flavescit, ut hac parte auratè colorem imitetur. Ore est minore, capite magis compresso, rostro acutiore. Pinnæ quoque flavescent, maximè quæ sunt in ventre, quæ ad branchias minùs. In cauda maculam nigram habet, veluti melanurus ac sargus, quâ ab aurata facillè distinguitur. Peritonæum colore est nigro, ventriculus medius, cum appendicibus aliquot, intestina crassa & conuoluta. Hepar ex rubro albescit, à quo fellis vesica longa pender, fel aqueum continens. Splen parvus est & ruber, cor angulatum. Spari altera species esse videtur, cantharo similis, supercilii ex rubro flavescentibus, nisi diuersis temporibus, ut multi alij pisces colorem mutet. Marina stagna subit *sparus* cum auratis. Æstate parit autore Aristotele: circa Æquinoctium autem Plinio, gregatim viuit. Quæ me in eam adducunt sententiam, ut existimem Æliani *aspargum* nostrum esse *sparum*. Præterea scribit *aspargos* sapientes esse pisces, ad diligenter penitusque cognoscendam temporum mutationem, & ineunte hyeme ad vitandam frigoris vim, ex natatione conquiescere, simulque commorando, amice & fraterne sese tepefacere, postea verno tempore aggredi longiora itinera, neque modò obuiis, sed etiam quæsitis, & inuestigatis cibis pasci. Nam in stagno nostro id *spari* faciunt. Præterea, de *aspargo* nulla apud Aristotelem, Oppianum ex quibus sua mutuatus est metio fit, neque mirum cuiquam esse debet, quòd nomen mutauerit, in plerisque enim aliis idem facit. Postremò facilis fuit *spari* aut *spargi* in *aspargum* commutatio. Nunc de eius substantia. Hic-
 & apud eundem. *σπάρρος* δειμύς, ἀπαλόγρηος, ἀβρωμος, ἀτρυμαχος, ἐρηλ-
 χος & ἀπτεώλιος, γαργήσιος ὃ δὲ ἀπτεώλιος. quem locum qui diligentius expen-
 det, facillè mutilum esse iudicabit. Sic igitur restituimus. ἐφθός & ἀ-
 πτεώλιος, id est *sparus* acris est, teneræ carnis, virus non relipit, stomā-
 cho gratus, urinam ciens, elixus facillè concoquitur, in sartagine co-
 ctus, difficilè. Cuius emendationis & sententiæ ex rerum natura fa-
 cillè possum rationem reddere, & eò libentiùs quod non solum in
 hunc piscem, de quo nunc agimus, sed & in omnes alios competat.
 Quæ humida sunt, & ob id mollia, facillè tum à natura nostra immu-
 tantur, tum concoquuntur, quæ sicca ideòque dura difficiliùs. Eam ob
 causam dixit Hippo. victum humidum febricitantibus omnibus con-
 ferre, propterea quòd siue per putrefactionem, siue per attritionē fiat
 concoctio inquit Galen. quæ humida sunt, facillè corrumpuntur vel

Lib. 5. de hist.
anim. cap. 11.
Lib. 9. cap. 51.

Libro 7.
Libro 8.


Aph. 10. li. 13

Li. de op. sect.
ad Thras.

Lib. 2. pregn.

atteruntur, ideo faciliùs concoqui necesse est. Idem in carnibus experi licet. Quæ citiùs, vehementiori que igne ita assæ, vt succus multus adhuc insit, teneriores, suauiores, concoctùque faciliores sunt iis, quæ lento igne diu multùmque assantur: sunt enim hæ multò sicciore, durioresque, ac penitus exuccæ. Quòd autem alibi in Hippo. scripsit Galenus humidum cruditatis causam esse, & humidiora alui excrementa cruditatis esse signa: de superuacuo humido intelligere oportet, quod propter copiam nimiam ventriculus amplecti non potest, inde flatus gignuntur, fluctuationes, denique cruditas. Ex his non sparum duntaxat, sed pisces omnes molliores, siue ideo quòd humidiores sint, modò nimio excrementitiòque humido non abundant, siue præparatione & arte tales reddit, faciliùs coquuntur, in sartagine verò cocti quia sicciore durioresque; absumpto humore fiunt, difficiliùs. Cæterum sparum natura sua molliore carne est quàm aurata, ideo à diuitibus nō expetitur, sed rusticorum ferè cibus est, autumno, hyeme & vere. Quamobrem miror Hicesium mænis prætulisse: sunt enim hæ carne sicciore, meliorisque succi.

De Cantharo.



CAPUT IIII.

Lib. 8 de hist.
animal. c. 13.

Lib. 11. ca. 28.

QVEM Græci καὶ θάρπον vocant, Gaza scarabeum in conuersione sua nominat. In Gallia Narbonensi, Provincia, Hispania parum mutato nomine *Cantheno* dicitur. Hodie quoque Græci quidam corrupto vocabulo *Χαίτηρον* appellant. Ligures *tanado* à colore, illis enim *tanat*, color est, qui pullus Latinis, Gallis *enfumé*. Cantharus verò à similitudine canthari terreni, qui è fimo ingentes pilas auersis pedibus volutat, inquit Plinius, dictus mihi videtur. Vt enim hic fimo delectatur, & in eo hyeme conditur, sic cantharus piscis, in luto & sordibus libenter versatur. Quare in litoribus & por-

portubus degit, in quæ loca maris sordes fluctibus pelluntur, cœnũmq; ex proxima terra pluuiisq; confluit. Piscis est litoralis, aurata vel fargo corporis forma, branchiis, pinnis, aculeisque similis: squamis integitur paruis: caput & quæ circa oculos sunt partes, ex nigro rubescunt, quæ permistio pullum siue fuscum calorem efficit. Ore est minore, quàm aurata vel sparus, dentibus paruis. A branchiis ad caudam lineæ ductæ, sunt subaureæ, non manifestæ, ut in salpa, sed obscuræ. Internis partibus non differt à sparō. Lapides habet in cerebro. Aqua & stercore vescitur. Huius obiter inter litorales meminit solum Aristoteles: & in catalogo piscium nominauit tantum Plinius. Sed Oppianus de eius castitate hæc cecinit:

Lib. 8. de hist.
animal. c. 13.
Lib. 32. cap. 11.
Lib. 1. ἀλιευ-
τικῶν.

Καί τοι μὴν παλαιοῖσιν ὀμβρινῶν ἀλδοχοί (ἢ
τέρπονται) (αἰγυγῶν) γένος, καὶ χόσσυφος αἰγῶν
Τοὶ δ' ἴμεν τέρπουσι καὶ ἀμφιέπουσιν ἀγρίων.
Καύθαροι αἰγῶν τε, καὶ ὁ παλαιοῖσι γινώσκων.

Quæ sic vertit interpres:

*Uxores fargi multas et merulus ardens
Ducunt, aut alij contenti coniugē sola
Cantharus ætnæus, spernentes agmina lecti.*


Oppianum imitatus Ælianus scribit cantharos non more fargorum pro multis coniugibus, sed non aliter quàm Menelaum cum Paride, pro vna tantum decertare. Hic obseruandum est, videri Oppianum ætnæum nomen piscis facere, id quod etiam facit Ælianus multo apertius. Cuius hæc sunt verba: Sunt & castitate præstantes pisces. Ætnæus ita appellatus, posteaquàm cum pari suo tanquam cum vxore quadam coniunctus, eam sortitus sit, aliam non attingit, neque ad fidem tuendam sponsalium tabulis illi opus est, neque malæ tractationis pœnam timet, neque Solonem veretur, ex quo leges nobiles, & vrbes graues profectæ sunt, quibus libidinosi homines non parere nihil verentur. mihi verò longè secus videtur. Existimo enim ætnæum epitheton esse canthari, quoniam nulla omnino, quod sciam, mentio ætnæi piscis fiat apud Aristotelem, Plinium, Athenæum, aut vllum alium vel Græcum vel Latinum scriptorem veterem. Preterea autorem habeo Phauorinum, cuius verba hæc sunt, in dictione Κάνθαρος. Κάνθαροι αἰγῶν, μεγάλοι ἀπὸ τῆς αἰγῆς, id est, Canthari magni ab Ætna. quanquam hic legatur in vulgaribus codicibus, Κάνθαροι αἰγῶν pro αἰγῶν. id quod indicat alter eiusdem locus in dictione αἰγῶν. Αἰγῶν καὶ κανθαρος ὁ μέγας. αἰγῶν λέγει Ἀριστοφάνης καὶ κανθαρον τὸν ὑπερμεγέθη, μέγιστον γὰρ ὅρος ἢ αἰγῆς, ἢ ὅτι διάφοροι κανθαροὶ ὀνομάζονται. id est, Cantharus ætnæus magnus. ætnæum dicit Aristophanes cantharum permagnum: maximus enim mons Ætna, aut quod varii in Ætna canthari inueniantur. neque verò sum nescius his in locis de

Lib. 11. c. 25.

In Pace.

cantharo terreno mentionem fieri: sed ex his colligo cantharum marinum ætæum pro vario siue pro fædo dici, quorum vtrumque illi aptè conuenit, siue corporis colorem siue victus rationem locumque, in quo degit, spectes. Cantharus molli est nimium præhumidq; carne, nec boni succi: quare meritò vilissimus est piscis, nec nisi pauperiorum cibus, ventrem molit elixus, in sartagine coctus vel elixus cum croco, cinamomo, pipere, zingibere, vel cepa & oleo, vel excatus multò melior redditur.

De Sargo.



CAPUT V.

Libro 7.



XAP Γ Ο Σ Græcis vel fortasse *Capræ*, vt quodam loco apud Athenæum legitur, à carne multa: est enim pro corporis magnitudine spissus, plûsque carnis habet, quàm sparus, vel cantharus. Latinis sargus, nostris & Italis *sargo*. Græci quoque hodie appellationem eandem retinuerunt. Sargus piscis est marinus, litoralis, prædictis & melanuro similis, sed corpore rotundiore, compresso, spissiore, squamis paruis, colore argenteo, nisi quòd à dorso ad ventrem lineas nigras protensas habet, ita dispositas vt prima latissima sit & maxima, secunda minor minûsque conspicua, tertia primæ similis, quarta secundæ, & sic deinceps ad caudam vsque, vt in mormyro videre est. Ad caudam macula est nigra, vt in sparò & melanuro. Ob has notas *μελανούραυμος*, & *πολύραυμος*, & *ὀρθοπυρότικλος* dictus est, quemadmodum melanurus: cui similis est, vt ait apud Athenæum Hicæsius. Oculis est valde rotundis, dentibus latiusculis. Pinna, quæ ad branchias sunt, rubescunt, & caudæ extrema: quæ in ventre nigrescunt. Pinna dorsi tenui membrana connexa. quæ est à podice ad caudam maior est in hoc quàm in aurata. Cauda in pinnas duas val-

Libro 7.

de

de à se distantes definit. Branchias quatuor habet, cor angulatum, hepar & intestina prædictis piscibus similia. Oppianus scribit saxatilem esse sargum:

Ἄλλα δ' αὖ πολὺν ἐπὶ χλοοῖς ὕδα μέτωπα

Ἔβου ἄργον ἔχον ἐφέστιον.

Sunt vda cantes herbis à fronte virentes,

Hic domus est sargis.

Nullus tamen est alius ex omnibus, qui de piscibus scripserunt, præter Ælianum, qui saxatilem fecerit, neque carne substantiave cum saxatilibus conferendus est, vt mox dicemus. Sentiendum igitur in saxis, quæ in litoribus sunt, degere: nam reuera litoralis est, & in cœnosis litoribus frequentior. Hoc confirmat Aristoteles, vbi nullus luto excitato abiit, fodere enim potest, sargus descendit, & pascitur, imbecilliorisque ne eodem adnatent, arcet. At idem Aristoteles nullum inter litorales recenset. Nos verò sargos alios aliis longè meliores degustauimus. quare illos arbitror in saxis ad litora degere, hos magis in luto: quemadmodum nullus, qui cancellis vescitur, nullum ab aliis saporis gratia superatur. Etenim pro locorum & alimentorum varietate, eosdem pisces à se differre substantia & carne, libro primo demonstratum est. Sargus bis anno parit, verè & autumno, vt autor est Aristoteles: vbi in vulgaribus nostris codicibus pro ἄργος, malè legitur ἄρδος, quod perspicuum cuius esse potest, ex Athenæo locum hunc citante. Et ex eodem Aristotele alio in loco. Pariunt pisces plurimi his tribus mensibus, Martio, Aprili, Maio. Autumno pauci, vt salpa & sargus. Ex his constat eos nominis affinitate in errorem inductos, qui sargum in mugilum genus retulerunt, cum non sargum, sed farginum dixisse oportuerit, ob eamque causam duos Aristotelis locos mendosos esse, in quibus sargum mugilis genus facere videtur. Horum alter est libro quinto de histor. animal. Alter libro sexto eiusdem operis. Ac primùm quàm absurdum sit, sargum in mugilum genere collocare, tum ex iis quæ iam diximus, tum ex iis quæ de mugilibus suo loco dicemus, perspicuum fiet. Nam sargus melanuro similis est, vt diximus, ab eoque difficilè secernitur, cum vtrique nota nigra sit ad caudam, sargo corpus rotundum, compressum, caput parvum, linea nigro dorso ad ventrè, vt mormyro: quæ omnia in mugiles, qui possunt cōpetere? Deinde locos Aristotelis, quibus id sentire videtur, mendo non carere, facile est ostendere ex diuersorum eius autoris locorum collatione. scribit enim sargum verè & autumno parere. Τὸ δ' ἄργος δὲ, ἔστος ἢ μελινόρως. & paulò post dicit, sargum & salpam autumno parere, loco non multò antè à me citato. Idè confirmat ex Athenæo, qui de sargo ita scribit. Αἰσχροτέλης ἐν πύμπῳ ποτὲ ζῶν ἰσχυρὰς, ἡλίκῳ

Lib. i. c. 2. 2.

Lib. ii. cap. 19.

Lib. 8. de hist. anima. cap. 2. & Plinius lib. 9. cap. 17. Ibid. cap. 13.

Lib. 5. de hist. anima. ca. 9. Libro 7.

Libro quinto de hist. animal. ca. 1.

Cap. 17.

Cap. 17.

Lib. 5. de hist. animal. c. 9.

αἰσιν φησὶ δις, εἰς ἅρως εἶτα μετωπόρως, id est, Aristoteles in quinto de
 animal. hist. ait sargum bis parere, vere & autumnno. His ad stipulatur
 Plinius libro nono. Pariunt scorpiones bis ac sargi, vere & autumnno.
 Hæc cum vera sint, quomodo constare possunt ea, quæ mox sub-
 iungit Aristoteles? Τὴν δὲ ὅ ἐνια καὶ χαμῶνος τὴν θέρους. Χαμῶνος μὲν λά-
 βραξ, κερῶν, βελόνη. & Ἀρχὴν αὖ κύνων κερῶν οἱ μὲν χαλῶνες τὴν
 ποσειδεῶνος, καὶ ὁ ἀργὸς, καὶ ὁ μύζων χαλῶμιος, τὸ δὲ κεφάλος. Κύνσι δὲ
 τεύχεον ἡμέρας: id est, pariunt quædam hyeme, quædam æstate.
 Hyeme quidem lupus, mugil, acus. Et, incipiunt vterum ferre ex mu-
 gilibus chelones mense Decembri, & sargus, & qui myzōn dicitur,
 & cephalus. Ferunt autem in vtero triginta dies. Is est prior locus
 ex quinto de histor. Quod si, vt ex superioribus liquet, sargus vere
 & autumnno parit, quomodo cum mugilibus Decembri fœtum con-
 cipit, quem post triginta dies edat? neque est quod quis ποσειδεῶνα,
 mensem Septembrem interpretetur; nam Aristoteles disertè scri-
 psit, mugiles hyeme parere, quod explicans subdidit, mense Decem-
 bri concipere, trigintæque dies vterum ferre. Quare hîc pro ἀρ-
 γὸς, ἀργῖος, legendum esse existimo: & pro χαλῶνες (vt id etiam obi-
 ter admoneam) χαλῶνες. Alter locus est libro sexto de histor. ἀρ-
 γὸς δὲ κυνίσκει μὲν πρὸς τὴν ποσειδεῶνα μίαν, καὶ ὅ ἡμέρας τεύχεον, καὶ
 ὃν χαλῶν δὲ τὴν χαλῶνα τῶν κερῶν, τὴν μύζων, τὴν αἰσιν, καὶ τὸν χρῶνον κύ-
 νσι τῷ ἀργῷ, id est, Sargus mense Decembri concipit, vterum fert
 dies triginta, & ex mugilibus chelōn, & myzōn eodem & æquali
 tempore cum sargo vterum ferunt. Hîc quoque sarginum legen-
 dum esse cenſeo, qui à sargo diuersus est, vt annotauit Athenæus. Et
 cum mugilibus alibi numeratur ab Aristotele. ἀργῖοι, βελόναι, μύ-
 ζωνες. quanquam hîc corruptè legatur μήκωνες pro μύζωνες, quam
 vulgarem lectionem secutus est Gaza, qui papaueres conuertit.
 Quare ex his Aristotelis locis rectè colligere nemo potest, sargum
 ex genere mugilum esse. Cætera quæ de sargo supersunt, persequa-
 mur. Is piscis salax est, vt cecinit Oppianus his versibus, quos in ca-
 pite de cantharo protulimus. nec solum alienas vxores deperit, sed
 etiam mirè ardet fœdo caprarum amore, quam insaniam pluribus
 describit Oppianus:

Lib. 7.
 Lib. 9. de hist.
 anim. cap. 2.

Lib. 4.

Σαργὸς δὲ αἰγέλοι πόθοις ἐπὶ γύμον ἔχουσιν.
 Αἰγῶν δὲ ἰμείρεσιν ὀρεάδωσις διὰ βοτῶν
 Ἐκ πάγλως χαίρει, καὶ εἰνάλιον ἔδωκε.
 Inuadit sargos caprarum mira cupido,
 Qui madidi simas cupiunt tractare capellas
 Montani gregibus, quanuis sint agmina ponti.

Cætera pete ex Oppiano, sunt enim proluxiora, quàm quæ adscribi
 de-

debeant. Ælianus id scribit. Sargi capras vehementissimè amant. namque cum caprarum proximè litus pascentium, vnius aut alterius umbra in litore apparuerit, protinus gaudio exilientes, summo studio adnatant, ac saltu non admodum ad saltandum idonei, capras contingere affectant, sensum caprini odoris percipiunt, etiam si sub fluctibus natent, itaque voluptate gestientes ad eas accedere, student. Quòd autem tanta amoris insania in capras existunt, ex iis idcirco capiuntur, quæ tantopere desiderant. Nam piscator caprinam pellem extractam cum cornibus induens, insidias parat, sole à tergo relicto, atque farinam caprino iure medefactam in eam maris partem spargit, vbi habitare solent sargi, quibus tanquam philtro quodam odoris allekti accedunt, farina vescuntur, pellis assimilata capræ conspectu permulcentur: ex his autem piscator multos hamo robusto capit, cuius linea alba non ex arundine appensa est, sed virga cornea, simulac ad hamum adheferit subtrahere expeditissimè cōuenit, ne alios conturbet. Manu etiam capiuntur, si quis spinas quas ad tuitionem sui excitant, à capite ad partem inferiorem reuocando, & flectendo declinet, premendoque ex lapidibus, in quos ad latendum se compellunt, extrahat. Hæc Ælianus, qui spinas quas ad tuitionem sui sargi excitant, pinnas dorsi quas erigunt, intelligit. Apud Athenæum ab Hicesio sargus melanuro, alibi apud eundem melanurus aut *Libro 7. Libro 8.* rata comparatur, & alibi. *Ἐργοὶ τῶν σαργῶν μέλλον, καὶ τῶν μελανύρων εἰς τὸ προσημώτεροι*, id est, sargi adstringunt & magis alunt quàm melanuri. Qui Brundusij capiebantur, ab Ennio laudantur. Nostri reiiciendi non sunt, præsertim qui vere & autumnno capiuntur, æstate sunt deteriores. Dicemus igitur sargos qui in litoribus cœnosis degunt, cæteris multò deteriores esse, qui in saxis litorum habitant, vt Oppianus autor est, vel qui in purioribus vndis degunt, substantia auratis ferè similes, media scilicet carne, ad siccitatem & proinde ad duritiem inclinante. Quam ob causam succi bonitate ab auratis vincuntur, & magis adstringunt, & multum nutriunt, vt Hicesius dixit. Non solum *Cap. 59.* caprina pelle & caprino odore allekti capiuntur: vt prius dictum est, sed etiam sagena. Qua ratione cares eisdem piscaretur pete ex Æliano. Numenius in halieutico, narrante Athenæo scribit: piscem hunc *Lib. 11, cap. 20.* contra piscantium insidias astutum: & *λαστοληγέσσιον* appellat, quòd *Pol. e. lib. 7.* cum hamo tenetur, lineam ad scopulos atterat. id confirmat

Plinius L I B. IX. Archestratus quòd durus sit piscis,

assum & calidum caseo, aceto, condiri vult:


molliores autem & pingues

pisces sale &

oleo.

M

De Melanuro.



CAPUT VI.



COGNITO Sargo haud difficile est melanurum agnoscere. Est enim, vt prius diximus ex hicesio, sargo similis melanurus, & nominis ipsius ratio, melanuri ideam nobis proponit, vt ex cauda nigra nota statim ab aliis internoscamus. At nota hæc illi cum aliis communis est. nam sparus & sargus ὀφθαλμοειδής sunt, id est, in cauda notam habentes, quemadmodum melanurus, qua nota decepti multi eum à similibus distinguere non potuerunt. Quare alia descriptione opus est, & alijs notis à reliquis secernendus. Ac primum qui μελάνυρος Græcè dicitur, à Gaza Latine oculata dicitur. Vtraque appellatio apud Plinium reperitur LIB. XXXI I. in catalogo piscium. Melanurus, mæna, meryx, myllus, mystus, murex, oculata, &c. Quo argumento moti quidam, diuersos pisces esse censuerunt. Plantus ophthalmiam vocauit. Pernam, ophthalmiam, horæum, scombrû, trigonem, cetû: vt ophthalmia à melanuro diuersa videri possit. Ego verò eundem piscem esse existimo. Neque mirum cuiquam videri debet, Plinium diuersis nominibus piscem hunc designasse, in alijs enim multis idem facit. Plautus autem quem alij melanurû à nigra cauda, ipse ab oculorû magnitudine ophthalmiam appellauit, id est, oculatam, sicuti & nunc Romani *ochiada*. Masilienses *oblado* ex oculata, c, demendo & u, in b, mutando. Nicenses *iblada*, nostri Monspelienses *nigr' oil*, id est, nigrû oculum. Omnes igitur ab oculis nomen posuerunt, demptis Græcis qui à nigra cauda melanurum nominarunt. Is in litorum saxi & eorum locis arenosis degit. Oculis est, habita ratione corporis, admodum magnis ex cæruleo nigrescentibus, ore paruo, dētibus paruis, pinnis, caudæ forma auratæ similis, corpus ex cæruleo nigrescit, cauda antequam in pinnas rubefcentes desinat, macula notatur nigra,

gra, à qua & μελανύρης & ὀρόσσυρος nomē habet. Squamis tegitur latius, facile deciduis, à capite ad caudā ducta est linea latior, ex squamis maioribus & rotundioribus, lineolis aliis frequentibus & nigris distincta, ob quas πολύγραμμος & μελαύγραμμος etiam dictus est: huic hepar est magnū, à quo fellis vesica pendet, ventriculus medius, cor angulatum, in ventre vesica aëre plena, crassā densāq;. Palmi magnitudinem non excedit. Imbecillus est piscis, sed callidus, qui vel retibus, vel nassa vix capiat, à ciborum illecebris abstinet, tranquillo mari in arena deses quiescit: perturbato tum, perinde ac si intelligeret à piscatoribus mare nō adiri, liberē spatiat. Quē Oppianus pulchre describit: *Libro 3:*

Οὐ μὲν δὴ μελαύρον ἀποίσε', ἔτ' ἐν κέρτῳ


Πηδῖος ἀπαλῶν, ἔτ' ἐν λινούργει χόλπῳ.

Haud facile parvus melanurus fallitur arte,

Nec curua capitur nassa, nec retibus amplius.

Cætera ex ipso autore petas. Ælianus eadem ferē prodidit. In Stabiano Cāpaniæ ad Herculis petram, inquit Plinius, melanuri in mari panem abiectū rapiunt, iidemq; ad nullum cibum, in quo hamus sit, accedunt: melanurus secundum Hicesium minū nutrit quā sargus, neq; ea est succi bonitate, neque tam ori gratus. Carne est molli, alga vescitur, ut scribit Aristoteles. Vescitur etiā cœno, is deterior est. Qui in purioribus litoribus degit, & pisciculis vescitur (nam in ventriculo melanuri pisciculos sæpe inuenimus) is magis probandus. Ut sargus vel aurata paratur. *Lib. 11. c. 17.*
Lib. 32. cap. 2.
Athen. lib. 7.
Lib. 8. de hist. animal. c. 2.

De Melanderino.




CAPUT VII.

MΕΛΑΝΔΕΡΙΝΟΣ Græcis à nigrore cutis dicitur. Sunt qui picium Venetiis dici autumant, & eum esse qui à nostris in Gallia Narbonensi dento dicitur sed perperam: dento enim noster verus est scarus, cui dentes lati & acuti, non ferrati, sed hominis dentibus similes, ut suo loco demonstrabimus. Melanderini nullam quod sciam, mentionem fecerunt Aristoteles, Plinius, Oppianus, sed Athenæus duntaxat, qui significare videtur melanderinum à

Speusippo $\Psi\epsilon\upsilon\sigma\iota\pi\pi\acute{o}\nu$, à Numenio $\Psi\epsilon\upsilon\sigma\iota\pi\pi\acute{o}\nu$ appellatum: quòd si ita res habeat, utrobique mendum esse suspicor, atque in priore loco $\Psi\epsilon\upsilon\sigma\iota\pi\pi\acute{o}\nu$, id est, $\alpha\lambda\chi\rho\acute{o}\nu$ & turpem: in altero $\Psi\epsilon\theta\acute{o}\nu$, id est, nigrum & squalidum. Is in nostro mari reperitur, & fargi nomine venditur, ob similem corporis figuram. Et est melanuro similis, sed corpore paulò rotundiore, toto ferè corpore nigrescit, circa caput ex nigro purpurascit, sicuti viola, dentes habet acutos, paruos sicuti pagrus. Pinnarum etiam situ, & numero fargo similis, cauda differt, quia in duas pinnas non desinit, sed in vnam latam saxatiliū ritu, ventriculū gulāque habet, circa ventriculū appendices quatuor magnas, hepar ex rubro candidum, à quo fellis vesica pendet, splenem magnum, nigrum scari vel lati modo, fel aqueum, cor priùs descriptorum piscium cordi simile, lapides habet in capite, carne est non ita molli, sed ferè media, satis boni succi: vt aurata vel fargus preparandus.

De Coracino subnigro, & Coracino albo.



CAPUT VIII.



ORACINVS Melanuro similis inquit apud Athenam Speusippus, melanuro verò melanderinus. Quare his coracinus commodè subnectitur. $\chi\rho\alpha\kappa\iota\nu\varsigma$ appellatio Græca est, qua seruata coracinus Latine meliùs dicetur, quàm coruulus vel graculus, vt à Gaza in libris de histor. animal. conuertitur. Neque enim apud omn

omnes constat, à corui graculive, id est, à nigro colore dictum esse, coracinum, vt docet Athenæus. ἀνομβόθεν γὰρ διὰ τὸ διλυεῖν οὖς ὡς χάρας κινεῖν, καὶ ὁδὲ ποιεῖ πάντας. dicti sunt coracini, quia perpetuò oculos moueāt, & nunquam mouere desinant. & alio in loco. ἀνομβόθεν γὰρ ἀπὸ τῆς χάρας κινεῖν. dictus est à mouendis oculis. Contrà Cælius Rhod. παρὰ τὸ χάρον, id est, τὸ μέλαινα, à colore nigro dici putat. & Oppianus.

Καὶ χορακῖνον ἐπώνυμον ἀΐθουαι χρεῖν.

Et nigro cui nomina dicta colore

Coracinus.

Lib. 1. ἀλίσ-
τικῶς.

Et Vitruuius, vt dictum est LIB. II. coracinum colorem, pro nigro dixit. At non omnes coracini nigri sunt, teste Athenæo. Κορακῖνος ὁ ἐκ τῆς νεύρας, ἥτις τῶν δὲ ὁ μέλας τῆς λευκῆς. Coracinus ex Nilo, minor autē niger albo. Vel melius κρείττων, id est melior niger albo. Numenius ἀσολίω vocat, id est variū. ῥηιδίως ἐλκεῖτο, καὶ ἀσολίω χορακῖνον. & Athenæus testis est, κηροῖ δέας, appellatos coracinos, id est cerei coloris. Suspiciari licet Gazā qui coruulum interpretatur, hypocoristicò nomen facere, χορακῖνον τῆς κόρακος, sed non rectè: nam κόραξ alius est piscis cuius post coracinum album & nigrū, meminit Athenæus. ὁ κόραξ ἱέραξ σπληνότερος. Cuius hypocoristicon nomē, non est χορακῖνος sed χορακινίδιον. Athenæus LIB. VII. de coracinis scribens. Ὑποκοριστικῶς δὲ ὠνόμασεν αὐτὸς φερεκράτης ἐν ἐπιλήσησιν τοῖς ὄσις συνὼν χορακινίδις καὶ μαγινίδις. Has ob causas in Athenēi sententiam magis inclinat animus, & coracinum Latine nominandum, retenta Græcorum appellatione, non coruulum neque graculum iudico. Græci enim pluribus nominibus piscem hunc designarunt. Nam authore Athenæo coracinus Γαπέρδης & πλατισακὸς dictus fuit, Nili incolæ πέλιω vocant, Alexandrini ἡμίνηρον. Sed quod in aurata, idem in hoc pisce vsuuenit, vt pro ætatis ratione diuersa nomina fortiaur, eodem Athenæo autore: nam maiores coracini πλατισακοί, qui mediæ ætatis sunt, μέλλοι: minimi γνωλίδια nominantur. Nostri Gallia Narbonensis corp, per apocopen vocat, alij durdo, alij vergo, alij corbau. Italia fere tota coruo. Græci hodie κόρακον. Coracinus non est qui Liguribus tanado dicitur, quem cantharum esse prius diximus: est enim coracino minor, & multis aliis notis caret, quæ coracino insunt. Neq; enim tanado sic varius est, neque cereus, neque nigras pinas veluti alas habet, vnde μελαμπέρυον coracinum appellauit Aristophanes. Verū ex sequenti descriptione, quid à cantharo & aliis differat perspicuum fiet. Coracinus piscis est marinus, maris stagna etiam aliquando subiens, & Nilum fluuium, & Mæotidem lacum, ex squamosorū genere, Auratę vel melanuro quodammodo similis est, cubitali magnitudine, aliquādo multò maior, dorso repādo, colore subnigro, circa caput vario: maximè enim cū è mari extrahitur, caput subaurco est colore, ad purpureum exaturatum vel ad nigrum

accedente, ita vt aurum subesse videatur, colore ex purpureo nigrescente perfusum. Squamis tegitur magnis & latis: oculos magnos habet, prope hos duo foramina ad odorandum, vel ad audiendum. Ore est mediocri, dentibus paruis. In summo rostro, & inferiore maxilla foramina quædam parua apparent. Ad branchias pinnae magnæ & latæ, in ventre maiores nigrae, qua nota ab aliis squamosis diffidet. Podex magnus & rotundus, quem sequitur pinna longa & nigra aculeis nigris & robustis innixa. In dorso alia longissima est, constans aculeis tenui membrana reuinctis, duas esse possis dicere. His maiores, pro corporis magnitudine nullas equidè vidi. Cauda in pinnam vnicam latam definit. Ventriculus magnum habet, cum appendicibus octo vel nouem. Omnia intestina tenuia, hepar magnum, fel in hepate, splenem oblongum & rubrum, in posteriore capitis parte lapillos albos, veluti lupus, quos ad morbos quosdam vulgus vsurpat, gregalis est piscis. Semper enim non vnicus sed multi simul capiuntur. Parit autumno post mullum inter algas, longo tempore fert vterum. Maxime Hippurus & Coracinus hyeme non capiuntur, inquit Plinius, præterquam æstatis paucis diebus & iisdem semper. Arist. LIB. VII. de histor. animal. Piscium complures hyeme latent, sed apertissimè hippurus & coracinus: nam hi non capiuntur nisi statis quibusdam temporibus. Ex quibus nemo rectè colliget eum non esse coracinum quem nos proponimus, quòd plerunq; hyeme in mari nostro capiatur: quoniam ea est nostra piscandi ratio per sagenam, vt omnes pisces qui in ijs sunt locis ad quos sagna pertingit, quouis tempore capi possint. Quod in marinis stagnis reperiri dixerim, verissimum esse docet experientia. Etenim in stagnis nostris cum auratis & mugilibus capiuntur, in nostris autem fluuiis minimè. Veruntamen in Nilo degere scribit Athenæus. *Φέρει δὲ ὁ νεῖλος καὶ ἄλλα γένη πολλὰ ἰχθύων, καὶ πάντα ἥδιστα, μέγιστα δὲ τὰ τῶν κρακίνων. πολλὰ γὰρ καὶ τέτων γένη.* Idem alibi, *κρακίνος ἐκ τῆς νεῖλος, &c.* Prius enim locum citauimus & emendauimus. Et Strabo LIB. XVII. *ἰχθύες ἐν τῷ νεῖλῳ πολλοὶ μὲν ἄλλοι χαρακτῆρα ἰδιοῦν ἔχοντες καὶ ἐπιχώριον. γνωστώτατοι δὲ ὅτε ὀξύρυγχος, καὶ ὁ λεωιδωτός καὶ λάτος καὶ ἀλαβῆς, καὶ κρακίνος, &c.* Et Plinius. Coracini pisces Nilo peculiare sunt. & alibi. Nilus incertis ortus fontibus, & per deferta & arena, originem in monte inferioris Mauritaniæ, non procul oceano habet lacu protinus stagnante, quem vocant Nilidem. ibi pisces reperiuntur alebetæ, coracini, siluri. Sunt qui coracinum Nili, à marino diuersum esse dicat, quòd nomen mutant: nam *πύλτιω* vocat Ægyptij, & *ἡμύνηρον*, vt prius ex athenæo diximus. At in aliis qui flumina subeunt idem non euenit: nam mugil dicitur, tam qui in stagnis marinis & fluminibus, quam qui in mari degit. & lupus siue tyberinus, siue marinus, & salmo, lampetre, sturio, eodem semper nomine dicuntur, siue

Lib. 8:


Lib. 3. cap. 5.
Lib. 5. cap. 9.

in mari sint siue in fluuiis. Sed ex his effici minimè potest, diuerfos esse specie, coracinum marinum, & coracinū fluuiatilem, vt nec salmo marinus à fluuiatili specie differt, neq; alofa fluuiatilis à marina, sed succi bonitate & suauitate differunt. nam pisces huiusmodi in fluminibus nutriti, longè præstantiores sunt iis, qui in mari capiuntur, & qui prope fluuiorum fontes, iis qui in ostiis, quibus in mare influunt: vt sturio marinus multum suauitate inferior est eo, qui in Rhodano vel Garūna nutritus est. aqua enim dulcis pingues pisces reddit, & odor ē illum marinum veluti eluit. Huius rei gustatum iudicem optimum quilibet adhibere potest. Quare nominis varietas differre specie nō facit, sed ea à fretorum & gentiū varietate inducta est. Exempli gratia: Amia in Gallia Narbonēsi *boniton*, in Prouincia *palamide*. Trachurus à Vascōnibus *chicharon*, à nostris *sieurēl* nominatur. Nunc de substātia coracini & succo. Fluuiatilis & maximè è Nilo melior est, niger albo, & elixus aslo: est enim stomacho gratior, aluo facilis. & apud Athe. *Libro 7.* Amphiphis. Quicoracino marino vescitur præsentē glauco, sanę mentis non est: Niloticos verò coracinos dulces, bonę carnis, suaues esse sciunt, qui periculum fecerūt. Apud eundē dicitur esse subpinguis, minimè mali succi, carnosus, qui multum alar, facilè concoquatur, & distribuatur, omnino myllo præstantior. Marinus siccior duriórque est, & ob id minus palato gratus. idem esto iudicium de mugilibus, lupis, ceterisque huiusmodi, qui in marino stagno, vel in fluminū ostiis capti pinguiiores sunt & suauiores marinis. sed omnes huiusmodi minus salubri esse succo, magisque excrementis abundare censeo, tum ob alimentorum copiam, tum quòd minus exercentur, quę etiam in causa sunt, cur citius putrescant. Eadem ob causas Galenus mugiles stagnorum marinorum & in fluminum ostiis altos vituperat. Coracinus sale condiebatur. Galenus. Μετὰ σαρδάς τὴν καὶ πελαμύδας οἱ ἐκ τῆς πόντος χομίζονται *Ibidem.* μύλλοι μᾶλλον τέλειον καὶ μὲν ἄλλος οἱ χορακίνοι. Post sardas ac pelamydas mylli, qui ex ponto adferuntur, præcipuè cōmendantur, post hos coracini. Et Persius, Saperdāmque aduehe ponto. Coracinum autem saperdām etiam dici prius ostendimus. Athenæus verò loco paulò antè citato, in quo coracinum myllo in omnibus præfert, Galeno apertè aduersatur, nisi dicamus à Galeno coracinum maiorem intelligi, ab Athenæo verò minorem, qui myllum pro medię ætatis coracino vsurpat, vt antea docuimus: qui verò in suo genere minores sunt, maioribus longè præstant, id quod Galenus ipse de thunnis declarat. *Ibidem.* Thunnorum caro, qui & ætate & corporis mole sunt minores, non perinde dura est, eoque hi facilius coquuntur. Coracinus igitur maior, durior est & insuauior, minor contrā, & myllo, qui iam satis accreuit, melior. Carbunculos coracinorum salsamenta illita discutiūt, inquit Plinius: & carnes eorundem aduersus scorpiones valent impositæ. & *Lib. 32. ca. 10. Ibidem ca. 5.*

bid. cap. 7.

coracini felexitat visum. Lapides in capite repertos valere ad nephriticum, vel colicum dolorem vulgus existimat. Alij collo suspensos ad morbum regium conferre credunt. Qua ratione aut facultate equidem nescire me fateor. Et experientia ipsa hoc falsum esse arguit. Ad nephriticum verò dolorem valere sum expertus. Cōminuit enim lapides renum: vel pituitam, ex qua calculi gignuntur, & retinentur, exiccando, vel pondere suo propellēdo, vt lapis Indicus, vel Iudaicus, vel lapis Lyncis. Cælius Rhodig. vir & multę, & varię eruditionis LIBRO XII. Lect. Antiq. hæc scribit, Palladij locum castigare volens. Scitu non indignū esse, ab eruditis obseruatum vbi Palladius scripsit, coracinam picem aduersus arborum formicas pollere, reponendum, coracinum piscem, & id ex agricolationum magistris in Græcorum sciētia. At nos rem ipsam experiri voluimus, num coracinus piscis antipathia quadam formicas ab arboribus arceat, quemadmodū cancer boues a salicibus, alijsque arboribus. Sed rem aliter habere experientiā ipsā comperi. Quare coracinam picem, vt à resina, quę nihil aliud est quā pix alba, differat, legēdum esse iudico, vt & Vitruuius coracinū colorem dixit pro nigro. Coracinus piscis, si paruus sit vt aurata à nostris preparatur, vel in sartagine frigitur, vel in craticula asatur. Si magnus, elixus in aqua, aceto, & vino albo apponitur, & cum succo oxalidis, vel aceto editur. Si diutius seruādus, assus aceto, & pauco pipere conditur, additis folijs lauri vel myrti vel iuglandis, salsus, elixus ex aceto editur.

De Vmbra.



CAPUT IX.



UMBRA Coracinum sequitur, nec melius certē vmbra corporis sui habitum refert, quā vmbra coracinum. Ob quam similitudinem piscatores, & ichthyopolę tam Romę, quā in Montepelio coracinū pro vmbra, & vmbra, pro coracino vendunt, existiman

tes


tes umbram, coracinum, latum, sola ætate differre, vt coracinus paruus sit, umbra maior, latus verò maximus. *Χιᾶνδρ* Græci vocant, quam Latini umbram, seruata Græci nominis ratione. Græci quidam hodie corrupto vocabulo *Χέλον* vocant, alij *μυλοπόποιον*: ab Italis & Massiliensibus, denique à toto illo tractu, qui à Massilia est Neapolin vsque, *umbrino* vocatur: Baionæ *borrugat*, quasi verrucatus, à verruca quam in mento habet, à Gallis *maigre*: in Gallia nostra Narbonensi *daine*, nonnullis *peis rei*, id est, piscis regius, sed peritiores dainam à pisce regio & coracino sic distinguunt, vt *peis rei* sit is, qui latus dicitur. *Daina* verò *Χιᾶνα*: postremò coracinus *corp*, vt dictum est prius: minùs corruptè pro *daine* dicitur à quibusdam *caine*, omisso *σ*. id quod Galli plerunque faciunt in nominibus, quorum initium est *s*. hac autem sublata & *x* in *d* mutando, *daine* fecerunt. Nomen habet *Χιᾶνα* vel umbra, à colore nigrescente. Ouidius in fragmento operis de Piscibus: *Et auri*

*Chrysophrys imitata decus, tum corporis umbra
Liuentis.*

Siue potius à lineis quibusdam obliquis, à dorso descendentibus aureis & obscuris, quæ aliarum videntur umbræ: vna enim manifesta est, sequens obscura, & sic deinceps à capite ad caudam vsque. Umbra in multis coracino similis est, verùm ab eo differt magnitudine. Coracinus enim ad cubitalem, aut paulò maiorem magnitudinem peruenit, umbra in multò maiorem molem accrescit, præsertim in mari Oceano: habet & verrucam in mento, qua nota à coracino & lato facilè distinguetur. Cæterùm foramina duo ante oculos habet, coracini modo, in summo rostro, & inferiori maxilla foramina aliquot parua, sed manifesta, quæ partes has asperas reddunt: dentibus caret, pinnas quoque similes habet, sed minùs nigras & breuiore, maximè quæ in ventre sunt & dorso, caudam similem. Umbræ alius est color, quàm coracino ob lineas obliquas, quasdam aureas manifestas, alias aliarum, veluti umbras, vt dictum est: corpore quoque est minùs lato, sed longiore, dorsum minùs repandum. Oculi in utroque similes. In umbra squamæ capitis multæ & paruæ. Operculi branchiarum extrema nigrescunt. Partibus internis coracino similis, ventriculum similem habet, totidem appendices, splenem, hepares, fel, similia. Insunt & in capite lapides. Oppianus umbram saxa frequentare scribit, iis versibus qui capite de fargo citati sunt. Veruntamen in veris saxatilibus non habetur, neque enim molli est carne & friabili. Est tamen in pretio, & diuitum mensis apponitur. Nam quanuis sicca sit carne, & concoctu non admodum facili, tamen suauis est, & candida. Apud Athenæum brevis admodum de hoc pisce fit mentio. Epicharmus, inquit, *Χιᾶνδρα*, Numenius *Χιᾶνδρα*.

vocat. Sunt qui *σκινίδην* & *σκινίδην* diuerfos esse pisces credant, quòd alter vera umbra sit, alter piscis umbræ similis. Sed scrupulum hunc adimit Galenus LIB. III. de Aliment. facult. ἔμψυχοι ὁμοίως μαλακίῳ ἔχουσιν σάρκα τῶτοι καὶ τοῖς περὶ αὐτοὺς ἰχθύσι οἱ κώβιοι, καὶ θάπτερ ἔδὲ σκινίδες, ἢ σκινίδην διὰ τὸν γὰρ ὀνομάζονται. Caterum gobiones non perinde mollem carnem habent, ac isti & saxatiles pisces, veluti nec umbræ, quæ scinides aut sciænæ duplici nomine appellantur. Ausonius umbræ meminit, sed ea planè fluuiatilis est: neque enim marina fluuios vnquam subit. Duas igitur umbrarum differentias statuimus, marinam & fluuiatilem, quæ in montium amnibus, vnà cum troctis, à quibus plurimùm dissidet, capitur: de qua suo loco plura. Hodie umbra marina Romæ maximè commendatur, & triumuiris rei Romanæ conseruatoribus, capita dono dantur, quemadmodum apud nos delphinorum & glaucorum capita Episcopo Monspelienfi tributis nomine penduntur. Recitat non illepidam historiam de Tamisio parasito Romano Paulus Iouius, vir doctus & elegans. Is Tamisius Romanis aulicisque salubris erat insignis, sed gulæ ad eò prostituta vt infamis haberetur. Is cum perferuum, qui in foro piscario in eam curam intentus, excubare solebat, ingentis umbræ caput, triumuiris delatum esse cognouisset, in capitolium protinus ascendit, vt simulato apud magistratum negotio, sermonèque de industria protracto, prandium captaret. Sed misero huic res longè aliter cecidit ac sperabat, eoque die magno illi gula constitit. Nam triumuir ad Riarium Cardinalem dono misit, hic ad Cardinalem Federicum sanseuerinum: is rursus ad Chisium Publicanum ditissimum: Postremò Chisius ad scortū quod amabat. Interea parasitus pertimescēs, ne bolus is è faucibus eriperetur, ac veluti coruus hians, per singulorum ædes prædam auide consecatur, huc, illuc, sursum, deorsum cursitans, modò trans Tyberim, modò cis Tyberim. Tandem fessus, anhelans, totusque sudore diffuens, huic enim pinguis aqualiculus propenso selsquipede extabat, cum scorto noui hominis aduentum admirante discubuit. Lapidès qui in umbræ capite sunt, eandem facultatem quam coracini lapides habere creduntur. Ex umbra ius album optimū paratur, & quæ *gelatina* vulgò dicitur, quemadmodam ex lupi carne. Præparatur coracini magni modo. Caput in aqua & vino decoctum ex aceto editur. In faragine frigunt alij, & cum succo mali arantij edunt. Diuisa etiam in assulas & caryophyllis transfixa, in craticula assatur, oleo frequenter irrigata. Farina probè subacta cōclusa, caryophyllis, cinamomo, sale condita seruatur. Apud Pictones elixa ex aceto, & cepis minutim concisis editur. Sciænæ interranca, & squamæ combustæ panos discutiant autore Plinio.

De Lato.



CAPUT X.



QB Similitudinem à coracino & umbra latus disjungi non debet, λάτος Græcis dicitur, Latino nomine caret. cum esse putamus, quem nonnulli pro umbrina vendunt. sunt qui coracinum album esse credāt, quorum sententiam nec probo nec improbo. fit enim per sepe ut idem piscis, diuersis in litoribus, diuersis nominibus nuncupetur. Piscis est marinus, reperitur & in Nilo, coracino & umbræ similis, verum maior, candidior, tum carne tum squamis. Tuberculo in mento caret, qua nota ab umbra discernitur, corpore minus est lato quàm coracinus, squamis obliquè sitis, argenteis. Cauda, pinnis, oculis, naribus, foraminibus ante oculos, branchiis, partibus aliis internis coracinum æmulatur. dentes euidentes habet, lapides in capite. Frequentissimus est Romæ & in Adriatico mari, apud nos non ita frequens. Vocamus *Peis rei*, ut proximo capite diximus: quòd delicatissimus, suauissimúsque sit, & dignus Regum mensis. De hoc plura Athenæus, quàm veterum quiuis. Τέτον χ' ἡ Ἰταλίου κράτιστον εἶναι φησὶν ἀρχέστρατος λέγων ἔτος.

Libro 7.

Τὸν δὲ λάτον ἡ κληρὸν, ἐν Ἰταλίᾳ πολυδένδρω.

Ὁ Γευλλαῖος, ἔχ' ἀπὸρθμος, θάυμαστον ἔδεσμο.

Οἱ δὲ ἐν τῷ Νεῖλῳ ποταμῷ γινόμενοι λάτοι, δ' μέγεθος οὐρείων καὶ ὑπερδιπλασσίας λίβας ἔχοντες. Ὁ δὲ ἰχθὺς ἔτος λακτέος ὢν, ἔστι τις ἐστὶ, πάντα βόπον χρυσαζόμενος, παραπλήσιος ὢν τοῖς χ' ἡ Ἰστρον γλαμίδι, id est, Archestratus in Italia optimum dicit esse latum, his verbis:


Arboribus facunda, latum celebrem Italia gignit,

Terra sinu Scyllæo, gratum & suaue alimentum.

Qui verò in Nilo fluuio sunt lati, inueniuntur tanta magnitudine, ut ducentarum librarum pondus superent. Piscis hic candidissimus est, & quouis modo paratus suauissimus, similis glanidi istri. Hęc Athenæi

verba potissimum me in eam opinionem induxerunt, vt credam piscem, quem nunc exhibemus, verum esse latum: nam nullibi frequentius vidi, quàm in Italia, eo potissimum in loco, qui *Schilazo* hodie quoque dicitur. Romam quoque aduehuntur quamplurimi ex Caieta, Neapoli, & tota illa extrema Italiae ora, quae magna Graecia olim dicta est. Præterea, vt annotauit Athenæus, candidissimus est, & suauissimus. Eum etiam Strabo in piscibus Nili numerat, LIB. XVII. locum protulimus capite de Coracino. Preparatur latus umbræ vel coracini modo, succi bonitate & suauitate minimè his inferior.

De Boope.



CAPUT XI.



QVAMOSIS aliquot iam descriptis, manarum species, licet magnitudine longè inferiores, subiungimus, ob similem totius corporis imaginem. A boope autem incipiemus, qui in Gallia nostra Narbonensi, Italia, Hispania, & re & nomine notissimus est. Βοώψ, Βώξ, Βόνξ, Βόαξ dicitur. Βοώψ ab oculorum magnitudine. Βώξ ab Aristotele citante Athen. lib. πειρ. ἰχθύων. & LIB. IX. de hist. animal. & ab Oppiano LIB. I. Βόνξ à Numæuo, Βόαξ à Speusippo, & ab aliis Atticis, παρὰ τὸ Βολω, id est, à voce, autore Athenæo. quare & Mercurio sacrum esse piscem fama est, vt citharum Apollini. Pherecrate etiam teste, nullus omnino piscis vocē edit, præterquam Βόαξ. Eodem in loco Aristophanem Byzantium sic reprehendit Athenæus. Aristophanes Byzantius malè ait nos dicere piscem Βώξ, cum dicere oporteat Βόωπα: quoniā paruus piscis cum sit, magnos oculos habet. sit igitur Βοώψ bouis oculos, id est, magnos habens. aduersus hunc dicendū: si hoc malè nominamus, quare χορακίων dicimus, non χοροκίων? dicitur enim ἀπὸ τοῦ χορὰς κινεῖν. quare etiā non Σεῖρον dicimus, sed σείρον? cum sic dicatur, ἀπὸ τοῦ Σεῖον κυεχῶς τὸ ἔρδον. Hæc Athen. cuius etymologiam Festus Pompeius secutus est. Bocas, inquit, genus piscis à boando, id est vocem emittendo appellatur. A Plinio box, vel vt alij legūt, boca dici


Libro 7.
Cap. 2.

Ibidem:

Lib. 32. cap. 11.

dicatur, Græco nomine non mutato. Quare miror Gazam idem non fecisse, & vocam conuertere maluisse. Venetiis *booba*, in reliqua Italia, *Lib. 9. de hist. cap. 2.* Liguria, Gallia Narbonensi, Hispania, *bogue* nominatur. Piscis est marinus, litoribus gaudens ex mænarū genere, pedali magnitudine, corpore satis rotundo, non compresso, quale ferè est mugilū. Capite breui, & paruo. Oculis maximis pro corporis magnitudine, utpote qui totam ferè capitis regionem occupent. Colore est vario. In dorso à branchiis ad caudam lineas ductas habet alias aureas, alias argenteas, minus quàm in salpa illustres, ob quas, ab Aristo. in lib. *ισχθυών, νωτιόγραπτος*, *Ath. lib. 7.* id est, in dorso pictus cognominatus est: in ventre nullæ apparent lineæ, sed hîc squamis tegitur argenteis. Pinne sunt spari, canthari, fargi, pinnis similes, cauda subaurea, vētricus magnus, cum multis appendicibus, intestina tenuia admodum, hepar rubrum, splen ex rubro nigrescens. Nutritur alga, carne, luto. Athenæus lib. v i i. βώξ δὲ ἐφθός Ὀπείπτος, ἀπὸ δίδυς, ὡς δὲ ἀνίδς, δὲ χίλιος. ὁ δ' ἀπὸ ἀμβράκων γλυκύτερος ἢ ἀπὸ λώτερος. vbi pro ἀπὸ δίδυς, legendum ἀναδίδυς, id est, box elixus coquitur, distribuiturq; facile, iurulētum quid emittens, facilem aluum reddens. Assus succēsis carbonibus suauior est, & tenerior. In Prouincia satis commendatur, ut etiam ægrotis apponatur. Veteribus vilis, nec vllō in pretio fuit. Reuera piscis iste in sartagine coctus, vel assus super craticulam mediocriter alit, quia siccior redditur.

De Boopis secunda specie.




CAPUT XII.

NVLVS veterum duas boopis species facere videtur, *Lib. 1. ἀλιούτικων* præter Oppianum. *καὶ σμελίδες, καὶ βλένος, οἱ δ' οὐαίροι, ἀμφότερα τε* Bōkes. Nostri quoq; piscem quendam, in multis superiori simile, *bogue* appellāt: quid verò istud *rauel* significet, non potui omnino assequi, nisi quod peritiores piscatores, *bogue* *rauel* dictum esse putant, quia capiatur, & vendatur cum piscibus, vulgò *raualle* appellatis, id est, minutis, quique simul elixantur, & appo-

nuntur, nec propter paruitatem seliguntur. Is igitur piscis quem boopis secundam speciem facimus, boopi vel menæ similis est. rostro magis acuto, dorso ex caruleo rubescente, ventre argenteo, cauda rubescente, oculis magnis & variis, nimirum circa pupillam nigram circulo ex aureo virescente, corpore toto latiore quam boops, sed brevior. Quis sit is piscis difficile est coniicere, nisi in genere mænarum numeremus, quique differat à boope non sexu tantum (sunt enim in hoc genere & mares & femina) sed etiam specie, sed propter similitudinem, alteram boopis speciem constitui.

De Mæna.



CAPUT XIII.

Lib. 9. cap. 26.
Lib. 8. de hist.
anim. cap. 30.



Lib. 8. ca. 17.

Lib. 2. sermon.

ΜΑΙΝΙΣ à Græcis, à Plinio mæna dicitur, Gaza halecem non rectè vertit, neq; *ἡ μαῖνῖα* haleculas. Nam halec generis potiùs nomen mihi esse videtur, vt pisciculus omnis vilis, vel muria cõditus, vel piscium fæx. Vnde Collumela, tabentes haleculas incrementi minuti pisces, iubet præberi iis qui in viuariis seruantur piscibus. Et Hermodolus piscem omnem vilem halecularium vocat. Est etiam halec liquamen ex intestinis piscium. Horatius:

*Ego facem primus & halec
Primus & inueni piper album.*

Lib. 31. cap. 8.

Dicitur & à Plinio alec muriæ vitium. laudatur & Clazomene garo, Pompeique & Leptis: sicut muria Antipolis ac Thuria. Iam verò in Dalmatia vitium huius est alex imperfecta nec colata fæx. Quare Plinij vocabulū retinendū arbitror. Mæna à Liguribus, ac Romanis seruatis Latini nominis vestigiis *menola* hodie vocatur, à Massiliensibus *mendole*, ab aliquibus *cagarel*, quòd aluum ciëat. A nostris in Gallia Narbonensi *iusele*. Ab iis qui Adriaticum sinum incolunt, *clawe*. Mæna piscis est marinus, ex squamosorum genere, boopi similis, aliquantolator, & minor: apud nos vix palmum attingit. Rostro est acuto,

cap

capite compresso, oculis minoribus, quàm boops, dētibus paruis, hyeme candida, vere & æstate varia. Maculis cæruleis toto corpore, & potissimum in capite, & dorso sparsis. Pinnis aculeis cauda, boopi similis. Vtrinque magnam & rotundam maculam habet in medio corpore. Lapidēs habet in capite: internis partibus à boope non differt: mas in eo fœminæ dissimilis, quòd latior sit, & porrectior, fœmina rotundior. Cùm fœtu fœmina impleri incipit, maris color in varietatem quendam, & nigrorem mutatur, & pessima carne efficitur, vocaturq; hoc tempore *τράγος*, ob fœtorem, opinor: Martialis **L I B. X I I.**

*Arist. lib. 2.
de hist. ca. 30.*

Fuisse gerres aut inutiles mænas

Odor impudicus hirci fatebatur.

Sic etiam dicuntur Aristoteli *τράγιδες*, id est, hircum olere, qui incipiunt venere vti vocemq; inæqualem mittunt, quique libidine accenduntur: hoc est, malè olere. An verò is sit qui ab Athenæo, *τράγος* dicitur, alio loco inuestigabimus. Cùm Roma Venetias venissem, mænas tanta coloris varietate conspexi, præ his quæ hyeme venduntur, ut vix primo aspectu agnoscerè. In nostro enim litore minus vario colore depictæ sunt, neque solum ideo quod magna ex parte perit color in forum delatis, sed etiam in ipsa sagena. Mæna parit brumæ tempore. Quo tempore vterum fert, melior, ut reliqui ferè pisces omnes. Apud Athenæum Hicesius melioris succi mænas esse censet, quàm gobiones, non tamen ori tam gratas esse, neque tam facile aluo deiici, qua in re falli ipsum existimo: quoniam gobiones friabili carne sunt, nec saxatilibus multò inferiores: quare non possunt mænae melioris esse succi. Non negarim tamen mænas carne esse media, boniq; succi. Coctas in sartagine magis probo, quàm elixas. Cæterum nullo in pretio fuisse apud veteres ostendunt versus Martialis paulò antè citati. Earum aliquem esse in medicina usum, Dioscorides docet: Mænarum ex capitibus cinis si illinatur, callosas sedis rimas abolet. Eius etiam garum, oris putrilagines collutione sedat. Et Plinius, capitis mænarum cinis cum allio tritus, ad thymia crudis illinitur. Quid autem sit hîc crudis non video. Quamobrem sedis legendum esse puto. Hâc vim smaridibus tribuit Dioscorides. Sed cùm sint eiusdem generis pisces, carne & facultate arbitror nō multum dissidere. Præterea, mæna falsæ cum felle taurino illitæ vmbilico, aluum soluunt. Earum etiam ius assumptum aluum soluit, quam ob causam fortasse à Prouincialibus quibusdam *cagarel* mæna à cacando dicta est. Rursus Plinius, Capitis mænarum cinis, ad rhagadas, & condylomata utilis. Et mænarum muria, & capitum cinis cum melle sanat strumas. Et Anginas mænarum fassarum ex capitibus cinis, ex melle illitus abolet. Porro Galenus. Capitibus mænidum sale inueteratarum ad sedis rimas utebatur quidam, & is ipse ad Columellam diu indurata. Videtur ergo

*Lib. 5. de genera animal.
ca. 7. & scilicet
probl. 4. & 25.*

Lib. 7.

Lib. 2. cap. 30.

Lib. 31. ca. 10.

Ibidem.

Ibidem ca. 8.

Ibidem.

*Lib. 3. de facie
simp. med.*

vis illarum desiccare, non admodum acriter: hoc enim adustis quibusdam inest, quemadmodum desiccandi vis omnibus. Et Paulus Aegi. de eadem re loquens *καὶ γαρ γαρπεῖνας χροῖας ἐσπρωμύρας ὠφελεῖ*. Vbi interpres *γαρ γαρπεῖνας* guttur malè conuertit, cum gurgulionem vertere debuisset. Est enim carnosa particula, è palati extremo suspensa, veluti plectrum ad formandam vocem conferens: vocant etiam Græci *κίονα*, Latini columellam vel vuulam. Fit autem scirrhus à materia crassa vel glutinosa, aliquando ex inflammationis malè curatæ reliquiis: cui malo curando exiccantia non conuenire, & ratio & experientia docent. Nam durata medicamentis malaëticis egent, non iis quæ multum siccent vel digerant. Hæc enim id quod tenue est discutiant, quo discussio morbus curatu difficilior redditur, nimirum manente eo, quod crassius & durius est. Nisi quis contēdat, ea non omnis scirrhi curationi conducere, sed eius tantum, qui ex pituita crassa, & vt ita dicam, congelata ortus est, vel ex intempestiuo, aut immodico medicamentorum refrigerantium vsu. Propterea quod crassum, vel glutinosum humorem incidant & attenuent, postremò siccitate sua absument, congelatum verò dissoluant calefaciendo, & dissolutum discutiant. Sed quæ Galenus de capitibus menidum scribit, non ex sua sed alterius cuiusdam sententia profert. Capita mænarum cum falsa & exiccata sint, vim exiccandi habere constat, & multò magis si asla in cinerem redigantur. Quare nec mirum si cinis ad anginas valeat, vt & illa omnia quæ affluentem humorum copiam absument, quemadmodum cinis hirundinum, & stercus canis. Eadem ratione ad oris vlcera, cinis è capitibus mænarum conducit, quod putridum est ex edendo, ob quam causam etiam thymos sanat.

De Smaride.



CAPVT XIII.

Lib. 8. de hist.
cap. 30.

Cap. 11.



MARIS & Græcis & Latinis dicitur, Gaza cerrum Latinè vertit: ob id fortasse quod Neapoli smarides vulgò dicuntur cerres, Massiliæ gerres. Mirum cur non potius Plinii & Martialis appellatiõe vsus sit, qui gerres dicunt. Plinius LIB. XXII. in catalogo piscium. Mar-


Martialis in versibus superiori capite citatis. Smaris ea mænæ species est, quæ *λαχμαρίς* etiam à Græcis dicitur, id est, mænna alba quia semper alba remanet, cum mænna prior colorem mutet: unde deductum putant quod præ timore pallidos, smaritos Itali vocent. Venetiis hodie *giroli* & *gerruli*. in Gallia nostra Narbonensi, & Hispania, *pica-rel*, ob id fortasse quòd salitus hic piscis, & fumo exiccatus, linguam acrimonia quadam pungit & mordet. Vehementer errant, qui lencomænides esse putant, quas *harengades* vel *harengs* nos dicimus, nonnulli haleculas. Sunt enim ex thrissarum, non ex mænarum genere, & maximè in oceano capiuntur, quo non penetrauerant veteres, qui de piscibus scripserunt, de quibus suo loco dicemus. Smaris marinus est piscis, mænæ similis, sed minor. Est enim digiti tantum magnitudine, corpore strictiore, rostro acuto, maculam vtrinque nigram habet, notis caruleis, versicoloribusque caret. Sed candida est, lineas quasdam argenteas, & subaureas obscuras à capite ad caudam ductas habens, pinnis, aculeis, cauda, partibus internis, mænæ similis. Hunc piscem garum esse nominis affinitas facit ut suspicer, cum pro garo cerrus dicatur, & à Plinio & Martiale multitudinis numero gerres. & Antipoli hodie *garon*. Præterea ex hoc pisciculo optimum fieri garum experientia quemlibet docere potest. Ex Garo vero pisce optimum fieri garum testis est Plinius. Aliud est inquit, liquoris exquisiti genus, quod garum vocauere, intestinis piscium, cæterisque quæ abiicienda essent sale maceratis, ut illa putrescentium sanies. Conficiebatur ex pisce quem Græci garum vocabant. Smaris eodem succo carnèque est, qua mænna & ad eadem ferè omnia valet, ad quæ mænna, eique Plinius tribuit quæ Dioscorides mænæ. Plinius. Smarides tritas, illitas ad thymia sedis conferre scribit, uti cinerem capitis mænarum. & Dioscorides. Smaridis piscis caput exustum, excrescentes ulcerum oras, puluillósque reprimat, nomas cohibet, thymos clauósque absumit. Caro non secus ac balsamentum prodest à scorpione percussis, aut à cane demorsis. Galenus post mænnam de smaride nihil scripsit, hanc opinor ab illa nihil differre existimans. Paulus Ægimænis smarides subiungit. Smaridis, inquit, caput tostum ad pilorum defluuia cum adipe vsino conducit. Ex his colligat lector, quibus, & quot remedijs quæ minimo pretio comparari possunt, careat is qui piscium historiam ignorat. Preparatur smaridis ut mænna, & ut squamosi alij. A piscatoribus sale cõdita, aëri exponitur, vel in camino suspenditur, & exiccatur. Alij antiquorum more in muria sinunt tabescere, ut garum faciant. Ex qua optimum & suauissimum garum paratum vidi, apud Gulielmum Pelicerium episcopum Monspeliensem, virum summa laude dignissimum.

Lib. 31. cap. 7.

Lib. 32. cap. 10.

Lib. 2. cap. 30.

De Pagro.



CAPUT XV.


IN Squamosis sunt phagri, erythrini, hepatis, synagrides, inter se similes. De quibus deinceps agemus, ob similitudinem quandam quæ illis etiam est, cum aliquot iam descriptis. De pagro autem primum dicemus, quod is notissimus sit. *φάγρος* autem vel *πάγρος*, vel *παγρεος* Græcis dicitur. Latini Græcam appellationem, populi multi eiusdem vestigia constanter retinuerunt, quod maximo argumento est, veterum pagrum esse quem hîc exhibemus. In toto litore Galliae nostræ Narbonensis, *pagre* dicitur, Italis *pagro*, nonnullis *phagorio*. Hispanis quibusdam *bezogo*: Dalmatis & Lusitanis *phagros*. *φάγρος* dictus est quasi *φάγος*, id est vorax, inferendo *p*. quemadmodum in *ὄσπερον* pro *ὄσρον*, quæ etymologia naturæ huius piscis optimè quadrat, de qua mox. Caue autem pagrum cum paguro confundas, quod docti quidam fecerunt, nominis affinitate decepti: plurimum enim à sese dissident, nam pagurus est in cancerorum genere, de quo suo loco. Pagrus piscis est marinus, litoralis, aliquando pelagius, & inter Niloticos ab Athenæo & à Strabone connumeratus. Corporis forma, pinnis, earundem situ, numero, aculeis, cauda, parvæ auratæ similis, colore dissimilis: est enim colore ruffo, qua nota cum erythrino convenit, cum eo capitur, ac pro eodem venditur, ab erythrino tamen dissidet, quia è ruffo ad cæruleum hyeme magis vergit, erythrinus semper rubet. Pagrus rostro est spissiore, rotundiore, ad aquilini nasi formam accedente, toto corpore rotundiore & latiore. Ventriculum maiore, splenem minorem habet erythrino, vesicâ quoq; aëre plenam maiore. Appendices & intestina eadē quæ auratæ, hepar sine felle, cor angulatum, lapides in cerebro. Quam ob causam frigus pertimescit,

Libro 7.
Lib. 17.

vt lupus, vmbra, cæterique omnes, quibus lapides sunt in capite. vefcitur luto, alga, carne, vt fepiolis, Iquillulis, loliginibus, cochleis. sunt qui echinis etiam vefci putent, fed an propter aculeos poffit attingere, dubito: quanuis latas maxillas & dentes anteriores, acutos habeat. Aristoteles citante Athenæo fcribit, *Σαρκοφάγον εἶναι αὐτὸν, καὶ μήνην, καὶ ῥέλαν ὃ ἔχον τεύγωνον, ἀκριβὲς τε ἔσπος.* quæ in Aristotelis libris, qui nunc extant, non reperiuntur, funtque diligenter expendenda. farcophagum effe pagrum nemo ambigit. folitarium verò effe, vix credat aliquis, cum maximè in litore noftro non nifi multi fimul capiantur, nifi quis *πανόλγω* hoc adfcribat, id eft, huic retis generi, quo omnia capiantur, omnia nimirum quæ obuia funt, & ad quæ pertingit rete. Cor trigonum intelligit angulatum, cuiusmodi eft in plurimis pifcibus. Quid verò fit illud, *ἀκριβὲς τε ἔσπος*, fatis ambiguum eft, num vere vigere dicit, vt fignificet eo tempore edendum effe, quòd tunc fit veluti in ætatis flore, ideòque carnofior, fucci plenior, fuauior, minufque excrementis abundans, ob crebras exercitationes & natationes? At Archefttratus ad omnem luxum ingeniofiffimus apud eundem Athenæum ait, *Χείλου ἀναπίνκνους δεῖν τὸ φάσπον ἑσθιόν*, id eft, canicula oriète, edendum effe phagrum: quo fit vt mendofum effe locum fufpicer. Cùmque pifcium alij vere, alij autũno, alij æftate, alij hyeme, alij vere & autumnno, alij vere, æftate & autũno, vt mullus, alij vere & autumnno pariant, fitque pagrus ex his qui vere pariant (certum eft enim circa veris finem parere) legendum effe puto, *τίθησθαι τὸ ἔσπος*, id eft, vere parit. Hicelfius hæc de pagris & fimilibus: *φάγροι ἔχουροι, καὶ ἀνθίας, καὶ ἀκαρνᾶνες, ἔσφοροι, καὶ ῥυνοδόντες, καὶ ῥυναγρίδες τὰς μὲν γένει παρὰ πλῆθει οὐκ ἔχοντες, γλυκεῖς τε γὰρ καὶ παρὰ σφύρας ἔσφοροι. κατὰ λόγον δὲ καὶ δυστέκνητοι, ῥομφιμώτεροι δὲ ἀνθίων (ἀρκυώδες, ἔγεωδῆες, ἑλάττινα τε πημελῶν ἔχοντες.* phagri, chromis, anthias, acarnanes, orphi, fynodontes, fynagrides genere quidem fimiles funt, fi quidẽ dulces & adstringentes, fatis nutriendes, & iure quidem difficilẽ excernuntur. magis autem nutriunt carnofi, & magis terreni, minufque pingues. Dulces quidẽ fuauẽs & palato gratos accipere oportet: nam quod dulce eft, vt mel, faccharum, fapa, tātum abeft vt adstringat, vel aluum fiftat, vt potiùs leniat. constringentes verò nõ austeri vel acerbif, fed qui non facilẽ excernantur. Sunt igitur pagrus & fimiles fuauẽs, media carne, vel fatis ficca, vnde fit vt aluum non ciẽant, vt molles & prehumiidi, & fatis nutriendi. Pagrus marinus fluuiatili falubrior eft, vt & alij pifces qui relicto mari flumina fubeunt, cuius rei caufam expofui capite de coracino. Hinc demere oportet pifces eos, qui virus, vel ferinum quid redolent, vel nimis frigofi funt, vt ftutionem, lampetram, alofam & fimiles, qui & fuauiores & falubriores & magis opimi in aquis dulcibus efficiuntur. Archefttratus pagri caput

Lib. 32. ca. 10. præfert. Plinius inter remedia, quæ februm circuitus tollunt, et hoc recenset. Pagri fluuiatilis longissimus dens capillo adalligatus, ita vt quinque diebus eum qui alligauerit, non cernat æger. quem locum corruptum esse facile iudicabit is, qui pagrum nouerit, cui dentes alij aliis longiores nulli sunt. Alij paguri fluuiatilis substituunt, sed eadem dubitandi occasio est, quid per paguri dentem longissimum intelligi oporteat, nisi fortè è forficulis denticulatis (his enim verbis vtitur Plinius eodem libro) longissimum. Quare hunc locum doctis æstimandum relinquo.

De Erythrino.




CAPUT XVI.

Lib. 32. ca. 10.

Lib. 32. ca. 9.

Lib. 7.



ΕΡΥΘΡΙΝΟΣ vel *ερυθρινός*, aliquando à Plinio rubellio, aliquando seruato Græco nomine erythrinus dicitur. Gaza Plinium imitatus rubellionem vertit. nomen à rubro colore positum est. Cyrenæi autore Zenodoto apud Athenæum *ὕκιν* vocabant, autore verò Clitarcho, vt idem alibi scribit *δύκιν*, qui Græciam nunc incolunt *λέβελον* corrupto vocabulo, pro erythrinum. In Gallia Narbonensi & Hispania *pagel*, Romæ *phrangolino*, vel *phragolino*, quasi paruum pagrum. Confundunt enim isti omnes pagros cum erythrinis. In Liguria, & quadam Italiæ parte *pagro*. Obseruandum diligenter est cuculum, lucernam, aliósq; rubros pisces, Gallis, & maximè Parisiensibus dici *rougetz*: nobis autem Monspeliensibus, mullos, *rougetz* nuncupari. ne quis Gallica nomina cum Græcis temere confundens, illos erythrinos esse putet. Erythrinus piscis est marinus, pelagijs autore Aristotele, secundum Oppianum litoralis.

Lib. 8. de hist.

anima. ca. 13.

Lib. 1. ἀλιευ-

τικώρ.

Οἱ μὲν γὰρ χθαιμαλοῖσι πᾶρ' ἀγματοῖσι (νέμερ)
 Ὑάμμεν ἐρεπόμενοι, καὶ ὅσ' ἐν ψαματοῖσι φύον)
 Ἰπποι καὶ κυγες τε τοὶ ξαυδοί τε ἐρύθρινοι.
 Nonnulli *flauam pisces in litore arenam*

Man.

Mandunt, & terra quicquid nutritur in alta.

Hippi, cocciges celeres, flauique erythrin.

Hyeme quidem in alto mari degunt, æstate verò terram petunt, & circa litora capiuntur. Sunt & quædam profunda litora, in quibus etiam quouis tempore degere possint. Erythrinus colore est rufo siue rubefcente, ventre candido, corporis forma, pinnarum situ, numero, cauda, aculeis branchiis, pagro similis, rostro acutiore & strictiore, corpore minùs lato, oculis magnis, in quorum tunica cornea binæ maculæ aureæ apparent, ore est paruo, dentibus admodum paruis, rotundis acutisque. Intus candidissimus est, ventriculū medium habet, cum paucis appendicibus sed crassis & magnis: intestina crassa, hæpar ex albo rubescens, à quo pendet fellis vesica oblonga, mesenterio & spleni alligata. Splen ex rubro nigrescit, & magnus est, si corpus spectes. Lapides habet in cerebro. In erythrinis, passerum generibus, & channis, nulla est distinctio maris & fœminæ, sed omnes fœminas esse argumento est, quòd in omnibus oua reperiuntur æstate, quā parere debent. Capiuntur æstate, rarò hyeme, vel quia pelagij cum sint, æstate ad litus accedunt, vel quia piscatores, æstate quā longissimè possunt à litore, retia sua expandunt. Falsum est hos verti in denticies. Qui error inde ortus est quod cum maiores fiunt, propius ad synagridis, denticisve formam & colorem accedunt, minùsque solito rufi sunt, ac veluti canescunt. Quem colorè aptè refert minium paucò candido dilutum, sed faciliè peritus maculis, & dentibus, à synagride distinguet, de qua postea. Est & illius error coarguendus, qui vulgò dictum pagellum siue phragolinum quem hîc representamus non esse veterum erythrinum existimat. Verum id me plurimùm mouet, inquit, ut ab illorum opinione recedam, quòd Aristoteles & Plinius erythrinos vel rubeculas grauidas, & ouis plenas toto anni tempore capi asserant. Cum in eo genere mares non sint, quod phragolinis minimè accidit, qui pluribus anni temporibus, sine vllò ouorū vestigio comeduntur. Locus Aristotelis est LIB. IIII. de hist. animal. Quemadmodum in ostracodermis & plantis est quod parit & generat, nō autem coeat: sic & in piscibus passerum genus & erythrinorū & channæ, omnia ex his oua habere cōperiuntur. Et lib. VI. de erythrinis & channa ambigitur: omnes enim grauidi capiuntur: & Plinius in quodā genere omnino non sunt mares, sicut in erythrinis & channis: omnes enim ouis grauidæ capiuntur. Est & alius de eadē re Aristotelis locus lib. de gen. anim. His in locis, & omnibus aliis in quibus aut Aristoteles, aut veterū autorum quiuus, piscis huius meminerunt, omni anni tempore ouis plenos erythrinos minimè dixerūt, sed quo tempore veterum ferūt, hoc autē illis vere accidit, omnes ouis pleni semper reperiuntur, unde omnes fœminas esse colligūt autores. Quis verò tam fœcundus est

*Paul. Iouius
lib. I. cap. 13.*


cap. 21.

Lib. 9. cap. 16.

Lib. 3. cap. 5.

piscis, qui omni anni tempore ouis grauidus capiatur, ne nullus quidem, qui ter anno parere dicitur. Ex quibus perspicuum est, ex eo quod pagelli nostri siue phragolini, aliquando sine ouis reperiuntur, non effici eos non esse veterum erythrinos. Qui pisces inter se similiores sunt quàm phagrus, erythrinus, hepatus, synagris? At hepatum & synagridem manifestæ notæ, & minimè dubiæ, à phagro & erythrino distinguunt, vt mox dicemus. vnde fit, vt phagrus & erythrinus supersint quàm simillimi, adeò vt etiam à vulgo confundantur, vt ex horum descriptionibus liquet. At de nostro pagro nemo dubitat, quin is antiquorum sit pagrus. Quare restat erythrinus, proculdubio is qui *pagel* à nobis, à Romanis *phragolino* dicitur, quasi paruus pagrus. Olim piscem istum neque vilem, neque commendatum fuisse comperio. Si quis tamen illius substantiam mediam glutinosi humoris expertem consideret, & degustet, is murænis & buglossis aliisque permultis, qui & apud veteres fuerunt, & apud nos sunt magno in pretio, præferet: nam neque dura carne est, vt cuculus, draco, neque molli vel diffuente, vt aphyra, neque tenaci glutinosoque succo, vt anguilla, sed carne auratis cæterisque mediæ substantiæ piscibus similis: ideòque bonum succum gignit, satis alit, non difficilè coquitur, aluum non ciet: quia mediocriter sicca est carne. Paratur vt aurata, frigitur etiam, & aceto, foliis lauri, myrti, citri, iuglandis aspergitur, diutiusque seruat. Æstate elixus, ex aceto rosaceo suauissimè editur.

De Nouacula pisce.




CAPUT XVII.



VNT Qui piscem hunc, quem hîc exhibemus, veterum erythrinum esse existimant, hac ratione moti, quod colore rubro sit, siue ruffo, pagri modo. At cum corporis figurâ pagro dissimilis sit, & capite tantum quodam modo similis, ab his dissentio, sequorque in hoc pisce, vulgarem appellationem, quam ex Latina sumptam arbitror: dicitur enim

enim *raſon*, quæ vox nobis, & Hiſpanis nouaculam ſignificat, à Plinio verò, qui ſolus ex veteribus piſcis huius meminit, nouacula piſcis. Eius verba ſunt: Nouacula piſce quæ tacta ſunt, ferrum olent: Lib. 3. cap. 24 nam in vulgaribus codicibus perperam locus hic legitur, & eo quo citavi modo reſtituendus, & meritò quidem nouacula dicitur: eſt enim dorſo cultellato, quo maiorem nouaculam aptè repræſentat. Piſcis eſt marinus ſquamofus palmi magnitudine, tres digitos latus, vnum ſpiſſus, capite pagrum quodam modo refert, poſteriore corporis parte bugloſſum, ore eſt paruo, dentibus acutis, magnis & recuruis: oculis eſt paruis, à quibus descendunt ad os lineæ obliquæ purpureæ, & cæuleæ: ſquamis tegitur magnis rubeſcentibus. A capite ad caudam protenſa eſt pinna vnica & continua, altera à podice, qui ori quàm caudæ propior eſt, ad caudam. In arena viuic. Piſcis eſt Rhodi frequens, & in Melita inſula, ex quo poſt Rhodum à Turcis expugnatam illuc migrarunt milites, qui Rhodij appellantur. Capitur & in Maiorica Minoricæque inſulis, & inde à Pigno diſcipulo quondam meo ad me miſſus. Carne eſt tenera, & delicatiſſima, ac in illis inſulis, quas modò nominaui, ſummo eſt in pretio.

De Hepato.



CAPUT XVIII.

HE P A T V S ſimilis eſt pagro & erythriño, inquit Speuſippus. De hoc igitur nunc dicendum: *H^o pelos*, *η λεβίας* Græcis dicitur, Gaza verbum è verbo exprimeſ iecorinum interpretatus eſt. Hermolaus modò iecur marinum, modò hepatum appellat. Huius piſcis nullum vulgare nomen, neq; in Gallia, neque in Hiſpania, neque in

Italia potui à piscatoribus extorquere, à solis Græcis huius temporis didici *Γεπουρον* hodie vocari: ceteri omnes anonymum esse dicunt ob raritatem, & pro mæna vendunt, à qua tamen plurimum oculorum magnitudine, corporis latitudine, colore differt. Hepatus piscis est pagro similis, oculis maioribus quàm pro ratione corporis, vt melanurus, colore obscuro, seu ex caruleo nigrescente, pinnarum numero, situ aculeisque pagro similis, latiore, maioreque cauda, nigram in ea maculam habet, melanuri modo, ad quem alludit is, qui apud Athenæum dicit sebilem non habere, vt nec hepatus habet, seque ex iis esse, qui *μελαυόωντοι* sunt. Dentes non latos, sed rotundos, acutos, ferratos. ventriculum magnum cum appendicibus quatuor, intestina tenuia, hepar album sine felle, cor angulatum, branchias quaternas vtrinque, in cerebro lapides duos. Hunc piscem, quem proponimus, veterum hepatum esse, notis omnibus diu multumque consideratis, & cum aliis frequenter collatis, mihi ipse persuadeo, & equos rerum aestimatores mihi assentiri cogunt notæ omnes, hepato à veteribus tributæ: quarum nulla omnino huic nostro pisci repugnat. Primum pagro similis est, deinde colore est nigro, postremo sine felle: quæ tres præcipuæ sunt hepato notæ. Quas ne comminisci videamur, audiamus Athenæum de hepato loquentem: *Διοκλῆς τῶτον φησὶ τῶν περὶ τῶν ὀφθαλμῶν εἶναι, Σωδὺς πικρὸς δὲ ὄμειον φάρμακον ἢ ἥπατον. ἐστὶ δὲ μνήρης, ὡς φησὶν Ἀριστοτέλης, Ἐρχοφάρος τε καὶ χαρχαρόδους, ἢ χροιδῶν μὲν μέλας, ὀφθαλμοὺς δὲ μελῶντας ἢ καὶ αὐτὸν ἔχων, καρδίᾳ τε γωνίον, λευκὴν. Diocles hunc ex saxatilibus esse dicit, Speusippus autem similem pagro hepatum: est autem solitarius, vt ait Aristoteles, carne vescitur, ferratis est dentibus, colore nigro, oculis, habita ipsius ratione, maioribus, cor trigonum, album. Et alio in loco Athenæus ex Archilocho scribit cum felle carere: ex Hegesandro duos lapides in capite habere. Huc accedit, quod paucas ventriculi appendices tribuit Aristoteles, sicuti in hoc quatuor tantum inuenimus, vt prius est dictum. Quod solitarius sit, id ipsimet piscatores fatebuntur, qui & raro vel potius nunquam multos simul capiunt. Quod carniuorus, ostendunt ea quæ in ventre & intestinis reperiuntur, dentibus esse ferratis, colore nigro, oculis maioribus *αὐτοψία* ipsa docet. Quod cor angulatum habeat, hoc illi cum multis commune est. Quum verò album esse dicit, mendum subesse opinor. Cum enim in corde maximè abundet, & perfectius coquatur sanguis, ne in candidissimis quidem piscibus, album esse potest, nisi partem supremam cordis accipias, quam *αὐλὸν φλεβορρόον* vocat Aristoteles, de qua fusiùs libro tertio. quare legendum esse puto *ἡπαρ λευκὸν*: huic enim pisci hepar est huiusmodi, vt prius*

Lib. 3.

Libro 7.

Libro 3.

Lib. 2. de hist. anima. ca. 17.

Cap. 14.


diximus. Sed argutus quispiam fortasse hîc obstrepet, & nos nostro iugulabit gladio. Cùm enim, dicet, in hepate sanguinis sit officina, cur non rubrum erit, vt cor, vel quî candidum dici poterit? Animaduertendum est hepar in piscibus nonnullis, vt in mustella marina, in asellis, & aliis multis album ab autoribus dici, non certè quòd de candore, cum niue possit contendere, sed quòd cum aliorum piscium, vel animantium hepate collatum, candidum dici possit, & vt magis exprimamus ex rubro albescat. qui enim branchiis spirant, minusque calidi sunt, sanguinem magis pituitosum & magis album gignunt, non aliter quàm qui anasarca laborât, quòd pituitâ pro sanguine gignant, candidiores fiunt. Quare in istis hepar minus rubescit. Cor verò multò calidius sanguinè coquit, perficit, rubrumque efficit, splen verò quia sanguinem atrum trahit, non potest non rubere quouis sanguine cum atro permisto. Hæc omnia me impulerunt, vt apud Athenæum legendum putem *καρδίον τεύχον, ἥπαρ λευκόν*. Sunt qui piscem eum qui Lutetiæ *egresin* vulgò dicitur, hepatum esse arbitrentur, ob id fortasse quòd magno & delicato sit hepate. Sed hoc falsum esse multa coarguunt: nihil enim illi est cum pagro seu erythrina commune. Præterea nigro colore nō est, vt hepatus: denique notis ferè nullis hepato similis est, qui *egresin* dicitur: quis verò is sit, suo loco ostendam. *Ælianus vno loco iecorini meminit, quem si ἥπατον Græcè vocat* (penuria enim codicis Græci facit, vt dubitem) certè is hepatus non est, quem ex Aristotelis & Athenæi sententia exhibemus: scribit enim citante Pe. Gyllio iecorinum mustellæ similem esse, quæ ab hepato nostro plusquam *δὲς διὰ πᾶσιν* distat: alio loco ait in specubus abditos latere maris incolas oues, & hepatos (quanquam in versione epathos malè vt opinor) & à piscatoribus præpontes nominari solitos, ij quidem quanquam maximi videantur, tamen ad natandum segnes sunt, non enim à suis latibulis longè aberrant, imò verò circum ea ipsa semper volutantur, infirmioribus piscibus adnatantibus insidias faciūt. Et Oppianus *LIB. I. τὸ βέλιον, ἢ ἥπατον* in fundo & saxis cauis delitescere scripsit. sit ne is hepatus noster, nō facile est iudicare: nullas enim notas appingunt, quibus internoscatur. Diocles apud Athenæum saxatilem facit, verum saxatilis propriè non est, vt saxatiles pisces appellant Medici, qui sunt omnium optimi, carne molli & friabili. Hic autem quia carniuor est, durior est carne. Rectè igitur dicemus cum Galeno hepatum in medio esse piscium duræ carnis & mollis, quemadmodum auratam, pagrum, vmbra & alios huiusmodi. Præparatur vt pagrus vel aurata.

Lib. 1. cap. 17.


Ibidem. c. 32.

Lib. 3. de Alim. facul.

De Synagride.



CAPUT XIX.



ΣΥΝΑΓΡΙΣ Græcis dicitur, Gazæ dentex, quo
 etiam nomine *Συνόδοντα* conuertit, quia Synagridem
 & synodontem eundem piscem esse existimat. Græ-
 ci quidam etiam hodie vocant *Συναγρίδα*. Italis *den-*
talé dicitur. A Massiliensibus *denté*. In Gallia nostra
 Narbonensi *marmo*: pro mormiro ostenditur, venditurque. Ad-
 monere hîc oportet, ab ichthyopolis nostris scarum Aristotelis *den-*
té vocari, à dentibus magnis & latis, ne quis hunc nostrum *denté*
 cum *dentali* Italorum, & synagride, vel synodonte confundat. Sy-
 nagris piscis est marinus, in litoribus, & eorum faxis degens, corpo-
 ris figura auratæ, vel erythrino similis, pinnis quoque, & aculeis, &
 squamis, & colore: nam ex albo rubescit, sed maculis veluti punctis
 aspergitur. Capite magis est compresso, quàm aurata, vel pagrus,
 quaternos in vtraque maxilla dentes, caninis similes habet, inter
 alios paruos eminentes, internas partes sicuti superiores pisces. La-
 pides in capite. In Adriatico mari in insignem magnitudinē accre-
 scit, in nostro litore auratam non superat. Sunt qui synodonta non
 genere quidem sed specie à synagride differre arbitrentur. Athe-
 naeus enim ex Epicharmo tanquam diuerfos ponit *Συναγρίδας μαζέες*
τε, *Συνόδοντας τε ἐρυθροποικίλους*. alibi synodontis meminit sine syna-
 gride. Ego verò sentio synagridem, & synodontē sola ætate differ-
 re, cui simile quid in auratis & coracinis priùs annotauimus, vt sy-
 nagris dicatur minor & iunior, synodon maior, vnde synagridas
μαζέες, id est, vt opinor, delicatas & teneriores nuncupauit Epichar-
 mus: minores enim pisces, & qui ætate nō multū processerunt mol-
 liores & deliciores sunt grandioribus. Synodontem verò *ἐρυθροποι-*
κίλον cum varietate rufum, siue rubrū, quē Numenius vocat *μέγαν &*
λαύγον, quod epitheton cū *ἐρυθροποικίλω* pugnare videri posset. verūm
λαύγον

Libro 7.

Libro 8.

Athen. lib. 7.


λαλῶν Numenius vocat, à subiecto & veluti primo colore, qui albus color, cum tanquam punctis rubeis aspersus sit, ερυθροποικίλος ab Epicharmo dicitur. Sunt in synodontis capite lapides, vnde synodontides gemmæ Plinio. Hac in sententia de synagride & synodonte permanebo, quoad alius differentiam aliquam siue notam præter ætatem, qua discerni possint ostendat, nullam enim aliam hæcenus inueni. σινόδους καὶ χαράξ τὴν μὲν αὐτὴν γένους εἶσι, διαφέρει δὲ ὁ χαράξ, inquit Athenæus. Eiusdē generis sunt σινόδους & charax, præstantior autem est charax, cuius æconem non propono, in nostro enim mari non reperitur, neq; ab Aristotele Pliniove vlla huius facta est mentio, sed ab Athenæo breuiter tantum, vt dictum est, & ab Æliano. maris rubri foetura est charax nominatus piscis, pinnas habet, & vtrinque à tergo auri similitudinem speciemque gerit, inferiores partes purpureis cingulis illustrantur, similiter eiusdem cauda auri similitudinem gerit. Purpureus color oculos pulchrè adumbrat. Oppianus LIB. I. Ἀλιευτικῶν nominauit tantum.

Lib. 37. ca. 10.

Libro 8.

Lib. 11. cap. 50.

De Acarnane.



CAPUT XX.

DISCAM Quem hîc exhibemus, nec in Prouincia, nec in Gallia Narbonensi, nec in Hispania videre potuimus, sed Romæ tantum, vbi inter erythrinus, & pro erythrino venditur, eodémque nomine scilicet *phragolino*, nuncupatur. Idem est fortasse qui *albores* etiam dicitur Venetiis, quod albus sit. Ακαρνὰν dicitur ab Athenæo. Alibi αἰχάρνος. Ab Aristot. αἰχάρνας, & αἰχάρνα εἶδος ἰχθύος apud Phauorium. Acarne legitur in vulgatis Plinij codicibus, in catalogo piscium, Appellationes alias aut vulgares, aut Latinas non comperi. Dicimus igitur acarnanem piscem esse marinum, pagri vel erythrini forma, colore candido, squamis argenteis, ore mediocri, tenuibus dentibus, rostro aquilino pagri modo, spatio quod inter oculos est compresso, oculis magnis pro corporis ratione aurèique, pinnis can-


Lib. 8.

Lib. 32. cap. 11.

didis. Ad primarum radicem macula est ex nigro rubescens, caudæ extrema rubescunt, linea recta à branchiis ad caudam protensa, partibus internis à phagro non differt, eiq; & erythrino adeò similis, vt pro eis vendatur, vt dictum est, horumq; trium nomina confundantur Romæ, omnes enim hi phragolini dicuntur. Athenæus *L I B. V I I I*. ὁ χαλκίμυρος ἀγριὸν γλυκύ ἐστι καὶ παρὰ τῶν τροφίμων, καὶ ὠφέλιμος. Qui acarnan dicitur dulcis est & subastringens, satis alit & faciliè excernitur. Eadem sanè sum expertus, carnèq; esse candidissima, media substantia, faciliè concoqui & distribui, bonum succum gignere. Æstate & hyeme capitur. Quid potissimum in animum inducat meum, vt piscem quem representamus acarnanem esse credam: bona equidem fide dicam, ei qui alia vel meliora inuenerit, magnam habiturus gratiam. Hicæsius apud Athenæum pisces aliquot eiusdem generis enumerat, vt cap. de phagro citauimus, phagrum, chromin, anthiam, acarnanes, orphum, synodontas, & synagrides. At pagrum & erythrinum non esse eum què hîc depingimus, color rufus satis probat: hîc enim candidus est, illi rufi. synagris et si alba aliquando dicitur, maculis tamen rubeis conspersa est, similiter & synodon, quare hac maximè nota, & dêtibus ab hoc nostro seiunguntur. Nec orphus esse potest, nam vt paulò pòst ostendemus, ruber est, hic noster albus. Superest vt vel anthias sit vel chromis, sed hos suis locis ab acarnane

Lib. 8. de hist. anim. cap. 19. certis notis discernemus. Acharnâ scribit Aristoteles æstate laborare atq; extenuari, quod etiâ in hoc nostro pisce verum esse comperies.

De Chromi.



CAPUT XXI.



ΠΟΜΙΣ Et χρέμυς an iidem, an diuersi sunt pisces, equidem me adhuc nescire fateor: malo enim id fateri quàm sciens studiosis imponere, & rem incertam pro certa proponere. Athenæo videntur diuersi esse pisces, diuersis enim locis vtriusq; meminit, vno loco ex Epicharmo καὶ σκιζίας χρέμυς τὸ ἐν τῷ ἡελίου ἀνάνιον, ἐχθύων πάντων, ἀέλτος, vbi

vbi σκιφίας ponitur pro ξιφίας per diæresim ξ in κα, & hyperthesim τς σ. altero loco, καὶ τὰ μὲν λιθοκέφαλα, ὡς κρέμνς. quem locum citat ex Aristotele περὶ ζώων. chromis Latinum nomē nullum habet, nostris verò piscatoribus incognita est: ob id nomine caret, chromin esse puto, & eam hîc exhibeo, quæ in ora Liguriæ, Antipoli, & in insula Lerino, quæ nunc diui Honorati insula dicitur, frequentissima est, vocaturq; à Liguribus *castagno* à castaneæ colore. Piscis est litoralis corporis figura, pinnis & spinis melanuro similis, sed oculis est minoribus, nota nigra in cauda caret, sed totum corpus nigricat, lineas habet rectas à branchiis ad caudam, ore est paruo, squamis paruis, interna omnia auratæ similia habet: potest etiam non ineptè corporis figura, & colore cantharo comparari, nisi quòd chromis paulò nigrior est. Lapides habet in cerebro, ob id hyeme malè habet. Aristoteles semel anno parere scribit, & inter τὸς χυτὸς collocat, id est, fufaneos pisces, vt Gaza vertit. Et alibi cùm iis recenset, qui exquisito sunt auditu, & grunnitum quendam edere scribit. Piscis hîc paruus est, & vilis habetur, humidior enim est, ideo in craticula assandus. Arcestratus tamen dixit:

Lib. 5. de hist.

animal. c. 9.

Lib. 4. de hist.

anima. cap. 8.

Ibidem ca. 9.

Τὸν χρομὶν ἐν πέλλῃ λήψῃ μέγαν, ἐστὶ δὲ πῖον


Ἄν θέρος, ἢ καὶ ἐν ἀμβρακίᾳ.

Maiorem chromin in pella cape, tempore mesû,

Pinguis enim est, vel in ambracia.

Ouidius immundam chromin appellauit.

De Mormyro.



C A P U T XXII.

MΟΡΜΥΡΟΣ Vel μόρμυλος à Græcis dicitur, à Gaza mormur, hodie à Romanis *mormillo*, à Veneris *mormiro*. Massiliæ & in toto Liguriæ sinu *mormo*: in Gallia Narbonensi *morme*, in Hispania *marmo* nuncupatur. Nostri ichthyopolæ quandoq; synagridem pro mormyro vendunt, qui admodum frequens apud nos non est, sed Romæ & Neapoli frequentissimus. Piscis est marinus, litoralis, auratæ similis,

Libro 1.

In halicutico.

sed corpore minus rotundo compresso, capite longiore, rostro acutiore & magis compresso, ore medio, dentibus paruis, colore argenteo, lineas habet transversas à dorso ad ventrem, nigras vel pullas æqualibus spatiis distantes, quarum prima maior, altera minor, & sic deinceps, quibus sargo similis est, & pinnis & aculeis dorsi, & cauda. Ob has lineas dicitur ab Oppiano ὁ μὀρμυλος αἰολος ἰχθύς, id est, varius: quod non satis rectè expressit interpres, & picto mormylus ore, neq; enim in ore, sed in lateribus pictus est. Rectiùs Ovidius, qui pictas mormyras dixit: Squamas habet, quæ faciliè excutiantur, dorso est ex albo cæruleo, ventre argenteo. Internis partibus ab aurata non multum differt. Branchias quaternas habet, cor angulatum, ventriculolum paruum & album, intestina alba, peritonæum nigrum, hepar rubrum, splenem nigrum. Carne est molli, præhumida, lutum olente: vescitur enim terræ excrementis, luto, cancellis, loliginibus paruis. Quare nisi coctus in sartagine, vel craticulâ non est edendus: non immeritò igitur neque apud veteres fuit, neque apud nos est in pretio.

Lib. 7. Quicquid dicat apud Athenæum Hicesius mormylum esse βοφιμάτω-
τον, id est multum nutrire. Rectè verò apud eundem Archestratus.

Μὀρμυλος αἰγιαλὸς καὶ ὁ ἰχθύς ἐδέποτ' ἰαθ' ἄλς


Mormylus est prauus piscis, non utilis ullo Tempore, litoribus gaudet.

Lib. 3. Parit ætate, difficilius à piscatoribus capitur, eadem enim arte qua lupus vitur, teste Oppiano. Nimirum effossa arena se occultit ad vitanda retia.

Τόια ὃ τεχνάζει καὶ μὀρμύλος, ἐν τ' ἂν ἐς ἀγέλω

Φράσῃ) ὠροπεσὼν, ὃ δὲ δύε' ἐν ψαμάθοισι

De Salpa.



CAPUT XXIII.

Libro 7:



Α' Λ Γ Η Et σάλπας Græcis dicitur, à Latinis idem nomen seruatum est. Pancrates apud Athenæum scribit βόας πόρνης, ab Halizonis vocari, qui locus corruptus est, legendumque βόας πόρνης. Nam βόες dicuntur αἱ τελεῖαι, id est, iam adultæ, δαμνάς καὶ πόρ-

πόρνες, αἱ μὴ πῶ ὑπὸ ζυγὸν ἐλθεῖσαι, μὲδὲ ὀχνηθεῖσαι, αἱ πόρνες δ', αἱ ἐτι ἀτε-
 λές τ' αἱ τῶν δαμάλεων, id est, δαμάλες & πόρνες, quæ nondum iugum
 passæ sunt, neq; adhuc dorso vexerunt, πόρνες verò adhuc minus adu-
 τæ, & iuniores quàm δαμάλες. Boues igitur paruas ait Pancrates sal-
 pas nuncupari, quia algam in ventriculo, ut fœnum boues congerūt.
 Hunc Athenæi locum, quo Pancrates dicit salpas nominatas fuisse
 boues, si secutus est Phauorinus, cùm scribit, ἄλπη ἰχθὺς πρὸς ὀνυχί-
 βενχάλην, id est, salpa piscis quidam est, quem bouem vocāt, si etiam
 eundem secuti sunt, qui Græca lexica concinnarunt, apud quos hæc
 reperiatur. ἄλπη piscis genus est, qui bos etiam dicitur, satis rectè an-
 notarunt, sin salpam eundem piscem esse crediderunt, cum eo qui
 bos propriè dicitur ab iis qui de piscibus scripserunt, vehementer er-
 rant. Est enim bos ex planis & cartilagineis. Existimant quidā salpam
 piscem eū esse, qui à Germanis *stok fisch* dicitur, ea moti ratione, quòd
stok fisch baculo tundatur, priusquam coquatur, quod Plinius de salpa Lib. 9. c. 48. 18.
 faciendum esse scribit. Alij alibi pisces principatum obtinēt, coraci-
 nus in Ægypto. Zeus idem faber appellatus Gadibus, circa Ebusum
 salpa, obscenus alioqui, & qui nusquam percoqui possit, nisi ferula
 verberetur. sed hæc ratio minimè conuincit, *stok fisch* Germanorum,
 nostram esse salpam, quòd baculo tundi, salpæ cum multis commune
 sit. Etenim *stok fisch* Germanorum linguā est piscis baculi, id est, piscis
 qui baculo verberatur, priusquam coquatur. Quo nomine piscem o-
 mnem sale conditum, & in fumo, vel in aëre exiccatum appellant, ut
 raias, soleas, passeris, rhombos, aliósque permultos. Quorum mirabi-
 lem copiam Antuerpiæ vidi, in aliquot tabernis mercatorum, qui hæc
 mihi præparationem narrabant, ut quoniam sicci sunt, & præduri, ba-
 culo primum vel malleo contundantur: deinde aqua aliquandiu ma-
 cerati decoquantur. Huiusmodi piscibus, scilicet planis & tenuibus
 illic abundant, qui facilius exiccari possunt, quos exiccatos in Ger-
 maniam conuehendo curant. Non est igitur *stok fisch* piscis species,
 ut Germanicæ linguæ periti mihi indicarunt. Non defunt tamen,
 qui speciem quandam asellorum exiccatorum propriè *stok fisch* dici
 putant, qui salpa nostra esse, non potest, oblongus enim & rotundus
 est piscis. Salpam igitur ex hac descriptione agnoscemus. Piscis est
 marinus, litoralis, squamosus, solitarius, auratæ, vel potius boopi
 similis, pedali magnitudine, rostro quasi mugilem refert, capite est
 paruo & obtuso, lineas multas aureas, à branchiis ad caudam ductas,
 habet parallelas, à quarum multitudine *πολύχαιμος*, & ab Oppiano
αἰολόωτος: à colore verò *ἐρυθρόχαιμος* dicitur. Pinnis, aculeis, bran-
 chiis auratæ similis, caudā, sargo. Oculeis est aureis, superciliis quo-
 dam modo virescentibus, ore paruo, dentibus serratis. Peritonæum
 nigrum habet, ventriculum magnum, & intestina lata, alga, aliisque

- excrementis foetidis referta. Hepar rubrum, & in eo vesicam copio-
so semper felle distentam, splenem nigrum, cor angulatum. Alga ve-
scitur & stercore, vnde *Χαλοράχοι καὶ βδελυραὶ* dicuntur, ab Epichar-
mo apud Athenæum, id est, sterCUS edentes, & foedi execrandiq; odo-
ris, quo loco pro *βδελυχαὶ* reponendum duximus *βδελυραὶ*. & ob scæ-
nus piscis à Plinio appellatur. Id confirmat Arist. Nutritur salpa ster-
core & alga, porrum etiam depascitur, capitur etiam sola piscium cu-
curbitâ. Eandem inter pisces, qui oprimè audiunt, recenset, & semel
autumno parere scribit. Oppianus autor est in scopulis alga & musco
refertis habitare, nequaquam tamen dicemus cum verè saxatilibus
conferendam esse. Salpa enim est *Χέληρα, ἄτομος*, inquit Athen. id est,
dura & insuavis, & Archestratus indicat malū esse piscem. Est procul-
dubio planè ingratus palato & ventriculo, succum malū gignit, ideo
vilis est iis etiam qui eum nouerunt, & à pauperibus solum emitur.
Messis tempore melior est, autore Archestrato, & ex Mitylene, secun-
dum Plinium ex Ebuso. Sunt qui autumnno captam præferāt, sed ma-
lè: nam cūm pisces omnes vterum ferentes meliores sint, salpa æstate
grauida melior dicenda est: parit enim autumnno, & semel duntaxat,
vt priùs dictum est. Eius nullum vsum in medicina comperio. Nam
quod citatur à quibusdam ex Plinio: Salpa siue salpes expurgat vlcera
in linteolis concepit. Id non de salpa pisce, sed de nomine mulieris
obstetricis, cuius etiam eodem capite bis fit mētio, & aliis in locis, in-
telligendum puto, vt loci huius is sit sensus: Salpe obstetrix falfamen-
tis (de iis enim eo loco verba facit) in linteolis cōceptis expurgat vl-
cera. Athenæus etiam ex Nymphodoro Syracusio scribit Lesbiam
fuisse Salpen, quæ Pagnia condiderit. His addit, ideo quòd varius
sit hic piscis, locrum siue colophonium Mnaseam, qui Pagnia con-
scripsit, à varietate salpam appellatum. Oppianus scribit salpas alga
delectari, & ob id nassis dispositis in locis algosis capi.


Σάλπας δὲ ἰκμυαίοις μόνον αἰεὶ φέρεται μέλιστα

Τέρπονται, κείνη δὲ ἐν ἀγρώσεσσι ἐδιδωθή.

Cetera pete ex ipso autore. Piscis est in nostra Gallia Narbonēsi,
qui per appositè *Vergadelle* dicitur, id est, virgis siue lineis distinctus.
Virgas enim appellamus tenues & longos ramos siue baculos, quas
Græci *ράβδος* nominant, vnde *δύραβδα* duabus virgis siue lineis distin-
cta, & *πολύραβδα*, quæ pluribus, vt salpa, & piscis de quo hīc loquimur.
Quem non ineptè virgatum nominabimus à virgis, quas habet salpæ
omnino similes, neq; eum à salpa genere differre puto, sed ætate tan-
tūm, vt virgatus minor sit, neq; in eam vnquā magnitudinem accre-
scat, in quam salpa accrescit. Præterea tenuior & rotundior, salpa ve-
luti compressu extensa, spissaq; reliquis omnibus similis. Stagna ma-
rina subit hyeme, quo tēpore capitur, & vere, alio tempore minimè.

De Stro


De Stromateo.



CAPUT XXIIII.

SALPÆ similem piscem subiungit Athenæus ex *libro 7.*
 Philone: γίνεται ὁ ὁμοῖος ἰχθὺς ἐν τῇ ἐρυθρᾷ θαλάσῃ ὁ ἀποκα-
 γορδούμνος στρωματῶς, ῥάβδος ἔχων δι' ὅλης τῆς σῶματος τέτα-
 ρμύας χρυσεύς, id est, nascitur salpæ similis piscis in
 mari rubro, qui stromateus nominatur, vniuerso cor-
 pore lineis aureis productis distinctus. Hunc propter similitudinem,
 nos quoq; salpæ subnectere volumus, etiam si in peregrinis piscibus
 sit habendus, quos seorsum libro vno complecti statui. Præterea vt stu-
 diolos admonerem, istum piscem si in aliqua maris mediterranei
 parte reperiatur, nec mari rubro tantum proprius sit, fortasse eum
 esse qui Romæ *fiatola* nuncupatur, eò à salpæ diffidens, quòd lineas
 aureas breuiiores habeat, nec ad caudam vsque productas.

De Orpho.



CAPUT XXV.

ORPHVM Hicetius apud Athenæum, eiusdem ge-
 neris esse, cum chromi, pagro, synagride, cæterisque
 huiusmodi asserit, ob id superioribus annectimus.
 Orphum verò hîc non depingimus eum, qui à Græcis
 quibusdam hodie vulgari lingua ὀρφῶ nomine dici-

tur: est enim nostro longè maior, vtpote qui pondere viginti libras æquet, nec sit litoralis. Sed orphū depingimus ex Aristotele, Athenæo, Plinio. ὀρφὸς igitur, & ὀρφῶς Atticè dicitur, Latini veteres Latinum nomen retinuerūt. Gaza cernuā interpretatus est. Paruus orphus orphacine dicitur Dorione autore. Piscis est marinus, litoralis, pagro quodā modo similis, colore ex purpureo rubescente, ideo rubentem appellauit Ouidius. Oculis est magnis, dentibus ferratis, pinnarum situ numeroque & aculeis pagro similis, podice admodum paruo: habet enim rimulam tantū, quam vix animaduertas, nisi ventrem comprimās, seminis meatibus caret. Talis est orphus noster, cui conueniunt omnia quæ Athenæus & Aristoteles orpho tribuunt. Breui ē paruo magnus fit, est carniuorus, dentibus ferratis, solitarius, proprium huic est seminis meatibus carere, & hoc quoque quod dissectus diutius viuat: vnde ὀφιδόρων γένος ὀρφῶν, id est, genus tardè morientium orphorum Oppianus dixit. Latet hyemis tempore, litoralis est magis quā pelagijs, viuūt duobus annis non amplius. Mirum est Plinium inter eos orphum reposuisse, qui apud Ouidium tantū, & apud neminem alium reperiuntur, cū L I B. I X. videri possit ex Aristotele in iis numerasse, qui hyeme conditi iacēt in speluncis. Sunt & alij plures quos citat Athenæus, qui orphi mentionem fecere. Oppianus eum saxatilibus adnumerat, sed saxatilem superiorum quorundam modo intelligere oportet. Archippus apud Athenæum ait orphum sacrum esse piscem, quod fusiùs exponit Ælianus. In myrensi lyciæ sinu Appollinis templum est, ad cuius sacerdotem vitulinas carnes distrahentem, orphi adnatant, & tanquam sanè conuiuæ ad epulas inuitati carnes comedunt, & immolantes ex eo magna voluptate afficiuntur, quod pisces sua sacificatione pascuntur, quod quidem ipsum, res suas bene & foeliciter sibi casuras esse significare persuadent, idcircoq; propitium sibi Deum esse dicūt, quod suis cibis pisces expleantur: quod si caudis carnes in terram eiiciant, tanquam fordidas à se detestantes, inde sibi iram Dei portendi arbitrantur. Itaque huiusmodi piscium genus sacerdotis vocem & agnoscit, & si ad eos à quibus appellatur accefferit, adeò incredibilem ipsis lætitiā adfert, vt si contrā fecerit magnum dolorem eisdem inurit. De eiusdem succo & substantia hæc Athenæus. ὀρφὸς ὄχυλος πολύχυλος, γλίχρος, δύσθαρτος, πολύτροφος, ἐρηλγός, τὰ δὲ πρὸς τῇ κεφαλῇ αὐτοῦ γλίχρα. ὄσπετα. τὰ δὲ σαρκώδη δύσπεπτα, βαρύτερα, ἀπαλότερον δὲ ἔρατον. φλέμας δὲ ἐστὶ δραχυγός ὁ ἰχθύς, καὶ δύσπεπτος. Orphus boni & multi succi est, glutinosus, corruptu difficilis: multū nutrit, vrinam ciet, partes circa caput glutinosæ, faciles concoctu, carnosæ difficiles concoctu, quæque magis grauant, tenerior verò cauda, pituitam gignit piscis iste, & difficilè coquitur. Quæ omnia non omnino mihi vera videntur,

Athen. lib. 7.

Libro 7.
Lib. 5. de hist.
animal.

Libro 1.


Lib. 32. cap. 11.

Cap. 16.

Lib. 8.

tur: nam partes circa caput, si glutinosæ sint, qui possunt esse, concoctu faciles? Glutinosa enim hærent inter se tenacius, ob id maiore caloris vi, longiore tempore incidenda, attenuandaque: quare & grauant magis, & difficilius coquantur, vnde fit vt suspicer locum transpositum fuisse & sic legendum. *ἔα δ' ἀπὸς τῇ κεφαλῇ γλίσχα βαρύτερα, ἔα δ' ἀρκώδην ὀστέοντα.* multam pituitam gignit, qua ratione *ἔρσιλον* esse opinor, vt multa alia quæ ob solam humoris copiam vrinas cient. Cum enim glutinosus sit, neque substantiæ tenuitate, neque acrimonia id præstare potest. Ob eandem glutinosi humoris copiam, vniuersæ quidem difficilis concoctu recte dicitur, etsi aliæ partes aliis collatæ concoctu sint faciliores. Ausonius cernuæ meminit, sed ea fluuiatilis est, nos hîc de orpho marino agimus.

De Caprisco.



CAPUT XXVI.



KA Π Π Ι Σ Κ Ο Σ piscis à Græcis dicitur, & *μῦς*, & à Strabone *χοῖρος*, qui à nostris, & Siculis *porco*. Est autem piscis marinus, corporis forma pagro quodammodo similis, magis rotundus, compressus. squamis tam firmè cohærentibus, tamque asperis, vt iis lignum, & ebora poliri possint, veluti squatinæ cute. Ore est paruo, pro corporis magnitudine, sed dentibus acutissimis & validissimis, oculis rotundissimis. Branchiarum operculum nō est osseum neque scissum, sed est rimula tantum orthratorisci modo, ad quam vtrinque posita est pinna. In dorso tres habet aculeos, robustos, asperos rectos, membrana iunctos. à loco in quo branchiæ coeunt, ossa duo iuncta per ventrem ad podicem extensa, in aculeum vnicum &

lib. 17.

euidentem desinunt, quæ ventrem sic firmant, vt non minus dura sit tota epigastrij regio, quàm dorsum ipsum. Internis partibus aurata similis est, hepate magis albo. hunc piscem esse qui *μῦς* dicatur, notæ eadem ab Oppiano traditæ comprobant.

*Tib. 1. ἀλιό-
σι κῶμῃ*

Ἐν ὃ μὲν χαλεπὸν γένος οἱ περὶ πάντων
Θαλαῖας νεπόδων, καὶ τ' ἀνδράσιν ἀντιφέρειν
Οὐτι τόσαι περ ἐόντες, ἐπὶ τερεῇ ὃ μέλιτα
Πινῶ, τ' ὠνισσῶν, ὥστε ποτὶ γότος ἐνδον οὐδ' οὐκ.
Est quoque præ reliquis seuum muris genus, audet.
Bella inferre viris gens tantula, tergo duro
Fidens, et densis armato dentibus ore.

Libro 8.

Nullus est omnino piscis ex squamosis qui tam duro tegumento o-
pertus, tamq; firmis dentibus armatus sit quàm hic piscis, adeò vt ex-
pertus ipse sim, ne acutissimo quidem gladio penetrari posse. Ex
quibus colligas piscem hunc planè *μάχιμον* esse, cum nihil frustra fiat
à natura. His adducor, vt credam eum piscem quem hîc depingi-
mus, *μῦν* esse Oppiani, qui ab Athenæo dicitur *καπερίσκιος*, & *μῦς*,
vt hoc in loco non assentiar Hermolao, qui legendum putat *ῦς*, ni-
si eodem modo apud Oppianum legatur, sed præstat locum Athe-
næi proferre. *καπερίσκιος καλεῖται μὲν τ' ὁ μῦς, βρομώδης δ' ἐστὶ καὶ σκλη-
ρὸς, καθαρός δ' ἐστὶ δυσσπεπτότερος, δέριμα δὲ ἔχει ὠστρακον*. Capris-
cus vocatur etiam *μῦς*, virus resipit, & durus est, citharæque concoctu
difficilior. quod sequitur *δέριμα δὲ ἔχει*, &c. indistinctum est in vul-
garibus nostris codicibus: nam post *δυσσπεπτότερος* oratio commate
distinguenda, & nomine *ὠστρακον* claudenda. Illud verò *ὠστρακον* non
significat ori gratum: hoc enim superioribus planè repugnaret, sed
bene firmum, durum & robustum, ἀπὸ τῆς ὠστῆς, quod inter cæte-
ra significat *χλημέναι*, id est, roborare & indurare. Hunc verò pi-
scem ea esse substantia, succo que quem tradit Athenæus, ego gusta-
tu ipso deprehendi. De eodem Strabonem locutum fuisse existima-
mus, cum pisces Nili recenset. *Τῶν χοίρων ἀπέχεσθαι τῶς προχθεύας,*
τρογγύλων ὄντων καὶ ἐχόντων ἀχάνθους, ἐπὶ τῇ κεφαλῇ, φέρουσας κινδύνοι τοῖς
γαστέροις. id est, Crocodilos abstinere à porcis, qui cum rotundi sunt,
& spinas ad caput habeant, periculum beluis afferunt. Quæ adscri-
psi, vt intelligant omnes vel hunc piscem, de quo agimus, vel eum de
quo proximo capite dicemus, verum esse Nili porcum, non ma-
gnum illum qui in hortis Pontificis Romani *belueder* nuncupatis,
circa Nili statuam sculptus spectatur, porcusque vulgò dicitur, cum
sit Hippopotamus.

De Apro

De Apro.



CAPUT XXVII.



ΑΠΡΟΣ, Piscis nomen est Apud Aristotelem & Athenæum, à Gaza aper dicitur: nam Latine *αἰώπος* aprum significat, non caprum vt quidā aliquando verterunt. An verò piscis quem hīc exhibeo, aper sit, pro certo nondum habeo, sed cūm rarus admodū piscis

iste sit, & notas insignes habeat, studiosos celare nolui, sed proposita pictura inuitare ad rem diligentius expendendam, vt tandem quis sit piscis iste constare possit. Est autem squamosus, nihilominus tamen præduro, ac veluti aspera & vilosa cute tecto corpore, ferè rotūdo compresso, rubescēte, oculis magnis, rostro oblōgo, & obtuso suis modo, sine dentibus. mox à capite secundum dorsi longitudinē, aculeos habet præacutos, duros, longos, rectos, setas esse diceres, inæquales: nam primi breuissimi sunt, medij longissimi, postremi mediis minores & primis maiores. Pinnas duas ad branchias, in ventre duas alias, multis firmisq; aculeis & à sese disiunctis constantes. A podice tres aculeos, breues & acutos. Cauda in vnicā pinnam definit. Athenæus inter *σαχιδερμα* numerat ex Aristotele, quæ nota aptissimè quadrat, est enim duris asperisq; squamis aperto corpore. Dīcat aliquis Aristotelem *αἰώ-*

ωπον fluuiatilem facere, & in Acheloo amne vocalem: cūm hic noster marinus planè sit. Id equidem fateor, sed Athenæus hūc Aristotelis locum mihi suspectum reddit, qui ex Aristotele adfert *σαχιδερμα φθέρει* & *ποταμίων χοίρον* vt fortasse *σαχιδερμα* legere oporteat apud Aristotelem pro pisce alio, vel corruptus sit locus Athenæi, & *αἰώπος* pro *σαχιδερμα* reponendum sit. Nemo autē existimet *καπρον* & *καπελοσχο* idem esse; certissimis enim notis à se discrepant. *καπελοσχος* dentes & acutissimos & validissimos habet, vt ex Oppiano docuimus, *αἰώπος* iis caret. Præterea *καπελοσχος* ab Athenæo dicitur durus, virus olens, *αἰώπος* verò, ex Ar-
Lib. 4. de hist. ani. cap. 9.
Lib. 8.
Libro 7.



G V L I E L M I
R O N D E L E T I I
D E P I S C I B V S

L I B E R V I.




Qui pisces saxatiles propriè dicantur.

C A P U T I.



H A C T E N V S Pisces aliquot squamosos maximè litorales, qua potuimus breuitate & perspicuitate descripsimus, quorum aliqui ab Oppiano, Athenæo, Diocle in saxatilibus numerantur, quos tamen non esse veros saxatiles ostendimus, multumque succi bonitate & prastantia inferiores esse iis quos veros saxatiles esse dicimus, de quibus nunc agemus. Qui autem veri sunt saxatiles, & cur sic nuncupati sunt, explicat Galenus LIB. III. de alimentorum facultatibus. Scarum, merulam, turdum, iulidem, fucam, percam à locis in quibus versari conspiciuntur, pisces saxatiles appellant: non enim in leuibus, aut arenosis, aut terreis litoribus, sed in petrosis promotoriis, & ubi saxa sunt, delitescunt & pariunt. inter hos autem scarus suauitate excellere creditur, secundum hunc merulæ ac turdi: tertio loco iulides, phycides ac percæ. Porro alimentum quod ex iis sumitur, non modò ad coquendum est facile, sed hominum etiam corporibus est saluberimum, & quod sanguinem medium consistentia generet: medium autem voco, qui neque admodum tenuis est, neque aquosus, neque multum crassus. Et mox. Meritò igitur in saxatilibus piscibus nullum est inter congeneres discrimen manifestum, ut qui perpetuò in purissimo mari degant, aquamque dulcissimam & eam quæ ex eiusmodi & marina est mista fugitent. Et paulò post. Saxatilibus omnibus caro inest quàm aliis piscibus mollior, ac fragilior. Et Diphilus Siphnius

autore Athenæo: τῶν θαλασσίων ἰχθύων, οἱ μὲν πρῶτοι εἰσιν εὐφραρτοι, δ' ἑχταί, σμηκεῖς, κέρφοι, ὀλιγόβοροι. Ex marinis piscibus saxatiles facillè corruptuntur, boni sunt succi, abstergētes, leues, modicè nutriētes. Ex his qui sint veri saxatiles, & cur ita sint appellati perspicuum est. Nos quoque in Gallia Narbonensi *rochaus* vel *rochiers* nominamus à saxis. *Roc* enim nobis est saxum siue scopulus. Ceterùm huiusmodi pisces ut saluberrimi sunt, ita nobis, ut notissimi essent, videtur voluisse natura: etenim tam varia & tam iucunda colorum varietate eos depinxit, ut ad has veluti epulas quibus & secundæ valetudinis, & morbi tempore commodè utamur, inuitare & allicere videatur. Iisdem labra euidētia, mobiliâque tribuit, quibus alij pisces carent. Et quemadmodum venenata nobisque letalia, vel odore graui, vel sapore ingrato, vel aliena horribilive forma donauit, vel tetro horribilique aspectu esse voluit, ut iis deterriti statim abstinere, & sedulo vitaremus. sic quæ nobis vel salubria, vel ad aliquas vitæ nostræ commoditates utilia sunt, pulchritudine quapiam, vel notis illustribus ita ornauit, ut ad ea paranda vel utenda statim incitaremur. Quamobrem Plato rectè dixit, vix fieri posse, ut quod pulchrum idem naturâ suâ prauum sit: quod si aliter contingat, ut in hominibus, ob deprauatos errores quibus mox imbuimur, quosque veluti cum lacte nutricis fugimus, ita in animantibus, vel in plantis, ob alimentorum, vel cæli, vel soli vitium, vel ob alias huiusmodi causas id euenire necesse est. At cum ita nos ad rerum utilium usum inuitarit natura, vulgus tamen imperitum adeo sensu iudicioque caret, ut sæpe deteriores pisces bonis præferat. Quis enim est ex imperita plebe, qui non buglossum lupo præferat? At buglossum glutinosum succum gignit difficilēque concoquitur, lupo marinus medium consistentia sanguinem. Quis non nullum grandem vel carissimum libenter emat, paruum verò reiiciat? utrunque verò quis non saxatilibus longè præstare putet? At grandis paruo multò durior, sicciior, insuauior est, nec nisi ob hepatis magnitudinem olim à gulosis expetebatur, uterque verò oculos hebetat, venerem exanguit, lepore marino qui maximè venenatus est, vescitur, quibus de causis reiiciendus, & sola friabili carne commendandus, ac hominum gulæ deditorum luxu magis celebratus, quàm ut ob insignem substantiæ carnis bonitatem, & succi gratiam, quibus à multis vitatur, tanta laude dignus merito videri possit. Saxatiles quidem nullo in pretio apud nos fuerunt, nec nisi in aliorum penuria utantur, sed cum obseruassent plerique me, & sapissime eos mihi comparandos curare, & ut ægrotis apponerentur iubere, tandem ipsi quoque expetere cœperunt. Hæc de saxatilibus generatim dicta sint, iam ad singulos aggrediamur.



CAPUT II.

DE saxatilibus dicturi à Scaro incipiemus, qui vt inter saxatiles omnes principatum tenet, ita primo loco describendus est. Ac primùm admonendi sunt lectores Scari duo esse genera, & hunc quidem *ὄνιαν* vocari, alterum verò *ἀνιολον*, vt profert ex Nicandro Thiatireno Athenæus, quorum vtrique multæ quidem communes sunt notæ, sed sunt etiã propriæ: ob eãque causam separatim de vtroque tractandum putavi, vt res ipsæ scaros aliquando inspecturis notiores sint. *Σκάρος* igitur Græcis dicitur ἀπὸ τῆς σκαίφης, autore Athenæo, quod significat salire siue tripudiare, hîc potius *νέμεα*, id est, depasci: id enim aliquando significat *Χαίφης*, vt ex Theocrito docet Phauorinus. Scarus verò algam herbâsque alias depascitur, vt mox fusiùs dicemus. Græci etiã huius temporis *σκάρον* nuncupant. Romanis nostrisque non planè notus est, alij enim ob similitudinem *denté*, alij *fargo*, alij *cantheno* vocant, à nostris piscatoribus pro fargo venditur. Piscis est marinus, saxatilis, squamis magnis, tenuibus, colore ex cæruleo nigrescente, ventre candido, fargo similis, corporis formâ ad rotundam accedente, aculeorum, pinnarumque situ & numero. His notis ab eodem secernitur, maculâ nigrâ in cauda, lineis nigris à dorso ad ventrem ductis caret. dentes planos hominis modo maxillâsque habet, imò propriè solus latos habet, plurâque & maiora in maxillis ossea tubercula, caudam latam in duas pinnas non diuisam. Adhæc oculis est magnis, supercilijs coloris indici. Binas vtrinque branchias habet, alteras simplices, alteras verò duplices autore Aristotele. Cor angulatum. Hepar in tres lobos

Libro 7.

Ibidem

Lib. 2. de hist.
cap. 13.

lobos diuifum, à quo fellis vefica pendet, fed inteftinis alligata. Fel nigri coloris, & fplenem, ventriculum paruum cum quatuor vel quinque appendicibus, inteftinum conuolutum. Hunc pifcem quem hîc proponimus, verum eſſe antiquorum ſcarum conſtanter affirmo. Sed quoniam ex Athenæo, vel Ariſtotele proferri quædam poſſe videntur, quæ nos coarguant, locos iſtos paulò diligentius excutiamus. Sic enim & ſcarus omnibus notior fiet, & multa quæ ad mores acſionéſque & ſuccum ſubſtantiámve eius pertinent, ſimul tradentur. Locus eſt Athenæi LIB. VI. quem ex Ariſtotele proferit. *ſκάρων Ἀριστοτέλης καρχαρόδοντα εἶναι φησὶ, καὶ μοῖρην, καὶ σαρχοφάγον, ἔχον τε σῶμα μικρὸν, καὶ γλῶτταν πρὸς πεφυκῆα, καρδίαν βίγων, πτεράλωχον, βίβολον ἔχοντε χοιλίῳ, καὶ ἀπλῆνα μελᾶμα, τῶν δὲ βραγχίων δ' μὴ διωλῆν, δ' ὁ ἀπλῆν, μόνος τε καὶ τῶν ἄλλων ἰχθύων μηρυάξιδ'. καίρει δ' τῇ τῶν φυκίων βοφῇ δὲ καὶ τέτοις θηρόεται, ἀκμάζει δ' ἕρως*, id eſt, Scarum Ariſtoteles ſcribit ferratis eſſe dentibus, & ſolitarium, & carniuorum, os paruum habere, linguam adhærentem, cor triangulum, ſubalbum, bilem nigram & ſplenem nigrum. Branchiarum alias duplices, alias ſimplices. Solus verò piſcium ruminat, gaudet alga, quare & ea capitur, æſtate viget. Hæc Athenæus. Quorum initio ſtatim error eſt inſignis. Ariſtoteles enim LIB. I. de hiſt. animal. hæc ſcribit *καρχαρόδοντες ὅ πάντες οἱ ἰχθύες, ἐξω τῶ σκάρω*. Cap. 12. Serratis ſunt dentibus piſces omnes dempto ſcaro. Et Plinius de dentibus loquens, piſcium omnibus ferrati præter ſcarum, huic vni aquatiliū plani. Quare addenda negatio, legendūque *σκαρὼν Ἀριστοτέλης φησὶν ὅ καρχαρόδοντα εἶναι*. At hæc nota huic noſtro maximè propria eſt, nullus enim eſt ex omnibus piſcibus ſquamofis, cui latiores magiſque plani ſint dentes, minúſque ferrati. Prætereà carniuorum eſſe ſcarum, ex Ariſtotelis libris, iis ſaltem qui nunc extant, non colligas, ſic enim LIB. VII. de hiſt. animal. Viſtus eadem ratione non omnes vtuntur. Quidam enim carne tantum veſcuntur, vt cartilaginei, vt congri, channæ, thunni, lupi, ſynodontes, amiæ, orphi, murenæ, nulli verò nutriuntur alga, oſtreis, cœno, carne. Daſcillus cœno & ſtercore. Scarus autē & melanurus alga, ſalpa ſtercore & alga. Hîc apertè Ariſtotel. diſcrimina alimentorum quibus veſcuntur piſces enumerat, quod ſi ſcarum carniuorum eſſe exiſtimaffet, cur id in ſcaro potiùs, quàm in aliis prætermiſſet: neque eſt quod quis obiciat id quod mox ſubneſcit Ariſtoteles. Cephalum ac ceſtreum ſolos à carne omnino abſtinere, ac proinde ſcarum carniuorum eſſe poſſe. Nam Ariſtoteles de iis tum loquitur, qui ſui géneris piſces deuorant, quod minimè faciunt cephalus & ceſtreus, qua ratione omnes quidem carniuori dici poſſunt, demptis hiſ duobus cephalo & ceſtreo,

qui tum à piscibus sui generis tum ab omnibus aliis omnino abstinent. Sed præstat verba ipsius Aristotelis adscribere. Omnes sese mutuo deuorant, dempto cestreo, maximè autem congrì. Cephalus autem & cestreus soli omnino carne non vescuntur. At quum propriè carniuorum piscem esse dicimus; eum qui aliorum & non sui modo generis piscium carne nutritur accipimus: in quorum numero scarum non repono, non solùm Aristotelis autoritate, sed etiam ratione fretus: nam ventriculum pro corporis ratione paruum habet, qualem non dedit iis natura, qui pisces integros vorant, nec quicquam in ventriculo huius, vel intestinis præter algam, herbâsve alias reperias. Idem confirmat Plinius. Nunc scaro datur principatus, qui solus piscium dicitur ruminare, herbisque vesci, non aliis piscibus. Necnon Ælianus: Scarus inquit, cùm aliis herbis tum alga vescitur. Nullus ergo scarum nostrum reiiciat, quòd pisces alios non voret, quem tamen carniuorum dixit esse Athenæus, cùm *φυγοφάγον* dixisse debuisset: præsertim cùm scarum subiiciat alga delectari, & ea capi. Quo fit, vt alium etiam Athenæi locum demirer, qui est LIB. VII. quo scribit scarum recentem suspectum esse, quoniam lepores marinos venatur, illisque pascitur: id quod soli mullo tribuit Plinius his verbis. Vescitur lepore marino vnum tantum animalium, vt non intereat, mullus piscis, & tene rescit tantum, & ingrator viliórque fit. Hac in re magis vt Plinio quàm Athenæo assentiar, facit quod mullus iis in locis degat, in quibus lepores marini reperiuntur & capiuntur, nimirum in locis cœnosis lutosisque, vnde mullus lutarius nominatus est, quæ loca fugit scarus, & in faxis habitat. Sed plura de his cum de mullo agemus. Iam verò quod sequitur, *παράλδιον, τεύβολον*, planè deprauatum est, quoniam cor album in nullis vnquam piscibus videbit, qui in horum dissectione se exercere volet, nisi supremam illam cordis partem albam, quæ ab Aristotele *ἀγλεῖον φλεβονδρωδες* dicitur, pro corde impropriè accipias, qua ratione in omnibus piscibus cor esset album, de qua re fusiùs libro superiore capite de hepato. Quare paucis mutatis legendum *ἢ παρ λάλδιον*. Quid verò sibi velit *τεύβολον*, nemo, vt opinor, posset hìc diuinare, quid enim tribulo cùm piscibus? At si β & λ loca commutarint, optimè legemus *τεύλοβον*, & sic legendum esse audacter contenderim: est enim in hoc pisce nota non minima, quòd hepar in tres lobos diuisum habeat, vt superiùs diximus. Quod postremò ponitur solum scarum ruminare, id planè verum est, & ex Aristotelis locis aliquot sumptum. Idem confirmat Plinius & Oppianus.

Lib. 2. de hist.
animal. c. 17.
et lib. 8. c. 2.
Lib. 9. c. 17.
Lib. 1. ἀλιευ-
τικόν.

Καὶ σκαρόν, ὅς δὴ μέγας ἐν ἰχθύϊ παρὰ τὰ ἀνάλδοις

ἐθέρ

Φθέρει) ἱεμαλείῳ λελαγίῳ, καὶ μένος ἔδωδ' αὖ

Ἄψρον προΐν' αὖτ' ἔδωδ', δέλερον αὖθις

Δαυνύδης μύλοι' αὖτ' ἀπαπύων Ἰα. φρεσίῳ

Incurui scarus incola saxi.

Qui mites inter pisces clamore tremendo

Intonat, & solus pallentes ruminat herbas,

Ac veluti pecudes reuocat sub guttura passum.

His maculis deleteris, & loco Athenæi nitori pristino restituto, omnia quæ scaro tribuuntur, quæ sine tædio repeti non possent, nostro planè conueniunt, vt negare nemo possit nos veterum scarum penitus nosse, & hîc representasse. Nostri autem diu incognitum fuisse, non est cur quis miretur, cum Romanis olim, & toti Italiæ serò visus fuerit, vt nec latinum nomen piscis habeatur autore Columella. Scarus, inquit, qui totius Asiæ Græciæque litoribus Sicilia tenus frequentissimus exit, nunquam in ligusticum, nec per Gallias enauit ad Ibericum mare. Itaque ne si capti quidem perferantur in nostra viuaria, diuturni queant possideri. Idem Plinius: scarus carpathio mari frequens, promontorium Troadis Leæton nunquam transit. Inde aduecto Iberio Claudio principe, Optatus Elipertius præfectus classis, inter Ostiensem, & Campaniæ oram sparsos disseminauit. Quinquennio ferè cura est adhibita, vt capti redderentur mari. Postea frequentes inueniuntur Italiæ in litore, non antè ibi capti. Hæc Plinius. In nostro mari capiuntur non procul à Massilia, & maximè circa Stœchadas insulas. Rhodi maximam esse copiam à Rhodiis accepi. Saxatiles bis pariunt autore Aristotele, quod non de scaro tantum, sed de omnibus saxatilibus semel dictum sit. Seleucus Tarsensis ait, citante Athenæo, solum hunc piscium noctu dormire, vnde fit, vt noctu nunquam capiatur, hoc autem ei fortasse propter metum accidere. Idem tradit Oppianus scarum mollem, sic enim appellat, noctu non prædari nec in alios sæuire cæterorum ritu, sed in scopulis suis somnum capere. Scari inter se amant, videturque innatum & mirum ingenium, mutuæque societatis tuendæ studium, quæ ex Ouidio sit declarat Plinius. Mihi videntur mira & quæ Ouidius prodidit piscium ingenia, in eo volumine quo ἀλιότιχον inscribitur. Scarum inclusum nassus nō fronte erumpere, nec infestis viminibus caput inferere, sed auersum caudæ ictibus crebris laxare fores, atque retrorsum ita erumpere, quem luctatum eius si fortè alius scarus extrinsecus videat, apprehensa eius e auda adiuuare nixus erumpentis. Hæc prolixè & eleganter describit Oppianus: quæ quia longiora sunt quàm quæ hîc adscribi debeant, ex ipso autore peres. His addit Ælianus. Si scarus nassa inclusus in caput exierit, eum qui foris est caudam illi porrigere vt ea

Lib. 8. cap. 16.

Lib. 9. cap. 17.

Lib. 5. de hist.

Cap. 9.

Libro 7.

Libro 2.

Libro 32. cap. 2.

Lib. 4.

Lib. 11. cap. 17.

comprehensa sequatur. Hæc illi quidem faciunt more hominum, qui et si libros de amicitia non legerint, tamen leges amicitiae à natura hausserunt. Præterea piscium omnium salacissimum esse scarum asserit, eamque cupiditatem necis causam esse. *Ibidem c. 16.* Piscatores enim comprehensæ fœminæ summum os ad tenuem funiculum alligant, eamque viuam per ea loca trahunt, in quibus habitant, conficiunt etiam graue plumbum rotundum, longitudine trium digitorum, quo ex chordis appenso trahitur scarus fœmina captiua, alter piscatorum nassa in piscatorio nauigio accommodata os latè diducit, datque operam, vt nassa in scarum conuertatur, ea enim sensim demittitur, lapide ad certam mensuram facto: mares autem non aliter quàm homines visa amica furore libidinis perciti, circa eam concurrantes, alius alium præuerrere & contingere studet, vt solent iuuenes amantes, aut osculum aut vellicationem, aut aliquod aliud furtum amatorium venantes, piscator sensim deducit fœminam recta ad nassam, ac cum ea etiam amantes, libidinisque suæ dant pœnas. Non solum alga, sed herbis aliis vescuntur scari, vt prius dictum est. Nam & coriandrum escam scaris olim obiciebant, vt ex *Ibidem c. 18.* Leonide citat Ælianus, quo allekti faciliè capiebantur. Et Græci aliqui sæpe mihi affirmarunt mirè etiam linozosti (quam mercurialem vulgò dicimus) delectari, eaque capi. Quantum ad succum substantiamve scari attinet, cum non solum saxatilis sit, sed etiam inter saxatiles primas teneat, constat mollis & friabilis esse carnis, vt scribit Athenæus, suauem, læuem, qui faciliè concoquatur & distribuatur, quique facilem reddat aluum. Celsus scarum cum aliis aliquot, iis ex quibus salsamenta fiunt, teneriorem quidem esse scribit, sed tamen durum. Videtur etiam è numero saxatiliū eximere, qua in re omnium sententiæ & sensui repugnare videtur. Arcestratus verò apud Athenæum scarum valde commendat, eiusque præparationem docet. Intestina scari violam olent, nec magis reiicienda quàm aspalacis. *At lib. 7.* Quamobrem rectè Epicharmus scarorum ὁ δὲ δὲ ξὺν σκαρὶ γερμὸν ἐμβαλεῖν θεοῖς, id est, ne stercus quidem scarorum fas esse Diis ipsis reicere. Olim iecur erat in pretio, vt in Vitellij patina commemorat Tranquillus scarorum iecinora, & Martialis:


*Hic scarus equoreis qui venit obesus ab undis,
Visceribus bonus est, cætera vile sapit.*

Lib. 32. cap. 18.

Vtuntur etiam, inquit Plinius, ad parotidas scari piscis marini iecinoribus. Editur apud nos assus in craticula, vel in sartagine, vel elixus, vt aurata.

De Sca

De Scaro vario.




CAPUT III.

SCARVS αἰολος nullo alio nomine, aut Latino, aut Græco à prima scari specie distinguitur, quàm epitheto, quod alioqui multis piscibus est commune. nam *πέρχας αἰόλας* vocavit Epicharmus, & coracium *αἰόλον* vocatum fuisse diximus libro superiore: denique multis aliis saxatilibus epitheton hoc conuenit. Dicitur verò species hæc scari αἰολος, quod Icarus *ὀνίας* fere concolor sit, melanuro similis, dorso enim cæruleo est, ventre candido, αἰολος verò oculis, ventris inferiore parte, in qua podex, purpurei est coloris, cauda coloris indici, reliquum corpus partim ex viridi, partim ex nigro cæruleum est, squamæ veluti notis obscurioribus aspersæ, ore est mediocri, dentibus latis, in superiore maxilla densis, in inferiore raris & acutis. A dorso ad caudam ferè aculei tenui membrana connexti, & æquis interuallis dispositi. In singulorum summa parte membrula pendet vexilli instar: pinnæ ad branchias sitæ, latæ sunt, ac veluti oui figura. In medio ventris notas duas purpureas habet. Intus ventriculum satis capacem, hepar subalbum, intestina lata & multa, felle multum, splenem magnum. formosissimus sanè est hic piscis, si quis alius. Carne est tenerrima, & delicatissima, nec dubito quin is sit, cui Galenus cæteri que medici principatum dederint, nunc nomine tantum notus est, à Græcis solis hodie & celebratus, & penitus cognitus. Quare hortor & moneo studiosos omnes, vt non nominum tantum, sed rerum potiùs cognitioni sedulò vacent. Romæ semestri spatio vnus tantum mihi etiam sapius, & curiosè forum piscarium adeunti, visus est, quò fit vt hunc non admodum illic frequētē esse credā. Capitur aliquādo in nostro mari, è regione Magalonge, & non procul à Mafilia, & Antipoli: circa Stoechadas insulas sæpius: alij cōmuni saxatiliū nomine *rochau* nūcupant, alij *aiol*, alij *auriol* seruatis, vt credibile est, nominis *αἰόλας* vestigiis. Cannariarum

Plin. lib. 37.
cap. 11.

infularum incolæ, vt ferunt, Brechos appellant. A scaris nobilissima Scaurorū familia dicta fuisse creditur. Ab æoli scari colore, potiùs quàm effigie scariten gemmam dictam existimo, ea est fortasse quæ sapphirus dicitur. Vt superior scarus præparatur.

De Cynædo.



CAPUT IIII.



ΑΦΗΣΤΗΣ & Αλφησιγῆς Græcis est piscis, qui à Plinio dicitur Cynædus, nostri cōmuni saxatiliū nomine *rochau* vocant: peritiores piscatores *canus*, Mafsilienfes *canudo* corrupto vocabulo cynædum volentes dicere. Piscis est marinus, saxatilis, dorso purpureo, catenis in partibus luteo, corpore strictiore quàm aurata, vel pagrus, manis figurâ similis, alioqui maiore & spissiore corpore, pedali magnitudine: ore mediocri. labra habet, & dentes ferratos caninis similes, quod omnibus ferè saxatilibus commune est. A ceruice ad caudam spinas tenui membrana connexas habet, non diuisas, vnde μονάκανθος ab Aristotele, citante Athenæo, dictus est. Huiusmodi cū sit piscis quē hīc proponimus, superest vt eum esse ostēdamus, qui ab Athen. ἀλφισγῆς, a Plin. cynædus appellatur. Ac primū Athe. proferamus ἰχθὺς ἰσὲς οἱ ἀλφισγῆς ὅ μὴ ὅλον κηλοφδεῖς, πορφυρίζοντες ὃ καὶ τινὰ μέρη. Φασὶ ὃ ἀντὶς ἀλίσκεσθαι σινύδυο, καὶ φαίνεσθαι ὃ μὴ ἕτερον κατ' ἑρὰν ἐπόμενοι, ἀπὸ τοῦ ἑῶν καὶ τοῦ ἑτέρου γατέρω ἢ ἕτερον ἀχολυθεῖν, τῶν ἀρχαίων ἰσὲς τοὺς ἀκρατεῖς καὶ χαλκωφερεῖς ἕτω καλῶσιν. Αἰριστοτέλης ἐν τῷ περὶ ζῴων μονάκανθον εἶναι καὶ κέρρον ἢ ἀλφησιγῆν. Pisces quidam sunt alphesta, omnino quidē cerei coloris, purpurascētes tamen quibusdā in partibus: aiunt ipsos binos capi, & videri alteri alterū comitē esse ad caudā. ab eo igitur quod alter alterius nates sequatur, veteres quidā incōtinentes, & inuenerē procliues alphestas nūcuparunt. Aristoteles in lib. de animali. vnica & non diuisa spina esse dixit alpesticum & flauum.


Plinius

Libra 7.

Plinius verò cynædi, inquit, soli piscium lutei. Principio ipsa nominis Lib. 32. cap. 11.
ratio alphestam eundem esse cum cynædo planè indicat: nam vt al-
phestas Græci appellant pisces se sequentes libidinis causa, eodem
quoque nomine libidinosos & incontinentes homines, sic & Latini
cynædos pisces: quoniam sunt & cynædi homines molles, effœmi-
nati, libidinosi, quique præpostera & nefanda venere vtuntur. Adhæc
cerei coloris sunt, secundum Athenæum, quibusdam in partibus pur-
purei, quod nostro planè conuenit. Dorsum enim colore est purpu-
reo exaturato, siue violaceo, cæteræ partes cereo colore, quem Plinius
luteum appellat. Aristoteles citante Athenæo κίρρον, Numenius ἐρυθρόν,
Græcis autem κίρρον significat ξανθόν, id est, flauum, autore Galeno li-
bro quinto de sanitate tuenda, cum loquitur de vino pro senibus de-
ligendo. καὶ μὴ σφόδρῃ αἰὶ τ' λεπτοτάτων αἰρέειν, καὶ ὃ τ' χρῶμα ὀνίππο-
κράτης εἶωθε κίρρον καλεῖν, Διούαλο δ' ἂν τ' ξανθόν ὀνομάζῃν αὖθις, vt sit
substantia tenuissimum, colore quod Hippocrates κίρρον appellare
solet: poterat autem & ξανθόν, id est, flauum appellare. Hactenus Ga-
lenus. Ερυθρός idem dicitur, & salpam quæ lineis aureis distincta est
ἐρυθρόχραμμος prius vocatam fuisse diximus, talis color est auri vel
flammæ ex lignis aridis excitatæ. Quòd si aliquando ἐρυθρόν ru-
brum vel rufum interpretemur alios secuti, reprehendendi non su-
mus: nam id etiam significat ἐρυθρόν flauum scilicet exaturatum, quod
est rubrum dilutius, vnde Oppianus ξανθοίτε ἐρυθροί, qui tamen iu-
dicio omnium rubescunt. talis est optimæ & minimè adulteratæ ce-
ræ color. Dioscorides de corni arboris fructu loquens primùm dicit
esse χλωρόν, id est, virentem: πεπαυρόμενον δ' ξανθόν, ἢ κηλοδῶν, id est, per
maturitatem rubescere, aut ceræ colorem repræsentare. Vides vt
ξανθόν & κηλοδῶν pro eodem colore vsurpet: quòd autem ξανθόν ru-
bescens vertit interpretes, id non de rubro exaturato intelligendum
est, sed de diluto, quod ἐρυθρόν aliquando appellari prius diximus,
& alibi etiam Dioscorides scribit, Ceram optimam esse ὑπόκίρρον. Lib. 1. cap. 105.
Talis color est luteus, color nimirum vitelli ouorum. Idem color di-
citur etiam nonnunquam πυρρόν. Vinum enim κίρρον quod Galenus
ξανθόν, id est, flauum interpretatus est πυρρόν ὠχρόν, id est, rufum pal-
lens L I B. X I I. methodi appellat. Quamobrem vehementer errant
qui vinum κίρρον siue ξανθόν putant esse, quod Galli vin claiet appel-
lant, est enim hoc giluum. Colorem verò κίρρον siue ξανθόν propriè re-
fert vinum, quod in Gallia nostra Narbonensi provenit diciturque
muscat & picardent. Hæc ideo diffusius explicaui, vt ob nominum va-
rietatem diuersasq; eorumdem significationes rerum notitia obscu-
rior nobis nō esset. Quare κίρρον, ξανθόν, πυρρόν, ἐρυθρόν, & Latine flauum,
luteum, rufum, rubrum, seu potius rubescens nonnunquā pro eodem
sumuntur, vt exemplis veterū comprobauimus, nonnunquā differunt

sed ratione tantum maioris & minoris. quò fit, vt propter magnam in colorum quorundam gradibus affinitatem, modò hoc, modò illo nomine, diuersi autores vtantur, etiam in eodem colore designando. Ex his igitur liquet qualis sit piscis istius color, diuersis nominibus ab antiquis expressus, qui non solius est cynædi: cancri enim aliqui & cancelli, & leones parui, qui circa insulam D. Honorati, & in mari Ligustico capiuntur, flauī sunt siue lutei: denique eiusdem cum cynædo coloris, de quibus suo loco dicemus. Quare meritò falsus nonnullis Plinij locus videri possit. Cynædi soli piscium lutei, vel inemendatus, vt legendum sit, Cynædi toti lutei, quemadmodum locutus est Athenæus ὁ μὲν ὅλον περιόδεῖς, omnino quidem cærei coloris modò intelligas non ita omnino luteos esse, quin aliqua parte purpurei sint, vt initio huius capituli declaratum est. Carne & substantiâ eadem est, qua cæteri saxatiles nimirum tenera, molli, & friabili, minimèque glutinosa. Ius ex eo ventrem lenit. Coctus in sartagine melior est asso in craticula, vel elixo: hic enim mollior fit, ille quia tener est & friabilis, in tenues partes faciliè soluitur. Præparatur sic. Exemptis interaneis sale aspergitur & farina, quæ partes continet & solui prohibet: deinde in feruens oleum iniiciendus. Refrigeratus cum succo mali Arantij editur. Ægrotis salubre alimentum, faciliè enim coquitur, & temperatum sanguinem gignit.

De Merula.



C A P U T V.



T Apud Græcos *χέλιος* & auis & piscis nomen est, ita merula apud Latinos. Peritiores piscatores *Merle* vocant: nonnulli *Tourd*, non distinguentes turdum à merula: alij communi saxatiliū nomine *Rochau*. Merula piscis est marinus, ex

saxatiliū genere, tinea fluuiatili similis corporis habitu, colore ex indico nigrescente, maris color magis ad violaceum accedit: fœminæ ex vario nigrescit. os dentibus acutis & recuruis munitum. labris, oculis, pinnis, squamis reliquisque partibus, saxatilibus aliis similis. hepate est magno, à quo fellis vesica pender, intestinis latis, ventriculo longo, splene paruo, corde angulato, branchiis, aliis saxatilibus similis: vescitur musco, alga, pisciculis, canceris, echinis paruis & integris, cuius rei testes oculati sumus: id enim aliquoties ex eius dissectioneprehendimus. Hæc de merula Aristoteles.

Lib. 8. de hist. anima. ca. 30.

οὗς καλεῖται κοφύφες, καὶ κίχρας, καὶ ἡ χειρὶς τὸ χρώμα. καὶ τὰς ὥρας, ὡς περ ἓνα τῶν ὀρνέων, τὸ μὲν γὰρ εἶδος μέλανες γίνονται, εἴτα ἐκ τοῦ εἶδος λαμβάνει πάλιν. Mutant colorem pisces, qui merulæ & turdi appellantur, atque etiam squillæ, pro anni temporibus ut aues quædam. Vere nigrescunt, postea candorem suum recipiunt. Quem Aristotelis locum sic intelligere oportet, ut turdi & merulæ suum quidem seruent colorem, sed magis exaturatus sit circa ver, æstate verò magis diluitur, minusque niger est, quæ causa est, cur pisces hos candidos fieri scribat. Idem de phycide, & mæna sentiendum. Merula inter saxatiles laudata, inquit Plinius: carne est tenera & molli, facilis concoctionis, parum nutrit, & bonum succum gignit. Elixæ febricitantibus saluberrima, si coquatur in sartagine farina conspergenda, ut partes contineantur. Quibus autem rationibus adducti piscem quem hic depingimus, merulam esse existimem, paucis dicemus, ut inde eorum refellatur error, qui alium à nostro pro merula ostendunt. Admonitum autem prius lectorem velim, ut meminerit à veteribus colorem indicum, aut purpureum exaturatum, nigrum vocari; ut purpuram nigram, violam nigram, circæam flore nigro, qui tamen putpureus aut indicus est. Eodem modo nigram merulam dici putet. Iam verò merulam piscem à similitudine coloris merulæ avis nomen accepisse nemo est qui negare possit. At merula avis nigra est. Quare hunc nostrum piscem nigrum saxatilem merulam esse antiquorum constat. Quod autem merula piscis nigro sit colore, testis est Nume-


libro 7.

Γλάυκος ἢ ὀρφὰ ἑταλὸν γένος, ἢ μελαγχρῶν
κόσσυρον.

Huc accedit quod hic noster mutat colorem, est enim aliquando nigrior aliquando minus niger. Postremo ex saxatiliū est genere, carne molli & friabili. Aliud merularum genus inuenio quod dorso est nigro, ventre indico, quibusdam partibus cæruleis, ut pinnis cauda, & circa branchias. Non differt substantia à superioribus.

Q

D Turdorum generibus.




CAPV VI.

NVNC Ad turdos veniamus, quorum multa sunt genera, varia nomina, tantæque colorum varietas, vt in iis creandis luisse videatur natura. Turdorum complura esse genera, vt inquit Columella, & eorum varios admodum colores esse ex singulorū descriptione, per-


Lib. 7. spicuum fiet. Pancrates apud Athenæum autor est, multis nominibus appellatum fuisse turdum, & Nicander *πολύονυμεν* vocat: etenim *κίχλις, στίλβων, αἰολίδω* nuncuparunt, Athenæus ex Aristotele *μελαυρό-ενδον*, id est, nigris maculis insignem, sed potius *ποικιλόφινον* dixerim, id est, variis notis distinctum, & sic apud Athenæum legisse videtur Phauorinus. *κίχλη* nomen frequentius fuit, vt auis, ita & piscis. *κίχλη* *Lib. 7.* ab Atticis & non *κίχλα* dicitur, ita suadente ratione, inquit Athenæus, fœminina enim in *λα* ante *λα*, alterum *λ* habent, vt *σπίλα, στίμα, κόμα, βδέμα, ἀμύλα*. quæ verò in *λη* desinunt non item, vt *κίχλη, τέ-ελη, ὁ μίχλη*. Latini turdum nominant. Nostrates, Prouinciales, Itali, Hispani *turdo*. Galli *vielle*. Iam turdorum qui solo ferè colore differre videntur, omnes species ordine recenscamus. Primi generis eum fecimus, qui à pluribus *turdo* dicitur, qui notas etiã insigniores habeat, quibus à quouis nullo negotio discerni poterit. Est autem non admodum dissimilis cynædo, minor paulò & latior, ad auratæ figuram accedens, dentibus recuruis, pinnae situ, numeroque cæteris saxatilibus similis: labra habet crassa & rugosa, cauda non in duas pinnae sed in vnâ latam definit, quæ maculis nigris & rufis insignis est. In reliquo corpore colore est vario, vnde *αἰολός* dictus. Dorsum fuscum est, venter ex albo liuescit. Pinnae ad brachias aureæ sunt, ad podicem & in tergo flauæ, nigris cæruleisque maculis aspersæ. oculi magni sunt, rotundi, pars oculis subiecta variis coloribus est illustris.

Part

Partibus internis ab aliis saxatilibus non multum differt. Carne est tenerrima & friabili. Ob insignem teneritatem à multis negligitur. Optimus assus in craticula vel in sartagine coctus. Refrigeratus firmiore est carne. Ex aceto vel mali arantij succo edendus: priusquam coquatur sale conspergendus, ut gravioris sit saporis.




SECUNDI Generis turdorum is rectè censebitur, qui à nobis distinctionis gratia pauo nuncupatur. Hic priori similis est, maior tamen plerunque. Colore ex viridi cæruleo, vel indico, colorem colli pauonis referente in pinnis omnibus, & in cauda. Hinc pauonis nomen posuimus veteres imitati, qui merulas & turdos auium nomina piscibus dederunt, cum liceat cuius rebus anony- mis & nouis noua nomina ponere. Carne est molli, friabili, tenera, Viscidi aliquid habere videtur inter saxatiles.




TERTII Generis est is, qui *Minchia di Re* à nonnullis appel- latur. Superioribus similis, colore verò dispar. Est enim varius ad- modum, vixque vllus est, qui plures colorum differentias habeat. Viridis est magna ex parte, sed punctis purpureis, cæruleis, indicis,


& aliis confusis coloribus conspersus. Pinnae ad branchias flavae siue rufae sunt, aliae omnes partim caeruleae sunt, partim virides, partim rufae. Cauda rufa punctis caeruleis notata. Branchiarum opercula punctis & lineis rufis, sinuosis, certis spatiiis distinctis distincta. Adeo variis & iucundis coloribus ornatus est, ut pulchri nomine sit dignissimus. Carne tenera, friabili, delicata aliis non cedit. frequens est Romae & Antipoli & in Lerino insula.




Q V A R T I Generis turdus varius etiam est, dorso nigrescente, pinna eius virescente. Ventre & lateribus flavescentibus. A branchiis ad caudam lineae virides ductae sunt. Pinnarum quae in ventre infima caerulea sunt. Hunc nonnulli ex piscatoribus nostris *Perroquet*, id est, psittacum vocant, quod ea sit coloris varietate qua avis illa Indica. Similem succum gignit cum ceteris saxatilibus. Facile concoquitur, quod tenera sit substantia & friabili.



Q V I N T V M Genus turdi gobionem flavum refert, hoc ab eo discrepans, quod lineam albam ductam ab oculis ad caudam habet. Deinde maculis nigris, quibus aspersus est gobius, caret. Pinna quoque unica in ventre neque divisa, quam habet gobius. Turdus iste colore aureo est, nec differt ab aliis carnis teneritate.




SEXTVM genus quinto omnino simile, nisi quòd huic linea ab oculis ad caudam ducta, non alba est, sed carulea rostròque, est longiore & aquilino.




SEPTIMVM Genus à Prouincialibus *cero* dicitur, maximè Antipoli, & nostri speciem vnā turdi *cero* vocant. In saxis degit præsertim litoralibus. magnitudine est cubitali, coloribus variis insignis, dorso aureo, viridibus maculis consperso, ventre candicante, lineis rufis & tortuosis, nullo ordine dispositis notato. Tales ferè ceruntur buxi radices vel iaspides. Labra viridia sunt, branchiarum opercula purpureum quiddam habent. Cauda & pinnæ magna ex parte caruleæ sunt. Septimum hoc genus esse puto, quod *κηλς* ab Athenæo dicitur, vnde *cero* fecerunt nostri. Suspiciatus sum aliquando locum hunc mendosum esse, & pro *κηλς* legendum *κίχλι*, ea ratione adductus, quòd neminem vnquam ex his qui de piscibus scripserunt, piscem sic nominasse meminisse. Tum quia hoc loco cùm de scaro dixisset, comodè *κίχλι*, id est, turdum subiunxisse videretur. His inquam rationibus motus, diu in ea sententia permansi, vt *κίχλι* legendum existimarem. Cùm verò quæ sequuntur, accuratius considerarem, omnia quæ hîc dicuntur, parum turdis omnibus conuenire, animaduerti, quæ causa mihi fuit mutandę sententię. Locus sic habet apud Athenæum ἡ δὲ χελιδὼν κηλς ἀπαλό(ε)ρχος, ἀχρίαιος, ἀττόμα- Libro 8: χος, ὃ δὲ χυλὸς ἀττίς παχυνὴ καὶ σμύχλη. Ceris quæ dicitur teneræ est carnis, aluo facilis, stomacho grata, succus ipsius incrassat & abstergit.

Præterea obseruau Athenæum de multis piscibus mentionem facere, de quibus alij omnino tacuerunt. vt *ῥαχίς* de coracino albo. de melanderino. Item Plinium de ichthyocola, de lucerna, de cornuta, de quibus nulli alij meminerunt. Idem fecisse Ælium constat. Porro multa ab iisdem esse omissa, quæ à nobis diligenti dissectione & experientia, & à peritis piscatoribus percepta, literis mandamus: quod etiam spero multos post me facturos esse. Quare vt ad rem redeam, *ῥαχίς* legendum non *ῥαχίς* eamque esse putamus, cuius *ῥαχίς* conem præfiximus.




OCTAVVM Genus à septimo non admodum differt: est enim eodem ferè modo varium, sed lineas multas habet in ventre sese interfecantes. Carne est aliis similis.




NONVM Genus superiori simile est, nisi quòd lineam candidam habet à branchiis ad caudam, alias multas confusas, obliquas, ut ceris, quæ aurei sunt coloris, alioqui colore est vario, viridi & flavescente. A quibusdam *gaian* dicitur, ab aliis *bille*, à nostratibus *menestrier*, hoc est, tibicen: quia variis est coloribus tibicinum ritu, qui versicolori habitu uti apud nos solent. Carne est tenera & friabili.


Deci



DECIMA Turdorum species colore est viridi, extrema operculi branchiarum & pinnarum ventris purpurascunt: oculi rufi: venter ex albo flauescit: ore est paruo labrisque paruis: eiusdem substantiæ est cum aliis.



VNDECIMUM Turdorum genus est, quod *auriol* nostri vocant, quasi *αἰολος*, id est, varium: alij *gaian*, alij *durdo*. Est autem inter turdos maximus, ad lupi cubitalis magnitudinem & crassitudinem accedit. Colore est rubricæ, qua nostri pro terra armenia vtuntur, multis nigris & liuidis maculis respersus est, ventre est plumbei coloris, labris magnis. Colorum duntaxat varietate à turdo septimi generis differt.



SED Et hic in turdorum genera referendus mihi videtur, qui vulgò *Vielle* dicitur: neque enim minùs varius est quàm ceteri iam descripti. Capite est cæruleo, dorso virescente, linea viridis & tenuis à branchiis ad caudam ducta est, in cuius extremo macula est

rotunda, paulò supra caudam. reliquo corpore est rubefcente, pinnae varia, sed maiori ex parte purpurea. Hos omnes turdos appellauimus, tum quia Columella turdorum complura esse genera scripsit, tum quia nomina quibus à veteribus omnes isti distincti sint, non reperio. Postremò nunc alio nomine quàm turdi non appellantur propter magnam inter se affinitatem. Quibus adductus generis turdorum species duodecim constitui.

De Iulide.



CAPUT VII.



Lib. 9. de hist.
animal. c. 2.

Libro 7.

IOYΛΙΣ à Græcis dicitur, quæ à Gaza iulia, cuius nominis vice, Græcū retinere maluissim: à Liguribus *girello* siue *girella*, à nonnullis *donzella*. nostris incognita est, quia vix in toto nostro litore reperitur. Piscis est marinus, gregalis, teste Aristot. ex saxatiliū genere, autore Galeno LIB. III. de facultatibus alimentorum. Dignitatem magnitudinem vix superat. varius est: nimirum dorso violaceo, à capite ad caudam subauream lineam ductam habet, hinc & inde rostri modo dentatam, cui pars quæ subest colore est caruleo, venter candido flauescente. Squamis tegitur paruis, pinnarum numero, situ, labiis, dentibus recuruis, cauda, aliis saxatilibus similis. rostro est acutiore, oculis paruis, rotundis, podicem habet in medio ferè corpore. internis partibus à saxatilibus aliis non differt, corpore est breuiore strictiorēque. Antipoli & in toto Ligustico sinu frequentissimus est pisciculus, & ob paruitatem vilis. Numenius apud Athenæum ἰουλὶδὲ μάρπον appellat, id est, voracem, siue edacem. memorabile est id quod de hoc pisce scribit Ælianus, iulides pisces saxatiles sunt, quibus os sceleratissimi veneni refertum est. Quemcunque piscem degustarūt, inhabilem ad edendum, perniciosūque ei qui postea gustauerit, efficiunt. Piscatores cū squillam quam media ex parte iulides exedissent & confecissent, sine vlllo precio parabilem offendissent, cūque inopia pressi gustare cœpissent, illorū aluos vehementes cruciatus exceperunt. In piscatu vrinatores & natatores infestissimè persequuntur, ac vt terrenæ muscæ mordicus premunt, similiter iulides frequen-


tes

tes, in eos, quos dixi incurrentes, morſu affligunt quas repellere neceſſe habent, aut ab his demorſi cruciabuntur, in quibus repulſandis totus urinandi & natandi labor perit. Haud diſſimilia de iſdem ſcribit Oppianus: Iulides hominibus ſaxa rimantibus, ore venena to inſeſtiſſimas eſſe: denſo enim agmine ſaxis erumpere & circumdare, nec morſu petere deſiſtunt, quantumvis illi pedibus manibúſque excutere à ſe conentur, eaſque muſcis comparat, quæ meſſores feſſos & ſudore diſſuentes cateruatim inuadunt, nec niſi ſanguine plenæ abigi poſſunt.

Αἱ δὲ ἀπὸ πειρᾶων μᾶλα μυρία ὀρμηθεῖσαι
 Ἄνδρα περιπροθέει, καὶ ἀγροῖα ἀμφοτέρω
 Καί μιν ὁδὸ βλάπτει, πονέμενοι ἄμωθεν ὄναι
 Κνίζουσι, τομάσπεσσιν ἀναιδέες, ἀλλὰ ῥ' ὁ κάμνει
 Ὑδαὶ δ' εὖ φυλάττειν ἐκλίειν ἀντιβολήσας,
 Χερσὶ δὲ ὅτε ὀδύνης ἔστιν, ἐπιφορμαίοις τε πόδεσσιν
 Σβώη ἀμυνόμενος διερὸν φρατὸν αἱ δὲ ἐφέπον
 Ἀσμεφεῖς μάλας ἐναλίγκιαι, αἱ ῥά τ' ἐπὶ ἔργοις
 Ἀνέρας ἀμνητήρας ὁπώωνον μεγέυντας
 Παύτος' ἀνιπαὶ θέρεος εἵχες ἀμφιπέτον.

Cum aliquando Antipoli & ſanitatís & voluptatis cauſa, corpus in aqua marina lauare & piſciculos capere vellem, vidi equidem piſciculos iſtos non aliter quàm fucos adproperare, & morſu tibias petere ne calce quidem, etiam ſi pars calloſa ſit & dura, abſtinētes. Idem mihi narrarunt, qui in comitatu erant Gulielmi Pelicerij epiſcopi Monſpeliensis viri in vario doctrinæ genere excellentiſſimi, cum Niceam nauigaret, ad conuentum trium ſummorum totius Europæ principum FRANCISCI Gallorū Regis, literarum alumni, CAROLI quinti Imperatoris, & PAULI tertij Pontificis Romani. His adducor, vt credam iulidem veterum eam eſſe quam hīc exhibemus. Cum Piſis Portius magni nominis philoſophus eundem piſcem affabrè atque egregio artificio depictum mihi oſendiſſet, ſciſcitatusque eſſem quem piſcem exiſtimaret, ille iulidem reſpondit: non, vt aiebat, veterum ſcriptorum deſcriptione aliqua perſuaſus, ſed ſuſpicionibus quibuſdam & communi conſenſu. Sunt enim qui iurelam alij iulam nuncupent, quæ magis ac magis opinionem meam confirmant: Huius obiter tantum meminit Ariſtoteles, inter gregales recensens. Galenus quarto loco inter ſaxatiles collocat. Oppianus & Artemidorus in libro de ſomniorum interpretatione inter varios piſces numerant. Plinius nullam omnino mentionem facit. Eſt carne tenera & fragili. Sed quæ litorum & portuum ſaxa frequentat deterior eſt, quæ procul inde vivit in ſaxis melior. Ius ex ea aluum ſubducit. Paratur vt reliqui ſaxatiles, ſed melius farina conſperſa coquitur in ſartagine.

De Perca.



CAPUT VIII.



VI De rebus citra *ἁλείων* disputant, eos sapē labi, errare, & de rebus perperam iudicare necesse est. Quod cū in aliis artibus tum maximē in Medicina perniciosum est. Sic enim & venenum pro medicamento, & noxium alimentum pro salubri proponi aegrotis potest: maximē verō in alimentorum delectu imperitos talli cōstat, ut in perca: quam cū & à Galeno & veteribus omnibus commendatam esse sciant, aegris omnibus fluuiatili ut vescantur, imperant, nec marinam cognoscentes, nec à fluuiatili discernentes, quæ tamen succo substantiaque plurimū dissident: fluuiatilis enim dura est, & glutinosa, marina tenera & fragilis. Duæ igitur sunt percarum differentia: altera marina est, altera fluuiatilis. De marina nunc loquimur. Πέρκη à Græcis dicitur, aliquando πέρκισ, à Latinis perca. Græci etiam hodie antiquo nomine vtuntur. A nostris *perche de mar* dicitur. Piscis est marinus saxatilis, squamosus, rufi coloris, ore mediocri, dentibus acutis, lineas multas in lateribus habet à dorso ad ventrem descendentes, alias rubescentes, alias nigrescentes, siue purpurascentes. Vnde percas *αἰβλας* vocauit Epicharmus apud Athenæum, id est, varias. Pedali est magnitudine, Branchiis, pinnarum numero, caudā saxatilibus aliis similis. Ventre est prominentiore. Podex in medio ferè est corpore, à quo pinna longa protenditur. Venter ex albo purpurascit vel liuescit. Ut toto reliquo corpore, ita capite est vario. Ventriculo magno cum appendicibus multis, id quod etiam testatur Aristoteles. Intestinis satis latis, in quibus vermes frequenter reperiuntur. Athenæus ex Aristotole, ἐν τῷ περὶ ζῴων scribit τῶν χαμμησποικίλων, πλαγίαις τὲ τῶν ῥάβδους κεχρημένον πέρκην, καὶ παροιμία δὲ ἔστιν ἕσπετα πέρκη μελαυέρω. Ex quibus perspicuum fit nos percam veram hīc depinxisse: vbi per *κεχρημένος* le-

Libr. 7.

Li. 2. de Hist.
animal. ca. 17.
Lib. 7.

legendum est κεχρωμένων, id est, percam ex iis esse piscibus, qui lineis variis & transuersis colorati & depicti sunt, éstque prouerbium, Sequitur melanurum perca: & alibi, πέρχασσι καὶ μελανύρῳ μελάδυσρον, id est, percarum ducem melanurum appellat Numenius: quod fortasse perca prudentiæ tribuendum est, quæ cum melanurum callidum esse præuideat, vixque capi, vt capite de melanuro dictum est, cum vt tior sit, sequitur. quãquam Erasmus de infida societate parcemiam interpretetur. Percam in veris saxatilibus numerat Galenus: quare molli fragiliq; carne fuerit, optimiq; succi, sed de marina loquitur. Athenæus tamen gobios similes esse perca scribit, qui succi bonitate veris saxatilibus pares non sunt. Ius ex percis aluum mollit. Coërcent carcinomata, percarum capita falsarum, efficacius si cineri earum miscetur sal, & cunila capitata, oleoq; subigantur, inquit Plinius. Optima redditur, si farina conspersa in fartagine frigatur, vel in craticula assatur: nam elixa tota diffluit.

Libro 3. de sc.
cult. aliment.

Lib. 32. c. 178.

De Channa.



CAPUT IX.

S P E V S I P P V S apud Athenæum percam, channam, phycidem similes esse dicit: quamobrem cognita perca, reliquæ facilius cognoscentur. Dicitur à Græcis χάνη & χάνη, vtrumque enim nomen reperiō: nam à verbo χάνω, quod significat hio, deducitur. χανός, & per pleonasmum τῶν, vel dicitur χάνος vel χάνος, vel χάνη & χάνη: vtroque enim genere pro pisce sumitur: à verbo autem χάνω deducitur, quod semper ore hiantē sit, vnde à Gaza hiatula vertitur. Eandem ob causam ab Epicharmo dictas fuisse channas μεγαλοχέμυρας opinor, id est, multum hiantes. à Massiliensibus, nostratibus & Hispanis *ferran* dicitur, à quibusdam *thanna*. Channa piscis est pelagijs, autore Aristotele, nihilominus saxatilis similis, & cum saxatilibus ab Oppiano numeratus, lupum corporis habitu referens, & oris scissura. Maxillam inferiorem superiore prominentiorem habet, ob quam causam ore ferè semper est aperto. Dentes acutos, oculos paruos. Pinnis, cauda, aculeis, branchiis, internisque partibus

Libro 7.

Lib. 8. de hist.
anim. cap. 13.

Lib. 1. ἀλιευ-
τικῶν.

cæteris saxatilibus est similis, sed ventriculo est maiore & laxiore, colore est vario, dorsum ex rubro nigrescit, lineæ à capite ad caudam ductæ rufæ sunt. Cauda maculis rufis notata, item pinna à podice ad caudam. Pinna dorsi rufa est. Inde Aristoteles, citante Athenæo ποικιλέρυθρον μέλανον appellauit, & ποικιλόχρουν, quod partim nigro, partim rufo, siue rubefcente colore variata sit. Adhæc cum permultas viderimus & dissecuerimus, omnes vuluas habere comperimus, & sæpius ouis, sed non multis plenas, quòd omnes fœminæ sint, vt annotauit Aristoteles. Quæ omnia mihi fidem faciunt nos channam veterum hîc proponere: quanuis Massilienses piscem alium isti similem channam vocitent, & stagni quod lingua nostra *martegue* dicitur, accolæ pisciculum alium *canadelle*, quod fieri propter similitudinem reor, & hos pisces cum channis confundi, quemadmodum in turdis, quorum plura genera recësuimus, vsuuenit: quos omnes comuni nomine *turdo* appellant. De channa Ouidius: *Et ex se*

Concipiens channe gemino fraudata parente est.

Et Aristoteles Pliniûsque locis capite de erythrino citatis prodiderunt, channas omnes fœminas esse, quòd omnes vuluas habeant, nullæ feminis vasa, quibus mares à fœminis discernuntur, quod omnes grauidæ capiantur. Verùm qui fieri istud possit, non sine causa quis dubitauerit. quemadmodum & de phoxinis, de quibus Aristoteles LIB. VI. de animalium historia. Formantur oua per coitum in iis, qui venere vtuntur: fiunt & sine coitu, ostendunt id fluuiatilium quidam: nam statim atque nati sunt, propè dixerim, & parui adhuc phoxini oua habent. Iam verò perdices non solum hypenemia oua, sed etiam fœcunda concipere aiunt, si quo tempore gliscunt, & ad venerem incitantur, aduersæ maribus steterint, vento inde flante. Et equas quasdam in Lusitania sine coitu parere, sunt qui affirmant. Quæ naturali & insigni animalium istorum fœcunditati tribuere oportet. sunt & mulieres tam fœcundæ naturâ, vt primo statim concubitu concipiant, vnde prouerbium, τίς δ' ἄρ' ὅτ' αὖ κακὸς ἀνδρὲς παρέρει. Parit puella etiam si malè adsit viro. Noui equidem matronas integerrimas & castissimas ex senibus & propè effœtis maritis ob naturalem fœcunditatem liberos suscepisse. Ex quibus efficitur, vt minùs mirum videri debeat in mari, in quo fœcundissima sunt animalia, erythrinus & channas ex se concipere, & sine mare oua parere, quæ postea mare diuina & procreatrice sua vi perficit, masculique vicem gerit. qua de re plura legerè potes LIB. IIII. Dicet fortasse aliquis erythrinus & channas vtriusque esse sexus, quod de leporibus terrenis credunt aliqui: quod etiam in quibusdam comperiri aiunt, vt in mugilibus, in quibus modò oua, modò lac videri ferunt. (Semen autem lac vocant) idque mihi affirmavit Ioannes Laurentius vir iam senex, & in piscandi

*Lib. 4. de hist.
animal. cap. 6.*

Lib. de piscib.

Cap. 13.

Cap. 3. & 4.


arte exercitatissimus, utpote quam & in nostro litore, & in Hispania, & in Italia exercuerit. Eam nunc in insula quæ *martegue* dicitur non procul à Massilia exercet. At huic opinioni refragatur Aristoteles, qui ova semper in iis reperiri affirmat. Verùm de hac re nihil statuo. Sed liberum cuique iudicium relinquo. Cætera que de channa dicenda sunt persequamur. Channa ex sarchophagis est teste Aristotele, cui & synodonti evenit, ut quū minores insequuntur, venter excidat, propterea quòd piscium ventriculus iuxta os positus est, nec gulam habent. Et alibi. Pisces magna ex parte gula carent, ut qui coniunctum statim ori ventriculum habeant, quocirca sæpius evenit grandibus nonnullis, ut dum per impetum insectantur minores, ventriculus in os procidat. Sola igitur causa cur ventriculus in ore channæ & synodontis, & aliorum quorundam sæpe reperiatur, non est ventriculi situs ad os, omnibus enim piscibus qui pulmonibus non spirant, quique ob id, & arteria aspera, & gula carent, id accideret. Sed voracitas & tanta cibi appetentia ut ventriculus, cui rectæ sunt fibræ ad trahendos cibos, sursum feratur & tum ob propinquum situm, tum ob laxitatem in os procidat, id quod declarat Galenus LIB. III. de facult. naturalibus, quo etiam in loco Aristotelis sententiam præfert, imò verba ipsa adscribere videtur longè quidem diffusius quàm in nostris exemplaribus legantur. Sunt hæc Galeni verba: Ergò etiam dictis patet, internam gulæ & ventriculi tunicam, cui rectæ sunt fibræ, quæ ab ore in se attrahat, esse institutam, eoque in deglutiendo tantum agere, externam verò cui transuersæ sunt fibræ, quo constringat ea quæ continet, ac protrudat talem esse factam, eandem tamen non minus in vomendo, quàm deglutendo operam suam navantem. Clarissimè subscribit iis, quæ dicimus & quod in channis, & quod in iis qui Græcè *συνόδοντες* appellatur, accidit, ut quorum ventriculus interim in ore inueniatur, veluti Aristoteles in lib. de animal. histor. prodidit, reddita etiam causa, præ gulositatē id inquiens illis contingere. Ita enim scribit. In vehementiore appetentia, ventriculus omnibus animalibus sursum procurrat, adeo ut nonnulli cum primum incipere manifestè eum affectum sentiunt, foras repere sibi ventrem dicant: alij verò cibos quos adhuc mandunt, nec dum satis eos confecerunt, eripi planè inuitis. Ergo in iis animalibus quæ naturā sunt gulosa, quibusque oris laxitas est multa, ac ventris situs propinquus, veluti in synodonte, ac channa cernitur, nihil mirum est, tum in admodum vehementi esurie, minorum piscium aliquem prosequuntur, ac iam in eo propè sunt ut comprehendant, si aviditate perurgente venter eorum in os sursum rapitur. Fieri autem id aliter prorsus nequit nisi venter cibos per gulam veluti per manum ad se trahat. Sicuti & nos præ studio aliquando nos totos unā cum manu extendimus,

Lib. 8. de hist.
anima. cap. 2.

Lib. 2. de hist.
anima. ca. 17.

quò promptius corpus quod petimus apprehendamus, ita & ventriculus cum gula, veluti cum manu vnà extenditur. Proinde in quibus animalibus hæc tria simul incidunt, vehemens nutrimenti auditas, gula parua, & oris laxitas ampla, in his paulum extensionis momentum totum ventriculus sursum in os agit. His verbis Galenus & Aristoteles apertè ostendunt causam rei, quam quærebamus, cur scilicet channis & aliis piscibus ventriculus in os excidat. Hoc loco me etiam inuitum cogit veritas vt lectores admoneam, virum alioqui doctissimum, & mihi amicissimum qui his Galeni libris annotationes aliquas in margine aspersit, lapsum esse cum channas, id est, hiatulas, concharum genus esse annotauit, similitudine nominis, vt opinor, deceptus. Sunt enim chamæ conchulæ quibus channæ nomine tantum similes, re valde dissimiles sunt, quippe quæ squamosæ sint, ex pelagijs vel litoralibus piscibus, vt initio huius capituli diximus. Channa tenera est carne, vt scribit Athenæus, durior tamen percâ, paratur vt reliqui saxatiles.

De Phycide.



CAPUT X.



Græcis *φύκις* & *φύκιον* dicitur, à Gaza *phuca*, à nostris *mole*, fortasse ob carnis mollitudinem, Hispanis *molere*, Romanis *phyco*. Audio à Neapolitanis quendam ostendi nomine *pittara*, pro phycide, quem Græci huius temporis *phocida*, Veneti *lepo* nominant.

Phycis piscis est marinus ex saxatiliū genere, colore rubescēte & vario percām & channam referens, quam ob causam *πομολόχης* dicta fuit ab Aristotele, vt autor est Athenæus. Anteriore corporis parte tincam fluuiatilem imitatur, posteriore soleam ob tenuitatem & pinnarum situm, quibus veluti cinctā est. Vnde *ἀκανθοσέφη*, eodem Athenæo teste, cognominauit Aristoteles, id est, spinis coronatam.

lib. 7.

Arist. lib. 8.
de hist. anim.
ca. 30. Phil. lib.
9. ca. 26.

Quæ tamen appellatio illi cum multis aliis piscibus communis est. Mutat colorem phycis, reliquo tempore candida, vere varia. Nam summum caput ex nigro rubescit, pars inferior ventrem spectans, tinca

tincta colore est. Pars corporis posterior nigrescit. Pinnæ duæ, quæ sunt ad branchias, rubescunt. Ore est magno, dentibus paruis. Labiis caret, vt chæna. Oculis est magnis, aureis. Barba ex vnico pilo ex summo inferioris maxillæ propendit. Paulò infrà pili duo longissimi pendent loco pinnarum ventris. In dorso primum pinnam habet paruam & diuisam, mox sequitur altera, membrana connexa, quæ ad caudam vsque protenditur: huic similis est alia, à podice magno, & in medio ferè corpore sito, ad caudam vsque. Ventriculum longum habet, appendices quindecim, hepar magnū lactei coloris, à quo longa fellis vesica pendet. intestina lata, replicata, branchias magnas. lapides in cerebro, quemadmodum asellus aut lupus. Ex his ego colligo veram phycidem hinc expressam esse: quæ quanquam ad faciendam fidem satis esse possint, tamen multò magis sententiam hanc meam confirmaui, cum in media alga nidificantem vidi, id quod sola phycis facit testibus Aristotele & Plinio. Phycis piscium sola nidificat ex alga, atq; in nido parit. & id certissimum esse piscatores multi obseruarunt. Quòd autem solam nidificare aiunt in alga, id falsum esse cōperit Gulielmus Pellicerius Monspeliensis episcopus, vir in rebus peruestigandis diligentissimus & perspicacissimus, qui gobiones & hippocampus in alga oua ponere & parere animaduertit. Est & hinc corrigendus error illius, qui Oppiani ἐλιθιδίων versibus Latinis expressit. sic enim Oppianus L I B. I. ἐλιθιδίων.

Lib. 8. de hist.
animal. c. 20.
Plinius lib. 9.
cap. 26.

Καὶ χίχλαι ραδιναί, καὶ φυκίδες, ὡς ἀλγῆς
Ἄνδρὸς ἐπ' αὐτοῖσι τὸν γινώσκοντος ἡδὲ δέξασθαι.

Sic verò interpret: *Turdi que virentes,
Phycides Eunuchi vero de nomine dictæ.*

Quàm ineptè contra mentem Oppiani tributum sit phycidi eunuchi epitheton, sciunt omnes, quibus phycis penitus sit cognita: nam & parit, & partus huic maiori curæ est, quàm reliquis, quippe quæ nidum in alga sibi paret & struat: quæ igitur eunuchi nomen rectè competere potest? Quare ne per somnium quidem id Oppiano in mentem venit. sed recensens pisces, qui circa saxa, vel in saxis versantur, phycidibus subnectit eum quem initio libri huius ἀλφειῶν à Græcis, à Plinio cynædum nominari ostendimus, quem per periphrasim cum aliis saxatilibus numerat Oppianus, vt sit is sensus:

Phycides, & cui


Piscator mollis nomen dedit esse cynædi.

Nunc supersunt duo expendenda, sit ne idem piscis φυκίς & φυκιδίων. φυκίς & φυκίς. Ac primum φυκιδίων nihil aliud esse quàm paruam phycidem nomen ipsum indicat: vnde Gaza LIBRO VI. de historia animal. pusillam phucam vertit, neque iis assentior, qui phycidion eum piscem esse putant, qui à nobis capelan dicitur, ideo

quòd is veluti phycis è mento pendentem barbam habeat. Sed qui diligentius verba Aristotelis expendet, falli istos iudicabit: sunt autem
ibidem. hæc Aristotelis verba. Pisces qui oua edunt, semel pariunt anno, præter pusillas phucas, quæ bis pariunt anno. Differt autem mas phycis à fœmina, quòd & nigrior sit & squamis amplioribus. Atqui is qui vulgò *capellan* nominatur, piscis est læuis, & minimè squamosus. Ex quibus necessariò efficitur phycidion siue diuersa sit à phycide species, siue eadem, non posse esse eum quem *capellan* dicimus. Ergo phycidion à phycide ætate tantum, & magnitudine differre puto. Deinde
Lib. 8. *φυκίνα & φυκίδα* diuersos pisces facere videtur Athenæus, cuius hæc sunt verba. καὶ τῶν περὶ αἰῶν ὁ φυκὶνὸς καὶ ὁ φυκὶς ἀπαλάττωτα ἰχθύδια ὄντα, ἄβρωμα καὶ σφραγῖς ἐστίν. Ex saxatilibus phycen & phycis tenerrimi sunt pisces, virus non resipientes, & corruptu faciles. Phycis inter saxa degit, non solum alga vel musco, sed etiam carne: nam squillas appetit autore Aristo. & in eius ventriculo non squillas modò, sed & lorigines, & pisciculos alios inueni. Phycis eadem bonitate est, qua catenari saxatiles autore Galeno, simili quoque modo præparatur.

*Lib. 8. de hist. anim. cap. 2.
 Li 3. de alim. faculi.*

De Anthiæ prima specie.



CAPUT XI.



ANTHIARVM diuersa genera apud veteres auctores reperio, manifestam vel integram descriptionem nullam, sed notas quasdam duntaxat, & harum nonnullas inter se pugnantes, vt ex sequentibus perspicuum fiet. Adhæc de anthia alij ita scripserunt, ac si vnica esset piscis species. alij quatuor species constituerunt. Ex quibus fit vt nominibus abundemus, rerum verò notitia nobis desit. Nihil est autem in omni genere perniciosius quàm nominum tantum peritum esse, rerum verò ipsarum inscium. Quamobrem quanta maxima potui diligentia, anthiarum species diu peruestigavi, easque quæ mihi notæ sunt, hic exhibeo, ei qui certiora & meliora inuen

inuenerit, magnam habiturus gratiam. *Ανθίας* dicitur à Græcis & *ἱερὸς ἰχθύς* teste Aristotele. quo loco, inquit, anthias sit ibi nulla beluam esse, quo indicio vñ spongiarum piscatores vrinantur, & ob id sacrum piscem hunc nominant. At hæc appellatio illi cum multis aliis communis est. Nam Pompilus, delphin, mullus, & plerique alij pisces sacri dicti sunt. Dicitur & *καλλιχθύς*, id est, pulcher piscis, & *καλλιόνυκτος*, id est, pulchri nominis. At vranoscopus Athenæo & Plinio testibus sic cognominatus est. Vocarunt alij *ἐλποπα*, sed est etiam piscis alius, *ἐλωψ*, qui squamas ad os versas habet. Hicelius à quibusdam *λύχον* dictum fuisse ait, nisi quis pro *λύχον*, legendum esse censeat *λάχον*. Est enim species anthiæ alba, neque enim nomen *λύχον* cuiquam piscium tributum reperias. nam qui à nobis Latine lupus dicitur, non *λύχος*, sed *λάβραξ* dicitur à Græcis. Postremò dicitur ab Aristotele *αυλωπίας*, quem locum non satis expressit Gaza. *τίτλη ὁ καὶ ὁ αὐλωπίας (ὁ καλλιχθύν αὐλωπία) τὸ θέρους*. id est, parit etiam æstate aulopias, quæ vocant anthiam. Oppianus verò *αυλωπὶν* quartam speciem anthiarum facit. Sed de nominibus satis. Nunc eum anthiam quem primi generis esse suspicor describamus. Is est colore similis pagro, vel cynædo, scilicet rubescente, vnde Oppianus *ξανθὸν* appellat, eadem significatione qua *ξανθὸς ἐρυθρένους*. Pinna statim à capite ad caudam ferè vnica, rufa, cuius aculeus primus longus & robustus, ad branchias pinnae duæ rufæ. In ventre duæ aliæ multò longiores & tenuiores eiusdem coloris à podice ad caudam ferè alia etiam rufa. Cauda rufa in duas pinnas longas desinens, caput rotundum, non compressum, varium: rostrum non prominens. is est qui à nostris *barbier* dicitur. Oppianus scribit Anthiarum genera in saxis habitare, ea tamen aliquando deserere explenda gulæ gratia, voraces enim & gulosos esse, dentibus tamen carere. eius verba sunt.

Ἐξοχα γὰρ περὶ πάντας ἀθηφάγος οἶτρος ἐλάυνει

Κείνος καὶ νωδόνωρε ὑπὸ τρυμνῷ χῶρον ἔχοντας

Quæ sic conuerto:

Supra alios omnes ciet insatiata libido

Ventris, non etiam munito dentibus ore.

Νωδὸς enim inquit Suidas, est ὁ μὴ ἔχων ὀδόντας. At his repugnant quæ ex Aristotele profert Athenæus lib. v. *Αριστοτέλης ὁ καὶ καρχαρὸδοντα εἶναι τὴν καλλιχθύν, περιτράγοντε καὶ σωμαγελαζόμενον*. Aristoteles ait anthiam (nam ex præcedentibus liquet *καλλιχθύν* hic pro anthia summi) ferratis esse dentibus, & carniuorum & gregalem. Carniuoros dentibus præditos esse constat, cæteros qui luto, stercore, aqua viuunt minimè. Quare si Oppianus qui anthias voracitate alios superare scribit, eisdem etiam intelligat carniuoros esse, vt reuera sentire vide-


tur LIB. III. cū scribit anthias capi percis & coracinis in antra, in quibus latitant demissis, ipse secum pugnare videretur, nisi quis aliam Oppiano interpretationem affingat vt per *ανδρπερ ὑπὸ σόμα χίρπον ἔχοντες*, regionem oris internam dentibus vacuam, id est, palatum & linguam, quibus infixi sunt dentes in multis piscibus, ceterum in maxillis ferratos inesse dentes reliquorum saxatilibus modo. Quæ interpretatio mihi curiosior quàm verior videtur esse: nam idem Oppianus scribit LIB. III. anthiis *σόμα* esse *δοσολον*, id est, inerme. Vteruis verum dicat, is quem depinximus ferratis est dentibus & paruis. Est & alius scrupulus qui non minùs nos torquet: nam Ouidius de anthia hæc prodidit in halieutico suo:

*Anthias his tergo qua non videt vitur armis,
Vr̃m spina nouitque sua, versùsque supina
Corpore lina secat, fixumque intercipit hamum.*

Idem Oppianus LIB. III. Plinius autem & alij capto anthiæ non id tribuunt, sed aliis non captis. Eius hæc verba sunt. Anthiæ cū vnum hamo teneri viderint, spinis quas in dorso ferratas habent, lineam secare traduntur, eo qui tenetur extendente, vt præcidi possit. Et Ælianus. vt homines fidi & commilitones veri, perinde pisces inter se vliscuntur, quos anthias nominant, ex his quilibet cū nouerit conuictorem suum captum esse, celerimè adnare festinat, ac dorsi sui nixu ad eum inhærescit. Idem Plutarchus in libello cui titulum fecit, An terrene bestię aquatilibus sint prudentiores, scribit anthiam captiuo anthiæ succurrere, reiectumque in humeros funiculum surrectis aculeis rescare, spinæque suæ asperitate refringere. Plinius ferratam spinam anthiæ tribuit, alij non ferratam, sed asperam & acutam, quam Oppianus *δξύπρωρον* appellat. At ferratam spinam siue aculeum in paucis piscibus obseruauit, vt in pastinaca, & eo quem elephantem vel ibin vocant. Noster verò anthias non ferratam sed asperam & acutam spinam habet. Quanam arte capiantur anthiæ, fusiùs discas ex Plinio & Oppiano. Hicesius apud Athenæum scribit anthiam esse *χρυσρόδην*, καὶ δὲ *χρῖλον*, καὶ δὲ *ἐκκρίλον*, καὶ δὲ *σόμαχον* ὁ. Qui locus aperte mendosus est, quid enim significare potest *χρυσρόδης*? Neque *χρυσρόδης*, id est, cartilagineus dici potest: nam anthiæ ex cartilagineis non sunt. Puto igitur legendum *ερυθρόδην*, vel *ἐρυθρον*: est enim erythrino vel pagro colore similis, & eiusdem cum his generis esse autor est Hicesius. Est igitur anthias rubescens siue rufus, boni succi, excretu facilis, stomacho non gratus. Quæ notæ huic nostro anthiæ competunt,

De An.

De Anthiæ secunda specie.




CAPUT XII.



ANTHIAE Rubescenti subiungit Oppianus, anthiam ^{Lib. i. ἀλις τικωρ.} ἀργεννόν, id est, album & splendidum. Quis autem is sit, me nondum planè scire fateor: nam quem capiti huic præfixit, suspicione quadam tantùm motus anthiam album esse putò: vtpote quo candidiorem splendidiorémque nullum vnquam vidi. Est enim lævis & sine squamis, quem nostri *capelan* nominant, à raso, opinor, & glabro, & ob id candido sacerdotum capite, quos *capelans* lingua nostra appellamus. Est autem pelagius piscis non saxatilis, ad afellorum genus accedens, sed paulò latior. Molli est & tenera carne, bonique succi. Anno 1545. tanta huius piscis captura fuit in nostro litore, vt duos totos menses piscatores nullum ferè aliud piscis genus ceperint, magno suo incommodo. Cùm enim piscis hic neque sale condiri, neque exiccatus seruari possit, cogeantur effossa terra obruere, ne fædo corruptorum piscium odore à litore arcerentur.

De Anthiæ tertia specie.




CAPUT XIII.



PERTIVM Anthiæ genus Oppianus nigrum facit, ^{Lib. i. ἀλις τικωρ.} τὸ δὲ ῥιζόν αἷμα κελαίνοι. Anthiæ tertij generis sunt atro sanguine fusci. Quod non ad piscis sanguinem sed ad totius corporis colorem referre oportet, quem per atrum sanguinem nigrum. siue

purpureum exauratum, siue indicum intelligit. Qui color à Gallis dicitur *violet obscur*. Affirmare ausim huius generis piscem esse eum, quem hîc exhibemus. Est enim saxatilis, totus purpurei coloris vel indici, corporis forma scaro vario similis, corpore longo, cauda crassa, ferratis & acutis dentibus. Labra habet, oculos admodum rotundos, purpureos & rubros. Podicem magnum, è quo intestinum rubro viridique distinctum excidit. Partibus internis ceteris saxatilibus similis est. Est carne tenera, fragili, sicca, optimique succi.

De quarta Anthiæ specie.



CAPUT XIII.

Lib. I. αλιων
τικων



VART A Anthiæ species Oppiano dicitur *Αωπός & αλωπός*. *Αωπός*, quod bonis sit oculis, & optima visus acie. *αλωπός* autem cur dicatur, non perinde apud omnes constat: sic verò Oppianus,

Ἄλλως δ' Ὀωπός τε καὶ αλωπός κελεύουσιν
Οὐνεχθ' τοῖς χειρὶ πτερθεν ἐλαιοσπομένη καὶ κύκλον
Ὀφρὺς ἠερόεσσα περὶ δ' ἰσχυρὸς ἐστὶ φάνω).

Quæ sic vertit interpretes.


Euopos atque aulopos hoc nomine dicunt,

Nanque supercilium circum referatur in orbem.

Quæ cùm prima fronte satis obscura sint, significare mihi videatur, ideo aulopos dictos, quod oculi in orbem veluti supercilio rotundo, obscuro vel nigro cincti sint & coronati: quod fit ut caui & sint & videantur oculi. *Αλωπός* igitur *χειροφθάλμους* intelligit, id est, caui sive profundis oculis, quibus præditi acutè cernunt: contrà, quibus oculi prominent: vnde & *Αωπός* dicti sunt, quod acie oculorum valeant. Neq; mihi probantur quæ hoc in loco scholiastes annotat, nimirum *αλωπός*, *μαίρη* *ἐχόντας ὀφθαλμούς διὰ τὸ αὐλός*, id est, qui oculos longos habeant tibiae instar. Quanvis interpretationem hanc appro

approbet & sequatur Cælius Rhodig. qui LIB. XII. lectionum anti-
quarum scribit aulopis oculos esse, cuiusmodi sunt pagurorum, nec-
non astacorum, quibus proprium est forinsecus oculos protrudere
inspectandi causa. Quæ demiror quomodo in mentem venerint do-
cto & variæ eruditionis viro, cum nemo vnquam aut viderit, aut ob-
seruarit, aut audierit vllum esse ex squamolis piscem, cui sint oculi
prominentes, vt locustis & astacis, quos cum velit, possit protrudere &
recondere. Quare priorem interpretationem, doctis omnibus longè
magis probatam iri spero, qua caui & veluti corona nigra cincti di-
cuntur aulopi oculi, & ideo acutè cernentes: alteram verò quæ pro-
minentes oculos tribuit, falsam & planè reiiciendam. Hæc nota
quam diximus, cum huic, quem oculis subiicimus, maximè conue-
niat (habet enim supercilia nigra oculos ambientia) quin anthias sit
quarti generis non dubitamus.

De Exocæto.



CAPUT XV.

QUANTUM VAM Plinio rarus videatur exocætus Lib. 9. cap. 19.
(nam miratur Arcadia, inquit, exocætum suum)
tamen visum est eum cæteris saxatilibus subnectere,
tum quòd omnium sententia saxatilis sit, tum quòd
in nostro litore nonnunquam reperiatur, & in saxis
stertentem aliquando viderimus. Multi sunt pisces, qui peculiares
locis quibusdam esse dicuntur, qui tamen in aliis etiam locis repe-
riantur. Sic scarum dixit Columella nunquam per Gallias enauisse
ad Ibericum mare, qui tamen in nostro mari reperiatur: sic exocæ-
tum non solum in Arcadia, sed in nostro etiam mari videas. Duo illi
à veteribus posita sunt nomina: nam *ἐξώχσιλος* & *ἀδωνίς* dictus est, re-
stibus Plinio & Oppiano. Nullum huius vulgare nomen comperi, sed Lib. 9. ca. 19.
communi tantum saxatiliu nomine nuncupatur. Exocætus ab eo Lib. 1. ἀλις =
quòd in siccum somni causa exeat, vt scribit Plinius. Oppianus. ἰκῶν.
Ibidem.

Ἄλλοι δ' ἐξώχσιλον ἐφημῆσαν, ἐν ἐξώχσις
Ἐκίος ἀλὸς τιθεῖ, μένος δ' ἐπὶ χέρσιν ἀμείβει.
Multi exocætum dicunt, quòd prosiluit undis

In litus, sicca ponens tellure cubile.

Libro 8.

Athenæus, Τένονα μὲν εἰληφε διὰ τὸ πολλάκις τὰς ἀναπνοὰς ἐξω-
 τὴν ὕψος ποιεῖν, quod sæpe extra aquam quiescat. Piscis est semipe-
 dali magnitudine, forma terete, ὑπόπυρρος secundum Athenæum.
 ξανθὸς secundum Oppianum, id est, colore aureo, partibus quibusdam
 virefcente, aliis magis rubefcente. A brachiis ad caudam lineam can-
 didam, continuam habet. Corpore similis est mænis iam fœtis, aut go-
 bionibus. Paruas habet branchias: qua de causa Plinium dixisse credi-
 derim circa Clitoriū vocalem tradi, & sine branchiis, quod fieri non
 potest: sed qui branchias breues, imperfectas, nec valde manifestas ha-
 bent, iis carere existimantur, veluti hippocampo propter paruitatem
 & situm deesse videntur. Cur diutius in sicco viuat, in causa est quod
 aëris magna copia, à qua suffocari possit, affatim non trahatur ob
 branchiarum structuram. Qua de re fusiùs diximus LIB. IIII. cùm de
 respiratione ageremus: vocalem autē esse fabulosum est autore Pau-
 sania, qui asserit se captos quidem exocœtos vidisse, vocem verò nul-
 lam audiuisse, cùm tamen illic, vbi capiuntur, ad solis vsque occasum
 commoratus esset, q̃ eo maximè tempore vocales eos esse pisces dicti-
 tant. Hos ποικίλους appellat Pausanias, id est, varios: qua in re Athenæo
 non aduersatur, qui ὑπόπυρρος vocat, neq; Oppiano, qui ξανθός. Nam
 Athenæus, qui ὑπόπυρρος appellat, eisdem lineam albam à branchiis
 ad caudam tribuit, qua ratione varij etiam illius sententiā dici pos-
 sunt. Idem Athenæus ex Clearcho multa notatu digna de exocœto
 profert, quæ Leonicus vtriusq; linguæ peritus, & in philosophicis fe-
 liciter versatus in libro historiarum suarum Latina fecit, his verbis:


Libro 8.

Libro 8.

Exocœtus piscis est, quem nonnulli Adonidem appellant, ideo sic
 nominatus, quoniam somni causa sæpius ex humore in siccum exeat,
 colore autem est subrufo, & ab ipsis branchiarum initiis, ad extre-
 mam vsque caudam virgulam vtrinque albicantem continenter ha-
 bet, formaverò est rotunda, minimèq; expansa, & magnitudine haud
 ferè absimilis mugilibus iis, qui litorei appellantur, quos octonûm
 maximè digitorû longitudinem planè adimplere percepimus, & ad
 summam pisci illi perquàm similis esse videtur, quem hircumvocant,
 nisi quòd illi ventre supino nigricans quædam subest macula, quam
 hirci barbam appellant. Est autem exocœtus ex saxatiliu genere
 piscium, & circa scopulos ferè & lapidosa degit litora, qui pacato
 tranquillòq; mari in summis elatus vndis, & illarum sensim applausu
 in nudis expositus cautibus, in sicco diutius conquiescit, seque ad so-
 lis radios subinde conuertens immobilis manet. Cæterum post-
 quàm tantum eo loci, quantum sibi satis visum est, conquieuit, rur-
 sus mare versum cylindri more volutatur, donec ad primas dela-
 tus vndas extremum litus abluentes, reciproco illarum abscessu
 in

in mare delabitur. Verùm dum in siccum quo diximus modo exit, litorales maximè aues præcauere dicitur, quæ tranquillis præsertim diebus circa summa æquorum ludibundæ natant, & secundum extrema litora depascuntur. Huiusmodi sunt cerylus, trochilus, & creci similis elorius, quas sicubi conspiciatus fuerit exocætus, non sensim, vt diximus, cùm nullus subest timor, ad marinas volutatur vndas, sed crebrò festinans saltu in pelagus sese demergere prope- rat. Hactenus Athenæus de exocæto, cui omnes attributæ notæ, cùm maximè in hunc nostrum nec in nullum alium, quem vidisse aut audisse contigerit, competant; non dubito quin veri exocæti eco- nem hîc expresseimus.

De Gobione.



CAPUT XVI.

GOBIONVM Multæ sunt differentiæ: quocir- ca nihil mirum, si diuersi autores diuersa de his scri- pserint, & rerum ipsarum distinctio difficilior inde facta fuerit. Horum igitur, vt aliorum omnium dif- ferentiæ, sumuntur à loco viuendique ratione, à sub- stantia, à magnitudine, à colore. A loco quidem & vita, quòd go- biones quidam litorales sint teste Aristotele, teste etiam Galeno li- bro tertio de facultatibus aliment. Gobio litoralis est piscis, ex eo- rum etiam numero, qui parui perpetuò manent. Alij sunt saxatiles, vt Athenæus ex Diocle profert, cui Galenus etiam subscribit. Præ- stantissimus autem ad voluptatem, coctionem simul ac distributio- nem, & succi bonitatem est is gobius, qui in arenosis litoribus, aut sa- xosis promontoriis viuunt. His verbis perspicuè distinxit Galenus li- torales à saxatilibus. Nam inter veros saxatiles nullum manifestum discrimen ipse constituit, vt qui perpetuò in purissimo mari degant. Quare quum litorales saxatilibus præstare dicit, hos ab illis aperte fecernit. Sunt eodem Galeno autore, qui in fluuiorum ostiis, aut marinis stagnis viuunt. Præterea fluuiatiles gobiones. facit Dorion apud Athenæum, & Ausonius.

*Lib. 8. de hist.
anim. cap. 13.*

Libro 7.

Ibidem.

Gobio non maior geminis sine pollice palmis.

Substantiâ differre liquet ex iis, quæ modò ex Galeno citauimus. Hicetius apud Athenæum albos nigris præfert. Flauorum verò caro ficior est & macra. Porro alij albi sunt, alij nigri, alij flauescen-
 tes siue pallidi, quos virides non rectè appellant, vt mox docebi-
 mus. Postremò alij magni nimirum flauescen-tes, alij parui albi, alij
 inter hos medij nigri. Primùm de marino omnium maximo, & ve-
 rè saxatili. *Κωβίος* nomen est omnium commune, Latine gobio siue
 gobius, siue gouius. Numenius in *ἐλαδισιὰς* suo *κώβος* gobiones ap-
 pellauit, & Siculi testibus Nicandro Colophonio & Appollodoro
κώβωνας vocabant. Et gobij *χλωροί* dicti sunt etiam *καυλῖναι*. A no-
 stris *boulerotz*, à Massiliensibus *gobi*, à Venetis *paganelli* nominan-
 tur. Is, cuius eiconem capiti huic præfiximus, saxatilis est, palmi lon-
 gitudine, toto corpore rotundo, non compresso & spisso, squamis
 rotundis tecto, colore vario. Etenim *χλωρός* est, & dicitur, id est, fla-
 uescens siue pallidus, maculisque nigris conspersus, oculis sursum po-
 tiùs quàm deorsum spectantibus. Ad branchias pinnae duas habet, in
 ventre non duas cæterorum modo, sed vnicam non diuisam, qua no-
 ta gobij maximè à reliquis piscibus internoscuntur. A podice aliam.
 In dorso non vnicam, veluti alij saxatiles, sed duas, quarum prior
 minor est, altera ad caudam vsque extenditur. Caudam latam ha-
 bet non diuisam. Labiis caret. Dentes habet paruos, os magnum, ven-
 triculum satis capacem cum multis appendicibus, hepar album, & in
 eo fel. Gobij ad litora inter saxa pariunt oua lata & friabilia, simili-
 ter & alij, quoniam tepidiora sunt litora, & plus alimenti suppedit-
 ant, & tutiora ne fœtus à maioribus absumentur. Quare in ponto
 circa Thermodoontem fluuium plurimi pariunt, tranquillius enim
 locus est, tepidus, & aquis dulcibus abundans. Gobiones aliquando
 etiam in alga nidificare dictum est priùs. Iidem alga, musco & reli-
 qua euanescente materia viuunt, vt Aristoteli placet. Gobij, qui *χλω-
 ρός* dictus est, de quo hîc loquimur, caro, inquit apud Athen. Hicetius,
 friabilis est & macra, succum paucum & tenuem suppeditat, ma-
 gis autem nutrit propter magnitudinem. Diocles ait saxatilem go-
 bium mollis esse carnis. Et Athenæus: Gobij *χλωροί* sicci sunt & mâ-
 cri. Præparatur aliorum saxatiliùm modo. Hæc de gobionum dif-
 ferentiis & prima eorum specie, qui *χλωροί* vocati sunt: quibus finem
 faceremus, nisi scrupulus eximendus esset, qui nonnullos impulit, vt
 crederent, eum quem depinximus gobionem *χλωρόν* non esse. Tota
 autem difficultas in nominis *χλωρός* significatione vertitur. Cùm
 enim Galeni, Dioscoridis, & aliorum veterum interpretes *χλωρόν* vi-
 ride conuerterint, hic verò noster gobius minimè viridis sit, sed fla-
 uus siue pallidus, concludunt eum gobionem *χλωρόν* esse non posse.

Quibus

Atbe. lib. 7.

*Lib. 6. de hist.
animal. c. 13.*

*Lib. 8. de hist.
animal. c. 2.*

Lib. 7.

Lib. 8.

Quibus respondemus, χλωρόν non semper viride, sed ex flauo viridescens, vel ex viridi flauescens significare: qualis est color in fegetibus messis tempore, infelici & macro solo natis, aut humoris penuria laborantibus, ex viridi enim flauescunt. Eundem colorem exemplis aliis illustrauimus libro secundo. Deinde χλωρόν non solum in hac significatione, sed etiam pro pallido usurpari autor est Galenus Cap. 13. in commentariis in librum secundum Hippocratis de ratione victus in morbis acutis. Ἀλλὰ μὴ καὶ ἐκ κρεμῆος δοκεῖν τὰ ἀσπλάγχνα τοῖς ἐνδεῶς διατηθεῖσι φησὶ, καὶ ἔρειν θερμὸν καὶ χλωρόν. Θερμὸν λέγων δηλονότι, τὸ σωήθους θερμότερον. Χλωρόν δὲ, καὶ τῶν ἐπὶ τῇ ἀστίας ἐλλύων ἔθος, ὃ ἐστὶ καὶ νῦν διασσωζόμενον. Ὡς γὰρ τινες ἰδόντες ἑρωτῶσι τὴν αἰτίαν, διὰ τί ἔτι γεγόνασι χλωροί, μηδὲν διαφέρειν ἡγούμενοι χλωρόν ἐπείν καὶ ὥχρον. Ὁρακέναι δὲ τὸν δέ τινα χλωρότερον ἑαυτοῦ φασὶ, καὶ ὥχρότερον ἔτι δηλοῦντες. ἐστὶ δὲ ὥχρον χρώμα κατ' ἀλήθειαν τοῦτον, οἷον πῦρ, καὶ ὃ τὸ καλυμμένης ὥχρας, ὀξυμοχλῆος καὶ τὸ προσωχλῆος τὸ πρώτης συλλαβῆς. καὶ γίνεσθαι τοῦτον ἐπιμυγνυμένης τῷ ὕδατι δὲ περιττώματι, καὶ ὥχρος τε, καὶ πικρὰ καὶ ξυμῆς ὀνομαζομένης χολῆς. ὅθεν γὰρ τὸ ἐρυθρὸν χρώματος ἐπὶ ὃ λευκότερον ἀποκεχώρηκε ὃ ξυμῆς, τοῦτον τὸ ἐπὶ ὥχρον. Hactenus Galenus, qui quauis χλωρόν interpretetur ὥχρον, adhibito etiam exemplo bilis flauæ cum aquoso excremento permixtæ, quæ permixtio colorem viridem non efficit, sed flauæ & nigri permixtio, tamen Latinus interpres à vulgari significatione non recessit, & χλωρόν viride conuertit; non satis aptè gradum coloris quem Galenus declarat, exprimens. Rectius Linacer qui LIBRO VII. methodi med. CAP. VII. locum Hippocrat. ex LIB. I. de ratione victus in morbis acutis à Galeno citatum sic interpretatus est. Κρεμῆος δοκεῖ ἀντιστῆναι τὰ ἀσπλάγχνα, καὶ ἔρειναι θερμὸν καὶ χλωρόν. Suspensa illis viscera videntur, & calidum pallidumque mingunt. Sic igitur Galeni locus conuertendus fuit. Quinetiam suspensa esse viscera iis videri ait, qui parcius cibum sumpserunt, eosque calidum & pallidum meiere. Calidum intelligens solito calidius χλωρόν verò, id est, pallidum secundum quandam Asiaticorum Græcorum consuetudinem, quæ etiam nunc seruatur: quum enim pallidos aliquos vident, causam quarunt cur ita χλωροί facti sint, nihil interesse rati, an χλωρόν dicant an ὥχρον, id est, pallidum. Vidisse autem aiunt aliquem seipso χλωρότερον pallidiorum volentes dicere. Est autem pallidus color reuera, qualis est ignis color. & ὥχρας vocatæ, cuius prior syllaba in pronuntiatione acuitur, & fit is color bile quæ pallida siue amara siue flaua dicitur cum aquoso excremento permixta. Quantum enim à rubro colore ad candidum abscedit flauus, tantum à flauo pallidus. Vides, vt Galenus χλωρόν pro ὥχρον sumi dicat, & ne qua in χλωρόν significatio ne sit ambiguitas, ὥχρον id esse docet, quod à flauo ad candidum re-

Cap. 78.

cedit. Eiusdem τῆς χλωρῆς significationis ignorātia multos impulit, vt crederent nos optima myrrha carere, omnēque quę ad nos aduehitur vnā cum medicamentis, quę eam recipiunt, esse reiiciendam, quod nulla subuindis reperitur. Sic enim Dioscoridis interpres Ruellius ὑπόχλωρον conuertit. cū subflauam dixisse debuisset: talis enim myrrhæ laudatissimæ color est. Dioscorides libro primo cap. de myrrha. Πρωτὴν δὲ ἡ βωγλοδυτικὴ καλαμύκη, ἀπὸ τῆς γενέσεως αὐτῇ χόρας, ὑπόχλωρος καὶ διηκτικὴ ὕδατος, διαλύης, id est: omnium prima est quę troglodytica appellatur, accepto cognomine à loco in quo prouenit, subflaua, mordens ac splendens. His accedit Phauorini testimonium. Χλωροὶ ταυτὶν ἐστὶ τῶν ὀχρεῶν. δὴ καὶ τῶν ὀχρῶν παράγωγος. τινὲς φασὶν ἐκ τῆς χλωρῆς μεταδίδωσθαι τῷ ω, καὶ ἀπελάδωσθαι τῷ λ, ἀποτελεσμα δὲ τοιαύτης ἐν ποταμῷ χλωρότιλος φυγὴ, id est, χλωροὶ idem quod ὀχρεῶν, id est, pallidi. quare etiam dictionem ὀχρεῶν, ex dictione χλωρός deductum esse nonnulli affirmant, transpolita litera ω, & sublata λ, effectus huius in bello palloris est fuga. His satis comprobatum esse arbitror χλωρόν pro eo gradu coloris sumi, qui aliter pallidus, siue flauescens, vel subflauus à Latinis dicitur, aliter à Græcis ὀχρεῶν vel ὑπόξανθος. Et ea significatione gobionem χλωρόν à veteribus dictum fuisse contendo, qualis est hic, cuius iconem oculis subiecimus. Non tamen negarim pro viridi & herbaceo colore, sed diluto etiam à veteribus nonnunquam usurpari, vt Aristoteles in libello de coloribus usurpasse videri potest. cuius verba ideo libentiùs abscribam, quod ex iis facillè colligi possit, cur χλωρόν non solum pro viridi, sed etiam pro pallido siue subflauo sumatur. Ἐν παντὶ δὲ τοῖς φυτοῖς ἀρχὴ τῶν ποῦδες ἐστὶ τῶν χρωμάτων. καὶ γὰρ οἱ βλαστοὶ, καὶ τὰ φύλλα, καὶ οἱ καρποὶ γίνονται κατ' ἀρχὰς ποῦδες. Ἰδοὺ δ' αὖτις τὸτο καὶ ἐπὶ τῶν ὑομβίων ὑδάτων, ὅπως αὖν παλαιοὶ χροὸν συστῇ τῷ ὕδατι, πάλιν ἀποξηραίνοντι γίνονται τῷ χρώματι ποῦδες. καὶ λόγον δὲ συμβαίνει καὶ τῷ πρῶτον ἐν παντὶ τοῖς φυτοῖς τὸτο συνίστασθαι τῶν χρωμάτων. τὰ γὰρ ὕδατα πάντα χροίζονται, κατ' ἀρχὰς μὲν γίνονται χλωρὰ κεραυνώματα, ταῖς τῆς ἡλίου ἀκταῖς καὶ μικρὸν δὲ μελαίνονται, πάλιν μὲν γίνονται τῷ χλωρῷ, γίνονται ποῦδη. τῷ γὰρ ὑγρῷ, ὡς περ εἰρηλαί, καὶ ἐμὸν παλαιώματα, καὶ κατὰ ξηραίνοντα μελαίνονται, καθάπερ καὶ τὰ ἐν ταῖς δεξαμεναῖς χρομάματα. Καὶ γὰρ τῶν ὕδατων ὅσα μὲν ἐστὶν αἰεὶ καὶ ὕδατος, ταῦτα μὲν ἀπαντα γίνονται μέλαινα, διὰ τὸ καὶ αἰεὶ μὲν ξηραίνεσθαι διαφυγόμενον τῷ ὑγρῷ. ὅσα δὲ ἀπαλλέμενα ἡλιοῦται, τῷ μὲν ποῦδες γίνονται διὰ τὸ ξηρὸν τῷ μέλανι κεραυνώματα, τῷ δὲ μελαίνῃ τοῦ ὑγροῦ μελαίνονται. τῷ ποῦδες γίνονται κατὰ χροὸς ἰχυρῶς, καὶ παρὰ τῆς δὴ καὶ πάλιν οἱ βλαστοὶ πολλὰ μετὰ τὸν ὕδατος ἐκείνου μέλαινα, οἱ δὲ ξηρότεροι διὰ τὸ μὴ πᾶσι τῷ ὑγρῷ ἐν αὐταῖς μελαίνεσθαι. Plura sequuntur quę ad id quod volumus demonstrandum pertinent, sed quia vereor ne in his citandis prolixior sim, ad ea studiosum lectorem remitto. Primum igitur quum dicit plantas omnes initio ποῦδες esse, id est herbacei colo-


coloris, id de colore herbaceo diluto, nec dum exaturato, sed in quo flauī aliquid insit. intelligi liquet ex iis quæ consequuntur, quum dicit ramulos recentiores veteribus flauiores esse, causamque cur id fiat exponit. Item ex eo quod ait humidum nisi splendore & radiis solis illustretur, illisque permisceatur, candidum manere, nisi inueterascens, & siccescens prius nigrum redditum sit, ob eamque causam omnia ex plantis quæ supra terram sunt, primum *χλωρά* fieri, quæ sub terra, alba ut radices. Hunc primum plantarum colorem aquarum exemplo declarat, quæ diutius loco vno moratæ initio fiunt *χλωρά* solis radiis permistæ, paulatim verò nigrescunt, rursus τῷ *χλωρῷ* commistæ fiunt herbacei coloris. Quod si aquas *χλωράς* virides interpretari libet, non admodum repugno, modò flauitie diluta viriditas intelligatur: nam cum dixerit τῷ *χλωρῷ* permistum nigrum fieri *πώδες*. idem aquæ exemplum persequens mox subiunxit, ὅτι *πώδες* fieri διὰ τὸ ξανθὸν nigro permistum, id est, herbaceum colorem fieri flauo cum nigro commisto: maiore verò nigrore admisto fieri *πώδες καὶ χλωρὸς*, καὶ παρασίδες, id est, herbaceum exaturatum, & porracei coloris, ut differat ab herbaceo diluto de quo prius. Quæ differentia in ratione maioris minorisque tantum consistit. Iam verò coloris τῷ *χλωρῷ* gradum flauo colori affinem esse alio loco eiusdem libelli ad finem ostendit Aristoteles docens frumentum & omnia quæ à terra existunt, postremum fieri flaua. humor enim, ait, nondum nigrescens, ideo quod citius exiccetur, coloris mutationem facit: nam quod nigrescit τῷ *χλωρῷ* commistum fit herbacei coloris. Imbeciliore verò humore & semper magis ac magis euanescente, rursus paulatim fit color *χλωρός*, id est, ex viridi flauescens, postremò flauus. Quare cum τὸ *χλωρὸν* significet viride flauescens siue viride flauitie aliqua dilutum, & non exaturatum, deflexa est ad pallidum & subflauum significatio, factumque ut Græci ὅτι *χλωρὸν* pro pallido usurpauerint, quemadmodum ex Galeno docuimus. Neque solum ὅτι *χλωρὸν* colorem significat, sed etiam quia eorum quæ à terra existunt prima Germina, ramuli, folia, statim *χλωρά* sunt, id est, ex flauo viridia, διὰ τὸ τῷ προσφατὶ καὶ νεάζει sumitur, id est pro recenti & nouo. Sic dicitur *χλωρὸς τυρὸς* caseus recens, cui opponitur *ξηρὸς*, id est, siccus, Coëgit me inueteratus error prolixius περὶ τῷ *χλωρῷ* dicere, ne ob voculæ vnius malè intellectæ significationem, in rerum cognitione cæcutiamus.

DE PISCIBVS

De Gobione nigro.



CAPVT XVII.




Lib. 8.

Lib. 8. de hist.
animal. ca. 30.

ΚΩΒΙΟΝ Μέλας gobio niger, à nostris *boulerot*, à Venetis *go* dicitur. digiti est magnitudine & crassitie, corpore ferè rotundo, non compresso, priori similis ni minor esset, & nigri coloris maximè parte anteriore. Loco binarum pinnarum quæ cæteris sunt in ventre, vnica habet nigram, barbam esse diceres. Quæ nota facit vt credam hunc esse pisciculum, quem Athenæus *ζάρον* vocat, id est, hircum, cui *ἐξώγων* confert, his verbis. *Ὅτι συνόλον ὀμβρόζατος ἐστὶ τῶν κελυμνῶν ζάγων ἰχθυῖων, πάλιν τὸ ὑπὸ τοῦ τομάχου μέλας, ὃ κλέσσι τὸ ζάγου πώγωνα.* Exocætus omnino similis est pisciculo qui hircus dicitur, præter nigrum illud quod ventriculo subest, quod hirci barbam vocant. Quod hic Athenæi hircus, non possit is esse qui ab Aristotele *mcænasma* dicitur, quum scæmina scætu impleri incipit, perspicuum est ex his quæ libro quinto capite de *mcænasma* diximus: neq; enim *mcænasma* barbæ nigræ simile quid habet, sed duas in ventre pinnas, cæterorū piscium modo, neq; rotundo est corpore sed lato & compresso. At si similis sit hic hircus exocæto, rotundo corpore esse debet. Quare distinctionis gratia, alium Aristotelis, alium Athenæi *ζάρον* esse dicemus. Viuit gobius niger in litoribus & stagnis marinis. Quamobrem semper ferè sordibus oblitus capitur.

De Gobione albo.




CAPVT XVIII.



ΓΩΒΙΟΣ Albus qui à Græcis dicitur *κωβίος λευκός* omnium minimus est, non ita quidè candidus, vt cum aliorū multorum piscium candore possit cōtendere, sed quod cæteris gobionibus cādidior sit. De his Athenæus. *Ὅτι ὁ κωβίος ἀναλγῆς τῇ περὶ τῶν μικρῶν καὶ τοῦ λευκοῦ ἀπολοῖ εἶσιν*

εἰσὶν, ἄβρωμοι, ἄχυλοι, ἄπεπτοι: οἱ δὲ χλωροὶ (καλοῦνται ὃ καυλῖνα) ξηροὶ
εἰσὶ καὶ ἀλιπεῖς, id est, gobiones percis similes sunt, ex quibus parui te-
neri sunt, virus non resipientes, boni succi, concoctu faciles. Substau-
verò (vocantur etiam caulina) sicci sunt & macri.

De Scorpio & Scorpæna.



CAPUT XIX.

ΣΚΟΡΠΙΟΣ à Grecis, scorpius vel scorpio à La-
tinis dicitur, à Massiliensibus *scorpeno*, à nostris *Rascasse*.
Græci quoque huius temporis *σχόρπιον* vocant. *σχόρ-
πις* dici videtur ab Aristotele scorpius fœmina. Ve-
runtamen an iidem sint Aristoteli an diuersi *σκόρπιος* Libro 9.
& *σκορπίς* dubitat Athenæus. Ἐν περὶ ζῴων ὁ Ἀριστοτέλης *σχόρπις* καὶ
σχόρπιδας ἐν διαφόροις τόποις ὀνομάζει: ἀπὸ δὲ εἰ τὰς αὐτὰς λέγει. Aristoteles Cap. 9. & 10.
in LIB. V. de animalibus: scorpios & scorpidas diuersis in locis nomi-
nat: incertum autem an eisdem esse intelligat. Scorpionem autem &
scorpænam Athenæo diuersos esse pisces certum est. *Σκόρπανον* καὶ Libro 7.
σκορπίς πολλάκις ἡμεῖς ἐφάγομεν, καὶ ὅτι διάφοροι, καὶ οἱ χυμοὶ, καὶ ἀνχρόα
εἰσὶν ἕδεις ἀγνοεῖ. Scorpænas & scorpios sæpe edimus, & eos succo colo-
réque differre nullus ignorat. Et Hicetius, ut idem citat, ait τῶν σκορ-
πίων ὁ μὲν ἐστὶ πελάγιος, ὁ δὲ τέναγος: ὁ μὲν πελάγιος πυρρὸς, ὁ δὲ ἕτερος με-
λαίνων, διαφέρει δὲ τῇ γούρῃ καὶ τῷ σφοδρῷ ὁ πελάγιος. Scorpionum hic
pelagius est, ille lutarius (τέναγος enim propriè dicitur γῆ ἐκτεταταῖον
ὑδὼρ ἔχει, ἢ πηλῶδες ὕδωρ, inquit Phauorinus, id est, τέναγος terra est
supernatantem aquam habens, aut cœnosa aqua) pelagius rufus est,
alter nigricat. Saporis suauitate & alimenti copia præstat pelagius.
Et Plinius in piscium catalogo tanquam diuersos nominat. Scorpious Lib. 12. cap. 11.
piscis dictus est non à scorpj terreni formæ similitudine, sed quod

Libro 7. sit *πληκλιγός*, vt ex Aristotele citat Athenæus, vbi perperam *πληκλιγός* legitur pro *πληκλιγός*, id est, quod pungat & feriat venenūque effundat scorpionij terreni ritu. Est enim capite, pro corporis magnitudine, maximo, multis & venenatis aculeis horrente, ore magno, dentibus paruis, sed densis. In inferiore maxilla trianguli figuram expressam habet. In superciliorum loco apophyses duas cartilagineas, molles. Pinnae latissimas & robustissimas. Quæ enim ad branchias sunt, medium ferè corpus occupant, quæ in ventre paulò minores, quæ à podice, magna est & latissima, acutissimis aculeis nixa, quæ in dorso nouem firmissimis aculeis constat. Cauda in vnicam & latam definit. Squamis tegitur paruis, cortici serpentum quàm squamis similioribus. Branchias quaternas habet. Ventriculū magnum, apophyses in intestinis octo, hepar candidum, in eo fellis vesicam viridem, splenem nigrum, intestina lata, cor magnum. Maiore ex parte colore est rubescente siue rufo. Etenim à Plinio rufus

Lib. 32. cap. 10. dicitur, vt ab Hicefio *αυρρός*, & *κυρρός* à Diphilo. à Numenio *ερυθρός*.
Athen. lib. 7. ab Epicharmo verò *ποικίλος*, quòd maiore ex parte rufus sit, aliqua
et 8. ex parte nigrescat. Scorpion inter duræ carnis pisces Philotimus


Lib. 3. de alim. faculi. connumerat: idque approbat Galenus, qui in libello de attenuante victu, in saxatiliū penuria eundem substituit. Quum, inquit,

Lib. 8. saxatiles defunt, asellos, mullos, & alios eiusdem generis pelagios possumus exhibere, & eos potissimum qui cum sinapi manduntur, cuius generis est scorpium. Athenæus ex Diphilo. *Σκόρπιοι* διὰ δὲ πελάγιοι καὶ κέρροι ἰσοφαιότεροι τῶν τετραπόδων τῶν ἐν τοῖς ἀγλαοῖς, τῶν μεγάλων. Scorpionij pelagij & rufi magis nutriunt quàm lutarij magni, qui litorales sunt. Si scorpium paulò diutius mortuus asseruetur, tenerior redditur: quod omnibus quæ dura carne sunt euenit. Calore enim naturali qui partes continet & regit, euanescente, & colore externo in carnem agente & colliquante, humidior ea efficitur, sitque ad putrefactionem via. Quæ verò humidiora, eadem sunt molliora, & contrà quæ sicca, dura. Idem de omnibus quæ sicca sunt carne, intelligi oportet. Elixus scorpium editur ex aceto. Assus minus probandus ob duritiem. Ius ex eo aluum subducit, testibus Dioscoride, & Plinio. Iocinoris doloribus scorpium marinus in vino necatur, vt deinde bibatur, inquit Plinius. Et scorpium marinus necatus in vino, vesicæ vitia & calculos sanat. Lapis qui inuenitur in marini scorpionis cauda pondere oboli potus, ad eadem etiam valet. Qui Plinij locus mendosus est: nullus enim piscibus lapis est in cauda, sed in capite tantum. Quare pro cauda, capite legendum. Contra panos valet scorpium in vino decoctus, ita vt foueantur ex illo. fel scorpionis marini vnguium scabritiam extenuat. Idem cicatrices

Lib. 2. cap. 14. tollit. Dioscorides verò scribit marini scorpionis fel conuenire ad suffu

suffusiones oculorum, albugines & hebetudines. Iam diximus piscem
 istum *ωλνιλον* esse, quod indicat Plinius quum scribit. Sic & scor- Lib. 32. cap. 11.
 pio lædit, dum manu tollitur: tot enim aculeos habet in capite, ut sine
 noxa tractari non possit, nisi cauda arripiatur, vel duobus tantum di-
 gitis medium corporis apprehendatur. Ob id accidit plerumque, ut pesca-
 tores nostri à scorpionibus pungantur, & ex punctæ partis inflamma-
 tione dolor magnus oriatur. Puerum ab hoc pisce miserè ictum, dum
 eum in sinu recondere vellet, curavi nullo dissecto & imposito cum
 eiusdem scorpionis hepate, adhibito ad vulneris ambitum lentisco con-
 tuso. Quod ideo commemorare volui, ut scorpionis ictuum antiphar-
 maca à veteribus tradita vera esse, & à me experientia comprobata
 omnibus indicare. Principio nullum ferè venenatum est animal, quod
 veneni sui antipharma in se non contineat. Cum enim partes di-
 uersæ sint, diuerso quoque temperamento inter se aduersari necesse
 est. Deinde duplex antipharma genus esse comperio. Antipathiam,
 & similitudinem substantiæ: ut hepar venenatorum animalium vul-
 neri impositum similitudine substantiæ venenum retrahit, maxi-
 meque confert ea parte qua fel continetur. Carnes verò impositæ
 idem præstant per antipathiam, ut viperarum caro morsui vipera-
 rum medetur. Terrenus scorpius totus ictibus suis remedio est. Sic
 nullus marini draconis, aranei ac scorpionis morsibus medetur, si
 crudus atque dissectus admoueat, autore Dioscoride. Quod, ut di- Lib. 2. cap. 24.
 xi, experti sumus. Ex his omnibus liquidò constat nos veterum scor- Lib. 7.
 pionem descripsisse, nisi quis nobis locum Athenæi opponat quo in-
 ter cartilagineos scorpionum recensere videtur his verbis. *εἰσι δὲ σκόρπιοι
 σκληροὶ, δεικνύονται, πολύχυλοι, πολύβοφοι, χειρῶδες γὰρ εἰσι.* Scorpionij abster-
 gunt, faciliè excernuntur, multi sunt succi, copiosè alunt: sunt enim
 cartilaginei. At locum mendosum esse omnium qui de piscibus
 scripserunt, testimonia conuincunt: nullus enim est qui scorpionum in-
 ter cartilagineos reponat: spinis enim non cartilagine constat. Qua-
 re non *χειρῶδες* sed *σαρκώδες* legendum esse crediderim: constat
 enim multa & firma carne, quam ob causam copiosè nutrit. Nunc de
 scorpena, quæ à scorpione corporis forma minimè differt, sed colo-
 re duntaxat. Nam cum scorpionum alij rufi sint, alij nigricantes
 ut ex Hicelio citat Athenæus, quibus mox subiungit scorpenam co-
 lore tantum & succo dissimilem esse, efficitur ut scorpenam eam esse
 credamus quæ nigrescat, quæque insuauior sit, minusque boni succi
 & litoralis, lutoque gaudens ex veterum sententia. Massilienses con-
 tra eum qui niger est, *scorpeno*, qui flauus est, *scorpena* vocant. Scorpe-
 nam ex præcedenti schemate agnosces.


De Scorpioide.



CAPUT XX.

S Quem hîc exhibemus, vulgò à nostris *lebre de mar*, id est, lepus marinus dicitur, quia rostrum terreni leporis *αποτομή* admodum simile habet, sed lepori marino veterum omnino dissimilis est, vt suo loco docebitur. Quamobrem scorpioidem nò ineptè, vt opinor, appellabimus: est enim capitis forma scorpionis marini similis, totidémq; supra oculos apophyses molles habet: sed dētibus differt, quos ferratos quidem habet, sed tenues & densos admodum, & in superiore maxilla duos exertos, cuiusmodi galeritæ sunt dentes. Præterea differt à scorpione & galerita pinnæ dorsi magnitudine, duabûsque maculis nigris eiusdem pinnæ. Cutis læuitate galeritæ similis est, & carnis substantia, non autem scorpionis. Litoralis est, mucos vescitur & aqua.

De Galerita.




CAPUT XXI.

RÆTER Iam dictos pisces in saxis multos alios viuere comperio, quorum nonnulli neq; figuram, neque naturam saxatilium referunt, vt canicula illa *cato rochiero* vulgò dicta, q̃ in saxis viuat, vt locustæ, murenæ. Alij etiam si in saxatilibus non habeantur, tamen naturam formamque saxatilium imitantur, qualis est, qui à nostris

per-

perce pierre & *coquillade* dicitur, Galerita, alauda, de quibus nunc dicemus. Ac primum de galerita quæ hætenus Græco vel Latino nomine caruit. Sed ut inter aues duæ alaudarum species sunt, vna cristata, altera minimè, sic piscibus anonymis solâque crista dissidētibus galeritæ & alaudæ nomen posuimus, veteres imitati qui sæpissimè in piscibus nominandis auium & aliorū animalium nomina mutuati sunt. Galerita igitur Græcè dicitur ἡ λῆρον ἔχουσα, à nostris *coquillade*. sic etiam appellant alaudam cristatam: pisciculus est in litorum saxi degens scorpionidi similis admodum corporis specie. Digni est magnitudine aut paulò maiore, tenui corpore, læui, lubrico, sine squamis, ore paruo, dentibus anterioribus serratis, posterioribus exertis, oculis paruis, cæruleis. In vertice dum viuit erecta est crista, mollis & cærulea. Pinna ad branchias latæ sed breues, in ventre parue & tenues. Cauda vnica pinna constans brevis & rotunda. Podex non procul à branchiis distat, à quo pinna ad caudam protenditur, alia à ceruice ad caudam continua. Corpus colore est fusco, multis tamen maculis partim rotundis, partim oblongis & tortuosis notatur. Peritonæum ex nigro viride est. Cor angulatum. Hepar ex albo rubet, à quo fellis vesica pendet, perspicuitate & coloris iucunditate smaragdum referens. Intestina lata sunt, coloris lutei, satis diu extra aquam viuit ob paruum branchiarum scissuram. Carne est molli, sed ob paruitatem negligitur.

De Alauda non cristata.




CAPUT XXII.

VT Superiorem galeritam appellauimus, ita hunc pisciculum alaudam non cristatam. Superiorem enim planè similis est, si cristam in capite surrectam excipias. Possis etiam optimo quidem iure simiam appellare, quia capite simiam refert: est enim capite paruo & rotundo. Vel si nostrorum appellationem sequi velis, qui *perce pierre* nominant, non absurdè empetrum vocaueris: nam ut empetrum herba marinis locis prouenit, & maximè saxosis, imò etiam nudo è saxo sæpe existit, ita pisciculus hic in petrarum cauernulis degit, & illuc

confugiens, se in abditissimis earum rimis occultit, vt piscantium insidias effugiat, vnde nostri *percepierre* nomen posuerunt. Est igitur pisciculus galeritæ siue alaudæ cristatæ similis, capite paruo & rotundo, ore paruo, oculis paruis, dentibus anterioribus ferratis, posterioribus longiusculis, acutis exertis: pinnulas duas habet ad branchias, duas in ventre, aliam statim à capite ad caudam continuam, item aliam à podice ori satis propinquo ad caudam vsq; ductam. Cauda in vnicam definit saxatiliū modo. Maculæ multæ mediæ corporis parti aspersæ sunt. corpore est læui & lubrico. Aqua, musco, paruis atherinis, & aphyis vescitur. Carnis substantia & molitudine galeritæ ferè par & nullius apud nos precij. Piscatores mordet, vnde iulidem esse aliquando sum suspicatus, sed cū minimè venenatum esse eius morsum comperissem, veràmque iulidem tandem cognouissem, vtrumq; piscem rectè mihi videor distinxisse.

De Pholide.



CAPVT XXIII.

SUPERIORIBVS Et maximè alaudæ similis est piscis qui antipoli à mucò *baúosa* dicitur. Paulò maior est alauda dorso fusco, ventre pallido, cute læui & sine squamis, sed maculosa: pinnis aliisque partibus à superioribus non dissidens. Hunc piscem esse existimamus qui ab Aristotele pholis dicitur libro nono de histor. animal. Cap. 37. Quæ autem pholis appellatur mucum quem ipsa emittit sibi obducit, ita vt in eo quasi cubili quiescat. Sic piscis iste quem exhibemus perpetuò totus mucò obductus est, vnde *baúosa* cognominatur: nam *baue* lingua nostra & Prouincialium mucum significat. Mollissima est carne & glutinosa. Squamarum loco prouida rerum natura mucò inuoluit, veluti multos alios non squamosos lubricos efficit, vt lubricitas nationem adiuuet.



G V L I E L M I R O N D E L E T T I I D E P I S C I B V S

LIBER VII.

435

De Aphyis generatim.

C A P U T I.



VNT Ex piscibus, de quibus antea diximus nonnulli satis magni, ut umbræ, auratæ, coracini, lati, nonnulli parui, ut turdi, gobiones, phycides, iulides. His nunc minimos subnectimus, qui paruitatis causa minimè negligendi sunt: in paruis enim rebus sæpe multa magna admiratione digna spectantur. Quis enim echeneïda pisciculum non miretur, quo, Aristotele & Plinio testibus, carinis adhærente naues tardius ire creduntur, inde nomine imposito: quam ob causam amatoris quoque veneficiis infamis est, & iudiciorum ac litium mora. Quis non phoxinum fluuiatilem pisciculum ouis semper grauidum? Omitto antherinas, cobiten, aphyarum genera, aliæque permulta, quorum nonnulla sine mare & scemina ex aqua & limo, quædam ex semine nata, ad aliorum piscium alimenta, vsusque nostros à natura cõdita sunt. Verùm in tenui labor, ut ait poëta: nam præterquàm quòd pisciculorum differentia & naturæ multiplices sunt (differunt enim vita, quoniam alij marini, alij palustres, alij fontani, alij fossiles, differunt & partibus & moribus) ipsæ etiam res tam minutæ, minutam diligentiam curiosamque, & attentionem postulant. Incipiam autem ab aphyis quæ minimæ sunt. Dictæ verò sunt aphyæ ὅς ἐστιν ἀπὸ αἰσῶτος. τὸ δὲ λέγει δὲ αἰσῶτος teste Athe. Sic enim legere malo quam αἰσῶτος, ut in vulgaribus codicibus legitur, id est, nominatæ sunt aphyæ, quasi non natæ. Quemadmodum enim à Græcis priuandi particula est, ita & αἰσῶτος sepiissime, id quod infinitorum nominum compositio

Lib. 2. de hist.
anim. cap. 14.
Lib. 9. cap. 25.

Libro 7.

ostendit. At si quis vulgatam lectionem secutus *δισφύεις* dictas existimet, id est, bis natas, quod temporis spacio Aphyæ pereant & denuo nascuntur autore Aristotele, is simul cogitet non *ἀφύεις* sed *ἀναφύεις* potius appellandas fuisse à renascendo. Nec sentit Aristoteles ex iis quæ interierunt, alias nasci. Verum aliquando interire, & quodam tempore non reperiri: deinde ex eadem semper materia, scilicet ex terra arenosa vel limo alias nasci. Quare aphyas potius *ὡς ἀν ἀφύεις*, καὶ *δυσφύεις*, id est, veluti non natas rectius dici censeo. Quæ enim propriè dicuntur aphyæ *ἀναφύεις* sunt καὶ *ἀγρονί* authore Aristotele, id est, nec accrescunt nec procreant, de quibus mox fusiùs. Plura aphyarum genera constituerunt veteres, quarum nonnullæ ex semine nascuntur non diuerforum piscium vt nonnulli putant: semina enim non commiscetur, pisciùmq; genera diuersa coire à nemine visum est, inquit Aristoteles, squatina sola quæ *ῥύνη* dicitur: hoc facere creditur & *βάτος*, id est, raia: est enim piscis qui *ῥυμβάτος* appellatur, sed ex semine eiusdem generis vt gobionum, mænidum, mugilum. De his deinceps dicemus.

De Aphyæ vera.



CAPUT II.

EX Aphyis ea verè aphyæ dicitur, quæ ab Aristotele *ἀφρός*, ab Athenæo *ἀφρίτις*, à nonnullis *ἀφρόνη*, à spuma maris, vnde oritur nominata est, vel à candore si Suidæ credamus, qui etiam *ἱγραιων* à multis dictam fuisse scribit, necnon Oppianus libro quarto *ἀλιότι* καὶ *ῥύνη*. Apuam Latini vocant, inquit Plinius, quoniam is pisciculus è pluuiæ nascitur. A Liguribus non nata appellatur. Pisciculus est admodum exiguus, vix vnquam minimi digiti longitudinem æquans, sapius candidus, aliquando rubescens, nigricantibus oculis. Neque gignit, neque gignitur, sed ex spuma & originem & nomen habet, vt dictum est. De huiusmodi aphyæ hæc Aristoteles. Nascitur aphyæ in vmbrosis & tepidis locis, quando ex serenitate terra calefcit,

vt

vt circa Athenas in Salamine ad Themistocleum, & in Marathone. Interdum etiam quum aqua multa è cœlo effluerit, nascitur in spuma excitata ab imbri. Vnde illi nomen ἀφρός à spuma. Fertur etiam nonnunquam per summa maris, & in spuma conuoluitur, vt in stercore vermiculi. Eadem Athenæus. Aphyarum, inquit, plura sunt genera, quæ ἀφρίτις dicitur, è semine non nascitur, vt scribit Aristoteles, sed ex superfluitante in mari spuma, imbris multis collectis. Eadem etiam omnino Suidas. Aphyam Veneri sacrâ esse, autor est Athenæus, quia ipsa quoque ex spuma genita est, vnde ἀφροδίτης nomen inuenit. Apud eundem ab Apollodoro meretrices duæ Stagonium & Anthi sorores Aphyæ dictæ sunt, quod candidæ essent, graciles, & oculis prægrandibus. Aphyam etiam ἀφρόν scribit Aristoteles ex terra arenosa nasci, quæ tempore interit & renascitur. Quam hîc depinximus ea proculdubio est, quæ ex spuma nascitur, nulla repugnante nota in Ligustico litore frequens, in spuma conuolui cernitur, noménque non natæ ei aptissimè quadrat. Inde etiam in alias regiones asportatur, id quod de sui temporis piscatoribus scripsit Aristoteles, qui vt deportare possent, sale conspergebant: breue enim tempus durat aphyia ista, caput tantummodò & oculi restant. Præterea adeò mollis, tenera, tenuisque est, vt citissimè percoquatur. Idem apud Athenæum Clearchus Peripateticus ait ex Archestrato, qui aphyam, quod paruo igne egeat, iubebat in calidam patellam iniici ac mox ubi stridere cœperit, auferri. vnde parœmia, ἰδὲ πῶρ ἀφύη, ignem vidit aphyia, quasi vidisse modò sufficiat ad decoctionem. Vel ἀφύη ἐς πῶρ, aphyia ad ignem, dicitur, inquit Suidas, ἐπὶ τῶν τέλους ὅξυ λαμβανούσων, id est, de iis quæ celeriter intereunt, aut absumentur, siue quæ faciliè ac citò conficiuntur. Ferebatur & illud apud Græcos ἀφύων τιμὴ θ' ἐλαφον. Aphyarum honor oleum, quoniam in oleo coquebatur. Chrysippus Philosophus autore Athenæo scripsit aphyam Athenis vilescere ob copiam, & mendicorum esse opsoniū, alibi in pretio esse, multò etiam deteriorē. Lynceus Rhodiacas aphyas laudat. Archestratus aphyam omnem præter Atheniensem & Rhodiacam vituperat. Aphyia omnis humidum alimentum præbet, statúsque gignit. Nicomedi Bithynorum Regi, autore Suida, cum aphyarum edendarum desiderio teneretur, proculque à mari abesset, Apicius ille gulosus pisciculorum figuram imitatus, vt aphyas veras apposuit. Erat autem huiusmodi earum apparatus. Rapum fœminam in longiuscula & tenuia frusta speciem aphyæ referentia secuit, quæ in oleo cocta sale & papauere aspersit, sicque hac eum cupiditate liberauit. Oppianus scribit timidū & imbecillum aphyarum genus, omniū prædæ expositum esse, ob id in perpetua formidine viuere, & sese in globos cōglomerare, & ita se implicare, connecterēque, vt dissolui vix possint, sæpe etiam horum aceruo-

rum occurſu nauium curſus retardari.

Ἐστὶ δέ τις πεπόδιον δίδως καὶ ἀκικὴς ὀμλός
 Ἀβληγεῖς ἀφύης ἀδινὸν γένος, αἱ χαλκοί
 Ἐγγράλλης, ἀγαθὴ ὁ βόρις πάνθεον ἔα
 Ἰχθύων, αἱ εἰ δέ σφιν ἐνὶ φρεσὶ φύζα διέδρην.
 Παύζε δὲ ὑποβομέα, συναντήλας ὁ χρυεῖται
 Σωρηδὸν μίμνα, ἔσθραβι ἐμπεφύα
 Ἡτ' ἀνακαίοιο βίλιν διεσμῶ φέρουσαι.
 Reliqua ex ipſo autore petenda.

De Aphyæ Cobite.



CAPUT III.

Lib. 6. de hist.
 animal. c. 15.



Cap. 57.

Libro 7.

ARISTOTELES Explicata aphyæ natura tum ea quæ ex terra arenosa, tum ea, quæ ex spuma nascitur, hæc subiungit: Ἡ δὲ αἰὶν ἀφύη γένος ἰχθύων ἐστίν, ὁ μὲν χαλκομέλιος κοβίτης, κοβιδίον τῶν μικρῶν καὶ φάλων οἱ χαλκοδινύες εἰς τὴν γλῶττιν, id est, reliquæ aphyæ piscium sunt foetus, quæ quidem cobites dicitur gobiorum paruorum & prauorum qui terram subeunt. vbi κοβίτης gobionaria vertitur à Gaza, qui locum hunc Aristotelis peruertit his verbis. Reliqua apud foetura piscium est quæ enim gobionaria dicitur, gobiones paruos, ignobiles, qui terram subeunt creat. Imò creatur hæc aphyæ species à gobionibus paruis & vilibus, non autem gobiones creat. Quod miror à Maffario citante hunc locum in commentariis suis in librum nonum Plinij, animaduersum non fuisse. Nam ipsa Aristotelis verba perspicuè interpretationem Gazæ falsam esse conuincunt. Necnon Athenæus, qui ex mente Aristotelis de eadem re ita scripsit: ἑτέρα δὲ ἐστὶν ἀφύη κοβίτης λεγομένη, γίνεται διὰ αἰσῆν ἐκ τῶν μικρῶν καὶ φάλων τῶν ἐν τῇ ἀμμοφω διαγχομένων κοβιδίων, id est, alia autem est aphyæ cobites dicta, gignitur autem ex paruulis & vilibus gobiis, qui in terra degunt & versantur. Item Suidas, Ἡ λεγομένη κοβίτης γίνεται ἐκ τῶν μικρῶν καὶ φάλων τῶν ἐν τῇ ἀμμοφω φερομένων κοβιδίων. Ergo aphyæ cobites est, quæ ex gobionum semine procreatur, nunquam ad gobionum magnitudinem accedens, alioqui gobionibus marinis simillima est. Corpore est rotundo, pellucido, dorso latiusculo, colore candido, nigris aliquot maculis asperso, cauda varia, oculis quodam modo supra caput positis, Pinnæ eedem sunt illi quæ gobionibus, maximè illa gobionibus

nibus peculiaris, barbæ instar propendens ex ea ventris parte, in qua binæ sunt in aliis piscibus. Hepar lactei coloris, & in eo fellis vesica. Splen rubet. Intestina & peritonæum ex albo nigrescunt. Cor ex albo rubescit. Nostri *loches de mer* appellant. Est enim iis pisciculis, quos Galli *loches* vocant, tam similis ut vix ab his distinguatur. Differunt tamen corporis figura. Est enim hæc gobionum instar corpore rotundo non cōpresso, illi verò corpore depresso & longiusculo. Cùm verò nullus sit omnino pisciculus, qui propius ad formam gobionum accedat, quàm qui hîc à nobis exhibetur, certum est aphyam cobiten esse, quæ grauis est, & difficilè coquitur, veluti reliquæ aphyæ.

De Encrasicholis.



CAPUT IIII.

INTER Aphyas numerantur encrasicholi ab Aristotele, Athenæo, Suida. Verùm hi ex aphyæ cobite encrasicholos gigni scribunt, ille ex aphyæ, quæ in Atheniensi portu nascitur. Ut res ista habeat, encrasicholos eos esse existimamus, quos nostri cum Prouincialibus *Anchoies* appellant. Dicuntur etiam Æliano *λυγίστοιμοι*, & *ἐγχεδύλῃς*, quam tamen postremam appellationem primo aphyarum generi ab Oppiano & Suida tributam fuisse diximus. Encrasicholi verò nominati sunt *ὡς ἐν τοῖς κρελλῇ καὶ χολλῷ ἔχουσιν*, id est, quòd in capite fel habeant. Ab oris forma *λυγίστοιμοι*. Pisciculi sunt digiti magnitudine aliquando paulò maiore, sine squamis, rostro acuto, ore maximo, habita corporis ratione, eiùsque scissura magna, vnde lycostomi nomen. Dentibus carent, sed maxilla utraq; ferræ modo aspera. Branchias paruas habent & duplices, pinnas totidem. Cor oblongum & acutum, hepar rubrum, maculis rotundis conspersum. Ventrìculi appendices multas & nigras. Venter est mollissimus, quam ob causam statim absumitur, ovis scatent rubentibus, pro corpusculi magnitudine sanguine abundant, & carnosì satis sunt: vnde fit ut delicatiores, molliores, suauioresque sint. Spinis carent, excepta dorsi spina, quæ tenuis admodum est, ut dentibus negotium vix facessat. Sale conditi asseruantur, & in garum vertuntur, quod ne corrumpantur,

non nisi truncato capite condiuntur, cum quo fel vna cum hepate, cæterisque visceribus & intestinis tollitur. De hoc pisciculo loqui *Lib. 31. cap. 8.* Plinium autumant, quum garum fieri ex mutilato pisciculo scribit. Quo loco alij minuto, alij minimo pro mutilato legunt. Quod veros encrasicholos exhibeamus, testes sunt locupletissimi, qui Græciam hodie incolunt: affirmant enim quos *Anchores* dicimus, encrasicholos etiam hodie in Græcia vocari. Ex his optimum conficitur garum, si sale conditos Soli exponas, donec caro dissoluta fuerit. Hinc optimum remedium ad deiectam appetentiam recreandam, ad crassæ pituitæ attenuationem, citandamque aluum. Huius gari vice sapissimè ipse domi hoc modo parandos iubeo. Primum pisciculos, ut assolet, conditos & illotos cum aceto, oleo, & apij foliis in patinam iniici, deinde suppositis prunis tamdiu agitari, dum omnino in liquorem abeant: id oxelæogarum meritò nuncupari potest, præstantissimum condimentum, & ad ea quæ paulò antè dicta sunt, efficax. Quæ parandi ratio longè melior videtur, quàm quæ veteribus in vsu fuit: nihil enim vitij aut putredinis oxelæogarum nostrū contraxisse potest, cum sepe supputri garo origano sit opus, iuxta veterum prouerbium. Putre salsamentum amat origanū, quod hodie quoq; Romæ obseruari videmus. Nunquam enim encrasicholos vendunt salsamētarij sine origano. Magna istorum pisciculorum copia in Prouincia capitur noctu è nauiculis igne accenso. Magna item Baionæ, sed hi maiores sunt, illi suauiores & molliores. Crudi etiam cum oleo & selino eduntur.

De Aphya phalerica.



CAPUT V.


*Lib. 6. de hist.
animal. c. 15.*



APHYÆ Phalericæ meminit Aristoteles, ex qua μεμβράδας gigni ait, alij ἀράδας, alij βεβράδας legunt. Ego aphyas phalericas sponte nasci puto, vnde verò phalericæ dictæ sint docet Suidas, cum ait ἀφύας φαληρικὰς τὰς μεγάλας, φαληρικὸς ὁ λιμὴν Ἀττικῆς, id est, aphyas phalericas esse magnas. Phalereus autem portus est Atticæ. Possent etiam fortasse à candore nominari: nam Græci etiam τὰ φάλια, λευκὰ & ἀφελίστα vocant, id est, alba & spumea. Erit autem meo quidem iudicio, aphyas phalerica ea quæ à nobis *nadelle* vel

vel *melete* dicitur. Piscis est sardinis similis, minor & tenuior, sed latior. Squamas in mari habere certum est, sed statim excidunt remanentibus earum vestigiis, iisque squamis, quæ ventrem firmant, & asperum efficiunt, ut in alosis & sardinis videre licet. Mollis est, & adeo pinguis pisciculus iste, ut si aliquandiu digitis tractetur, liquefiat, aut si magna copia in nauicula vehatur supernatantem pinguedinem colligant piscatores, qua olei vice ad lucernas vtuntur. Maxima huius copia præsertim autumno capitur, estque merito vilissimus: vidimus tamen piscatores duos vnus diei capturam quinquaginta aureis coronatis vendidisse.

De Aphyæ Mugilum.



CAPUT VI.

DONIT Aristoteles aphyam aliam mugilum Lib. 6. de hist. anim. cap. 15. foetum. Sunt qui ex limo & arena proueniunt etiam ex iis generibus, quæ per coitum & ex ouis oriuntur, quod tum locis aliis palustribus, tum vero apud Gnidum factum olim memoratur. Stagnis enim canicula vigente exiccatis, & limo arido, ubi primum imbribus restagnare loca inciperent, pisciculi nascebantur generis mugilum, quod per coitum procreatur, magnitudine manarum paruarum, nec in his aliquid vel oui, vel seminis continebatur. Quinetiam in nonnullis Asiæ amnibus, qua effluunt in mare pisciculi quidam magnitudine intestinorum hepseti (naricarum vertit Gaza) eodem modo proueniunt. Sunt qui omne mugilum genus sponte oriri opinentur, sed non rectè: nam & oua eorum foemina, & semen genitale mares habere cernuntur. Verum genus quoddam eorum est, quod non coitu, sed ex limo arenave enascatur. Quare aphyam mugilum nihil aliud esse puto quam mugilum speciem eam quæ sponte sine maris & foeminae coitu nascitur ex terra arenosa vel limo, cuiusmodi ea est, quam habemus, quæ nascitur in fossis, non procul à vicino nobis eoque antiquissimo oppido Latera vocato. Eiusdem generis est quæ in Lado nostro capitur, & *Athelan* nuncupatur, quam non dubito hyemis tempore è stagno marino fluuium subire.

De Aphya Mænidum & Mullorum.

CAPUT VII.

Libro 7.



VT Mugilum ita mænidum est aphyæ autoribus Aristotele & Athe. quæ ex eorundem sententia mænidum foetus est, sed fortasse veriùs dicemus hanc quoque aphyam sine mare & fœmina nasci sponte, & ita appellari, quia mænidum speciem referat, cuius iconem non apposui, quia ex mænide antè depicta satis intelligi potest, quemadmodum & mullorum aphyæ ex ipsius mulli pictura quæ suo loco exhibebitur. Hanc verò mullorum aphyam ab Athe. côm memoratam reperio, quam vocat *τεγλιτω ἀφύω*, quâ hîc adiungendam esse duxi, ne qua aphyæ species prætermitteretur. Parui igitur mulli præsertim in stagnis marinis ex putredine oriûtur, quos mullorû aphyas esse rectè dixerimus, vt *τεγλιται* à veris mullis, qui *τέγλα* dicuntur, differât.

De reliquis Aphyis.

CAPUT VIII.



SI Pisces omnes, qui ex terra vliginosa vel limo, vel pluuiâ vel quoquo modo sponte nascuntur, aphyæ dici debet, multò plura aphyarû genera ponenda sunt. Nam in stagnis dulcium aquarum penitus exiccatis imò aratis & satis videmus pisces multos sponte nasci, item in riuulis, vt paruas anguillas, paruas lâpetras, paruos cyprinos, tincas, atherinas aculeatas. Sed de his in opere de fluuiatilibus agetur.

De Belenno:



CAPUT IX.

Libro 7:

Lib. 1. ἀλις-
τικόν

Lib. 4. de hist.

anim. cap. 8.



PISCIS Βέλεννος dicitur ab Athenæo, qui ab Oppiano βλέννος. Βαλὼν ab Epicharmo, quod brevis sit, opinor pro corporis crassitudine. Pisciculus est ei qui à Tholofatibus *Peis de menage* vel *grauan* dicitur, similis. Ei verò qui à Gaza cothus nominatur tam similis, vt idem planè videatur. Pelagius est & rarissimus, corporis specie rana piscatricem refert, colore & carnis substantia aphyam cobiten. Est igitur capite magno, rostro acuto, ore paruo. Pinnam in ceruice
vra-

vranscopi modo habet nigrā, qua caret cothus fluuiatilis. duas alias inferiores ori proximas, squamis caret, ventre est cādido, reliquo corpore fusco, cauda non omnino rotunda: nam vtrunque depressa est. Hanc meam sententiam confirmat Athenæus: ἐστὶ δ', inquit, κοθιὸς τῶν ἰδίων παραπεληγῶν, id est, specie similis est cotho siue cothio: nam vtrovis modo legi posse puto, nisi malis κοθιὸς legere: huic enim satis est similis, sed cotho, de quo nunc loquimur, multò similior: vix enim quis belennum à cotho discernat, nisi qui nouerit hunc in fluuiis, illum in alto mari degere. Ex Epicharmi verbis, quæ refert Athenæus apparet vilem fuisse pisciculum, nec immeritò: est enim humida carne, planè insipida, corpore valde breui: quippe cùm caput toto reliquo corpore maius sit. ἄγε δ' αἰεὶ λαὸς τὴν χαλκίτης βαίοναι. ibidem Athenæus autor est apud Atticos prouerbium fuisse, μὴ μοι βαίων χαλκὸς ἔχῃς, ne mihi bæon malus piscis, nec prouerbij vsum indicat. Blennorum cinis cum ruta vesicæ vitia & calculos sanat, inquit Plinius.

Lib. 7.

Ibidem.

Lib. 32. cap. 9.

De iis qui Ἐψῆλαι vocantur.




CAPUT X.

IN Ἐψῆων nomen multorum tenuium, & exiguorum pisciculorum commune est, vt aphyarum, atherinarum, gobionum, paruorum mullo- rum, sepio- larum, paruorum loliginum, paruorum cancro- rum, encrasicholorum, vt ex Dorione docet Athenæus. Vocabant etiā antiqui Ἐψῆδες pisciculos post Nili inundationem in fossis relictos. Efferebant autem plurali numero sapius quàm singulari: & Ἐψῆδες ἀπὸ τῆς Ἐψῆ, id est, à coquendo siue elixando nominarunt, quòd multi simul coquātur, nec propter paruitatem seligātur. Hæc quanuis vera sint, fuerit nihilominus minimè absurdū dicere τῶν Ἐψῆων nomen pisciculi vnus propriū etiam fuisse, quod indicare videtur Athenæus: *Lib. 8.* Ἢ δ' ἀφύη βαρεῖα ἐστὶ δὲ δύσπεπτος, ὡν λελυκὴν χαλκίτην κινδύνους (vbi legendum κωλύτης) καὶ ὁ Ἐψῆς δ' ὁ μικρὸν ἐχθύδιον τῶν αὐτῶν γένους ἐστὶ, id est, aphyra grauis est, & difficilis cōcoctu, alba cobites vocatur, & hepsetus paruus piscicu- lus eiusdē generis est. Hunc pisciculū esse opinor, qui à nostris *iuol* di- citur. Pisciculus est digiti magnitudine, argētei coloris, corpore pellu- cido, dēpta ea virga, quæ à brachiis ad caudā extēditur, oculis depres- sis, magnis pro corporis paruitate, ore ita scisso & conformato, vt in- ferior maxilla protensa maior sit superiore, sitq; veluti oris operculū.

Lib. 7.

De Atherina.



CAPUT .II.

Lib. 6. de hist.
animal. cap. 17.



ΘΕΡΙΝΗΝ Vel ἀθερίνῳ, vt apud Aristote-
lem legitur, ἐκ τῶ ἀρίστεως vel ὠλεονασμῶ τῶ ν, ἐκ τῶ ἀθήρ,
Gaza aristam conuertit: nam ἀρίστεες sunt aristæ, &
ἀθήρες simpliciter spicæ vel aristæ dicuntur. Proprie
tamen summæ sunt hordei spicæ, quæ ceu cuspides
habent, quæ nulli sunt vsui, sed inter metendum pereunt. Vel vt
ex Æliano profert Phauorinus, spicæ sunt degeneres, quas spicilegi
colligunt à messore neglectas: vnde ἀγέληςδιν significat ἀγδιν καὶ α-
φρονεῖν, ἀφρονεῖδιν, & similia, id est, valde despiciere & negligere.
Αἰθερίνῳ pisciculum dici putat idem Phauorinus, ideo quòd ἀθερί-
ζεται πῶς καὶ αἰθὴ διὰ τὸ ὀυτελές, id est, quia negligitur ob vilita-
tem. Fortasse non ineptè dictam putes ab aristis, quæ per metapho-
ram pro spinis sumuntur, quas multas habet atherine, & duriores
quàm sardinæ, aphyæ, & reliqui huiusmodi pisciculi. Romæ etiam ho-
die idem nomen seruat: nam *Latharina* vulgò nuncupatur. In lito-
re nostro rarò capitur, diciturque *Melet*, *Massilia* & in stagno quod
Martegue vocatur, frequentissimè & *Saucler* nominatur. Atherina
pisciculus est marinus, litoralis, reperitur & in marinis stagnis aphyis
similis, dodrantali magnitudine, parui digiti crassitudine, dorso
spisso, ventre leuiter depresso, ore paruo, sine dentibus, oculis ma-
gnis. Colore est vario: nam venter argenteus est, dorsum fuscum, cir-
ca caput ex flauo rubescit sardinarum modo. Locus, qui inter oculos
est, cælatus videtur. Pinnas habet quatuor, duas ad branchias, duas in
ventre, aliam à podice, præter has alias duas in dorso. Omnes candi-
dæ sunt. Cauda ex duabus pinnis constat. Pro linea in medio corpo-
re à branchiis ad caudam protēsa, spissum quid habet sub cute, quod
non possum aliter quàm fasciā per similitudinem vocare, quæ quum
cocta atherina editur, euidentissima est, & quum lumini obicitur:
quia reliquo corpore pellucida est, hac parte opaca. Atherina ex his
qui autumnī æquinoctio pariunt, prima parit in terra, autore Aristo-
tele, atterens alium arenæ. Carne est satis sicca, media scilicet, & opti-
ma saporisque grati, quicquid dicat Phauorinus, qui pro vili piscicu-
lo habet: quòd si cum spinis edi posset, multò suauior foret. Quum
ali-

Lib. 6. de hist.
animal. ca. 17.

aliquando Auenione essem, atherinisque frequenter vescerer, vnum id ad suauitatem & saporis gratiam illis deesse expertus sum, quod spinæ inter edendum negotium facessant, à quibus spinis aristis similibus, atherinas nominatas fuisse suspicari sumus. Nostri piscatores ideo atherinam *melet* appellant, quod eius aphyarum generis, quod *melete* nuncupari diximus, marem esse credant, sed falso: nam aphyæ huius generis sponte sine mare & foemina nascuntur. Atherinarum verò genus & mare & foemina constat. Præterea quauis utcumque similes sint, tamen atherina solidiore est spissioréque corpore, aphyæ verò illa mollissimo depressoque. Vero similis fuisset, encrasicholorum marem dixisse, quos pisciculos esse ostendimus *Anchores* appellatos, ad hos enim propius accedunt: qua de causa pro encrasicholis saepe venduntur: sed qui propius inspexerit, facile discernet. Nam atherinis squamæ sunt frequentiores & duriores, os minus, caro sicior, encrasicholis mollior. Quare ex atherinis garum bonum confici non potest: quia non possunt ita dissolui & contabescere, veluti garus piscis vel encrasicholus. Atherinæ nullus est in medicina vsus, ægris tamen medici Massilienses apponi iubent, neque id absurdè: etenim satis sicca, non glutinosa est carne, quare neque difficilè coquitur, neque flatus gignit.

De Sardinis.



CAPUT XII.

RERVM cognitione, quas in vniuerso orbe Deus optimus maximus ad vitæ nostræ vel necessitatem, vel commoditatem condidit, ut nihil præstantius, ita nihil difficilius est. Difficultatem verò parit maximè ipsarum abstrusa & penitus abdita natura, nonnuncquam etiam ipsarum similitudo, vel homonymia, vel vocis affinitas, ut aconiti speciem pro veratro nigro vsurpant multi, marum pro origano, chamedrym vel allium syluestre pro scordio, & ne longius abeamus, chelonem pro cephalo, sparum pro aurata, sargum pro melanuro, *Σάγωρ* alij menam marem, alij pisciculū alium exocæto similem vocant. Alij banchum cū baccho, sarginum cum sargo, glaucū cum glaucisco, lamiam cū amia, aliósq; quamplurimos confundunt. Idem

nobis in trichide, trichia, thrissa euenit, quorum non nominis solum sed etiam rationis nominis & rei affinitas effecit, ut alij pro eodem pisce hæc usurparint, atq; modò hoc, modò illo nomine in eodem pisce designando vñ fuerint: cùm alij ex trichide trichiam nasci dicant, ut


Lib. 6. de hist. animal. c. 15. Aristoteles: aliam verò ab his esse thrissam, quanquam sit aliquid his omnibus commune. Rei obscuritatem auget Gaza, qui trichidas sardinas, trichias sardas couertit: cùm sarda apud veteres longè alius piscis esse videatur. Ac primùm quantum ad Aristotelem attinet, non possum non summopere mirari, q̄ scribat ex phalerica aphyæ membradas, ex membradibus trichidas, ex his trichias gigni. Cùm ipse annotauerit pisces ex diuersæ speciei piscibus non nasci, dempro rhinobato, qui ex squatina & raia gignitur, ut dictum est *CAP. I.* huius libri. Deinde verò Gazam, qui trichias sardas conuerterit, cùm sarda sit ex lacertorum marinorum genere, eiusdem magnitudinis cū colia, qui scombro maior est, teste Athen. vel, ut Plinius scribit, pelamys longa.

Libro 3. Libro 32. c. 11. De his igitur quid sentiam, breuiter & perspicuè exponam. *Τερχιδας, τερχιας, τερχιας* siue *τερχιας ἀπὸ τῶν τερχίων* dictas opinor, ob spinarū copiam & paruitatem: nam capillorum tenuitatē referunt, qua de causa sine perniciē eduntur: & trichida ac trichiam eundem planè esse piscem, thrissam verò ab eo differre, de qua proximo capite. Aut si qua sit inter trichida & trichiam differentia, eam solum ætatis & magnitudinis esse, ut trichis minor sit, trichia maior: id quod multis piscibus vsuuenire constat, quibus pro ætate & magnitudine varia posita sunt nomina, non solum ab antiquis, sed etiam à piscatoribus nostris, ut in aurata & coracino prius annotauimus. Idem in Gallia nostra Narbonensi, Prouincia, Italia à vulgo obseruari videmus, in eodem pisciculo quem *sardine* & *sarde* appellant eo tantum discrimine, ut hic maior sit, ille minor. Hanc vulgi appellationem puto secutū fuisse Gazam, ut cùm videret ab Aristotele trichiam à trichide distingui, illam sardam, hanc sardinam vulgi more appellauerit. Dicet aliquis vtrumq; vocabulum antiquum esse, & à Latinis usurpatum, id quod equidem

Lib. 8. cap. 17. fateor: nam Columella sardinam dixit, quanquam eo loco non sardina sed sardinia lagatur, & sarda apud Athenæum & Plinium reperitur. At intelligi volo videri Gazam trichida & trichiam duobus nominibus Latinis expressisse, quæ ut vocum similitudine, ita significatione eadem esse putabat cū vulgaribus, cùm res aliter habeat. Nam alterum scilicet *sarde* non idem significat quod sarda, quæ pro pisce longè diuerso à veteribus usurpatur, ut paulò antè dictum est, & suo loco fusiùs ostendetur. Ego verò trichida & trichiam pro eodem pisce accipio, qui *sardine* vulgò dicitur, nisi ætate & magnitudine differant, quæ differentia duplex nobis nomen peperit, ut *sarde* dicatur, quæ maior sit, *Sardine* quæ minor. Dorionem, cuius librum de piscibus

bus sapissimè citat Athenæus, autorem habeo, qui trichida etiam trichiam appellat. Atque adeò Athenæum ipsum, qui trichiarum exempla ex veteribus proferēs ipsas apertè cum trichidibus confundit. Sed hæcenus de nomine, nunc de re dicamus. Sardina pisciculus est marinus, aphyæ phalericæ omnino similis, nisi paulò maior & spissior esset, à parua alosa, ore, branchiis, oculis, pinnarum numero, situ, squamis, cauda minimè discrepās, sed in hoc tantum quòd alosa sit latior. Sardina igitur squamas magnas tenues habet, colore est vario, nimirum capite aureo, ventre albo, dorso cum viridi cæruleo, utroq; splendido rutilantèq; dum viua è mari extrahitur, vnà cū vita viridis euanesceat cæruleo manente, eòq; hebescente & splendorem suum amittente. Intestina habet parua & recta, alosarum intestinis similia. Felle caret: quamobrem nō exenterata in craticula vel sartagine coquitur, vel in olla cum oleo elixatur. Vere pinguescit. Linguam mordet, maximè si paulò diutius asseruetur. Sale conditæ sardina in annos duos seruantur, fitq; ex his garum sed minus laudandum ob squamarum copiam & spinarum, à quibus caro difficilè separari, vixque in muria dissolui potest. Si sardina nostra ea sit, quam Aristoteles trichida vel trichiam vocat, ut reuera esse existimamus, scrupulum nō tenuem nobis iniiciet locus Aristotelis hæc scribentis: Οἱ δὲ τριχῆοι μόνον τῶν ἰχθύων *Lib. 8. de hist. anim. c. 4. 136*
εἰσπλέοντες μὲν ἀλίσχον, ἐκπλέοντες δ' ἕχρον. ἀλλ' ὅταν ἢ ληθῇ τις περὶ βυζάντιον, οἱ ἀλιεῖς τε δύνουσι περὶ χερσαίρας, διὰ δ' μὴ εἰωθέναι ἐκπλεῖν. αἴτιον δ' ὅτι ὅσοι μόνον ἀναπλέουσιν εἰς τὸ ἔσρον, εἴθ' ἢ γίγνεται χερσαίρας (εἰς τὸ ἀδελμα). ζημεῖον δ' καὶ γὰρ (μυβαίνῃ τὸν ἄλυσον). ἐκπλέοντες μὲν γὰρ σὺν ἀλίσχον, εἰς τὸ ἀδελμα, εἰς πλέοντες δ' ἀλίσχον. Quæ sic conuertit Plinius: Intransium pontum soli *Lib. 9. cap. 15*
non remeant trichie, sed hi soli Istrum amnem subeunt, ex eo subterraneis eius venis, in Adriaticum mare defluunt, itaq; & illinc descendentes nec vnquam subeuntès è mari visuntur. Nullus veterum scripsit, nullus etiam recentiorum aut piscatorum aut scriptorū memoriæ prodidit, viditve aut ab aliis audiuit sardinas nostras amnes subire. Quocirca locus Aristotelis mihi suspectus est: item Plinij, ut fortasse pro τριχῆοι vel τριχία legendum sit θέλας, quas vere ad flumina properare magna frequentia illicq; pinguescere cōstat. Eiusdem loci pars postrema deprauata etiam est: nam pro ἐκπλέοντες μὲν γὰρ σὺν ἀλίσχον, εἰς τὸ ἀδελμα, εἰσπλέοντες δ' ἀλίσχον, reponendum, ἐκπλέοντες μὲν γὰρ ἀλίσχον, εἰσπλέοντες δ' εἰς τὸ ἀδελμα σὺν ἀλίσχον. Id ostendit Plinij conuersio. Idem rectè animaduertit Gaza, qui ista sic expressit. Exeunt enim semper capiuntur, subeuntès nunquam. Deniq; res ipsa necessariò sic legendum esse docet. Ait enim Aristoteles hīc cōtra fieri quàm in ponto, quem subeuntès capiuntur, exeuntès autem non videntur. Ex Adria verò exeuntès videntur & capiuntur, subeuntès minimè: quia ex Istrò per subterraneos meatus Adriaticum mare subeunt,

De Membrade.



CAPUT XIII.


Iib. 6. de hist.
anima. ca. 15.

Lib. 3.



M E M B R A D A S Ex aphyæ phalerica gigni scripsit Aristoteles. Quo loco ἀράδας habent vulgares codices. Athenæus etiam autor est antiquos variè dictionem hanc extulisse. Nam Phrynichus βεβράδας dixit. Epicharmus βεβράδνας. Attici βεμβράδας. Quoquo modo nominentur, constat vel aphyæ speciem esse, vel certè pisciculos viles, quos Phrynichus teste Athenæo χρυκοκέφαλος βεβράδας cognominavit, id est, aureo capite. Et Aristophanes πολιοχέας, id est, cano corpore. Quantum coniectura assequi possum, hi sunt pisciculi, quos Galli *celerins* vocant. Sunt enim candido admodum corpore, capite verò auri colorem æmulante, sardinis valde similes, vel qui Agathopoli magna copia sæpe capiuntur, paruis alosis similes, vocanturque illic *calliques* vel *laschez*, Massiliæ *harengades*. In qua sententia permanebo, donec alius certiora & veterum autoritate confirmata proferat.

De Thrissa.



CAPUT XV.

Lib. 3.



H Θ Π Ξ Σ Α variè à Græcis nominata est autore Athenæo: nam Archippus & Mnesimachus θράξαν appellauerunt, quo nomine Atticorum nullus usus est, inde δ' θραξίδιον. Dorotheus Afcalonites θέρξαν Græci θ in φ mutando φέρξαν vocant. Ausonius & Gaza pro Græca appellatione, vulgari, vt opinor, vsurpata: atque hos secuti alij
Alo.

alofam. Galli *alose*, Burdegalenſes *coulac*. Maſſilienſes *halachia*. Ro-
mani *laccia*. Hiſpani *ſaboga*. Docti quidem *χελύων* clupeam inter-
pretantur, neſcio qua ratione inducti, cū de clupea ſolus Plinius *Lib. 9. cap. 15.*
hæc ſcripſerit, de attilo Padi loquens. Hunc minimus appellatus clu-
pea, venam quandam in faucibus eius mira cupiditate appetens mor-
ſu exanimat. Et ante hunc Ennius cuius verſus extat apud Apulcium.
Omnibus ut clupea præſtat muſtella marina.

Ex his quomodo confirmari poſſit clupeam noſtram eſſe aloſam
non video, maximè cū clupeam minimum eſſe piſcem Plinius di-
cat: Aloſa verò noſtra cubiti magnitudinem aliquando ſuperet. Maſ-
ſarius nō alia ratione motus idem ſenſiſſe videtur quàm quòd Vene-
ti aloſam *chiepam* nuncupant, quæ vox à clupea deducta eſſe videtur.
Aloſa piſcis eſt marinus, gregalis, ſardinis capitis figurâ, oris ſciſſura,
ſquamis, pinnarum ſitu, numero ſimilis, ſed maior & latior. Spinæ
habet permultas, & inter veſcendum valde moleſtas, vtpote quæ ſine
incommodo edi non poſſint, quemadmodum ſardinarum, aphy-
arum phalericarum, & membradum ſpinæ. Vere & æſtate fontes dul-
cèſque amnes petit, illicque pingueſcit, molli ſuauique carne reddi-
tur, & Athenæus inter piſces Nilum ſubeuntes recenſet. Quocirca *Lib. 7.*
quò longiùs à mari capiuntur aloſæ eò meliores ſunt. Itaque Burdi-
galæ & Lugduni, multò magis ſucculentæ palatòque gratiores ven-
duntur quàm Maſſiliæ: marinæ enim exuæcæ ſunt, aridæ cum qua-
dam acrimonia à qua ſitis excitatur. Oppianus ſcripſit nullam eſſe *Lib. 1. ἀλω-
τικὴν*
alofiſ ſtabilem in mari ſedem.

Χαλκίδες αὖ θρίσας τε καὶ ἀβραμίδες φορέον)
Ἀθροαὶ ἄλλο τε δὲ ἄλλον ἄλως πόρον, ἢ περὶ πτερὰς,
Ἡ πελάγη, δολιχοῖσι τ' ἐσέδραμον ἀγλαοῖσι
Αἰὲν ἀμυβόμηναι ξενίῳ ὁδὸν ἢ τ' ἀλῇ)
Chalcides & thrifæ paſſim, abramideſque feruntur,
Atque cateruarim percurrunt æquoris undas,
Et curuis habitant ſcopulis, & litora viſunt,
Alternantque vias ponti, curruntque per æquor
Hospitium mutant ſemper, pontòque vagantur.

Thriſſas Ægyptias cantu delectari autor eſt Ælianus. Qui Ma- *Lib. 11.*
reotim lacum incolunt, inquit, Thriſſas illic cantu & pulſibus teſta-
rum concrepitantium conſonantibus piſcantur. Etenim tanquam
ſaltatrices, ſaltantes in piſcatoria ad ſe comprehendendas explicata
inſtrumenta incidunt. Idem ipſe proculdubio in aloſis noſtris ſum
expertus: quum enim in Aruerniæ oppido Maringueſio eſſem, & in
fluij ripa sæpe animi cauſa deambularem, ad teſtudinis ſonos aloſas
vidimus adnatantes & ſaltantes, id quod noctu manifeſtiùs appare-
bat. Abundat autem fluuius ille tanta & ſalmonum & aloſarum co-



G V L I E L M I R O N D E L E T I I D E P I S C I B V S

LIBER VIII.

55

De Sphyrænæ prima specie.



C A P U T I.



Lib. 9. de hist.
animal. ca. 2.

Libro 32. c. 11.

DAVLATIM A pisciculis ad magnos
piscēs veniemus. Dicemus autem deinceps
de sphyrænâ & acuum generibus, ac lacertis
iisque similibus. Σφύραϊναι alij, maximè At-
tici κέρπαυ appellant. Latini sudim. Nostri
Spet. Itali Spetto. Africani Scaumè. Græci
huius temporis σφύραϊναι. Gaza non rectè
malleolum conuertit, cùm Plinium auto-
rem haberet, qui & sudim interpretatus est,
& interpretationis causam reddidit. Eius hæc sunt verba: Sunt præ-
tereà à nullo autore nominati. Sudis Latinè appellata, à Græcis sphyr-
rænâ, rostro similis nomine, magnitudine inter amplissimos rarus,
sed tamen non degener. Sudis teli militaris genus est, & paxillus a-
cutus, qui in terra defigendus præurebatur, vel vt robustior esset, vel
vt tardius putresceret. Virgilius:

Stipitibus duris agitur sudibusque præustis.

Eadem de causa κέρπαυ ab Atticis dicebatur. Nam κέρπαυ teli genus
est

est Persico bello inuentum, aut stimulus siue stylus apud Sophoclem & Aristophanem. Idem significat σφύρα accentu in priore syllaba posito, vt differat à plurali σφύρα pro malleolis. Phauorinus. Κέσπρα ἀμυντήριον ὄπλον, σφύρα, καὶ εἶδος ἰχθύος. Igitur à σφύρα, quæ teli genus significat deducitur σφύρανα. Idem etymum secuti sunt omnes. Nam Hispanis & Italis *spetto* dicitur, id est veru, & à nostris detracta litera *spet*. Est enim piscis iste longus, & acuto rostro: Qua de causa Speusippus acui assimilauit. Ex his liquidò apparet Gazæ error, qui malleolum interpretatus est: similiter aliorum multorum qui eum quem Massilienses *peis iouziou*, id est, piscem iudeum appellant. Sphyrenam esse credunt, cum zygæna sit non sphyræna, quæ zygæna à figura libellæ T Græcorum simili nomen habet, eamque, piscem iudæum à Massiliensibus vocari verissimè scripsit Petrus Gyllius, quod capitis tempora tanquam cornicula emineant, more iudæorum qui sic olim Massiliæ induebantur. Sed de zygæna suo loco. Ad Sphyrenam redeamus cuius duo sunt genera, vt autor est Oppianus & experientia comprobatur.

Athen. lib. 7.

*lib. 1. ἀλιού-
τικωμ.*

Σφόρσιος αἰκτὴρ διδυμεν γένος, ἀμφοτέραι τε
Σφύρανα δολιχαί.

Vtraque piscis est marinus, lucio vulgò *brochet* dicto corporis figura tam similis, vt qui proprium nomen ignorant Romæ & in Montepelio, *brochet de mer*, id est, lucium marinum appellent. Est igitur Sphyræna primi generis corpore longo, tenui, rostro prominente & acuto. Maxilla inferior superiore maior, in acutum desinens superiorem excipit, sicque ambæ coeunt, vt dicas rostri vel oris nullam planè scissuram esse, quam tamen maximam esse oportuit, tum ob rostri tenuitatem, tum ob piscis voracitatem. Dentes illi sunt acutissimi, in os recurui vt murænæ, in superiore maxilla quatuor, in palato duo dentium ordines. In media inferiore maxilla dens vnus in foramen in media superiore maxilla exculptum recipitur, omnium inferioris maxillæ dentium maximus. Rostrum foris calatum est, eiusdem extremum nigrum. Oculi sunt maximè ante hos foramina vel ad audiendum, vel ad olfaciendum destinata. A capite ad caudam per medium ferè corpus linea ducta est ex squamis contexta, reliquum corpus à squamis nudum esse videtur. Sphyræna colore Asellum æmuletur. Est enim ventre albo, dorso nigricante vel potius cinereo. Linea prædicta flauescit initio, & oris interna pars. Brachie satis apertæ sunt. Pinne quatuor, duæ ad branchias, reliquæ in ventre, exiguæ, hæ ad nationem conferunt. In dorso eriguntur duæ. prior quinque aculeis constat, altera sine aculeis est: quemadmodum ea quæ ad podicem est. Ventriculo oblongo est cum multis appendicibus, intestinis longis, hepate albicante, carne candida, suauis, dura siccatq; , sed quodammo-

do friabili. & aselli carnem vtcunq; referente, cui & lupo præcipuam
 auctoritatem fuisse Cornelius nepos, & Laberius poëta minorum tradi-
 dère. Quare non possum non mirari Hicesium de quo hæc Athe-

Libro 7. *Libro 8.* *Lib. 3. de fac.* *Lib. 2. de hist.*
 næus. Σφύρανας φησὶν ἰκέσας φορμιώτερας εἶναι τῶν γόγρων, ἀπαθείς δὲ ἢ
 γεῦσιν, καὶ ἀσβόμες, δυχυλῆς ὁ μέσος. Et alibi Athenæus. αἱ σφύραναί τῶν
 γόγρων εἰσι φορμιώτεραι. Quibus aperte ratio repugnat. Qui enim sphyræ-
 rana plus alimenti præstare possent congris qui ex cartilagineorum
 sunt genere, dura, sicca lenta glutinosaque carne? vnde δυσχερὲς α-
 σβόμενος esse dixit Philotimus, quod approbat Galenus. Omnes autem
 non solum pisces sed & carnes & quæcunque alia quibus vescimur,
 propter duritiem & succi contumaciam difficilius conficiuntur, vt
 difficilioris sunt concoctionis, ita plurimum nutriunt. Non est igitur
 verà hæc Hicesij sententiā, nisi sphyræna alium hîc piscem substi-
 tuas: nam alioqui locus totus integer non est, neque ἀπαθείς ἢ γεῦσιν,
 καὶ ἀσβόμες, δυχυλῆς ὁ μέσος legendum, sed ἀπαθείς ὁ ἢ γεῦσιν, καὶ ἀσβόμες,
 δυχυλῆς ὁ μέσος, id est, gustui iniucundas esse, & ori ingratas, succi bo-
 nitate mediocri. Cæterum non fuerit alienum confirmare hanc ve-
 ram esse sphyrænam quam proponimus. Ac primum eundem esse
 piscem qui σφύρανα & κέστρα dicatur, satis docet Athenæus ex Dorio-
 ne. Δωρίων σφύραναι φησὶν, καὶ κέστρα. Ἐπίχαρμος ὁ ἐν μέσῳ, κέ-
 στρας ἀνθρώπος, οὗκ ἔτι σφύραναις ὀνομαζέσθαι ὡς ταῦτον ἔστι καὶ οἱ ἀθηναῖοι ὡς ἐστὶ
 ὁ πολὺ ἢ σφύραναι καὶ κέστρα, ἀπάντως ὁ τῶν σφύραναις ὀνομαζέσθαι
 αὐτό, id est, Dorion sphyrænam ait quam vocant cestram. Epichar-
 mus autem in musis cestram cùm nominauerit, non iam sphyrænas
 dicit, vt pote quæ eadem sint. Et Attici sæpiùs sphyrænam vocant ce-
 stram, rarò autem sphyræna nomine vsi sunt. His accedit Plinij te-
 stimonium qui sphyrænam sudim conuertit à nomine simili rostro,
 quod perinde est ac si diceret à rostro acuto sudim nomen inuenisse.
 Deinde sphyræna acui similis est autore Speusippo apud Athenæum:
 σφύρανος ὁ ὡς παραπλήσια ἐκτίθειαι κέστραν, βελόνην, γαυρίδα. Est verò
 sphyræna, acus modo rostro acuto & longo. Postremò longo est cor-
 pore. vnde Oppianus δολιχὴς appellat, id est longas. Et Aristoteles
 καὶ τῶν μακρῶν ἐγγέλους καὶ βελόνης καὶ σφύρανας. Ex longis anguilla, acus,
 sphyræna. Mendosi enim sunt vulgares codices, in quibus pro σφύρα-
 να legitur ζύγαναι. Nam zygena in cartilagineis numeratur: quæ & si
 magnus sit piscis, longus tamen non dicitur, cùm ij duntaxat longi
 dicantur, qui pro corporis longitudine tenues sunt admodum: alio-
 qui omnes ferè magni, etiam longi dicerentur. Omnia verò quæ mo-
 do demonstrauimus in sphyrænam nostram competere nemo nisi
 planè cæcus non videt.

De Sphyræna parua, siue Sphyrænæ
secunda specie.



CAPUT II.

QVAM Sphyrænæ speciem alteram esse diximus ex Oppiano, eam esse putamus quæ à nobis *hautin* nominatur. Est enim corporis specie superiori valde similis. Rostro est tenui & acuto, corpore oblongo, à squamis nudo, ore paruo, sine dentibus, oculis magnis pro corporis magnitudine: cute argentei coloris, carne & ossibus pellucidis. Cauda antequam in pinnam terminetur latefcit, & vulgò hodie à pictoribus vsurpatam cordis effigiem refert. Pinnas duas habet ad branchias, inferiori ventris loco affixas veluti in fluuiatilibus: paruas alias à podice, quas sequitur alia ad caudam vsq; continua. Alia est in dorfi medio sine aculeis. In corpore medio rectissima à branchiis ad caudam linea ducta est. Hæc Sphyræna superiore minor est: nam palmi magnitudinē non superat. Candidior est, rostro breuiore, minus cælato. In ventre inest vesica oblonga aëre plena. Ventriculus & peritonæum nigricant, carne est molliore quàm superior, & ad saxatiliū carnem accedente.

De Acus prima specie.



CAPUT III.

AGRÆCIS Βελόνη piscis dicitur, & ραφίς. Dorion citante Athenæo. Βελόνη φασὶν ἦν καλεῖσθαι ρηφίδα. Aristoteles in his qui nunc extant libris Βελόνη semper vocat. In LIB. autem περὶ ζωνῶν, vt scribit Athenæus, ραφίδα etiam nominauit. Similiter Oppianus ραφίδες δὲ ἐπὶ τῇσιν ἀραγῶν. ἀβλανής etiam nuncupata est. Athenæus.

Libro 7.

Ibidem.

Lib. 1. ἀλιού-

τικῶν.

Lib. 8.

Lib. 32. cap. 11. Ραφίς ἢ βελόνη, καλεῖται γὰρ καὶ ἀβλενής, δύσπεπτος, ὕψος, ὄχυλος.
Lib. 9. cap. 51. Gaza acum interpretatus est. Plinius aculeatum vocat. Belone, inquit, quos aculeatos vocamus. Alibi acum. Acus, inquit, siue belone vnus piscium dehiscente propter multitudinem vtero parit. Qui nunc Græciam incolunt corrupto vocabulo βελονίδα. Nostri *Eguille*. Itali *arguzella*. Hispani *aguilla* vel *aguia pescado*. Veneti *acicula*. Normani *orphiez*. Habet etymum à rostri longitudine, tenuitate & acie, quòd ideo simile est acui vel sagittæ: vnde ὀξύρυγχι ραφίδες ab Epicharmo cognominatæ sunt. *Lib. 7.* Αβλενής verò quòd sine muco sit: βλέννα enim mucum significat: hic autem piscis carne est planè sicca, & sine humore lento, glutinoso & mucoso, quo multi longi pisces obliiti sunt. Duas acum differētias obseruauimus: vnā, quæ apud nos frequens est admodum, & vulgo notissima, de qua prius tractabimus: alteram, quæ acus est Aristotelis, à nostra vulgari dissidens, de qua proximo capite. Acus vulgaris piscis est longus, læuis, marinus quidem, sed interdum etiam in marinis stagnis reperitur, rostro est acuto, longo, tenui. Maxilla inferior superiore est longior, in mollem quandam substantiam degenerans. Dentes in vtraque maxilla parui frequentésque. Caput est triangulare, viride. Oculi magni, rotundi, lutei. Ante hos meatus ad audiendum vel ad odorandum trianguli figura. Branchiæ quatuor duplices. Pinnæ duæ paruæ ad branchias. Duæ aliæ breues sub ventre, quas sequitur alia longa, aculeis constans & membranis ab umbilico ad caudam progrediens. hac superior alia est magnitudine ferè par. Cauda breuis est in duas pinnulas terminata. Podex infima parte situs, non admodum conspicuus. Acus hæc ventre plano est, reliquo corpore quodam modo quadrato, ob lineam vtrinque protensam è squamis contextam, reliquis partibus læuibus, & sine squamis. Dorso est cæruleo, ventre candido, spina dorsi viridi, cæteris partibus interioribus longis, vt ventriculo, intestinis sine appendicibus. Hepate oblongo, & in eo vesicula fellis oblonga, corde angulato. Æstate venter ouis multis refertus conspicitur. Quare illam æstatis tempore parere crediderim, sed serò & sine vlla ventris scissura. Carne est dura & sicca, quam ob causam difficiliùs coquitur, succum tamen bonum gignit. Mirum igitur si Athenæus de hac nostra acu locutus non sit. Ραφίς ἢ βελόνη, καλεῖται γὰρ καὶ ἀβλενής, δύσπεπτος, ὕψος, ὄχυλος. Cùm minimè humidam esse experientia constet, sed siccam.
Lib. 8. Oppianus de hac nostra acu videtur locutus fuisse, cū tradit eam dentibus retia erodere & incidere. Dētes enim paruos habet & frequētes.
Lib. 3. ἀλιό-τινῶν.

Καὶ μὴν δὴ ραφίδων τοῖος νόος αἰδ' ὅτε ἄγλαπον
 Δικτὺς ἐκ τρωφύωφι, πόνος δ' ἐκ σοφ' ἐγένων'.
 Αὐθις ἐπιστρωφῶφι, λίνω δ' ἐπιμνήσσει
 Δήγματ' ἐπιπείσει, ὅ δ' ἐλέγξι δύνειαι εἴλω.

Ἰχθὺς ἐμμενέως πικρὸς ἐν ὄντι οὐδὲν ἔσται.

Præterea eam quam exhibemus *Βελόνην* siue acum meritò dictum figura, tum nationum omnium consensus appellationesque testantur, à qua diuersam fateor esse eam, de qua scripsit Aristoteles, quippe cui notæ multæ quæ huic nostræ insunt, minimè competant. dentibus enim caret acus Aristotelis teste Athenæo. Adhæc rimam ^{Libro 7.} habet in ventre. Postremò hyeme parit. Quare distinctionis & perspicuitatis gratia priorem belonem appellabimus vulgarem siue communem: alteram belonem Aristotelis, de qua iam dicamus.

De Acus secunda specie, siue de
Acu Aristotelis.



CAPUT IIII.

LOCIS Aliquot, quos postea citabimus, *Βελόνης* meminit Aristoteles. Ea verò est, quæ à nostris *Trompette* dicitur. Ab Italis quibusdam *Dianolo*. Sunt qui serpentem marinum esse credant, sed falsò, ut docebitur. Piscis est longus, tenuis, cubiti longitudine, digiti crassitudine, oculis, branchiis hippocampo planè similis, nec non rostro, quod tubam æmulator, vnde à nostris nomen positum. A capite ad podicem exagonus est piscis, à podice ad caudam quadratus. Podex in medio ferè corpore, à quo rima oblonga progreditur, in qua oua reponi certissimū est. Ego cū huiusmodi acum hyemis initio cultello aliquando dissecarem, in rima oua permulta reperi, fidèq; dignissimis viris ostendi. Proximo anno quum nō procul ab Aquis mortuis locus in mari turri ædificandæ destinatus, vndis vacuaretur, illicque maris purgamenta diligentius perlustrarem, duas acus reperi coloris diuersi: erat enim altera viridis, altera pulla, in quibus cū rimam illam inspicerem, oua vidi in ea exclusa, multosque fœtus iam perfectos, quorum alij maiores erant ac mouebantur, partesque omnes perfectas habebant: alij minores: alij tam exigui & tenues, ut oculi duntaxat & rostrum cernerentur. Cuius rei testes habeo oculos, & locupletissimos doctores medicos, atq; alios familiares, quibus eam rem tum demonstraui. Pinnas duas habet hæc acus exiguas, ad branchias. Aliam in medio dorsi vix conspicias, nisi dum

viuit, & in aqua mouetur. Longitudo corporis cum tenuitate aliarum pinnarum vicem gerit. Cauda in simplicem & tenuem pinnam terminatur. Gulam habet, qua plurimi pisces carent. Ventriculo est paruo, oblongo, hepate magno, intestinis gracilibus rectis, non in spiras contortis. Non squamis, sed serpentum modo integitur cortice pulchrè cælato & duro. Ob tenuitatem parum carnis habet: eamque ob causam à mensis reiicitur. Sed à plerisque venustatis gratia exiccata seruatur. Hanc βελόνιον esse seu ραφίδα, de qua scripsit

Libro 7.

Aristoteles, constanter affirmamus. Nam teste Athenæo *lib. 11. περὶ ζοικῶν ἀνδρῶν* esse dixit, id est, sine dentibus, quod huic nostræ quadrat: quippe cui non modò nulli sint dentes, sed ne vlla quidem oris scissura, verùm foramen solum veluti in extremo tubæ, tam paruum, vt tum propter eius paruitatem, tum propter rostri longitudinem angustiamque, ne minimus quidem piscis hauriri possit, sed hâc veluti per fistulam ex aqua alimentum trahit. Iam verò rima sub ventre, quam Aristoteles acui tribuit, quæ etiam ei, quam exhibemus, proculdubio inest, omnem controuersiam dirimit. Eius hæc sunt ver-

Lib. 6. de hist. animal. ca. 13.

ba: Ἦν δ' ἡ γλασσίνας βελόνιον, ὅτεν ἡδὴν ὄρα ἢ τὴν ἰνδὴν, διαρρήγνυ, καὶ ἔτω τὰ ὡὰ ἐξέρχεται, ἔχει γὰρ ἰνα ἔσω ὁ ἰχθύς ἔστος διαφύγει ὑπὸ τῆς γαστέρας, ὅτι ἦσαν, ὡς περ οἱ πτερίδες ὄφεις. ὅτεν δὲ τεκῇ, (ἢ καὶ συμφύει) πάλιν τείλει. Quæ sic conuertit Gaza: Qui autem acus vocatur, vnus tempore pariendi vtero dehiscente oua emittit: habet enim hic rimam quandam sub imo ventre, vt cæciliæ serpentes. A partu autem viuit,

Lib. 9. cap. 51.

& vulnus callescit. Item Plinius: Acus siue belone vnus piscium dehiscente propter multitudinem vtero parit. A partu callescit vulnus, quod & in cæciliis serpentibus tradunt. Paulum digredi libet in πτερίδας ὄφεις siue πτερίδας, quas cæcilias serpentes interpretatur Gaza, opinor, Plinium secutus & Columellam, qui cæciliæ serpentis meminerunt. Plinius quidem loco iam citato. Columella verò libro sexto. Est etiam mortifer iis serpentis ictus, est & magnorum animalium noxium virus: nam & vipera & cæcilia sæpe cum in pascua bos improvidè supercubuit laceßita onere, morsum imprimit. Et paulò post: Cæciliæ morsus tumorem suppurationemque molitur. Hanc vt à Græcis, ita à Latinis appellatâ puto à debilitate visus: nam

Cap. 16.

Lib. 9. cap. 48.

πτερίδα etiam vocatur teste Eliano: sicuti alia etiam serpens ab hebetiore auditu κωφίας. Sed redeamus ad acum, de qua rursus Aristo-

Lib. 6. de hist. anim. cap. 17.

teles: Οψήρον δὲ ἐστὶ καὶ γλασσίνας βελόνιον. ὃ δὲ πολλὰ ἀνδρῶν πρὸς τὴν ἰνδὴν διαρρήγνυται ὑπὸ τῶν αἰῶν ἰχθὺς δὲ σὺν ἑτῷ πολλὰ ὡς μεγάλα. καὶ ὡς περ τὰ φαλάγγια δὲ περιέχονται, ὅτε περὶ τὴν βελόνιον ἐκτελεῖται γὰρ πρὸς αὐτὴν καὶ τὴν θύγῃ φάγουσι. Sic Gaza: Acus verò appellata ferro fortificat, compluresque eius generis disrupto ac dehiscente vtero pariunt, non tam multitudine ouorum quàm magnitudine. Et modo

do phalangiorum proles parentem offusa circumdat, quippe quam discedere statim prolis amor non sinat, & si tetigeris, fugiunt. Quæ ideo adscriptimus, ut conuersionem Gazæ conferat diligens lector cum verbis Aristotelis. Intelliget enim postremam sententiam corruptam esse, atque Gazam aliter legisse quàm nos in vulgaribus nostris codicibus. Quî enim congruunt verba ista, quippe quam discedere prolis amor non finit cum iis. ἐξελκτ γὰρ τὸς αὐτοῦ? Hæc sunt Aristotelis testimonia, quæ necessariò conuincunt eam esse belonen siue acum, quam depinximus. Quæ serpens marinus dinullo modo potest. Id quod eiusdem Aristotelis autoritate confirmo. Sunt & marinæ serpentes terrestribus forma similes, nisi quòd magis congrui simile caput habeant. Magnitudine igitur, figura corporis, capite congrui simili distinguitur serpens marina ab acu. De serpente autem marina plura suo loco dicemus. His quæ proposueramus confirmatis, non absurdum fuerit causam inuestigare, cur acui dehiscat venter. Ac primùm non sine causa mirum videri possit Plinium loco antea citato, id ad ouorum multitudinem referre: cùm quæ de acu scripserit, ex Aristotele mutuatus videatur, qui tamen causam rimæ sub ventre non multitudini ouorum, sed magnitudini ascribat, quum ait acum serò fœtificare, complurèsq; eius generis disrupto ac dehiscente vtero parere, non tam ouorum multitudine quàm magnitudine. Rursus si magnitudinem ouorum rimæ causam esse putes, cur in hippocampi ventre rima non fit, cuius & plura & maiora sunt oua quàm acus? Alianus aliam adfert causam. Marinæ acus, inquit, quòd sunt prætenues, minimè tortuosum & sinuosum vterum fœtumque capacem habent, idcirco catulorum suorum non sustinentes incrementum disrumpuntur, non igitur pariunt catulos, sed expellunt, atque eiiciunt. At permulti sunt squamosi, quibus sinuosus non est vterus, multi longi & tenues, qui rima ista carent. Quare corporis tenuitati adiungendam causam aliam esse censeo: nimirum corticis duritiem. Nam vsque adeò duro cortice integitur acus, ut gladio acuto secari vix possit. Quò sit, ut venter distendi nequeat, quemadmodum hippocampi venter, qui mollis est. Emittit itaque acus oua sua, atque in illa rima tanquam in alio sinu fouet, donec excluderit. Idem in crusta intestis quibuscum videtur, veluti in locustis, squillis, & cancris omnibus. Quæ omnia in appendicibus ad caudam positissimè oua sua racematim compacta feruant, & fouent donec excludant. Qua nota discernuntur fœminæ à maribus. Natura itaque sagax & prouida in acu rimam post podicem dilatat, donec pepererit, quæ post partum ita coit, ut coalescere videatur. Quanquam fieri possit, ut coalescat, ut Aristotle-

Lib. 2. de hist.
animal. ca. 14

Lib. 9. cap. 18

Lib. 11. cap. 23.

les & Plinius existimasse videntur. Hoc qui Angliam peragrarunt, & facilius credere, & aliis certius persuadere possunt. Illic enim ichthyopolæ lucios cultro dissecant, vt pingues esse empturis ostendant, quos non emptos rursus in viuaria coniiciunt, in quibus vulnus coit & coalescit. Quod naturæ rerum periti tincis attribuunt, quia iis se lucij affricant, vt illarum mukum vulneri illinant, atque ita eius labra in vnum conducuntur. Sed idem in acu euenire non potest ob cutis tenuitatem & siccitatem. Verum sic rimæ oræ committuntur, vt propius etiam inspicienti coaluisse videri possint.

De Sauro.



CAPV V.

Libro 7.

Lib. 9. de hist.
anim. cap. 2.

PEVSIPPVS apud Athenæum sphyrænam, belonen, saurida similes esse ait. Duobus igitur prioribus explicatis de eo, qui *Caveis* vel *Cæupos* dicitur, tractabimus. A Gaza lacertus nominatur, à quibusdam ex nostris *aiguille*, ab aliis *becasse*. Piscis est marinus, pedis magnitudine, acubus breuior & crassior. Rostro acutius sed breuiore & sursum recuruo. Huic, loco dentium maxillæ sunt serratæ. Branchiæ quaternæ, quibus & oculis & ante hos foraminibus, ventrisque squamis ac lineis, quæ ventrem ferè quadratum efficiunt firmantque, acubus est similis. Reliqua verò corporis parte à podice ad caudam, caudaque ipsa scombris par, siue partis huius, caudæque figuram, siue eiusdem pinnulas spectes. Ventriculo est oblongo, intestinis gracilibus, longis, in gyrum non conuolutis. Hepate longo, rubescente, in eo fellis vesica est. Fel & splen nigricant: Carne pinguiore est quàm acus, nec à scombris differente. Quare cum & carnis substantia, & posteriore corporis parte scombris, qui etiam lacerti dicuntur, similis sit, rostro verò & priore corporis parte acubus, existimaui acubus subiungendum esse, & ob similitudinem saurum nuncupandum. Rarus est admodum piscis, & à piscatoribus nostris veluti nouus aliquando ad me delatus.

De Trach

De Trachuro.




CAPUT VI.

TΡΑΧΟΥΡΟΣ Idem esse creditur qui & *Caŭpos*, cui opinioni vulgaris appellatio cōsentit. A nostris enim *ſaurel* vel *ſieurel* dicitur. A Romanis, *ſauro*. Ab aliquibus noſtrūm *gaſcon*. A Santonibus *cicharou*. A Gallis *maquereau baſtard*, id eſt, ſcombrus ſpurius. Ariſto-
Lib. 9. de hiſt. anim. cap. 2.
 teles trachuri nuſquam meminit: ſed *σαῦρος* tantūm, quem gregalem eſſe ſcribit, quod trachuro quoque conuenit. Nam æſtate in noſtro & hispanico litore, multi ſimul magnā copia cum ſcombris capiuntur. Athenæus diuerſis locis de ſauro & trachuro loquitur, vt diuerſos exiſtimāſſe videri poſſit. Oppianus proculdubio diuerſos fecit *τραχέων τ' ἀγέλαι*. Et paulò poſt *σαῦροι τε σκέπαυοι τε*: illic enim varios & differētes piſces recenset. Siue eundē cum ſauro, ſiue diuerſum trachurum exiſtines haud equidem ponam in magno diſcrimine: nam vt res habeat, verum trachurum nos certè depingimus. Piſcis eſt marinus, gregalis, minoribus lacertis ſeu ſcombris colore ſimilis, corpore minus ſpiſſo, rotundōque, ſed paulūm compreſſo. Squamis caret. In medio corpore lineam habet à capite ad caudam deductam multis oſſiculis ita horridam vt ſerra eſſe videatur, non rectam quidem, ſed media ſui parte inflexam & obliquam, in caudā eminentiorem, aſteriorēque quā in alijs partibus, quæque ob id caudā veluti quadratam efficiat. Ab hac caudæ aſperitate nomen traxit. Roſtro eſt minus acuto quā ſcombrus, oris ſciſſura media, maxillis aſperis, oculis magnis & virescentibus. Pinnis quatuor natat, duæ maiores ad branchias ſitæ ſunt, duæ aliæ minores in vētre. Aliæ duæ in dorſo eriguntur, prior aculeis membrana connexis conſtat, poſterior mollioribus veluti pilis & lōgioribus. Poſtrema eſt à podice ad caudam cōtinua, duobus ſtatim à podicē aculeis nixa. Podex in medio ferè eſt corpore. Cauda ſimilis caudæ acis vulgaris. Trachurus carne eſt ſicca duriorēque quā ſcōbri. Rectè igitur, Galeno etiam approbante, Philotimus inter piſces duræ carnis repoſuit. Illud non
Lib. 1. ἀλιευτικῶν.

omittendum vehementer errare eos qui trachurum eum esse credât, qui etiam trachinus dicatur. Nam trachinum eum esse ex Plinio demonstrabimus, qui araneus vel draco nominatur.

De scombro.



CAPUT VII.



SCOMBROS à Græcis, à Plinio & Latinis omnibus scomber siue scombrus dicitur. A nostris *veirat* quòd vitri instar splêdeat, vel *peis d'aurion*, id est, piscis aprilis, quòd eo potissimum mense capiatur. A Gallis *maquereau*, à Massiliensibus *auriol*, ab Italis *lacerto*, à Venetis *scombro*. Ab Hispanis *cauallo*. Græci huius ætatis corruptè *χαλιδιον* pro *χελιδιον* vocant, de quo mox. Scombrus etiam lacertos nonnulli vocant, à figuræ musculorum nostrorū siue lacertorum, potiùs quàm terrenorum lacertorum similitudine: nisi quis ob viriditatem, quæ in scombris exigua est, eos terrenis lacertis comparare malit. Scomber piscis est marinus, gregalis teste Aristotele, qui ad cubiti magnitudinem accedit. Squamis caret, corpore est terete, denso, carnofo, vtrinque in acutum desinēte. Rostro enim acuto est, cauda acutior, tandem in duas pinnas valde à se distantes terminata. Thynnus ore refert, siquidē oris scissura magna est, rostri margines acuti & tenues. Inferior maxilla in superiorem recipitur & clauditur pyxidis modo. Oculis est magnis, aureis. Dorsum in aquis sulphurei coloris est, extra & mortuo cærulei. Lineis nigricantibus, obliquis insignis est, ventre lateribusque argēteis. A podice pinnam vnam habet parvam, suprapositam alteram in dorso similem, quas ordine certisque intervallis aliquot aliæ pinnulæ subsequuntur. Quod huic proprium non est, sed cum amijs, thunnis, pelamydibus commune. Alia est dorsi initio pinna. Ad Branchias aliæ duæ. In ventre duæ. Ventriculus cum gula longus, in acutum desinens ad podicem vsque protensus innumeras appendices habet. fellis vesicula ab hepate albicante pēdet, intestinis adhærens. Coeunt thunni & scombri autore Aristo. mēse Februario post idus, pariunt Iunio ante nonas, edunt qua sua condita quasi vtriculo, idque in ponto, vt arbitror, quia paruulos nunquam cōtingit nobis

Lib. 9. de hist.
animal. cap. 2.


Lib. 6. de hist.
animal. cap. 17.

nobis vidisse. Cùm thunnis pelamydibus & amijs in pontum ad dulciora pabula gregatim cum suis ducibus commeant omnium primi: thunnis enim cùm sint imbecilliores tenuioresque, frigoris calorisque iniurijs magis sunt obnoxij. Quamobrem frigidiora calidioraque loca citius relinquunt, maximè austro vehementius flante. Ex scombris olim garum conficiebatur. Plinius. Nunc è Scombro pisce laudatissimum in finibus Cartaginis spartariæ & ceterijs, lociorum garum appellatur, singulis milibus nummum permittantibus congios penè binos. Nec liquor ullus præter vnguenta maiore in pretio esse cœpit, nobilitatis etiam gentibus. Scombros quidem & Mauritania, Beticæque, & Carteia ex oceano intrantes capiunt ad nihil aliud vtilis. Athenæus. καὶ ἄλλων σκομβόριον ἀπὸ τῶν ἐλισκομένων σαρμάτων, ἐξ ὧν δ' ἄριστον σκευάζεται γάρον. Scombrariam, inquit, appellatam fuisse à scombris qui illic capiuntur, ex quibus optimum conficitur garum. Ad saliendum autem idonei sunt scombri, garumque parandum: quia eorum caro faciliè conficitur, spinis caret, vere pinguis est. Quæ enim dura, sicca, macråque sunt, saliri commodè nequeunt. In oceano maiores sunt, quàm in nostro mari, sed sicciores durioresque, & ob id deteriores. Sic Romæ sicci sunt & duri: Venetijs optimi, nimirum molles, pingues, delicatioresque.

Lib. 21. cap. 2.

Libro 3.

De Colia.



CAPUT VIII.



ΟΛΙΑΣ piscis à Græcis dicitur, quem Gaza monedula interpretatur, parum rectè, ut opinor. monedula enim avis non *κολιός* sed *κολοιός*, ab Aristotele, & alijs nominatur. Quare Gazam *κολοιόν* legisse crediderim: neque enim aliter vir Græcè & Latinè doctissimus monedula vertisset. Sed piscem de quo nunc loquimur, Iulius Pollux, & Athenæus *κολιόν* appellant: & *κολιόν* non *κολοιόν* in Aristotelis exemplaribus quæ nunc extant, legimus. Quare Græco

Lib. 9. de hist.
anim. cap. 2.
lib. 5. cap. 9.

nomine vtendum censemus, eúmque piscem coliam esse putamus, qui à Massiliensibus *cogniol* vocatur. Est igitur colias lacerto minori, vel scombro omnino similis, his tantùm notis exceptis, quòd colias maior sit & spissior, squamisque integatur paruis & tenuibus, ac lineas obliquas à dorso, breues, punctis nigris notatas habeat. Vnde ab Aristotele in libro *περί ζωικῶν ἢ περὶ ἰχθύων*, citante Athenæo *σκολιόγραπτος* dicitur. Pars est capitis vsque adeò pellucida, vt nerui optici cum cerebro veluti per vitrum appareant. Vere sanguinem emittit purpuræ splendorem perbellè referentem. Rarus est apud nos piscis, in Hispania & quibusdam alijs locis frequens. Hunc verò quem exhibemus, veterum esse coliam certò colligere possumus ex eorundem monimentis. Noster enim hic piscis aut scomber est, aut colias, neque vllus est, qui non primo intuitu ita non iudicet. Et piscatores nostri à scombris ob similitudinem non distinguunt. Scombrum verò non esse satis perspicuè ostendit Athenæus, quum scribit sardam magnitudine coliae parem esse. Atqui *Lib. 3.* sarda pelamys longa est, autore Plinio. Quæ sanè magnitudo scombro præcedenti capite descripto competere non potest. Idem *Lib. 32. cap. 11.* indicare videtur Hicesius apud Athenæum, ait enim, *τοὺς σκολιόβρους ἐλαχίστους μὴ εἶναι, καὶ ὁ μέγας, τροφίμος δὲ τῶν χολίων ευχολόερος, ἢ μὲν δεικνυτολέους.* Sic enim legendum esse, vel *τροφιμόερος δὲ τῶν χολίων, καὶ ευχολόερος*, non autem vt in exemplaribus excusis legitur, manifestum fiet, locum istum cum alio eiusdem autoris loco qui est in libro tertio conferenti. Hicesius igitur scombros coliae comparans, minores esse & melioris succi, qui tamen non faciliùs excernantur, apertè dicit. Quod & cuius qui piscem hunc nostrum nactus fuerit, experiri licet: Nam scombros meliores esse, quia humidiores pinguiorésque sint, coliam multò deteriorem comperiet. Locus ille alter Athenæi est huiusmodi. *ἡ σάρδα προσέοικεν τῷ χολίῳ μεγέθει, ὁ δὲ σκολιόβρος κέρως καὶ ταχέως ἀποχωρῶν τῷ τρομάχῳ, ὁ χολίας δὲ χολιοσκιλωδέτερος, δηλωτέρος, καὶ χαλχυλόερος, τροφίμος, κρείστων δὲ ὁ ἀμυκλάνος, καὶ ἰσπανὸς ὁ σέξιανός λεγόμενος: λεπτότερος γὰρ καὶ γλυκύτερος.* Qui locus rursus mendo non vacat, quid enim significare potest *κολιοσκιλωδέτερος*? reponendum itaque puto *κολλωδέτερος*. Coliae sarda magnitudine assimilata est, scomber autem leuiter & subito è ventriculo descendit. Colias verò glutinosior, acrior siue mordacior, deterioris succi, multum nutriens, melior autem amyclanus, & Hispanus qui sexitanus dicitur, gracilior enim est & suauior. Mutua horum duorum locorum collatio; vtrunque dilucidiorē emendatiorēque reddit. In loco proximè citato, dicitur colias deterioris esse succi quam scomber. In altero dicitur scomber melioris esse succi quam colias. Adhæc dicitur illic scomber

leuis

leuis, nec diu in ventriculo immorari, colias autem glutinosior, durior, mordacior: quam ob causam excernendi vim statim excitat, hinc verò, scomber non facilius excerni, quàm colias dicitur. Quare cum colias maior sit, deterioris acriorisque succi, scomber minor, meliorque, alioqui corporis specie similes, rectè mihi videor hoc capite coliam representasse, præcedenti verò scombrum, qui à Gallis *Maquereau* nominatur. Superest scrupulus eximendus, quem nobis iniicit Plinij locus. Colias, siue parianus, siue saxitanus à patria Lib. 32. cap. 11. Betica lacertorum minima. Sed locus hic adeò mutilus & deprauatus fuit, ut in eo omnino restituendo & corrigendo plurimum sudarit Hermolaus. Primum igitur sic legendum: Colias parianus, siue sexitanus è patria Betica. Id liquet ex Athenæo, cum de colia scribit: Lib. 3. Κρείσσων δὲ ὁ ἀμύκλανος, καὶ Ἰσπανὸς ὁ Σεξίτανος, λεγόμενος. Quibus mox subiungit: Σφάβων ὁ ἐν τεύτῳ γεωγραφικῶν, πρὸς τοῖς ἡρακλέους φησὶ νήσις καὶ καρχηδόνα τινὲς καλεῖται πόλιν εἶναι Σεξίταναν, ἐξ ἧς τὰ ταείχη ἐπωνύμως λέγεσθαι, καὶ ἄλλω σχομβροαείαν, ἀπὸ τῶν ἀλισηγμένων σχομβρων, ἐξ ὧν ἄριστον σκευάζεσθαι γάρον. Vides hinc etiam Hispanos siue sexitanos commendari colias & amyclanos, à Plinio verò parianos. Quanquam quæ ex Strabone citantur, paulò aliter apud ipsum reperias: scribit enim libro tertio, Ἡ δὲ μάλακα καὶ πολλοὶ μᾶλλον φοιτῶντες τῇ χήμῳ, ἐφεξῆς δὲ εἰσὶν ἡ τῶν ἐξ Ἰσπανίας πόλις, ἐξ ἧς καὶ τὰ ταείχη ἐπωνύμως λέγεσθαι, id est, Malaca autem ad Phœnicæ ciuitatis formam propius accedit. sequitur Exitanorum ciuitas, à qua salsamenta cognominantur. Et aliquantò post, Εἰδὲ δὲ τὰ ἡρακλέους νήσους ἡδὴ πρὸς καρχηδόνα, ἣν καλεῖται σχομβροαείαν, ἀπὸ τῶν ἀλισηγμένων σχομβρων, ἐξ ὧν ἄριστον σκευάζεσθαι γάρον. Deinde Herculis insula obiacet. Carthagini Scombroaria vocata, quod ibi capiantur scombri, ex quibus optimum garum conficitur. Et Sexi autore Plinio oppidum est Beticæ Hispaniæ. Postremò verò illud lacertorum minima cum superioribus non congruit, nisi genera subaudias, ex quibus tamen nemo rectè colligat coliam inter lacertos magnitudinem minimam esse, cum sarda, ut diximus, sit coliam magnitudine par, quæ sarda pelamys longa est. Sed ad præstantiam non magnitudinem id referendum esse, dicique per collationem cum melioribus, demonstrant quæ sequuntur. Ab his mæotici & cybium, & cætera. ut sit sensus: Colias parianos & sexitanos sequuntur præstantiores maioresque pisces, ut mæotici, pelamys concisa, cordyla, & cætera. Coliam, inquit Aristoteles, subeuntes pontum capiuntur, exeuntes Lib. 8. de hist. animal. ca. 12. autem minimè (ob id fortasse quod aquarum dulcedine alleciti illic perpetuò defident) optimi in Propontide sunt, antequam pariant.

De Amia.



CAPUT IX.



VÆ *Amia* à Græcis dicitur, Latino nomine caret. A nostris & Hispanis *Byza*, quasi *Byzantia*, vt opinor: amia enim *Byzantia* in pretio habebatur. Ab aliis *boniton* vocatur. *ἀμύν* nominatam fuisse autor est *Athenæus*, quod & *ἡ μύνη φέρει*, *ἀμὰ ἀγγεληδὸν*, id est, quod non solitaria sit, sed gregatim viuat. Alio vero loco etymum habere scripsit ex *Aristotelis* sententia, *παρὰ δ' ἄμυ. ἰέναι τὰς παραπλησίαις, ἔστι γὰρ σωμαγελαστικὴ*, quod simul cum sui similibus eat: est enim gregalis. Idem *Plutarchus* in libro, cui titulus, *ὑπὲρ τῶν ἀναισθητῶν*, prudentiora sint terrestria an aquatilia. *ἀμύνος ὁ καὶ τένομος παρέχμενος ὁ σωμαγελασμός*. Est autem amia piscis marinus, pelamydi vel thunno, vel scombro corporis specie, pinnis, cauda similis: est enim rostro acuto, ventre crasso, cauda tenui, in figuram lunæ in cornua curuatæ pinnis eius conformatis, dorso cæruleo eoque splendente dum viuit, ventre argenteo. A dorso ad ventrem lineæ ductæ sunt obliquæ, nigricantes, certis interuallis à sese distantes. Oculi parui sunt auri æmulii. Cutis leuis dempta ea parte quæ circa branchias est. Dentes habet serratos, acutissimos, in os recuruos. Branchias opertas. Ventriculū rugosum, longum, ferè ad podicem vsque demissum, cuius appendices sunt innumerae scombrorum appendicibus tenuiores. Intestina gracilia, hepar rubescens, splenem nigricantem, fellis vesicam toti intestino attextam, autore etiam *Aristotele* libro quarto de partibus animalium. Vel, vt alio loco scribit, cum toto intestino extensam, ex æquo longam, sæpe etiam conduplicatam. In Prouincia multa amia capiuntur, in maris angustis, quas insulae frequentes efficiunt: in litore nostro pauca ob maris vastitatem. Aqua dulci delectantur. *Aristoteles* Thunni, pelamydes, amia subeunt pontum verè, atque ibi æstatem traducunt. Et mox. Petunt autem pontum pastus gratia, qui vberior & melior ibi propter dulciū aquarum permissionem suppeditatur. Beluæ quoque magnæ pauciores ibidem

Cap. 2.
L. 2. de Hist.
animal. ca. 15.

L. 8. de hist.
anim. cap. 15.

dem sunt. Et alibi. Celeriter pisces omnes augetur, in ponto celerius: indies enim amia multa manifestè augentur. Et Plinius. Piscium genus omne præcipua celeritate adolescit maximè in ponto. Causa, multitudo annium dulces inferentium aquas. Amiam vocat, cuius incrementum singulis diebus intelligitur. Rursus Aristoteles. *Εἰς τὸς ποταμούς ἀναπλέει πολλοὶ τῶν ἰχθύων, καὶ ὠθιῶσι ἐν τοῖς ποταμοῖς, καὶ ἐν ταῖς λίμναις, οὗν ἀμία τ' ἐστὶν*, id est, fluuios petunt pisces multi, & in fluuiis & stagnis commodè delectabiliterque degunt. (id enim significat *ὠθιῶειν*) vt amia & mugil. Carne & alga vescitur. Aristoteles. Amia, thunnus, lupus magna ex parte carne vescitur, algam etiam attingunt. Pingues igitur sunt & molles amia suauisque, ob id Archippus & Epicharmus autore Athenæo *παχέας* appellarunt. Hicetius verò boni succi & molles esse censuit, ad excretionem medias, minùs tamen nutrire. Archestratus ad gulæ luxum ingenio mirus amias optimas esse existimauit, tempore autumni post vergiliarum occasum, Byzantiásque laudauit. Hos de amia rectè sensisse existimo, locosque duos Galeni in tertio libro de alimentorum facult. deprauatos esse, priorem in quo citat ex Philotimo pisces duræ carnis. *Καὶ περὶ τούτων ἔγραψεν ὁ φιλότιμος καὶ λέξις, ὅπως ἐν δολιχῶν περὶ βοφίης. Δράκοντες τε, καὶ χόκκιες, τ' αἰσάνοιμοι, καὶ σφόδρατοι, καὶ φάγγροι, τ' ὡρὸς τούτοις ἐπὶ καὶ βάρχοι, καὶ τεύγλαι, καὶ πάλιν ὀρφοίτε, καὶ γλάυκοι, καὶ χιάροι, τ' κινέες, καὶ γόγγροι, τ' ἀμίας, καὶ ζύγοι.* Ibi pro *ἀμίας* legendum *λαμίας*: est enim lamia ex cetaceorum cartilagineorumque genere, & ob eam causam dura admodum carne. Alterum, quo pisces quos rectè Philotimus duræ carnis esse censuit, approbat. *Γόγγροι, δ', καὶ φάγγροι, τ' ἀμίας, καὶ αἰσάνοι, ὀρφοίτε, ὅπως ἔγραψεν ὁ φιλότιμος.* vbi rursus *λαμίας* legere oportet: alioqui Philotimi Galenique sententiæ sensus ipse repugnat. Sed ne emendationem temere affinxisse videamur, eam ex ipsomet Philotimo confirmo, qui amiam inter mollis carnis pisces connumerat, Galeno ipsius verba citante. *Φιλότιμος δ' ἐν τούτοις περὶ βοφίης περὶ τῶν μελαγχολικῶν ἰχθύων ὅπως ἔγραψεν αὐτοῖς ὀνόμασι. Κόβιοι δὲ, καὶ φύκες, καὶ ἐκλίδεις, τ' ὡρὸς, καὶ σφόδρατοι, καὶ κίχλαι, τ' χόκκιες, καὶ χιάροι, καὶ πάλιν ὀνοί, τ' ὡρὸς τούτοις ἀμίας, καὶ φάγγροι, & cætera.* Vides hîc amias in piscibus mollis & teneræ carnis numerari, vt capite proximè sequenti cum piscibus duræ carnis nullo modo recenferi possint. Scribit Aristoteles amiam ab aliis piscibus appeti. Pisces sensum gustandi habere constat: multi enim suis & propriis gaudent saporibus, & escam ex amia maximè capiunt, & piscium pingue, vt qui gustatu huiusmodi delectentur, & in cibo huiusmodi esca. Sed ne vna omnibus prædæ sit, eam validis dentibus, & vel ad propulsandam vel ad inferendam iniuriam aptissimis armavit natura: ob eamque causam troctam etiam appellatam arbitror,

Lib. 6. de hist.

anim. cap. 17.

Lib. 9. cap. 15.

Lib. 8. de hist.

anim. cap. 19.

Lib. 8. de hist.

anim. cap. 17.

Lib. 7.

Athen. lib. 7.

Lib. 3. de alim.

facult.

Lib. 4. de hist.

anim. cap. 8.

Lib. 12. c. 4. 53. eundemque planè esse piscem, qui amia dicatur, & trocta ab Æliano. Hæc enim sunt eius verba: Piscis trocta, cuius naturam nomen & os declarant, dentes habet frequentes & continentes, quibus quicquid incidit, perfringere potest. Dicitur ergo ἀπὸ τῆς τρώειν, quod vorare significat. Deinde quæ Oppianus, ex quo permulta mutuatus est, amia tribuit, ea ipse trocta. Hamo captus solus ex piscibus nō se ab hamo retrahit, sed impellit sese in ferrum, chordam cōsumere cupiens. Piscatores contrā machinantur longas ansas: ille verò, quoniam quodam modo valet saltu, ansas sæpe transilit, ac linea qua agitur conci-

Lib. 3. c. 1. 2. fa ad piscium domicilia reuertitur. Oppianus verò:

τικῶν.

Δαιψήσας δ' ἀμίας, καὶ ἀλώπεκες, οὗτ' ἂν ἔχων),
 Εὐθὺς ἄνω ἀπὸ δακτύλου ὑποθαδὼν, ἀρφα ὃ μέοστω
 Ὀρμύνω ὑπὸ, ὁδὸς δὲ διέτρυγον, ἥ δὲ καὶ αἶρας
 Χαίλας, τένεχα τῆς ἐχαλκιδέως ἀλῆες
 Καυλὸν ἐπ' ἀγκίστρῳ δολιχώτερον, ἄλγος ὁδόνων...
As amia celeres, & vulpes fraude reuincta
Præueniunt summamorsu confringere setas.
At piscatores longam, ex qua pendeat hamus,
Conficiunt virgam, dentes qua arrosa retundat.

Subiungit Ælianus: Trocta sui generis grege coacto delphinos inuadunt, maximè si quem segregatum circunuenire possint: planè enim sciunt delphinum suis moribus verberari asperè solere. Itaque trocta ei acerrimè instant, delphinus contrā resilit, subfilit, atq; indicat. vt ex dolore torqueatur: idcirco tenaciter vrgent, simulq; ad saltum delphini tolluntur, hic eos repellere conatur, illæ verò nihil remittentes viuum lacerant: postea verò quum pro se quæque aliquam

Lib. 12. c. 1. 2.

τικῶν.

cuius partem vulnerarit, discedit. Oppianus:

Ἀλλ' ἡρώδης καὶ τοῖς ἀνὰρτοι ἀντιφέρειν),
 Ἰχθύες, ἐς ἀμίας κεκλήσκειν, ὅδ' ἀλγούσι
 Δελφίνων, μούνα δὲ χαταλία διμελῶν),
 Ταῖς μὲν ἀφαιρότερον θύων δέμας, ἀμφὶ δ' αἰσῶντες
 Ἀβλῆσαι, θαμέες δ' ἀπὸ τῶν λαβρόν ὁδόνων
 Οἷα πεφύκασι, ὅ καὶ μέγα θάρσος ἔχουσι.
 Οὐδὲ καταπλώσας ὑπὸ βίον ἡγητήρα.
Inueniunt diras amias, quas nomine dicunt,
Intrepida sola pugnant, contraque feruntur
Robore peiores thunnis, in corpore molles
Carnes, continuo densi sunt ordine dentes,
In quibus horror inest, huic est audacia tanta,
Hæc sortem ponti regem formidine nulla
A grege seiunctum aspiciunt, solūque vagantem,
Atque cateruatim veniunt ad maria bella.

Pete reliqua ex ipso Oppiano, ex quibus facile cognosces eadem omnino esse ista, cū ijs quæ Ælianus de trocta scripsit. Sunt qui quam prius sphyrænam esse docuimus amiam esse credāt, sed non sine errore: amia enim gregalis est, cum thunnis scombrisque pōtum ingreditur. At sphyræna solitaria est. Paulus Iouius lechiam piscem ita Romæ nuncupatum amiam esse existimat. Sed lechia, vt ipse fatetur, solitarius est piscis, amia verò minimè, vt docuimus. Nos lechiam eum esse piscem demonstrabimus, qui ab antiquis glaucus dictus est, à nostris derbius. Postremò alij *lampugo* piscem hispanicum pro amiā vera accipiunt, quòd citò augetur, quòd gregalis sit, quòd scombris quodammodo similis. At dentes, quamuis magni sint & validi, vt delphinum vulnerare possint, repugnant: non sunt enim in os recurui, quales amiæ dentes sunt. *Lampugo* autem hippurum veterum esse suo loco docebimus. Quare qui omnia diligētius expendet, amiam veram à nobis exhiberi faciliè iudicabit, vtpote cui nulla planè nota, quæ ab Aristotele, Athenæo, aliisque fide dignissimis autoribus amiæ tribuatur, non perappositè quadret.

*lib. de pisc. ro.
cap. 7.*

De thunni, Pelamydis, Orcyni alijsque similibus nominibus.

CAPUT X.

NON SINE magna ratione Galenus medicorum omnium doctissimus & eloquentissimus optauit aliquando res posse tradi sine nominibus, vt sophistis, & natura contentiosis eriperetur de nominibus decertandi & calumniandi occasio. Nihil enim est quod exquisitam rerum cognitionem obscuriorem efficiat, quàm inutiles de nominibus disputationes & amphibologia, quæ permultos etiam viros doctos in errores induxerunt, quos cū postea non deprehenderent, quod maioribus nimis addicti essent, illòsque erroris insimulare nefas esse ducerent, eandem quam ab alijs errandi occasionem acceperant, cæteris præbuerunt. Huc accessit rerum neglecta peritia, ob quam multi siue interpretando siue veterum Græcorum monumenta Latina faciēdo, in Philosophiam & Medicinam errores multos inuexerunt. Id quod maximè in Aristotelis, Galeni, Hippocratis conuersionibus videre licet. Eandem ob causam sæpe in multorum piscium cognitione diu defudauimus: nam interdum piscis vnus multis nominibus à quibusdam designatur, quæ apud alios nomina diuersorum sint pisciū. Interdum idē nomen à diuersis scriptoribus, diuersis piscibus positum est. Porro ea nōnunquā aliter Plinius, aliter Gaza, aliter alij Latini scriptores Latine expresserunt. Quæ varietas

tum nominum, tum interpretationum magnam rebus obscuritatem affert, cum in multorum pisciū descriptione, tum maximè in thunnis & pelamydibus, de quibus nūc agimus. Etenim alij thūnos, thunnidas, pelamydas eundem piscem esse dixerunt. Alij pelamydas à thunnis sola atate, alij nō solūm atate, sed etiam genere differre existimauerunt. Alij nomina partium quarundam pisci toti tribuerunt.

Lib. 6 de hist. animal. c. 17. Primūm Aristotelem proferamus, qui hæc de thunnis, ὅταν γὰρ τέκωσιν ἐν τῷ πόντῳ, γίγνται ἐκ τῆς ὥς ἀς χαλῆς (ἢ οἱ μὲν σκορδύλας, βυζάνιοι ὁ αὐξιδας, διὰ δ' ἐν ὀλίγαις ἡμέραις αὐξάνονται, καὶ ἐξέρχεται) ὁ φθινοπῶρος ἅμα τοῖς θυννοῖς, εἰσπλέσσει τῷ τῆς ἑαρος ἡδὴ οὖσαι πηλαμύδες. Cum thynni in Ponto pepererint, fiunt ex ouo quas vocant alij scordylas (sunt qui cordylas legant) Byzantij auxidas, ideo quod paucis diebus augescunt, & Ponto exeunt autumno vnà cum thunnis, remeant vere iam pelamydes factæ. Et ἐκλιπώσων ποτὲ τῶν θυννίδων ἐν ἰαυτον, τῷ ἐρχομῷ ἐπὶ καὶ οἱ θυννοὶ ἐξέλκων. δεκῆσι δ' ἐν ἰαυτον πρεσβύτεροι τῶν πηλαμύδων. Cum thynnides anno vno aliquādo nullæ fuissent, insequente anno thynni quoque nulli fuerunt: videntur enim pelamydes anno vno maiores esse. Vbi pro θυννίδων Gaza legit πηλαμύδων, idque rectius meo quidem iudicio. Plinius. Cordyla appellatur partus qui fætastedeuntes in mare autumno comitatur, limosæ verò à luto pelamydes incipiunt vocari, & quum annum excelsere tempus, iam thūni. Vides cordylam, thunnum, pelamya idem esse, nisi quod cordyla sit thunno-

Lib. 9. cap. 15. rum fætus, pelamys anno minor thunno. Athenæus. Σόφρατος δὲ ἐν διδυτέρῳ περὶ ζώων τῶν πηλαμύδια, θυννίδα καλεῖται λέγει, νομίζω δὲ γινομνῶν θυννοῖς, ἐπὶ δὲ μείζονα ὀρκυνοῖς, ὑπερβαλλόντως δὲ αὐξάνουσαν γίνεσθαι κήτος, id est, Softratus in secundo de animalibus pelamya, thynnida vocari ait, opinor, quum thynnus fit, hoc autem maiorem orcynum, cum verò mirum in modum accreuerit, cete. Et apud eundem Heracleon Ephesius thynnos ab Atticis orcynos vocari scripsit. Et Archestratus.

Ἀμφὶ δὲ τῷ ἱερῷ τὸ καὶ δούρυχρον σάμην ὕψος
Θύννον ἑλισσόμενον πρὸς δὴ μέγαν ὄν καλεῖσιν
Ὀκυνοῖν, ἄλλοι δὲ αὖ κήτος.

*Ad sacram samon & populus famâque celebrem
Pregrandis capitur thynnus, quem nomine dicunt
Orcynon, ast alij cete.*

Lib. 32. cap. 15. Plinius. Orcynus pelamydum generis maximus, neque redit in mœotin similis tritoni, vetustate melior. Hic pro melior maior, vel peior legendum esse postea docebimus. Ex his constat præter cordylā, pelamya, thynnida, thunnum, etiam orcynum pro eodē pisce accipi, atate sola distantem. Porro pelamya siue thunnum veluti genus esse quod tritonem, synodontida, sardā, pōpilū, melandryā cōprehendat veterū testimonijs cōprobabimus. Plinius: tritō Pelamydū generis magni

Lib. 32. cap. 11.

magni ex eo vræa cybia fiunt. Et, sarda vocatur pelamys longa ex *Ibidem*
oceanio veniens. Et thunni sæpe nauigia velis euntia comitantes mira
quadam dulcedine, per aliquot horarum spatia, & passuum milia *Lib. 9. cap. 17.*
à gubernaculis nō separātur, ne tridente quidē in eos sæpius iacto ter
riti. Quidam eos qui è thunnis faciant Pompilos vocant. Athenæus *Lib. 3.*
μελάνδρως δὲ τῶν μεγάλων θυνῶν εἶδος ἐστὶ. melandrys maximorum thun-
norū species est. Rursus Athenæus ex Diphilo ἡ δὲ πηλαμὺς πολύτροφος *Libro 8.*
μὲν ἐστὶ, καὶ βαρεῖα, ἑρπικὴ δὲ καὶ δύσπεπτος, περιχέουσα δὲ καλλιβία ὁ μάλιστα
δολιχίσιος, καὶ λεπτιπλοκή. ἡ δὲ μελίων συνόδου καλεῖται. ἀναλογῶν μὲν τοὶ ὁ
χελιδονίας τῇ πηλαμύδι σκληρότερος ἐστίν. ἡ δὲ χελιδὼν ἡ τῶ πολύπω εἰσκήσα,
ἐχέει δὲ ἀφ' αὐτῆς λήρην, ὄρχοιαν ποιοῦν, καὶ κινουῦν αἶμα, ὁ δὲ ὄρκυνος βορ-
βορώδης, ἡ δὲ μελίων προσέτι τῶ χελιδονία καὶ τῇ σκληρότητι. τὰ δὲ ὑπογάστρια
αὐτῆς ἡ καὶ κλεῖς ἔστυμα, ἡ ἀπαλά, οἷδε καὶ καὶ λεγόμενοι, ταριχθύντες εἰσὶ
μέγιστοι. ξανθίας οὖν ἐστὶ ποσσὶ βορώδης ἐστὶ, καὶ ἀπαλότερος ἐστὶ τῷ ὄρκυνος.
Habes hīc Sinodontida maiorem esse Pelamyda. Totum Athenæi lo-
cum adscripsimus, vt deprauatissimum pro viribus corrigeremus,
& ei lucem aliquam adferremus. Primum igitur pro καλλιβίᾳ repro- *Lib. 3. cap. 17.*
nendum κυβία: est enim κύβιον concisa Pelamys teste Plinio, vel sali-
ta pelamys, de quo paulò post plura. Deinde pro ἀναλογῶν μὲν τοὶ ὁ χε-
λιδονίας τῇ πηλαμύδι σκληρότερος ἐστὶ, legendum ἡ δὲ μελίων συνόδου καλεῖται,
ἀναλογῶν μὲν τῶν τῶν ἡ χελιδὼν, τῆς πηλαμύδος σκληρότερος ἐστὶ. & pro
τῶ πολύπω, legendum τῶ πομπίλω, pro τῇ χελιδονία, τῇ χελιδωνίᾳ.
Postremò pro ξανθίας, ξιφίας. Nusquam enim reperias chelidonium
pro pisce, sed chelidonium, quæ hirundo à latinis vocatur de qua suo
loco dicemus, neque ξανθίαν sed ξιφίαν de quo paulò post. Quibus
quæ hīc dicuntur, optimè quadrant. Locus igitur Athenæi sic verti
potest. Pelamys multum alimentum præbet, grauis est, vrinam cit, diffi-
cile concoquitur, salita verò similiter ac cybium, alio facilis est, ex-
tenuandique vim habet. Maior autem synodontis vocatur, cui simi-
lis chelidon pelamyde durior est: chelidō verò pompilo similis, suc-
cum ex se habet, nitidum colorem efficiētem, & sanguinem mouen-
tem. At orcyus lutosus est, & maior, tam sicca est carne quàm che-
lidon, huius imus venter, & clidium ori grata sunt & tenera, costæ
salitæ mediocri sunt bonitate. Xiphias virus resipit, & orcyo tene-
rior est. Non me latet Hermolaum barbarum coniectura nescio qua *In Annotat.*
motum existimasse tritonem esse id quod chelidonium vocant Græ- *in cap. 11. libr.*
ci, apolectum verò quā Synodontida: sed quā leuis sit coniectura, *32. Plinij.*
liquet ex ipso cōtextu: cum enim semel χελιδὼν legatur, cui alij pisces
cōparantur, cur in eadē cōparatione perseverante sententia, nō che-
lidon deinceps sed chelidonias legatur? Præsertim cū chelidoniæ
piscis nomen neque apud veterem vllū aut recentē scriptorem Græ-
cum Latinū reperitur. Dices chelidonem piscem longè diuersi

generis esse à thunnis & pelamydibus, quapropter ineptissimam fore horum cum hirundine collationem. At confert Athenæus non speciem cum specie, non figuram cum figura, sed carnis substantiam cum carnis substantia, quæ cum in hirundine reuera sicca duraque sit, ei pelamydes, orcynósque meritò cōfert. Hac collatione uti Athenæum verba ipsa perspicuè indicant ὁδὲ ὀρκυνὸς βορβορώδης καὶ μείζων προσέειπε τῇ χελιδόνι κατὰ τὴν σκληρότητα. Eodē modo intelligere oportet, synodontidi similem esse chelidona. Quod verò Hermolaus ait, apolectum esse quam synodōtida vocat Athenæus, id equidem probabile esse, duco: nam ut synodontis Athenæo maior est pelamys, ita apolectus Plinio, pelamys, inquit, earum generis maxima apolectus vocatur, durior tritone, vel ut emendat Hermolaus, apolectum vocatur, durius tritone qui Plinii locus alterius loci me admonet, cuius paulò antè etiam meminimus. Orcynus pelamydum generis maximus, neque redit in mæotin similis tritoni, vetustate melior. Hunc locum mendosum esse diximus, idque non sine ratione. Cum enim, ut ex Athenæo diximus, orcynus sit lutosus, dura siccaque carne, cumque corpora omnia quo vetustiora, eò sicciora, duriora, magisque exucca fiant, necesse est orcynum vetustate deterior fieri. Quare pro vetustate melior reponendum vetustate peior, vel maior. Hactenus de his que nomini pelamydis vel thunni subsunt. Nunc de horum partibus, quæ sepe totis piscibus attributa sunt. Plinius. Thūni membratim cæsi ceruice & abdomine commendantur atque clidio, recenti duntaxat, & tum quoque grāui ructu, cætera parte plenis pulpamentis sale asseruantur. Melandrya vocatur cæsis quernis assulis similima, vilissima ex his quæ caudæ proxima, quia pingui carent, probatissima ea quæ faucibus, & in alio pisce circa caudam exercitatissima. Pelamydes in apolectos, particulatimque confectæ in genera cybiorum dispartiuntur. Habes hinc melandryam pro particula thynnorum assulatim diuisa, quæ ab Athenæo loco antè citato magnorum thynnorum species esse dicebatur. Adhæc apolectum pro parte, verum L I B. X X X I. pro pelamyde maxima. Cybium, inquit Plinius, vocatur concisa pelamys, quæ post quadraginta dies à ponto in mæotin reuertitur. Martialis:


Vel duo frustra rogat cybii tenuemque lacertum.

Libro 3. At Hicæsius apud Athenæum πηλαμύδας κύβια εἶναι φησὶ μεγάλα: pelamidas ait cybia esse magna. Apud eundem cybia & horæa salsamentorum nomina sunt τῶν ταρίχων τῶν ἀραιῶν κράτιστα εἶναι τὰ ὠρεῖα, τῶν δὲ πικρῶν τὰ θύμια, id est, salsamentorum macrorum optima esse horæa, pinguium verò thunnia & κράτιστα ὅ τῶν μὲν ἀπικρῶν κύβια, καὶ ὠρεῖα, καὶ τὰ τοῖς ὁμοῖα γένει τῶν ὁ πικρῶν τὰ θυμαῖα. Macrorū optima esse cybia & horæa, & his similia, pinguium verò thunnæa. Varro cybiū & thyn-

Lib. 4. de ling. lat.

& thynnus, & cuius partes Græcis vocabulis omnes, vt Melandrya atque vræa. Plinius. Triton Pelamydum generis magni ex eo vræa, cybia fiunt. Sunt autem ὠρᾶα siue ἔρᾶα partes caudæ proximæ. Cybium verò dicitur autore Festo Pompeio LIB. III. quia eius medium æquè patet in omnes partes, quod genus à Geometris κύβος dicitur. Dicuntur etiam θυνάδες teste Phauorino τεμάχι τεύχε. Hæc de nominibus, ex quibus, nisi peritè distinguantur, magna rerum confusio difficultasque consequitur.

De Pelamyde vera, seu Thunno Aristotelis.



CAPUT XI.

DICITVR θύνος à Græcis mas, & θυνίς fœmina, eadem nomina Latini retinuerunt. Πηλαμύδα Gaza limariam vertit, Plinius limosam. Limosæ, inquit, pelamydes à luto incipiunt vocari. Dicta est Pelamys παρὰ δ' ἐν τῷ πηλῷ μένει quòd in cœno se occultet. Quamquam Plutarchus in libello. Vtrum prudentiora sint terrena animalia aquatilibus, à grege nomen illi datum putet, nescio quæ de causa. ἀμύας καὶ τὸ νομα παρέρχεται ὁ συναγελασμένος, οἷμα δ' καὶ τοῖς πηλαμύσι. Θύνος ἀπὸ τῆς θύνης καὶ ὀρμῆς, ab impetu & concitatione. Italia tota cum prouincia Pelamyde vocat. Thunnus piscis est marinus, gregalis, lacto minori siue scombro similis, si colorem & maculas excipias. Vel ei qui pelamys sarda postea nominabitur tam similis, vt idem planè esse videatur, tam ob corporis figuram, dorso colorem, maculasq; veluti plumbeas, quàm ob appendicum ventriculi numerum aliarumque partium internarum similitudinem. Hac igitur nota hunc ab illa distingues, quod pelamys sarda partem quæ pinnis, quæ ad branchias sunt, subest, squamis tectam habet. Pelamys verò simpliciter, seu thunnus Aristotelis, ab omnibus squamis omnino nudus est, sed cute est planè læui & tenui, ventre lacteo, dorso plumbei coloris, quibusdam locis candido, obscurioribus quibusdam & nigrioribus à dorso ad ventrem descendentibus lineis transversis, breuiori à sese interuallo distantibus quam in pelamyde sarda. Pinnas & caudam scombri,

Lib. 1. de hist.
ani. cap. 9.
Libro 7.

coliaë, amiaë pinnis caudaëque similes habet. Duas in dorso, alteram sub podice. Ad branchias & sub ventre binas. Caudam crescentis lunæ figurâ. Marem à fœmina ita distinguit Aristoteles, & ex Aristotele Athenæus, ut fœmina sub ventre pinnulam habeat quæ aphareus vocatur, quæ mas caret. Sed tam in mare quàm in fœmina semper pinnam sub ventre deprehendi, verùm in mare diuisa non est, in fœmina diuisa, opinor ut podicis foramen dilatari & cõmodiùs fœtus edi possit. Branchias quaternas, duplices habet: ventriculi appêdices prope modum infinitas. ventriculum magnum. Intestina tenuia, recta. Hepar ex albo rubescens. Fellis vesicam ab hepate pendentem, & intestino secundum eius longitudinem annexam. Carne est pingui suauiq;. Hunc verum esse thunnum Aristotelis cùm alia multa, tum hoc maximè confirmat, quòd Aristoteles thunnos inter læues pisces recenser.

Lib. 2. de hist.
anima. cap. 13.

Læues autem vocat qui nec squamosi sunt, neq; aspera cute: cuiusmodi est is quem hîc oculis subiicimus. At thunnus noster, id est is qui à nobis *ton* vocatur, squamis magnis tegitur, sed ita ad amussim compactis, ut iis carere videatur, sed squamæ coctione dehiscunt, tùmque perspicuè apparent tenui membrana contextæ. Præterea thunnus de quo hoc capite agimus, gregalis est, æstro siue asilo concitatur canicu-

Lib. 8. de hist.
anim. cap. 19.

la oriente, id quod Aristoteles etiam prodidit. Thûni & xiphiaæ æstro concitantur, circa canis exortum, tunc enim habet vterque sub pinna veluti vermiculum æstrum vel asilum nuncupatum, scorpionis similem, aranei magnitudine. Infestat autem tanto dolore, ut non minùs interdum xiphias quàm delphinus exiliat, unde fit ut in nauigia sæ-

Cap. 15. lib. 7.


penumero incidat. Eadem Plinius L I B. I X. & Athenæus ex Aristotele tradunt. æstri à paucis cogniti figuram in orcyño representauimus. His omnibus adstipulatur Italiaë Prouinciæq; vulgaris appellatio. Quam verò *pelamyde* vocat vulgus in Gallia nostra Narbonensi, ea non est ex thunnorû, sed potius cyaneorû genere, de quibus deinceps tractabimus. Cùm igitur nulla omnino nota sit, qua thunnus quem hîc depinximus, à thunno Aristotelis discrepet, eum hoc capite planè expressisse, affirmare non dubitamus. Neq; id omittendum, sine causa reprehendi Aristotelem à quibusdam, quòd dixerit *pelamydas* in thunnos mutari: illi enim non rectè thunnum vulgarè pro thunno Aristotelis vsurpât. Et Aristoteles nûquam dixit *pelamydas* in thunnos mutari, sed ostendere voluit eiusdè piscis diuersa nomina pro diuersa ætate, quum dixit paruos thunnorum fœtus *cordylas* appellari, quæ ponto exeunt fœtas comitantes, eodè redeuntis vere, quû iam satis accreuerint *pelamydes* dici, *pelamydibus* verò maiores anno vno thunnos appellari, in quo quid erroris esse possit non video. Id equidem falsum esse crediderim, quod scribit thunnos non diutius bienio viuere. Sed id ex piscatorum potius quàm ex sua sentetia profert, quod

Lib. 6. de hist.
anim. cap. 17.

aliquando flumina : nam Agathopoli visi sunt qui ad pontem vsque conscenderint, qui à mari aliquot passuum milibus distat. Quare verum est illud Plinij: amni tantum ac mari communes thynni, thynnides, filuri, coracini, perca.

Lib. 3. Cap. 11.

De Pelamyde Sarda.




C A P U T X I I.

INTER Pelamydas sardam numerat Plinius. Eam esse puto quam nostri & Hispani *bize* nomine communium amia ob similitudinem vocant, nonnulli *pigo*. Piscis est pelagius thynno, colia, amia corporis specie similis, cute laui & sine squamis, excepta ea parte quæ à pinnis quæ ad branchias sunt tegitur: ea enim tantum squamas habet, qua nota à pelamyde vera seu thynno Aristotelis differt. Carnis etiam teneritate inferior, ac dentes maiores magisque in os recuruos, quam thunnus habet. Reliquis omnibus adeo similis est superioribus, ut nisi propius inspicias, hanc cum illis facile confundas. Hanc sardam esse colligo ex Plinij Athenæique verbis. Sarda enim, inquit Plinius, pelamys longa est. At hæc quam exhibemus, pelamydi tam similis est, ut eadem planè esse iudicetur. Neque verò cordyla esse potest, cum pelamys longa sit, neque thynnus qui totus lauis est, cum hæc squamas circa branchias habeat, neque apolectus, neque triton, neque orcynus. Sunt enim pelamydes maximæ, at sarda colia magnitudine similis, autore Athenæo. Thynnis etiam pelamydibusque sardas coniunxit Galenus, ex iisque præstantissima fieri salsamenta scribit. Ex his liquet pisciculum qui lingua nostra *Sarde* nominatur, minimè veterum sardam esse, ne quis ob nominis affinitatem in errorem inducatur. Sed de hac fusiùs libro præcedente capite de trichide & trichia.

Tibro 3.
Lib. 3. de alim.
facult.

De orc

De Orcyno.



CAPUT XIII.

GRÆCIS Ὀρχυνος magnum esse thunnum prius docuimus. Is est qui à nostris *ton* vocatur, à Santonibus *athon*. Piscis est pelagius pelamydi verè corporis figura similis, maior & spissior, squamis opertus magnis tenui membrana velatis, vt læuis esse videatur, sed dum coquitur squamæ dissiliunt. Rostrum est acuto & spisso, dentibus serratis, paruis, acutis. Lingua ferè exerta. Oculis magnis, rotundis prominentibus. Branchias habet duplices. Pinnas ad branchias, & in ventre binas. Dorsum nigricat. In medio dorfi aculeos tenui membrana coniunctos modò erigit, modò veluti in vagina condit. Hos sequuntur pinnæ sine aculeis ad caudam vsque tam inferna quàm superna parte, eo ordine & situ quo in lacertis minoribus, & pelamydibus. Corpus caudam versus gracilius fit & quodammodo quadratum, ob pinnulam utroque latere sitam. Cauda crescentis lunæ formam refert. Ventriculus est oblongus, spissus. Hepar magnum, rubrum. Splen nigricans. Felle vesica intestino adhæret. Cor angulatum multo sanguine abundans. Orcynus aliquando ita pinguescit, vt cutis dehiscat, appareantque in ea rimæ. Verè & autumno capitur maxima copia in Hispania, præsertim ad Herculis columnas. Capitur in nostro quoque mari & Thyrræno. Membratim & in assulas dissectus sale conditur, & in cadis asseruatur. Nostri *tonine* appellant, Itali *tarantella* à Tarætino, vnde aduehitur, sinu. In macram & pinguem distinguunt. Orcynus carne est dura, pingui, sa-

poris acris, hæmorrhoidas mouet vel acrimonia sua, vel quia succi melancholici multum gignit,

De Pompilo.



CAPUT XIII.

Lib. 9. cap. 15.

PΟΜΠΙΛΟΣ Piscis dicitur ab Athenæo, Æliano, Oppiano aliisque Græcis. Plinius quoque huius meminit eodem seruato nomine, & à quibusdam inter thynnos numerari scribit. Verùm hi meo quidem iudicio similitudine decepti fuerunt. Pompilus enim alius est à thynnis & pelamydibus, & si eis quodammodo similis sit. Pompilus piscis est pelagius, squamis carens. A branchiis ad caudam linea magna curua ducta, à qua ad ventrem lineæ multæ transversæ interponuntur descendunt. Supra lineam dorsum varium est, & maculatum. Os est medium, dentes parui pro corporis magnitudine. Pars quæ supra & inter oculos est flauescit, aurique colorem amulatur. Pinnas habet quatuor, duas ad branchias, duas in ventre. Aliam à podice ad caudam. In dorso aliam. Cauda in vnicam definit non diuisam, neque crescentis lunæ figurâ thynnorum pelamydumque modo. Hunc verum esse pompilum quem depinximus, rationes aliquot demonstrant. Nam hic pelagius est piscis, & circa naues frequentem esse in pelago, easque comitari certè experientia comprobatur. Præterea varius est, superciliis aureis, pelamydi similis. Quæ omnes

Libro 7. sunt pompili notæ à veteribus traditæ. Athenæus. ἐστὶ δὲ πτεράγιος καὶ παρὰ τὰς νῆας πικρὰ φαίνεται, ὡς καὶ πικραλὺδι, πικρίλος. Pompilus pelagius est piscis, circa naues frequens cernitur, similis pelamydi, varius. Callimachus eodem autore aurea supercilia habentem, & sacrum piscem appellauit. Et Clitarchus: οἱ ναυτικοὶ πομπήλον ἱερὸν ἰχθυὸν προαγορεύουσι διὰ τὸ ἐκ πτεράγος προαέμετον τὰς νῆας ἕως εἰς λιμένα. Nautæ pompilum sacrum piscem nuncupant, quod ex pelago deducat naues ad portum vsque. Eadem planè Ælianus de pompilo. Sciens hinc omitto fabulâ de Epopeo, qui cum pompilos piscatus esset, eósq;


Lib. 12. ca. 43.

cum

cum filio comedisset, impietatis poenas perfoluit : est enim pompilus non modo Neptuno sacer, sed etiā incolis Samothraciæ Diis. Et aliam de Pompilo quondam homine postea in piscem mutato. Hæc pete ex Æliano & Athenæo. Rarus est admodum apud nos piscis, ita ut vulgare nomen nullum inuenerit, nisi quod pro pelamyde venditur.

Lib. 12. ca. 44.
Lib. 7.

De Xiphia.



CAPUT XV.



ΙΦΙΑΣ à Græcis dictus, à Gaza & Plinio gladius vertitur. Strabo γαλαῶτιον & κυβὰ nominari testis est. Et Plinius. Tomus thurianus quem alij xiphiam vocant. Sed tomum thurianum ex Athenæo marini canis frustū esse ait Hermolaus barbarus. Et marini canis partem à Romanis thursionem dictam fuisse apud Athenæum legimus. A nostris *emperador*. A Massiliensibus & Italis *pesce spada*. Hic aduertendum alium esse piscem ex galeorum genere qui à nostris *peis esparse* nominatur, ne quis ob nominis nostri cum Italico affinitatem decipiatur. Xiphias piscis est cetaceus, aliquando decem cubitorum magnitudinem attingens in nostro mari, rostro mucronato, maxilla superiore ad duorum cubitorum longitudinem accedente valde dura & ossea, gladij figuram referente, quæ ob id ξίφος dicitur, id est gladius, unde toti pisci nomen. Inferiore maxilla breuissima, trianguli forma, dentibus caret ξιφίας, sed horum vice quatuor ossa oblonga & aspera in palato habet. Oculi rotundi sunt & prominentes, ante hos foramina. Pinnae habet duas ad branchias, in medio ferè ventre vnicam. Magnam aliam in medio dorso & paruam non procul à cauda. Extremum corporis priusquam cauda incipiat, latum & planum : in cuius plani medio erigitur tuberculum, unde incipit cauda crescentis lunæ figura, thynni modo sed latior. Reliquo corpore est rotundo, cute aspera, si à cauda sursum manus ducatur, sin contrà leui. Dorsum nigricat, splendetque panni ferici instar. Venter candidus est planèq; argenteo & splendente colore, maximè in aquis. Branchias octonas & duplices habet teste etiam Aristotele. Internæ partes eadem


Lib. 1. geog. 4.
Lib. 32. cap. 11.

Lib. 2. de hist.
cap. 13.

cum internis partibusthunni. Carne est longè candidiore quàm thunnus, non insuaui sed cōcoctu difficili, multum nutriente. Æstate ab œstro ita diuexatur, quemadmodum & thunnus, vt priùs dictum est, vt in terram & naues insiliat. Sub pinna verò hæret exiguum animal: quia ob pinnæ articulum cutis illic mollior teneriôrque sit, faciliùsque illinc sanguinem exugere possit, & ita tenaciter hæret, vt nulla corporis agitatione possit excuti. Rostro xiphiae tantum inest robur, vt eo naues perforentur. Plinius xiphiam, id est, gladium rostro mucronato esse scribit, ab hoc naues perfossas mergi in Oceano ad locum Mauritaniae, qui Cotta vocetur non procul à Lyco flumine. Et Ælianus. Xiphias non modò cùm cibi inopia vrgetur, mucronati rostri concursu pisces interficit, atque exest, sed etiam maxima cete propellit & vlciscitur, non quidem armis ex ferro confectis, sed natura comparatis, vt ij qui magnitudine processerunt, contra nauem, mucronem in eam defigentes venire audeant. Strabo galeotas siue xiphias ex thunnorum qui gregatim præter Italiam feruntur, & Italiam attingere prohibentur, venatu pinguescere auctor est. Piscem hunc maximè pertimescunt piscatores nostri: si enim in retia inciderit, rostro, summâq; vi omnia dirumpit, vt multò plus damni adferat quàm lucri, quod ex eius captura sperare possint. Oppianus xiphiam capi curuis hamis tradit, & cymbis paruis, ipsis similibus, afficto etiam mucrone rostro xiphiae persimili, ad quas tanquam ad sui generis pisces cùm adnatauerint xiphiae, à cymbis obfessi trucidantur. Versus Oppiani, ne prolixior essem, non adscripsi.

Lib. 3. ἀλιό-
τρυγες.

De Glaucō.




CAPUT XVI.

PISCIS Γλαύκος Latine seruato Græco nomine glaucus: is est proculdubio, qui à Nostreis *Derbio*, à Romanis *Lechia*, à Prouincialibus *Biche*, & *Cabrolle*, & *Damo*, ab Illyricis *Polauda*, à quibusdam *Lampugo*, sed falsò vocatur. Glaucus est dictus à colore. Est au-

autem glaucus color cæruleus, qui & cæsius dicitur & cyaneus, qui duplex est, aliquando ex albo cæruleus, ut cum glaucos oculos dicimus: unde toties apud Homerum *γλαυκῶπις ἄθλην*, id est, cæsia, ut ait apud Gellium Nigidius, de colore cæli, quasi cælia. Aliquando est cæruleus exaturatus, & veluti nigricans ac obscurior, ut cæruleum mare cum turbatum fuerit, lacescita enim & incitata superficie, paucis in eam incidentibus radiis, luce iam diuisa atque dissipata umbrosum nigricans se offert, ut docet Aristoteles in libro de coloribus. Item Pli-
Lib. 9. ca. 36.
 nius. Color austerus in glauco & irascenti similis mari. Glaucus piscis est in alto mari degens, corpore longo, compresso ventre, dorso falcato. A branchiis ad caudam linea recta protenditur. Tricubitalem aliquando vidimus. Nitida est cute, squamis paruis tecta, sed vix apparentibus nisi cute exiccata. Dorso est plane cæruleo, ventre candidissimo, ore paruo, oculis mediis. Statim à capite aculeos habet, quorum primus in anteriorem partem vergit: quinque alij ad caudam spectant, breues sed acuti, nulla membrana cõnexi. Iuxta anum duo alij sunt, qui veluti in vagina conduntur. Aculeos pinna sequitur ad caudam usque continua, initio magna, macula nigra lata notata, inde brevis & tenuis, non aculeis sed tenuibus tanquam villis constans. Ore est paruo, maxillis asperis potius quàm dentibus munitis. Corpus à capite ad podicem latius est. A podice sensim gracilius fit, in caudam desinens instar semicirculi rotundatam, deinde duabus pinnis terminatam. Pinnae aurei coloris breues & latae ad branchias fixae sunt. Aliae duae in ventre paruae & tenues. Rima potius quàm foramen est pro podice. Ventriculo est magno cum vnica appendice. Hepar felle caret: eius enim vesica intestino adhæret. Splen paruus est, caro candida, pinguis & suavis. Piscem hunc falsò lechiam existimari iam diximus. Glaucum autem verum esse conuincit color, à quo nomen pisci positum. Præterea appendices ventriculi paucae teste Aristotele, quodque æstate lateat, eodem autore. Denique *ὑπο-
 τριχὴ* illa, id est, pars anterior corporis cum capite, olim ab Archem-
Lib. 2. de hist. anim. cap. 17.
 strato, delicatiorisque gulæ hominibus tantopere celebrata, quæ in
Lib. 8. c. 15.
 hoc pisce pinguis suauissimæque est. De glauco pisce mirum quid-
Athe. lib. 7.
 dam scripsit Ælianus. Glaucus piscis pater factus, quos sustulit ex
Lib. 11. ca. 47.
 coniuge, diligentissimè cauet, ne insidiis impetantur, & ne per-
 nicies vlla eis inferatur, & quoad grandes sint & robusti, ac sine
 periculo natare possint: tamdiu ille custodire non intermittit, nunc
 à tergo cum eis natans, nunc verò non à tergo, sed adnatat modò ad
 vnum eorum latus, modò ad alterum. Si quis verò ex paruulis timere
 cœperit, ille timore cognito, ore hiante paruulum excipit: deinde
 timore præterito quem deuorauerat, reuomit qualem acceperat,
Lib. 6. de hist. cap. 10.
 ille rursus natat. Idem de galeis & torpedine scribit Aristoteles.

galei fœtus suos & emittunt, & intra seipſos recipiunt, & squatinæ, & torpedines. Solus ex galeis acanthias non recipit propter spinam, ex planis autem pastinaca & raia non recipiunt propter caudæ asperitatem. Quare nec glaucus ille quem depinximus, catulos suos in se recipere potest, propter dorſi aculeos semper erectos. De hoc igitur glauco illa non scripsit Ælianus, sed de galeo glauco, qui vulgò à nostris *cagnot blau* nuncupatur, id est canicula glauca: quæ cum aculeis careat cutèq; sit læui cœterorum galeorum modo, catulos suos intra se recipit & emittit. Sed de galeo glauco plura, quum de galeis scribemus.

De secunda Glauci specie.




CAPUT XVII.

GLAVCORVM Non vnicum esse genus, non solum appellationum varietas, sed etiam notarum differentia demonstrat. Secundam igitur glauci speciem dicimus esse eam quam provinciales *liche* vocant, cum superiorem *biche* appellarint. Romani piscatores stellam, qui priorè *lopida* vocant. Nostri illam *derbio*, hanc *palamide* vel *vadigo*. Hæc autem glauci species à priorè differt, quod eius magnitudinem nunquam attingat, unde γλαυκιδιον iure dici potest, cuius etiam meminit Athen. Præterea quod hic septem aculeos in dorſo habeat ad caudam spectantes, prior quinque duntaxat. In hoc glauco à superiore branchiarum parte ad medium corpus linea tortuosa admodum demittitur, hinc recta ad caudam protenditur, in illo à branchiis ad caudam, rectam lineam duci diximus. Pinnaeque posteriores tam superna quam inferna parte maculam nigram habent, qua hic caret. Ille corpore est latiore, hic strictiore, alioqui corporis figura, reliquisque partibus tum internis, tum externis valde similis.

lib. 7.

De ter-


De tertia Glaucis specie.



CAPUT XVIII.

ERTIVM Glauci genus à secundo non multum differt, nisi quod huic dentes sunt acuti, linea à branchiis ducta longè magis flexuosa tortuosaq; est, nimirum instar serpentum aut vermium corporis flexibus gradientium, vel vndarum sese attollentium & mox deprimentiū. Dorsum ex cæruleo nigrescit ad lineam prædictam usque, lineæ pars subiecta candidissima. Pinnis, aculeis, cauda, partibus internis, aliis glaucis planè similis. Carne est pingui, suavi, dura. Hic litoribus nostris vix notus est. Hæ sunt tres glauci species, quibus color glaucus, id est, cæsius siue cæruleus nomen dedit, distinctionis verò gratiâ primum glaucum simpliciter appellabimus, secundum *γλαυκίδιον*, tertium glaucum sinuosum.

De Hippuro.



CAPUT XIX.

ΠΠΟΥΡΟΝ Gaza equiselem vertit. Plinius *lib. 7.* Græco nomine uti maluit. Dorion *χορύφαυα* etiam vocari scripsit. Hicetius *ἰσώρπης* nominavit *ἰππουρείς*. Numenius *ἰππουρον ἀρδισίω* vocat. Hispani *lampugo*. Piscis est marinus nostris vndis incognitus. Ego quidem in Hispania tantum natos hactenus vidi. Hæc præ aliis omnibus piscibus illustris est & spectabilis in isto pisce nota, quod statim à rostro vel à capite veluti crista erigitur, continensque pinna magna ad caudam usque protensa. Huic similis alia est à podice ad

caudam vsque sed breuior. Pinnae brachiarum breues, latae, auri amul-
lae. Quae in ventre, sunt longiores, nigricantes, podicem ferè attingen-
tes, qui in medio corpore situs est. Os mediocre est, dentes exigui, acu-
ti in maxillis, palato & lingua. Oculi magni. Squamae minutissimae.
Glauco, colore internisque partibus similis est, ab eo dissidens, quòd
hic à capite sensim tenuior sit strictiorque, ille à podice tantum do-
nec in latam caudam desinat. Hunc veterum hippurum esse rationi-
bus confirmare oportet. Ac primum ipsius etymum id docet. *ἵππερος*
enim à cauda equina nomen habet, quòd pinna à capite incipiens
caudae equinae similima sit, id est, longa continens villisque multis con-
stas, cuiusmodi in nullis alijs piscibus reperitur. Nemo enim existimet
à cauda piscis, equi caudae simili hippurum nominatum, id esset homi-
nis partium usum ignorantis. Cum enim cauda ad dirigendam natatio-
nem clavi instar à natura condita sit, si tam longa propenderet, villis-
que à sese seiunctis constaret, non facilè huc illucque flecti posset, ne-
que solum natationem non iuaret, sed ei maximè obesset. Præterea
χρυσόλαμνος nomen ad id alludit. Nam à pinna quae à vertice incipit, in
eoque veluti crista erigitur, *χρυσόλαμνα* dicitur ἀπὸ τοῦ χρυσοῦς: est enim
χρυσόφῃ vertex, pars capitis inter occiput & synciput, & per metapho-
ram cuiuslibet rei summum & extremum. Quae sequuntur rationes

Lib. 5. de hist. animal. ca. 10. magis ex piscis natura petita sunt. Aristoteles scribit, hippuri foetus
ex minimis celerrimè in maximos euadere, quod in nullo pisce ma-
nifestius quam in hoc obseruari potest. Cum enim Hispani piscato-
res paruos hippuros ceperint, nassus includunt, illicque crescere sinunt
breui tempore, utpote quorum incrementum indies conspiciatur.

Arist. ibid. Præterea hippurus vere tantum parit. Et eodem Aristotele autore,
cum pisces multi serpentum more hyeme lateant, apertissimè hippu-
rus id facit & coracinus. Nam hi soli nusquam capiuntur nisi statis

Lib. 9. ca. 16. quibusdam temporibus, eisdemque semper. Id Plinius literis prodi-
dit, Quum asperae hyemes fuerint, multi caeci capiuntur: itaque his
mensibus latent in speluncis conditi, sicuti in terrestrium genere re-
tulimus, maximè hippurus & coracinus hyeme non capi, præterquam
aetatis paucis diebus & iisdem semper. Quae in hoc pisce verissima ef-
se comperi. Cum enim in Hispaniam huius piscis recipiendi gratia
scripsissem frequètius, diuersis anni temporibus, nunquam nisi autum-
no ad me missus est, id omni asseueratione affirmantibus piscatoribus
nunquam nisi aetatis certis diebus capi. Gaudet hippurus naufragiis
& naufragiorum fragmentis, quia carniuorus est, carne est pingui, sua-
ui & dura, qualis thynnorum, glaucorumque est caro. Archestratus
apud Athenaeum hippurum caristium commendat. Meminerunt Athe-
naeus & Plinius hippi piscis, quis is sit nondum planè scio, nisi idem sit
cum hippocampo, de quo suo loco dicemus.

*Lib. 7.
Lib. 7. Plin. lib.
3. ca. 11.*

De Seferino.




CAPUT XX.

INTER Cæruleos connumerandus mihi videtur, qui à nostris *tronchou* vocatur, sola corporis latitudine à glaucis discrepās. Est enim corpore breuiore quidem sed latiore, compresso, sine squamis, cutē læui, dorso cæruleo, ventre argenteo. Pinnarum quæ in branchiis & ventre sunt situ, non differt ab Hippuro. Pinna superior non à capite vt in hippuro sed à dorso erigitur. lineas duas à brāchiis ad caudam ductas habet, superiorem curuam, inferiorem rectam, ob quam notam in isto pisce manifestissimam, in eam adducor sententiam, vt existimem seferinum esse, cuius ex Aristotele *περὶ ζώων* meminit *Athe naus*: καὶ τὰ μὲν δύραβδα ὡς περ ῥεῖνος, τὰ δὲ πολύραβδα καὶ ἐρυθρόγραμμα ὡς σάλπι. Duas virgas siue lineas habent, alij pisces vt seferinus, alij plures & aureas vt salpa. Internas partes easdem cum glauco habet. Carne est molli & suau.

Libro 7.

De Fiatola.



CAPUT XXI.

FIATOLA Romæ vsitatum est hodie piscis nomē, qui cum nullis aliis commodius quàm cum cæruleis connumerari pōtest. Dorsum enim lateraque cærulea sunt, venter candidus, labra purpurea. Ferè rotundus & compressus seferinio non valde absimilis, nisi quod

Z

lineas duas à branchiis ad caudam ductas non habet, sed vnicā duntaxat. A dorso autem ad hanc lineā & ab hac ad ventrē lineā demissæ sunt, perbellè inflexæ. Romæ piscis est satis frequens, in nostris litoribus nunquam visus. A glauco substantia parum differt: est enim carne paulò molliore. Fiatola Romæ vulgò nuncupatur, quemadmodum stromateus ob similitudinē quandam: solent enim ichthyopolæ nomina piscium propria, similibus communia facere, quod in permultis piscibus videre licet.



GV L I E L M I


R O N D E L E T I I

DE PISCIBVS

LIBER IX.

De Mugilibus.

CAPVT I.



*Lib. 3. de Ali-
men. facul.
Libro 7.*

Ibidem.

*Lib. 5. de hist.
cap. 11.*


*Lib. 8. de hist.
anim. cap. 2.*

VANQVAM Mugiles & frequentissimi, & vulgo notissimi sunt pisces, tamē in horum generibus distinguendis non minorem affert difficultatē appellationum varietas, quā in thunnis & Pelamydibus, aliisque multis. Sunt enim qui κεφαλον genus mugilū omnium siue marinorum siue fluuiatilium constituūt, vt Galenus. Alij λεύκιον. Athenæus λεύκιος φησὶ, τῶν δ̄ καλεσμένων λευκίσκων πολέονα ἐστὶν εἶδη. Hicetius ait leuciscorum plures esse species. Galenus verò leuciscum fluuiatilem tantū mugilem facit. Aristoteli κεφαλος species est, quæ cum aliis κερτέως nomine continetur. Ἀρχοίται δὲ κέρτεων κερτέων οἱ μὲν χελώνες τὸ ποτὶ δεινῶς καὶ ὁ ἀρχοίται, καὶ ὁ μύλων καλεσμέ- nos, καὶ ὁ κεφαλος. Decembri mense concipiunt, ex cestreis, chelones, farginus, & qui myxon vocatur, & cephalus. Alibi ἀλλο- φαγὸς ὁ πᾶσις μὲν πάλιν κερτέως, μάλιστα δὲ οἱ γήγροι, ὁ κεφαλος καὶ ὁ κε- τρώδης ὅλως μόνος ἐς ἀρχοφαγὸς, mutuo se vorant omnes præter cestreū, maxi-

Ἡ πάλῃ μύραινα χαλκίμην, ἃν ποτὲ ληθῇ,
 Ων.

Superfunt alia duo nomina, quæ species mugilum ab aliis distinctas non efficiunt, sed vel epitheta sunt, vel synonyma. περαιάς καὶ σαργίνος, περαιάς quem translitoranum interpretatur Gaza, est idem qui & κεστρεὺς & ῥήτις dictus est: legendumque potius περαιάς quam περαιός vel φερῶιος, ut apud Athenæum citantem locum Aristotelis legitur. Locus est huiusmodi: ἔστι μὲν ὁ κέφαλος ὃν καλεῖσι τινὲς χελίνα, πρόσγρος, ὁ δὲ περαιάς, ὃν ἰδοῦντες δὲ ὁ περαιάς ἢ μύζαν τιτὼ ἀπὸ αὐτοῦ, διὸ καὶ ῥήτις ἔστιν αὐτοῦ. Capito quem alii labeonem vocant litoribus gaudet, alter eiusdem generis translitoranus est, qui non nisi mucore vescitur suo. Quamobrem semper ieiunus est. Quod si quis hunc cum myxino eundem esse velit non repugno, præsertim cum dicat Aristoteles mucro tantum suo vesci. σαργίνος verò si mugilis species est eundem esse cum ieiuno existimo. Aristoteles enim quum mugiles aliquot locis recenseret, tribus, scilicet myxoni, cheloni, cephalo, farginum ieiuni loco annumerasse videri potest, cestreo pro genere posito, quibus in locis pro σαργίνος mendosè σάργος in vulgaribus nostris codicibus legitur, emendationemque nostram cum de fargo ageremus comprobauimus, ad quem locum prolixitatis vitandæ causâ lectorem remitto. Quare ad quatuor tantum species, mugiles omnes optimo iure reuocabimus. Primus mugil erit κέφαλος, capito. Alter cestreus, qui & ῥήτις, & βάκχος, & περαιάς, & σαργίνος dictus est. Tertius χελὼν, labeo. Quartus μύζων siue μύζων siue μύζινος. Hi omnes in mari marinisque stagnis nascuntur. Sunt & fluuiatiliū non pauciores differentiæ. Sed prius de marinis ordine dicemus.

De Cephalo.



CAPUT II.



VI Κέφαλος à Græcis dicitur, Romæ & in tota ferè Italia seruata eadem appellatione *cephalo* vocatur. A nostris seruato eodem etymo *cabot*, quasi capitatum dicas. Capite enim magno, crasso, latoque est. Vnde Eurhydemus teste Athenæo dictum esse ait διὰ τὸ

βαρ.

βαρύτεραν τὴν κεφαλὴν ἔχειν. Galli *mullet* vocant. Degit *Cephalus* maximè in marinis stagnis & fluminibus, squamosus est. Cubiti magnitudinem aliquando superat. Capite est maiore, latiore, sed breuiore quàm reliqui mugiles. Branchiæ huic sunt quaternæ, ossea earum opercula tumida. Oris scissura magna, sed in ventrem descendens. Os sine dentibus, labra tenuia. Oculi magni, mucagine quadam tenui obducti, palpebram esse diceret. Lineæ nigre, à branchiis ad caudam extenduntur, minùs quàm in labeone euidètes. Dorsum latum, nigricans, venter candidus. Pinne ad branchias duæ, totidem in ventre, minores. A podice vna. In dorso duæ, altera ex aculeis constat, altera aculeis caret, ad caudam spectans. Peritonæum nigro colore perfusum est. Hepar cum fellis vesica paruum, tanquam manu ventriculū amplectens, fel rufum siue flauum, aqueæ consistentiæ. Ventriculus lōgè alius est quàm in carniuoris piscibus est. Carnosus enim est, densúsque instar ventriculi auium, foris planus, intus rugosus, figurâ verticilli vitrei, quod mulieres fufis appendunt. Ventriculi ap-pēdices magnæ, crassæ. Intestina in gyros acta. In iis latet splen. Cor angulatū. sub pinna locus aëre plenus. Non solus capito sed etiā alii mugiles mense Decēbri concipiunt, gerūtque vtero tricenis diebus. Stagna nostra ingreditur, in illis parit & hybernat perlibenter, quoniam à carne omnino abstinens limo, aquaque dulci vescitur, quibus stagna abundant, ob flumina subeuntia, & terræ purgamenta. Carne verò omnino non vesci demonstrat ventriculi figura. Est enim ventriculus rotundus, parum capax, vt ne pisciculum quidem exiguum capere possit, in quo præter mucum nihil vnquam reperias. Vnde Pausanias *πηλιδής, βολεροτέρης* τὴν vocat. Et Aristoteles capitones omnes limo pascuntur, quo fit vt grandes & sordidi sint. Piscem nullum omnino vorant. Et quamuis in limo versari soleant, efferunt sese aliquando, vrinanturque, vt corporis sordes abluant. Æstate magis lutum olent. Hyeme & vere magis probantur: quippe cū stagna æstate exiccentur salioraque fiant, minoremque dulcis aquæ copiam cōtineant. Tum igitur limo putrescente nutriuntur, marinique longè sunt præstantiores. Hicēsius apud Athenæum capitones cæteris mugilibus præfert. Commēdantur apud nos qui prope montem Sæ-tium capiuntur in ea stagni parte quæ *tau* vocatur. Locus enim saxosus est, profundus sine limo, multaque ac puraque aquæ marinæ capax. Optimi sunt, & qui in insula *martegue* nuncupata capiuntur. Insalubres admodum qui Malsiliæ & in omnibus Ligusticis portubus, maximè prope magnas vrbes, vt Genuam, Neapolim, & in ostio Tyberis. Omnium deterrimi qui Venetiis. Illic enim aqua, stercoreibus, omni que sordium genere referta degunt. Marini suauitate saporis reliquis præstāt. In marinis stagnis educati pinguiores sunt, sed


*Arist. lib. 3.
de Hist. ani-
mal. cap. 11.*

*Lib. 8. de hist.
cap. 2.*

ferè insipidi. Fluuiatiles magis insipidi, magisque putredini obnoxij. In nostro stagno quotannis ferè circa Decembrè tanta mugilum captura est, vt salire necesse sit, & toti Gallia Narbonensi suppeditare: Idque peropportunè, quoniam mox insequitur tempus quo sublatis carnum obsoniis, solis piscibus est vescendum. In meliorū autem inopia salsamentum hoc boni consulimus iuxta veterū prouerbium, *ἀν μὴ παρὴν κρέα περιλέοντες τὰς ψαῖχας*, id est, si nō adsint carnes salsamento contentos esse oportet. Ex falsis igitur optimi sunt qui pinguisimi, sed si diutius seruentur, fiunt rancidi. Fiunt à nostris piscatoribus mugilū *ὡς τὰ πύρα*, id est, oua salita, & exiccata seruantur, quæ à bibacibus magno emuntur: deiectam enim appetentiam excitant, sitim proritant, vinique gustum iucundiozem reddunt: vulgus *botargues* appellat. Recens capito editur in iure albo coctus, cui vice anethi porrique, ciues nostri apij folia iniiciunt: rustici cepis, aliisq; condiunt. Editur etiā assus in craticula, oleo, omphaciōque conspersus, aut in sartagine frixus. Farina bene subacta & pista cōclusus additis suauibus aromatis optimus est, & ob pinguem humiditatem satius diu asseruatur. Cæterum etsi aqua dulci capitones & reliqui mugiles delectentur, tamē à copiosioribus imbris lædi certum est. Excæcantur enim facilè, mortuūque interdum capiuntur. Id quod non solum imbrium copiae, sed etiam frigiditati adscribendum crediderim. Lapides enim habent in capite, maximèque in litoribus degunt. Capito adeo stupidus est, vt capite occultato totum corpus latere putet autore Aristotele. Sic animantes omnes quæ multum humide, parum calidæ, magnòque capite sunt, stupidas hebetesq; esse videmus, vt de illis id dici possit. O quale caput, & cerebrum non habet.

Lib. 8. de hist.
animal. l. 4. 2.

De Cestreo.



CAPUT III.



VSVCCI bonitate, ita ordine cephalum sequitur *κεφαλὴς* qui mugil à Gaza Latine dicitur, à nostris *same* dictus est. Cestreus à cestro, quia teli modo publica Atheniensium pœna intret adulteros: est enim cestron missilis genus, quod Latini viriculam vocant.

Hæc

Hæc Hermolaus. Et κέστρον, inquit Suidas, genus erat teli Persico bello inuenti. Caue autē cestreum cum cestra confundas, etsi à cestri mis-
 filis figura vtrique nomen positum sit: ille enim à capitis, hæc à rostri
 figura vtraque figuræ teli simili nuncupatur. Cestreum cephalo simi-
 lem omnino, imò eundē esse diceres, nisi capite esset minore, & acu-
 tiore, lineasque à branchiis ad caudā ductas breuiores haberet. He-
 par illi ex albo rubescit, fel aqueū est. Caro mollior, laxior, minus cā-
 dida, minúsque pinguis quàm cephalo. Gulam habet: in appendicem
 longam definit ventriculus, cum intestinis semper inanis. Lapidem ha-
 bet in capite, quod ex Dorione profert Athenæus, Τὸν δὲ κεφαλῆς
 τὸ κέστρον ἔχον, σφόνδυλον, ὀνομάζει. Qui locus vt intelligatur, sciendum
 echinum hic pro lapillo echinata specie accipi, id est aspero, quem
 admodum etiam echinus præter alia significata partem fræni signi-
 ficat, orbiculum scilicet echinatum, quo coercetur equus contumax.
 Huiusmodi lapidē σφόνδυλον appellat Dorion à similitudine verticil-
 li, quo mulieres fusos aggrauant: id enim est Græcis σφόνδυλος vel
 σφόνδυλος: nam vtrumque dicitur. Inde etiam partes spinæ dorsi
 σφόνδυλοι nominantur. Sed & calculus æneus, quo suffragia sua
 Athenis iudices dabant spondyli vocabantur, vt est apud Iulium
 Pollucem. Muco solū & aqua vescitur cestreus, qua de causa ie-
 iunus vocatur. Hinc parœmia, κέστρον νηστεύει, cestreus ieiunat, quæ
 vel de famelicis & voracibus dicitur, vnde & qui fame oscitant κέ-
 στρεῖς dicuntur, & κέστρον, quod conuitium olim in Athenienses ia-
 ctum tradit Hesychius, vel de iis qui vitam innocuā agunt, & ab in-
 ferendis iniuriis abstinent, nec vllum emolumentum ex sua inno-
 centia ferunt, in qua sententia est Athenæus: quoniam piscis hic &
 cephalus minimè carniuori sunt, neque mutua deuoratione victi-
 tant: nihil enim huiusmodi in eorum captorum ventriculo intesti-
 nisque reperitur, neque animantium carne pro esca ad hos capien-
 dos vtuntur, sed ossa panis autore Aristotele: Ventriculi enim figura
 de qua proximo capite diximus, piscium, aut aliarum huiusmodi e-
 scarum deuorationi repugnat. Denique os ipsum nullis munitum
 dentibus, quicquid dicat Erasimus in explicatione prouerbij cestreus
 ieiunat. Nam mugiles omnes dentibus carere ἀστοφία ipsa conuin-
 cit. Quamobrem locus ille Athenæi corruptus est, quem ex Aristo-
 tele citat: Ἐν δὲ ἄλλῃς φησὶν Ἀριστοτέλης, ὁ κέστρον καρχαρόδους ὢν, οὐκ
 ἀλλήλοφαγεῖ, ἅτε δι' ὅδ' ὅλως ἀρχοφαγῶν, id est, Aristoteles ait, cestreum,
 serratis dentibus cū sit mutua deuoratione nō victitare, vtpote qui
 carniuorus omnino non sit. At neque cestreo neque mugili cuiquam
 Aristotelem dentes tribuisse comperias. Locus verò quem citare
 videtur Athenæus, est huiusmodi. Ἀλλήλοφαγεῖ ὁ πᾶντες μὴ πᾶν
 κέστρον, μάλιστα δὲ οἱ γόγροι, ὁ δὲ κεφαλῆς καὶ ὁ κέστρον ὅλως μόνον

in anno. in cā.
 u. lib. 35. Plin.

Libro 7.

Lib. 8. de hist.
 anim. cap. 22

Lib. 7.

Lib. 8. de hist.
 ani. cap. 20

- ὅν ἄρχεφάγουσι. vbi dentium nulla planè mentio. Cùm enim mugiles carniuori minimè sint, quid dentibus opus est? Plato teste Athenæo Cestreos appellauit ἰστίους, id est ieiunos. Eandem ob causam
- Lib. 1. ἀλιον-
τικωρ* Oppianus iustissimos. Cæterùm horum innocetia ab inimicis minimè tuta est: deuorantur enim mugiles à lupis, viuuntque etiam subla-
Cap. 2 ta cauda, vt refert Athenæus ex Aristot. lib. de animalium moribus & vita. Idem etiam Aristoteles lib. 1x. de Hist. animal. His omnibus atque adeò sibiipsc repugnare videtur Aristot. quum ait, λαίμαργος ὁ μά-
λιστα πάντων ἰχθύων ἐστίν ὁ κεστρεὺς, καὶ ἁπλῆτος, διὸ καὶ ἰχθία πικρὴ γίνεται, καὶ ὅτε
ἢ μὴ νῆστι, φαυλός. maximè omnium piscium gulosus est cestreus & in-
satiabilis: quare venter distenditur, & quando ieiunus non fuerit in-
ers. Verùm si istud attentius expendas, nedum non repugnans, sed maximè superioribus consentaneum esse intelliges. Cùm enim Mu-
giles nihil solidi cibi capeffant, neque etiam si velint, is in ventriculū influere possit, necesse est omnino, vt vel limū vel mucū, vel aquam subinde ingerāt atque intrudāt, quo refici sustinerique possint: quoniam quæ liquida sunt, citius permeant nutriuntque, ac velocius excernuntur. Quare frequentius cibum sumere coguntur, qui huiusmodi vescuntur cibis, sicuti & ij qui lubrica sunt aluo. Contra quæ crassa, densa ac solida tardius pertranscunt, harētque diutius ac firmitus, atque dissipatu difficilīus nutrimentum partibus corporis suppeditant. His igitur qui vescuntur, diutius famem ferre possunt. Quæ certiora sunt quàm vt longiore oratione demonstrari debeant, Quæ admodum verò gulosos insatiabilēque mugiles efficit cibus liquidus frequentissimè ingestus, vt mucus vel aqua, ita etiam sala-
Lib. 2. cap. 17 ces, vt cpinor, ob flatuum, quos is cibus gignit, copiam. Plinius. Mugilibus tanta salacitas, vt in Phœnice & in Narbonensi Prouincia coitus tempore è viuariis marē linea longinqua per os ad branchias religata emissum in mare, eadēque linea retractum, fœminæ sequantur ad litus, rursusque fœminam mares partus tempore. Hac libidinis veluti esca, ad mugiles capiendos vtuntur piscatores: quam capiendi rationem descripsit Oppianus. Parit mugil maximè qua flumina ingrediuntur in mare. Mugil inter primos partum accele-
*Lib. 4. ἀλιον-
τικωρ* rat, inquit Aristoteles: parit enim hyeme, vehementi motu cietur cestreus donec pepererit, à partu quiescit. Amnes subit testibus Aristotele, Strabone, Galeno, Plinio. Idem nos experientia docet. Nam in Garumna, Rhodano, Sequana, Ligeri capiuntur. Magna mugilū copia, in stagno nostro capitur, quod etiā annotauit Plinius, quo loco narrat, quonam pacto homines cum delphinis mugiles piscantur. Et nos vidimus mugilū, luporūque capturā vno retis iactu centū aureis coronatis vasisse. Quin & saltu retia aliquando transfiliisse vidimus: hac enim ratione euadunt, & vitæ suæ consulunt, quod etiam elegan


eleganter descriptit Oppianus.

Κετρεὺς μὲν πλεκίησιν ἐν ἀγκυρήσιν λίνοιο
 Ἐλγόμενος, δόλον οὐκ ἀντιδρόμον ἠγνοίησεν.
 Ὑψι δὲ ἀναθρόσκει λελητημένος ὑδατος ἄκρῃ
 Ὄρθος αἰνῶ σπεύδων, ὅσων αἰθέρος ἀλμυρὴ κέφῃ
 Ὀρμήσιν, βύλῃς δὲ σαόφρονος ἔκ ἐμάλησεν.
 Πολλάκι γὰρ ῥίπτῃσι καὶ ὑψαῖα πέλισμα λαφύων
 Πηδῖας ὑπεράλθο, καὶ ἐξήλυσε μόροιο.

Lib. 3. ἀλίσιν
 τικῶν.

Ventriculus mugilum in cinerem redactus, & in cibo sumptus ventriculi exoluti vires non minus reficit quàm ventriculi gallinarum pellis interna. Corroborat enim, & redundantem humiditatem absumit. Idem præstat in furno siccatus, ablutusque vino albo, & aqua absynthij vel menthæ. Elixus in vino, & ex aceto sumptus vomitum compescit. Idem efficiunt intestina sublato pingui. Nam omne pingue ventriculum laxat. Lapides in cerebro reperti aduersus nephritidem valent. fel aduersus oculorum suffusiones, estque minùs acre quàm pastinacæ, draconis aut scorpij fel.

De Myxone.



CAPUT IIII.



VCONEM Quem à muco appellauit Gaza, eadem ratione Græci μύξονα, siue μύξονα, siue μύξινον, à nomine μύξα, quæ nihil aliud est quàm mucus, & pituitosus humor. Galenus in comment. in Aph. Hippo.

Lib. 6. ἀφῶ
 comment. 76.
 τιμο.


ἄρθροί τε πολλὰκις ἐν τοῖς ἄρθροῖς χυμὸς φλεγματώδης, ὃν ὀνομάζουσιν μύξαν, Aceruatur sæpe humor pituitosus in articulis, quem μύξαν nominat, Aristotel. οὐ βόσκειται ὃ ὑπεράλυσεν, ἢ μύξαν τι καὶ ἀπὸ αὐτοῦ. Per ætas muco tantum suo pascitur, vnde huic pisci nomen. Plinius Græcam vocem retinuit: nam myxona vocat. Prouinciales & Ligures maxon. Nostri communi vocabulo muge. Sapore succique præstantia capitoni & cestreo postponit Hicetius apud Athenæum. Ἀριστοτέλης δὲ εἰσὶν οἱ κεφαλοὶ, καὶ πρὸς τιμὴν γεῦσιν, καὶ πρὸς τιμὴν εὐχολίαν, δεινέροι δὲ εἰσὶ τῶν οἱ λεγόμενοι κετρεῖς, ἥσσονες δὲ οἱ μύξινοι. Caue autem ἥσσονες referas ad corporis magnitudinem: certum enim est hîc succi bonitatis collationem fieri non quantitatis. Est enim myxon cestreo omnino

Lib. 3. c. 47. 7.

Lib. 7.

similis, sed magis mucosus, capite minùs acuto, carne magis glutinosa. Eisdem partes internas habet quas cestreus. Bacchum vocatum fuisse priùs diximus, fortasse quia caput quodammodo rubescat circa labia & branchiarum opercula, soleántque bacchos ebriosos vocare, vel quia natando, huc illúcque temere feratur ebriosorum more. *Ibidem.* Locus est Dorionis apud Athæneum. Διαφέρειν τε φησὶ κεφάλῳ κεφαλῶν, ὃν καὶ βλεψίαν καλεῖται. qui quidē locus cū me diutius torfisset, neque de eo certi quicquam ab vlllo extorquere potuissē, venit tandem mihi in mentem βλεψίαν mendosē legi, cū nusquam alibi vocabulum hoc pro pisce reperiās, neque vlla ratione ab aspectu mugilem vllum βλεψίαν possis appellare. Quare μύζων dici κεφαλῶν crediderim, quòd cephalo capitis magnitudine ferè par sit, eoque minùs acuto quàm cestreus, & pro βλεψίαν legendum βλενῶν vel βλενωδῆ, id est, inertem vel mucosum. Idem enim significat βλένω, quod μύξα, vt scribit Galenus. μεγάλη δὲ τῷ τῆς ἀραγδῆλος τῷ κατ' αὐτὰ τα μόρια σκεπάσματος, καὶ ἡ πολλὰκις γινόμενη τῶν ἀνωθεν περιττωμάτων ἀθρόα κένωσις, ἀδὴν βλένωσιν μὲν οἱ παλαιοὶ καὶ χόρυζαν ὀνομάζουσι, μύξας δὲ οἱ νεώτεροι. Non absurdè igitur βλένωσιν vel βλενωδῆς à βλένω, vt μύζων à μύξα dici poterit. Si quis tamen certiora, & huic Athenæi loco accommodatiora adferre potuerit, libenter ei assentiar.

De Chelone.




CAPUT V.



ΕΛΩΝ siue χελών. Græcis, labeo Latinis, Ouidio labrus, nostris *chaluc*. Piscis est cephalo similis, capite paulo minore, oculis prominentioribus, sine pellicula illa molli, veluti pituita concreta, quam veluti palpebram habet capito. Lineas nigricantes à branchijs ad caudam æqualibus spatijs distantes, protensas habet, vnde *vergadelle* à quibusdam vocatur. Labra crassa, spissa, prominentia, vnde χελῶνος & labeonis nomen. Partes internas capitioni similes habet, nisi quòd capitionis fel magis flauescit. Limbo vescitur, nec admodum pinguescit, vt cestreus. Quamobrem ieiuni epitheton non solum cestreo sed etiam

etiam reliquis mugilibus conuenire potest: omnes enim à carne abstinent. Labeo quantum ad succi bonitatem suauitatemque attinet omnibus posthabetur. Hicetius apud Athenæum *καλαδέεστροι ὃ πάντων οἱ χελῶνες*. Omnium infimi sunt labeones. Quod verò sequitur *οἱ λεγόμενοι βάκχοι ὤχυλοι ὃ εἰσὶ σφόδρα καὶ πολὺ βοφοι καὶ ὤκρῖλοι*. Si ad chelonas qui & bacchi dicuntur referas, locus constare non potest: si enim chelones omnium deterrimi sunt, quum fieri potest, ut sint & boni succi & excretu faciles? Quare sic legendus locus videtur. *καλαδέεστροι ὃ πάντων οἱ χελῶνες. οἱ ὃ λεγόμενοι βάκχοι ὤχυλοι*. &c. ut alij, scilicet vel capitonnes vel myxini dicantur bacchi. Nā autore Plinio myxones dicti sint banchi qui quamuis capitonibus cestreisque postponantur, tamē non sunt deterrimi, ut labeones, sed satis boni succi & excretu faciles. Quanquam bacchi vel banchi nomen in plures competere in superioribus ostendimus.

De Mugile Alato.




CAPUT VI.

POSSET Mugil alatus siue volans, cum hirundine & aliis volantibus depingi & describi. Sed quia & corporis figura, & victus ratione planè mugil est: ideo mugilibus aliis subiunxi. Delatus est ad me frequenter ex ea parte maris nostri, quæ Rhodanum excipit. Misit etiam ad me aliquando Frāciscus valeriola vir optimus, & medicus doctissimus, pro hirundine marina, quod se extra aquam efferrat volētque. Neque me latet Romæ etiam pro hirundine haberi & *Rondola* vocari: quem verò pro hirundine exhibebimus miluum credi & vulgò dici *miluo*. Sed hæc falsa sunt, & à veterum sententia aliena. Nam Speusippus apud Athenæum similes esse ait, cuculum, hirun- *libri*

dinem, mullum, vt clariùs ostendemus quum de hirundine tractabimus. Quare cum isti à nobis hîc depiçto pisci nulla planè sit cum cuculo, aut mullo similitudo, sed planè mugil sit, & figura, & victus ratione, longissimis pinnis, quas alas vocant, solùm additis, mugilem alatum appellare oportet, & ab hirundine distinguere. Agathêses falconem marinum vocât. Piscis est marinus, litoralis, maris stagna aliquando subit, cubiti magnitudinem attingit, cestreû corporis habitu, colore, figura planè refert, pinnis caudaque exceptis. Os illi paruû, maxilla inferior superiore maior. Dentibus caret. Oculi rotundi sunt & magni. Caput dorsumque latiuscula mugilum modo. Squamis tegitur magnis. Pinnæ quæ ad branchias sunt longissimæ latissimæque ad caudam vsque pertingunt. Ventris pinnæ inferiore loco quàm in aliis sitæ magnæ sunt ad caudam vsque extensæ. Alia est parua à podice, cui quæ supraposita est, magnitudine par est. Cauda in duas pinnae definit, inferior superiore maior est, cõtrâ quàm in vulpe, aut sturione. Lineam non à branchiis, vel à capite, aliorû pisciû instar, sed à pinnis ventris ad caudam ductâ habet. Internæ partes, huic omnino eadem sunt, quæ reliquis mugilibus. Carne quoq; & succo similis est.

De Lupo.



CAPUT VII.



ABPAX Piscis à Græcis dicitur qui à Latinis lupus. Hodie à Romanis *lupasso* & *spigola*. A Liguribus *louazza*. A Venetis *varolo*. A solis Hethruscis *Araneo*, ab Hispanis *lupo*. A Gallis *tubin* pro *lupin* à luppo. Apud nos pro ætate nomenclatione habet, minor enim

enim *lupasson* quasi paruum lupum dicas, ut apud Græcos *λαβράκιον*, maior *loup* vocatur. Lupi verò nomen à voracitate posuerunt Latini, non quod à Græcis *λύγος*, sed *λάβραξ* à vi & voracitate dicatur. Athenæus. Nominatus est *λάβραξ* παρὰ τῶν λαβρότητι. & Suidas. τὸ πρὸς τοῖς ὀφθαλμοῖς ἀποκρίνεται, ὅστις κέχληται αὐτῶν τὸ τέρμα, καὶ ἀθρόως καὶ λάβρως τὸ δειλεῖν καὶ τὸ πῶν, ὅθεν καὶ δειλὸς ἐλίσσεται. Ideo appellatus est *λάβραξ*, quia illi hiat os, & repente ac cum impetu voracitatēque escam deuorat, qua de causa faciliē capitur. Luporum duo videntur esse genera. Alius enim varius est, teste Columella, id est, cuius dorsum ex albo cæruleum est, venter candidus, nigris maculis conspersus. Alius sine maculis, qui appellatur laneous, siue lanatus à candore mollitiæque carnis autore Plinio. Vterque in mari, marinis stagnis, fluuiorum ostiis, & fluuiis reperitur, non quod in fluuiis nascatur, sed quod è mari marinisve stagnis fluuios subeat. Est igitur lupus piscis marinus, magnus, spissus, squamis tectus mediis, ferratis: capite oblongo, magno oris rictu & hiatu, sine dentibus, vel quia ob oris magnitudinem faciliē prædam deuoret, vel quod ita voluerit natura, ut illi piscibusque reliquis consuleret. Si enim os dentibus armatum foret, vix pisces eius impetum effugerent, ipsēque præ insatiabili vorandi cupiditate interiret. Dentium autem loco ossa habet aspera in palato, linguam osseam & adhaerentem. Operculum branchiarum osseum, ferratum. Branchias quaternas. Oculos magnos. Lapidēs in capite, quapropter lupum in iis numerat Aristoteles, qui à frigore infestantur. Ob lapides enim à frigore congelantur & moriuntur, cui aliam rationem addere possumus. Quod lupi in sublimi natent, eoque magis frigoris iniuriis opportuni, maximè seniores. Qua de causa frigor vi mortuos sæpe in nostris stagnis reperiunt piscatores. Qui verò in imis & abditis gurgitibus hyeme latent, minus à frigore læduntur, nec hyeme moriuntur, etiam si lapides habeant in cerebro, ut soleæ, passerēs, aselli, coracini, scari, lati, vmbra, hepatis. Lupus ventriculo est longo, magno, cum aliquot appendicibus, latis intestinis & in gyros contortis, pinguedine obductis. Splene magno, rubescente. Hepate magno in quo vesica fel viride continens. Locus est sub spina dorsī multo aëre plenus. Ad branchias & in ventre pinnae binæ sunt. In dorso acuti & inæquales aculei, tenui membrana colligati. Caudam versùs pinna alia aculeo vnico innixa, tribus verò ea quæ est à podice ad caudam. Cauda in pinnam vnicam desinit. Linea à capite ad caudam ducitur. Qui minor est, insperfas nigras maculas habet, quibus caret maior. Qui in mari degit, dorso est ex cæruleo candido, qui verò in ostiis fluminū, totus ferè candidus est. Lupus carne vescitur, nonnunquam alga, luto & squillis, quæ deuorata aculeo quem in fronte gestant lupum interficiunt. Bis anno parit, maximè vbi amnes

Lib. 8. cap. 17.

Lib. 9. cap. 17.

Lib. 8. de hist. anima. ca. 17.

Arist. lib. 5. de hist. cap. 5. Plin. lib. 9. cap. 51.

in mare influunt, præsertim in stagnis nostris. Hæ sunt à veteribus omnibus traditæ lupi notæ, quæ cum præter gentium ferè omnium appellationes maximè consentientes, lupo nostro appositissimè conueniant, nos lupum verum exhibuisse constat. Fuerunt tamen qui longè secus existimarint. Nam alij lupum eum esse tradiderunt, qui nunc sturio vocatur, quòd lupus Tyberinus longè omnium piscium apud Romanos esset laudatissimus, & is maximè qui inter duos pontes caperetur. Cuiusmodi cum sit nunc sturio, omnium scilicet piscium qui lautioribus mensis apponuntur præstantissimus, eum lupum veterum dici oportere. Sed quàm vana futilisq; sit hæc ratio, nemo non videt. Sic enim quicumq; in Tyberi delicatissimi optimiq; essent pisces lupi dici possent. Præterea notæ vtriusque valde inter se pugnant. lupus enim squamosus est, sturio minimè, lupus carniuorus & voracissimus est, sturio autè minimè. Sed hæc quia nota sunt, longiore probatione non egent. Probabilior est, falsa tamen eorum sententia, qui lupum esse arbitrantur quem Latini lucium, Galli *brochet* appellant, vocis significatione in hunc errorem inducti, quia Lucius quasi *λύκος*, id est, lupus dicatur: est enim lucius etiam voracissimus. Sed hoc interest, quòd lupus marinus sit piscis, aut si in fluuiis reperiatur, huc ex mari subierit, testibus Aristotele, Galeno, Athenæo, Plinio, cæterisque omnibus veteribus. Lucius verò fluuiatilis est, palustris & lacustris. Nonnulli quas troctas vulgus vocat, censuerunt lupos esse maculatos. Quam opinionem duo maximè falsam esse arguunt. Nam troctæ vulgò dictæ (de his enim hîc loquimur) in Tyberi, præsertim inter duos pontes non capiuntur, sed harum copiam maximam, suburbani amnes omni tempore suggerunt, vt ex Reatinis, Sublaqueanisq; & ipso Tyburtino amne quotidie videntur. Deinde troctæ in fluuiis fontibusq; tantùm capitur, frigidioribusq; locis gaudet. At lupus in mari & marinis stagnis degit, frigidioribusq; iniuriam vehementer pertimescit, adeò vt præ frigore emoriatur, quemadmodum iam dictum est. Quare refutatis his ad lupum verum quem oculis subiicimus, reuertamur. Galenus alimentum quod ex pelagiis lupis provenit, sanguinem ait consistentia tenuiorem gignere, quàm quod ex pedestribus animalibus provenit, adeò vt non copiosè nutriat, & celerius discutiatur. Et apud Athenæum Hicetius *λάβρακες ὀχλοὶ εἰσὶν, καὶ ἡ πολλὰ πρόφοι*. Quum vterum gerit deterior est, contra cæterorum piscium naturam. Qui in Agathensi portu capiuntur, aliis sunt candidiores, vt diuersi pisces esse videantur, non colore solum sed etiam sapore: sunt enim hi laxiore & molliore carne, sapore minùs grato. Apud Miletum Asiæ ciuitatè maximos & plurimos fuisse lupos, auctor est Suidas, propter stagnum influens in mare: gaudet enim hic piscis aqua dulci. vnde Labrax Milesius prouerbio in stolidum & auidum dicebatur, quia pisc

Lib. 3. de alim.
facult.

Libro 7.

piscis lato est oris rictu, ob id escam totam vnà cum hamo ferreo faucibus corripit, qua de causa facilè capitur. Aristophanes tamen apud Athenæum labraca piscem sapientissimum appellat: Libro 7.

Λάβραξ ὁ πάντων ἰχθύων Γρηγότος.

Ob astum fortasse, quo vt se seruet, vtitur. Plinius ex Ouidio. Lupum piscem rete circumdatum arenas arare cauda, atq; ita conditum transire rete. Idem cecinit Oppianus: Lib. 3. cap. 2.

Λάβραξ ὃ πλεύνεον διὰ φαρμάκιο λαχίνας

Βόθρον, ὅθιν δέξαιτο δὲν δέμας, ἥντ' ἐς δύνω

Ἐκλήθη, καίτοι μὲν ἐπ' ἡύνας χαλαροῖ

Διέπνοι ἀπαλιήες, ὅδ' ἰλὺι κέλενος αὐτῶς


Ἀπασίως ἤλυξε, καὶ ἐκφυγὼν ἄρκευν ὀλέθρου.

Lib. 3. ἀλιον-
τικῶν.

Luporum optimi sunt pelagij, his succedunt qui in marinis stagnis, tum qui in ostiis fluminum capiuntur, postremò fluuiatiles: humidiores enim excremento redundant. Omnium insaluberrimi sunt, qui in Tyberi inter duos pontes, qui circa Arelatem, aut in portu Massiliae aluntur: illic enim luto, sordibus, stercorebus, pisciculisque ex his alitis nutriuntur. Hinc constat veteres non semper quæ salubria, sed quæ gulæ tantùm palatòque lenocinarentur probasse, qui lupum inter duos pontes iactatum tot laudibus efferebant. Eadem ratione vituperandi sunt cyprini, qui Lugduni in Arari capiuntur, cùm contrà vulgus imperitum eos multùm præferat iis, qui procul ab vrbe in pura aqua degunt. Quocirca ex victus ratione, locisque in quibus pisces degunt, succi probitas vel improbitas colligenda est, vt rectè docet Galenus. Lupus elixus in aceto & iure albo febricitantibus conuenit, sanis etiam assus in craticula. Hepar assum & mali arantij succo conditum, delicatissimum est, quod neque galli gallinacei, neque anseris hepatis tantoperè à veteribus celebrato cedat. Sunt etiam luporum ὠὰ τέτραχα, quæ etiam Botargues vulgus vocat. Lapides, qui in capite inueniuntur, aduersus nephritidem conferre creduntur, quemadmodum multorum aliorum piscium lapides, cuius rei causam esse arbitror non cæcum aliquem horum lapidum effectum, sed grauitatem tantùm, à qua deprimitur renum calculus. Hoc postremo loco non inutile fuerit locum Plinij expendisse. Foroiulienses, inquit, piscem ex quo garum faciunt, lupum appellant. Suspicor Plinium non intellexisse ex lupo, de quo hoc capite diximus, garum fieri: sed cùm ex aphyis garum confici solitum dixisset, subiunxit à Foroiuliensibus fieri etiam ex pisciculo, qui inter aphyas numeratur, & encrasicholus vocatur, vel lycostomus ab oris scissura, vt docuimus cùm de pisciculis ageremus, vt quæ alij lycostomum, hîc Plinius lupum nuncuparit. Lib. 3. de far-
alimenti.

Lib. 3. ca. 8.

De Lipari.




CAPUT VIII.

Lib. 3. cap. 11.

NOLVI Te, candide lector, piscem hunc tam rarum & spectatu dignissimum celare, quem cum aliquandiu seruare vellem, totus in oleum abiit, qui euentus me impulit, vt liparim, cuius meminit Plinius, nominem, quasi λιπαρὸν, id est, pinguem. Quanquam sint qui Plinij locum emendent, & pro liparis, legant lelepris, qui piscis alio nomine ab Hesichio φυκίς dicitur. Piscis hic, quem liparim vocamus, capite terrestrem cuniculum refert, ore est paruo, sine dentibus, sed maxillis asperis, virgam habet satis latam à capite ad caudam, squamis paruis tegitur. Pinnas ad branchias, & in ventre binas habet, aliam à podice ad caudam, aliam à ceruicis loco ad eandem continuam, sine aculeis. Cauda in duas desinit. Adeò pinguis est, vt non ventri intestinisque solum infarcta sit pinguedo, veluti in mugilibus & lupis, sed etiam sub cute carnis loco nihil aliud videatur esse quàm pinguedo, vt liparis siue λιπαρὸς optimo iure nuncupetur. Succo est molli, pingui, insipido, quo ventriculus euertitur, aluiusque cietur. Eum non temere huic loco apposuimus: est enim corporis habitu, & victus ratione mugilibus similis. Audio ab his, qui nunc Graciam incolunt, aliosam quandam λιπαρὴν vocari.

De Afello.



CAPUT IX.

Lib. 3. de Alimentis, facul.

Lib. 8. metho. ca. 2. & lib. 7. cap. 6.



QUOZ Piscis Gracè dicitur, & ὀνίσκος teste Galeno. Quos Philotimus ὄνως nominauit, alij ὀνίσκος nominant. Ipse quoque eosdem diuersis in locis ὀνίσκος appellat. Aristoteles semper ὄνως. Gaza, Latinique omnes, Varro, Ouidius, Plinius asellum vocarunt, per-

perinde ac si semper *όνιχος*, & nunquam *όνος* à Græcis dictus sit. Ligu-
res hodie quoque *asello* nominant. Alij *asino*, alij *nasello*. Nostri *merlus*
quali maris luciū: huic enim oris scissura caudaque valde similis est.
Galli etiam *merlus* vocāt. A colore verò *asellus* dictus teste Varrone,
idem innuit Ovidius.

Lib. 4. de ling.
lati.
in *Habient*;

Et tam deformi non dignus nomine Asellus.

Vt ut ista se habeant, non semper *όνιχος* hunc piscem quē hīc ocu-
lis subiicimus, qui & *όνος* dicatur, apud veteres significat. Athen. δια-
φέρει ὁ ὄνος ὀνίχου, ὡς φησι δωείων, ἐν τῷ περὶ ἰχθύων γεράφων ἔτιος, ὄνος, ὃν χαλῆς
τινὲς γάδον, γαλλερίδας ὃν χαλῆς τινὲς ὀνίχον τε, καὶ μύρανον. Differt *όνος* ab *όνι-
σχω*, ut ait Dorion in lib. de piscibus sic scribens. *όνος* quē vocant quidā
gaddon galleridas quē vocāt quidā oniscon. Paulō antē id multo aper-
tius ostendit. δωείων ἐν τῷ περὶ ἰχθύων, τιῷ ποταμίᾳ φησι μύραναι ἔχειν μίαν
ἀκανθάν μόνον ὁμοίαν τῷ ὀνίχῳ τῷ χαλῆς μόνῳ, γαλλερίδαι. Dorion in libro
de piscibus scribit fluuiatilem murænam, spinam vnicam solū ha-
bere, onisco qui galarias dictus est, similem. Quī hæc asello compe-
tere possunt, quem spinas permultas habere constat? Pauci sanē sunt
pisces, quibus vnica sit spina, murænæ fluuiatilis modò, quam lampe-
tram nostram esse suo loco ostendemus. Quinetiam Oppianus ma-
nifestē *όνος* & *όνίχος* distinxit. Nam *όνίχος* inter eos numerat qui in
cæno, lutulentisque litoribus degunt. Deinde *όνος* inter eos qui in al-
to mari perpetuò versantur.

Lib. 1. ἀλιε-
τικῶν.

Ἄλλοι δ' αὖ πολλοὶ καὶ ἐν τεύχεσσι θαλάσσης
Φέρβονται, βαλίδες δὲ βοῶνθ' ὑπέροπτα γένεθλα,
Τρυγώντ' ἀργαλέη, καὶ ἐτήτυμον ἔνομα ναρκη.
Υἱήται, καὶ κλαεῖαι, καὶ πειγλίδες, ἔργατ' ὀνίχωι.

Et non multò post.

Ἄλλοι δ' ἐν βένθεσσι ὑπόβρυχα μιμνάσκει
Φωλφοῖς.

Ex his cū aliquot enumerarit, adiungit

Εν ὃ ὄνος κείνοις ἐνελθμιος, ὅς περὶ πάντων

Πήσοι ὁπωρνοῖο κυνὸς δευμείαν ὁμοκλιῷ

Porro quid simile habet *όνίχος* chirurgicum instrumentum apud
Hippocratem cum asino? Quare et si *όνίχος* per diminutionem dica-
tur ab *όνος*, non ubique tamen asellum cōuerterim. Nec *όνίχον* Dorio-
nis asellum piscem à Latinis nominatum esse crediderim, ut de-
monstrabimus quum de acipensere dicemus, quamuis hunc de
quo nūc agimus, modò *όνον*, modò *όνίχον*. Græci, Latini verò
asellum tantum nominasse videantur. Huius aliquot sunt genera
in Oceano, veteribus fortasse incognita, de quibus deinceps dicemus.

- Ac primum de eo qui *merlus* à nobis dicitur. Asinus igitur siue merlucius piscis est pelagius, cubitali magnitudine, aliquando maiore. Dorso cinereo, ventre candido & argenteo, cauda quadrata, capite prominente & depresso, oculis magnis, magna oris scissura. Maxilla inferior superiore paulò longior est, & latior, in vtraque non solum dentes sed etiam in palato acuti, in os recurui. In interiore oris parte post linguam ossa sunt, parte superna, infernaque aspera, & in gula è regione cordis duo alia reliquis longiora quæ obstat, atque præpediunt, ne pisces dum deuorantur, in gulæ angustias compulsi, aculeorum asperitate cor vulnerent: est enim valde gulosus hic piscis. Branchias quaternas habet duplices, inter quas situm est cor figurâ ovis dactylorum, id est, fructuum palmarum, pericardio contextum supra septum transversum situm, tribus constans partibus, ut in ceteris piscibus, quas suo loco perspicue declarauimus. Ex quibus liquet minimè verum id esse quod de hoc pisce scribit Athenæus. *καὶ μό-*
- Lib. 7.* *vos ἔτος ἰχθύων τὴν καρδίαν ἐν τῇ χαλῇ ἔχει.* Solus hic ex piscibus cor in ventre habet. Nam si *ἡ χαλῆ* nomine cauitatem illam intelligit quæ diaphragmati subest, *ἀνίστα* id falsum esse conuincit. Sin eam etiam cauitatem quæ superior est diaphragmate, eadem in parte cor habet, quæ alij omnes pisces. Neque video cur natura instituti sui oblita, in hoc pisce potius quàm in alio, cor à ventriculo, intestinisque diaphragmate non secluserit, cuius vsum in piscibus alibi exposuimus. Ceterum asinus ventriculo est magno, superiore parte lato, inferiore in acutum desinente, quem hepar albescens veluti manu complectitur, magis dextra parte, quàm sinistra, ex quo fellis vesica pendet, felle viridi distenta. Ventriculum sequitur angusta ecphysis, cui continens est latum & amplum intestinum, quod rursus angustatur, graciliusque fit. Splen in mesenterij medio situs rubescit. Spinæ dorsii subest vesica aëre plena. Pinnis natae quatuor: quæ in supina parte sunt, fluuiatiliū quorundam modo ori propiores sunt, quàm quæ ad branchias sunt positæ. Podex non multum infra locatus est, à quo ad caudam pinna continuatur. Huic similis est alia in dorso ad caudam ferè protensa. Hac rursus alia breuior, mox à capite ceruicis loco. Linea à superciliorum loco ad caudam ducitur. Galenus scribit asellos, si probo vtantur alimento, & mari puro carnis bonitate cum saxatilibus contendere. Qui verò prauo, alimento vtantur, aut in aquis mistis, & potissimum si ex vitiosis fuerint, degunt, carnis quidem molliem non abijcere, sed pinguitudinem & lentorem acquirere, propterea neque suaves amplius, ut ante, manent, sed alimentum ex seipsis excrementitium reddunt. Et in libro methodi medendi septimo, in iis numerat
- cibis

cibis qui & boni succi, & concoctu faciles, minimèque glutinosi sunt. Et alibi, molli esse carne, nec miùs probandos esse quàm saxatiles atque ex iure albo febricitantibus esse apponendos scribit. Quare asini carne quidem sunt molli, sed non æquè ac saxatiles friabili, nonnunquam etiam ferinum quid resipiunt, id quod non in hoc tantum pisce, sed in omnibus fere aliis piscibus & auibus, atque omnibus animantibus quæ carne solum vescuntur compertas. Idem igitur asinis accidit quod multis: hi enim quamuis in præstantissimis piscibus habeantur, tamen pro diuersa victus ratione, vel meliores, vel deteriores efficiuntur. Iecur aselli delicatissimum est, & cum nulli iecinore comparandum. Latet æstate si Aristoteli credimus, longo tempore: indicio est quod non nisi longo tempore post capiatur, nostri tamen piscatores omni fere tempore asellos capiunt. Plinius. Duo asellorum genera sunt. Callariæ minores, & bacchi qui non nisi in alto capiuntur, idèoque prælati prioribus. Et alibi. Callarias asellorum generis, ni minor esset. Et Athenæus, ut initio capitis diximus, ὄνον ab ὀνίχῳ ex Dorione differre tradit. Quæ duo ὄνον scilicet & ὀνίχῳ, si quis semper confundenda esse putet, fateatur necesse est asellum, qui vulgò nunc ab omnibus pro merlucio habetur, neque ὄνον, neque ὀνίχῳ dici posse secundum Aristotelem ἐν τῷ περὶ ζῴων citante Athenæo. neque enim merlucius os habet ἀνερρώγος ὁμοίως τοῖς γαλεῖσι, id est, apertum & hians similiter ac galei, id est, in parte supina, sed os habet in promptu partèque primùm obuia, hians quidem sed non ut galei. Præterea non est ὡσαύγενης, id est, solitarius: hoc enim falsum esse apparet, ex magna asellorum captura, quæ fit in Anglia, Scotia, aliisq; in locis, ex quibus per totam Europam sale conditi & exiccati conuehuntur: neque enim tanta merluciorum copia simul caperetur nisi gregatim natarent. Iam verò nec illud quadrat, quod τῷ ὄνω tribuit Aristot. Obruunt arena sese, asinus, raia, passer, squatina, cùmque nullam sui corporis partem non tectam reliquerint, verberant radiolis sui oris quos piscatores virgulas vocant, quas pisciculi cum aspexerint, adnatant, quasi ad algas quibus vesci soliti sunt. Has virgas ad alliciendos pisces in merlucio nusquam videas, quæ in squatina manifestissimæ sunt. Postremo neque merlucius ποικιλόχαιρος est, cùm Epicharmus apud Athenæum ὄντος ποικιλόχαιρος vocet. Nulla, inquam, harum notarum merlucio qui ὄνος & ὀνίχῳ appellatur, inest. sed ei apertissimè insunt, quæ nos ὀνίχῳ capite de acipensere esse demonstrabimus. Quare ὄνον, & inde hypocoristicon nomen ὀνίχῳ fateor à Galeno & veterum permultis pro eo accipi pisce, quem hîc depinximus, quique merlucius vocatur. Ab aliis verò ut à Dorione ὀνίχῳ pro alio longè diuerso, qui

Lib. 8. meth.
cap. 2.Lib. 8. de hist.
cap. 5.Lib. 9. cap. 17.
Lib. 32. cap. 15.

Libro 7.


Lib. 9. de hist.
ani. cap. 57.

Libro 7.


& γαμπερίδας & γαμπαρίας, & χεμάλπος nominatus fuit, multò maior merlucio. Et si dissentiat Plinius qui callariam minorem asellum facit. Qui *ovlaxos* cùm in magnâ molem accrescat veluti diminutium nomen ab *ovos* in hac significatione non considerabitur, in qua etiam *ovos* ab Aristotele dicitur, quum de radiolis oris eius loquitur loco paulò antè citato. Ex his perspicuum est etiam veteres nomina ista confudisse. Hoc tamen capite à vulgari omnium huius temporis doctorum hominum sententia non recedimus, qui merlucium asinum siue asellum esse credant, idque non sine ratione. Primum id ostendit cinereus color, qui cùm asinorum color sit, ab eo aselli pisces dicti sunt. Varro. Alia piscium vocabula à coloribus, vt hæc, asellus, ymbra, turdus. Deinde lapides in cerebro molis similes. Postremò caro molis & friabilis. Hæc de prima asellorum specie.

It. 4. de ling.
lat.

De Secunda Asellorum specie.




CAPUT X.



QVI Vulgò à nostris *merlan* dicitur, asini species est minor, multumque ab eo pisce differt, qui à Venetis *pesce molle*, à Romanis *phyc* nominatur, qui est antiquorum phycis vt L I B. V I. docuimus. Merlanus verò maris oceani piscis corporis habitu asino similis. Oculis magnis, perspicuis, coloris argentei. Squamis paruis tegitur, ore est medio. Dentes paruos habet in maxillis. Pinnarum numero, situmque asino similis, hoc dempto quòd asinus duas tantum in dorso habet, hic tres. Linea à branchiis ad caudam sinuosa ducta est. Ventrículum magnum habet cum multis appendicibus, hepar ex candido rubescens, vuluam bifariam tantum diuisam, & non quadrifariam vt ineptè quidam scripserunt, id quod certo comperiet ex anatome dissectandi peritus, qui pro vuluæ partibus vasa spermatica temere non acceperit. In capite calculos oblongos habet, non omnino rotundos quales habet plurimi alij pisces. Carne quidem friabili est, & molli sed nõ perinde ac phycis: vnde hos pisces comestos nõ maiori oneri esse vetriculo, quàm si è zona appellè gestaretur, vulgò dicunt Galli,

Galli, qui duræ carnis pisces probant, cæterisque præferunt. Merlanus ob carnis mollitiem assus melior est quàm elixus. Quare in sartagine frigidus farinaque aspergendus, ut partes contineantur, neque diffuant. Vescitur aphyis, caridibus, gobionibusque ignobilibus & paruis, atque aliis huiusmodi pisciculis, quos integros deuorat, non dentibus in frustra diuidit: dentes enim habet non ad incidendum sed ad retinendam prædam. Pisciculi verò in ventriculo in frustra discissi ideo reperiuntur, quòd cibi in ventriculo dum à calore natiuo immutantur & concoquuntur, comminuuntur & atteruntur. Quæ postrema ideo adieci, ne mirum quid aut huic pisci peculiare annotasse videretur is qui de piscibus nuper librum edidit.

De Tertia Afellorum specie.



CAPUT XI.

RE B V S Primùm nomina posita sunt iis in locis, in quibus ipsæ nascuntur & proueniunt, quæ deinde seruant exteri, ad quas res eæ conuehuntur. Ut Germani oliuarum & malorum arantiorum nomina non mutauerunt: dicunt enim *Olif* & *Orang*, & nos zingiber, piper, mumiam vocamus nominibus barbaris, quæ vnà cum rebus à barbaris accepimus. Sic *Egresin* vel *Eglesin* vocamus piscem, cui Angli, Scotique, qui hoc piscis genere abundant, nomen dederunt. Est is ex Afellorum genere Græcis, ut arbitror, incognitus. Capite est magno, oris scissura magna, oculis magnis, rostro aquilino. Quod nonnullos impulit, ut crederent ouem marinam esse, sed non sine errore. Quam enim vocauimus umbram, Græci huius temporis ouem marinam appellant. Sed de hac re mox. Piscis de quo nunc loquimur, è mento carnosa appendix barbæ instar propendet. Branchias quaternas habet, circa has, venulas veluti appendices sanguine plenas, instar lumbricorum contractas & corrugatas.

In faucibus ossa aspera asini modo. Similiter pinnas quatuor ad nā-
tandum, sed in dorso tres, à podice duas. Maculas aliquot nigras
insperfas habet, sed non multas, vt in asino vario videre licet. Carne
est molli & friabili. Hunc salitum à Britannis *Hadox* quidam vocari
existimant. At mihi alium ab egrésino pro *Hadox* ostenderunt ali-
quando ichthyopolæ, qui latior erat, & ad eum quem *Goberge* pro-
ximo capite appellabimus propiùs accedebat. Hic mihi falsa eius
opinio improbanda, qui egrésinum, veterum Græcorum esse *πρό-
βατον* & arietem autumat: quòd crista in ceruice promineat, in quo
chamleonem & chamleopardalum terrestrem æmulatur, quòdque
præter apicem, etiam gibbum super naribus gerit, in terrestrium pec-
udum formam. Quid quæso pinna ceruicis loco cristæ instar ere-
cta facit, vt *πρόβατον*, id est, ouis marina dici possit? Ex ea verò nota
sola, quòd gibbum super naribus gerat in terrestrium pecudum for-
mam, effici non potest, vt ouis marina dicatur, cùm vmbra piscis
non rostri solùm, sed totius oris forma terrenam ouem multò me-
lius referat. Ridiculum autem id cùm dicit se credere egrésinum *πρό-
βατον* & arietem esse: nam rationibus confirmare, vel veterum te-
stimoniis comprobare oportet, non temere credere. Deinde si *πρό-
βατον* & arietem piscem pro vno & eodem accipit, vehementer errat:
*Lib. 1. ἀλι-
τικῶν* quoniam apertè eos distinxit Oppianus, qui *πρόβατον* cum iis nume-
rat, qui in alto latent.

Ἄλλοι δ' ἐν βένθεσι ὑπόρυχα μινάσσει


Φωλοῖς πρόβατον τε καὶ ἵππατον.

Multò post *κρίον*, id est, arietem cum cetaceis.

Κήτεια δ' ὀβεμύγη, πέλωεα θάυματα πόντος.

Quorum vim & immanitatem cùm exposuerit, & ex his multos
Lib. 32. cap. 11 recensuerit, addit, *κεκοίτ' ἀργαλέοι*. Item Plinius cum cetaceis & be-
Lib. 9. cap. 15 luis marinis recenset Arietem. Et alibi. Tiberio principe contrà Lu-
gdunenſis prouinciæ litus insularum, trecentas amplius beluas reci-
procans destituit oceanus, miræ varietatis & magnitudinis, nec pau-
ciores in Santonum litore, intérque reliquas, elephantēs, & arietes
Ibid. cap. 44 candore tantùm cornibus assimilatīs. Rursus. Grassatur aries vt la-
tro, & nunc grandium nauium in salo stantium occultatus vmbra, si
quem nandi voluptas inuitet, expectat, nunc elato extra aquam ca-
pite piscantium cymbas specularur, occultusque adnatans mergit.
Ex his efficitur, neque *πρόβατον* & arietem eundem esse piscem, ne-
que si idem esset, villo modo eum esse, qui nunc egrésinus nomina-
tur, tum quòd mores omninò repugnent, tum quòd cornua quæ arie-
ti Plinius attribuit, egrésino desint.


De quarta Afellorum specie.



CAPUT XII.

ALIA Est asinorum species, quæ vulgò *goberge* dicitur, maris oceani piscis est, qui ex terræ parte nuper reperta salitus ad nos aduehitur, morhua siue molua latior & maior: hæc enim cubiti est magnitudine, aut non multò maiore, ille duorum cubitorum magnitudinem superat. Colore est cinereo, ventre falcato. Squamis tegitur. Ore est mediocri sine dentibus. Oculis satis magnis. Pinnarum numero sitûque superioribus duobus similis est. Cauda in vnicam definit. Linea à branchiarum suprema parte ad caudam obliquè producitur. Partibus internis asino similis est. Carne constat duriorè quàm asinus, minùs glutinosa quàm molua. Piscis iste in aqua maceratus vel fuste contusus pauperiorum & rusticorum cibus est.

De quinta Afellorum specie.




CAPUT XIII.

EST Etiam inter oceani asinos, is piscis qui à nonnullis molua, ab aliis *Muschebaut*, ab aliis *leopard* à maculis nominatur. Nos asinum varium appellabimus. Piscis est squamosus *gobergo* proximè descripto similis, item moluæ, sed maior. Dorso cinereo, multis maculis nigris consperso, ventre candido, falcato. Pinnas tres habet in dorso, à podice vnicā, duas ad branchias, duas in ventre, quæ magis ab ore sunt remotæ, quàm in asino & *gobergo*, in quibus duobus hæ

ventris pinnæ, fluuiatiliū piscium modo ori propiores sunt, & loco firmiori innixæ. Ore est magno. Oculis minoribus quàm gobergus. Dentes habet in maxillis. Internis partibus asino similis est. Hanc moluam maiorem esse puto: ei enim similis est hic piscis, & eodem modo maculatus. Substantia carnis ferè eadem: nam glutinosus est, sed minùs quàm molua.

De Molua.




CAPUT XIII.



VÆ Molua vel morhua à Gallis nominatur, ab Anglis *morhuel*, piscis est maris oceani, magis corporis figurâ, quàm carnis substantiâ asinis similis. Cubitum vnum longus est, & eò plus, pedem vnum latus. Ore est magno, dentes habet in maxillis. Ex inferioris maxillæ extremo appendix carnosâ, veluti pilus è mento propendet. Oculis est satis magnis, parum acutè cernentibus. Inde Gallorum est prouerbium, Oculi morhuæ, quod iacitur in eos, quibus infirma est & hebes oculorum acies: sic enim ferè semper accidit, vt qui magnis sunt oculis & prominentibus, maximè quibus lata est pupilla, parum acutè cernant ob maiorem spirituū dissipationem. Pinnas habet ad branchias & in ventre binas, partibus pronis tres, à podice duas. Dorsum cinereis fuluîsq; maculis notatum, venter falcatus. Recens hic piscis carne est multò meliore, quàm salitus & exiccatus: quippe cuius caro tum glutinosa adeò est, vt etiam butyro diu immersa (quod, vt pinguiâ omnia glutinosarum rerum adhesionem impedit) digitis ita hæreat inter edendum, vt vix reuellatur. Cùm contrâ fieri oportere ratio ipsa suadere videatur, quòd sal calefaciat, extenuet & incidat. At cur glutinosior morhua tempore efficiatur, in causâ esse puto tenuis humoris consumptionem. Quemadmodum in farina multa aqua diluta euenire videmus, quæ si aliquandiu coquatur, tenuioribus partibus ab igne absumptis tam spissa glutinosaq; redditur, vt ea ad multa ferruminanda vtamur. Idem in saccharo in aqua dissoluto experieris: coctione enim glutinosius multò fiet. Salpam nonnulli pro molua vsurunt, sed magno errore, vt iam docuimus: Alij Plinij ichthyocolam esse putauerunt, qui & pro pisce & pro eiusdem glutino ichthyocollam

collam vsurpat. Ichthyocolla, inquit, appellatur piscis, cui glutino- Lib. 32. cap. 7.
 sum est corium, idémque nomen glutino eius. Horum opinionem
 cùm de ichthyocolla dicemus, improbabimus. Multò minùs Diosco- Lib. 3. cap. 102.
 ridis ichthyocolla dici potest: ἢ ἰχθυόcolla λεγομένη χαλῖα ἐστὶν ἰχθύως
 καὶ ὥς. vbi fortasse non χαλῖα sed χαλῖα legendum. Nam morhua pi-
 scis est Græcis veteribus incognitus, non cetaceus, vt ichthyocolla:
 Praterèa ponticam præferunt Plinius & Dioscorides, at morhua in
 toto mari mediterraneo non reperitur. Neque verò, si ex morhua
 ichthyocolla, id est, glutinum fiat, rectè cōcluditur morhuā ichthyo-
 collam piscem esse. Fuerunt qui pisces quosdam cum asellis nume-
 rarunt, quos potiùs in mustellorum genera referri oportet: sunt enim
 longi & læues, similiter eum quem nos Plinij ophidion esse demon-
 strabimus, non rectè aselli speciem fecerunt. Postremò Angli Ger-
 maniq; pisces salitos & exiccatos *Stokfisch* appellant, qui omnes asel-
 lorum generibus non comprehenduntur.

De Mustella vulgari.



CAPUT XV.

MUSTELLAM Nostri piscatores appellant,
 quam Ligures & Itali galeam, alij *pesce moro*. Græci
 hodie *gaiderapsaro*. Piscis est marinus, lotē vulgò Lu-
 gduni nominatæ similis, vel phycidi antea à nobis
 descriptæ. Corpore est longo, fusci coloris, sine squa-
 mis. Ore satis magno, paruis dentibus. Ex maxillæ inferioris extre-
 mo cirrus vnicus & candidus propendet. E suprema verò maxillæ
 superioris siue rostri parte duo cirri eminent sed nigri. Pinnis dua-
 bus natat post branchias positus, item duabus aliis paruis in supina
 parte propiùs os accedentibus. Alia est pinna à podice longa ad cau-
 dam ferè attingens. Huic similis alia est in dorso, sed longior. In cer-
 uice cirrus alius est, & vnicus velut paruæ pinnæ initium. Corpus in
 mucronatam caudam desinit, & in pinnam vnicam eiusdem figuræ.
 Linea recta medium corpus interfecans ad caudam ducta est. Ven-
 tre est magno & paulum prominente. Intus ventriculum habet ma-

gnum cum appendicibus. Intestina sine gyris ad podicem demissa.
Hepar album sine felle. Squillis & pisciculis vescitur. Carne est molli
& friabili, & ea in saxatiliū penuria, etiam egri vesci possunt, si elixa
sit, sani frixa in fartagine. Sit ne hæc Plinij & Aufonij mustella, ma-
Lib. 9. cap. 17. gna inter doctos contentio est. Plinius: Proxima est his mensa gene-
ris duntaxat mustellarum, quas mirum dictu, inter alpes lacus Rhetie
Brigantinus æmulas marinis gerit. Aufonius in Mosella.

*Quæque per Illyricum per stagna binominis Istri
Spumantum indicis caperis mustella natantum.*


Plures hæc ad lampetras nostras referunt, quorum verior senten-
tia mihi videtur, vt fusiùs capite de lampetra dicemus. Quare piscis
quem hîc oculis subiecimus, à veterum mustella procul abest. Ob id
mustellam vulgarem cognominauimus, quam ex afellorum genere
esse puto, vt fortasse callarias sit, afellus minor Plinij. Quanquam hac
de re certi nihil statui posse existimem, nisi quòd affirmare possum,
errasse eum qui callariam & clariam pro diuersis piscibus ponit, cùm
sit planè idem piscis, sed clarias ab Oppiano tantum per syncopen di-
catur pro callarias.

Lib. 1. ἀλι-
στὶς.

Ψήτται, καὶ κλαρία, καὶ περιγλίδες, ἔργατ' ἐνίχων.

Idem mustellæ vulgaris picturam aliter quàm nos expressit, ve-
rùm hæc, vt & mullæ aliæ eiusdē auctoris piscium eicones, deprauatîs-
sima est, & à naturali figura alienissima. Alius ex Æliano scripsit mu-
stellam breuem essem piscem similem iecori, sed cùm in Æliano, qui
hodie extat, nihil tale compererim, nihil certi ex Æliano de mustel-
la proferre possum.

De Mustella alia vulgari, siue Galea pifce.



[CAPUT XVI.]



ISC E M. Quem hîc oculis subiecimus, apud nos
rarissimum. cùm ad me attulisset piscator, diu mul-
tùmque nomen, naturàmque sciscitatus, comperi eum
esse, qui à Massiliensibus mustella vocetur, ob simili-
tudinem quam cum superiore habet, ab Illyricis

pegorella, à Græcis huius ætatis etiam *gaideropsaro*, id est piscis asinus. Piscis est marinus merlano quodammodo similis: differt autem appendicibus quæ in superiore maxilla eminent. Alia ex inferioris maxillæ extremo, veluti è mento barba propendet. Pinnas duas ad branchias breues habet. Subiunt in ventre aliæ duæ cirris quàm pinnis similiore. A podice pinnam aliam habet cum pinna caudæ cōtinuam, in dorso duas, prior parua est, altera magna cum pinna caudæ continens. Partibus internis superiori similis est. Hepar ex albo rubescit in tres lobos diuisum, quibus tanquam manu ventriculum amplectitur. In hepate fel habet. Ventriculum magnum cum appendicibus multis. Intestina in spiras conuoluta. Vesicam aëre plenam ex tunica crassiuscula & alba. Carne est molli & friabili, & cum asinorum vel etiam saxatiliū carne conferenda. Vt liberè dicam quod sentio, quæ asino siue asello notæ insignes & euidentissimæ tribuuntur ab Aristotele huic magis competere mihi videntur, quàm merlucio, quem omnes hodie asellum veterum esse iudicant, maximè τὰ πασθία, id est, virgulæ ad alliciendos & capiendos pisces, quibus prorsus caret merlucius, quod lapides molares in capite habeat, quod lateat. Nec illud prætermittendum autorem libri de Aquatilibus nuper editi, non rectè pisces isti squamas admississe, cum totus squamosus sit.

33

Bb 2






G V L I E L M I
R O N D E L E T I I
D E P I S C I B V S

L I B E R X.

53

De Hirundine.



C A P U T I.



ACTENVVS De piscibus maximè squamosis & latis tradidimus, nunc de rotundis & rubescentibus, quorum alij sunt squamosi, alij minimè: omnes verò vel apud antiquos celeberrimi, vel notas certissimas & maximè illustres habent, quibus ab alijs dissident. Prima omnium erit *χελιδών* Græcis, hirundo Latinis dicta, sanè perquam similis volucris hircundini. Quam ob causam idem nomen ab omnibus ferè gentibus seruatum est. nam huius ætatis Græci *χελιδονα* vocant addita voce *ψάρο*, ad distinguendum piscem ab aue. Nostri *arondelle*. Maris Adriatici acolæ *rondela* vel *rondola*. Massilienses

rond

rondole. Hispani *volador*. Gallorum nonnulli *volant*, quod auis instar ad lapidis iactum extra aquam volet. Alij papilionem. Alij *ratepenade*, id est, vespertilionem, quod colore, alarum magnitudine maculisque vespertilionem æmuletur. Quæ tamen si attentius consideres, tum etiam volatum (demissè enim volat, quemadmodum aues è flumine aquam hausturæ, vel è terra festucas cibumve collecturæ) hirundini volucris magis quàm vespertilioni assimilaueris. Hirundo igitur piscis est marinus, pinnis caudaque expansis hirundini volucris per similes. Capite est osseo vt testudo, quadrato, duro, aspero, cuius posterior pars in aculeos duos desinit ad caudam spectantes. Branchiarum opercula ossea sunt, in duos itidem aculeos desinentia, qui pinnam quæ ad branchias est ferè attingunt. Vtrinque in oris scissuræ extremo duos globulos vnionibus similes conspicias. Oculis est magnis, rotundis, rufis vel rubescentibus, veluti noctuæ oculi. Corpus totum squamis asperis & osseis contegitur, quarum singuli ordines singulas lineas efficiunt, corpusque vtcunque angulatum vel strictum reddunt. Circa caput caudamque quadrato est corpore, circa ventrem rotundo & candido, dorso verò ex nigro rubescente. Pinnæ ad branchias sitæ longissimæ sunt & latissimæ, ad caudam ferè pertingentes, nigrescentes, stellulis, maculisque variis aspersæ, veluti papilionum alæ. Ante has pinnas pendunt veluti pinnarum appendices, quæ omnibus ferè piscibus de quibus hoc libro agimus, propriæ sunt, vt cuculo & miluo. In his enim ante branchiarum pinnas siti sunt veluti cartilaginei pili. Sunt alia duæ pinnæ in dorso erectæ, eisdem coloribus notisque quibus branchiarum pinnæ, depictæ. Cauda in pinnam vnicam desinit, hirundinis auis caudæ simillimam. Corporis color maiore ex parte ex nigro rubescit. Aliquando hirundines omnino rubræ Romæ visæ sunt. Nostræ magis nigricant, maiorésque sunt. Oris partes internæ rubræ sunt, coloris iucunditate & splendore, sandaracam vel cinnabarin superantes. Iis partibus hirundo noctu lucet, videturque candentes carbones ore continere. Quæ faciunt vt hoc loco non dubitem quod sentio exponere: Hirundinem scilicet ob causam modò dictam, piscem eum existimari posse, qui à veteribus lucerna appellatur, Pliniique locum hunc in emendatum esse. Volat hirundo per-

Lib. 9. ca. 36.

¶ 27.

uus &c. si ita legantur vt in vulgaribus nostris codicibus extant, parenthesi esse includenda, & reliqua ad hirundinem non ad miluum esse referenda. Pisces enim qui à nostris lucerna dicitur, lingua ignea non est, neque is aliter in tenebris splendet, quàm ceteri pisces quibus ossa sunt branchiarum opercula. Quare non dubito quin æquus lector, lucernæ hirundinisque palatum linguamque & oculos contemplatus, sententiæ meæ subscripturus sit. Est etiam aliud cuius admonitum lectorem velim, nimirum neque lucernam, neque hirundinem, lingua per os exerta noctu relucere; quicquid dicat Plinius. Pisces enim linguam habent affixam hærentemque, præter paucos, vt delphinum, cui libera est, soluta & exerta. Reliquas hirundinis particulas persequamur. Gulam breuem habet. Ventriculum cum multis appendicibus. Fellis vesicam in hepate, cor angulatum. Oua rubra. Volat extra aquam hirundo, ne piscium maiorum præda fiat, vt scri-

*Lib. 1. ἀλυσ-
τικῶν.
Lib. 4 de hyst.
ani. cap. 9.*

bit Oppianus. Et Aristoteles. Strident etiam marinæ hirundines, & sublimes volant, haud quaquam mare attingentes: sunt enim iis pen-
næ longæ & latæ. Stridoris autem causa est branchiarum scissura parua & stricta: aer enim affatim per angusta loca emissus, sonum stridorémve edit. Eadem de causa cuculus piscis obstrepit, vt eodem in loco docet Aristoteles. Prætereà eandem ob causam hirundo diutius in aëre viuere potest extra aquam, quoniam aer neque subito, neque affatim per angusta branchiarum foramina ingreditur, permeatque, & ingressus facilius intus retinetur. Hirundo carne constat du-

Lib. 2.

siccæque, quæ multum nutrit, sed difficilè concoquitur. Hanc Athenæus Polypi, seu potius Pompili carni comparat. Quo Athenæi loco ineptissime abutuntur nonnulli, vt hirundinem marinam polypo assimilent, cum Athenæo ne per somnium quidem, id vnquam in mentem venerit: nam substantiam cum substantia, non figuram corporis cum figura confert, vt libro octauo fusiùs declarauimus. Cum hirundo carne sit dura, diutius seruata tenerior fit & melior, vnde fit vt Romam aduecta melior sit quàm in litore. Hirundinis fel contra oculorum suffusiones valere ipse sum expertus. Ne quis similitudine deceptus pro hirundine aut mugilem alatum, aut quemlibet alium volantem piscem vsurpet, illius loci Athenæi meminerit, *αὐτὸς*


Cap. 10.

Lib. 7.

οὐκ ἔστιν ὁ ἐμφορεῖ φησὶν εἶναι κέκευται, χελιδόνα, βέλγλιν. Spenippus ait similes esse cuculum, hirundinem, mullum. Sic is, quem hic depinximus, cuculo, mulloque, colore, corporis specie similis est, longissimas latissimæque pinnas habet, volat extra aquam, cuius rei testes sumus oculati. sunt & testes qui ad Herculis columnas nauigarunt, vbi tanta aliquando volantium hirundinum turba conspicitur, vt non pisces sed aues aquatiles esse credantur.

De cu-

De Cuculo.



CAPUT II.

K O K K Y Z Latine cuculus, ut avis ita piscis dicitur, à nostris *morrude* ab ore, quia *morre* vocant os cum prominentibus labris. Galli à nullis non distinguentes, quòd eiusdem sint coloris, *rouget* vocant. Santones hunc & similes *perlon*, Massilienses *galline*. Agathenses *rondelle* à corporis rotunditate. Neapolitani Græci nominis vestigia servantes *cocchou*, quasi coccygem, Maris Illyrici accolæ *organo* à voce. *οργανος* & piscis & avis à voce dicitur. Aper piscis acheloi amnis vocalis est, & chalcis, & cuculus: alter enim quoddammodo stridet, alter perinde ut cuculus avis obstrepit, unde nomen accepit. Quæ omnia creditam vocem emittunt, aut attritu branchiarum (horridi enim asperique sunt ij loci) aut ventris internis partibus, in quibus spiritum inclusum habent, quem dum atterunt atque agitant, sonos illos edunt. Cuculus piscis est marinus, hirundini marinæ corporis specie similis, si os, alarum magnitudinem, squamarum copiam excipias. Ventre est candido, reliquo corpore rubro. Capite magno, angulato. Rostrum in duos aculeos breves terminatur. Palpebrarum loco duo itidem sunt aculei parvi, capitis quoque posterior, & superior pars in duos aculeos ad caudam spectantes definit. Item os branchias operiēs aculeos habet. Cute tenui integitur, præterquam in medio corporis latere, in quo virga protensa est, ex squamis tenuibus cōtexta, & in dorso in quo à capite ad caudā duo squamarum aculeatarū ordines protenduntur, locum medium cauum relinquentes, è quo pinnae duæ exoriuntur, quæ natando eriguntur, quiescēdo in cauo veluti in vagina cōduntur. Harū prior minor quidē est, sed primos aculeos lōgiore & acutiores habet: posterior lōgior est, à medio dorso ad caudā ferè protēsa, sed aculeos minores, & pilis similes habet. Pinnis quatuor natat,

duabus ad branchias positis, mediæ longitudinis, quæ extremis partibus rubescunt, duabus aliis in supina parte æqualibus, candidis. ante has pendent veluti fila, quemadmodum in hirundine diximus. Pinna alia est à podice ad caudam, qui ori quàm caudæ propior est. Toto corpore est carnosio, spisso, rotundo, circa caudam latiusculo. Cauda in pinnam latam terminatur, perinde ferè ac in hirundine. Branchias duplices habet, palatū flauum, gulam breuem. Ventriculi appendices multas. Hepar ex albo rubescens, sine felle: splenem rubrum, vesicam aëris plenā, spissam. Musculos magnos habet & carnosos, vnde à Gal-
Libro 7. lis quibusdam *refait* vocatur, quasi dicas bene curatum & saginatum: vtuntur enim hoc nomine *πολυσαρκίαν* significare volentes. Ob spissiora latera commodè in sartagine frigi non potest: ideo Itali in duas partes sectum frigunt, quam præparandi rationem per manus ab antiquis acceperunt. Nam Epicharmus & Dorion, apud Athenæum per spinā diuisos diu coqui iubent. Nostri elixos in aqua & vino ex aceto vel oxalidis succo edendos apponunt. Vel in olla coquūt, omphacio, croco, pipere, foliis apij condientes. Cuculus dura, siccāque est carne, nihil aut parum admodum glutinosa, est tamen miluo tenerior, teste
Libro 2. Athenæo, ὁ δὲ ἱέραις *χιλιδροσαρκότερος μὲν καὶ κικύγιος*. Hunc quem depinximus verum antiquorum cuculum esse, docet illa cum hirundine & mullo similitudo, maximè vox illa *κκ*, quam edit, cū retibus capitur,
Libro 7. tum color ruber, à quo Numenius apud Athenæum *ερυθρόν* appellat.

De Mullis.

CAPUT III.

Libro 7.*Ibidem.
Cap. 9.*

E Q V V N T V R Mulli, hirundinibus & cuculis similes, vt ex Speusippo diximus: Mulli, inquam, sanè plus æquo à vteribus laudati. Horum plura sunt genera, quæ singulatim exponemus. Dicitur à Græcis *τείλα*, non *τείλη*, vt docet Athenæus. Nam fœminina nomina in *λα* desinentia, alterum *λ* postulant, vt *θύλλα*: quæ verò *γ* annexum habent, in *η* desinunt, vt *τείλη*, *αἴλη*, *ζεύλη*. Quanquam in excusis Aristotelis exemplaribus sepe *τείλα* legitur. Cur *τείλη* dicatur, ostendit ex Aristotele Athenæus: *Τινὲς δὲ τείλῳ φασὶν Ἀριστοτέλους τοὺς ὁρίσιν τῶν ἐν τῇ ἐμπύρῳ ζώων, τεκμαίρεσθαι λέγων τὰς ἀλιεῖς τῶτο, ἐκ τῶ γόνυ τοὺς φαινομένους πτερίλους τόπους, μήποτε οὐκ ἐν τῷθεν ἐστὶ καὶ τὸ ὀνομασίας*. Scribit Aristoteles in quinto de animalibus, mullum ter parere, piscatores id conicere ex eo quòd quibusdam in locis ter fœtura appareat, fortasse igitur inde nomen habet. Id confirmat Opi-
 pianus *L I B. I. ἀλιόθυον*,

Τείλη δὲ τεκνόνουσιν ἐσώωνται εἰς τὴν γονήν.

Accipiunt trigla à terno cognomina partu.

Non igitur quòd triformis sit, sed quòd ter pariat, *τείλαν* nominata est. Mulli nomen Fenestella à colore mulleorum calceamentorum datum putat, autore Plinio. De mulleis verò hæc Festus-Pompeius: Mulleos genus calceorum aiunt esse, quibus Reges Albanorum primi, deinde Patritij vsi sunt, quos putant à mullando, id est, suèdo dictos. Mulleos igitur purpureos fuisse oportet, cùm mulli sanguinei, id est, purpurei sint. Ovidius in halieutico:

Tenui suffusus sanguine mullus.

Et Oppianus rosei coloris esse ait:

Τείλως ὁ ποδὲχρος φῶλα νέμεσθαι.

*Lib. 1. ἀλίου
τεκνῶμε.*

Vel varios mulleos fuisse oportet, cùm mulli magna ex parte purpurei sint, aliqua parte candidi, alia liuidi, habent & lineas aureas parallelas. Maximè cùm expirant, colorem mutant. Plinius: Mullum expirantem versicolori quadam, & numerosa varietate spectari proceres gulæ narrant, rubentium squamarum multiplici mutatione pallefcentem, utiq; si vitro spectetur inclusus. Ego frequenter in litore expirantes & variè colorem mutantem vidi. Epicharmus *τείλως κυφὸς* nominat apud Athanæum, quòd capite sint repando, ut opinor, maximè barbam habentes. Sophron apud eundem *τείλως τῶν ὀνείων*, id est, pingues, parum apto epitheto. Nam mulli autore Galeno, omnium ferè aliorum carnem habet durissimam, & valde friabilem, quod idem significat, ac si dicas, nihil in ea esse lentoris, neq; pinguedinis. Mullus hodie à Romanis, cùm iam vetus Latinum nomen exoleuerit, *trigla* dicitur: à Massiliensibus summoto *λ* *triga*: à Nicensibus *στρίθα*: à Venetis *barboni*: à Burdegalensibus *barbeau*: à Gallis *surmulet*: à nonnullis *harbarim*: ab aliis *moil*, id est, maris perdix: à Cretensibus nomine composito ex Græco corrupto & Veneto *τεργλη μπαρμπόνου*: ij enim *ε* per *μ* effecerunt. Mullorum, ut diximus, plures sunt differentiae: alij enim barbati sunt, qui *ῥυνέαιτιδες* à Sophrone dicuntur, *ἐπεὶ αἱ δὲ γένεον ἔχουσι ῥυτίδες εἰς τὰ μᾶλλον τῶν ἄλλων*, quoniam qui barbam habent, ceteris sunt suauiores. Alij barbati non sunt, qui distinctionis gratia *ἀπώγones*, id est, imberbes à nobis dici possunt. Rursus barbatorum differentiae à loco succiq; bonitate inueniuntur: alij enim in alto mari degunt qui omnium sunt optimi, alij in marinis stagnis & cœnosis litoribus, vnde lutarij dicti, vel q; lutum oleant, vel quòd luto vescantur. Plinius: Lutarium ex his vilissimi generis appellant. Huiusmodi per multos habemus in stagno nostro. Itaq; quemadmodum Plinius purpurarum genera plura pabulo & solo discreta facit, ita & mullorum genera discernere possumus, ut aliud sit lutense, putri limo, aliud algense, alga enutritum, aliud quod aliorum piscium carne vescatur. Eodem modo à locis differentiae sumentur.

Ibidem;


Libro 7:

*Lib. 3. de alim.
facile.*

Lib. 9. cap. 17:

Lib. 9. cap. 37.

De Mullo barbato.



CAPUT IIII.

Lib. 9. cap. 17.



MVLVS Barbatus in alto mari, in marinis stagnis, & litoribus viuit, rarò inter saxa, nisi luto, arena, musco obducta sint, frequentissimè in mari nostro capitur, pedalem magnitudinem attingit. Plinius. Mullis magnitudo modica, binasque libras ponderis rarò admodum exuperant, nec in viuariis piscinisque crescunt. Septemtrionalis tantum hos & proxima Occidentis parte gignit Oceanus. Martialis,

Libro 15.

Nolo mihi ponas rhombum, nullumque bilibrem

Lib. 9. cap. 18.

Horatius trilibrem dixit, *Laudas insane trilibrem mullum.* Seneca in epistolis scripsit mullum quatuor librarum pondo Tiberio Imperatori donatum, quem in macellum cum deferri & venire iussisset, ab Octauio quinque sestertiis emptum fuisse. Mullum octoginta librarum in mari rubro captum Licinus Mutianus prodidit, teste Plinio, quod credibile non est. Mullus à capite ad caudam lineas habet aureas. Color eius purpureus per squamas non aliter quam per pellucidum cornu conspicitur: sunt enim ex magnæ, tenues, serratæ, obliquo situ dispositæ, facillè deciduæ, quæ cum deciderint, ruber ille color veluti nitens purpura apparet, lineæ verò aureæ euanescent. Capite, & dorso est gibbo, oculis rufis, ore paruo, sine dentibus. Ex inferioris maxillæ extremo cirri duo molles, candidi pendet, vnde barbati à Cicerone, & barbati à Varrone cognominantur. Et has maxillæ apophyses seu appendices barbam appellauit Plinius. Mulli, inquit, barba gemina insigniuntur inferiori labro. Pinnas habet duas ad brachias aurei coloris, in supina parte itidem duas candidas, à podice aliam, in dorso duas, prior ex firmioribus, posterior ex mollioribus aculeis constat. Cauda rubet. Gula parua est, ventriculus paruus cum innumeris appendicibus. Hepar ex albo rubescit, felle caret, quam ob causam ex hepate condimentum paratur, de quo postea. Splen nigricat exiguisque est, cor triangulare, branchiæ quaternæ & duplices. Partes internæ facillè putrescunt, quamobrem cum mulli longa uetura seruari non possint, rarò Lutetiæ, & in magnis urbibus procul à mari

In parad. lib.
3. de re rust.
Lib. 9. cap. 17.

mari dissitis venales reperiuntur, cumque in oceano sint maximi, præsertim in Britannia, qui procul amandare volunt, prius coquunt, farinæque probè subacta pistaque concludunt. Cur facilè putrent, in causâ esse puto victus rationem: luto enim & sordibus sæpius vescuntur, vt mox fufius ostendemus. Mullum ter anno parere auctores sunt Plinius, Oppianus, Athenæus Aristotelem secuti. Oppiani & Athenæi locos superiore capite protulimus. Plinij verò locus est huiusmodi: Mulli pariunt ter anno, his certè toties fœtura apparet. Quæ ex Aristotelis LIB. V. de historia animal. sumpta sunt, quo loco docet Aristoteles alios pisces semel tantum parere anno, vt thynnus, cestreum cæterósque quos *χίρς* vocat, Gaza fufaneos, alios bis, vt fargum vere & autumnno, triglam verò ter. Quæ tam apertè dicuntur, vt hoc loco de Aristotelis sensu dubitare nemo possit: at qui alium eiusdem operis locum cum hoc diligentius contulerit, non parum certè de muli partu ambiget. Locus is est: Ὡς αὖτε τῶν ἀγελαίων ἡ τεύγλη τε γοργακίος, τίς τε ὁ ἔσται ὁ πέρι μετόπων, ἡ τεύγλη ἔτι τῶν πολλῶν, εἰς ὅφρ' ἐπὶ πολλῶν γὰρ χρόνον ἢ πολλὸς ψυχρὸς ἐστὶ. Vltimi gregalium pariunt nullus & coracinus, pariunt autem autumnno. Mullus in limo parit, quare serò fœtificat: longo enim tempore limus frigidus est. Si nullus autumnno tantum parit, vltimus scilicet gregalium, atque serò: quî fit vt ter anno pariat? Nam ter autumnno vno parere verisimile non est. Athenæus recitata Aristotelis sententia, qua ter anno parere asserit, subiungit ter tantum vitâ parere, reliquo tempore sterilem esse, quod in ipsius vtero vermiculi nascantur, qui semen deuorant. Sed locum Athenæi, quia in iis quæ extant exemplaribus, indistinctè & inemendatè legitur, adscribere non grauabimur, vt lucem ei aliquam afferamus. Τὴν τεύγλην φασὶν Ἀριστοτέλης τοὺς τρεῖς τοὺς ἐν τῷ ἐμπίρῳ ζῶντας, τεκμαίρεσθαι λέγων τοὺς ἀλλοίους τὸ τοῦ ἐκ τῆς γόνος φαινομένου καὶ ἡλικίας τοῦ τοῦ, μήποτε οὐκ ἐπὶ τῶν ἐστὶ ὁ ὀνομασθῆναι, ὡς ἀμὰ ὅτι καὶ τῆς μὲν φέρονται, ἀλλ' ἀγεληδόν. Σχάρος ὁ ἀπὸ τῆς σκαίρης, ἀφραὶ ὁ ὡς ἀν' ἀφρεὶς ὅσων, τελέειν δυσφρεὶς, θυῖνος ἀπὸ τῆς θύης, ἐστὶ γὰρ ὀρμητικὸς καὶ τὴν τῆς κυνὸς ἐπιτυλὴν, διὰ ὅτι ὑπὸ τῆς τῆς κεφαλῆς οἰστροῦ ἐκτελεσθῆναι, ἐστὶ ὁ καρχαρόδους, (σωαγελαστὴς, παυλοστὴς, καὶ ἀρχοφάρος. Τεύγλη τεύγλην τεκνέει ἀγρόν ἐστι, γινέει) γὰρ ἡ αὐτὴ ἐν τῇ ὑπεράκτ' αὐτὸν γόνον τὸ γόνον καὶ κατεστῆκε. Hæc si quis cum vulgari lectiōe conferat, longè dilucidiora esse fatebitur. Cum autem de trigla cœpisset dicere Athenæus, ac in eius atque aliquot aliorum piscium etymum diuertisset, de eadem continenter scribit, post tertium partum sterilem esse, hoc satis demonstrat sequens contextus, in quo de trigla plura tradit. Aristoteles mullum inter litorales numerat. Item Oppianus & Plinius. Galenus inter pelagios. Qui barbati sunt, in litoribus sæpius capiuntur, imberbes in alto mari, vt locis ita victus ratione,

Lib. 9. cap. 17.

Cap. 2.

Lib. 7.

Lib. 8. de hist. ani. cap. 13.

Lib. 1. ἀλυσ.

τιμῶν. Lib. 9. cap. 17.

Lib. 8. de hist.
anima. cap. 2.
Lib. 3. ἀλιον-
τικωμ.

& proinde succi bonitate nulli à se se differunt. Aristoteles scribit, al-
ga, ostreis, luto, carne vesci. Oppianus sordidissimis quibúsque ci-
bis, vt hominum cadaueribus, nullúmque in mari esse piscem qui sor-
des tam auidè appetat, tantúmque aquatilia omnia spurcitie vincere,
quantum sus terrena reliquas animantes.

Τείγλης δ' ἔτινα φημὶ χερσότρετον ἰδωδῶς
τέρπειας, πάσῃ γὰρ ἄν' ἄλός ἰώκε κίχης
Φέρβε'), ἰμείρεδ' ὃ δὲ θεός ἐξοχα δαγτός.
Σώμας δ' ἐκπάγλως ἐπιτέρπειαι ἀνδρομέοισι
Πυθομύχοις, ὅτ' ἂν ἴω' ἔλῃ σπονδῶσα θάλασσα.
Εὐκela ὃ τείγλης σῦεσσι τε φημὶ τετύχθαι
Ἡθεα πυρομύχοισιν αἰεὶ περὶ γαστέρος ὀρμύ.
Ἄμφω δ' αἱ μὲν ἑασι διάκλειοι ἐν νεπόδεσσιν,
Οἶδ' ἐνὶ χερσαίῃσι ἀετῶν ἀγέλησιν.

Lib. 3. de alim.
facult.

Galenus mullos, qui cancellos vorant, & grauiter olere, & insua-
ues esse, & ad coquendum difficiles, malique succi esse scripsit. Quare
eiusdem Galeni consilio vtendum cenfeo, qui monet, vt priusquam
vescaris, ventrem reseres, tum ex gustu, odorátúque iudicium facias.
Ergo ij mulli optimi iudicandi sunt, qui in maximè puro mari, cibis
optimis, miniméque sordidis vescuntur. Horum caro dura est, maxi-
méque friabilis, quæ cùm probè concocta fuerit, nutrit aliis piscibus
copiosius. Cibns enim durior ac crassarum partium alimentú corpori
copiosius præstat, quàm humidior & mollior: præfertim quando præ-
ter id quod modò dictum est, substantiam habet corpori alendo ac-
commodatam ac familiarē, quæ voluptate iudicatur. Vt verò Dippi-

Libro 8.

Lib. 9. cap. 17.

lus apud Athenæum scribit, mulli caro stomacho grata est, subastrin-
gens, dura, corruptu difficilis, aluú sistit, maximè super carbones assa.
In sartagine frixa grauis est, concoctu difficilis, quouis autem modo
parata omnis, sanguinem elicit. Laudatissimi, inquit Plinius, qui con-
chylum sapiunt. Hæc cùm ita sint, iure mirum videri possit: cur tam
prodigo luxu insignis & pretiosus ab antiquis habitus sit mullos.
Nam si alimenti copiam, quam præstat, spectes, omnes alij pisces qui
præterquàm quòd dura, etiam glutinosa sunt carne, copiosius alunt, si
suauitatem gratiámque succi, à multis saxatilibus, aliisque ea laude su-

Lib. 3. de fac.
aliment.

peratur. Id quoque Galenus se intelligere posse negat, cur permulti
grandissimos mullos emptitent, cùm nec adeò suauis sint carne, vt mi-
nores, nec ad coquendum facili, vt quæ dura admodum sit. Ob eam
igitur causam, cùm quendam aliquando interrogasset, qui ingēti pe-
cunia prægrandes mullos emerat, quid esset, quòd tantopere illos ex-
peteret, respondit se primùm propter hepar illos tanti emisse, tum
autem & propter caput. Hepar quidem per se non edebant, sed ga-
relæum in vase cum pauxillo vini præparantes, in eo viscus ipsum
tant

tantisper comminuebant, quoad totum simul ex ipso, & humidis
 preparatis succus vnus fiat, simplex ad sensum & similis, in quo
 nulli carnes intinctas edebant. At mihi profecto inquit Galenus,
 nequaquam tantæ suauitatis esse videtur, neque tantam corpori uti-
 litatem afferre, vt tantopere sit concupiscendum, vt nec ipsum ca-
 put, quanquam gulosi hoc quoque laudant, ac secundas post iecur
 ferre prædicant. M. Apicius, vt scribit Plinius, ad omnem luxum in-
 genio mirus, in sociorum garo mullos necari præcellens putauit, at-
 que è iecore eorum alecem excogitare prouocauit. Ego in garo ex
 encrasicholis, in oleo & aceto igni liquatis confecto hepar nulli
 comminuo, cultelloque tantisper misceo, dum vnus ex omnibus
 succus fiat, ex eoque condimento carnem nulli edo, caput verò
 quia multum huius condimenti ebibit, fugitur: ideoque laudatur,
 non quòd aliquid aliud quod probandum sit, habeat: continet enim
 duntaxat cerebrum, annexæ sunt branchiæ quæ edendo non sunt.
 Mullorum assiduo cibo aciem oculorum hebetari tradunt Plinius
 & Dioscorides. Et mullos in cibo inutiles neruis inuenio fieri, inquit
 Plinius, vel quia spiritum animale absumit vel conturbat. Si mul-
 lus viuus in vino suffocatus fuerit, & id vir biberit, rei venereæ ope-
 ram dare non poterit, inquit apud Athenæum Terpsicles. Si verò ex
 eodem vino mulier biberit, non concipiet. Cùm igitur veneris in-
 cendia restinguat, eam ob causam contra omnia veneficia ex men-
 struis mulierum auxiliatur, vt etiam auctor est Plinius. Mulieres
 enim huiusmodi philtra parant, veneris inflammandæ causa, qua
 vt cùm mullorum esu viri prohibeantur, à mulierum amore ab-
 horrent, illasque fugiunt, multò verò ad id efficaciores reddentur
 nulli, si edantur saliti vel aspersi ea chrysocolle, qua nunc aurifi-
 ces aurum ferruminant, quàmque arabico vocabulo *baurach* appel-
 lant. Fortasse ob id quòd castos viros efficiat, Dianæ sacrum esse
 mullum, non ineptè aliquis cum veteribus fabulari possit, quanquam
 alii veteres Hecate attribuât (quæ eadem est cum Luna & Diana, vt
 auctor est Aristophanis interpres, & in natura Deorum Pharnutus)
 ob nominis communionem: est enim, vt ait Athenæus *τριδιτης, καὶ*
τρίγυλος, καὶ ταῖς τριακάσι ὅ αὐτὴ τὰ δειπνα φέρουσι, id est, triuia est Heca-
 te, tres habet oculos, trigesimo & vltimo die mensis, siue in neomenia
 cœnam illi mittebât, vel quia autore Apollodoro, vt citat Athenæus.
τρίμορφος ἢ θεία, id est, triformis est Dea, vnde Vergilius dixit.

Lib. 9. cap. 17.

Lib. 32. cap. 7.

Diosco. libr. 2.

cap. 24.

Ibidem. c. 10.

Libr. 7.

Lib. 32. cap. 15.

Tergemmamque Hecatē, tria virginis ora Dianā.

Et Ouidius.

Ora vides Hecates in tres vergentia partes.

Seruet tunc internas compita sectu vias.

Hegesander mullum in Dianæ sacris circumferri scripsit, quia cen-

setur lepores marinos hominibus mortiferos sedulò venari & deuorare, quod cum summo mortalium commodo faciat, venatrici Deæ venator piscis dedicatur. Simile quid tradit Plutarchus. *τρίγλαν τοὺς ἐλευσίνι μύτας σεβομένους, καὶ τῆς ἥρης ἐν ἄργῃ τῷ ἱερῶν ἀπεχομένην ἐπὶ τῇ τῷ ζώῃ: τὸ γὰρ θαλάσιον λαγὼν, ὅς ἐστιν ἀνθρώπου θανάσιμος, κτείνουσιν αἱ τρίγλαι μάστιγα, καὶ χθοναλίους διὰ τοῦτο ὡς φιλόανθρωπα καὶ σωτήρια ζῶα τὴν ἀδείαν ἔχουσι.* Mullum Eleusiniæ sacerdotes colere, eiusdemque Iunonis apud Argiuos antistitem, ob animalis reuerentiam abstinere: marinum enim leporem exitialem homini nulli necant, cumprimis que infestant. Quare tanquam hominum amantia, & iis salutaria animantia securitatem hanc obtinere. Item Plinius. Lepore marino vescitur vnum tantum animalium, vt nò intereat, nullus piscis, & tenerescit tantum, & ingrator viliorque fit: Eundem leporem marinum venatur & deuorat scarus, autore Athenæo. Sed quibus de causis hoc loco Athenæus lapsus sit, vel locus is sit mendosus libro sexto exposuimus, non solum Plinij, sed etiam Aristotelis autoritate freti, qui disertè tradunt scarum alga, herbisque vesci, non aliis piscibus. His probatissimorum autorum testimoniis rationem addidimus quam suo loco leges. Locus verò Athenæi is est: *ὁ δὲ σκάρος ἀπαλόβαρος, φαθύρος, γλυκὺς, κέφος, ὠπτεώσις, εὐδαμόδοτος, ἀκρίλιος, τέττω ὁ ἀπρόσφατος ὑποπίσις, ἐπὶ δὲ τῆς θαλαττὸς λαγὼς θηρέοντες σιτωῖται.* Cum igitur nulli lepore marino venenatissimo animali vescantur, ob hanc maximè rationem, non solum quia in lutulentis sordidisque locis degunt, ex Galeni consilio exenterandi sunt, contra coquorum consuetudinem qui integros coquunt: reiectis enim intestinis, ventriculòque minus periculosi erunt, quanquam aliquando gallinas ederimus in quarum ingluuie serpentes reperti fuissent, & lacertos marinos quos scolopendris marinis vesci anatome nos docuit. Mirum illud quod de nulli torpedinisque antipathia scribit Alexander Aphrodisieus. *ὁδεῖς δὲ καὶ τὴν θαλασσίαν ναρκίαν ἀγνοεῖ πῶς διὰ τὴν μελέτην τοῦ σώματος ναρκῶσι: ἥτις δὲ τε κρατερόν τι ἀνισταθεὶ τῇ ναρκίᾳ.* Nemo ignorat torpedinem marinam per funiculum corpori stuporem inducere, cui trigla contrætata còtraria vi resistit. Plinius scribit mullos inueteratos tritòsque in potione vomitiones concitare. Dioscorides mullum marini draconis, aranei ac scorpionis ictibus mederi, si crudus atque dissectus admoueatur. Hæc de mullo tantopere à veteribus celebrato, quem nos graphicè depinxisse certissimum est: id enim confirmant cum cuculo, & hirundine corporis similitudo, color ille magna ex parte roseus, qui vel cum minio certare possit, alia ex parte varius color, maximè quum expirat. Præterea illa barba inferiori labro propendens, tum carnis substantia dura, sicca, & maximè friabilis, ad hæc mag-

In libello πο-
πείρα ξώων, et
scicra.

Lib. 32. cap. 1.


Libro 8.
Cap. 2.

In prefat. li. i.
problem.

Lib. 32. ca. 8.
Lib. 2. cap. 24.

magnitudo modica. Postremò nominis Græci vestigia ad hæc usque tempora à quibusdam gentibus seruata.


De Mullo imberbi.



CAPUT V.

MIMBERBIS Mullus is est, qui à nostris *imbriago* dicitur, ab insigni rubore: ebriosi enim, quos *imbriagos* nostri vocant, sæpius rubet facies. Ab hoc igitur exaurato & splendido rubore pisces isti nomen à nostris datum est. Piscis est marinus, rarus, hirundini & cuculo corporis figura similis, colore magis rubro. Capite magno, stellulis calato. Oculis magnis. Ore paruo cuius pars interna cinna-baris colore est, vt in hirundine, sine dentibus. Os branchias operiens in aculeos terminatur ad caudam spectantes. Ad branchias pinnae sunt duæ rubrae cum appendicibus aliquot, vt in hirundine & cuculo diximus, in ventre duæ alia. Cute aspera contegitur & rubra in dorso & lateribus: nam ventre est candido, ad quem à dorso lineæ multæ ductæ cernuntur. A capite ad caudam dorso medio duo sunt acutorum ossiculorum ordines cauum efficientes, è cuius medio pinna rubra aculeis constans erigitur, cuius pinnae aculei parum ferrati videntur, id quod in nullo alio pisce præterquam in eo qui sagittarius vocatur, comperi: quanquam anthiæ idem tribuat veterum scriptorum nonnulli. Sequitur alia pinna veluti è mollioribus pilis constans. Cauda rubra est scorpionis caudæ similis. Ventriculum paruum habet cum appendicibus multis & longis. Denique partibus omnibus internis mullo barbato similis est, vere ovis multis distentum ventrem habet. Carne est dura siccaque. Hunc pisces ex mullorum genere esse, certissimo sunt iudicio tum maxima cum hirundine, cuculo, mullo barbato similitudo, tum insignis splendidusque rubor, nihil que omnino reclamant, nisi quod veteribus parum notus fuisse videtur, qui de solo mullo barbato videtur scripsisse.


De Mullo aspero.



CAPUT VI.

EX GENERE Mullorum imberbium is est, qui à nostris *cauillone* dicitur à clauis ligneis, qui *cauille* à nostris vocatur similitudine. Est enim corpore breui, terete, digiti magnitudine, colore minij, vel valde purpureo. Capite, brachiis, pinnis, mullo proximè descripto similis, sed squamas habet paruas, serratas, obliquè sitas. A capite ad caudam lineam ex squamis contextam. Pinnarum quæ ad branchias sunt, color est varius: nam parte exteriori candidæ sunt, parte interiori ex viridi nigrescunt, quemadmodum milui pinnæ. Ventriculo est paruo cum appendicibus paucis. Hepar habet candidum sine felle, longius quàm in alijs huiusmodi piscibus, splenem paruum ex rubro nigricantem. Brachias quaternas duplices. Carne est dura siccaque à cuculi carne non discrepante. Hunc piscem ob simile corporis figuram, similem colorem, mullorù generi subieci, & à squamarum asperitate mullum asperum nominaui, cum nullum aliud nomen, imò ne mentionem quidem ullam piscis istius, apud antiquos scriptores legerim.

De Corace.




CAPUT VII.

KO P A Z Piscis à Græcis, à Latinis coruus, à nostris *cabote* à capitis magnitudine dicitur, à Romanis *gallina*, à Burdegalesibus *perlon*, ut reliqui similis. Piscis est marinus, corporis forma miluo similis, aculeorum pinnarumque magnitudine discrepans. Ossa brachias integritia

gentia cæolata in aculeos desinunt. Pinnæ quæ ad branchias, minores quàm in hirundine, maiores quàm in miluo sunt, ex viridi nigricantes parte interiore, exteriore albescunt, cum maculis rubescentibus. Dorsum ex cæruleo nigricat, latera rubescunt. Venter lactei est coloris. Caput est magnum, locus inter oculos cælatus. In dorso virgas ex ossiculis contextas, instar cuculi habet, in eodem pinna duas, prior est breuior cum aculeis longioribus acutioribusq; , posterior longior est, cum multò minoribus aculeis. Linea simplex à capite ad caudam ducta est. Palato minus est flauo quàm miluus. Ventriculum paruum habet cum multis appendicibus, intestina tenuia, hepar ex albo rubescens, carne duriore est quàm miluus, teste Athenæo, Lib. 2.

De Miluo.



CAPUT VIII.

EPAZ Non solùm auis, sed etiam piscis à Græcis dicitur, quem cùm Latini accipitrem còuerterint, non miluum, qui ab iisdem ἰκτίνος nominatur, tamen ἰέραχα, vel vt est apud Oppianum ἰρήκα piscem eum esse existimo, qui miluus siue miluago à Plinio appellatur. A nostris lucerna quod noctu splendeat, eadem de causa à Prouincialibus *belugo*: nam *beluguez* fauillas appellant. Miluus igitur piscis est marinus, corporis formâ coruo persimilis, corpore magis rubro, capite minùs lato, vtrinq; compresso. Pinnarum numero, caudâque similis, magnitudine & colore dissidens. De magnitudine capite superiore dictum est. Quantùm ad colorem attinet, parti pinnarum quæ ad branchias sunt externæ, nullæ maculæ rubræ insunt, interna ex viridi non nigricat, sed pinnæ istæ partim flauescunt, partim nigricant. Linea à branchiis ad caudam ducta simplex non est, neque læuis, vt in coruo: sed ex acutis breuib; aculeis horret. Non squamis sed cute aspera contegitur. Partibus internis mullo imberbi similis. Palatum parum flauum est. Carne est sicca durâque, vt scripsit Athenæus. ὁ δὲ ἰέραχ σκληροστέρεος μὲν καὶ κύκκυρος. Miluago quoties cernatur extra aquam volitans, tempestates mutari Tebius niger autor est, tradente Plinio. Oppianus etiam prodidit miluum in summo mari volitare. Libro 8.
Lib. 32. cap. 2.
Lib. 1. ἀλίσυ-
τικῶν.

Ἰρήκες δ' αὐτῆς ἀλμυρῆς χερδὸν ἰερέθονται

Ἀχρὸν ἑστὶ φάουλος ἀλλὰς πόρον ὅσον ἴδεαι


Ἄμφω μηχανέοισι, & ἰσλαμένοισιν ὁμοῖοι

At radunt summam milui lati equoris undam,

Hos nanti similes dicas, similesque volanti.

Quam nostri lucernam vocant, miluum. Quem *cabote* coruum esse existimamus, his adducti rationibus. Coruo pisci à nigrore nomen est datum, sic coruus noster, omnium huius generis, de quo nunc agimus, piscium nigerrimus est. Præterea carne est multò duriore quàm miluus, quod coruo tribuit Athenæus. Miluus verò post coruum minùs ceteris rubet, per summum mare volitat, ut sæpe vidimus. Neque me latet alios aliter huiusmodi pisces distinxisse, ut eum qui à nobis coruus dicitur cuculum esse asserant, non animaduertentes cuculum ἐρυθρόν, id est, rubrum dici, eum verò quem pro cuculo exhibet nigrum esse. Deinde miluum esse quem coruum appellamus, ob pinnarum quæ ad branchias sunt longitudinem. Sed satius est ob prædictas causas ita distinguere, ut nos distinximus.

De Lyra.



CAPUT X.

LYRA Piscis nomen est, apud Græcos & Latinos, qui à nostris *grouau*, vel *grougnaut* vocatur, quòd grunniat more suis. A Liguribus *organo*, ob sonum quem edit. A Gallis *rouget*, à rubro colore. A Germanis inferioribus *lechan*, quasi gallus marinus. Lyra piscis est marinus, teres, ruber. Capite osseo magno. In posteriore eius parte, in osse branchias tegente, & in dorso aculeis magnis & robustis armatus. Rostrum in duo cornua lata protenditur, quibus lyræ antiquæ formam refert, squamis parvis & asperis contegitur. Partibus internis superioribus similis est. Plus ossium quàm carnis habet, quæ dura est, siccâque, satis suavi tamē, si elixa ex aceto edatur. Variæ fuerunt de hoc pisce scriptorum

rum sententiæ. Alij capitonem à capitis magnitudine vocauerunt, sed κεφαλος, id est, capito esse nequit, cum ex mugilum genere non sit. Alij orphum. Alij erythrinum, ob colorem rubrum, sed falsò: hi enim pagro similes sunt, vt suis locis docuimus. Non desunt qui pro citharo acceperunt. At citharus rhombo similis est, autore Galeno. Quare cùm rhombus, eique similis citharus plani sint pisces latique, lyra verò piscis teres, longus, crassoque capite, ea citharus dici nequaquam potest. Præterea citharus carne est dura & friabili, lyra dura quidem, sed glutinosa. Quare piscem quem hîc depinximus, eum esse contendimus, cui lyre nomen à veteribus datum sit. Primum quia rostri cornua, lyre antiquæ figuram referunt, vt comprobant, cùm multa antiquorum monimenta quæ Romæ hodie visuntur, in quibus lyre antiquæ forma insculpta est, tum illud maximè quod vidi Romæ, initio pontificatus Iulij tertij, in quo Atlas cæli globum humeris sustinens, signa cælestia, & in his lyre antiquorum figura, expressa erant. Lyram verò cornua habere, testis est Plinius, de testudinibus loquens. Troglodytæ cornigeras habent, vt in lyra, annexis cornibus latis, sed mobilibus, quorum innatando remigio se adiuuant. Deinde vocalis est, qualem lyram esse affirmat Aristoteles. *Ψόφρος δὲ τινὰς ἀφιάσι, καὶ βλομὸς, οὗς λέγουσι φωνεῖν, οἷον λίτρα καὶ χρομὸς ἔτοι γὰρ ἀφιάσι ὡς περ γευλλισμοῦ.* Pisces quidam strepitus stridorisque edunt, quos vocales esse dicunt, vt lyra & chromis: hi enim veluti grunnitum quendam edunt.


Cap. 16. lib. 5.
& cap. 16.

lib. 3. de alim.
facult.

Lib. 9. cap. 10.

Lib. 4. de hist.
cap. 9.

De Cornuta, siue Lyra altera.



CAPUT IX.


D L I N I V S locis duobus cornutæ meminit. priore quum de volantibus piscibus loquitur: altero quum de cetaceis. De cornuta cetacea aliàs dicemus, nunc de altera quæ cornua attolit è mari, quæque volare nititur. Eum piscem esse existimo, qui à nostris *malarmat*, id est, per antiphrasim malè armatus vocatur. Nos eundè cata-

lib. 9. cap. 27.
lib. 33. cap. 12.

phraetum vel ὀλόσκειον primi nominauimus, quòd vndiquaq; armatus, totusq; osseus sit. A Liguribus *malearmato pesce*. A Romanis *forchato* & *pesce forcha*, à duobus cornibus nominatur. Nonnulli lyræ superioris marem esse arbitrantur, sed falsò: nam in huius ventre oua rubescencia sepe reperiuntur. Est igitur cornuta marinus piscis octogonus, colore phœniceo, totus squamis osseis cōtectus, in quarum medio tumor durus erigitur, qui in omnibus continuatus corpus angulatum efficit. Capite est duro, osseo, in duo lata cornua desinente. Os in supina est parte, sine dentibus. Ex inferiore maxilla cirri carnosì, breues, molles propendent. Aculeorum, pinnarū numero sitūq; & cauda cuculo, mullo imberbi, & lyræ similis. Pinna dorsi longis constat villis, rubris. Totum quoq; corpus rubrū est dum viuit, extincto color ille euanescit. Ventriculū paruū habet cum appēdicibus paruis. Hepar magnum pro corporis ratione, album, in quo fellis vesica. Splenem paruum, rubrum. Vesicam magnam aëris plenam, ob squamarū pondus opinor. Branchias quaternas duplices. Carnis parum habet, ob eam causam facillè exiccatur, sitq; læuissimus. Caro sicca est durāq;, minùs tamen quàm cuculi, vel milui. In ædibus exiccatus suspēditur, cauda, vnde ventus spiret, indicante. Nos piscem hunc aliquando lyrā esse putauimus: sed cū vocalis non sit, etiam si cornua maiora habeat, cornutam rectiùs dici nūc arbitramur. Nec obstat id quod de

Lib. 9. cap. 27. cornuta scripsit Plinius, cui sesquipedalia ferè cornua tribuit. Attollit cornua è mari sesquipedalia ferè cornuta, quæ ab his nomen traxit. Nam de maximis cornutis intelligit: quæ verò sepius capiuntur, semipedalia ferè, vel etiam minora cornua habent, vt fortasse apud Plinium semipedalia pro sesquipedalia legere oporteat.

De Dracone,



CAPUT XI.

Lib. 32. cap. 11.



DRACONEM, Dracunculum, vranoscopum, non absurdè proximè descriptis subnectemus, tum quia similiter aculeos ad caudam spectantes habent, tum quia dura siccaque sunt carne. Præterea id facio Plinij exemplo, qui cornutæ draconem subiunxit, quem à dracunculo distinxit, quum literarum ordine pisces enumerat.

rat. Draco. quidam aliud volunt esse dracunculum, est autem graculo similis, aculeos in branchiis habet ad caudā spectantes, sic & scorpio lædit dum manu tollitur. Quæ de dracone non de dracunculo accipienda sunt: quoniam etsi dracunculus aculeos ad caudā spectantes habeat, minimè tamē vt scorpio lædit dū manu tollitur, quod magno suo malo quiuus experiatur. Id cum probè norint piscatores, ichthyopole, coci, draconē viuū intrepidè non contrectant, & Galli non nisi truncato capite mensis apponunt. Verū idem est draco cum eo quem araneum alibi vocat Plinius. Rationes quibus in eam adducor sententiam hæc sunt. Nusquam legas in mari animantia esse aculeis venenum immittentia, præter pastinacam, cuius radio nihil in mari est execrabilius, inquit Plinius, scorpiū, draconē, araneū, porcū marinum, de quo hæc Plinius. Inter venena sunt pisciū porci marini spinæ in dorso, cruciatu magno læsorū, remediū est limus ex reliquo piscium eorum corpore. Pastinacam & scorpiū nemo vnquā cum dracone, vel araneo confuderit, si modò eorū notas ex veteribus didicerit. Porci nulla est cum dracone similitudo siue corporis speciē, siue vitam, siue mores consideres, vt inde marini porci nomen iure tribui queat. Superest araneus, quem eundem cum dracone esse conuincūt aculei spinæ in dorso nigri maximè venenati, iidē modò araneo, modò draconi à Plinio attributi, vt nulla sit rei, sed nominis tantū differentia. Præterea quod de dracone scripsit Plinius, id in araneo nostro quiuus experiatur, qui piscium capturæ interesse voluerit: captum enim arena semper se obuoluentē cernet. Plinius: draco marinus captus, atque immisus in arenam, cauernam sibi rostro mira celeritate excauat. Huc accedit gentium sententiæ nostræ consentiēs appellatio. Nostri enim Ligures, Hispani, Massilienses, eum quē draconem esse constat, quēquē Græci huius ætatis δράκωνα dicunt, araneum appellant. Est igitur δράκων θαλάσσιος, Latine draco marinus siue araneus Gallis *vine* dictus, Siculis & Neapolitanis *tragina* corrupta voce pro dracæna. Piscis in arena & litoribus degēs, testibus Oppiano & Aristotele. In nostro mari palmum maiorem rarò superat, in oceano, aliquando cubiti magnitudinem attingit, falcato est ventre, dorso recto, colore vario: dorso enim fusco est, ventre candido, lateribus lineis aureis transuersis pulchrè distinctis. Capite percam marinam æmulatur, oris scissura obliquè à superiore parte in inferiorem vergente, quò fit vt ore aperto & hiantē, maxilla inferior superiore maior videatur, dentibus paruis densisque. Oculis est sursum spectantibus, & adeò splendidè virescientibus, vt smaragdum pulcherrima viriditate superent, iidem breui interuallo à se distant, in quo triangulum expressum, & aculeos paruos cernas. branchiarum opercula in aculeos ad caudam spectantes terminantur,

Lib. 32. cap. 12.

Lib. 9. ca. 48.

Ibidem.

Lib. 32. cap. 5.

Lib. 9. cap. 48.

Lib. 32. cap. 5.

Lib. 9. cap. 27.

Lib. 1. ἀλυσ-

τινῶν.

Lib. 8. de hist.

animal. ca. 13.

quæ post articulationem cum ossibus capitis, tenui membranæque simili substantia potius quàm ossea constant. Quamobrem draco ea, quum extra aquam aëre trahit inflat, non aliter quàm nos cum buccas inflamus. In ceruice vel dorso principio, quinque aculeos habet, tenues, nigros, præacutos, tenui membrana nigra connexos, quibus venenatum vulnus infligit, multoque perniciosius quàm branchiarum aculeis. A capite, oculis, venenatisque aculeis draconi nomen datum, teste Æliano. Marinus draco aliis piscibus reliquo corpore assimilis est, eius caput, & oculorum magnitudo, terreni draconis speciem similitudinemque gerunt, magni enim sunt, & venusti. Maxillæ etiam similitudinem quandam habent cum terrestribus, & eius pellis non procul abesse à terrena palpanti videtur, simul & infestis, & venenatis armatus est aculeis. A ceruicis aculeis pinna incipit ad caudam usque continuata. Alia est à podice ad caudam. Aliæ duæ ad branchias, eodem situ quo in fluuiatilibus, id est, inferiores multò quàm in marinis esse soleant. Inter has & scissuræ oris finem in parte supina duæ aliæ sunt, minores, cæcidæ. Podex non procul à branchiis distat. Linea à branchiis ad caudam ducta multò est altior, dorsoque propior quàm in cæteris piscibus, cute dura tegitur, squamis paruis & tenuibus aspersa. Ventriculo est magno, splene paruo, hepate ex albo rubescente, corde angulato. Loliginibus paruis, aliisque minutis piscibus vescitur. Moribus & veneni viribus scorpionis similis est, carne dura, siccaque est, vt Philotimus tradidit, id quod Galenus approbat. Nemo existimet nos araneum Plinij cum araneo Aristotelis confundere, cum toto genere differant. Est enim ὁ ἀράχνης, id est, araneus Aristotelis ex genere malacostracorum, cui similem cancellum facit. Araneus verò Plinij piscis est sanguine præditus, & venenatis aculeis, vt ostendimus. Hic silentio præterire non decet eius sententiam, qui draconem Romæ *trachina* nominatum, trachurum veterum nominum similitudine deceptus esse putat, eius verba sunt. Trachina & ipsa etiam in fricturæ numerum refertur, quam trachurum, vt Oppiano videtur, esse putamus, vel vt Athenæo placet, trachidam, eo argumento quòd infestam & propè letalem spinam in ceruicibus habeat, & binas item alias, & quidem acutissimas ab auribus prominentes. Hic piscis oblongus est ac tenuis, & falcatus in ventrem, cuius latera lineæ frequentes & obliquæ, vergentes ad cæruleum colorem pulcherrimè describunt. Falsam esse opinionem hanc, etymum ipsum, & modò citata verba clarè ostendunt. τράχινος enim à caudæ asperitate, aculeisque nomē habet, at draco nō in cauda, sed vt ille ait, in ceruicibus infestā & propè letalē spinam habet, & binas itē alias, & quidem acutissimas ab auribus prominentes. Reiciēda quoque est Alberti magni sentētia, qui draconē beluā marinam esse censet, quæ

vene-

Lib. 21. ca. 42.

Lib. 3. de alim.
facult.Lib. 4. de hist.
animal. ca. 4.Pan. Io. li. de
Rom. piscib.
cap. 19.

venenatis dentibus & piscatores, & alias animantes subito interficit. Neque enim draco inter beluas marinas recensetur aut à Plinio; aut ab Oppiano, neque dentibus, sed aculeis venenatis nocet, ut ex Plinio antè probauimus. Idem confirmat Dioscorides. δράκων θαλάσσιος ἀναπυχθεὶς καὶ ἐπιτεθεὶς, λαμβάνει τὸν τῶν ἐκ τῆς ἀχθὸν ἀλλὰ πωληγὴν. *Lib. 2. cap. 15.* Draco marinus dissectus & apertus impositusque ictus spinæ suæ qua ferit, medella est. Quanquam Dioscorides aliquando δῆγμα ἀπὸ τῆς πωληγῆς vsurpet, id est, morsum pro ictu siue pūctura, ut cūm de mullo loquitur. ἀπὸ τῆς ἀναχθεῖσας καὶ ἐπιτεθεῖσας, θαλάσσιου δράκοντος καὶ σκορπίου καὶ ἀράχνης δῆγμα τὰ ἰστέα. *Ibid. cap. 24.* Mullus marini draconis & scorpionis, & araneæ moribus medetur. Non minori reprehensione dignus is qui in suis in Dioscoridem commentariis capite de dracone marino pro co hippocampum verum describere videtur: nam in iis quæ capite de hippocampo, de ipso hippocampo tradidit vehementer errat, eaque cūm de hippocampo dicemus improbabimus. Porro id absurdū est quod scribit, non eundem esse draconem marinum, de quo tradiderint Dioscorides & Plinius, duas ob coniecturas, quæ vanissimæ sunt. Prior est, quod draco marinus Dioscoridis spinæ venenata pūgit, cui ictui draco ipse dissectus, atque impositus medetur, alter vero Draco nēpe Plinij morsū solūm nocet. Vbinā quæso hæc Plinius? nusquam sanè. Imò verò eadē planè quæ Dioscorides scripsit. Draconis marini scorpionūque ictus, carnibus eorū impositis sanātur. Et ibidem. Draco marinus ad spinæ suæ qua ferit, venenū ipse impositus, vel cerebro toto prodest. Altera cōiectura est, quod ex Dioscoridis verbis colligere licet, facile esse draconem marinum habere, qui veneno suo remedio sit, cōtrā difficillimum alterum habere cū grandis sit belua. Minimè verò Plinius in beluis marinis draconē numerauit, imò ab iis seiūxit. Cū enim LIB. X. X. X. I. beluas marinas recenset draconis marini non meminit, sed postea cū aliis piscibus numerauit. Sunt qui nō intellecto nominis etymo, quod antè ex Æliano tradidimus, quum draconem marinum audiunt, simile quid animo fingunt iis draconibus quos pictōres pro arbitrio pīngunt. Vnde fit ut quidā raia exiccata, atque in eum modum efformata picta, quæ quo pictōres dracones terrenos figurare solent, pro veris draconibus marinis accipiant, sed faciliè imperitis imponitur, qui neque ex antiquorum scriptorum lectione piscium cæterarūque animantium naturas didicerūt, neque res ipsas intūti sunt. Quæ si fecissent, ex capite, ore, brachiis apertis, pinnis, aculeis, caudæ asperitate, atque ab aliis huiusmodi, raia agnouissent. Huiusmodi raia Antuerpiæ sic efformātur, atq; inde aliō deportātur. Verū ad draconē redeamus aduersus cuius venena, multa & præsentia remedia dedit natura. Nā ut ex locis ante citatis liquet, ipse impositus ictus suos sanat. Multi

li. vii. de sim.
med. facul.

Lib. 8. cap. 6.

caro imposita idem præstat. Idem Galenus scribit. Draconem marinum aduersum suum ipsius ictum impositum, necnon mullum valere. Et dioscorides. Peculiariter autem ictus à marino scorpione & Dracone inferuntur qui molestos cruciatus cient, interdum autem sed rarò nomas excitat, quibus absinthij, saluię aut sulphuris ex aceto triti potio subuenit. Et nos aliquando vidimus partem à dracone marino punctam in tumorem erigi, & cum doloribus vehementissimis inflammari, quæ si negligatur, facile gangræna corripitur, quo in malo piscatores nostri ad lentisci folia, tanquam ad sacrâ anchoram confugiunt, iisque partem vulneratam confricant, melius sibi consulturi, si draconis ipsius dissecti carnes vel cerebrũ imponent. Nec est negligenda theriaca confectio cū aqua absinthij sumpta. Que omnia remedia cōferūt priusquàm gangræna partē vulneratā occupauerit, tū enim gangrænæ causa scarificanda pars est, & garo acetosque fouēda, caput nulli saliti imponēdū. Eiusdē etiā recentis ē capite cinis contra omnia venena prodest, cæca quadā naturarū discordia.

De Dracunculo.




CAPUT XII.



RACVNCVLI Piscis Plinius solus, quod sciam, meminit, quem à dracone differre scripsit, vt proximo capite ostendimus. Hunc esse putamus qui à nostris *lacert* vocatur, quòd lacertis terrenis corporis figura similis sit, & dracunculum vt à dracone maiore distinguatur esse appellatum. Est piscis marinus dodrātali magnitudine, cotto fluuiatili non multum absimilis, rostro acutiore, & capite latiore. Ranę etiam piscatrici quodammodo similis est, sed rana piscatrix ore est maiore, pinnis concoloribus quæ in dracunculo variæ sunt. Capite est magno, cōpresso, rostro prominente, ore paruo sine dentibus, sine vlla ad branchias scissura, sed huius vice supra caput vtrinque foramen est, vt in Hippocampo, quod, nisi dum piscis viuit, eoque aquā trahit & emitit, manifestum est. Oculos magnos supra caput positos habet, capitis os in aculeos desinit ad caudā spectantes. Pinnas longissimas pro corporis magnitudine habet, partim aurei, partim argentei coloris æmulas. Quæ ad branchias sitæ, aureæ sunt

sunt, in radice argenteæ. Quæ in supina parte, à cæterorum marinarum piscium pinnis, situ magnitudinèque dissident: nam & ori propiores sunt, & longiores iis quæ sunt ad branchias. In dorso duæ eriguntur, prior parua est, aurea & argenteis lineis distincta, posterior magna admodum in medio dorso, papilionum alis non valde dissimilis, radiis quinque hordei aristis similibus, membranæque constans. Radij priores longiores sunt, posteriores breuiore, contrà quàm in membrana, quæ singula radiorum interualla, veluti intertexta occupans paulatim crescit. Eadem quoque varia est, lineis enim argenteis in medio duarum nigrarum sitis distinguitur. Hæc in medio dorsi cauo veluti in vagina conditur. Alia est à podice ad caudam etiam aurea, dempris eius fimbriis quæ nigricant. Corpus totum sensim gracilius fit, & in pinnam longam terminatur, cuius fimbriæ nigricant. Est & picto corpore: nam ab huius medio argenteæ lineæ ad vètredu ductæ sunt. In maxillis partibusque anterioribus veluti punctis argenteis notatur. Ventre est lato, plano, candido. Cuticula tantùm tegitur. Capitur hic piscis maximè caniculæ vigentis tempore, cuius syderis vim omnia ferè animantia sentiunt, etiam pisces ipsi, quorum alij è profundo sursum se efferunt, alij in profundum secedunt, alij ad saxorum latebras confugiunt. Carnis substantia gobionibus paruis similis est, iisdemque alimentis vesci traditur. Minus venenatus est huius quàm draconis ictus. In Agathensi litore capitur, alioqui rarus est, & tum ob raritatem, tum ob venustatem summumque omnium rerum opificis Dei in hoc pisce artificium, piscatores ipsi admirantur, & amicus qui naturæ rerum contemplatione delectantur dono dant.

De Vranoscopto.



CAPUT XIII.



VI Ἐρμυσκοῦρος à Græcis, & κελιάριος vocatur, ab *Libro 8.* Athenæo etiam ἄγρος dicitur, quæ vox quanquam castum significet, nihil tamen de huius piscis castitate apud veteres autores legas. Veteri Latino nomine caret: quam ob causam Plinius Græcis semper vsus est.

Galenus interpres celi speculatorem appellauit. Gaza pulchrum piscem perinde ac si *καλλιχθίν*, non *καλλιώνυμος* legisset. Atqui tum ob fuscum colorem, tum ob capitis, totiusque corporis speciem, fœdus est aspectu. Et *καλλιώνυμος*, id est pulchri nominis piscis nominatur, ob *ερανοσχοῦ* appellationem, quæ pulcherrima est, & homine quàm pisce dignior. Hominis enim proprium est sursum aspicere, id est mente naturam rerum & cælum contemplari, fragilia & caduca, quæque falsò in bonis à vulgo habentur despicere, atque infra se posita arbitrari. Quemadmodum vero ab antiquis pulchro honestoque nomine donatus est hic piscis, ita à Massiliensibus turpi pudendoque, quod honestæ matronæ præ pudore nominare vix audeant. Vocatur enim ab his *rapecon*, quòd pelli instar conformatus esse videatur, & *raspecon*, quòd caput ob asperitatem ad scalpenda muliebria pudenda accommodari possit. Ab Italis *boca in capo*, à nostris *rat* appellatur. Oppianus *ήμεροχοῖτις* nominat, quòd interdiu in arena dormiat, noctu vigilet prædæ quarendæ causa, vnde & *νυκτερίς* vocatus est. Ex quibus liquet non de phoca, vt opinatur Erasmus, etiam si noctu in terram exeat somni capiendi causa, sed de vranoscopo potius intelligendum esse Suidæ locum quo scribit. *ήμερόχοιτος ἰχθύς τις, καὶ ὁ κλέωνος*. id est, hemerocœtus piscis est quidam, & fur. Fures enim quòd interdiu dormiant, noctu vigilent, *ήμερόχοιτοι* aptè nuncupantur, etiam Hesiodi testimonio.

Μήποδες ἡμερόχοιτος ἀνὴρ ἀπὸ χειμῶθ' ἔλπει

Vranoscopus piscis est marinus, litoralis, pedali magnitudine, sine squamis. Capite magno, osseo, aspero ranæ piscatricis capiti quodammodo simili. Os longè secus quàm reliqui pisces situm habet, nimirum supra caput, magnum & patens, cuius operculum est maxilla inferior, sursum valde attracta. Lingua brevis sed lata, oris internas partes ita occupat, vt eas nisi linguam digito valde cōprimas & summoueas videre non possis. Ex ea parte quæ inter linguam est, & maxillam inferiorem, oritur membrana in principio latiuscula, sensim in carnosam rotundamque apophysin desinens, extra os propendens, qua pisciculos alliciat, allectos deuoret. Eandem cum vult retrahit & exerit veluti serpens linguam, Oculi supra caput siti recta cælum intuentur, vnde *ερανοσχοῦ* nomen optimo iure datum. Nam dracunculus, rana piscatrix, raia, pastinaca, rhombus, passeris, buglossi, sepia, polypus, oculos habent supra caput. Sed pupillæ ad latera spectant, non sursum ad cælum. Ossâ capitis, caudam versus in aculeos desinunt tenui membrana opertos. Ab ossibus branchias integrentibus itidem duo alij aculei ad caudam spectant membrana tecti dempto extremo mucrone. Branchias quaternas habet, iuxta quarum scissuram pinnae duæ magnæ & robustæ, & variae exoriuntur.

Sub-

Subsunt in parte supina alię duę minores, albę, maxillę inferiori propinquę. Has pinnas sequitur os, veluti sternum, quod tribus aculeis horret. Succedit pinna alia à podice ad caudam. In dorso duę sunt, quarum prior, capiti propior parua est & nigra, vt in araneo. Posterior ad caudam vsque porrigitur, dorso concolor. Cauda in pinnam latam definit, pauonis caudę dum piscis viuít æmulam, fimbrię purpurascunt. Dorsum fusco colore est, venter candido, qui colores, dum viuít, manifesti sunt, alioqui vnà cum vita pereunt. A capite lineę duę ex squamulis constantes ad caudam protenduntur, reliquo corpore cute dura intecto, quęque facili excoari possit. Ventriculus firmissimis tunicis constat, è cuius ore appendices octo dependent. Hepar candidum est, à cuius exteriori parte fellis vesica pendet, admodum magna, si corporis magnitudinem spectes, felle valde distenta. Fellis substantia, oleum colore, & consistentia refert. Vulua multum infra posita est bifida. Carne est alba, dura, non multum à carne ranę piscatricis differente, grauisque odoris, de qua sic Athenæus: *ἐραννοσχῆτος δὲ καὶ ὁ ἄγνος καλέμενος, ἢ καὶ καλλιόνυμος, ἑαρίς.* In arena & cœno latet, vt piscibus insidietur. Cum igitur carne, cœnosęque aqua vescatur, grauem virosi que saporis esse necesse est. Vranoscopus in venando eodem astu, quo rana piscatrix vitur: cum enim luto se immerferit, caput paulum exerens, membranam siue apophysin ex ore demittit, ad quam pisciculi tanquam ad vermem adnatant, qua pręmorsa admonitus vranoscopus, statim retrahit, & cum ea pisciculum. Nos primi particulam istam in hoc pisceprehendimus, quodq; astu pisciculos venetur, obseruauimus, nulla enim prorsus, quod sciam, huius mentio fit apud vllum aut veterem, aut recentem, Græcum Latinumve scriptorem. Vranoscopi meminit Galenus his verbis. *ὁ δ' οἷσ' ἀπὸ τοῦ ὀρθῶς ἐστάναι τὸ ἀνθρώπου, ὡς εἰς τὸ οὐρανὸν ἐτοιμῶς ἀποβλέπει, καὶ λέγειν ἔχει. αὐτοῦ γὰρ πρὸς ὄλυμπον, ἀταρβήτοις προσώποις, ἀνθρώπων μὴ εἶναι ἐχέωρα χιτῶν ἐδεσώποτε τὸ καλέμενον ἐραννοσχῆτον ἰχθυῶν, ὡς ἔτις γε καὶ εἰ μὴ βέλαιοτο πρὸς τὸ ἐρανὸν αὐτὸ βλέπει.* Existimare, inquit, ob id hominem recte stare, vt cælum promptè suspiciat, hominum est qui nunquam vranoscopus viderit, qui etiam inuitus cælum semper aspicit. Porro eundem esse piscem qui vranoscopus & callionymus vocatur, confirmant Athenæus, Plinius, reliquique veteres autores. Athenęi locus iam citatus est. Plinius. Callionymus siue vranoscopus. Et alibi. Callionymi fel cicatrices sanat, & carnes oculorum superuacuas consumit. Nulli hoc piscium copiosius, vt existimauit Menander quoq; in comœdiis. Item piscis & vranoscopus vocatur, ab oculo quem in capite habet. Dioscorides de felle loquens. Est vis omnium acris & excalfaciens, intensus tamen & remissis viribus differunt. Siquidem præstantius in effectu esse videtur fel marini scorpionis, & piscis qui callionymus ap-

Lib. 8.

Lib. 3. de vñ.
part. cap. 3.Lib. 32. ca. 11.
Lib. 32. cap. 7.

Lib. 2. cap. 96.

Lib. 10. de fa-
culis sim. ind.
cap. de felle

pellatur. Idem ferè Galenus. Animalium quorundam singulariter
bilis à medicis laudatur, tanquam aciem exacuat oculorum, & suffu-
sionum initia digerat, veluti piscis quem vocant callionymum, hyæ-
næ, & scorpij marini. Ex his omnibus constat nos verum vranosco-
pum exhibuisse. Nec obstat quod Plinius, vt ante citauimus, scripsit
vranoscopum dici ab oculo quem habet in capite, quasi vnicū ocu-
lum habeat. Iam enim demonstratum est, nulli animali plures pau-
cioresve oculos duobus esse. Quare enallage numeri vsus Plinius, ocu-
lum pro oculis posuit: quemadmodum Dioscorides quum draconem
marinum ad ictus spinæ suæ valere dixit, cum spinarum dixisse oportu-
tuisset. Postremò eundem esse vranoscopum siue callionymum, & he-
merocæten Oppiani, perspicuè declarat & veluti ob oculos ponit
eius pictura.

Lib. 2. ἀλιό-
τικῶν.

Φράξο δὲ ἀφραδίῃ προφερέσαστον ἡμεροχρίτων
Ἰχθυῶν, & περὶ πάντας ἀεργότατον τέκεν ἄλμη.
Τὸ δὲ ἦτοι κεφαλῆς μὲν ἄνω τέτρασσαι ὕπερθε
Ὀμμοῦ, καὶ τὸμα λάβρον ἐν ὀφθαλμοῖς μέλαινα.
Αἰεὶ δὲ ψαμθοῖσι πανυμέλειος τεταύται
Ἐὐδων, νυκτὶ δὲ μένος ἀνέργεται, ἡδὲ ἀλάληται
Τένεκα κέκληται καὶ νυκτερίς.

Quæ sic conuerti.

*Stultitia insignem memorabimus hemerocæten
Segnitieq; omnes superantem, quos creat aquor.
Scilicet huic sita sunt in vertice lumina, sursum
Conuersa, immodicæque, hæc inter, hiantia cernes
Ora. dies totos fulua prostratus arena
Dormit, noctu autem vigilat, solusque vagatur:
Nycterida hinc etiam appellant.*

His subiungit adeò voracem esse piscem, vt ciborum copia nimis
distento ventre disrumpatur atque emoriatur, quo tristi
exitu homines à luxu crapulæque deterret,
& ad temperantiam ad-
hortatur.





G V L I E L M I

R O N D E L E T I I

D E P I S C I B V S

LIBER XL.



Qui dicantur plani pisces.

CAPUT I.




HACTENVS De longis simulq; spissis siue corpulentis piscibus diximus. Nunc de planis tractabimus. Ne quis verò auratam, sparum, cantharum, melanurum, glaucum seferinum, aliósque multos huiusmodi pisces, cum thunnis, lupis, mugilibus, comparans, illos planos vocet, hos rotundos, ne quis etiam planos pro leuibus accipiat, primùm qui plani propriè appellentur pisces, deinde quæ sint eorum differentia explicandum. Sunt igitur plani, siue lati, à Græcis *πλατέεις* dicti, qui prona supinæque parte, ita in longum latumque extensi, vt in tenuitatem degenerent extrema, neque in dorsum ventrémque sed in latera dilatentur, spinæque media à capite ad caudam protensa, apophyses longas seu radios non ad pronam supinamque partem, sed ad latera emittat. Hos prostratos siue iacentes, sicut alios non planos, erectos: vt saxatiles mugiles appellauit Columella. Planorum alij spinas habent, vt rhombus, passer, buglossum: alij pro spinis cartilaginem, vt torpedo, raia, pastinaca. Rursus horum alij læues, alij squamosi, alij asperi. De spinosis priùs pertractabimus, quoniam omnes qui superioribus libris explicati sunt, etiam spinosi sunt, proximo libro de cartilagineis dicturi. Illis omnibus hoc est commune, quod parte supina candido, prona, fusco colore sint, quod in prona parte oculos habeant ad latera spectantes, id quod in causa est, cur eodem modo natèr, quod altero oculo orbat i incedunt, tradente Ari-

Lib. 8. ca. 17.

Lib. de nim. ingressu.

stoteli, peruersa est enim ijs oculorum acies, quemadmodum strabo-
Ibidem. nibus. Planos omnes pisces Aristoteles *ῥομβοειδῆς* vocat.

De Rhombo aculeato.



CAPUT XI.

Libr. 7.

*Lib. 9. de hist.
cap. 37.*

Lib. 9. ca. 42.

Lib. 9. cap. 20.

Libro 8.



OMANI Græca voce rhombum piscem appellaue-
runt. Aristoteles & reliqui Græci eundem *ῥομβοειδῆς*, Ga-
za passerem interpretatus est, Athenæus *ῥωμβοειδῆς* καὶ *ῥομβοειδῆς*
ῥομβοειδῆς καὶ *ῥομβοειδῆς* καὶ *ῥομβοειδῆς*. Nec Aristote-
les vsquam rhombi meminit. Præterea quod Aristo-
teles Psettæ tribuit, nempe quod arena obruat sese, vt pisces alliciat:
idem Plinius rhombo, eo in loco quem ex Aristotele mutuatum esse
quilibet facile indicabit, si locū hunc cum illo conferre voluerit. Su-
mitur etiam passer siue *ῥομβοειδῆς* pro diuerso pisce à Rhombo. Plinius,
Marinorum alij sunt plani, vt rhombi, soleæ, ac passeress, qui à rhombis
situ tantū corporum differunt. Galenus quoque libro tertio de ali-
ment. facult. & Diphilus apud Athenæum Psettass à rhombis manife-
stè seiunxerunt. Rhombus piscis à rhombo figura nomen habet, quæ
quatuor æqualibus lateribus cōstat, non autem rectis angulis. A Gal-
lis *lozange* dicitur. Itali omnes & Massilienses, *rhombo* piscem appel-
lant, nostri *romb*, Galli *turbot*. Normani *bertoneau*. Græci huius tempo-
ris *ῥομβοειδῆς*. Rhomborum duas species facimus, rhombum aculeatum
& læuem, quibus rhomboidem addemus. Primū aculeatum descri-
bimus. Is piscis est planus, litoralis, parte prona fusca, in qua multi
sunt aculei maximè circa caput, & à capite caudam versus. In eadem
parte linea ducta est nigra, pinnæ quoque illic nigre sunt, alibi can-
didæ. Os magnum habet, hiāsq̃ue, sine dentibus, sed horum vice ma-
xillas

xillas asperas obtinuit. Ab inferiore maxilla propendent appendices duæ, tenues barbæ modo. Non procul hinc podicem habet. E regione pinna incipit magna ad caudam vsque continua. Huic similis alia statim à capite. Vtraque paulatim ab initio ad medium vsque crescit, inde eadem proportionem, ad caudam vsque decrescit. Hæ totum ferè corpus ambiunt, rhombique figuram efficiunt. Branchias quatuor habet rhombus, duplices. Cor compressum. Ventriculus magnum, oblongum, in superiore parte complicatum, dorso annexum, quem intestinum excipit. Sed intestinum duas apophyses habet magnas, sed breues, in angulos duos desinentes, inter quos ventriculi ephysis alligatur. Hæc ventriculi cum intestinis coniunctio propria est, in hoc rhomborum & passerum genere. Ventriculus hepar tanquam manu comprehendit, ex albo rubescens, cui hæret vesica multo felle distenta. Splen ex nigro rubescit, inter intestinorum spiras latitans. Oua rubra sunt replicata ventriculi modo: facit enim ventris breuitas, vt omnia ferè interna replicata sint. Carne vescitur, maximè cancris, vorax est, piscésque multos ingerit. Quamobrem in fluuiorum stagnorumque ostiis plurimum est, vt pisces lubeantes persequatur. In mari nostro, & in ostiis Rhodani magni capiuntur, sed in Oceano multò maiores. Vidimus Oceani rhombum quinque cubitos longum, latum quatuor, spissum pedem vnum. Quauis igitur ab Ouidio dicatur, & Adriaco mirandus litore rhombus, & à Martiale:

*Quauis lata gerat patella rhombum,
Rhombus latior est tamen patella.*


Tamen nunquam rhombi Adriatici, nostrive magnitudinem attingunt eorū qui in Santonico, vel Britannico litore capiuntur. Cū gulosus sit piscis, facile hamo capitur. Ad gulæ verò libidinem explendam multum illi confert piscandi solertia à natura data, de qua Plinius. Nec minor solertia ranæ, quæ in mari piscatrix vocatur, eminentia sub oculis cornicula turbato limo exerit, assultantes pisciculos pertrahens, donec tam propè accedant, vt affiliat. Simili modo squatina & rhombus abditi pinnas exertas mouent specie vermiculorum, itémque quæ vocatur raia. Quæ ex Aristotele sumpta esse apparet, quo in loco *ῥήτιαν* pro rhombo dixit, vt initio capitulis docuimus. Καταμύζει δὲ ἐαλὶς τὸ ὄνος καὶ βαβραχός, καὶ ῥήτις, τὸ ῥήτι, καὶ ὅταν ποιήσῃ ἐαυτῇ ἀδελὰ, εἴτε ῥαβδύει τοῖς ἐν τῷ στόματι, ἀγαλῶν οἱ ἀλείς ῥαβδία, τὰ δὲ μικρὰ ἰχθύδια προσέρχονται ὡς πρὸς φυκία ὑφ' ὧν ζέφον. Obrount sese asellus, rana, & passer, siue Rhombus & squatina, cūque se totos occultauerint, verberant oris sui virgulis, vt vocant piscatores, ad quas pisciculi adnatant tanquam ad algas, quibus vescantur. Reperiuntur in hoc genere mares

Lib. 9. c. 42.

Lib. 3. de fac.
aliment.

& fœminæ : alij enim semen, alij oua habent. Rhombus dura est carne & friabili, quanquam Galenus Philotimum reprehendat, qui inter pisces, qui molli sunt carne, cum citharos numerarit, eis similem rhombum prætermiserit, qui tamen molliore sit carne, quàm cithari, carnèque asellorum multò inferiore. Locus est huiusmodi; Περί δὲ τῆς κίθαρος καὶ πάντων θαυμάζω τὴν φιλοσίμω, παραπλήσιος γὰρ ὢν ὁ ῥόμβος αὐτῶν μεγαλύτερον ἔχει τὴν σάρκα, τῶν ὀνίχων ἀπολιπόμενος εἶναι ὀλίγη. Sed qui Rhombum præsertim aculeatum gustauerit, is proculdubio dura carne esse iudicabit, maximè si grandior sit : qui enim parui sunt, humidiores molliorésque sunt. Elixus ex aceto vel in sartagine coctus editur, cum mali arantij succo. Rhombum inter delicatissimos cibos habuit veterum luxus, vnde prouerbum, nihil ad rhombum, de his quæ minimè conferenda sunt. Liēni medetur rhombus viuus impositus, vt tradit Plinius, deinde remissus in mare.

De Rhombo læui.



CAPUT III.




RHOMBVS Alter est, qui vt à superiore distinguatur, læuis à nobis dicitur, quòd aculeis prorsus careat. A Gallis *Barbue*. A nostris per similitudinem *Passar*, dictus quasi passer, à nonnullis *Punsar*, id est, ventriculosus: nos enim *Panse* ventrem appellamus. Sed *Passar* meo quidem iudicio rectius dicitur, quanquam verus passer seu *ψιττα* non sit, sed ei figura duntaxat similis, situ verò dissidens: huic enim dexter resupinatus est, passeribus læuus, quo situ cum rhombi à passeribus differunt, autore Plinio, eum quem capiti huic præfiximus, in rhombis haberi est necesse. Est igitur rhombus læuis rhombo acu-

Lib. 9. cap. 20.


aculeato figura partibusque tum internis, tum externis omnino par, demptis aculeis: nullos enim neque in supina neque in prona parte habet. Præterea latior est, & tenuior rhombo aculeato, carnēque molliore, suauiore quàm passer. Quare de rhombo læui Galeni locus intelligi posset, quo rhombum cum piscibus mollis carnis connumerandum censet. Vel fortasse non absurdè quis existinauerit, rhombū læuem Galeni citharum esse, quòd is mollis sit carnis, cuiusmodi rhombum læuem esse cōstat, quòdque eum rhombo similem faciat. Ælianus autem longè alium ex mari rubro citharum descripsit. Et Athenæus cithari species duas alias tradidit, de quibus paulò pòst dicemus.

De Rhomboide.



CAPUT IIII.

ROMÆ Piscem sæpe vidimus, qui ab ichthyopolis Rhombi nomine venditur, quem tamen à superioribus rhombis diuersum esse sensus ipse doceat, etiam si figurâ rhombum imitetur. Quare hunc rhomboidem appellauimus, vt tantum à rhombo pisce differat, quantum figura rhomboides à rhombo figura: est enim rhomboides figura, quæ neque latera æqualia, neque angulos rectos habet. Est igitur rhomboides piscis rhombo vel passeri similis, sed à passere situ differens, squamis paruis intectus, oculis multum à sese distantibus. Linea à capite ad caudam per medium corpus ducta, initio sinuosa, deinde recta corpus in duas æquas partes dirimens. Corpore est exiguo & breui: nunquam enim quantum obseruasse mihi licuit palmi magnitudinem superat. Internis partibus à rhombo non differt. Carne est media, neque molli nimium neque dura. In litore nostro rarus est, semelque tantum vidisse mihi contigit. Huius mentionem nullam à veteribus factam fuisse comperio.



CAPUT V.

DE Citharo ex Aristotelis lib. de animalibus & piscibus hæc profert Athenæus. ὁ κίθαρος φησὶ καρχαρδύς, μνηρῆς, φυγογράφος, ἢ γλωττεῖν ἀπολελυμένος, καρδίαν λαλεῖν ἔχων καὶ πλατεῖαν. Citharus ferratis est dentibus, solitarii, alga vescitur, linguam solutam habet, cor album


Lib. 3. de anim.
facult.

Lib. 4. de hist.
cap. 8. & lib.
2. cap. 13.

& latum. Præterea Galenus citharo rhombum simile esse scripsit. Ex quibus colligo hunc verum citharū esse, quem hîc exhibemus, qui hodie Romæ satis frequens est, & folio nominatur. Cū enim piscibus à natura lingua data sit ὀστένης, ἢ σκληρὰ ἀπολελυμένη, ut ait Arist. id est, ossæa & non soluta, vel σκληρὰ ἢ ἀκαθάρτης ἢ προσεφυκτα, id est, dura spinea & adhærens, isq; vnicus sit ex planis cui lingua soluta sit, teste Aristotele, contra aliorum piscium naturā, rectè mihi videor hunc citharum esse affirmare. His adde notas reliquas, quæ aptissimè quadrant, quòd ferratos habeat dētes, quòd solus capiat, quod alga vescatur quemadmodū salpa, quòd fit, ut insuauiore sit carne quàm buglossum. Vnde Pherecrates apud Athenæū ὁ ἀγροβοὶ ἐνεστὶν ἐν κίθαρι τὶ κακόν. Est igitur citharus piscis planus rhombo, quodāmodo similis, buglossō similior, si squamas excipias, quæ in citharo sunt magnæ rhombi figura. A capite ad caudā linea tenuis ducta est. Partibus internis reliquis planis similis. Ex his liquet de citharo non rectè sensisse eum qui piscem à Gallis eglefinum siue eglefinū nominatum citharū esse crediderit: cū ex Galeno citharum planum piscem esse constet, linguamq; ei solutā esse. Quæ eglefino nullo modo conueniunt. Lōgè grauior est, minimèq; dissimulandus error illius qui citharum cum cantharo cōfundit, cū toto genere differant: nam cantharus litoralis est piscis, quem cum aurata, orpho, synodonte numerat Aristoteles: is enim similis est corporis figura, citharus verò planus piscis buglossō similis, vel rhombo Galeno autore, & cantena (sic enim à Massiliensibus citharum appellari scribit) non solum planus piscis non est, sed etiam carnis substantia, vita, moribus, à citharo plurimū differt.

Lib. 8. de hist.
anim. cap. 13.

De Citharo flauo siue aspero.



CAPUT VI.



ALTERIVS Cithari ex Archetrato meminit *Libroz.*
 Athenæus rufi siue subflauī, qui assandus est, caseo
 multo oleoque condiendus, quique sine sumptu ap-
 parari non potest, prior verò albus, & in aqua salēque
 multo elixandus, additis herbis. Versuum Archestra-
 ti hic ferè sensus est, qui cū apud Athenæum satis mendosè legan-
 tur, sic restitui possunt:

Κίθαρον δὲ κελεύω

Ἄν μὲν λαχὼς ἔῃ, σάρκι στερεὸς τε πεφύκη

Ἐφεῖν εἰς ἀλμυρὸν καθαράν, καὶ φύλλα καθέντα.

Ἄν δ' ἢ πυρρὸς ἰδεῖν, ἔ μὴ λίαν μέγας, ὁππότεν,

Ὀρθῇ κενήσαντα δέμης νεοθηγεῖ μαχαίρῃ,


Καὶ πολλὰ πρῶν, καὶ ἐλαίῳ τῶτον ἀλίσσει.

Χαίρει γὰρ δαπανώμενος ὄρων, ἔστι δ' ἀγέλαστος.

Hunc citharum esse puto, qui asper etiam dici potest: est enim su-
 periori figurā similis: lingua magis soluta, oris scissura magna, denti-
 bus ferratis, squamis intectus rotundis, asperis. Virgam habet à ca-
 pite ad caudam protensam, latiusculam, maioribus squamis constan-
 tem. Partibus internis superioribus similis est. Is Venetiis reper-
 tur optimus. Sunt qui verum buglossum esse credant, nec sine ratio-
 ne, non ob figuram solum sed etiam ob asperitatem. Est enim bouis
 lingua magna & aspera, vnde & buglossum herba vulgo borrago ap-
 pellata, & à figura, & ab asperitate. Licebit igitur mea quidem senten-
 tia hunc piscem verum citharum esse rufum siue asperum existimare,
 vel buglossi nomine comprehendere, de cuius differentiis postea dice-
 mus. Alianus citharum quidem buglossum similem esse prodidit, sed
 eū qui in mari rubro nascitur, corporis pigmentis à nostro diuersum.
 In mari rubro, inquit, piscis nascitur, cuius corpus ita figuratum est, ut

similitudinem lingulacæ eius latitudo gerere feratur. Squamæ non magnam tangenti asperitatem habent, subaureo est colore, & lineis à summo vertice capitis ad extremam caudam sic distinguitur, vt eas citharæ fidiculas contentas esse dicas, vnde is citharus appellatur. Os illi pectus it, & subfidit, idémque nigerrimum est, atque cingulo croceo circumligatur, vertex varietate distinguitur, fulgore aureo & nigris quibusdam lineis. Cauda est nigra præter extrema, ea enim candidissimo colore asperguntur. Alij item picti nasci dicuntur, toto corpore purpurei, certis interuallis aureolas lineas possidentes: eorum verò caput cingulis violaceis illustratur, vno quod est ante oculos ab branchias pertinente: altero secundum oculos vsque ad medium caput excurrente: alio autem tanquam monili sic collum circumplicante. Hæc pictura vice ex Æliano transcripsimus, vt citharorum rubri maris iconem animo concipiant studiosi.

De Passere.



CAPUT VII.

Lib. 2. de hist.
anima. ca. 15.



PISCIS Ψῆττα à Græcis, à Latinis passer dicitur. Piscis alius τρεχὺς, id est, passer, ab Aristotele dici videtur, cùm de felle piscium loquitur: Οἷδ' ἐ' ἄλλοις πρὸς τοῖς ἐντέροις, οἱ μὲν πορρώτερον, οἷδ' ἐγγύτερον οἶον βάτραχος, ἑλμαψ, σιναιχίς, σμύρανα, ξιφίας, χελιδὼν, τρεχὺς. In aliis fel intestino hæret, his propius, illis remotius à iecore, vt in rana, ellope, synagride, muræna, gladio, hirundine, passere. Sed hoc loco hirundinem & passerem expungi oportere cenſeo. Suspicionis huius occasionem mihi præbet primum Gazæ conuersio, in qua hæc omiſſa sunt: deinde ex ſententia, quæ proximè ſequitur,
huc

huc translata esse videntur duo hæc nomina, quæ pro auibus non pro piscibus posita sunt. Sed ad Psettam reuertamur, quæ ab Italis nostrisque *plane*, ab alijs *platuse*, à Gallis *plye* nominatur. Piscis est rhombo figura similis, sed contractior, buglosso latior. In parte prona fuscaque oculos habet. Pinnæ totum ferè corpus ambiunt. Cauda in vnicam, latamque definit. A capite ad caudam, linea parum sinuosa per medium corpus ducta est. Os paruum habet buglosi modo, sine dentibus, cuius situ à rhombis differt. si enim passerem ita erigas in latus, vt maxilla inferior humum versus spectet, supina pars, laua erit, prona verò dextra. Contrà in rhombis quibus eodem modo in latus erectis supina pars dextra erit, prona, sinistra. Plin. Marinorum alijs sunt plani, vt rhombi, soleæ, passeret, qui à rhombis situ tantum corporum differunt: dexter resupinatus est illis, passeri læuus. Partibus internis rhombo similis est. Stagna subit & fluuios: delectatur enim aqua dulci. In stagno nostro magna passerum captura est hyeme. In Ligeri flumine saepe etiam capiuntur, minus nigri molliorèsq; marinis, qui proculdubio non genere, sed alimenti varietate solum à marinis differunt. In hoc genere mas est, & fœmina: in alijs enim oua, in alijs semen reperitur, quod lac vulgus appellat, quia lactis instar candidum est, quod propter Aristotelem, dico qui hæc literis prodidit. *ἐν τῷ ἑνὶ καὶ δύο περὶ ἐν τοῖς ὁσπράχοις καὶ φύλοις, ὅτι μὴ τίτλον ἔστι τῶν γενῶν, ὅτι ὁ χέρον ἐκ ἐστὶ. ἔτι καὶ ἐν τοῖς ἰχθύσι δὲ τῶν ψιττῶν γένος, ὅτι τῶν ἐρυθρίων, καὶ αἱ χέρον τῶν πάντων καὶ τοιαῦτα ὡς φαίνεται ἔχοντα.* In testaceis & stirpibus est quod pariat & generet, quod autem maris officio fungatur deest. Sic etiam inter pisces, genus passerum & rubellionum & chanarum: oua enim in his omnibus reperiuntur. Quod si de omni passerum genere intelligatur, falsum esse experientia docet. Hyeme ventrem ouis distentum habet passer, idque potissimum obseruant qui emunt: oua enim meliora suauioraque ipsa carne habentur. Passer vere parit. In Gallia rarius cū ouis capitur, in nostro litore ferè semper. Cuius rei ea est causa, vt arbitror, quod piscatores nostri in stagno tantum hyeme piscantur, quo fœminæ pariendi causa subeunt: in Gallia in mari tantum piscantur, mares potius quàm fœminas, quæ ouorum copia pressæ in imo latent. Passeres & plani omnes in limosis locis sceleriter proueniunt, vt annotauit Columella, ob eam causam in stagna nostra se è mari recipiunt. In Oceano verò planorum omnis generis maxima est copia. Vidimus Antuerpiæ in taberna quadam passerum planorumque piscium omnis generis, exiccatorum tantam copiam quanta cuiquam credibilis esse queat. Latent enim in arena & limo ob id reciprocante Oceano faciliè capiuntur. Passeres marini minus humida mollique sunt carne quàm qui in stagnis

Lib. 9. cap. 20.

Lib. 4. de hist. anim. cap. 21.

Ee

Lib. 3. de Ali
men. facul.

vixerunt, qui præter quàm quòd molles sunt, lutum etiam resipiunt. Molliores sunt, & ferè insipidi in dulcibus aquis educati. Præferendi itaque sunt omnibus marini. Secundum locum obtinent in stagnis versati. Postremum fluuiatiles: à nostris friguntur in sartagine, & pro bono, gratòque cibo habentur. Galenus psettam buglossò similem esse annotauit, non tamen eiusdem planè esse generis: mollius enim, cibòq; gratius, denique omnino melius esse buglossum psetta.

De alia Passeris specie.



CAPUT VIII.

Lib. 4. c. 11.

PASSEREM pro vnica piscis plani specie cum veteribus autoribus superiori capite vsurpauimus. Nunc si pro genere accipiamus cui species aliquot subsint, de quibus deinceps dicemus, nihil absurdi nos facturos arbitror: nam Aristot. ὁ τῶν ἰσθίων γένος constituit LIB. de Histo. animal. & τὰς ἰσθιοειδεῖς LIB. de animalium ingressu omnes eos appellat, qui plani cùm sint oculos habet in prona parte, ideoq; ita natât, vt strabones ingrediûtur. Omnes igitur huiusmodi plani dicti sunt passeris, à colore passerû auîû: nã parte supina albicant, prona fusci sunt, & terrei coloris, instar passerum auium. Igitur passerum generi cum planû subiicimus qui *quarrelet* à Gallis, id est, verbum è verbo quadratulus nominatur. Sunt qui cum hoc tantùm nomine appellent, cùm minor est, quum verò senuit *plye*. Ego verò specie hunc ab illo differre existimo: magis enim quadrata est forma is qui ab ea quadratulus nuncupatur, maculasque rufas siue substantias plures habet. Totus læuis est. Carne candida, molli, valde humida. Huius magna copia in Oceano capitur.

De Pas

De Passere aspero siue squamoso.




CAPUT IX.



CEANVM mare planis piscibus abundat, in quibus numeratur passerum species, quæ à Gallis *limande* vocatur, ab Anglis *brut*, squamis, asperitatēq; à superiore differens. Flauas maculas in pinnis quæ corpus ambiūt & in reliquo corpore habet. Linea corpus interfecans sinuosa, in passere nostro rectior est. Carne est candida, humida, molli, minùs tamen quàm superior, parum glutinosa, non multùm buglossis inferiore. Antuerpiani exiccatos vendunt, magnòque suo lucro alio couuehendos curant. Cap. 72

De Passeris tertia specie.




CAPUT X.



ST & alius piscis planus passerum generi subiiciendus *flez* à Gallis nominatus. Squamis paruis integitur. Colore est nigro. In corpore pinnisque id ambientibus maculas rufas habet. Ossiculis munitus est in capite, mediòque corpore, in parte

supina. Carne est candida & molli. Hac, & superiore passerum specie mare nostrū prorsus caret, ac fuisse vtrunque veteribus incognitam affirmare aulim: quia ad Oceanum vsque non penetrauerunt, nec in Oceani piscibus cognoscendis operam studiūque posuerunt. Sunt qui *flez* fluuiatilem piscem esse putent. Quòd si intelligant in fluuiis nasci & viuere, id planè falsum est, nam in mari reperitur. Quòd si in mari natum flumina subire sentiāt rectè dicunt. Non solū enim hæc, sed etiam aliæ passerum species in fluuios migrant. Istius species duæ videntur esse, vna minor quæ *flez* dicitur, altera maior quæ *fletelet*, etiam si diminutiuum nomen id esse videatur, ab Anglis *helbut*, nostris litoribus incognitus, in Anglia frequens, Lutetiæ rarus, & ob raritatem solū commendatior, neque enim priore salubrior, delicatiôrve est, sed paulò duriore carne.

De Buglossò.



CAPUT XI.

Libro 7.



In alicuticò.

SVBIUNGIMVS rhombis passeribúsque buglossa: nam victus ratione locoque cōueniunt, & vt apud Athenæum scripsit Speusippus LIB. II. similitum. Similes pisces sunt pletta, buglossum, tænia. Huius generis species aliquot constituimus, quæ deinceps exequemur. Ac primū de buglossò propriè sic appellato dicemus. Βλῆγλωττε καὶ βῆγλωσσα. Βλῆγλωττον ἔστι βῆγλωσσον vel βῆγλωσος à Græcis dicebatur, hodie γλῶττε. A Varrone & Plauto lingulaca, à linguæ figura, quæ Græcis est γλῶττε, cui βῆ particulam additam fuisse puto, vt magnitudinem potius quàm bubulæ linguæ figuram significet. A Plinio solea. Item ab Ouidio,

*Fulgentes soleæ candore & concolor illis
Passer.*


A figura soleæ quæ solo pedis subiicitur. In tota Gallia *sole*, in Hispania *linguado*, Romæ *linguata*, Venetiis *ssfoia* à folij alicuius maioris si

ris similitudine. Solea piscis est planus tenuis, longiore contractio-
 réque corpore quàm passer, ita ut passer inter soleas & rhombos me-
 dius sit, pedali magnitudine, vel maiore in Oceano, supina parte
 candida: prona nigricante in qua oculi insunt. Ore est incuruo, sine
 dentibus. Branchias quatuor, cor compressum, denique viscera om-
 nia eadē cum passeribus habet. Squamis tegitur paruis. Linea recta à
 capite ad caudam ducta est. Corpus sepiunt pinnae breues, quarum
 altera à capite ad caudam continuatur, altera è regione podicis, nō
 procul à branchiis distantis orta, itidem ad caudam vsque protendi-
 tur. Hæ colorem à proxima parte mutantur: Etenim parte supina
 candida sunt, prona nigricant. Similiter & quæ ad branchias sunt, &
 in ventre. Cauda lata est, vnica pinna constans. Fel in hepate habet
 aduersus suffusiones vtile. Hyeme vado maris excauato conduntur,
 torpedo, solea, & psetta autore Plinio. Frigus igitur solea pertime- *Lib. 9. ca. 19.*
 scit, tum quia lapides in cerebro habet, tum quia corpore est tenui.
 Carne est dura, & nonnihil glutinosa, quæ ob id difficilè corruppi-
 tur, diutius seruatur, neq; longa vectura putrescit, imò melior effici-
 tur & salubrior. Id verissimum esse iudicabunt ij qui diligentius o-
 mnia expendunt, quibûsque sapit palatum. Hinc fit ut Lutetiæ sapi-
 diores melioresque sint solea quàm in ipso litore. Nam caro omnis
 calore externo primùm tenerescit, eiûsque sapor ille dilutus, & ut ita
 dicam ferè insipidus, acrimoniam quādam non ingratam acquirit,
 postremò putrescit, molestaque acrimonia linguam, palatūque
 torquet, qua tamen acrimonia quidam delectantur, quibus stupi-
 dus est, hebesque gustatus sensus. Et maris nostri solea Lugduni me-
 liores quàm in Montepelio, vbi sapius viuæ adhuc coquantur: quam
 ob causam duriores sunt, difficiliorisque concoctionis. Galenus simi- *Lib. 3. de fac.
alimenti.*
 les quodammodo inter se esse passerem & soleam scribit, non tamen
 omnino eiûdem esse speciei. Soleam enim molliorem esse, ciboque
 suauiore, ac omnino passere præstantiorem. Suauitate quidem, ali-
 menti copia, succi bonitate solea præstantior est. At carne duriore
 solidiorēque esse experientia sensûsque conuincunt. Neque verò est
 quòd quis de buglosso dubitet, is ne sit quem descripsimus: omnia e-
 nim ad amussim cōueniunt, omniū etiā qui hætenus de piscibus ali-
 quid literis mandarunt, consensu. Neque quicquam obstat Athenæi
 locus ex Aristotelis *LIB. de animali.* hæc citantis (ελάχι, φησι, βῆς, τρυ- *Libri 7.*
 γων, γαρίκη, βαλῆς, βῆλαχος, βῆγλωττα, ψιττα, μῦς. Cartilaginea sunt, inquit,
 bos, pastinaca, torpedo, raia, rana, solea, passer, mus. Nemo est enim
 qui statim nō iudicet, locū esse corruptum, cū neque Aristo. neque
 Plinius, neque vlli alij qui in piscium cognitione exercitati fuerunt,
 quique diligenter cartilagineos pisces enumerarunt, in eorum nu-
 merum buglossum vel passerem reposuerint, quibus utpote peritio-

Lib. 4. de in-
terpret. somn.

ribus fidem adhibendā esse iudico potius quā. Æliano, & Artemi-
doro, qui non satis rectè cartilagineos definierunt. Cartilaginea vo-
cantur, inquit Ælianus, quæ squamis carent, vt murena, conger, tor-
pedo, pastinaca, bos, mustellus, delphinus, balæna: hæc enim sola
sunt de aquatilibus viuipara. At murena spinas habet non cartilagi-
nem, nisi murenam fluuiatilem intelligat. Delphinus verò & balæ-
na, neque spinas, neque cartilaginem propriè habere dicuntur, sed
solida ossa terrenarum animantium modo. Artemidorus verò. Qui-
cunque, inquit, pisces cartilaginei sunt, ex his longi omnes vanū la-
borem significant, & quæ speramus non perficiunt, quoniā elabun-
tur, & squamas non habent, quæ corpori circumlitæ sunt, veluti ho-
minibus, colores. Sunt autem hi. Murena, anguilla, congrus. Quibus
reiectis Aristotelem, Pliniūque excellētis doctrinæ viros, & rerum
cognitione præstantes sequimur, ex quorum sententia buglossus, &
passer plani quidem sunt pisces, sed spinosi, & non cartilaginei.

De Solea oculata.



CAPUT XII.




Lib. 7.

P E C I E M Buglossi alteram facimus eam quæ
Mafsiliæ satis frequens est, quæque illic & apud nos
pegoufe dicitur, à squamarum vt arbitror tenacitate,
ita enim tenaciter hærent, vt nisi diu in aqua calida
maduerint, desquamari non possit. Est aliis soleis cor-
poris habitu, & partibus internis omnino similis, sed in prona parte
maculas habet magnas, oculorum effigiem cum iride & pupilla re-
ferentes. Vnde soleam oculatam appellandam esse censeo, quemad-
modum torpedinis oculatæ, item raiæ oculatæ species vna est. Huius
mentionem nullā à veteribus factam fuisse comperio, nisi quis eam
esse dicat, quam Athenæus *ἐχάρον* vel *χέρον*, ex Dorione vocat. *Δω-
ρίων ὁ ἐν τῷ περὶ ἰχθύων γράφει. τῶν δὲ πλατείων βέλγωντιον, ψήτταν, ἐχάρον, ὃν
καλεῖται καὶ χέρον.* Sed hoc aliis æstimandum relinquo.

De Cy


De Cynoglossio.



CAPUT XIII.

PLANNVM piscem quem hîc exhibemus qui *pole* à Gallis nominatur, necesse esse inter buglossi species numerare forma ipsa satis arguit, qua buglossi planè similis est. Est tamen corpore spissiore & breviorè, squamis tegitur parvis, in ambitu serratis. Colore est fusco. ut rhombus à passere, ita hîc à prima buglossi specie differt situ corporis, necnon sapore. Verus enim buglossus suavi est sapore, & perdici comparatur, quemadmodum rhombus phasianus. At hic insuaue quiddam & graue redolet, quod inter edendum facillè percipiunt ij, qui vel veræ soleæ ignorantia, vel pretio paruo inducti hunc pro illa emunt. Sunt qui non nisi pabuli ratione differre credant, quod equidem non probo. Etenim si pabuli varietas saporem, succumque immutare potest, non ita ad corporis habitum formamque immutandam nullam vim habet. De colore nihil dico, qui pro alimentorû differentia variari potest. Quare cum victus ratione, notisque aliis quas supraposui piscis hic à buglossio dissideat, rectè aliam à buglossio speciem constitui-
mus. Ea fortasse est quàm Epicharmus apud Athenæum *κυβγλωσσον* Libro 7. *Cyn* appellauit. Vel si Epicharmi *κυβγλωσσον* non sit (nihil enim certi ex tam paucis verbis Epicharmi ab Athenæo citatis colligi potest) optimo quidem iure, ut à cæteris buglossi generibus distinguatur, cynoglossum nuncupabimus, neque aliud est genus cui nomen hoc aptius quadret. Est autem cynoglossum carne dura, glutinosa, difficiliorisque concoctionis, ferinique saporis, ob algas, herbâsque alias quibus vescitur. In mari nostro non reperitur. In Oceano frequens est. Sunt qui similitudine decepti in mari nostro capi putent, eumque esse piscem quem Mafsilienses *seruantin* vocant. Sed hoc suo loco refellemus.

De Arnoglossō.




CAPUT XIII.



ARNOGLOSSVS læuis siue Arnoglossus simpliciter ea buglosi species à nobis vocatur, quæ squamis carere videtur, prorsusque læuis esse. Nam vt plantagini herbæ à figura vel foliorum læuitate, arnoglosi, id est, agninæ linguæ nomen positum est, ita species hæc arnoglossus à læuitate vel figura rectè nominabitur, quæ à nostris *perpeire* vocatur. Est reuera ex buglossorum genere, quod corporis habitus, figuræque indicat. A cæteris differt, quod multis squamis tenuissimis, & statim deciduis integatur, vt meritò læuis dici possit, tenuisque tantum cute opertus esse videatur. Corpore est valde gracili, pellucido, candido. Carne est tenera, delicata, palmi magnitudinem nunquam attingit. Statim atque ignem vidit coctus est, quem admodum aphyæ. Sunt qui hæc buglosi speciem tæniæ esse existimauerunt, hæc tantum moti cōiectura, quod tæniæ, psetta & buglossum similia sunt autore Speusippo LIB. II. similia. Sed hæc sententia faciliè conuellitur Aristotelis autoritate, qui tæniæ pinna duas duntaxat tribuit, cum hæc species quatuor habeat, duas ad branchias, duas alias quæ corpus sepiunt, quemadmodum in buglossō.

*Lib. 7. de Hist.
animal. ca. 13.*

De Solea parua siue lingula.




CAPUT XV.



HANC Buglosi parui speciem diminutio nomine lingulam appellamus, quod sit buglossorū omnium, quæ à linguæ figura nomen traxerunt, minima. Neque debet existimare aliquis maiorum fœturam esse. Certamen nota à buglossis omnibus discernitur. Est enim

enim piscis planus buglossis reliquis specie quidem similis, sed semper paruus, dodrantalem magnitudinem nunquam excedens. Linea quæ corpus dirimit, spinamque firmat vel tuetur, ex squamis contexta est longè eminentioribus quàm in toto corpore, dempta ea parte quæ circa maxillam inferiorem est. Duriore est carne quàm buglossus læuis, glutinosique nonnihil habet. satis rarus est piscis, & ob corporis tenuitatem vilis. Solent enim magni corpulentique pisces probari, parui verò reiici, nisi ex Aphyarum sint genere, ut vna cum spinis edantur. Exigui alij quibus eximendæ sunt spinæ molesti.

De Hippoglossio.




CAPUT XVI.

HIPPOGLOSSVM vocamus buglossi speciem quam Galli *flettan* appellant, quod fluitando natet, ut opinor. Huius nomen nullus apud Aristot. Plin. Opi-
pianum requirat: veteribus enim incognitus fuit, Oceani tantùm accolis notus. Quare huic pro ipsius natura nouum nomen imposuimus, quod faciendū esse cēsent Plato & Galen. Hippoglossum igitur à nobis vocatur, quòd buglossa omnia magnitudine superet. Græci enim rei magnitudinem indicant βε & ἵππο particulis, ut in ἵππο(ε)λίω, ἵππομαράθρω. Sic hippoglossum dicimus à magnitudine non à similitudine cū hippoglossio herba. Quod autem buglossi species sit hippoglossum nostrū, nemo est qui non statim primo aspectu iudicet: oblongo enim cōtractoq; est corpore, altera parte candido, altera nigricāte, in qua oculi siti sunt. Ore est cōtorto, dentibus munito cithari modo, quibus buglossi carent. Pinnæ corpus ambiunt, ut breuiter dicam. Buglossus est cetaceus. Vidimus enim hippoglossum quatuor cubitos longū. Carne est dura sed suaui, ad rhombi naturā proximè accedente. Ossā spongiosa habet, qui-

bus inest medulla, quæ à cupediarum amatoribus expetitur. Piscis est maris Oceani. Antuerpiæ salitus & in frusta dissectus venditur. Capitur etiã sæpe in Oceano iuxta Gallia Boloniã. Ibi huius frusta farinæ massa pbe subacta & pista inclusa aromatîsq; cõdita in furno coquant, vt diutius seruari possint, & asportari. Hæ sunt oēs buglosi species quas vidisse contigit, quæ cum oēs veteribus cognitæ nõ fuerint, nemini mirum videri debet, si pro rei natura noua nomina fecerim.

De Tania.




CAPUT XVII.



TANIA Græcis fascia est, qua in significatione Galenus, & Hippocrates in LIB. de fracturis vsus est sæpius. Significat & redimiculum seu vittã, qua puellæ nostræ capillos redimire solent, quam seruati Latini nominis vestigiis nostri *vette* vocât. Sed à fasciarum similitudine dicuntur taniæ lapides sub aquis candicantes, in longum porrecti, quales sunt in sinu maris nostri nõ procul ab ostiis Rhodani à nautis formidati, quas Græci vocabuli imitatione *tiniez* appellant. Ab eadem fasciæ similitudine piscis *Tania* vocatur, quem Gaza vittam interpretatus est. Plinius taniæ vocabulum retinuit. A nostris piscatoribus *flambo* vocatur, id est, flamma, quia colore est rufo, siue flammeo, vel quia quum natat flammæ modo moueatur, & flectatur. A quibusdam *spase*, id est, ensis nominatur, à figura. Capite enim lato est, reliquo corpore in acutum paulatim desinente. Taniæ differentias duas obseruaui. Vna vera est Aristotelis tania. Alteram similitudinis causa taniam etiam vocabimus. De tania Aristotelis prius dicemus. Piscis est fasciæ similis, id est, longo, tenui, strictoque corpore, ac flexibili longorum piscium instar, corporis tenuitate, carnis sapore & candore buglossi similis. Capite est depresso, ossibus multis constante. Oculis magnis, rotundis, pupilla exigua. Ad branchias pinna vtrinque vnica, ad natandum data. In prona parte villos habet, ad caudam vsque, & in eisdem cauda terminatur. Tantiæ est tenuitatis vt ossa vertebrarum spinæque quibus firmatur, carne non recta appareant. Crassum lentumque succû gignit, quia carne est dura, & glutinosa, cuiusmodi sunt longi omnes qui flexuoso corporum impulsu vtuntur. Philothrum palpebrarum fieri ex taniæ iccore sicca

ficcato, cum oleo cedrino perunctis pilis, autor est Plinius. Hanc veram Aristotelis tæniā esse affirmamus, quia tenuis, longa, candida, Lib. 32. cap. 71
 pinnas duas duntaxat habens, vt scribit Aristoteles: Lib. 2. de hist. anim. ca. 133
 τὴν τετραπύρρον ἔχει, οἱ δὲ πορμήκεις οἶον ἐγγέλους δύο, ὅντα πρὸς τὰ
 βράγχια, ὁμοίως δὲ κερταῖς, οἶον ἐν σφαῖς οἱ ἐν τῇ λίμνῃ. δύο, καὶ ἡ κα-
 λαμένη τῆνις ὁμοίως. Pisces plurimi pinnas quaternas habent, longi
 autem vt anguilla binas, iuxta branchias, & mugiles lacus sipharum
 itidem binas, similiter & quæ tænia dicitur. Præterea buglosso simi-
 lis est teste Speusippo, sed hoc differt quod oculos in prona parte
 non habeat, sed vtrinque vnum.

De altera Tæniæ specie.




CAPUT XVIII.



A I N I' A alia est cui nomen hoc, vel fasciæ aptis-
 simè quadrat: est enim tenuis & longissīma, quippe
 quæ ad duūm triūmve cubitorum longitudinem ac-
 crescat. Corporis specie priori similis est, eo verò
 differt, quod præter pinnas quæ ad branchias sunt si-
 ta, duas alias habet sub maxilla inferiore rufas, cuius coloris sunt
 villi dorsi caudæque. Præterea quinque maculas habet in parte
 prona, purpureas rotundas, certo spatio à sese distantes, quales ferè
 in solea oculata. Squamis caret, aculeisq̃. Ob id fortasse de hac in-
 telligendus Oppiani locus τῆνις ἀβλαχῆαι, id est, imbecillæ. Colo-
 re est argenteo. Ventriculum magnum habet, & longum. Intestina
 recta, sine vllis gyris ad anum porrecta. Cor compressum. Hepar ex
 albo rubescens. Lien & fel vix ob paruitatem apparent. Carne est
 dura, glutinosa, malum succum gignente. Hanc tæniā, rectè dici
 perspicuè indicat corporis longa & fasciæ similis figura. Nam me-
 dici etiam longos latosque lumbricos τῆνις vocant, quæ etiam
 κείλαι dicuntur. Tæniā nostrā similem Pisis mihi ostendit Portius
 philosophus grauiissimū quam ad se è Gallia missā narrabat,
 sed carulea erat, dentibusque maioribus, quæ à pictore præter piscis
 naturā adiecta fuisse arbitror.

Lib. 1. de hist.
 τικῶν.

De Fabro siue Gallo marino.



CAPVT XIX.

DVBITAVI aliquando in quam piscium classẽ piscem hunc referrem. neque enim inter squamosos, neque inter cartilagineos, neque inter beluas rectẽ collocari potest, quoniam iis omnibus dissimilis est: neque inter *Surmulletus* recensendus, quippe qui vna parte candidus, altera, nigricans non sit, sed corpore concolore dempta vnica macula. A planis verò oculorum situ differt. At cum exigua sit hæc differentia, corporẽque plano sit, & figurã rhombo capite tenus quodammodo simili, non ineptẽ planis piscibus adnumerari posse videtur. Sequitur alia multoquẽ maior dubitatio, quo nimirum nomine piscis hic à veteribus nuncupatus sit. Variæ enim hac de re fuerunt sententiæ. Sunt qui *κέρσος* Athenæi esse suspicentur, sola nominis affinitate moti, quia à Romanis hodie *citula* nominatur. Sed iis, cum nulla prorsus ratione suspicionem hanc confirmet, assentiendum non arbitror. Idem aliquando *Acanthiam* esse putauerunt, ob dorsi aculeos, sed nõ sine magno errore. Cum *Acanthias* veterum Græcorum Latinorũque sententia, ex *Galeorum* sit genere, hic autẽ piscis de quo nunc agimus minimẽ sit *γολέμδης*. Quibusdam videtur esse *chalcis* de genere rhomborũ apud *Columellã*. Hinc esca latentiũ mollior esse debet, quàm saxatiliũ: nam quia dentibus carent, aut lambunt cibos, aut integros hauriunt, mandere quidem non possunt: itaq; preberi conuenit tabentes haleculas, & salibus exesam *chalcidem*, putrẽmque *sardinam*, nec minus *squalorum* branchias, & quicquid intestini *pelamys*, vel *lacertus* gerit. Ex his liquet *chalcidem* inter viles pisciculos numerari, qui ad aliorum escã in *Viuaria* coniiciebantur. Athenæus quoque *trichiis* & *thrisis* assimi-

Lib. 8. cap. 17

Lib. 7.

assimilat χαλκίδες ὅ καὶ τὰ ὅμοια θρίσσι, τριχίδες. & θρίσσι καὶ τὰ ὅμοια ^{lib.} χαλκίς καὶ ἐρέτιμος. Postremò hanc opinionem funditus evertit Aristotelis autoritas, qui chalcidem inter fluuiatiles pisces recenset. His igitur refutatis nostra quidem sententia, piscis iste fuerit qui ab Athenarum χαλκίς, à Calcide dissidens, vocatur: διαφέρει ὅ ὃ χαλκίδος ὁ χαλ-
 κίς. A Plinio faber siue Zeus. LIB. IX. Zeus, inquit, idem faber appellatur, & LIB. XXXII. faber siue Zeus. A Malsiliensibus trueie, quia dum capitur, suum more grunnit. In Lerino insula, & Antipoli rode vocatur, id est, rota, quia rotæ modo rotundus ferè sit, rostro non exerto nec hiantè, & in medio corpore maculam nigrâ habeat, veluti centrum. Caue autem rotam Plinij hîc accipias: eam enim inter vastissimas beluas commemorat. Apparent rotæ appellatæ à similitudine, quaternis distinctæ radiis, modiolos earum oculis duobus vtrinque claudentibus. Romæ piscis hic noster citula, vt dictum est, & piscis sancti Petri cognominatur. ferunt hunc piscem fuisse quem iubente Christo D. Petrus ceperit, vt in eius ore numisma pro tributo reperiret, vnde digitorum impressorum vestigia in medio corpore relicta fuerunt. Galli doree vocant, ab aureo laterum colore. Nostri cum Hispanis gal. Santones & Baionenses iau, id est, gallum à dorsi pinnis surrectis, veluti gallorum gallinaceorum cristis. Græci hodie χειρόφοροι, aiuntque Christophorum, dum Christum humeris gestâs, mare traiceret, piscem hunc apprehendisse, & impressa digitorum vestigia reliquisse. Faber piscis est planus, vel certè compresso admodum corpore, varij coloris: caput enim & dorsum obscura sunt, pinna nigricant, latera aurea sunt. In medio corpore nigram maculam habet vtrinque minimi nûmuli magnitudine. Squamis tegitur tam paruis tenuibusque, vt nisi digito scalpas, vix appareant, læuique corpore esse videatur. Linea obliqua à capite ad caudam ducta est. Oculum vnum vtrinque magnum habet. Supra oculos aculei duo sunt acuti. Spina dorsi decem aculeis inæqualibus firmatur, postremi minimi sunt, primi maiores, medij maximi. Inter binos aculeos eminent veluti pili longissimi, setis porcinis similes, ad quorum radices ossicula sunt, veluti clauis bifidi & inæquales, quorû alter in anteriorem, alter in posteriorem partem vergit, è quorum medio nascitur pinna tenuibus radiis contexta, vsque ad caudam protensa. Huic similis alia est in ventre pinna, quinque tantum aculeis constans. Pars ventris, vtrinque ossibus instar acuti cultri scætibus firmatur. Ex ea duæ longissimæ pinnae propèdunt. Duæ sunt aliæ ad brachias. Cauda in vnicam desinit. Ore est admodum hiantè. Branchias quaternas habet. Gulam manifestam. Intestina tenuia in gyros cōuoluta. Hepar candidum sine felle. Lienem rubescentem, exiguum, mesenterio hærentem. Inter intestina oua rubra latent. Cordis pars infima rubet, suprema

quemadmodum & media ex albo rubescit, quòd in paucis piscibus spectatur. Carne est minus dura quàm rhombus. Non desunt qui orthrororiscum Lacedemoniorum esse putent, & porcum marinum Lib. 3. cap. 2. Latinorum, nec sine ratione, nempe quod gruniat dum capitur. Plinius. Appion maximum piscium esse tradit porcum, quem Lacedemonij orthrororiscum vocant, grunnire eum quum capiatur. Eandem sententiam confirmant dorfi spinæ, quas idem Plinius porco marino tribuit. Inter venena sunt piscium porci marini, spinæ in dorso, cruciatu magno laserum remedium est limus ex reliquo piscium eorum corpore. Sed cum porcus vel orthrororiscus in maximis piscibus habeatur, is esse non potest de quo nunc loquimur, & si satis magnum in Oceano captum Antuerpiæ viderim. Duo sunt quibus à nostra sententia deduci aliquis possit. Vnum est quod faber ab atræ fuliginis colore dictus esse videatur, idque ab Oppiano indicari his verbis.

Πέτρας ἄργον ἔχουσαν ἐφέστιον, ἣ δὲ σκυλίαν,
καλὰ καὶ χρυσῶν ἐπὶ τῷ μὲν αἰθροπὶ χρυσῷ

Sed quod de nigro colore hic dicitur, ad coracinum solum referendum esse perspicue liquet ei, qui versus rectè distinxerit. Alterum est quod Columellæ Gadiū freto, & Atlantico mari fabrū proprium Lib. 8. esse placet. Vt litorum sic & fretorum differentias nosse oportet, ne nos alienigeni pisces decipiant: non enim omni mari potest omnis esse, ut elops qui Pamphylio profundo, nec alio pascitur, ut Atlantico faber, qui & in nostro Gadiū municipio generosissimis piscibus adnumeratur, cumque prisca consuetudine Zeum appellamus. Quæ sit accipienda esse puto, ut maximè in Atlantico mari, & Gaditano freto reperitur faber, illicque potius quàm alibi principatū obtineat, non Lib. 9. cap. 18. quod nullo alio in loco nascatur. Quod Plinij autoritate confirmatur. Et hæc natura ut alij alibi pisces principatum obtineant, coracinus in Ægypto, Zeus idem faber gadibus. Non equidem diffiteor pisces quosdam esse, qui quibusdam in litoribus solum aut fluuiis aut lacubus reperiantur. At plurimos etiam pisces esse constat, certis locis à veteribus assignatos, qui aliis in partibus maris etiam tum capiebantur, vel postea capti sunt: ita tamè antiquorum literis proditum fuit, vel quia horum locorum pisces optimos & frequentissimos, alibi rarissimos celebrare voluerunt, vel quia indigenarum incuria, aliarum maris partium siue aliarum aquarum, quas ipsi non perlustrauerant, pisces ignoti erant. Quare cum nulla satis firma ratio esse videatur quæ propositam sententiam possit conuellere, in ea permaneo, veterumque fabrum seu Zeum esse puto, qui hoc capite descriptus fuit.

Gulielmi




G V L I E L M I
R O N D E L E T I I
D E P I S C I B V S

LIBER XII.

53

De Pastinaca.



CAPUT I.



DLANOS Pisces in duo genera distinxi-
mus: alios enim spinas habere diximus, alios
pro spinis cartilaginem: sic enim quæ *χον-
δράχοντα* Aristoteli dicuntur, interpreta-
tur Plinius. Eadem *σελάχη* & *σελαχόδη* Ari-
stoteles appellauit primus, ἀπὸ τοῦ σέλας ἔχον,
autore Galeno, quod noctu cutis eorum
splendeat. Latine cartilaginea Plinio auto-
re dicimus. Cartilagineorum alij plani sunt,
alij longi. De planis hoc libro tractabimus, in quibus habentur
pastinacæ, torpedinum, raiaarum species, alique pisces memora-
tu dignissimi. Ac primum de pastinaca, quæ notas virêsq̃ maximè

*Li. 3. de Hist.
animal. ca. 7.
Plinius lib. 9.
cap. 24.*

*Lib. 3. de alim.
facult.
Ibidem.*

Lib. 9. cap. 48.
in hexamero.

Cap. 7.

Cap. 27.

Lib. 3. cap. 59.

perspicuas & insignes habet, ipsoque nomine nostris & aliis satis cognita, cuius species duas esse dicimus: quanuis antiqui vnus duntaxat meminerint, vel ob similitudinem non distinxerint: neque enim facultatibus, neque caudæ aculeo differunt, sed rostro tantum & capite, vt postea declarabimus. *Τρυγών* Græcè dicitur, Latine pastinaca, ita vertente Plinio. Ambrosius turturem Latine expressit ad verbum, quem secuti sunt nonnulli, vt Martinus Gregorius medicus Græcè & Latine doctissimus, in libello Galeni de Attenuante victu, quem Latinum fecit. Nos cum Plinio & Cornelio Celso, quos Gaza etiam secutus est, pastinacam dicemus, cuius nominis vestigia secuti sunt nostri, qui *pastenago* vocant, Romani *bruccho*, Ligures *ferrazza*, Siculi *bastonago*, Massilienses *bougnette*, quia farina conspersa & in sartagine fricta, itrij genus quod vulgari lingua *bougnette* vocant, referat. Nonnulli Prouinciales *bastango* vel *vastango*. Flandri lingua sua muris caudam. Galli raiam ob similitudinem, quam cum raiis habet. Burdegalenses *tareronde*. Dalmatæ *laccizza*. Epicharmus *ἐπιδοκένσον*, quod in posteriore parte aculeo armata sit. Sunt qui columbam marinam appellent. Pastinacam à Latinis dictam puto, à caudæ colore, rotunditatēque pastinacæ radici simili. *Τρυγών* verò non à colore, vt quidam scripsit: nam piscis hic flauescit, sed ab alarum ex pansarum similitudine. Hic utile est studiosos lectores admoneri pastinacam marinam, & pro pisce, & pro herba à Cornelio Celso sumi, ne quis homonymia fallatur. Is enim libro sexto ita scribit: Plani piscis quem pastinacam nostri, *Τρυγών* Græci vocant, aculeus est, &c. & libro quinto remedia docens aduersus Italia serpentes. Italia, frigidiorēsque regiones, hac quoque parte salubritatem habent, quod minùs terribiles angues edunt, aduersus quos satis proficit herba betonica, vel cantabrica, vel centaurium, vel argemone, vel trissago, vel personatia, vel marina pastinaca, singulæ, binæve tritæ, & cum vino potui datæ, & super vulnus impostæ. Cum pastinacam marinam herbis adnumeret, easque terendas, & potui dandas esse præscribat, quæ de herbis propriè dicuntur, eam pro herba accipiendam puto. Sunt qui pastinacam erraticam pro marina legant, ego verò lectionem non mutandam censeo. Nam idem auctor lactucam marinam pro syluestri dixit, & quemadmodum brassicam marinam, ita pastinacam marinam dicere possumus. Quam cōtra serpentes prodesse etiam testis est Dioscorides. Serpentium morsibus, ictibusque prodest, inquit, præsumentes quoque nulla affici iniuria à serpentibus traduntur. Sed pastinacam piscem depingamus, vt à similibus internoscatur. Pastinaca piscis est planus, cartilagineus, læuis, sine squamis aculeisque in toto corpore, præterquam in cauda, in qua aculeum longum, acutum, vtrinque ferratum habet, quem

radium Plinius appellauit, Græci *κέληρον*, cuius dentes (sic enim fer-
 ræ scissuras Cicero pro Cluentio appellauit, & Columella denticu-
 latas falces dixit, & Plinius cancrorum forcipes denticulatas) ca-
 put versus reflectuntur, cui aliquando duo alij parui breuésque ad
 radicem adnascuntur. Cauda longissima est, læuis, flexibilis, caudæ
 muris persimilis: initio enim crassa paulatim in eam tenuitatē termi-
 natur, vt filum esse dicas. Improprie mihi videtur de radio pastinacæ
 locutus Dioscorides. *τρυγόνος θαλασσίας δ' κέντρον, ὃ δὴ ἀπὸ τῆς οὐρᾶς αὐτῆς*
πέφυκεν ἀνεστραμμένον τοῖς φολίσι, ὁ δὲ ὀνύχον ποιεῖν τῶν φολίων, θρύπτειν αὐτὸ καὶ
ἀποβάλλει, id est, marinæ pastinacæ radius, qui eius cauda enatus
 aduersis squamis reflectitur, dentium dolores mitigat: nam eos
 frangit & euocat. Vel aculei ferrati dentes ad caput spectantes
φολίδας appellat, vel pastinacæ tegumentum, id est, squamas, siue
 corticem, quorum alterum *φολίδες* nomine significari non po-
 test: alterum pastinacæ minimè competit. *φολίδες* enim proprie
 sunt *τῶν ὄφρων λεπίδες*, id est, serpentum squamæ, vel cortex me-
 lius, vt in Aristotele vertit Gaza, vnde *φωλιδολὰ* animalia vocat
 cortice intecta, quæ hyeme latent. Id apertissimè ostendit Alexan-
 der Aphrodis. in Problematis. *Πεζοῖς δὲ ζώοις τρίχας ἢ φύσις περιέ-*
βαλε, ἐρπετοῖς δὲ φολίδας, ἐνύδροις δὲ λεπίδας, ἢ ὄστρακα, id est, pi-
 lis gradientes bestias natura texit, serpentes cortice, aquatiles squa-
 mis vel testa. Quare cùm neque aculei ferrati dentes *φολίδες* dici
 possint, quod substantia sit dura, planèque ossæ, neque pastinaca
 cortice vel squamis intecta sit, aduersus quas à capite ad caudam
 versas radij dentes reflectantur, non possum non existimare, vel Dio-
 scoridis locum inemendatum esse, vel improprio vocabulo, aut ra-
 dij dentes, aut cutem læuam pastinacæ expressisse. Quæ reprehèn-
 dendi eius auctoris causa, cuius maximè sum studiosus, nemo à me
 dicta esse putet, sed annotandi tantùm loci gratia, ne vnica vocu-
 la à piscis huius cognitione lector diligens retardetur. Verùm pasti-
 nacæ picturam persequamur. Radij dentes quò propiores caudæ,
 eò maiores sunt, quod in causa est cur faciliùs penetret, difficiliùs au-
 tem educatur, ob reflexos dentes. Itaque si piscem pupugerit, tan-
 quam hamo retinet. Radius in media ferè est cauda, ex crassiore eius
 parte ortus. Rostrum in angulum acutum desinit, non venenatum vt
 Rauisius Textor scriptum reliquit, sed citra periculum edule est. Vene-
 num in radio est duntaxat, quam ob causam abscissa cauda vendi-
 tur, ne emptores inscij lædantur. Idem autor falsò scripsit, nullum
 esse huius veneni remedium, cùm multa sint à veteribus experientia
 comperta, & posteris tradita, quæ deinceps proferemus. Oculos in
 prona parte habet pastinaca. Os, foramina pro naribus, itè branchia-
 rum foramina in supina parte: quia neque in hoc pisce, neque alijs

*Lib. 3. de alim.
facult.*

cartilagineis planis, ob corporis tenuitatem, in lateribus collocari potuerunt, demptis squatina & rana. Partes in quibus branchiae sitae, flaccidae sunt, & carne vacuae. Quamobrem Galenus cartilagineis planis hoc commune esse scripsit, ut partes quae circa caudam sunt, carnosiores sint mediis partibus, quod torpedinibus maximè inest: videntur enim mediae ipsarum partes, veluti cartilaginem quandam tabidam habere, illud est circa branchias mucosum, vel ut modo diximus, flaccidum, quod *χρῆστος ζαχρηβόν*, id est, cartilaginem tabidam vocat: nam paulo infra quina branchiarum foramina, alia est cartilago dura ac ferè ossæ, quae naturales partes à spiritalibus separat, quam in pastinaca, torpedinibus, raiisque videre est. Pastinacæ os est paruum, interna oris regio ampla, sine dentibus, sed horum vice maxillae sunt asperae, ac ferè ossæ. Ventriculus factis ab ore dissitus, idcirco stomachus ei praëponitur. Paruus ventriculus, angustusque in oesophysum definit, à qua gracile breuèque intestinum dependet. Sequitur aliud initio angustius, quod sensim latius fit, sed priusquam maximè amplificetur, rursus angustatur, postremò in rectum intestinum definit, unde excrementa porracei coloris excernuntur, qualia in morbis quibusdam, & à pueris reici videmus. Iecur in lobos duos diuisum ex albo flauescit, cui fel adheret ex viridi flauescens. Vterus est oblongus, quo ova continentur. Pastinaca latitudine sua natat: pinnis enim caret, autore Aristotele.

*Lib. 1. de hist.
cap. 5. & libr.
9. cap. 20.*

Item Plinio. E planis aliqua non habent pinnas, ut pastinacæ: ipsa enim latitudine natant. In cauda pinnulam quidem habet. Sed Aristoteles & Plinius, quum de piscium pinnis loquuntur, eas quæ ad natandum impellendumque corpus datae sunt, intelligunt, non eas quæ vel ad tuendum corpus, vel ad dirigendam natationem conferunt. Non solum natat, sed etiam volat, si Eliano credimus, quum enim, inquit, natandi cupiditate affecta est, natare potest, quum rursus volandi studio tenetur, sursum versus sublimis volat. Latera in tenuem quandam substantiam, & branchiarum substantiae similem definiunt. In cœnosis locis non procul à litoribus degit, vescitur piscium carne, quos non robore sed astu & solertia caput. Plinius. Pastinaca latrocinatur ex occulto, transeuntes radio (quod telum est ei) figens. argumentum solertiae huius, quod tardissimi piscium hi, mugilem velocissimum omnium habentes in ventre reperiuntur. Coeunt pastinacæ, non solum ad motus supinis partibus, sed etiam tergo foeminarum supinis marium superpositis: cauda enim cum valde crassa non sit, impedimento esse non potest. Foetus verò non recipiunt, ut nec raiæ ob caudæ asperitatem, ut auctor est Aristoteles. Verum in Pastinacis caudæ asperitas, de aculeo tantum intelligenda est: praeter hunc enim tota cauda laevis, in raiis verò tota aspera.

Radij

Radij pastinacæ miras vires tradit Oppianus, quippe cuius veneno mortiferaque vi cedant tela Persarum venenata, qui mortua etiam pastinaca vires suas seruat, quas non solum in animantes, sed etiam in saxa, herbas arborésque exerit: illius enim contactu exarescunt & contabescunt. Hunc radium Circe Telegono dedisse narrat, vt eo aduersus hostes vteretur, quo tamen incautus patrem necauit. Versus aliquot Oppiani adscribam, vt eorum elegantia lectores ad locum integrum perlegendum incitentur.

Lib. 2. ἀλυστὴ
τικῶν.

Τρυγόνες ὅ ἐπο τὶ χακώτερον ἔπλετο πῆμα

Τρώμαδος, δὲ ὅσα χεῖρες ἀρήια τε χησάσθω

Χαλκίων οὐδ' ὅσα φερεπλήρων ἐπ' οἷσιν

Πέρσαι φαρμακίπρες ὀλέθρια μὴλ' ἔσθω

Τρυγόνι γὰρ ζῶντι βέλως ἐλάσσει ὀπὴ δέῃ

Ζαφλέγες, οἷον τὰς ὕς ἀνὴρ πᾶσι φρικτὸν ἀχούων,

Ζωὴ τε φθιμένης, καὶ ἀπὸ πᾶσι δύνει ἀλκίω.

Ἄτροπον.

Ælianus hunc aculeum infestissimum periculosissimumque vocat: & mox addit, adeò mortiferam vim ei inesse, vt celeriter nò modò homines, sed etiam animalia perdere queat, quod quidem ipsum, vt non admirabilitatem facit, certè id stupendam admirationem habet: quòd si ad maximam arborem & vegetam, & summè virentem, aculeum admoueas & defigas, non multò post amittit folia, quæ postquam defluerint, totus truncus similis est arboribus solis ardoribus exiccatis. Quod homines necet, idè scribit, vnde & Nicander ὀλοεργὸν τρυγὸνα vocat. Nihil vsquam, inquit Plinius, execrabilius, quàm radius super caudam eminens trygonis, quam nostri pastinacam appellant. Idem pastinacæ radio arbores necari dixit. Id hoc loco vere referre possum, cuius testis presens fui. Rusticus quidā è Cemeneis motibus, cum pastinacam à se furto sublatam veste tegeret, telo femori infixò vulneratus est, sed ne furtum deprehederetur, ad vulneris dolorè exclamare non ausus, clam ad me venit, rem omnem aperit, telum adhuc infixum monstrans quod dilatato vulnere extractum est, atque interea dum cremaretur, & in cinerè redigeretur, vulneri pastinacæ iecur imponendū curauī, nec id sine successu: paulò post enim sedatus fuit dolor, cœpitque tumor summitti, nihilominus tamen cum non ignorarem piscem istū sui veneni habere in se antipharicum, radij cinerè cū aceto vulneri admoui. Quo, & veneno medicatus sum, & vulnus recens planè exiccaui. Venenum istud nostris piscatoribus notum est: captis enim pastinacis caudas abscindunt, nisi si aliquādo in forū piscariū integras deferant, in gratiā medicinæ stadioforū, qui à me & de pisce & de eius in medicina vsu admoniti, eas emunt &

Lib. 13. c. 5. &
cap. 6.


Lib. 9. cap. 48.

Lib. 32. cap. 21.

- exiccant. Sunt permulta alia veneni huius remedia. Pastinaca ipsa diuulsa & vulnere imposita, sui ictus medela est, vt tradit Dioscorides. Superstitiosius aliud remedium docet Ætius. Deniq; omnia quæ viperarum moribus medentur, ei qui à marina pastinaca icitur, conuenire autor est Dioscorides. Plinius. Contra pastinacam & omnium marinorum ictus vel morsus, coagulum leporis vel. hædi vel agni, drachmę pondere prodesse tradit. Item contra eandem prodesse etiã nullum in cibo sumptum. Neque verò solùm multis nos præsidiiis contra malum hoc munivit parēs rerum natura, sed etiam vt malorum aliorum remedium à pastinaca sumeretur effecit, vt nullus planè sit de ea conquerendi locus. Nam, vt Dioscorides docet, Pastinacæ radio dentium dolor mitigatur, quoniam eos frangit & euocat. Quod Plinius apertius docet. Pastinacæ radio scarificare gingiuas, in dolore dentium vtilissimum, conteriturque is & cum elleboro albo illitus dentes sine vexatione extrahit. Aliam vtendi rationem docet Cornelius Celsus de dolore dentium scribens. Plani piscis quem pastinacam nostri, *τρύγωνα* Græci vocant, aculeus torretur, deinde conteritur, resinaque excipitur, qua dente circumdata, hunc soluit. Præterea pastinacæ radius adalligatus vmbilico existimatur partus faciles facere, si viuenti ablatus sit, ipsaque denuo in mare demissa. Pastinacæ verò iecur in oleo decoctum, pruritus scabiẽmque non hominum modò, sed & quadrupedum efficacissimè sedat, id quod in cane primùm, deinde in homine verum esse sum expertus, sed efficacius redditur medicamentum, si in oleo iuniperi iecur dissoluatur. Si verò crustosa sit scabies, olei tartari modicum admiscendum. Pastinacam etiam venenato radio armatam præcipuè persequitur Galenus eodem Plinio autore, quemadmodum delphinum crocodilus, vt nihil sit ne in mari quidem, quod aduersario careat. Profuerit hîc Galeni locum illustrasse, in quo de iis quæ stupefaciendo dolorem sedant, loquitur *LIB. X I I. methodi medendi ἐστὶ δὲ καὶ ἄλλα πολλὰ φάρμακα διὰ τῶν σπερμάτων ὀνομαζόμενα, καὶ τρυγόνος, μέλινά τε, καὶ εἰς τὸ ἐν τῷ παραχρῆμα νάρκην, ακινδινότερα δὲ εἰς τὸ μέλλον.* vbi pro *τρύγονος*, id est, pastinacæ legendum *τρίγωνα*: sic enim à trianguli figura vocat *τροχίσκος*, καὶ κυκλίσκος, quos Latini pastillos appellant. Hæc peruersa lectio Thomam Linacrum medicum Latine & Græcè doctissimum, Galenique interpretem optimum, in errorẽ induxit. Sic enim Galeni locum citatum cõuertit. Sunt sanè & alia non pauca ex seminibus confecta, Græcè διὰ σπερμάτων, & *τρύγονος* ex pastinaca pisce. Qui locus in nonnullis exẽplaribus Latinis emẽdatus fuit, hoc modo. Sunt & alia medicamenta non pauca ex seminibus cõfecta, Græcè διὰ σπερμάτων & *τρίγωνα* nominata, quæ sicut ad torporẽ in præsens inducẽdũ mitiora,

ita in futurum sunt tutiora. Illud verò medicamentum ex semini-
bus, siue trigonum, siue trochiscus non pastinacam piscem (etiam
si dolorem in vulnerata parte, stuporem in toto corpore inducat, vt
prodidit Ætius) sed apij, hyoscyami, anisi semina, & opium recipit,
doloris leniendi vim habens, stupefaciendo quidem ob opium, hyo-
scyamumque, discutiendo verò, ob apium & anisum. Vide quanti
erroris, quantumque in Medicina perniciosi, occasionem præbeat
vocalæ vnus peruerfæ lectio. Nunc illud disquirendum est, num à
mensis reiicienda sit, neque in cibis numeranda pastinaca, quod
nonnullis visum, quia radio venenatos ictus inferat. At omnia quæ
vel ictu, vel morsu venenum infundunt, omnibus partibus venena-
ta non sunt, sed vel aculeos duntaxat, vel dentes venenatos habent,
reliquas verò partes veneni expertes. Et, vt terrena. omittamus, in
marini aranei, siue draconis aculeis, qui ad branchias sunt, & dorsi
initio venenum inest, sic & scorpio ictu lædit, illis tamen citra vitæ
vel valetudinis periculum vescimur. Idem de pastinaca sentiendum,
cuius radius duntaxat venenatus est, quo rescisso citra incommo-
dum vllum quilibet ea vesci potest. Quamquam quæ de eius carnis *Lib. 3. de Ali-*
substantia scribit Galenus, non satis probem, cum eam mollem iu- *men. facul.*
cundamque esse dicat, & in libello de Attenuante victu saxatilium
loco substituat. Sola, inquit, cartilagineorum torpedo & pastinaca
(sic enim melius quam turtur, vt vertit interpres) laudantur, pos-
sisque nonnunquam in saxatilium penuria iis uti, satius tamen fue-
rit eos pisces præparari, aut albo iure porrum prolixius immiscendo,
& piperis portiunculam. Quæ præparatio satis arguit pastinacam
torpedinemque, succo & substantia, saxatilibus minimè similes esse.
Porrum enim pipérque non nisi ad crassi siue glutinosi, vel crassi
glutinosique humoris attenuationem in cibis permiscetur. Quod si
certius huius rei iudicium facere volueris, sensum gustatus iudicem
adhibeas, quemadmodum ego sæpius feci. Nam reuera carnem
pastinacæ mollem, insuauem, ferinum quid resipientem, malique
succu esse comperies. Quare non sine ratione etiam à plebe reiici-
tur, nec nisi in summa aliorum piscium inopia emitur. Elixæ ex ace-
to editur, vel farina conspersa frigitur. Hactenus de pastinaca,
quam verè nos repræsentasse constat, ex his quæ ex Aristotele, Pli-
nio, Cornelio Celso, Galeno, Dioscoride protulimus. Omnium
enim consensu planus est piscis, cartilagineus, è cuius cauda radius
enascitur. Quæ omnia sensus ipse, & experientia ei quam depinxi-
mus, conuenire docent. His accedit vulgaris gentium variarum ap-
pellatio, Latini nominis vestigia retinens.

De Secunda Pastinacæ specie.



CAPUT II.

PISCIS Quem hîc exhibemus, à nostris *Glorieuse*. A Romanis & Neapolitanis aquila vocatur. A Genuensibus *rospo*, id est, bufo, & *pescè ratto*. A nonnullis *ratepenade*. Ab Aquitanis *tarefranke*. Ab aliis *falco*. Ab aliis *erango* & *ferraza*. Nos secundam pastinacæ speciem facimus: quia superiori vita, moribus, partibus internis & externis omnino similis est, nisi quòd capite est magis exerto, rostro non angulato, sed rotundato, denique capite bufonem planè refert, vnde bufonis nomen à Genuensibus positum. Latera veluti alæ expansæ magis in angulum acutum desinunt quàm in priore, à quibus *ratepenade*, id est, vespertilio nuncupatur. Caudâ verò, eiusdem radio, & veneno minimè à superiore dissidet, & à caudæ longitudine *pescè ratto* dicta est. Ex quibus liquet eum, qui librum de Piscibus nuper publicauit, monstrum potiùs quàm pastinacâ alteram depinxisse, quippe quæ bufoni capite minimè similis sit: quod tamè ipse asserit, & alieno planè situ radium locatû habeat, tum alæ à naturali figura diuersissimæ sint, postremò totum corpus aliena prorsus specie, & à naturali plurimum distâte. Cœnosis in locis viuit, eadè arte qua superior pisces venatur: lentè enim natat, & veluti cum pompa quadam, quâ ob causam à nostris *glorieuse* appellatâ audio. Ac quemadmodû generosus equus benèque curatus, pretiosoque ornatu instratus cum fastu graditur, & propinquantibus calcibus petit, ita pastinaca natans, pisces circumnantes radio ferit. Carne est molli, fungosa, insuauis, vt prior. Quare vehementer errare eû existimo, qui aquilam marinam appellat. Quis ynquam quæso apud Aristotelem, Plinium, aut vllum alium veterem sc. ip

scriptorem legit, pastinacam marinam esse aquilam. Aut quis vnquam aquila radium in cauda venenatum tribuit? Aut quis aduersus ictus venenati radij aquila remedia prescripsit? Quod si Romani, Neapolitanique aquila nomen pisci huic dederint, non idcirco hinc efficitur veterum aquilam hanc fuisse, cum infinitorum piscium vocabula, quibus hodie variae gentes vtuntur, à priscorum siue Latinorum, siue Graecorum vocabulis valde dissentiant. Sed quid in his diutius immoror, cum cuius, qui Galenum diligenter legerit, persfacile sit opinionem hanc couellere. Is enim l. i. b. i. l. i. de Alimentorum facultatibus, quum de piscibus duræ carnis scribit, Philotimi sententiam approbat, qui aquilam marinam duræ carnis esse censuit, quemadmodum & lamiam & congrum. At qui pastinacam hanc gustauerit, eam præhumida mollique carne esse iudicabit, nisi ei vel morbo vel natura gustatus sensus planè hebes fuerit.

De Raiis & earum diuisione.

CAPUT III.




MA R E. Ita raiis abundat, vt terra spinis, tribulis, rhânis. Quod mirum nonnullis videri posset, cum raiæ vnum duntaxat, aut summum duo oua, eamque ob causam, vnicum duosve fœtus semel edat, quod etiam verum sit, raias tamen inter cartilaginea omnia fecundissimas esse postea docebimus, quæ non solum magni raiarum prouentus causa est (nam plurimi alij pisces numerosius fœtificant, quorum longè maior est quàm raiarum raritas) sed etiam quòd raiarum fœtus à paucis aliis deuorari possit. Longè verò magis improbanda est, & impia iudicanda eorum sententia, qui naturam tãquam nouercam accusant, quæ plura fera, aspera, noxiâque produxerit, quam cicura, iucunda, vtilia, cum cõtrà nihil temere, nihil sine summa ratione, à Deo opt. max. omnium bonorum autore sit creatum, vt, ne à rebus marinis recedamus, pulices maris, cestri, pediculi que alijs piscibus maxime sunt molesti: at quibusdam sunt iucundissimi: nam hepatus istis lubentissimè vescitur, scolopendra venenata est, at cui gratissimo est alimento, lepus marinus letalis est nobis, at mullo tibus est innoxius & delicatus. Et ne singula persequamur, raiæ quædam totius corporis, omnes caudæ aculeis horrent, aspectu ipso deformes sunt: tamen rusticis iisque qui corpus graui labore fatigat in cibo sunt vtilis, plurimùmque nutriunt. Fel earudem. oculorû cicatricibus & suffusionibus curandis prodest. De his nunc dicendû est. sunt

enim inter planos cartilagineos notissimā, maximēque variā. Quare primum vniuersē de iis quādam dicemus, earūque species partiemur: deinde eas sigillatim explicabimus. *Βάτος* καὶ *Βαῖς* à Græcis raia dicitur, à rubi quem *Βάτος* vocant similitudine. Quemadmodum enim spinosus est aculeatusque rubus, ita Raia omnis aculeis aspera, non quidem toto corpore: sunt enim *λεῖοβαῖοι*, id est, laues raia, quibus nulli sunt in corpore aculei, sed siue laues sint raia, siue aspera, omnes vncos aculeos in cauda gestant, sicuti in rubo, cynobato, & rosis cernuntur. Latini nulla habita Græcæ etymologiæ ratione raiam vocarunt, veluti *πρυγὼνα* pastinacā. Fuit qui aliquando mihi negarit raia vocabulum Latinum esse, præsertim cum Plinius in piscium catalogo eo minimè sit vsus, sed Græco. *Box*, *Batis*, *Banchus*, &c. Et alio in loco bati fel dixerit non raia. At Latino nomine idem libro nono vsus est. Planorum piscium alterum est genus, quod pro spina cartilagineam habet, raia, pastinacæ &c. Latini nominis etymū nullum reperi, nisi fortè à radendo raiam dictam esse existimes. Distingunt nonnulli *Βάτων* καὶ *Βαλῖδα*, ut hæc fœmina sit, ille mas. id annotauit qui nomina Græca quibus Latina respondent ex Gazæ interpretatione collegit, in fine librorum Aristotelis de animalibus. Aristoteles quidem *βάτης* nomine sæpius vsus est, vno verò loco *βαλῖδος*: *ὅτι μὲν οὖν σκύλια καὶ βαλῖδες ἰσχυροὶ τῷ ὀσφρακώδη*, &c. Et reuera quibus in locis Aristoteles *βάτης* nomen ponit, de his loquitur quæ tam ad marem quàm ad fœminam spectant, de branchiis, de pinnis, de coitu: quum verò de eo quod fœminæ tantum proprium est, *βαλῖδα* dixit, ut non vana mihi nominum differentia hæc esse videatur. Posset eadem etiam Grammaticorum autoritate confirmari, qui *βαλῖδα* mollioris piscis genus esse scribunt, vnde *βαλῖδος* καὶ *ποι* dicantur *ὀσφραγοί* & gulones autore Cælio Rhodig. ut, quoniam fœmina in omni genere humidior molliorēque sit carne quàm mas, *βαῖς* raia fœmina propriè dicatur. Athenæus LIB. VII. *βαλῖδα* καὶ *βάτων* etiam distinxisse videtur, sed locus is adeò corruptus est, ut nihil inde certi elici possit. In hoc omnes consentiunt raia cartilagineos esse planosque pisces, cauda aspera, sine pinnis quibus natent, latitudine enim sua natant. Aristot. τῶν ὁ σιλαχῶν, ἐναι μὲν ἐκ ἐχθ-
πτερύγι, ὅιον τὰ *παλῖδα*, καὶ *κερχοφόρα*, ὥσπερ *βάτος* καὶ *πρυγὼν*, ἀλλ' αὐτοῖς
τεῖ τοῖς παλῖδοι. Cartilaginei quoque generis aliqua pinnis carent, videlicet quæ plana sunt, & caudam habent, ut raia, pastinaca, suæque ipsa latitudine natant. Neque est quod quis mox sequente sententia, ab hac opinione abducatur *βάτος* ὁ ἐχθρὸς καὶ ὁ *παλῖς* μὴ ἐχθρὸς ἀπο-
λελετισμένον. Locus enim manifestè mendosus est, legendūque *βάτραχος* pro *βάτος*. Idem error in codices Latinos irrepit. Raia tamen habere pinna videmus, & quæcunque suam latitudinem non
colli-

colligunt in mucronem. Legendum verò ranam autem &c. Rana enim piscatrix & squatina quamvis cartilaginei sint planique pisces, tamen pinnas habent ad natandum, nec sola sua latitudine natant eodem Aristotele autore: *Οἱ δὲ βάτοι καὶ τῆ τεύχεα, ἀντὶ τῶν ἀσπυρίων τῶ ἐλάτῳ πλάτῃ νέεσσι, ἡ δὲ ῥίνη καὶ βάραχος τὰ ἐν τῷ πρᾶντι καί τῳ, διὰ δὲ πλάτος τῶν ὀφθαλμῶν.* Raia & similes, pro pinnis extrema sui corporis latitudine natant. Squatina & raia pinnas lateribus accommodatas infra gerunt propter amplitudinem partis superioris. Sed rursus locus proximè citatus mendo non caret: nam pro *ἡ δὲ ῥίνη καὶ βάραχος* legitur in impressis Græcis codicibus *ἡ δὲ νάρκη*, non rectè cum mox Aristoteles *τῇ νάρκῃ*, id est, torpedini alias pinnas tribuat scilicet iuxta caudam. Quæ cum de squatina & torpedine dicitur, clariora fient. Gaza vel meliore vsus codice, vel re diligentius considerata, non torpedinem sed squatinam conuertit, eius enim interpretationem adscripsimus. Constat igitur raiam pinnis natandi causa à natura donatam non fuisse. Nam quæ in caudis raiarum pinnulae sunt, non natandi sed dirigendi itineris causa datae sunt, pinnas verò eas duntaxat appellat Aristoteles, quibus pisces natando corpus impellunt, quemadmodum in passinaca prius annotauimus. Omnibus raijs membranula, quæ nebula vocatur, oculis obtenditur. Iuxta oculos foramina sunt ampla, ad oris intima vsque patentia, quibus operculum interiore parte à natura additum est, quæ foramina ore aperto dilatantur, clauso ore magna ex parte occluduntur, neque enim, maximè in mortuis raijs ab operculo tota obturantur. Foramina alia pro naribus omnes ante oris rictum obtinuerunt. Harum alia dentes habent, alia minimè, sed horum vice os asperum rugosumque. Branchias detectas in supina parte eodem situ ordinèque omnes habent. Aculeis variè à sese differunt. Alia in prona supinæque parte aculeis armatae sunt, alia in prona tantum, alia in rostri supina parte, alia in nulla parte præterquam in cauda, quorum ea est diuersitas, ut in aliis triplici ordine dispositi sint, in alijs simplici. Præterea ipsorum aculeorum plures sunt differentiae. Sunt quidem molles & imbecilli, pilorum vel lanuginis modo, nonnulli paulò validiores, alij robustissimi ex ossea planè substantia. Rursus alij longi & tenues, alij parui & vix supra cutem extantes, alij medio modo se habent, omnes ferè ad caudam spectant, longi ferè ad caput. Partibus quibusdam internis differunt, in quibusdam hepar magis rubescit, in aliis flauescit magis. In hepate omnium fellis est vesica. In ventriculi plexu splen situs est. Intestina crassa, in ecphyssi, & recti intestini extremo angusta. Cætera in singulorum descriptionibus exponuntur. Nunc de raiarum generibus, quas antiqui

vel differentiis aliquod neglectis, vel fortasse nominibus destituti, in tria tantum particbantur raia[m] scilicet simpliciter dictam, raia[m] læuam, & asteriam. Nos diligentius clarioris doctrinæ gratia, in multo plures species distribuemus. Raia[m] igitur primum in læuam & asperam diuidimus: deinde in raia[m] stellulis notatam, & iis carentem. sunt enim & læues & asperæ stellulis variæ, aliæ minimè. Asperarum aliæ tactum modicè solum vellicante lanugine, aliæ aculeis robustis sed raris, aliæ aculeis robustissimis & densissimis asperantur. Rursus earum quæ stellulis notantur, aliæ binas duntaxat maculas habent, aliæ plures. Illæ binis maculis circumiectos circulos habent, vt in buglossi & torpedinis specie. Harum nonnullæ rotundæ, stellisque pictis similes notas multas habent, quædam albis nigrisque prona parte conspersæ sunt. Sed priusquam singulas explicemus, de earum fœcunditate & generatione dicemus.

De Raiarum fœcunditate &
earum ouis.



CAPUT IIII.




BSVRDVM Hic minimè fuerit causam reddere, cur tam fœcundas raia[s] esse dixerimus. Non enim solum magnus est raia[rum] prouentus, quia vix piscis vllus sit tam lato oris rictu, lamia excepta, qui raia[m] deuorare possit, vel quia ob totius corporis, vel certè caudæ aculeos reliqui pisces ab his abstineant. neque ad id Aristotelis

reliis autoritate confirmandum vtimur. Raia inter cartilagineos fo-
 tificat numerosius, verum quia facile percunt, hinc efficitur vt appa-
 reant pauca. Nam neque raia hoc loco legendum sed rana. Graeci
 enim codices βάραχαν habent non βάται, neque pauca raia apparent,
 sed in oceano & in mari mediterraneo plurimae. Sed alia est certior
 foecunditatis causa, quae non facile ab omnibus intelligatur, nisi raia
 grauidas aliquando dissecuerint, & diligentius contemplati fuerint.
 de raia ouo haec Aristoteles: τὰ μὲν ἐν σκύλαις καὶ αἱ βατίδες ἴχθυες
 τὰ ὄσπρα ὡδὴν, ἐν οἷς ἐγγίνετο ὡσὶς ἰχθύος, ὅτι διὰ τὴν αἵμα. τὰ ὄσπρα, ἔμοιχεν
 ταῖς τῶν ἀλλῶν γαλῶν, καὶ πόροι συχνοὶ ἐγγίνετο ταῖς ὄσπρας, ταῖς
 μὲν ἐν σκύλαις, οὓς καλεῖται πτερυγίαις γαλῶν, ὅτι περὶ τὰς ἰχθύας
 σὺν ὅττι ὄσπρα, γίνονται οἱ νεοττοί, ταῖς δὲ βατίδαις ὅτι ἐκ τῆς
 περὶ τὰς γένετος, ἐξέρχεται ὁ νεοττός. Caniculae & raia testacea qua-
 dam gerunt, in quibus humor ad oui similitudinem consistit. figu-
 ra eius testae similis tibiarum ligulis est, meatusque fiunt capilla-
 mentorum specie in testis, caniculis quidem quas nonnulli nebris
 galeos vocant, foetus rupta dilapsaque testa proueniunt, raia cum
 pepererint rupta testa excluditur foetus. De caniculis & earum ouo,
 partuque, suo loco dicetur. Nunc de raia tantum. Iis testaceum
 ouum vnicum tribuit Aristoteles, quale reuera habent. Foetus
 igitur vnicum aut summum duos vno partu edunt, quod verum
 est, sed praeter ouum testaceum quod hic depingendum curavi,
 aut duo, quae perfecta in inferiore vuluae parte cernuntur, ex dis-
 sectione comperi permulta alia, & ferè infinita in superiore vuluae
 parte haberi, quae tempore perficiuntur, ex quibus saepius iteratis
 partibus, foetus excluduntur. Atque haec foecunditatis causa est
 eadem quae in gallinis vt quotidie experimur, quae vnicum ouum
 vnicum partu ponunt, cum plurima alia in vtero gestent, quorum
 singula postea, vt prius absoluta fuerint, ita prius eduntur. Haec
 de raia foecunditate. Nunc vt pictura, ita oratione earundem
 oua repraesentemus. Oua qualia in praefixa capiti pictura superiore
 loco spectantur, sine testa primum concipiuntur in superiore vul-
 uae parte, quorum alia gallinae ouorum magnitudinem aequant, alia
 his minora sunt, quaedam vix ciceris sunt magnitudine. Equidem
 plura centenis aliquando in raia singulis numeravi. Ex his quae à
 perfectione propius absunt, in inferiorem vuluae partem demissa,
 testa operiuntur, in qua albumen, & vitellus continentur, quemad-
 modum in gallinarum & auium aliarum ouis primum conforma-
 tis, quae tum vitello solo videntur constare, cum tamen postea
 albumen à vitello secernatur. Quam rem cum vehementius ad-
 mirarer, causamque eius sollicitè inuestigarem, oua gallinarum re-

ceris formata, in quibus ne vestigium quidem albuminis apparebat coxi, tum caloris vi (cuius proprium est quæ eiusdem sunt generis congregare & cogere, quæ diuersi dissipare, & discutere) candidum à luteo secretum vidi. Quamobrem initio quidem vtrumque commistū est & confusum, sed paulatim calor magis ac magis vires suas exerens, separat, & ex crassiore parte indurata, testa circumdat. Tale est igitur in testa sua raiaium ouum, quale gallinarum, & auium initio. Testa verò ouum suum concludens sub pictura ouorum testa nudatorum expressa, quæ à figura puluinar à quibusdam hodie vocatur, quadrati forma est, demptis angulorum appendicibus, quæ variæ sunt. Vnius enim lateris appendices, longiores sunt similes foliis gladioli herbe, alterius breuiiores, latiores, replicatæ, quibus vndique sum motis, laterum anguli tibiæ angulis similes sunt, vt scribit Aristoteles. Qua de re plura, & ni fallor, notatu dignissima, quum de caniculis dicemus. Testaceum ouum raiaium à canicularum ouo differt: illarum enim magis fuscum est, harū magis flauum, appendices graciliores, lyre fidibus similes. His expositis, nunc singulas raiaium differentias persequamur.

De Raia læui.



CAPUT V.



DICITVR à Græcis *ῥαίβατος*, à Latinis raia læuis, ab Hispanis *Liuda*, à cute læui & pellucida. Sunt qui rasam vocēt à glabra cute. Nostri nō à cutis leuitate, sed à colore *fumat* & *fumado* appellant. Sūt enim colore fusco quem *enfumat* vocamus, quod eo colore sint

sint quæ fumigantur, priusquam maximè denigrentur. Est igitur raia laevis pisces planus, cartilagineus, corpore tenui, & in amplissimas alas expanso. Cute glabra laevisque, id est, ab aculeis nuda, præterquam in locis prope oculos, quorum uterque aculeo munitus est, item excepta media dorsi linea, & cauda. In illa infixi sunt aculei parui, rarique in cauda tres aculeorum ordines, qui rariores tenuioresque sunt quàm in alijs generibus. In supina parte aliquot sunt in os recurui, cibi, opinor, retinendi gratia. Rostrum tenui cartilagine constat, & pellucida, mediæ est longitudinis. Oculi in hac specie ut in alijs omnibus, in prona parte, non sursum spectantes, ut in vranoscopo, sed ad latera. Nebula, hoc est, crassa & alba tunica, adnatam esse diceres, à parte inferiore ascendens, fimbriata, vel in ambitu serrata, pupillam totam integit, dum pars digito comprimitur, de qua re plura quum de caniculis agemus. Post oculos foramina sunt, ita ampla, ut in ea digitus minimus immiti possit, de quibus antè dictum est. Os in supina parte, & multum infra, quam ob causam non nisi resupinata raia cibum capere potest: os latum est, ossibus asperis pro dentibus munitum, foramina pro naribus ante os sita. In eadem parte branchiæ utrinque, ad aquam cum cibo haustam, quæque prima palati foramina effugit, reiiciendam. Branchias sequitur cartilago, cui innixum diaphragma hæret, ad branchias cum corde, à ventriculo, hepate, aliisque nutritioni destinatis partibus secernendas. Rima pro podice est, pudendo muliebri non absimilis. Alæ utrinque expansæ tenues sunt, prona parte nigricant, ut & cauda, dempta quadam parte candida, sic etiam tota supina pars alba est. Ventriculus huic generi parvus est, ecphysis gracilis & dura. Intestina brevia sed crassa, hepar rubescit, in quo fel latet. Raię omnes odorem ferinum, & marinum quandam foetorem recipiunt, qui in diutius seruatis ferè euanescit. Quare Lutetiæ meliores sunt raię quàm Rhotomagi, & Lugduni quàm Massiliæ: longa enim vectura tenerescunt, & suauiores afficiuntur. Rectè igitur Athenæus: *ὁ ῥαίβαλος δυσκοιλιώτερος καὶ βρομώδης*, id est, laevis Lib. 2. raia aluo difficilior est, & virus olet, nec mirum cum carniuora sit, & in cœnosis locis, litoribusque viuat, teste Oppiano. Galenus in libello Lib. 1. ἀλιό-
τινών de Attenuante victu torpedines & pastinacas præfert. Sola, inquit, cartilagineorum, torpedo & pastinaca laudantur. Quæ mollicie carnis torpedinum & pastinacarum inductus scripsit, cum tamen mollities illa, summa cum insuauitate coniuncta sit. Idem LIB. III. de alimēt. facult. Raia laevis, raia, squatina, omniaque eiusmodi duriora sunt, & concoctu difficiliora, alimenti copiosioris quàm torpedo vel pastinaca. Raia omnis hyeme minùs insuauiter olet, & melior est, quam obrem Archestratus opsonatorum omnium facilè princeps, hyeme edendam esse etiam atque etiam monet, elixam cum caseo & silphio, quia

pinguis non sit, vt nec alij quidam marini foetus, hæc enim sunt quæ sequentibus versibus exprimit.

Καὶ βαλὶς ἐφθιὺ ἐσθιέ μοι χαμᾶνος ἐν ὕρῃ,
Καὶ ταύτῃ πυρὸν καὶ Ἰλφιον, ἅττα δὲ σάρκα
Μη πείραμι ἔχει πύθη τέσσα. τῷ δὲ βότρω χεῖν.
Σκιδάλλην, ἥδη σοὶ ἐγὼ ταῖδε δώτερον ὠδῶ

Hodie elixa raia omnis ex aceto editur. . Hepar maximè delicatum habetur, quod alij ex aceto tantum comedunt, alij primum elixum, deinde in sartagine frixum aceto vel oxalidis succo cum pipere condiunt. Apud nos raia non sunt in pretio. Galli qui duris, & firmioris carnis piscibus delectantur, longè magis probant, ex quibus nonnulli cum me aliquando in conuiuio de succo substantiæ raiarum interrogassent, respondi idem quod Dorion apud Athenæum φάσχος τις ἀγαθὸν εἶναι ἰχθυὺ βαλῖδα, ὥστερ ἂν εἰ τις, ἐφην, ἐφθον βίβωνα ἐσθιέ, id est, quum diceret raia optimum esse piscem, perinde ac si quis, inquit Dorion, pallium elixum comedat. Est enim carne dura, sicca, exucca, quæque haud facillè in partes diuellatur, quapropter Dorion elixo pallio comparauit.

De Raia Vndulata siue Cinerea.




CAPUT VI.

LÆVIUM Et asperarum raia genis multiplex esse, vtrarumque species denonstrabunt. Læuium species nunc exequimur. Eam igitur quam hîc exhibemus, à colore cinream, à maculis vndarum modo flexuosis, vndulatam vocamus. Quidam *coliar* appellant

lant. Raia est ex læuium genere, corpore minùs ad rhombi figuram accedente, quàm in reliquis raiis, sed oui potiùs forma, corpus ab aculeis nudum præterquam in linea dorsi, in qua pauci sunt, parui, rari, circa oculos nonnulli. In cauda sunt triplici ordine dispositi, maiores & densiores. In eadem pinnulæ duæ sunt. Ore, oculis, foraminibus, branchiis, partibus internis, carnis duritie aliis similis, sed colore est cinereo, prona parte multis sinuosis lineis descripta.

De Raia Ὀξύρυχον.



CAPUT VII.

ALTERA Læuis raia species est, quam à rostri longitudine & acumine raiam Ὀξύρυχον appello. Eadem de causa nostri *elena* vocant. Itali *perosa rasa*, alij *sot*, alij *giliovo*. Corpore est maximo, maculis multis lentis specie in parte prona notato, qua de causa à nostris piscatoribus *lentillade* dicitur. Ad oculos quatuor habet oculos. In cauda tres eorum ordines, qui diuersi sunt, & inæquales, vt primus medij ordinis maior sit secundo, tertius primo, quartus secundo respondet, & sic deinceps donec ad caudæ pinnulas ventum sit, circa quas aliter siti sunt: vtrinque enim per transversum recti sunt, ad latera conuersi, qui hos sequuntur in cauda extremi in caput recuruantur. In supina parte rostri, alij sunt acutiores, alij in os recurui, ad capiendos vel retinendos pisces. Dentes habet, in os vergentes, squatinæ dentibus similes, non in lateribus, sed in medio maxillarum. Oculis, ore, foraminibus, caudæ pinnulis, aliisque partibus & internis & externis superioribus similis. Carne est non æquè dura.

De Alia Raia ὀξύρυγχω.



CAPUT VIII.


RA I Æ ὀξύρυγχος speciem aliam hîc ponimus à superiore multum diuersam, dempta rostri figura, à qua idem nomen cum superiore sortita est: nam inde ὀξύρυγχον appellamus, & lingua nostra *eleno*, quæ vox subulam significat, instrumentum cerdonum, quo ad perforandos calceos & suendos vtuntur, Gallicè *alefne*. Qualis enim est subula, id est, acuta, tenuis, latiuscula, non rotunda, tale est huius rostrum. Sunt qui bouem antiquorum esse putent, quòd in maximam molem accrescat, quòd in ore latentes habeat dentes, paruos, inualidos, vtpote qui mobiles esse videantur, quæ omnia Oppianus boui tribuit his versibus:

Ἔστι δὲ τις πολλοῖσιν ἐφέστιος ὀμφάκος βῆς
 Εὐρύτατος, πλούτεσι μετ' ἰχθύσι, ἥ γὰρ οἱ ὄρος
 Πολλάκις ἐνδεχάσσηται, δύω δὲ λεγέσσηται τ' ἐπύχτη,
 Οὐτιδιδυὸς ὃ βῆς, καὶ οἱ δέμας ἄμμορον ἀλκίης
 Μαλθαχὸν, ἐνδὲ οἱ εἰσὶν ἀείθελοι ἐνδὲν ὁδοῖας,
 Βασιλεῖ, ἔκρατεροί τε, &c.

His consentit nonnullorum vulgaris appellatio: vaccam enim vocant, quidam ex nostris à magnitudine *flasse*, quæ vox stragulum lecti significat. Vtut res ista habeat, raia hæc proximè descriptæ similis est, alis quidem valde amplis & extentis, sed ipso corporis trunco strictiore, acutiorèque, dorso longiore. Aculeos nullos omnino habet, præterquàm in cauda, in qua vnicus est eorum ordo. Partibus cæteris ab aliis non differt. Carne est molliore & suauiore, quàm cæte-
 ræ

ra maximè si nō senuerit. Piscatores has raias sale conditas in fumo & sole exiccāt, vulneribus multis prius lateribus inflictis, quò melius & celerius exiccentur. Exiccatae diu incorruptae seruantur, tū ob humiditatem superuacua & excrementitiam à sole absumptam, vt nullum sit putredinis periculum, tum ob carnis substantiam glutinosam & viscidam. Nam qui pisces carne nimium pingui molliq; sunt, saliturae idonei non sunt, quia in ea contabescunt & dissoluuntur.

De Raia oculata & laui.



CAPUT IX.

INTER Laues etiam numeranda est ea, quae à maculis, oculorum figuram referentibus, oculata à nobis nuncupatur, à Prouincialibus *mirallet*, à Speculorum paruorum similitudine: ea enim vox illis speculum paruum significat: sed quia maior est his maculis cum oculis similitudo, quam cum speculis, malimus vulgari neglecta appellatione oculatam nominare: medium enim caeruleum pupillam refert circularum duorum qui iridem constituunt, prior & internus colore est nigro, externus flauo. Nonnulli raiam hanc macularum causa asteriam esse existimarūt, sed cum galeus asterias ab Aristotele à maculis stellatim dispositis nominatus sit, quales ins ista rara minimè sunt, verum in alia specie maximè euidētes & conspicuē, videor mihi hanc rectius oculatā nominauisse, aliam à stellis manifestis, in toto corpore sparsis Asteriam. Præterea veterum asterias tenerior est, boniq; succi, quod de hac, de qua nunc agimus, dici

non potest. Est igitur raia oculata ex læuium genere, aliis similis, rostro cartilagineo, pellucido corpore fusco, maculis obscuris cōspersa. In utroque latere magnam maculam habet, oculis similem, ut diximus. Aculeos plures frequentioresque habet, quàm superiores duæ laues. Rostri supina pars aspera est, circa oculos aculei sunt aliquot, post hos duo magni in dorso linea. In cauda quinque horum ordines sunt, medius à caudæ principio incipiens in priorem pinnulam terminatur, utrinque duo minorum aculeorum ordines, reliqui duo latera caudæ occupant. Carne est dura malique succi.

De Raia asteria.




CAPUT X.

RAIA Asterias cum oculata comparata veluti purpura cum purpura certiùs dignoscetur. Illa ex læuium quoque genere est, rarior, ideòque multis minus cognita. Corporis specie ab omnibus primo aspectu raia species esse iudicabitur, tamen ab aliis distinguetur aculeis, quos in dorso habet, mox à capite incipientes, & in priorem caudæ pinnulam desinentes. Præter hos nulli alij sunt in toto corpore. Dorso pars prona, alæque expansæ, stellulis pereleganter sunt depictæ, à quibus asteriæ nomen inuenit. Cauda tenuis est & breuior in hac specie quàm in reliquis. Caput primo generi pastinacæ quàm raiis aliis similis, est enim crassius & latius. In alto mari & puriore aqua degit, ob id rarior est, & in litoribus minus frequens. Quamobrem meliore est carne quàm reliquæ, scilicet mollior

liore, teneriore, facilioris concoctionis, meliorisque succi. Rectè igitur Athenæus: Η ὁ ἀστερίας βαλὺς ἀπαλωτέρα καὶ ὠχρὸς. *Stella Lib. 2.*
 ta raia tenerior est, bonique succi. Nec dubium est, quin saxatilibus substitui possit, torpedinique & pastinacæ preferenda sit, quas tamen Galenus raiis præfert. Hanc, quam capiti præfiximus, raiam asteriam veterum esse, tum ex carnis substantia, tum ex maculis stellularum pictarum specie, à quibus etiā galeus alterias nominatus fuit comprobauimus, quibus plura adderem, nisi res meridiana luce clarior foret, cum nullus sit, qui non statim primo intuitu maculas pro stellulis agnoscat.

De Raia oculata & aspera.



CAPUT XI.

LÆVIUM Raiarum species executi sumus, nunc de asperis dicemus: primū de oculata aspera, quæ oculatæ læui maculis similis est, aculeis autem differt, quos in alis expansis è regione macularum vtrinque habet, alios in lateribus capitis vtrinque, alios in dorso, alios in cauda maiores, validiores & frequentiores. Colore ab oculata læui non differt. Noli existimare hanc ab illa sexu tantū differre. Nam in vtroque genere marem esse

& fœminam ex lacte ouisq̃ue comperi. Oculata aspera carne est dura malique succi.

De Raia Asteria aspera.




CAPUT XII.



IN RAIIS Asperis numerabitur asterias alia ad lauis discrimen, aspera nominata, quæ à Gallis *raie estelée*, ab Italis *rometa* vocatur. Asterias igitur appellabitur à stellulis multis, quas habet in lateribus & caudæ principio depictas, aspera ab aculeis plurimis quibus tota horret. In oculorum interuallo multi sunt breues, frequētes, peracuti, in medij dorsi linea, alij magni, in cauda tres magnorum ordines, aliis plurimis & minutioribus distincti. Infiniti sunt alij huc illucq; sine ordine toti corpori inspersi. Pro dentibus ossa dura & aspera habet. Carne est dura siccāque. Huius generis species duę esse videntur: vna, quę stellulas habet, in medio albas, sed quas ambit circulus ex nigris punctis constans, totumq; corpus aculeis horridum est: altera stellulas prorsus candidas cum multò paucioribus aculeis.

De Raia Clauata.



CAPUT XIII.

RAIA Clauata ab aculeorum magnitudine & similitudine cum clavis æreis, siue ferreis: eadem de causa à Massiliensibus & nostris *clauelade* vocatur. A Gal-
lis *raie bouclée*: quia aculeos habet fibularum specie. Ab Italis *perosa* siue *petrosa*. Corporis specie reliquis similis est, sed rostro breuiore, & minus acuto, aculeis longè dissimilibus & situ & figura: ij enim ex ossibus rotundis extant, vnicique sunt. Horum vnus superiorem & ferè extremam rostri partem occupat: sequuntur alij duo in lateribus anterioris partis procul à se distantes: alij duo in medio corpore minus à se disijuncti. His forma & magnitudine pares duo ad radicem pinnulæ prioris in cauda. In media dorfi linea, caudæque, aculei alij quales in cæteris raiis ordine locati sunt vsque ad priorem caudæ pinnulam, hanc sequitur vnus duntaxat. In caudæ lateribus vtrinque ordo est vnus aculeorum maiorum clauorum siue fibularum specie, ab initio caudæ ad medium eiusdem tantum, ne, vt opinor, tot magnis aculeis rigidior, com-
modè in omnem partem flecti nō posset, tamen ne alicui caudæ parti arma deessent, maiorum aculeorum ordines sequuntur parui alij, quales in cæteris raiis cernuntur. Vidi huius generis raias, quibus posteriore tantum parte corporis aculei illi magni essent, nulli verò parte anteriore, sed horum situs diuersus speciem non mutat, cum alia omnia respondeant. Nec te decipiat eius, qui de aquatilibus nuper scripsit, pictura, in qua multa sunt à veritate aliena, quod facile iudicabit, qui illius descriptionem cum nostra, & vtramque cum ipso pisce

contulerit. In hoc idem plurimùm fallitur, quòd cæteris omnibus delicatiorẽ esse affirmat, cùm contrà duriorẽ sit carne, cuius rei iudicium faciat sensus ipse. Sed ad alias partes referatur oratio. Hepar flauescens in duas partes sectum est, in quo vesica fel aqueum & tenue continens latet, illud pro delicatissimo cibo habetur, pingue est: ideo in oleum resolui potest, contra affectus hepatis vtile, emollit enim citra magnam caliditatem, fel aduersus suffusiones prodest. Posset hæc raiaurum species aquila antiquorum existimari (nihil enim hîc affirmo) colore enim nigricante est, incurui aculei vncis vnguibz respondent, alas valde expansas habet veluti aquila. Præterea in genere cartilagineorum & planorum numerarunt antiqui. Plinius: Planorum piscium alterum genus est, quod pro spina cartilaginem habet, raia, pastinaca, squatina, torpedo, & quos bouis, lamia, aquila, ranæ nominibus Græcia appellat. Postremò dura est carne, cuiusmodi carnem aquila Philotimus esse scripsit, quod & à Galeno approbatur.

Lib. 9. ca. 24

Lib. 3. de Ali
men. facul.

De altera specie Raia clauata.



CAPUT XIII.




LAVATA Etiam raia dicitur ea, quam hîc exhibemus, quam nostri *Ronse* vocant, id est, rubum. A superiore differt, quia rostro est acutiore quàm superior, aculeoque illic caret. In ore dentes nulli sunt, sed pro dentibus maxilla asperæ. In lateribus vtriusque octo spinas longas habet cuti superpositas, quibus alia raia omnes

omnes carent. In dorso aculeos quatuor habet, clavis vel fibulis similes, cuius formæ aculei sunt in superiore, inter quos in media dorsi linea tres alij sunt alterius generis, quos statim sequitur aculeorum similium ordo, per mediam caudam ad pinnulas vsque continuatus. Vtrinque in cauda aculeorum clavis fibulisve similium ordo est ad medium vsque, reliqua pars alterius generis aculeis armata est. Colore est cinereo. Carne est dura, & ferini odoris. Sunt qui bouem veterum hanc raia speciem esse credunt, sed facilè ex Oppiano refelluntur, qui boui dentes tribuit, vt antea docuimus, quibus hæc raia species caret. Quod si qua raia species bos sit veterum, nulli sanè veriùs bouis notæ competunt, quàm raia *ῥαία ξυρύχω*, vt iam demonstraui.

Lib. 2. αλιων
τινων


De Raia spinosa.



CAPUT XV.

QUAM Hic proponimus, læui raia similis est, si longas cutis spinas excipias, à quibus nostri eam *cardaire*, id est, lanificam vocant, à spinis illis siue aculeis, cuiusmodi multi infixi sunt instrumentis iis, quibus lanifici lanas carpunt. Nos ab his spinis spinosam appellamus, quas non in alis solùm habet, vt superior, sed etiam in lateribus circa caput. Oculis præfixi sunt alij duo. In media dorsi linea, & ad priorem vsque caudæ pinnulam continuus est aculeorum ordo ynicus. Carnis substantia & succo alijs similis est.

De Raia aspera.




CAPUT XVI.



RAIA M Asperam particulatim hîc appellamus, quæ ab aliis eo differt, quòd aculeis paruis latera conspersa habeat, corporis ipsius truncum nullis. In cauda tres sunt longorum & firmissimorum aculeorum ordines ad extremum vsque caudæ. Rostro est acutiore. Carne dura, malique succi, vt cætera.

De Raia Fullonica.




CAPUT XVII.



FANC Speciem vt ab aliis distingueremus, fullonicam appellauimus, eò quòd vbiq; in alis, in corpore, in capite, in cauda, tota frequentissimis & asperis aculeis conspersa sit, instar instrumenti eius, quo fullones pannos curant poliuntque, quod totum aculeis fer-

ferreis confertum est. Rostro satis longo est & acuto, caudæ aculei incurui sunt, triplici ordine dispositi. Hæc raia pugnacissima est, & rara. Carnis substantia ab aliis non differt.

De Raia asperrima.



CAPUT XVIII.


RAIA Quæ hîc depicta est, in supinum conuersa proximè descriptæ omnino similis est, nisi quod illa parte tantum prona aculeos frequentissimos habet, hæc non solum prona sed etiam supina, tota aculeis percutis ita horret, vt manu tolli non possit, nisi pinnulis caudæ apprehensis. Hæc causa fuit cur supinam depinxerim, tum vt huius, ita aliarum raifarum partes supini situs cognoscerent studiosi, scilicet, oris, narium, foraminum branchiarum, podicis, duorum vuluæ foraminum, formam & situm. Dentibus hæc caret, vt aliæ pluri-
mæ, sed horum vice maxillas habet asperas, & ferè osseas. Hîc addam quæ de omnibus raiis dici possent. Auribus vtilissimum Bati piscis fel recens, sed & inueteratum vino, inquit Plinius. In penuria hepatis pa-
stinacæ hepate raiaæ vsus sum ad priuatum, non exempto felle, idque cum successu. Quod Plinius ossiculo de cauda raiaæ marina tribuit, id de ossiculo, id est, aculeo caudæ raiaæ intelligendum suspicor. Ver-
ba eius sunt. Mænarum muria, & capitis cinis cum mellæ sanat stru-
mas. Pungi piscis eius qui raia in mari appellatur, ossiculo de cauda;
ita vt non vulneret, prodest, id faciendum quotidie donec percuren-
tur. Neque aculeos in cauda habet rana marina, vt ex eius descriptio-
ne postea perspicuum fiet, neque ossa, cum cartilaginea sit, neque de
pastinacæ radio locus intelligi potest: de eo enim mox sequitur. Ea-

Lib. 32. cap. 7.

Lib. 32. cap. 8.

dem vis & pastinacæ radio. Quamobrem non video quò meliùs ista referri possint,quàm ad raiaŕũ aculeos:ex his enim sunt quæ magnos habent & firmos, planèq; osseos, præsertim cùm ex raia in ranam facilis lapsus fuerit,qui sæpius etiam in conuersione librorum Aristotelis reperitur.

De Torpedinibus.



CAPUT XIX.

QUA ratione Græci *νάρκτις* piscem,eadem Latini torpedinem vocant:est enim *νάρκη ἐκ τοῦ τῶν μελῶν*, id est, mēbrorum debilitatio, & torpedo idem quod torpor siue stupor.Huic pisci nomen datũ est,quòd torporem & stuporem membris inducat.Menæder,inquit Athenæus,*νάρκτου* per *α* extulit,quo nomine nullus veterum vsus est.Ligures à tremore *tremorize* appellant. Massilienses *dormiliouſe*, à stupore: pedem enim,verbi gratia torpidum siue stupefactum *endormi* dicimus.Galli *torpille*.Torpedinum genera quatuor facimus, tria earum quæ maculis notatæ sunt, quartum eius quæ maculis caret. Quæ genera omnia hoc vno capite concludimus,quia viribus & corporis specie non differunt,sed maculis tātũ vt diximus.Quare quæ de vnus facultatibus,& partium tum internarum tum externarũ descriptione dicuntur,eadem etiam reliquis conuenire existimato.Prima torpedinis species à nobis posita est ea cuius maculas efficiunt circuli albo nigroque distincti,quorum medium oculi pupillam,maculæ totæ oculos planè referunt.Quamobrem à Romanis hodie *ochiarella*, siue *oculatel*la nominatur. Porro maculæ pentagoni figura dispositæ sunt, reliquum corpus colore est ad rubricæ fabrilis, quam vulgo pro terra Armenia vendunt,colorem accedente. Piscis est planus car-

tilag-

cartilagineus, parte anteriore latus, lateribus rotundus, in caudam carnosam desinens, in cuius initio, partēque prona pinnulae duae erectae sunt, prior maior est, altera minor, in extremo pinnula est lata, ut caudam clavis navium, quibus in Rhodano & Sequana utuntur, apte comparare possis. Oculos paruos habet pro corporis magnitudine, post oculos foramina oculis maiora, quae ad os usque patent, quorum ambitus *ἐπιφύσεις* sunt carnosae, *ἐπιφύσεις* cordisterrenorum animalium, quas Latini valuulas interpretati sunt, similes. Os paruum in supina parte, dentibus paruis munitum, ante os foramina pro naribus. Branchias in medio ferè corpore, quia ob corporis tenuitatem ad latera, quemadmodum in galeis & squatina, collocari non poterant. Cor depressum, ventriculum latum, intestina breuia & lata, hepar album, in quo latet vesica fellis. In coenosis litoribus degit torpedio, vescitur carne piscium, quos astu capit. Aristoteles: *Ἡ νάρκη νάρκην ποιεῖται ὡς ἂν κρατῇ (ἢ μέλην) ἰχθύων, τὰς βότρω δὲ ἔχει ἐν τῷ σώματι λαμβανούσα βέβη* *Lib. 9. de hist. anima. ca. 37.* *τίστοις. καὶ (καρύνω)* δὲ εἰς τὸ ἄμμεν καὶ πηλόν, λαμβανούσα τὰ ἐπὶ πόντον, ὅσα δὲ νάρκησιν ἐπιφύονται τῶν ἰχθύων, καὶ τῶν ἀνίσταται γεγενημένων τινές. vbi pro ἐν τῷ σώματι perperam legitur in vulgaribus codicibus, ἐν τῷ σώματι. Torpedo pisces, quos appetit stupore afficit, ea quam suo in corpore habet, facultate, atque ita tardos praestupore capit, & vescitur. Abdit se in arena & limo, tum pisces, qui adnatantes obtorpuerint, corripit. Quam rem plerique à se conspectam retulerunt. Idem Plinius: Nouit *Lib. 9. cap. 42.* torpedo vim suam, ipsa non torpens, merfaque in limo se occultat, pisces qui securi adnatantes obtorpuere, corripiens. Athe- *lib. 7.* naeus: *Ἔστι δὲ ἡ νάρκη, ὡς φησὶν Ἀριστοτέλης, τῶν ἐλαχίστων, καὶ τῶν κυμνοτοκείων. Θηράει δὲ εἰς βοτρω ἐαυτὴς τὰ ἰχθύδια πρὸς τὴν ὀρμήν, καὶ νάρκην, καὶ ἀκινεῖσιν ποιεῖται. Δίφιλος δὲ Λαοδικὸς ἐν τῷ πρὸς τὰν Νικάνδρου Θηριακῶν, μὴ πᾶν τὸ ζῶον φησὶ νάρκα μὴ μπεῖν, μέρος δὲ τὴν αὐτῆς διατείναν πολλῆς φάσεων εἶδέναι, id est, Torpedo, ut ait Aristoteles, ex cartilagineis est, hisque quae catulos non oua pariunt. Venatur autem pisciculos, quibus vescatur, quos attingens stupore afficit, immobilisque reddit. Diphilus autem Laodiceus in libro de Nicandri Theriacis, non totum piscem scribit stuporem inducere, sed partem eius tantum, idque se experientia longa cognoscere. Quo loco pro *εἰδέναι* mendosè *ἐκλυθέναι* legitur. His adstipulatur Oppianus, qui *Lib. 2. ἀλυσ- τικῶν.* cecinit torpedo molli, tenerae, debili, tardissimaeque narranti pro robore venenum à natura esse datum. Huius itaque latera, quae vtrinque veluti alae expanduntur, radiisque contexta sunt (ea enim intelligi puto per *κεφάλαια παρὰ πλάγῳ ἐκτέραν ἀμφιδύμενα*) si quis attigerit, illico membrorum vires dissolui, concretoque sanguine artus praestupore moueri nō posse. Quam stupefaciendi vim cum*

sibi inesse sentiat, resupinatam in arena iacere immotam, mortuamque similem, cuius latera si piscis contingerit stupore impeditum euadere non posse.

Οἷον ἢ ναρκη τερενόχρῳ φάρμακον ἀλκῆς
 Ἐσπεται ἀλλοδιδάκτιον ἐν οἰκείοις μελέεσσιν.
 Ἡ μὲν γὰρ μαλακὴ τε δέμας, καὶ πᾶσ' ἀμυγνῇ,
 Νωθὴς τε βραδυλήτι, βαρυῖν', ἔδε κε φαίης
 Νηχομύδιον ὀράδην, μέλα γὰρ δύσφραστα κέλδουγα
 Εἰλεῖται, πολλοῖο δι' ὕδατος ἐρωζέσθαι.
 Ἀλλὰ οἱ ἐν λαγόνεσσιν ἀγαλκίης δόλος ἄλκη
 Κερκίδες ἐμπεφύασι παρὰ πλοῦν ἐχάτρεθεν
 Ἀμφίδυμοι, τῶν εἴ τις ἐπιβάνῃ πελάσας,
 Αἰνίχῃ οἱ μελέων ἀφένος ἔσβεσεν.

Lib. 9. de hist.
anim. cap. 37.

Ibidem.
Lib. 32. cap. 1.

Lib. 1. de sym-
ptoma. causis.
In Menone.

Lib. 3. ἀλυσ-
τικῶν.

Cetera ex ipso autore petito. Torpedines hoc piscatu uti, id argumentum est, inquit Aristoteles, quod capiantur; quæ in ventriculo mugiles habeant omnium velocissimos, cum ipsæ sint tardissimæ. Neque verò pisces solum, sed homines etiam stupefaciendi vi afficiunt. Aristoteles: Ἡ δὲ ναρκη φανερά ἐστι καὶ τὰς ἀνθρώπους ποιεῖ ναρκῆν. Plinius ex eodem: Maris torpedo etiam procul, & è longinquo, vel si hasta, virgæve attingatur, quâvis præualidos lacertos torpescere facit, quamlibet ad cursum veloces alligari pedes. Ego reuera torpedini pridem mortuæ, quæ domi asseruabatur, cum in summis æstatis feruoribus manum aliquando admouissem, sensi frigescere, ut verissimæ torpedinis viæ contactum, inter stuporis causas à Galeno numeratum fuisse existimem, quod fortasse ex Platone hausit, qui cum de torpedine loqueretur: Καὶ γὰρ αὐτὴ, inquit, τὴν πηλιδάξοντα ναρκῆν ποιεῖ. Hac arte è piscatorum manibus euadit: cum enim se hamo captam, vulneratamque senserit, lineam pinnis amplectitur, mox per lineam virgæmque stupor in piscatoris manum immittitur, ut piscatoria arma excidant. Oppianus:


Καὶ μὲν δὲ ναρκη σφέτερον νόον εὖ ἀπολείπει
 Πληγὴν ἀνιάξουσα, τιτανομήν δι' ὀδυνην
 Ὀρμὴν λαγόνας προσωπίσσει, αἴψα δ' ἡ χάτης
 Ἰστωίης δόναχός τε διέδραμνεν, ἐς δὲ ἀλγῆος
 Δεξιτέρῳ ἔσκηψε φερόντων ἰχθύος ἄλγος.
 Πολλάκι δὲ ἐκ παλάμης χάλαμος πέσεν ὅσαυτε θήρης.
 Τοῖος γὰρ κρύσταμα, ἐνίξῃ αἰνίχῃ χεῖρι.

Libro 7.


Frigoris impatiens torpedo, ob id hyeme conditur terra, hoc est, vado maris excavato. Theophrastus citante Athenæo: Θεόφραστος ἐν τῷ περὶ πολλοῦ βίων, διὰ δὲ τὸ ψυχρὸς φησὶ τὴν ναρκίην καὶ γῆς δύεσθαι. ἐν δὲ τῷ περὶ τῶν δαιμόνων, καὶ ἐλληνικῶν, διαπαινεύει φησὶ τὴν ναρκίην τὴν ἀπὸ ἀλγῆς δύναμιν, καὶ διὰ τῶν ξύλων, δὲ διὰ τῶν τερόδων ποιεῖν ναρκῆν

τὸς ἐν χερσὶν ἔχοντες. Theophrastus in libro de his quæ hyeme latent, scribit torpedinem ob frigus sub terra condi. In libro autem de iis quæ mordendo & eiaculando venenum infundunt, vim à se emitte-
 re, & per ligna, fuscinasque stupore, manu illa tenentes afficere. Circa
 autumnum parit, autore Aristotele, non oua, sed fœtus viuos ex ouis, *Lib. 6. de hist. anima. ca. 10.*
 quæ intus excludit, hos in metu intra se recipit & emittit, eodem Ari-
 stotele autore. Et quidem, inquit, iam visa torpedo est grandis, quæ *Lib. 6. de hist. anima. ca. 10.*
 fœtus intra se circiter octoginta haberet. Diphilus apud Athenæum
 ait torpedinem concoctu difficilem esse, demptis iis partibus, quæ cir-
 ca caput sunt, quæ teneræ sunt, ventriculo grata, & concoctu faciles,
 paruas autem meliores esse, præsertim simpliciter coctas. Hicæsius ait
 non nutrire, insipidam esse, aliquid tamen habere, quod ventriculo
 valde gratum sit. Huius iccori teneritas nulla præfertur, vt scribit
 Plinius. Qui torpedinem in cibus damnarunt, ij mihi rectius iudi-
 casse videntur: est enim mali succi, insuauisque, humida, molli, fun-
 gosaque carne, ob id à nostris reiicitur: quòd si quando edatur, ab-
 iectis capite, partibusque quæ circa caput & branchias sunt, aliis ce-
 pîsque condita editur. Et Venetiis, ne in foro piscario vendatur,
 autoritate præfecti sanitatis cautum est. Quare non possum non mi-
 rari quæ Galenus de torpedine scripsit. Mollem habent carnem tor-
 pedo & pastinaca, quemadmodum etiam iucundam, quæ modicè
 aluum subducatur, & non difficilè concoquatur, quæque modicè nu-
 triat. Et in consilio pro Epileptico, torpedinem solam ex cartilagi-
 neorum genere, epilepticis conuenientem cibum esse. Et in libello de
 Attenuante victu, saxatilibus in penuria substitui vult, præpararique
 cum beta, aut porro, admitto piperis tantillo. Et in libro octauo
 method. medend. cum saxatilibus piscibus asellos substituerit, pro-
 ximè asellos, inquit, sunt soleæ & torpedo. Idem literis prodidit, *Lib. 11. de fac. simplic. medi.*
 se experientia comperisse torpedinem marinam non mortuam, vt
 nonnulli existimauerant, sed viuam admotam capitis doloribus me-
 deri, sedemque euerfam coercere, idque eadem vi efficere, qua alia
 medicamenta, quæ sensui stuporem adferunt. Quod quidem ego
 sic interpretor, torpedinem admotam capitis dolores leuare, stupo-
 rem inducendo, cuius stuporis causa sit frigiditas, id quod etiam de
 opio, mandragora, hyoscyamo verè dicitur, sed non ea solùm, sed
 & cæca quædam vis torpedini à natura insita. Nam idem Galenus *Lib. 1. de can. sympto.*
 hanc torpedinis vim non frigiditati solùm, verùm etiam obscure eius
 facultati adscribere videtur: cum enim stuporis, qui ex difficili sensu
 motuque componitur, causas recenseret refrigerationi, partiumque
 neruolarum compressioni, torpedinis marinæ contactum adiungit.
 Paulus Ægineta oleum, in quo viua torpedo decocta fuerit, ad acer-
 biores articulorum cruciatus leniendos pròdesse scribit. Mirum

Lib. 32. c. 10. quod de torpedine Plinius scribit. Si capiatur cùm Luna in Libra fuerit, triduòque asseruetur sub diuo, faciles partus facere, postea quoties inferatur adiuuare. Et: Fel torpedinis viuæ genitalibus illitum venerem inhibet. Et lieni medetur torpedo imposita. De torpedine fluuiatili nihil hîc dicendum, à marina enim non differt. Fluuiatilis in Nilo reperitur, testibus Athenæo & Strabone.




SECUNDA Torpedinis species à prima differt, quòd maculas nigras, rotundas, circulis non distinctas habeat, sed eadem pentagoni figura dispositas. Est etiam primæ concolor.




TERTIA Magis varia est, habet enim maculas diuersarum figurarum, huc & illuc sparsas, & sine ordine.

Quar



Q V A R T A Et rotundis & cuiusvis alterius figuræ maculis
prorsus caret. Est primæ & secundæ concolor.

De Rana piscatrice



CAPUT XX.

A R A I I S Et torpedinibus ad longos cartilagi-
neos veniemus per medios : hos voco, qui vt non
omnino longis similes sunt, ita longiore contractio-
reque sunt corpore, & cauda spissiore quàm plani.
Præterea branchias in lateribus habent, præter pla-
norum cartilagineorum naturam. Huiusmodi sunt rana marina
& squatina, quas tamen in planis numerarunt Aristoteles & Plinius.
De rana autem marina cæteris raïarum generibus omissis nunc lo-
quimur, quæ *ῥάπαχος ἁλίας* ab Aristotele dicitur, id est, interprete
Plinio, rana piscatrix. Hodie quoque à Neapolitanis rana piscatrix
dicitur, ab aliis Italis *marino piscatore* vel *diavolo di mare*. A Massilien-
sibus *baudroy* à lato & amplo oris rictu, quo marsupium refert quod

*Lib. 9. de hist.
anim. cap. 37.
Lib. 9. cap. 42.*

baudrier vernacula lingua nominatur. A Burdegalenſibus *peſcheteau*. Siculi lamiā neſcio qua ratione appellant niſi ab ore admodū hianſe, vel à voracitate. Monſpelienſes *gallangu*. Piſcatricis nomen à piſcandi ſolertia inuenit, ranæ verò à ranæ paluſtris nuper naſcentis ſimilitudine. Pariunt enim ranæ paluſtres, tradente Plinio, minimas carnes nigras, quas gyrimos vocat, oculis tantum & cauda inſignes, mox pedes figurantur, cauda findente ſe in poſteriores. Theon quoq; ranarū partus informes vocat, ἀδικοπλαστα, γυνήματα καὶ ὑποδα, quoniā vſarum

In Theſt. 20.

more pariūt ranæ. Gyrinorum etiā meminit Aratus in Phænomenis:

Αὐτόθεν ἐξ Ὑδαίος πατέρες βοάει γυρίνων.

Et apud Platonem prouerbio dicitur: Nihilo rana gyrina prudentior: Ὅτι ἡμεῖς μὲν ἀνὴρ ὡς περ θεὸν θαυμάζομεν ἐπὶ σοφίᾳ, ὅδε ἄρα ἐπὶ γυρίων ὢν εἰς φρόνησιν ἔδεν βελίων βαρύτερος γυρίων. Nos illum tanquam Deum ſapientiæ nomine ſuſpiciebamus, at ille neutiquam ſapientia ranam gyrinam ſuperabat. Quo in loco Eraſmus pro γυρίων legendum cenſet γυρίων: eſt enim Gryneum Myrenæorum oppidum, vbi conſentaneum eſt, inquit, ranam deſpicatiſſimā fuiſſe, propter Apollinem, cui peculiariter id animal inuiſum, propter fabulam de ruſticis in ranas commutatis. Eſt autem eo in loco templum Apollini ſacrum candido marmore, & oraculum vetuſtiſſimum: vnde etiam ipſi cognomentum Gryneo. Verum cum optimorum autorū teſtimoniis conſtet gyrimos paruas eſſe ranas, vel ranarū partus informes, quibus illepidius nihil poſſit videri, Platonis locus integer minimèq; immutandus mihi videtur. Sed vtra lectio magis probanda penes doctiores iudicium eſto. Ad ranam marinā redeamus, quæ à ranarū paluſtrium recens natarum ſimilitudine dictæ ſunt: capite enim caudāq; tantum conſtare videntur, vt etiam cortis fluuiatilibus piſcibus appoſitè comparari poſſit. Hic indignum planè fuerit veritatis ſtudioſo prætereire ſilentio, monſtrum illud, ſeu fabulam potiùs quàm pro rana piſcatricæ, & eius hiſtoria propoſuit is, qui de aquatilibus ſuperiore anno lib. edidit: ei enim pedes appinxit tam abſurdè, quàm ſi leoni terreno pinnas appinxiſſet, ranāque appellatam eſſe putat, à pedibus quos ſub ventre geminos habet, ad ranæ paluſtris ſimilitudinem membrana intertextis, quibus veriſimile eſt, inquit, hanc in ranæ modum per fundum maris incedere. Quæ omnia quantum à veritate abhorreant, ex ſequentibus perſpicuum fiet. Rana marina piſcis eſt cartilagineus, planus, fuſcus, ſiue fuliginis colore, capite maximo, rotundo & compreſſo. Corporis figura & colore cortis piſciculis ſimilis. Capiti cauda tantum ſine corpore affixa eſſe videtur, vt nihil ferè præter caput, caudāque in hoc piſce videas. Caput aculeis multis, acutis horret. Os illi non in ſupina parte, ſed in promptu, amplum & latum, & ad piſcis ingenium morèſque à prouida natura

rectè accommodatum. Maxilla superior breuior est, inferior longior & prominens quo fit vt semper os hiet, pateatq;. Lingua quoq; maxilla superiore longior, lata est & magna pro maxillæ magnitudine. Est membrana quædam gingiuarum interiore parte enata & in os cõplicata, quæ à maxilla separari, nisi diligenter inspicias non videtur. Dentres non solùm in vtraq; maxilla sunt magni, acuti, in os recurui, sed etiã in palati ossibus duobus infixi, item in radice linguæ. Oculi supra caput ad latera spectantes, aculeis septi: ante hos propendent appendices duę, tenues, albę, tetrıq; odoris, si Oppiano credimus, quibus veluti esca pisces mira solertia allicit & capit, quod non solùm grauissimo Aristotelis testimonio, sed etiam piscatorũ multorũ experientia comprobatum est. Aristoteles: rana ea quæ ante oculos propendent, quæ longa pilorũ speciem referunt, in extremis autem crassiuscula rotundantur, veluti esca vtrısq; adiecta, ea inquam capillameta, cum arena, aut turbidis aquis, quas ipsa conturbarit, sese obruerit, attollit, quæ quum tangunt, pulsantq; pisciculi, eos allicit donec in os perduxerit: quæ verò capillamentis illis casu quodam caruerit, macilentior capitur. Eadem Plinius ita trãstulit. Nec minor solertia ranæ quæ in mari piscatrix vocatur, eminẽtia sub oculis cornicula turbato limo exerit, assultantes pisciculos pertrahens, donec tam prope accedant, vt assu-

Lib. 2. ἀλιού-
τικῶν.

Lib. 9. de hist.
anti. cap. 37.

Lib. 9. cap. 42.

Lib. 2. ἀλιού-
τικῶν.

liat. Eadem Plinius pereleganter expressit.

Βάραχος αὐνωθὴς μὲν, ὁμῶς καὶ μαλαχὸς ἰχθύς

Αἰχίς δ' ἰδέειν, εἶμα δ' ὀγέται ὄρνυ μάλιστα.

Ἀλλ' ἄρα καὶ τῷ μῆτις ἀνδράτι γαστέρι φορβίω.

Αὐτὸς μὲν πολλοῖο καὶ ὄρνυτος ἐλυαθεῖς

Κέκλιται ἀβέμεων, ὀλίγῳ δ' ἀνὰ ἄρχῃ τιταίνῃ,

Ἡῖρα οἱ ἐκ γένους νεάτης ὕπνιεσθε πεφύκη

Λεπὴν τ', ἀργυρήν τε, κακὴ δ' οἱ ἔστιν αὐτμῆ.

Τὴν θαμνὶ διδύκῃ δόλον ἰχθύσι βαγοτέροισιν,

Οἱ γὰρ μιν εἰσρόωντες ἐφορμώσι λαβέειν,

Αὐτὰρ ὃ τὴν ἄψ' ἂν τι ἐφέλκεται ἀβέμας εἶναι

Ἡ καὶ μάλ' ἀπαίρουσιν ἐπὶ εἶμα τοῖδ' ἐφύονται

Οὐδὲν δ' ὁσάμηναι κρυπτὸν δόλον, ἄχρει λάθωσι.

Βαράχος εἰρήσιν ἔσω γυνέοσι μίγνεται.

Ex his liquet iure optimo piscatricis cognomentũ additum. Contraaliorum planorum cartilagineorum naturam pinnas duas habet in medio corpore. Branchiarum foramen vtrinque vnum, cute non osseo operculo contectum. Cauda carnosæ est spissaque, in pinnam latam desinens, in eiused supina parte pinna alia erigitur. Ex caudæ capitısq; lateribus appendiculæ quædam carnosæ dependent, certis interuallis a se distantes, quæ natante rana supernatant. Intus peritonæum nigrum est, ventriculus magnus, vtrinq; appendicem vnicam,

breuem habens. Intestina gracilia, in gyros multos conuoluta & replicata, quod necesse fuit, ob voracitatem & ventris capacitatem paruum. Hepar rubescens, paruum, cōtra voraciū & guloforum piscium naturam, neq; in lobos sectum veluti in galeis, teneritudine torpedinis hepatis non cedit, ob eam solū expetendum. Fellis vesicæ meatus longus, ab hepate propenderis mesenterio, intestinōque adhæret, fel aqueum est. Splen nigricat. Huic pisci si per os, vetriculus interaneāq; omnia eximantur, corpūsq; quoad eius fieri potest distendatur, totum pellucidum fit, immissoque lumine laterna apparet horrifico aspectu, quemadmodum & piscis ipse viuis tetro fœdōq; est conspectu, vnde ab Italis *diauolo marino* nuncupatur, & ab Oppiano in versibus paulò antè citatis fœda visu dicitur. rana oua parit, cum ceteri cartilaginei

Li. 2. de Hist.
animal. ca. 13.
Lib. 6. de hist.
cap. 10.

animal pariant: Aristotel. οἱ μὲν λεπτὸι εἰσι πάντες αὐτοῖσι. τὰ δὲ σελάχη πάντα ζωοτοκεῖ, ὡς καὶ τὰ βαρύνοντα. Et: ζωοτοκεῖ δὲ τὰ σελάχη, ὡς καὶ τὰ βαρύνοντα. Animal pariunt cartilaginea, sed prius ouum pariunt in seipsis, augentq; & excludunt, excepta

Lib. 9. cap. 24.
Lib. 3. de gen.
anim. cap. 3.

rana. Quo in loco pro rana, mēdosē legitur raia in Latinis codicibus.

Plinius. Cartilagineum genus animal parit, excepta quam ranam vocant. Huius rei causam reddit Aristoteles. τὰ χαλεμώτερα σελάχη τῶν ἰχθύων ἐν αὐτοῖσι μὲν αὐτοκεῖ τὸ τέλειον ὦν, ἐξ ὧν δὲ ζωοτοκεῖ, ὡς καὶ τὰ βαρύνοντα. ὅσοι δὲ αὐτοκεῖ θύραζε τὸ τέλειον ὦν μένει. Ἀλλὰ ὅτι τὸ σώματος φύσις, τὴν τε γὰρ κεφαλὴν πολλαπλασιάζει, καὶ τὸ σώματος, καὶ τὴν αὐτὴν ἀκαθάρτην καὶ σποδρὰν βραχέειν. Διότι οὗτοῦ ὅτι ὕστερον εἰσδέχεται τὴν νεοτῆδιν, ἐδὲ ἐξ ἀρχῆς ζωοτοκεῖ. ὅτι γὰρ μέγεθος, καὶ ἡ βραχύτης τὴν κεφαλὴν, ὡς περὶ καὶ εἰσελθεῖν καλῶς, οὕτω καὶ ἐξελθεῖν. Cartilaginea perfectum ouum intra se pariunt, animalque foras emittunt, excepta rana: hæc enim sola perfectum ouum foras emittit. Cuius rei causa est corporis natura: caput enim multò maius reliquo corpore habet, idque aculeatum, valdeque asperum: quamobrem neque postea catulos suos recipit, neque initio animal parit: capitis enim magnitudo & asperitas quemadmodū ingressum, ita etiam

Lib. 6. de hist.
cap. 10.

exitum impedit. Idem alio loco scribit, ranam animal non parere, neque fœtus suos recipere, tum propter capitis magnitudinem, tum propter aculeorum impedimentum. Cur verò ranæ pauca reperiantur, cum inter cartilaginea fœcundissimæ sint, idem Aristoteles docet.


Lib. 6. de hist.
anim. cap. 17.

πολυγονώτερον δὲ ἐστὶ τῶν ἰχθύων ἡ μαῖνις, τῶν δὲ σελάχων βαρύνοντα, ἀλλὰ ἀπάνιοι εἰσὶ, διὰ τὸ ἀπολλυῖν ῥαδίως. τίκτει γὰρ ἀθροῦς αἷμα πρὸς τῇ γῇ. Fœcundissima piscium est mana, inter cartilaginea verò rana, sed raræ sunt, quia facillè pereunt, parit enim vniuersa ad terram. Rana marina extra aquam aliquandiu viuere potest. Vidimus ipsi aliquando in litore inter herbas dies duos vixisse, vulpeculæque terrenæ noctu pastum quærantis pedem dentibus arripuisse, & ad auroram vsque retinuisse, ex quibus oris dentiūque robur colligere licet.

Carn-

Carne est molli, excrementitia, insuavi, ferini saporis, maliq; succi. Fel eius aduersus suffusiones vtile est. Ranarum marinarū autore Plinio, *Lib. 32. cap. 1.* ex vino & aceto decoctarum succus contra venena bibitur, & contra ranæ rubetæ venenum, & contra salamandras. Os in cauda nullū habet rana, cū cartilaginea sit, neq; aculeum exertū pastinacæ modo; Plinius tamen, Ossiculum de cauda strumis curandis prodesse his verbis scribit: Pungi piscis eius, qui rana in mari appellatur, ossiculo de cauda, ita vt nō vulneret, prodest. Id faciendū quotidie, donec percurrentur. Sed quid de eo Plinij loco sentiam, antea exposui. Ex his tūc *οὐλοφύς* à nobis cognitis, tūc grauissimorū autorum testimoniis confirmatis, notior cuius esse potest rana piscatrix q̃ ex eius descriptione qui pedes ei tribuit, quiq; eam maltham appellat: cuius erroris refutationem in hunc locū reieci. Ac primū quā friuola sit sola hæc ratio, q̃ maltha sit, quia molli sit carne, nemo non videt: id enim nomen in infinitos alios pisces, qui molli sunt carne, cōpeteret. Deinde Oppianus, cuius versus à Lippio Latinos factos profert, facilē eum ab hoc errore reuocasset. Is enim *LIB. 1. ἀλιόλακον* cum cetaceis maltham numerat: libro verò secundo torpedini subiunxit. Quare ineptē primo Latino versui libri primi duos alios ex libro secundo subiunxit, quasi verò maltham & ranam tanquam eundem piscem Oppianus coniunxisset, utq; tribus versibus, vt de eodem locutus fuisset.

De Squatina.



CAPUT XXI.



‘I N H N Accentu in priore posito, vt differat à *ῥινῃ*, quæ limam significat, Gaza rectē squatinam conuertit Plinium secutus: eius enim hæc sunt verba in *Lib. 31. ca. 11.* catalogo piscium. Rhina quam squatinam vocamus. Dicitur autem squatina fortasse à squalore, hoc est,

cutis asperitate. Nostri Massilienses, Galli, Ligures angelum vocant, à similitudine angeli picti cum alis expãsis. Veneti *Squaquam* vocant. alij *Squaiam*, alij *Squadram*. Burdegaleses *Creac de buch*. Græci huius temporis *πίσκις καὶ πύβιστος*. Squatina piscis est planus, cartilagineus, magnus quidem, vtpote qui ad hominis magnitudinem aliquando accrescat. Vidi etiam squatinam centum & sexaginta libras pondere æquantem. Est enim bene longa, sed corpore contractiore strictioréque, cute asperrima, durissima, qua lignum & eborâ perpoliuntur: *Lib. i. c. 10.* nam & è mari fabriles vsus exeunt, inquit Plinius. Partes pronæ coloris sunt cinerei ad fuscum vergentis, pars supina alba & læuis. Os non habet in supina parte, nec infra rostrum raiarum modo, sed in promptu partéque primùm obuia, veluti rana piscatrix, atque squamosi, maxillarum ossa in angulum obtusum desinunt, lingua verò in acutum, in cuius extremo carneum tabernaculum est. Os habet breuius sed acutissimis dentibus munitum, aliter quàm in vllis aliis piscibus dispositis: sunt enim dentium ordines, interuallis dentibus vacuis à sese distincti & distantes. Horum ordinum singuli tam arctè connexis cohærentibusque dentibus constant, vt non plures dentes, sed vnicus planus, latúsque dens esse videatur: verùm vnguibus, vel cultelli mucrone inserto facilè separantur, quique à reliquis separatus est, reliquis immotis mouetur, & loco eximitur. In inferiore maxilla, linguæ extremo acuto locus dentibus vacuus cedit naturæ prouidentia, dextra sinistrâque dentium sunt ordines, quinque dentibus constantes, tertius & quartus ordo quatuor duntaxat dentibus constat. Ordines qui hos sequuntur, quique in anteriore oris parte siti sunt, tribus tantùm. Contrâ in maxilla superiore ea enim in parte quæ maxillæ inferioris parti dentibus vacuæ respondet, ordo est ex quinque dentibus, vtrinque similes duo ordines. Quartus, quintus, sextus & septimus ex quatuor dentibus, qui subsequuntur, ex tribus tantùm. Dentes omnes in os sunt reuerui. Maxillæ superioris extremum cute non integitur, ex eo apophyses duæ in os demittuntur in alias diuisæ, de quarum vsu postea dicitur. Oculos supra caput habet, non sursum sed ad latera spectantes, post quos foramina sunt, quæ ad os vsque patent, veluti in raiis. In lateribus branchias detectas habet, non in supina parte vt raiæ: illarum enim situ & oris scissura squatina à reliquis planis piscibus differt. Corporis latitudo in pinnas definit maiores, sequuntur aliæ minores. In cauda verò pinnulæ duæ erectæ sunt, eadem in vnica & continuam definit. E media dorsi spina aculei parui existunt, item alij prope oculos. Reliquis cartilagineis, internis partibus similis est. Nam ventriculolum magnum habet, intestina magna latâque, hepar in lobos duos diuisum, in quo fellis vesica latet, felle viridi plena. Lien ex rubro

magis nutrit. Vniuersè autem cartilaginea omnia flatus gignunt, car-
nosa sunt, concoctu difficilia, quorum multo vsu oculorum acies he-
betatur. Quod temere dictū esse nemo existimare debet. Cū enim
cartilaginea flatuum, crassiorūq; & glutinosorum humorum ma-
gnū prouentum adferant, crassos ex his caliginosq; spiritus effi-
ci necesse est, quorum perspicuitatem & splendorem ad clariū cer-
nendum necessariū esse certum est. Apud nos nullo in pretio est squa-
tina, etiam à rusticis neglecta, tum ob ferinum saporem, tum ob car-
nis duritiam & insuauitatem. Ex hepate oleum fit, quod ad hepatis du-
ritiam valet, addita spica celtica vel styrace, vel absinthio. Oua exic-
cata ad sistenda alui profluvia multū conferre experientia comper-
tum: iis enim ad omnes alui fluxiones vtuntur piscatores nostri. Cūte
ensium capuli integuntur. Ex eadem optimum fit in psora & scabie
smegma. Eiusdem cutis cineres cōtra alopeciam & vlcera capitis ma-
nantia profunt. Tota squatina mammiis imposita earum incremen-
tum prohiberi, duriusculāsq; reddi traditur. Quod à me experiētia
Lib. 3. cap. 10. comprobatum est, huius quoque rei testis est Plinius. Squatinæ il-
litæ crescere mammas non patiuntur. Id nō manifesta qualitate, sed
obscura quadam vi effici puto, maximè cum sale asseruata idem non
præstet, cuius salis causa magis digerere & exicare deberet. Hæc squa-
tinæ facultatem si resciscant mulieres, cultui & ornatui plus equo de-
ditæ, pluris eam empturæ sint, quàm vlli Romani vnquam mullum,
vel etiam acipenserem emerint. Audiui ab excellentis doctrinæ viro
cū diceret, eam quam nos squatinam esse diximus rhinobatum esse.
Squatinam verò esse quam *catto rochiero* in Prouincia vocant. Sed de
rhinobato mox, de eo qui *catto rochiero* nominatur, quum de caniculis
dicemus. Sunt qui scribant squatinam subinde colorē mutare, & eius
cui adhæserit colorē corpore imitari polypi more, quod sanè rationi
consentaneum non est. Quæ enim colorē sic mutāt, vel quia corpore
pellucido sunt id faciunt, vt chamæleo: vel quia cute sunt ita tenui, vt
in humorū spirituūq; perturbatione atque agitatione, varij eorum
colores perluceant. Quorum neutrum de squatina dici potest, utpote
quæ cute sit aspera, dura ac densa.

De Rhinobato.

CAPUT XXII.

*Lib. 6. de hist.
animal. ca. 11.*



T ῥινόβαλον Græci, ita Gaza Latinè composito nomi-
ne squatinoraiam appellauit. Huius sic meminit Ari-
stoteles. Τὸν μὲν ἐν ἄλλων ἰχθύων παρὰ τὰς συγγεῖας
ἑδὲν ὥσπερ συνδυαζόμενον: ῥῖνη δὲ μὲν δοκεῖ τὸ ποιεῖν
καὶ βάτος, ἔστι γὰρ τις ἰχθύς, ὃς καλεῖται ῥινόβαλος. ἰχθ
γάρ

γὰρ τὴν μὲν κεφαλὴν, & τὴν ἑμπαρομένην βάρυν, τὰ δὲ ὅπιαθεν ῥίνας, ὡς
 γινόμενος ἐξ ἀμφοτέρων τῶν ἰχθύων. Plinius: Piscium diuerſa genera *Lib. 9. cap. 51.*
 non coeunt præter ſquatinam & raia, ex quibus naſcitur prio-
 ri parte raia ſimilis, & nomen ex utroque compoſitum apud
 Græcos trahit. Præter hæc nihil vſquam alibi de rhinobato le-
 gi, aut ab aliis accepi. Nec mihi omnium generum piſces diligentius
 perquirenti vidiffe vnquam hunc piſcem contigit, eadem mihi ſenes
 & periti piſcatores affirmarunt. Quæ cùm diligentius expendiſſem,
 in eam tandem ſum adductus ſententiam, vt exiſtimem ne Ariſtote-
 lem quidem, aut Plinium vnquam rhinobaton vidiffe, piſcémque
 planè commentitium eſſe, quique re non exiſtat, quod quidem Ari-
 ſtotelis verba iam citata ſubinducant, quæque alio loco ſcripſit: Ἐπὶ *Lib. 2. de gen:
animal. cap. 3.*
 τῶν θαλαττίων ἔστι δὲν ἀξιόλογον ἐώρασαι, δοχεῦσι δὲ μέλιστα οἱ ῥινόβατοι καὶ
 λεμόμοι γίνεσθαι ἐκ ῥίνας καὶ βάρυντος ῥινόβατου. In marinis nihil adhuc
 exploratum habemus dignum memoratu, qui tamen rhinobati ap-
 pellantur, maximè gigni creduntur ex ſquatina & raia. Squatinam
 itaque cum raia videri coire ait, quo quidem loquendi genere, & ſi-
 milibus, vt, ferunt, tradunt, aiunt, creditur, vtuntur Herodotus,
 Theophrastus, Dioſcorides, quum ſe rem aliquam pro incerta ha-
 bere ſignificant. Iam verò ratio, quam ſubdit Ariſtoteles, planè in-
 firma eſt. Si enim ideo coeunt ſquatina & raia, quia piſcis ſit, qui rhi-
 nobatus nominetur, utriusque ſimilis, & hippocentauros & tragela-
 phos eſſe poſſe dicemus, ſi centaurus cum equa, & hircus cum cerua
 commiſceatur. At, vt ſcribit Galenus, fieri ſecundum naturam non
 poteſt, vt tantopere diſſidentia corpora cōmiſceantur: neque enim co-
 lores & figuras tantum componi oporteret, quemadmodum à ſtatua-
 riis & pictoribus fieri ſolet, ſed totas ſubſtantias natura ab huiusmo-
 di permiſſione alieniſſimas. Neque ſi diuerſæ animantium formæ,
 non tamen vſq; ad eò diſſimiles, coeant, id animal gignunt, quod vna
 parte huic altera illi ſimile ſit, ſed quod vni tantum procreantium
 ſimile ſit, vel tertium quoddam: vt cùm aſinus equam iniit, nullus
 aut nulla neutri per omnia ſimile animal gignitur. Si lupus
 cum cane vel vulpe congregiatur, canis vel vulpes al-
 teri tantum ſimilis. Quare meo quidem iudi-
 cio fides iis habenda non eſt, qui rhi-
 nobati miſtūmq; genus, pro-
 lēmq; biformem nobis
 obtrudunt.



G V L I E L M I

R O N D E L E T I I

D E P I S C I B V S

L I B E R X I I I .

435

De Galeorum nomine.

C A P U T I .



Lib. 9. cap. 34.

S V M V S Nunc de longis cartilagineis dicturi, in quibus sunt γαλεοί, quos mustellos vertit Gaza: nomen à corporis habitu mustellis terrenis simili datum est. Γαλεός verò siue γαλεώδης generis nomen est apud Aristotelem, cui epitheta, ut formas quæ generi subsunt, distinguat, adiicit: dicitur enim galeus acanthias, galeus asterias, galeus læuis. Galeos Plinius squalos appellasse videtur. Planorum piscium alterum est genus, quod pro spina cartilagineam habet, raia, pastinaca, squatina, torpedo, & quos bouis lamia, aquila, rana nominibus Græcia appellat, quo nomine sunt squali quoque quanuis non plani. Quo loco non squali sed galei legendum censet Massarius, quia galeos vocauit Aristoteles, ex quo hæc mutuatus est Plinius. At non semper Græcis vocibus usus est Plinius, nec huius loci lectionem mutandam esse arbitror, præsertim cum alio etiam loco squalos nominauerit. Plurimi piscium, inquit, pariunt tribus mensibus, Aprili, Maio, Iunio. Salpæ autumno, spari, torpedo, squali circa æquinoctium, molles vere. Et Columella piscibus, qui in piscinis aluntur, escam præberi iubet tabêtes hælculas, & salibus exesam chalcidem, putremque fardinam, nec minus squalorum branchias, vel quicquid intestini pelamys, aut lacer-

tus

tus gerit. Quanquam eo loco pro squalorum, scaurorum vel scarorum legitur in vulgaribus exemplaribus, sed mendosè. Nam cum, ut ipse Columella superiore capite scribit, scarus totius Asiæ Græciæque litoribus Sicilia tenus frequens esset, verum Romæ rarus: quâ fieri poterat, ut scarorum branchias pro esca in piscinas conicerent, vel ipsorum intestina, quæ præterquam quòd rarus erat piscis, à gulæ proceribus auidè expeterentur, summisque in delitiis haberentur? Rectè verò galei squali vocantur, quasi squalidi, id est, horridi asperique: sunt enim omnes aspera cute. Nam squalidū dicitur quicquid ita oblitum incultumque est, ut horridum asperumque videatur & sentiatur, & squalam rem pro sordida dixerunt antiqui, ut Ennius citante Nonio Marcello: Elauere lachrymas, vestem squalam & sordidam. Galeis cartilagineisque piscibus proprium est, branchias habere detectas, id est, sine osseo operculo, sed huius vice foramina quinque habent, prope branchias pinnas duas, à podice alias duas, præter quas maribus quibusdam, ut in rana piscatrice videre est, duæ sunt apophyses siue appendices. Galei nulli squamis, sed cute aspera integuntur. Iecur est illis geminum, quod in oleum abit. Carent pinguedine galei omnes, quorum differentia constitui possunt, ut alij galei simpliciter, alij galei cetacei sint, cui generi Galenus canes & libellas subicit. His vulpes, malthas, aliosque, qui in magnam molem accrescunt, adiungere possumus.

Lib. 3. de fac.
aliments.

De Galeo Acanthia.



CAPUT II.

ALEO qui *ἀχάνθιας* cognominatur incipimus, quòd is facile agnosci, & à reliquis secerni possit. *Ἀχάνθιας* dicitur ab aculeis, quos in tergore gerit, spinacem conuertit Gaza. A nostris & Massiliensibus *Aguillat*, ab aculeis nominatur: acus enim à Gallicis *Eguille* dicitur. Eadem de causa à Venetis *Azio*, quasi aculeatus: ea enim vox illis stimulum significat, quo punguntur boues. Item à Liguribus *Aguseo*. A Gallis *Chien de mer*. Galeus corpore est longo, coloris cinerei, duos aculeos in dorso habet, quibus pinnae innituntur,

detectos, firmos, acutos, non admodum latos, veluti in centrina. Rostro est primum lato, deinde in acutum desinente. Oculis magnis, post quos foramina duo habet. In supina parte oris rictum latum, dentibus ad latera spectantibus munitum, eadem in parte ante os foramina duo pro naribus. Branchias detectas in lateribus. Omnium enim cartilagineorum, quæ longo sunt corpore, bran-


*Lib. 2. de hist.
anim. cap. 13.*

chiæ detectæ sitæ sunt in lateribus, teste etiam Aristotele, ut in quouis galeorum genere. Branchias sequuntur pinnae duæ ad natandum. In parte supina nullæ sunt, præterquam ex podicis utraque parte, quæ in foemina minores, in mare maiores sunt. Præterea mas appendices paruas illic habet, quæ nota à foemina distinguitur. Corpus sensim gracilescens in caudam desinit geminam, superior pars longior est, inferior breuior. Colore dum viuit in mari ferè est argenteo, quum expirauit ex cinereo rubescit. Ventriculum habet magnum & latum, intestina lata, hepar geminum, ut galei omnes, flauescens, in quo fellis vesica latet. Splenem in duos lobos diuisum, rubescentem. Cor angulatum. Vuluam iuxta diaphragma sitam, in qua oua alia iam conformata, alia quæ adhuc conformantur, reperias. vitellis ouorum gallinæ maximè similia, sed maiora. Galeus hic ventre foetus excludit per venam, quam Anatomici vmbilicalem vocant, ouis adhærentes. Oua verò nullo vinculo vtero alligata sunt. Itaque ex ouis alimentum trahunt foetus, donec perfecti foras emitantur. Foetus editos rursus intro non recipit, neque enim potest, ob dorfi aculeos, qui antequam in lucem edantur, molles sunt, postea duri, acuti pungentisque fiunt. Hunc, quem depinximus, galeum acanthiam esse, præter aculeos dorfi, à quibus nomen posuitum, demonstrat generationis modus, de quo Aristoteles: Ο ἀκανθίας ὁ γαλεὺς ἐν τῷ ὑποζώματι ἔχει τὰ ὡὰ ἀνωθεν τῶν μεσῶν, ὅθεν διηκροῖται ὁ ὄν, ἐπὶ τῶν ἀποτελεσµάτων γίνεται ὁ νεοττός. Galeus qui acanthias dicitur, ad septum transversum oua habet, supra mammas, in quibus iam absolutis, cum descenderint foetus nascitur. Vidi equidem sex in ventre perfectos foetus, ex ouis, per venam quam diximus, pendentes, multis aliis ouis nondum exclusis. Acanthiæ peculiariter cor pentagonum attribuit Athenæus, sed id huic cum aliis omnibus galeis commune est. Carne dura est, ferinum olente, nec apud nos nisi in summa piscium inopia à pauperibus emitur. Elinoxos ex butyro Galli edunt. Fel ad oculorum suffusiones valere expertus sum. Ex hepate oleum fit, quo ad lucernas uti possumus, & ad induratum hepar emolliendum, dolorémque sedandum.

Libro 7.

De Gal.

De Galeo læui.



CAPUT III.

Q Galeos læios cū nullum aliud Latinum nomen habeat, galeus læuis dicitur. A nostris *Emissole* vocatur. A Romanis *pesce columbo*. Galeus læuis ab acanthia aculeis dorsi differt, rostroque est breuiore, sed latiore, oris rictu minùs lato, maxillis in angulum obtusum desinentibus sine dentibus, sed horum loco os asperum dedit natura, veluti raiis multis, foramina pro naribus habet, his alia minora sunt post oculos. Branchiis à superiore non differt, neque pinna-
 rum numero aut situ, nisi quòd cauda ex tribus còstat pinnis: nam inter superiorem & inferiorem mediavna interiacet. Colore est cinereo, partibus internis superiori similis. Hunc galeum læuem esse, quāquam tota cutis admodum læuis non sit, docet ipsa generandi ratio, de qua Aristoteles: Οἱ δὲ χαλκιδνοὶ λεῖοι τῶν γαλεῶν, τὰ μὲν δὲ ἰχθυ-
 α μετὰ τὸν ὑστέρων ὀμάλως τοῖς χυλίοις. περιττῶν δὲ τὰ τοιούτῃ εἰς
 ἐκτέρῳ τῷ δικρόδῳ τῷ ὑστέρῳ παρὰ βαλὴν, καὶ τὰ ζῶα γίνε), τὸ ὀμφαλὸν ἔχον-
 τὰ πρὸς τῇ ὑστέρῳ. ὥστε ἀναλιχνομένη τῶν ὠδῶν, ὀμάλως δοκεῖν ἔχειν δ' ἔμ-
 βρυον τοῖς τεβάρσι. προσέφυκε δὲ μακρὸς ὢν ὁ ὀμφαλὸς, τὸ μὲν ὑστέρῳ
 πρὸς τὸ κάτω μέρος, ὥστε ἐκ χτυληδόνος ἑκάστος ἡρτημένος, δ' ὁ ἔμβρυον
 καὶ δ' ἔμβρυον ἢ δ' ἡπαρ. Galei, qui læues vocantur, oua in media vulua
 gestant, vt caniculæ, quæ postea in vtrumq; vteri sinum descendunt,
 mox animal gignitur, vmbilico hærete ad vuluam, ita vt ouo absum-
 pto partus non aliter quàm in quadrupedibus contineri videatur. Adhæret vmbilicus ille prolixus capite altero ad partem vuluæ infe-
 riorem, velut ex acetabulo annexus, altero ad medium foetum, qua
 in parte iecur est. Nos foetum cum vmbilico matri adhærete pingen-
 dum curauimus, vt à caniculis, vulpibus, aliisque galeis discernetur,
 cū nullus ex galeis alius sit, cuius foetus secundis, membranisque

Lib. 6. de hist.
anim. cap. 10.

inuoluatur, vteròq; matris per vmbilicum alligetur. Neque me lateat alium esse galeum in quo cutis quàm in hoc sit læuior, sed cùm eo quem iam diximus, generationis modo non procreetur galeum læuiem veterum esse negamus, verùm Æliani glaucum esse asserimus de quo paulò pòst dicemus.

De Galeo Asteria.



CAPUT IIII.



GAZ A galeus stellatus dicitur, qui à Græcis γαλῆος ἀστειῖας, à nostris *lentillas* à maculis albis, lentis magnitudine quibus depictus est, vnde à quibusdam ποικίλος, id est, varius cognominatus est. Cute læuiore est quàm galeus læuis, alioqui ore, branchiis, pinnis, cauda ei omnino similis. Maculæ dorsi aliæ stellarum speciem referunt, vnde illi nomen, aliæ rotundæ sunt. Partibus etiam internis à superioribus non differt. Aristoteles scribit ex cartilagineis sæpissime superfœtare galeos stellatos, quippe qui mense bis pariant. Alio verò loco videri galeos stellatos bis mense parere, sed hoc accidere, quia omnia eorum oua simul non perficiantur. Hicetius apud Athenæum autor est galeorum optimos esse stellatos & tenerrimos. Sunt qui galeum stellatum esse credunt eum qui à nostris *catto rochiero*, à Massiliensibus *catto algario* vocatur, sed non rectè, cùm is oua testaceis quibusdam, vt ita dicam, membranis inclusa gerat, id quod caniculis, raïsque tribuit Aristoteles, minimè verò galeus stellatus. Quare galeus stellatus si non erit, etiam si maculas nigras asperfas habeat, quarum nonnullæ speciem aliquam stellarum referant, vt in hoc nostro, quem pro stellato exhibemus.

Lib. 6. de hist.

cap. 11.

Lib. 5. cap. 10.

Lib. 7.

Lib. 6. de hist.

animal. ca. 10.

De Galeo cane.



CAPUT V.




GALEVS Canis à Latinis dici potest, qui à Græcis γαλεός κύων, à Plinio communi vocabulo canicula vocatur, à Malsilienfibus Liguribúque *pal*, à Græcis huius ætatis *Χυλόψαρο*, à Romanis *lamiola*, quasi parua lamia, quòd dentibus lamiaë similis sit, à nostris *milandre* & *cagnot*, id est, paruus canis. Corporis specie iam descriptis galeis valde similis est. Dentes habet acutos ad latera recuruos. Ex parte oculorum inferiore tunica enascitur, quæ totum oculum operit, palpebræ autem modo, non quòd reuera palpebra sit: nam autore etiam Aristotele, palpebris carent pisces, & palpebræ ex cute fiunt. hæc autem membranâ est duntaxat, quam Plinius nubem appellari tradit, quæ inter dimicandum plurimùm obest, oculos obtegendo. Lõgè alia est hæc Plinij canicula siue canis galeus, ab eo galeo quem Aristoteles *Χυλόν* appellat, Gaza caniculam, vt ex generandi ratione paulò pòst confirmabimus. Quam verò hic proponimus Plinij caniculam esse, duo necessario demonstrant. Primùm nubes illa quæ oculos contegit, deinde atrox illa cum hominibus dimicatio, quam hodie quoque piscatores, litorumque maris accolæ timent: appetit enim canicula hæc calces, inguina, poplitésque tam auidè, vt aliquândo in terram exiliant. Sed satius est Plinij verba adscribere, quoniam partim ex iam dictis, partim ex dicèdis totus Plinij locus satis obscurus, longè dilucidior fiet. Canicularum maxima multitudo circa eas (spongias subaudi: de iis enim supra loquebatur Plinius, qui libros suos in capita non distinxit) vrinantes graui periculo infestat, ipsi ferunt vt nubem quandam crassescere super capita animalium, planorum piscium similem, prementem eas arcenemque à reciprocando, & ob id stylos præacutos lineis annexos habere sese, quia nisi perfosscæ ita non recedant, caliginis & pauoris, vt arbitror opere. Nubem enim & nebulam (cuius nomine id malum appellant) inter animalia illa haud vltra comperit quisquam. At cum caniculis atrox dimicatio, inguina & calces omnemque candorem corporum appetunt. Salus vna in aduersas eundi, vltroque terrèdi. Pergit deinceps pugnam exponere canicularum cum vrinantibus, quam apud ipsum autorem

Lib. xi. de de-
partib. anim.
cap. 13.
Lib. 9. ca. 46.

Lib. 9. cap. 46.

leges. Quam nubem super capita crassescere scribit, eam quam dixi tunicam ex inferiore parte oculorum enatam, oculóſque operiētem intelligere oportet, qua prapediuntur caniculæ ab ictu iterum inferendo, quam ſi Plinius vidisset, non ab aliis referētibus audiisset, non super capita, ſed super oculos crassescere dixisset, maximè cum eam comparet planorum piſcium nebula: eadem enim eſt in planis piſcibus, vt in raiis, niſi quòd in hiſ ex interiore parte oritur, ac in extremo ferrata eſt. Ex hiſ igitur galeum illum quem *milandre* vocamus caniculam Plinij eſſe, tum ob nubem oculos operiētem, quæ in nullo alio galeo præter quā in hoc, & galeo glauco, de quo mox, reperitur, tum ob id quod partes corporis humani nudas candidasque appetat. Quā ob cauſam etiā ab hiſ qui nūc in mari verſantur, reformidatur.

De Galeo glauco.




CAPVT VI.



GALEVS Glaucus ex cartilagineorum genere eſt, quatuor aut quinque cubitorum magnitudinem attingit. Dorſum cærulei eſt coloris exaturati, vnde illi cognomen, venter candidi. Roſtro eſt acuto, oculis ſatis magnis, ex quorum inferiore parte enaſcitur membrana candida, quæ ad oculos ſuſum attollitur, eiſque veluti nubes caliginem offundit. Os habet in ſupina parte. Dentium acutorum, latorum, quodammodo ferratorum, ad latera ſpectantium ordines duos. In palato ſubſtantiam quandam fungoſam & mollem, digitis que cedentem, quæ ſupernam internamque oris partem replet. Linguam craſſam, latam, aſperamque. Ventriculum ampliſſimum ac longiſſimum. Huic ſplen annectitur longus, ex multis particulis carnoſis rotundis que inſtar racemi compactus, renum delphini modo. Inteſtina primum gracilia ſunt, deinde lata, ſine vllis ſpiris. Ex venis meſaraicis rami duo oriuntur, quorum alter ad hepar, alter ad ventriculum perducitur, in eo in alios multos ramulos diuiſus. hepar adipoſum in lobos duos diſſectum, quorum alteri veſica fellis hæret

hæret, fel viride est, cor angulatum. Ventris parte infima in maribus feminis vasa in partes duas diuisa conspicias, in foeminis vuluam. Præterea in maribus substantiam quandam carnosam digitali magnitudine penis speciei. Branchiæ detectæ sunt, prope has pinnae duæ magnæ, ad podicem aliæ duæ minores. Aliæ duæ sunt in tergo, prior in medio fere maior: posterior prope caudam minor. Cauda ex duabus constat, superior multò longior est, quàm inferior, sursumque spectat. Cute laui tegitur. Hunc galeum, Æliani glaucum esse multis rationibus adducti arbitramur, non eum glaucum quem iam ante descripsimus qui *derbio* vocatur. Cùm enim aculeos Lib. 8. multos, præacutos validosque quamuis breues in dorso gerat, non potest à parente intro recipi, quod de glauco suo scripsit Ælianus. At hic ore est ventriculòque amplissimo, nec procul ab ore dissito: quam ob causam facilè quicquid in ventriculo continet, euomit, si cauda suspendatur, ita vt ventriculus in os decidat. Æliani verba, cum de glauco tractarem, protulimus. Item Aristotelis, qui galeis hoc tribuit, vt foetus suos intra se recipiant, & foras emittant, demptis aliquot. His accedit color glaucus, id est, cæruleus, qui in nullo alio galeo spectatur: vnde etiam nostri *cagnol blau*, id est, canem glaucum siue cæruleum vocant, à cane galeo, de quo proximo capite egimus distinguentes. Porro glaucum istum ex canicularum esse genere confirmo ex Plinio, qui caniculis nubeculam quandam attribuit, qualis est in planis piscibus, quæ ex omnibus galeis in hoc solo, & in cane galeo superiore comperitur, cui cani galeo, glaucus sæuitia audaciæque non cedit: humanas enim carnes eodem modo appetit, cuius rei ipse oculatissimus sum testis. Cùm enim ætate puer, qui militi cuidam erat à pedibus, in litore ambularet, eum diu secutus glaucus, calces, tibiàsque quin arriperet, parum abfuit, & à puero gladio confossus in litus eiectus est. Plinij locum, quo de nube canicularum, & earum cum hominibus dimicatione tradit, proximo capite explicauimus. Carne vescitur hic galeus éstque voracissimus. Carne est dura, ferinum olente, concoctu difficili, sed concocta plurimum nutrit. Hepar quibusdam est in delitiis, sale conditum asseruatur, editur in vino coctum vel assum, sed elixum cum origano, hyssopo, lauri foliis, additis cinnamomo, nuce moschata, caryophyllis, vt ferinus odor euanescat, optimum redditur. Ex eodè oleum conficitur ad hepatis duritiem emolliendam, & ad doloris articulorum alleuamentum. Infantium gingiuis, dentitionibusque multum confert, dentium caniculæ vtriusque modo descriptæ cinis. Huius etiam dente gingiuas tangi prodest, quam vim etiam lamiaë dentibus inesse ferunt, adeo vt è collo suspensos lamiaë dentes prodesse vulgus existimet.



CAPUT VII.

Li. 6. de hist.
animal. c. 10.



Ibidem

QVÆ & σκύλια vocat Aristoteles, Gaza caniculas interpretatur. Vocari etiam *vespiles* testis est idem Aristoteles, id est, hinnulos. Non vocem sed significationem secutus Athenæus σκύμους appellauit, id est, catulos, vtraque voce à terrenis animantibus ad marinas translata, illa à ceruorum, hæc à leonum catulis. Nostri caniculas *chatz* vocant, Galli *rouffetes*. Canicula generis galeorum minima, colore est rufo, nigris maculis aspersis, cute admodum aspera, si à cauda sursum ad caput manum ducas, sin à capite ad caudam minimè. Oculis, ore, branchiis, pinnis, cauda, partibus internis prædictis planè similis est. Ventriculo itaque est magno, hepate in duos lobos secto, in quo fellis vesica. Prope septum transversum reliquorum galeorum modo veluti mammas candidas habet: vtrinque vnam quæ dum vtero gerit conspiciuntur, alio tempore vix apparent. Vuluam bifidam, in cuius medio ad spinam adhærent oua, quæ cum accreuerint, in vtrumque vuluæ sinum transferuntur, eo quæ differt à cæteris galeis, qui ad septum transversum oua cōcipiunt, non in vuluæ medio autore Aristotele. Cæterum caniculæ oua, testacea quædam sunt colore & perspicuitate cornu similia, in quibus similis ouis humor continetur, figura verò puluinaribus quæ dormituri capiti supponi-
mus

mus similia sunt: ex angulis dependent meatus longi, tenues quos Aristoteles *πέρης σιχάδεῖς* vocat, id est, meatus capillares, hos Iyræ fidibus aptè comparès, instar capreolorum vitis conuoluuntur, sed dum explicantur duorum cubitorum longitudinem æquant. Testa intus rupta, dilapsaque fœtus prodit, sic ex ouo viuum animal parit canicula. Nos testaceum ouum separatim depingendum curauimus, & in dissecta canicula mamma's illas candidas, bifidamque vuluam, vt Aristotelis locus perspicuè intelligi posset, cui maior etiam lux accederet, si diligentius duo hæc expenderimus, scilicet figuram testaceorum ouorum caniculæ, similem *ταῖς τῶν ἀνθρώπων γλώτταις*, id est, tibiæ ligulis. Et, sint meatus an non, tenues illæ & capillares conuolutæque apophyses ex ouorum angulis depēdentes. Hæ *γλώτται* præter notum significatum lingulam siue ligulam significat, quæ tibijs adhibetur, à figura sic vocatam, quæ ex amplo ad strictius tendit. fieri solitam ex arundine testis est Dioscorides. *καλάμων· ὁ μὲν τις καλεῖται* *Lib. 1. cap. 159*
νατὸς, ἐξ ὧ τὰ βέλγη γίνεσθαι, ὁ δὲ τις θήλυς ἐξ ὧ αἱ γλώτται τοῖς ἀνθρώποις κατὰ χε-
υράζονται. In arundinum genere quædam *νατὸς*, id est, farctior vocatur, ex qua sagittæ fieri solent, alia fœmina, qua tibiæ ligulas efficiunt. Eadem ligulæ hodie quoque tibijs adhibentur: absque iis enim sonus edi non posset, galli *unches* nominant. Huiusmodi ligulas referunt anguli testacei oui caniculæ: qui ex angusto in amplum latumque euadunt, vt si quatuor ligulas coniungas, testacei illius oui figuram cōstituisse videaris. Locus iste me admonet, vt eum errorem tollam, qui iam pridem in medicorum scholis inoleuit, natus ex Latinis quibusdā autoribus & maximè ex Galeni interpretibus, qui ἐπιγλώττιδα ligulam vertunt, perinde ac si ἐπιγλώττις & γλώττις idem essent; dicereturque ligula à linguæ animalium similitudine, non à tibiæ ligula. Idem error in Græcos quoque Galeni codices irrepsit, in quibus sexcenties ἐπιγλώττις pro γλώττις legitur, cū tamen admodum diuersæ sint particulæ. Est autem γλώττις, id est, ligula, rima ac scissura quædam veriùs quàm foramen, antequam orificia eius patefacta sint: rima, inquam, quam duo tertiæ cartilaginis scilicet arytx nam referentis processus in media laryngis amplitudine cōstituunt. eius figuram linguæ tibiæ Galenus comparat, proprietate verò substantiæ tale eius corpus esse ait, cuiusmodi nullum aliud est eorum quæ corpori insunt. membranofum enim est, simul & adiposum, & glandulosum, estque primum, & maximè præcipuum vocis instrumentum, minimè verò ἐπιγλώττις, deinde ad spiritus cohibitionē confert. Horum omnium fusam explicationē causasque pete ex Galeni *Lib. 1. de vsu partiū, ac quamdiu ea in re versatur Galenus, toties capitul. 11. 12*
cap. 12.
cap. 13.
 mendū esse existimato quoties ἐπιγλώττις legeris, & γλώττις reponito.

cap. 16. *ἐπιγλωττίδα* verò instrumētum esse longè diuersum figura, substantia, vsu Galenus ipse eodem libro declarat. Rotunda enim est, ac cartilaginea, ac magnitudine paulò maior laryngis orificio: vergit autem ad stomachum, positionemque habet tertiæ cartilaginis arytenoidi contrariam, hanc ne dum transglutius cibus potius in laryngem incidat natura prouidè laryngis orificio admoit velut operculum quoddam, rectam quidem omni alio tempore quo animal respirat: quum autem quiduis transglutit laryngi ipsi accedentem. Vides *γλωττίδα* & *ἐπιγλωττίδα*, figura, substantia, vsu differre, ac *γλωττίδα* tibiariū ligulis similē, quas *γλώττις* Aristoteles & Dioscorides vocāt, ligulā latinè dici oportere: *ἐπιγλωττίδα* verò laryngis siue arteriæ asperæ operculum. Cicero L I B. I I. de natura deorū. Aspera arteria tegitur quasi quodam operculo. His addam locum vnum Galeni, in quo pro *γλωττις* legitur *ἐπιγλωττις*, vt ex eo reliquos studiosi deprehendere possint, ac emendare. Locus est initio libri primi *περὶ τῶν πεπρωμένων τῶν τῶπων. καὶ μὲν δὴ καὶ πρὸς τὴν μετὰ τὴν βίχην ἀναπύουσαν πρὸς χιτῶνα παχὺ καὶ γλίσχρον, ἐτεκμηράμεθα καὶ τὴν λάρυγγα σώμα. ὃ ἐνδον, ὃ καὶ τὴν ἐπιγλωττίδα συνίστηναι.* Atque etiam in adolescente qui tussī expuerat tunicam crassā viscosāque, coniecimus partem esse corporis in interna parte laryngis, quod epiglottida cōstituit. hīc *γλωττίδα* legendum esse manifestissimum est. Nam vt ex supradictis liquet, ligulæ substantia crassa, viscosa, pinguisque est, laryngis internam partem occupans. Epiglottis cartilaginea solum est, extra laryngem eamque operiēs. Similes multos errores ex vtriūque figura, situ, substantia, vsu perspectis, emendare quiuis poterit, etiam mediocriter eruditus. Superest vt de iis dicamus quos, vt diximus Aristoteles, *πόρος σιχώδης*, id est, meatus capillares appellauit, ij proculdubio in tantam tenuitatem degenerant, vt nullum meatum inesse putem: liberè enim proferam quod vidi. Cū caniculas sæpius disseuerim, recentiaque earum oua, nullus mihi omnino meatus apparuit, frustra que, si aliquis esset, illic à natura mihi conditus videretur. Nam aut vt aliunde aliquid hauriatur, quod ad nutritionem accretionemque necessarium sit, aut vt aliquid ex ouo exhauriatur, meatus illic inesse necesse est. Si per hos trahendum aliquid esset, eorum capita vteri venis adhærere alligarique oporteret, quemadmodum in quadrupedibus vteri cotyledones cum secundarum venis coalescunt. Præterea meatuum capita, quibus in eos aliquid primum influit, ampliora esse, sensim verò angustari necesse est. Quare cū neque capita vtero adhæreant, sintque angustiora qua partē ampliora esse deberent, neque esse meatus, neque dici possunt: nihil verò per hos ex ouo effluere perspicuum est ex humoris ipsius consistētia, qui


quī crassior est, quā ut per tā tenuēs meatūs permeare queat. Non sunt igitur meatūs sed ouorū appendices capreolorū vitis modo intortæ, ad retinendum ac firmandum vndiquaque in vtero ouum, ut neque sursum, neque deorsum loco moueatur, quoad in eo, calore vteri formatus fœtus statō tempore in lucem exeat. Sed longius for- tasse egressa est oratio. Quæ de canicula supersunt persequamur. Carne vescitur quemadmodū reliqui galei, cœno gaudet, vnde sor- dida & lutosa semper capitur, maximè hamo. Caro virus respit, ex crementitia est, concoctu difficilis. Quam hīc delineauimus canicu- lam esse Aristotelis ostendunt anatome generandique ratio ab Ari- stotele tradita: denique nomen ipsū, cum enim nunquam ad ma- iorū galeorū molem accrescat, dicitur *Χεῦλον* ab Aristotele, & ab Athenæo *Χεύμος*, id est, catulus. Ut autem penitus nosceretur, non so- lū supinam & dissectam, sed & pronam exhibere voluimus.

De Canicula saxatili.



CAPUT VIII.

CANICVLAM Saxatilem appellamus eam quæ à nostris *catto rochiero*. A Gallis ut superior, *rouffete* vocatur. Caniculæ Aristotelis pinnis, branchiis, partibus internis, pariendi modo, planè similis est. Vita verò, magnitudine, cutis asperitate duritiâq; differt. illa in cœno & litoribus degit, hæc in faxis & alto mari frequentius: vnde fit ut illa sapius, hæc rarò capiatur: illa in mari nostro ad summum cubitalis est: hæc binos cubitos aliquando superat, cutēque adeò aspera ac dura est, ut ea lignum ebūrque perpoliri possint, non aliter quā cute squatinæ, eadem ensium capuli muniuntur. Prætereà maculas corpori asperfas latiores habet. Carne est melio- re, nihilominus tamen ferinum quid redolente. Caterūm mammas illas candidas, veluti superior canicula habet, oua testacea planè si- milia, nisi quod maiora sint. Hæ differentiæ me impulerunt, ut à ca- nicula Aristotelis distinguerem, vocarēmq; cum nostris caniculam saxatilem.



CAPUT X.

Libro 7.



QVÆ Κεντρίνη à Græcis dicitur Latino nomine caret, quamobré Græco vsi sunt Latini interpretes. Plinius nusquam huius meminit, neque ipse Aristoteles, in libris qui nunc extant. Quâquam Athenæus Aristotelem citet, centrinam in galeis numerantem. Οὗτος Ἀεὶ-
 σιέλης ἐν περὶ τῶν ζώων καὶ κεντρίνῳ φησὶ τινα γαλῆδον εἶναι καὶ νοτιδαμόν, ἐπαίνετος δὲ
 ἐν ὀψαρίοις καὶ ἐπὶ πωλίδεσσι καλεῖται. χείρωνα δὲ εἶναι τινὲς κεντρίνῳ, καὶ δυσώδη. Centri-
 nam alii *Bernadet*, alij *renard*, alii *humanthin* vocant. Nostri & Mas-
 silienses *porc*, nec id ineptè, vel quia speciem porci referat, vel quia
 porci more in cæno se volutet. Centrina igitur ex galeorum est gene-
 re, teste Athenæo ex Aristotele, si reliquos galeos spectes, brevis cras-
 saque & spissa. A capite ad podicem trianguli est figura, ventre nimi-
 rum plano latoque, vñ latus, partibus quæ vtrinque dorso adiacent,
 reliqua duo latera constituentibus: itaque in supremo dorso vnus est
 angulus, reliqui duo in vētris dextro sinistròque latere. In dorso pin-
 nae duæ cum singulis aculeis eriguntur. Prior pinna statim à capite
 incipit, multum surrecta cristæ instar, eius aculeus longus est, magis
 ad caput inclinatus, eadè cum aculeo, posteriore maior est. Posterior
 rectior est. Vtrique in radice lati, mēbrana ferè ad extremum vsque
 circuncti, albi, & si Oppianus nigros appellauerit.

Lib. 3. ἀλυσ-
τικῶς


Τὸ μὲν κέντρον κελαίνοισ
 Κεντρίναι ἀνδράωνται ἐπὶ πωλίδεσσι,

Quod ob integumentum dictum fuisse intelligendum est: intus enim candidi sunt, foris membrana nigra obtekti. Pinnae aliæ duæ ad brachias, totidem ad podicem, inter quas & caudā nulla pinnula est, multorū galeorū modo, qui eo in spatio supinæ partis pinnulā habēt,
 Cauda

Cauda in breuem pinnā desinit. Cute asperrima integitur, nimirum aculeis breuibus frequentibusque conspersa, robustioribus in capite & dorso. Capite est satis paruo & depresso, maximè inferiore parte suis caput referente, oculis magnis, pupilla virescente, vitrique modo pellucida. Post oculos foramina duo triquetra habet, alia duo ante oculos supina rostri parte pro naribus. Branchias in lateribus galeorum modo. Os magnum in cuius maxilla superiore tres dentium ordines spectantur, in inferiore vnicus tantum, dentes latissimi sunt acutique. Quod ad interiora attinet, ventriculus oblongus est, intestina lata, non multum conuoluta, hepar album, pingue, in duos lobos inæquales diuisum, in eo fel est album, aquosum. Splen etiam in duos lobos diuisus colore carnis est. Cor compressum ex rubro albescens. Centrina oua viginti parit ouis acanthias similia, ouorum gallinæ vitellos magnitudine æquantia, sulcando natat, in cœno habitat. Carne est vsqueadeò dura, fibrisque duris adeò intertexta vt vix cultri aciem admittat, neque à cute diuelli possit. Rarò capitur hic piscis captusque negligitur etiam à rusticis nostris, in piscium penuria: durissimus enim est, vt diximus, & virus respicit. Hunc quem depinximus centrinam veram esse primum ratio nominis ostendit: à centris enim, id est, aculeis & thymulis nuncupata est autore Oppiano loco antè citato: deinde quæ ex Aristotele profert Athenæus, qui cum centrinam ex galeis pessimum succum gignere, malèque olere dixisset, subiunxit *γωρίδας δὲ ἐκ τῶν πρὸς τῇ πρώτῃ λοφίᾳ ἔχον κέντρον, τῶν ὀμοειδῶν δὲ ἐχόντων*, id est, cognoscisci autem centrinam ex eo quod in ceruicis pinna aculeum habeat, quo quæ eiusdem sunt speciei carent. *λοφία* verò (vt interim interpretationis nostræ rationem reddamus) de sue propriè dicitur, vt *χαίτη*, id est, iuba de equo & leone, estque in suis ceruicibus surrecta seta, *λόφος* verò apex siue id quod in auium quarundam capite eminet: *μετεφορικῶς* igitur *πρώτῃν λοφίαν* Centrinx appellat pinnam illam quæ ceruicis loco est erecta. Sic *λόφος* ceruicem aliquando, & galeorum cristam, & quicquid aliud eminet significat. Sed ad centrinam redeamus, quam ex certissima nota ab Aristotele tradita cognitam proponimus. At galeus acanthias in dorso aculeos habet. Cur igitur hic potius quàm ille centrina dicetur? aut quo acanthias à centrina scernetur? Procreationis ratione permultum differunt. Acanthias enim ex ouo viuum fœtum parit, vt fusiùs ex Aristotele antè docuimus, centrina verò oua dūtaxat. Quare cum ex galeis duo sint tantum qui aculeos in tergo gerant, nempe acanthias & centrina, qui procreandi ratione manifestissimè distinguantur, efficitur tum Acanthiam tum centrinam Aristotelis rectè nos distinxisse. His suffragatur Ælianus de galeis scribens. Reliquum

genus qui centrinas appellarit, non errabit, eis innati sunt aculei duri, & aduersus omnia resistentes, quorum alter capitis summo vertice, alter in cauda, atque venenatum quiddam habet: quæ in galeum acanthiam non competunt, utpote qui in dorso potius quam in ceruice aculeum gestet. Ex his perspicuum est errasse eum qui in libello de Aquatilibus nuper edito, quam nos centrinam esse comprobauimus, vulpeculam nuncupauit, vulgi appellatione deceptus: sunt enim qui centrinam *renard* appellent. Quam opinionem conuellere utile fuerit. Vtar autem Athenæi autoritate, à qua nullus sanæ mentis dissentiet. τίς δὲ οὗτος ὁ γάλεος τὰ πλεῖστα τρία, καὶ εἰσδέχεται τὰ γεννηθέντα εἰς τὸ σῶμα, καὶ πάλιν ἀφίησι, μέγιστα δὲ ὁ ποικίλος καὶ ὁ ἀλωπεκίας, οἱ δὲ λοιποὶ οὐκ ἔτι διὰ τὴν τραχύτητα. Parit galeus plurimum ternos, & fœtus in os recipit, rursusque emittit, maximè verò galeus varius, & vulpes, reliqui non item propter asperitatem. Cùm vulpecula maximè fœtus intra se recipiat & emittat, quî potest id efficere ea quam describit sciolus ille, cuius dorsum acutissimis aculeis armatum est, cuius cutis tanta est asperitate, ut non possit non introitu exituque partes internas parentis vulnerare, & dilaniare? His adde eam non magis odorem vulpinum referre, quam reliquos galeos. Ex quibus sole clariùs sit non sine magno errore pro centrina vulpeculam ab eo propositam fuisse. Sed & cùm vulpeculas duas proposuerit, in vtraque exprimenda plurimum hallucinatus est: nam priorem dorsi pinnam minorem, posteriorem maiorem contra naturalem piscis figuram effinxit. In secunda, pinnarum vice quæ ad branchias & ad podicem esse debent, nescio quid informæ, & pinnis nullo modo simile appinxit. Præterea in eadem dentes lati sunt tantum, cùm lati simul & acuti esse debeant. Plura prætermitto quæ diligens lector animaduertere poterit, si has picturas cum nostra, & vtrasque cum ipso pisce contulerit. Sed ad ea quæ de centrina supersunt referatur oratio. Hepar eius, ut reliquorum galeorum, in oleum abit, quod ad hepatis humani duritiem emolliendam confert, idemque similitudine substantiæ corroborat, maximè si adstringentia quædam admisceantur, ut cyperus, spica nardi, absinthium, ladanum, styrax, sed tum minùs emolliet. Id etiam dolores articulorum leuat, quæ quidem magno cum successu experti sumus. Eodem oleo ad lucernas vti possumus. Fel suffusiones delet, melli permistum & palpebris illitum. Cute artificum opera poliri possunt. Cinis ad psoras et capitis vlcera manantia detergenda, exiccanda, miraque celeritate percurrenda valet cum cedria admotum. Vrinæ non minùs mouet quam cancerorum vel erinaceorum cinis.

De Vulpe.



CAPUT X.


SEQVUNTUR Galei qui ad cetaceam magnitudinem accedunt. De vulpe primum dicemus, quæ αλώπηξ & αλωπεκίας à Græcis dicitur, à Plinio vulpes, Lib. 9. cap. 43.
 ab aliis vulpecula, à nostris à caudæ longitudine, figuræque enī simili *peis spafō*, ab aliis à caudæ longitudine *ramart*: ut enim vulpes inter quadrupedes lōgam, densamque caudam habet, ita piscis hic inter galeos caudæ pinnam longissimam. Vulpes piscis est cetaceus, ex galeorum genere, corpore rotundo spissōque, ore paruo, non multum infra rostrum, dentibus acutis. Branchiis & pinnis aliis galeis & lamia similis. Pinnæ quæ ad branchias sunt, & ad anum longiores sunt iis quæ in dorso. Caudæ pinna quæ sursum abit, toto corpore longior est, falcis formam referens, altera multo minor. Internis partibus à canicula feroci non differt, eodem modo concipit, paritque quo galeus acanthias. Ut terrena vulpes πανέργος est καὶ κακέργος, ut verbis Aristotelis utar, id est, calidā & malefica, ita marina vulpes astuta est eodem autore. τῶν δὲ Lib. 9. de hist. animal. ca. 37.
 ἰχθύων αἱ αλωπεκες ὁταν αἰσθῶνται ὅτι δ' ἀγκιστρον καὶ ἀπεπώκασι, βοῶντες ἑπὶ τὸ τοῦτο, ὥστε ἢ ἡ χολόπενδρα: ἀναδραμεῖται γὰρ ἐπιπολὶς πρὸς τὴν ὀρμίαν, ἐπιπλέων αἰσῆς. Quæ sic expressit Plinius. Vulpes marinæ hamo deuorato glutunt amplius vsque ad infirma lineæ, quæ faciliè prærodant. Qui veram esse vulpem marinam quam ostendimus negarit, eum morbo aliquo, vel sensus stupore grauem illum & ingratum vulpis terrenæ odorem non sentire dixerim, à quo odore nomē pisci positū. Lib. 9. cap. 43.
 Αθη. δ' ὁ αλωπεκίας ἕμβριος ἐστὶ τῇ γένει τῷ χερσαίῳ ζῳῳ, διὸ καὶ τὸ ὀνόμαλος ἐστὶν χε.

His accedit quod viuum animal parit veluti acāthias. Aristoteles lib. *cap. 10.* sexto de Histor. animal. cūm exposuerit quo pacto ex ouo fœtum procreent galei acanthiæ, subiungit. ἂν δὲ αὐτὸν ὁ πρόπον συμβάνει ἢ γένε-
 (is, καὶ ἐπὶ τῶν ἀλωπέκων. Postremò fœtus suos, intra se recipit, cuius rei testes sumus oculati. Quum enim aliquando in litore dissecaretur, in eius ventriculo catulos vidimus, quos pro cibo deuorasse piscatores existimabant, sed cūm viui atque illæsi inuenti essent, eos in metu intro receptos à parente dubitādum non est. Neque obstat caudæ longitudo: etenim quum adhuc parui sunt, & tenelli fœtus, mollis ea est & flexibilis. Id igitur cūm vulpes faciat, paucique alij galei qui certissimis notis à vulpe distant, dubium nemini esse debet, quin marinam vulpem veram repræsentauerimus. Vnicus est Athenæi locus, *Libro 7.* qui nobis obiiici potest. Αἰγυθίτης δ' εἶδη αὐτῶν φησὶν εἶναι πάλαι ἀκανθίαν, λεῖων, ποικίλιν, χυμνον, ἀλωπέκιαν, μίαν ἔχιν φησὶν λοφιδὴν πρὸς τῷ ὕρανῳ, ἐπὶ δ' τῆς ῥάχεως ὕδαμῶς. Aristoteles galeorum plures esse species tradit, acanthiam, læuem, varium, catulum, vulpem, vnā habere spinam in ὕρανῳ, in dorso verò nullam. At locum hunc mendo non vacare constat. Nam si ad omnes galeos qui hīc numerantur, postremam sententiam referas, nullam scilicet eos habere in tergo pinnam (λοφιδὴς enim nomine metaphorikῶς pinnam significari antè docuimus) id procul à vero abesse, omnibus qui vel galeos viderunt, vel de galeis aliquid legerunt notissimum est. Si soli vulpi id tribuas, quid id sibi vult vnicam habere pinnam πρὸς τῷ ὕρανῳ? Nam ὕρανός in animantibus dicitur palatum quasi oris cælum, quod etiam ὕρανός & ὑπερῶα appellatur, quòd si dicas pinnam in palato esse, quid absurdius? legendum itaque puto πρὸς τῷ ὕραϊ, id est, ad caudam. Caterum nullam in tergo pinnam esse, neque de vulpe, neque de vlllo alio galeo verè possis dicere, præterquam de zygæna, quæ neque in ceruice, neque in dorso, sed πρὸς τῷ ὕραϊ λοφιδὴν ἔχει, id est, ad caudam pinnam habet, quòd fit vt in galeorum enumeratione post ἀλωπέκιαν, ζύγαναν addendam putem, ad quam referantur ista, μίαν δ' ἔχιν φησὶ λοφιδὴν πρὸς τῷ ὕραϊ, ἐπὶ δ' τῆς ῥάχεως ὕδαμῶς. Id de vulpe adiiciendum, appellatam fuisse κυῖα πῖονα, id est, canem pinguem à Syracusiis, vt profert Athenæus ex Archestrato. *Libro 7.*

Εἰ δὲ ῥόδοι γαλεὶν ἢ ἀλώπεκα καὶ ἀποθνήσκει
 Μέλλης, ἂν μὴ οἱ πωλεῖν θέλῃ ἀρπάσας αὐτὸν
 Οἷν καλέσθαι συρακοῖσι κυῖα πῖονα.

Cūm tamen neque adipem, neque pinguedinem vllam galei habeant, quòd cartilaginei sint, vt idem Athenæus autor est. *Ibidem.*

De Zygarā.



CAPUT XI.

AZA Ζύγαρον libellam interpretatur. Est autem libella fabrorum lignariorum, camētariorūq; instrumentum, quo, non rectē parietum lignorūq; facies, ut inquit ille qui de aquatilibus nuper scripsit, sed rerum in plano positarū aequilibrium siue libramentum, & neutram in partem propendens situs exigitur. Gallis *niveau* dicitur. Quo verò rectē parietum, lignorūq; facies oculorum niētu pernoscentur perpendiculum vocatur, à Gallis *le plomb*. Quo anguli dirigūtur, norma *l'équarre*. Quo longitudines, regula siue linea *la regle*. Vitruuius. longitudines ad regulam & lineam, altitudines ad perpendiculum, anguli ad normam respondentes exigantur. Libella igitur ligno transuerso constat, in huius medio aliud erectum est, è cuius summo filum annexo plumbo demittitur. Hanc figuram piscis iste capite transuerso & reliquo corpore in huius medio sito aptē refert, quamobrem libella merito dicitur. Ζύγαρον verò quia ζυγόν transuersum librile significat, ex quo lances dependēt. Vel simpliciter Ζύγαρον à πόντι ζυγός, id est, à iugo nuncupatur, quod ut transuersum boum ceruicibus imponitur, ita in zygarā caput ex trāsuerso situm est. Eadem de causa *balista* ab Italis vocatur, ab alijs *pesce martello*, quod malleum etiam referat: eāq; ob causam quidam sphyrānam esse crediderūt, quod σφύρα malleus sit, vnde sphyrāna piscis. Sed hanc opinionē improbauimus, quū de sphyrēna tractaremus, vbi docuimus sphyrēnam acui similē esse, cūm zygarā sit ex galeorum cetaceorū genere. Masfiliēses *peis iouziou* appellāt non à feritate, sed à tegumēti capitis similitudine, quo olim Iudēi in Prouincia utebātur. Hispani *peis limo, limada, toilandalo*. Non desunt qui lamiā dentiū similitudine decepti, esse putent. Est igitur zygarā piscis cetaceus, galeodes. Brāchias detectas habet in lateribus, os in supina parte. Capite ab omnibus differt, quod ex trāsuerso situm est, libellę vel mallei, vel arcus balistę figura. In utroq;


Libror:

Lib. & cap.

capitis extremo positi sunt oculi. Os magnum est, dentibus triplici ordine dispositis munitissimum, latis, acutis, firmissimis, ad latera vergentibus, lingua lata humanę linguę instar. Dorsum colore est nigro. Venter albo. Pinnę duę ad branchias, in dorso nulla, prope caudam duę sunt exiguę. Cauda in duas desinit inęquales. Cervicem, gulamq; habet zygena. Aspectu est horribili truciq; ac eius occurfus nauigantibus & natantibus infaustus inauspicatusque est. Carne est dura & insuauis, ferinique odoris: ob id Galenus inter cetaceos numerandam censet qui carne sunt dura, insuauis, mucosa, excrementitia, malique succi, Quamobrem dissecti sale condiendi sunt in vulgi cibum.


Lib. 3. de alim.
facult.

De Lamia.



CAPUT XII.

Lib. 9. cap. 24.



Libro 7:

Lib. 1. alim.
facult.

QVOD Lamiam in cartilagineis longis, cetaceisque numerem, reprehendent fortasse multi, qui apud Plinium in planorum piscium numero legerint. Planorum piscium, inquit, alterum est genus quod pro spina cartilagineam habet, ranę, pastinacę, squatinę, torpedo, & quos bonis, lamię, aquilę nominibus Gręcia appellat. Sed cum lamię ceterorum galeorum instar longū esse spissūq; piscem, ac rotundum sensus ipse doceat, dempta sola dorso latitudine qua a ceteris galeis differt, quęq; Plinium impulit, vt cum planis cartilagineis numeraret, proculdubio in longis cartilagineis, & cetaceis censendus est, λαμία dicta est ἀπὸ τοῦ ἔχειν μέγαν λαμῶνα, id est, quod magnam habeat gulam. λαμῶς enim guttur siue gulę significat, vnde λαμαργία & λαμαργος. Nicander colophonius ἐν ταῖς γλωσσαῖς citante Athenęo lamiam & καρχαρίαν, & σκύλλαν vocari scripsit. καρχαρίαν verò a dentium asperitate, acuminęq; dici puto: κάρχαρος enim asperum acutumque significat, vnde καρχαρόδοντα animalia, quibus acuti pectinatimq; coeuntentes sunt dentes. λάμναν Oppianus vocat.

Δυσαντρία χάσματα λάμνης. Et alibi.

Τίς δὲ τόσον φορέει χιτώνος αἰένως ὅσον ἁπῶται
λάμναι?

Gaza Græca appellatione vsus est in conuersione sua. In Italia, Prouincia, Hispania idem nomen seruatum est. A nostris quoque *lamio* vocatur. *Baionæ fax*. Lamia piscis est galeorum omnium maximus, nam aliquando ad tantam magnitudinem accrescit, vt curruu imposita, vix à duobus equis vehi possit. Quare euiscerata, & in frustra dissecta curribus duobus aliquando imponeda fuit. Vidimus mediocrem lamiam mille librarum pondere. Capite est dorsoq; latissimis. Cauda si reliqui corporis magnitudinem spectes, minùs crassa spissaq; in lateribus compressa pinnis duabus constans, non procul à cauda alia duæ sunt pinnulæ, vna inferior, altera superior, ad branchias, & ad podicem alia binæ, in medio ferè dorso vna alia. Cute aspera integitur, cui pingue quiddam subest. Capite est magno, dorso breui sed lato, oris scissura maxima, dentibus acutissimis, durissimis, trianguli figura, vtrinq; ferratis, quorù sex sunt ordines, primi ordinis dentes extra os prominent, & in anteriorem partem vergût, secundi recti sunt, tertij, quarti, quinti, & sexti in os recurui maxima ex parte, in vtraque maxilla carne molli, fungosâque coniecti. Ventriculo est vastissimo. gulâque amplissima. ob id rectè Oppianus *δυσδύτεια χάσματ' ἀλμύνης* dixit, id est, periculosos vastosque lamia hiatus. Hepate est adipato, in duos maximos lobos diuiso. Oculis maximis, rotundis, quorum muscoli qui sursum, deorsum, dextrorsum, sinistrorsum mouent manifestè conspiciuntur. Qui oculos quodammodo intro trahunt, & veluti in contemplantibus diligentérque aliquid intuentibus fixos, immotosque tenent, non radicem neruorum opticorum ambiunt, sed à superiore parte ossis regionis oculorum orti in longum extenduntur. Similem huiusmodi musculorum situm etiam in humanis oculis sepius ostendimus, quum in scholis nostris publicè anatomen corporis humani doceremus. Est aliud in lamia oculis obseruatu dignissimum. Neruorum opticorum loco, qui in hominibus cæterisq; animantibus insunt, substantia est cartilaginea dura, omnisque molitudinis experts. Tunica cornea parte anteriore posterioREQUE dura est, parte etiam anteriore exquisitissimè perpolita. Cæterum in lamia oculis humores omnes, tunicaque longè manifestiùs, quàm in bubulis oculis conspiciuntur, maximè quæ humorem crystallinum inuoluit, telis araneorum tenuior maximèque pellucida. Piscis est carniurus, voracissimus & antropophagus: cadauera enim mortuorù etiam integra vorat, quod ex dissectione compertum est. Massiliae enim & Niceæ aliquando captæ sunt lamia, in quarum ventriculo homo loratus inuentus est. Ab hac insigni ingluuie lamias appellatas fuisse opinor mulieres quasdam maleficas, quæ cùm carnes humanas avidissimè expeterent, veneris illecebris forma præstantes iuuenes, quique optima essent corporis constitutione, delinitos atque allectos deglu-

tiebant, quod Menippo Lucio contigisset, nisi grauis & prudentis viri consilium ab amore iuuenem auocasset, eumque hoc dicto deterruisset, ὅφιν θάλασσης, καὶ σὲ ὄφιν. Serpentem foues & serpens te, quod percommode de eo dicitur, qui id amat, fouet, amplectitur quod tandem certum exitium est allaturum. Sed ad piscem redeamus. Vidi equidem in Santonico litore lamiam, cuius os gulâq; tanta erant vastitate, vt hominem etiam obesum capere posset. Magnarum itaque lamiarum os si hians seruetur, reliquo corpore contecto canes ventriculum facillè subeunt piscium reliquias voraturi. Quæ cum accuratiùs cōsiderarem, mihi in mentem venit lamiam fuisse, in quam ingressus Ionas, illique triduo diuina prouidentia conseruatus, tandemque incolumis eiectus, quod sacrę Bibliorū scripturæ nullo modo repugnat. Legitur enim Ionas in ventre magni piscis siue in ventre ceti fuisse, quod nomen generis est, quo grandes pisces cōprehēduntur. non omnes quidem si Aristotelis autoritatē sequamur, sed ij tantum qui statim animal concipiunt, & non ex ouo, perfectum pariunt. Sic enim scribit. καὶ τὰ μὲν ζωοτόχα, τὰ δ' ὠτόχα, τὰ δ' σκωληκοτόχα.

Lib. 1. de hist.
anima. ca. 5.

Zωοτόχα μὲν οἷον ἄνθρωπος καὶ ἵππος, καὶ φῶκη, καὶ τὰ ἄλλα. ὅλα δ' ἔχοντες ἰχθύας, καὶ τῶν ἐν ὕδατι ὅλα κητώδη, οἷον δέλφιν καὶ τὰ καλὶς μύδια σελάχη. Alia animal pariunt,

Lib. 3. de hist.
animal. ca. 10.

alia ouum, alia vermem. Animal pariunt homo, equus, vitulus marinus, & alia pilis intecta, & ex aquatilibus cete, vt delphin & quæ cartilaginea nominantur. Et alibi. μάσπες δ' ἔχοντες ὅλα ζωοτοκεῖ, καὶ ἐν ὕδατι, καὶ ἐξω, καὶ ὅλα τε ἰχθύας ἔχοντες ὡς ἄνθρωπος, καὶ ἵππος καὶ τὰ κήτη οἷον δέλφιν καὶ φῶκη, καὶ τὰ βάλανα. Mammæ habent quæcunque animal pariunt intra se, & in lucem edunt, quæque pilis intecta sunt, vt homo, equus, &

Lib. 3. de fac.
aliment.

cete, vt delphin, vitulus marinus, balæna. Veruntamen Galenus inter cete numerat canes, zygænas thunnos magnos qui non statim animal, sed oum pariunt, vt videatur pisces omnes prægrandes cetaceos

Libro 7.

appellare. Et apud Athenum Solstratus thunnum qui permultum accreuit, cetum vocat. Eadē significatione cete vsurparunt Paulus Aegineta & Varro. Quicquid sit ceti nomine non potius balæna quam quiuis alius immanis piscis intelligetur, maximè cum balæna pulmonibus spiret, quibus, asperæque arteriæ cum cedant ventriculus, gulæque, angustiores eas partes esse necesse est, id quod etiam ex dissectione constet. Harum verò partium in lamia ea est vastitas, vt Ionam capere potuerit, quemadmodum cadauera tora in ea inuenta fuisse experientia compertum est. Lamia cuti pingue aliquid subesse videtur. carne est candida non multum dura, neque ferini saporis, ob id multorum galeorum carni præferenda, neque ideo reiicienda quod lamia hominum cadaueribus vescatur: nam nullus qui in præstantissimis & optimis piscibus habetur, hominū etiam cadauera persequitur. Lamia igitur esse opinor, de qua carchariæ nomine multa apud

apud Athenæum Archeſtratus ille obſonatorum Heſiodus, vel Theo-
gnis, qui in ſuis præclaris præceptis maximè hypogaſtria extollit,
quóq; modo præparanda ſit docet. Quibus ſubiungit multos ignora-
re quàm præſtans ſit is cibus, hiſque leuem inſulſamque eſſe mentem,
qui ideo ab hoc cibo abſtinent, quod ἀνθρωποφάγος ſit piſcis.

Ἀλλ' ἔ πολλοὶ ἱατρὶ βροδῶν τὸ διὰ θεῖον ἔδεσμα.


Οὐ δ' ἔραδον ἐθέλουσιν ὅσιν κάραν γε λεβώδη

Ψυχὴν κέκλιται, θνητῶν δ' εἰσὶν ἀπόκλητοι

Ὡς ἀνθρωποφάγου τὸ θεῖον ὄντος

Noſtri carnem lamię alliis, cepiſve atq; aromatis cōditam edunt.
Dentes argento aurifices includunt, quos ſerpentis dentes vocāt: hos
mulieres ē collo puerorū ſuspendunt, quia dentitionē iuuare credun-
tur, & puerorū pauores arcere. Ex iiſdem dentifricia parantur opri-
ma, quorum aſperitate dealbantur dentes, ſiccitate conſeruantur &
firmantur, ne quis à cæco quopiam effectū id prodire putet.

De Maltha.



CAPUT XIII.

QVÆ μάθη à Græcis dicitur, Latino nomine caret,
Græco igitur vtentes maltham appellamus. Noſtri ſor-
rat vocant. Romani *lamiolam* à dentium ſimilitudine:
dētes enim latos & acutos lamię modo habet. Maltha
piſcis eſt cetaceus ex galeorū genere, roſtro breui. Os
habet in ſupina parte non multūm infra roſtrum, dētium multos or-
dines. Pinnis, cauda, internis partibus à cane non differt, niſi quod al-
ba oculorum nebula caret. Caro huic eſt laxa mollisq; nō ſenſu mo-
dò ſed & facultate. Alium enim mollit ciētq; ſucci lētore, inde etiam
nomen habet: dicitur enim μάθη quaſi μαλθακή, Oppianus.

Μάθη δ' ἡ μαλακήσιν ἐσώοντος ἀνδρανίσου.

Malthę meminit Plinius non pro piſce ſed pro permiſſione qua-
dam, quę ex calce ſit recenti, gleba vino reſtinguitur, mox tunditur
cum adipe ſuillo & ficu, duplici linamento, quę res omnium tena-
ciſſima & duritiā lapidis antecedens, hac qui oblinantur, malthari
dicuntur.

Iib. 1. αλιστ.

τ. κωμ.

Iib. 36. ca. 34.



GV L I E L M I

R O N D E L E T I I

D E P I S C I B V S


L I B E R X I I I I .

85

De Congro.



C A P U T I .



QVONIAM Longi pisces ferè omnes cartilaginei sunt, de iis ordine dicemus, ut omnem de cartilagineis tractationem deinceps absolamus. Dicuntur autem longi à corporis specie, qui à galeis, qui longo etiam sunt corpore, differunt quòd rotundiores sint, quòdque illi mustellis, hi serpentibus similiores sint. Præterea galei neque seuum, neque pinguedinem habent, ut Athenæo placet, ex

Libro 7. longis autem sunt qui pinguedinem habent. A congro omnium notissimo initium sumemus, qui γόγγρος à Græcis dicitur, à verbo γρώ quod vorare significat. Callimachus. ὅς ἐστι κηδεμόνα, ἀντὶ τῆ ἑσθιεν, ἀφ' ἧς ῥήματος ὄνομα γρός, καὶ ἐν διαπλασιασμῷ γόγγρος, ἐσθίει γὰρ τῶν πολυπόδων.

Libro 7. τὸς πολυπόδους. Hæc Phaurinus. Nicander teste Athenæo γρόλλος etiam congro vocatos fuisse tradidit, id est porcos, ab eadem, ut opinor, voracitate. A nostris *congre* vocatur. A Massiliensibus *filat*, quia instar retis pisces inuoluit & implicat. Duo sunt congrorum genera, vnum albicat, & pelagium est, alterum nigricat, & litorale magis est quàm pelagium. Conger piscis est longissimus, scilicet quatuor vel quinque cubitorum longitudinem attingens. Athenæus.

Eυδοξος ὃ ἐν ἐκτῷ γῆς περὶ ὧν γόγγρος φησὶ πολλὰς ἀνδραχθῆς ἐν Σικυῶνι ἀλιεῖσθαι, ὧν ἐνὶ τῷ βίβλῳ καὶ ἀμφοτέρω, id est, Eudoxus in libro sexto de terræ ambitu scribit congris multos in Sicyone capi quos homo vix ferat, horum aliquos esse etiam plaustrales. Aspectu ac læui lubricaque cute anguillæ proximus est. Rostri extrema siue labra habet carnosæ, in superiore apparent appendiculæ duæ carnosæ. Dentes habet paruos peccinatinim coeuntes, oculos magnos, branchias binas, utrinque duplices, earum vnicum utrinque foramen, non osseo operculo sed cute coniectum. Pinnas duas, vnam à ceruicis extremo ad caudam, altera à podice ad caudam porrecta est: utraque non membranæ sed cutis potius substantia constat, & tota ora nigricat. Cauda in acutum terminatur. A capite ad caudam linea ducta est. Circa caput puncta sunt aliquot, æqualibus intervallis distita. Venter lacteo colore est, dorsum nigricat in vno genere, in altero etiam dorsum candidum est. Quod ad partes internas attinet, gula ventriculo præponitur, idque ad corporis longitudinem & tenuitatem accommodatè. Ventriculus longus est podicem ferè attingens. Hepar rubrum, à quo pendentem fellis vesicam semper vidi, quod Aristotelis causa dico, qui in quibusdam ad iecur, in aliis infra iecur situm fel esse scripsit. Πολλὰ καὶ ἀπὸ γένος χολῶν ἐστὶ ἀμφοτέρω φαίνεται ἔχον, οἷον γόγγρος, οἱ μὲν πρὸς τῷ ἥπατι, οἱ δὲ κάτω ἀπὸ τοῦ ἥπατος. Sæpe etiam idem genus, utrumque fellis situm habet, veluti cōger, alij enim ad iecur, alij infra iecur annexum habent. Hęc Aristoteles. Ceterum fel aqueum est. Splen nigricat. Congri oua intra se pinguedine obducta longa serie continent, quod perspicuè declarat Aristoteles his verbis: Ἰχθυοὶ δὲ οἱ γόγγροι κημήματα. ἀλλ' ὅτε ἐν πᾶσι τοῖς τόποις ὁμοίως τὸ τοῦ ἐσθλίου, ὅτε δὲ κημήματα φανερόν διὰ τὴν πημελίαν, ἵχθυος γὰρ μακρὸν ὥστε τὸ ὅφρα ἀλλ' ἐστὶ πρὸς τὴν μέσην διασπασθῆναι, ἢ μὲν γόγγρος πημελὴ θυμῶται, καὶ τῆς, & ὁ πημελὴς ἐκ τοῦ ἐκθλίου βόρην. ἔτι δὲ οἱ τῶν ψιλαφῶν καὶ τῶν τοῖς δακτύλοις, οἱ μὲν τῶν λεῖον φαίνεται, οἱ δὲ ὡς παχὺ, ἐνίοι μὲν αὖ γόγγροι τῶν μόνον ἵχθυος, ὡς δὲ ὅτε, οἱ δὲ τὸν πημελίαν, τῶν μὲν ὅτε, ὡς δὲ τοῖς τὸν ὅτε ἵχθυος, id est, Habent congris foetura, sed nō in omnibus locis similiter conspicuam, neque enim ob pinguedinem apparet. Est autem in longum protensa, quemadmodum in serpentibus, verum in ignem coniecta manifesta fit: quod enim pingue est liquitur, & in vaporem abit, oua verò exiliunt, & ab igne elisa crepitant. Præterea si digitis contrectes & teras, subesse pinguedinem læuem, oua crassiuscula sentiat. Congri igitur alij pinguedinem solum habent, ouum nullum: alij contra pinguedinem nullam, ouum autem quale modò exposui. Oppianus cum exposuisset anguillas mutuo corporum internexu coire, & ex his lentorem quendam spumę similem destillare in arenam & limum, ex quo anguillæ procreentur, subdidit.

Li. 2. de hist.
animal. c. 15.

Lib. 6. de hist.
animal. c. 17.

Lib. 1. ἀλιεῖν
τικῶν.

Τοίν ὃ δ' ὅ γόγροις ὀλιγοθηροῖς γινέσθην.

Quod si ita intelligas, vt ex strigmentitio quodam humore arena, limoque excepto concipiantur, gignanturque conghi, quemadmodum & anguillæ, id vero consentaneum non est. Congri enim oua pariunt, ex quibus aliorum piscium modo, qui oua concipiunt,

Lib. 5. de hist.
animal. ca. 4.

conghi alij procreantur, vt paulo antè ex Aristotele docuimus. Sin mutuo corporum innexu complexuque coire accipias, id verum est: ita enim longi pisces corpora commiscet. Aristoteles: Τά δε ἄποδα καὶ μακρά τῶν ζώων, οἷον ὄφεις τε καὶ μέγαρα ποιεῖται τ' ὀχέϊον περιπλεχόμενα τοῖς ὑποίοις ὡς τὰ ὑπέρλα. Quæ pedibus carent, & quæ longo sunt corpore,

Lib. 8. de hist.
anim. cap. 2.

vt serpentes & murenæ circumplexu mutuo supinarum partium coitum peragunt. Congri carniuori sunt tantum, vt scribit Aristoteles.

Lib. 1. ἀλιείων
πικρῶν.

Ob id fluuiorum ostia petunt, maioris prædæ causa, non solum verò ob dulcis aquæ desiderium, vt scribit Oppianus.

Πηλαγὸς δὲ, γόγροι τε καὶ ὄνυχες ἐν ὀλιγοθηροῖς
Γείτονα ναυιάς (ἐν αἰετῶν ποταμοῖσι γάλασσον
ἢ λίμναις, ὅθι λαρόν ὑδωρ μετὰ πάλαι αἰῶνος
Πολλὴ ὃ πρύχους (ὀμβροῦς) ἰλυέσται
Ἐλχθὲν δὲν (ἐν ἀπὸ χροῶς, ἐνθα νέμει)
Φορβὴν ἱμερτίω, γλυκερῇ δ' ἀλὶ τσιάνῳ).

Lib. 9. cap. 6.

Congri etsi magni & validi sint, vincuntur à locustis, sed polypos

Lib. 8. de hist.
anim. cap. 2.

ipsi vincunt, quibus repugnare videtur Plinius. Polypum tantum locusta pauet, vt si iuxta viderit, moriatur. Locustam conger, rursus polypum conghi lacerant. Qui locus ex Aristotele, à quo permulta mutatus est Plinius, vel emendandus est, vel explicandus. Aristotelis

verba hæc sunt: Οἱ δ' ἡγάροις κρατῶν μὲν καὶ τῶν μεγάλων ἰχθύων. καὶ τις (ὀμβροῦς) περιπέττει τῶν ἐνίοις. τὰς μὲν γὰρ καράβους οἱ πολυπόδες κρατῶν, ὅτε καὶ ὄνυχες πολλοὶ ἐν ταῖς διελύξαισι αἰσθῶσι, ἀποθνήσκουσι οἱ ἡγάροις διὰ τ' φόβον. οἱ δὲ καράβιοι τὰς γόγρους, διὰ γὰρ τὴν βαρύνειαν ἐξ ὀλιγοθηροῦ αἰσθῶν. οἱ δὲ γόγροι τὰς πολυπόδας κλέπτουσιν, ὅθεν γὰρ αὐτοῖς διὰ τὴν λεβότην αἰσθῶν) χρῆσθαι. Quæ sic conuertimus: Locustæ magnos etiam pisces superant, & mirabilis quidam casus horum nonnullis accidit. Locustas enim polypi superant, vt si iuxta in iisdem retibus polypos senserint præ metu locustæ moriatur. Locustæ verò conghos, quia propter crustæ asperitatem elabi conghi non possunt. At conghi polypos deuorant, neque enim conghis propter corporis leuitatem polypi resistere possunt. Ex his falsum esse liquet locustam à congho lacerari, Quare vel legendum in Plinio. Locusta conghum, rursus polypum conghi lacerant, vel sic distinguendus & intelligendus est conghus. Polypum in tantum locusta pauet, vt si iuxta viderit, omnino moriatur, locustam conger, subaudi pauet: rursus polypum conghi lacerant. Archestratus apud Athen. conghi è Sicyone magni & pinguis

Lib. 10.

ca

caput, & interanea commendat. Hicetio placet congrus durę esse car- *Ibidem*
 nis, inter gregales, item rarę carnis & minus nutrientes, mali succi,
 stomacho tamen gratos. Apud nos nullo est in pretio. Hispanis satis *Lib. 3. de alim.*
 probatur. Galenus inter durę carnes pisces rectę à Philotimo nume- *facult.*
 ratos esse ait. Albertus magnus scripsit congrus occulta quadam vi le-
 pram generare. Viunt abscissa cauda congrı & muręnæ capitales
 hostes autore Aristot. *Lib. 9. de hist.*
 ζῶσι δὲ πολλάκις ἀφρημηδίοι οἱ κερρεῖς ἢ κέρρον, καὶ *animal. ca. 2.*
 οἱ γόγγροι μέγρι δ' ἐξ ὅδ' ἡ περὶ αἰώσεως, ἀπὸ αἰθέρος δὲ ὁ κερρεὺς ὑπὸ λά-
 βραχος, ὁ δὲ γόγγρος ὑπὸ μυράινος. Viunt saepe mugiles sublata cauda,
 & congrı vsque ad excrementorum meatum. Deuoratur autem mu-
 gilis cauda à lupo, congrı à murena. Plinius. Mugil & lupus mutuo *Lib. 9. cap. 62.*
 odio flagrant. Conger & muręna caudas inter se prærodentes.

De Ophidio.



CAPUT II.

CONGRO simile est ophidion quasi paruum ser-
 pentem dicas, diminutiuo nomine ab ὄφιδις. Est aurem
 ophidion pisciculus qui à nostris vocatur *donzelle*, cu-
 ius Plinius duobus locis meminit: vno nominat tan- *Lib. 3. ca. 11.*
 tùm in piscium catalogo, altero qualis sit breuiter in- *Ibidem. ca. 9.*
 dicat. Vrinę incontinentiam hippocampi tosti, & in cibo sapius sum-
 pti emendant. Item ophidium pisciculus congro similis, cum lilij ra-
 dice. Pisciculi minuti ex ventre eius, quos deuorauerit, exempti & cre-
 mati: ita vt cinis eorum bibatur ex aqua. Hactenus Plinius. Quoniam
 verò piscis quem capiti huic præfiximus tam congro similis sit quàm
 ouum ouo, vt est in prouerbio: videor mihi verissimè pro Plinij ophi-
 dio proposuisse. Est igitur ophidion pisciculus longus & læuis. Pin-
 nas duas habet in dorso & in ventre, situ figura, substantia congrı pin-
 nis similes. A congro gemina barba è maxilla inferiore propenden-
 te differt, & oris rictu, qui in congro maior est. Binę lineę tenues
 à capite ad caudam productę sunt, qua nota in eam aliquando sen-
 tentiam adducebar vt seferinum Athenæi esse crederem. Sed tandem
 vero seferino cognito, qualè antea demonstraui, rem omnem di-
 ligentiùs cùm expēdissem, Plinij ophidion esse iudicaui. Quod autem
 aduersus vrinę incontinentiam prodesse cum lilij radice legitur in
 Plinio loco modo citato, mendosum esse suspicor, substituendūque

feminis incontinentiam cum rutæ radice, quod & rationi consentaneum est, & ita in vetusto quodam exemplari legisse me memini. Ceterum ophidion carne est candida, dura veluti draco. Ineptè fecit, qui ophidion inter asellos numerauit, cum planè iis dissimilis sit corporis habitu, capite, pinnis, atque cum longis planè connumerandus. Circa Lerinum insulam & Antipolim saepe capitur piscis superiori omnino similis corporis specie & carnis substantia, eo differt q̃ cirri carnosæ barbæ instar è maxilla inferiore non propendent. Colore etiam à superiore dissidet, est enim flauus. Quam ob causam ophidion flauum vel ophidion imberbe, vt à superiore discernatur, appellabimus.

De Lampetra.



CAPUT III.

LAMPETRA Ex genere est cartilagineorum piscium, qui longi lubricique sunt. Quamobrem minime absurdum fuerit de ea nunc dicere. Ea à lambendis petris nomen traxit. Diuersi diuersis nominibus appellant. Nam plota, fluta, vermis marinus, asterias, hirudo, muræna nominatur. A Gallis *Lamproye*. A nostris *Lamprezze*. Lampetra piscis est marinus & fluuiatilis. Veris enim initio fluuios ingreditur, vt illic oua pariat, in mare deinde reditura: sed tum magna earum fit captura, aliàs in mari rarissimè capiuntur, nec vnquam ferè nisi quum rostro nauibus adhærent. Anguilla, vel murænæ marinæ valde similis est Lampetra, si caput excipias. Os enim neque in longum, neque in latum scissum est, sed excauatum veluti in hirudinibus, quas sanguisugas vocant. In cauo illo sparsi sunt dentes flauï coloris, in eiusdem imo particula est contrario occurfu foramen interius occludens. Præterea corpore est rotundiore quàm muræna: cauda tenui & latiuscula. Venter lacteo est colore, dorsum maculis partim cæruleis, partim albicantibus est aspersum. Cute læui sed dura & firma. Vtrinq; septena sunt branchiarum foramina rotunda. Inter oculos, id est, in supremo mediòq; capite fistulam habet, quæ ad palatum vsq; patet, qua, vt pulmonibus spirantes pisces & aërem trahit, & haustam aquam reiicit, eamq; ob causam in summa aqua fluitat, facillèque suffocatur, si inuita sub aqua diutius retineatur. Oculos.

rotundos & profundos habet. Lingua caret, nullis ad natandum pinnis donata est, sed flexuoso corporis impulsu agitur, & pinnulis duabus iter dirigit, vna ferè supra caudæ extremum erigitur, altera paulò superior est. Cor pericardio cartilagineo concluditur, cui annexum est hepar cæruleum punctis aliquot notatum, fel deest. Ab ore ad anum vnicus ductus est longus, initio strictior, in medio latior, rursus ad anum angustatus. Ossa nulla habet, sed pro vertebris & spinis cartilaginem, cui medulla inest, illam nostri chordam vocant, quæ vere tenerior, ætate durior est, multoque insuauior, vnde tum in pretio esse definit lampetra, cum vere, quo tempore vterum fert, in lautissimis cibus habeatur, & à diuitibus, luxurq; deditis maximo pretio ematur, vt eorum opsonatores aliquando in foro piscatorio superbius ambiciosiusque contendendo licitentur. Mare repetunt lampetræ cum suis foetibus, quos Burdegaleses *pibales* appellant. Aqua & mucosescitur. Sunt qui esca quadam composita in fontibus & aliis dulcibus aquis nutriunt & seruant. A partu contabescunt, & paulatim emoriuntur. Annos duos duntaxat viuunt. Carne sunt satis molli & nonnihil glutinosa. Magna fuit, & est hodie inter doctos viros disputatio, de vetere huius piscis apud Græcos siue Latinos appellatione. Quibusdam galeum asteriam esse placet, quæ opinio parum validis rationibus confirmatur: quanuis enim maculata sit lampetra, tamen maculæ stellarum figuræ non sunt, veluti in asteria. Prætereà à galeorum natura planè abhorret: neque enim viuos parit, neque foetus ore suscipit & remittit, quæ maximè galeo asteriæ competunt. Sunt qui acipenserem esse falsò dixerunt, quia longiore rostro non est, neque trigoni figura, vt scribit Athenæus. Fuerunt qui lumbricum marinum esse crediderint, ob valde similem cum lumbricis terrenis corporis speciem. Quibus adhibent Plinij auctoritatem, quippe qui lumbricorum mentionem fecerit, quum de piscium pinnis loqueretur. Binæ, inquit, omnino longis, vt lumbricis & anguillis, & congris, nullæ vt murænis. At hunc Plinij locum corruptum fuisse liquet ex Aristotele. Ταὶ δὲ μόνον δύο πτερύγια ἔχουσιν ὅλα προμνησθεὶς καὶ λεῖα, οἷον ἐγγελευς, & γόγγρος, τὰ δὲ ὅλως σῶτε ἔχουσιν, οἷον μύραινα. Alij pisces binas pinnas habent, quicunq; longi sunt & læues, vt anguillæ & congridi: alij nullas omnino, vt muræna. Quæ cum à Plinio cōuersa fuisse constet, nemo est qui non videat λεῖα lubrica interpretatum fuisse, vt omnino legendum sit: Binæ omnino longis & lubricis, vt anguillis. Quare cum neque Plinius, neq; vllus alius lumbrici marini meminerit, lampetræ vetus hoc nomen fuisse non potuit, quemadmodum neq; vermis aquatilis. Caret enim omnino pinnis, vt muræna. Quanquam Castellanus episcopus Matifcon. vir ætate nostra doctissimus, & qui doctrinæ causa maxima in gratia fuit apud FRANCISCVM REGEM illustrissimum, & optimū

Lib. 7.

Lib. 9. cap. 10.

Lib. 1. de hist. anim. cap. 5.

literatum patrōnium & alumnū lampetras vermes esse aquatiles crediderit, eidemq; FRANCISCO REGI persuadere conatus aliquando fuerit, nec id sine ratione. Hæc enim Plinius. In Gange Indiæ Statius Sebosus, haud modico miraculo affert, vermes branchiis binis sexaginta cubitorum caruleos, qui nomen à facie traxerunt. His tantas esse vires, vt elephantos ad potum venientes mordicus comprehensa manu eorum abstrahant. Color caruleus lampetræ, item mores quadrant: nam petris & nauibus ita hærent lampetræ, vt auelli non possint, neque repugnat cubitorum sexaginta longitudo: in India enim omnia grandiora sunt. Aliis lampetra, Aufonij mustella esse videatur.

*Quaque per Illyricum per stagna binominis Istri
Spumarum indicis caperis mustella natantum,
In nostrum subnecta fietum, ne lata Moselle
Flumina tam celebri defraudarentur alumno,
Quis te Natura pinxit color? atra superne
Puncta notant tergum, quæ lutea circuit iris,
Lubrica caruleus perducit tergora fucus.
Corporis ad medium furtim pinguescis, at illinc
Usque sub extremam squalet cutis arida caudam.*

Hæc pictura cum lampetræ nostræ optimè conueniat, de eadem intelligendam esse cum Massario puto, nec illi assentior, qui pisces qui lota Lugduni vulgò appellatur, versus Aufonij accommodat, cum lota in fluuiis duntaxat nascatur: Aufonius verò mustellam suam è mari fluuiis subire significet. Eandem lampetræ mustellam Plinij esse censet Massarius. Proxima est his mensa generis duntaxat mustellarum, quas mirum dictum, inter alpes lacus quoq; Rhetiaë Brigantinus æmulas murænis generat. In eadem est sententia Sipontinus, cuius hæc verba sunt in commentariis Cornucopiæ inscriptis. Mustellæ in lacu Brigantino Rhetiaë murænis ferè similes, & cæteros omnes pisces nostra ætate excedentes pretio, quas à lambendis petris nunc lampetras nominant. Idem confirmat Paulus Iouius his verbis: Is hodie lacus Hydrus est, in Tridentinorum finibus, qui proculdubio antiquis fuit Brigantinus. Is emittit amnem Clisium, in quo lampetræ reperiuntur. Sebinus quoque Brixianorum lacus, Brigantino proximus, qui hodie Hiseius dicitur, & Ollium amnem emittit, vt plures eius accolæ mihi affirmarunt, aliquando lampetras Hetruscis ac Romanis specie saporeque simillimas præbuit. Hæc Paulus Iouius. In Gallia quoque huiusmodi lampetræ reperiuntur, & maximè in fontium fontibus & riuulis, in quos lampetræ marinæ nunquam penetrare potuerunt, quæ reuera marinis æmulæ sunt, & figura & sapore similes, magnitudine sola dissidentes. Quod si mustellæ lampetræ sint, à mustelino colore, id est, subliuido dictas fuisse arbitror. Quod si quis mustel
lam

Lib. 9. cap. 17.

In lib. de pisc.
Roman.

Iam Plinij, Aufoniūve non esse contenderit, nihilominus tamen veteres eam ἀνώνυμον minimè reliquisse, affirmare ausim. Quidni enim βδέλλα^{αι} marinam id est hirudinem marinam vocemus strabonis exemplo, qui scripsit in quodam Libya fluuiio nasci βδέλλας septenūm cubitorum, quæ branchias habent perforatas, ita ut per eas respirare possint. Nam lampetræ ore ita saxi & nauium clauis hærent, ut optimo iure βδέλλα, ἀπὸ τῆς βλέμει, id est, ab emulgendo dicantur, quemadmodum sanguisugæ. Iam verò lampetram murænam fluuiatilem appellatam fuisse ex Dorione perspicuum est, qui in libro de piscibus ita scripsit, referente Athenæo. τὴ ποταμίαν μύραναι ἔχον μίαν ἑκαθὺν μόλυν, ὁμοίαν τῷ ὄντοσφι τῷ καλούμενῳ γαλλαρίας, id est, fluuiatilem murænam vnica habere spinam similem asello qui gallarias nominatur. Itaque cum duo sint quæ vnica spina consent (nam per ἀκαθῆαν, τὴν ῥάχιν, id est, dorsi spinam intelligo) murena fluuiatilis, & asellus gallarias, perspicuum est lampetram quod vnica huiusmodi spinam habeat murænam fluuiatilem hîc dici, fluuiatilem quidem, ut ab alia muræna quæ nunquam mare egreditur, ut fluuios subeat, distinguatur, murænam verò à corporis similitudine: est enim similiter longa, lubrica, colore vario, nullas habet pinnas ad natandum, sed corporis flexu impellitur. Asellus verò gallarias longè alius est, ut postea declarabimus. Quod si ne hoc quidem vetustum fluuiatilis murænæ nomen tibi placeat, age aliud ex Oppiano proferamus. Is enim proculdubio quam lampetram nunc vocamus ἐχνηίδα ab effectu appellauit, quæ latinè remora dicitur, quam ita graphice depinxit, ut nullus sit sanæ mentis qui eam pro lampetra nostra non agnoscat. Est, inquit, pelagὸ ἀμικα ἐχηνεία, longa, cubiti scilicet longitudine, subfusco colore, anguillæ similis, acutum est illi os subter, contortum, rotundi hami cuspidi simile, de quo pisce nautæ rem mirabilem' narrant, omnibus qui non viderunt incredibilem: nauem enim secundi venti vi impulsam passisque velis per mare currentem piscis tanquam eam voraturus ore admoto sistit, inuitisque nautis retinet, perinde ac si in tranquillo portu quiesceret. Hæc ferè sunt, quæ sequētibz versibus cecinit Oppianus L I B. I. ἀλιευτικῶν.

Καὶ μὲν δὴ τελέγεσσι ὁμοῦς ἐχηνεία
 Ἰδὲ τοὶ ζαυαὶ μὲν ἰδεῖν, μή τις ἰσότης,
 Χροῖν δ' αἰθαλόεσσα, φωνὴ δ' οἱ ἐγγελέεσσιν
 Ἐἰδῆται, ὅς τ' οἱ κεφαλῆς τῷμα νέρθε νένευκε
 Κάμπυλον ἀγκίστρου περὶ μῆκος ἔκκελον ἀγκυρῇ.
 Θαῦμα δ' ὀλισθηρῆς ἐχηνείδος ἐφράδατο
 Ναυίλοι, οὐ μὲν δὴ τις ἐν φρεσὶ πειρώσαστο
 Ἐἰσαίων, ἀλλ' οἱ μὲν ἀπειρήτων νῶος ἀνδρῶν
 Δυσπραχὸς, οὐδὲ θέλουσι καὶ ἀτρεκέεσι πειθεῖσθαι.

Νῆα τιζομένην ἀνέμῳ ζαχρῆτος ὄρμῃ
 Λαφρεῖσι περὶ μέλαισιν ἄλσος διὰ μέγα θύρα,
 Ἰχθὺς ἀμφιχαλῶν ἄλλῃον τῶμα νέρθεν ἐρύκη
 Γάσσον ὑποδότηος βεβημένος ὕδρ' τε τέμνῃ
 Κῦμα καὶ ἰεμένη, καὶ δ' ἐμπεδον ἐτήλειται
 Ἰούτ' ἐν ἀκλύστοισιν ἐαργαδίῃσι λυμνέσσει.

His omnibus quæ nulli alij melius quàm lampetræ nostræ com-
 petere possunt, accedit experientia ipsa, cuius primùm me admonuit
 Gulielmus Pelicerius episcopus Monspelienlis singulari eruditione
 præditus, ex qua experientia constat lampetram nauibus iis præfer-
 tim quæ recens pice illitæ sunt ore adhærere, picis, ut aiunt exugen-
 dæ gratia. Quòd si triremis clauo os affixerit, eius impetum retarda-
 ri certum est. Id nobis euenit Romam proficiscētibus cum clarissimo
 Cardinali Turnonio. Vidimus enim optimæ triremis cuius citissimo
 cursu vehebamur impetum inhibitum, cuius incertam causam cum
 vectores perquirerent, tandem compertum fuit lampetræ ore clauo
 affixæ vi id effici, quæ capta, & conuiuio apposita moræ allatæ pœnas
 dependit. Cuius rei locupletissimos testes habeo nobiles & graues vi-
 ros, qui eadem naui vehebantur. Non me latet aliam esse Aristotelis
 & Plinij Echeneida siue remoram pisciculum saxis assuetum, pinnas
 pedibus similes habentem, quo carinis adhærente naues tardius ire
 creduntur, de quo suo loco dicemus. Neque mirum cuiquam videri
 debet diuersos pisces eodem nomine à diuersis autoribus nominatos
 fuisse, veluti neque eundem piscem diuersis nominibus nuncupatum:
 id enim permultis & olim, & nunc accidit, quemadmodum sæpius
 ex his quæ iam superioribus libris diximus, & iis quæ postea dicentur
 perspicuum est. De carnis substantia iam dictum est, de eiusdem con-
 dimēto quod ex delicatioribus aromatis & eiusdem sanguine confi-
 citur, de immodico huius piscis pretio vide Platinam.

Lib. de Hist.
 capi. 14. lib. 9.
 cap. 25.

De Muræna.



CAPUT V.



VRÆNA Corporis habitu lampetræ affinis est,
 eam ob causam de ea nunc dicemus. A Græcis *μύρα-
 να* & *σμήρανα* vocatur. A nostris, ab Italis, & Hispanis
mourene. Muræna piscis est pelagius, aliquando li-
 toralis, ad duorum cubitorum lōgitudine accedens,
 auguillæ

anguilla aspectu proximus, sed latior, oris scissura magna, superiore maxilla aquilina, in cuius extremo duæ sunt breues apophyses, vel verrucæ, ut in congro. Dentes habet longos acutissimos in os recuruos, non solum in maxillis sed etiam in palato. quæ ob causam lingua carere videtur, adeo illa imperfecta est, sed huius loco carnosum palatum obtinuit. Oculos albos, in utroque latere vnicum & rotundum foramen branchiarum, quas integras non esse Aristoteles, Plinius nullas esse scripsit, cum tamen utrinque simplices esse sensus doceat. Colore est fulco, unde *κελαινὴ* eam vocavit Oppianus, cute læui, albicantibus maculis aspersa, dorso, cultellato, spina nimirum acuta, & ferè ut in congro pinnulam constituyente. Pinnis quibus natare possit caret, ideo muræna cæterique longi flexuoso corporum impulsu ita mari utuntur ut serpentes terra, in sicco quoque repunt, ideo etiam viuaciora talia. Cuius causam reddit Theophrastus in libello de piscibus. *πολυὺν χρόνον δὴναται ζῆν ἐξω τῷ ὕδατι, διὰ δὲ μικρὰ τὰ βράγchia ἔχον, καὶ ὀλίγον δέχεσθαι τὸ ὕδρον, καὶ ἡ μύραινα, καὶ εἰ καὶ ἄλλοι τοῖσιν, ἢ καὶ δὲ ὅλον ὀφιδέες.* Longiori tempore extra aquam viuunt muræna, & si quod aliud est serpentibus simile, quia paruas habent branchias, & parum aque admittunt. Eadem verò de causa longi pisces qui serpentis sunt specie, pinnis carent, quia serpentes pedibus. Cum enim omnia animalia sanguine prædita quatuor solum notis moueantur, ut demonstratum est ab Aristotele in libro de animalium ingressu, aut malè, aut omnino non mouerentur longi pisces, si quatuor pinnas, & serpentes si quatuor pedes haberent. Nam siue iuxta se positas haberent pinnas, siue longius distitas, moueri vix possent: in illis enim altera alteri impedimento ad motum esset, in his ob longius interuallum nullo adiumento. Si plures mouendi notas haberent animalia sanguinis expertia forent. Pinnis autem carentes pisces longi, ut serpentes pedibus, ob longitudinem flexusque corporum, quatuor moueri notis demonstrat Aristoteles in libro modò citato. Quantum ad interiores partes attinet muræna præpositam gulam habet, in causa est corporis longitudo, ventriculorum ipsum longum, à cuius medio oritur, intestinum sine spiris ad anum protensum, iuxta quem cellulas habet instar intestini eius quod in terrenis animalibus *κόλον* vocant Græci. Hepar magnum, longum, flauum, à quo fellis vesica longa pendet intestino annexa, splenem nigricantem. Muræna carne solum vescitur frigidioribus hyemis mensibus latet in saxis, quamobrem non nisi statò tempore capitur. Parit quocunque tempore, partus eius numerosior est, & ex paruo celeri incremento augetur, ut hippurus. Ob tam frequentem partum existimo nonnullos in eam sententiam adductos, ut nullos mares esse crederent in hoc genere, sed omnes fœminas, easque serpentibus cōmisceri. Plinius: Licinius Macer murænas tantum

*Ib. 2. de hist.
ca. 13. li. 9. c. 5.*

*Ib. 1. ἀλιδ-
τικῶν.*

Lib. 32. c. 2.

*Lib. 1. ἀλι-
στῆς*

fœminini sexus esse tradit, & concipere ē, serpentibus, ob id sibilō. à piscatoribus euocari & capi. Hanc sententiam secutus Oppianus tradidit murænam & serpentem mutuo amore ardere, ac serpētem veneno mortifero in saxi deposito è litore sibilō murænam euocare, quo audito hæc telo ocyor ruit, ille pontum subit, vbi expleto veneris desiderio, venenum relictum repetit, quo non inuento præ dolore emoritur.

Ἀμφὶ δὲ μὲν αὖτις φάτις ἔρχεται ἐκ αἰδηλος
 ὧς μὲν ὅφιν γαμέει τε, καὶ ἐξ ἄλλος ἔρχεται αὖτις
 Πρόφρων ἰμείρεται παρ' ἰμείροντι γάμοιο
 ἦτοι ὁ μὲν φλογέη τε θοάμενος ἐνδοθι λύσση
 Μαίνεσθαι εἰς φιλότῆτα, καὶ ἐγύθει σύρειναι ἀκλῆς
 Πικρὸς ὅφιν ἔχεται γλαφυρὴν ἐχέει δὲ πᾶσι
 Τῇ δ' ἐνὶ λαίῳ ἰὸν ἀπῆμεν, πάντας δ' ὀδυνῶν
 Ἐπὶ τῷ περικεδαγνὸν ζαμενὴν χόλον ὀλβον ὀλέθρου
 Ὄφρα γάμοιο τῶνός τε, καὶ εὐδῖος ἀνήσσει.
 Στάς δ' ἄρ' ἐπὶ ρηγμῖνος, ἐν νόμον ἔρροιζεν
 Κικλήρειον φιλότῆτα, θοῶς δ' ἐσάκει (κελαίνῃ)
 Ἰὺ γὰρ μύρανα, καὶ ἐσὺ θάσσον οἶσθ'.

Cætera ex ipso autore petenda. Idem Ælianus literis prodidit.

Lib. 7.

Athenæus quoque ex Andrea, cuius hæc verba sunt. Ἀνδρέας δὲ ἐν τῷ περὶ δακτύλων, τῶν μυραίνων φησὶ δακτύλῳ ἀναρεῖν τὰς ἐξ ἔχουσ. εἶναι δὲ αὐτὰς ἡπλονας καὶ περὶ φερεῖς, ποικιλίας, id est, in libro de his quorum venenatus est morsus; ait murænas quæ ex mare vipera genitæ sunt, morsu interficere, ipsas verò esse minores, rotundas, varias. Ibidem Athenæus Nicandri versus ex theriacis profert, quæ etiam nunc extant: iis horridam murænam esse ait, quoniam veluti è viuario prodiens, laboriosos piscatores præ metu fugientes sæpe frendens vel mordens (vtrunque enim significare potest ἐμβρύξαι, teste Scholiaste, aut ἐκβρύξαι) ἐν ναυικulis in mare præcipitavit. Siquidem verum est eam cum venenatis viperis coire, mare permutantem continente.

Μυραίνης δ' ἐκπλαγὸν ἐπεὶ μεγερὸς ἀλίστης
 Πολλάκις ἐμβρύξαι, καὶ ἐπὶ ρήνιξεν ἐπ' αἰλῶν
 Εἰς ἄλα φουζυθέντας, ἐχέλις ἐξαναδύει.
 Εἰ δ' ἐτυμον κείνῳ γε γυνὴ βοδύοις ἐχέουσι
 Θόρνα δ' ἀπὸ πύλων ἀλὸς νόμον ἡπεῖροι.

Lib. 9. cap. 25.

At hanc opinionem paucis refellit Plinius de murænis loquens. In ficcum litus elapas vulgus coitu serpentum impleri putat. Aristoteles myrinum vocat marem qui generat. Locus est Aristotelis libro quinto de Histor. animal. quo muræna & myri discrimen explicat, de quo proximo capite plura. Et Nicandri Scholiastes Græcus scribit Archilaum existimasse murænas cum viperis coire, illisque dentes esse

cap. 10.

esse

Ὁτραλὴν μύραν διὰ ῥέει, διαπερὶ ὕδαρ.

Verum, vt ait Homerus, ξυνὸς ἐνάλιος καὶ τὸ κατ' ὄντα καλέκτα, id est, Mars
Ibidem communis vicissim perimentem perimit. Nam, vt idem Oppianus
 cecinit.

Κάραβος αὖ μύραν ἀπνέει περὶ μολ' ἐδ' ἔαν

Ἐδ' ἴδ, αὐτοφόνον ἀγνοεῖσι δαμείαν.

Id est, locusta murænam quantumuis sæuā deuorat, sua ipsius audacia domitam, vltroque ad interitum ruentem. Quæ prolixius ab Oppiano descripta prætermittimus, ne tadium lectori adferamus. Piscatores nostri dentium murænæ maleficam valdeque noxiam vim reformidantes, viam non nisi forcipe arripiunt: venenatum enim eius demorsum esse dictitant, qui cinere capitis eiusdem muræne curatur. Idem cinis strumas tollit, necnon murænarū muria, quæ hodie quoque Antipoli & in Lerino Insula fit. Pars à muræna demorsa nisi tota abscindatur, à morsu liberari non potest ob vncinatos dentes, maximèque in os recuruos. Hoc magno multorū malo nouerat Veditius Pollio eques Romanus ex amicis Diui Augusti, qui inuenit in
Lib. 9. cap. 23. hoc animali documenta sæuitiæ, vt tradit Plinius, viuariis earum immergens damnata mancipia, non tanquam ad hoc feris terrarū non sufficiētibus, sed quia in alio genere totum pariter hominem diltrahi spectare non poterat. Neque solū dentibus audaciæque, sed etiam astu, miròque in vitandis periculis ingenio murænas donauit natura: amplius enim deuorant hamum, admouētque dentibus lineas, atque ita erodunt. Eadem infixæ hamo inuertunt sese, quoniam sunt
In Halicarnaso. dorso cultellato, spināque lineam præsecāt. Ouidius prodidit murænam maculās (foramina retis intelligit, Galli *malles* quasi *maeles* vocant) appetere ipsas, consciam teretis ac lubrici tergi, tum multiplici flexu laxare fores donec euadat. Molli sunt & pingui carne, nec magis alunt quàm anguilla, longè verò minùs quàm congrui, vt rectè dixit Hicetius. Murenarum viuarium primus excogitauit Hirtius
Asiaticus libro 7. ante alios, qui cœnis triumphalibus Cæsaris dictatoris sex milia numero murænarum appēdit, autore Plinio, qui itidem scripsit Hortensium Oratorem murænam adeò dilexisse, vt exanimatam fleuisse creditur. Et, Antoniam Drusi murænæ quā diligebat in aures addidisse. Cæterum quod Hortensio Plinius, L. Crasso illi disertio & Censorio viro Macrobius tribuit, qui murænam in piscina domus suæ mortuam atratus tanquam filiam luxit, neque id obscurum fuit, quippe collega Domitius hoc ei tanquam deforme crimen obiecit, neque id confiteri Crassus erubuit, sed vltro etiam (si Diis placet) gloriatus est censor, piam affectuosamque rem fecisse se iactans. Idem Macrobius ex Varrone scripsit, in Sicilia manu capi murænas flutas, quod hæ in summa aqua præ pinguedine fluitent, quas ibidē optimas esse

esse secundo libro de re rustica tradidit Varro. Accersebantur autem murenæ ad piscinas Romanæ urbis ab usque freto Siculo, quod Rhegium à Messana discescit: illic enim tā murenæ quā anguillæ optimæ à prodigis esse creduntur, & utræque ex illo loco Græcè πλώται vocantur, Latine flutæ, quod in summo supernatantes sole torrefactæ curuare se posse, & in aquam mergere desinunt, atque ita faciles capti sunt. Huiusmodi murenas Columella quoque commédauit. His accessit pectarum testimonium. Iuuenalis,

Virroni muræna datur, quæ maxima venit

Gurgite de Siculo. Et Martialis,

Quæ natat in Siculo grandis muræna profundo

Non valet exustam mergere sole cutem.

Archestratus voluptarius Philosophus murænam ex freto Siculo celebrat: id enim appellat *φεινοκύμενα πορθμὸν* apud Athenæum.

Libro 7.

Ἰβλίας ὁ μέγξυ καὶ φεινοκύμενα πορθμὸν

Ἡ πλώται μύρανα καλῶμένη ἀνὰ πόντον ληθῆναι,

Ὡς τὸ τοιοῦτον ἐκεῖ θαύμασθον ἔδεσμαι.

Viuaria murænarum tantum fiebant, quod hæ sæcūdisimæ sint, nec ulli alij pisces nisi cibi gratia iniiciendi, ob voracitatem. Sed ne id quidē sine magno sumptu fieri potuit, ut verissimè scripserit Varro, viuaria ædificari magno, secundo impleri magno, tertio alio magno. In piscinis verò commisceri cum alterius generis piscibus non debent, quia præter voracitatem quum rabie vexatur, quod huic generi veluti canino accidit, in alios pisces sæuiunt, prorsusque absumunt.

De Myro.



CAPUT VI.



Aristotele *σύνρος* murænae mas dicitur, quem etiam *μύρον* dici posse puto, quemadmodum *σύνρανα* & *μύρανα* dicitur. Id indicat Gaza qui in conuersione sua murum vocat. Barbari *zmyrū*, piscatores nostri peculiariter non agnoscentes, serpentem vocant. Huius à muræna discrimen docet Aristoteles his verbis. *διαφέρει δὲ ὁ σύνρος καὶ ἡ σύνρανα ἢ μὲν γὰρ σύνρανα διαφόρως ποικίλη, καὶ αἰσινετέρα, ὁ δὲ σύνρος ὁμόχρεος καὶ ἰσχυρός, καὶ δὲ χρώμα ὁμοῖον ἔχει τῇ πέτρῃ, καὶ ὁδόντας ἔχει καὶ ἐσθθεν, καὶ ἐξωθεν, φασι δὲ ὡς περ καὶ τὰ ἄλλα τὸν μὲν ἄρρενα, τὴν δὲ*

Lib. 5. de hist. animal. ca. 10.

- θήλασαν εἶναι. Differunt myrus & muræna. est enim muræna varia & infirmior, myrus concolor & robustior, colore larici, vt vertit Gaza, sed melius meo quidem iudicio, pini arbori similis, huic sunt dentes intrinsecus & extrinsecus. Aiunt hunc, vt in aliis marem esse, murænam fœminam. Plinius locum hunc transtulit, cuius vulgares codices habent myrinum pro myro, non sine mendo, vt ex Aristotele & Gazæ interpretatione liquet. Hanc tamen lectionem si quis tueri velit Aristotelis ipsius autoritate, à quo myrini piscis alibi fit mentio, respondemus hunc quoque Aristotelis locum mendosum esse, vt pro *μύρνος* legendū illic sit *μύξνος*. Id contextus ipse & Aristotelis sensus apertè docent. τοῖς μὲν οὖν πλείστοις ἰχθύσι (συμφέρει μᾶλλον (de imbre loquitur) κερρεῖ ὁ καὶ κεφάλῳ, καὶ ὃν καλῶσι τινες μύρνον τοῦναντίον, ὃν γὰρ τῶν ὀμβρέων ὑδάτων οἱ πολλοὶ αὐτῶν ἀπὸ τυφλουῦναι θάπτον, ἂν ὑπερβάλωσι. Plurimis piscibus imbres conducunt. Mugili tamen & capitone, & ei qui à nonnullis myrinus vocatur, nocent: multi enim ex iis à pluuiis aquis, si immodicæ fuerint, obcæcantur. Mugilum species hic coniungit, in quibus est *μύξνος*, quem etiam *μύξονα* vocat, vt suo loco docuimus. Ex eodem Aristotelis loco quem de myro citauimus liquet, de myri à muræna discrimine, quædam à Plinio prætermisâ fuisse. Locus Plinij est huiusmodi. Aristoteles myrum vocat marem qui generat, discrimen esse, quod muræna varia & infirma sit, myrus unicolor & robustus, dentesque extra os habeat. De coloris specie, de dentibus qui intra os sunt nihil dixit. Postremò inde etiam restituendus Athenæi deprauatus locus fuit. ὁ δὲ μύρος, ὡς φησὶν Ἀριστοτέλης ἐν πεμπτῷ ζῴῳ, διαφέρει τῆς μυράνης, ἥ μόνον γὰρ ποικίλον καὶ ἀσθενέστερον, ὁ δὲ μύρος λεόχρως καὶ ἰσχυρός, καὶ ὁ χρωμα. ὅμοιον ἔχει ὕγνι, ὅλοια τε ἐξωθεν καὶ ἐξωθεν. Nam pro λεόχρως, ὁμοχρως pro ὕγνι, τίττι. Pro ὅλοια τε &c. καὶ ὅδυστος ἔχει καὶ ἐξωθεν καὶ ἐξωθεν. Myrus serpenti magis similis est quàm murænæ, rostro acuto, longo corpore nigricante, tenui, rotundo, sine maculis, sine squamis. Vnicum vtrunque branchiarum imperfectarum foramen habet. Pinnulas duas valde exiguas cutis substantia à ceruicis loco ad caudam vsque, & ab ano ad eandem, quarum ora nigra est vt in congro. In vtroque latere à ceruice punctis aliquot aureis notatur quæ magis in viuentibus apparent quam in mortuis. Gulam ventriculo præpositam habet, intestina longa, recta ad podicem porrecta, iecur longum, rubescens, sine felle. Splenem longum, tenuem. Carne est tenera, sine vllis spinis, aut certè paucissimas habet. Capitis cinis eiusdè morsum curat. Apud Athenæum ex Dorione duæ sunt myri species. ὁ δὲ μύρος φησὶ, τὰς διὰ σαρχος ἀκύνθας οὐκ ἔχοντες, ὅλα εἶναι χερσὶν ἱμνον, καὶ ἀπαλὸν ὑπερβολὴν, εἶναι ὃ αὐτῷ γεννᾷ δύο, εἰσὶ γὰρ οἱ μὲν μέλανες, οἱ δὲ ὑποπυρίσσοι, κρείσσονες ὃ εἰσὶν οἱ μελανίσοι. Doriō scripsit myrū per carnem sparsas

sparsas spinas non habere: quare totum utilem esse, & supramodum tenerum, ipsius autem genera duo esse. Sunt enim nigri myri & rufi: meliores verò sunt rufi.

De Serpente marino.



CAPUT VII.

SERPENTES Murænis & myris forma & natura valde affines sunt. De his igitur nunc dicendum. Sunt autem in mari multæ serpentum species, ut Aristoteli placet. εἰς δὲ καὶ θαλάττιον ὄφιν, παραπλήσιον τῷ μερμύδι τοῖς χερσαίοις τάλμα πλὴν τῷ κεφαλῷ, ἔχει. Ἰ, γὰρ γογροδόντες εἶναι γένη δὲ πολλὰ τῶν θαλάττιων ὄφιν εἶναι, χερσὶν ἔχει. Πανθοδαπνῶ, δὲ γήινος δὲ εἶναι ἐν τοῖς σφόδρα βαθύ. Sunt marini serpentes forma terrenis similes, dempto capite: id enim habent congrui magis simile. Sunt autem marinarum serpentum genera plura, varij sunt coloris, non nascuntur in præaltis maris locis. Is quem depinximus terreno vel fluviatili serpenti similimus est, ad trium vel quatuor cubitorum longitudinem accedit, corpore rotundiore est quàm anguilla, capite congruo similis est. Maxilla superior inferiore longior est. Dentes habet in maxillis & in palato murænæ modo, sed rariores. Pinnulas duas ad branchias veluti anguilla. Colore est fuluo, venter & rostrum cinereo. Oculi flauescunt. Internis partibus à muræna non differt. Nullus est omnino qui primo aspectu hunc serpentem esse non iudicet. Quare non possum non mirari eum, qui cùm in variarum rerum cognitione feliciter versatus sit, acum Aristotelis, quæ à nostris *trompete* dicitur, pro serpente marino usurpauit, quam acum antea depinximus. Hanc opinionem conuellere facile est ex Aristotelis verbis, qui serpentes marinos congrui capite esse scripsit, figura reliqua serpentibus terrenis planè similes, cùm acus caput in fistulam desinat, rostrumque tubam imitetur, unde illi à nostris nomen positum, quæ figura à capitis congrui figura alienissima est. Præterea acus à capite ad podicem corpore est hexagono, à podice ad caudam quadrato, quæ forma neque serpentibus terrenis, neque marinis competit, quippe qui corpore sint planè rotundo.

Li. 2. de hist.
animal. c. 15.



CAPUT VIII.



ERPENTEM Hunc marinū primus mihi monstrauit vir humanissimus & eruditissimus Gulielmus Pelicerius monspeliensis episcopus. Is ob raritatem minimè prætermittendus hoc loco fuit, quem nonnulli myrum esse putauerunt sed falsò, vt ex descriptione liquet. Nam branchias osseo operculo squamosorum modo intactas habet, pinnasque ad natandum maiusculas quibus muræna & myrus carèt. Sed Dorionis myrum alterum esse *ἰπποπόνησος*, id est, rufescentem non absurdè quis existimauerit. Est igitur serpens de quo nunc agimus corporis specie serpentibus terrenis similis, colore rubro vel phæniceo, lineis obliquis & sinuosis à dorso ad ventrem ductis, eam lineam, quæ à capite ad caudam protensa est secantibus. Scissura oris non admodum magna, dentes habet acutos ferratos, branchias opertas squamosorum piscium instar. In dorso à capite ferè ad caudam veluti capillamenta tenuia à sese disiuncta, in vètre similia. Cauda in pinnam vnicam definit, Anguillæ longis piscibus & serpentibus marinis maximè similes sunt, & è fluuiis mare cōscendunt: quia verò in fluuiis & lacubus, & riulis nascuntur, earum translationem in librum de fluuiatilibus reiciemus.

De Acipensere.



CAPUT IX.



NTEQVAM Quid de acipensere statuendum nobis esse videatur exponamus, operæpretium est docere veterū & optimorum autorum testimoniis acipenserem ab elope, & anthiam differre. Quemadmodum enim homonymia disputationem omnem ita perturbat, vt tandè in varias & incertas sententias distrahatur animi, sic in

sic in rerum cognitione nominum varietas limādæ veritati multum obest, id quod in acipensere perspicere licet, quo cum nullus alius apud Romanos celebrior vnquam piscis fuerit, tamē quis is sit hodie ambigitur: hac maximè de causa, quod elopem eundem esse & acipenserem existimarunt permulti, qui cum quæ elopi à veteribus tribuuntur, vix vlli è piscibus nostris competere viderent, acipensere nos hodie carere, perinde ac si omnino è medio sublatus esset, vel in rerum natura amplius non existeret, multis persuaserunt, ac proinde quis fuerit elops vel acipenser apud veteres nos penitus ignorare. Acipenserem igitur & elopem eundem esse piscem non recentiores solum, sed etiam veteres quidam opinati sunt. Athenæus. Ἀπικίων ὁ ὀ γαστρίμαχος τῶν ἐν τῷ πρῶτῳ τῆς Ἀπικίης τρυφῆς τ' ἐλοπα καλεῖται τὸν φησὶν εἶναι τ' ἀκτινένταρον. Appio grāmaticus in lib de Apicij delitiis, piscē qui elops nominatur acipenserē esse scripsit. Plinius, apud antiquos piscium nobilissimus habitus acipenser, vnus omnium squamis ad os. versis. contra aquam nando meat, nullo nunc in honore est, quod quidem miror, cum sit rarus inuentu. Quidam eum elopem vocant. Gaza quoque ἐλοπα. Aristotelis acipenserem vertit. Ex his eundem esse elopē & acipenserem liquidò constat. Quibus duo alia testimonia opponimus, Ouidij nimirum & eiusdem Plinij, ille enim in fragmento operis de piscibus diuersis in locis acipenseris & elopis meminit.

Et pretiosus elops nostris incognitus vndis.

Et circa finem.

Tuque peregrinis acipenser nobilis vndis.

At ne videatur Ouidius eundem piscem diuersis nominibus appellasse, audi Plinium citantem priorem locum: elopem quoque dicit esse nostris incognitum vndis, ex quo apparet falli eos qui eundem acipenserem existimauerunt. Elopi palmam saporis inter pisces multri dedere. Minimè sanè verisimile est Ouidio, qui in optimatum & principum domibus plurimus fuerat, acipenserem diuitum tantum mensis dignum habitum, ignotū fuisse. Ouidio assentitur Columella, qui de elope hæc scripsit: fretorum differentias nosse oportet, ne nos alienigeni pisces decipiant, non enim omni mari omnes esse, vt elops qui profundo Pamphylio, nec alio pascitur. Idem Ælianus tradidit in mari Pamphylio solum, nec nisi rarò & vix capi. Varro tamen elopem Rhodium etiā fuisse scripsit in Satyra περὶ ἐδεσμάτων inscripta citante Aul. Gellio: genera, inquit, nomina eduliorum, & domesticilia ciborum omnibus aliis præstantiora quo profunda ingluuies vestigauit, quæ Varro opprobriis executus est, hæc sunt ferme quantum nobis memoria est. Paus è Samo, phrygia attagena, grues Melice, hædus ex Ambracia, pelamys Chalcædonia, murena Tartesia, aselli Pessinuntij, ostrea Tarentina, pectūculus Chius, elops Rhodius, scari

412
cilices, nuces Thassia, palma Ægyptia, glans Iberica. Quòd verò an-
thias ab eodē elope differat, docet ex Dorione Athenæus. Cùm enim

Lib. 7. dixisset ἡ ἀνθία τινὲς καὶ κάλλιχθιν καλοῦσιν, ἐτι δὲ καλλιώνυμον καὶ ἔλοπα. Aliquantò post subdit, Δωρίων ὃ ἐν τῷ περὶ ἰχθύων διαφέρειν φησὶν ἀνθίαν καὶ κάλλιχθιν, ἐτι δὲ καὶ καλλιώνυμον καὶ ἔλοπα. Quare non sine veterum au-
toritate ab acipensere & anthia elopem secernimus. Dicā quod ma-
ius est, elopes etiam communi nomine pisces omnes dici, quòd voce

Lib. 7. careant. Athenæus: οὐδ' ὅ μοι ὁ θετταλον πάλαισμα μυρτίλε διὰ τὶ οἱ ἰχθύες ὑπὸ τῶν προηλῶν ἔλοπες καλοῦνται; καὶ ὅς, ἥτοι διὰ δ' ἄφωνοι εἶναι; βούλοισαι γὰρ καὶ τὴν ἀναλογίαν, ἵλλοπαί τινες εἶναι, διὰ δ' εἰργεῖσθαι φωνῆς, ἔστι γὰρ δ' μὲν ἵλλεα, εἰργεῖσθαι, ἡ δὲ ὁ φωνῆ, id est, dic mihi ὁ Thessale luctator myrtille, cur pi-
scēs à Poëtis elopes vocantur? Et ille: videlicet quia voce carent, vo-
lunt enim secundum analogiam illopas dici, quòd voce priuati sint: nam ἵλλεα significat εἰργεῖσθαι, id est, prohiberi, & ὁ φ vox est. Idem Phauorinus: ἵλλοπες, ἡμίποδες τῆς ὀπὸς, τοῦ ἔστιν ἄφθογοι, ἄφωνοι. Ellopes di-
cuntur quia voce destituti sunt. Alij ἔλοπας squamosos pisces intelli-
gunt παρὰ δ' ἐν λεπίσιν εἶναι. Et apud Theocritum ἵλλοπιεύειν pro piscari.
His expositis de acipensere dicamus, in quo explicando frustra me
non laborare existimabunt ij qui in omnibus artibus multa esse con-
siderant, quæ à veteribus olim tradita, patribus autem nostris parum
cognita vel antea penitus ignota, nunc in veritatis lucem proferun-
tur: quod summæ Dei optimi maximi erga nos beneficentiæ ac-
ceptum referre debemus. Acipenser Latinum nomen est teste Athe-
næo simplici c. scribendum duabus primis syllabis breuib, ut ex
Lucilij versibus liquet, quos Cicero citat L I B. I I. de finib.

*O Publi, o gurges, Geloni es homo miser, inquit,
Cænasti in vita nunquam bene cùm omnia in isto
Consumis, squilla, atque acipensere cum decumano.*

Et Martialis.

Ad palatinas acipensera mittito mensas:

Ambrosias ornent munera rara dapes

Ex his apparet Grammaticorum quorundam error, qui autore
Sipontino acipenserem ab accipiendo dictum putat, quòd frequen-
ter accipiat: nam & rarus est piscis, & nomen duplici c. scribendum
foret. Quis verò sit is piscis, ex nullo veterum melius quàm ex Athe-
næo discere licet. Is cùm de galeis ex Aristotele locutus fuisset, postre-
mò de galeo vario, & vulpe, subiungit. Ἀρχέστρατος ὃ ὁ τ' αὖτις σαρδανα
πέλω ζήσας βίον, περὶ τῶ ἐν ῥόδῳ γαλεῶ λέγων, τ' αὖτις εἶναι ἡγεῖται τῷ παρὰ ῥω-
μαίοις μετὰ αὐλῶν καὶ στεφάνων εἰς τὰ δειπνα περιφερομένων, ἔσφατομένων καὶ
τῶν φερύλλων αὐτῶν, καλέμενον ὃ ἀκιπένσερα. ἀλλ' οὗτος μὲν μικρὸς καὶ μακρορυγχό-
τερός ἐστι, καὶ τῷ χήματι τρίγωνος ἐκείνων μᾶλλον, τοῦτον δ' ὑπερέστρατος καὶ μικρό-
τερος ἐστὶν.

ταύτος ἐξ ἧτιον ἀτρεῖων χιλίων πεντακονταί, id est, Archesstratus qui Sardapoli vitam vixit, de galeo Rhodio scribens eundem esse opinatur, cum eo qui apud Romanos cum tibiis & coronis in cœnis circumferebatur, coronatis etiam iis qui gestarent, vocantque acipenserem, sed hic quidem paruus, & porrectiore rostro est, & figura triangulari magis quam illi. Horum vilissimus & minimus non minoris venit quam mille nummis Atticis. Partim ex iis, partim ex aliis quæ mox dicentur, colligo piscem eum, marinum qui à nostris sturio dicitur, à Gallis *esturgeon*, à Burdegalensibus *creac*, ab Italis *porcello* acipenserem esse. Nam cum galei, ut vulpes, rostro sint oblongo, huic multò magis prominet rostrum, ut meritò vulpe galeo *μακρορυγχότερος* dicatur. Huic notæ accedit alia certa admodum & euident, nimirum corporis totius figura triangularis. Centrina quidem corpore est triangulari, sed rostro non porrecto, estque piscis planè ignobilis & insuavis. Galei cæteri rotundo sunt corpore, sed sturio ventre est plano, latera ob ossa vtrinque posita angulos duos, dorsum inter hæc eminens tertium angulum constituunt. Adde quòd cartilagineus est piscis, quam ob causam Athenæus cum cæteris cartilagineis coniunxit. Quòd si quis aliquè ex cartilagineis proferre possit, cui hæc acipenseris figura magis conueniat quam sturioni, libenter in eius opinionem discedam. Veruntamen duo sunt quæ sententiæ nostræ repugnare videntur. Vnum quod acipenserem Athenæus paruum esse dicat, cum sturiones nostri sæpe ad catacei piscis magnitudinem accrescant. At de sturione marino verba facit, qui ferè cubiti magnitudinem non excedens cum vulpe galeo collatus rectè paruus dicitur, in aquis verò dulcibus saginatus longè grandior fit. Olim Romam aduehebantur marini, quod etiam hodie fit, vidique illic paruos tantum sturiones, quales etiam nostri sunt qui in mari capiuntur. Ciceronis de eodem pisce hæc verba sunt in dialogo de fato, citante Macrobio. Quum esset apud se ad Linternum Scipio, vnâque Pontius allatus est fortè Scipioni acipenser, qui admodum rarò capitur, sed est piscis ut ferunt, imprimis nobilis. cum autem Scipio vnum & alterum ex iis qui eum salutatum venerant inuitasset, pluresque etiam inuitaturus videretur, in aurem Pontius: Scipio, inquit, vide quid agas, acipenser iste paucorum hominum est. Hæc postrema Pontij verba, & ad piscis paruitatem, & ad conuiuiarum dignitatem referri possunt, perinde ac si dicat, piscem minorem esse, quam ut tot cōuiuis satisfacere possit, vel præstantiorem & deliciatorem quam ut quibuscumque conuiuis apponi debeat. Alterum quòd sententiæ nostræ reclamatur, ex Plinio & Nigidio sumitur: Acipenser inquit Plinius, vnus omnium squamis ad os versis contra aquam nando meat. Et Macrobius. Quod ait Plinius de acipenseris squamis, id verum esse maximus rerum natu-

Lib. 3. Saturn.

Li. 3. Saturn.

1 alium indagator Nigidius figulus ostendit, in cuius libro de animalibus quarto ita positum est: cur alij pisces squama secunda, acipenser aduersa sit? Quibus respondemus de acipensere hæc dicta esse ab iis, qui eundem esse cum elope crediderunt, ut quod elopi conueniret, id acipenseri tribuerint. Præterea contra aquam nando meare non est elopi proprium, sed cum aliis omnibus commune: pisces enim modò secunda, modò aduersa, modò obliqua, modò transuersa aqua natant, prout impetu vel prædæ auuiditate feruntur. Proprium quidem elopi fuerit squamas ad os versas habere. At si squamas ad os versas habet, quomodo peculiare illi est contra aquam nare? Etenim huiusmodi squamarum positus subeunte leuantæque eas aqua, magno ad natationem impedimento fore mihi videtur. Postremò ex Athenæo perspicuum est acipenserem non esse ex squamosis, sed ex cartilagineis piscibus, qui omnes squamis carent: nam galeis eum coniunxit Athenæus, & Archestratus Rhodium galeum esse existimauit, à quo cum rostri tantum longitudine, corporisque triangulari figura dissideat, efficitur cætera galeis similem esse, id est cartilagineum longumque esse piscem. Hactenus de sturionis nomine Latino, quem acipenserem esse credimus. Nunc inuestigandum est quo nomine eundem Græci nuncupauerint. Ac primum ἀλώπεκα siue γαλέον ῥόδιον, quem Syracusij κυάα τσίονα vocabant, non fuisse, ut sentiebat Archestratus, ex Athenæo demonstratum est. Dorion in l i b. de piscibus ὄνον & ὀνίσκον differre facit, quauis Galenus cæteri que tum veteres, tum recentiores ὄνον & ὀνίσκον, Latini asinum vel asellum pro eodem pisce scilicet pro merlucio vsurpauerint. At Dorion ὄνον vocat γάδον, ὀνίσκον verò μύξον, & γαλλερίδαν, alij γελαιίω, alij γαλλαρίαν nisi mendosi sint codices. Hoc discrimine posito scripsit idem Dorion ἡ ποταμίου μύρανθου ἔχον μίαν ἀγκυραν μόνην ὁμοίαν τῷ ὀνίσκῳ τῷ χαλαμένῳ γαλλαρίῃ: id est, murænam fluuiatilem vnā habere spinā solā similem onisco: ἀγκυραν siue spinā intelligo totum vertebrarum contextum, ex quibus colligo ὀνίσκον sturionem esse: proferat enim aliquis quas, piscem cui cartilaginea dorso spina vnica sit, & in nullas vertebra diuisa præterquam lampetræ & sturioni. Hæc quidem nota tam certa est atque perspicua, ut cum lampetræ nostræ & sturioni conueniat, inficiari nemo possit murænam fluuiatilem nostrā esse lampetram, & Dorionis ὀνίσκον sturionem. His adiungam quæ Athenæus ex Aristotele profert de onisco: φησὶν Ἀριστοτέλης ἐν τῷ περὶ ζῴων, ἔχει σῶμα ἀεὶ ῥαγὸς ὁμοίως τοῖς γαλεῶσι, καὶ ὁ σωμα γελαιίως. Scribit Aristot. in lib. de animalibus, os habere hiās paténq; similiter ac galei, & solitariū esse, quæ asello, id est, merlucio quadrare minimè possunt, sed sturioni aptissimè: os enim valde scissum habet, semperq; hians, & in prona parte, quemadmodū galei, nec gregalis est: nunquam enim plures sturiones simul

capiuntur, afelli verò gregales sunt, ad quos etiam referenda sunt reliqua, quæ eodem in loco ex Aristotele ab Athenæo proferuntur. Suspicio eundem *ὄνισκον* siue sturionem eum esse qui à Galeno *γαλαξίας* vel *γαλεξίας* dicitur ab Athenæo modò *γαλεξίδας*, modò *γαλαξίας*, vt alterutri codices mendosi sint. Galeni verba hæc sunt: τῶν γαλεῶν ἔχ' ἐν εἶδος ἐστὶ. ὁ γὰρ τοὶ παρὰ Ῥωμαίοις ἐν τιμῷ ὡς ἰχθύς ὃν ὀνομάζει γαλαξίαν, ἐκ τῶ τῶν γαλεῶν ἐστὶ γένος, ὅς ἐστιν. *ἡμῶν δὲ δοκεῖ καὶ τὸ ἐκλιωνικὴν θάλασσαν, καὶ καὶ τὸ τοῦ γὰρ φιλότιμος αὐτὸν ἠγορεῖται φαίνεται. γέγραπται μὲν δὲ διττῶς ἐν τοῖς ἀντιγράφοις τῶν παλαιῶν. γαλεοὶ μὲν ἐν τρισὶ συλλαβαῖς κατ' ἑνα, γαλεῶν μὲν δὲ ἐν ὅτε κατ' ἄλλα, καὶ διπλοῦσι τῶν ἀπαλοσαρκῶν ἐστὶν ὁ παρὰ τοῖς Ῥωμαίοις ἐνδοξὸς γαλεξίας, οἱ δὲ ἄλλοι γαλεοὶ σκληρότεροι καὶ μᾶλλον εἰσι.* Galeorum non vna est species: nam piscis qui in maximo habetur pretio apud Romanos galaxias vocatus, ex genere est galeorū, qui in Græciæ mari nasci non videtur, quæ causa est cur ipsum Philotimus ignorasse videatur. Id quidem nomen dupliciter in exemplaribus scriptum inuenitur, in quibusdam galei per tres syllabas, in quibusdam galeonymi per quinque, & constat sanè celebrem illum apud Romanos galaxiam in eorum numero qui molli carne constant esse habendum, reliqui galei dura magis sunt carne. Fieri vix posse opinor, vt quis alium proferat piscem ex galeorum genere magnopere à Romanis celebratum qui molli sit carne præter acipenserem, siue sturionem nostrum. Quod si quis galeum esse neger, dicimus ideo quod cartilagineus sit, non plano sed longo corpore galeis simili, quod os in pro-na parte habeat galeorum modo, merito in galeis haberi. Quod branchias opertas habeat, id ei ex galeis peculiare esse, quemadmodum etiam quod pinguis sit: præter hunc enim & vulpem, siue galeū Rhodiū cæteri omnes galei pingui carent. Hæc sunt quæ de Romanorum acipensere & sturione nostro veterū Græcorū momumētis tradita fuisse puto: quæ temere à me non esse scripta existimabit is, qui res ipsas diligentius expendit, vitata vocabulorum multitudine & varietate, quique longè præstantius esse duxerit, conari ea quæ diu iacuerunt in tenebris literarum lumine accendere, quàm maiorum nostrorum ignorantia ad perpetuam desidiā abuti. Acipenser aliquando maximo in pretio fuit apud veteres Romanos, aliquando tam celebris esse desuit. Macrobius: Hæc Sammonicus qui turpitudinem conuiuij principis sui laudando notat prodens venerationem qua piscis habebatur, vt à coronatis inferretur cum tibicinis cantu quasi quadam non deliciarum sed numinis pompa. Idem secundo bello punico celebre fuisse piscis nomen, nec illius seculi diuitias euasisse probat ex Plauti comædia. Verum Traiani temporibus tanto in honore non fuit, autore etiam Macrobio: nec inficias eo temporibus Traiani hunc piscem in magno pretio non fuisse, teste Plinio secundo,

Lib. 3. de alim. facult.

Lib. 3. Saturn.

qui in naturali historia, quum de hoc pisce loqueretur sic ait. Nullo nunc in honore est, quod quidem miror cum sit rarus inuētu, sed nec diu stetit hęc parsimonia. Nam tēporibus Seueri principis, qui ostentabat duritiam morum, Sammonicus seuerus vir vt eo seculo doctus, quum ad suum principem scriberet, faceretq; de hoc pisce sermonem, verba Plinij quæ superius posui prēmisit, & ita subiecit. Plinius vt scitis ad vsque Traiani imperatoris venit ætatem, nec dubium est, vt ait, nullo in honore hunc piscem temporibus suis fuisse verum ab eo dici: apud antiquos autem in pretio fuisse ego testimoniis palam facio, vel eo magis quod gratiam eius videam ad epulas quasi postliminio rediisse, quippe qui dignatione vestra quum intersum cōuiuio sacro, animaduerto hūc piscem à coronatis ministris cum tibicine intro ferri. Hactenus Macrobius. Est reuera sturio piscis delicatissimus, suauissimus bonique succi, vt non immeritò ab iis qui gulæ delitiis dediti sunt plurimum commendetur. Nondum me omnibus satisfecisse puto, nisi iis que de sturione dicta sunt, adiungam refutationes eorum qui alios atque alios pisces pro sturione repræsentarunt, quorum studium conatusque laudo, sententias verò hac in re non sequor. Fuerunt igitur qui sturionem existimauerint esse lupum, quorum opinionem quum de lupo diceremus, reieciimus. Alij Padi attilum sturionem esse contendunt, qui nunc *adilo* dicitur, quod manifestè falsum esse sensus ipse docet: attilus enim sturione maior est, figura, sapore, pretio, tota denique natura à sturione diuersus. Alia opinio Plinij tursionem, nostrum sturionem esse affirmat, cuius præcipuum autorem fuisse Theodorum Gazam cōplures arbitrantur. multi eandem sententiam secuti sunt maximè nominis affinitate adducti: parū enim abest sturio à tursione, præterea Plinij autoritate, qui sturionis formam capite de tursionibus videtur expressisse. Delphinorum similitudinem habent qui vocantur tursiones, distant & tristitia quidem aspectus: abest enim illa lasciuia, maximè tamen rostris canicularum maleficientia assimilati. At si Plinij tursio, phocæna sit Aristotelis, vt interpretatur Theodorus, is sturio nullo modo dici potest, cum phocæna delphinorum modo catulos pariat lactētque, sturio verò oua edat. Hermolaus barbarus iuuandis literis, optimisque studiis promouendis natus, in tanta eruditorum dissentione rogatus sententiam per epistolam Paulo cortesio respondit, sturionem antiquitus hyccam fuisse, ex testimonio Athenæi hac coniectura adductus, quod hycca porcum significet, sturio autem *porcelletus* quum præsertim sit paruus appelletur ab Italis magna eius nominis similitudine. Qua in re ab Hermolao dissentio, quem virum alioqui ob singularem eruditionem, magnamque rerum optimarum cognitionem suspicio: ex Athenæo enim nihil colligi potest vnde coniecere rectè possimus hyccam stu-

sturionem esse: scribit enim hyccam sacrum piscem à Callimachovocari, & à Zenodoto annotari, & erythrinum à Cyrenæis hyccam dici: ab Hermippo verò Smyrnæo hyccam iulidem. Multi hodie Paulum Iouium secuti, sturionem silurum esse opinantur: quam opinionem eo animi candore à me redargui omnes quæso existiment, quo idem Iduius multorum de sturione sententias refellit. Ex Aufonij verò Mosella siluri nomine sturionem depictum fuisse ait his versibus:

*In lib. de pisc.
Roman.*

*Nunc pecus æquoreum celebrare magne silure,
Quem velut Aetæo perductum tergora oliuo
Amnicolam delphina reor, sic per freta magnum
Laberis, & longi vix corporis agmina solus,
Aut breuib. defensa vadis, aut fluminis olus,
Aut quum tranquillos moliris in amne meatus,
Te virides ripa, te cerula turba natantum,
Te liquida mirantur aqua, diffunditur alueo
Aestus, & extremi procurruunt margine fluctus.
Talis Atlantico quondam balena profundo.*

Horum quædam quanuis sturioni competant, multa tamen repugnant. Primum silurus fluuiatilis est, sturio marinus flumina subiens, neque tam vastus, neque delphino similis, deinde terгоре olei colorem non refert: etenim oleum flauescit, sturio terгоре est caruleo. Iam verò quæ de siluri moribus tradit Plinius, à sturione valde sunt aliena: silurus grassatur vbicunque est, omne animal appetens, equos innatantes sæpe demergens: sturio verò ob oris situm & figuram id efficere non potest. Postremò neque maleficus est, neque dentibus armatus. Quare cum sturio neque veterum lupo sit, neque attilus, neque tursio, neque hycca, neq; silurus, magis ac magis in eam adducor sententiam, vt acipenserem Romanorum & Dorionis

Lib. 9. cap. 15.

ovis *gr.* siue Galeni galaxiam esse credam, à qua sententia non dimouebor, donec aliquis alius ingeniosior vel diligentior aliud quod magis arriserit, inuenerit & comprobauerit.






G V L I E L M I R O N D E L E T I I D E P I S C I B V S

L I B E R X V .

535

De quibus deinceps dicatur.


C A P U T I .



DRIVS QVAM Ad piscium sanguinis expertium tractationem aggrediamur, de peregrinis & raris piscibus, & de beluis marinis dicemus. Peregrinos autem pisces hic appello, qui in mediterraneo mari & oceano præcipuas & magis celebres Europæ nostræ partes alluentibus nunquam capiuntur, aut certè rarissimè, nec nisi quum còtinuos complures dies sequente tempestate ventorum & fluctuum viè longinquo in maria nostra compelluntur. Sic Indici maris, verbi gratia, vel rubri pisces nobis peregrini sunt, non autem Adriatici, nec Thyrrheni, nec Ligustici, nec totius huius tractus, qui à Massilia est vsque ad columnas Herculis. Quorundam etiam ex his forma est, vt ita dicam, peregrina, tantoperèq; à nostris piscibus dissidens, vt nulli eorum quos iam descripsimus, generi rectè subiici possint: huiusmodi sunt rotundi qui orbes vel testes dicuntur. Peregrinorum alij læues sunt, alij squamosi, alij cetacei, alij ex beluarum genere: in quibus explicandis ob dissimilitudinem, minùs quàm in iis quos iam executi sumus, ordinis ratio constare potest, tamen quoad eius fieri poterit, similes similibus adiungemus, vt melius agnosci & distingui possint. Sed in tam inuidiosis & maledicis temporibus temeritatis crimen vix effugiam, qui peregrina & non visa, ideòque incertiora hic proferam. At qui me accusabunt, Plinium, Galenum, Dioscoridem, & alios infinitos accusabunt, qui de exoticis & aduentitiis rebus permulta memoriæ mandarunt, quorum notitia nulla planè fo-

foret, nisi eas veteres literis consignassent. Plinius igitur de multis arboribus, auibus, piscibus, cæterisque peregrinis animantibus scripsit, Galenus & Dioscorides de iis quorum magnus est in medicina usus, quo nomine tantum abest, ut reprehendendi sint, ut maxima iis sit habenda gratia, quod eorum studio & opera effectum sit, ut multa quæ etiam hodie à peregrinis & procul à nobis remotis regionibus aduehantur, agnoscamus, magnamque ex iis fructum percipiamus. Quare nemo iure id mihi vitio verterit, si tantorum virorum exemplo peregrinos pisces à curiosis viris qui eos vel viderunt, vel de iis aliquid scripserunt acceptos bona fide studiosis proponam, ut ij scriptis meis admoniti, si quando inter nauigandum, vel peregrinandum propius intuendi & contemplandi occasio se obtulerit, integram de his historiam nobis relinquant: de iis loquor, qui cum summo cognoscendarum rerum studio & curiositate, summam doctrinam ex veterum & spectatissimorum autorum libris petitam atque confirmatam coniunxerunt, qua qui carent, non multò doctiores ex longa peregrinatione redeunt, sed persepe in rerum quas viderunt, delectu atque diiudicatione cæcutiunt. Quo fit, ut cum primum sibi ipsi imposuerint, deinde aliis temere creditibus imponant. Quod qui seriò docti sunt, faciliè perspicient in eius scriptis qui nuper de aquatilibus & aliis quibusdam rebus veluti centones confarcinavit.

De Orbe.



CAPUT II.




QRBICVLATOS Pisces vel orbes primum describemus, quos sic appello quia in orbem & rotundam figuram circumacti sint. Horum aliquot sunt genera, quorum primum ex Orientis, alia ex Septentrionis plaga delata vidi. Est igitur orbis primus is, qui à Venetis *pefche columbo*, à Græcis quibusdam huius ætatis *flascopara*

nominatur, q̃ lagenæ figuram referat, in Nili ostiis capitur, figura est sphaerica, si caudam excipias, prorsus à squamis nudus, vnde cum hal lucinatum fuisse constat, qui totum squamis opertum exhibuit. Cute dura admodum contegitur, quam asperam efficiunt aculei parui, quibus tota conspersa est, ore est paruo, dentibus quatuor latis munito. Vnicum vtrinque foramen & pinnam vnicam habet ad branchias caprisci modo, pinnulam aliam in prona parte prope caudam, aliam huic ferè respondentem in supina. Cauda in vnicam & latam definit. Piscis hic esculentus non est: totus enim capite vel potius ventre constat: quare exiccatus & tomento vel alga oppletus, inter templorum anathemata, vel cubiculorum ornamenta suspenditur, cæli partem à qua fiat ventus, rostro ad eam conuerso indicās. Ex his omnibus perspicuum est piscem eū esse, qui à Plinio orbis dicitur, quanquam eo in loco pro orbis in exemplaribus quibusdā legitur orchis, id est testis, à figura etiā rotunda. Verba Plinij sunt. Durissimum esse piscem constat, qui orbis vocetur, rotundus est & sine squamis, totusque capite constat. Quæ omnia nostro orbi conueniunt: durissima est & propter aculeos aspera cute, cui cuticula alia tenuis subiacet, figura est rotunda, denique totus caput est: rostrum enim duntaxat paulum prominere, reliquum exertum non est: vel, ut diximus, totus ventre constat & cauda. E mari Nilum subire constat, aiuntque vniones ex rore ore excepto concipere & parere, quod falsum esse existimamus.

Lib. 32. capi. 2.

De Orbe scutato




CAPUT III.



SCVTATVM Orbem vocamus quem hinc exhibemus, ut à superiore & aliis orbiculatis distinguatur, cuius nominis imponendi causa fuit os illud scuti forma, quod ea in parte, in qua in terrenis animantibus pectus est, sterni vice habet. Sunt qui scutiferum appellant, qua appellatione inductus quidam pro scutifero pisce, ridiculè hominem capite galca operto, scutum manu tenentem depinxit.

xit. Holandi apud quos piscem hunc vidi, *suetolt*, alij *bufolt* nominant à muco quem ore emittit. Est igitur hic piscis corpore terete, mucoso, capite magis exerto quàm superior, oris scissura maiore, dentes in eo sunt plures & minores, oculi parui, & exquisitè rotundi. Branchiarum rimam multò maiorem habet, infra has, pinnas duas. Subest pro ster-
no os illud, quod scuti specie esse diximus. Neque prona neque supina parte pinnas habet, cauda in vnicam latam definit. A capite ad cau-
dam vsq; ossa oui figura disposita sunt, inter quorum interualla acu-
lei interiacent. Piscis est rarus & non edulis.

De Orbe echinato siue muricato.




CAPUT IIII.

TERTIVM Orbis genus quod etiam in Septentrionali Oceano capitur, manifestis notis ab aliis diffidet, nempe aculeis plures cuspides habentibus, cui ob id echinati siue muricati nomen dedimus. Echinus enim asperum & hirtum significat, vnde echinati calyces castanearum Plinio. Nuces vocamus & castaneas, quanquam *Lib. 15. cap. 23.* accommodatiores glandium generi: armatum iis echinato calyce val-
lum, quod inchoatum glandibus. Muricati verò nomen à muricibus deducitur. Sunt autem murices machinulæ ferreæ quadrati figura quæ dolosè aduersus fures, aut hostes in terram coniiciuntur, quia in quancunq; partem incubuerint, vnum aut plures aculeos transitis infestos protendunt. Curtius: Bion quidam transfuga nuntiat Regi *Libro 4.* murices ferreos in terram defodisse Darium, qua hostem equitū emis-
surum esse credebat. Valerius de Scipione Æmiliano loquens, in eadem significatione vsurpauit: studentibus quibusdam vt circa mœ-
nia vrbs quam obsideret, ferreos murices spargeret, ne subita eru-
ptione hostes impetum in nostra præsidia facere possent &c. Dicun- *Lib. 3.*

tur à Græcis *τεῖβολοι*, quo vocabulo in eadem re vsus est Vègètius: Galli *Chausses trappes* appellant. Ab huiusmodi muricibus orbes muricatos appello ob aculeos, quemadmodum muricata carduorum cacumina Plinius vocauit: Vtrique, inquit, folia pauca, spinosa, muricatis cacuminibus. Muricatis igitur aculeis totus hic orbis riger, vt manu tollere non possis, nisi cauda extrema apprehensa. Capite est multò minùs exerto quàm proximè descriptus, corpore magis rotundato & maiore, in quo nullæ sunt pinnæ præterquàm in cauda, quæ in vnicam definit. Sunt qui hystricem ab aculeis non ineptè appellant. Posset etiam nonnullis videri Æliani sagittarius, quem rubri maris piscem esse scribit. Sagittarius in eo mari procreatur, & quoniam herinacei speciem & similitudinem habet, firmis & bene longis armatur aculeis. Sed de hac re iudicent ij, qui maris rubri pisces viderunt, nihil temere de rebus parum compertis affirmare volo.

De Scolopace.



CAPUT V.

PEREGRINVS Etiam & rarus est piscis, quem hic proponimus, semperque paruus, vt arbitror: nam tres vidi eiusdem magnitudinis omnes, & ouis distentos: quod argumentum fuit satis prouecta ætatis. Varij varia nomina huic tribuunt: alij enim scolopacem vel ascalopacem (vtrumque enim apud Aristotelem legitur) nomine auis, cui prælongum est rostrum, appellant, eadem de causa vernacula lingua *Becasse*. Alij elephantem, quòd rostrum longum proboscidis modo habeat, sed rigidum est, quòdque nec contrahi, nec extendi vt proboscis possit. Longè alius est Plinij elephas ex crustatorum genere, de quo suo loco. Æliani sagittarius esse non potest, etià si aculeum longum & durum & præacutum ad caudam habeat: nam sagittario plures sunt aculei ad herinacei speciem, vt diximus. Si os magnum & dentibus munitum, non autem rostrum longum haberet, estimare aliquis posset eam anthiæ speciem esse, cui antiquorum nonnulli aculeum, seu spinam in dorso serratam tribuunt qua, quum hamo tenetur, lineam secat. Nullum aptius piscis istius nomen mihi esse vide-

*Lib. 9. de hist.
animal. ca. 8.
& cap. 26.*

videtur, quàm scolopacis, aut ascalopacis. Corpore est rotundo, rubescente erythrini modo, squamis asperis. Dorsi extremo aculeum magnum, extertum, altera parte serratum gestat. Cauda tenuis est. Carnis substantia pagro similis est, boni igitur est succi, & facilis concoctionis. Sed cum rarus sit piscis, & peregrina forma, exiccatus seruatur potius quàm editur.

De Mugile nigro.




CAPUT VI.

VNDIS Nostris incognitus est, & rarus admodum piscis, quem hinc expressimus: squamosus est, mugili corporis specie valde similis, sed totus ater, lineasque nigras à branchiis ad caudam productas habet: eam ob causam mugilem nigrum vocaui. Maxillam inferiorem valde diductam habet, ob id valde hiantem est ore. Septem octo aculeos in dorso gerit, à sese discretos, nullaque membrana connexos, quos pinna parua sequitur. Hunc piscem mihi depingendum dedit Pifis Portius vir in Philosophia summus, & qui cum excellenti doctrina singularem humanitatem coniunxit, nec huius solum sed etiam multorum aliorum videndorum copiam fecit, quo nomine magnam illi perpetuò gratiam sum habiturus: liberalis enim est & ingenui hominis fateri à quo beneficium acceperis. Eadem erga me liberalitate usus est vir pereruditus Gesnerus, qui Danubij pisces, quos summo studio & labore collegit, mihi communicare voluit, qui me memorem & gratum erga se fore sentiet, si quando vlla in re operam illi commodare potuero. Eo in me animo non fuerunt ij, qui cum per dolum & fraudem piscium meorum icones descripsissent, maluerunt plagij crimini obnoxij esse, quàm grato animo accepisse à me aliquid fateri. Horum vnus fuit *Φαππαργεβης*, cum in comitatu essem clarissimi Cardinalis Turonij medicinæ faciendæ causa. Is igitur cum me sæpius de piscibus verba facientem, & eorum picturas amicis communicantem videret, eorum nomina aliquot & figuras expiscatus, tandem aliquando post peregrinationem suam (quam equidem valde

probo, si cum multarum rerum videndarum studio doctrinam aliquam coniunxisset) me incio & ne semel quidem nominato edidit. Tam in me iniuriosus fuit Medicus Cardinalis à Sancta Cruce, cui cum Romæ chartas meas videndas præbuissem, repente Medicus & argumenti nouitate, & varia pisciū pictura illectus, tum ex meis permultos, tum alios quos subito nancisci potuit, prælo commisit, vt audio, idq; Cardinalis sumptibus. Mirū si veri aliquid ipse ex sese de piscibus possit commentari: quī enim in diuersis maris partibus diutius versari, quī in dissecandis piscibus, perspiciendisque eorum partibus, notis differentiisque omnibus ponere operam potuit, qui totos dies in salutandis, ducendis, deducendisque, aulicis consumit, vt sportulam emereatur? Illi igitur cum summa diligentia me præuertere studuerint, nec ingenuè voluerint, à quo aliquid accepissent fateri, tum vt noua rei tractatione, tum vt nominis mei silentio gloriolam aliquam aucuparentur, hoc assecuti sunt, vt veluti canes nimium festinantes cæcos pepererint catulos. Hæc candide Lector veritatis demonstrandæ causa, vtque certius & melius de illorum meisque scriptis iudicium facere possis, dicta à me esse existimato.

De Orthagorisco, siue Luna pisce.



CAPUT VII.



INTER Cartilagineos magnos siue cetaceos poterat piscis, quem hic expressimus, rectè collocari: nam etiam in nostro mari aliquando capitur, sed cum rarissimè id contingat, sitq; peregrina & parum vîitata forma, inter peregrinos recensere visum fuit. Nostri Lunam vocant, quia extrema corporis parte, quæ pinnis subest, Lunæ cre-

crescentis figuram aptissimè refert, vel quia demptis pinnis toto corpore rotundo est Lunę plenę instar, Massilienses *mole* vocant à rotunditate, quod molę molendinarię similis sit. Hispani *bout* appellant. Nonnulli ex nostris qui Prouinciam, Hispaniámque frequentarunt, vtraque coniuncta appellatione *molebout*, nominant. Quo verò nomine veteres Gręci Latinive piscem hunc designarint parum cõstat. Nam quanuis à nostris Luna dicatur, vel propter corporis extremum Lunę in cornua curuatę simile: vel propter rotundam totius corporis figuram Lunę in orbem sinuatę specie, vel quod noctu splendeat, tamen Æliani Luna dici non potest, vt ex eius verbis perspicuum fiet. Demonstratus vir à piscandi scientia, eatenus instructus vt probè rem piscatoriã interpretetur, piscem formę similitudine eximium dicit appellari lunam, exigua magnitudine, lata figura. Idemq; affert cyanei coloris speciem similitudinẽque gerere, in dorso pinnas habere molles & læues, easdẽque in natando explicare, & ad similitudinem Lunę semicirculum efficere, simul & cum ipsum quum est plena Luna, tum impleri, tum implere. Nempe arbores si ex his illum appenderis decresciente Luna exiccari atque interire: ac si ad plantas admoueris, eas marcescere & euanescere: si iam plena Luna, in id aquę quod in perfossis puteis reperitur, quis hunc piscem inuenerit, aquam iugem & perennem fore, sin extrema Luna, aquam exarescere. Quod si hunc eundem in fontem scaturientem conieceris, quomodo de puteo, is ad rationem Lunę modo euanescet, modo implebitur. Cum in his multa lunę pisci tribuantur, quę huic nostro desint, Æliani luna dici non potest, hic enim noster magnus est & cetaceus, argętei coloris in mari nõ cyamei, pinnis dorsi mollibus caret, neq; cum Luna impletur, neq; mirabilia alia efficit quę narrat Ælianus, à quibus cum discesseris, nullus, quod sciam, piscis est cui meliùs reliqua quę scribit Ælianus competant quam leserino. exiguus enim est & rotundus, latũsq; cyanei coloris, pinnas molles leuẽsque in dorso habet. Quare cum piscis hĩc noster Æliani luna dici non possit, vidẽamus num rota Plinij esse possit, cui Massiliensium appellatio affinis est, *mole* enim à rotunditate vocant. At quę rotę tribuit Plinius à pisce de quo loquimur alienissima sunt. Apparent, inquit rotę appellatę à similitudine, quaternis distinctę radiis, modiolos earum oculis duobus vtrinque cludentibus: neque enim noster hic quatuor radiis constat, neq; tam magnos habet oculos, vt si quatuor radiis distingueretur, totum rotę modiolum, id est, medium id cui radij rotę affixi sunt, occupare possint. Quocirca cum rem attentius consyderassem, non potui non existimare piscem istum esse qui orthagoriscus à veteribus dictus sit. De quo hæc Plinius: Appion maximum pisciũ esse tradit porcum quẽ Lace-

Lib. 12. cap. 14.


Lib. 9. cap. 4.

Lib. 32. cap. 2.

opinionem tres potissimum coniecturæ me induxerunt. Prima est quod Plinius ex Appione piscium maximum esse dicat, quod certè nostro aptissimè quadrat: nam ad mirandam molem accrescit, ut pote qui quatuor vel quinque, vel sex cubitorum molem æquet, neque quicquam obstat, quod beluæ multæ marinæ multò sint grandiores, ut balæna, physeteres, pristres, scolopendræ cetaceæ, cum reliquis enim piscibus non cum beluis marinis, quæ propriè pisces non dicuntur autore Aristotele, Appion orthratoriscum contulit. Altera coniectura est qua magis moueor, quod porci modo grunniat dum capitur, cuius ego rei auritus sum testis. eius soni causa rima est branchiarum stricta, id quod quum de aliis piscibus sonum edentibus tractarem ex Aristotele exposuimus, neque solum porco grunntu, sed etiam aspectu, cauda porci pedibusque demptis, similis est. Orthratoriscum igitur esse existimamus quem hîc representauimus. *Libro 4.* Hermodaus ex Athenæo lactantes porcellos atque adhuc subgrumos ὀρθρατορίσκους nominatos fuisse scripsit Lacedæmone ἀπὸ τοῦ ὀρθρατοῦ ἀγορεύειν, quoniam matutinis omnibus venales circumferrentur. Obiciat nobis aliquis Plinij autoritatem, qui alio in loco de porco marino hæc prodidit: Inter venena sunt piscium porci marini spinæ in dorso, cruciatu magno læsorum, remedium est limus ex reliquo piscium eorum corpore. At alij sunt præter orthratoriscum qui porci dicti sunt, ut capriscus, qui porcus à Strabone etiam dicitur & aper, quibus sunt in dorso spinæ acutissimæ & noxiæ: de quorum alterutro Plinij modò citatum locum intelligendum esse arbitror. Sunt & alij qui vel à figura, vel ab aliqua cum porcis morum affinitate porci nuncupati sunt. Nulla igitur reclamante nota orthratoriscus rectè à nobis exhiberi videtur, qualis verò sit ex descriptione melius agnoscas. Itaque piscis est maximus, longus, latiusque, terete vel potius ouata figura: etenim pars anterior acutior est, posterior latior & rotundior. Cute integitur aspera, argentei coloris. Ore est paruo, dentibus latis continuisque. Oculis paruis & rotundis. Pro branchiarum scissura foramen est in medio circuli veluti centrum. Ad branchiarum foramina pinna sita sunt breues & rotundæ ac latæ, quæ pinnarum constitutio ad sursum deorsumve impellendum corpus accommodata est, prope caudam aliæ duæ sunt aliter conformatæ, nempe longiores & strictiores quibus corpus dextrorsum sinistrorsumque mouetur, altera harum in dorso est, altera prope anum. Cauda crescentis Lunæ figurâ est, superiore inferioréque parte articulata est, ut tum in dextrum tum in sinistram moueatur, iterque dirigat. Caro huius cocta glutinû ex tergoribus bouum confectum refert, vel sepiarum salсарum & coctarum carnem. Præter carnē adipis multum habet porci modo. Partes internæ, ob totius


corporis rotunditatem conglobatæ sunt. Totus piscis ferini odoris est, unde à nostris piscatoribus si quando capiatur, quod rarò fit, negligitur. Quum aliquando fresconios scopulos qui in agathensi sunt sinu, & in his hærentia ostracoderma inspicere, illic grunnientem orthagoriscum audiuius, tandem à piscatoribus captum vidimus, qui quidem mihi affirmarunt se alias etiam & grunnientem audisse & cepisse. Alius multò maior ex Magalonensi sinu ad me delatus est. Noctu quibusdam partibus ita lucet, vt ex iis ignis splendidissimus, vel aliquod aliud illustrissimum lumen emicare videatur, ita vt seruus aliquando meus, cum noctu in locum in quo orthagoriscus erat, incidisset, territus inde fugerit. Piscis huius pinguedo multa est & candida, quæ liquefacta ad lucernas valet, sed hoc habet incommodi quod pisculentum fœtorè redolet, veluti balænx adeps. Eandem ad dolorem articulorum & neruorum contractionem siue rigorem valere experti sumus. Cum farina frumenti abscessibus imposita suppurationem promouet. Tumoribus duris hepatis, lienis, vel aliarum partium molliendis confert, styrace addita. Dentes vsti spodij vice esse possunt.

De Rara boopis specie.



CAPUT VIII.

RA R V S est piscis quem hic exhibemus, cuius nomen neque à piscatoribus nostris, neque ab aliis potui vnquam extorquere propter raritatem. Piscis est palmi maioris longitudine, totus à squamis nudus, ore paruo, oculis valde magnis pro corporis ratione, in pronis partibus pinnam habet ad caudam vsque continuam, cauda lata spissaque est. Ad branchias & in ventre binas pinnas habet. Sapore, carnis substantia, oculis boopem refert.



CAPUT IX.

VIRIDITATE Iucunda coloratus est piscis, quem præfiximus, à quo colore, necnō ab oris totiūsq; capitis similitudine cum lacerto terrestri, multi lacertū vocant. Piscis est cubiti magnitudinem attingens, capite crasso, ore magno & hiantē, dentibus acutis munito. Sunt qui *Cūpor* vel *Cawēda* esse credant, non sine errore, quia ut antea docuimus, *Cūpos* vel *Cawēis* acui & sphyrænx similis est, quibus nulla est cū eo de quo nunc loquimur affinitas. Aliis placet lacertum esse maris rubri, quem his verbis descripsit Ælianus de piscibus maris rubri loquēs. Eiusdem maris lacertus est, cuius magnitudo ei qui nascitur apud nos, æqualis est, virgatus spectatur, lineis nimirum aureolis circumdatur à branchiis ad caudam pertinentibus, quas media argentea distinguit. Ore est hiantē, maxilla inferior eminet in superiorem, virides oculos habet, quos aureo fulgore palpebræ ambiunt. Hæ omnes notæ cū satis expressæ sint, nō dubito quin maris rubri lacertus sit. His accedit aliud quo magis in eadē sententia cōfirmor, quòd piscem hunc ex ea regione in qua est mare rubrum, delatum & mihi à viro pèterudito Gulielmo pelicerio episcopo Monspeliensi dono datum depinximus.

De Physsalo.



CAPUT X.

Lib. ii. cap. 4.

INTER Pisces maris rubri Ælianus physsalum ex Leonide recenset & describit his verbis. In mari rubro, sinu Arabico, piscem Leonides Byzantius gigni ait, gobio ætatis perfectæ non magnitudine inferiorem: nullos oculos, nullūque os habentem, more

more tamen piscium branchias his innatas esse, capitis figuram et si minùs expressam coniectari posse: infra imum ventrem formam quandam leuiter contractam in sinum apparere, quæ smaragdi colorem reddit, hanc ei oculorum loco & oris esse idem ait. Quisquis hunc gustauerit, sentiet magno malo suo expiscatum illum fuisse: nam statim vt gustauerit, acerrimis doloribus premitur: deinde illius venter cum extrema vitæ pernicië disrumpitur: veruntamen & is tanti mali si semel capiatur, pœnas pendit. Quum primum est extra aquam, inflatur: & si eum tetigeris, magis magisq; intumens exardescit. Tùmque si quis assiduè eum moueat, præ siti totus perlucet, & tanquam morbo intercutem denique disrumpitur. Si quis hunc etiam nunc viuentem in mare velit reicere, is supernatat more inflatæ vento vesicæ, quocirca ex affectu Leonides ait physsalum appellatum esse. Idem eodem in loco physam piscem ponit, sed à physsalo diuersum, ne quis ob nominis affinitatem eundem esse putet: est enim physa piscis Ægyptius admirabili natura præditus: nam eum notionem habere ferunt, quando Luna augeatur & diminuatur, eiusq; iecur pariter cum Luna decre-scere, paritèrque recrescere, corporisq; habitu modò esse opimo, modò gracili & tenui. Cum physsalo eundem planè esse eum quem hîc expressimus, non affirmamus, quanuis pisces aliqui locis quibusdam proprij esse putantur, qui tamen in alijs aliquândo, sed rariùs, reperiuntur. Sed si physsalus non est, ei certè non valde dissimilis iure dicetur, vel erucarum marinarum generi rectiùs subiicietur. Ore & oculis caret, in medio latior est, extrema gracilesunt & incuruantur, in ventre siue in supina parte rugosus est, pudendi muliebris speciem referens, in prona parte siue in dorso tumores parui eminent, verrucas piscatores nostri vocant, è quibus pili virides existunt. At contactum intumescit & supernatat, vt Ælianus de physsalo scripsit. Præterea venenatum esse in cane experti sumus.

De Perseo maris rubri.

CAPUT XI.

PISCES sunt multi: maris rubri & aliarum maris partium proprij quique nullis alijs in locis reperiuntur, quemadmodum & terrenæ animantes plurimæ in Africa & in India sunt, quæ nusquam alibi gignuntur. Quanquam aliquando vsuuenit vt maiorum incuria quibusdam nos carere crediderimus, quæ postea doctorum & sedulorum hominum reperit industria, vt viperas in Gallia nullas esse sibi persuaserant patres nostri, quod tamen hodie certa experientia refutat: & diuitum qui vel voluptati seruiunt, vel

nouarum rerum studio tenentur sumptibus & opera effectum est, vt ab externis & procul remotis locis, in nostras terras deportata sint quedam antea à nobis non visa. Quod non solū in cæteris rebus, sed etiam in piscibus accidit, vt de scaro antea dictum fuit. Quare non omnes pisces parti alicui maris assignati in ea sola reperiuntur, etiam si quidam sint nullis aliis communes, quales sunt ij de quibus nunc dicturi sumus, quos ex Æliano potissimum describemus sine *et* iconibus. nolumus enim scientes studiosis imponere, & librorum duntaxat mimentis cognita perinde ac ea quæ vidimus, contrèctauimus, dissecuimus depingere. Neq; consilium hoc nostrum exemplo, neq; ratione caret. Etenim certum est Pliniū permulta nunquam à se visa ex veterū & spectatorū autorū libris transcripsisse, quæ diligentia sua ab hominum obliuione atq; à silètio vindicauit. Ac spero breui futurum vt Petrus Gyllius vir doctissimus & in omnium rerum cognitu dignissimū peruestigatione diligentissimus, non solū pisces, sed alia permulta quæ vidit in Græcia, Ægypto, Syria, Perside studiosis spectanda proponat. Interea ad eorum lectionem & cognitionem incitabuntur & præparabuntur philologi omnes, iis quæ breuiter hîc tradituri sumus. Ac primū de perseo, cui Ælianus tam illustres notas tribuit, vt ab aliis internosci facile possit. In mari rubro, inquit, piscis nascitur quem Arabes perseum nominant, Græci quoque eodem nomine appellant: nam vtriq; Iouis filium Perseum vocat, ex cuius vocabulo nomen traxisse piscem hunc prædicant. Is pari est magnitudine cum anthia maximo, aspectus similitudo illi etiam est cum lupo, naso est leuiter adunco, cingulis aureis distinguitur, quæ à capite exoriètia oblique feruntur, & ad ventrem vsque pertinent, frequentibus & permagnis dentibus munitus est. Ex omnibus piscibus qui in eo mari versantur, robore & audacia maximè excellere dicitur.

Lib. 12. ca. 40.

De Elope.

CAPUT XII.

Lib. 11. cap. 21.



ELOPEM Ab acipensere & anthia differre antea docuimus. Est autem sacer piscis vocatus, vt scribit Ælianus, rarus inuentu creditur, in profundo Pamphylia capitur: sed tamen etiam inde nisi vix & admodum rarò, quod si capiatur coronis ob secundam piscationem sese non modò piscatores ornant, sed & piscatoria nauigia fertis redimiri curant, & plausu & tibiæ sonu prædam testantes, ad terram nauem applicant. Alij non hunc sed anthiam sacrum existimant, quia locus quem anthias incolit, & beluarū experts, & vrinatoribus tutus est, & cum piscibus pacem seruant. De eodem elope

ex Columella & Plinio plura, quum de acipensere ageremus. Hoc vnum non possum non mirari, quod scripserunt antiquorum quidam elopi soli squamas esse ad os versas: hic enim squamarum situs maximè mihi à naturali constitutione alienus esse videtur. Nam cum piscibus vt ceteris animantibus sensuum sedes sint in capite, quorum ope nocitura declinent, profutura persequantur, necesse est in anteriora natationem dirigì, quod si ad os versæ essent squamæ, etiam in leniter fluente aqua impetus retardaretur, in rapida verò prorsus inhiberetur: vndis enim squamas subeuntibus & leuantibus in aduersum pellerentur pisces: cogitare itaq; non possum quid causæ sit cur optimum & piscium constitutioni accommodatissimum squamarum positum natura in elope mutarit, quæ id in piscibus creandis maximè obseruasse videtur, ne quid esset quod natationem impediret, qua de causa auriculis, pedibus, manibus, pudendis propendentibus, mammisque omnes priuat. Hanc tam insignem in elope notam non prætermisisset Aristoteles, qui elopem vidit, vt iudicare licet ex iis locis, in quibus particularum elopis meminit, de branchiis piscium loquens: *Οἱ δὲ δύο ἐφ' ἐκάτερα, ὃ μὲν ἀπὸ τοῦ, ὃ δὲ διπλοῦ, οἷον γόργος καὶ χέλιος, οἱ δὲ τέτταρα ἐφ' ἐκάτερα ἀπὸ τοῦ οἷον ἔλσφ, σινάγρις, σινύραϊνα, ἔγχελυς.* alij binas vtrinque branchias habent, alteras simplices, alteras duplices, vt conger, scarus: alij quaternas vtrinque simplices, vt elops, synagris, murana, anguilla. Item alibi quum de fellis situ verba facit. *Οἱ δὲ αἰμοὶ πρὸς τοῖς ἐντέροις, οἱ μὲν πορρώτερον, οἱ δὲ ἐγγύτερον, οἷον βέλταχος, ἔλσφ, σινάγρις.* alij in intestinis situm fel habent, his longiùs à iecore, illis propiùs, vt rana, elops, synagris. Hæc sunt quæ nunc de elope sentio.

*Lib. 2. de hist.
animal. cap. 33.*

*Lib. 2. de hist.
animal. c. 35.*

De marino Grue.

CAPUT XIII.

MARINI Gruis Ælianus meminit, mirabilèmq; rem de eo narrat ex Demostrato viro in piscium cognitione exercitato, his verbis: Marinus grus Corinthiaci sinus alumni ad quindecim pedum iusta mēsurā dimensorum magnitudinem procedit. Eius & caput & os alitis gruis speciem similitudinèmq; gerit: squamæ pennis gentilis auis ei similes sunt. Tanto robore saliendi est, vt tanquam emissum à contento neruo telum feratur. In sermonem Epidauriorum venit, hoc animal ex nullo pisce generari, sed quum volucres grues Thraciū frigus fugientes, tum fœminæ ad coitum exardescentes, tum mares veneris libidine conflagrantes inter se cōplexu

venereo iungi cupiunt, fœminas suspensum coitum sustinere non posse, idcircoque semen emittere, quod vori compotes fieri non possint. Ac si supra terram volent, id ipsum ad nihilum recidere, sin supra mare, id delapsum tanquam thesaurum per manus traditum, sic à mari huc foetum asseruatum, animantemque effici, neque velut in aluum sterilem illapsum perire. Demonstratus, inquit, huc piscem vidi, & magnopere consideravi, quumq; vt aliis ostendere possem, sale condire vellem, atq; coquis ipsum secantibus viscera intuerer, tum ex vtroq; latere spinas similiter atque tabulas legum triangulas esse, tum eius iecur in longitudinem procedere aspexi, tum iecori subiectum fel longum, follem tanquam scorteum habere, vt faba recens videretur. vbi verò primùm iecur & fel exempta fuissent, ambo statim intumuisse, vt iecur instar hepatis maximi piscis videretur, fel verò lapidem, super quem fortè positum fuerat, consumpsit.

De Elacatene.

CAPUT XLIII.

*Lib. 32. cap. 11.
Libro 7.*



Lib. 8. cap. 17.

Libro 3.

N Piscium catalogo statim post hepar helacathenas Plinius numeravit, & Athenæus post hepatum. Sed animaduertendum apud Plinium scribi helacathenes, apud Athenæum elacatenes, quam postremam lectionem secuti Festus & Columella elacatenam dixerunt, quanquam apud Columellam non elacatena sed elacata legabatur, cui voci elacatenam rectè substituit Hermolaus. Qui sint autem elacatenes, declarat Athenæus ex Mnesimacho: *Μνησίμαχος ἰπποβοσκῶν, ῥόμβρος, θύνος, κωβίος, ἡλαχθῖνες, εἰσὶ δὲ κητώδεις ἐπιτηδεῖς εἰς τρεῖς ἰσχύς*. Mnesimachus in hippotropho, scomber, thynnus, gobius, elacatenes: sunt autem elacatenes cetacei ad saliendum idonei. Festus: Elacatena genus est fœmenti, quod appellatur vulgò melandrya. Columella: Sombri, carchari, elacatenæque ventriculos, & ne singula enumerem, fœmentorum omnium purgamenta. Ex his colligo elacatenam piscem fuisse ex thunnorum genere, vel thunnis & lacertis corporis specie consimilem, longum scilicet & cetaceum, iaculi vel coli vel fusi figura, in extremis tenuiore, in medio crassiuscula, à verbo *ἡλάττω*, quod significat circumuoluo & circumuorto. Cùm salituræ idoneus esset piscis, factum est, vt non pro pisce solùm, sed pro fœmentò sumeretur, quemadmodum garum, liquor qui ex garo fit pisce. Quod ex thunnorū genere sit vel thunnis, similis elacatena suspicari licet ex Festo, qui elacatenam genus esse fœmenti scribit, quod melandrya vocatur: nam *μέλανδρυς* autore Pamphilo & Athenæo. *Τῶν μεγίστων θύνων εἶδος ἐστὶ. sunt & μελανδρύαι, ἃ τεμάχῃ αὐτῆς λιπαρώτερα.*

id

id est, particulæ thynnorū pinguiore, quæ alibi, vt opinor, dicuntur
 ἡγῆται τῶ ὀρκυῶ. His subscribit Plinius de thynnis membratim cæsis lo- Libro 8.
Lib. 9. cap. 15.
 quens: melandrya vocatur cæsis quernis assulis similima. Præterea
 ex eo quòd similes pisces coniungit Athenæus in iis quæ ex Mnesi-
 macho profert, quæ iam citauimus perspicuum esse potest, mendum
 vnum esse, vt pro κωβίος καλίας legendum sit: nam κωβίος dissimilis est,
 & vita & corporis forma, καλίας verò eiusdem generis vt ex superiori-
 bus libris constat.

De Ruminali pisce.

CAPUT XVI.



A Z A Et qui Græca Latinæque nomina animalium
 in fine librorum Aristotelis de animalibus collegit,
 ruminalem piscem nominant, qui Græcè dicitur μη- Cap. 50.
 ρυξ ab Aristotele Lib. I. B. I. X. de Histor. animal. μηρυξ-
 ῆς ὁ τῶ μὴ ἀμφοδοντα, οἷον βοες, καὶ πρόβατα, καὶ αἶγες, ἐπὶ
 ὧ τῶν ἀγρίων ὕδεν πω λυώπιοι, ὅτε μὴ λυέσθαι ἐνίοτε, οἷον ἔλαφος, ἀλλ' ὁ μὴ-
 ρυκάξ, πάντα ὅ καὶ ἀκείμενα μηρυκάξ, μᾶλλον μέλιτα, ὅ τε χαμῶνος μη-
 ρυκάξ, ἔτε καὶ οἰκίαν βεβόημενα, χεδὸν ἐπὶ μέγας τῶτο ποιεῖ, τὰ δ' ἀγε-
 λῶια καὶ ἥτιον καὶ ἐλάττωια χρόνον μηρυκάξ, διὰ δ' ἐμέωξ ἔξω μηρυκά-
 ξ, ὁ καὶ τῶν ἀμφοδωνίων, οἷον οἷον μῦες οἱ πόνητοι, καὶ οἱ ἰχθύες, καὶ ὅν κα-
 λῶν ἐνίοι ἀπὸ τῶ ἔργου μῆρυξ. Quæ sic conuertit Gaza. Ruminant quæ
 superiore dentium ordine carent, vt boues, oues, capræ. Ex feris nul-
 lum adhuc ruminare constat, præterquam ea quæ aliquando cum
 hominibus exigunt, vt ceruus: hunc etenim ruminare planum est. Ia-
 cent potissimum quum ruminant omnia, & hybernis præsertim mē-
 sibus solent ruminare, septem ferè mensibus hoc faciunt, quæ intra
 tectum aluntur. gregales leuius minúsque temporis ruminant: quo-
 niam foris pascantur. Sunt etiam ex dentatis vtrinque nonnulla quæ
 ruminant, vt mures pontici, & piscis quem ab ea re ruminalem qui-
 dam appellauere. Sed horum postrema pars à Gaza perperam mihi
 videtur esse conuersa, sic enim vertendum fuerat. Ruminant & quæ-
 dam vtrinque dentata animalia, vt mures pontici, & pisces quidam,
 & qui ab ea re μῆρυξ vocatur, id est, ruminalis, si verbum verbo red-
 dere voluerimus. vt μῆρυξ diuersum sit animal à piscibus ruminan-
 tibus, quanquam in quo animantium genere numerari debeat, mihi
 adhuc sit incertum. Hæc vt vera esse credam, facit Aristotelis ipsius
 autoritas qui duobus in locis tradit ex piscibus omnibus scarum so-
 lum ruminare, prior est, in quo de piscium ventriculo verba facit, Lib. 2. de hist.
animal. cap. 17.
 μέιν γάρ καὶ ἀπλῶ ἔχει, διαφέρων τοῖς σχήμασι: ἐνίοι γὰρ πάντων ἐτεροδῶν
 ἔχουσιν οἷον ὃν καλῶσι χάρρον, ὅς δ' ἢ μόνος ἰχθύς δοκεῖ μῆρυξ εἶναι. Ventriculus

iis vnus & simplex, sed figura varia est, vt ei quem scarum vocant, qui
 Lib. 8. de hist. & ruminare solus piscium creditur. Alter est. δοκεῖ ὁ καὶ τῶν ἰχθύων καὶ ὁ
 ami. cap. 2. καλεόμενος (χόρος) μηρυκάδην ἀπὲρ τε τῶν ποδῶν μένος. Scarus vnus inter pi-
 sces ruminare quadrupedum ritu videtur. Quæ cum ita sint, secum
 ipse pugnaret Aristoteles, si præter scarum piscem alium esse diceret
 qui ruminaret, vt necesse sit: vel ruminalis piscis nomine scarum in-
 telligi, vel ruminalem, aliquod aliud animal esse, ex eorū numero quæ
 vtrinque dentata sunt, tamen ruminant.

De Cercuro, bopgyro, aulopio & ali- quot aliis piscibus.

CAPVT XVI.

In Haliu-
 tico.

Lib. 1. ἀλιού-
 τικόν.

Lib. 8 de hist.
 animal. ca. 2.



ΕΡΚΟΥΡΟΥ Meminit Ouidius inter eos pisces,
 qui in ponto nascuntur.

Cercurusque ferox scopulorum sine moratus

Eiusdem inter laxatiles meminit Oppianus. Bo-
 pgyrus quoque ex ponticis est piscibus in scopulis vi-
 uens, ex iisdem sunt rhacinus pullus, aurei coloris chrylos, præterea
 paruus teragus. Ij nobis nomine tantum noti sunt. item dascillus apud
 Aristotelem. Halefursion, inquit Hermolaus, sunt qui pro callionymo
 pisce capiant. Alabes, mæotes, simus, eleotris, cynodexia, cynops vel
 cynopus, etelis, eleginus, melys, mythus, phyca, parus, phytarus, vrena
 turpæna, fortasse pro muræna & torpedine. sunt: & alij infiniti pisces
 quorum nominibus supersedeo, nobis ignoti. Sed admonendi sunt
 studiosi alios ideo incognitos esse, quod nobis peregrini sunt, vt Nilo-
 tici qui è mari Nilum subierunt, alij aliorum locorum proprii. Quam-
 plurimi corruptis nominibus apud Plinium, Athenæum, Aristotelem
 in exemplaribus nostris leguntur, vt *μύκων*, papauer Gaza interprete
 pro *μύκων*, & *μύκωνος* pro *μύκωνος* murinus eodem interprete, alij nomi-
 nati tantum sine vllis notis aut internarum aut externarum partium,
 vt ne ex etymo quidem coniecturam vllam capere possis. Quosdam
 Oppianus nominibus propriis omisis, epithetis tantum designauit
 vt *ἰσχυρὸς*. De nonnullis aliter atque aliter diuersi autores scripse-
 runt, vt aulopum quartam anthie speciem facit Oppianus, aulopiam
 & anthiam eundem esse scribit Aristoteles in species anthiam non
 diuidens: Alianus verò aulopium alium videtur descripsisse. Qui cit
 cum insulas Tyrrhenicas nūcupatas in maritimis rebus versantur, ce-
 taceum quempiam piscem aulopion appellant, cuius vim & natu-
 ram explicare alienum non est. magnitudine maximum aulopion
 maximi thūni superant, & robore aulopios cum illis collatus pinna
 fert

Lib. 11. ca. 22.

fert. Quauis thynnorum natio fortissima est, & aduersarij aulopij promptè repugnantis primum impetum vi sanguinis consistentis sustinet, quo celeriter depulso vincitur. Aulopios verò per diu pugnam tolerat, ac nimirum contra piscatores decertat, & sæpiissime victoriam reportat, sese vrgens, & caput in profundum deprimens: sua enim natura ore ac tanquam ceruice est robusta. Quum est captus eximia forma spectatur. Oculis est patulis, rotundis, magnis, cuiusmodi Homerus bubulos esse canit. Dorso est cæruleo, & ventre candido, à capite ad caudam pertinens quædam linea in orbem desinit. Ex his colligunt nonnulli aulopion esse, quem lingua vernacula vocamus *boniton*, quem amiam esse demonstrauimus. At notæ aliquot insignes reclamant, neque enim cetaceus est piscis sicuti aulopios, neque lineam auream à capite ad caudam ductam habet, neq; oculis est magnis patulisque. Hæc duntaxat nota vtrique communis est, quòd dorso sint cæruleo, ventre candido.


De Reuerfo indico.

CAPUT XVII.

MIRABILIS Est piscis, quem Indi reuersum vocant. Eodem quo elephas ingenio esse videtur: nam facilè cicuratur, docilis est, & loquentes intelligere videtur, adeò vt Indi cum eo piscari soleant. Piscis est palmi magnitudine, squamis rugosis contectus spinis acutissimis & maximè in dorso munitus est, & ab umbilico ad caudam, quibus pisces etiam maximos ferit, & veluti affixis hamis retinet atque trahit. Hunc cum aliis captum seruant & cicurant, vt eo postea phocas, tiburones, manatos venentur, aliosq; huiusmodi pisces, qui ideo quòd pulmonibus spirent, in summa aqua sapius natant. Funiculis igitur alligant, annexis aliquot suberis frustis, blandisque verbis hortantur & incitant, vt magno animo in fortiores & meliores impetum faciant, atque ad litus cogant, tum in mare iniectum natare sinunt, atque cum præda reuersum laudant, & gratias agunt, perinde ac si piscis ratione præditus & in eos beneficus, monitus atque hortationes audiat, cum ipse *διὰ τοὺς ὀφθαλμοὺς* & solutus idem faciat, quemadmodum alij plurimi sunt, qui alios etiam feroces persequuntur, vt in singulorum historia sæpe dictum est. Aiunt piscem hunc in cibis bonis haberi, quòd neque sicca sit nimium carne neque glutinosa, *ὅτι ὁ σῶμα αὐτοῦ ἔστιν ὡς ὁ ἀνθρώπου, καὶ οὐκ ἔχει οὐδὲν ἄλλο.*

De Remora.

CAPUT XVIII.



ECHENEID. A Græcis dicitur piscis, ἀπὸ τῆς ἐχιδνὰς
 vāus, id est, à retinendis nauibus, sic & à Latinis remo-
 ra & remiligo ab iisdem remorandis. Huius piscis
 quanuis frequens fiat & celebris ab effectu mentio à
 veteribus, rarò tamen hodie cernitur; imò paucissi-
 mis cognitum esse putauerim, qua de causa inter peregrinos & igno-
 tos repono. Cur autem parum notus sit, in causa fuerunt diuersæ à
 diuersis scriptoribus traditæ huius piscis descriptiones, vt si omnes ve-
 ra scribant, necesse sit pluribus piscibus nauium retinendarum vim
 inesse, id quod non animaduertentes plurimi, quum remoræ notas
 ab Aristotele, Plinio, Oppiano traditas confundunt, perinde ac si
 omnes de eodem pisce loquerentur, euenit, vt neque Aristotelis, ne-
 que Plinij, neque Oppiani echeneida internoscant. Quod autem
 alia atque alia sit variorum auctorum remora, iam demonstrandum
 est. Oppianus tradit echeneida pelago amicam esse, longam cubi-
 tum vnum, subfusco colore, anguillæ similem, acutum os habere sub-
 ter, contortum, rotundi hami cuspidi simile, de qua nauæ rem mira-
 bilem narrant; omnibus qui non viderūt incredibilem: nauem enim
 secundi venti vi impulsam, passisque velis per mare currentem, eche-
 neis tanquam eam voratura ore admoto sistit, inuiusque nautis reti-
 net, perinde ac si in tranquillo portu quiesceret. Oppiani versus ci-
 tauimus, quum de lampetra diceremus; quos hic omitto, ne proli-
 xior sim. Plinius limaci magnæ similem esse dicit eorum testimo-
 nio, qui eam viderunt, quæ Caij Principis quinquerehem tenuit. Li-
 bro autem nono diuersorum diuersas sententias de eadem profert,
 vt ipse monet libro trigesimosecundo: Nos, inquit, plurimorum
 opiniones posuimus in natura aquatiliū, cum de eo diceremus, li-
 bri noni locum intelligens, quem iam citamus. Est paruus admo-
 dum piscis assuetus petris, echeneis appellatus: hoc carinis adhaeren-
 te naues tardius ire creduntur &c. Ibidem. Mutianus muricem esse
 latiore purpura, neque aspero, neque rotundo ore, neque in angu-
 los prodeunte rostro, sed simplice, concha utroque latere sese colli-
 gente. Et mox. Trebius Niger sesquipedalem esse, & crassitudine
 quinque digitorum, naues morari. Quam dissimilia sunt ista, remo-
 ram anguillæ similem esse, longam cubitum vnum, & piscem admo-
 dum paruū esse petris assuetum: deinde muricem esse purpura la-
 tiorem, tum limaci similem esse. Postremò sesquipedalem esse, &
 quinq;

Lib. 32. ca. 1.

Cap. 25.

quinque digitos crassam, sed interim annotatione dignus est Plinij locus libro nono. Est parvus admodum piscis asluetus petris, echeneis appellatus: hoc carinis adhærente naues tardiùs ire creduntur, inde nomine imposito: quam ob causam amatoriis quoque veneficiis infamis est, & iudiciorum ac litium mora, quæ crimina vna laude pensat. Pedes enim habere arbitratu Aristoteles, ita posita pennarum similitudine. Imò reprehendit Aristoteles eos qui remoræ pedes tribuunt. Ἐστὶ δὲ ἰχθυὸς διόνυκ τῶν περὶ τῶν, ὁ καλεῖται λυγρὸς ἐχένηϊδα, καὶ λεγόνται τινες διῆσι πρὸς διλῆγος, καὶ φίλῆα, ἔστι δὲ ἀβρωῖον. Τὸτο δὲ ἐνικί φασιν ἔχον ποδάς, ὅα ἐχον, ἀλλὰ φαίνε, διὰ δὲ τὸς περὶ τῶν ὁμοίως ἔχον ποσί. Legendum igitur apud Plinium, pedes habere arbitrantur ex Aristotele, ita posita pennarum similitudine, vt rectè emendauit Massarius. Ælianum eandem quam Oppianus remoram describere videtur. Echeneis pelagius est piscis, aspectu niger, longitudine cum mediocri anguilla æquandus. Nomen à rebus, quas agit habet, ab inhibendis nauibus. Echeneida Græcè scientes appellarunt. Nauis secundo vento & plenius velis propulsa extremam puppim mordicus premens tāquam indomitum atque effrenatum equum frēno robusto inhibens, violentissimè ab impetu reprimat, & constrictam tenet: frustra quæ ventis vela dantur, frustra venti afflant, quæ res vectores angit, & sollicitos vehementer habet. Ex his id cōstare puto, quod initio proposueramus, nimirum non vnam echeneida à veteribus descriptam fuisse. Nunc de eiusdem piscis vi facultatēque dicendum, quam cū cæteri autores, tum maximè Plinius ad stuporē vsque admiratur, in diuersis locis. Addatur his reciproci actus mirabilis vis, versumque totum mare in flumen, tamen omnia hæc pariterque eodem impellentia, vnus ac parvus admodum pisciculus echeneis appellatus in se tenet. Ruant venti licet & sequant procellæ, imperat furori, virēque tantas compescit, & cogit stare nauigia, quod non vincula vlla, non ancoræ pondere irreuocabili iacta infrenat impetus & domat. Mundi rabiem nullo suo labore, non retinendo, aut alio modo quàm adhærendo. Hęc tantilla est satis contra tot impetus, vt vetet ire nauigia. Sed armatæ classes imponunt sibi turrium propugnacula, vt in mari quoque pugnetur veluti è muris. Heu vanitas humana, cūm rostra illa ferrōque adictus armata, semipedalis inhibere possit, ac deuincta tenere pisciculus. Fertur actiaco mari tenuisse prætoriam nauim Antonij properantis circumire & exhortari suos, donec transiret in aliam. Ideoque Cæsariana classis impetu maiore protinus venit. Tenuit & nostra memoria Caij Principis ab Astura in Antiū remigantis, vt res est, etiā auspicalis pisciculus. Siquidem nouissimè tū in urbem reuersus ille Imperator suis telis confosus est. Nec longa fuit illius moræ admiratio, statim causa intellecta, cūm è tota classe quinqueremis sola non proficeret, & exilientibus

Lib. 2. de hist.
anim. ca. 14.

Lib. 12. ca. 45.

Lib. 32. cap. 1.

protinus qui id quærent, circa nauim inueniẽre adherentem gubernaculo, ostenderuntque Caio indignanti hoc fuisse, quod se reuocaret, quadringentorumq; remigum obsequio contra se intercederet. Constabat peculiariter miratum quomodo adhærens tenuisset, nec idem polleret in nauigium receptus. Qui tunc posteaque videre, cum limaci magis e similem esse dicunt. Nec dubitamus idem valere ad omnia genera, cum celebri & consecrato etiã exemplo apud Gnidiam Venerem, conchas quoque eiusdem potentia credi necesse sit. E nostris quidam Latinis remoram appellauẽre eam. Mirumque à Græcis, aliis lubricos partus atque procidentes contineri ad maturitatem alligato eo prodiderunt. Alij sale asseruatum alligatumq; grauidis partus soluere, ob id alio nomine odinolyontem appellauẽre. Quocunq; modo ista se habeant, quis ab hoc tenendi nauigia exemplo de vlla potentia naturæ atque effectu, in remedijs sponte nascentium rerum dubitare debeat? Et alibi. Mutianus muricem esse purpura latiore, neq; aspero, neq; rotundo ore, neq; in angulos prodeunte rostro, sed simplice, concha vtroque latere sese colligente, quibus inhaerentibus plenam ventis stetisse nauem portantem nuncios à Perianandro vt castrarentur nobiles pueri, conchasque quæ id præstiterunt, apud Gnidiorum Venerem coli. Trebius Niger sesquipedalem esse, & crassitudine quinque digitorum naues morari. Præterea hanc esse vim eius asseruati in sale, vt aurum quod decideret in altissimos puteos, ad motus extrahat. Huius tam mirandi effectus cæcam planèq; occultam esse causam videtur significare Plinius. Adamus Leonicerus in libro de aquatilibus huius nullam omnino causam naturalem reddi posse existimat. Non immeritò, inquit, tantas in tantillo pisciculo vires aliquis miretur, magneti quidem sua est in ferrum facultas, adamantem coram toxico ferunt madere, turchesiam appetente periculo aut scindi, aut omnino rimam aut maculam aliquam concipere, sed longè alia natura venit admiratio in nostra echeneide, lapidibus siquidem & metallicis naturalis pro materiei varia conflatione, cælestiumque corporum in ea elaboratione quadantenus causa assignari potest, partim etiam natura secretis est relinquenda. Basiliscum serpentem adeò venenatum esse scribunt, vt visu etiam in hominem virus transfundat. Torpedo piscis non tangenti piscatori per hamum & virgam torporem, vnde nomen etiam accepit, sicut & Græcis ~~ναρπεν~~ dicitur, immittit, ac totum deinde corpus occupat, in quibus veneno ea vis tribuuntur, sed quid de hoc pisciculo afferemus in medium? quam eius viribus & potentia ascribemus rationem? Hic sicut & reliqui pisces in aquis agit. Non alibi nisi in aquis vires suas exercet, nulla adest magnitudinis in eo violentia, minutulus ipse naui se adiungit, nulla vis contra ipsum satis est, nullus impe

Lib. 9. cap. 25.

impetus loco mouere nauem potest, nisi pisciculus hic naui adhærere inuentus esset. Adscribi illud potest, cur non aliæ similiter naues fixæ manent? cur hæc tantum, cui pisciculus hic se adiunxit? cur inuento hoc & amoto plenis mox velis nauis procedit, nec impedimentum ampliùs sentit? Fatendum est rationem hîc naturalem adferri nullam posse. Et quis non videt in eodem fatale quoddam indicium & præsagium quasi futuri mali præscium, periculum imminens cupiens auertere? Tenuit Legatos Periantri de castrandis pueris nobilibus, tanquàm indignum iudicante natura homini id quod conseruationi ipsius donatum esset auferri: & idcirco nauem inhibuit, & à cursu reuocauit, sed securum & improuidum genus hominum velut rem nihili floccipendit. Tenuit nauem Caij Cæsaris, non multò pòst Romæ interfecti condolens misero Cæsaris exitio, ipsa natura cupit ab ipso malum auertere, atque à cursu infausto & infelici reuocare. Hætenus Leonicerus, cuius verba ideo adscripsi, tum quòd ea quæ de aquatilibus scripsit, rariùs leguntur, tum quòd huic loco sint accommodata: recensemus enim quæ de remora literis prodita sunt admiratione quidem dignissima, sed quæ magna ex parte cessauerit, si tam mirabilis euentus causa reddita sit. Nam, vt rectè dixit Aristoteles, *Θαυμάζεται τὸν μὲν καὶ φύσιν συμβαίνοντων ἔχειν ἀγνοεῖται δ' αἴτιον*. Is in libro, quem *μηχανικὴ* inscripsit, quærit cur clauus cum paruus sit, & in extrema naui tantas habeat vires, vt ab exiguo temone, & ab hominis vnus viribus alioqui modicè nitentis magnæ nauium moles moueantur. Cui quæstioni præter alia respondet facillimum esse mouenti ab extremo, mouere aliud: quia prima pars fertur celerrimè, ac quemadmodum in his quæ feruntur, in fine cessat impetus, ita in continui quod mouetur fine, maximè imbecillis motus est, qui verò maximè imbecillis est, facillè dimouetur: vel, vt dilucidius loquar, in puppi extrema scilicet nauis parte rectè collocatur clauus, quoniam moles omnis continua ab eo extremo, cui admotum sit aliquid quod moueat, facillè tota mouetur. Etenim sicuti in iis quæ vibrantur, initio vehemens est motio, quæ in fine languescit: sic continuæ molis prius extremum, cui id quod mouet coniunctum est, celerrimè fertur: alterius verò extremi imbecillis admodum est motio & renixus. Imbecille autem omne facillè in quamlibet partem leui momento impellitur. Ex quibus efficitur si in hanc vel illam partem clauus moueatur, proram quoq; vel dextrorsum vel sinistrorsum ferri, in rectum verò remorū impulsu. Idem aliis rationibus demonstrat Aristot. quas volens omitto. Quare si rectà & celerrimè currat nauis, & echeneis ore clauo vel puppi affixo caudam vel se totam modò in dextrum modò in sinistrum moueat, necesse est etiam in prora motionē hanc percipi, & ad echeneidis motum ambiguum, ambigüe quoq; moueri,

ac proinde impetum eius inhiberi, cum ab Aristotele demonstratum sit, & experientia comprobatum, ad exiguam vnus extremi motionem, extremum alterum, atque adeo totam molem continuam nutare. Lampetra igitur verbi grati vel quauis alia remora, non in ipsa naue neque ipsius lateribus sed puppi vel gubernaculo adherente, & caudam vel reliquum corpus motitante fluctuat naus, nec progreditur, nec ultra fertur, non aliter quam si tranquillo mari in prospero & celeri naus cursu gubernator imperitorem ad gubernandum admittat, qui clauum recte tenere non possit. firmissime enim in cursu tenendus est, ne fluctuet naus, alioqui mox retardabitur impetus. Eade de causa validis retinaculis ad puppim clauus alligatur, etiam in fluuiatilibus nauigiis, libero in obliquum motu non impedito, atque in rapidis amnibus in terram alte defixis palis in vtraque ripa funes alligantur ad dirigendum iter, ne aquarum vi fluctuante naue progressus inhibeatur, neque recte fluuius traici possit. Alias remoræ vires tribuit Aristoteles: hac enim uti quosdam scripsit ad iudicia & philtrea quod apertius Plinius. Amatoriis quoque veneficiis infamis est & iudiciorum ac litium mora: quæ vero parum consentanea esse mihi videntur, nec id affirmat Aristoteles, sed ex aliorum potius sententia, quam ex sua profert. Qui id crediderunt, videntur cæcam illam, quam putabant, remorandi naues facultatem ad mulieres firma amicitia deuinciendas transtulisse: quæ cum natura leues sint & inconstantes, nulla efficaciore remora quam auro conciliari vel in amicitia retineri possunt: non ad conciliandos vel irretiendos amatores, sed ad eorum liberalitatem eliciendam & exhauriendos loculos scorta Romana hypoglossum herbam domi curiosè alunt, quam ab effectu bonifaciam appellant. Sed ne in remora explicanda diutius lectores remorer, iam finem facio, hoc vno annotato quod Hieronymus Cardanus parum recte de remora sensisse videatur hoc in loco. Sunt & pisces viribus clari, ut torpedo, quam Ianuenses vocant tremorizam. Frequentissimus est, & ex echinorum genere, qui spinis abundat, quorum captura piscatorum manus hebescent & obstupescunt innata quadam vi, quæ tamen solum viuētibus inest. Sed est alius echinus non è genere spinosæ torpedinis, sed ex cōcharū genere, quem remoram Latini vocant. Dictus echinus ἀπὸ τοῦ ἐχέειν ὅτι νῆας, quod naues sistat fundo illarum hærens. Vnde C. Caligula Cæsaris triremem moratus est, malo illius omine, limaci magnæ persimilis est rarusque, ut qui post ea tempora non visus sit: vnde remoram aliam esse à torpedine constat, quauis Aristoteles nominis similitudine & effectus vni genus existimauerit. Vide quot errores paucis verbis complexus sit. Primum id Aristoteli falsò adscribit, quod remoræ & torpedinem nominis similitudine & effectus genus vnum esse existimauerit, cum id ne

Libro 10. de subtilitatib.

per

per somnium quidem Aristoteli id vnquam in mētem venerit. Nam
 LIB. II. de histor. animal. disertè scripsit remoram pisciculum esse *Cap. 14.*
 faxis assuetum, torpedinem verò libro quinto eiusdem operis inter *Cap. 5.*
 cartilagineos numerat, & inter planos cartilagineos Plinius libro no- *Cap. 24.*
 no. Deinde torpedinem ex echinorum genere facere videtur, quod
 planè à veritate abhorret, vt ex iis quę de torpedine diximus, & iis quę
 de echinis dicemus, perspicuum est. Tum remoram echinum appel-
 lat, ἀπὸ τοῦ ἑχίνου cum echeneida appellare oporteat: echinus
 enim longè aliud significat nempe hirtum & asperum. Adhęc id om-
 nino contra veterum sententiam dicit, quòd remora naues sistat fun-
 do illarum hærens. Scribit enim Plinius, circa nauim adherentem gu- *Lib. 32. cap. 1.*
 bernaculo inuentam fuisse remoram, quæ Caij Cæsaris nauem reti-
 nuerit, miratūque cum fuisse quomodo adhærens tenuisset piscis,
 nec idem polleret in nauigium receptus. Postremò vehementer errat
 qui remoram Aristotelis limaci magnæ persimilem esse credit, cum
 Aristoteles pisciculum esse dicat saxatilem.



G V L I E L M I
 R O N D E L E T I I
 D E P I S C I B V S

LIBER XVI.

3

Qui dicantur pisces cetacei & beluæ marinæ.

CAPUT I.



SUPERIORIBVS Libris de squa-
 mosis, læuibus, cartilagineis diximus: nunc
 post peregrinos de cetaceis & beluis mari-
 nis agemus, quoniam in iis sunt nonnulli
 etiam peregrini: & ideo incogniti, nisi in-
 dustrij viri & cognitionis rerum studiosi il-
 lorum historiam literis mandassent. Sunt au-
 tem cetacei pisces ij propriè autore Aristote-
 le, qui magni sunt, & perfectū animal ex semi-
 ne non ex ovo gignunt, vt delphini, balenæ, phocę. Quanquā alij tum

Latini tum Græci veteres cetaceos acceperint pro grandibus cuius generis piscibus, ut aliàs monuimus, veluti in thunnorum & galeorum genere quidam cetacei sunt. De prioribus maxima ex parte hîc loquemur, quos Latini beluas marinas etiam vocarunt ab immanitate, opinor, & magna cum terrestribus beluis similitudine: nam eodem modo concipiuntur & gignuntur, & pulmones habent, renes, vesicam, testes, mentulam: fœminæ vuluam, testes, mammas. Carnis quoque substantia non multum à terrenis discrepant, quæ res patres nostros impulit, ut dubitarint aliquando, an quadraginta dierum spatio, quo carniû esu nobis est omnino interdictum, beluarum marinarum carne vesci liceat. sed ut multa iis sunt cum terrenis animalibus communia, ita quædam sunt, in quibus dissident: externis enim partibus mutilati sunt, naribus carent, pedibus, auriculis, mammæ papillis. Nunc considerandum num potius in terrenarum quàm aquatiliû genere habendæ sint eæ, quæ præterquàm quòd aërem recipiant, in terra etiam pariant, & catulos educunt. Etenim animantium discrimen à locis sumitur, quòd aliæ terrenæ sint, aliæ aquatiles: terrenæ, quæ aërem recipiunt: aquatiles, quæ aquam. Et nulla earum, quæ humorem recipiunt, aut volucris est, aut pedestris, nec cibum sibi ex terra petit autore Aristotele. At sunt quæ inter has ambigunt, in quo genere sunt beluæ marinæ, & quæcunque fistulam vel quid simile cum pulmonibus habent, ut delphini, balenæ, testudines & similes: quod genus, inquit Aristoteles, neque terrestre, neque aquatile facilè dixerim, siquidem terrenum est, quod aërem recipit: aquatile, quod aquam secundum naturam: vtrunque enim participant, cum & aquam hauriant reddantque per fistulam, vel foramina narium loco, & aërem per pulmones. Vel fortasse rectius aquatile genus ita distinguemus, ut aliud sit quod aquam admittat emittatque, ut vnà cum aqua admissò aëre refrigeretur, aliud propter cibum: quum enim in humore cibum accipiunt, fieri non potest quin aliquid humoris simul hauriatur, quod haustum, quo emittant, instrumentum habeant necesse est: refrigerationis verò causa aërem per pulmones trahunt, cuiusmodi sunt cetacei, de quibus nunc tractaturi sumus. Hi à sese differentiis quibusdam feceruntur. Sunt qui corporis magnitudine reliquis præstant, ut balenæ, physeteres, orcæ, pristæ delphinis & phocænis longè sunt immaniores, testudines marinæ mediæ sunt magnitudinis. Differunt & partibus quibusdam internis & externis. Orca truculentos dentes habet, delphin multos quidem sed paruos & minùs noxios, phoca luporum terrestrium dentibus similes, musculus nullos sed horum vice fetas longas suillis similes. Testudines etiam dentibus carent, sed pro his maxillarum pyxidatas commissuras habent. Cetacei multi

*Lib. 8. de hist.
animal. ca. 2.*

Ibidem.

fistulam habent præsertim maximi, ut balenæ, physeteres, quæ de-
est testudinibus & phocis, sed iis sunt foramina duo ante oculos na-
rium loco. Vita differunt: nam balenæ aqua & spuma maris vescun-
tur, orca & phoca piscibus. Balenæ, delphini & omnes ferè beluæ
ex semine concipiunt, & viuum animal pariunt. Testudines ob in-
tegumenti duritiem & compressius latiusque corpus viuum animal
in utero gestare non possunt. Ab his utpote quæ notiores sunt, or-
diemur.

De Testudinibus.


CAPUT II.

TESTVDINVM Quatuor sunt genera, si
Plinio credimus, qui LIBRO XXXII. hæc scripsit. Cap. 4.
Geminus similiter victus in aquis terræque & testu-
dinum, effectus quoque pari honore habendi, vel pro-
pter excellens in usu pretium, naturæque propieta-
tem. Sunt ergo testudinum genera, terrestres, marinæ, lutariæ, &
quæ in dulci aqua viuunt: has quidam è Græcis emydæ appellant.
Ne quis verò emydæ easdem cum lutariis esse existimet, Plinium In fine eius-
dem capituli.
quatuor genera distinguentem audiat, aliquantò post: Ex quarto ge-
nere testudinum, quæ sunt in amnibus diuulsarum pinguia cum
aizoo herba tusa, admisto unguento & semine lilij, ante accessiones
perunguntur ægri præter caput, &c. Aristoteli duo duntaxat gene-
ra esse videntur, testudo terrestris & marina, ac videtur *χελώνης* no-
mine testudinem terrestrem propriè intellexisse: quum enim de ma-
rina loquitur, *θαλάττιον χελώνων* semper dicit: quam verò testudi-
nem lutariam siue murem aquatilem vertit Gaza, *μύς* vocat Aristo-
teles, nisi mendosi sint loci. Hæc ex LIB. V. de histor. animal. perspi- Cap. 32.
cua fiunt, quum de testudinum partu loquitur: *ἡ μὲν χελώνη ἰσθμῷ
ὡς σκληρόδερμος καὶ δίχρως, ὥσπερ τὰ τῶν ὀρνέθων.* Testudo oua durio-
ris testæ, & bicolore edit, quale ouum auium est. Deinde *ἡ δὲ μύς
ἐξ ὕδατος ὡς ὁ ὕδατος ἰσθμῷ ὀρύσσεται βόθρων πιθώδην*: mus aquatilis siue
testudo lutaria in terra scrobe effossa dolij amplitudine parit oua.
Τέλει δὲ καὶ αἰθαλάττιαι χελῶναι ἐν τῇ γῇ ὅμοια τοῖς ὀρνέθις τοῖς ἡμέτεροις.
Testudines etiam marinæ egressæ in terram pariunt oua auium cor-
talium ouis similia. Item libro secundo *χελώνων* non sine epitheto Cap. 16.
dicit, & inter quadrupedes recenset, ne quis in mari quadrupedes
esse neget, quanquam pedes ij ad natandum magis quàm ad ingre-
diendum sint comparati. *Τῶν δὲ τετραπόδων μόνη χελώνη ἡ θαλαττία*

μέγεθος ἔχει λόγον τῶν ὁμῶν μελέων, ὁμοίως δ' ἔχει τὰς νεφροὺς ἢ θαλαττία χελώνη τοῖς βοείοις. Quadrupedum vna testudo marina habet magnitudine cæterarum partium rationem, similes bubulis renes omnino ei adhærent. Alio loco eiusdem operis de vtraque loquens vtrique epitheton addidit. Τὸν αὖτις ὃ ῥόπον καὶ τῶν περὶ τὰς περὶ ποδῶν, ὅτι τὸ ποιεῖται ἢ ὀχέου : τὰ μὲν γὰρ ἐπιβάλλοντα καὶ ἄπερ τὰ ζωοτόμα οἷον χελώνη καὶ ἡ θαλαττία καὶ ἡ χερσαία. Quinctiam pedestrium quadrupedes quæ oua pariunt, eodem coeunt modo, quo ea quæ animal generant mare superueniente, vt testudo tam aquatilis quàm terrestris. Idem libro tertio de partibus animal. Ὁμοίως δ' ἔχει καὶ περὶ νεφρῶν, ὅθεν γὰρ νεφροὺς ὁδὸν τῶν περιωδῶν, καὶ λεωιδιωδῶν ἔχει, ὅθεν τῶν φολιδωτῶν, πάλιν αἱ θαλάττιαι καὶ αἱ χερσαῖαι χελῶναι. Renum etiam similis est ratio: nullum enim pennatum, nullum squamatum, nullum corticatum renes habet excepta testudine terrestri & aquatili. Ex his perspicuum est Aristotelem duarum dūtaxat testudinū mentionem fecisse, μὴν verò quam testudinem lutariā interpretatus est Gaza, nunquā χελώνην appellasse, sed seorsum semper expressisse, vt ex iam citatis locis liquet. nunc expendendum non potius ἐμὴν apud Aristot. quàm μὴν legere oporteat. Quauis enim testudinem lutariam Gaza murem aliquando verterit, vt inde appareat μὴν legisse, tamen libro tertio de partibus animal. non μὴν sed ὠμὸν legitur. Cū enim de vtriusq; testudinis renibus locutus fuisset Aristoteles, subdidit, ἢ δ' ὠμὸς ὅθεν νεφροὺς ὅθεν καὶ τὴν ἔχει, διὰ μελαγχρότην γὰρ χελώνης διδιδάσκοντες γινέσθαι ὅτι ὤρηον. genus tamen testudinis, quam lutariam vocant, & vesica & renibus caret: fit enim propter eius mollitudinem tegminis, vt humor facilè diffletur. Et libro οὐτάω de histor. animal. Τῶν δ' περὶ τὴν δεχομένην τὴν ἄερα, πολλὰ καὶ τὰ μὲν ἔτιωσ ὥστε μηδὲ ζῆν διωάσθαι χωρὶς ὅμως τὴν ὕδατος φύσιν, οἷον αἱ τε καλὲς μερῶν θαλαττίας χελῶναι, καὶ κροκόδιλοι, καὶ ἰσσοὶ ποταμοί, καὶ φῶκα, καὶ τῶν ἐλαττόνων ζώων, οἷον αἱ τεμύδες. Multa spirabilis pedestrisque generis humore gaudent, & ita nonnulla vt ne viuere quidem disclusa ab aquæ natura valeant, vt quæ marinæ testudines appellantur, & crocodili, & fluuiatiles equi, & vituli marini, atq; etiam ex minori genere testudines lutariæ siue mures aquatiles dicti. Vides apostrophum solū deesse, quominus ἐμύδες legatur, vt pro αἱ τεμύδες substituendum sit αἱ τ' ἐμύδες. atque ita vbique legendum esse cōtenderim vbique apud Aristotelem vt apud Plinium. Hoc confirmat ex Hesychio Phauorinus, ἐμύς ζῶον ἐν λίμνῃ καὶ ἐν πηγῇ γινόμενον, οἷον δ' χελώνην ἢ ἔχιδνα ἄρα. Quare duobus testudinis generibus ab Aristotele constitutis, tertium addere possumus scilicet ἐμύδας, quas in duo genera partiti est Plinius, vt aliæ sint lutariæ, aliæ in aqua dulci viuunt. De marinis tantū dicemus, quarū tria genera describemus.

De Testu-

De Testudine corticata.



CAPUT III.

V M Testudinum marinarum genera diuersa sint, nominibus eas distinguere oportet. Primam igitur corticatam vocabimus, siue corticosam, quia cortice, id est, duro & crustoso ac aspero integumento operta sit, ab arboribus ad animantes ducta translatione. Est igitur corticata testudo terrestribus ac lutariis similis capite ac testa, sed maior: caput nunquam in testa cōdit, sed semper exertum habet, ac ceruicem tantum pro arbitrio modò extendit, modò contrahit. Dentibus testudinum genus omne caret, sed rostri margines acuti sunt superiore eius parte inferiorem claudente pyxidum modo. Natura testudini marinæ tanquam amphibio animali partim pinnas partim pedes tribuit: priores pinne latæ sunt admodum, alas rectè appellaueris, hæ duris aculeis veluti vnguibus munitæ sunt, posteriores pedibus similiores sunt cum vnguibus, qui vngues natationi nihil conferunt, sed ingressui in terra, alæ verò pedesque natationi in mari. Linguam imperfectam habet, sed asperam arteriam, pulmones, cor, diaphragma, iecur, lienem, intestina, testes & mentulam mas, vterum foemina. Pulmones in testudine maiores sunt & multò densiores, quàm in terrenis animantibus, ne, vt opinor, aquæ maior copia vnà cum alimentis hausta in tenues meatus se penitus insinuans reici tota non posset per foramina illa, quæ narium loco in superiori rostri partè habet, quibus aquam reicit non aliter quàm delphini per fistulam. Et si linguam minus perfectam habeat testudo, per exiguum tamen & abruptum sonum edit, vt scribit Aristoteles, qui terrestri

*Lib. 4. de hist.
animal. ca. 9.*

tantum id tribuere videtur, sed etiam marine competit, ut ego expectantia comperi. Cum enim in omnibus sit eadem oris, asperę arterię, pulmonum constructio, cur non omnes eundem sonum edent? Quin & manifesta suspiria emittit marina, id quod in ea expertus sum, quam domi alui, quum diutius extra aquam moribundam detinerem. Cum ex iis quę oua pariunt aues piscęque, neque vesicam neque renes habeant, quadrupedum vna testudo habet, ratione magnitudinis cęterarum partium: habet & renes quasi ex multis paruis renibus constitutos, similes vitulorum, lutrarum, delphinorum renibus. Idem in puerorum renibus obseruauimus, dum vtero gestantur, & quandiu lacte nutriuntur, cuius rei causam aliās exposuimus. Quibus vesica inest, necessariò & renes, vel quod renibus portione respódeat, inesse oportet, non contrà: nam aues quędam vesica quidem carent, sed renum vice carunculas quasdam latiusculas habent, renū speciem ostendentes, quasi ea caro quę renibus delegata est, locum non habeat, sed in plura dispersa sit. Renes autem & vesica auib; desunt, quia raro potu vtuntur, siccioreb;que vescuntur alimentis: quamobrem si quid serosi sit humoris, facîle per cutim digeritur, vel in plumas abit. Illud non sine causa miretur aliquis, cur testudo marina renes vesicamque habeat: lutaria verò & vesica & renibus careat ex sententia Aristotelis libro tertio de partibus animal. quem locum superiore capite citauimus. Cuius quidem ratio quam ipse Aristoteles reddit, infirma mihi esse videtur: fit hoc, inquit, propter tegumenti eius mollitudinem, ut humor facîle digeratur. At testudo coriacea, de qua postea dicemus, mollius tegumentum habet, plúsque humoris colligit, tamen & renes & vesicam habet. Quare cum maiorem *τῇ αὐτοῦ* quam cuiusquam hominis auctoritati fidẽ adhibeam, affirmo testudinem lutariam & vesicam manifestam ac magnam & renes carnosos habere prope testes. Idque per mihi mirum videtur Aristotelem, qui splenem admodum exiguum in ea viderit, ut recte annotauit libro secundo de histor. animal. vesicam & renes non animaduertit, nisi fortè impedimento fuerint ossa, quibus coxę articulantur, sub quibus, veluti sub pubis ossibus in homine latent eę partes, vel vnà cum peritonæo disrupta euulsęque fuit vesica, quę à peritonæo non nisi ab exercitatissimo disungi possit. Hęc demonstratione nulla mihi sunt confirmanda, cum sensus solus huius rei fidem faciat. Sed cum rem ita habere compereris, tum quęrenda causa vsusque harum partium, quę eadem sunt in lutaria ac marina testudine. Sed iam de actionibus differamus. Testudines tam aquaticę quam terrestres, & pedestrium quadrupedes, quę oua pariunt, eodem coeunt modo, quo ea quę animal generant, mare scilicet superueniente sine vilo negotio, ut aliquoties vidimus, etiam si cortice con-

testa

Cap. 9.

Cap. 15.

teſtæ ſunt:habent enim in quod meatus contingant, & quo in coitu
adhæreant.Pariunt autem marinæ egreſſæ in terram,oua auium cor-
taliū ovis ſimilia,& deſoſſa coopertaque incubant noctibus. Quo-
rum numerus maximus eſt:nam ad centena pariunt. Hæc Ariſtote-
les, cuius ſententiam retulit Plinius his verbis: In terram egreſſæ in
herbis pariunt oua,auium ovis ſimilia ad centena numero,eaque de-
ſoſſa extra aquas & cooperta terra, ac pauita peſtore ac complanata
incubant noctibus. Educant ſœtus annuo ſpatio. Cùm de marinis
loquatur Plinius, vt ex toto contextu apparet,commiſcet ea quæ Ari-
ſtoteles de marinarum & terreſtrium teſtudinum partu ſeorſum ſcri-
bit hoc modo: Teſtudo (de terreſtri intelligendum) oua durioris te-
ſtæ, & bicolora edit,quale ouum auium eſt,eaque deſoſſa & cooperta
terra, ac pauita & complanata incubat crebriùs repetens, ſœtũmque
ſequenti anno excludit. Et paulò poſt. Teſtudines marinæ egreſſæ
in terram pariunt oua auium cortaliũ ovis ſimilia,& deſoſſa cooper-
taque incubant noctibus.Ex his igitur diſtinguenda erit Plinij lectio.
Idem ex quorũdam ſententia aliam pariendi rationem adfert. Qui-
dam oculis ſpectando quoq; oua foueri ab iis putant. Fœminam coi-
tum fugere, donec mas feſtucam aliquam imponat aduerſæ, in qua
ſententia fuit Oppianus ſcribens teſtudines fœminas timere atque
odiſſe concubitus, quòd nulla in coitu voluptate ſed dolore magno
afficiantur,quia maris pudendum veluti ſtimulus eſt acutus, durus &
oſſeus,eam ob cauſam inter ſe dimicant, ac multũ incuruis denti-
bus,id eſt roſtris,ſeſe lacerant,illæ concubitus moleſtos fugientes,ma-
res inuitas magis ac magis concupiſcentes donec vi victas neceſſario
amore ſibi copularint.

Lib.5. de hiſt.
animal. c.33.
Lib.9. cap.10.

Lib.5. de hiſt.
animal. ca.33

Ibidem.

Lib.1. ἀλιων
τικων.

Αἱ δὲ μέγα φομέουσι, καὶ ἐχθαίρουσι χελώνας
Ὅν γάμον: ὃ γὰρ τῆσιν ἐφίμερος, οἷα καὶ ἄλλοις,
Τερπολὴ λεγέων, πολὺ δὲ πλεονὶ ἄλγ' ἐχουσι:
Σκληρὸν γὰρ μάλα κένθον ἐν ἀρῆσιν εἰς ἀφροδίτῳ
Ὅσέον εὖ καὶ ὑποκρίδον ἀτερπῶς θήγεται ὄνῃ
Τένεχα μαρμυρίαι τε πολυγνάμπτουσι δόδουσι
Ἀλλήλους δάπτουσιν, ὅτε χεδὸν ἀντήρῳσιν.
Αἱ μὲν ἀλδορύμναι ζήχων γάμον, οἷδ' ἀέκαστον
Εὐνὴν ἡμεῖροντες ἐκείνον, εἰσὶ δὲ ἀλκή
Νικήσας ζώει μιν ἀναγκαίῃ φιλότῳ.

Teſtudines marinæ conchis veſcuntur,& herba in terra,denique
pamphagæ ſunt,quemadmodum & cruſtacei piſces,ſi Ariſtote-
li credimus. Teſtudines marinæ,inquit,conchulas petunt:habent enim os
omnium robuſtiſſimum,quicquid nanq; in os ceperint,ſive lapidem,
ſive quiduis aliud,perfringunt ac deuorant, exeunt etiam in terram,
ac paſcunt herbam: hic idem modus veſcendi cruſtaceis eſt: nam ea

Lib.8. de hiſt.
anima. cap.2

quoque omniuora sunt, quippe quæ & lapillos, & limum & algam deuorant. Plinius. In mari viuunt conchyliis, tanta oris duritia vt lapides comminuant. Duas habui domi, quas & aqua & quibuscunque iniectis piscibus, rostro comminutis viuere sum expertus. Carnem potissimum omoplatarum, posteriorumque crurum suauem ac delictam, pinguemque habet testudo, & omnis ferè marini odoris expertem. Sanguis qui etiam è viua effluit, actu frigidus sentitur. Ouorum albumen coctura nunquam bene spissatur, quod non tam frigiditati quàm partium tenuitati adscribo: quæ enim natura crassa sunt vel lenta quantumuis frigido diluta, facillè spissantur, quæ valde tenuium partium, vt aqua nunquam. Testudines omnes magni sunt in medicina vsus. Sed nunc de marinis tantum. Harum carnes, vt tradit Plinius, admistæ ranarum carnibus, contra salamandras præclare auxiliantur, neque est testudine aliud salamandræ aduersus. Sanguine alopeciarum inanitas, & porrigio, omniæque capitis vlcera curantur: inarescere autem eum oportet, lentèque ablui. Instillatur & dolori aurium cum lacte mulierum. Aduersus comitiales morbos manditur cum polline frumenti: miscetur autem sanguis heminis tribus aceti, hemina vini addita his, & cum hordeacea farina, aceto quoque admisto, vt sit quod deuoretur fabæ magnitudine. Hæc singula & matutina & vespertina dantur, dein post aliquot dies vespere. Comitiales instillatur ore, deductis labris his qui modicè corripiantur. Spasmo cum castoreo clystere infunditur. Quod si dentes per annum colluuntur testudinum sanguine, immunes à dolore fiunt. Et anhelitus discutit quasque orthopnœas vocant, ad has in polenta datur. Fel testudinum claritatem oculorum facit, cicatrices extenuat, tonsillas sedat & anginas, & omnia oris vitia: priuatim nomas ibi, & ardentium testium. Naribus illitum comitiales erigit attollitq;. Idem cum vernatione anguium aceto admisto, vnicè purulentis auribus prodest. Quidam bubulum fel admiscet, decoctarumque carniū testudinis succum, addita æquè vernatione anguium: sed diu in vino testudinem excoquunt. Oculorum quoq; vitia omnia fel inunctum cum melle emendat. Suffusiones etiam marinæ felle. Vel cum fluuiatilis sanguine & lacte mulierum capillus inficitur. Fel & contra salamandras, vel succum decoctum bibisse satis est. Galenus autor est veteres medicos sapius in antidotis sanguine testudinis marinæ vsos fuisse, vt Dorotheum in antidoto *πρὸς ἐχιδνίδας*, & in aliis multis. Et Dioscorides. Sanguis marinæ testudinis cum vino & leporis coagulo cuminoque contra serpentum morsus, & hausta rubetæ venena conuenienter bibitur. Aduersus venena & ad compescendū fluxum sanguinis è naribus vel vesica plurimum valet per se vel addito sanguine draconis vtrisque in aqua vulgaris herbæ quæ bursa pastoris nuncupatur

Lib. 2. de antidotis.

Lib. 2. cap. 97.

patur dissolutis. Capiuntur testudines marinæ multis quidem modis, vt tradit Plinius, sed maximè euectæ in summa pelagi, aut meridiana Lib. 9. cap. 10. no tepore blandito, eminente toto dorso per tranquilla fluitantes, quæ voluptas liberè spirandi, in tantum fallit oblitus fui, vt solis vapore siccato cortice, non queant mergi, inuitæque fluitent, opportuna venantium prædæ. Ferunt & pastum egressas noctu, auidèque saturatas lassari, atque vt remearint matutino, summa in aqua obdormiscere, id prodi stertentium sonitu, tuncque leuiter capi, adnatare enim singulis ternos, à duobus in dorsum verti, à tertio laqueum iniici supinæ, atque ita ad terram à pluribus trahi. In Phœnicio mari haud vlla difficultate capiuntur, vtróque veniunt statuto tempore anni in amnem Eleutherum effusa multitudine. Aristoteles. Testudines marinæ laborant plerunque & intereunt quoties innatantes siccantur sole, deferri enim in gurgitem facile nequeunt. Diuersam capiendarum testudinum rationem adfert Oppianus. Aliquando testudines, inquit, importunè piscantibus obuiæ prædæ parandæ nocent, damnúmque afferunt. Sed facile est audaci & intrepido viro eas vincere. Si quis se in mari immergēs testudinem supinam in dorsum conuerterit, quantūuis connitatur, fatum vitare non potest.

Lib. 5. αἰλιού
τικῶν.

Ναὶ μὲν καὶ χέλυνες μέγα πολλαῖς ἀντιβάσται
Θήριον λαβὴν ἔχοντες, καὶ ἀνδράσι πῶμα γενέσθαι
Τῶν δὲ ἑσπετο μόχθος ἐλεῖν ῥήϊτος ἀπαύτων
Ἄνευ γὰρ ἀλέως, ἔσπαρβέα θυμὸν ἔχοντες
Εἰ γὰρ τις χελιδὸς κρηναίῳ χέλυι ἐν ῥοθίοις
Υἱὸν ἀντρέψῃεν ἑὸν ὄτραχον σκέτι κείνη
Πολλὰ καὶ ἐμνήσθην Διὶ δαΐμονι ἐξαλεεῖναι.


Capiuntur apud nos fagena quemadmodum & reliqui pisces, capiuntur etiā iisdem retibus, quibus thunni. Terrestres testudines frequentius visuntur, & notiores sunt & minores quàm marinæ. Ex oceano marinam aliquādo apud me alui aliquandiu. Quum Romæ essem aliam vidi multo maiorem. In India maximæ sunt, quæadmodum & reliqua animalia. Plinius. Testudines tantæ magnitudinis Indicū mare emittit, vt singularū superficies habitabiles casas integant, atque inter insulas rubri præcipuè maris his nauigēt cymbis. Immanis fuit testudo illa quæ in mari nostro anno 1520. capta est tanta, vt pueros atque homines imperitos terreret, iis erat viribus, vt funibus tracta homines tres supra dorsum stantes veheret, eadem bigis vix trahebatur. Qui ceperat, circulatorū more pervicina oppida ostentabat lucri faciendi causa. Huiusmodi testudinē arbitror fuisse eā, quæ olim in Prouinciæ oppido, quod Tarraasco nominatur, capta fuit, quantū ex eius pictura, quæ etiam hodie in oppidi templo cernitur, conicere licet, nisi quod pictor absurdè pedes duos addidit, aculeosque maiores etiam in dorso effinxit. Quanquam longè aliter de ea re olim scripserint. Ferunt ad

Lib. 9. cap. 10.

Rhodanum in nemore quodam inter Arelatem & Auenionem monstrum quoddam fuisse altera parte terrenū animal, altera piscem referens, boue crassius, equo longius, dentes habens in vtraq; maxilla, binos, ense longiores & acutiores, in flumine delitescens in homines iruebat, & naues submergebat, huc ex Asia erupisse ex Leuiathan aquatili serpente & ferocissimo natū, tandem à diua Martha ita cuictum, vt oue placidius reddiderit, quod cingulo suo ligatum, cū in terrā eduxisset à plebe saxis fustibusq; peremptū fuit. Incolæ monstrū id Tarasconū vocabant, vnde oppido quod etiā hodie extat nomen positū cū antea *nerluog*, id est, niger locus vocaretur à nemore denso, vmbrosoque. Alij rē paulò aliter referūt. Sed vtut res hæc habeat, antequā Martha in prouinciā venire potuisset Tarasco oppidū dicebatur, Strabone teste: Abest, inquit, à Rhodano Nemausus cētena circiter stadia, quo in tractu vltiore Tarasco exiguū oppidū, quo nō nisi post Christi in cēlos ascēsum appellere potuit Martha: scripsit autem Strabo tempore Tiberij Cæsaris sub quo passus est Christus. Neq; est quod quis miretur testudinē marinā in Rhodano ad Tarasconem reptam fuisse, neq; enim procul locus is à mari abest, & aquarū dulcedine captæ aliquādo beluæ marinæ, vel vndarū & procellarū vi cōpulsa lōgè altius fluuios ingrediūtur, quod de testudinibus marinis asserit Plin. scribēs in Phœnicio mari haud vlla difficultate capi vtrōque venire tēpore statuto anni in amnē Eleutherum effusa multitudine.

Lib. 9. cap. 16.

De Testudine coriacea siue Mercurij.



CAPUT IIII.



ΕΛΩΝΗ Θαλαττία Latinè testudo marina vocatur, à quibusdam Pliniū secutis mus marinus. Sed non immeritò dubitauerit aliquis, cur Plinius cū sapius aliàs testudinem marinam Latinè vocarit, mutato nomine, aliquādo murem marinum nominauerit ei tribuer

buens quæ Aristoteles tribuit emydi seu testudini lutariæ siue muri aquatili, vt conuertit Gaza. Verba Plinij sunt: Mus marinus in terra scrobe effossa parit oua, & rursus obruit terra, tricesimo die refoffa aperit, foetumque in aquam ducit. Quæ ex Aristotele mutuatum esse constat. Η ὁ μὲν ἐξιδέει ἐκ τῆς ὑδατος ἡλικὴν ὀρύττει βόθρον περιώδην, καὶ ἐκτείνει καὶ λαίπρην, ἡ δὲ ἡμέρας πελάγεται, ἀνορύττει καὶ ἐκλείπει τὰ χυλῶν, ἔπειτα ἀγὰρ θύει τὸς νεοττὸς εἰς τὸ ὕδωρ. De marina verò testudine mox Aristoteles. Τίττεται ὁ καὶ αἱ θαλάττιαι χελῶναι ἐν τῇ γῇ, &c. Alio in loco pro testudine marina murem marinum videtur dixisse. Exeunt in terram, & qui marini mures vocantur. Ex quibus efficitur vel Plinium Lib. 9. cap. 19 parum animaduertentem aquatilis testudinis siue lutariæ Aristotelis nomine marinam vocasse, vel testudinem marinam etiam murem Latine dici posse, atq; etiam non solum emyda sed & μὲν apud Aristotelem legi posse. Galli *tortues* vocant. Nostri *tortugues*. Hispani *tortugas*. Itali *galanas* voce, vt apparet deflexa ex accusatiuo Græco χελῶνας. Quam nunc describimus, coriaceam appellamus quod integumentum habeat non tam cortici simile quàm corio bubulo, duro nigroq; & iam concinnato ad calceos equorumq; franos & sellas ceteraque ornamenta conficienda. Eandem Mercurij testudinem appello, quòd eam esse existimem, à cuius similitudine Mercurij musicū instrumentum nobis *leut*, Gallis *luc* vocatum excogitarit ex ea testudine, quam Nilo decrecente in litore repperat, consumpta iam carne supersticiibus neruis, & ob tensionem ad cōtactum sonantibus, cui instrumentum musicū adeò simile est, vt nemo sit procul eam videns capite pedibusq; truncatis, qui non chelyn nostram theca sua conclusam esse iudicet: vt enim hæc, ita testudo altera parte supina scilicet plana est latiq; , prona connexa ex sex assulis contexta longis angulos acutos efficientibus, toto ambitu rotundato præterquam in cauda, quæ in longum & acutum desinit, cui etiam instrumenti pars gracilior (cui infixi sunt collopes, quibus fides intenduntur & remittuntur) respondet. Hæc testudo à superiore partibus internis, alis, pedibus, vnguibus non differt, longiore acutiorēque est cauda, capite osseo. Rostri pars inferior acuta est, & sursum recurua, superioris extremum in partes duas diuisum, inter quas inferioris extremum recipitur. Humilismodi rostro minùs auem refert quàm superior testudo. Oculis est maioribus, ante quos sunt foramina narium loco. caput semper prominet. Ceruix lata est & torosa, in supina parte maculas aliquot rotundas habet, quas ineptè qui de aquatilibus scripsit pronæ parti testudinis corticatæ appinxit. Carnis habet plurimùm anteriore in parte musculus scilicet omoplatarum, in posteriore multò minùs, ea bubulæ similis est. Testa vertebris dorsi alligatur. Costas latas conregit cutis duplex interior corio spisso densoque sed læui similis,

superior tenuis & alba. Sub cute pingue plurimum coaceruat. Vidi huiusmodi testudinem ad solem menses aliquot suspensam, ex qua quotidie pinguitudinis libra vna destillabat, qua, qui ceperat, ad lucernas utebatur, eiusdem carne salita loco bubulæ. Ea ad Frontignanum capta fuerat, longa cubitos quinque, duos lata. Alteram antè videram ad Magalonam captam multò minorem. Aliquot antè annis vnus eiconem mihi dederat Agathensis, qui tum erat Episcopus, quam ad Niceam captā fuisse affirmabat cubitos octo longam. Carne est multò duriore quàm superior. Ceterum iisdem facultatibus & carnem & fel pollere existimo. Hic pratermittendum nō est coriaceam siue Mercurij testudinem, quā depinximus ab Eliano fortasse simiā maris rubri appellari, id quod ex eius descriptione clariùs intelligitur. Est etiam in mari rubro simia, non piscis quidem hæc, sed bestia cartilaginea, & velut squamarum expers, eaque ipsa non magna. Colore est terrestri similis, tum aspectu speciem similitudinēque eiusdem terrenæ simiæ gerit. Non pisceo tegmine reliquum corpus, sed illiusmodi circumuestitur, cuiusmodi testudinis inuolucrum est. Eadem similiter ac terrestris resima est, eius reliquum corpus instar torpedinis latum est, vt dicas auem esse alas explicantem. Quum natat, volare videtur. Cum igitur terrestri partim differt, partim conuenit, maculis distinguitur. Sed eam rem doctis, qui pisces rubri maris viderunt, æstimandam relinquo.

De Testudine cornigera siue troglodytica & alba.

CAPUT V.

Lib. 9. cap. 10.



PISCIS LINIVS Cornigerarum testudinū diuersum à ceteris genus facit. Troglodytæ, inquit, cornigeras habent, vt in lyra annexis cornibus latis, sed mobilibus, quorum in natando remigio se adiuuant. Celetum genus id vocatur eximię testudinis sed raræ: namq; quasi scopuli præacuti clelonophagos terrent: Troglodytæ autem ad quos adnatant, vt sacras adorant. Quo loco pro mobilibus alij immobilibus legunt, sed perperam, vt opinor: nam si cornuum remigio in natando se adiuuant, quomodo immobilia esse possunt? Deinde pro celetum alij celtium, alij celetinum. Hermolaus aliquando existimauit legendum chelytium, ἀπὸ τοῦ χέλυος, quæ vox & testudinē significat & pectora, quasi magnas & pectorosas intelligi voluisset. Placuit postea vt celetū legatur, vt dicantur celetes testudines à celeritate: quoniam cornuū remigio adiuuant se natando, ceu equites videri possint, non pedestres: sunt enim celetes singulis equis currentes in certaminibus, &

& equi ipsi celetes qui soli agitabantur. Sic cancrorum est genus quoddam *ἰσθαῖς* Aristoteli, itémque formicarum alterum, quas Plinius pennatas vocat à velocitate. Cornigeræ testudinis effigiem elegantè insculptam & expressam vidi Romæ in antiquissimo marmore, quæ à superioribus testudinibus non differebat nisi cornibus ex utroque capitis latere latis & longis, qualia in eo pisce sunt quem antea cornutam siue *ὀλότζον* appellauimus, & in lyra sed in his breuiora, in testudine pro magnitudine corporis longiora. Arrianus in navigatione maris rubri in testudinum genere albam testudinem numerat, sed aquatilis sit, an lutaria, an terrestris parum constat. Ego testudinem vidi cortice maxima ex parte albescente & denso quam mihi ostendit Iacobus regius vir in chirurgicis operibus exercitatissimus & peritissimus. Ea testudo ab alijs omnibus in eo differre mihi videtur quod in medio cortice pronæ partis articulationes duas habet, quales in locustarum caudis cernuntur, ex quo apparet animal hoc in pilæ modum totum corpus conglobare. Sit ne ea testudo Arriani alba nescio, neque enim de re parum mihi perspecta temere quicquam affirmare volo.

De Vitulo maris mediterranei.



CAPUT VI.

VITVLVS Marinus *ἀμφιβιον* animal est, nam in mari degit, & aërem haurit spiratque, & dormit in terra, egressusque in eam parit in litore terrestrium more. Cum verò diutius in mari quàm in terra immoretur, cibumque ex humore petat, nec diu ab aqua seiunctus possit viuere, inter aquatiles bestias rectè numerabitur. *φώκη* à Græcis dicitur, ducto nomine ex *βόων* ob boatum siue mugitum quem edit. phocam appellauit Vergilius. à Plinio, Gaza & alijs vitulus marinus vocatur, cuius nominis ratione secutæ sunt gentes multæ. Itali *vechio marino* vocât, nostri *vedel de mar*, Galli *veau de mer*, Flandti *zeehoont*. id est, canem marinum, ita & Germani *meer hunt*, Massilienses bouem marinum. Vitulus marinus corio integitur duro & hirtio, in dorso pili sunt nigricantes & cinerei in quibusdam maculæ parue, in ventre pili

albicantes. Vitulo terrestri si aures excipias, valde similis est. Oris scissura est mediocri, dentes in eo ferrati, acuti, duri, candidi, lupinis dentibus similimi. Maxilla inferior lupinam etiam refert, superior, latior est quàm in lupo, quæ & naribus vitulis terrestribus affinis est. Pilos duros alias albos alias nigros, longiusculos in superciliorum loco, & in superiore labro habet. Lingua lata est & scissa. Oculi splendent, & subinde in mille colores veluti hyænx oculi transeunt. Aures non habet, sed earum loco meatus angustissimos, & valde exiguos, in viuentibus euidentiores, in mortuis ita confidunt vt vix reperiatur, intus foramen est cum ossiculis & tympanum, quæ qualia sint explicauimus cum de piscium auditu diceremus. Caput breue est & paruum pro corporis magnitudine, collum longius, quod pro arbitrio extendit & contrahit, lato est pectore, omoplatas enim habet quaternis musculis connexas superiore vel posteriore in parte quam canes terrestriaq; alia animantia, quæ in lateribus eas habent, ob id angusto sunt pectore, vituli verò latiore ad melius natandum. Veluti brachia sine cubito sine vlna habent breuissima, quod sequitur carpo nostro respondens ex multis ossibus constat, metacarpium verò ex quinque ossibus quæ pelle tantum conteguntur, inde tanquam manus diuisa, præterquam in extremo in quo quatuor linearum distinctiones tantum spectantur, ungues autem quinque distincti. Quanquam aliter de

Lib. 2. de hist.
animal. cap. 1.

his scripserit Aristoteles: ἡ δὲ φάκη ὡς περὶ πτερῶν ἰσχυρὸν τετραπόδιον ἔστιν, ὅθεν γὰρ ἔχει μετὰ τὴν ὑποπλάγιον τὰς πύδας ὁμοίως χερσὶν ὡς οἱ τῆς ἀρίστης, πεντεδάκτυλοι γὰρ εἰσὶ, καὶ ἑκάστης τῶν δακτύλων χεῖρ ἔχει τρεῖς, καὶ ὄνυχά μέγαν. Vitulus marinus tanquam læsa imperfectaque quadrupes est, quippe qui continuò à scapulis pedes habeat, manibus similes modo vrsæ. In quinos enim finduntur digitos qui singuli ternis articulis flectantur, & vnguibus muniuntur. Verum ego diligentissimè vitulum marinum contemplatus, pedes anteriores tales omnino esse quales depinximus cognoui, hodie quoque vitulum exsiccatum domi feruo, ex quo oculata fide idem ab omnibus qui videre voluerint, cõprobatur. Ineptissimè vitulum marinum representauit autor ille lib. de aquatilibus: non enim ὡς περὶ πτερῶν ἰσχυρὸν τετραπόδιον vt rectè dixit Aristoteles depinxit, sed ei ea crura siue brachia, cubitum, tribuit, pedes anteriores & posteriores non vituli sed castoris scilicet diuisos, membranis intertextos. Nostri delineationem persequamur, is corpore est ob longo, in caudam paruam desinente, ceruorum caudis similem, & in pedes posteriores caudis reliquorum piscium similes, sine digitorum

Lib. 2. de hist.
animal. cap. 1.

διuisione sine vnguibus, etiam si aliter tradiderit Aristoteles. οἱ δὲ ποδὶς πεντεδάκτυλοι μὲν εἰσὶ, καὶ τὰς χεῖρας καὶ τὰς ὀνυχας ὁμοίως ἔχει τοῖς προαφείοις, τῷ δὲ χήμει παρὰ πλάγιον τρεῖς τῶν ἰχθύων ἑκάστη εἰσὶ. Pedes posteriores quinis discretos digitis habet, & curuatura & vnguibus

guibus cum primis conuenientes, verum forma proximos piscium caudis. At rem aliter habere *αυτοψία* conuincit, nec aliam huius opinionis refutationem querendam censeo quam sensum ipsum: si enim vitulos marinos siue mediterranei maris, siue Oceani diligenter inspicias, pedes posteriores tales esse comperies quales depinximus. Quod si caudis piscium similes sunt, ut aptissime comparat Aristoteles, qui fieri potest, ut in quinque diuisos digitos & ungues desinant? Quomodo vera esse potest hæc figura cum piscium caudis similitudo? Intra pulmones habet, cor, ventriculum, hepar, lienem, intestina, quadrupedum terrestrium modo. Fel in hepate non habet autore Aristotele. Plinius verò eidem fel attribuit. Vitulis quidem marinis, inquit, ad multa quoque fel nobile. Qua verò in parte situm sit non exprimit, ex verbis tamen eius colligi potest vitulo marino fel esse in pectore, sic enim scribit. Fel serpentibus portione maximè copiosum, & piscibus. Est autem plerisque toto intestino, sicut accipitri, miluo. Præterea in pectore est & cetis omnibus. Renes habet vitulis terrestribus, vel delphinis, vel lutris similes, de quibus in superioribus diximus. Meatus qui à vena caua, & à magna arteria oriuntur, non in cauum quod in renum medio est, sed in ipsorum renum totum corpus videtur absumi. A renibus meatus vterque tenues admodum ad vesicam pertingunt. Leporum & aliorum animalium retro mingentium ritu mingunt & coeunt vituli, & diu ligati in coitu coherent, ut canes: est enim maribus pudendum magnū, scemina verò rima raiarum modo. Ex semine statim animal concipit intra se & parit, secundas quoque emittit, & lac reddit modo pecudum. Parit singulos, aut geminos, aut complurimū tres, māmīs quas geminas habet, educat foetū ritu quadrupedum, & parit ut homo omni tēpore, sed maximè cum primis capris, prolem circa duodecimum diem à partu deducit in mare, subinde assuefaciens, illa decliuis fertur nec ambulat, cum nōdum inniti suis pedibus possit. Miram matris erga catulos sollicitudinem in iis educandis, & ad natationem assuefaciendis describit Oppianus. Duodecim, inquit, dies mater cum catulis in terra degit, decimotertio die vlnis complexa in mare defert, & immergit, eosque veluti in alieno & peregrino solo enixa, in patriam & proprias sedes deducit, singulæque à matre deducti perlustrant.

*Li. 2. de Hist.
animal. ca. 20
Lib. 11. cap. 32.*

Ibidem.

*Lib. 1. ἀλυσ-
τικῶν.*

Μήνυ δ' ἡμεῖς, πάντα δώδεκα σὺν τεκέεσσιν
 Αὐτῶν ἐν θαλάττῃ, βισμυδεμένη ὃ σὺν ἡοῖ
 Σκύμνος ἀρχὴς ἔχεται νεαλδέας εἰς ἀλά δυνάμιν
 Παῖσιν ἀγαλλομένη, παῖσιν ἅτε σημάμεθα,
 Ὡς ὃ γυνὴ ξείνης γαίης ἐπὶ παῖδα τεκέει
 Ἀσπασίως παῖσιν ὃ, καὶ ὃν δόμον εἰσάφικται,
 Παῖδα δ' ἐν ἀρχαῖν παρμημερὴ φορέει.

Δώματ' αἰχμημένη μῆδος νόμον ἀμραγοπαλάξῃ
 Τερπωλὶν ἀχόρετον, ὅδ' ἔφρονέων πῶρ ἔχαστα
 Παπῶνι μέγαρον τε, καὶ ἦθεα παύτ' ἀποκῆναι,
 ὧς ἄρα καὶ κείνῃ (φέτερον γένος εἰναλία θῆρ
 Ἐς πόλιν προφέρει, καὶ δεικνύει) ἔργα θαλάσσης.

Vituli marini cicurantur, & hominem agnoscunt, suntq; delphinorum more φιλόθρωποι. Eius rei exemplum ex Eudemio narrat Aelianus. Vitulum marinum Eudemius ait, in hominem spongiarum piscari solitum, amore flagrasse, eoq; ubi subterranea petra esset, extra mare progressum cum spongiatore versatum fuisse. Is, cuius iconem hic expressimus circa Lerinum insulam captus, & in insulae illius xenobio multos dies educatus nullo metu cum hominibus versabatur, per terram se trahens, gradus etiam scandens. Somniculosum est animal, grauissimoque somno opprimi solitum, inter dormiendum tam alte stertit, ut mugitum edere videatur, vnde vituli nomen. Huius causa est pituitosus humor, qui in aspera arteria est, inspirando & expirando agitur. Tales sonos dormiendo edunt, qui crassio sunt collo & breui, destillationibus obnoxij: item ij, quibus excidit columella. Dormit vitulus extra aquam ad solem, in arena litoris vel supra saxa, ut liberiùs respiret, maximè noctu, sed etiam interdum nunquam. Oppianus:

Lib. 1. αἰσι-
 τικῶν.

Φάσκει δ' ἐνύχια μὲν αἰεὶ λείπεται θάλασσαν.
 Πολλὰ δ' ἡμέταια πῶς δ' ἐνὶ καὶ ψαμάθοις
 Εὐκηνλοὶ μίμναι καὶ ἔξαλον ὕπνον ἔχουσιν.

Carne & pinguitudine multa abundat. Ossa cartilaginea habet, corio duro & spisso integuntur, sed plicatili, quod fit ut seles contraheant & colligere possint, vnde difficilè ictibus laeduntur conglobato corpore, ob carnis & pinguitudinis copiam: vix enim nisi collisis temporibus interficiuntur, quæ pauca carne & pinguitudine obducta sunt, quod fit ut nerui, ac proinde cerebrum faciliùs patiantur. Eadem ratione feles domestici difficilè ictibus necantur. Pugnant inter se vituli marini, & cum aliis piscibus: sunt enim carniuori, & admodum voraces. Vidimus aliquoties in viuaria immisos vitulos magna reliquorum piscium pernecie ut luciorum, tincarum, cyprinorum. Vidimus id Gandavi, & in stagno Regio ad Fontem belle aque. Multi sunt in Oeno vituli, aliquando gregatim natant, quos piscatores aliquando sagittis & tridactylis infestantur, vix tamen ferrum in corium densum adigitur. Sine magno damno in piscatoria retia non incidunt, quia ut delphini & xiphie vi omnia perfrangunt & dilaterant, id quod si senserint piscatores quàm celerrimè possunt, retia in terram pertrahunt, tum iuste capiti & temporibus saepius illiso interficiunt. Oppianus.

Lib. 5. αἰσι-
 τικῶν.

Φάσκει δὲ σὺν ἀγκίστρῳ τειρόμεναι, ὅτε ὡς αἰχμὴ
Τριγλῦφος ἦκεν ἔλοι κείνης δέμας, ἔξοχα γὰρ μιν
Ρινὸς ὑπὲρ μελέων τερεὴν λάχεν ὀβελισσὸν ἔρχας.

Ἀλλ' ὅτ' ὠπληκέεσσι λίνοις περικυκλώσῃ

Φώκῳ ἀσπαλίῃς ἐν ἰχθύϊν σὺν ἐτέλοις,

Δὴ τότε τοῖς κρατῶνός τε πόνος, ἀσπὴν τε καθέλκεν

Δίκτυον ἐς ρηγῦνας, ἕπει φώκῳ μεμαῖσται

Οὐκ ἂν ἐρητύετο, καὶ εἰ μέγα πολλὰ παρείη

Δίπτυα, ῥηιδίως δ' βίη τ' οὐνχωνθ' ὑπὸ ἀκωκῆς

Ῥήξῃ τ' αἰξί τε, καὶ ἑσπεί ἰχθύϊν ἄλλαρ

Εἰληγμένοις, μέγα δὲ ἄλγος ἐνὶ φρεσὶν ἀσπαλίῳν

Ἀλλ' εἴ μιν καθέλκων ὑποφθαδὸν ἐχέθι γαίης

Εἴθ' αὖ τεύχεσσι, καὶ ἰφθίμοις ῥοπαλοῖσι

Δύρασι τε σίβαροϊσι καὶ αἰγῶνι ἐλώϊες

Εἰς κροτάφους πέφνεσιν, ἕπει φώκῳ ὀλεθρος

Ὀξύκελος κεφαλῇ φιν ἠκάνει ἑταρμόνῃ

Vituli carne constant molli, spongiosa & pingui, adeò vt liqua-
tur, si diutius manibus tractetur, ob id citò satiat, nauseam parit, malū
succum gignit, ferini odoris est. Qua de causa etiam à plebe negligi-
tur iis in litoribus, in quibus frequenter capiuntur. Maiore est in pre-
tio apud eos, qui procul à mari absunt. Corio etiam mortuorum ven-
torum murationes significantur: austrinis enim ventis insurgentibus
pili inhorrescunt, & surriguntur, in Boreali constitutione ita defi-
dunt, vt nullos esse affirmes, id quod sæpius obseruavi. Quo fit vt id
verum esse credam, quod Plinius scripsit. Pelles eorum etiam detra-
ctas corpori sensum æquorum retinere tradunt, semperque estu ma-
ris recedente inhorrescere. Ex iisdem pellibus zonæ fiunt in multos
annos vtilēs, & tabernacula olim iis operiebantur, quia fulmine non
tangi credantur. Plinius ex iis quæ fulmine non feriantur. Ex iis quæ
terra gignuntur, lauri fruticem non icit, non vnquam altiùs quinque
pedibus descendit in terram, ideo pauidi altiōres specus tutissimos
putant, aut tabernacula è pellibus beluarum, quas vitulos marinos
appellant, quoniam hoc solum animal ex marinis non percutiat. Ob
eam cuiusdam Seuerus Imperator lecticam suam corio vituli mari-
ni tectam voluit. Ex eodem calceari vtile esse podagricis articula-
rīb'que morbis quidam autores sunt. Eiusdem cinis contra alopecias
prodest. Adeps quoque vituli marini, qui in eo copiosus est, vt in
delphino, balæna, & aliis per pulmones spirantibus, magni olim
fuit in medicina vsus. Adipe vituli marini, inquit Plinius, canis ra-
bidi morfu potum expauelcentibus faciem perungunt cum vtilita-
te medici, igni instillatur naribus intermortuarum vuluæ vitio,
& cum coagulo eiusdem in vellere imponuntur, eadem lepras

Lib. 9. cap. 13.


Lib. 2. cap. 15.

Lib. 2. cap. 85.

Cap. i.

lichenasq; tollit, articulorum dolores leuat & sanat. Coagulum eiusdem comitialibus, & strangulatis vuluis valde confert, id accipiendum priusquam in mare ingrediantur. Dioscorides. Coagulum vituli marini castorei vires repræsentat, comitialibus, strangulatis vuluis potu conferre existimatur. Sed si sit vituli marini hoc experimentum est, aqua inspergitur, qua paulisper cum alterius animantis, tum præcipue agni coagulum maduerit: nam si erit syncerum, statim liquefcit in aquam, sin minus consimile permanet. Excipitur autem catulis, qui nondum natate possunt. Hic meminisse oportet illius, quod annotauimus, quum de lepore marino diceremus, scilicet medosum esse Plinij locum LIB. XXXII. Iuba in iis voluminibus, quæ scripsit ad C. Cæsarem Augusti filium de Arabia, tradit vitulos marinos ternas heminas capere, neque enim vitulos marinos, sed lepores legere oportet, cum de leporibus marinis agat, velitque ostendere eos in India (in qua omnia animalia grandiora sunt) maiores nostris esse, vt ex toto contextu liquet. Vituli verò marini nullo in mari tam parui sunt, quin heminas multò plures tribus capiant.

De Vitulo maris Oceani.




CAPUT VII.



Quem hic repræsentamus, etsi paulum diuerso sit corporis habitu à superiore, nihilominus tamen vitulus est marinus, qui nascitur in Oceano, corpore crassiore est magisque in se collecto. Vitulum esse indicant mugitus, vnde nomen, lingua bifida, dentes serrati, pedes posteriores piscium caudis similes, cauda parua, integumentum ex corio pilisque, pedes priores iidem, qui in superiore, digiti magis sunt diuisi, oculi rotundiores. Idem indicant & partes alię interiores & exteriores, mores & actiones. Vt tamen ab altero internoscatur vitulum maris Oceani nominaui.

De Del-

De Delphino.



CAPUT VIII.

QVI A Græcis Δελφίς vel δελφίη & δελφίνιος, à Latinis non mutato nomine delphin vel delphinus, & delphinulus dicitur, ab accolis maris mediterranei *delphin* vel *dauphin*, à quibusdam oceani accolis *marfouin* vel *meerschouin*, quasi maris suem dicas: à Gallis *becdoye*, quod prominentiore sit rostro. Cognominatur *ἱερός ἰχθύς* & *παύδα-ρας* & *φιλόθωπος* ab amore, quo pueros & homines prosequitur, & Simo, quòd hoc nomine delectetur. Nonnulli delphinos berellos vocant, eo quòd (vt Alberti verbis vtar) ante naues aquam euomant. Delphinus tanquam genus phocenam sub se cōprehendit teste Arist. quum scribit phocenam delphino similem esse, sed minore; & à com- pluribus delphini genus esse existimari. Et Ælianus de Taprobanē insulæ piscibus loquens, balænas delphinis insidiari scribit, horum duo genera illic nasci: alterum ferum & inexorabili inmanitate piscatoribus infestum: alterum natura mansuetum circum homines natare, & more canū blandiri, & se contrectari sustinere, atq; obiectum cibū sumere. De delphino eo qui omnibus notior est, & hominum amans primū dicemus, cuius partes tum internas tum externas eo diligentius explicabimus, quòd plura ab Aristotele, Plinio, ceterisque probatis autoribus de eo scripta sunt, & vt quę prætermissa sunt addamus, & vt quę ab iis tradita sunt, dilucidiora reddamus, postremò vt intelligant studiosi quantopere cetacei quidam siue beluæ marinæ cum quadrupedibus terrenis conueniant. Ex delphinis quos multos vidimus duos fœminam matrem, & fœtum marem proponimus graphicè depictos & ad viuorum delphinorum verissimam imaginam expressos. Delphinus igitur cetaceus est piscis corio læui & sine pilis sed duro contectus, corpore oblongo, terete, dorso repando, rostro longo, rotūdo, resimo, oris scissura longa, quæ ad vnguē clauditur veluti ceruorum

Lib. 6. de his-
tor. ani. c. 12.
Libro 10.

os, dentibus paruis, acutis, pectinatim coëuntibus, lingua carnosa, exerta, in ambitu parum serrata, mobili suillæ simili. Oculis magnis, sed cute adeò tectis vt pupilla solùm appareat, ij non procul ab oris scissura siti sunt, in eadem ferè linea. Nullum meatum neque ad odorandum, neque ad audiendum habet, si Aristoreli credimus, eum tamen & odorari & audire certum est. At meatus habere quibus audit nos ex anatome deprehēdimus. Hi post oculos sunt tenues admodum & exigui veluti in vitulis marinis, & multa pinguedine circūtecti, vt vix appareant, sed in caluaria auris internæ constitutio tota manifesta est. Post rostrū siue supra rostrum fistulā habet geminam, quæ ad caput arteriæ asperæ pertingit, foris figura C. internus sinus carne quadam molli & pingui oppletur, qua vtrumq; foramen arcu clauditur, eaq; fistula ante cerebrum est, ne quis credat post cerebrum esse: nam spinę dorſi continuus ductus fistula interciperetur, sed à veteribus dicitur in dorſo esse, quia magis ad partem posteriorem spectat, quàm in balæna, in qua fistula magis ad anteriora vergit. Eius vsus est, vt per eam respiratio fiat & aqua cum cibo hausta reiciatur. Pinnis natat duabus validis, quæ veluti hominis brachia cum omoplatis articulis iunguntur, earum muscoli quatuor robusti dorſo pectorique annectuntur. In medio dorſo pinna vnica surrigitur partim ossea partim cartilaginea sine vllis spinis aculeisve, etsi Plinius, Appion, Pausanias spinas in dorſo habere dixerint. Cauda ex duabus pinnis constat è lateribus ortis, quę in semicirculū sinuantur. Inferior ventris pars æquali spatio à sese disiuncta hæc continet, vmbilicum, pudendum, anum. dorſo est nigro, vtre candido. Cute spissa & firma sed molli ob pinguedinem, quæ subest veluti in porcis terrestribus. Caro est nigricans suillæ vel bubulæ similis. Non spinis vel cartilagine sed ossibus sustinetur. Sub peritonæo partes quæ ad nutritionem & generationem conformatæ sunt ad quadrupedum terrestrium magis quàm ad piscium partes accedunt. Nam epiploum habet, sed minùs pingue, quo ventriculus & intestina incalescunt & fouentur. Ventriculum magnum, cum ad iustam magnitudinem accreuerit, in recēs nato exiguus est & geminus videtur, eius fundo pācreas hæret, desinit in intestina, quæ in multos gyros conuoluuntur, eadem ferè vbique crassitudine præterquàm in extremis, quæ mediis paulò sunt latiora, mesenterium vertebris annectitur glandulas negras, venas, arteriasque intertextas gerens. Lien in recens natis magnus pro corporis ratione, in adultis paruus & niger. Hpear coloris sanguinei septo transuerso annexum, ventriculum totum complectens, in duos lobos diuisum. In caua parte vmbilicalē venam habet, quo loco vena porta exoritur. A gibba parte caua vena prodit sursum & deorsum ramos quāplurimos mittens. Fel nullū conspicitur.

Renes

Renes venæ magnæ trunco arteriæque magnæ per emulgentes alligantur, sunt corporis proportionē amplissimi inter hepar & testes sitī, numerosis carunculis racematim compactis veluti acinis constantes. Vrina per vteras in vesicam percolatur, quæ terrestrium animalium vesicis similis sita est inferiore ventris parte. In ijs qui vtero adhuc gestantur, in vrachum desinit, per quem urinam deponit in alantoidem tunicam ad diem vsque partus. Editi in lucem per pudendum urinam sicuti terrestria emittūt, & per musculum sphincterem retinent. Vrachio arteriæ vmbilicales adherent, arteriæ magnæ inferioribus ramis insertæ. Vtrinque sunt testes oblongi, quibus præparantia vasa proposita sunt, infiniti scilicet venarum & arteriarum è magna vena arteriæque ortarum ramuli, qui post varios & multiplices anfractus in epididymū inferuntur. Cū enim magna sanguinis copia multo semini generando necessaria sit, quæ longo vasorum ductu ob spatij breuitatem transmutari & elaborari non potest solerter admodum natura gyros illos vasorum instituit, vt illis, id quod longitudini deest pensaretur, & quibus singuli meatus capreoli modo intorti dependent, & in glandulosa corpora radici pudendi adnata desinunt, ex quibus, meatu urinario, neruo cauo genitale constat humano simile, cuius extremum foris propendet, in glandem tenuem linguis auium similem desinēs, quæ præputio non omnino integritur, intus replicatum latet, ad veneris vsum exierit. Oppianus.

Μήδεια τ' ἀνδρὸς ῥομέοισι πανέκκελα κρατύνοντα
 Οὐδ' αἰὲν ἀποφθνήσκει πῶρος ἄρσενος, ἀλλὰ οἱ εἶσω
 Κέκρυπται, λεχέων δ' ἄρ' ἤρως ἔλκεται ἔξω.

Lib. 1. ἀλυσ-
 τικῶν.

Venas suas, neruos, arterias idem pudendum habet, ossi innititur quod ossi pubis proportionē respondet. Inferiorem ventrem sumus executi de superiore iam dicamus. Thorax costis veris & mendosis, sterno, vertebris, musculis constat, cuius capacitatem pulmones magni complent, densiore substantia quàm in terrestribus, crassitudine & colore hepar quadrupedum referunt, tum ne aqua in rariorem substantiam altius penetrans eijci non posset, tum ne in magnis expirationibus, quibus in aquis fere semper vti coguntur tenuior substantia facillè disrumpetur. Hi in duas partes diuulsi sunt, parte inferiore adeo gracilescunt, vt membranam esse affirmes, vndique cor complectuntur pericardio conclusum, in medio thorace locatum, nulla in re porcorum cordi absimile: duos sinus, totidem auriculas, denique similia omnia habet. Adhæc asperam arteriam, œsophagum, musculos, & quæcunque in terrestrium corporibus sunt, clavicula exempta reperire est. Caput cum vertebris articulatur. Cerebri dispositio est diuersa, nam in anterius & posterius diuisum est, non in dextrum & sinistrum, vt in homine, neruorum coniugationes ex eo nascuntur,

plexus *χορδοδῆς* in eo, rete mirabile, meninges duæ pro integumento, vt omnia hæc in summam contraham, porco terrestri maximè similis est: differt autem colore, felle, renum forma. Superest vt fœminarum partes internas explicemus, quò fœtus generatio intelligi possit. Vulua ceruicem palmum vnum longam habet, ea deinde in ramos duos distribuitur, veluti in quadrupedibus terrenis videre est, testes ad vteri cornua positi, pudendum inter vmbilicum & podicem, Non parte superiore sed prope pudendū mammæ sine papillis perspicuis, sed harum vice alueoli humoris duo sunt, vtrinque vnus è quibus lac fluit, quod ore catulorum parentem sectantium excipitur. Fœtum ex semine concipit, sine ouo, & perfectum in lucem edit, singulos vno partu, interdum tamen & binos, vterum gerit decem mensibus. Æsta

Lib. 6. de hist.
animal. ca. 13.
Lib. 9. cap. 8.

te parit, nec vlllo tempore alio, vt rectè scripsit Aristoteles. Vnde Plinij locus is falsus videri potest. Agunt vere coniugia, pariunt catulos decimo mense, æstiuo tempore. Nam si vere delphini cum fœminis commisceantur, gerantque vterum decem mensibus, quâ fieri potest vt æstate pariant? Dicam quod ipse experientia comprobauit. Quum hæc scriberem, è matris vtero fœtum quem hîc depingendum curauimus vere ex traxi. Alteram Octobri mense dissecai, in cuius vtero primū formari cœptos catulos inueni. Ex quibus effici necesse est, eum quem ferè perfectum vere comperi proximæ ætatis initio in lucem edi oportuisse: alterum initio autumnii conceptum decem mensibus post nimirum æstate gignendum fore. Quare Plinij locum mendosum esse existimo neque eum intellexisse delphinos veris tempore coire, cūm mox subiungat decimo mense catulos parere, æstiuo tempore. Sed legendum. Agunt vera coniugia, quod ex Aristotele sumptum est.

Lib. 9. de hist.
anim. ca. 49.

Διαβιβῶσι ὁ μετ' ἀμῆλων καὶ συζυγίας οἱ ἄρρενες ταῖς θηλείαις.
degunt coniugatim mares cum fœminis. Chorion, amnio, alantoide tunicis fœtus in vtero inuoluitur, sanguine nutritur per venas vmbilicales, spiritum per arterias easdem trahit. Denique eodem planè modo quo quadrupes animal vel homo in vtero concipitur & nutritur, & in lucem editur. Coeunt delphini supinis partibus ad motus mutuis amplexibus inhaerentes, hominum more. Oppianus.

Lib. 1. ἀλιείων
τικῶν.

Δελφῖνες δ' ἀνδρῶσιν ὁμοῦς γάμον ἐν τῶνόνῃαι

Quæ παραφραστικῶς vertit interpres.

In faciem versi dulces celebrant hymenæos

Delphines similes hominis complexibus harent.

Id quod à me aliquando in mari nostro spectatum est. Lacte nutriunt catulos, gestantque eosdem infirmos, adultos diu comitantur, adoleſcunt autem celerrimè, quippe annis decem ad summam perueniunt magnitudinem, viuunt annis cōpluribus. Constat enim nōnullos vixisse annis vigintiquinq; alios triginta quod cognitū fuisse testatur

Ari-

Aristoteles præcisa à piscatoribus cauda, vt quos ita reddidissent mari, captos item agnoscerent, & spatium temporis scirent. Item Albertus tricenis annis viuere scripsit. Dormiunt rostro sublatò siue fistula elata per summa æquoris qua etiam spirant, pinnas suas leuiter mouendo, stertentes etiam leuiter audire nonnulli. Narrant quidam delphino motum adeò esse familiarem genuinúmque, vt standi interquiescendique nescius eundem vitæ sortiatur finem quem & agitationis, sicubi verò somno sit opus, euolat in summum, móxque resupinus sensim ad ima deferri se patitur, ad terræ autem contactum velut expergefactus resilit, denuo stridens, rursumque rationem eandem inquit quietem sibi hoc modo mistam motioni machinatus. Certissimum & hoc esse futuræ tempestatis prognosticon, vbi in maris superficiem frequentius se vibret, & quodammodo colludat, cuius rei causam D. Thomas hanc reddidit: hyemali inquit, procella ingruente, ab imo maris confurgunt exhalationes, quæ hyemi fomenta suggerunt, tuncque calor excitatur in delphinis, quoniam vero calidi propria est agitatio, inde contingit id animal crebrius erumpere, ac sese ostentare. Ex quo illud est Plinij, delphini tranquillo mari lasciuientes, flatus ex qua veniunt parte prælagiunt. item spargentes aquam, item turbantes tranquillitatem. Id verum esse affirmant piscatores & nautæ. Non solum verò delphini, sed & alia etiam animalia tempestatem præsentunt, vt echini arena se saburrantes, vt ranæ ultra solitum vocales. Sunt & multò plura quæ tempestates prælagiunt, de quibus Plinius LIB. XVII. Quare crediderim pisces in aqua aëris agitatione mutationeque affici, non aliter quàm imbecillos & valetudinarios ob austrinos instantes flatus, dolorem in capite, vel articulis sentire, quod euenit ijs qui cum Neapolitano morbo diu confictati sunt, vel arthricis. Sic laterum vel thoracis doloribus obnoxij septentrionales ventos prænunciant. Nam paulatim magis ac magis immutatur aër, priusquàm omnino in contrarium permute-
 tur. Leues autem immutationes facillè ferunt, qui prospera sunt valetudine, magisque externis causis morborum resistunt. Ad alias delphini actiones transeamus. Stridorem edit, vocisque nonnihil, quia asperam arteriam & pulmones habet, & linguam mobilem, quod vt intelligerent studiosi exertam in pictura expressimus. Sed statim reclamabit aliquis ex Aristotele, vnàque cum Plinio nos errare affirmabit, de delphini lingua hæc scribente. Lingua est his contra naturam aquatiliū mobilis, brevis atque lata, haud differens suillæ. Pro voce gemitus humano similis. Aristoteles autem dissentire videtur his verbis. Ἀφίησι ὃ καὶ ὁ δελφίς, ἴσιμον, καὶ μύζῃ ὅτε ἐξέλθῃ ἐν τῷ αἵματι, ἔκ ὁμοίας
 ὃ τοῖς εἰρημύοις, ἔτι γὰρ τὸ το φωνὴν ἔχῃ καὶ πνέοντα, καὶ ἀρτηρίαν: ἀλλὰ γλῶτταν ἔκ ἀπολελυμένῃς, ὃ καὶ λη, ὅτε ἄρθρον τι τῆς φωνῆς ποιῇ. Delphinus

Lib. 8. cap. 35.

cap. 35.

Lib. 9. cap. 8.

Lib. 4. de hist. animal. cap. 9.

stridet ac mutit efferens sese in aërem, sed non quemadmodum ea quæ superius enumeravi: hic enim vocem & pulmonem, & arteriam habet, sed linguam non solutam, neque labra, ut articulatam vocem possit edere. At qui Aristotelis cōtextum propius inspexerit nobis, Plinioque minimè aduersari intelliget. Etenim Aristoteles hoc capite ostensurus, quæ animalia vocem, quæ locutionē, quæ sonum aliquem siue strepitum edant, subtiliter hæc omnia distinxit: ut vox à pharynge & pulmonibus pendeat, ut quibus pulmo desit, ijs nulla vocis emit tendæ sit facultas, locutio verò non nisi vocis per linguam explanatio sit, quamobrem quæ linguam non habent, aut *μη ἀπολελυμένω*, id est, non liberam & solutam, ea neque vocem emittunt, neq; loquuntur, at sonos edere vel alijs partibus possunt. Lyra igitur & chromis sonos stridorēsq; mouent, quia neque pulmonem, neq; arteriam habent, & pectines quoties per summa humoris nitibundi ferūtur, quod volitare dicunt, stridere sentiuntur, atq; etiam marinæ hirūdines quæ sublimēs volitant mare non attingentes. Delphinus verò non eodem modo stridet ac mutit, quo hæc omnia, quia vocem habet ob pulmonem & arteriam: præterea linguam mobilem ac liberam, sed non ita liberam & solutam ut voci articulatae & locutioni efferendæ satis esse possit. Quare non negat Aristoteles delphinum linguam mobilem habere, sed non ita mobilem & solutam, ut vocem articulatam efferre possit. Est enim brevis ut ait Plinius. Atq; hūc esse germanum Aristotelis sensum confirmo ex ipsiusmet testimonio, cuius paulò pōst hæc sunt verba: *Ἐὰ δὲ παῖδια, ὡς περ καὶ τῶν ἄλλων μωρόων ἐκ ἐγκρατῆ ἐστὶν ἕτως, ὅθεν τῆς γλώττης δὲ πρῶτον, καὶ ἐστὶν ἀτελής, καὶ ἀπολύεται ὑψιαιτέρον, ὥστε φελλίζουσι, καὶ σαυλίζονται ἔα πολλά.* Pueri ut cætera sua membra continere ac regere queunt, sic etiam linguæ sunt impotentes, & quidem imperfecti, & ferò lingua absoluuntur. itaque magna ex parte balbutiūt, tori q; sunt lingua. Pueris igitur lingua non deest, neq; adherens est, sed mobilis & lata quæq; exeri potest, sed nondum ita libera ut vocē distinctè articulatēq; enunciare possint. Ita delphinis lingua est lata, mobilis, quæ modò exeri, modò condi possit, non hærens palato neq; ossæ, non ita tamen soluta ut vocē explanatè efferre queant. Porro neq; labra, neq; palatum cameratum habet, quæ locutioni conferunt. Delphinum audire, cæterōsq; omnes pisces cōstat ex ijs quæ diximus, quū de piscium sensibus ageremus. Huius verò sensus organum nullū manifestū reperiri potest, ne in delphino quidem ut putat Aristoteles. At audire sine meatu vllō partēq; huic rei destinata, nullum animal potest, per quam soni vocēsq; ad cerebrum perferantur. Qua ratione impulsus cum delphini cranium diligentissimè contemplatus essem, manifestissimum audiendi meatum, qui ad cerebrum vsque patet inueni, è regione in viui delphini capite foramē tam exiguum, ut ferè oculorum aciem

aciem fugiat statim post oculum, qui situs in causa est, cur difficilius reperiatur sunt enim oculi & foramina illa in eadem ferè linea cum oris scissura. Cum verò sagacissimè odoretur, multò difficilius est inuenire quæ pars huius sensus ministra sit, quod non solum in delphino sed in omnibus aliis piscibus admiratione dignum est: neque est quod quis per foramina illa quæ ante oculos sunt narium loco pisces odores percipere certò credat, ad cerebrum enim usque non permeant, sed partim obsepta, & cæca mox desinunt, partim ad branchias feruntur. Omnes tamen odorari certum est, cum esca recenti abstineant, nec iisdem escarum generibus omnes capiuntur, sed variis, scilicet sui agnitioni odoris, quippe cum vel fœtidis nonnulli alliciantur. Quare meatus istos cacos esse existimo, & qui oculis nostris cerni non possunt, per quos tamen odori ad cerebrum pateat aditus, ut qui tenuioris essentia sit quàm humor. Quod si in his qui branchias habent perspicui non sunt, quantò minùs esse debent in iis qui pulmonibus spirant? In illis enim branchiæ valde patent, ut sine inspiratione magna odorari possint, hi cum respirationis organum intus lateat, sine magna inspiratione & aëris tractu odores non percipiunt, ut docet Galenus in lib. de odoratu, quibuscum vnà in cerebrum penetraret aqua, si per apertos meatus permearent. Odores autem in cerebrum piscium sese insinuare id maximo est argumento, quod ad escam nidorofam accedunt, odoribusque caput repleatur & grauitate tētetur. Et ut de cæteris taceamus, de delphino odore vnguenti grauitate offenso historiam ex Plinio narremus. Alius inter hos annos in Africolitore Hipponis diarrhyti, simili modo ex hominum manibus vescēs, ferensque se tractandum, & alludens natantibus, impositosque portās, vnguento perunctus à Flauiano proconsule Africæ, & sopitus (ut apparuit) odoris nouitate, fluctuatúsque similis exanimi, caruit hominum conuersatione, ut iniuria fugatus per aliquot menses, mox reuersus in eodem miraculo fuit. Qua in re delphino cum suis conuenit quibus amaricinum inimicum est, si Lucretio credimus.

Libro 9. ca. 8.

*Denique amaricinum fugitat suis & timet omne
Unguentum.*

Libro 9.

Quoniam actiones sine partibus quæ harum gratia à natura conditæ sunt explicari vix possunt: iis addamus quædam de delphini orē ab Aristotele & Plinio prodita, quibus sit ut dubitare possit aliquis, sitne delphinus veterum quem hic exhibemus. Cum enim delphino nostro sit os ante & in promptu, longa etiam scissura & multum infra rostrum descendens, tamen Aristoteles hæc scripsit: οἱ δὲ σελαχόδεις καὶ δελφῖνες, καὶ πάντες οἱ κητώδεις ὑπὸ τοῖς ἀστέροις λαμβάνονται. καὶ τῶ γὰρ δὲ τρύμα ἔχει, δὲ σάροντα πολλοὶ ἐλάττωσι, εἰ δὲ μὴ, πάντων αὐτῶν δολφῖνες οὐλοῖται: καὶ γὰρ ἡ τῶ δελφῖνος οὐλοῦται καὶ διώκεται τῶ φαγείν, δοκεῖ εἶναι θαυμαστὴ. Cartilaginei, del-

Lib. 9. de hist.
anima. cap. 2.

Lib. 4. de par,
animal. c. 13.

phini & omnes cetacei resupinati cibos capiunt. habent enim os subter, vnde fit vt minores priculum facilius possint euadere, alioqui pauci admodum seruantur, quippe cum delphini celeritas, atq; edendi facultas mira esse videatur. Et alio loco apertius: ἔχῃ δ' ἢ πλεονεξία δ' ἑσθίοντα διαφορὰς, ἅ τε μὲν γὰρ καὶ ἀντικρὺ ἔχῃ δ' ἑσθίοντα καὶ εἰς δ' ὀπίσθεν, ἅ δ' ἐν τοῖς ὑπὸ τοῖς ποσσὶν δελφίνες καὶ ἅ τε σελαχόδη, καὶ τ' ὑπὸ τῇ στήθεσσι λαμβάνει τ' ὀπίσθεν. Φαίνεται δ' ἡ φύσις ἑμὸν σάφημα ἔνεκεν ποιῆσαι τῷ τῶν ἄλλων ζώων (ἐν γὰρ τῇ στήθεσσι σώζειται τ' ἄλλα δὲ βραδυόνοτα, πάντα γὰρ ἅ τε τοῦτο ἅ τε ζωοφάγα ἐστὶν) ἀλλὰ καὶ πρὸς δ' μὴ ἀγλαθεῖν τῇ λαμβανῇ τῇ πλεονεξία τ' ὀπίσθεν ἵσθον γὰρ λαμβάνοντα διέφθοιτο ἀπὸ διὰ τ' ἀπλήρωσιν ἁπλῶς. Πρὸς δ' τῷ τοῖς περιφερῇ καὶ λεπτῷ ἔχοντα τ' τῷ ῥύγχος φύσιν, ἔχοντες τ' ὅτι διαίρετον ἔχον. Sunt & oris differentie, alijs enim os est ante & in promptu, alijs infra parte supina, vt delphinis & cartilagineo generi, quamobrem hæc nisi conuersa resupinentur, cibum corripere nequeunt, quod natura non solum salutis gratia reliquorum piscium fecisse videtur (dum enim illa sese conuertunt mora intercedit, qua piscis quem insectantur euadere possit: nam omnia id genus rapina piscium viuunt) verum etiam ne nimis deuorandi auaritia explerent, si enim facilius caperent, breui præ immo-
 Lib. 9. cap. 3.
 quodque diuidi in os non possit. Ex ijs sua mutuatus est Plinius: Nisi multum infra rostrum os illi foret, medio pene in ventre, nullus piscium celeritatem eius euaderet. Sed affert moram prouidentia natura, quia nisi resupini atque conuersi non corripunt, quæ causa præcipue celeritatem eorum offendit. In his Aristoteles & Plinius videntur delphinis os in supina parte tribuere, quod galeis & alijs multis cartilagineis proculdubio competit, delphinis non item: de quibus id verissimè dici crediderim quod in supini conuersi cibos corripiant: tum propter causas quas reddit Aristoteles, tum propter longam oris scissuram, & multum infra descendentem, ob quam si prona vescerentur cibi vix bene corripiri possent, atque hinc & inde diffuerent, nec rectè in oris fundum, ac inde in cæso-phagum deferrentur. Addam aliud quod à veteribus dictum est, vero haud consentaneum. Aulus Gel. inquit: verba Appionis subscripsi eruditi viri ex Ægyptiacorum libro quinto, quibus & delphini amanti, & pueri non abhorrentis consuetudines, lusus, gestationes, aurigationes refert: eaque omnia seipsum, multosque alios vidisse dicit. Καὶ αὐτὸς δ' ἔν εἶδον πρὸς διαμαρχίαν δελφίνα ἐρωτῶντα παῖδος, καὶ πρὸς παιδικῶν ἐπισημαίνοντων. ἅ τε γὰρ ὅν καὶ πρὸς τὸν χρόνον δ' ἰχθύς, ἀνέδεχτο σὺν παῖδα ἐπὶ τῶν νώτων, καὶ ἅ τε ἀκαμάτας περιέτλων, ἵνα μὴ τ' ποθέμενον χρεώτε ἀμύξει, καὶ ἵσθον πρὸς περιβεβηκότα μέχρι διακοσίων ἀνέχετο πεδίον. Ἐξέρχετο δ' ἄρα ἡ ῥάκη καὶ πῖσσα ἢ ἱταλικά θεάματα ἰχθυῶν νηχόμενον ὑπὸ ἑρωτος, id est, Et nos quidem vidimus apud Puteolos delphinum amantem mirè puerum, inclamatum à puero acciri

acciri. Quinetiam adnatans dorso puerum admittebat, ita ut pinnae aculeos velut vagina conderet, ne dilectum sibi corpus laceraret, receptumque equitis modo insidentem per magnum æquor, per ducenda stadia deferret. Roma igitur tota, omnisque Italia confluebat, ut piscem amoris causa vectorem pueri spectaret. Paulò aliter rem narrat Plinius. Diuo Augusto principe Lucrinum lacum inuectus pauperis cuiusdam puerum, ex Baiano Puteolos in ludum literarium itantem, cum meridiano immorans appellatum eum Simonis nomine scēpius fragmentis panis, quem ob id ferebat, allexisset, miro amore dilexit. Pigeret referre, ni res Mæcenatis & Flauiani, & Flauij Albi, multorumque esset literis mandata. Quocumque diei tempore inclamatus à puero, quanuis occultus atque abditus ex imo aduolabat, passusque è manu præbebat ascensuro dorsum, pinnae aculeos velut vagina condens, receptumque Puteolos per magnum æquor in ludum ferebat. Simili modo reuchēs pluribus annis, donec morbo extincto puero subinde ad consuetum locum ventitans, tristis & mœrenti similis ipse quoque (quod nemo dubitaret) desiderio expirauit. Hi delphino aculeos in pinna dorsi tribuunt, quod falsum esse sensus ipse conuincit: nullas enim omnino spinas, neque aculeos in vlla corporis parte habet delphin. Quare vel fabulosa ista esse oportet, vel eos qui ista scripserunt parum diligenter delphinos inspexisse. Pinna vnica est in medio dorso satis rigida, aliæ duæ in ventre, ita sitæ ut non solum natatum, sed etiam ut motu quo sursum sese effert respirandi causa adiuuent. Aliæ duæ in cauda, quarum etiam magnus est usus & diuersus ac in alijs situs. Non ex recto spinæ dorsi ductu oriuntur, ut altera sursum, altera deorsum spectet, sed ex caudæ lateribus, altera dextram, altera sinistram partem versus, ita ut cauda sua latitudine aquam verberet. Cuius tanta vis est, ut proverbio dictum sit, *δελφίνα πρὸς τ' ἑρᾶρον δειν*, id est, delphinū cauda ligare, in eo qui frustra quidpiam conantur, quod non dictum est propter caudam lubricam, etsi læuis sit, sed propter eius robur: nullus enim quantumuis viribus præstans delphinum hac parte retinere potest. Quum deorsum cōtendit, caudam sursum mouet, contra quum in summa aquæ sese effert: sed ea celeritate, ut nullum eo velocius animal esse dicatur. Aristoteles. *Ἀπάντων διοκεῖ εἶναι τῶν ζῴων τὰ χιτῶνα, καὶ τῶν ἐνυδριῶν, ἔτι τῶν χερσίων, καὶ ὑπερῶν ὄντων* Lib. 9. de hist. anim. ca. 48. *διὲ πλοίων μεγάλων ἱστῆς. Μάλιστα δὲ τὸ τοῦ αἰολοῦ (ὑποβαίνῃ, ὅταν δὲ κωσῇ) ναὶ ἰχθὺν φορῆς χάριν, τὸ τε γὰρ ἐὰν ἀποβάλλῃ, (ὑπαγκλωβῇ) εἰς βυθὸν διὰ τὸ πηλὸν, ὅταν δὲ αἰολοῖς μακρὰ γίνηται ἡ ἀναστροφὴ, κατέχευε τὸ πηλόν, ὥστε ἀναλογισάμενοι, καὶ ὑπερέφαντες εἰσὶν, φεροῖν ὥστε τὸ ἔξωθεν, τῇ τυχῇ δὲ μὴ διελθεῖν βυθόμενοι πρὸς τινα ἀναπνοὴν, καὶ ὑπερβόηον τὸς ἱστῆς, ἐὰν παραπύχῃ τῶν πλοίων.* Omnium tum aquatiliū tum terrestrium animalium velocissimi mihi videntur esse delphini: super-

siliunt enim nauigiorum magnorum malos, quod maximè faciunt, quum piscem quempiam cibi causa persequuntur: tunc enim si is fugit, ad fundum vsque fame urgēte insequuntur: quod si longior fuerit reuersio spiritum continent, quasi spatium apud se reputantes, & conuersi sagittæ modo feruntur, celerrimè itineris longitudinè emetiri volentes respirandi causa, quo impetu nauigiorum quæ fortè illuc fuerint, malos superant. Quæ Plinius maiore ex parte expressit. *Lib. 9. cap. 8.* Velocissimum omnium animalium non solum marinorum delphinus, sed ocyor volucre, acrior telo. Nam cum fame concitati, fugientem in vada ima persecuti piscem, diutius spiritum continere, vt arcu dimissi ad respirandum emicant, tantæque vi exiliunt, vt ple- runq; vela nauium transuolent vento euntium. Vnde qui hieroglyphicis literis res significabant, velocitatem per delphinum expresse- runt: quod indicat celeberrima illa & omni Principe dignissima sen- tentia *ὠκυμένη βέλως*, id est, festina lentè, quæ Octauio Augusto adeò arrisit, vt non in sermonibus modò quotidianis crebrius vsurparet, verumetiam epistolis suis frequenter infereret, admonens his dua- bus vocibus, vt ad rem agendam adhiberetur simul & industriæ cele- ritas & diligentiae tarditas. Eadem Tito Vespasiano adeò placuit, vt numismatis insculperit, quæ altera ex parte faciem Titi Vespasiani cum inscriptione præferrent, altera ancoram, cuius medium ceu te- monem delphin obuolutus complectitur, ancora tarditatem, del- phino celeritatem designante. Eandem delphini celeritatem compa- rat sagittæ Oppianus.

*Lib. 2. ἄλιον
πικρὸν.*

*Δελφίνες δὲ ἀγέλησιν ἀλλος μέλαι χιτῶνές τιν'
Ἐξοχοὶ ἠγορέη τε, καὶ ἀγλαίη χιτῶνες,
Πρώτῃ τ' ὠκυάλῳ, διὰ γὰρ βέλως ὄψε θαλασσοῦ
Ἰπιδύται.*

Lib. 8. cap. 25.

Ab hoc delphini in natando impetu ortum est prouerbum, *δελ- φῖνα νήχου διδάσκεις*, delphinum nare doces, in eos cōpetens, qui mo- nere quēpiam conantur in ea re, in qua cum sit ipse exercitatissimus, nihil eget doctore. Veruntamen delphinus etsi velocissimus & fortis- simus sit aduersario non caret: amia enim cum eo pugnant, & expu- gnant, vt capite de amia fusiùs exposuimus. Idem crocodilos necat in Nilo, vt tradit Plinius. Verum in crocodilo maior erat pestis, quàm vt vno esset eius hoste natura contenta. Itaq; & delphini immeantes Ni- lo, quorum dorso tanquam ad hunc vsum cultellata inest penna, abi- gentes eos præda, ac velut in suo tātum amne regnātes, alioqui impa- res viribus ipsi astu interimunt. Callent enim in hoc cuncta animalia, sciuntq; non modò sua commoda, verūetiam & hostium aduersa, no- runt sua tela, norunt occasiōes, partēsque dissidentium imbelles. In ventre mollis est tenuisque cutis crocodilo, ideo se vt territi immer- gunt

gunt delphini, subeuntēsq̃ue aluum, illam secant spina. Superiùs annotauimus delphinum non in dorso tantum sed & in toto corpore spinas omnino nullas habere, quamobrē pro spina, legendū opinor, pinna vel penna, quemadmodum ante cultellatam pēnam dixit. Sed non sine causa dubitauerit is qui delphinum & crocodilum diligentius inspexerit, qui fieri possit, vt delphinus dorſi pinna crocodili aluum dilaceret. Nam crocodili cutis minùs est in aluo dura quàm in dorso, non tamē ita mollis vt cultro etiam peracuto penetrari possit, delphini verò pinna nō vsque adeo dura est neq; acuta, cui tamē vim magnam à celeritate addi non negarim. Non desunt qui sturionem nostrum, veterum delphinum esse crediderint, ob dorſi cultellata ossa, quæ clypeos referūt, quibus etiam ligna veluti ferrā secari possunt. Atq; in ea sententia fuisse scio virum doctissimum, cuius iudicium his in rebus plurimi facio. Vulgus piscatorum ait delphinum balenæ præite, & iter præmonstrare, quod veteres musculo tribuerunt. Sed eius opinionis occasionē inde ortam arbitror, quod vbi balenæ sunt, ibi delphini & lamiaæ frequentes sint, à quibus balenæ dilacerantur. Delphinos fama est, si pompilum aut virgente fame, aut casu aliquo degustarint, stupidos fieri subito, & viribus defectos nullo postea negotio maris æstu in litus eijci, ibique à mergis, cæterisq̃ue auibus maritimis dilaniari & absumi. Tricenis diebus latere circa canis ortum, occultariq̃ue incognito modo scribit ex Aristotele Plinius quod eò Lib. 9. cap. 2. magis mirum est, inquit, si spirare in aqua nequeunt. Neque ego id verum esse crediderim, nisi in scopulorum specubus lateant, in quibus liberè spirare possunt, quemadmodum faciunt & vituli mari. Solent etiam in terram erumpere, incerta de causa iisdem autoribus, sed id cæstro diuexati faciunt veluti thunni & gladij. Præ dolore igitur in terram exiliunt, cuius rei oculatus sum testis, reperi ipse cæstrum siue asilum delphino qui in litore iacebat inhærentem. Idem eis accidit mugiles veloces admodum persequentibus, quū enim citatum cursum inhibere non possunt: in terram vsque impelluntur. Statim tellure tacta moriuntur, ait plinius. Et Ouidius.

Quem postquam bibulis iniecit fluctus arenis

Unda simul miserum vitæque destituit.

Ex eo natum fuisse prouerbiū autor est Plutarchus: delphini in terra vis, de iis dictū qui id in quo minùs valeant toto conatu petunt, quòd delphinus tam stupendæ agilitatis animal terræ contactū non patiatur. Sed hoc falsum esse docet experientia. Nam fœmina quam dissecuimus, vt eam cum fœtu exhiberemus, viua diu iacuit, & delphini viui à nostratibus Lugdunum vsque aliquando deportati sunt. Citius moriuntur si iisdem retibus quibus thunni capiātur, ob id quod inuiti sub aqua retinentur, respiratione priuati. Si sagena nostra

vulgari capiantur, non capiuntur, quia sese efferendo respirant. Multo ocyùs moriuntur fistula obturata, quod argumento est magis per fistulam quàm per os respirare. Ichthyopolæ nostri longiùs asportare volentes, & viuos seruare, in fistulam vinum instillant, quod fistulam non obstruit, sed per eam in os & ventriculum penetrat, & diutius spiritus conseruat. Delphini magna ex parte singulos edunt, interdum binos, quos inter animantes omnes magno amore persequuntur, vnde si fortè piscator alterum ex catulis tridente aut hamo capiat, ipsa sui casum non perhorrescit, neque captum deserit, sed insequitur, nec vlllo modo ab insequendo deterretur: alterũ autem, si fortè adsit caudæ verberatione persequitur, ac mordicus premens ablegat ne capiatur, ipsa verò manet, vt cum filio moriatur, cui liberum erat periculo sese subtrahere. Mortuorum etiam curam habere traditum est: extinctos enim ad continentem velut funere illos efferentes, hominibus ipsos sepeliendos tradunt: post verò sequitur magna delphinorum multitudo, tanquam funeri operam dantium, eos ab impetu aliarum belluarum, ne deuorentur defendentium. Ferunt eos dignoscere, qui è delphinis degustarint, illòsque deuorare: ab aliis verò abstinere, qui nunquam delphinum contigerunt, vt ederent, tanta beneuolentia sese mutuò prosequuntur. Tradunt etiam veteres, delphinorum opera homines in piscatu vfos fuisse. Vnicum ex Plinio exemplum proferemus, & eò libentiùs, quod in Gallia nostra Narbonensi solitum fieri narrat eo in loco, qui à Montepelio parum distat, quicq; Monspelienfibus nostris tam notus est, quàm sua cuiq; domus. Præterea locum Plinij in vulgaribus codicibus corruptis aliquot locis restituimus opera Guilielmi Pelicerij Monspelienfis Episcopi antiquitatis peritissimi. Locus est huiusmodi. Est in Nemaufiensi agro stagnum Latera appellatum, vbi cum homine delphini societate piscantur. Innumera vis mugilum statuto tempore, angustis faucibus stagni in mare erumpit obseruata æstus reciprocatione. Qua de causa prætendi non possunt retia æquè, molem ponderis nullo modo tolleratura. Et iam si non solertia insidietur temporis: simili ratione in altum protinus tendunt, quoniam vicino gurgite affigatur, locum que solùm pandendis retibus habilem effugere festinant. Quod vbi animaduertère piscantes (concurrit autem multitudo temporis gnara & magis etiam voluptatis huius auida) totusque populus è litore quantum potest clamore conciet Simonem ad spectaculi euentum: celeriter delphini exaudiunt desideria, Aquilonum flatu vocem prosequente, Austro verò tardiùs ex aduerso referente. Sed tunc quoque improviso aduolant: properè apparet acies, quæ protinus disponitur in loco, vbi coniectus est pugna, opponit sese ex alto, trepidòsque in vada vrget. Tum piscatores circumdant retia, furcisque subleuant,

leuant, mugilum nihilominus velocitas transilit. At illos excipiunt delphini, & occidisse ad præsens contenti, cibos in victoriam differunt operæ. Prælium feruet, includique retibus se fortissimè vigentes gaudent: ac ne hoc ipsum fugam hostium stimulet, inter nauigia & retia, natantésque homines ita sensim elabuntur, vt exitus non appareat. Saltu (quod aliàs blandissimum his) nullus conatur euadere, ni summittantur sibi retia, egressus ante vallum protinus præliatur. Ita peracta captura quos interemere diripiunt. Sed enixioris operæ quàm in vnus diei præmium conscij sibi operiuntur in posterum: nec piscibus tantum, sed & intrita panis ac vino satiantur. Quæ de eodem genere piscandi in Iassio Mutianus tradit, hoc differunt, quod vltro neque in clamati præsto sint, partésque è manibus accipiant, & suum quæque cymba è delphinis socium habeat, quanuis noctu & ad faces. Hac piscandi ratione audio Hispanos aliquando vsos fuisse non procul ab vrbe *Palamos* nuncupata. Eadem hodie quoque vti. possent piscatores nostri, nec dubito quin delphini offa vinóque cicurari possent, & in clamati accurrere, cum aliquoties sibilo euocatos accessisse ad naues, & circumnata sse viderimus, nec minùs hodie quàm olim ad id accommodatæ sunt stagni fauces ad oppidum *Malgurium* vocatum. Quæ si vera sunt, nec illud mirum esse debet, quod scribunt, delphinum hominis amicum animal esse, nec hominem expauescere vt alienum, obuiam nauigiis venire, alludere exultantem, verù & musica arte mulceri symphonie cantu, & præcipuè hydraulici sono. Hinc tantopere ab Herodoto primùm, deinde ab aliis celebrata historia, qua ferunt Arionem Methymnæum delphino insidentem ad Tenaron fuisse euectum, qui erat citharædorum sui seculi nulli secundus, quique primus hominum, quod nouimus, & fecit, & nominauit, & docuit Corinthi Dithyrambū. Hunc Arionem ferunt cum permultū temporis triuisset apud Periandrum cōcupiisse in Italiam, Siciliamque nauigare: rursus parta ingēti pecunia voluisse Corinthum reuerti, & quū profecturus è Tarēto esset, quia nullis magis quàm Corinthiis fideret, nauigium virorum Corinthiorū conduxisse. Quum illum tenerēt, istos Arioni insidiosos, vt eo deturbato pecunia potirentur, hoc illum intelligentem oblata eis pecunia, mortem tantum fuisse deprecatum. Non persuadēti nauitas iussisse, vt aut sibi manus inferret, vt sepulturam in terra nancisceretur, aut illico in mare desiliret. Arionem ad hanc necessitatem redactū obsecrasse, vt quandoquidem ipsis ita placitum esse, vt cernerent se omni suo ornatu coopertum, stantēque super foros audirent cantantem, & cum cantasset sibi se manus illaturum, atque istos permittentes (inuaserat enim eos libido audiendi præstantissimum inter homines modulatorem) è puppe in mediam nauem concessisse, illum inducto sibi ornatu, ac sumpta cithara super

foros inchoasse carmen quo dicitur Orthium, eoque decantato sese ut erat ornatus, in mare iecisse. Et hos quidem cursum tenuisse in Corinthum, illum verò aiunt à delphino exceptum in Tenarum fuisse transuectum, & cùm è delphino descendisset Corinthum eodem habitu perrexisse. Et vbi peruenit, quicquid contigerat enarrasse, & Periarandrum (quia non crederet) tenuisse hominem in custodia, ne quo prodiret: cæterum curauisse ut nautas haberet, eos accitos, vbi adfuerunt, percontatum si quid de Arione memorarent, & referentibus illum hospitem circa Italiam agere, fortunatúmque Tarenti se reliquisse, Arionem apparuisse eodem quo desiliisset habitu, istos terrefactos nihil amplius habuisse quod conuicti inficiarentur. Extat in Tenaro ingens Arionis ex aëre donarium super delphinum sedens. Eadem cecinit Oppianus. Iam ad magis necessaria conuertimur. Delphinum in mensas principum venire, magnóque in precio esse in principum aulis vidimus, sæpéque mirati sumus cùm ferinus ille odor omnem cibi gratiam si qua sit, ingratißimam reddat. Apud nos fossotes ipsi atque infima plebs omnino abstinent, hinc fit ut rariùs in foro nostro conspiciantur venales. Ad eos mittuntur qui longius à mari absunt, ut ad Auenionenses, & Lugdunenses, quia extra mare diutius viuit, longiùsque asportari potest citra putredinem, quoniam dura est carne & corruptu non ita facili. Qualem succum gignat in corpore delphini caro satis ex eo perspicuum est, quod ex cetaceorum sit genere. Qua de re Galenus LIB. I I I. de alimentorum facult. Philotinum reprehendens. Posthæc autè canem abscribit, quem in cetaceorum genere numerare oportebat, ut qui carnem duram & excrementitiâ habeat. Quapropter in partes secto atque salito vulgares homines vescuntur, ingrati enim saporis ac mucosus: ideóque cum sinapi & ex oleo atque acribus condimentis eum mandunt. Ex hoc genere sunt balænæ, delphini & vituli marini, ad quos proximè magni thunni accedunt. Item alio in loco. Diximus quidem iam antè de cetaceis animalibus, quæ marina sunt, in quo numero sunt phocæ, balænæ, delphini, libellæ, ac grandiores thunni, & præter illa canes, quæque his similia sunt. Nunc autè de ipsis in summa dicendû, quod omnia eiusmodi duram & prauis succi, atque excrementitiâ habent carnem. Quapropter sale potius condientes, ipsis ut plurimû vtuntur, alimentum quod ex ipsis in corpus distribuitur, ea salitura tenuius facientes, eoque coctioni & sanguini facièdo commodius. Nam recens eorum caro ni valde probè coquatur, crudorû succorum copiam magnam in venis congerit. His addam quod experientia ipse didici, delphini carnè præterquam quod dura sit & difficilis còcoctu etiam pinguem esse, quo fit ut ventriculum relaxet, & nauseam moueat. Nunc de præparatione dicendum, cuius vniuersè duo sunt potissimû genera.

Vnum quo cibi vitiū aliquod corrigitur, veluti quum salitur, vt crassus humor salis vi extenuetur, & generando sanguini accommodatior fiat, vel quum cibus decoquitur veterū more, cepa, porro, apio, anetho, atque aliis huiusmodi coctioni additis ad crassi humoris attenuationē, qua præparatione meliora redduntur omnia, quæ crassum glutinosumque succum gignunt. Alterum est præparationis genus quo sæpius vitumur, voluptatis potius quàm valetudinis rationem habentes, quum condimentis ea permiscemus quæ ad gulam irritandam titillandumque palatum faciunt. Sic delphini carnem quidam præparant in veru torrentes, quemadmodum & suillam recentē, mali arantij succo intinctam edunt, vel ex cōdimento quod aceto facchare, & cinnamomo constat. Alij in craticula assant. Alij farina bene subacta concludunt caryophyllis, pipere, zingibere, nuce moschata condientes, quibus odor ille ingratus euincatur. Elixā magis probarim quàm assam, modò in aceto & vino coquatur, iniectis apio, hyssopo, origano. Partes delphini quæ magis cōmendantur sunt hepar, & lingua. Hepar tenera quidem est substantia, sed malū succum gignit. Lingua autem tenerior & pinguior atque hepati præferēda. Delphini cinerem in medicamentis numerat. Plin. quæ lichenas & lepras tollunt. Quidam delphini iecur in fictili torrent, donec pinguitudo similitudine olei fluat, ac perungunt. Et febrium circuitus tollit iecur delphini gustatum ante accessiones Plinio autore. Et hydropicis medetur adeps delphini liquatus, & cum vino potus. Præterea delphini adipe linamenta accensa excitant vuluæ strangulatu oppressas. Infantiū quoque gingiuis dentitionibusque mulcūm confert delphini cum melle dentium cinis, & si ipso dente gingiuæ tangantur, adalligatusque idem pauores repentinos tollit. Absurdū planè est, quod scripserunt quidam matres in os catulos recipere, quod fieri non posse perspicue ostendit oris compositio, œsophagi angustia, catulorū ipsorū magnitudo. Id faciūt galei vt suo loco diximus.

Lib. 31. cap. 7.

Ibidem. ca. 10.

De Phocæna.


CAPUT IX.

DHOCÆNAM delphini speciem esse indicat Aristoteles: Τὸ τε δὲ ὁ μὲν δελφὶς τὰ μὲν πολλὰ ἐν ἐλίῳ τε καὶ δύνῃ καὶ τῷ φάλαγγι καὶ δύνῃ τὰ πλεῖστα. τὸ πλεονάκεις, ἢ ἐν ὁμοίῳ τῷ δελφίνι καὶ ἢ φάλαγγι, καὶ γὰρ ἐστὶν ὁμοίον δελφίνι μικρῷ. γίνε) ὃ ἐν πόλει, διαφέρει δὲ φάλαγγι δελφίνος, ἐστὶ γὰρ ὁ μέγιστος ἐλαττον, ὁρτύτερον δὲ ἐκ τῶ νώτε, ὃ χεῖρος κυανοῦ, πολλοὶ δελφίνων ἢ γένος εἶναι φασὶ φάλαγγιν. Delphini singulos magna ex parte edunt interdum tamen & binos. Balenæ vel binos complurimum magnaque ex parte,

Lib. 6. de hist. cap. 12.

vel singulos procreāt. Idē & phocænæ partus qui delphino similis est nascēs in Pōto, sed interest quòd phocæna minor est, dorso ampliore colore cæruleo, plures etiā genus delphini esse opinātur. Alio in loco phocænē meminit, eāque in Ponto nasci scribit, quanquā vulgares nostri codices mēdosi sint, sic enim habent: Εἶξω γὰρ φαλαίνης καὶ δελφῖνος ἑστὲν ἐστὶ ἐν τῷ πόντῳ, καὶ ὁ δελφῖς μικρὸς: legēdum enim φαλαίνης nō φαλαίνης, vt ex prius citato Aristotelis loco perspicuum est, & ex Gaze conuersione qui phocēnam tursionē interpretari solet. Iam verò eodem in loco non φαλαίνης sed φάκνης legendum esse alibi annotauimus ex Plinio, qui Aristotelis locum ita transtulit. In pontū nulla intrat besti à piscibus malefica præter vitulos & paruos delphinos. Verisimile non est Pliniū φαλαίνης vitulos appellasse cū φάκνης vitulos marinos esse nosset, neque delphinos paruos pro phocænis accepisse, quāuis dixerit Aristoteles phocænā delphini specie esse sed minorē: nam in Ponto paruos duntaxat delphinos esse, vbi verò aliquantum processeris magnos haberi affirmat Aristoteles: Ad quod respiciens Plinius in Ponto nullam bestiam esse dixit præter vitulos & paruos delphinos. Cū verò in Ponto etiam hodie vitulos marinos esse certissimum sit, vel lectionem Aristotelis immutandam esse nō immerito qui existimauerit, vel in ea re Plinium ab Aristotele dissensisse.

De Tursione.



CAPUT X.

Libro 9. ca. 9.




Ibidem ca. 15.

QVAM Aristoteles φάκνην, Gaza Latine tursionem siue tyrfsionem vocat, quē mouere potuit (vt rectē censet Hermolaus) quod Plinius dixit delphinorū similitudinem habere, qui vocantur tursiones. Aristoteles verò phocēnam delphino paruo similem esse scribit. Sed ea nota satis mihi esse nō videtur: sunt enim & alia delphinis similia vt platanista. Plinius. In Gange Indiæ platanistas vocāt, rostro delphini & cauda, magnitudine autē quinq; cubitorū. Multò maiore ratione is quem proponimus tursio dicetur, quē marfuinū, id est, maris suem Galli vocant à corporis crassitudine: delphino enim similis

milis est, sed differt tristitia aspectus, id est, tristi corporis habitu gestuque est, & abest lasciuia illa, maximè verò rostrum canicularum rostris simile habet, vt in galeis videre est. Fuerunt qui sturionem nostrum tursionem esse dixerunt, nominis similitudine, vt arbitror, impulsu, transposita enina ex medio in principium litera S. ex tursione sturionem efficies, cuius opinionis autorem ferunt esse Gazam, quod verisimile non est: nam phocænam Aristotelis tursionē non conuertisset, cūm phocæna & lac habeat, & catulos delphinorū modo pariat, sturionem verò oua parere non ignorauerit.

De Balæna vulgò dicta siue de Musculo.



CAPUT XI.

NTEQVAM immensorum piscium historiam explicemus, lectorem admonitum velim, antiquos balænae nomine vnicam duntaxat beluam intellexisse, quo nūc piscatores Santonici & Hispani ad physeteres, orcas, aliōsque prægrandes, & balænae per similes beluas abutuntur, quas tamen vernaculis, & proprijs nominibus distinguunt, vt ex sequentibus perspicuum fiet. Primum igitur in Aquitanici maris litore, & in India immensa belua capitur quam balænam vocant: plurimum x x x v i. cubitos longa est, octo alta; oris scissura ad duodeuiginti pedes porrigitur, dentes in eo nulli, sed horum

loco in vtraque maxilla corneæ sunt laminæ nigræ sensim in pilos
 suillis similes desinentes, quæ in anteriore, & posteriore siue inte-
 riore oris parte breuiores sunt, in media longiores, ab interioribus
 lingua intus continetur, & coërcetur, inde educta vel abscissa, ita
 diffunditur, vt in eundem locum recipi postea non possit: maxima
 enim est, laxa admodum substantia, sale conditur, & à plurimis in
 maximis habetur delicijs: est enim omnium corporis partium tener-
 rima, ex ea x x i i i i. vasa implentur, cuiusmodi sunt ea quibus in
 Gallia fassamenta cōduntur, vt huc & illuc conuehantur. Oculi qua-
 tuor vlnarum spatio à se distant, foris parui apparent, intus capitis hu-
 mani magnitudinem superant. Quamobrem falluntur ij qui bubulis
 maiores esse negant. Pinnas duas maximas in lateribus habet, quibus
 natat & catulos in metu occultat. In dorso nullam habet. Cauda situ
 caudis delphinorum similis est, figurâ non multum absimilis, quam
 quum mouet, ita mare agitat, vt nauiculas submergat, vel si cymbam
 attingit, euertat. Rostro est breui, fistula caret, corio duro, nigro inte-
 gitur sine pilis, cui lepades & ostrea hærentia aliquando reperiuntur.
 Internæ partes veluti in delphino, pulmones, renes, vesica, testes, pu-
 dendum. In huius beluæ ventriculo, mucus, spuma, aqua, alga foetida
 inueniuntur sine vllis piscium frustis, vt inde appareat carniuoram
 non esse. In quarundam ventriculo ambra visa est. Huiusmodi planè
 est belua quam capiti huic præfiximus, quam cum vulgo balenam ap-
 pellauimus **L I B. I I I I.** sed balæna veterum non est, fistula enim ca-
 ret, id quod mihi omni asseueratione affirmarūt, qui quotānis his be-
 luis insidiantur & captas in partes secant. Fistulā autem veteres om-
 nes vno consensu balenæ tribuunt. Quare cū balæna veterum non
 sit, ex vnica nota, propria quidem, & quæ nulli cum hac communis sit
Lib. 3. de hist. ani. cap. 12. *Lib. 11. cap. 37.* *Lib. 32. ca. 11.* *Lib. 9. cap. 62.* Aristotelis esse colligo, quem Gaza Plinium secutus muscu-
 lum Latinè appellat. *Εἰ τι ὅτι ὁ μυστικὸς ὀδόντας ἐν τῷ στόματι ἔχει, ὅ-
 ρας ὁ ὀμέλαις ὀδόντας.* Gaza, musculus etiam piscis pilos in ore intus habet
 vice dentium quibus omnino caret, suillis similes Plinius, Musculus
 marinus qui balenam antecedit dentes nullos habet, sed pro iis, setis
 intus os hirtum. Alio in loco Plinius inter beluas marinas musculum
 numerat. Vt à beluis ordiamur, arbores, phyteteres, balænæ, pristæ, tri-
 tones, nerejdes, elephanti, homines qui marini vocantur, rotæ, orcæ,
 arietes, musculi, & alij pisciū forma arietes, delphini. Quare cū cor-
 neæ illæ laminæ in pilos suillis ita similes desinant, vt si inde auulsos
 seorsum cuipiam ostendas, aliunde quàm ex porci dorso auulsos esse
 neget, quibus pilis belua ista os hirtum habet, quam notā nullis aliis
 tribui à veteribus comperias, cū etiam belua sit à piscium forma a-
 lienæ, non est quod dubitem Aristotelis *μυστικόν* siue, quod idem, est
 Plinij musculum appellare. Eum alio in loco Plinius balænis viam
 monst

monstrare tradit. Balenę musculus quandoque pręgravi superciliorum pondere obrutis eius oculis, infestantia magnitudinē vada pręnatans demonstrat, oculorumque vice fungitur. A quo valde dissentiunt Oppianus, Ælianus, Plutarchus, qui longē diuersum à musculo non solum balenarum, sed etiam reliquorū pręgrandiū cetaceorum ductorē describunt. Primū Oppianus beluis maris immanibus duce opus esse docet, tum quia nimia corporis mole & pōdere oppressę tardē mouentur, tum quia omnes demptis canibus parum acutē cerentes faciliē possent impingere: idcirco vię comes illis adest paruus quidem aspectu, sed longo corpore, cauda tenui, qui anteit viamque monstrat, vnde ἡγητήρα, id est, ducem nominant, beluis marinis adeo gratus & amicus est, vt quo is velit sequatur, in eoque vitę salutisque spes omnes sitas habeant.

Lib. 5. ἀλιον
τικωρ.

Τὸνεκα καὶ πάντες ὁμότολος ἔρχετο ἰχθὺς
Βαλὸς ἰδεῖν, δολιχόν τε δέμας, λεωλή δ' οἱ ἐρή
Ἐξοχος, ὃς προπαροίφειν ἄλδος πόρον ἡγεμονεύει
Σημαίνει, τὰ καὶ μιν ἐφήμετον ἡγητήρα
Κήτη δ' ἐκπάγλως κεχαρισμένος ἐστὶν ἐταῖρος,
Πομπὸς τε, φρενὸς τε, φέρει δέ μιν ἡγεὶς ἐθέλων
Ῥινδῖως, κείνῳ γὰρ ἐφέσσει ἰχθυὶ μένῳ
Πιστῶ, αἰσθὼν ἔχων ἀεὶ νόον.

Ælianus de eodem duce hæc prodidit. Omne ferē cetaceum genus duce ad sibi moderandum eget, illiusque oculis ducibus ad videndum utitur. Is autem dux est, quemadmodum harum rerum periti testantur, longus piscis, colore albo, capite pręlongo, angusta cauda. Hunc ne ducem vniciuique cetaceo natura dederit, an amicitia quadam is adductus cetum vltro antegrediatur, haud scio planē, sed id tamen factū naturę impulsu arbitrari. nā sic separatim nunquam ab illo nauigat, sed ante huius caput antecedēs, ipsius dux existit: etenim cuncta illi & prouidet, & pręsentit, caudęque pręmonstrat singula, tum horribilia formidolosęque inibet, tum cibaria conciliat, insidięque à piscatoribus positas signo quodam ostendit, atque quem locum propter magnitudinem adire nō oporteat, pręsignificat, nequando nimirum cetaceum genus irretitum funditus intereat. Quod mirum videri debet, minimam bestiā maximo animali vitę causam asferre: cū enim belua huiusmodi ad pinguitudinem peruenit, amplius nec audire nec videre pōtest: carniū enim moles & videndi & audiendi viam intercludit, & tanquam illius luminibus obstruit, quare eius oculus improbē afficitur ad videndum. Quod si is pisciculus quo ad necessaria utitur, perit, illi quoque per-eundum est. His subscribit Claudianus.

Lib. 10. cap. 6.

Sic ruit in rupes amisso pisce sodali

*Belua, sulcandas qui praeuius edocet undas,
Immensumque pecus paruo moderamine cauda
Temperat, & tanto coniungit fœdera monstro.*

Hæc Ælium ex Oppiano mutuatum esse faciliè perspiciet is qui Oppiani versus cum istis contulerit. Quare obseruandū est Oppianum ducem balenarum depinxisse paruum, longo corpore, tenui cauda: Ælium verò longum piscem, colore albo, angusta cauda, quæ faciunt ut suspicer Oppiani locum mendosum esse *βαῖος ἰδεῖν, δολιχόν τε δέμας*. Si enim paruus est piscis, quo pacto lōgo corpore esse dicetur? Ex Æliano igitur legendū crediderim *λευκός ἰδεῖν*, vel quid simile, ut Oppianus & secum & cum Æliano cōsentiat. Quamquam Plutarchus huc ductorē paruū piscē esse affirmet. Locus est in libello. Vtrū prudentiora sint terrena animalia aquatilibus, ὃ ὁ καλέμενος ἡγεμὼν μεγέθει μὲν ἐστὶ καὶ χήμῳ καβιβάδεις ἰχθύδιον, τὸ δὲ ἐπιφανέστατον ὄρνυθι φέρουσι διὰ τὸ βαχύνητα τὸ λεπιδὸς ὁικέειν λέγεται, τὸ αἰεὶ κρίνεται ἐν τῶν μεγάλων κηλῶν καὶ πονήχει τὸ δρόμον ἐκδιδόνον ὅπως οὐκ ἐνχεθήσεται ἐράχην, ὅδ' εἰς τέτατος ἢ τινα πορῆμιν ἐμπίπτει δισσεῖσθαι: ἔπειτα γὰρ αὐτῶν δὲ κήτος ὥστερ οἵακι ναὺς παραγόμενον ὁπάρῃς. Καὶ τῶν μὲν ἄλλων ὅτι ἀν παραλάβῃ τῶν χάσμις ζῶον ἢ σκάφος ἢ λιθὸν ὡς διέφθαρ) καὶ ἀπολαλε πᾶν ἐμβεβυσμένον, ἐκείνο δὲ γνώσκον ἀναλαμβάνει τῶν ἐν τῷ καθάπερ ἀγκυρᾶν ἐνός: ἐγκυβύδου γὰρ αὐτῶν καὶ δὲ κήτος ἔστηκεν ἀναπαυόμενος, καὶ ὁρμεῖ προσελθόντοι δὲ αὐτῷ ἐπαχλασθεῖ μήτε ἡμέρας μήτε νυκτὸς ἀπολῃπόμενον, ἢ ῥέμβει) καὶ πλανᾶται, καὶ πολλὰ διεφάρη καθάπερ ἀκυβέρνητα πρὸς γῆν ἐξεκχθέντα. Καὶ γὰρ ἡμεῖς περὶ ἀντίκυρον ἐώραχμεν, ὃ πάλα καὶ πρῶτον ἱστορεῖν ἐ πόρρο βυθῶν ἐξωκείλματος, καὶ χαλὰ ἀπὸ τοῦ λαιμὸν γενέσθαι. Is quem gubernatorem vocant, magnitudine formæque gobij pisciculus, foris quidem auium quum horruere, propter asperitatem squamæ similis, grandiorum balenarum cuiuspiam semper hæret, præitque cursum dirigens, ne vel in breuia cœnūmve impingat, ne vel in angustias incidat vnde exitus non detur. Hunc balena lubens sequitur veluti remonem nauis. Ac cæterorum quidem quicquid intra barathrum beluæ venit animal seu scapha, seu saxum, pessum it statim peritque, in alui profunda mersum. Hunc autem agnitum, ore velut ancoram recipit, dormitque vna, quiescente quiescit, progrediente progreditur, haud vsquā diu noctūve destituens, hoc nisi facit errare impingeréque certum est. Perière multæ dum velut gubernatore carens nauigium, delatæ ad terram sunt, quod ipsi quoque circa Anticyram vidimus, ac prius etiā multò haud ita procul à Bunis balæna eieccta & putrescente, pestem inuasisse narrant. Hæ sunt de balenarū ductore diuersæ veterū sententiæ. Ego sæpe balenarū piscatores interrogaui, num piscis aliquis balænas antecederet, qui fabulosum hoc esse mihi affirmarunt. Belua hæc viuos catulos parit, id quod

ex dissectione certissimum est, habent mares, & testes & pudendum, feminae & uterum & mamas. Quae cum ita sint, iis quae ex Plin. obij-
ci possunt respondendū: sic enim scribit. Quae pilis vestiuntur animal
pariunt, ut pristes, balæna, vitulus. Et mox, Pilo carentium duo omni-
no animal pariunt, delphinus & vipera. Quasi verò nulla ex iis quae
pilo carent, pariant animal præter delphinum & viperam ac proin-
de *μυστινίες* de quo nunc agimus: animal non gignat etiā si pilo non
vestiatur. At turfiones, orce, physeteres pilo carētes animal pariūt ex
semine nō ex ovo. Sunt quidē plures alij pisces ut cartilaginei, galei,
sine vllis pilis ex ovo animal procreantes, etiā ipso Plinio autore eo-
dem modo quo vipera. Nam ea delphini modo animal non gignit
sed ex ovo prius conceptū, delphinus verò ex semine siue ovo. Qua-
re vterque Plinij locus ut in codicibus excusis legitur, falsus est, vel
inemendatus, quem ex Aristotele ut & multa alia desumpsit. Ζωοτό-
χη. μὲν γὰρ ὁ ἄνθρωπος καὶ ἵππος καὶ φώκη, καὶ ἄλλα ὅσα ἔχουσιν τεύχους, καὶ τῶν ἐνυδρίων
καὶ κητώδων οἷον δελφίς, καὶ καλὴ μύρα (εὐλάχη). τῶν δὲ τῶν ὅσα μὲν αὐτὸν ἔχει ἑράγ-
χια ὅσα ἔχει, οἷον δελφίς καὶ φάλαγνα. Procreant animal homo, equus,
vitulus marinus, & reliqua quae pilis integuntur, atque in genere a-
quatili quæ cete appellamus, ut delphini, & quæ cartilaginea vocan-
tur, quorum aliis fistula data est, branchiæ defunt ut delphinis & ba-
lænis. Vides hîc balænam ab eorū quæ pilis integuntur genere sciun-
ctam & eadem sententia cum delphinis & cartilagineis comprehen-
sam, quæ sine controuersia pilis carent, ut fortasse apud Plinium sic
legendū sit. Animal pariunt pristes balæna, & quæ pilis integuntur,
ut vitulus. Præterea illud non sine causa quis miretur, quod belua ista
pulmonibus spirans fistula careat, quam habeat balæna vera, physete-
ter, orca, quæ fistula cum non solum ad reiiciendā aquā sed ad respi-
randū data sit: huius vice musculus rimas seu foramina habet, quod
rostro sit non oblongo sed obtusiore quàm ceteræ beluæ, quæ admo-
dum testudines & vituli marini. Caro musculi nullo est in pretio, lin-
gua sola cōmendatur, pinguitudinis maxima copia ex partibus cuti
subiectis, & ex ventre colligitur, quæ liquefacta non cōcrescit, ob par-
tium tenuitatem, eam ad lucernarum vsus seruant. Osibus apud
Ichthyophagos populos tecta sepiuntur, necnon horti in Aquitani-
co litore, ubi frequēter capiuntur maximē ad oppida illa quæ lingua
vernacula *biarris* & *capreton* & *S. Jean de lus* nominantur: capiuntur
illic circa brumam non linea & hamis validissimis ut fusiūs descri-
bit Oppianus, & ex eo Aelianus scribens balænas duce suo orbātas &
carnea mole oculis imminente, oculos tenebris circumfundi, ideo
ad scopulos & litora faciliē impingere. Tum robustos piscatores pri-
mū beluæ magnitudinem coniecturis assequi. si enim vertex extra
aquam emineat, non obscura significatio est beluam ingentem esse,

Lib. 9. cap. 13.

Ibid. cap. 14.

Lib. 1. de hist.
cap. 5.Lib. 5. ἀλιού-
τινων.
Lib. 10. cap. 8.

contrà si dorsum extra summam aquam appareat: deinde robustissimum hamum ad catenam ferream alligatum proiicere, belua ut escam videt sine mora effreni auiditate eam rapit, simulque ferro guttur transfigitur, cuius dolore incitata, catenam exedere & conficere conatur, quod ipsum postquã diu multumque conata est, accerrimis doloribus affecta, in pelagi profundum demergitur, cui funem omnem relaxant, tum quod nullis viribus retrahi possit, tum ne piscatores vna cum nauigio deiiciat, sed vtribus vento plenis funibus appensis in imum desidere prohibitam, & fluitantem alij hastis, alij trudentibus, alij securibus cedunt, & plagis multis euietam in litus pertrahunt. Sed in locis illis quæ paulò antè nominavi eodem modo capiuntur balænæ, quo modo circa Scyllæum tractum capi solitos olim xiphias, qui & galeotæ vocantur, narrat Strabo. *Σκαπτος γὰρ ἐρέσθηκε κρινὸς τοῖς ὑφορμύσιν ἐν δικιώποις σκαφιδίοις πολλοῖς, δύο καὶ ἑκατὸν σκαφιδίων. καὶ ὁ μὲν ἐλαύνει, ὁ δὲ ἐπὶ τῇ πλώρει ἐσθίει δόρυ ἔχων, (σημαίνοντος τῷ σκαπτοῦ τῷ ἐπιφανέει τῷ γαλεάτῳ, φέρει) ὃ δὲ τείτον μέρος ἐξαλὼν τὸ ζῶον, (σιγάφαιος ὃ τῷ σκαπτοῦ, ὁ μὲν ἐπὶ λήξει ἐκ χερσὶν, εἴτ' ἐξέπειν ἐκ τῷ σιγάφαιος δὲ δόρυ χωρὶς τῷ ἐπιδόρατι δὲ ἀγκιστρῶδες τὸ γὰρ ἐστὶ καὶ χαλαρῶς ἐνηρμωθὲς τῷ δόρατι ἐπὶ τῇδε, καλῶς δὲ ἔχει μακρὸν ἐξημιμύριον, τὸ τοῦ ἐπιχαλῶσι τῷ βωθέντι, εἰὼς ἀνὰ γὰρ σφαδάλον, τὸ ὑποφάγον, τό τε δὲ ἔλκευται ἐπὶ τῷ γλῶττι, ἢ εἰς τὸ σκαπτοῦ ἀνὰ λαμβάνεται, ἐὰν μὴ μέγα εἴη τελέως δὲ σάμα. Manentibus in statione multis biremibus scaphulis, alter remigat, alter in prora stat hastam tenens. significante autem speculatore galeotam supereminere: nã beluæ tertia pars è mari prominet, & propinquante scapha, ille è manu coniecto telo vulnus infligit: deinde relicto ferro hastile extrahit: ferrum enim hami figura factum est, & leuiter hastili aptatum de industria. ex eo appensus est funiculus longus quem vulneratæ beluæ laxant, dum discruciatæ, & effugiens mortua fuerit, tum vel in litus trahunt, vel in scapham recipiunt. Nautæ & piscatores eorum quæ ante dixi oppidorum in capiendis balænis admodum solertes & expediti, ut ipsimet mihi narrarunt, ut etiam diligenter rem omnè mihi per literas explicauit Capellanus vir doctissimus & humanissimus clarissimi Nauarræ Regis Henrici medicus simili in balænarum piscatu ratione vtuntur, nisi quod pluribus cymbis opus sit, & celerius actis, atque vel ad fugiendū, vel ad insequendū habiliioribus. Illi igitur è turribus speculati, si quas balænas viderint tympanorum sonitu omnes conuocant, quo signo dato omnes tanquam ad vrbs excidiū accurrunt, telis & omnibus quæ necessaria sunt instructissimi. In singulis igitur cymbis deni collocantur robusti remiges, alij multa tela, longa, cuspidè hamata, quorū figuram sub beluæ figura expressimus, in beluam coniiciunt, quibus infixis & altius inhaerentibus funes longissimos telis annexos relaxant, vsque dum vitam*

vitam cum sanguine fuderit, tunc vnà cum funibus balænam in litus retrahunt adiuti maris vndis, prædam partiuntur, cuius pars vnicuique cedit pro telorum cōiectorum copia, quæ propriis notis & insculptis internoscuntur. Mares difficilius capiuntur, fœminæ facilius, maxime si fœtus sequantur: quum enim in his protegendis immorantur, fugiendi occasio perit. Eadem ratione orcæ, physeteres omnesque similes beluæ capiuntur, quam hîc semel expositam aliis locis non repetemus: superuacaneum enim id foret. Mihi non viderer hominis veritatis studiosi officium fecisse, nisi priusquam caput hoc concludam, impudens mendacium eius detegerem, qui de aquatilibus libros duos edidit, is initio prioris, quum de balæna loquitur, nescio qua fronte audet dicere Aristotelem partem balænæ musculum appellasse, quem etiam Oppianus veluti quendam alterum piscem balænæ ducem esse cecinit. Verba eius adscribā, vt omnibus palam fiat, quàm infœliciter in bonis autoribus versatus sit, imò eos ne attigerit quidem. Prætenturas ante oculos habet, ob id appellatas, quòd his sibi prætendat iter: sunt autem tenues quædam assulæ, quaternis vlnis longæ, ac sesquipedem latæ, ad extrema in fastigium acuminatæ, longissimis villis ad latera præditæ (setas aut barbam appelles, per me licet) vulgus falsò interdum caudam, interdum costam balænæ nominat, cuius perpolitæ ac bene exiccatis frustulis, politiores mulierculæ sua pectoralia (quæ busta vocant) communire, vestiumque fibras rigidiore ac rotundiores continere, atque apparitores publici, virgularum ac fascium loco gestare solent. Partem hanc balænæ appellauit Aristoteles, quem etiam Oppianus veluti quendam alterum piscem balænæ ducem esse cecinit:

Hac ratione loquitur, comes cunctis ductorque viarum

Musculus est paruus visu, sed corpore longo,

Et tenui cauda paulum semotus ab illo

Præcedit. Et paulò post:

Hunc piscem verò ductorem nomine dicunt.

Quid hoc aliud est quæso, quàm grauissimo autori iniuriã facere? Musculum, inquit, partem balænæ appellauit Aristoteles, qui ne per somnium quidem id vnquã cogitauit: nam musculi nomine non vtitur, sed Gaza interpret ex Plinio, vt antea docuimus, quæ si vel ἀνάλφαβητος legisset, in tam fœdũ errorem haud incidisset. Eius enim verba sunt: Musculus etiam piscis pilos in ore intus habet vice dentium. Aristoteles μυσικήτην nominat, cuius locũ prius protulimus. Cũ vetò hoc solo loco musculi siue μυσικήτης mentio fiat, quis inde colligat partem balænæ scilicet assulas illas musculum vocari? neque Plinius tribus in locis, quos initio huius capituli citauimus, musculum partem balænæ facit, sed beluam marinam. Ex his autem Latinis versi-

Li. 3. de hist.
anim. c. 12.

bus Lippij quos citat satis liquet eum nunquam Oppianum legisse qui tantum abest, ut balæna partem musculum faciat, ut musculum ne nominet quidem, sed piscem alium esse dicat, qui balænis iter præmonstrat, quem paruum siue album ut ex Æliano emendauimus, esse ait, longo corpore, cauda tenui nominatum *ἰρυσσιπα*, quo orbata balæna mox perit. Latinus interpres Plinium & Gazam secutus musculum conuertit, in cuius conuersione legenda mirum quam stupidus fuerit, qui non viderit illic describi piscem diuersum à balænis, semotum ab illis præcedere, quod prætenturis illis conuenire nullomodo potest. His addendum Plutarchi testimonium qui piscem forma & magnitudine gobij balænarum ducem *ἰρυσσιπα* vocat. Horum omnium locos antea citauimus consultò tum ut quod propositum nobis erat demonstraremus, tum ut deinceps errores istos refelleremus. Quare nihil attinet iterum locos proferre, nec in tam manifestis erroribus coarguendis immorari.

De Balæna vera.




CAPUT XII.

EXPRESSA est balæna quam hic exhibemus ad veram viue effigiem, cuius etiam iconem persimilem ad me misit vir doctissimus Gesnerus. Eam Santones beluarum piscatores vocant *gibbar*, à gibbero dorso, id est, in tumore eleuato, in quo est pinna. Hæc balænis vulgò dictis minor non est, sed minus spissa minusque obesa, longiore est & acutiore rostro, ob id fistulâ habet, pinnae in ventre breuiores & minores, lingua quoque minor, utpote quæ quatuor duntaxat vel quinque sal fametaria vasa impleat. Vorat hæc aphyarum turmas. In mari Indico balæne cum se supramodum ingurgitarint, clamant vel mugiunt tam magno & con

& contento sono, vt qui binis Gallicis miliaribus absunt exaudire possint. Minore pinguitudinis saburra premuntur: ideo, celerius cæteris mouentur, & natant. frequentes in India sunt & nouo orbe. In fronte fistulam habent, scæminæ mammas, vterum, viuos fœtus pariunt, lactéque nutriūt, & paruulos pinnis suis tegit ac tuetur mater. Dormiunt atque adeò quæcunque fistulam habet, elata per summa æquoris fistula. Pinguitudinis, carnis eadem natura, idem vsus qui superioris, denique eadem piscandi ratio.

De Orca.



CAPUT XIII.



ORCA ex beluarum marinarū est genere, cui nomen positū est à vasis olearij siue vinarij similitudine quod tereti est, & vniformi specie, eo hodie in prouincia & Gallia Narbonēsi ad hauriēdam & seruandā aquam vtimur, & parū mutato nomine *dorgos* vocamus, quasi *orchos*, id est, orcas. Talis est huius beluæ figura: nam toto corpore est valde crasso & rotūdo, extremis nō valde prominentibus & tenuioribus. Santones *espaulars* vocant, ab humerorum seu potiūs scapularum latitudine & crassitudine. Est igitur orca rostro & fistula pinnis & cauda delphino similis, corpore vigesies crassiore, potissimum circa ventrē, dentes habet valde latos in acutū desinentes, ferratos quibus balenā persequitur, quā quū mordet, veluti mugitū tauri à canibus cōprehēsi cogit edere. Quam ob causā nautæ qui piscatus causa in nouum orbē nauigant, barbaros rogant, vel si liceat, imperant, ne orcas lēdant, aut venēntur, quoniā orcarum opera balænas, phocas, aliásque beluas capiunt. Orca enim truculentis dentibus beluas

Lib. 9. cap. 6.

alias impetentes maris gurgites cogunt relinquere, & ad litora confugere, quas illic sagittis telisque aliis interficiunt. Ex quo colligere licet verum id esse, quod de balænarum & orcarum pugna Plinius literis mandauit. Balæne & in nostra maria penetrant. In Gaditano oceano non ante brumam conspici eas tradunt, condi autem aestatis temporibus in quodam sinu placido & capaci, mirè gaudētes ibi parere. Hoc scire orcas infestā his beluam, & cuius imago nulla representatione exprimi possit alia, quā carnis immensæ, dentibus truculentæ. Irrumpunt ergo in secreta, ac vitulos earum & fœtas, vel etiam in annum grauidas lacerant morfu, incurſuque seu Liburnicarum rostris fodiunt. Illæ ad flexum immobiles, ad repugnandum inertes, & pondere suo oneratae, tunc quidem & vtero graues, parientiue pœnis inualidæ, solum auxilium nouere in altum profugere, & se toto defendere oceano. Contrā orcæ occurrere laborant, seseque opponere, & cautium angustis trucidare, in vada vrgere, saxis illidere. Spectantur etiam prælia seu mari ipso sibi irato, nullis in sinu ventis, fluctibus verò ad anhelitus ictusque quantos nulli turbines voluant. Subiungit his Plinius rem memoria dignam. Orcā in ostiensi portu à Claudio Principe cum prætorianis militibus oppugnatam, seque vidisse vnum mergi reſlatu beluæ oppletum vnda. Ab huius beluæ similitudine puto prægrandes oceani naues *ourchez* vocari. Fuit aliquando in ea sententia vir quidā doctus, vt eam beluā quam depinximus, xiphiam esse crediderit, sed xiphias rostrū prælongum habet ensis specie non dentes, hæc verò dentes infestissimos & maximos quare xiphias esse non potest, id quod etiam ex iis quæ suo loco de xiphia diximus clarius fit. Rurſum hîc turpiter impegit autor libri de aquatilibus qui orcā & orcynū cōfundit ex Oppiano, quod falsum esse docent Oppiani versus, qui orcynū cū thunnis numerat.

Lib. 1. ἀλις-
τικῶν.

Θῶνοι μὲν θῶνοσιος ἐν ἰχθύϊ ἔξοχοι ὀρυῖν
Κραιπνὸν ὄζοι, ξιφίαι τε φερώνυμοι, ἢ δὲ ὑπέρποσλος
Ὀρκύων γένε.


Lib. 7.

His subscribunt veterum testimonia, quæ Athenæus citat. Σώ-
κρατος δὲ ἐν διδασκαλίᾳ περὶ ζώων ἢ πελαγιάδων θυννίδων καλεῖται λέγει, νομίζω
δὲ γνομίζω θυννόν, ἔτι δὲ μείζονα ὀρκυνων, ὑπερβαλλόντως δὲ αὐξάνομενον, γί-
νεσθαι κήτος, vbi pro νομίζω legendum puto μείζω, vt sit is sensus: Softra-
tus in secundo de animalibus pelamydem thynnidem vocari scri-
bit, hac maiorem thynnum, eo adhuc maiorē orcynum, immodicè
verò auctum cete. His accedit Archeſtrati huiusmodi rerum peritif-
simi autoritas ex eodem Athenæo.

Ἀμφὶ δὲ ἢ ἱερὰν τε καὶ ὀρύχρον ζάμον ὀψί
Θῶνον ἀλισχόνιον ἀπὸ δὲ μέγαρον ὄν καλεῖται
Ὀρκυνον, ἄλλοι δὲ αὖ κήτος.

Quos versus Latinos fecimus, quum de thunni, pelamydis, orcyni appellationibus ageremus, quo ex loco quis sit orcynus veterum facillè agnoscere quiuis poterit.

De Phytetere.



CAPUT XIII.




AB effectu Græci nominis *φυσίτης* vocatur, quasi flator, quòd nimbosam quandam alluviè aquarum efflando emittat, vt plerunque etiam alucos nauigantium deprimat, à nostris *peis mular*: ab Italis *capidolio*, à Santonibus *sednette*. Belua est admirandæ magnitudinis ex balænarum genere: ore maximo dentibus acutis, ferratis quemadmodum orca. Lingua intus magna & carnosæ. fistulam longè ampliorem habet quàm reliquæ beluæ: quam ob causam multò plus aquæ reicit & efflat, vnde illi nomen *φυσίτης*. Ab orca differt, quòd multò longior sit & dorsi pinna careat. Pinguitudine multa abundat veluti balæna & beluæ reliquæ. Quod de iis beluis quæ pisciù carne aluntur, nemini videtur mirum, sed de balæna prima siue mysticeto quem diximus LIB. III. aqua tantum & spuma maris & alga nutriti & de aliis quæ dētibus carēt nō sine causa dubitauerit aliquis. Sed si hæc secū animo cogitarit, vitā ociosam, corij densitatē, alimēti copiam, temperamentum, mirari desinet. Etenim animalia inertia pinguescere certū est, quod quotidie experimur in iis quæ eam ob causam angustis locis cōcludimus, vt in suibus & capis, & in his quæ hyeme latēt, vt in gliribus, & talsis. Mysticetus autem tardissimè mouetur ob corporis molē, & id modicū quod tardo motu digerit possit

corij densitate prepeditur. Sic & in hominibus cutis conspicio corporis constitutione plethoræ similem efficit. Iam quum voraci animali alimentum semper in promptu est, id ad saginandum corpus multum confert: exemplo sunt luxui ac crapulæ dediti, qui obeli esse solent. His adde temperamentum calidum & humidum, quo quæ præditæ fuerint beluæ, atque adeo animantes omnes, pinguisimæ redduntur, quod ad sanguinis copiam generandâ sit accommodatissimum. Sed ad physeterem redeamus, quem in Oceano nostro reperi-
Lib. 9. cap. 4. ri testatur Plinius. In Gallico Oceno physeter, ingentis columnæ modo se attollens, altiorēque navium velis diluviem quandam
Lib. 8. geogr. 4. crucians. Eiusdem meminit Strabo. Plurimum eos turbabant physeterum magnitudines, fluctum maximum & cumulatam, & caliginem tantam reflationibus excitantes, ut quæ ante pedes erant conspici non possent. Sed cum navigationis duces illis timentibus & causam ignorantibus indicassent beluas esse quæ facile tubarum sonitu & plausu exaudito discederent, Nearchus naues in fluctum egit qua maximè arcebatur, ac tubis beluas exterruit: illæ vndas subeuntes nauale certamen à puppi minabantur. Verum subito cessauere. Quotquot nunc in Indiam nauigant, beluarum quidem magnitudines referunt, quæ nec gregatim nec sæpius se offerant, sed discedant clamore ac tubis repulsæ. Dicunt eas terræ nequaquam appropinquare, ossa verò iam dissolutarum à fluctibus facile eiici, & materiam faciendarum tegetum ichthyopolis suppeditare. Nearchus cetorum magnitudinem vicenum & ternum passuum refert. In litus nostrum eiectæ sunt aliquando immanes beluæ. Vnius maxilla inferior spectatur in summo ciuitatis nostræ templo D. Petro dicato in ipso vestibulo, quam vulgus ob magnitudinem costam esse putat, sed falsò: nam costæ breuiores sunt, & minus crassæ. Ex vertebribus, Frontignani in litore facta sedilia. Aliavisa est à pinnis ad caudæ extremum triginta passus longa, caput in aqua latebat, corpore erat striato, nescio an natura an euentu quodam, ut ob pinguitudinem à sole liquatam partibus aliis desidentibus, aliæ prominentes manserint, quemadmodum in striatis columnis, aliæ partes eminent, quæ striæ vocantur, aliæ cauæ, quæ canaliculi & strigles. Aliam in litore visam à patre meo audiui centum passuum longitudine. Aliam in Italia captam vidimus, quam exsiccatam Florentinorum Dux ante palatium collocarat, sed ob diuturnum & grauissimum fœtorem auferri oportuit. Ex huiusmodi beluarum cerebro pinguitudo oleo liquidior defluit, quæ partium tenuitate facile quocumque penetrat, quum hæc diu multumque defluendo exhausta fuerit, sub cranio reliquæ squamulis sardinarum in acervum coactis similes sunt, quæ igni admotæ liquuntur, deinde frigore concreescunt. Qualesquales fuerint hæc

hæ beluæ certè verum physeterem hîc exhibemus, quod maximè indicat fistula multò amplior quàm in cæteris, quæ veluti nimbos aquarum efflat, quam notam & totius belluæ figuram ex iis qui beluas venantur, magnùmque ex his quæstum faciunt, didici. Suam etiam hæc in re operam mihi præstitit Capellanus medicus doctissimus, qui non procul à Baiona habitat, quò in sinu quotannis beluæ capiuntur.

De Priste,



CAPUT XV.

INDI Cetaceum quendam piscem norunt, quem viuellam nonnulli appellant, qui insuavi est carne, & cibo inutilis, mirabili forma, maximè ob rostrum, quod valde longum est, osseum, vtrinque aculeatum, rastri modo figuræque, eius aculei validi sunt, & delphinorum dentibus similes, sed longiores. Os, cui infixi sunt, latum, tenue, cute aspera, cinerea. Huiusmodi rostrum misit ad me Guinus Pisanus doctor peritissimus. Vidi aliud Massiliæ, quod mercator ex longinqua navigatione attulerat. Ego in ea semper fui opinione beluam hanc antiquorum esse *πριστην*, quam Plinius & Gaza non mutato vocabulo Græco pristem nominant, vt dicatur *πρὸ τοῦ πριστην*, id est, à secando, *πριστην* sector & ferra, & cetaceus piscis à rostro simili serræ vtrinque secanti, idem fortasse cum eo, quem Latine vno loco serram Plinius vocavit. Rerum quidem non solum animalium simulacra inesse, licet intelligere intuentibus vnam, gladium, serras. In Indico mari pristès ducenùm sunt cubitorum. Nescio qua ratione impulsus autor lib. de aquatilibus pristem calderonum vocet: nam si anteriorem capitis partem fundo ca-


Lib. 9. cap. 21

cabi persimilem habet, vt ille ait, qua parte *ωελυ*, id est, secare dicitur. nam ideo *πελγης* nominatur, & à beluæ similitudine nauis oblonga dicta est pristis, Vergilius:

Velocem Mnestheus agit acri remige pristim.

Vbi Seruius: pristis à sectione vndarum dicta est: scindit enim mirum in modum fluctus propter tenuitatem: Græci autem *ωελυ* sectionem, *πελγω* sectorem dicunt,

De Scolopendra cetacea.



CAPUT XV.



SCOLOPENDRÆ Marine duo sunt genera: vna ex insectorum est genere, altera cetacea est. De priore Aristoteles, Dioscorides & alij tractarunt, de qua & nos dicemus, suo loco. De cetacea nunc agemus, quæ dicta est à pedum multitudine: nam scolopendras terrestres centipedes appellant. Qui pedes dicuntur, appendices sunt, quibus tanquam remis scolopendra corpus impellit. Eius formam, quam exhibui accepi ab iis, qui in India vidisse se affirmant, quæ ab Æliani descriptione non differt. Scolopendræ, inquit, vim & naturam quanto equidem maximo potui studio, cum multum ac diu perscrutatus essem, sic mihi persuasi: quoddam etiam maximum cetum marinum scolopendram esse, quam de mari tempestatibus in litus expulsam nemo est tam malè sanus & audax, quin aspicere horreat. Ij, qui res maritimas percallent, eas inquit spectari eminentes è mari, & narium pilos magna excelsitate apparere, & eius caudam similiter atque locustæ latam perspicere, reliquumque corpus conferri posse cum triremi iustæ magnitudinis, non

Lib. 11. ca. 14.

non enim intra aquam abditum, sed per summum mare innatans perspicuum esse atque permultis pedibus vtrinque ordine sitis tanquam ex scalmis appensis natare.

De Tiburone.

CAPUT XVI.

TIBURO Piscis est indicus, quem ex genere vitulorum marinorum esse puto, si vera sunt quæ scribit auctor historiæ indicæ. Plurimum decem pedes longus est, sex crassus, corio cōtectus sine pilis. Dormiens stertit in litoribus. Mari genitale esse aiunt duplex, longum. Fœminæ vulva est bifida, & mammæ plures. Viuos parit, & lacte nutrit. Latissimo est oris rictu pro corporis magnitudine. Duplicem dentium ordinem habet, qui continui sunt, admodum densi & truculenti, crenati. Sæpius è mari egrediuntur in continentem, magna obuiorum pernicie: nam in homines, vaccas, equas impetum faciunt. Subeunt & fluuios. Velocissimum est animal, sarcophagum, admodum vorax. Qua de causa hac arte capitur. Accedentes ad naues ita è mari eminent vt facilè videantur, nautæ hamum vtrinque vncinatum ex catena appensum è puppi in mare demittunt, hami extremo annexi sunt annuli aliquot ferrei, quorum vltimo alligatur funis canabinus, hamo crassior multò. Eidem hamo affigitur pro esca, particula piscis alicuius, aut thunni, aut alterius tiburonis assi, si quando aliàs captum asseruarint. His igitur veluti præparatis insidiis, etiam si celerimè currat naus, secundis ventis remisque impulsæ, eam tiburones non solum assequuntur, sed etiam præteruolant aliquando, colludentes modò à prora ad puppim & contrà currunt, modò circa nauem gyros aliquot faciunt, idque adeò sine defatigatione, vt interdum quadrigentorum miliarium spatio naues sequantur, quicquid purgamentorum è naui eiicitur vorantes. Quòd si contingat ab aliquo hamum arripi, magis ac magis impactus hæret, ob celerem naui tractum. Quemadmodum si vncum infixeris quo magis trahas, eo firmius hæret, & altius penetrat. Sic capiuntur tiburones, quorum nonnulli tam magni sunt, vt vix à duodecim vel quindecim viris robustis in nauem pertrahi possint. Quum naui propinquus est, tam validis caudæ ictibus eam quatit, vt in periculo versetur. Necati tiburonis carnes in particulas longas & tenues secantur, quæ vt exiccentur aëri exponuntur funibus naus appensæ. His deinde vescuntur elixis vel assis.

cibus est in mari non versatis insuauis, nautis utilis: quia in multos dies veluti succidia seruatur.

De Maraxo.

CAPUT XVII.



IBVRONE multò maior & truculentior est belua maraxus, sed celeritate tiburone multò inferior. Corio integitur vt tiburo, eique in multis similis est. Nouem aliquando dentiũ ordinibus ora maraxorum armata vidisse se affirmat autor hystoriæ indicæ. Hi eadem arte qua tiburones capiuntur, sed rariùs, neque eorum carne vescuntur nautæ, verũ in mare reiciunt, nisi in summa omnium ciborum penuria. Huiusmodi beluas aliquando in Hispanico etiam mari reperiri aiunt, qui in eo mari versantur.

De Manato.

CAPUT XVIII.




MLIA est belua indica quam manatum vocant Hispani, qui in Indiam nauigant. bouem capite refert, dorso est plano, pelle durissima. Fœmina duas maximas mamas habet, & lac, viuos fœtus edit & nutrit. Ad eam magnitudinem accedit vt mortuus vix à terrestrium bouum iugo trahi possit. Caro vitulinæ similis, sed pinguior & insipidior. In capite lapides reperiri aiunt, ad renum calculum remedio efficaci. Cicuratur hæc belua & docilis est canum more, sed iniuriarum memor est. Hæc de maraxo literis prodita sunt ab iis qui eum viderunt. Quibus addemus huc fortasse bouem esse marinum, beluam scilicet bouis nomine, cuius meminit Aristoteles, quam etiam viuos catulos parere scribit. *Δελφίς καὶ φάλαινα, καὶ τὸ ἄλλα κήτη ὅσα μὴ ἔχουσι βράγχια, ἀλλὰ φροσσηῖρα, ζωοτοκεῖ, ἐστὶ δὲ πελagicὸς καὶ βῆς.* Delphinus, balæna, & reliqua cete quæ branchias non habent sed fistulam, animal generant, præterea pristæ & bos. Est & bos alterius piscis plani cartilaginei nomen, de quo alibi diximus. *Σελάχη δ' ἐστὶ τῶν εἰρημίων καὶ βῆς, καὶ λάμια, καὶ ἀέλος, καὶ γάρκη, καὶ βάσσαρος.* Cartilaginea sunt iam dicta, præterea bos, lamia, aquila, torpedo, rana.

Lib. 6. de hist. animal. c. 11.

Lib. 5. de hist. animal. cap. 5.

De Monstro Leonino.



CAPUT XIX.

MONSTRVM Est id, quod hîc exhibemus & perfectum animal, partibus nullis ad natādum aptis præditum. Quamobrem quum dubitarem extitisset ne reuera aliquando môstrum istud marinum Gisbertus Germanus, qui Romæ medicinam facit, vir proculdubio in rerum cognitione præcellens & minimè vanus omni asseueratione affirmavit certò se scire, non diu ante obitū Pontificis Pauli tertij centucellis captum in medio mari fuisse. Quare ex illius fide quale fuerit hoc monstrum describere nō dubitavi. Id, vt referebat, magnitudine & figura leonis erat, quatuor pedes habebat, nō mutilatos nec imperfectos, vt vitulus marinus, non membranis mediis iunctos veluti fiber & anas, sed perfectos, in ungues & digitos diuisos, caudā longam, tenuem, in pilos desinentem, aures valde patentēs, squamas in toto corpore, non diuixit proprio naturaliq; loco & alimento destitutum. Hæc quanuis bona fide mihi narrarit Gisbertus medicus, tamen existimo pro pictoris arbitrio quædam detracta, quædam addita fuisse, vt pedes longiores factos fuisse quàm aquatilibus bestiis esse soleant, vel omisā membranā digitos coniungentem, aures patentiores contra aquatiliū naturam, squamas præter veritatem additas pro cute aspera & rugosa, quali cute pedes & alæ testudinum marinarum conteguntur, neque enim squamas habent quæ pulmonibus spirant, & ossibus sustententur. Non solum in hoc, sed in aliis monstris & beluis marinis pictores multa pro arbitrio appinxerūt, vt intueri licet in tabulis illis regionum pictis, quas chartas septentrionales appellant. In quibus & Munsteri cosmographia, balenæ pictæ sunt cum fistulis duabus prominentibus, cum fistulam vnicam habeant, id est,

foramē in fronte in asperam arteriam desinens. Item cum branchiarum scissura, cum pedibus, vnguibus, squamis quibus omnibus certissimum est balenas carere. Præterea ex testudine marina finxerūt monstrum à quo vitulus marinus auriculas habens præter veritatem, deoratur. Nec minus absurdè orcam pinxerūt, quæ balenam persequitur, & naues euertit. Absurdissimè verò physeterem forma equi cum patulis naribus & fistulis duabus prominentibus, cum auriculis asininis, cum lingua longissima & prominente. Nec minùs monstrosam finxerunt Scolopédram cetaceam quadrato capite, promissa barba. Non minore errore porcum marinum repræsentarūt, & orcæ speciē quandam cui à celeritate nomen posuerunt, & vaccam marinam, & monstrum aliud rhinoceroti simile. Hæc sibi in chorographia illa septentrionali permiserunt pictores, quæ tamen vera nonnulla continet, vt astarū marinū, onocrotalū satis rectè expressum, & terrestria aliquot.

De pisce monachi habitu.



CAPUT XX.



INTER Marina môstra referemus & illud quod nostra ætate in Nortuegia capturn est mari procelloso, id quotquot viderūt, statim monachi nomē imposuerūt: humana facie esse videbatur, sed rustica & agresti, capite raso & lœui, humeros cõtegebat veluti monachorum
nost

nostrorum cucullus. Pinnas duas longas pro brachiis habebat. Pars infima in caudam latam desinebat, media multò erat latior, saggi militaris figura. Hanc effigiem mihi dono dedit illustrissima Margareta Nauarra Regina, generis splendore, ingenij, doctri-
næ, virtutis, summæ pietatis laudibus ita cumulata, vt omnes eius ætatis spectatas & illustres fœminas superarit. Ea à viro nobili effigiem hanc acceperat, qui similem ad Carolum quintum Imperatorem in Hispania tum agentem deferrebat: ille reginæ affirmavit se monstrum hoc in Nortuegia captum vidisse post grauissimas tempestates vndis & fluctibus in litus eiectum, locumque designabat Diezum iuxta oppidum *Denelopoch*. Eiusdem monstri picturam mihi ostendit Gilbertus medicus ex eadem Nortuegia Romam ad se missam, quæ pictura nonnihil à mea differebat. Quare, vt dicam quod sentio, quædam præter rei veritatem à pictoribus addita fuisse puto, vt res mirabilior haberetur. Crediderim igitur monstrum hoc humanam formam eo modo referre, quo pars capitis ranarum: tum quia post caput partes erant vtrique latæ, hominum omoplati respondentes, musculis mouebantur, qui cuculli monachorum figuram repræsentant, qualis in nobis spectatur secundus musculus omoplatas mouens, scilicet eas partim ad sese attrahens, partim attollens, cuculli monachorum formam aptissimè referens. Adhæc non squamis, sed cute dura & rugosa veluti cortice contextum putarim, quemadmodum de leone marino iam diximus. Est inter beluas marinas homo marinus, est & triton. Harum vtriusque belua sit quam proponimus, non affirmo. De homine marino Plinius libro trigésimo secundo, & libro ix. Autores habeo in equestri ordine splendentes, visum ab his in Gaditano Oceano marinum hominem, toto corpore absoluta similitudine, ascendere nauigia nocturnis temporibus, statimque degrauiari quas infederit partes, etsi diutius permaneat etiam mergi. De tritone ibidem. Tiberio Principi nuntiavit Olyssipponensium legatio ob id missa, visum, auditumque in quodam specu concha canentem tritonem, qua noscitur forma. De quo & Vergilius:

CAP. IX.

CAP. IX.

Lib. 9. cap. 31

Frons hominem præfert, in piscem desinit aluus.

Pausanias verò tritonem vidisse meminit Romæ, capite specie comoso, vt ranis palustribus, etiam colore, ne discerni tamen capillus à capillo queat, sed corpore squamoso, forma veluti squatinæ, branchiis sub aures, naso hominis, ore ampliore, dentibus ferinis, oculis glaucis, manibus, digitis, & vnguibus conchularum testis similibus, cauda subtrus aluum vice pedum, vt delphini. Quæ fabulosa esse puto. Est & triton pelamydum generis magni, cuius meminimus, quum de thunnis ageremus.

De pisce Episcopi habitu.



CAPUT XXI.



MONSTRVM Aliud multò superiore mirabilis
subiungo, quod accepi à Gisberto Germano medico,
cuius antè aliquoties memini, qđ ipse ab Amsteroda-
mo cum literis acceperat, quibus ille affirmabat anno
1531. in Polonia visum id monstrum marinū Episcopi
habitu, & ad Poloniae Regem delatum, cui signis quibusdam signifi-
care videbatur vehementer se cupere ad mare reuerti, quo deductus
statim in id se coniecit. Sciens omitto plura, quæ de hoc monstro mi-
hi narrata sunt, quia fabulosa esse arbitror. Ea est enim hominum va-
nitas, vt rei per se satis mirabili præter verum plura etiam affingant,
ego qualem monstri iconem accepi, talem omnino exhibeo. Vera ea
sit an non, nec affirmo, nec refello.

De Nereide.

CAPUT XXII.



P O E T Æ Nereides esse finxerunt Nerei & Doridos
filias, quarum pars nare videtur, inquit Ouidius,
*Pars in mole sedens virides siccare capillos,
Pisce vehi quadam, facies non omnibus una:
Non diuersa tamen, qualem decet esse sororum.*

Id non omnino fabulosum esse existimat Plinius. Et nereidum *Lib. 9. cap. 5.* falsa opinio non est, squamis modo hispido corpore, etiā in quo humanam effigiem habent: nanq; hæc in eodē spectata litore est, cuius morientis etiam gannitum tristem accolæ audiuerunt longè. Et Diuo Augusto legatus Galliæ cōplures in litore apparere exanimis nereidas scripsit. Vt igitur homines sunt marini, ita nereides mulieres marinæ fuerint, qualis à Gaza visâ est, qualem etiam Cornelius Amsterodamus vidit in Pomeranica regione, post sæuas maris procellas in oppido *Edam*, muliebri erat facie, salacissima, quæ vixit aliquot annos, ἄφρωνος. Similem audio (sed pro vero non affirmo) ab Hispano quodam nauta in naui educatam, quæ tandem in mare se deiecit, nec postea videri vnquam potuit.

De pluribus alijs beluis marinis.

CAPUT XXIII.



VNT multò plures beluæ marinæ nomine tantum nobis cognitæ, re ipsa minimè, vt arietes, elephanti, pantheræ, melanthyni, hyænæ, rotæ, dromones, atque aliæ infinite. Arietes Oppianus *LIB. I. ἀλιδινῶν* inter pelagios numerat, & feroces. *LIB. V.* inter cetaccos.

Κριοὶ μελονόμων τιθασὸν βοτῶν, οὐδὲ θαλάσσης

Κριοῖς μελιχίοις σιωλοῖται ὅχι πελάσσης.

Nominat etiam *ὠρεῶτα*, id est oues, sed beluæ sint necne nō indicat. Plinius Tiberio Principe contra Lugdunensis prouinciæ litus *Lib. 9. cap. 3.* insularum trecentas amplius beluas reciprocans destituit Oceanus, miræ varietatis & magnitudinis, nec pauciores in Santonum litore, interque reliquas, elephantos & arietes, candore tantum assimilatis cornibus, nereidas verò multas. Elephanti autem ij non sunt, de quibus postea inter crustata dicemus. Pantheræ meminerunt *Ælianus* & *Oppianus*, an vt de belua, an vt de pisce, dubito. *Pardalis* piscis, inquit *Ælianus*, vt ij qui ipsum viderunt dicunt, in mari rubro *Lib. 11. cap. 37.* nascitur, colore & maculis orbiculatis similis est terrenæ pardali.

Oppianus. πᾶρδάλις τ' ὀλοαί. & LIB. V.

*Lib. 1. ἀλιδινῶν
τικῶν.*

Παρδάλιον γάρ τις ὀλοὸν δάχτυ, ἀλλὰ θαλάσσης

Αινότερα.

Idem *Melanthynos* nominat solus, pro piscibus fortasse potius *Lib. 11. cap. 51.* quàm pro beluis.

*Lib. 1. ἀλιδινῶν
τικῶν.*

Εν δὲ μελανθιώνων ἑαμένες γένος.

Hyænæ *Ælianus* pro pisce ponit, quā nonnulli centrinam esse *Lib. 11. cap. 51.* putant. Si, inquit, piscis marini hyænæ nuncupati pinnâ dextrâ ad hominem somno consopitū admoueas, sanè quàm eum ipsum pertur-

babis. Etenim formidolosa secundum quietem monstra videbitur.
 Lib. 1. αλιού-
 πικώμ
 acerbâque insomnia perpetitur. Oppianus hyænam pro belua posuisse videtur.

Ἀπάλιον ἀχθος εὐαίνης, & LIB. V.

Χέρσημιον ἐπιτέχον ὑαίνας,

Πολλῶ δ' ἐν ῥοθίοις κρυερώτεραι.

Lib. 9. cap. 4.

Libro de pisci-
 bus Rom.

Lib. 32. cap. 11.

Cap. 16

Lib. 9. cap. 4.

Inter maxima Oceani animalia rotam collocat Plinius. Apparent & rotæ appellatæ à similitudine, quaternis distinctæ radiis, modiolos earum, oculis duobus vtrinque claudentibus. Rotam aliam intellexisse videtur Iouius quum scribit. Est in Oceano cetarij generis rota, quam vidit Lusitana classis, dum extremum Æthiopix promontorium superaret, geminas dorso rotas gestare videbatur, ad earum similitudinem quæ frumentarias molas impellente vento editoribus in locis circunducunt. Extinuere tantæ beluæ congressum periti nautæ, qui modo ignoti maris immensos fluctus, certaque pericula contempserant, satiûsque visum conuersis velis fugam capere, quàm expectare beluam terribili fragore vasta spumosâque maria proscindentem, & superbo fremitu veluti conspectis hostibus prælium eientem. Neque eam terruere excussa nauibus tormenta, quorum boatibus ea maria resonabant, fugientésque proculdubio immanis belua vastis mæandris adnatando fuisset consecuta, ventis ac velis celeritate cedentibus, nisi mirabunda substitisset, quippe quæ perpetuam intendentibus fugam, satis gloriosa insectatione victoriam expressisse videretur. Dromones à cursu fortasse, Plinius pro specie beluæ usurpat. Aristoteles δρομῶδες à cursu pisces omnes eos appellat, qui in Pontum aliunde excurrunt, quique vix vno loco conquiescunt, cuiusmodi sunt thunni, pelamydes, amia. Sic enim LIB. 1. de Historia animalium. καὶ τῶν πλωτῶν πολλὰ γένη τῶν ἰχθύων, οὗς οὕς καλοῦσι δρομῶδες, θύνοι, πελάμυδες, ἀμίας. Complura inter nantes piscium genera gregatim degere scimus, vt quos cursores vocant, vt thunnos, pelamydas, amias. Arbor etiam inter maxima Oceani animalia à Plinio numeratur, quod fortasse de stella arboresecente de qua postea dicemus, intelligi posset, nisi Plinius diceret. In Gaditano Oceano arbor in tantum vastis dispensa ramis, vt ex ea causa fretum nunquam intrasse credatur. Quæ in stellam arborem competere non possunt, ideo quod in tantam magnitudinem nonquam accrescat.



G V L I E L M I

R O N D E L E T I I

D E P I S C I B V S

L I B E R X V I I .

Qui pisces molles dicantur.

C A P U T I .



D I S C I V M genera diuersa quæ hæcenus executi sumus, omnia *ἐναίμα* sunt, id est, sanguine prædita. Nunc *ἀναίμα*, id est, sanguinis expertia persequemur, quorum tria sunt genera: imprimis quæ mollia appellantur, deinde contecta crustis tenuibus, postremo testis conclusa duris. Hunc ab Aristot. institutum ordinem, & à Plinio repetitum deinceps sequemur. Mollia igitur Latini vocant, quæ Græci

Lib. 4. de hist.

cap. 1.

Lib. 9. cap. 28.


μαλάκια, ἢ ἐκτος ἐχθρὸς *ὀστρακώδες*, ἐντος δ' *ὀστρεὸν*, καὶ ὁ περ καὶ τὰ *ἐναίμα*, quæ foris carne obduta intus solidum continent, quemadmodum sanguine prædita, ut sepia, loligo, polypus. Dicuntur etiam à Græcis *μαλαχόδερμα*, id est, molli cute contecta, cum quæ crustis intecta sunt, Aristot. sepiissime *ὀσθηρόδερμα* nominet. Idem manifestum est ex Galeno. Cur enim mollia dicantur, apertius exponens ait, *μαλάκια καλεῖται ὅτι μὴτε λεπιδὸς ἔχοντα, μὴτε ῥαχὺ, μὴτε ὀστρακώδες δ' ἔδερμα, μαλακὸν δὲ ὅτι ὥς ὡς ἀνθρώποις, ἐστὶ δ' αὐτὰ πολὺν πεδὺς τε καὶ σπλάγχνων τῶν ἰδίων, ὅτι τὰ ἄλλα τέτοις ὅμοιον. ἀπομένῳ μὲν οὖν μαλακὰ φαίνεται, διὰ δ' ὅτι μὴτε λεπιδόδον ἔχον, μὴτε ῥαχὺ, μὴτε ὀστρακώδες δ' ἔχοντα, καὶ ὀσθηρόδερμα δὲ ἐστὶ. Mollia vocantur, neque squamas, neque asperam, neque testaceam cutem habentia, sed mollem perinde ac in hominibus est, ut polypodes, sepie, loligines, & his similia, quæ tangenti quidem mollia videntur: quia neque squamas, neque asperum, neque testaceum tegumentum habeant, duræ autem sunt carnis. Verum dubitauerit aliquis, possint ne animalia aliqua sine sanguine viuere, cum bilis utraq; pituita, sanguis uiuen-*

Lib. 3. de fac. aliment.

tium animantium elementa esse videantur. Humorem quidem certè genus omne animantium continet, quo si aut natura, aut vi priuetur, intereat necesse est: habet etiã partē aliquā in qua humor is fiat, & contineatur, qualis est sanguis & vena, aut quæ his proportionē paria sunt. Quare is humor vel sanguis fuerit in iis quæ natura calidiora sunt, vel alius qui sanguini proportionē respondeat in iis quæ natura frigidiora sunt. Itaque rectè dicemus animalium alia sanguine prædita esse, cuiusmodi sunt homo, equus, deniq; omnia quæ perfecta aut pedibus carent, aut binis quaternisve gradiuntur. Alia sanguinis expertia veluti apes, vespæ, ex marinis sepia, locusta, denique omnia quæ pedibus pluribus quàm quaternis mouentur. Mollium omniũ partes ab Aristotele sic distinctæ sunt. *ὁ κύριος ἀδιδεχτός*, id est, aluius, siue alueus indiscretus Gaza interprete, cum pinnæ in orbem ambiunt. Sequitur *κεφαλή*, id est, caput, tum *οἱ πόδες*, id est, pedes siue pediculi, siue brachia, octona omnibus, binis acetabulorũ ordinibus ductu perpetuo omnibus, excepto genere vno polyporum. Eadem *πλεκεύς* etiam vocat Aristo. Gaza crura, barbas, cirrósque interpretatur. Habent igitur molles omnes caput inter ventrem & pedes situm. Cũ verò in reliquis animantibus parte priore posteriorèque vel in lateribus siti sunt pedes, cur hos mollia ante caput habeant, causam reddit Aristoteles, quod quæ partes in cæteris animantibus priores posteriorésque seiunctæ sunt, & summæ ac imæ, in mollibus & testaceis turbinatis eadem sunt, quia extrema coeunt & confunduntur. Intestinum enim quasi reflexa linea ad os reuoluitur.

Lib. 4. de hist.
animal. ca. 1.
& Lib. 4. de
part. anima.
cap. 9.

De Sepia.



CAPUT II.



ΗΠΙ' Α à Græcis vocata Latinum nomen non inuenit, ab Italis *sopi*, à nostris *sepia*, à Gallis *seche* dicitur. Piscis est marinus, litoralis, aliquando ad duorum cubitorum magnitudinē accedens, tenui sed satis firmacute coniectus, foris carnoso corpore, intus quid solidum

lidum, quod σήπιον vocat Aristoteles, continente. Athenæus veluti ^{lib. 7.} Aristotelem interpretatus, ὀστρακὴν ἐν τῷ νότῳ, Columella sepia re- ^{lib. 6.} fectum appellat. Capiti affixos habet pedes octo, cæterorum mollium modo, rotundos, crassiores initio: deinde paulatim gracilescentes, omnes interiore in parte *δυσκίλους*, id est, duplici acetabulorum ordine, quibus cedentia comprehendat, & comprehensa firmiter premat, retineatque instar medicarum cucurbitularum. Iisdem pedibus siue brachiis natat, cibosque ori, iuxta quod sita sunt, ad- mouet. Præter hæc duas promuscides quas Aristoteles *πρόσχειδας* vocat, longiores pedibus, tenuiores, rotundas, vbiq; læues præter- quàm in extremo, utroque binis acetabulis aspero, quibus sepia ca- piunt, orique è longinquo cibos admouent, iis etiam, quoties tempe- states vrgent, ad saxa aliqua adhærentes se veluti ancoris stabiliunt. In pedum promuscidumque medio veluti in centro rostrum & os sepia situm est, duabus cartilaginibus duris altera superiore, alte- ra inferiore constans, colore & figura auium carniuarum vel psitaci rostro planè simile. Neque me latet Aristotelem dentes ap- ^{Tib. 4. de par- ti. anim. ca. 9.} pellasse, cum de mollibus ita scribit. *Ἐκὸς δ' ἔχει τὸ τε τῷ στόματι καὶ τοῖς ὀφθαλμοῖς ὅν, καὶ τὰς πόδας ἐμπροσθεν περιτλύνει κεφαλῇ, ἕως μὲν τῶν ὀφθαλμῶν, περὶ δὲ τὸ στόμα, καὶ τὰς ὀδόντας.* Quæ sic conuertit Ga- za. Habent hæc foris alueum corporis indiscretum, & pedes parti priori iunctos circa caput, infra oculos, circa os & dentes. Ex qua interpretatione perspicuum est Gazam non legisse *ἕως τῶν ὀφθαλμῶν*, sed *ὑποχέλων τῶν ὀφθαλμῶν*, vel quid simile, cui lectioni *ἀποφύλα* ipsa adstipulatur: nam infra oculos, & circa caput, osque sepia, pedes cum promuscidibus sitos esse cernis. Sed ad rem reuertamur. Vides hîc os dentisque sepia nominari cum rostrum sit dun- taxat, & os quod nulli rei aptius quàm ad unco rostro carniuora- rum auium, vt dixi, comparari potest, ex partibus duabus compo- sito, altera inferiore, altera superiore, commissura pyxidata, ita vt inferior intret. Dentes ibidem nulli nisi rostri siue oris partes den- tes appellet, sed cum mobiles sint neque firmè innitantur ad la- niandam vel retinendam prædam, non satis propriè dentes vocari posse puto, sed τὸ *ρύγχος* potiùs vel *στόμα*, id est, rostrum vel os. Quod autem oris vel dentium nomine, quas dixi rostri partes intellexerit Aristoteles, satis ipse declarat, quum de mollibus vniuersè loquitur ^{lib. 4. de Hist. anim. cap. 1.} hoc modo. *Μετὰ δὲ τὰς πόδας ἡ κεφαλὴ ἐστὶ, ἀπώμωτον ἐν μέσῳ τῶν ποδῶν τῶν, καὶ ἐκ μέρους περιελανῶν. ταύτης δὲ τὸ μῆκος εἰς στόμα, ἐν ᾧ εἰσὶ δύο ὀδόντες.* Caput o- mnibus inter brachia, eius pars oris habitus est, in quo dentes duo. Præterea autorem habeo Athenæum, qui de sepia hæc transcripsit ex ^{lib. 7.} Aristotele. *τὸ σηπίου Αἰσιόβελου φησὶ πόδας ἔχειν ὀκτώ, ὧν τὰς ὑποχέλων δύνει μεγέθους, προβασίδας δύο, καὶ μετ' αὐτῶν ἑξ ὀφθαλμοὺς, καὶ στόμα. ἔχει δὲ*

καὶ ὀδόντας δύο, τὸν μὲν ἄνω, ὃ ἡ γλῶσσα καὶ ὁ λεγόμενος ὀστρακὸν ἐν τῷ στόματι
 Sepiæ scripsit Aristoteles octo pedes esse, sub his duos maximos sci-
 licet promuscides duas. Inter hos habere oculos & os, atque dentes
 duos, alterum superiorem, alter um inferiorem, ac in dorso testam.
 Hæc Athenæus. Rostrum quod diximus membrana quadam crassa
 carnosaque veluti annulo vndique ambitur & firmatur, qua disru-
 pta rostri partes disiunguntur. Intus linguæ vice est caro fungosa.
 Oculi maiusculi sunt, inter hos cartilago est cerebri parum conti-

Lib. 4. de hist.
 anim. cap. 1.
 Lib. 11. cap. 37.

nens, ut rectè annotauit Aristoteles, & hunc secutus Plinius. Cere-
 brum omnia habent animalia quæ sanguinem. Aequè & in mari
 quæ mollia appellauimus, quamuis careant sanguine. Os œsopha-
 gus excipit, id est, gula, longa & angusta, quæ per μύτιν tendit ad in-
 gluiem. Est autem mutis in mollibus quæ visceribus carent, sub ore
 membrana humidum quid continens, cordi proportionem respon-
 dens quorundam sententia, quam paulò post expendemus. Gulam
 ergò sequitur ingluuiem ampla, & auium ingluuiei simillima, quæ

Lib. 2. de hist.
 animal. ca. 17.

πρόβολος dicitur. Est autem πρόβολος autem δέρμα καὶ γλῶσσα,
 καὶ μέγα, ἐν ᾧ ἡ σφοδρὴ πρώτη εἰς τὴν ἀσπίδα ἐστὶ. ἐστὶ ὃ ἀντὶ τοῦ μὲν ἀπὸ τῆς
 σφοδρῆς στενώτερος, ἐπὶ τῇ διρύτερος, ἢ ὃ καὶ πάλιν πρὸς τὴν γλῶσσαν λε-
 πτότερος, id est, πρόβολος est cutis in amplum sinuata, qua primum ci-
 bus ingestus continetur incoctus: hac parte qua iungitur gulæ an-
 gustior est, mox amplior, tum qua desinit in ventriculum: arctior ve-
 luti in gallo gallinaceo, palumbo, columbo, perdice. Gaza aliquan-
 do guttur, aliquando ingluuiem conuertit. Columella in auibus in-
 gluiem appellauit, de gallinis loquens. Nam si vacua non est inglu-
 uies cruditatem significat, abstinereque debent dum concoquant:
 Gallicè *la poche d'un oiseau*. Sepiæ igitur gulam sequitur ingluuiem, cui
 iungitur ventriculus tanquam omasum, figura similis τῇ ἐν τοῖς κήρυ-
 ξιν ἐλπί, id est, circumuolutionibus siue clauiculis earum concha-
 rum quæ à Græcis κήρυκες, à Latinis buccina dicuntur. A ventriculo
 intestinum tenue, gula crassius, partem superiorem repetens ad os fer-
 tur. Quæ verò ad superiora reuoluitur, vesica est siue membrana in

Lib. 2. de natu-
 ra Deorum.

qua humor niger quem Cicero atramentum appellat, continetur, cui
 intestinum subiicitur, cuius membranâ meatus vesicæ atramenti ob-
 ductus est, ut idē sit & atramenti & excrementi exitus per fistulā, quæ
 in supina est parte inter alueum & os, prope alueum latior, prope os
 angustior: hac effluit atramentum quod in sepia plurimum est, Græci
 θόλον appellant, cum accentu in vltima: Nam θόλος cum accentu in
 priore rotundā domū significat, in qua epulari consueuerant qui in

Lib. 2. cap. 23.

Pritanæo alebantur ἀπὸ τοῦ περιθεῖν à circuncurrendo. Dioscorides θο-

Lib. 9. cap. 29.

λὸν vocat τὸ μέλαν. Plinius atramentum mollibus pro sanguine esse
 tradit, sed bili potius proportionem respondere puto. Natura enim
 sanguinem

sanguinem vel quod pro sanguine est nutrimenti causa, veluti thesaurum diligenter seruat, minime autem in quolibet metu effundit. Præterea meatus nullus est venæ proportionē respondens, quo alendi corporis causa in vniuersum corpus distribuatur. Quare satius esse duxerim excrementum appellare, quod ab alimento secretum in vesica reponitur, quod que natura imminente periculo tuendi huiusmodi piscium generis causa abutitur. Atramentū vocatur ab atro colore, & θολός ἀπὸ τῆς θολῆσθαι, quod significat turbidum esse. Eo pro atramento scriptorio siue librario vti possumus: est enim niger glutinosusque humor. Persius.

Iam liber & bicolor positus membrana capillis,

Inq. manus: charta nodosaque venit arundo,

Tum querimur crassus calamo quod pendeat humor.

Nigra quod infusa vanescat sepia lymphæ.

Dilutas querimur geminat quod fistula guttas.

Eidem atramento tanta vis est, vt ex Anaxilao tradit Plinius, Lib. 3. c. 4. 10. vt eo in lucernas addito æthiopes videantur. Atramentum id quod in sepia plurimum est, non in ea parte quam μύτιν vocant, continetur, neque in ea est sententia Aristoteles, vt nonnulli existimant. Lib. 71 Athenæus citans Aristotelem ἐν τῇ μυτίδι ὁ θολός ἐστίν, ἀλλ' ὃ κεῖται παρ' αὐτοῦ δ' εἶμα, κύστεος βόπον ἔχει. Est in mytide atramentum, quæ ad os sita est, folliculi siue vesicæ modo. At qui Aristotelis sensa Lib. 4. de hisq. anim. cap. 12 diligentius inuestigarit, cum in diuersa fuisse sententia comperiet: σπλάγχνον δ' ἔδεν ἔχει τῶν μαλακίων, ἀλλ' ὡς καλεῖται μύτιν, καὶ ἐπὶ ταυτὴ θολόν. Viscera mollium nullis, sed habent quam mutin appellant, atrumq; illum humorem, cui nomen atramentum. Neque est quod quis ἐπὶ ταυτῇ in ea muti, scilicet, interpretetur, sequentia enim reclamant, & ἐπὶ ταυτῇ post hanc interpretari oportere docent. Ἡ μὲν οὖν μύτις κεῖται ὑπὸ δ' εἶμα, καὶ διὰ ταύτης τελεῖται ὁ εἶμαχος, ἢ δ' ἐν ἑτέρῳ ἀνατελεῖται, καὶ τῷ γενέσθαι ὁ θολός, καὶ τῷ αὐτῷ ὑμῖν ἔχει περιεχόμενον τὴν πόρον τῶν ἐντέρων. Mutis sub ore est, & per eam gula tendit, at verò atramentum infra continetur, quæ intestinum petere incipit superiora, foramenque suum eadem obuolutum habet membrana, qua intestinum. Quo fit vt Plutarchum grauissimum alioqui autorem demirer, qui de eodem sepia atramento à veritate magis aliena scripserit in libello, in quo differt, plus ne rationis insit aquatilibus bestiis quàm terrenis. ἔτι δὲ πολλὰν τῶν πρὸς ἀλάβηδιν, καὶ προφυλακίαν καὶ ἀποδράσιν ὄντων παρὰ διψήματα, σὺν ἀλγίῳ ἐστὶ δ' ἡ γαστρίας παρελθεῖν, τὴν γὰρ καλεσμένην κύστιν παρὰ τὴν βέλχινον ἔχει παλήρη ζοφερᾶς υγρότητος, ἣν θολὸν καλεῖται, ὅτ' αὖ καλεσμένην μεθίσιν ἔξω, τεχνωμένη τὴν θαλάττης διαβολωθείης ποιῆσαι περὶ αὐτῶν σῆτος, ὑπεκδυῖν δ' ἀποδράναι τὴν θηρόντος ὄψιν, ἀπομυμνήσκειν τὸς ὁμήρεος γεῖς κυανὴν νεφελὴν πολλάκις ὅτ' αὖ γαστρίαν θέλων ὑφαίρομενους

καὶ διακλέτοισι, id est, cū sint id genus cautionum, circumspectio-
 num, euasionūque exempla permulta, hoc vnum sepia praterire
 nullo modo possum. Vesiculam hæc (sic nominatur) collo depen-
 dentem habet atro liquore (atramentum vocant) plenam. Hunc ca-
 pta effundit obscurato circum mari, & tenebris affusis latitare fuge-
 réque venantis aciem struens, Homericos Deos imitata, quibus atra
 subinde nubecula hi quos seruatos volunt, belli discrimini subdu-
 cuntur, & clam eripiuntur. Sed quid tandiu in his immoramur? con-
 trouersiam istam statim diremerit interiorum sepia partium ana-
 tome, qua inspecta nullus est nisi planè cæcus, qui non sententiæ no-
 stræ facillè sit assensurus. Idem videbit mutin colore esse flauo, laxa
 fungosâque substantia, parenchyma potius quàm folliculum vel
 vesicam, quæ hepatis potius quàm cordi proportionem respondet, ut-
 pote cui consistentia similior sit, inferioréque loco sita quàm cor in
 aquatilibus bestiis situm esse soleat. Quod ut credam magis me im-
 pulit pars alia post cerebrum latitans, purpureo humore quem se-
 pia pro sanguine esse puto infecta. Hanc sepiis arbitror inesse loco
 cordis. In utroque latere sepia particulas quasdam habet, quas ex
 minutioribus auium plumis compositas esse dixeris, Capillamenta
 Lib. 4. de Hist. animal. ca. 12. *ἐν τῷ σάμγι*, id est, capillamenta etiam quædam in corpore omnium
 habentur. Idem meo quidem iudicio eorum est usus qui branchia-
 rum in reliquis piscibus. Huiusmodi sunt branchiæ in cancris &
 aliis crustatis. Fistula est in ventre simplex mari, fœminæ duplex.
 Hæc de sepia partibus tum internis, tum externis, in quibus multa
 sunt sepia cum cæteris mollibus communia. Nunc de actionibus
 moribusque. Sepia coeunt, ut reliqua mollia os ori admoventes
 Lib. 6. de hist. anim. cap. 6. complexuque mutuo brachiorum, ut scribit Aristoteles. Pariunt
 verò, inquit, ea corporis parte quæ fistula dicitur, qua & coire eas
 Lib. 2. cap. 75. nonnulli arbitrantur. Plinius. Sepia & loligines linguis coeunt
 complectentes inter se brachia, & in contrarium nantes. Et pariunt
 ore. Ego sepias ut fistula coire, ita fistula parere existimo. Pariunt
 autem iuxta terram inter algas & arundines, etsi quod aggestum
 tale iniectum sit, ut sarmenta, aut lapides, aut quælibet alia mate-
 riei congeries. Et piscatores quidam de industria fascies sarmento-
 rum disponunt. Hæ perlibenter in illis loculamentis pariunt pro-
 lixam illam continentemque seriem ouorum qualis cirri muliebris
 species est. Enituntur alium per interualla reprimentes, asper-
 guntque atramentum, interposita quiete, utpote cum non nisi cum
 labore emittant. Mas oua edita persecutus iis semen suum asper-
 git. De ouis proximo capite plura dicemus. Sepia vere parit, & o-
 mnibus anni temporibus, perseueratque in edendis ouis dies quin-
 decim.

decim. Hæc Aristoteles. Ex quo liquet in contextum Athenæi eadem citantis negationem malè irrepsisse. Τῶν δὲ μελακίων τινὲς αὖτε τῶν τῶ ἐάρος αἱ (σηπία, καὶ ἡ κύστις πῶς αὖτε ὄραται, καὶ κύστις) ὥντε δὲ δέχεται ἡμέρας. Expungenda igitur particula ἡ. Idem confirmat Plinius, qui sepiam omnibus mensibus parere scripsit libro nono. Sepia pedibus & pinnis natat. Atramentum in metu effundit. Athe-
næus. Διακρινόμεναι τὴν (σηπία ἢ θολὸν ἀφίησι, καὶ ἐν αὐτῷ κρύπτει), ἐμφήνα-
ται φύσιν εἰς τὴν ποσότητα. Δέεται δὲ ὡς καὶ θηροφύγῃς τὴν θηλείας τειρόμενοι οἱ ἄρρενες ἐπαρρηγοῦσι ἀνθρώποις ἀλλήλων. ἂν δὲ οἱ ἄρρενες ἀλλήλους αἱ θήλειαι φύ-
γῃσι. Plinius. Sepiæ vbi sensere se apprehendi effuso atramento
quod pro sanguine iis est, infusata aqua absconduntur. Mares per-
cussæ fœminæ tridente auxiliantur, at fœmina iusto mare fugit. De
mare fœminam adiuvante eadem Aristoteles LIB. IX. de Historia
animalium. Item de eiusdem astu. Mollium astutissima est sepia,
sola hæc suo vititur atramento non modò quum metuit, verum
etiam abscondendi & occultandi sui causa, & cum progressa paulu-
lum se ostenderit, redit in atramentum. Venatur etiam suis illis
prælongis promuscidibus non solum pisciculos, sed etiam sæpius
mugiles. Hos & alios magnos pisces brachiis & acetabulis retinent
sepia morsibusque dilaniant, ac per particulas deuorant, quia sunt
ore paruo. Sepia dolos in capiendis piscibus eleganter exprimit
Oppianus. Callida sepia, inquit, furtim prædam venatur, ex capite
enim enatis ramis prælongis veluti cirris pisces tanquam lineis ca-
pit, iisdem, in fluctibus & tempestatibus ad saxa adhæret, quemad-
modum nauis rudentibus ad litorales scopulos alligata.

Lib. 5. de hist.
animal. ca. 12.
Lib. 7.

Cap. 15.

Libro 7.

Lib. 9. cap. 29.

Cap. 1.
Lib. 9. de hist.
anim. ca. 37.

Lib. 1. ἀλιον
τις

Καὶ μὲν δὴ δολομένης ἐπὶ κλοπῇ ὄρατο θήρην.
Σηπία, ἐκ δὲ ἄρα οἱ κεφαλῆς πεφύλασιν ἀραοί
Ἀκρέμενες, ὥστε πλόχῃ οἷσι καὶ αὐτῇ
ὥστε περ ὀρμυῇ ἐφέλκεται ἰχθύας ἀγρη,
Πιρηνὴς ἐν ψαμάθοισιν ὑπὸ ὀστράκῳ ἐλυθείτω.
Κεῖναις δὲ πλοκαμυῇσι τὴν ἡνίκα κύματα θόβη
Χεῖμασι, περὶ δὲ ἀντιχέει, ἥντε ὡς ναῦς
Πείσματ' ἐπακταῖσιν ἀναψαμένη πηλὰ δέοσι.

Sepia & loligini breue vitæ tempus. Nam exceptis paucis bi-
matum non complent. Sepia mas magis varius est, quàm fœmina,
dorsoque est nigriore, ac partes omnes asperiores habet quàm fœ-
mina, & lineas varias caudamque acutiorem. Differunt etiam astu-
tia, vt antè dictum est. Præterea fœmina intestina habet duo, veluti
mammas quibus mas caret. Elix sepia vt Diophilo placet, tenera
est, ori grata, concoctu excretuque facilis, eius succus sanguinem
attenuat, atque excretionem per hæmorrhoidas ciet. Dioscorides.

Lib. 1. lib. 8.

Lib. 2. cap. 27.

*Lib. 3. de fac.
aliment.*

Sepiæ coctæ dum estur atramentum agrè concoquitur, aluum mollit. Galenus verissimè omnium scripsit sepiæ & mollium omnium carnem duram esse, concoctu difficilem quæ parum salsi succi habeat. Cæterùm si concoquatur multum alimenti corpori præstare. Crudi verò succi copiam omnia hæc acervant. Sepia molliâque omnia grauida meliora sunt. Sepiarum carnes deustas,

*Lib. 4. de hist.
animal. cap. 8.*

odoris gratia escam hamis affigebant piscatores teste Aristotele: ita enim fiebat vt pisces avidius accederent, quod certissimum est piscium odoratus argumentum. Sepium magni in medicina vsus est, viribus simile ostreorum testis, sed partium magis tenuium: quare exsiccatur & detergit. Eius cinis medetur lentigini. Idem carnes excrecentes tollit, & humida vlcera. Additur collyriis ad palpebrarum scabritiam. Expurgat vitiligines, furfures, dentes, & vitia cutis

*Lib. 11. de facul.
cul. sim. med.*

in facie. Vstum sepium, inquit Galenus, sali fossili admistum vngues oculorum eliquat.

De Sepiarum ouis.



CAPUT III.



SEORSVM hîc sepiarum oua qualia à mari reiciuntur, depingenda curauimus, vt melius intelligant, & agnoscant studiosi, quæ de his ab Aristotele literis prodita sunt. Nostri racemum marinum vocant à similitudine racemi vix vitis, quem ab vna Plinij multùm differre existimo. Est enim Plinij vua florenti vix similis, vt suo loco declarabimus. hîc oua sunt duntaxat floren

Lib. 9. cap. 2.

florenti vix nullo modo similia. De quibus hæc Aristoteles. Sepiæ Lib. 5. de hist. anim. cap. 18.
 oua edunt similia myrti baccis magnis & nigris: atramentum enim
 superfundunt, cohærent inter se omnia ad speciem racemi vni cui-
 dam nexui obducta, nec facile alterum ab altero detrahi potest: mas
 enim humorem quendam emittit, cuius lentore sibi adhærescunt, &
 augetur: Cum primum edita candida sunt, atque exigua, mox atra-
 mento perfusa, nigra maioræque redduntur. Cumque sepiola iam
 intus constiterit, videlicet tota ex candido oui interno conrescens,
 tum rupta oui membranula proles exit. Primum pars illa interior
 candida, veluti grando consistit, cum fœmina atramentum suum
 asperferit. Nascitur enim sepiola ex corpore candicante corpusculo
 versa in caput, modo auium ventre annexo. Sed qualis nam sit in his
 annexus umbilici nondum exploratum habemus. Constat tamen
 candidum illud subinde diminui, dum sepiola augetur: & postremo
 ut luteum auibus, sic candidum his aboleri. E singulis sepiarum ouis
 sepiæ singulæ nascuntur. Et alio in loco. Sepiæ alueus bipartitus est, Lib. 4. de Hist. anim. cap. 1.
 oua albicantia grandini similia multa complectens. Rursus alius
 Aristotelis locus minimè omittendus est, de iisdem ouis L I B. V. de Cap. 12.
 Historia animalium. Ὅταν δὲ ἡ σήπια ἐπιέκηται ὡς ὁ ἄρρω παρὰ
 χαλκῶν χαλκῶσιν, ὅ γὰρ ὁ γένεσις σιφρά. Quem locum Gaza sic ver-
 tit, non satis rectè meo quidem iudicio. Quoties sepiæ oua ediderit,
 mas euestigio sequens atramentum ouis superinfundit, atque ita ef-
 ficitur, ut solidescant. Cuius malæ conuersionis occasionem dedit di-
 ctio temere adiecta ὅ γὰρ post χαλκῶσιν: quam delendam esse
 conuincit Plinius L I B. I X. qui Aristotelis locum sic interpretatus Cap. 51.
 est. Oua sepiæ glutino atramenti ad speciem vix cohærentia ma-
 sculus persequitur afflatu, aliàs sterilefcunt. Vides hîc Plinium pro
 χαλκῶσιν persequi afflatu reddidisse. His accedit Athenæi autoritas
 locum Aristotelis citantis. Ὅταν ὁ τέκων σήπιαται ὡς ὁ ἄρρω παρὰ
 χαλκῶν χαλκῶσιν, καὶ σιφρά. Vides hîc τὸ θολὸν mentionem nullam
 factam. Postremo nō mas sed fœmina, ut prius ex Aristotele perspi-
 cuum fuit, ouis atramentum aspergit. Hæc quæ exhibemus sepiarum
 oua esse ab Aristotele descripta aspectus ipse docet. Sunt enim
 racematim compacta, tanquam à pediculo dependentia, oblonga,
 initio baccæ myrti, tandem auellanae nūcis magnitudine, folliculo,
 vel membranula contexta, cohærentia foris affuso atramento nigra
 intus alba. Quæ ibi continentur, oculorum humoribus similia sunt.
 Primum enim aqueus & tenuis humor effluit, mox alius priore cras-
 sior, tertius veluti crystallinus. Cæterorum mollium oua his similia
 magna ex parte esse existimo. In litus recens eieccta à quibusdam e-
 duntur frixa in sartagine. Vrinam mouent, renum pituitas extra-
 hunt, ac proinde renes expurgant.

De Loligine magna.



CAPVT IIII.

Lib. 4. de hist.
anim. cap. 1.

Lib. 7.

Lib. 4. de hist.
anim. cap. 1.

Ibidem.

Lib. 4. de part.
anim. cap. 9.

PRIVSQAM ad loliginum historiam veniamus, de nominibus τευθίς καὶ τευθός aliquid dicendum ne nominum varietas rerum cognitioni obstare possit. Aristoteles τευθίδα καὶ τευθὸν magnitudine differre scripsit, vt τευθοί maiores sint, τευθίδες minores. Sunt hac eius verba, τῶν τευθίδων οἱ τευθοὶ καλεόμενοι ἐπιπολὺ μείζους, γίγνεται γὰρ καὶ πέντε πηχέων τὸ μέγεθος. Teuthidibus multò maiores sunt teuthi, quippe qui in cubita quinque excreſcant. Athenæus ex Aristotele cùm de teuthide dixisset subdidit ὅ ὅ τευθος μόνον τέλει διαφέρει τῷ μεγέθει, γίνεσθαι δὲ καὶ τριῶν πηθαμῶν. A teuthide magnitudine sola teuthus differt, accreſcit autem ad tres palmos maiores. Veruntamen parui etiam sunt teuthi. Aristoteles. ἔστι δὲ τὸ γένος ὀλίγων τῶν τευθῶν. Est etiam paruum teuthorum genus. Vides hîc τῶν τευθίδων καὶ τῶν τευθῶν in magnitudine discrimen. Præterea τῶν τευθῶν alios magnos, alios paruos esse. Iam verò figura etiam differre τὰς ἰδουίδας καὶ τὰς τευθίδας docet idem Aristot. διαφέρεισαι δὲ καὶ σχήματι τῶν τευθίδων οἱ τευθ. ἰ. πλατύτερον γὰρ ἔστι δὲ τῶν τευθῶν, ἔστι δὲ τῷ κύκλῳ περιγύρα περὶ ἅπαν ἔστι δὲ κύτος, τῇδε τευθίδι ἐλασσον. ἔστι δὲ πελάγιον ὥστερ ἡ τευθίς. Figura à teuthidibus dissident teuthi, pars enim teuthorum quæ exit in acutum latior est. Præterea pinulæ totam aluum ambiunt, quæ in teuthide sunt minores. Pelagius verò est teuthus, veluti & teuthis. Et alio in loco Aristot. de mollibus loquens. περιγύραν δ' ἔχει τῶν τευθῶν κύκλῳ περὶ δὲ κύτος. τὸ τοιοῦτον μὲν τῶν ἄλλων συναπιθυρόν καὶ συνεχέει ἔστι, καὶ ἐπὶ ἰσὺν μεγάλων ἰδουίδων, αἰθερὶ ἐλάττω, καὶ καλεόμεναι ἰδουίδες πλατύτερον ἢ ἰσὺς ἔχει, καὶ ἔσενον, ὥστερ αἱ ὀστρεῖαι, καὶ οἱ πολύποδες, καὶ τὸ τοιοῦτον ἀπὸ μέσας ἡργόμενοι, καὶ ὁ κύκλῳ διὰ πηλὸς. Pinnam habent omnia hæc aluum ambientem, quæ quidem in aliis iuncta continuâque est, atque etiam in magnis teuthis: minores autem quæ teuthides nominantur, latiore habent, & non angustam veluti habent sepia & polypi, non totam aluum ambientem, sed à medio initium sumentē. Rursus hîc habes teuthos magnos, vt à paruis discer

discernantur, & teuthidas paruas, earumque à teuthis differentiam. His declaratis, quibus nominibus τευθίδα καὶ τευθίδων veteres Latini expresserint, inquirendum. Gaza τευθὶς lolios, τευθίδας loligines interpretatus est. At lolij vocabulo nullus veterum Latinorum, quod sciam, usus est. Ideo nomē hoc à Gaza factū fuisse perspicuitatis gratia iudico. Etenim si eodē, loliginis scilicet nomine τευθίδα καὶ τευθίδων expressisset, incertam obscuramque interpretationem reddidisset. Plin. quem τευθὶν vocavit Aristot. loliginem Latine dixit. Quæ enim Aristot. τευθὶν dixit γίνονται γὰρ ἔκ τινος πυχέων δὲ μέγεθος, γίνονται δὲ καὶ ἡρώϊαι δυπήχες, Plin. sic conuertit. In nostro mari loligines quinum cubitum capiuntur, sepię binum. Alibi quas Aristoteles τευθίδας dixit, Plinius etiam loligines interpretatus est αἱ δὲ ἡρώϊαι ἔκ τινος τευθίδος νέες αἱ αἰμα. Συμπεπλεγμένα, ἔκ τομαζα καὶ ἔκ τινος παλεζένας ἐφαρμότῃσιν, καὶ ἀντικρὺ ἀνὰ τοὺς νέους ἐναρτῶν. Plin. Sepiæ & loligines coeunt linguis componentes inter se brachia, & in contrarium nantes. Ex quibus efficitur, ut interim maculam vnam deleamus, pro νέες legendum esse ὀχλὺς, vel ὀχλόντα. Idē confirmat ipse contextus & Gazæ interpretatio. His addam ex Athenæo mollia omnia ἔκ τευθώδη nominata fuisse, μεγάκτια, inquit, καλέται ἔκ τευθώδη. Quare cum Plin. & veteres alij loliginē dixerint, eodem nomine semper utemur. Dicemusq; aliam loliginem esse magnam, aliam parvam, illudque inter has discrimen esse quod Aristot. explicauit. Loligo igitur magna, quæ τευθὶς rectè dicitur, ea est quæ calamari nostri vocant, à thecæ scriptoriæ similitudine, siue quod in ea reperiantur, quæ ad scribendum necessaria sunt, videlicet atramentum & gladiolus, qui altera parte cultrum, altera calamum siue pennam refert, minimè verò ossicula duo ut quidā impudenter contra ἀποφῆαν scripserunt, quorū alter cultri, alter calami loco sit. Prouinciales tothena corrupto nomine pro teutho vocāt. Baionenses cornetz & corniches magnam loliginē à parua distinguentes. Piscis est pelagius, gregalis, ex mollium genere, pedibus, promuscidibus, capite, oculis, ore, lingua, fistula, partibus internis quibusdā, coeundi modo, sepiæ similis. His verò dissidet. Corpore est longiore, rotundiore, in acutum desinente. Sepia breuior est & latior, duriorq; carne. Sepiæ os internum in prona parte sitū quod sepium vocatur, robustum, latum, media natura inter os & spinam, friabile quid & fungosum continens. Loliginis δὲ ἔλφος, id est, gladius, tenuis est, angustus cartilagineus, pellucidus. Promuscis dextra crassior. Atramentū nigrum non infra ut in sepiā, sed prope mutin. Pinnulæ latiores sunt quàm in sepiā, nō totam aluum ambientes, & in angulū acutū in lateribus desinētes. Loligo mas à fœmina differt, quod intus meatus duos habeat, quibus mas caret, sicuti in sepiis euenit. Quamobrē errant qui loliginem fœminam esse putant, lolium verò à Gaza nominatum, marē, cum etiā in lolio differētia maris & fœminæ modo dicta reperiatur.

Lib. 9. cap. 30.

Lib. 5. de Hist. animal. ca. 6.

Lib. 9. cap. 31.

Lib. 7.

Lib. 3. αλιων
πικρων.


Præter atramentum, succum quandam purpurascens continet, unde subpurpureas loligines coctas reddi puto. Hunc succum loliginem in metu effundere, ut se seruet, scripsit Oppianus quemadmodum à sepia atramentum, negatque loligini atramentum esse.

Τῶς δὲ ἡ τεχνάσις καὶ ἡρόδοτος γένεσθαι
τῶθιότις, ὅδ' ἄρα τῆς μέλας θολός, ἀλλ' ὑπερυθρός
ἐνέφεσται, μήτε δ' πανεὶκελον ἐντυνόνται.

Li. 4. de hist.
cap. 1.

Hac in re ab Aristot. dissentit Oppia. Aristot. enim autor est mollia omnia visceribus carere, sed mutin habere & atramentum, quod omnia in metu effundunt. Parit loligo oua connexa sepiarum modo, non in litore ut sepia, sed in alto, quam ob causam rarius oua loliginum quam sepiarum inueniuntur. Promuscidibus cibum capit orique admouet sepiarum more. neque huic, neque sepia bimatu vita longior. Habetur hodie inter delicatos & bonos cibos. Sed de carnis substantia & præparatione proximè dicitur.

De Loligine parua.



CAPUT V.



LOLIGO parua ea est quæ à Gallis præsertim Santonibus *casseron* dicitur, à nostris *glaugio*, corrupta voce, opinor, ex gladiolo. quanquam Monspelienses nostri *calamar* & *glaugio* sæpe confundant. Alij magnitudine distinguunt. τῶς est Aristotelis: nūquam enim in magnitudinē accrescit. Pinna lata inferiore loco oritur quam in loligine magna, quam τῶθιότι appellauimus cum Aristotele. præterea extremum acutius est, gladiolus etiam ipse acutior, quibus notis τῶθιότι à τῶθιότι secreuit Aristoteles. Alioqui pediculorum numero, promuscidibus, oculis, capite, corporis forma, gladioli substantia, atramento, denique partibus omnibus tum internis, tum externis persimiles sunt. Mollitie & teneritudine carnis præstant loligines parua, magisque à nostris commendantur. Hæc Athenæus de teuthi

Libro 7.

theutide ex Aristotele. Ἀριστοτέλης εἶναι φησὶ καὶ τούτῳ τῶν συναναγελα-
 ζομένων, ἔχον τε πλείους τ' σπείας, τ' τῶν ποδῶν ἄλγιστον, ὥς ἀροβοσκίδας. Τῶν
 δ' αὖ τούτης ποδῶν, οἱ μὲν ἁπλῶς μικροὶ εἰσὶ, οἱ δ' ἄνω μέγας, καὶ τῶν ἀροβοσκι-
 δων ἡ δεξιά παχύτερα, καὶ δ' ὅλον σώματιον βυβρόν, καὶ ὑπομυκτέρον. ἔχον
 δ' καὶ θολὸν ἐν τῇ κύψῃ ἢ μέλαινα ἀπὸ ὠχρῶν, καὶ δ' ὑπεραχρὸν μικρὸν λίαν, καὶ
 χονδρῶδες. Id est Aristoteles scribit loliginem parvam ex gregalibus ef-
 se, in plurimis sœpiæ similem, maximè pedū numero, promuscidibus.
 Pedum autem alij minores, qui inferiores, alij maiores, qui superiores
 sunt. Ex promuscidibus dextra crassior. Huius corpusculum tenerum
 longiusculum. Habet autem in vesica humorem non nigrum, sed pal-
 lidum, testam parvam admodum & cartilagineam. Quæ omnia per-
 appositè quadrant, & ex Aristotelis sententiâ dicta sunt, præter illud
 quod de atramento dicit: negat enim nigrum humorem Teuthidi
 inesse, cū Aristoteles mollibus omnibus τ' θολὸν tribuat, id est, atramen-
 tum quod in metu effundūt, vt eo infuscata aqua abscondatur. Qua-
 re quū Athenæus atramenti vice humorem pallidum loliginibus inef-
 se scribit, mutim quæ pallido vel subflauo humore suffusa est, pro hu-
 moris huius folliculo siue vesica vsurpauit. Atrū loliginis humorem
 μελαφοεικῶς pro liuore hominis attri, id est, maleuoli posuit Horatius.

Hic nigræ succus loliginis, hæc est

Aerugo mera.

Vbi Porphirio ex loliginis succo liuorem mentis vult intelligi, ex
 ærugine venenum. Loligines parvæ ob mollitiem à multis carniuo-
 ris piscibus expetuntur, maximè à lupis marinis, sed volatu vitæ suæ
 consulunt, teste Oppiano.

Ἡραδ' αὖ τέμνε(, καὶ εἰναλοῖ περ ἐόντες

Ταυθίδες, ἱρύκων τε γένος, βυθίητε χελιδών.

Οἷδ' ὅτε ταρβήσωσιν ὑπερτερον ἔχοντες ἰχθύν

Ἐξ ἁλὸς ἀνθρώσκου(, καὶ ἥελοι ποττεύ(,

Quamquam etiam sine metu & citra periculum loligines extra
 aquam volitantes sese efferant, tanta multitudine aliquando vt nau-
 gia demergant, inquit ex Trebio nigro Plinius, quod omnino incredi-
 bile non est. nam loligines plurimæ mutuo sese complexæ natant, qua
 de causa euenit vt multæ simul capiantur. Plutarchi interpretes ταυθίδας
 gladiolos interpretatur, non satis rectè, cū longè alius sit piscis qui
 à Latinis gladius, à Græcis ξίφας dicatur. Minimè silentio prætereun-
 dum perelegans Themistoclis in cretientes scomma, quo eos timidi-
 tatis & ignauix notans loliginibus similes esse dixit, & μάχαρον μὲν
 ἔχον, καρδίαν δὲ σὺν ἔχον, id est habere quidem gladium, cor verò non
 habere. Vilem hunc fuisse pisciculum præsertim Athenis indicat pro-
 uerbium inde sumptum, vt qui ita inopia premeretur, vt ei vilissima
 quæque corroganda essent, etiam teuthide egere diceretur. Aristo-

Lib. i. sermo:
[ay. 4.

Lib. i. ἀλυσ-
τικῶν.

Lib. 35. cap. 2.

Libr. 7.

phanes in comœdia cui titulus ἀχαρνῆς. ὃν ἔτ' ἰδόμεν τῷ θύδῳ δεόμενον, id est, quem etiam videam teuthide egentem. Contra hoc tempore loligines parvæ à diuitibus, & à gulæ proceribus maximè appetuntur, & magnopere commendantur, præsertim à perito coquo apparatus. Sunt autem cum atramento suo coquendæ, & oleo siue butyro, pipere, omphacio condiendæ. Alij farina consperfas cum oleo vel butyro in sartagine frigunt. Sed mihi duriuscula carne ac proinde difficilioris concoctionis esse videntur; maximè si paulò grandiores sint. Alexis citante Athenæo, in Eretrico coquum exponentem facit, quonam pacto ex loligine placentæ, siue libi, siue farciminis genus fieret, scilicet abscissis pinnis, infarcta pinguedine, & aspersis recentioribus & delicatioribus aromatis. Atque id farcimen etiam τῷ θύδῳ appellatum fuisse scripsit Pamphilus.

De Polypis.

CAPUT VI.



Lib. 4. de hist. animal. ca. 1.

Lib. 9. ca. 29.

Lib. 4. de hist. cap. 1.

ΠΟΛΥΨΟΝ Et accusandi causa πολύποδα καὶ πολύπουα dixerunt Græci à pedum multitudine. Unde illi quoque qui Græciam nunc incolunt ὀδύποδα vocant. Nostri per syncopen *poulpe*, Galli *poulpe*. Polyporum plura sunt genera. Vnum genus est eorum qui cæteris maiores sunt & notiores, cuius generis duæ sunt differentia à loco sumptæ, alij enim pelagici sunt & alij πρὸς γῆν id est, litorales, quos Plinius terrenos vocavit, hi multò maiores sunt pelagicis. Alterum genus est eorum qui parvi sunt, varij cibo inepti. Tertium genus ἐλεδώνιν vocant, à cæteris pedum prolixitate differt, & acetabulorum ordine quem simplicem habent, cum cætera mollia duplicem habeant, id genus alij βολιτάινον, alij ὄζολιν vocant, inquit Aristoteles, Plinius ozænam, alij ὀσμουλον. His tribus generibus adiungit Aristoteles alia duo in ostreis siue conchis condita, prioris generis polypum ναυτίλον siue ναυτικὸν vocat, nunnulli polypi ouum, Plinius pompilum, alterius generis is est qui testa contectus eam nunquam deserit cochlearum more, sed brachia tantum interdum exerit. Hæc sunt polyporum genera ex Aristotele, in quibus distribuendis existimaverit aliquis nos perperâ duo in vnicum redegisse, scilicet ἐλεδώνιν καὶ βολιτάινον siue ὄζολιν quæ videatur Aristoteles separasse ἐστὶ ὃ γένη πολέω πολύποδων, ἐν μὲν δ' ὁ μέγιστον ὀσμουλον, εἰς δ' ὃ πολὺν μέγιστον οἱ πρὸς γῆν τῶν πελαγίων. εἰς δ' ὃ ἄλλοι μικροὶ πικίλοι, οἱ δὲ ἐπὶ τῇ γῇ. ἄλλα τε δύο, ἢ τε καλῶς μὲν ἐλεδώνιν, μή κ' διαφέρῃ τῷ τῶν ποδῶν, καὶ τῷ μενοειδὲς εἶναι μόνον τῶν μελακίων, ὅτι γὰρ ἄλλα πάντα διὰ τὴν ἐξ

ἔστι, καὶ τὴν καλῶς οἱ μὲν βολεῖσθαι, οἱ δὲ ὀζολῶν. Quibus subscribit Gazæ interpretatio. Polyporum genera plura sunt: est enim quod & conspicius & maximum est, cuius terreni maiores quàm pelagici sunt. Et quod corpore exiguo variòque est cibo ineptū. Et quodeledonam vocāt, crurum prolixitate diuersum: & quod vnum ex mollium numero simplicem acetabulorum ordinem agat: cætera nanque omnia duplici calculantur. Adhæc quod alij bolitenam alij ossolem appellant. At rei ipsius veritas paulò aliter quàm Aristoteles polyporum genera partiri nos coëgit. Cùm enim eundem semper polypum viderim & odore esse graui & longissima brachia habere, simplicem quæ acetabulorum ordinem non potui non existimare bolitanam siue ozolin siue ozænam ab odore nominatum &eledonam eundem esse polypum. Octona brachia sunt polypis, πελκεῖνας vocat Aristoteles, quibus vt pedibus ac manibus vtuntur, proboscibus carent, quibus à sepia loliginéque disiunguntur, sed harum defectum natura pedum ad eisdem vsus commodorum longitudine pensauit. Caput iis est inter pedes & aluum vt reliquis mollibus, at ab iisdem eo dissident, quod paruam aluum, crura prælonga, contrà cætera ampliorum aluum, crura breuia habeant, ita vt potestas nulla sit ingrediendi. Hæc pinnis natant, in illis nullæ cernuntur. Rostro, partibus internis, gula, ventriculo, intestino, muti, sepiis & loliginibus non dissimilis. Supra ventriculum vesiculam habent, & in ea atramentum autore etiam Aristotole, sed non ita nigrum vt in sepiis & loliginibus, verum purpurascens. vesiculam hanc μύκωνα vocat Athenæus è qua atramentum per fistulam effundit ante aluum sitam. Certum est polypos eodem modo quo sepiæ ac loligines coire, nimirum ore ori admoto & mutuo brachiorum complexu. Polyporum igitur alter capite in terram verso nitibundòq; explicat porrigitq; brachia, tum alter superuenit, passisque brachiis singulis ad singula subiecti, iunctisque acetabulis adhærescit. Alij marem aiunt, in brachio vno quod pendendi speciem referat habere, in quo duo sunt acetabula maxima, neruo id quasi cōstare porrectum ad medium vsq; brachium, totumque in fœminæ narem inferi. sed hæc somnia esse anatome certo demonstrat. Mihi sæpius polypos dissecanti, nunquam visa sunt acetabula ista maiora in vno brachio quàm in alio, præterquàm primo & maximo polyporum genere in quo non duo in vno brachio sed quatuor in quatuor brachijs acetabula præ cæteris omnibus maxima comperias, in alijs generibus minimè. Quòd si semen hæc emitteretur, necesse foret, meatum aliquem ab internis partibus huc deductum fœminam quoque eodem meatu semen excipere ouaque edere, quæ fieri

*lib. 4. de hist.
cap. 1. libr. 9.
cap. 37.
libro. 7.*

Lib. 5. de hist.
cap. 6.
Libro. 7.

non posse, fatebuntur omnes qui polypos viderunt, & ouorum in inferiori alui loco situs necessario conuincit alio quàm brachij acetabulo oua edi: Quocirca vera mihi videtur eorum sententia, qui fistula parere affirmavit. In qua opinione fuit Aristoteles de mollibus omnibus loquens. Pariūt, inquit, ea corporis sui parte quæ fistula dicitur, & eum secutus Athenæus ὁ χέλις διὲ συμπαλεχόμενος, καὶ πολὺν χρόνον παλίσαι, διὰ τὸ ἀμαμὸς εἶναι. τίς τε δὲ διὰ τὸ λεγόμενος φυσήτης, ὃς ἐστὶ πόρος τοῦ σώματος, καὶ ἵκτερ ὡς βορυσδὼν. Polypi sese complexi longo tempore coitum absoluunt, quia sanguinis sunt expertes: pariunt autem fistula, qui meatus est in corpore, oua racematim. Hyeme coeunt, vere pariunt in cubilibus, vel fictili vel in aliquo alio cauo oua similia labruscæ florentis racemulis aut fructui populi albæ, mira fecunditate, quibus ruptis, maximè diebus quinquaginta post, polypi paruuli erumpunt phalangiorum modo, quorum forma tota manifesta quidem est, sed nondum membra singula perspicuè distincta sunt, nonnulli que adeo parui, vt nulla partium constent distinctione, sed ad contactum moti agnoscantur, magna pars propter imbecillitatem & paruitatem perit. Ouis polypus fœmina aliquando incubat, aliquando cubilis ostio assidens super ea brachia exporrigit. Fœminam & matrem à partu ita senescere debilitarique ferunt, vt facile à pisciculis deuorentur, & à cubilibus detrahantur, vnde genus hoc piscium breui interire, nec ultra bimatum scripsit Aristoteles. Oppianus itidem scripsit polypum longo coitu ita debilitari frangique vt vires omnino deficiant eamque ob causam in arena iacens, præda fit reliquis piscibus, quos antea nullo negotio deuorasset, fœminam verò ob partus dolores emori, quoniam non seiuncta oua vt reliqui pisces, sed compacta racemorum instar edant per angustam fistulam.

Lib. 9. de hist.
cap. 37.
Lib. 2. ἀλιού-
τικῶν

Οὐ γὰρ πρὶν φιλότιμος ἀπὶ χεῖρ' ἔδ' ἀπολήγῃ,
Πρὶν μὲν ἀπὸ μελέων παρόλπεσθαι θένος ἀδρανέοντα
Κύβητος τ' ἐν ψαμθέοις πρὸς ἀμυγνὸς ὄλῃ.
Πάντες γὰρ μὲν ἔδουσιν, ὅσοι χρόνον ἀντήσωσιν
Καρκινάδες δειλαί, καὶ καρκίνοι ἡδὲ καὶ ἄλλοι
Ἰχθύες.


Et mox de fœmina.

Ὡς δ' αὐτὸς καὶ θήλυς ὥσ' ὠδὴν μεγέλα
Ὡς μὲν, ἔ' γὰρ τῇσιν ἀποκριδὼν οἶα καὶ ἄλλοις

Ὡς α.

Ὅσα διαθρώσκουσιν, ἀρρηρότα δ' ἀλλήλοισιν
 Βορυσθὸν, φενοῖο μέγας διαίσσεται αὐλῶ
 Haftenus de Polypis in vniuersum.

De prima & secunda Polypo-
 rum specie.



CAPUT VII.

POLYPVM Hic depinximus qui omnium maxi-
 mus est & notissimus, cuius differentias duas esse dixi-
 mus: alter enim litoralis est, alter pelagicus vitâ solum,
 specie nullo modo dissidentes. Vterque igitur ore, ocu-
 lis, partibus internis sepia ac loligini similis, bra-
 chia verò longiora habet, promuscidibus caret, aluo est rotundiore,
 sepia latiore, loligo verò longiore. Acetabulorum in brachiis con-
 tinuus est, & duplex ordo, quæ initio maiora deinceps minora fiunt.
 Sunt etiam quatuor pedum acetabula omnium maxima, his omni-
 bus mira vis inest. Vnde Trebius Niger apud Plinium negat vllum
 esse atrocius animal ad conficiendum hominem in aqua. Lib. 9. cap. 30.
 Luctatur enim complexu & sorbet acetabulis ac numeroso suctu detrahit
 eum, in naufragos vrinantésve impetum capit, sed si inuertatur elan-
 guescit vis. Cætera quæ de polypo tradidit idem Trebius Niger, quæ
 monstro propiora videri possunt, lege apud Plinium. Fatuus quidem
 est polypus cum ad demissam hominis manum accedit, sed rei fami-
 liari prospicit cum omnia colligat, & veluti in domicilio reponat,

cūmq; quantum vile sit arroserit, aggerit testas, cancrorum crustas, putamina conchularum & spinas pisciculorum. Coloris etiam sui mutatione venatur pisces, colorem enim refert similem iis quibus se applicauit faxis, quod etiam in metu facit: vnde Plutarchus in libello in quo differit, plus ne rationis insit aquatilibus bestiis quàm terrenis, scripsit polypum aliter affectum quàm chamæleonta colorem mutare. sic enim ait. Μεταβάλλει γὰρ ὁ μὲν χαμωαίαν ὑδέντι μηχανόμυτος, ὅστις κατὰ κρύπτων ἐαυτὸν, ὅμ' ὑπὸ δέος ὁμῶς ζέσεται, φύσιν φοφοῦντος ὡν καὶ δόλος, σωέσθ' ὃ καὶ τῶν δόμματος πλήθος, ὡς θεόφρατος, ὁλίγον γὰρ ἀποδεῖπῶν ὃ σῶμα τῷ ζῶον πλεονέξῃ εἶναι τῶν δόμματος, ὃ τε καὶ αἰρεῖται ὃ τῶν δόμματος καὶ αὐτῷ, καὶ διὰ τῶτο πρὸς τὰς μεταβολὰς ἐξέσται. Τῶτο ὃ πολυπόδος ἔργον ἐστὶν ἢ πάθος ἢ μεταβολή, μεταβάλλει γὰρ ἐκ παρονοίας μηχανῇ χρώμυτος τῷ λαμβάνειν ἢ δέδιε, καὶ λαμβάνειν οἷς ζέσθ' : παρακρούμυτος γὰρ αἰρεῖται μὴ φεύγειν, ἀλλ' ἐκφύγει παρρηχόμυτα. Colorem quidem mutat chamæleon nihil machinatus neq; latere volens, sed temerè in metu mutatur natura pavidum, & ad omnem strepitum expauescens animal. Consequitur autem auræ copiam autore Theophrasto, quoniam parum absit quin totum corpus pulmo expleat, vnde aura viuere & mutationibus obnoxium esse coniicit. Ist hæc verò polypi mutatio non ex perturbatione oritur: nam de industria colorem mutat, vt hac fraude & quæ metuit vitet, & ea quibus vescitur capiat. Hac enim ratione & non cauentibus obrepit, & dolum struentibus fucum facit. Hanc polypi varietatem celebrauit Pindarus.

Πολλὸς θηρὸς χρωτὶ μάστιγα νόον
Προσφέρειν, πάσας πολίεσσιν ὀμιλεῖ

Et Theogius similiter.

Πολύποδος νόον ἔχει πολυχρόα ὃ πολλὴ πείρη
Τῇ περ ὀμιλήσῃ τοῖς ἰδεῖν ἐφάμνη.

Hæc polypi natura in prouerbium abiit, πολυπόδος νόον ἔχει, quo monemur pro tempore, alios atque alios mores, alium aque alium vul-tum sumere. Idem Plutarchus scribit falsum esse polypum sibi brachia arrodere, sed murænam & congrum pertimescere verum est. Plinius. Polypum brachia sua rodere, falsa opinio est: id enim à congruo euenit ei, sed renasci sicut coloris & lacertis caudam, haud falsum. Quæ omnia ex Aristotele sumpta sunt. Contrà Oppianus autor est polypos hyeme latentes in cubilibus suis brachia sua absumere, non aliter quàm alienas carnes, eaque identidem renasci.

Χεῖματ' ὃς ἔποτε φασὶν ἐπιτείχεσθαι ἄλδος ὕδαρ
Πολυπόδας, ζαμυρεῖς γὰρ ὑπὸ βορέεσσι θυέλλαις

Ἄλλ' ὅγ' ἑ γλαφυρῇ(ν) ἐνεβόλῃσι θαλάμῃ(ν) ἰσχυροῦσι
 Πηξέουσιν δ' αὖτις ἔως πόδας, ἥ τε σάραξ
 Ἀλλοβίας, οἷδ' αὖτις ἔως χορέ(ν)τες ἀναιόσ
 Φύοι). τόδε π' σφί προσδάων ἐπένδυσεν.

Polypi soli mollium in siccum exeunt duntaxat asperum, leui-
 ratem odere. Vescuntur conchyliorum carne, quorum conchas
 complexu crinium frangunt, itaque præiacentibus testis cubile co-
 rum deprehenditur, mirè delectatur oleæ ramis, atque iis allec-
 tiis ca- Lib. 4. ἀλίσ-
τικῶν


Ἡ τοὶ πολυπόδες μὲν ἀθηναίῃσι φίλῃς(ν)
 Ἐρνεαί, καὶ θαλαῖσιν ἐπὶ γλαυγῶ(ν) ἔρωτα
 Ἐπασσάν, ἥ μέγα θαῦμα πότῳ φρένα δειρρήεντι
 Ἐλκεαῖ, λιπαρῶ τέ φύλῃ πύργοι(ν) γάνυαῖ.

Lib. 7.

Nec solùm olea, sed etiam ficu arbore gaudere autor est Athe-
 neus: Καὶ χαίρει(ν) δὲ τῶν φυτῶν καὶ τῆς ἐλαίας, ἥ πολλάκις βεβήσκει
 τὰς πλεοναυτοὺς περιελαβόντες ὁ τέλεχος, ἐφωράσθην δὲ καὶ (ν)κέας
 προσωφικίας τῇ θαλάττῃ προσελαβόμενοι, καὶ τῶν σῶκων ἐσθίουσιν, ὡς φη-
 σὶ κλέαρχος ἐν τῷ περὶ τῶν ἐν τῷ ἕρῳ. ἔτι δὲ δείγμα τῆς ἡδονῆς αὐτὸν
 τῇ ἐλαίᾳ καὶ τῷ ἐσθίῳ κλάδῳ φυτῶ τῆς χθονὸς εἰς τὴν θάλασσαν χθ' ἢ
 εἰς πολυπόδες καὶ μικρὸν ἐσθίῳ ἀπονήλιν ἀνέλκει τῷ κλάδῳ περιελαβ-
 μένος ὅσους ἐθέλει. Delectantur polypi olea arbore, cuius truncum
 brachiis amplexi sæpe comperiuntur: deprehensi sunt etiam ali-
 quando ficum arborem ad mare natam complexi & ficos edentes,
 ut scribit Clearchus in libro de his quæ in mari fiunt. Hos olea de-
 lectari id argumento est: si quis enim arboris huius ramum in ma-
 re demittat, quo loco fuerint polypi, breui mora & citra laborem Lib. 9. cap. 30;
 polypos ramum amplexos trahet quotquot voluerit. Amant & sal-
 samenta, quod ostendit Plinius exemplo polypi illius, qui Carteiæ
 in cetariis assuetus erat noctu exire ἐκ τοῦ ἐν τῷ ἀπὸ τοῦ ἐν τῷ ἀπὸ τοῦ
 ibi salsamenta populari. Polypi dura sunt carne, quæque mollesce-
 re & faciliè concoqui non possit, nisi diu seruata multumque fu- Lib. 32. c. 10;
 ste contusa ad dirimendas frangendâsque fibras, quibus caro con-
 textitur. Traduntur, inquit Plinius, muriam ex se emittere, &
 ideo non debere addi in coquendo, secari arundine: ferro enim
 intingi vitiumque trahere natura deferente. Crassum succum gi-
 gnit & glutinosum, veneremque irritare creditur, tum ob flatum à
 crasso lentoque carnis succo genitos, tum ob humoris, qui in eo inest,
 falsuginem, quam Plinius muriam vocari dixit. Assus durior fit, eli-
 xus in aqua & atramento suo longè melior additis oleo, omphacio,
 pipere. Secundum polyporū genus separatim non depinximus, q̄ sa-

tis ex primo cognosci possit, animaduërsis notis, quas tradit Aristoteles: paruum enim & varium esse dicit, cibóque ineptum. Ex quibus verbis quidam colligunt hunc polypum esse quam sepiariam vulgus vocat, quæ parua variáque est, sed hanc ex polyporum genere non esse postea docebimus.

De tertia Polyporum specie.



CAPUT VIII.

Lib. 9. cap. 30.



TERTII Generis polypum esse cum diximus, qui dicitur *ἐλεδάριον*, vel *βολιταίνα*, & *ὄζολις* siue *ὄζαρις* siue *ὄσμυλος* ab odore, vt antea demonstrauius. Græci huius temporis *μοχίτις* vocant, ab odore moschi. Plinius ozenam à graui capitis odore dici, tradit, ob hoc murænis maximè eam cōsectantibus: ego verò quòd eo sit odore, qui grauitatem capitis inducat, dictam fuisse puto: nam odorata teste Hippocrate muliebria ducunt, sed grauitatem capitis faciunt. A reliquis igitur polypis differt, quòd corpore sit magis rotundo, longioribus brachiis vnico in eis acetabulorum ordine, præterea odore est moschi non solùm viuus sed etiam mortuus atque exiccatus. Quam ob causam magis quàm cæteri ad venerem stimulat: etenim eam veluti sopitam odorata exuscitant, quemadmodum ambra & moschus, quo fit, vt qui vnguentis delibuti esse solent, cæteris sint salaciores. Præparatur vt superior.

De Test

Aristoteles: nam aluco est rotundo, brachia vnico constant acetabulorum ordine. Quòd is sit nautilus, quem exhibemus, quòdque simplici testa constet, maximè Athenèi autoritate confirmatur. Eius hæc sunt verba: Ο ὁ ναυτίλος καλέμενος, φησὶν Αριστοτέλης, πολύπους μὲν ὅτι ἐστίν, ἐμφερὲς ὁ καὶ πελεκάναις. Ἐχέει δὲ νῶτον ὀστραχόδεσμον, ἀνὰ διῶν ὁ ἐκ τῆς βύθου ἐφ' ἑαυτὸν ἔχων ὁ ὀστραχὸν ἵνα μὴ τὴ θάλατταν ἔλκη. Ἐπὶ ἀναστραφεῖς ὁ ἐπιπλεῖ. ἀνω ποιήσας δύο τῶν πελεκητῶν, ἀμέταξιν ἀλλήλων λεπτὸν ὑμῖνα ἔχει διασπαρασσά, ὡς καὶ τῶν ὀρνίθων οἱ πόδες ὁρών) μετὰ τῶν δακτύλων δερμυττον ὑμῖνα ἔχοντες, ἡμῶς ὁ δύο πελεκάναις καθίστην εἰς τὴ θάλασσαν ἀντὶ πηδαλίων. Ὅταν δὲ τι πρὸς τὸν ἰσθμὸν, διήσας συστῇ καὶ τὸς πόδας καὶ πληρώσας ὁ ὀστραχὸν τὴ θαλάσσης καὶ βυθὸς ὡς ἔχεις χωρεῖ. Vides hīc nautilo dorfum duntaxat testaceū tribui, eiq; ob id simplicem esse testam, quòd eam aqua modò impleat, modò vacuet, reliqua quæ dicit Athenæus ex iis quæ sequuntur, nota fient, quam ob causam conuertisse superuacaneum fuisset. Aristoteles non minùs eleganter quàm iucundè nautili polypi, quem nautam interpretatus est Gaza, nauigationem depinxit hoc ferè modo. Est nautilus polypus & natura & actione mirabilis: nauigat enim per maris summa elatus, ex imo gurgite effert se testa inuersa, vt ascendant faciliùs, & inani scapha nauiget. Cùm verò emerferit, concham conuertit. Brachia mēbrana congenita connexa sunt, quemadmodum palmipedum auiū digiti, sed hæc crassiores & densiores, illæ longè tenuiores araneorum telis similes, hac vt velo spirante aura, brachiis vt gubernaculis vitur, si quid metuerit, testam protinus mari replet, atq; ita demergit. Plinius nautili mentionem faciēs eandem nauigationem describit, sed mendum vnum illic subesse opinor: nam pro pompilos, polypi ouum legendum esse arbitror ex Aristotele, ex quo Plinium hæc mutuatum esse certissimum: nam pompilus longè alius est à polypis. Verba Plinij sunt hæc. Inter præcipua miracula est qui vocatur nautilus, ab aliis pompilos. Aristoteles verò καλέμενος ὑπότινων ναυτίλος ἔστι ὁ ναυτίλος, ὑπὸ ἐνίων ὁ ὢν πολύποδες. Pergit Plinius: Supinus in summa æquorum peruenit, ita paulatim subrigens, vt emissā omni per fistulā aqua, veluti exoneratus sentina facillè nauiget. Postea duo prima brachia retorquens, membranā inter illa miræ tenuitatis extendit, qua velificante in auras cæteris subremigans brachiis, media cauda vt gubernaculo se regit. Ita vadit alto liburnicarum gaudens imagine: & si quid pauoris interueniat, hausta se mergens aqua. Propiùs adhuc ad Aristotelis mentem accessit Oppianus, nec minùs perspicuè nautili nauigationem cecinit. Est in testa concaua latens species polypo similis nautilus sua celebris nauigatione. In arena quidem degit, sed in summa maris etiam se pronus effert, ne testam aqua compleat: sed cùm in summa aqua fuerit, conuersa testa nauigat, tanquam gubernandi acatij peritus homo: duos itaque

Lib. 1. ἀλι-
τικῶν.

itaque pedes tanquam rudentes extendit, inter quos tenuis membrana veluti velum panditur vento spirante, subter verò alij duo aquam contingētes gubernaculis similes & domum & nauem & piscem deducunt. Quòd si mali quid alicunde immineat, rudentes omnes, vela, gubernacula contrahens hausta aqua grauatus deprimitur.

Ἔστι δὲ τις γλαφυρὸς κεχρημένος ὑστράκω ἰχθὺς

Μορφὴν πολυπόδεσιν ἀλγίστος, ὃν χελύξ

Ναυτίλον, οἰκείῃ(ν) ἐπιχλέα ναυτίλῃ(ν)

Ναίει μὲν φαιβάοις, ἀλλ' ὃν ἔρχε(ν) ἄκρον ἐς ὕδαρ

Πρηγῆς, ὅφρα κέ μὴ μιν ἐνιπλή(ν)θῃ θάλασσα.

Ἀλλ' ὅτ' ἀναπαλώσῃ ρογίων ὑπὲρ ἀμφοτερίτης,

Ἀἴψα μετὰ σφραγίδος ναυτίλῃ(ν), ὥστ' ἀχάτοιο

Ἰδὲ τις ἀνὴρ, δοὺς μὲν αἰὶν πύδας, ὥστ' ἐκωλώας

Ἀνδρὶ μὲν, μέσσοις δ' διαρρέει ἥν τε λαῖφος

Λεπτοῖς ὑμῖν, ἀνέμῳ δ' τίσαν(ν), αἴψα δ' ἐνεργεῖ

Δοιοὶ ἀλὸς ψάοντες ἐοικότες οἰήκεσιν

Πομποὶ δ' ἰγνύσ(ν) δόμον, καὶ νῆα, καὶ ἰχθυῖν.

Ἀλλ' ὅτε ταρβήσῃ χεδόγῃ κακῶν, ἐκείτ' ἀήταις

Φόβῳ ἐπιβέβας, (μύθῳ) ἔασα(ν) πάντα χαλινά.

Ἰστία τ' οἰκῆς τε, τὸ δ' ἄθροον ἐνδον ἔδεκτο

Κῦμα βαρυνόμενος δ' ἐκθέλκε(ν) ὑδατος ὀρμῇ.

Aristoteles testaceum polypum primi generis dūtaxat nautilum seu nauticum vocat. Alterum cochleæ similem facit, qui testam suam nunquā deferit. Id genus sponte nascitur, vt ceteræ côchæ. De nautilo idem sentio, etiam si id sibi nō exploratum esse scripserit Aristoteles.

De Sepiola.




CAPUT X.

EST Ex mollium genere pisciculus hic depictus, qui cum neque in polyporum, neque in sepium neque loliginum genera referri possit, vt mox demonstrabimus, separatim describendus fuit. Is sepia nascenti similis est, pollicis crassi magnitudinem non superat, octo pediculis constat, duas proboscides habet, nec sepium in dorso, nec gladiolum habet. Vtrique lateri pinnula veluti ala par-

ua affixa est, rotunda, nec figura, nec situ pinnis sepiarum & loliginum similis, neque enim angusta longaque totam aluum ambit, ut in sepiis, neque lata, & in acutum angulum terminatur ut in loliginibus, sed rotunda, parua, vtrinque veluti adnata modicam alui partem occupant, neque ad extremum usque corporis protensa. Colore est vario, paruulis enim punctis in dorso notatur. Ore, oculis, fistula, partibus internis à sepiis non differt. Carne molliore & delicatiore est quam polypus vel sepia. Vere maxima copia capitur cum reliquis piscibus, & ob paruitatem negligitur, cum tamen, ut dixi, suauissimus sit. Huius pisciculi nullam, quod sciam, mentionem fecerunt Aristoteles, Athenæus, Oppianus, Ælianus, Plinius, ob id cum nomen desit, sepiola non absurdè vocabitur, non quod ex genere sepiarum sit, sed quod corporis forma sepiæ similior sit pisciculus quam loliginibus vel polypis: quod enim sapia non sit ostendit pinnarum magna differentia. item quod sepio careat, alterius esse generis à loliginibus arguit corporis forma, quæ in hoc lata est, in illis longa, tum quod gladiolo destitutus sit. Cum polypus verò numerari non potest, cum polypi omnes proboscibus careant, ut antea ex Aristotele docuimus hinc verò duas habeat, easque longas. Eius partem pronam & supinam depinximus.

De Lepore marino.



CAPUT XI.

Lib. 9. c. 48.

Lib. 2. cap. 20.

LEPVS Marinus hætenus à paucis cognitus fuit, tum ob raritatem tum ob variam à veteribus traditam eius descriptionem. Fuerunt etiam qui quæ legendo vel percontando non oculata fide didicerant de lepore marino literis mandarunt. Plinius offam informem vocat, Ælianus cochleæ exenteratæ similem facit. Dioscorides loligini parua. Sunt qui *gronant* vulgò dictum leporem marinum esse putent, piscatores nostri eum qui *φωλις* antea à nobis dictus est leporis nomine vendunt, alij liparim esse credunt. Quæ omnia vnica ratione fal-

falsa esse conuincuntur: nam modò nominati pisces frequentissimè mensis apponuntur, iisque sine vllò periculo vesci omnibus licet, cum veterum omnium testimonio lepus marinus maximè sit venenatus, & eò magis cognoscendus, nò solùm vt à mensis omnino reiciatur, sed etiam ne vel odoratu vel diutino eius intuitu lædamur: verùm ad alia quæ præstat remedia vtamur, vel noxæ ab eo fortè contractæ antipharmacis occurramus. Lepus igitur marinus à Latinis dicitur Græcorum imitatione, qui λαγῶν θαλάσσιον vocant, nostri *imbriago*. Piscis est ex mollium genere in mari nascens, atque in stagnis præsertim cœnosis, substantia loligini similis est autore Dioscoride. Ælianus cochleæ testa exēptæ aptissimè comparat, ei enim perquam similis est, Plinius offam informem, id est, massam carneā potius quàm piscem vocat: neque enim oculos, neq; pinnas, neq; alia membra aptè distincta in hoc videas, quemadmodum in aliis piscibus, ob id substantia siue carne loligini nò corporis specie assimilauit Dioscorides. Quum viuit colore est ex rubro nigricante, vnde nostri *imbriago*, id est ebrios vocauerunt, quòd ebrioli eo colore esse soleant, mortuus ex fusco albicat, sed cum hoc sit colore quomodo ab eo nomen illi positum est: nam, vt scribit Plinius, colore tantum lepori terrestri similis est. Veteres colorem leporinum ἐπιπτερικον vocabant, quod sit percnæ (ea est oliuæ non acerbæ, nec omnino nigrescentis species) similis, ab eo igitur colore lepus marinus dictus. Huius genera aliquot reperimus: quæ causa esse potuit cur diuersæ ab autoribus traditæ sint eius descriptiones. Primum genus quod hîc exhibemus maximè letale est, ex mollium genere, cochleæ exenteratæ valde simile maximè posteriore corporis parte. Os habet in dorso veluti sepia, tenue, volutæ instar contortum, qua parte ad caudam spectat: in lateribus sepiarum modo pinnas habet alueum ambientes replicatas, mox cornicula duo carnosæ, qualia sunt in cochleis: altera tantùm capitis parte zygænæ caput imitatur: altera parte foramen est, per quod carnosam quandam substantiam exerit: vt in pictura vides, eandem pro arbitrio retrahit. In harum duarum partium medio rima est pro ore, atramento, & reliquis partibus internis loliginem refert. Id in hac leporis specie mirādum, quod cum in omnibus animalibus partes sinistrae dextris similes sint, in hoc valde sint dissimiles, vnde offa informis meritò dicitur. Odore est pisculento tetroque. Vescitur limo, aqua, sordibusque, ob eam causam in stagnis marinis lutulentis libens versatur: soli nulli eo sine perniciæ vescuntur, vt antea dictum est. Venenatum esse piscem ex Nicandro, Dioscoride, Galeno, Paulo Ægineta, Actio, Plinio didicimus. Plinius: non sunt minus mira quæ de lepore marino traduntur, venenum est aliis in potu, aut in cibo datus, aliis etiam visus: siquidem

Lib. 31. cap. 1.

gravidæ si omnino aspexerint, fœminam ex eo genere duntaxat, statim nausea & redundatione stomachi vitiū fatetur, ac deinde abortum faciunt. Et mox. Eadem res in mari & tactu quidem nocet. Vescitur eo vnum tantum animalium, vt non intereat, nullus piscis, & tenerescit tantum, & ingrator viliorq; fit. Homines quibus in pastu est piscem olent, hoc primo argumento veneficiū idprehenditur. Caterò moriuntur totidem diebus quot vixerit lepus, incertiq; temporis veneficiū id esse autor est Licinius Macer. In India affirmant non capi viuētem, inuicēque ibi hominem pro veneno esse, ac vel digito omnino in mari tactum mori, esse autem ampliorē multo sicut reliqua animalia. Iuba in his voluminibus quæ scripsit ad C. Cæsarem Augusti filium de Arabia, tradit lepores marinos ternas heminas capere: sic enim legendum non vitulos marinos, vt habēt vulgata exemplaria, qui longē plures heminas capere possunt. Sunt enim valde magni maximē in India, vbi omnia maiora sunt, mirum verò leporem marinū modicæ magnitudinis ternas heminas in India capere. *Lib. 6. ca. 30.* Dioscor. veneni eiusdē indicia, symptomataque sic docet. Qui leporem marinū biberunt, piscium virus olent, procedente tempore alius dolore afficitur, & vrina sistitur, & si quādo eam reddere contingat, purpureum colorem refert. Omne piscis genus auersantur, & odio habent, fœtido ac graui sudore manāt, biliosus vomitus interdum sanguini promiscuus subsequitur. Eadem Aetius & paulò apertius. Lepus marinus reperitur ferē inter loligines, animal paruum, virosum odorem habens, comitatur autem eos qui in corpus eum ingesserunt, sapor in ore similis piscibus, virosus, paulò post aluum dolent, & color corporis ad arquati similitudinem permutatur. deinde plumbens redditur, cum faciei tumore incenduntur pedes, plantæ. & pudendum tumefactum cohibet vrinæ effusionem, progrediente verò malo etiam cærulei coloris lotium emingunt, quanquā sanguinolentum: deinde nauseabundi facti biliosa vomunt sanguine permista, & piscium loturam olentia. Exudant autem graucolētia, & omne piscis genus auersantur præter cancrū. Idem tradit Paul. *Libro 5.* Ἐγινετα λαγωὺς θαλαττῆος ποτήνιος παρὰ καλῶς γαστρί ομοίᾳ ἰχθύος, βρομώδης, χροὺς δ' ἐπιγενομένης κηλὶα τε ἀλγεί, καὶ ἔρα ἐπὶ τοῖς χεῖλαι, εἰποτε δ' ἐκκρεθείη, περφυρίζοντα, ὁρᾷται τὴν χροὶν, ἀποτρέφεται γὰρ καὶ μυστρίν ἰχθύων ἀπαντα, ἰδιόρῃ δ' ἀνδρῶν αἱματὶ μεμυγμένα. Leporis marini venenū epotum sequitur gustus piscem redolens, virosus, procedēte tempore venter dolet, vrina retinetur, quòd si quādo excernatur purpurea est, aduersantur & oderūt piscem omnem, sudor fœtidus sanguini permistus ē corpore emanat. Hæc ideo ex variis autoribus fusiùs à me citata fuerunt, vt diligentius expendatur Galeni locus de lepore marino ex libro de Theriaca ad Pisonem. *Εἷνα δ' ἀείχμη καὶ μερῶν ἡνῶν ἐν τῷ σωματι*

σώματι ἢ χέλει· ἰδίως ποιεῖ μὲν οὖν. Ὁ γοῦν θαλάττιος λαγὼς ἐλκοῖ τὴν πλά-
 μιν. Id est, quædam inueniuntur quæ corporis partes qualidam pecu-
 liter lædunt: lepus enim marinus pulmonem vlcerat. Et LIB. I. de me-
 dicamentorum compositione ἔτι γένν· statim initio sophistis eos cauill-
 lantibus qui de medicamentis scripserunt, quæ certas corporis partes
 vel lædunt, vel iuuant, respondet. Ἀλλὰ τὸτο γὰρ δὲ σκώμμεν, δηλοῖ τὰς
 ταῦτα λέγοντας, εἰς τοσούτον ἀπείρους εἶναι φαρμάκων διωδέμεος, ὥς ἀγνοεῖν
 ὑπὸ μὲν τῆ θαλαττίης λαγῶς μόνον τῶν πάντων ἐν τῷ σώματι μελέων ἐλγ-
 μων σκώμμεν. At hoc cauillum, inquit, eos qui ita iocantur arguit fa-
 cultatis medicamentorum adeo esse imperitos, vt pulmonem solum
 ex omnibus corporis partibus à lepore marino exulcerari ignorent.
 Quod quidem vt verissimè à Galeno scriptum est, medicamenta esse
 quæ certis corporis partibus vel profint vel obsint, idque quotidiana
 experientia cognitum nobis sit, non ita veritati consentaneum es-
 se puto solum pulmonem à lepore marino lædi. Nam Paulus Ægi-
 neta, Aëtius, qui omnia ferè sua ex Galeno transtulerunt, veneni hu-
 ius grauius ac sæua symptomata varijs in partibus tradiderunt, de pe-
 culiari pulmonis solius affectu ne verbum quidem. Dioscorides &
 Plinius quanta sit eiusdem veneni pernities satis fusè declarant, at de
 solius pulmonis noxa mentionem nullam fecerunt. Neque solum sen-
 tentijs omnium qui de lepore marino scripserunt, sed etiam experien-
 tiæ aduersatur Galenus, quàm paulò post fusiùs enarrabo. Nicander
 piscis istius venenum non omisit, cuius versus eleganter vertit Ioan.
 Goræus medicus.

Disce venenatos leporis cognoscere potius

Pestiferi, medijs peperit quem fluctibus aquor,

Virosi squamas & purgamenta marini.

Piscis olet, &c.

Is interpres sententiam Galeni huc quātum potest accommodat,
 maximè quum dicit Nicander carnes tabescere sensim, & paulò post.

Vidique malas.

Ceu flos exoriens, tumidas rubor occupat ambas.

Corpus, inquit, interpres in Annotationibus, nutriri desinit, vel
 quod corruptos à lepore humores non possit sibi assimilare, vel pro-
 pterea quod pulmones malo quodā leporini veneni occulto tandem
 exulceretur, vnde febris & tabes fiunt, quodē quid vlcerati pulmonis
 malum Nicander aperitè indicauit, scribens genas rubescere, & velut
 roseo colore pictas videri genas: hoc enim fit humorum in pulmoni-
 bus putrescentium calore in faciem sublato. At hæc multorum alio-
 rum morborum & symptomatum communis est nota, neque neces-
 sariò ex febre & tabe pulmonum exulceratio concluditur: potest
 enim vel ob erysipelatis, vel ob alicuius interioris partis vt cordis

hepatis inflammationem rubor in facie apparere, & tabes vitiatam nutritionem & assimilationem sequitur. Denique malarum rubor peripneumonix nota & propria atque certa, non vlceris pulmonum, nisi vlcus cum inflammatione cõiunctum sit. Quare Nicander ex his quæ de veneni vi tradit, effici non vult pulmones solos à lepore exulcerari. sed hæc de veneno satis: de antipharmacis nunc dicendum. Ea

Lib. 6. cap. 30.

ferè omnia paucis complexus est Dioscordes. His, inquit, qui leporem marinum biberunt, dandũ lac asininum, vel passum continuè, aut radicis maluæ foliorũque decoctum, aut trita cyclamini radix cum vino, aut veratri nigri, aut scamonij succi drachma cum aqua mulsa, puniceque mali acinis. Cædria contrita cum vino efficax est, anserinus sanguis, vt tepebit potus. Sed cùm pisces omnes respuant, aspernenturque, solis fluuiatilibus cancris vesci possunt, bibuntque eos admisto vino, adiuturque ab his percoquunt. Quumque appetere & comesse pisces cœperunt, suæ salutis indicium habent. Eadem ex Dioscoride mutuati sunt, qui de veneni huius remediis scripserunt. Age iam, si qua sint piscis istius commoda, inquiramus. Dioscorides. Lepus marinus per se tritus, aut cum vrtica marina illitus capillos euellit. Pli-
*Lib. 2. cap. 8.*nius aduersus strumas valere scripsit. Pungi piscis eius qui rana in mari appellatur officulo de cauda, ita vt non vulneret, prodest. Idem faciendum quotidie donec percurentur. Eadem vis est pastinacæ radio & lepori marino imposito, ita vt celeriter remoueat. Idem tradit leporis marini sanguinè, vel fel, vel oleum in quo lepus necatus fuerit psilothrum esse. Superest vt ostendam veterum leporem marinum esse, de quo nunc agimus. Sunt enim qui aliter existimauerunt, in quibus est Latinus Nicandri interpres, lepus marinus, inquit, ex lacertorum genere est, paruæque loligini similis, informis magis ossa quàm piscis, solo colore leporem refert. Quod si ex genere lacertorum sit, quomodo paruæ loligini similis esse potest, quæ corporis figurâ, substantia, toto denique genere à lacertis differt. Nam hi sanguine præditi sunt, læues, corporis partibus distinctis. lepus verò ex mollium genere & *ἀνάλωτος*, informis, qui cum loliginibus capitur, in cœnoso stagni degit, stomachum dissoluit, abortum facit, ventrem sæuis doloribus torquet: denique nisi succurratur mortem affert, quæ omnia quomodo à me experientia comperta sint: verissimè exponam. Cùm ego piscium naturæ, varietatisque cognoscendæ studiosissimus piscatorum forum frequentissimè inuiserem, cùmque piscatores proposito præmio allekti, certatim ad me si quid rari aut noui in mari caperent, vel in litus eiectum reperirent, ad me deferrent: ecce piscator lepotem marinum cum aphyis & loliginibus in faucibus malguriæ nis captum, nunquam à se aliàs antevisum aspectu fædo, odore tetro, betæ foliis inuolutum mihi offert, quem cùm diligentius contem-
pla-

plarer, mihi multisque, qui vna mecum erant, nauseam mouit: sed ne hac quidem à piscis inspectione reuocatus, dissecabam, partesque omnes internas sedulo rimabar: quum interuenit mulier quædam de mariti morbo me consultura, cui quum ad dissectionem attentior statim non responderem, odor piscisque conspectus vomitum dissolutionemque ventriculi protinus creauit, & de ventris dolore (erat autem grauida) grauiter queri cœpit, vt iam abortus timendus foret, quem adstringentibus emplastris ad retinendum fœtum ventri lumbisque admotis prohibui, & vt aliquot dies cancris vesceretur consului. permulti sunt huiusce rei locupletissimi testes viri boni & studiosi, qui ea quæ dixi symptomata, & in se, & in grauida muliere experti sunt, & viderunt, vt omnino ex his, quæ de lepore marino veterum literis prodita sunt, huic nostro competere experientia docuerit, à qua ita sum confirmatus, vt ab ea sententia deduci nunquam possim vel debeam. Post menses aliquot alius ad me delatus est, sed lingua illa carnosæ, de qua initio locuti sumus, carebat, os in dorso nullum erat, cæteris omnibus partibus internis & externis omnino similis. Hunc, de quo nunc loquor, marem esse iudico, alterum fœminam, quod in ea simile quid polyporum ouis repperim. Esse autem in hoc genere marem & fœminam testis est Plinius. Grauidæ, inquit, si omnino aspexerint fœminam ex eo genere duntaxat, statim nausea & redundatione stomachi vitium fatentur, ac deinde abortum faciunt. Remedio est mas, ob id induratus sale vt in brachialibus habeant. Ælianus aliam leporis marini speciem adfert, quam etsi nunquam viderim, nec eius æconem proferam, tamen eius verba subiungam: quoniam in leporum marinorum tractationem incidimus, vt si quis fortè in hunc inciderit ex descriptione possit agnoscere. Magni maris lepus, inquit (nam alterum, qui alto mari nascitur, antè dixi) ex omni parte ad terreni similitudinem accedit, præter pilos: nam terrestribus pili & molles sunt, & ad tactum haudquaquam resistentes. Contrà illius spinosi & erecti, hunc qui contigerit, lædetur, ipsum in summa aqua maris natare, non in altitudinem demergi dicunt. Celeri ac concitata natatione vti, eo difficillimum ad capiendum esse, quod neque in rete incidit, neque ad lineæ escam accedit. Quum ægritudine afficitur, natare nequit, simul & funditus expellitur atque eiicitur. Quisquis tum manum ad eum admouet, nisi medicina adhibeatur, perit, ac si bacillo tetigerit, hoc idem periculum ei procreatur, quo basiliscus baculo tactus afficit. Hæc Ælianus.

Lib. 32. cap. 1.

Lib. 11. c. 71.

De secunda Leporis marini specie.



CAPUT XII.



SECUNDVM Leporis genus substantia, atrameto partibus internis superiori simile est. Differt autem partibus externis, sinistra & dextra similes sunt, parte priore duas latas appendices carnosas habet, in quarum medio rima est, paulo infra, cornicula duo qualia in superiore descripta sunt, nisi quod acutiora & breuiora sint. In dorso os nullum, neque posterior pars cochleæ exenteratæ similis est, huius posterioris partis utroque latere, veluti in sepia sunt pinnae, magis expansæ & non replicatæ, est & hoc genus superiore maius.

De tertia Leporis marini specie.



CAPUT XIII.



tertium Genus leporis marini substantia viribus & facultatibus simile est, quâ ob causam inter lepores marinos numerandum duximus. Hic partem pronam & supinam representamus. Quod in partis superioris ferè medio vides est os, superposita ori pars alueus, qualis in sepiis oui figura, sed in ambitu crenatus, ori subiecta pars, membrana est tenuis, carnosâ, magis expansa in rotundum, cuius ora fimbriata est, fimbriae nigrae sunt. Intus cerebri nigri parum est, gulam exci-

excipit ventriculus, ex quo oritur intestinum instar capreolorum vitis conuolutum. In medio substantia quædam est fungosa succū fuscum continēs, fortasse *μύκων* est cum atramēto suo. Toto corpore est splendido, crySTALLUM vel pituitæ massam concretam congelatamq; esse dicās, rarò admodum capitur, & vix vnquā nisi in summo æstu, tū enim à summis feruoribus omnia cōturbantur, ea etiam quæ in maris imo latent. Odore est valde ingrato & pisculento, nauseam mouet, splendore diutius inspectantibus dolorem oculorum capitūque adfert, id quod in me ipso sum expertus. Deniq; iisdem viribus sed imbecillioribus eum esse censeo, quas ex veterum sententia & experientia nostra primo generi tribuimus. Hoc etiā fortasse discrimen fuerit, q̃ hic in alto mari, ille in cœnosis locis maris, stagnisve lutulentis degit.

De Vrticis.

CAPUT XIII.

VRTICAS Tam eas, quæ saxi hærent, quàm eas quæ solutæ saxi errant, in animalium numero censendas esse ex Aristotele cōstat. Sentit enim vrtica, & manum admotam corripit, adhærescitq; perinde ac polypus suis brachiis, ita vt caro intumescat, os in medio corpore habet, & de saxo quasi de testa viuit, & prænatantes pisciculos excipit retinetq;, sicut de manu hominis admota dictum est, deuoratque in hunc modum quæcunq; nacta est esculenta. Genus alterū è saxi soluitur, & echinos pectunculōsq; quos offenderit, vorat, nullum excrementum in vrtica esse videtur, hac tantum re similis est stirpibus. Hæc Aristoteles. Cum igitur vrticæ frondem suam, quæ pedū vice est, modò dilatent, modò contrahant, cum ore cibum accipiant, id est, cū tactu gustatūq;, qui duo sensus ad vitam animalium sunt necessarij, præditæ sint, non inter *ζώοντα*, vt Plinius, sed inter animalia non omnino perfecta, eas numerabimus. Polypis autē & leporibus marinis subiungimus, q̃ ex mollium sint genere, q̃ etiam modò fronde expansa polyporum instar pedes multos habere videantur, modò fronde contracta massa tantum carnosā, informi veluti lepores marini constare videantur. Dicitur à Græcis *ἀγκλήρη* à Latinis vrtica, nomine herbæ ab vtrisque imposito ob vredinem & pruritum, quem tacta immittit, terrestris vrticæ modo: vnde & vrtica ab vrendo Latinè dicitur, ita *ἀγκλήρη*, παρὰ τὴν ἔχον χολὴν ἀφῶν, q̃ tactu sit in suaui: folia enim eius tacta acriter vrūt: sic & pisces huic vis pruritu mordax, vel dicitur *ἀγκλήρη* καὶ ὀφθημισμὸν τῶν ἀντιφράξας, vt ait Athen. quasi ἀπαλὴ τῇ ἀφῇ, cū contrā aspera sit & iniucundissima, tactu lædens & vrens. Eodem autore Eupolis *ἀγκλήρας* marinas vocauit *κνίδας*, nisi mendosus sit locus. Nam *κνιδᾶν* & *κνίξαι* vellicare & pungere significat. Aristoteles duo vrticarum genera fecit, vt ex verbis initio citatis constat: vnum

Li. 4. de hist.
cap. 6.

Lib. 9. c. 45.

Lib. 3.
Ibidem.

Lib. 4. de hist.
cap. 6.

quod faxis hæret, alterum solutum. Et eodem in loco. Duo sunt vrticarum genera, sunt quædam minores cibo aptiores, aliæ maiores & duriores, quales circa chalcidem nascuntur. Hyeme densa sunt carne, ideo eas venantur, quia esculentæ sunt. Æstate pereunt, frondes enim glabrescunt, etsi tetigeris, facillè discerpuntur, nec totæ auelli possunt. Æstu afflictae laxa interioribus subeunt. Et Athenæus: Ἐστὶ δὲ τῶν κινιδῶν δύο γένη, αἱ μὲν γὰρ ἐν τοῖς χερίλοις εὐκαταπολύονται τῶν περὶ τῶν. αἱ δὲ ἐν τοῖς λεῖοις καὶ παραπορεύονται ἀπολυόμεναι μετὰ χωρῆς. Duo sunt vrticarum genera, aliæ sunt in incuruis faxis illic perpetuò affixæ, aliæ planis & æqualibus scopulis, sed solutæ huc & illuc feruntur. Vidi equidem vrticas sagena captas cum aliis piscibus: quæ faxis hærent, capi non possunt. Quare necesse est aliquas esse, quæ sedes mutant, & in mari vagantur. Cum verò plures vrticarum species compertas habeamus, eas sic diuidemus, vt vrticarum aliæ vel faxis vel cuilibet alteri rei in mari adhæreant, aliæ minimè. Rursus earum, quæ faxis vel alteri rei hærent, aliæ perpetua stabilique sede illic degunt, quæ sunt vrtica parua in rimis saxorum latitans, quæ purpuris & buccinis adnascitur, quæ cinerea est, longisque cirris constat. Aliæ sedes mutant, & liberè per mare feruntur, natantque vt purpurea vrtica. Semper solutæ liberæque sunt eæ, quas vulgus *potes* appellat: vna est, quæ quatuor pedes siue brachia habet: altera, quæ octo, polypi brachiis non valde dissimilia. De his omnibus ordine dicemus.

De Vrtica parua.




CAPUT XV.



VRTICA Hæc nucis iuglandis magnitudinem vix superat, ob id parua à nobis dicitur. Massilienses *vrtigo* vocant. Græcorum vulgus *καλινιδάριον* vel *καλινιδάριον*, Normani *cul d'asne*. Burdegalenses *cubaseau*. Tota carnosæ est, cirros breues habet, contracta recti intestinali

stini extremum specie refert, colore vario est. Quædam enim est viridis, alia cærulea, alia subnigra, sed punctis aliquot cæruleis, vel flavis, vel rubris notata. Hæc esculenta est, in oceani saxi & maximè in Santonico sinu frequens, & apud Santones Burdegalensésque in delitijs habetur, eas diligenter ablutas & leuiter coctas in sartagine frigunt. De vrtica hæc Diphilus apud Athenæum. Ἡ δὲ ἀρχαίῃ φησὶν εἶναι δισχίλιος, ἔρπικη, διστόμαχος, κνησμὸν ποιεῖ τοῖς σωμασίν, ἐπεὶ δὲ μὴ ὡρα-
λείῃσιν, ὁππῶς γὰρ αὐτὴ τὰς θηρίους αὐτῷ. Vrtica inquit, aluo facilis est, stomacho grata, pruritum mouet iis qui eam capiendo manum contrahunt, nisi præunxerint, reuera enim eos qui venantur dolore afficit.

De Vrtica cinerea.




CAPUT XVI.



INEREAM Voco vrticam à colore, quæ tenuis est admodum, quia frondem magnam siue cirros multos habet, carnis parum. In saxorum rimis viuit, comam semper explicatam habet, nec vnquam contrahit, reuera tamen vrtica est: acrius enim pungit ac mordet, si paulò diutius manibus contractetur. Huiusmodi vrtica in scopulis

Fresconiis Agathensis sinus reperitur, integra à saxo euelli non potest, tum quia tenaciùs hæret, tum quia mollior faciliè discerpitur.

De Vrtica rubra.



CAPUT XVII.



OC Tertium vrticæ genus nostri ob colorem purpureum siue phœniceum rosam appellât, alij *posteros*, quòd contracta recti intestini extremum cum musculo sphinctere siue podicem referat, quem *posteros* nomine intelligunt, quòd posteriore loco situs sit: alij *poussépîe* Britannorum: alij *cul de cheual* vocant. Est autem hæc primæ similis, nisi quòd frondem & longiorem & copiosiore[m] habet, rubra est, saxis aliquando hæret, aliquando soluta vagatur: vidi enim huiusmodi vrticas retibus cum aliis piscibus captas, quod non contingeret, si saxis perpetuò affixæ essent, quoniam quum hærent, potiùs discerpuntur, quàm auelluntur, eadem esculentæ sunt, sed prima vrtica duriores.


De Vrti-

De Vrticæ quarta specie.



CAPUT XVIII.

QUARTVM Vrticarum genus id erit, quod instar holothuriorum testis alienis adnascitur, & maxime purpuris. Pars exterior dura est & rigidiuscula, spissiorque quam in aliis vrticis, cirros breuissimos in ambitu habet, ex interioribus eius partibus filum longum deducitur purpureo colore tam iucundo tamque florido infectum, vt cum pretioso illo purpuræ succo certet. Verisimile est hanc vrticam purpuræ adhærentem à cane Herculis demorsam fuisse, quæ tam excellenti suauique colore rictum dentesque canis illeuerit, vt negarit puella quam deperibat Hercules fore vnquam eum optati compotem, nisi prius eo colore infectam vestem dedisset. Inde purpuræ colorem inuentum fuisse. Etenim si mortuam purpuram dentibus arripuit canis, iam vna cum vita succus ille euolarat, si viuam, ea vndique ita munita est, tum testa clauata, tum capitis operculo, vt vndique ab omnibus iniuriis tuta sit. Præterea purpura tanta est duritie, vt dentibus canis robustissimi minimè cedat. Sed de ea re siue fabulosa sit siue historica, statuatur quicuique pro arbitrio. Hæc vrtica de qua nunc agimus, durior est carne, quam ob causam à nostris reiicitur.




CAPUT XIX.



URTICAS solutas diximus vulgi lingua *potes* nuncupari, ex iis est quæ à Liguribus *capello di mare*, à Massiliensibus *capeau carnu* vocatur, quasi dicas pileum marinum, & pileum carnosum à figura. Etenim pars vna veluti fungosa quædam massa, rotunda, caua, in medio perforata, purpurea veluti fasciola ambiente, pileum planè refert, altera parte polyporum pedibus similis est: octo enim pedes habet crassiusculos extremis partibus quadratos in acutum desinentes, nullas interiores partes distinctas habet. Corpore est adeo pellucido & splendido vt oculos offendat & hebetet. Circa Magalonam plurimæ reperiuntur, maximè æstate, quæ tum dissoluuntur & in liquorem abeunt diffuuntque glaciei modo, si diutius manibus tractes. Ad eam magnitudinem accrescunt vt pileos quibus viatores vti solent, superent, Pruritus in pudendis & vredinem in manibus & oculis mouent, atque acrimonia sua venerem sopitam vel extinctam excitant, qua maximè de causa cum vrticis numerandæ sunt.

De alia

De alia Vrtica soluta.



CAPUT XX.

IN Sinu Agathensi vidimus eam quam hîc exhibemus vrticæ speciem, quæ supradictis substâtia, vita, viribus similis est, quatuor duntaxat pedes habet seu frondes potius longiores quàm vllæ aliæ vrticæ, satis aptè foliis achanti comparari possunt: in altera parte lineas aliquas habet stellatim dispositas. Quàm procul absunt à veritate qui hanc vrticam & superiorem pro pulmonibus marinis vsurparunt, suo loco demonstrabimus, nec minùs errant qui vrticas cum holothuriis & tethyis confundunt, cum toto genere differant, quamvis Aristoteles holothurijs & tethyis vrticas subiunxerit.

*Lib. 4. de hist.
anim. cap. 9.*



G V L I E L M I R O N D E L E T I I D E P I S C I B V S

LIBER. XVIII.



Quæ dicantur Crustacea.

CAPUT I.



ROPOSITIS Tribus *ἀνάλμων*, id est, sanguinis expertium generibus, & horum primo iam explicato superest vt ad secundum aggregamur, quo continetur ea quæ à Græcis *μαλάγτραχα* appellatur, id est, molli testa operata, quæ Plinius crustis intacta & crustata vocat, vulgus crustacea: quod tegmentum non æquè durum ac densum habeant ac *ὀστράχιδες*, quæ *ὀστράχα*, id est, testa dura & silicea integuntur, neq; molle, veluti squamosi pisces, vel ij qui molles nominantur, sed durius mollibus & tenuius ostracodermis. Ea, inquit Aristoteles, partem solidam foris, mollè carnosamq; intus continent. Solidum illud fragile non collisile est, quale cancerorum genus & locustarum. Plinius tamen locustarum crustam fragilem dicit. Hoc aquatiliū beftiarum genus latissimè patet, estq; varium admodum & multiplex: nam magnitudine, specie, figura, asperitate, læuitate distinguuntur. Vita etiam distant. Nam in Italia, maximè in fontibus & riulis reperiuntur cancri non dissimiles nostris marmoratis. Ibidem & in Gallia sæpissime in fontibus & riuis capiuntur astaci maritimis minores. Crustatis autore Galeno, inest salsus succus, suntque omnia duræ carnis, ideoque concoctu difficilia sunt, multumque nutriunt, prius in aqua dulci elixa. Horum caro quemadmodum & ostreorum ventrem sistit, quando in aqua prius elixa succum salsum deposuerint. De horum plurimis hoc libro tractabimus. Sed prius admonendus lector, veteres nomina quædam confudisse, vt, cancri nomen aliter atque aliter vsurparunt. Plinius pro genere sic vsus est. Cancerorum genera carabi, astaci mææ, paguri, heracleotici leones & alia ignabiliora. Aristoteles eos tantum cancos vocat, quibus rotundum est corp

Li. 9. ca. 12. &
Lib. 11. cap. 37.

Lib. 9. cap. 30.

Lib. 3. de fac.
aliment.

Lib. 9. cap. 31.

Lib. 4. de hist.
cap. 2.

corpus, quibúsq; cauda deest. Illud verò animaduersione dignum est, quod Aristoteles scribit solis cancris ex crustatis caudam deesse: *ὁ καρκίνος μὲν τῶν τοιούτων ἀνθρώπων ὄντων*, inquit, quod fallum esse *ἀντιφάσι* conuincit. Nam cancri omnes caudam habent, sed corpori applicatam, quam non extendunt nisi fœminæ, cùm eam partem ouorum copia distentam habent. Componitur autem cancrorum cauda ex quinque tabellis (sic enim appellamus τὰς πλαγὰς crustas sectas & congestas, & *πλακάδας* tabellatos) sed hæ in acutum desinunt non in pinnas, vt in locustis: quia cancri cauda non natant, verùm in ea oua deponunt, & conseruant, in eadem est excrementorum exitus. Huiusmodi cùm sit caudæ vsus & cōpositio, non video cur cauda dici non possit, etsi perpetuò non promineat, neq; extenta sit. Quæ verò ab Aristotele ratio adfertur, nihil necessariò mihi videtur concludere: differunt, inquit, locustæ à cancris, q̃ locustæ caudam habeant, qua carent cancri, quoniam locustis vt nantibus cauda vtilis est: natant enim, caudæ vt palmulis innitentes, cancris verò inutilis, quia terrenam vitam agunt, cauernasq; subeunt. At squilla lata pedes habet & graditur, cauda tamen non caret. item cancellus purpurarum, buccinorum, cochlearũ testas subit, illicq; degit, nihilominus tamen caudam longam habet & extentam, vt ipsemet Aristoteles scripsit. Quare rectius dicemus cãcros caudam habere, sed corpori appressam, ne ingressum impediat.

De Locustis.



CAPUT II.



QRUSTATORVM Quatuor sunt summa genera autore Aristotele, locustæ, astaci, squillæ, cãcri. Primum locustas, reliqua deinceps exequemur. Dicitur locusta à Græcis *καράβος*, quem etiã *ἀστραγι* vocauit Arcestratus, vt ex Epicharmo confirmat Athenæus.


Dicta etiam est locusta *γερσαῖος* à Græcis eodem Athenæo autore. A nostris *langouste*, à Liguribus *alagousta*, ab aliis *lanchrina*. Locusta duo habet cornua ante oculos magna, initio aspera & aculeata: deinde rotunditate præpilata, in exortu crassissima, quæ paulatim magis ac magis ita gracilescunt, ut tandè in tenuissimum cirrum desinant, in omnemque partem pili instar flecti possint. initio quaternis articulis distincta sunt, ut cum nullus ingruat metus recto meatu cornibus ad latera porrectis, in pauore iisdem erectis obliquè in latera procedant. His alia duo cornua articulata, læuiora, minora, tenuiora subsunt, quibus pisciculos, ut opinor, allicit & venatur. Oculi cornei semper prominentes & exerti, in obliquum mobiles, aculeis acutissimis firmissimisque vtrinque tanquam propugnaculis muniti. Oris lateribus additæ appendiculæ tanquam parui pedes ad tutelam. Dorsum asperissimum est & aculeatum, veluti è fronte aculeus magnus eminet. Inde illa Tiberij Cæsaris crudelitas qui apud Capreas locusta os piscatori dilacerari iussit. In lateribus branchias habet veluti è pilis coagmentatas, pedes plures quaternis: quia sanguine carentia pluribus mouentur notis quàm quatuor, siue terrena sint ut scolopendræ, multipedræ, siue aquatilia, ut mollia & crustata. Sunt igitur locustis pedes vtrinque quini annumeratis extremis chelis, quas Gaza modò forcipes denticulatos, modò brachia forcipata interpretatus est. *Χηλὴ* propriè est ὁ ὄνυχς ungula, & dicitur ἐπὶ τῶν θιονύχων ζώων, de animalibus quibus bifida est ungula, quasi *χηλὴ*, ἀπὸ τῆ διέχυθαι, ὡς ὀπλὴ, ἐπὶ τῶν μισοτύχων. Inde igitur accepta significatione chelas in crustatis dixerunt non vnico aculeo constantes, sed duplici & articulado veluti in forcice. Flectuntur omnium pedes in obliquum, chelæ verò introsum. Cauda læuis & sine aculeis ex quinque tabellis contexta, in pinnas quinque definens natandi causa ei quasi remo locusta innititur, èstque in ea situm totius corporis robur, quod experieris si ea parte locustam apprehendas: nam valida frequentique agitatione è manu elabitur, nec nisi cauda corpori appressa, vel è cornibus suspensam retinere queas. Differt mas à fœmina, quòd fœminæ primus pes duplex, mari simplex. Præterea in caudæ supina parte fœmina appendices pinnis similes, duplices habet ad contegenda & conseruanda oua, mas simplices & paruas. Sunt & qui magnitudine corporis distinguant, ut fœminæ maiores sint, mares minores. Postremò mari in nouissimis pedibus veluti calcaria maiuscula prominent, acuta, quæ fœmina parua habet, & leuiora. Locustis bini sunt dētes magni in lateribus positi cōtrā quàm in cæteris piscibus, in ore caruncula linguae specie, sequitur gula brevis. Hanc ventriculus membraneus excipit, cuius ostio tres infixi sunt denticuli duo aduersi, reliquus infra. Inde intestinum ex ventriculi latere simplex, pari semper

crassitu

crassitudine in caudam terminatur, quâ excrementa excernit, & oua edit. Præter ista in locustis meatus est, qui à pectore pendens in anum terminatur, in fœminis vulua est, in maribus seminis receptaculum: hic meatus iuxta carnis cauum continetur, ita vt media caro inter intestinum & meatum sita sit, meatu, carnis cauum, intestino conue- xum contingente. Hoc meatu, mas à fœmina non differt: nam in v- troque à pectore pendet, tenuis est, candidus, humorem quendam pal- lidum intra se continens. Hæc Aristoteles. quæ vera esse docet disse- ctio, nisi quod in fœminæ meatu qui pro vulua est, non semper hu- mor pallidus inest, sed oua quæ cocta rubescunt, vnde corallum appel- lant nostri, quo tempore melior est locusta. Capitis colliq; testa sub- tus tota perforata apparet. Coeunt locustæ more quadrupedum re- tro meientium, scilicet vt fœmina caudam supinam exponat, mas suam superponat & applicet: coeunt vere iuxta terram, oua vtero ge- runt tribus mensibus, Maio, Iunio, Iulio. Deinde oua in appendicibus illis supinæ partis caudæ reponunt, quæ deinde vermium more augen- tur. Locustis omnibus vita diuturnior est, crusta exuuntur quæmad- modum angues senectute, id quod consultò à natura factum est: cru- sta enim densior reddita motum impedit, eique veluti grauiori oneri succumbentes locustæ longè segiores ad motum redduntur. iis igitur excrementis quæ in eam abibant, in aliam quæ subest gignen- dam absumptis, formæque à superiore accepta, illa alimentis destitu- ta siccior efficitur, facillimèque colliditur. Testaceis idem non eue- nit, quia locum non mutant, sed stabili in sede viuunt. Locustæ car- niuoræ sunt, murænas interimunt & vorant, contrà à polypis vin- cuntur, cibos ore conterunt. hoc ostendit oris constitutio, & gulæ angustia, ledi non possunt nisi sub cauda, duræ sunt carnis & diffi- cilis concoctu, quæ superiora, teneriora sunt, quæ caudæ proxima, du- riora, candida. Nostri ore & ano diligenter stupa obturatis, ne succus interior effluat, in furno assant, alij in feruente aqua elixant, alij cru- sta spoliatas in frusta diuidunt, aromatis, aceto cõdientes, apii que fo- liis aspersis. Dorion quidam apud Athenæum festiuè admodum di- Libro 8. xit locustam tria in se habere, διαψιλω, καὶ βαχίαν, καὶ θεωρίαν, id est, exercitationem, edulium, & contemplationem. Quum enim integra mensis apponitur, frangendis pedibus & brachiis, thorace diuellen- do, cauda distrahenda, manus oculique exercentur, tum edulium est cibusque conuiuiis non ingratus. Interea mirabilis & ingeniosa spe- ctatur animalis huius fabrica, cornua mobilia tum ad prætentan- dum iter tum ad pugnandum, item aculei, magna toto in dorso & capite asperitas tum ad propulsandas, tum ad inferendas iniurias, ar- ticulorum vincula, tabellarum connexus, quæ omnia imitati milites

loricas suas fabricati sunt. Hic,inquam, triplex fructus ex locusta integra apposita percipitur in conuiuio minimè muto, & in quo non solùm corpus cibo potùque reficitur, sed animus doctis sermonibus lepòre aliquo semper conditis recreatur.

De Astaco.



CAPUT III.



ASTAKOI quasi ἀστῆκοι mea quidem sententia dicuntur, id est, non destillantes sed abundè fluentes, quòd tubercula plurima tum alba, tum purpurea guttarum siue lachrymarum specie forcipibus inspersa habeant, nominabant etiam ἀστῆκες Attici pro ἀστῆκες, vt ὀστῆφιδας autore Athenæo. Gaza gammaros conuertit, vulgi Italici appellationem vt opinor, secutus: dicitur enim *gammaro*, vel *cambaro*. Non sum tamen nescius gammari vocabulum vetustum esse & Latinum, vt apud Martialem.

Concolor in nostra gammare lance rubes.

Libr. 7. Sed *gammari* squillarum species erat veteribus Romanis. Athenæus. Κάμμαροι. Ἐπίχαρμος ἐν ἡβας γάμῳ ἔτι δ' ἐπὶ τέτοισ βῶ-
κες, σμαρίδες, ἀφῆαι, κάμμαροι. καὶ σῶφρων ἐν γυναιχείοις μύμοις ἀνδρῶν
μέμνηται, ἔστι δὲ καριδίων γένος, καὶ ὑπὸ Ῥωμαίων ἔτι καλεοῦνται. Gam-
mari. Epicharmus in nuptiis hebes, præterea, boca, smarides, aphyz,
gammari. Horum etiam Sophron meminit in muliebribus mimis.
Est autem squillarum species, & ita à Romanis vocantur. At *astacus* non squillarum sed locustarum potius generis esset: nam, vt Aristoteli placet, locustis similis neque multis notis ab iis diffidet. Τῶν δ'


μαλακαστράκων ἐν μὲν ἐστὶ γένος τῶν χράβων. καὶ τέττω παραπλήσιον
 ἕτερον δὲ τῶν καλκιδίων ἀστακῶν. Crustatorum animalium primum
 genus est locustarum, & huic simile aliud astacorum. Præterea nul-
 lus est opinor, qui χαμμάρις & χαμμοειδὴς idem esse neget, at has
 Galenus apertè ab astacis secernit. Ἀστακὶ, καὶ πάγουροι, καὶ καρκίνοι τε, Lib. 3. de fac.
aliment.
 καὶ χράβιοι, καὶ χαλιδίαι, & χαμμοειδῆς, ὅσα τ' ἄλλα λεπτὸν ἔχει τὸ πτερί-
 χον ὄστρακον. Quòd si Latinam τῆς ἀστακῆ appellationem desideres,
 eum planè esse arbitramur, quem Plinius elephantum appellat, à ma-
 gnitudine opinor & longitudine pedum & brachiorum. Id ex eius
 pictura perspicuum est. Elephanti locustarum generis nigri, pedi-
 bus quaternis, bisulcis: præterea brachia duo, binis articulis, singu-
 lis forficulis denticulatis. Quæ omnia tam astaco conueniunt, vt
 nulli magis: etenim specie & longitudine corporis locustis similes
 sunt, sed colore differunt: sunt enim nigri, id est, purpurei siue vio-
 lacei coloris exaturati, pedibus bisulcis, brachiis duobus, forficu-
 lis denticulatis, ad eorum discrimen qui pedes quidem habent, sed
 simplices, vt locusta, & chelas sine denticulis. Sed astacum nostro
 more fusiùs describamus, à Gallis & Normanis *homar*, à Romanis
gammaro, vel *cambaro di mare*, à Venetis *astase*, à Genuensibus
lombardo, à Græcis huius temporis *ἀστακὸς*, à Constantinopolitanis
licyda vel *lichuda* vocari audio, ab Illyricis *larantola*, à nostris *lan-*
grout vel *escrénice de mer*. Astacus corporis habitu astaco fluuiatili,
 quem Galli *escrénice* vocant, simillimus est, magnitudine & colore
 dissidens: nam marinus multò maior est, vidi aliquando forcipis par-
 tem alteram, quæ libram aquæ caperet: colore est, dum viuít, purpu-
 reo exaturato, sed vnà cum vita coloris nitor euanescit, maculis va-
 riis vt cæruleis, rubris, candidis notatur. Coctus totus rubet, vt cru-
 stata omnia. Cornua duo ante oculos habet, intio articulata, lon-
 ga, tenuiora, quàm locusta: sunt & alia duo breuiora. E media fron-
 te existit aliud paruum, vtrinque ferratum, latius, obtusiusque quàm
 in squillis, in quibus est tenue acutissimùmque. Pedes situ nume-
 ròque à locustarum pedibus non distant, bini forcipibus proximi
 bisulci & hirsuti, chelæ glabræ sunt, magnæ, binis articulis distin-
 ctæ, rostris auium similes: harum pars superior mouetur, inferiore
 immobili, veluti in crocodili maxillis. Interiori parti maiora tu-
 bercula affixa dentium specie, quam ob causam denticulatos forci-
 pes appellant. Cauda, vt in locusta, ex tabellis contexta est, in
 pinnas definit sed duriores. Dentes duo veluti locusta habet, ca-
 runculam pro lingua. gula, ventriculus, partésque internæ om-
 nino similes. Vt ostendamus nos verum Aristotelis astacum repræ-
 sentasse, & vehementer errasse autorem lib. de aquatilibus, qui longè

alium ab astaco crustatum piscem exhibuerit, aut potius somnari: adscribam integram Aristotelis descriptionem *παραπρατικὸς*, ex libro quarto de historia animalium, vt melius omnia intelligi possint. Astaco, inquit, nitet color nigro asperso. Primum inferiore loco octo pedes habet vtrinque quaternos, deinde duos magnos, vtrinque singulos, multò maiores, in extremo latiores, quàm locusta, sed inæquales: dextri enim extremum latum est, prominens & tenue: sinistri crassius & rotundius, vtrunque tamen indiuisum est, superiore & inferiore parte, veluti maxilla dentes habens, sed dexter pes paruos omnes & serratos, sinister in summo serratos, internos veluti maxillares, inferiore in parte quatuor & continuos, superiore tres & non continuos. Aliquando contrà euenit, vt pòst ipsemet annotat, vt quod sinistro tribuitur, dextro insit & contrà. Vterque pes superiorem partem mouet, & ad inferiorem astringit, vterque inferiore situ extrorsus obtortus est, vnde *χαμψόπυχοι ἀστᾶροι* ab Epicharmo dicti sunt, teste Athenæo, tanquam ad capiendum & premendum nati. Supra horum magnorum exortum duo alij parui existunt, hirsuti, ore paulò inferiores. paulò adhuc inferiores sunt branchiæ, circa os veluti ex pilis multis compactæ, quæ assidue mouentur, duos paruos & hirsutos pedes ad os adducit, qui & adnata quædam tenuia gerunt. Dentes duos habent astaci locustæ modo, superiore loco cornua multò breuiora & tenuiora quàm locusta, quatuor item alia his forma quidem similia, sed breuiora & tenuiora. Supra hæc oculi parui & breues, non vt in locusta magni, frons quasi quædam acuta & aspera. Supra oculos extat latior, quàm locustæ, denique facies acutior, & pectus latius quàm locustæ, carnosius & mollius. Octo pedum inferiorum, quatuor in summo bifidi sunt, vtrinque scilicet bini magnis chelis propiores, reliqui quatuor, vtrinque scilicet bini minimè. Cauda quinque tabellis constat, quam *σάγχλον*, id est, collum vocari scripsit Aristoteles, nisi mendosus sit locus, sequitur sexta illa pars latior. Interiora, in quibus scæminæ priùs pariunt, quàm oua edant, quatuor sunt hirta, quibus singulis spinæ singulæ breues ad exteriora prominent. Pectus, corpusque totum læue est, non quemadmodum in locustis asperum. Scæminæ & maris in hoc genere nullum est discrimen. Etenim mas & scæmina vtcunque contigerit alterutram chelarum maiorem habent, vtranque æqualem nunquam. Et alibi idem Aristoteles. Locustæ, cancrique omnes chelam dextram grandiorem valentiorémque habent. Astaci soli non hanc vel illam, sed alterutram, vt fors tulerit. Quis dilucidius vnquam rem vllam expressit, quàm astacum Aristoteles his verbis? His adde inter omnes doctos constare

Lib. 4. de part.
anima. cap. 8.

stare, astacum fluuiatilem esse, quem Galli *escruice* appellant. Quò magis error præclari illius auctoris L I B. de aquatilib. conuincitur, qui ineptissimam, & à naturali alienissimam astaci formam exhibuit, quæ locustæ etiam quadrare nullo modo potest, vt ex eodem Aristotele, & ex præcedente capite colligere facile est. Idem autor credit adultum astacum à Latinis elephantum dictum, & Plinij elephantum astaci delineationi planè conuenire, sed quàm ineptè ista accomodet, consydera quæso studiose lector. Inter marina, inquit ex Plinio, sunt elephanti locustarum generis nigri, pedibus bisulcis. Ego verò pro pedibus bisulcis quaternos intelligo, quos duo etiam brachia vtrinque subsequuntur. Addit præterea brachia duo, binis articulis, singulisque forciculis denticulata, quæ in astacis cernimus. Nam singula grandia astaci brachia, binis articulis intercipiuntur, & denticulatis forcipibus bisulcis armata sunt. Hæc sunt noui illius auctoris verba. Primùm in astaco quem depinxit quaterni pedes bisulci non sunt, imò nulli, sed omnes articulis tantùm intercepti & in ungues siue *παλῆκτα* desinentes. Quare aut delirasse ipsum oportuit in pingendo astaco, aut qui bisulci pedes dicantur non intellexisse. Ipse verò secum pugnat, qui elephanti descriptionem astaco accommodans, pedes bisulcos quaternos se intelligere ait, alio autem in loco qui eum quem modò citaui præcedit, duos tantùm bifidos astacis pedes tribuit. Pedes inquit, vtrinque quatuor habent, quorum duo priores in extremo bifidi sunt ad incessum: alij duo natatui magis inseruiunt. Deinde duo brachia in eiusdem astaci delineatione binis articulis, singulisque forciculis denticulata nusquam comparent, sed illa sunt reliquis quaternis crassiora duntaxat, in singulos ungues siue *παλῆκτα* desinunt, quæ altera parte vel serrata, vel hirsuta spectantur. Quare quod pro astaco proposuit, neque locustæ neque astaci formam aptè refert, sed potiùs commentitia res est. Præterea hoc docere non est, sed studiosis imponere, aliud pictura, aliud verbis demonstrare. Ad astacos veros redeamus, quos ex pictura nostra faciliè & verè agnosces, & eosdem siue adultos, siue non adultos cum elephantis Plinij esse existimabis, ex iis quæ in superioribus diximus. Ij in læuibus locis nascuntur vt ex Aristotele citat Athenæus, locustæ *Libro. 3.* in asperis & petrosis, neutri in lutosis. Quare in Ellesponto & circa Thasum nascuntur astaci, circa Sigeum & Arho locustæ. Theophrastus eodem teste prodidit astacos, locustas, squillas senectutem exuere.

De Leone.



CAPUT IIII.



ATHENÆVS Obiter tantum ex Diphilo leonem inter malacoderma recensuit, quo in loco pro μαλαχιδέρμων perperam legitur ὀστραχιδέρμων; ut ex contextu apparet. Τὸν δὲ μαλαχιδέρμων καρὶς, ἀσταχὶς χαράκος, χαρκίνος, λέων τῶ αὐτῷ γένους ὄντα διαφέρουσιν. μείζων δὲ ἐστὶν ὁ λέων τῷ ἀσταχίδι. Aristoteles nullam omnino mentionem fecit. Plinius LIB. IX. nominauit tantum. Cancrorum genera carabi, astaci, mææ, paguri, heracleotici, leones. LIB. verò XXXII. notam addit, qua à similibus secerni possit: Leones, inquit, quorum brachia cancris similia sunt, reliqua pars locustæ. Ex quibus verbis quisnam sit verus leo post longam diligentemque omnis generis crustatorum inuestigationem certò me cognouisse existimo, qui cum minimè cōtemnendus, imò spectatu dignissimus esse videatur, paulò fusiùs qualis sit exponam. Λέων à Græcis dicitur, ita à Latinis leo à colore flauo, ut arbitror, quo coloratus est, dum viuit, & è mari captus educitur, & quòd hirsutus sit. Astaco corporis specie affinis est, sed brachia longiora habet, forcipes tenues & latiusculos, quorū scissura maior quàm in vlllo alio crustatorum genere pro corporis ratione. Tuberculorum qui in elephantis sunt loco brachia villis vestiuntur & aculeata sunt. Pedes tres, qui proximè brachia sequuntur longiores sunt, aculeati, in calcaria terminati, vltimus exiguus, breuis & tenuis, neque aculeis, neque pilis munitus. Præterea ab astaco dorsi aculeis differt, qui-

Cap. 31.

Cap. 11.

quibus cum locusta conuenit. Vtrinque cornua duo longissima tenuissimâque habet. item alia in fronte breuia, inter quæ vnum è media fronte eminet acutum, neutra parte ferratum, hæc sunt oculorum propugnacula, qui cornei sunt, & prominent. Corpus totum undulatum est, instar panni ex hircorum camelorumque pilis contexti, camelorum vulgò appellamus. Cauda perinde ac in astacis in pinnas quinque desinit, sed lineis magis distincta. Captus leo circa Lerinum insulam quæ nunc insula D. Honorati dicitur, non procul ab Antipoli, ad me missus est. Hæc qui cum Plinij verbis conferet, ex brachiis cancris similibus, locustæ corpore leonem esse quem depinximus facile iudicabit. Ex cancris enim permulti brachia pro corporis magnitudine longa habent, hirsuta, forcipata. corporis locustæ figura longa est, cauda ex tabellis constat, dorsum aculeatum quæ in leone nostro expressa spectantur. Non minùs absurdè de leone quàm de astaco loquitur autor libr. de aquatilib. nam quemadmodum astacum adustum, à Latinis elephantum dictum fuisse credit, ita Græcos astacis grandibus nomina immutasse, & leones potiùs quàm elephantos appellare maluisse: nam Ælianus, inquit, eam descriptionem tribuit leoni quam Plinius elephantò. Esto idem sit leo Æliani & elephātus Plinij, an propterà rectè concludetur eundem esse Plinij elephantum & leonem? Sic enim ille concludit. Constat igitur leonem eundem esse piscem quem elephantum. Non vides Plinium hunc ab illo aperte distinxisse. Nam cùm Plinius de elephantis dixisset, paulò pòst leones subiunxit, & notam diuersam addidit, quorum brachia, inquit, cancris similia sunt, reliqua pars locustæ. Alius est igitur Plinij elephantus, alius leo quem hoc capite expressimus.

Lib. 3. cap. 12.

De Squillis.

CAPUT V.

SEQVITVR τῶν καρίδων genus quod tertium post locustam & astacum ab Aristotele numeratur, Gaza cum Cicerone & Plinio squillas conuertit, Cicero lib. 1. de Natura Deorum squillam paruâ vocat, ὅ καρίδων Aristotelis. Plinius verò LIB. X. 1. Crusta fragili inclusis rigentes oculi, locustis squillisque magna ex parte sub eodem munimèto præduri eminent, & LIB. IX. Coeunt locustæ, squillæ, cæcri ore. Athenæus autor est à Sophrone & Epicharmo καρίδας dictas à Simonide καρίδας. Idè tradit καρίδας à capitis magnitudine nominatas ὡς καρίδες ὅ καρίδες ἀπὸ τοῦ κεφαλαίου, ὅ καρίδες γὰρ μέρος τοῦ σώματος ἢ κεφαλῆς ἐπὶ τῇ γαστρὶ. dictæ sunt carides à dictione κεφαλή, id est, à capite: maximam

Lib. 4. de hist. animal. ca. 24.

Cap. 37.

Cap. 51.


Libro 3.

Ibidem.

enim corporis partem caput occupat. Quod etymum si verum sit, non possum non mirari Galenum, qui LIB. VIII. de vsu partium malacostraca omnia capite truncat: nam cum initio libri in quibusdam solum id fecisset: τοῖς μὲν ὑδέρειον ἐστὶ (de collo & capite loquitur) τοῖς δ' ἡ κεφαλὴ μόνη. καράβοις μὲν οὐ καὶ ἀσκαοῖς, καὶ παγέροις, & καρκίνοις ὑδέρειον. τοῖς δ' ἰχθύσι δ' ἅπαντες κεφαλὴ μὲν ἐστὶ βράγχιος δ' οὐκ ἐστὶ, aliquantò post malacostraca omnia eadem lege conclusit: Ἀλλὰ καρκίνοις τε, καὶ τοῖς ἄλλοις τοῖς μαλακοστράχοις, κεφαλὴ μὲν οὐκ ἐστὶ. Τὸ δ' τῶν αἰσθησέων τε, καὶ τῶν καὶ προαίρεσιν κινήσεων, ἐξηγούμενον μέρος ἐστὶ, διήκως πλείους ἀνθρώποις καὶ τῷ θώρακι τελευτήσαντες ἐνθαπτεῖται ἀνθρώποις ἐστὶν ἅπαντες & τῶν αἰσθησέων ὄργανα. Sed & cancris & aliis crustatis caput deest, partem verò quæ sensibus & motionibus à voluntate pendentibus præest, illi sanè in thorace sitam habent, in qua omnes sensuum sedes habitant. Ac maluit Galenus quantum ad animantes istas attinet, in Aristotelis sententiam discessionem facere, qui è corde sensum motumque omnem tanquam è fronte manare credebat, quàm iis caput tribuere, ut ipsius verba clarè ostendunt: ὧς θ' ὅπερ ἐν ἡμῖν ὁ ἐγκέφαλος, τὸτ' ἐν ἐκείνοις εἴη. ἂν τοῖς ζώοις δ' μέρος, εἰς ὃ τῶν εἰρημύων ἀναφέρεται. ἢ εἰ μὴ ἐγκέφαλος ἐστὶν, ἀλλὰ καρδία τέστιν ἀπάντων ἀρχή. Itaque quod in nobis cerebrum est, id sit in aliis animantibus pars illa ad quam quæ dicta sunt, scilicet sensus & motus referantur: aut si cerebrum non est, certè cor omnium horum principium fuerit. At quòd cancris caput sit, sed indiscretum alibi diximus. Quòd squilla, pluràque alia malacostraca caput habeant, & discretum, & piscium ceterorum modo ab aliis partibus distinctum sensus ipse demonstrat, quicquid dicat Galenus alio etiam in loco præter iam citatum Καρκίνος τε οὐ καὶ τὸ σύμπαν δ' τῶν μαλακοστράχων γένος ἦδη δ' καὶ φάλαγγας, καὶ ἄλλα πολλά τῶν περαπλοσίων, & μὲν ὅτι ὅλως ἔχει κεφαλὴν, & ὃ οἷον ὑποκαταλήπτω μόνον. Cancer igitur & vniuersum crustatorum genus, præterea balænæ & multa alia huiusmodi vel capite omnino carent, vel eius solummodò rudimentum habent. Quod verò balæna in eo numero recensetur, mendosum esse puto: neque enim balæna ex genere crustatorum, neque capite caret, sed id habet discretum & distinctum. Quare καλύβδαμον (nam ea inter crustata à veteribus nominatur) vel aliquod aliud affine crustati piscis nomen reponere oportet. Sed ad squillas referatur oratio. Harum tria genera constituit Aristoteles, sunt κύφα, id est, gibbæ, κράγες, crangines vertit Gaza, sunt & parvæ, quæ maiores nunquam fiunt. Nos species plures facimus, quia ad tres superiores referri omnes non possunt, ut squilla lata, alia quæ calata est & glabra, præterea quæ μέγας dicitur, nulli rectius quàm squillarum generi attribui potest, ut suis locis deinceps explicabitur.

Lib. 4. de hist.
animal. ca. 1.

De Squilla lata.




CAPUT VI.

SQUILLÆ Quam hîc proponimus cognomen latæ damus, vt ab alijs distinguatur, nec id sine exemplo. Nam Archestratus autore Athenæo *ωλαττίας κα- Lib. 3.* *είδας* appellauit, quanquam locustas, astacos, caridas confudisse videatur, quæ tamen secernenda esse & specie differre ostendit Athenæus. Squilla lata nostris incognita est, & ob id *ἀλώμενος*, & Liguribus *orchetta* nominatur. Si quis ob similitudinem speciem cum locustis potius quàm cum squillis annumerandam censeat, vel hoc vno refelli poterit, quod locustis pedes vltimi in forfices terminantur, quos chelas vocant, quibus squillæ carent autore Aristotele. Squilla igitur lata locustarum est magnitudine, sed latior multò & magis depresso corpore & hirtio, in fronte ossa duo, vtrinque vnicum, in ambitu ferratum, in quibusdam acutius, in alijs latius, his pinnæ duæ alligantur. inter hæc, duo enascuntur cornua, initio articuli lata, circa medium bifida, vt ex duobus quatuor fiant, tenuia, non valde longa. Os & oris appendices ita habent vt in locusta. Brachia duo habet cum aculeis, veluti clauis eminentibus, pedibus maiora non bifida quæ in os flectuntur, quibus cibum ori tanquam manibus admoueant. Hæc qui bisulca non esse videbant, pedibus annuebant, vt quinque pedes esse dicerentur. Sed hoc squillis proprium est chelis carere, harum autem vice brachia maiora pedibus habere. Pedes vtrinque quaterni sunt, vt in locustarum & cæcorum generibus. Oculi parum prominent, ob id conditi videntur, frons quadrata & latior quàm in vlllo crustatorum genere. Tumores multi per dorsum sparsi sunt ex quibus extant tubercula, quorum summa pars adeo rubet vt carbunculos in annulorum pala inclusos esse dicas. Cauda tabel-

Lib. 4. de part.
animal. ca. 8.

lis quinque constat, & in pinnas totidem definit, in caudæ supina parte appendices sunt, ad oua reponenda quemadmodum in locusta. Eadem modo coit, & æstate parit, internaque omnia similia habet. In cœnosis locis viuit, argumento est quod sordida lutôq; obsita è mari extrahitur, carne est molli vt astacus. Rara est apud nos, Massilia aliquando capitur. In Africa frequentissima est, & maxima, quam si vidisset Apicius ille *ἰσχυρότατος*, qui squillarum prægrandiû causa in Africam nauigarat, non tam citò ad suos rediisset: illic enim conspectis squillis paruis, execratus prouinciam ita regredi institit, vt terram illam non attigerit. Sunt qui de Archestrato id narrent. Explodenda est eorum sententia qui squillam latâ quam depinximus vrsûm esse credunt, cùm vrsûm videatur Aristoteles cum cancris numerare, vt suo loco dicemus.

De Squilla cælata siue Cicada Æliani.



CAPUT VII.



V A M Hic proponimus nostri cicadam marinam vocant, alij cicadam marinâ eam esse opinatur, quam postea *μύδων* esse demonstrabimus. Eam de qua nunc agimus cicadam potiore ratione nominandam esse censuimus, ob maiorem cum cicadis terrestribus similitudinem: squillam verò tum quòd supradictæ similis sit, tum quòd brachia priora indiuisa habeat, qua nota squillas à locustis & cancris secerni diximus, cælata verò vt ab aliis internoscatur. nam quinque tabellis cõstat & dorso egregio naturæ artificio variè cælatis & sculptis vt in pictura expressimus. Squilla hæc tota rubet, ossa vtrinque habet in fronte, in ambitu serrata, acuta, veluti squilla lata, quibus

ann

annexæ sunt pinne veluti alæ, cornua duo habet, brachia duo indiuisa quibus ori cibos admouet: pedes quaternos, circa os appendices, internas partes, caudæ pinnas easdem quas locusta, magnitudine verò differt: nam dodrantalem magnitudinem vix superat. Carnis substantia astaco similis est. Cicadæ marinæ neque Aristoteles, neque Plinius meminerunt in iis qui extant libris. Sed Ælianus Latinè conuersus his verbis. Est etiam cicadarum genus maritimum, quarum maximè pars carabi similitudinem speciemque gerit, veruntamen cornua, non similiter atque ille magna, nec aculeos habet, pinnae ipsius exiguæ terrenarum similes sunt. Hominum plerique idcirco ab eo se abstinent, quod sacram existiment. Seriphij in retia vel fortuito delapsam non sanè retinent, sed mari reddunt, atque etiam mortuam flentes & sordidati humatione afficiunt, quod eam dicant Perseo Iouis filio, quem ipsi summa religione colunt, consecratam esse. Hanc squille speciem esse puto, quam antiqui cammarum siue gammarum vocauerunt autoribus Athenæo, Plinio, Columella. Ac primùm cammarum ex genere squillarum esse probauimus ex Athenæo capite de astaco. Deinde inter incrementi parui pisces eum recēfuit Columella

Lib. II. cap. 39.

LIB. VI. I. & Iuuenalis.

Si tibi dimidio constrictus cammarus ouo


Satyr. 93

Ponitur.

Postremò color idem manifestiùs ostendere videtur, magis rubés in hoc quam in vlllo alio crustato, siue crudus sit, siue coctus, quique colorem nulli maximè refert, cuius rei autorem habeo Martialem.

*Immodici tibi flaua tegunt Chrysendeta nulli**Concolor in nostra cammare lance rubes.*

De Squilla crangone.



CAPUT VIII.



PATTONES Squillæ vocantur ab Aristotele, Lib. 4. de hist. anim. cap. 2. & ab eodem nonnunquam squilla καρίην dicitur, crangines Latinè à Gaza dicuntur, ab Italis gambaro dicuntur: à nonnullis cammarugia & parnochie, à nostris camramote, ab aliis longoustin, à Burdegalen sibus seruata

vetere appellatione *squilles*. Est hæc squilla palmi maioris longitudine, crusta tenui contegitur, læui, candida, nonnunquam ex albo parum rubescente, cocta verò tota rubescente, instar cornu pellucida, habet è dorso enatum cornu in fronte, ferratum, sursum recuruum, illius denticulata asperitates in superiore & inferiore sunt parte, non in lateribus veluti in astacis & squillis latis. Oculi cornei sunt satis prominentes, quibus subiecta pars caua est cochlearis modo. Cornua quatuor habet, duo bene longa, tenuia, flexibiliaque, his alia duo breviora in summo diuisa. E lateribus veluti alæ exoriuntur parua, albæ, radio siue aculeo innixa. Os & oris appendices cuiusmodi sunt in locusta & astaco. Pedes quinos habet, præter hos brachia duo quæ in calcar terminantur, pedes terni qui hæc sequuntur parum diuisi sunt, bini & vltimi indiuisi. Posterior pars pro reliqui corporis crassitudine & magnitudine longa, septem tabellis constans, in pinnas quatuor desinit, è quarum medio extat aculeus latior quàm in squilla gibba. Supinæ caudæ appendicibus, coeundi pariendique modo, partibus internis à superioribus non differt. Carne tenera est, dulci, bonique alimenti, satis nutrit, hæcticis & atrophia laborantibus cibis vtilissimus. Squillam *κράσιον* nos rectè repræsentasse demonstrare oportet. Ac primum cùm crustatorum animantium quatuor sint genera vt prius ex Aristotele ostendimus, nulli potius quàm squillarum generi subiici hinc perspicuum est. Ea enim quam exhibemus læuis est, locusta toto dorso aspera, chelas ante pedes non habet vt astaci, caudâ est protensa non rotundo corpore & sine chelis, non est igitur ex cancrorum genere. Quare squillam esse necesse est non latam quidem, neque celatam, vt corporis species & læuitas sine vlla celatura ostendunt, neque paruam quæ maior nunquam fiat: nam ea longè minor est, quàm paulò post exhibebimus, neque gibbam quia gibbo caret. His omnibus accedit nota certissima ab Aristotele tradita qua squilla crango à similibus internoscatur, καὶ ἢ καὶ εἰς ἢ κυφὸν ἢ ἔρπον καὶ πτερύγια πένταρα, ἔχει δὲ καὶ ἢ κράσιν πτερύγια ἐφ' ἑκάτερα ἐν τῇ ἔρπινι: δὲ δὲ μέγαν αὐτῶν ἀκριβοῦς ἀμφότεραι, πάλιν αὐταὶ μὲν πλάτυν ἢ δὲ κυφὸν ὀξύ. Squilla gibba caudam habet, & pinnas quatuor, totidem & crangon in vtraque caudæ parte, quarum medium in vtrisque spinosum est siue aculeatum, sed in crangone latum, in gibba acutum. Hæc nota in vtraque squilla, & crangone de qua nunc agimus, & in gibba de qua mox, euidentissima est & verissimam esse comperiet, qui pietas à nobis squillas cum viuus contulerit.

Hæc sunt quæ fidem faciunt squillam crangonem rectè nos ab aliis distinxisse.

De Squilla gibba.



CAPUT IX.

COGNITIS squillis latis, cælatis, crangonibus facile est reliquas duas agnoscere: gibba enim suo gibbo, & parua, sua paruitate satis sese produnt. κυψή à Græcis, à Gaza gibba squilla rectè vocatur: à nostris *caramot*, ad discrimen crangonis quam *caramote* appellant. A Santonibus *de la santé*, quod ægris plurimum soleant apponere. à Parisiensibus *cheuretes*, à Rhotomagensibus *salecoques*. Gibbæ squillæ crangonibus tenuiores sunt, maximè in cauda extrema, in fronte cornu gestant veluti crangones, magnum pro corporis ratione. Oculos, alas, pedes, cornua, os, oris appêdices, interna omnia similia crangonibus habet, caudæ initium in tumorem erigitur, vnde illi nomen, ab hoc tumore cauda tenuior & gracilior esse incipit: in pinnas quatuor definit, harum medium acutius est quàm in crangonibus vt dictum est, qua nota, & gibbo à crangonibus squillæ distinguuntur. Hyeme præsertim capiuntur maxima copia in Santonum litoribus, carne sunt dulci & tenera. Viuæ colore sunt fusco minúsque albo, quàm crangones, coctæ rubescunt. Deuorantur à reliquis piscibus, sed mortem suam grauitèr vliscuntur: cornu enim elatū & sursum recuruum palato deuorantium infigunt, & sic necant, vnde squilla hac pro esca vtuntur piscatores: ab ea lupum interfici cecinit Oppianus: *Lib. 2. ἀλιεύς*
Τικῶν
 squillæ inquit, exiguæ & imbecillæ fortissimum hostem dolo perimunt, lupum sua voracitate insignem: nam cum neque fugere, neque æquo Marte dimicare possint, deuorata acuto frontis cornu medium palatum ita vulnerant, vt etiam si initio id negligat lupus, tandem tamen moriatur.

Καρίδες δ' ὀλίγαί μιν ἰδεῖν, ἴσται δ' καὶ ἀλκίω
 Γύοις ἀλλὰ δόλοισι καὶ ἀλκίον ὠλεσθαι ἰχθύων
 Λάβρα κα, σφετέρῃσιν ἐπικλέα λαβροσύνησιν.
 Οἱ μὲν γάρ πυνδύσι, καὶ ἰθυόσι λαβέσθαι
 Καρίων, ταῖς δ' ἐτι φυγεῖν οὐκ ἔστιν, ὅδε μάχεσθαι,
 Ὀκλύμεναι δ' ὀλεσθῆσι, καὶ ἐς πέντεσι ποῖσιν.
 Ἔντε γὰρ ἀμφιχυόντες ἴστω μέγιστον ὀδόντων
 Αἰ δ' ἄμα θρώσκει, καὶ ἐς μέγιστον ὑπερώω

Ὁξὺ κέρας χελυκαρίου.

Non negarim squillam crangonem cornu idem efficere posse, sed cum squillis paruis id tribuat Oppianus, de gibbis potius intelligendum cenfeo: nam quæ minimæ sunt, cornu carent. Eam quam proposuimus squillam gibbam esse conuincit tumor ille caudæ initio, medius inter caudæ pinnas aculeus acutior & angustior quàm in crangone, magnitudo qua paruas squillas superat, à quibus etiam cornu frontis discernitur. Elixantur gibbæ squillæ in aqua & ex acetum eduntur. Vel in sartagine friguntur. hecicis in cibo mirum in modum conferunt, & longè delicatiores salubriorésque sunt quàm locustæ vel astaci. Non minus adferunt conuiuiis διαβητικὸν, ὠμαχικὸν καὶ θεωρητικὸν quàm locustæ.

De Squilla parua.



CAPUT X.




OSTREMA squilla species proprio nomine caret: ob id periphrasi vsus Aristoteles appellat squillarum δ' μικρὸν γένος, rationem mox subiungens. αὐταὶ γὰρ ὅτι γίνονται μέγας, quia maiores nunquam effici possunt. Sed hic animaduertendum est δ' χαρίδων μικρὸν γένος, id est squillam paruam, & δ' χαρίδιον LIB. V. de Histo. animal. non idem esse ac Γαύμαρον, quod etiam squillam paruam idem Gaza conuertit LIB. IIII. de Histo. animal. Quare cum tria sint. quæ squillæ paruæ nomine interpretetur Gaza δ' τῶν χαρίδων μικρὸν γένος, δ' χαρίδιον, δ' Γαύμαρον, ex ea conuersione qui in Latino Aristot. magis versatus fuerit, faciliè in magnum errorem induci posset. Nam Γαύμαρον non est ex squillarum genere: chelas enim habet astaci modo, qua de re fusius suo loco. Paruam squillam de qua hîc loquimur, nostri *ciuade* vocant, digiti minimi est magnitudine, capite pro corpusculi magnitudine crasso & lato sine cornu quo à gibba differt, alioqui caudæ tenui, paruo gibbo, oris appendicibus, caudæ pinnis, internis partibus gibbæ persimilis, punctis aliquot variatur, colore est dum viuît obscuro, cocta tota rubescit. Carne est dulcissima, vt ob nimiam dulcedinē quibusdam fastidio sit: vix enim vllum aliud cibi genus dulcius hoc degustaueris. Cum crusta & pedibus integra frigitur. sunt qui priusquam coquant, in sartagine perforata pedes vrunt, deinde in aqua

Cap. 35.

Cap. 4.

in aqua & oleo elixant. Squillæ in aqua hordei lotæ, & in carnis iure coctæ hæcticis maximè conueniunt. nam bene alunt, ad expurgandum pectus conferunt, multoque vtiliores sunt fluuiatilibus aſtæcis, quibus medici plerique, pro canceris fluuiatilibus vtuntur, cum tamen duriore ſint carne & minus dolci. Si ægris parètur ſquillæ de quibus nunc loquimur, cruſtis ſuis nudandæ ſunt: ſi enim vnà cum his edantur, flatuſ gignunt, veluti aphyæ cum ſpinis comeſæ. Squillæ cum cruſtis elixæ in aqua & oleo inieſto pipere ſopitam vernerem ſtimulant: tum quia ſemen ſatis copioſum generant ob dulce & bene nutrientem ſubſtantiam, tum quia flatuſ gignunt. Si frigantur in ſartagine flatuſ deponunt, quemadmodum frixa legumina: idem de gibbis & crangonibus ſentiendum. Hyeme in ſtagnis marinis capiuntur, & in magnorum fluuiorum oſtiis, è mari etiam extrahi ſæpe vidi, ne quis ob carnis ſuccum dulciſſimum, in dolci aqua gigni tantum exiſtimet.

De Squilla quæ *μύδω* dicitur.



CAPUT XI.

EXPLICANDVM eſt hoc loco cruſtatū id quod *μύδω* nominaui, priuſquàm à ſquillis diſcedamus: nec ad vllum aliud quàm ad ſquillarum genus referre poſſum. chelis enim caret, quibus à locuſta & aſtæco diſtinguitur, aculeos in cauda habet, ſquillarum modo, corporis ſpecie ſquillis ſimili, longo, quo à canceris differt. Nemo verò hanc ſquillæ ſpecie apud Ariſtote. Athenę. Oppianum, Plinium requirat: ab iis enim nullā huius mentionē fieri puto. Quemadmodum autem Latini à terreſtris locuſtæ ſimilitudine marinā locuſtam nominauerunt, ita nos *μύδω* à beſtiolæ ſimilitudine quæ eſt ex locuſtarum terreſtrium genere. Eam beſtiolam noſtri *preguedious*, id eſt, precantem Deum appellant, quod ſemper manus (brachia vel

pedes in istis animantibus magis propriè dicuntur) iunctas teneat, eorum more qui supplices Deum deprecantur. Præterea corpore est valde tenui & macilento, vt qui assiduus ieiuniis sese conficiunt & macerant. Eandem bestiolam diuinare vulgus ait: captâ enim pueri nostri interrogant, qua sit Romam vel Compostellam ad D. Iacobum proficiscendum, ea perinde ac si intelligeret, altero brachio extento iter monstrat. Ab huius, inquam, bestiolæ diuinantis similitudine squillæ speciem *μύσων* nominauimus: nam vtraque corpore est longo, gracili, circa caudâ latiore, brachia duo prima longa admodum. Sed marinam fusiùs describamus. *Μαῖνις* marinus crustis tenuibus, perspicuis, albis intectus est, brachia duo prima longa habet, articulis intercepta, vt ad os flecti possint, chelarumque vsum præstet, interiore in parte serrata, quorum denticuli initio minores sunt in summo ita magni, vt aculeis incuruis aptius quàm ferræ denticulis comparari possint, cornua duo longa prominent, in quorum summo ramuli duo exoriuntur. sunt alia duo his minora ante oculos, capitis figurâ cancellum ferè refert. Oculi perspicui sunt & lati, ad quorum radicem sitæ sunt alæ duæ longæ, in ambitu hirtæ. Vtrinque pedes sex habet, terni primis brachiis proximi in tumorem paruum desinunt, lentis instar rotundum & depressum, à quo tumore aculeus paruus vncus enascitur, reliqui terni parui sunt & tenues, quarum extremum in appendiculas quasdam tenues terminatur, quod caput sequitur & collum vocatur, tabellis decem constat inæqualibus, priores breuiiores sunt, & strictiores, quo propriiores sunt caudæ extremo, eo maiores & latiores fiunt, eadem aculeorum ratio, quibus singulæ tabellæ munitæ sunt, in prioribus parui sunt aculei, in maioribus tabellis maiores & euidentiores, cauda in os latum desinit, cuius ambitus multis riget aculeis, in oris huius superiore parte maculæ duæ spectantur oculis pictis similes. tres vtrinque pinnae ossæ ex vltima tabella oriuntur. Supina caudæ parte appendices habet, & in ore quemadmodum locusta, & superiores squillæ. Eodem modo coit & parit. Toto corpore est pellucido. Carne est molli, dulci & delicata, bene nutriente, viderem stimulantem, si eo modo paretur quo squillæ proximè descriptæ. Quam *μύσων* dicimus, nonnulli cicadam marinam appellare malunt, sed quia squille cælatæ maior est cum cicada terrestri similitudo eam cicadam nominauimus, hanc verò *μύσων* ob eas quas diximus causas. Si quis velit nimium *εὐεργετὴς* esse, appellet vt volet, satis est nobis squillæ speciem à veteribus non traditam exhibuisse. Nam autor L. I. B. de aquatilib. perperam depictam, & à naturali alienissimam proposuit, multis scilicet omis- sis, multis additis temere, vt ex collatione perspicuum cuius esse potest.

De Cancelli & Scyllaro.



CAPUT XII.



VI Cancelli figuram diligentius inspexerit, astacis annumerandum duxerit, qui cancelli nomen audierit cancrorum potius generi: nam Galenus cancris minimis comparat, alius locustis subiiciendum esse contendet, quod similem esse τοῖς καραβοδέϊσι dicat

Lib. 3. de fac. aliment.

Aristoteles alio loco idem cum testaceis recenset. Nos hoc loco repone volumus, ut medius esset inter crustatos, qui longo sunt corpore (hos enim καραβοδέϊς vocat Aristoteles) & cancris: inest enim in eo, quod & locustis & cancris simile sit. Inter ostracoderma verò referri nō potest, quia testas nos suas ingrediatur, quemadmodū aliquando & spongas, si quando foramen in eis capax nancisci possit. Eum Aristoteles καρχήδιον vocat, nostri *bernard l'ermite*, eremitam quidam quod alios fugiēs in testa perinde ac in solitudine viuat, bernardum autem quod plebs nostra bernardos etiam vulgari prouerbio fatuos esse dicitur, fatuūque esse cancellum, qui crusta tectus, chelas habens, quę ad vitam tuendam satis esse possent, alienas domos quærat, in quibus latens viuat. Quod si non hæc solū, sed posteriores etiam cancelli partes spectaueris, prudentem esse iudicaueris, qui nudas & iniurię valde opportunas partes dura & firma testa muniat. Ligures *brancha* vocant vel *branchna*, Prouinciales *bious cambus*. Nos primum testam vacuam, deinde cancellum nudum representamus, ut melius particulę omnes perspicere possint, tum cancellum in testa, parte priorē exerta, altera latente. Huius descriptionem quāmaximē dilucidē poterimus, proferemus ex Aristotele, qui in minuto animali explicando diligentior videtur fuisse, quā in multis aliis explicatu alioqui dignissimis. Cancellus, inquit, quodammodo inter cru-

Lib. 4. de hist. anim. cap. 4.
Lib. 5. cap. 15.

Lib. 4. de hist. anima. cap. 4.

stata & testacea animalia ambigit, naturâ enim iis quæ specie locustarum sunt similis est, & ipse per se nascitur, quatenus verò testas ingrediatur illicque viuât, testaceis similis est. Quare cancellus inter hæc anceps videtur esse. Forma autem araneis similis est, præter partem capiti & pectori subiectam quæ in cancello maior est, cornicula duo rufa tenuia gerit, subiacent oculi duo longi, qui nunquam intus conduntur, neque occluduntur veluti in cancris, sed semper eminent: iis subest os, circa quod veluti capillamenta quædam plura. His subiuncti sunt pedes duo bisulci quibus ori cibum admouet: bini alij vtrinque hærent lateri, & tertius paruus. Thoracis inferior pars mollis tota, & dissecta pallida est intus, ab ore meatus vnus est ad ventrem, excrementi, nullus est qui appareat, pedes & thorax duri sunt, minus tamen quàm in cancris, nexu nullo testis adhæret purpurarum modo & buccinorum, sed liberè & facilè hinc migrat. Hæc Aristoteles qui alio etiam in loco hæc de cancello. Initio gignitur ex terra & limo cancellus. deinde in vacuas testas ingreditur, vbi cum accreuerit, in ampliorem testam subit, videlicet aut neritæ aut turbinis, & aliorum huiusmodi, sæpe etiam parua buccina, ingressusque eam circumfert, ibidem nutritur & augetur, deinde capaciorem petit. Obseruandum est Aristotelem alterum hospitis alienarum testarum genus facere. Longior est, inquit, qui in turbinibus, quàm qui in neritis viuât. Genus igitur illud diuersum in neritis habitans cætera quidem simile est, sed ex pedibus bifidis dexter paruus est, sinister magnus, quo magno potissimum graditur. Idem genus in conchis reperitur quibus vt cancelli adhærent. Id genus vocant *οὐλμαρον*. Et paulò post. Quibus sinister pes grandior est, ij nunquam turbinatorum hospites sunt, sed neritarum duntaxat. Liberè dicam quod diu multumque obseruaui, sola corporis longitudine duo hæc cancellorum genera differre puto, vt cancellus turbinatorum hospes longior sit, quia eorum testa longior sit, neritarum breuior, quia neritarum testa est læuis, ampla & rotunda. Quantum ad pedum bisulcorum longitudinem attinet, in omnibus cancellis quos plurimos vidi, semper sinister pedem crassiorē dextro perspexi, quod non fortuito sed certa ratione mihi videtur contingere. Cum enim viuant in testa circa corporis medium complicati, quantum dextræ parti compressæ alimenti ac proinde incrementi decedit, tantum sinistræ liberi & laxiori accrescit. Præterea videtur Aristoteles tertium genus constituere quum dicit. Sunt inter cochleas, quæ intra se bestiolas habeant astacis paruis similes, qui vel in fluminibus gignuntur, sed ea differentia, vt præmollem intra suam testam carunculam habeant. Forma quales nam sint ex dissectionibus contemplare. Quæ quauis ita sint, vnica tamen descriptione contentus ea tria non admodum diff

*Lib. 5. de hist.
cap. 15.*

*Lib. 4. de hist.
cap. 4.*

Ibidem

differre sensisse videtur, earumque paucas & non insignes differentias esse. In mytulis, pinnis & ostreis cancri valde minuti nascuntur, de quibus nonnulli ea quæ prius ex Aristotele protulimus intelligenda esse opinantur: verum toto cælo aberrant. Nam cancris istis quadrare hæc nullo modo possunt, scilicet cornicula duo tenuia, rufa: iis enim prorsus carent, oculi semper eminentes, cum in cancris modò emineant, modò condantur, præter pedes duos bifidos duo alij vtrinque, & tertius parvus, thoracis pars inferior tota mollis. Hæc inquam parvis cancris non conueniunt. His & illud accedit, quòd cancelli sine testa nati in alienam ingrediuntur: deinde grandiores facti subinde testas mutant, in ampliores scilicet migrantes. Cancrui parui eodem Aristotele autore in testis nati nullum perspicuum accipiunt incrementum, vt subinde testas mutare iis necesse sit corporis magnitudini accommodatas. Postremò cancelli & cancri parui in variis testis habitant, vt eodem in loco tradit Aristoteles. Absurdè igitur faciunt, qui paruos canculos, quos in ostreis viderint, Aristotelis *καρκίνια* esse putant. Plinius etiam pinnotheris siue pinnophylacis nomine & cancrum paruum, & *ὁ καρκίνιον*, id est, cancellum Aristotelis confudisse videtur contra Aristotelis sententiam. Sic enim ille quum de cancris loquitur. Pinnother autem vocatur *Lib. 9. cap. 31.* minimus ex omni genere, ideo opportunus iniuriæ. Huic solertia est inanum ostræarum testis se condere, & cum accreuerit migrare in capaciores. Quum ex cancris minimum dicit, manifestum est locum hunc Aristotelis expressisse: *Ἐμφύονται δὲ ἐν ἐνίοις τῶν ὀστράκωδέρμων καρκίνοι λαοὶ ὅ ὃ μέγεθος πάντων μικροί: πλεῖστον μὲν ἐν τοῖς μυσὶ τοῖς πυνελώδεσσιν ἐπὶ τῇ ἐν ταῖς ὀστράκωδέρμοις καλεσμένην πιννοθήραν.* *Lib. 5. de hist. ani. cap. 15.* Quum verò dicit inaniū ostræarum testis se condere, &c. hunc interpretatus est, *ὅ ὃ καρκίνιον γένος μὲν ἄρχων ἐκ τῆς ἑλίας, εἴτα εἰς τὰ κενὰ τῶν ὀστράκων εἰσδύει, καὶ ἀνὰ μόνον μετεισδυίη πάλιν εἰς ἄλλο μείζον ὀστράκον.* At quanuis *ὁ καρκίνιον* ἐκ τῆς *καρκίνου* hypocoristicon sit nomen, tamen apud Aristotelem valde differunt bestiolæ duæ *ὁ καρκίνος μικρὸς* & *ὁ καρκίνιον*, id est, cancer parvus & cancellus, vt ex superioribus liquet, maximè cum ille minimus sit, & in pinnis & nonnullis aliis nascatur, & sedes non mutet, quia nunquam accrescat, nec in inanibus habitet, cancellus verò nō adeò parvus, & per se nascatur, & augefcatur, & subinde in alias testas migret, easque inanes. Alio in loco Plinius pinnotherem siue pinnophylacem facit squillam parua & cancrum propius hic Aristotelis mentem secutus. Concharum generis est pinna, nascitur in limosis, subrecta semper, nec vnquam sine comite, quem pinnotheren vocant, alij pinnophylacem, id est, squilla parua, aliubi cancer dapis affectator. Quæ ex Aristotele sumpta sunt: *αἱ δὲ ὀστράκωδέρμοι ἐκ τῆς βύσσου, ἐν τοῖς ἀμμώδεσσιν ἐν βορβορώδεσσιν, ἔχουσιν δὲ ἐν αὐταῖς* *Lib. 5. de hist. anima. cap. 15.*

τωνοφύλακα αἱ μὲν καρίδιον αἰδέε καρκίνιον, ὃ περισχέμματα διαφθίρονται θάπτον.
 quo loco ὁ καρκίνιον ἀντὶ τοῦ καρκίνου μικρὸν, id est, pro cancro paruo non
 pro cancello antea descripto locustis specie simili vsurpatur, pugnan-
 tia enim scriberet Aristoteles qui cancellum in inanibus testis habita-
 re scripsit. de paruo autem cancro mentionem hic fieri clarè ostendit
 Aristoteles quum mox se explicans subdit, ἐμφύοντα δὲ ἐν ἐνίοις τῶν
 ὀστρακιδέριμων καρκίνοι λαλεῖσι, ὃ ὁ μέγεθος πάντων μικροί, πλεῖστοι μὲν ἐν
 τοῖς μυστὶ πνευλώδεσι, ἑσπεῖα δὲ ἐν ταῖς πύλαις οἱ χυλόμενοι τωνοθήραι. Horum
 duorum discrimen ex iis quæ antea fusiùs tradidimus perspicuum est.
 Quòd verò Plinius loco proximè citato duos pinnotheras siue pinno-
 phylacas faciat, ὁ καρκίνιον, id est, squillam paruam siue squillulam, &
 cancrum paruum, non cancellum quem eremitam appellari diximus,
 quòd non cum pinna aut vllo alio verum solus in testa aliena habitat
 confirmo ex Athenæo, apud quem eadem planè leguntur de cancro
 pinnothere, quæ apud Plinium de cancro dapis affectatore. Plinij ver-
 ba sunt, aliubi cancer dapis affectator, pandit se pinna luminibus, or-
 bum corpus intus minutis piscibus præbens. Assultant alij protinus &
 vbi licentia audacia creuit, implent eam. Hoc tempus speculatus in-
 dex, morsu laui significat. Illa ore compresso, quicquid inclusit exani-
 mat, partemque socio tribuit. Athenæus. Χρύσιππος δὲ ὁ ἑλάνος ἐν τῷ
 πέμπτῳ περὶ τοῦ χυλίου καὶ τῆς ἡδονῆς, ἢ τῆς φησὶ καὶ ὁ τωνοθήρης συνερ-
 γὰ ἀλλήλοις, κατ' ἰδίαν δὲ διὰ μέτρα συμμενῶν, ἢ μὲν ἐν πύλῃ ὀστρέον ἔστιν, ὃ δὲ
 τωνοθήρης καρκίνος μικρὸς, καὶ ἡ πύλη διαστήλα δὲ ὀστρακον, ἡ συχάρις τῆς
 ἑσπεῖα ἐπὶ τῶν χυλίων, ὃ δὲ τωνοθήρης παρὰ τὸν ὅταν εἰσέλθῃ τὴν δόκον αὐτὴν
 ὥστερ' σημάτων, ἢ δὲ διηγεῖται συμμενῶν καὶ ὅπως ὁ ἀποληφθὲν ἔδδον χυλίου
 χυλίου. Id est, Chrysippus solensis in quinto de honesto & voluptate, ait:
 pinna & pinnoter operas mutuas præstant, seorsum viuere non pos-
 sunt. pinna ex ostreis est, pinnoter cancer paruus, pinna testam pan-
 dit, ingredientibus pisciculos obseruans, pinnoter adstans siquid subie-
 rit, morsu pinna significat, quæ demorsa testam claudit: eoque quod
 inclusum sit communiter vescuntur. Vides quod καρκίνιον dixit Ari-
 stoteles loco postremò citato, cancrum dici à Plinio, à Chrysippo καρ-
 κίνον μικρόν. Quæ omnia hic spectant, vt admoneam diligenter ani-
 maduertendum esse in legendis his Aristotelis & Plinij locis distin-
 guendas esse bestiolas duas quæ iisdem vel similibus nominibus nun-
 cupantur, scilicet καρκίνιον, id est, cancellum pro eo quem initio capi-
 tis depinximus quem eremitam vulgò nominamus, qui locustis spe-
 cie similis est, & cancellum pro cancro paruo cancris figurâ omnino
 simili qui pinnoter siue pinnophylax est & dicitur, quorum prio-
 rem ὁ καρκίνιον semper vocat Aristoteles, alterum sapius, τὸ καρκίνον μι-
 κρόν, semel tantum quod sciam καρκίνιον. His illud addam. Hermo-
 laum barbarum non rectè quod sequitur annotasse apud Plinium
 loco

loco proximè citato: squilla parua, hoc est cancellus quem Græci vocant *χερίδιον*: subditur enim, aliubi, inquit, cancer dapis affectator. Hoc secuti, opinor, qui lexica Græca concinnarunt *δ' χερίδιον* cancellum perperam interpretantur. Nam *δ' χερίδιον* squillulam siue paruam squillam significat, diminutiuum nomen *τῆς χερίδος* quam squillam esse constat, quæ specie differt à cancello siue cancro paruo, vt ex antedictis liquet, qui *καρκίνιον* vel *καρκίνος μικρός* nominatur. Neque verò Plinius idem vult esse squillam parua & cancerum, sed duo diuerfa quæ pinnam custodiant, scilicet squillam paruam in quibusdam pinnis reperiri, cancerum paruum in aliis cibi causa, vt ex Athenæo comprobauimus. Scribit Aristoteles pinnophylacas etiam in spongiarum cauernulis reperiri *τῶν δ' ἀστέρων ἐν ταῖς θαλάμῃς γίνονται πιννοφύλακες, ἔστι δὲ οἷον ἀράχνιον ἐπὶ τῶν θαλάμων, καὶ διοίσιες καὶ σινάσιες θηρέναι, καὶ ἰχθυΐδια καὶ μικρά, πρὶν μὲν εἰσελθεῖν διοίσιες αὐτὰ, ὅταν δ' εἰσέλθῃ σινάσιες*. Nascuntur etiam in spongiarum cubilibus pinnophylaces, similes araneo paruo, aperiendo claudendoque pisciculos venantur: aperiunt antequam ingrediantur, claudunt & contrahunt cum ingressi fuerint. Hæc de cancro paruo dicta sunt, sed idem etiam cancellus, id est eremita noster facit: in spongiarum enim cauernis latet & viuit: eius rei oculatus sum testis. vidi primùm cancellum captum non procul ab Aquis mortuis in eo spongiarum genere quod densissimum est: deinde & alios plures in eadem spongiarum genere. Hanc autem ob causam cancellus alienas domos quarit, quod posteriorem corporis partem mollem habeat, & integumento externo egentem, leui quidem ne lædatur, & non herente vt mutare possit, quodque secum trahere queat cibi queritandi causa. Nunquam igitur cancellum in saxorum rimis & cauernis reperias, tum quod saxa intus aspera, tum quod immobilia sint: contra in turbinatis frequentissimè quia eorum mediis partibus circa quas testæ volumen clauiculatim intorquetur, eas Dioscorides *ἰόνια* vocat, cancellorum mollis cauda cedens implicatur & alligatur, vt testas circumferre possint. Similiter secundū spongiarum cauarum & intus læuium sinus cauda contorquetur, & accommodatur vt ea trahere possint: nam ob densitatem pauciore aqua sunt imbutæ, ideoque læues, & in litore aluntur sæpius saxi non herentes. Cancelli qui in huiusmodi spongiis viuunt ingratum & pisculentum odorem respiciunt, quem à spongia contrahunt, spongiæ enim genus illud prædurum atque asperum autore Aristotele *πράγος* nominatur, lutoque alitur. Reliqui cancelli qui in testis viuunt, huius odoris sunt expertes. Hæc de cancello satis essent, nisi pauca quæ Aristoteles in descriptione omisit supplere oporteret, vt integra de cancello historia haberetur. Cancellus ex crustaceorum est genere, locustis vel astacis

Lib. 5. de hist. cap. 16.

Lib. 2. cap. 6.

Lib. 5. de hist. cap. 16.

similis corpore enim longo est, cornua longa, tenuia flauaq; habet, totum corpus ex rubro flauescit. Chelarum quarum alteram crassiorrem esse diximus, scissura parua est, qualis in hirsutis cancris spectatur: prater chelas pedes duos vtrinque magnos, incuruos & acutos cum chelis & capite foras effert, quū ingredi vel pisces capere vult. Duo alij vtrinque hirsuti, molles intus latent, quibus innixus corpus intro trahit. Pars posterior nullis tabellis constat sed cute duntaxat: ob id ab Aristotele mollis dicitur, sed ad eam firmandā certis intervallis disitas lineas tres habet latas durioris substantiæ. Corporis extremum duas pinnas tenues, breues, molles, in lateribus sitas gerit, in eiusdem extremi supina parte excrementi meatus cernitur, quem si digitis comprimās, excrementum emitti videas quo meatu cancellum carere non affirmat Aristoteles, sed non euidentem esse ait, quod facit vt credam Aristotelem, non tam diligenter cancellum à testa nudum quàm eadem opertum spectasse. nam meatus is in cancello testa spoliato perspicuius est, magis auget suspiciōē quod de ouis nihil dixerit, quæ ex parte interna pendent per latera, tanquam racemi vel globuli filo annexi, imo crediderit ex terra limoque non ex ouis generari. At nos æstate cancellos cum ouis vidimus, eaque differentia mares à fœminis apertè distingui, quod eodē tēpore hæc oua haberent, illi minimè. Ex quibus efficitur ex coitu maris & fœminæ nasci, nō sponte vt testacea. Neque dicendū à coitu omnino præpediri quod testa integantur. Nam quemadmodum testas suas deserunt vt in capaciores transeant, ita statis temporibus natura ad coitum incitante testis se exuunt, vt corpora commisceant. In timore tam cito in testam suam se recipiunt, vt ea sonum edat: itaque occultantur, vt caput intra chelas lateat, nihilque è testa emineat prater cornua. In saxosis locis versatur, & in litoribus, carne, luto, denique iisdem vescitur quibus crustatorum genera. Cancellos

Lib. 3. de fac. aliment. Galenus καρκινάδας appellat. Ζώφια δ' ἐστὶ λεῖλα, πανὶ μικροῖς καρκίνοις ἐμικτά, ξανθὰ τὴν χροίαν. parua inquit, sunt animalia, flauo colore, minimis cancris similia. Quod parua sint animalia, quod flauo colore, hæc cancello nostro perappositè quadant, quod minimis cancris similia sint, non item: sunt enim locustis, vel astacis similia quàm cancris, nisi cancri nomine vniuersè crustata omnia complectatur. Idem Galenus scribit, nullos cancellorum esu deteriores fieri. αἱ γοῦν τρίγλαι, inquit, τὰς καρκινάδας ἐσθίουσιν, καὶ δυσίδεις εἰσὶ, καὶ ἀνδρείς, καὶ δύσπεπτοι, καὶ χαλῶχυμοι. Id de cancellis qui in spongiis quæ τράχοι à foetido odore nominantur rectè intelligitur, ac de cancellis aliis qui in cœnosis litoribus degunt, parūque sunt: nam sunt aliquando qui ad astacorum fluuiatilium magnitudinem accrescant. Lutum olent, marinum odorem resipiunt, difficilè concoquunt

Lib. 3. de fac. aliment.

Idem;

coquuntur, succum salsum & vitiosum gignunt, à piscatoribus prorsus negliguntur: Denique nomine eremitæ, & moribus celebriores sunt, quàm vlla alia laude. Nos tamen in eo explicando prolixiores fuimus, quia res minutæ etiam diligentiam postulant, & à multis sapius ignorantur.


De Cancris.

CAPUT XIII.



R V S T A insectorum quartum genus est cancer, cuius species sunt permultæ, etiam si hîc non tam latè pateat, quàm apud Plinium qui ei locustas atque *Lib. 9. cap. 31.* astacos subiiciat. Nos verò cancri nomine ea tantum complectimur, quæ cùm caudam corpori appressam habeant, rotundo sunt corpore, cùm locustæ, astaci, squillæ, longum habeant. Cancrorum genus, inquit Aristoteles, multiplex est, nec facilè enumerandum, maximum quas mæas appellant, secundum paguri, & quos heracleoticos vocant. Tertium fluuiatiles, cæteri minutiores, & nullis penè nominibus annotati. Et genus cancrorum litorale Phœnice fert tantæ velocitatis, vt eos consequi facile non sit, vnde *ἰσχυρεῖς*, hoc est equites appellant. Genus item aliud est quod magnitudine cancrum non excedit, facie astacis simile. Nos plura genera numerabimus, quæ sub cancris contineri nemo non fatebitur. Ea multiplici varietate à se distinguuntur. Vt magnitudine differunt, mææ, paguri ab albis & pinnophylacibus: hi enim parui sunt, illi magni, inter hos alij sunt medij. Heracleotici fusco sunt colore, paguri & mææ rubescente, vndulati flauo quum è mari extrahuntur, latipes, & qui in ostreis nascitur albescente, qui in pinna flauescente, vrsus colore corticis mali punici. Distant & pedum longitudine: aliorum enim pedes breues sunt, aliorum mediocriter longi, aliorum longissimi. Oculorum quoque situ differunt, horum oculi ferè se contingunt, illorum, magno intervallo à se disiunguntur. Sunt nonnulla in quibus omnes conueniunt: omnibus enim pars dura & testacea foris pro cute est, mollis & carnea intus, supina corporis planiora & magis tabellata sunt, quibus & oua deponunt, quum pariunt. Omnibus pedes sunt denique cum chelis, cornua tenuia parua & pauca. Cauda omnibus complicata & introrsus reducta, quo fit vt rotundo sint corpore, & omnes cauda carere censuerit Aristoteles. Corporis totius alueum atque caput indiscretum omnes habent.

De Cancro mæa.



CAPUT XIII.



CANCRI *μαῖα* dicuntur ab Aristotele, à Gaza maia fortasse à magnitudine: nam *μαῖα* quæ amitam significat & nutrice, aliquando etiam pro grandiore natu sumebatur. Cácer hîc à nōnullis *carabo* dicitur, ab aliis *porroni*, à Venetis *granci porroni*, ab aliis *cācharo de barbarie*. Nostri est *ἀνώνυμος*, quia rarissimè in nostro litore capitur.

*Lib. 4. de hist.
cap. 3.*

Est omnium cancerum maximus, vidi ex oceano cancerum mæam cuius latitudo palmum maiorem superabat, lōgitudo ad semicubitum accedebat. Testa læui contegitur, cuius laterū ambitus in semicirculos definit. pedes octo & breues habet pro corporis magnitudine, chelas duas, dextrā maiorem sinistra. Omnibus enim canceris vt scripsit Aristoteles magna ex parte maior est chela dextra quàm sinistra, chelarū extrema nigrescunt. Cornua quatuor ante oculos protenduntur, duo breuiora è media fronte, lōgiora duo sub oculis nascuntur, ij non magno interuallo à se distant pro corporis totius magnitudine, hos modò promit, modò condit. Cauda subtus est lata aliorum cancerum caudis planè similis. Carne constat dura & insuauis, coquitur in furno vel in aqua, & ex aceto editur, difficile concoquitur malūque succum gignit. In huius canceri cognitione valde hallucinatus est autor **L I B.** de aquatilib. qui cancerum vulgò *Malsilia squinado* dictum pro cancro mæa exhibuit, non intellectis vel fortasse ne lectis quidē notis, quas cancro mææ Aristote.


*Li. 4. de parti.
animal. ca. 8.*

tribuit. Cancerum enim mæam omnium maximū esse tradit: deinde crura ei breuia & tenuia tribuit. Ὅροι δὲ ἀλίων πελάγιοι εἰσι, διὰ τὸ ποτὶ ἀργολέρες ἔχει· τὸς πόδας ἀλίων πρὸς τινὶ πορείαν, οἷον αἶτε μαῖαι, καὶ οἱ ἥρακλεωτικὲς καλεόμενοι παρχῖνοι, ὅτι ὀλίγη χροῖναι κινήσει, ἀλλὰ ἡ σφιγνεία ἀλίοις τῶν ὀφρεϊώδεως εἶναι γινέται, διό αἱ μὲν μαῖαι λεπτὸι χελεῖς, οἱ δὲ ἥρακλεωτικὲς μικροὶ χελεῖς εἰσι. Canceris, qui ex pelagiis sunt pedes sunt ad ingrediendū tardiores, vt mæis, & heracleoticis canceris, quia parua vtuntur motione,

ne, sed salus iis firmioris crustæ beneficio contingit, quarum mæx tenuia crura, heracleotici parua habent. Qui verò cancerum cuius pituituram capiti præposuimus cum viuo contulerit, & sapius ac diligentius inspexerit, longè maiorem esse eo quem Mafsienses *squinado* vocant comperiet, & crura pro corporis ratione longè tenuiora & breuiora. His accedit alia nota minimè negligenda, quam idem Aristoteles prodidit. ἔχει δὲ ὀφθαλμοὺς οἱ μὲν ἐκ τῆς πλαιγίης ἄνω ὑπὸ τῶν ποταμῶν ἐνὸς πολὺ διεστώτος πᾶσι, ἐνίοι δὲ ἐν μέσῳ, καὶ ἐγγὺς ἀλλήλων, οἷα οἱ ἡρακλεωῶν καὶ αἱ μᾶξαι. Cancrī alij oculos habent è latere supra, statim sub prona parte multum à sese disitos: alij in medio breui discrimine, vt heracleotici & mæx. Sic in nostro oculi breui spatio à se distant, in altero multò maiore, vt suo loco ostendetur.

Lib. 4. de hist.
cap. 3.

De Paguro.



CAPUT XV.

PAΓΟΥΡΟΣ altera cancri species est, nomine Græco vti sint Plinius & Gaza: In prouincia *squinado* vocatur, ab aliis *gritta*, *sqvaranchon*, *grampella*, ab Hispanis *chabro*. Dicitur πάγρος παρὰ τὸ ἔρεῖν καὶ φυλάττειν ὅσα ἐν τοῖς πάγροις, id est, quod in editionibus & præcipitibus locis versetur. Existimare aliquis posset eosdem esse paguros & heracleoticos cancrōs ex Aristotele qui sic illos coniunxerit. δεύτερον δὲ οἱ τε πάγροι καὶ οἱ ἡρακλεωῶν καρκῖνοι. Secundum cancrorum genus paguri & heracleotici cancri. Magna utrorunque similitudo effecit, vt iidem esse viderentur: reuera tamen diuersæ sunt species Aristoteli ac Plinio paucis differentiis à sese distinctæ, vt ex se-

quentibus perspicuum fiet. Pagurus post cancerum maximus est, parte anteriore, & in lateribus senis aculeis longis & validis riget. è fronte protenduntur appendices duæ rotundæ, acutæ, firmæ admodum, sub quibus cornua duo minora articulata. Ex lateribus valde prominent oculi magis ad latera, quàm ad anteriora spectantes, magno interuallo disiuncti, qua nota à canceris maioribus differunt. Testa tota minimè lævis sed aspera, vtpote quæ tuberculis & aculeis tota cōspersa sit. In ea maximè in superiore eius parte pictores nostri specula includunt, nec id sine gratia ob aculeos & testæ colorem. Pedes octo habet, longos, crasses, sex articulis interceptos, chelas duas magnas, aculeis horrentes. Caudam ex multis tabellis contextam, in cuius parte interna oua æstatis tempore appendicibus racematim hærent rubra. In lateribus branchias, & partes internas easdem quas locusta. Carne est media, neque dura, neque molli, & dulci non tamen æquè ac squillarum caro. In furno assatur ore & ano obturatis, alioqui quicquid intus est liquidi effluit, & fit similis canceris Phœniciis, quibus nihil est intus ob pabuli inopiam. Sentit & vim lunæ, vt reliqui cancri qui crescente luna succulentiores & meliores sunt. Veterum scriptis satis celebratus est pagurus, musicam amare, & ea delectari dicitur. Laudatur etiam prouerbio Paguri sapientia, cuius etiam causa puto è collo Ephesiæ Dianæ Pagurum olim suspensum fuisse, prudentiæ & consilij symbolum. Paguro verò sapientia tribuitur, quia verè quum crustam exuit, aculeis armisque omnibus spoliatum se sentiens latet, & viribus suis diffidens, nullos aggreditur, quo ad testam nouam, & duriusculam recuperarit. Vtitur & prudentia in excutienda grauiore testa. Quum enim tempus appetit, huc & illuc tanquam furiis incitatus fertur, alimenta persequens vt ex pleniore victu ad corporis molem facta accessione testa disrumpatur.

Lib. 1. αλιευ-
τικῶν.

Quæ omnia Oppianus sic exponit.

Οἱ δὲ πάγυροι

Ἦνυχ' ῥήγνυμένοιο βίβω φρέσωνται ἐλὺξ,
Πάνη μαμώων ἐδητύος ἰσχανόωνες
ῥηιέρη ῥινόιο διάκρις ὄφρα γένηται
Πλησασμένων. Ὡτ' ἂν ὁ διαμαγὲν ἔρχος ὀλιθῇ
Οἱ δὲ τι πρῶτον μὲν ἐπὶ ψαμάθοις τέλειται,
Αὐτως ἔτε βαρὺς μεμνιμένοι, ἔτε τευ ἄλλω
Ἐλπόμενοι φθιμένοισι μελέμεναι ἔδετι θερμῶ
Ἐμπαίειν, ῥινόιο δὲ περιβομένοισι ἀραγῇ
Ἀριφύτῳ, μέλα δ' ἔστι ἀγχιρόμενοι νόον ἦδη
Βαθὸν θαρσύνουσιν ἀπὸ ψαμάθοιο παρῶλο,
Τόφρα δὲ θυμὸν ἔχουσιν ἀμύχανον, ἀνδραγέοντα
Ὅφρα περὶ μελέεσσιν ἔνδον χεῖρας ἀμφιπαγείη.

Id verò sapientiæ paguri attribuant, quod natura edocti, vt & reliquæ omnes animantes faciunt: neque solum paguri sed etiam locustæ & cancri crusta sua exuuntur vere, quemadmodum angues membrana vernationis quam senectutem appellant, vt tradit Aristoteles. Idem scribit Oppianus, omnes crusta intectos crustam veterem exuere, deinde aliam renasci.

Lib. 5. de hist. anim. cap. 17.
Lib. 1. de lib. 1.
τικῶν.

Πάντες δ' οἷσι τε κῶλον ὑπὸ ὀστράκῳ ἐτήχεται

Ὀστράκῳ ἐκδυόμεν, γεραιότερον ἄλλο δ' ἐνερθε

Σαρκὸς ὑπὸ ἐκ νεότητος ἀνατέλλεται.

Quos versus ideo maximè citauimus, vt admoneremus Poëtam non adeo verborum sollicitum ὀστράκῳ pro crusta non pro duriori testa, qualis ostrearum est vsurpasse. Nam quæ verè testacea sunt, integumentum suum non mutant sed crustata tantum. eius rei causam aliàs reddidimus.

De Heracleoticis cancris.



CAPUT XVI.



ICTI sunt heracleotici cancri ab Aristotele, ab Heraclea illustri vrbe ad Pontum Euxinum sita, quæ ob id etiam Pontica dicta est, potiùs quàm ab vlla alia Heraclea: fuerunt enim plures alibi vrbes Heracleæ nominatæ. Hi cancri paguris tam similes sunt vt vix discernantur, veruntamen specie, vt diximus, differunt, vt ex descriptione iam fit perspicuum. Heracleotici aculeos in fronte habent, & in lateribus, pars testæ prona aculeis aspera est & hirta, colore est fusco, quo à paguro differunt. Paguris pedes breuiiores multò & tenuiores habent, cornua ante oculos articulata, corpore sunt minore quàm paguri, in alto mari degunt. Carne sunt media. Ius ex iis aluum soluit, mediocriter nutriunt, assi sapidiores sunt, quàm elixi. Rariores sunt in nostro mari.

De vrsō.



CAPUT XVII.

*Libro 3.
Lib. 5. de hie.
Hor. cap. 17.*




*Lib. 4. de hist.
cap. 2.*

XTHENÆVS ὁ ἀπὸ τοῦ inter crustata nominat tantum. Aristoteles cum crustatis etiam recensens, idem ei pariendi tempus esse à natura statutum tradit quod locustis, nihilque prætereà, quo in loco videtur mihi vrsūm cancrorum generi subiecisse. Cum enim locustarum, astacorum, squillarum meminisset, quorum aliquot, easque certas species alio in loco numerasset, vrsūm subdidit, vt à superioribus diuersum, qui cum ex crustaceis sit, non potest alteri quam cancrorum generi subesse, quod valde multiplex est, nec facile enumerandum. Vrsi nomen non à forma impositum est vt locustis, sed ab actionibus moribusque, vt lupo, cynædo. Quemadmodum igitur pedibus prioribus vt manibus vrsus vtitur, ac in iis magnam roboris vim sitam habet, ita crustatus hic piscis brachiis cum forficulis breuius quidem sed latis & validis multum potest. vtriusque forcicis pars vna alterius extremum recipit ad id excauata, pars exterior cristæ galli gallinacei figuram refert. Nostri *migrane*, id est, malum punicum vulgo vocant à figura & colore valde simili. Præter brachia octo pedes paruos habet & tenues quos corpori applicat, brachia ori & oculis opponit, veluti per eorum crenas inspecturus, ac sic conglobatus dormit vrsi more. Carne est molli, excrementitia, insuauis, virus respiciente. Quod sit vt in luto degere putem. Vrsūm mihi ostendit Iacobus Regius Lugdunensis Chirurgus in lapidem conuersum, ea vt arbitror ratione, vt vrsō in saxo mortuo & exiccato, aqua marina quæ multum corporata est, vel spuma perpetuo alluente, pedes & brachia corpori continuata sint, ac crusta firmior & lapidea corpori obducta.

De Can

De Cancro latipede.



CAPUT XVIII.



Canceris magnis ad paruos delabimur, omiſſis fluuia-
tilibus. Inter paruos & ignobiles primùm dicemus de
eo qui apud nos frequentiffimus eſt, nomine tamen
caret ob vilitatem, nos à nota ſatis inſigni latipodem
cognominauimus. Cancer eſt paruus nucis iuglâdis
magnitudine, aliquando paulò maiore. chelas habet denticulatas, &
articulatas, pedes vtrinque quatuor. Poſtremus & minimus à quo la-
tipodem hunc cancerum nuncupauimus præter aliorum cancerorum
naturam in latitudinem deſinit oſſeam, ſex articulationibus conſtat.
E fronte extant cornicula quatuor, teſta eſt læui, parte ſuperiore al-
beſcente, anteriore quodammodo nigricante, oua habet pallida.
Cum maris purgamenti in litus eiicitur, & cum piſcibus aliis ſage-
na capitur, neglectuſque in litore relinquitur, vnde magna celerita-
te regreditur in mare, beneficio latitudinis poſtremorum pedum. De
huiuſmodi canceris locutum puto fuiſſe Ariſtotelem hoc in loco: οἱ δὲ Lib. 4. de par-
animal. ca. 8.
μικροὶ χαρκῖνοι οἱ ἀλιχόνες ἐν τοῖς μικροῖς ἰχθυοῖς ἔχουσι τοὺς τελευταίους
πλάκεις πόδας, ἵνα πρὸς τὸ νεῖν αὐτοῖς χρησίμοι αἴεν, ὥσπερ πτερύγια ἢ πλά-
τας ἔχοντες τὰς πόδας. Quæ mihi videntur alium ſenſum habere quàm
Gaza in interpretatione ſua expreſſerit. Sic igitur vertendum fue-
rat. Parui cancri qui capiuntur inter paruos piſciculos, poſtremos
pedes habent latos, vt ad nandum ſint vtilis, vt pinnarum vel pal-
mularum vice ſint iſti pedes. Paruus igitur cancer latitudine quidem
ſua in aqua fluitat, ſed vt celeriùs impellatur, natura pedes poſtre-
mos latos fecit, vt iis vtatur perinde ac rana poſterioribus ſuis pedi-
bus, & anates, ceteræque aues aquis gaudentes ſuis pedibus latis: item
vt fiber ſuis, cuius priores pedes diuiſi ſunt ad cibum capeſſendum,
ad caueam effodiendam, poſteriores cute coniuncti ad corpus in
aqua impellendum.

De Cancro flauo siue vndulato.



CAPUT XIX.



CANCER quem hîc exhibemus inter anonymos & ignobiles magnus est, cancris stagni marini vel fluuiatilibus æqualis. Flauum à colore nominauimus, vndulatum à lineis quæ in prona parte sunt sinuosæ vndarum modo, nō aliter quàm in cameloto vulgò nuncupato. Capitur circa Antipolim & Lerinum insulam, nec vspiam similes vidi. Caudam extentam depinximus, ex tabellis aliquot contextam, pedes quaternos habet, longos & hirsutos, chelas duas magnas etiam hirtas, cornua duo satis longa, in fronte aculeos siue appendices duas, in lateribus alios aculeos.

De Cancro vario siue marmorato.




CAPUT XX.



CN saxis Agathensis litoris degit hic cancer, qui ideo à nobis varius siue marmoratus dicitur, quia testa est læui ac perpolita coloribus variis conspersa: marmorarium siue iaspide pulchrè referente, siue splendorem testæ, siue leuitatem, siue colorum varietatem spectes:

species: cernuntur enim in ea maculae virides, caeruleae, albae, nigrae, cinereae, quae mortuo cancro maiore ex parte evanescent. Si mortuus in sole exsicceetur, totus fit flauus. Brachiis nonnihil ab aliis differt, forfices enim breuiiores habet & crassiores, tubercula veluti gemmae in eis eminent, ut in astaco. Cornicula duo è fronte extant, oculi satis à sese distant, post oculos hinc & inde serrata est testa. In saxorum cauernulis degunt, & si quem conspexerint, intro subeunt, itaque pedibus haerent, ut auelli vix possint. Metu vacui super saxa in sole apricantur. Crusta sunt ceteris durior. Id canceri genus in Agathensis litoris scopulis tantum vidi.


De Cancro anonymo.



CAPUT XXI.



CANCROVM hic exhibemus eum, quo frequentius in Gallia Narbonensi vescimur, qui nascitur in mari & marinis stagnis. Diu extra aquam vivit, nomine caret, nisi quod à nostris generis nomine *cancro* appellatur. Brachia habet non admodum magna, pedes longos, in acutum desinentes, cornicula duo. Super carbones assatur, vel elixus & crusta spoliatus in sartagine frigitur: optimus est quum ova habet. Qui in stagno marino degit inter fluuiatilem & marinum medius est, quo in fluuiatiliu penuria aduersus canis rabidi morsum utendum censeo, loto prius in aqua hordei vel pimpinellae. Idem canceri prius etiam loti & decocti in iure carnis heceticis valde profunt, multumque nutriunt. Eorundem cinis cum syrupo ex Adianto haustus sanandis pulmonum vlceribus confert, multo vero efficacior fiet, glycyrrhiza, seminibus frigidis maioribus additis, & in tenuem pollinem reductis.

De Cancro *βραχυχίλος*

CAPVT XXII.

INTER cancos qui circa Lerinū insulam capiuntur, is est quem hīc depinximus, ex rubro nigricans, paruus, corporis figura ab aliis cancris nōnihil differente: corpus enim posteriore parte contra quā in ceteris latius est, anteriore acutius. Chelas duas habet valde breues & tenues, vnde *βραχυχίλος* nomen dedimus. His proximi pedes duo longissimi pro corporis ratione, crassi, acutissimi, vt videatur voluisse natura quod chelis detraxerat, pedum horum longitudine pensare: Idem lanugine quadam obducti sunt. Terni qui sequuntur etiam longi sunt, sed tenues & læues, supina pars aculeos habet. Rarissimus est alibi cancer, in Lerino frequens.

De Hirsutis cancris.



CAPVT XXIII.

HIRSVTA sunt quædam cancrorum genera, variis in partibus, alia in supina parte, alia in pedibus paruorum verò cancrorum qui hirsuti sunt, differentias tres obseruaui. Prima est eorum qui chelas aculeatas habet, & in extremo nigrescentes, cornicula duo, quæ sequuntur vtrinque partes serratæ sunt. In testa media cordis humani figura expressa cernitur. Chelis pedibusque omnibus hirtis sunt. Huic generi simile aliud est æquè hirsutum, sed magnitudine differt,

differt, minus enim est superiore, & chelarum extrema nigricātia non habet. Tertia differentia eorum est, qui secundis ita similes sunt, vt eosdem cum iis planè esse diceret, dempta sola magnitudine, nisi oua in vtrisque reperissem, quod facit vt credam specie differre, tamen, ob magnam cum secundis affinitatem, picturâ horum separata nihil opus fuit. Tria hæc genera cum reliquis piscibus euerruntur, & ob exiguitatem prorsus negliguntur.

De Cancro cordis figurâ.




CAPUT XXIII.



CANCER Hic corporis trunco cordis figuram omnino refert. cornua duo habet è fronte prominentia, brachia duo breui forfice, quaternos pedes. Pelagius est & paruus, vix vnquam inter litorales inuentus, sed panagro ex alto mari cum Pelagicis piscibus in litus pertrahitur, neque admodum frequenter, quia ob exiguitatem facilè è retium maculis elabitur. In maiorum asellorum ventriculis huiusmodi cancos sæpe inuenimus.

De cancris paruis qui in alienis testis viuunt.



CAPUT XXV.



CANCROS Paruos in alienis testis hospitari Aristoteles prodidit, & idem experientia docet, non tamen in omnibus testis sine discrimine eos reperias, non in le pade non in tellinis, non in conchulis, nunquam in mytulis marini stagni, sed in mitulis gurgitum, pinnis, pe-

Δαίτῃ φίλῳ, ὅ δ' ἄρ' ἔτι καὶ ἱερὸν περ ἐρεῖται
 Ἀμφιδύμους πλάστῃας ἔχει θένους, ἃ καὶ ὑπὸ δούρατος
 Οἶγῃ, ὅφρα θάμνητε, καὶ ἀχρεοῦσιν αἰσέσῃ.

Sed hoc fabulosum esse puto: nunquam enim mytulos, pectines, pinnas, ostrea in quibus sunt cancri, arrosa vlla ex parte reperias. Ali- ter Plinius qui scribit cancrum dapis assecratorem, pinnæ in capien- dis pisciculis auxilio esse, & communi præda communiter cum pinna vesci: quem locum capite de cancello citauimus, item Athenæi locum illi planè similem. Oppianus quoque scribit pinnam in magnis testis Lib. 2. ἀλυσ-
τικῶν. esse imbecillam sine mente, sine astu, sed hospitem cancrum excipere, à quo nutriatur & custodiatur, vnde pinnophylax vocatus est. Quum igitur piscis testam subit, pinna morsu à cancro admonita, testā clau- dit, prædāque communem depascuntur.

Ὅφρα καὶ ἀνθυβυθίας μὲν ἔχῃ πλάκας, ἐν δ' οἱ ἰχθύς

Πίνῃ νομεῖται κεκλημμένος, ἢ μὲν δούρατος

Ουτέτι μπίστασθ' ἐπίστα, ἔτιτε βέξαι.

Ἀλλ' ἄρα οἱ ξυβόλῃ δόμον, ξυβόλῃτε καλὸν ὄριον

Καρκίνος ἐν αἰσῇ, φέρβῃ δέ μιν, ἢ δ' φυλάσσει,

Τὸ καὶ πιννοφύλαξ κικλήσκει, ἃ καὶ ὅτε καὶ χλῆ

Ἰχθύς ἐνδον ἔσθῃ, ὅδ' ἔφρονέει(αν) ἀμύξας

Δήγμῳ κερδαλέῳ πίνῃ ἔλεν, ἢ δ' ὀδυνῇ

Ὅφρα καὶ συμπαύσῃ, καὶ ἐνδοθεν ἐφρα(αὶ) ἀγέτω

Αὐτῇ τ' ἢ δ' ἔσθῃ, ξυβόλῃ δ' ἄμα δειπνῶν ἐλόντω.

Sed hæc omnia fabulosa esse, inde necessariò efficitur, quod neq; pinna, neque mytuli, neque ostrea piscium carne pascantur, sed aqua tantum & luto. Quòd ab his autoribus cancro paruo tribuitur: idem à Ciceronæ squillæ parua, sic enim καρδίδιον Aristotelis interpretatur, quæ squilla parua etiam in pinnis reperitur, quæ admodum & cancer paruus testibus Aristotele & Plinio, vt capite de cancello docuimus. Ciceronis hæc verba sunt LIB. I. de Natura deorum. Pinna verò (sic enim Græcè dicitur) duabus grandibus patula conchis cum parua squilla societatem init cōparandi cibi. Itaq; cūm pisciculi parui in con- cham hiantem innatauerint, tum admonita à squilla pinna morsu comprimit conchas, sic dissimilimis bestiis communiter cibis quæ- ritur, in quo admirandum est cōgressū ne aliquo inter se, an iam inde ab ortu naturâ ipsa congregata sint. Quæ eadem ratione falsa esse conuincuntur, quæ enim cibo eodem vesci possunt squillæ parua & pinna, cūm squillæ pisciculorum carne, vt crustata omnia viuant, pinna verò nullo modò, sed aqua tantum & luto? Cur igitur in pin- nis & ostreis cancri parui reperiuntur? Quia cūm omni generi ani- mantium à natura tributum sit, vt se vitāque tueantur, vt pastum & latibula quærant, cancri parui molliore testa tecti: & ideo iniu-

Lib. 3.

Lib. 5. de hist.
cap. 7.

riis magis opportuni concharum caua subeunt, vt illic tanquam in specubus & antris tutius degant. Quare non solum in testis, sed etiam in spongiarum cauernulis, in saxorum rimis, in externis testarum, quibus ostrea testata sunt, cauis sapissime canculos paruos reperi. Nec immeritò dubitat Cicero congressu ne aliquo inter se iam inde ab ortu naturâ ipsa congregata sint. Piscatores, inquit Aristoteles, canculos paruos nasci confirmant, vnâ cum illis, quorum testam inhabitant. Athenæus de cancris & pinnis loquens: Φασὶ δὲ ὡς καὶ ὅτε ἁπλοῦς ἀντὶ ἀνδρῶν, & ὡς ἂν ἐξ ἑνὸς ἀπέρματος γίνεσθαι. Aiunt quidam pin- nas & canculos paruos simul generari, & tanquam ex eodem semine fieri. Ego verò cum canculos paruos in pinnis & ostreis sapissime ouis turgētes viderim, affirmare audeo non sponte ex limo aquaue vt testacea, sed ex coitu maris & fœminæ, & ex ouis prouenire. Quare vel in testis pariunt, vel statò tempore testas egrediuntur, & coeundi & oua pariendi gratia. Hactenus de cancris paruis. Nunc quedam de iis dicemus, quæ vniuersè ad cancrorum omniū actiones & mores per- tinent, eorūque in medicamentis vsum, vires ac facultates. Quo pa- to coeant cancri, sic docet Aristoteles: Οἱ δὲ καρκῖνοι καὶ τὰ πρόσθια ἀγγέλων (καρδία), & ἐπιγαλμματα & πυχρόδη πρὸς ἀνῆλα συμβά- λουσιν. πρῶτον δὲ ὁ καρκῖνος ἀναβαίνει ὁ ἐλάττω ἐκ τῶν ὀπίσθεν, ὅταν δὲ ἀνα- βῇ ὅπως, ὁ μείζων πλεονέως ἐπιστρέφει. Ἄλλο μὲν οὐκ ἔστιν ἢ θήλειά τε ἄρ- ρενος διαφέρει. Τὸ δὲ ἐπιγαλμματα μείζον, καὶ μέλλον ἀφεστηκὸς ἐστὶ τὴν θηλείας, & (συνεφεύγον, εἰς ὃ ἐκκλίνει, καὶ ἢ δὲ περὶ πλεονέκτος ἐξέρχεται). μόλις δὲ ἔθεν πορ- ται θάτερον εἰς θάτερον, id est, Cancrī partibus posterioribus inter se coeunt, opercula illa rugosa mutuò componentes. Primū cancer mi- nor ab auerso superuenit, tum maior vbi ille superuenerit, conuertit se in latus. nulla alia re mas à fœminā differt, præterquam operculo, quod in fœmina maius est, magis disiunctū à corpore & densius con- textum, in quo oua pariunt, & quæ excrementa excernunt, partem au- tem nullam alter in alterum immittit. Quam nos caudam appellau- mus, quæ ex tabellis manifestè cōstat ἐπιγαλμματα πυχρόδες vocat, quia corpus posteriore parte integit, nec in pinnas desinit, nec extenditur ad natationem. Cancrī enim magis ingrediuntur quàm natāt, etiam si aquatiles sint. Cum verò cæteræ animantes & quadrupedes, & mul- tipedes per diametrum, vel in anteriora moueantur, cancrī per trans- uersum & in latus progredi videntur. Sed quoniā oculis semper prior siue anterior pars ad iter designatur, quia in priore animantis parte siti sunt oculi, cancrī in anteriora reuera progrediuntur, ad eam sem- per partem ad quam oculi, tendentes: nobis verò in latus ferri viden- tur, quia oculi membra imitantur, quæ in latus, si ingressus nostri vel aliorum animalium rationem habeas, progrediuntur. Rectè igitur Plinius: Cancrī in pauore etiam retrorsum parivelocitate redeunt:

is autem motus ei qui sit antrorsum ex diametro opponitur. Crustata omnia aquam marinam ore excipiunt, inquit Aristoteles, sed cancri exceptam oris parte exigua reiciunt, qua de causa circa cancrorum os spuma apparet, ex aqua & aëre vnâ cum aqua hausto attractu & reiectu agitaris, locustę per branchias, quas maiores habent, transmittunt. Cancrī in ciborum penuria à suo genere non abstinēt, quod si quis procul amandare velit, eos ita disponat oportet, vt alteri in alterum impetum faciendi potestas nulla sit: sunt igitur cancri ex pamphagorum genere, siue marini sint siue fluuiatiles, siue inter hos medij, qui scilicet in stagno marino nascuntur & degunt. Cancros ceruis à phalangio demorsis prodesse scripsit Aristoteles, atque etiam homini sed non sine fastidio, de quibus autem intelligat non adscripsit: æquales enim omnium cancrorum vires esse negant, vt marinos ad canis rabidi morsum non valere sunt qui affirmant. At Dioscorides existimare videtur in fluuiatilium penuria illos substitui posse, sed minore efficacia. Cancrorum, inquit, fluuiatilium exustorum cinis, qui duo cochlearia expleat, adiecto dimidio radicis gentianę modo triduo potus cum vino, magnopere prodest canis rabiosi moribus. Rimas pedum sedisq; perniunculos, carcinomata cum decocto melle læuit, triti crudi, potique ex asinino lacte auxiliantur contra serpentum phalangiorumque morsus atque scorpionū ictus, decocti autem & cum iure esitati, iis profunt qui tabe conficiuntur, aut leporem marinum hauserunt, necant scorpiones triti, & cum ocimo admoti. Possunt eadē marini, verū omnia inefficaciū præstant. Est & apud Galenum LIB. XI. de simplic. medicamen. facult. ex cancrorum fluuiatilium cinere compositum medicamentum, cui thus adiicitur à Dioscoride omissum aduersus canis rabiosi morsum, & eadem mala quæ Dioscorides recensuit. Plinius. Cancrī fluuiatiles triti potiq; ex aqua recentes, seu cinere adseruato contra venenā omnia profunt, priuatim contra scorpionum ictus cum lacte asinino, vel si nō adsit, caprino, vel quocunque. Addi & viuū oportet. Necant eos triti cum ocimo admoti. Eadem vis cōtra venenatorum omniū morsus, priuatim scytalem & angues & contra leporem marinum, ac ranam rubetam. Cinis eorum seruatus prodest pauidi, prodest periclitantibus ex canis rabiosi moribus. Quidam addunt gentianā, & dant in vino. Nam si iam pauid occupauerit, pastillos vino subactos deuorandos ita præcipiunt. Decem verò cancris cum ocimi manipulo alligatis, omnes qui ibi sunt scorpiones ad eum locū coituros dicunt magi: & cum ocimo ipsos cinerēme eorū percussis imponunt. Minus in omnibus his marini profunt, vt Thrasylus autor est. Nihil autem æquē aduersari serpentibus quā cācros, suēsque percussas hoc pabulo sibi mederi. Quū sol sit in cancro, torqueri serpentes. Plura leges apud Plinium &

Lib. 4. de hist.
cap. 2.

Lib. 9. de hist.
cap. 5.

Lib. 2. cap. 18.

Lib. 32. cap. 5.

Lib. 32. c. 4. 10.

medicos ex cancris fluuiatilibus & marinis sumpta remedia, quæ scientes omittimus, hoc vno dempto. Cancris fluuiatiles, inquit Plinius, illiciti, vel marini pilos in mamma, vel muricum carnes appositæ tollunt. Hic enim locus me impellit, vt quod sentio dicam, de morbo quæ mulierum māmīs accidere scribit Aristoteles, vocatq; *τεχνιδν*, Gaza malum pilare interpretatur, de quo morbo Plinium hīc loqui maximè verisimile est. De eo verò sic Aristoteles. *Ἄπας ὁ ματὸς Γυφὸς ἐστὶν ἕτως, ὥστε καὶ ἐν τῷ πόρῳ λαβῶσι (ἵχα, πίνος ἐγγίνε) ἐν τοῖς ματῶσι, ὁ καλὸς τεχνιδν, ἕως ἂν ἢ αὐτομάτῃ ἐξέλθῃ θλιβομένη, ἢ μὲν τὸ γάλακτος ἐκθιλασθῇ.* Quæ sic conuertit Gaza vbera tota ita fungosa sunt, vt si in poculo forte pilum hauserit mulier, dolor moueatur in mammis, quod malum pilare appellāt, nec sedatur donec pilus vel pressus exeat sponte, vel cum lacte exugatur. Ego verò malū ex pilo hausto fieri nullo modo posse cōtendo, etenim planè repugnat anatome. nā pilus haustus per ventriculum in intestina delabitur, & inde per anum cum excrementis reliquis egeritur. Quī enim pilus per venas mēfaraicas, & ex his per tot hepatis exiguos ductus & mēādos in cauam venā, à caua vena ad axillares venas, ab iis ad māmās penetrare possit? Vel si illuc permearit, cur nō per venas in papillā definētes potiùs delabitur, vel succu extrahitur, cum hæ multò latiores sint mediis, idq; sine dolore. Quare cū huiusmodi malum mammā infestat, id non ex pilo hausto oriri puto, sed ex vermiculo paruo capilli specie, ex pituitosioris & putrescentis sanguinis copia generato, qualem equidē aliquando vidi ex nobilis & spectatissimæ scēminæ māmā natum. Huiusmodi capillares vermiculos aliquando mihi in vrina ostendit excellentissimus medicus præceptor olim meus Gilbertus Griffius, qui facilè parum aduertentes latuissent, huiusmodi etiam sæpe reperi in fontibus, quarum aqua crassa est & viscida, nigros, pedem vnum longos. Fiunt vermiculi etiam in dentibus, in auribus, in intestinis, in vlceribus sordidis. Vidimus etiam è cute vermiculum eductum. Narrabo aliud cuius non ipse solū sed etiā multi spectatores vnā fuimus. Laborauit iuuenis brachij dolore annos aliquot, qui secundum longum sentiebatur, & tumorem excitauerat, factūsq; est tandem abscessus quo scalpello diuiso, acicula erugine obducta, forficulis inde educta est, eam ex iis qui aderant nonnulli à puero vnā cum cibis deuoratam fuisse credebāt, tandēmq; illuc penetrasse, quod fieri non potuisse arbitror. Ego in ea re aliud coniicere non potui quā puerum dum petulantius lasciuiret, vel procaciùs colluderet, brachio in aciculā impegisse, idque sine dolore, quemadmodum in ira vel magna animi cōtentione, mente alio spectante dolor statim non sentitur, tum quia aruginem acicula contraxisset vi siccandi præditam, progressu tamen temporis dolor excitatus est, factūque abscessus.

De Aran

De Aranea.



CAPUT XXVI.

INTER Crustata est ὁ ἀράχνης, id est, araneus vel potius aranea, ut ab araneo Plinij distinguatur. Aristoteles illius meminit in cancelli descriptione: Τὴν δὲ μορφὴν ὡς μὲν ἀπλῶς εἰπεῖν ὁμοίον ἐστὶ τοῖς ἀράχνης πλὴν δὲ καὶ τῆς κεφαλῆς καὶ τῆς θώρακος μείζον ἔχει ἐκείνων. Forma ut breuiter dicam, similis araneis est, nisi quod partem capiti & pectori subiectam araneo maiorem habeat. Quæ araneæ nostræ optimè quadrant: parte enim priore cancellis similis est, capite magis exerto quàm reliqui cancri, in acutum desinente, oculis prominentibus, inter quos cornicula duo protenduntur. Brachia forcipata habet longissima, pedes octo longissimos pro corporis exigua magnitudine, à quibus araneæ nomen datum puto. Corpore est tenui pellucido, & ob paruitatem reiecitur.

De Pulice marino.



CAPUT XXVII.

VM Maris purgamentis aliquoties reperi bestiolam tenui crusta intectam, quam hic depinximus, quæ facie homunciones ridiculè pictos vel simiam representat: aliis partibus locustæ similis est, in cauda appendiculas habet locustæ & squillæ modo. tam exigua est ut particulæ corporis nisi ab oculato discerni possint, ob paruitatem negligitur. Hanc puto esse ψύλλον θαλάσσιον, id est, pulicem marinum, de quo Aristoteles, quum de piscium somno agit. Pisces vel manu facile caperentur dum dormiunt, nisi à pediculis & pulicibus vexarentur. Nunc verò si somnū diutius capiāt, noctu ab innumera multitu-

Lib. 4. de hist.
cap. 10.

dine illarum bestiolarum occupati absumentur. Gignuntur ea in profundo mari tanta fecunditate, ut escam ex pisce confectam, si diu in imo manserit, totam corrodat, atque piscatores saepe escam demissam glomeratis vndique his bestiolis perinde ut globum recipiunt.

De Pediculo Marino.



CAPUT XXVIII.



*Lib. 5. de hist.
ani. cap. 31.*

Videm.

RE P O N E N D V S Erat inter insecta pediculus marinus, sed quia cum pulice conspirat ad infestandos pisces, & tenui crusta integitur, ideo de eo hic dicendum duximus. A Graecis vocatur *φθειρ θαλάσσιος*, qui duplex est apud Aristotelem: vnus, qui in mari, quod est à Cyrena ad Ægyptum circa delphinum est, qui omnium pin guissimus fit pabuli copia, quæ delphini opera suppeditatur. Alter pediculus est, quem hic depinximus, maioris fabæ magnitudine & latitudine, scarabeo terrestri similis, corpus ex aliquot tabellis, veluti locustæ, vel squillæ cauda constat, ante os duo cornua breuia habet, vtrinque pedes multos, incuruos, in acutum desinētes, piscibus ita hæret, ut eripi non possit, fugit ut hirudo, nec prius abscedit, quam tabidum & exuccum piscem reddiderit, reperitur ceruici mugilum, luporum, & saxatiliū piscium affixus. Hunc pediculum marinū esse Aristotelica descriptio aperte indicat: *Εν δὲ τῇ θαλάττῃ γίνοντι μὲν ἐν τοῖς ἰχθύσι φθείρες, ὅτοι δὲ ἐξ ὧν τῶν ἰχθύων, ἀπὸ ἐκ τῆς ἰλῦος, εἰσὶ δὲ τὰς ὀφθαλμοῖς τοῖς ὄνοις τοῖς πολύποσι, πολλὰ δὲ ἕτερα ἐκ τῆς θαλάττης.* In mari sunt piscium pediculi non ex piscibus ipsis, sed ex limo generati: sunt autem aspectu asellis multipedibus similes, nisi quod caudam latam habeant. Qui igitur *ὄντες*, qui Latine multipedæ dicuntur, quæ sub aquario vase stabulantur, cognouerit, facile ex earum specie pediculum marinum agnosceret. Vnde perspicuum fit turpiter hallucinatum fuisse autorem lib. de aquatilibus, qui pediculum marinum asillum siue æstrum Aristotelis appellauerit, quem asillum Aristoteles statim post pediculum longè diuersum describit: *Τισὶ δὲ τῶν θυνῶν οἶστρος μὲν γίνεταί μὲν πρὸς τὰ πτερύγια, ἐστὶ δὲ ὁμοῖος τοῖς σχορτωῖσι, καὶ δὲ μέγεθος ἡλίαν ἀράχνης.* Asillus sub quorundam thynnorum pinna oritur,

tur, specie scorpionis, aranei magnitudine. Si asilus scorpioni similis est figurâ, vbinam quâso in asilo tuo ea representatur? vbi cauda longa & stricta? vbi in eodem aranei magnitudo? Hæc aperte conuincunt te neque asilum vnquam vidisse, neque traditam ab Aristotele eius descriptionem diligenter legisse. Sed de asilo aliâs, cuius veram effigiem in orcyno depinximus supra branchiarum pinnam, quia sub pinna videri non potuisset. Vocant in mari pediculos, inquit Plinius, cósque tritos instillari ex aceto auribus iubent. Et paulò post Rigor ceruicis mollitur cum marinis, qui pediculi vocantur drachma pota. Ego eorum cinerem ad vlcera capitis manantia valere sum expertus.

Lib. 32. cap. 7.
Cap. 8.

De Echinis.

CAPUT XXIX.



VBITARI Non immeritò possit, inter crustatane, an inter testacea numerandi sint echini: nam eos inter testacea Aristoteles recensuisse videtur, quâ scribit: Τὰ δὲ ὀστρακόδερμα τῶν ζώων ὅσων οἱ τε χοχλίας, καὶ οἱ χοχλιοὶ, καὶ πάντα τὰ χαλάρυμνα ὀστρεα, ἐτι δὲ τῶν ἐχίνων γένος, &c. Plinius verò inter crustata, cum enim de cancris & locustis dixisset, subiunxit. Ex eodem genere sunt echini, &c. quamquam non nesciam Massarium horum genus ad exanguium genus, de quo multò antè Plinius, referri voluisse, sed ad propinquius crustatorum genus rectius mihi referri videtur. Si enim horum integumentum propius inspicias, non durum neque siliceum sed fragile potius crusta tenuioris modo esse iudicabis. Sed quilibet ad vtrum voluerit genus referat pro arbitrio. Vt vt res habeat, de his commodè isto in loco dicetur, post reliqua crustata, antequam ad testacea aggre diamur. Dicitur ἐχίνος, ἀπὸ τῆς ἐχίνου ἐως, τῶν καρπῶν ἀφαιρῶν ἐσῶν, vel per antiphrasim, ἀπὸ τῆς μὴ διωύαδς ἔχεσθαι διὰ τὰς ἀκρότητας, ὡς ἀκράτης, quòd teneri ob aculeos nò possit. Duplex est echinus terrestris & aquatilis, terrestrem Gæza erinaceû conuertit, aquatilis nomen Græcum retinuit, Plinium opinor secutus, qui echinum appellat. Vocantur echini à nostris *ursins* corrupto ex erinaceis vocabulo, ab aliis *castagnes de mar*, quòd veluti castaneæ echinato calyce còtecti sint. A Massiliensibus *ursins* & *doulcins*, qui sint edules, etiam si dulces non sint, sed falsi & subamari, maiores quique edendo non sunt *rascastes* ab iisdem appellantur. Hos nostri *migranes* vocant, quia cum detriti aculei deciderint, putaminibus malorum puniceorum similes sint. Germanis dicuntur *meerigel*, Hispanis *erizo di mar*. Liguribus *zinzin*. Omnibus crusta est tenuis, vndique spinis siue aculeis armata, quæ

pro pedibus sunt. Ingredi est his in orbem volui, itaque detritis sæpe aculeis inueniuntur. Omnes carnem intus nullam continent, sed nigra quædam vice carnis, sunt in omnibus oua, sed nonnullis exigua, nec cibo apta. Alij nigricant, alij purpurei sunt. Ampliorem partium descriptionem in singulis trademus.

De Echino ouario.



CAPUT XXX.

PRIMUM Echini genus, quod cibo idoneum est, in quo oua multa & magna sunt, esculentâq; , non solum in maioribus sed etiâ in minoribus: statim enim parui ouis pleni reperiuntur. Ab ouorum multitudine & magnitudine ouarium hunc echinû appellat Hermolaus. Forma eius in rotunditatē conglobata est, dempta vna parte parum compressa, in qua os est rotundum quinq; dentibus incuruis intus cauis, & in idem punctû coëuntibus munitum: ij quinq; maxillis internis cōnexi sunt, quæ ab ore intus erectæ, ex acuto in latû tendentes & ambienti calyci non continuæ, tam mirabili stupendôq; artificio sunt constructæ & cēlate, vt nihil sit in toto mari elegātius spectatûq; iucundius. Quinq; igitur sunt officula per symphyllim cōiuncta, quor

quorum suprema pars latior rosæ pictæ figuram representat: ex ea dependent quinque alia ossicula minora, tenui membrana alligata, id totum est quod comparat Aristoteles: τῷ λαμπρῷ καὶ μὴ ἔχοντι ὅτι κύκλῳ δῆρμα, id est, laternæ quæ pellucida aliqua pellicula siue membrana circumdata non sit. Inter dentes interna catuncula quædam est, quæ linguæ vice est, mox iungitur gula quæ in intestinum desinit, lōgum per testam stellatim dispositum, eius tenuibus fibris suspensum, tandem in paruum foramen terminatur, quod foramen ad egerenda excrementa destinatum est, ex aduerso oris situm, ita ut os in terram versum sit, excremēti foramē supra habeatur palus enim ex imo petitur, unde sit ut os ad palum sit versum, excremētum verò superius parte prona testæ contineatur. excrementa rotunda sunt exiguarum pilularum instar. Qualis intestinorū, talis ouorum ordo est. nam inter nigrum id quod carnis vice est & intestinum oua flaua cernuntur, quæ sola eduntur cruda, orique grata sunt etiam si salsa & subamara sint. Sunt quidem omnibus echinis oua, inquit Aristoteles, sed nonnullis exigua nec cibo apta nisi in hoc echino. Et alibi. Omnia testacea vere & autumno oua habent, echini vero edules his quidem temporibus ouorum copia abundant, sed & omni alio tempore habent, nec unquam iis carent, ac maximè pleniluniis diebusq; tepidis restituuntur, reddunturque pleniores. Testa tota intrinsecus foraminibus paruis plena est, per quæ mouendi facultatem nervi aculeis suppeditant, extrinsecus in exigua tubercula eriguntur aculeorum cotylen excipientia, vinculo, membranula scilicet obligata, ut in orbem moueri possint. Talis radij cum brachio articulatio. Aculeorum igitur caput cauum est, crassius, & in acutum illi desinunt. His in gyrum mouetur. Hoc est admirandum Dei opt. max. in hoc animante opificium, quod ut clariùs perspiceretur, superiore locum echinum integrum, inferiore dissectū in partes duas depingendū curauimus, ut quātūn picturā planā assequi pictor potuit, internæ huius echini partes intelligi possent. Tradūt scuitiā maris echinos prælagire, correptisq; operiri lapillis, mobilitatēq; pōdere stabiliētes, nolūt volutatione spinas atterere. Quod ubi videre nautici pluribus ancoris nauigia infranant. Vescuntur aqua, luto arena. Maiore ex parte quum viuunt purpureo sunt colore, in mortuis floridus color euanesceat. Ab aculeorum quibus obducti sunt asperitate ortum est prouerbum ἐχίνος σαχύντερος, id est, echino asperior, in hominem intractabilem & insuauibus moribus dictum, metaphora ducta est à marino, & à terrestri. uterq; enim asper est, sed marinus toto corpore asper, terrestris non item. Est & aliud ab his prouerbum, Πέν ὁ δύο ἐχίνοι εἰς φιλίαν ἔλθοιεν, ὁ μὲν ἐκ θαλάσσης, ὁ δ' ἐκ χέρσου. Prius echini duo inierint amicitiam, alter è mari, alter è terra, de iis qui moribus ac studiis inter se sunt, ita dissiden-

tes, vt nulla spes sit aliquando necessitudinem inter eos coituram. Olim ante cœnam echini integri & crudi cum ostreis spondylis, petunculis apponebantur, quia horum succus aluum ciet. Vnde Athenæus ex Demetrio Scepsio festiuam narrat historiam de eo qui echinos integros deuorare voluit. Laconem ait ad cœnam vocatum apofitis echinis, qui quomodo edendi essent cum ignoraret, ac quomodo alij ederent non animaduerneret, vnũ in os immissum cum testa, dentibus comminuit, & stridere fecit. Cum igitur miserè os discrucietur ob duram cibi asperitatem. O sceleratum, inquit, edulium, neque nunc te omittam emollitum, neque posthac vnquam sumpsero. Nostri lapide testam frangunt, & flauam siue croceam partem, id est, oua edunt. Olim ex mulso & garo subducendæ alui gratia deglutiebantur, vrinam etiam mouent. Crusta in medicamentis utilis est. Nam vt scribit Galenus, Erinacei vtriusque tam marini quàm terrestris corpus vstum cinerem, efficit facultatis tum detergentis, tum degerentis, tum detrahentis. Itaque eo quidam ad excrescentia, & ad fordida vsi sunt vlcera. Ad capitis vlcera manantia valere expertus sum, & ad eadem Paulus Ægineta commēdat. Ex iisdem cineribus fiunt dentifricia sicca, aut melle scillitico excepta. Plinius tradit echinis viuentibus tufis, & in vino dulci potis egregiè profluuia purgari.

Lib. xi. de fa-
cu. simp. med.

Lib. ii. ca. 10.

De Echino spatago & Brisso.




CAPUT XXXI.



ECVNDI. Et tertij generis echinorum breuiter Aristoteles meminit his verbis. Ἄλλα δὲ δύο γένη τῶν τε τῶν ἀναζώνων καὶ τῶν χαλαρῶν βέλων, γίνονται δὲ ἑταίροι, καὶ ἀσάνιοι. Secundum ac tertium echinorum genus, spatagi & brissi, quæ genera pelagia sunt, ra-
raque

ráque inuentu. Ex his Aristotelis verbis, neque ex vlllo alio autore vete-
tere notas aliquas colligere possis, quibus hos echinos ab aliis differre
intelligas. Sed cum echinum, quem híc exhibemus, pelagium & in-
uentu rarissimum esse certò sciam, qui ab echinometre, echini ouarij,
echini parui, notis à veteribus traditis facìle distinguatur, non dubi-
taui pro spatago vel brisso proponere. Hic igitur echinus siue spata-
gus, vel spatangus (vtrouque enim modo legitur) siue brissus minùs
rotundus est, quàm superior à cordis figura non valde recedens, acu-
leis paruis & raris septus, altera parte in qua scilicet os est magis pla-
nus quàm superior. Os dentibus caret, verùm maxilla inferior supe-
riore prominentior est, ad hauriendum aquam, arenámque accom-
modata: his enim & luto vescitur. In interiore testa nulla talis specta-
tur fabrica, qualem in echino ouario descripsimus, sed est intestinum
conuolutum, aqua & arena plenum, neque oua, neque nigrum illud
continet, quod carnis loco est.

De Echinometra.



CAPUT XXXII.




VARTVM Echinorum genus echinometram
numerat Aristoteles, quasi matrem aut matricem di-
cas echinorum, inquit Gaza, quanquam sciendum est,
in hoc genere marem à scemina non distingui: neque
enim ex semine vel ex ouo generantur, sed sponte o-
riuntur, vt ostracoderma. Echinometras magnitudine ab aliis omni-
bus distinguit Aristoteles: ἐτι αἱ ἐχνομήτραι καλίσμικται μεγέθει πάντων
μέγιστα, sed hanc magnitudinem non ad corpus siue calycem, verùm
ad spinas refert Plinius, quum scribit. Ex his echinometræ appellan-
tur, quorum spinæ longissimæ, calyces minimi, cuius sententiam Gyl-

Lib. 4. de hist.
anima. cap. 5.

lius Aristotelis sententiæ præfert his verbis. Aristoteles dicit echinometras ceteros magnitudine calycis superare. Plinius Echinometras spinis longissimis, & calycibus minimis descripsit, quod ipsum mihi verosimilius videtur, cum ab aculeis nomen omnes echini traxerint, rectius nominantur echinometre, qui aculeorum proceritate præstant, quã ob magnitudinẽ calycis. Ego verò à corporis siue calycis potius quàm aculeorum proceritate echinometras dici existimo. cur enim echinorum matrem vel matricem ab aculeis longis nominassent veteres, cum sit aliud quintum scilicet genus paruo calyce spinis longis durisque? hoc quidem genus pro echinometra vsurpasse videtur Plinius & eum secuti contra Aristotelis mentem, cum perspicuè vtrunq; genus separet. Quare Aristotelem hinc sequendum censeo ex quo sua transcripsit Plinius. Illius igitur echinometram hinc exhibeo, qui magnitudine reliquis præstat, adeo vt ambabus manibus quaquaersum extensis capi vix possit, aculeisq; est mediocribus. Internæ partes ouariis echinis similes sunt, demptis ouis siue flaua illa parte eduli, quæ exigua est & planè exucca,

De Echinorum quinto genere.



CAPUT XXXIII.



VINTVM Echinorum genus id est quod saxo inharens representamus, calyce paruo spinis longis pro corporis ratione, & duris, quo ad vrinæ destillationes felici successu sum vsus, vnde affirmare non dubitamus id esse quintum echinorum de quo sic Aristote-

les. Genus item aliud est minutum spinis longis, prædurisque, gigni in alto gurgite solitum, quo nonnulli ad stillicidia vrinæ medicamento vtuntur. Aristoteles autor est echinos alios nasci, circa Toronem, qui candidi sunt, & spinis, & testa, & ouo, augentur forma productiore quàm ceteri, spina iis parua, nec rigida sed mollior, nigra autem illa ori applicata, plura à se se disiuncta, & ad foramen exterius coëuntia.

Hactenus, studiose Lector, quæ ad vniuersam piscium omnium cognitionem valde conferunt, primum executi sumus, deinde sigillatim de piscibus marinis permultis diximus, singula eorum genera singulis libris complexi, ab iis qui sanguine præditi sunt, ad eos qui sanguine vacant progressi: horum cum quatuor sint genera, de duobus tantum diximus, scilicet de mollibus & crustatis: supersunt igitur duo quæ *στραχόλερμα*, id est, testacea, & *ἐντομα*, id est, insecta vocantur,

quæ cum aliis ad integram piscum historiam omnino absol-

uendam necessariis propediem *ὧν Θεός* edentur. In-

terim his frui, quæ magno studio & labore,

magnis sumptibus, multis vigiliis con-

quisita & cognita tibi candi-

do animo & liberaliter

impertimur.

585

Τέλος *ὧν Θεός*.

LVGDVNI,

Excudebat Matthias Bonhomme.





INDEX RERVM COGNITV
NECESSARIARVM, QV AE
TOTO OPERE SPARSAE
SVNT.

A



CANTHIAS

Gal. qua sit carne.

pag. 374

Acanthia galei fa-

tus. 374

Acanthia galei descriptio. 373

Acanthia Gal. icur oleū emittit. 374

A carnanis piscis descriptio. 151

Acarnan quali sit succo. 152

Acipenser paucorum hominum. 413

Acipēser nō est ex squamosis piscib. 414

Acipenser ὀλιγός dorionis 414

Acipenser quo tempore fuerit in precio

apud Romanos: & quo tempore lau-

dari desit. 415. & 416

Acipēser & elops diuersi sunt pisces. 411

Acipenser simplici c. scribendum in se-

cunda syllaba. 412

Acipenser cum coronis & tibis in cæ-

nis circumserebatur. 413

Acipenseris descriptio. 413

Actio quid. 81

Actiones piscium naturales. 83

Actionum diuisio. 82

ἀγχλήφι unde dicta sit. 527

Acus primæ descriptio. 228

Acus qua sit carne. 228

Acus secundæ descriptio. 229

Acus Aristotelis quomodo pariat. 229. & 230

Acus cur dehiscente utero parit. 231

Acus Aristoteles pro serpente marino
non rectè usurpata 409

Adulterorū pœna apud Atheniēses. 262

Aër variè corpora immutat. 4

Aër cum aqua permistus. 101

Aëre nullum animal perpetuò viuere

poteſt. 93

Aëris inspiratione nonnulli aliquan-

diu vixerunt. 21

Aetnaus piscis proprium nomen non

est, sed epitheton. 121

Alauda non cristata descriptio. 206

Alimenta piscium. 16

Aloſa descriptio 221

Ἀλφειὸς incontinentes. 170

Amia piscis non est qui lechia Romæ di-

citur. 241

Amia reliqui pisces delectentur. 239

Amia unde dicatur. 238

Amia descriptio. 238

Amia Pontum subeunt. 238

Amia celerrimè augescunt. 239

Amia quali sint succo. 239

Anguilla pura aqua viuunt. 21

Anima quid Hippocrati 97

Animalia an sine sanguine possint vi-

uere 468

Anchias secundi generis & tertij. 191

Anthias anthiam captum liberat. 190

Anthias piscis cur sacer. 189

Anthias qua arte euadat. 190

INDEX

<i>Anthia primi descriptio.</i>	189	<i>bus & piscibus.</i>	61
<i>Ανθέμης & ἀνέμης.</i>	216	<i>Arteria aspera in pulmones disseminata constructio à nullo hactenus re-</i>	
<i>Aphareus quid.</i>	246	<i>Etè tradita.</i>	62
<i>Appendices circa os piscium.</i>	77	<i>Aselli piscis descriptio.</i>	274
<i>Αφῆτης</i>	86	<i>Aselli qua sint carne & succo</i>	274
<i>Αφῆτης ex spuma maris nascitur.</i>	209	<i>Asellorum plura genera.</i>	273
<i>Aphya vidit ignem</i>	209	<i>Asini varij descriptio.</i>	279
<i>Aphya ad ignem.</i>	209	<i>Astaci unde dicti</i>	538
<i>Aphya veneri sacra.</i>	209	<i>Astaci descriptio.</i>	539
<i>Aphya cobites ex gobionibus creatur.</i>	210	<i>Astaci maris & fœmina nullū discrimen.</i>	638
<i>Aphya cobites qualis sit.</i>	211	<i>Astacus non recte cammarus latine dicitur.</i>	540
<i>Aphya manidum & mugilum quid sit.</i>	214	<i>Athernia unde dicta sit.</i>	215
<i>Aphya mugilum quid sit.</i>	213	<i>Atherina quomodo pariat.</i>	216
<i>Aphya quod nutrimentū præbeat.</i>	209	<i>Atherina qualis sit carne.</i>	216
<i>Aphya phalerica descriptio.</i>	213	<i>Atramentum an sanguini proportionē respondeat.</i>	500
<i>Aphya phalerica unde dicta.</i>	212	<i>Atramentū (sepia &) eius meatus.</i>	500
<i>Aphya unde dicta sunt.</i>	207	<i>Augusti & Vespasiani dictum.</i>	468
<i>Aphya conglomerata natant.</i>	209	<i>Anlopus piscis cur dicatur.</i>	192
<i>Aphyarum honor oleum.</i>	209	<i>Aurata tarentina.</i>	117
<i>Aphyarum plura genera.</i>	208	<i>Aurata lucrini lacus.</i>	117
<i>Aphyas quomodo Nicomedi regi presentari Apicius.</i>	209	<i>Aurata piscis timidus.</i>	116
<i>Apolectus pelamydis species.</i>	244	<i>Aurata arcetè dormit.</i>	116
<i>Apri piscis descriptio.</i>	161	<i>Aurata Ephesia.</i>	117
<i>Aqua marina pisces nutriuntur.</i>	19	<i>Aurata quali carne & succo.</i>	117
<i>Aqua pisces alij refrigerantur alij nutriuntur.</i>	17	<i>Aurata salita.</i>	117
<i>Aqua proprium piscium elementū.</i>	6	<i>Aurata & lupi in dulces lacus à veteribus inferebantur.</i>	116
<i>Aqua an nutriat.</i>	17	<i>Aurata partes interna & externa.</i>	116
<i>Aqua marina inest humor dulcis.</i>	20		
<i>Aquarū varietas piscium naturam variè immutat.</i>	5	<i>Aurata usus in medicina.</i>	117
<i>Aranea marina descriptio.</i>	575	<i>Aurata quomodo capiuntur.</i>	117
<i>Araneus Plinij & araneus Aristotelis longè diuersi pisces.</i>	302	<i>Aurata quo modo preparantur</i>	118
<i>Araneus piscis & draco idem.</i>	301	<i>Auris constructio interna in hominibus & piscibus.</i>	49
<i>Aristotelis rationum refutatio quibus improbat veterum philosophorum sententiā de respiratione pisciū.</i>	99	<i>Auriculis cur careant pisces</i>	50
<i>Arnoglossi piscis descriptio.</i>	324	<i>Aurium usus.</i>	49
<i>Arteria aspera constructio in hominibus & piscibus.</i>			

B

Balena vulgo appellata carne piscium non nutritur.

RERVM COG. NECES.

<i>Balena prima aqua & spuma maris tantum vescitur.</i>	485	<i>Cancelli descriptio ex Aristotel. e</i>	554
<i>Balanarum costa esse vulgo creduntur quæ maxillæ sunt.</i>	486	<i>Cancellus cur in alienis testis habitet.</i>	557.
<i>Balanarum dux quis ex Oppiano, Aeliano, Plutarcho.</i>	477	<i>Cancellus an in genere crustatorum an testaceorum reponendus.</i>	553
<i>Balena vere descriptio.</i>	482	<i>Canicularum victus.</i>	383
<i>Balena nomine plures beluæ intelliguntur.</i>	475	<i>Canicula dentium cinis.</i>	379
<i>Balena quomodo olim caperentur</i>	480	<i>Canicula Aristotelis descriptio.</i>	380
<i>Balena quomodo capiantur in Aquitanico sinu.</i>	480	<i>Canicula oua qualia sint.</i>	380
<i>Βαλιδόοκ' ποι.</i>	340	<i>Canicula oculi nebula obteguntur.</i>	377
<i>Βάτος & Βατίς cur dicantur.</i>	340	<i>Canicula saxatilis descriptio.</i>	383
<i>Branchiarum in cartilagineis longis situs.</i>	374	<i>Cancris parvis cur in testis alienis habitent.</i>	571
<i>Branchia piscium.</i>	63	<i>Cancris parvis sponte non proueniunt.</i>	572
<i>Branchiarum usus.</i>	63. & 64	<i>Cancris an in anteriora moueantur.</i>	572
<i>Branchiarum differentia.</i>	64	<i>Cancris sese mutuo deuorant.</i>	573
<i>Belonius.</i>	423	<i>Cancris marini an in fluuiatiliū penuria substitui possint.</i>	573
<i>Belenni piscis descriptio.</i>	214	<i>Cancris omnes in quibus conueniant & in quibus differant.</i>	559
<i>Belua marina in litus Magalonense aliquando eiecta.</i>	486	<i>Cancris mææ descriptio.</i>	560
<i>Bos piscis cartilagineus.</i>	348	<i>Cancris parui quibus in testis hospitentur.</i>	569
<i>Boops Mercurio sacer.</i>	136	<i>Cancris cordis figura descriptio.</i>	569
<i>Boops quali succo.</i>	137	<i>Cancris cauda non carent.</i>	535
<i>Boops peregrinus.</i>	427	<i>Cancris latipedis descriptio.</i>	565
<i>Boopis descriptio.</i>	137	<i>Cancris flauis descriptio.</i>	566
<i>Boopis species duæ.</i>	137	<i>Cancris marmorati descriptio.</i>	566
<i>Βόλγ' an Βόλγ'τα dicere oporteat.</i>	136	<i>Cancris anonymi descriptio.</i>	567
<i>Buccina saluant.</i>	87	<i>Cancris Βραχυχίλς descriptio.</i>	568
		<i>Cancris an desit caput.</i>	32
		<i>Cancrorum paruorum descriptio.</i>	570
		<i>Cancrorum nomine pro genere crustatorū omnium usus est Plinius.</i>	534
<i>Cecilia serpentes.</i>	230	<i>Cancrorum genera plura.</i>	558
<i>Callarias & clarias.</i>	282	<i>Cancrorum hirsutorum genera.</i>	568.
<i>Cancelli & Cancris parui qui in ostreis reperiuntur, a sese diuersi sunt</i>	555	<i>& 569</i>	
<i>Cancelli in spongiarum cauernis reperiuntur.</i>	557	<i>Cancrorum in medicina usus.</i>	573
<i>Cancelli amplior descriptio.</i>	557. & 558	<i>Cancrorum coitus.</i>	572
<i>Cancelli sponte non proueniunt</i>	558	<i>Cancros paruos lapillum in testas mittere falsum est.</i>	570

INDEX

Canthari scaro & succus & prepara- tio.	122	Cetacei pisces in quo genere animan- tium sint.	ibid.
Canthari piscis descriptio	121	Cetacei pisces in quibus conueniunt & disideant.	ibid.
Canthari piscis castitas.	121	Chelas habent pisces manuum vice.	80
Cantharus atnaus.	121	Chelarum differentia.	ibid.
Cantharus quibus in locis uiuat.	120	Chelonis descriptio.	266
Capri piscis descriptio.	159	Creati primū à Deo reliquorū rerum fuerunt materia.	6
Caput quid.	44	Cicada Aeliani descriptio.	546
Capitis piscium differentia.	45	Kippov quid sit.	171
Carnes diutius feruentiore igne assa- ta deteriores.	120	Kneiodēis color quis.	ibid.
χαλδῆς unde dicta.	543	Cithari flauī siue asperi descriptio.	315
Cartilagineorum piscium multo usu oculorum acies hebetatur.	370	Cithari piscis descriptio.	314
Channa venter in os excidit.	185	Citharus maris rubri.	315
Channa descriptio.	183	Citharus egressus non est multo mi- nus cantharus.	314
Channa omnes femina.	184	Cybia cur dicantur.	245
Channa quali sint carne.	186	Cybia quae dicantur.	244
Chamaleon aëre solum non uiuit.	93	Cynadi pisces cur dicantur.	171
Clauus cur facile nauem mouet.	439	Cynadi piscis preparatio.	172
Cemenei montes.	5	Cynadus quali sit succo.	ibid.
Centrinam non cognouit author lib. de aquatilib.	386	Cynadi piscis descriptio.	170
Centrina descriptio.	384	Cynoglossus à solea quid differat.	323
Centrina oua.	385	Colias maior est scombro & deterioris succo.	236
Centrina caro.	385	Colias parianus & sexitanus.	237
Cephalus quomodo preparandus.	262	Kολιδῆς piscis non χαλδῆς.	235
Cephalus limo & aqua tantum uesci- tur.	261	Collum an pisces habeant.	77
Κεφάλος mugilis species & eius descri- ptio.	260. & 261	Colia descriptio.	236
Κεφα quid sit.	224	Congri deuorantur à locustis	396
Cestrei dentibus carent.	263	Congri quali carne.	397
Cestrei piscis descriptio.	263	Congri uiuunt abscissa cauda.	ibid.
Κεσπορ quid.	262. & 263	Congri piscis descriptio.	365
Cestreus ieiunat.	263	Congri oua non pariunt ut anguilla contra Oppianum.	196
Cestreus cur gulosus dicatur.	264	Coracina pix.	132
Κεσπος mugil unde dicatur.	262	Coracini piscis descriptio.	129. & 130
Cete quae dicantur ab Aristotele, Ga- leno & ceteris.	392	Coracini salsamenta.	131
Cetacei pisces qui.	441	Coracis piscis descriptio.	296
Cetacei pisces carnis substantia à cete- ris differunt.	442	Coracinus quali sit succo.	131
		Coracinus unde dictus sit.	129
		Coracinus ex niloticis piscibus est.	130

RERVM COGN. NECES.

Coracinus pro varia etate varia habet nomina.	129	exiliant.	469
Coracinus quomodo preparandus.	132	Delphini lingua & iecur.	473
Coracinus color.	129	Delphini usus in medicina.	473
Kωπλαs serpens.	230	Delphini non unica species.	459
Cor piscium squamosorum.	67	Delphini amplissima descriptio.	459
Cor piscium pulmonibus spirantium.	68	& deinceps.	
Cordis situs in piscibus.	68	Delphini animal statim concipit sine ouo.	462
Cordi cur affusa pinguitudo.	68	Delphin quo tempore pariat.	462
Cordyla quid.	242	Delphini erga fœtus amor.	462
Corporum diuerforum commistio non potest generare.	371	Delphini diu uiuunt.	462
Corpus animi causa conditum.	111	Delphin moueri non desinit.	462
Corpus omne partibus variis cōstat.	24	Delphini fistula obstruata statim moriuntur.	470
Kόρον quid sit.	128	Delphini diutius uiui quomodo feruentur.	470
Χλωρο quid significet.	-197	Delphini erga mortuos fœtus cura.	470
Cornuta piscis descriptio.	300	Delphini cicurari possunt.	471
Corui piscis & milui discrimen.	298	Delphini musica delectantur.	471
Chromis piscis descriptio.	153	Delphini & Arionis historia.	471
Cuculi piscis descriptio.	287	Delphinorum opera quomodo homines olim in piscando uterentur.	470
Cuculus quomodo preparandus.	288	Delphinus in mari summum frequentius se vibrans tempestatis signum est.	463
Cuculus quali sit carne.	288	Delphinus audiendi meatū habet.	464
Clupea non est trissa.	221	Delphinus stridet, & vocis nonnihil edit.	463
Crustata in genere quali succo.	134	Delphinus velocissimus.	467
Crustata quæ dicantur.	534	Delphinus cum ancora quid significet.	468
Crustatu omnibus caput non deest.	544	Delphinus quali sit carne & succo.	472
Crustatorum summa genera.	535	Delphinus an os habeat in supina parte ex Aristotele & Plinio.	466
Crustatorum genus valde variū.	534	Delphinus aculeis in pinna dorsi caret.	467
D		Delphinus crocodili hostis.	468
Δαμῆλs quæ dicantur.	155	Delphinus balanā non antecedit.	469
Draco & dracunculus diuersi pisces.	301	Delphinus an tricenis diebus lateat.	
Draco marinus unde dictus sit.	302		469.
Draco belua marina non est, ut putauit Albertus magnus.	302	Delphinum statim tellure tacta mori falsum est.	469
Draconem marinum Plinij & Dioscoridi diuersos esse falsum est.	303	Delphinum cauda ligare.	467
Draconis marini venena quomodo sanantur.	303. & 304		
Draconis piscis descriptio.	301		
Dracunculi piscis descriptio.	304		
Delphini unguentis offenduntur.	465		
Delphini pinna.	467		
Delphini cur in terram nonnunquam			

INDEX

Delphinum natare doces.	468	Dulce quid significet.	18
Dentificia ex dentibus lamie.	393	E	
Dentes cur piscibus tributi.	54	Echeneides plures apud diuersos auto-	
Dentium piscium differentia. ss. &	56	res.	436. & 437
Diaphragma quid.	65	Echeneis Opiani nostra est lampetra.	
Diaphragmate inflâmato citius mens		401	
è sua sede mouetur, quàm laeso ore		Echeneis cur nauem remoretur.	439
ventriculi.	66	Echeneis unde dicta sit.	436
Diaphragmatis usus in piscibus. ibid.		Echeneis Plinij & Aristotelis ab eche-	
Διαφωγή quid.	97	neide Opiani diuersa est.	402
Differentia piscium à moribus.	109	Echini duo prius amicitia inierunt.	579
Differentia piscium ex odore. 37. &	38	Echini cinis ad quid utilis.	580
Differentia piscium ex viuendi ratio-		Echini spatagi vel brissi descriptio.	
ne.	3. & 4	580	
Differentia piscium ex alimentorum		Echini parui descriptio.	583
varietate.	14. & 15	Echini ad destillationes urine usus.	
Differentia piscium ex alimentis.	22	582	
Differentia piscium ex substantia va-		Echini an in crustatorum an in testa-	
rietate.	28. & 29	ceorum genere reponendi.	577
Differentia piscium qua sint.	3	Echini partes interna & externa.	578
Differentia piscium ex colore. 40. &	41	& 579	
Differentia piscium extra aquas vi-		Echini tempestatē prænuntiant.	579
uentium.	11	Echinometra magnitudo ad calicem	
Differentia piscium ex mari, lacubus,		an ad spinas sit referenda.	581
fluminibus.	7	Echino asperior.	579
Differentia piscium marinorum multa.	7	Echinus integer à lacone deuoratus.	
Differentia piscium ex propriis facul-		780	
tatibus.	43	Echinus.	263
Differentia piscium ex partibus.	44	Echinus & echinatus quid.	421
Differentia piscium ex figura partium.	30	Echinum & echeneida malè confudit	
Differentia piscium ex magnitudine to-		Cardanus.	440
tius & partium.	31	Egr. fini descriptio.	277
Differentia piscium ex situ partium.	32	Egre sinus Veterum aries non est.	268
Differentia piscium in marinis stagnis		Egre sinus ex asellorum genere.	277
degentium.	8	Εκρασίχολοι et λυγρόμοι cur dicti.	211
Differentia piscium palustrium & la-		Elacatene piscis & salsamenti no-	
custrium.	9	men.	432
Differentia piscium fluuiatilium.	10	Elementa quomodo commiscuntur ad	
Differentia piscium ex numero par-		rerum generationem.	101
tium.	33	Elopes pisces cur dicti.	412
Differentia piscium ex exuperantia &		Elops pamphylij maris proprius.	430
defectu partium.	34	Elops squamas ad os versus non ha-	
Differentia piscium ex sapore.	35	bet.	431
		En-	

RERVM COGN. NECES.

<i>Encrasicholorum descriptio</i>	211	<i>Galei asterie descriptio.</i>	376
<i>Ε' τω γ' λυμυγ. πλυχ' οδες in cancris.</i>	372	<i>Galei canis siue caniculæ descriptio.</i>	377
<i>Ε' τω γ' λωτ' us quid sit.</i>	382	<i>Galli piscis descriptio.</i>	329
<i>Ε' φ' τοι pisces qui dicantur.</i>	215	<i>Galeus glaucus quæ sit carne.</i>	379
<i>Erythrini piscis descriptio.</i>	145	<i>Galerita piscis descriptio.</i>	204
<i>Erythrinos in dentices verti falsum est.</i>	145	<i>Garum ex scombris.</i>	235
<i>Ε' ρυθ' ον quid.</i>	171	<i>Garum sit ex encrasicholis.</i>	212
<i>Erythrinus non omni anni tempore o- uis gravidus est.</i>	145	<i>Garum ex garco pisce primum fiebat.</i>	141
<i>Erythrinus quali sit substantia.</i>	146	<i>Gladium habet sed cor non habet.</i>	509
<i>Εδδλω' ον quid.</i>	293	<i>Glauci secundæ speciei descriptio.</i>	254
<i>Ευ' τ' ομ' quid significet.</i>	160	<i>Glauci tertie speciei descriptio.</i>	255
<i>Exocæti descriptio.</i>	194	<i>Glauci piscis descriptio.</i>	258
<i>Exocætus vocalis non est.</i>	194	<i>Glaucus color quis.</i>	ibid.
<i>Exocætus cur dicatur.</i>	193. & 194	<i>Glaucus Aeliani à glauco nostro di- uersus.</i>	254

F

<i>Faber piscis idem qui Gallus.</i>	329	<i>Generationis piscium varietas.</i>	84. &
<i>Fabri piscis descriptio.</i>	329		85
<i>Facies.</i>	50	<i>Gesnerus medicus.</i>	423
<i>Felis differentia in piscibus.</i>	72	<i>Gyrini qui dicantur.</i>	364
<i>Fiatole Romani piscis descriptio.</i>	257	<i>Goberge asellorum species & eius de- scriptio.</i>	279
<i>Fistula piscium.</i>	59	<i>Goby nigri descriptio.</i>	200
<i>Fætus cur plures duobus cum uteri duo tantum sint sinus.</i>	91	<i>Gobiones in alga nidificant.</i>	196
<i>Fungorum decocto effuso in terram fungi alij nascuntur.</i>	87	<i>Gobionis marini descriptio.</i>	196
		<i>Gobionum differentie plures.</i>	195
		<i>Γ' ον' quid.</i>	85
		<i>Γ' ον' γ' ος unde dictus sit.</i>	394
		<i>Γ' α' ρ' ο' ρ' ε' α' ον quid.</i>	140
		<i>Γ' λ' ω' τ' & siue γ' λ' ω' τ' is quid sit.</i>	381
		<i>Γ' η' ω' t' is laryngis pars quæ sit.</i>	381
		<i>Gruis piscis ex Aeliano descriptio.</i>	431

G

Galaxias siue galeonymos quis piscis.

	415
<i>Galea piscis & eius descriptio.</i>	282. &
	283
<i>Galei pisces qui dicantur.</i>	372
<i>Galei glauci descriptio.</i>	378
<i>Galei in quibus conueniant & dissi- deant.</i>	373
<i>Galei lauis descriptio.</i>	375
<i>Galei lauis fætus.</i>	375

H

<i>Halec quid sit.</i>	138
<i>Harengus ex Trisarum genere & eius- dem descriptio.</i>	223
<i>Hepar candidum in quibusdam pifi- bus cur dicatur.</i>	149
<i>Hepar piscium quorundam pingue.</i>	71
<i>Hepati piscis descriptio.</i>	148
<i>Hepatis piscium differentia.</i>	71

INDEX

<i>Hepseti piscis descriptio.</i>	215	<i>Lamia piscis antropophagus.</i>	391
<i>Heracleotici cancri quales.</i>	563	<i>Lamia quot dentium ordines habeat.</i>	391.
<i>Hippolytus medicus Romanus.</i>	423	<i>Lamia descriptio.</i>	ibid.
<i>Hippoglossi piscis descriptio.</i>	325	<i>Lamia oculi quales nervos opticos habeant.</i>	ibid.
<i>Hippuri descriptio.</i>	255. & 256	<i>Lamia mulieres unde dicta.</i>	ibid.
<i>Hippurus unde nomen habeat.</i>	256	<i>Lamia gula quanta.</i>	392
<i>Hippurus hyeme latet.</i>	ibid.	<i>Lamia caro qualis.</i>	ibid.
<i>Hippurus naufragiis gaudet.</i>	ibid.	<i>Lamia hypogastria.</i>	392
<i>Hirudo marina.</i>	401	<i>Lampetra unde dicta sit.</i>	398
<i>Hirundo piscis cur dicatur.</i>	284	<i>Lampetra naues remoratur.</i>	402
<i>Hirundo qua sit carne.</i>	286	<i>Lampetra quo nomine à veteribus nominata fuerit ex diuersorum opinione.</i>	399
<i>Hirundinis piscis descriptio.</i>	285	<i>Lampetra descriptio.</i>	398
<i>Hirundinis os noctu lucet.</i>	ibid.	<i>Lampetra spina dorsi.</i>	399
<i>Hirundinis fel.</i>	286	<i>Lampetra quali carne.</i>	ibid.
<i>Hirundines marina volant.</i>	ibid.	<i>Lapides in coracini capite.</i>	132
<i>Homo non solus celum suspicit.</i>	307	<i>Lapides in umbra piscis capite.</i>	ibid.
<i>Horrea quæ.</i>	244	<i>Lapides in capite lupi.</i>	271
<i>Humida & mollia faciliè mutantur & concoquuntur.</i>	119	<i>Latera stagnum.</i>	5
<i>Humidum nimium cruditatis causa.</i>	120	<i>Latera stagnum.</i>	91
I			
<i>Insula D. Honorati.</i>	153	<i>Lati preparatio & succus.</i>	136
<i>Ionia quæ dicantur.</i>	557	<i>Lati piscis descriptio.</i>	135
<i>Ionas in ventre lamie fuit.</i>	392	<i>Latus est ex piscibus Niloticis.</i>	ibid.
<i>Ingluuius piscium & auium quid.</i>	500	<i>Leonini monstri descriptio.</i>	491
<i>Insecta quomodo respirant.</i>	101	<i>Leonis crustati descriptio.</i>	542
<i>Instrumentorum ex quibus corpus constat diuiso.</i>	25	<i>Leporini veneni experientia.</i>	524.
<i>Intestinorum differentia.</i>	70	<i>Leporini veneni iudicia & symptomata.</i>	525
<i>Iulis quali sit succo.</i>	181	<i>Leporini veneni remedia.</i>	524
<i>Iulidis piscis descriptio.</i>	180	<i>Leporis marini veri descriptio.</i>	521
<i>Iulidis morsus est venenatus.</i>	181	<i>Leporis marini species alia ex Aeliano.</i>	525
L			
<i>Labra piscium.</i>	57	<i>Leporis marini venenum solos pulmones non afficit.</i>	523
<i>Labrax Milesius.</i>	270	<i>Leporis marini in medicina usus.</i>	524
<i>Lacerti peregrini descriptio.</i>	428	<i>Leporis marini secunda species.</i>	526
<i>Ladus fluuius.</i>	5	<i>Leporis marini tertia species.</i>	ibid.
<i>Lamia an inter Planos cartilagineos, an inter longos numeranda.</i>	390	<i>Lepus marinus mas & femina.</i>	525
<i>Lamia unde dicta sit.</i>	ibid.		

RERVM COG. NECES.

<i>Lepus marinus</i> cur à paucis cognitus.		<i>Maltha</i> piscis unde dicatur.	ibid.
520		<i>Malthæ</i> descriptio.	ibid.
<i>Lepus marinus</i> unde dicatur.	521	<i>Mammæ</i> situs in piscibus.	75
<i>Lepus marinus</i> venenatus est.	ibid.	<i>Mammæ</i> piscium.	ibid.
<i>Lerinus</i> insula.	153	<i>Mammæ</i> piscium in quo differant à	
<i>Libella</i> quid sit.	389	mammis aliorum animalium.	ibid.
<i>Libella</i> piscis unde dicatur.	ibid.	<i>Manati</i> Indici descriptio.	490
<i>Ligula</i> siue lingula quid.	381	<i>Marina</i> aqua crassior quamvis alia, &	
<i>Lingua</i> piscium.	58	ad gignenda animalia aptissima.	86
<i>Liparis</i> piscis descriptio.	272	<i>Mare</i> animantes habet loco hæretes.	92
<i>Liparis</i> in oleum abit.	ibid.	<i>Maraxus</i> Indicus piscis.	489
<i>Lyra</i> piscis descriptio.	298	<i>Maxillarum</i> piscium differentia.	53.
<i>Locusta</i> in conuiuio tria præstat.	537	&	54
<i>Locustarum</i> coitus.	ibid.	<i>Maxillarum</i> usus in piscibus.	54
<i>Locusta</i> crustam exuunt.	ibid.	<i>Mena</i> Scyros.	139
<i>Locustæ</i> descriptio.	536	<i>Mena</i> non rectè halec dicitur.	138
<i>Locustæ</i> quomodo preparande.	537	<i>Mena</i> descriptio.	138. & 139
<i>Locustæ</i> femine à mare discrimē.	536	<i>Mena</i> color quando variatur.	139
<i>Loligines</i> quomodo preparande.	510	<i>Mena</i> quo sint succo.	ibid.
<i>Loliginis</i> humor ater metaphoricè.	509	<i>Menarum</i> in medicinis usus.	ibid.
<i>Loligines</i> volant, ut se seruent.	ibid.	<i>Melandrya</i> quid.	244
<i>Loliginis</i> magna descriptio.	507	<i>Melanuri</i> descriptio.	126
<i>Loliginis</i> parue descriptio.	508	<i>Melanuri</i> astutia.	127
<i>Longi</i> pisces cur pinnis careant.	483	<i>Melanderini</i> descriptio.	128
<i>Longi</i> pisces qui dicantur.	394	<i>Melanurus</i> quali succo sit.	127
Λοφία & Λόφος quid.	385	<i>Membradum</i> descriptio.	220
<i>Luciorum</i> vulnera in aquis coalescunt.	232	<i>Mentulæ</i> piscium differentia.	74
<i>Luna</i> piscis descriptio.	425	<i>Mentulam</i> qui pisces habeant, & qui	
<i>Lupi</i> piscis descriptio.	269	eadem careant.	ibid.
<i>Lupi</i> idem non sunt cum troctis.	270	<i>Merula</i> quali sit succo.	173
<i>Luporum</i> cibus.	269	<i>Merlanus</i> ex asellorum genere & eius	
<i>Luporum</i> duo genera.	ibid.	descriptio.	276
<i>Luporum</i> qui optimi & contra.	271	<i>Merlanus</i> qua sit carne.	ibid.
<i>Luporum</i> oua.	ibid.	<i>Merule</i> piscis preparatio.	173
<i>Lupus</i> non idem qui lucius.	270	<i>Merule</i> pisces colorem mutant.	ibid.
<i>Lupus</i> quali sit carne & succo.	ibid.	<i>Methodus</i> , qua libri isti conscripti	
<i>Lupus</i> piscis cur à latinis dicatur.	269	sunt.	24
<i>Lupus</i> bis parit.	ibid.	<i>Milui</i> piscis descriptio.	297
<i>Lupus</i> veterū non est sturio noster.	270	<i>Myri</i> & <i>muræna</i> discrimen.	407
		<i>Myri</i> descriptio.	408
		<i>Myri</i> species due.	ibid.
		<i>Myrrha</i> optima subflaua.	198
		<i>Myrrha</i> vera non caremus.	ibid.

M

Maltha pro permissione quadam. 393

INDEX

<i>Mysticeti Aristotelis descriptio.</i>	476	<i>tur.</i>	294
<i>Mytuli saluant.</i>	87	<i>Mulli qui optimi.</i>	292
<i>Mæa quid.</i>	265	<i>Mulli quali carne & succo.</i>	ibid.
<i>Myxonis nomina varia.</i>	266	<i>Mulli quomodo venerè inhi-beant.</i>	293
<i>Mollia cerebrum habent, etiam si san-</i>		<i>Mulli contra mulierum veneficia</i>	
<i>guine careant.</i>	500	<i>valet.</i>	ibid.
<i>Molles pisces qui dicantur.</i>	497	<i>Mulli cur tanto in pretio apud ve-</i>	
<i>Molles pisces cur pedes ante caput ha-</i>		<i>teres.</i>	292
<i>beant.</i>	498	<i>Mulli hepar & caput.</i>	292. & 293
<i>Mollium piscium partes.</i>	498	<i>Mulli magnitudo.</i>	290
<i>Mollium coitus.</i>	89	<i>Mulli barbati descriptio.</i>	ibid.
<i>Mores piscium diuersi sunt.</i>	110	<i>Mulli longam vecturam non ferunt.</i>	
<i>Morhua ex asinorum specie est, & eius</i>		<i>ibidem.</i>	
<i>descriptio.</i>	280	<i>Mullos in garo necabat Apicius.</i>	293
<i>Morhua salita cur glutinosior recente.</i>		<i>Mullorum esu oculi hebetantur, iidem</i>	
<i>ibidem.</i>		<i>neruis inutiles sunt.</i>	ibid.
<i>Morhua ichthyocolia non est.</i>	ibid.	<i>Mullorum aliquot genera.</i>	289
<i>Morhua oculi.</i>	ibid.	<i>Mullorum usus in medicina.</i>	294
<i>Mormyri descriptio.</i>	154	<i>Mullus expirans versicolor est.</i>	289
<i>Mormyrus quali sit succo.</i>	154	<i>Mullus lepore marino solus vesitur</i>	
<i>Mormyrus qua arte vitat retia.</i>	ibid.	<i>ut non intereat.</i>	294
<i>Motionis piscium differentia.</i>	92	<i>Mullus torpedinis vi resistit.</i>	ibid.
<i>Mugil amnes subit.</i>	264	<i>Mullus quibus in locis uiuat.</i>	290
<i>Mugil saltu retia transilit.</i>	265	<i>Mullus ter parit, an anno, an vita.</i>	
<i>Mugiles ab imbribus immodicis le-</i>			291
<i>duntur.</i>	262	<i>Mullus sordibus maximè delectatur.</i>	
<i>Mugiles ubi salubres & insalubres.</i>			292
	261	<i>Murana carniuora est.</i>	403
<i>Mugilis alati descriptio.</i>	268	<i>Murana quocunque tēpore parit.</i>	ibid.
<i>Mugilis nigri descriptio.</i>	423	<i>Murana cum serpente non coit contra</i>	
<i>Mugilum salacitas.</i>	264	<i>veterum quorundam sententiam.</i>	
<i>Mugilum oua salita.</i>	262		404.
<i>Mugilum nomina varia.</i>	258	<i>Murana fluuiatilis.</i>	401
<i>Mugilum genera quatuor, & eorum</i>		<i>Murana branchias habent.</i>	65
<i>nomina varia.</i>	259	<i>Murana in Sicilia optima.</i>	407
<i>Mugilum ventriculi usus in medi-</i>		<i>Murana descriptio.</i>	402
<i>cina.</i>	265	<i>Murana morsus venenatus.</i>	406
<i>Mulli Diana sacri.</i>	293	<i>Murana cum myro mare coeunt.</i>	405
<i>Mullei qui sunt.</i>	289	<i>Murana & congrui odium.</i>	ibid.
<i>Mulli pisces unde dicti.</i>	ibid.	<i>Murana & polypi pugna.</i>	ibid.
<i>Mulli asperi descriptio.</i>	296	<i>Muranam mortuam luxit Crassus,</i>	
<i>Mulli imberbis descriptio.</i>	295	<i>vel Hortensius.</i>	406
<i>Mulli exenterandi priusquam coquan-</i>		<i>Muranam locusta deuorat.</i>	ibid.
			<i>Mur</i>

RERVM COGN. NECES.

<i>Murenarum solarum viuaria.</i>	407	<i>Odorum differentia.</i>	40
<i>Murenarum viuarium primus exco-</i>		<i>Olei ex hepate centrina vsus.</i>	386
<i>gitaui Hirbii.</i>	406	<i>Oleum hepatis centrina.</i>	2
<i>Murices & muricatus quid.</i>	421	<i>Oleum ex hepate galei glauci ad quid</i>	
<i>Mus marinus Plinij testudo est ma-</i>		<i>conferat.</i>	379
<i>rina.</i>	451	<i>Ovloxys Aristotelis.</i>	414
<i>Musculi lingua sola in pretio est.</i>	479	<i>Ovloxys & ovos non semper iudem pi-</i>	
<i>Musculus vinos fetus parit.</i>	479	<i>sces.</i>	273. & 275
<i>Musculus fistula caret.</i>	ibid.	<i>Orphi piscis descriptio.</i>	158
<i>Musculus belua marina.</i>	476	<i>Ophidij piscis descriptio.</i>	397
<i>Musculus balenarum dux.</i>	ibid.	<i>Ophidion quali carne.</i>	398
<i>Musculum partem balena esse falsissi-</i>		<i>Ωρῖα, sine ὀρῖα.</i>	245
<i>um est.</i>	481	<i>Oris differentia in piscibus.</i>	51. & 52
<i>Mustella quali sit carne.</i>	282	<i>Orbis piscis descriptio.</i>	420
<i>Mustella Plinij.</i>	ibid.	<i>Orbis scutati descriptio.</i>	ibid.
<i>Mustelle pisces unde dicantur.</i>	400	<i>Orbis echinati descriptio.</i>	422
<i>Mustella vulgaris descriptio.</i>	281	<i>Orca vasis genus.</i>	483
<i>Mutis in piscibus quibusdam quid sit.</i>		<i>Orcarum & balenarum pugna.</i>	484
500		<i>Orca belua descriptio.</i>	483
<i>Mutis qualis sit.</i>	502	<i>Orcam & orcynum magno errore qui-</i>	
<i>Mutis atramentum non continet.</i>	501	<i>dam confundunt.</i>	484
		<i>Orcyni descriptio.</i>	249
		<i>Orcinus maior thunno.</i>	242
		<i>Ordo quis seruetur in piscium descri-</i>	
		<i>ptione.</i>	113
<i>Nautili navigatio.</i>	518	<i>Orphus piscis sacer.</i>	158
<i>Nereidum falsa opinio non est.</i>	495	<i>Orphus quali succo sit.</i>	ibid.
<i>Nicandri interpres fallitur in lepore</i>		<i>Orum pro auro.</i>	115
<i>marino describendo.</i>	524	<i>Orthragorisci piscis descriptio.</i>	426
<i>Nodds quid.</i>	189	<i>Orthragorisci caro.</i>	426
<i>Novacula piscis descriptio.</i>	147	<i>Orthragorisci pinguitudo.</i>	427
<i>Nutritio quid à generatione diffe-</i>		<i>Orthragoriscus unde dicatur.</i>	426
<i>rat.</i>	84	<i>Os quid.</i>	50. & 51
		<i>Ostracoderma omnia sponte nascun-</i>	
		<i>tur.</i>	86. & 87
<i>Ωῖα & ερῖα.</i>	262. & 271	<i>Ostracodermorum fauos conficientium</i>	
<i>Oculi piscium differentia.</i>	47	<i>origo duplex.</i>	87
<i>Odor quid sit.</i>	38	<i>Oua piscium.</i>	85
<i>Odorandi vi cur animantes multa ho-</i>		<i>Oua pisces quidam concipiunt sine coi-</i>	
<i>minibus præsent.</i>	37	<i>tu.</i>	184
<i>Odorandi meatus in piscibus nullus cer-</i>		<i>Oua piscium foris perficiuntur.</i>	85
<i>nitur.</i>	465	<i>Oua raiarum qualia sint.</i>	34
<i>Odorum differentia.</i>	38. & 39	<i>Oua raiarum quale testam habeant.</i>	344
<i>Odorum nomina.</i>	38		

N

O

INDEX

<i>Oua testacea canicularum quomodo ti-</i>		<i>Plani omnes in prona parte oculos ha-</i>	
<i>biarum ligulis comparentur.</i>	381	<i>bent.</i>	309
<i>Onorum canicula meatus capillares an</i>		<i>Plani latitudine sua natant.</i>	340
<i>reuera meatus sint.</i>	382	<i>Plani pisces quomodo coëant.</i>	89
<i>Onorum sapia descriptio.</i>	505	<i>Pedes piscium</i>	79
<i>Ourche nauis magna species unde di-</i>		<i>Pediculum marinum pro Aristotelis</i>	
<i>cta sit.</i>	484	<i>asilo magno errore quidam repræ-</i>	
<i>Ozæna siue ozolis polypus unde dica-</i>		<i>sentarunt.</i>	576
<i>tur.</i>	516	<i>Pediculi marini descriptio.</i>	576
	P	<i>Pediculi marini in medicina vsus.</i>	577
<i>Pager à paguro valde differt.</i>	142	<i>Pedum differentia in piscibus.</i>	79
<i>Paguri alij sunt ab heracleoticis.</i>	561	<i>Pelamys & thunnus generis nomina</i>	
<i>Paguri descriptio.</i>	562	<i>sunt.</i>	242
<i>Paguri prudentia.</i>	ibid.	<i>Pelamys unde dicta sit.</i>	245
<i>Pagri piscis descriptio.</i>	142	<i>Pelamydas in thunnos mutari non</i>	
<i>Pagrus quo tempore edendus vel non.</i>	143	<i>scripsit Aristoteles.</i>	246
<i>Partes corporis actionum causa con-</i>		<i>Pelamydis sarda descriptio.</i>	248
<i>ditæ.</i>	111	<i>Perca quali sit succo.</i>	183
<i>Partium, quibus piscium corpora con-</i>		<i>Percarum dux melanuros.</i>	ibid.
<i>stant, diuisio.</i>	25	<i>Percarum in medicina vsus.</i>	184
<i>Partium corporis piscium diuisio.</i>	26	<i>Percarum duplex est differentia.</i>	182
<i>Passer generis nomen.</i>	318	<i>Perca preparatio.</i>	183
<i>Passeris asperi siue squamosi descri-</i>		<i>Perca marina descriptio.</i>	182
<i>ptio.</i>	319	<i>Peregrini pisces qui dicendi.</i>	418
<i>Passeris tertia species.</i>	ibid.	<i>Peregrinorum aliquot piscium nomina.</i>	
<i>Passeres quomodo natant.</i>	318		434
<i>Pastinaca marina pro pisce & pro</i>		<i>Peritoneum in piscibus.</i>	68
<i>herba.</i>	332	<i>Perseus Aeliani.</i>	430
<i>Pastinaca qua sit carne & succo.</i>	337	<i>Preparationis ciborum genera duo</i>	
<i>Pastinaca quomodo pisces venatur.</i>		<i>summa.</i>	473
	334	<i>Pilare malum.</i>	574
<i>Pastinaca iecur.</i>	336	<i>Pinnarum in piscibus differentia.</i>	78
<i>Pastinaca hostis galeus.</i>	ibid.	<i>Pinna dirigendi itineris causa.</i>	341
<i>Pastinaca descriptio.</i>	332	<i>Pinna piscium qua sint.</i>	78
<i>Pastinaca species due.</i>	ibid.	<i>Pinnophylaces siue pinnotheres duo,</i>	
<i>Pastinaca secunda speciei descriptio.</i>	338	<i>squillula, & cancer parvus.</i>	556
<i>Pastinaca secunda species pro aquila</i>		<i>Pinnophylax etiam in spongiarum ca-</i>	
<i>marina falso representata.</i>	ibid.	<i>uernis reperitur.</i>	557
<i>Pedros quid.</i>	81	<i>Pisces testibus carent ex Aristotele.</i>	73
<i>Phagrus quali sit succo.</i>	143	<i>Pisces qui testes habent, & qui iisdem</i>	
<i>Plani pisces qui dicantur</i>	309	<i>carent.</i>	74
		<i>Pisces ex aqua geniti.</i>	6
		<i>Pisces molles facilius concoquuntur,</i>	
		<i>du-</i>	

I N D E X

<i>duri difficilius.</i>	220	<i>Pisces odorantur.</i>	465
<i>Pisces quidam hyeme latent.</i>	130	<i>Pisces plures retinēdarum nauium vim habent.</i>	436
<i>Pisces saxatiles qua sint substantia.</i>	29	<i>Pisces qui extra aquā diutius uiuāt.</i>	403
<i>Pisces quidam quare strident.</i>	286	<i>Pisce sanior.</i>	6
<i>Pisces marini flumios subire soliti, meliores iis qui in mari capiuntur.</i>	131	<i>Piscis monachi habitu descriptio.</i>	492
<i>Pisces quidam mandunt.</i>	17	<i>Piscis episcopi habitu descriptio.</i>	494
<i>Pisces fossiles.</i>	12	<i>Piscium coitus ritu animalium retromentium.</i>	89
<i>Pisces ἀμφιβιοι</i>	13	<i>Piscium respirationis differentia.</i>	104. 105
<i>Pisces in terram prodeuntes.</i>	10	<i>Piscium mores.</i>	111
<i>Pisces quomodo in aqua respirant.</i>	103. 104	<i>Piscium cognitio ex differentiis eorum pendet.</i>	1. & 2
<i>Pisces pelagij.</i>	8	<i>Piscium forma & natura cognoscenda.</i>	2
<i>Pisces litorales.</i>	ibid.	<i>Piscium coitus celeriter perficitur.</i>	87
<i>Pisces saxatiles.</i>	ibid.	<i>Piscium temperamentum.</i>	110
<i>Pisces cur in aëre cito intereunt.</i>	100	<i>Piscium uolatus.</i>	96
<i>Pisces qui diutius extra aquam uiuūt.</i>	ib.	<i>Piscium sanguine carentium genera.</i>	497
<i>Pisces qui salitura idonei.</i>	349	<i>Piscibus proprium lapides in capite habere.</i>	26
<i>Pisces ore semen non admittunt.</i>	89	<i>Piscibus proprium uesicam aëre plenam in corpore habere.</i>	26
<i>Pisces quibus temporibus coeunt & quoties.</i>	89. & 90	<i>Puppōs color quis.</i>	171
<i>Pisces quandiu ferant uterum.</i>	9	<i>Philippi dictum de lupo pisce.</i>	4
<i>Pisces quot fœtus edant.</i>	90	<i>Phycis colorem mutat.</i>	186
<i>Pisces longi quomodo coeant.</i>	89	<i>Phycis in alga nidificat.</i>	187
<i>Pisces multi sponte nascuntur.</i>	86	<i>Phycis quali succo sit.</i>	188
<i>Pisces quomodo coeant.</i>	88. & 89	<i>Phycidis descriptio.</i>	186
<i>Pisces cur in Ponto celeriter crescunt.</i>	239	<i>Physsalus Aeliani qualis.</i>	429
<i>Pisces quomodo erga fœtus affecti.</i>	91	<i>Phyfeteris descriptio.</i>	485
<i>Pisces quidā fœtus intra se recipiunt & emittunt.</i>	ibid.	<i>Phyfeteres tubarum sono terrentur.</i>	486
<i>Pisces quibus in locis pariant.</i>	ibid.	<i>Pristus descriptio.</i>	487
<i>Pisces ex diuersa speciei piscibus non nascuntur.</i>	218	<i>Psetta aliquando idem piscis cum rhombo, aliquando diuersus.</i>	310
<i>Pisces marini dulces aquas amant.</i>	94	<i>ῥήτις piscis non ῥήτιδος ab Aristotele dicitur.</i>	318
<i>Pisces quot modis corpus moueant.</i>	94. 95	<i>Podicis piscium differentia.</i>	71
<i>Pisces qui pulmones habeant, & qui iis careant.</i>	61	<i>Pollio in murenarum uinaria damnata mancipia iniicere primus docuit.</i>	406
<i>Pisces qui asperam arteriam habeant.</i>	61	<i>Polypi per brachij acetabula nō coeunt.</i>	511
<i>Pisces qui sedibus suis semper hæreant.</i>	93	<i>Polypi fistula coeunt & pariunt.</i>	512
<i>Pisces manibus carent.</i>	80	<i>Polypi ubi pariant.</i>	512
<i>Pisces qui gulam habeant qui minime.</i>	69	<i>Polypi coitu debilitantur.</i>	512
<i>Pisces nullos artus habet ex Aristotele.</i>	78	<i>Polypi primi descriptio.</i>	513
<i>Pisces qui renes & uesicam habeant, & qui ea careant.</i>	72. & 73	<i>Polypi quando colorem mutant.</i>	514
<i>Pisces calidissimos esse falsum est.</i>	110		
<i>Pisces in aqua aëris mutatiōes sentiunt.</i>	463		

INDEX

<i>Polypi mentem habet.</i>	<i>ibid.</i>	<i>Raia fel quibus malis medeatur.</i>	357
<i>Polypi an brachia sibi arrostant.</i>	514	<i>Raia aculeata descriptio.</i>	450
<i>Polypi & Sepia in quibus conueniant & dissideant.</i>	511	<i>Raia stellata descriptio.</i>	350
<i>Polypi nautili descriptio.</i>	517	<i>Raia oculata aspera descriptio.</i>	351
<i>Polypi in terram exeunt.</i>	515	<i>Raia stellata aspera descriptio.</i>	352
<i>Polypi olea & ficu delectantur.</i>	<i>ibid.</i>	<i>Raia clauata descriptio.</i>	353
<i>Polypi qua sint carne & succo.</i>	<i>ibid.</i>	<i>Raia alterius clauata descriptio.</i>	354
<i>Polypi osmyli descriptio.</i>	516	<i>Raia spinosa descriptio.</i>	355
<i>Polyporum genera.</i>	510	<i>Raia aspera descriptio.</i>	356
<i>Polyporum coitus.</i>	511	<i>Raia fullonica descriptio.</i>	356
<i>Pompili piscis descriptio.</i>	250	<i>Raia asperissima descriptio.</i>	357
<i>Pompilus thunni species.</i>	243	<i>Raia laevis descriptio.</i>	345
<i>Pontum petunt pisces multi, ut illic pariant.</i>	91	<i>Raia quali sint carne.</i>	345. & 346
<i>Proptus quae dicantur.</i>	155	<i>Raia quando edenda.</i>	345
<i>Portius philosophus.</i>	423	<i>Raia undulata descriptio.</i>	347
<i>Phocena delphini species est.</i>	473	<i>Raia ὀξύρυγς descriptio.</i>	347
<i>Phoca femina erga fœtus sollicitudo & charitas.</i>	455	<i>Raia alterius ὀξύρυγς descriptio.</i>	348
<i>Pholis quid.</i>	333	<i>Raiis omnibus nebula ante oculos obten-</i>	
<i>Pholidis descriptio.</i>	206	<i>ditur.</i>	341
<i>Πρόλοφος quid.</i>	500	<i>Rana piscatrix extra aquam uiuit.</i>	366
<i>Pulchrum naturâ bonum.</i>	163	<i>Rana piscatrix unde dicta sit.</i>	364
<i>Pulicis marini descriptio.</i>	575	<i>Rana sola ex cartilagineis animal non</i>	
<i>Pulmonum usus.</i>	60	<i>parit.</i>	366
<i>Purpure color unde originē habuerit.</i>	531	<i>Rana gyrina nihilo prudentior.</i>	364
<i>Purpure quinta species.</i>	532	<i>Rana piscatrix ineptissimè cum pedibus</i>	
<i>Purpure saluant.</i>	87	<i>depicta.</i>	364
<i>Purpurarum fauus qui falso pro spuma</i>		<i>Ranam piscatricē veterum malitiam esse</i>	
<i>maris venditur.</i>	87	<i>falsum est.</i>	367
<i>Plutarchi error de vesica atramentum</i>		<i>Rana piscatrix is astus in capiendis pisci.</i>	365
<i>sepia continente.</i>	501	<i>Rana piscatricis descriptio.</i>	364
R		<i>Rana piscatrix rara.</i>	366
<i>Radij pastinacæ antipharmaca.</i>	335. 336	<i>Renes vituli marini & eorum meatus à</i>	
<i>Radijs pastinacæ usus in medicina.</i>	336	<i>vena caua.</i>	345
<i>Radij pastinacæ vis.</i>	335	<i>Renibus & vesica aues carent, sed renum</i>	
<i>Radius pastinacæ.</i>	333	<i>vice aliquid habent.</i>	446
<i>Raia clauata dura est carne.</i>	354	<i>Respiratio exanguium animalium.</i>	97
<i>Raia asterias meliore carne quàm cate-</i>		<i>Respiratio quid.</i>	96. & 97
<i>ra.</i>	351	<i>Respirationis causa una spiritus nutri-</i>	
<i>Raiarum magna est copia.</i>	339	<i>tio.</i>	102
<i>Raiarum differentia.</i>	341	<i>Respirationis partes duæ.</i>	97
<i>Raiarum diuisio.</i>	342	<i>Respirationis usus ex Aristotele.</i>	98
<i>Raiarum fecunditatis causa.</i>	342. & 343	<i>Respirationis usus.</i>	97. & 98
		<i>Reuersus piscis indicus & eius natura.</i>	435
		<i>Rhinobatus commentitius est piscis.</i>	371
		<i>Plm & exm</i>	367

Rhombi

RERVM COGN. NECES.

<i>Rhombi leuis descriptio.</i>	312	<i>Scari genera duo.</i>	164
<i>Rhombi aculeati descriptio.</i>	310	<i>Scari intestina.</i>	168
<i>Rhombi qua arte pisciculis insidientur.</i>	311	<i>Scari αἰόλας descriptio.</i>	169
<i>Rhombi mares & fœmina reperiuntur.</i>	312	<i>Scari inter se amant.</i>	167
<i>Rhomboidis piscis descriptio.</i>	313	<i>Scari descriptio.</i>	164
<i>Rhombus quali sit carne.</i>	312	<i>Scarus noctu dormit.</i>	167
<i>Rostri piscium differentia.</i>	53	<i>Scarus carniuorus non est.</i>	166
<i>Rota Plinij qualis sit.</i>	425	<i>Scarus ruminat.</i>	ibid.
<i>Ruminalis piscis nomen non est apud Ari stotelem.</i>	433	<i>Scarus unde dicatur.</i>	164
S		<i>Scarus quomodo capiatur.</i>	168
		<i>Scarus salax.</i>	ibid.
<i>Salpa bos dicitur.</i>	155	<i>Scarus alga, coriandro, linozosti delecta- tur.</i>	ibid.
<i>Salpa non est stock fisch germanorum. ibi.</i>		<i>Scarus quali sit succo.</i>	ibid.
<i>Salpa quali sit succo.</i>	156	<i>Scaurorum familia.</i>	170
<i>Salpa ubi optima.</i>	ibid.	<i>Smaridis piscis descriptio.</i>	141
<i>Salpa quo tempore melior.</i>	ibid.	<i>Smaridis in medicina usus.</i>	ibid.
<i>Salpe obstetrix.</i>	ibid.	<i>Smariti ab Italis cur dicti.</i>	ibid.
<i>Salpe pœgnia condidit.</i>	ibid.	<i>Smaridis preparatio.</i>	ibid.
<i>Salpe quibus delectetur & quibus capia- tur.</i>	ibid.	<i>Spari descriptio.</i>	119
<i>Salpa descriptio.</i>	155	<i>Sparorum mutua inter sese amicitia.</i>	ibid.
<i>Saluare lentorem quid sit, & de quibus dicatur.</i>	87	<i>Sparus quali carne & succo.</i>	119. & 120
<i>Saluarius lentor.</i>	87	<i>Squali unde dicti.</i>	373
<i>Salsamentum putre amat origanum.</i>	212	<i>Squatina tota mammarum incremen- tum impedit.</i>	370
<i>Sarda veterum nō est ea quæ sarde vul- go dicitur.</i>	248	<i>Squatina unde dicta sit.</i>	367
<i>Sarda pelamydis species.</i>	243	<i>Squatina quoties & quot fœtus parit.</i>	369
<i>Sardina & sarda Latina vocabula.</i>	218	<i>Squatina an fœtus intra se recipiat.</i>	369
<i>Sardina descriptio.</i>	219	<i>Squatina qua arte pisces capiat.</i>	ibid.
<i>Sargi descriptio.</i>	122	<i>Squatina quali sit carne & succo.</i>	ibid.
<i>Sargi piscis salacitas.</i>	124	<i>Squatina descriptio.</i>	368
<i>Sargi capras amant.</i>	125	<i>Squatina iecur oleum emittit.</i>	370
<i>Sargi quomodo capiantur.</i>	ibid.	<i>Squatina oua ad quid valeant.</i>	ibid.
<i>Sargi quali succo & carne.</i>	ibid.	<i>Squatina cutis usus.</i>	370
<i>Sargus verè saxatilis non est.</i>	122	<i>Stagna marina vel maris exundatione, vel arte facta.</i>	8
<i>Sargus quibus in locis viuat.</i>	123	<i>Stagonium & anthis meretrices aphyæ di- cta.</i>	209
<i>Sargus bis parit.</i>	123	<i>Semina secunda quid efficiat.</i>	103
<i>Sargus & sarginus differunt.</i>	123	<i>Sensus patiēdo sit.</i>	82
<i>Sargus in mugilum genere non numeran- dus.</i>	123	<i>Sensuum differentia in piscibus.</i>	104. 105.
<i>Sauri piscis descriptio.</i>	232		106. & 107
<i>Saxatiles veri qui dicantur.</i>	162	<i>Sepia an dentes habeat.</i>	499
<i>Saxatiles quali sunt succo.</i>	ibid.	<i>Sepia quali sit carne & succo.</i>	503
<i>Saxatiles bis anno pariunt.</i>	167	<i>Sepia quando melior.</i>	504

INDEX

<i>Sepia descriptio</i>	498	<i>molaum.</i>	557
<i>Sepia ubi pariant.</i>	502	<i>Squilla parua descriptio.</i>	550
<i>Sepia astus</i>	503	<i>Squilla parua quomodo preparanda.</i>	551
<i>Sepia brevis vita.</i>	503	<i>Squilla crangonis descriptio.</i>	548
<i>Sepia maris & fœmina discrimen.</i>	ibid.	<i>Squilla gibba descriptio.</i>	549
<i>Sepiola quasit carne & succo.</i>	520	<i>Squilla lata descriptio.</i>	545
<i>Sepiarum branchiæ.</i>	502	<i>Squilla celata descriptio.</i>	546
<i>Sepiarum coitus.</i>	502	<i>Squillarum species.</i>	544
<i>Sepiarum carnes pro esca.</i>	504	<i>Solea unde dicta.</i>	320
<i>Sepiola descriptio.</i>	519	<i>Solea quali sit carne.</i>	321
<i>Sepiis qua pars insit loco cordis.</i>	502	<i>Solea descriptio.</i>	321
<i>Sepium & eius usus in medicina.</i>	504	<i>Solea aculeata descriptio.</i>	322
<i>Sergij Orata cognomen.</i>	117	<i>Solea parua descriptio.</i>	325
<i>Seferini piscis descriptio.</i>	257	<i>Scolopendra belue marina descriptio.</i>	488
<i>Serpentes cortice integuntur.</i>	26	<i>Scolopacis piscis descriptio.</i>	422
<i>Serpentis marini descriptio.</i>	400	<i>Scombri descriptio.</i>	234
<i>Serpentis rubescentis descriptio.</i>	410	<i>Scombri gregatim pontum adeunt.</i>	235
<i>Serpentem foues & serpens te.</i>	392	<i>Scombro aria.</i>	235. & 237
<i>Splenis situs varius in piscibus.</i>	72	<i>Scorpij usus in medicina.</i>	202
<i>Stella marina innatus calor.</i>	83	<i>Scorpij ictus venenatus est, & quibus antipharmacis curetur.</i>	203
<i>Sicca & dura difficile concoquuntur.</i>	119	<i>Scorpij piscis descriptio.</i>	202
<i>Silurus unde dictus.</i>	136	<i>Scorpius piscis unde dictus.</i>	201
<i>Simia maris rubri ex Aeliano.</i>	452	<i>Scorpius a scorpana in quo differat.</i>	203
<i>Synagris & synodon idem piscis.</i>	150	<i>Scorpius piscis quali sit carne</i>	202
<i>Synagridis piscis descriptio.</i>	ibid.	<i>Scorpius quomodo preparandus.</i>	ibid.
<i>Synodontides gemma.</i>	151	<i>Scorpioidis piscis descriptio.</i>	204
<i>Synodontis pelamydis species.</i>	244	<i>Spongia non sentiunt.</i>	108. & 109
<i>Scirrhus unde fiat.</i>	140	<i>Σπινδυλος siue σπονδυλος.</i>	263
<i>Scirrhus exsiccantibus non curatur.</i>	ibid.	<i>Στομυχος.</i>	69
<i>Scyllari & cancelli discrimen.</i>	554	<i>Stomachus.</i>	59
<i>Spiritus animalis.</i>	98	<i>Stock fisch. germanorum quid.</i>	155
<i>Spinarum usus in piscibus.</i>	76	<i>Sudis quid sit.</i>	224
<i>Spiritus animalis aeris tenuissimi inspira- tione rescitur.</i>	102	<i>Sturio delicatus piscis.</i>	416
<i>Spiritus diuinus, vitalis, & athereus per omnia fusus.</i>	103	<i>Sturio veterum lupus non est, neque At- tilus neque tursio, neque hycca, neque silurus.</i>	416. & 417
<i>Sphyrena quali sit carne.</i>	226	T	
<i>Sphyrena descriptio.</i>	225	<i>Tamisius parasitus.</i>	134
<i>Sphyrena secunda descriptio.</i>	227	<i>Tarasco oppidum Straboni.</i>	450
<i>Σφύρα quid sit.</i>	225	<i>Tarasconis oppidi monstrum.</i>	449
<i>Squilla parua quali succo & carne.</i>	550	<i>Tenia quid sit.</i>	326
<i>Squilla gibba pisces a quibus deuoratur in- terimit.</i>	549	<i>Tenia quali sit succo.</i>	ibid.
<i>Squilla magis qualis sit.</i>	551. & 552	<i>Tenia piscis descriptio.</i>	ibid.
<i>Squilla parua cæcellus non est contra Fler mol-</i>		<i>Tania in medicina usus.</i>	327
		<i>Tania</i>	

RERVM COGN. NECES.

<i>Tania secunda speciei descriptio.</i>	327	<i>nao.</i>	288
<i>Trachuri descriptio</i>	233	<i>Trissa cantu delectatur.</i>	221
<i>Trachurus & trachinus diuersi sunt pisces.</i>		<i>Trissa quali sint succo.</i>	222
234.		<i>Tritones aliquando visi.</i>	493
<i>Trachurus gregalis est.</i>	233	<i>Θόλος & θολός.</i>	500
<i>Τραχίτης.</i>	139	<i>Θορός quid.</i>	85
<i>Τράχος piscis.</i>	200	<i>Torpedo piscis unde dicatur.</i>	318
<i>Telegonus Uliſsem interfecit pastinacæ ra-</i>		<i>Torpedo inter stuporis causas rectè à Ga-</i>	
<i>dio.</i>	335	<i>leno numeratur.</i>	361
<i>Terra animantes nullas fert sedibus suis</i>		<i>Torpedo capitis doloribus medetur.</i>	361
<i>perpetuo affixas.</i>	92	<i>Torpedo qua arte pisces capiat.</i>	359
<i>Testacea carne piscium non vescuntur.</i>	571	<i>Torpedo quibus corporis partibus stuporem</i>	
<i>Testudo marina renes habet.</i>	446	<i>inducit.</i>	ibid.
<i>Testudo lutaria renibus & vesica caret</i>		<i>Torpedo per lineam & virgam stuporem</i>	
<i>ex Aristotele.</i>	446	<i>hominibus inducit.</i>	360
<i>Testudo lutaria renes & vesicam habet</i>		<i>Torpedo frigoris impatiens.</i>	ibid.
<i>contra Aristotelem.</i>	ibid.	<i>Torpedo factus in se recipit.</i>	361
<i>Testudo femina coitum fugit.</i>	447	<i>Torpedo an in cibis damnanda sit.</i>	ibid.
<i>Testudines quomodo coeant.</i>	446	<i>Torpedo quali sit succo.</i>	ibid.
<i>Testudines marinae quibus vescantur.</i>	447	<i>Torpedinis secunda & tertia descriptio.</i>	362
<i>Testudines quomodo capiantur.</i>	449	<i>Torpedinis prima descriptio.</i>	359
<i>Testudines quomodo coeant.</i>	89	<i>Torpedinis in medicina usus.</i>	362
<i>Testudinis corticata descriptio.</i>	445	<i>Torpedinis quarta descriptio.</i>	363
<i>Testudinis caro.</i>	448	<i>Torpedinum genera plura.</i>	358
<i>Testudinis sanguis.</i>	ibid.	<i>Trocta Aeliani amia est.</i>	240
<i>Testudinis ouorum albumen coctura non</i>		<i>Thunnea salsamenta.</i>	244
<i>spissatur.</i>	ibid.	<i>Thunni piscis descriptio.</i>	245
<i>Testudinis coriaceæ descriptio.</i>	451	<i>Thunni quando capiuntur.</i>	247
<i>Testudinum quatuor genera.</i>	443	<i>Thunni an non diutius biennio uiuant.</i>	246
<i>Testudinum in medicina usus.</i>	448	<i>Thunni an solum in Ponto pariant.</i>	247
<i>Testudinum marinarum magnitudo.</i>	449	<i>Thunni aqua dulci delectantur.</i>	ibid.
<i>Testudinum oua.</i>	447	<i>Thunnus quando melior.</i>	ibid.
<i>Testium in piscibus differentia.</i>	74	<i>Thunnus est pelamys atate solum diffe-</i>	
<i>Τόξις farciminis genus.</i>	510	<i>runt.</i>	242
<i>Τόξις & τόδος in quibus differunt.</i>	506	<i>Turdi piscis descriptio.</i>	174
<i>Teuthide egere.</i>	509	<i>Turdi secundi generis descriptio & eius</i>	
<i>Tiberij crudelitas.</i>	536	<i>succus.</i>	175
<i>Tiburonis indici descriptio.</i>	489	<i>Turdus noni generis.</i>	178
<i>Tiburo quomodo capiatur.</i>	ibid.	<i>Turdus decimi generis.</i>	179
<i>Θύωνος unde dicatur.</i>		<i>Turdus undecimi generis.</i>	ibid.
<i>Τέρας mammarum morbus.</i>	574	<i>Turdus duodecimi generis.</i>	ibid.
<i>Trichides an sardinae sint & trichia sar-</i>		<i>Turdus quali sit succo.</i>	185
<i>da.</i>	218	<i>Turdus tertij generis.</i>	ibid.
<i>Trichides, trichia, trissa unde dicantur.</i>	218	<i>Turdus quarti generis.</i>	176
<i>Τέρας non ἴσως dicendum est Athe-</i>		<i>Turdus quinti generis.</i>	ibid.

INDEX RERVM COG. NEC.

<i>Turdus sexti generis.</i>	177	<i>Ventriculi piscium appendices.</i>	<i>ibid.</i>
<i>Turdus octavi generis.</i>	178	<i>Vita piscium viuendique ratio.</i>	3
<i>Turfionis descriptio.</i>	474	<i>Vituli marini descriptio.</i>	453
<i>V</i>		<i>Vituli marini corij & pinguitudinis usus</i>	
<i>Vasarum spermaticorum differentia in</i>		<i>in medicina.</i>	457
<i>piscibus.</i>	74	<i>Vituli marini coagulum.</i>	458
<i>Vmbra piscis quali sit succo.</i>	133. & 134	<i>Vituli marini φιλιδρωποι sunt.</i>	456
<i>Vmbra piscis descriptio.</i>	133	<i>Vituli marini somniculosi sunt & ster-</i>	
<i>Vranoscopi fel.</i>	ε07	<i>tunt.</i>	456
<i>Vranoscopi astus in capiendis pisciculis.</i>	307	<i>Vituli difficile ictibus leduntur.</i>	456
<i>Vranoscopi membrana ex ore pendens à</i>		<i>Vituli in viuaria immissi reliquos pisces</i>	
<i>nullo antea animaduersa.</i>	307	<i>vorant.</i>	446
<i>Vranoscopi piscis descriptio.</i>	306	<i>Vitulorum marinorum caro.</i>	457
<i>Vranoscopus quali sit carne.</i>	307	<i>Vitulorum marinorum corio ventorum</i>	
<i>Vrtica unde dicatur tam marina quàm</i>		<i>mutationes significantur.</i>	<i>ibid.</i>
<i>terrestris.</i>	527	<i>Vitulorum marinorum pellibus zona fie-</i>	
<i>Vrtica marina in animantium numero</i>		<i>bant & tabernacula operiebantur.</i>	<i>ibid.</i>
<i>confenda.</i>	527	<i>Vitulus maris Oceani.</i>	458
<i>Vrtica rubra descriptio.</i>	530	<i>Vitulus marinus animal statim concipit.</i>	
<i>Vrtica quarta species alienis testis adna-</i>			455
<i>scens.</i>	531	<i>Vocem, locutionem, sonos quæ animalia</i>	
<i>Vrtica parua descriptio.</i>	528	<i>edant.</i>	464
<i>Vrtica quali succo.</i>	529	<i>Vulpis piscis descriptio.</i>	387
<i>Vrtica cinerea descriptio.</i>	<i>ibid.</i>	<i>Vulpis piscis astucia.</i>	387
<i>Vrtica soluta descriptio.</i>	533	<i>Vulpes piscis unde dicatur.</i>	<i>ibid.</i>
<i>Vrticarum genere plura</i>	528	<i>Vulpes piscis vnum parit.</i>	388
<i>Urxi ex crustatorum genere descriptio.</i>	564	<i>Vulpes fœtus intra se recipit.</i>	<i>ibid.</i>
<i>Vermes in vrina.</i>	574	<i>Vulpes, canis pinguis etiam dicitur.</i>	<i>ibid.</i>
<i>Venenata animalia antipharmacum sui</i>		<i>Vulua piscium constructio.</i>	75
<i>veneni in se habent.</i>	203	<i>Vulua piscium differentia.</i>	<i>ibid.</i>
<i>Vere potissimum animantes ad coitum</i>		<i>X</i>	
<i>incitantur.</i>	90	<i>Xiphia descriptio.</i>	251
<i>Ventriculi appendices in anibus & pisci-</i>		<i>Xiphia æstro diuexantur.</i>	252
<i>bis.</i>	26	<i>Xiphia robur in rostro est.</i>	<i>ibid.</i>
<i>Ventriculi situs.</i>	69	<i>Xiphia quomodo capiantur.</i>	<i>ibid.</i>
<i>Ventriculi piscium differentia.</i>	70		

F I N I S.

Errata, quæ in hoc opere occurrunt, sic corrigito.

Pagina 8. pro efferem te, efferente. 9. pro piscibus, piscibus. 11. pro æternas, æternas. 12. pro μολαδερμια, μολαδερμια. 17. pro æream, aquam æream, aquam. 19. pro serichentem, Hiericentem. 24. ἀποδείξει, ἀποδείξει. 26. pro herbis, barbis. *ibid.* pro eadem specie, eadem specie. 27. pro rum, tum. 40. pro calis, calis. 52. pro caprificus, caprificus. 54. pro anieuis, auicui. 55. pro distinctæ, distinctæ. 56. pro lima, luna. 56. pro mysticus mysticetus. 59. pro Avlos, Avlos. 61. pro signa, sigma. 63. pro cum quoque, cum quoque. 70. pro is in medio, is in medio. 77. pro filium carnosum, filium carnosum. 98. pro respiratione efficitur, respiratio. 130. pro ostientem ostientem. 172. pro κόρυς κόρυς. 191. pro si. eodem modo emenda aliquot sequentes locos. 167. pro ostientem ostientem. 172. pro κόρυς κόρυς. 191. pro præfixit, præfixi. 200. pro ἀναλυστοι, ἀναλυστοι. 209. pro ἀφύων τιμ, ἀφύων τιμ. 343. pro percubus parubus. 365. pro Plinius pereleganter. Oppianus, &c. 381. pro τριχάδεις, τριχάδεις. 390. pro & quos bonis, bonis. 325. pro cyemei, cyanei. 456. pro dilaterant, dilacerant. 461. pro proposita, præposita. 511. pro præterquam primo, præterquam in primo. 511. pro simplicem quæ, simplicemque. 514. piscatorium, piscarium.



PISCIVM NOMINA ET INDEX.

A					
Αβλεννής.	227	Aphya mænidum	Bec d'oye.	459	Cammarugia. 547
Αγκλήρη.	527	& mullorú. 214	Βδέλλα.	401	Cancri hirsuti. 568
Αγκυθίας.	373	Aphya aφρήτις. 208	Belugo.	297	Cancri parui. 569
Acarnan.	151	Aphyia cobit. 210	Βελόνι.	227	Cácer εραχύχρηλος. 568
Acicula.	228	Aphia phaler. 212	Belennus.	214	Cácer cor. fig. 569
Acharnas.	151	Aquila. 338	Bernard l'hermite.		Cancer. 567
Acipenser.	410	Aranea. 575	553		Cancellus. 553
Acus.	227	Araneus. 301	Bernardet.	384	Cancro. 567
Acus secúda. 229		Arguzella. 228	Bertoneau.	310	Χάρνι & χάρνι. 183
Adonis.	193	Aries. 495	Bious cambus. 553		Canicula. 377
Αιολίας.	174	Arnoglossum. 324	Brissus.	580	Canicula faxat. 381
Aiguille.	232	Arondelle. 284	Biza. 238. Bize. 238	ibid.	Canudo. 170
Aguia pescado. 228		Asellus. 273	Boca in capo. 306		Canis galeus. 377
Aguillat.	373	Atherina. 216	Bogue ravel. 537		Canus. 170
Aguséo.	ibid.	Astacus. 538	Βολιτάνα.	510	Cantheno. 120
Alabes.	434	Αστερίας galeus. 376	Boniton.	238	Capelan. 191
Alauda.	205	Athon. 242	Boulerot.	196	Cantharus. 120
Albores.	151	Aulopius. 434	Bogyrus. 434		Capidolio. 485
Alofa	221	Aurata vel orata. 115	Boops. 136		Capriscus. 159
Αλώων & αλώων-κίας.	387	Auriol. 179. & 234	Boops peregrinus. 427		Κάπρος. 161
Αλφεινός & αλφεινός.	170	Auxides. 242	Borrugat. 133		Carabo. 560
Amia.	238	Azio. 373	Bougnette. 332		Carlinoto. 119
Anchoyes.	211	B	Bout. 425		Caramoté. 547. 549
Angel.	368	Βάκχοι. 259	Biché. 252		Carlino. 119
Άγνος.	305	Balana vera. 482	Buglossum. 320		Casseron. 508
Anthias.	189	Balana vulgò di-cta. 475	Bruccho. 332		Castagnes de mer. 577
Anthias niger. 191		Balista. 389	Cabotz. 259. & 260		Castagno. 153
Anthi. αλωπός. 192		Barbue. 312	Caboté. 296		Chat de mer. 380
Anth. αφρήτις. ibi.		Bastango. 332	Cagarel. 138		Claueladé. 353
Aper.	161	Bastonago. ibid.	Calamar. 507		Crangon. 547
Apolectus. 244		Βάσσαρος αλός. 363	Χαλκός.	329	Catto rochiero. 381
Aphyamugilú. 213		Brame de mer. 116	Καλλιόνημος.	305	Cauallo. 234
		Brancha. 553	Καλιόνημος.	189	Καυλώα. 196

INDEX ET NOMINA

Centrina.	384	Cothi.	196	Emissolè.	373	Glaucus.	252
Cero.	177	Coulac.	221	Encrasicholi.	211	Glaucus. 254. & 255	
Κέφαλος. 258. & 260		Chromis.	152	Εγγεώλης.	ibid.	Glaugio.	508
Κέσρα.	224	Clupea.	221	Erango.	338	Grampella.	561
Κετρεῖς. 259. & 262		Cubaseau.	528	Erizo di mar.	577	Granciporroni.	560
Cercurus.	434	Cul d'afne.	ibid.	Erythricus.	144	Gerres.	139
Cheurettes.	549	D		Erythrinus.	ibid.	Gerruli.	141
Χελιδών.	284	Daina.	133	Ε'χαρος.	322	Γραψόσος.	536
Χελιδνες.	259	Dascillus.	434	Εσπαυλars.	483	Gibbar.	482
Creac.	413	Dauphin.	459	Estourgeon.	413	Giroli.	141
Creac de buch.	368	Daurée.	116	Ε'ψιτοι.	215	Girella.	180
Cremys.	152	Dourée.	329	Etelis.	434	Gritta.	561
Cicada.	546	Draco.	301	Exocætus.	193	Goberge.	279
Κνέις.	177	Dracunculus.	304	F		Gobi.	196
Citula.	329	De la santé.	549	Faber.	328	Gobius.	ibid.
Κίχλη.	174	Δελφίς vel δελφιν.		Falco.	338	Gobius niger. 200	
Cicharon.	233	459		Flambo.	326	Gobius albus. ibi.	
Citharusflauus.	315	Δελφινός. 459.	ibid.	Flascopsaro.	419	Γόγγος.	394
Citharus.	314	Dentale.	150	Flauus cancer.	566	Γωλιδία.	129
Xiphias.	251	Derbio.	252	Ferraza.	338	Glorieuse.	338
Chien de mer.	373	Doradè.	115	Ferraza.	332	Gronau.	298
Χρυσόλαπος.	329	Dormiliousè.	358	Flettan.	325	Grus.	431
Χρυσόπους.	115	Doucins.	577	Flez.	319	H	
Cybiun.	244	Donzella.	180	Fiatala.	257	Halachia.	221
Cynodexia.	434	Donzelle.	397	Filat.	394	Halec.	138
Cynoglossum.	323	Dromones.	496	Fumado.	344	Halecula.	ibid.
Cynops.	434	Durdo.	129	G		Halecularius pi-	
Κολιός.	235	E		Gaian.	178	scis. ibid.	
Κολικένα.	528	Echeneis.	401. 436	Gaideropfaro.	281	Halefurius.	434
Coliart.	346	Echinus ouar.	578	Galanas.	451	Hareng.	222
Conger.	394	Echin ⁹ paruus.	582	Galea piscis.	282	Harengades.	141
Congre.	ibid.	Echinus.	577	Gal.	329	Hepatus.	147
Corbau.	129	Echinometra.	581	Γαλεοί	372	Heracleotici.	563
Cordylæ.	242	Egrefin.	277	Galeus læuis.	375	Hippoglossū.	325
Coracinus.	128	Elacatenc.	432	Galeus glauc ⁹ .	378	Hippurus.	255
Κόραξ.	296	Ε'λεδών.	510	Galerita.	204	Hirundo.	284
Cornetz.	507	Eleginus.	434	Gallinè.	287	Hyæna.	495
Κόρις.	322	Elcotris.	ibid.	Gallus marin.	328	Horæa.	244
Κόκκυξ.	287	Eleno.	347	Gambaro di mare.		Humanthin.	384
Corp.	129	Elephanti.	495	547		I	
Coruo.	ibid.	Elops.	430	Garon.	141	Iau.	329
Κόττιπος.	172	Emys. 444. & 451		Gascon.	233	Iblada.	126
						Ich	

PISCIVM.

Ichthyocolla. 281	<i>Liche.</i> 254	<i>Mænola.</i> ibid.	<i>Muco.</i> 265
Ιέριξ. 297	<i>Limande.</i> 319	<i>Mæotes.</i> 434	<i>Mugil.</i> 258. & 262
Ημεροχόη. 206	<i>Limariæ.</i> 245	<i>Maigre.</i> 133	<i>Mugil niger.</i> 423
Ημυμπος. 129	<i>Limosæ.</i> ibid.	<i>Meiane.</i> 116	<i>Mugil alatus.</i> 267
<i>Imbriago.</i> 295. 296	<i>Linguata.</i> 320	<i>Melandrya.</i> 244	<i>Mulli.</i> 288
Ιωίσχος. 115	<i>Liparis.</i> 272	<i>Melanderinus.</i> 127	<i>Mullus imb.</i> 295
<i>Iulis.</i> 180	<i>Linda.</i> 344	<i>Melanurus.</i> 126	<i>Mullus barbatus.</i>
<i>Iuscle.</i> 138	Λυγγύμοι. 211	<i>Melanthim.</i> 495	290
<i>Turpena.</i> 434	<i>Lyra.</i> 298	<i>Melet.</i> 216	<i>Mullus asper.</i> 296
Υ'χενς. 144	<i>Locusta.</i> 536	<i>Melys.</i> 434	<i>Muræna.</i> 402
L	<i>Loligo magna.</i> 506	<i>Membrades.</i> 220	<i>Muræna fluuiati-</i>
Λάβραξ. 268	<i>Loligo parua.</i> 508	<i>Mendole.</i> 138	<i>lis.</i> 401
<i>Lacertus peregrinus.</i> 428	<i>Lopida.</i> 254	<i>Menestrier.</i> 178	<i>Mus marinus.</i> 450
<i>Lacert</i> 304	<i>Loup.</i> 269	<i>Meerigel.</i> 577	<i>Musculus.</i> 475
<i>Lacerto.</i> 234	<i>Louuazgo.</i> 268	<i>Meerhunt.</i> 453	<i>Muschebout.</i> 279
<i>Lacciza.</i> 332	<i>Lubin.</i> ibid.	<i>Merlan.</i> 276	<i>Mustella.</i> 281. 400
<i>Lamia.</i> 390	<i>Lucerna.</i> 257	<i>Merula.</i> 172	<i>Mustelli.</i> 372
<i>Lamiola.</i> 377. 393	<i>Lumbricus mari-</i>	<i>Merlus.</i> 273	N
<i>Lampetra.</i> 398	nus. 399	<i>Migranes.</i> 577	<i>Nasello.</i> 273
<i>Lamproye.</i> ibid.	<i>Luna.</i> 424	<i>Milandre.</i> 377	<i>Νάρην.</i> 358
<i>Langouste.</i> 536	<i>Lupasson.</i> 269	<i>Miluago.</i> 297	<i>Nau. lus siue nau-</i>
<i>Langoustin.</i> 547	<i>Lupassô.</i> 268	<i>Miluus.</i> ibid.	<i>clers.</i> 510
<i>Lanchrina.</i> 536	<i>Lupo.</i> ibid.	Μηλοπόποιος. 133	<i>Νέβελιοι.</i> 380
<i>Latipescancer.</i> 565	M	Μήκων. 434	<i>Nigr' oyl.</i> 126
<i>Latus.</i> 135	<i>Malarmat.</i> 299	<i>Miraillet.</i> 349	<i>Νήγης.</i> 259
<i>Latharina.</i> 216	<i>Maltha.</i> 393	<i>Mylli.</i> 129	<i>Νυκτερίς.</i> 306
<i>Λεβίας.</i> 147	<i>Manatus.</i> 490	<i>Μυτίχεντος.</i> 476	<i>Nouacula.</i> 146
<i>Lebre de mar.</i> 204	Μάρτις. 551	<i>Mythus.</i> 434	O
<i>Lechia.</i> 252	<i>Maquereaubastard</i>	Μύξογες, μύξινοι, μύ-	<i>Oblado.</i> 126
Λόβελος. 344	233	ξογες. 259. & 263	<i>Orca.</i> 483
Λόχισχος. 258	<i>Maquereau.</i> 234	<i>Molè.</i> 186. & 425.	<i>Organo.</i> 298
Λόχισμαίνς. 141	<i>Maraxus.</i> 490	<i>Molè bout.</i> 425	<i>Orthragoriscus.</i>
<i>Leo.</i> 542	<i>Marino piscatore.</i>	<i>Molere.</i> 186	424
<i>Leopard.</i> 279	363	<i>Morme.</i> 153	<i>Όζαγνα.</i> 510
<i>Leoninum mon-</i>	<i>Marmoratus can-</i>	<i>Mormillo.</i> ibid.	<i>Orbis muricatus</i>
<i>strum.</i> 491	cer. 566	<i>Mormyro.</i> ibid.	<i>seu echinat°.</i> 421
<i>Lentillat.</i> 376	<i>Marmo.</i> 153	<i>Mormyrus.</i> ibid.	<i>Orbis.</i> 419
<i>Lentillade.</i> 347	<i>Marsouin.</i> 474	<i>Morrude.</i> 287	<i>Orbis scutat°.</i> 420
<i>Lepus marinus.</i>	<i>Mææ.</i> 560	<i>Morue vel molue.</i>	<i>Ochiarella vel ocu-</i>
520. & 526	<i>Manidion.</i> 138	280	<i>latella.</i> 358
<i>Libella.</i> 389	<i>Manis.</i> ibid.	<i>Morhuel.</i> ibid.	<i>Ochiado.</i> 126
		<i>Mourene.</i> 402	<i>Ovias.</i> 164

INDEX ET NOMINA

Ὀνίσχοι.	259	Peis mular.	475	Porc de mer.	384	Ruscasse.	201
Ophidion.	397	Peis limo.	389	Porcelleto.	413	Ruscasses.	577
Orphies.	228	Peis spaso.	387	Porrioni.	560	Raspecon.	306
Orphus.	157	Peis ionziou.	ibid.	Poulpè.	510	Ratepenade.	285
Orcynus.	249	Peis esfase.	251	Pourpe.	ibid.	Remora.	436
Orcynus.	242	Πέρκη & πέρκισ.	182	Phocæna.	473	Renard.	384
Ὀσμυλίας.	510	Περάσας.	260.	Pholis.	206	Reuerfus.	435
Ὀσμυλος.	ibid.	Perofa rafa,	347	Φώκη.	453	Rhacinus.	434
Ὀλόστρεος.	300	Perlon.	287	Πλάστis.	259	P'v'm.	367
Ὀνος & ἐνίσχος.	272	Perroquet.	176	Πρόβατα.	495	P'vōbalos.	370
Ὀψιδάροι.	434	Perche.	182	Pulex marinus.	573	P'vās.	118
Ὄζολis.	510	Perpeire.	324	Q		Rodè.	329
Oculata.	126	Perseus.	429	Quadratulul.	318	Romb.	310
P		Pesce martello.	389	R		Rometa.	352
Paganelli.	196	Pesce ratto.	338	Raia oculata aspe		Rondola.	267. &
Pagel.	144	Pesce moro.	281	ra.	351	284	
Pagurus.	561	Pesce columbo.	373	Raia aspera.	356	Rouget.	287
Pagrus & phagrus		Pesce spada.	251	Raia undulata si-		Ronsc.	354
142		Pesce molle.	276	ue cinerea.	346	Rospo.	338
Pal.	377	Petrofa.	353	Raia lauis.	344	Rota.	496
Pansar.	312	Picarel.	141	Raia altera claua-		Rhomboides.	313
Panthera.	495	Pigo.	248	ra.	354	Rhombus.	310
Pardalis.	ibid.	Piscis monachi ha		Raia oculata & le-		Rhōbus lauis.	312
Parus.	434	bitu.	492	uis.	349	Rouffette.	380
Passar.	312	Piscis sacer.	189	Raia clauata.	353	Ruminalis.	433
Passer squamosus.		Piscis sancti Petri.		Raia asterias.	350	S	
319		329		Raia spinosa.	355	Salpa.	154
Passer.	316	Piscis episcopi ha-		Raia fullonica.		Salcoques.	549
Passeris tertia spe-		bitu.	494	356		Sames.	259
cies.	319	Phyea.	434	Raia asterias aspe-		Sardina.	217
Phagurus.	142	Φυκίς & φυκίον.	186	ra	352	Σαρῆνος.	260
Phragolino.	144	Sphyræna.	224	Raia altera ὀξύρυγ		Sarginus.	124
Platistacus.	129	Physeter.	485	χος.	348	Sargo	122
Pastinaca.	332	Phytarus.	434	Raia ὀξύρυγχος.	347	Σάρκος.	ibid.
Pastenago.	ibid.	Phyffalus.	428	Raia asperrima.		Sauclès.	216
Pastinaca scda.	338	Pristis.	487	357		Sauquene.	116
Pediculus mar.	576	Υῆττα.	310. & 316	Raie estellée.	352	Saurel & sieurel.	233
Pelamys farda.		Polanda.	252	Raie bouclée.	353	Saurus.	232
248.		Polè.	323	Rana piscatrix.		Σάρκος ἀσολος.	164.
Pelamys.	242. 245	Polypus.	510	363.		&	169
Πέλτης.	129	Pompili.	243	Pafls.	227	Σκάρταρος.	120
Peis rei.	133. & 135	Pompilus.	250	Rafon.	147	Sclauc.	138
						Scan	

P I S C I V M.

<i>Scaumé.</i>	224	<i>Σφιώς.</i>	259	<i>Testudo troglo-</i>	<i>Turfio siue tyrfio.</i>
<i>Smaris.</i>	140	<i>Squilla cēlata.</i>	546	<i>dytica.</i>	452 474
<i>Spatagus.</i>	580	<i>Squilla gibba.</i>	549	<i>Testudo alba.</i>	453
<i>Spargoil.</i>	119	<i>Squilla lata.</i>	545	<i>Testudo Mercu-</i>	<i>Trueie.</i> 332
<i>Sparlo.</i>	<i>ibid.</i>	<i>Squilla parua.</i>	550	<i>rij.</i>	450
<i>Sparaillon.</i>	<i>ibid.</i>	<i>Squilles.</i>	548	<i>Ταῖς.</i>	506
<i>Σπάρος.</i>	118	<i>Squinado.</i>	561	<i>Ταῖς. 506. & 508</i>	<i>Varolo.</i> 268
<i>Squaqua.</i>	368	<i>Solea.</i>	320	<i>Tremorize.</i>	358
<i>Squaranchon.</i>	561	<i>Solea oculata.</i>	322	<i>Tiburo.</i>	489
<i>Squatina.</i>	367	<i>Solea parua.</i>	324	<i>Thynnæa.</i>	244
<i>Seiche.</i>	498	<i>Solè.</i>	320	<i>Thynnades.</i>	245
<i>Σελήουρος.</i>	145	<i>Sopi.</i>	498	<i>Thynnus & thyn-</i>	<i>Vergadelles.</i> 259
<i>Sepiola.</i>	519	<i>Scolopax.</i>	422	<i>nis. 242. & 245</i>	<i>Vergo.</i> 129
<i>Sepio.</i>	498	<i>Scolopendra ceta-</i>		<i>Trachurus.</i>	233
<i>Serran.</i>	183	<i>cea.</i>	488	<i>Trachina.</i>	301
<i>Serpens.</i>	409	<i>Scomber.</i>	234	<i>Τράχος. 200. & 139</i>	<i>Vitululus maris o-</i>
<i>Serpens rubescēs.</i>	410	<i>Scorpæna.</i>	201	<i>Thriffa & thratta</i>	<i>ceani.</i> 458
		<i>Scorpius.</i>	<i>ibid.</i>	<i>& thetta.</i>	220
<i>Seferinus.</i>	257	<i>Scorpeno.</i>	<i>ibid.</i>	<i>Τεῖγλη.</i>	288
<i>Spet & /petto.</i>	224	<i>Sfoia.</i>	320	<i>Triton.</i>	245
<i>Simus.</i>	434	<i>Stok fisch.</i>	155	<i>Trompette.</i>	229
<i>Σπία.</i>	498	<i>Stromateus.</i>	157	<i>Tronchow.</i>	257
<i>Synagris.</i>	150	<i>Subredaurade.</i>	116	<i>Τρυγών.</i>	332
<i>Synodon.</i>	<i>ibid.</i>	<i>Sturio.</i>	413	<i>Toilandalo.</i>	389
<i>Σκιάνα.</i>	133	T		<i>Tonnine.</i>	249
<i>Σκινίς.</i>	134	<i>Tænia secūda.</i>	327	<i>Torpedo secunda</i>	<i>Vrsus.</i> 564
<i>Σκίος.</i>	133	<i>Tænia.</i>	326	<i>& tertia.</i>	362
<i>Σκύλια.</i>	380	<i>Tanado.</i>	120	<i>Torpedo quarta.</i>	<i>Vrtica. 527. & 529</i>
<i>Σκύλαρον.</i>	554	<i>Tapecon.</i>	306		<i>& 530. & 531.</i>
<i>Σκύλοφαρο.</i>	377	<i>Tarantella.</i>	249	<i>Torpedo.</i>	358
<i>Σκύμνοι.</i>	380	<i>Tarefranke.</i>	338	<i>Torpille.</i>	<i>ibid.</i>
<i>Σμύρος & μύρος.</i>	407	<i>Tareronde.</i>	332	<i>Tortues.</i>	451
<i>Spigola.</i>	268	<i>Thanna.</i>	183	<i>Tortugues.</i>	<i>ibid.</i>
<i>Spinax.</i>	373	<i>Teragus.</i>	434	<i>Tothena.</i>	507
<i>Sphyræna parua.</i>		<i>Testudo cortica-</i>		<i>Turbot.</i>	310
		<i>ta.</i>	445	<i>Turdo.</i>	184

F I N I S.

L V G D V N I,

Excudebat Matthias Bonhomme.



G V L I E L M I
RONDELETII
DOCTORIS MEDICI,
ET MEDICINAE IN SCHOLA
MONSPELIENSI PRO-
FESSORIS RE-

G I I

Vniuersæ aquatiliū Historiæ pars altera,
cum veris ipsorum Imaginibus.

His acceſſerunt Indices neceſſarij.



LUGDUNI,
Apud Matthiam Bonhomme.

M. D. L V.

Cum Priuilegio Regis ad duodecim annos.

THE LINDSAY

OF THE

OF THE



Privilege du Roy.




HENRY Par la grace de Dieu Roy de France à noz amez & feaux Cō
seillers les gens tenans noz cours de parlement à Paris, Tholouse, Rou-
en, Bourdeaux, Aix, Grenoble, Diion, Seneschaux, Baillifs & Preuostz
desdits lieux, Lyon, Poictou, Berry, Champaigne, Iuge d'Aniou, & du
Maine, & à tous noz autres iusticiers & officiers ou leurs lieutenans, sa-
lut & dilection. Nostre cher & bien amé maistre **G V I L L A V M E**
R O N D E L E T docteur regent en la faculté de Medecine en nostre vil-
le de Montpellier, nous ha fait remonstrer que avec grands fraiz & labeurs auroit recueilly vn
grand nombre de poissōns tant de Mer que de Lacz & Fleuves: desquelz poissōns il auroit fait
anatomie, & leuer le pourtrait au plus pres du naturel, pour iceux inserer dans les liures, qu'il
en auroit composés, & de long temps y auroit prins grad peine & diligence pour en faire vne
histoire au plus vray qu'il luy auroit esté possible, & mettre en lumiere avec lesdits pourtraits
Ensemble vn autre ceuvre intitulé **D E F O R M I S R E M E D I O R V M**, & **C O M -**
M E N T A I R E S sus Dioscorides, avec vne **O F F I C I N E** pour les Apoticairez: lesquelz
liures pour n'estre moins vtils que agreables aux Lecteurs, il desireroit faire imprimer: mais
il doubte que aucuns Imprimeurs ou autres, que ceux à qui il auroit donné charge, se vouls-
sent ingerer d'iceux liures imprimer, ou en faire faire extrait, ou epitome, ou les traduire en
Francoys, ou autre langage, chose qui ne se peut bien faire au gré ou intētion de l'auteur, &
qui luy pourroit desguiser son ouurage, & le frustrer de son intētiō de le faire. Et aussi en ce
la luy tollir les fraiz de ses labeurs, qu'il a fait, & cōviendra faire, s'il n'auoit sur ce noz lettres de
permisiō ou priuilege: Nous humblement requērāt icelles luy octroyer pour le temps qu'il
nous plaira: **P O V R C E** est il, que nous inclinant liberalement à la supplication dudit
R O N D E L E T, & en cest endroit luy suruenir à ce qu'il se puisse aucunement releuer des
fraiz, qu'il luy a ia conuenu & conuiēdra faire tant à luy que à ceux qui aurōt charge de luy,
pour mettre en lumiere & impressiō lesdits liures, à icelluy **R O N D E L E T** & à l'im-
primeur ou libraire ayāt charge pour luy, auōs de nostre grace speciale donē & donōns priuilege,
cōgé, licence & permissiō d'imprimer & faire imprimer en telle marge & de telz caracteres
que bō leur semblera, & mettre en vente & distribuer tous & chacū lesditz liures avec inhibi-
tiōs & deffences à tous de quelque qualité qu'ilz se yēt, de ne traduire en Frācoys, ny faire au-
tre epitome desdits liures. Et à tous libraires & autres ne les imprimer, ny faire imprimer en
quelquesorte que ce soit, ny en apporter vendre d'autres Imprimez autre part, ny en debiter, ny
en distribuer d'autres que ceux imprimez par celluy qui auracharge dudit suppliāt, iusques au
tēps & terme de douze ans, à cōter du iour & datte que la premiere impressiō desdits liures se
ra paracheuēe d'imprimer, & ce sur peine de cōfiscatiō desditz liures, & d'amēde arbitraire, &
de tous despens, dōmages & interestz enuers les parties. Et outre voulōs & tel est nostre plai-
sir, que mettāt ledit suppliāt ou l'Imprimeur ayant charge de luy, en brief au cōmencement
ou à la fin desdits liures le contenu en noz presentes lettres au vray, Que icelles lettres soyēt te-
nues pour suffisamment signifiées & venues à la cognoissance de tous Libtaires, Imprimeurs
& autres: Et que ce soit de tel effet & vertu, que si elles auoyēt esté expressement & particuliere-
ment signifiées, saufs'ilz vouloyēt pretendre que le brief extrait du priuilege mis ausdits liures
ne fust selō la verité de ces presentes. Et pource en demāderoyēt exhibitio leur estre faite. Au-
quel cas leur permettons faire telle demāde que bon leur semblera, par deuāt le Seneschal de
Lyō ou son lieutenant seullement, sans ce que autres iuges en puissent prēdre cour, iurisdicțiō,
ou cognoissance, laquelle leur auōs du tout interdit & deffendu, interdisōns & deffendōs par
cesdites presentes. Et vous mādōs à chacū de vous endroit soy, & cōme à luy appartiēdra, que
noz presens priuilege, cōgé & permissiō, & de tout le cōtenu en icelles vous faites, souffrez &
laissez icelluy suppliāt & tous ceux qui aurōt charge pour luy, iouyr & vser pleinement & pai-
siblement, sans leur faire ou dōner empēchement au cōtraire. Lequel si fait, mis ou donē leur
estoit, reparez & remettez, ou faites reparer & remettre incontinant & sans delay au premier
estat & deu. Et à ce faire souffrir & obeyr contraignez ou faites contraindre par toutes voyes
deūes & raisonnables: car tel est nostre plaisir, nonobstāt oppositions ou appellatiōs quelcon-
ques, & sans preiudice d'icelles: pour lesquelles ne voulons estre differē, en quelconques lettres
à ce contraires. Donnē à Marchais le xxviij. iour de Iuin, l'an de grace mil cinq cens cinquan-
te quatre. Et de nostre regne le huiētième. Par le Roy en son conseil. De Lomenie.

*L E V E S, publiées & enregistrees au papier de la cour de la Seneschautē de Lyon, sur ce Mon-
seigneur le procureur du Roy en ladite Seneschautē à ce consentant. Fait à Lyon le vñxième iour d'Aoust,
lan mil cinq cens cinquante quatre.*

L. Tignac.

L. Cropper.

LECTORI.



STATVERAM Lector humanissime vniuersam Piscium Historiam vnico volumine, vt res ipsa postulabat, cōprehendere. Sed quia propter summas occupationes quibus distinebar, integram Typographo dare non poterā, amicique mei eam à me summopere exigent, ac propè quotidianis conuitiis efflagitent, coactus sum velut vnum corpus in duo distrahere, cuius particulas omnes enumeraui in Elencho quem præposui Libris De Marinis Piscibus, quibus totius corporis maior pars continetur. His octo, pars altera, scilicet Testacea, Turbinata & Cochleæ, Insecta & Zoophyta, stagnorum marinarum, Lacuum, Fluuiorum, Paludum Pisces, postremo Amphibia.




AMPLISSIMO CARDINALI
FRANCISCO A TURNONE

GVLIELMVS RONDELE-

T. I. V. S. S.

PROXIMA æstate libros de Marinis piscibus à me editos, & à plurimis diu multumque expectatostibi obtuli Cardinalis amplissime, & vt in nomine tuo apparerēt effecti, neq; tuū acre certumque de rebus omnibus iudiciū pertimescens, neq; occupationum tuarū, quæ summæ sunt ac maximè seriæ vllam ferè rationem habens, sed partim debito officio compulsus (hunc enim laborem meum sic à me deberi tuis immortalibus in me meritis existimaui, vt cum alteri te præterito sine scelere non potuerim dedicare) partim vt nominis tui splendore commendatiores & autoritate tutiores in manus hominum peruenirent. Iisdem de causis etiam postea inductus, quod ex vniuersa piscium historia supererat ad te conscripsi, vt id quoque testimonium meæ in te fidei perpetuæque dedicationis extare iis omnibus posset qui hanc *ἐπιστολὴν* meorum partem sunt lecturi. Neque verò est omnino Cardinalis illustrissime, cur horum librorum initio longa oratione me excusẽm, quod minuta hæc & vilia

offerendo parem amplitudini tuæ & meritis honorem
non deferam. Nam Oppianus Poëta *ἐν δὲ τῶν* sua versi-
bus conscripta Antonino Imperatori dare nihil veri-
tus, & reditum patris ab exilio impetrauit, & pro sin-
gulis versibus singulos nummos aureos accepit. Et
Bœotii, vt ex Agatarchide scriptum reliquit Athe-
næus, eximias anguillas Diis sacrificabant. Et piscato-
res Antigono Carystio autore, fœlici capturæ si thyn-
num Neptuno sacrificabant, sacrificiūque istud Thy-
næum vocabatur. Quin & fassamenta apud Phaselis
Diis dicabantur. Neque ignoras Samiis capeduncu-
lis esse Diis aliquando libatum. Quare quæ tua semper
fuit in me, literatōsque omnes benevolentia his meis
commentariis non modo non offendere, vt opinor, ve-
rum etiam lætaberis, cum à me profecta esse intelliges,
qui & meam erga te obseruantiam, & gratam debiti
officii voluntatem quibuscunque rebus possum, liben-
ter testor. Vale.



IOANNES MOLINVS

S. T. V D I O S O

LECTORI

S.

IN TRACTANDIS artibus quæ ad magnas vtilitates & vitæ commoditates Dei concessu hominum generi datæ sunt, iisque faciendis aut agendis quæ artibus illis continentur, multi vehementer errare & grauiter peccare mihi videntur. Alij enim in eiusmodi artium scientia versantur, potius vt iactationem habeant in populo, quàm vt in iis, quarum omne opus est in faciendo aut agendo, propositum finem assequantur: satis sibi artique tunc satisfactum esse existimantes, quum eam facultatem sunt adepti, vt in scholis magna audientium corona, vel in familiarium aliorum colloquiis & congressibus, magno applausu, assentientibus omnibus, de artis præceptis volubiliter verba possint fundere. Alij contrà ad agendum natura magis idonei accommodatique quàm ad loquendum, celeriter quidem & auidè finem artis arripiunt, sed eam solum ob causam, vt inde facultates suas augeant & commoda, vt diuitias & opes quàm maximas consequantur, nulla cognitionis rerum pulchritudine atque excellentia, sed sola quæstus spe allekti, ac ne horam quidem in literis consumpturi, nisi maximas pecunias, animo sibi propositas haberent, iisque vt amplissimis præmiis ad discendum commouerentur. Hæc à me verè dici cū de iis qui in aliis artibus, tum maximè de iis qui in Iurisprudentia & Medicina hodie versantur, facilè iudicabit is, qui aliqua prudentia, vsūque rerum mediocri præditus fuerit. Quotus enim quisque Iurisperitorum vel Medicorum inuenitur, qui commodum publicū anteponat suo? Imò qui non, neglecto prorsus publico, seruiat tantum priuato, ad idque omnia sua studia & actiones referat? Quæ nemo à me dicta esse existimet, quòd diuitias cæteraque quæ sunt extrinsecus atque extra nos, in nullo bonorum genere habenda esse censeam. Etenim ea prompta semper paratæque esse debent qui-

bus nostris & nobis ipsis necessaria vitæ præsidia suppeditare pos-
simus, & studiorum ac laborum fructus aliqui percipiendi sunt
atque expectandi, qui tamen satis vberes consequentur, etiam si
in eos tanquam rerum agendarum vltimum, spes, curas, cogita-
tiones, mentem denique omnem non defixerimus, modò tam bo-
ni quàm docti esse contendamus, omnique ope doctrinam cum
virtute coniungere cōitāmur. Omnis igitur hūc mea spectat ora-
tio, à plurimis magnam excellentibus disciplinis fieri iniuriam,
quum iis ad solam ostentationem vel ad lucrum duntaxat abu-
tuntur. Ex quo vitio tanquam ex fonte & seminario infinita mala
emanarunt atque extiterunt. Alijs prætermisiss de Medicina tan-
tū loquar, cuius maximè sum studiosus. Magno valetudinis
multorum, ne dicam vitæ incommodo, satis superque comproba-
tum est, non paucos esse qui eius scientiam profiteantur, qui vel il-
liberaliter educati, vel in artium studiis doctrinisque minimè ver-
sati, vel à philosophia, à Mathematicis disciplinis parum instru-
cti, neglecta interim accurata fabricæ corporis humani, causa-
rum, signorum morborum, theorematum medicorum, historię
stirpium cognitione, statim ad praxim quam vocant conuolant,
quod ea sola pars πρὸς τὰ ἀλφίτα faciat. Ex quo evenit vt arcæ
implendæ quàm excolendi animi studiosiores cupidioresque ab
antiqua præclarissimæ artis, illustriumque Medicorum dignitate
ita receßerint, vt iam à multis Medicina circulatorum & circun-
foraneorum hominum nugis ac fallaciis non multū præstare
existimeretur. Hæc ignorantia cum magna hominum perniciē at-
que exitio coniuncta est, vt de eiusmodi Medicis illud Plinij iure
dici possit. Discunt periculis hominum, & experimenta per mor-
tes agunt: medicòque tantū hominem occidisse summa impu-
nitas est. Quod si qui ex horum numero remediorum formulis
aliquot instructi, vultu gestuque ad ostentationem & assentatio-
nem composito, secundiore fortuna vsi, temere ac fortuito po-
tius quam ex arte morbis aliquot curatione adhibita, atque aliis
obsequiis plurimis, graui & honesto viro indignissimis, rem au-
xerint, incredibile dictu, quanta superbia & arrogantia ceteros de-
spiciant, eos etiam rideant, qui mediocri lucro contenti, operam,
studium, curam denique omnem in id conferunt, vt Philoso-
phiam, Medicinam, aliâque grauiore disciplinas pro virili par-
te, magna etiam interdum facultatum suarum iactura promoue-
re latinisque literis exornare contendunt, à natura inuoluta &
obscura aperire, & illustrare, noua iam inuentis addere, pro-
pe inter mortua, & quæ temporum iniuria interciderunt, magno
labore

labore reuocare, & tanquam ab inferis excitare. Sed illorum pernicioſa ſtudia, periculofaq; conſilia ſi ſecuti fuiſſent patres noſtri, hodiéque ſequantur viri boni, nec ætate noſtra maximè flouriſſent bonæ literæ, nec diu vigere poterunt, ſed renata barbarie breui opprimuntur. Quare ſumma laude digniſſimi mihi videntur, qui neque illorum, neque vllorum aliorum maledictis aut calumniis aut inuidentiæ, à rectè factis, quibus præſertim communis omnium vtilitas, literarum etiam dignitas continetur, abducti neque deterriti noctes & dies contendunt nos ſcriptis ſuis rerum pulcherrimarum & nondum penitus cognitarum peritiores efficere. In quibus maximè excellit Gulielmus Rondeletius qui in præclara Monſpelienſium ſchola, ſumma felicitate, maximæque totius Reipubli. noſtræ vtilitate Medicinam & docet & exercet. Is quantum publicum docendi medendique munus tribuit ori, ad ſcribendum potiſſimum confert, & ad ea in veritatis lucem proferenda, latinisq; literis illuſtranda, quæ hætenus in Philoſophia Medicinæque vel parum perſpecta, vel nondum ſatis explicata fuerunt. Cuius ſtudij, diligentia ac doctrinæ domeſticus teſtis ac ſpectator ipſe fui: eius enim conuictu ita ſum uſus, ea mecum de literis communicauit, ita ſtudia ſua mihi impertiit, vt iam non præceptoris eruditi, & erga me egregiè animati, ſed patris optimi loco ſemper eum ſim habiturus. Sed quid opus eſt teſtibus, ecce tibi præclarum & graue teſtimonium opus de piſcibus, in quo vniuerſam piſcium hiftoriam ita complexus eſt, vt omnis generis piſces nobis exhibuerit, & vt penè nos eos ipſos oculis cerneremus effecit, quorum nomina vix audieramus, tantum abeſt vt eorum naturam perſpectam haberemus. Neque vero ſimpliciter grammaticorum more de piſcibus tractat, ſed ſingulorum formam, vires, naturam, ſuccum quem in corporibus noſtris gignunt, actiones, mores perſcribit. Quid de his veteres & grauiffimi quique autores Græci & Latini tradiderint explicatè atque enucleatè docet, horum locos multos explanans, alios emendans, alios excutiens diligentius. His omnibus acceſſit vniuerſi operis tam illuſtris methodus, vt ab ea tanquam ab optima duce non ſolùm ad eos piſces de quibus hîc traditur, ſed etiam ad alios omnes, qui ſunt innumerabiles, perueſtigandos & agnoſcendos manu deducaris, ſiue in mari, ſiue in ſtagnis, ſiue in lacubus, ſiue in paludibus, ſiue in fluuiis, ſiue etiam ſub terra degant. Quæ ſi attentius legeris, intelliges in hoc argumento ita verſatum eſſe, vt iis qui idem tractare ſunt aggreſſi, cæteriſque omnibus qui aggreſ-

suti sunt, facile palmam præripuerit. Hanc igitur piscium hi-
storiam quæ decem & octo libris superioribus, & his octo conti-
netur, à viro eruditissimo, & communis omnium vtilitatis stu-
diosissimo profectam, Lector studiose, ita accipies, vt tua huma-
nitate, candido gratóque animo hominem inuites & allectes, ad
alia maiora tibi communicanda, quæ studiorum tuo-
rum progressus plurimum augere, & tibi ma-
ximo decori ornamentoque esse
poterunt. Bene

vale.

55
9



IACOBI DALECHAMPII

MEDICI AD GVLIELMVM

RONDELETIVM.

435

*Iam maris innumeros pisces numerasse profundi
Rondellete tibi non satis esse putas,*

*Ni iungas etiam, quos flumina, stagna, lacusque
Altis gurgitibus molliter excipiunt.*

*Scilicet iste labor non solum monstrat aquarum
Mirandos pisces, quos elementa vident:*

*Sed disciplinam medicorum ditat, & auget,
Inter quos primas iure tenere potes.*


ΤΟΥ ΑΥΤΟΥ.

Τὰς ἀγέλας πρόβατον γράφας ποσειδάωνος αἰετός
Φερσομένας πελάγους κύμασιν οἰδαλέα

Νυνὶ ξείνας ποταμῶν καὶ λιμνῶν ἰχθυὰς ἐλθεῖς
Δείκνυσιν ἐν γλυκεροῖς ὕδασι νηχομένας,

Πολλὰ μὲν ὀφλήσῃ Ρονδελέτιε τοὶ γὰρ θάλασσα
Νάμαζα δὲ ζοφερῶν ἐκθορέοντα βαθύν.

Πλείονα τῶν δι' ἰσθμῶν ἱερὸν γένος, ὃ ρὰ τοσαύτῃ
Τεκλαίνεις γὰρ βοφίῳ, καὶ σφίῳ παρέχεις.



IO ANNIS MOLINI

Carmen in vniuersam aquatilium historiam à
Gulielmo Rondeletio medicò præstan-
tissimo conscriptam.

85
9

Ecce alius Neptune tui post Pallada victor
Pendere ex olea celsa trophæa facit.
Qui magno fidens animo & præstantibus ausis,
Diuina cecas arte retexit opes.
Quamlibet in varias Proteus se vertere formas
Norit, cui liquidi credita cura gregis,
Gurgitibus tamen ille fremit correpta profundis
Armenta in sicco conspicienda dari.
Quin & Naiades mortali semine natum
Indignatæ undis iura dedisse suis,
Notius & terris fecisse animantibus ipsis
In terra natis squamigerum omne genus,
Dilaniatæ ora & percussæ pectora palmis
Ingeminant questus litore quæque suo.
Ergo dum vastum Oceanus circumfluet orbem
Per virides ripas fluminæue vlla ruent,
Auctoris tanti splendet gloria, nullis
Inuidiæ fuscis obtenebranda notis.



G V L I E L M I R O N D E L E T I I D E T E S T A C E I S

LIBER I.

33

Quæ dicantur ὀστραχόδερμα, & quæ
eorum differentia.

[A P U T I.



VPERSVNT ex marinorum animalium
sanguinis expertium propositis generibus,
quæ testis duris conclusa sunt, à Græcis ὀστρα-
χόδερμα dicta, & έντομα, quæ vulgò insecta
nominantur. quæ deinceps explicabimus, ac
primùm de ostracodermis dicemus. in qui-
bus tanta ludentis naturæ varietas est, tot co-
lorum differentia, tot figura, vt vix numera-
ri possint. Vocantur à Græcis quæ duro sili-
ceoque tegmine, fragili atque ruptili, non collisili muniuntur, par-
tem verò intus mollem continent, vniuersè quidem ὀστραχόδερμα
atque ὀστρεα. Aristoteles: Άλλο ὃ γένος ἐστὶ τὸ τῶν ὀστραχόδερμων ὃ κα-
λεῖται ὀστρεον. Latini ostreorum nomen retinuerunt, ostreas etiam
dicunt. Nec pro vniuerso genere solùm, sed pro specie etiam ea-
rum quibus testa scabra est & aspera, nomen id vsurpatur. Idem de
concha dici potest, quæ & pro testa omni, & pro testa læui siue æ-
quabiliter rugata sumitur. Cur ὀστραχόδερμα dicantur, causam expo-
nit Galenus his verbis. Ε' ὡς δὲ ὅτι περιέχον ὅλον ὅτι σῆμα, κατὰ τὸν ἀμφι-
εσθλὴ σύμφυτον ἐκείνῳ καλεῖται δέρμα, κατ' ἀνάλογον δ' αὐτῷ ὅτι κατὰ τὸς
κήρυκας ἐστὶ, καὶ τὰς πορφύρας, ὀστρεὰ τε καὶ χήμας, ἵνα τ' ἄλλα τοιαῦτα, διὰ
τὸτο καλεῖται ὀστραχόδερμα, ταῦτα δὲ ζῶα. ὁμοίως οὖν ὀστράκω παραπλήσιον
ἢ λίθῳ ὅτι ἐξωθεν αὐτοῖς περιεμεινῶσι σκέπασμα ἐστὶ. Quoniam totum cor-

Lib. 1. de hist.
anim. cap. 6.

Lib. 3. de ali-
ment. faculi.

pus ambiens veluti integumentum vnique congruentum vocatur *δέρμα*, id est, cutis, secundum proportionem idem in buccinis, purpuris, ostreis & chamis, & aliis eiusdem generis dicitur, ob id vocantur ostracoderma huiusmodi animantia, quia testē, vel lapidi planè simile est quod extrinsecus ambit operimentum. De ostreis verò idem alibi. *Ὀστρεὰ χαλκῶν ἐνίοι πάντα τὰ ὀστρακόδερμα*
Lib. ii. de fa- *πρὸς Ἀριστοτέλους ὀνομαζόμενα. Τὸ δὲ ὑπὸ πολλῶν ὀστρεὼν ὀνομαζόμενον ἐν*
cul. simp. med. *τῇ δευτέρᾳ συναρθεῖ χωρὶς τῶν, λεγόμενον, εἶδος ἐν τῶν ὀστρείων τίθενται, περιλαμβάνοντες ἐν τῷ παντὶ γένει, καὶ κήρυκας, καὶ πορφύρας, καὶ χήμας, καὶ πίννας, ἅπαντα τε τὰ παραπλήσια. Ὀστρεῖα* vocant quidam omnia quę ab Aristotele ostracoderma appellata sunt: quod autem ostreum nominatur sine *ι*, in secunda syllaba speciem quandam ostracorum ponunt, vniuerso generi subiicientes buccina, purpuras, chamas, pinnas, atque omnia huiusmodi. Veteres, inquit *Cap. 5.* Athenęus, ὀστρεὰ dicebant, quod Cratini in Archilochis & Epicharmi in nuptiis Hebes testimoniis confirmat, huius *πιννήσι δὲ ὀστρέοισιν ὁμοίη. Ἰλλίους ὀστρεὰ συμπεφυκέναι.* Plato verò ὀστρεὼν vt ὀρνέων dixit in Phędro, ὀστρέων ὅσον διεδεδυμένοι. Ostreorum modo colligati. Et in decimo de Republica. Omnia generatim à latinis testē dicuntur à duritię operimenti, & testacea. Hęc de nominibus, nunc de testaceorum differentiis. Ex his, alia ab aliis testē duritia superantur, vt Stellę, Pulmones, Holothuria, Echini (omnia enim ista ostracodermis subiicit Aristoteles) longè minus dura testa conteguntur quàm purpurę & buccina. Alia vndique circumteguntur, vt interioris corporis nihil cerni possit, vt Ostrea, Tellinę, Pectines. Alia altera tantum parte testam habent, alteri parti testē loco est scopuli pars cui heret. Chamę & Dactyli siue Solenes vtrisque extremis non integuntur, per quę caput & posteriorem partem exerunt. Eorum quę vndique integuntur quędam turbinata sunt, vt Purpura, Buccinum, alia turbinata non sunt, vt Conchę quę à nostris *Porcelaines* vocantur. Alia vnica concha constant, vt Lepades, alia duabus, vt Mytuli. Testarum alię leues, vt Vnguium, Mytulorum, alię asperę vt Purpurarum, Buccinorum, Ostreorum. quarum rursus testarum permagna est in asperitate varietas, quę in singulis declarabitur. Colore etiam distinguuntur, quòd hęc vnus coloris sit, vt Mytulorum testa nigra est, alię flauę, alię rubrę sunt, alię variis coloribus depictę. Differunt & motione: nam quędam in stabili sede manent, vt Pholades, quęque in saxorum cauis, & aliis in locis degunt, vt Ostrea, Pinne. Mouentur Purpurę & turbinata, & Chamę leues quas in gyrum verti in aqua vidimus. Differunt etiam testarum adhesionē: etenim alia vinculis validioribus alligantur testis vt Mytuli, Pinne, Vngues. Quę verò in turbinatis testis sunt, nullo eis vincu

vinculo annexa sunt, sed posterior tantum pars circa testæ volumen clauiculatim intorquetur. Sunt & aliæ ferè infinitæ ostracodermorum differentiæ, quemadmodum ipsa infinita ferè sunt, quæ ex singulorum historia petendæ sunt, nec differentiæ solùm, sed etiam ea in quibus omnia conueniunt, vt quod omnia *μύκωναι* habeant, sed non loco eodem, neque æqualem, neque ex æquo manifestum. De Testaceis igitur dicturi à notioribus exordium faciemus, ad alia deinceps progressuri.

De Lepade.



CAPUT II.

QUÆ *Λεπάς* à Græcis dicitur à Gaza conuertitur *Patella* à vasis escarij similitudine. *Lepas* à Plauto dicitur, nisi locus mendosus sit: Habemus *Echinos*, *Lopadas*, *Ostreas*, *Balanos* captamus, *Conchas*, marinam vrticam. *Lapedo* à Massiliensibus, & à nostris vocatur, à Gallis *œil de bouc*, à Normanis *berdin*, & *berlin*. Græcorum vulgus hodie petaglida appellat. Veneti parum mutato nomine *Pantalea*. Aristoteles *Lepadum* duarum meminit, *Lepadis* simpliciter nominatæ, & *Λεπάδος ἀρχίας*, quam vocant nonnulli *θαλάττιον ὄστρον*, id est, aurem marinam. Athenæus τῶν ὀ Λεπάδων φησὶν ὁ Δίφιλος, ὡς μὲν εἶς μικρὰ, ὡς ὁ γὰρ ὁ τρεῖς εἰς κοινῇ. *Lepadum*, ait *Diphilus*, quædam sunt parua,

Lib. 3.

quædam autem Ostreis similes: Quod postremum de magnis intelligendum puto, vt contrariæ sint paruis prædictis. Lepas igitur ex testaceorum est genere, cuius partem alteram testa integit, alteram saxum cui hæret vndiquaq; vt ab externis iniuriis tuta sit. Pars anterior est quam saxum operit, postero quâ testa. Anteriorem voco eam, in qua os & cornua sunt oculorû vice, subest caro dura qua maximè saxo hæret, quæ scuti picti formam refert. Os superiore in loco manifestum est, inferiore ori aduerso, excrementi meatus, non in testa, vt in ea quæ ἀγρία dicitur. Os venter sequitur, in eo est μήκων, in imo ventre etiam pars quæ ouum appellatur. Testa non exquisitè rotunda est, sed inæqualis, intus lauis, foris parum aspera, cui aliquando muscus innascitur, gibba, in ambitu liuescens, & striata, intus caua, carnosam fimbriam habet in corporis ambitu, quam expandit quum hæret, soluta contrahit. Si se tangi senserit, ita saxo hæret, vt nunquam auellas. Cultro igitur aut aculeato ferro opus est, inter ipsam & saxum immisso. Quum multæ saxis affixæ sunt capita clauorum saxis infixorum esse diceret. Aristoteles Lepades à saxis solui scribit, pastus quæritandi gratia, aliquot in locis. Καὶ αἱ Λεπάδες ὁ ἀπολύον, καὶ μεταχωρεῖ. Et: Νέμε) ὁ ἀπολυομένη καὶ ἡ Λέπας Et: Καὶ αἱ Λεπάδες ἀπολυομένη μεταχωρεῖ καὶ βέρον. Quod mihi vero consentaneum esse non videtur: nullis enim adnatandum partibus prædita est, nisi temere huc & illuc iactata vndis feratur, neque victus illi quærendus: nam maris spuma & aqua vescitur, qua alluuntur saxa. Quod si aqua allui saxa desinant, ea quæ in testa reliqua est absumpta, contabescere & emori tandem necesse est. Depinximus saxo hærentem Lepada, aliam à saxo euulsam & inuersam siue supinam. Huiusmodi Lepades permultæ reperiuntur in saxis litoris Aquitani & Britannici maiores. In Massiliensis atque Agathensis sinus scopulis minores. Eleganter Aristophanes dixit in auum quæ ægrè à iuvene diuellebatur

*Tib. 5. de hist.
anim. cap. 16.
et lib. 4. c. 4.*

Ὡς Ὀτόνος ὃ ξεῦ βαλεῖν θ' ἡγαίδιον
Σαπὲρ Λεπὰς τῷ μφρακῷ προσίχεται.

Quæ sic Erasmus conuertit.

*O Iupiter, quàm fortiter conche modo
Isthac amicula adhæret adolescentulo.*

Huius prouerbialis sententiæ, Lepadis more adhæret, rationem reddit Erasmus. Est concharum genus, inquit, quod capillamentis inter se cohæret, quò tutius sit aduersus vndarum motus. Quod falsum esse docet experientia: neque enim Lepades inter se cohærent, sed tantum saxis sparsim affixæ sunt. Adhæc ὡς Λεπὰς προσίχεται, melius speciei nomine conuertas quàm generis, vt facit Erasmus: Ostrei in mor-


morem hæret: neque enim Ostrea alia eodem modo hærent quo Lepas, Crudæ Lepades à piscatoribus & maris accolis eduntur, ius ex eis aluum ciet, coctæ molliores sunt, & concoctu faciliores, modo non nimium decoquantur: sic enim duriores, difficiliorisque concoctionis fiunt, vt omnia ostracoderma.

De Lepade parua.

CAPUT III.

CV M Marinas res etiam minutissimas quasque diligenti indagatione persequeretur, Lepadem paruam saxo hærentem deprehendimus, quam à saxo euulsam representamus in superiore pictura. Testa vnica integitur, alterius vice est saxum cui affixa est. Testa media nucleis pinearum nucum figurâ similis est, & æqualis, ex multis laminis paruis constat, carnem intus habet, sed ob paruitatem partes vix discernuntur. Hanc existimo esse paruam Lepadem Diphili, quod semper parua maneat, nec vnquam ad superioris etiam mediocris magnitudinem accedat.

De Aure Marina.



CAPUT IIII.

AVRIS Marina quæ & Λεπὰς ἀργεῖα ab Aristotele dicitur, non satis rectè à recentioribus Patella maior vocatur. Quum enim maior dicitur, magnitudine tantum à minore Lepade iam descripta differre intelligitur: at magnitudine solum non differunt, sed alia mul

Lib. 4. de hi-
stor. anim. ca-
pit. 4.

tò illustriore nota, scilicet forma, hoc tantum vtrisque commune est, quod vnica testa consent, carnosâ parte saxi affixa, quam ob cau-
sam lepadis nomine Aristoteles donauit. Præterea differt à superiore
excrementi meatu, vt annotauit Aristoteles. Τῇ δ' ἀρχὴν λεπὰδι ἢ ἡ-
νὲς χαλκῶν θαλάττιον ἔς ὑποχέτω τῆ ὀστράκῃ ἢ περὶ τῶν ἐξέρχεται, τε-
βύωνται γὰρ τὸ ὀστράκον. Patellæ feræ, quam aurem marinam quidam
appellarunt, parte ima testæ excrementum egeritur, quâ foramen ha-
betur. Testa huius caua est, argenti vel vnionum colore, foris gibba,
lineis multis depicta, parte vna cochlearum modo clauiculatorum con-
torta, à qua foramina incipiunt, initio parua, quæ deinde magis ac ma-
gis augentur. Hic annotare oportet aurem marinam appellari, ob ma-
gnam cum aure nostra similitudinem, vt pictura perspicue ostendit,
quæ tamen diuersa sit ab aure Veneris, quam ὠκεῖον siue ἔς ἀφροδίτης
ab Æolibus vocatam fuisse scripsit Athenæus. Haud bene ratiocina-
tur autor lib. de aquatilib. Patellam quam maiorem vocat, Aporrhai-
dem Aristotelis esse ex eo quod eam more Lepadem saxi adherere
scripsit lib. IIII. de Histor. anim. sic enim & Neritæ quæ eodem loco, si-
militer adherere dicuntur, Patellæ maiores essent.

Lib. 3.

Cap. 4.

De Tellinarum prima specie.



CAPUT V.

Lib. 3.


Lib. 3.



ΕΛΛΙΝΑΙ à crescendi celeritate nomen habere vi-
dentur, ὅτι ἔχιστα γίνονται τελείαι. Idem nomen retinue-
runt Latini. Athenæus tamen à Romanis Tellinam
μύτλον vocatam fuisse scripsit, quo loco Hermolaeus
μύτλον legendum putat, vt Mytilus & Tellina idem
sint. Nostri & Romani etiam Tellinas vocant, Veneti piscatores, vt
Hermolao visum fuit, à capparidis similitudine capparoculas siue cap-
parolas. Normani *flion*. Tellinarum genera duo facit Athenæus, vt a-
liæ marinæ sint, aliæ fluuiatiles, vel quæ in fluuiorum ostiis reperiun-
tur. Τελῖναι γίνονται μὲν ἐν ἡμέρᾳ πολλά, τὴν ὑπὸ μὲν τῆ νεῖλῳ ἀνίστα-
σιν πολλοτέρων, ὥν λεπτότεραι μὲν εἰσὶν αἱ βασιλικαὶ διαχωρῶσαι τε καὶ
κεφαί, ἔτι δὲ βόφμοι, αἱ δὲ ποταμοὶ γλυκύτεραι. Tellinæ in Canopico
ostio multæ sunt, & in Nili ascensu, quarum quæ tenuiores sunt, re-
giæ

giæ vocatæ, aluum cient, ventriculo graues non sunt. Præterea bene nutriunt, fluuiatiles autem dulciores sunt. Nos in Agathensi sinu differentias duas inuenimus, vnam earum quæ minores sunt, alteram earum quæ maiores & rufi coloris. De priore nunc agimus. Duplici testa constat siue concha, vtraque simili, læui, valida & satis spissa, in ambitu serrata, qua de causa ad vnguem coniunctæ sunt. Intus læuiter cauæ sunt, caro alba in qua *μύκων* cernitur. Tellinæ in arena viuunt, ob id nisi, priusquam coquantur, diutius in aqua agitentur, vt arenulæ excidant, vescentibus molestæ sunt. Parum coquendæ sunt, ex aceto vel omphacio cum pipere comedendæ, appetentiâ excitant, ius ex eis aluum ciet. Dioscorides. Recentes Tellinæ aluo vtilis, *Lib. 2. cap. 8.* sed maximè ius earum, salitæ vruntur, tritéque in cinerem, & cum cedria instillatæ auulsos palpebrarum pilos renasci non patiuntur. Hic obseruandum pectunculos pro tellinis à Plinio quandoque videri acceptos, vt rectè mihi sensissè videtur Hermolaus vir acerrimi iudicij. Coniecturæ quibus mouemur hæ sunt: Etenim quam vim Dioscorides Tellinarum cineri tribuit, eandem planè pectunculis Plinius, atque iisdem ferè verbis: Lepus marinus ipse quidem venenatus est, sed cinis eius in palpebris pilos inutiles euulsos cohibet, item pectunculi salsi triti cum cedria. Ne quis verò existimet per pectunculos intellexisse pectines, quos Græci *κτένας* vocant, legat vltimum caput LIB. XXXIII. in quo apertè, vtrosque distinguit. Pectines, inquit, maximi & nigerrimi estate, laudatissimi Mytylenis &c. Et mox Alexandria in Ægypto pectunculi. Quod etiam conuenit cum tellinis Ægypti quarum meminit Athenæus loco ante citato.

De Tellinarum secunda specie.



CAPVT VI.



ALTERVM Tellinarum genus in litore Agathensi ad ostium Eraris fluminis inueni superiori simile, nisi quod testa sit maiore, tenuiore minúsque spissa, & ex rubroflauescente, parte qua testæ colligantur in acutiorem angulum desinente. Hanc Tellinam

esse puto quam Βασιλειῶν, id est, regiam appellat Athæneus, vel fluuiatilem, quia non nisi in fluminis ostio reperi. Dulcis est, utpote quæ
Lib. 3. in mista aqua minuscq; falsa proueniat. Quemadmodum Athenæus scribit pueros Lepadibus & Tellinis in os sumptis ludere tubæ sonū imitantes: ita etiam hodie nostri Tellinæ testa altera dentibus admoda, diductis labris sonos eisdem edunt, ut puerilis hic lusus per manus traditus, ad nostros usque peruenisse videatur. Neq; solum Tellinis, sed etiam Lepadibus ori adhibitis pueros sonare autor est Athenæus. Καλλιᾶς ὁ ὁ μιλυλιναῖος ἐν τῷ περὶ τῆς πᾶρ Ἀλχηγίᾳ Λεπάδος, παρὰ τῷ Ἀλχηγίᾳ φησὶν εἶναι ὠδυνῶν ἢ ἀρχῇ, πῶς καὶ πολὺς θαλάσσης τέκνον, ἢς ἐπὶ τέλει γεγράφθαι, ἐκ Λεπάδων χάνοις φρένας ἁ θαλάσσια λεπάς. Ὁ δὲ Αἰτιοφάνης γράφει ἀντὶ τῆς λεπάς, χέλυς. καὶ φησὶν εἶναι τὴν Δικαίᾳρχον ἐκλεξάμενον λέγειν τὰς Λεπάδας. Τὰ παιδάκια δ' ὠδυνῶν εἰς τὸ τῶμα λάβωσιν, ὠδυνῶν ἐν ταύταις, καὶ παλιν, καὶ γὰρ πᾶρ ἢ μὴν τὰ ἀπερμελῶτα τῶν παιδακίων τῶν χαλκιδίων τεκνίων. ὡς καὶ σωματὶος φησὶν ὁ φιλομαχικός ἐν τῷ ἐπιγράφοι μὲν διράμωτι Εὐβυλοθεομβρότω. Ἀλλ' ἔχει, τεκνίων γὰρ ἐξείκητος μέ τις Ἀγῶας μέλωδος ἥχος εἰς ἡμᾶς ἔχει. Id est, Callias Mitylenæus libro de Patella Alcæi, apud Alcæum odam esse scribit, cuius initium est. Petræ & cani maris filia. ad cuius finem scriptum est. Ex patinis animū recrees, ὁ marina patella. Quo in loco pro Λεπάς, id est, patella. Aristophanes legit χέλυς, id est, testudo, aitque Dicæarchum non rectè legisse Λεπάδας, usque ori admotis puellulos sonare & lasciuire, quemadmodum Tellinis solent procaces adolescentuli. Sopater Phlæacographus in Comœdia quæ inscribitur Eubulotheombrotus, scribit. At resiste, & Tellina repente ad meas aures suavis quidam sonus illapsus est.

De Tellinarum tertia specie.



CAPUT VII.



ERITO Tertij generis Tellinā eam esse dicemus, quæ figurâ superioribus Tellinis tam similis est, ut inter Tellinas numerādam esse nemo negare possit. His tantum differt. Colore est candido, testa perspicua & pellucida, ex additamentis multis conflata, intus læuissima

uissima. Tenuis est admodum & ambitu magis rotundato.

De Chamis.

CAPUT VIII.

DE Chamis omnibus certi aliquid scribere certè perdifficile est, tum ob earum varietatem, tum ob parum certas & distinctas earum notas à veteribus traditas. Quapropter minimè miror Hermolaum virum optimarum rerum cognitione præstantem in suis in Dioscoridem corollariis de ostreis & conchylis paucissima scripsisse, copia eorum & varietate, vt opinor, deterritum. Marcellus Virgilius græcè & latinè doctissimus, in suis in eundem autorem cōmentariis, ab iisdem abstinuit, earundem distinctiones peritioribus relinquens. In genere, inquit, minorum ostreorum Chamæ sunt, tanta cum aliis affinitate, vt faciliè in antiquis scriptoribus confundatur earum historia. Nihil difficilius in tota huiusmodi rerum commentatione, quàm in appellationibus his concordem veterum historiam ostendere. ob id peritioribus relinquimus. Hactenus Marcellus. Ab horum modestia alienissimi quidam, perinde ac si harum rerum distinctioni difficultas nulla inesset: Chamas aliquot ineptè depinxerunt, pro arbitrio scilicet, nulla veterum scriptorum autoritate freti, vnde pro Chamis Conchas speciatim dictas vsurparunt. Concha enim vniuersè quidem testam omnem significat, vt iam annotauimus, & vt aliquando nos quoque accipimus quum nulla rerum confusio inde sequitur. Sed quum speciatim de rebus dicitur, rerum singularum propriis nominibus vtendum. Hanc ob causam Aristoteles Conchas à Chamis Cap. 5. distinxit lib. v. de hist. anim. Αἱ δὲ κόνχαί τε χῆμαι, τε σολῆνες, τε κτένες ἐν τοῖς ἀμμώδεσι λαμβάνονται τῷ συστάσει. Conchæ, Chamæ, Pectines, Vngues locis arenosis sui ortus initia capiunt. Alio loco eiusdem operis concharum species aliquot recēset. τῶν ὀστράκων διαφορὰ πρὸς ἀλλήλας εἰσι, τὰ μὲν γὰρ λεῖτρακά ἐστιν, ὥσπερ σωλὴν τε μύεσ τε κόνχαί ἐνιαί, αἱ κελεύμεναι ὑπὸ λινῶν γαλάδεσ. τὰ δὲ πραχεὰ οἷον τὰ λιμνόστρεα, καὶ πίννα, τε γένη κόνχον ἐνιαί. Testæ à sese differunt: aliæ enim læues sunt, vt Vngues, Mytuli, Conchæ: quædā quæ galades dicuntur, aliæ asperæ, vt Limnostrea, Pinna, concharum species quædam. Neque est quod quis in Chamarum & concharum cōfusa tractatione Dioscoridis autoritate se tueatur, quū scribit. Καὶ ὁ ἐκ τῶν χημῶν δὲ τε τῶν ἄλλων χογχαρίων ζῶμεν, χαλίδι κινεῖ ἐφόρμος μετ' ὀλίγῃ ὕδατος, μετ' ὀνὸς δὲ λαμβάνει. Lib. 2. cap. 9. Chamarum conchularumque in exigua aqua decoctarum ius aluum ciet, id cum vino assumitur. Hic Chamas & Conchulas coniungit, nō quod eadem sint, sed quod ius ex vtriusque eadem sint facultate. Id quod omnibus

etiam testaceis commune est: ius enim ex omnibus, aluæ subducenda vim habet. Nunc inquiramus quid sit Chamis proprium, quo à Conchis, quibus in multis similes sunt, distinguantur. Athenæus.

Lib. 3.

τῶν ὁ χημῶν μνημονεύει Ἴων ὁ χῖος ἐν ἐπιδημίας, καὶ ἴσως ἕτως ὀνόμασαι τὰ κογχύλια παρὰ τὸ κεχημέναι. id est, Chamarum meminit Ion Chius in Epidemiis quæ fortassis χήμαι à Græcis nominatæ sunt ἀπὸ τῆς κεχημέναι, id est, ab hiano. Id etymum secuti quidam Hiatus latinè appellant. Sed

Lib. 6. cap. 9.

cum eadem voce etiam Channæ nuncupentur, quæ à Chamis maxime distant ut in prioris operis nostri parte ostendimus, tutius esse puro Græca appellatione uti Plinij exemplo, à quo Chamæ nominantur, & Chamæpelorides, & Chamætracheæ, atque aliæ eiusdem generis. Chamæ igitur et si concharum generi subint, hoc tamen à cæteris conchis distabunt, quod semper hiant, & testas apertas habent.

Lib. 3.

Harum multæ sunt differentia. Athenæus. Ἰκέσιος ὁ ὁ ἡρασιφράτειος, τῶν χημῶν φησὶ ἴσας μὲν βαχείας λέγεσθαι, τὰς δὲ βασιλικὰς. καὶ τὰς μὲν βαχείας, καὶ χακοχύλους εἶναι, ὀλιγοβόρους, δὲ εκκρίτους. χρεῖα δὲ ἀντοῖς καὶ δελέασαι ἴσας πορφυρομένους. τὰ δὲ λείων μὲν τὰ μεγέθη, καὶ τὰς διαφορὰς εἶναι κρασιώδεις. Hicetius Erasistratus Chamarum alias ait dici asperas, alias regias, asperas quidem mali esse succi, pauci nutrimenti, faciliè excerni, ipsis pro esca eos uti qui purpuras piscantur. Lævium autem præstantiæ differentias magnitudine æstimari. Aliquanto post idem Athenæus ex Diphilo. Χημῶν δὲ τῶν παχέων αἱ μικραὶ καὶ λεπτὴν ἔχουσαι τὴν σάρκα, ὅσπερ αὖ λέγονται, καὶ δυσόμαχοι εἶσι, καὶ δύσπεστοι, αἱ δὲ παχεῖαι, βασιλικαὶ δὲ πρὸς τινῶν καλὴ μὲν, πλεονεκτήματα τε λεγόμενα, βόφοι, δυσέπεστοι, δὲ χυλοὶ, δυσόμαχοι, καὶ μέλιτα αἱ μέλεις. Chamarum crassiorum quæ parvæ sunt, & tenui carne (ostrea vocantur) stomacho gratæ sunt, & excreto faciles. Crassæ verò, quas & regias, & pelorias appellant, multum nutriunt, difficilè excernuntur, boni sunt succi, stomacho placent, præsertim magnæ. Priori loco Chamæ in asperas & regias diuiduntur, videnturque læves pro regis accipi. Posteriori in crassas parvas & crassas magnas quæ cum lævibus eadem esse videntur. A Plinio species hæc numerantur, Chametrachea, Chameleos, Chamæpelorides, generis varietate distantes & rotunditate, Chamæglycymerides. Nos ita distinguimus ut Chamarum aliæ læves sint, aliæ asperæ. Lævibus Chamæpelorides & Chamæglycymerides subiiciuntur, de quibus ordine dicemus.

De Ch

De Chame læui.



CAPUT IX.

CHAMELEIA à testæ leuitate nomē inuenit. Testa duplici cōstat, Conchis leuibis quę galades dicuntur, similis est. Ab his testarum fragilitate differt, digitorum enim compressu frangitur facilē, quod in Conchis & pectinibus non euenit. Intus & foris candidissime sunt, caro quoque intus candida, in qua duo foramina cernuntur: alterum os est, alterum excrementi meatus, vtrunque sinuosum est, vt dilatari & constringi possit, hoc ad attrahendam aquam, illud ad reiiciendum excrementum. Habet & *μήκων* vt conchę ceterę. Latere magis protuberāte semper hiat. In arena cum Tellinis capitur, qua de causa sepius aqua pura elui debet ad arenam expurgandam, qua expurgata dulcis est & tenera, alioqui vix edi potest. Chamas easdem esse cū leuibis Conchis quę *γαλάδες* dicuntur, falsum est: nam Aristoteles, vt antea docuimus, Chamas à Conchis seiunxit.

De Chame Peloride.




CAPUT X.

PELORIDAS Athenęus vno loco à Chamarum genere segregasse videtur ex sententia fortasse Philyllij. Αἰδὲ πελωρίδες ὠνομάσθησαν παρὰ τὸ πτελῶριον *Lib. f*
 μείζον γὰρ ἐστὶ χήμης, καὶ παρηλλαγμένον. Pelorides voca-
 b 2

tā sunt à dictione *πελώριος*: maiores enim sunt Chamis, & ab iis di-
 uersæ. Alio loco ex Diphilo pelorias Chamas crassarum speciem
 facit, quas & regias appellat, quæ & maiores sunt. Chamas etiam
 Lib. 32. cap. 11. peloridas appellat Plinius. Hos sequimur, ac Chamas peloridas,
 siue pelorias, siue pelorinas à magnitudine dictas fuisse cum vete-
 ribus existimamus, id quod innuit Athenæus priore loco modo ci-
 tato: nam *πελώριον* siue *πέλωρον* significat *ὁ μέγα καὶ τεράστιον*, id est,
 magnum & prodigiosum. Vel dictæ sunt pelorides à Peloro Siciliae
 promontorio, quod iuxta illud Pelorides optimæ reperiuntur. Iulius
 Pollux de ciborum antiquorum præstantia verba faciens: *Ἰστέον ὅ
 ὅτι παρὰ τοῖς παλαιοῖς ὁδοκιμῶν μύραινα ἐκ πορθμῆ, καὶ μύραινα ταρτη-
 σία, καὶ θυῖνος τύριος, καὶ κερβύς ἐκ σιιάθου, καὶ ἔριφος ἐκ μήλης, καὶ κόνχα
 πελωρίνης, ὅθεν ἴσως καὶ νῦν καλέμεναι πελωρίδες ἀνομάσθησαν*. Apud ve-
 teres in pretio fuit Muræna ex freto, & Muræna Tartesia, Place-
 bat Thynnus Tyrius: & Mugil ex Sciatho, Hædus ex Melo, Con-
 chæ etiam pelorinæ, vnde fortè nomen adeptæ quæ nunc Pelori-
 des vocantur. Ex his apparet insignis error eorum qui scribunt Pe-
 loridas nomen habere à luto, in quo tum manibus, tum retibus
 euerruntur: pilos enim lutum est (sic enim eorum scripta verba re-
 perio) *πηλός* quidem lutum est, à quo *πηλωρίδας* & *πηλωρίας* dixisse
 oportuerat, non *πελωρίδας*, & *πελωρίας*, & *πελωρίνας*, sicuti om-
 nes extulerunt. Præterea illud è memoria exciderat, aut fortasse ne
 Lib. 5. de hist. legerant quidem, quod scripsit Aristoteles, Conchas, Chamas, Pe-
 anim. 6. 15. ctines, Vngues, locis arenosis prouenire non cœnosis. Sed omis-
 sis nominibus rem ipsam depingamus. Chama peloris duabus
 conchis constat, quæ nunquam ita iunguntur quin semper hient,
 & viuo & mortuo animante, etiam sine calidi contactu. Eæ oblon-
 gæ sunt & læues, ex albo purpurascens, in medio connexæ. Ca-
 ro intus alba est, quæ etiam contracta, tota testa vix capi potest,
 extenta multò longior est, rotunda, spissa, pudendo virili non ab-
 similis, digiti medij crassitudine. In extremo altero foramina duo
 apparent, alterum oris est, rotundum, alterum excrementi. Santo-
 nes conchæ strictæ & non hiantis speciem *palourde* appellant, quæ
 vox à Peloride deducta esse videtur. Sed ea Chama peloris non
 est, cum magna non sit, neque hiet. Caro Peloridis dura est, ob id
 difficile excernitur & multum nutrit.

De Chame Glycymeride.



CAPUT XI.

HAMARVM generi γλυκυμερίδες accedent, Plinij & Macrobij testimoniis. Chamēglycymerides, inquit Plinius, quę sunt maiores quàm Pelorides. Macrobius in cœna adiciat Lentuli flaminis appositas fuisse dixit, & ne quis easdem esse Peloridas & Glycymeridas existimet, maiores scilicet Chamas, legat Macrobiū LIB. I I I. Saturnalium. Ante cœnam, inquit Echinos, Ostreas crudas quantum vellent, Peloridas, Spondylos &c. Paulò post alia edulia enumerans, Glycymeridas, vrticas &c. Sunt autem Glycymerides dictę à dulcedine, ut opinor, quod sapore sint dulci, minúsque falso quàm reliquę. Sunt qui Glycymeridas vocent, quasi ex dulci amaras. Quod si ita sit, compositum nomen ex Græco & Latino fuerit, quam compositionem improbat Quintilianus. Glycymerides igitur Chamę sunt maiores quàm Pelorides testa oblonga Mytulorum fluuiatilium testę modo, sed duriore & spissiore, rugosa, non tamen ob id aspera, ex albo rufescente, carne & succi bonitate Peloridi similes. Easdem esse puto cum iis quas Pelorides maiores Athenęus vocat. Hermolaus ^{Lib. 3.} Barbarus coniicit apud Plinium post verba hæc, Chamęglycymerides quę sunt maiores quàm Pelorides, pro colycia siue corophia, legendum corycia ex Athenæo qui scribit Conchas quasdam à Macedonibus vocari κωρύκας, quas Athenienses κρείας nominant. Sed ut ut apud Plinium legendum sit, non potes corycia ad Chamas glycymeridas referre: sic enim conchas asperas vocari scripsit ex Hegesandro Athenęus. Ἡ γῆ Γενδρος δ' ἐν ὑπομνήμασι τὰς ῥαχέας φησὶ κόνχας ὑπὸ τῶν μακεδόνων κωρύκας καλεῖσθαι, ὑπὸ δ' Ἀθηναίων κρείας. Hegesander in commentariis ait conchas asperas vocari à Macedonibus Corycos, ab Atheniensibus κρείας, id est, arietinas.

De Chama aspera.




CAPUT XII.



H' M AI *ῥαχέαι*, id est, asperæ à testarum externa parte dictæ sunt, ob lineas transversas, obliquas multas, cauas, eamque ob causam musco sæpe oppletas. Superiorum modo oblōgæ sunt, intus læues. Carne sunt mali succi, pauci nutrimenti, ad excretionem facili, qua tamen delectantur purpuræ, vnde pro esca vtuntur ea purpurarum piscatores, vt ante ex Athenæo diximus.

De Chama nigra.



CAPUT XIII.


Lib. 13. cap. 21.



ELIANVS Chamas marinas, varias & multiplices esse tradit: nā alia asperæ sunt, inquit, alia læues, & hæ quidem digitorum compressu confringuntur, illæ verò vel ægerrimè conteruntur. Quædam ipsarum nigerrimæ sunt: nonnullæ argentei coloris similitudinem gerere videntur. Ac quemadmodum earum est varium & multiplex genus, sic multas & diuersas sedes habent. Ex his colligunt nonnulli Chamas pro conchulis accepisse, quæ colorum varietate à sese distant, sed non rectè, vt ego quidem sentio: nam sunt vt conchulæ, ita Chamæ variæ, albæ, nigre, ex albo rubescentes, alia fractu faciles, aliæ difficiles. Idem de Cochleis & Pectinibus verè dicitur. Quare ineptè fecerunt, qui Concham nigram pro Chama nigra exhibuerunt, cum Conchæ rotundiores Chamis esse soleant, neque hient, Ch

hient, Chamæ verò testa sint longiore, qualis Chama nigra quam hîc proponimus, testis oblongis, læuibus, duris, spissisq; , ac veluti marmoreis.

De Pectine.



CAPUT XIII.

QUIA Græcis Κτεís vocatur à Gaza modò Pecten, modò Pectunculus conuertitur. Aristoteles. Τῶν ὅ δὲ θύρων τε μὲν ἐστὶν ἀνάσσειν χα, ὅτιον οὐ κτείνες. Gaza sic, Bivaluis generis pars clusilis est vt Pectunculi. Et paulò post. Ἐν τῇ μὲν κτείνῃ δὲ ἀσπιδὶ ἐστὶν ὅτιον ὁ κτείν. Itē alia se mouent, vt Pectines. Sed hæc varietas ambiguitatem parit: sunt enim Pectines & ab his diuersi Pectunculi à Latinis dicti. Plinius manifestè Pectunculos à Pectinibus disiungens videtur Pectunculos pro Tellinis vsurpasse, vt ex Hermolao prius annotauimus. De aliis Pectunculis infra dicemus. Qualis sit Pecten ex nullo meliùs quàm ex Athenæo cognoscemus, quo loco Ostreum in quo nascuntur margaritæ Pectini confert. Ἐστὶ ὃ ἡ μὲν ἴδὲ ὀστρεὺς ὅψις παρὰ πωλησίᾳ ἰὼν κτείν, ὃ δὲ ἐγγλυτὸν ὃ, ἀλλὰ λεῖον τοῦ ὀστρακον ἐχει, καὶ δασύ, ὃ δὲ ὤτα ἐχει δύο, ὡς περ ὁ κτείν, ἀλλὰ ἐν. Ostreum aspectu Pectini simile est, testa non cælata sed læuis est & spissà, neque vtrinque aurita est Pectinum modo, sed altera tantùm parte. Ex his liquet Pectinem duabus constare conchis striatis, vtraque parte auritum esse, quod non huic tantùm competit, vt peculiariter auritum Pectinem nominare oporteat, sed alteri etiam Pectini & Pectūculo. Nostri piscatores vocant Pectines *larges coquilles*, alij *coquilles de saint Jacques*. Itali *cape sante*. Testa vtraq; primùm strictior, qua parte aurita est, deinde amplificata in orbē circūagitur: altera modicè caua &

Lib. 4. de hist. anima. cap. 4.

in dorsum elata, altera plana, veluti alterius operculum. Vinculo nigro & nervoso colligatae sunt. Vtraque striata est, à strictiori parte striaturae incipientes ad imum marginem deductae sunt, sed ita ut in eo striae siue exochae magis promineant quàm strigles siue canaliculi, quibus fit ut Pectinis testa laciniata sit, & hac parte firmiter cohaerēs. Præterea striae siue exochae lineis à summo ad imum ductis ornatae sunt, quae à duabus tribusve aliis interfecantur à latere ad latus ductis versus strictiorem partem. Intus carnis multum est, quae circa medium etiam carnosum, longum, tenerum alligata apparet. Inest in carne particula luteum ouorum colorem referens. Spectantur μήκων & os tubæ modo factum, atque intestinum tenue luto plenum. Tota caro in ambitu membranam habet veluti fimbriam versicolore, ex qua fila multa & tenuia dependent. Eadem caro aliorum ostreorum carne dulcior & tenerior est, facilius concoquitur, venere rem irritat non acrimonia sed nutrimenti copia. Aqua quae intus est aluum ciet. Super carbones coquuntur, nonnulli olei, piperis & salis tantillum iniiciunt. Pectinis testae non semper eiusdem sunt coloris: quaedam enim rubescunt, quaedam albicant, aliae nigricant. Athenæus. Τῶν ὁ κτενῶν ἀπαλότεροι μὲν εἰσὶν οἱ λευκοί, ἀβρωμοὶ γὰρ καὶ δριγύλιοι. Τῶν ὁ μελάνων καὶ πυρρῶν οἱ μείζονες καὶ ἐντέλειοι ὄστρομοι. Κοινῶς ὁ πάντες ὀστράκοι, ὀστρεῶσι, δριγύλιοι λαμβανόμενοι μετὰ κυμίνου καὶ πιπέρους. Inter Pectines teneriores sunt candidi, virus enim non respiciunt, & aluo faciles sunt, ex nigris & flauescentibus maiores & verni palato arrident. Omnes in vniuersum ventriculo grati sunt, facile concoquuntur, aluum subducunt sumpti cum cymino & pipere. Aristoteles inter testacea quae se mouent Pectines numerat, quos etiam volare ait ex nonnullorum sententia: nam de ferramento quo capiuntur saepe exiliunt. Plinius. Saliunt Pectines & extra volitant, seque & ipsi carinant, idest, ex suis testis carinam sibi parant, sicuti Neritæ, præbentes concavam sibi partem, & alteram auræ opponentes, sic per summa æquorum velificant. Strident Pectines, inquit Aristoteles, quoties per maris summa nitibundi feruntur, quod volitare dicunt. Pectinibus oculos tribuere videtur Plinius. Non omnibus animalium oculi. Ostreis nulli, quibusdam concharum dubij: Pectines enim, si quis digitos aduersum hiantes eos moueat, contrahuntur, ut videntes. In eandem sententiam scribit hæc Aristoteles. Pectines quoque admoto digito dehiscunt, mox comprimunt se ut cernentes. Id quod ego in Pectinibus saepius experiri volui, sed si digito immisso caro vel membrana carni circumposita non tangatur, se non contrahunt, si tangatur, statim claudunt, & digitum vel aliud quid immisum firmè retinent. Testa intacta omnia latent vel algore virgente, vel astu, Pectines, quemadmodum Purpuræ & Buccina conduntur

canis

Lib. j.

Lib. 4. de hist.

anim. c. 4.

Lib. 9. cap. 33.

Lib. 4. de hist.

animal. cap. 9.

Lib. 11. cap. 37.

Lib. 4. de hist.

anim. cap. 8.

ca nis exortu circiter tricenos dies. Pectines atque adeo Ostreae ac concharum omnes tum optimae sunt, quum grauidae. Quanquam verò testacea intacta grauida dicamus, nullum tamen eorum vel coitum, vel partum intelligimus: hoc enim genus sponte prouenit, ouaque eorum improprie appellamus partem illam, quae melioris nutritionis est indicium, quemadmodum in sanguine praeditis adeps, quam ob causam tum melioris sunt succi. Pectines in locis arenosis proueniunt, & quemadmodum purpurae celeriter auferuntur, quippe qui anno perficiantur autore Aristotele: ouum enim quale modo diximus vere continent, procedente tempore minuitur: deinde totum aboletur, siccitates pertimescunt, & locis quibusdam propter summos calores defecerunt. Pectines maximi & nigerrimi aestate, inquit Plinius, laudatissimi Mitylenis. Eisdem etiam celebrant Iulius Pollux, & Athenaeus. Laudatissimi etiam Tyndaride in Sicilia, & Salonis in Dalmatia. Neque solum in Altino & Antio Italiae, sed etiam Tarenti. Horatius.

Lib. 5. de Hist. animal. cap. 15.

Lib. 3. cap. 11.


Satyra 4.

Pectinibus patulis iacet se molle Tarentum.

Purgatur vesica Pectinum cibo inquit Plinius, nam urinam ciunt, & quae in vesica sunt modice detergant.

Lib. 3. cap. 9.

De altero Pectine.



CAPVT XV.



ONCHA quam hic exhibemus Pecten est alter (nam Pectines concharum generi attribuit Plinius) quem cum superiore eundem plane esse facile existimabit is, qui non diligentius circumsperit, sed reuera differt: nam latiores & ampliores aures habet, estque toto corpore longiore strictiorque quam superior. Praeterea hic testam vtranque Pectunculorum Burdegalsium modo concauam habet, supe-

rior alteram duntaxat cōcauam, alteram planam. Postremò hīc concharum quarundam rugosarum ritu rugas siue strias & exochas simplices habet, prior verò singulas ternis aut quaternis lineis à summo ad imum ductis ornatas. Hunc Pectinem Itali *Romiam* vocant, quod qui è Compostella redeunt (quos etiam *Romicus* lingua nostra vocamus) Pectines huiusmodi multos pileis affixos gestant. Carne & sapore à Pectunculis non differunt, sed figura: Pectunculi enim rotundiores sunt, & altera tantum parte auriti, hi Pectines magis oui figurâ & vtrinque auriti.

De Pectunculo.



CAPUT XVI.

IN Sinu Aquitanico frequenter capiuntur exigui Pectines, qui vulgò *Petoncles* vocantur. Capiuntur etiam in Normania, vocanturque *Hannons*. Romæ *Gongole*, quasi Conchulæ: sunt enim semper parui præsertim in Mediterraneo mari, in Aquitanico litore maiores. Alij *Coquilles de Saint Iaques* appellant, quemadmodum superiores. Pectunculi rectè dici posse mihi videntur, pectinibus enim figura similes sunt. Concham striatam habent, vtranque cauam aculeis aliquot paruis armatam, altera duntaxat parte auriti sunt, aliquando dextra, aliquando sinistra. Horum aliqui candidi sunt, alij rubescunt. Carne sunt tenera, molli, gustuque gratiore quàm superiores Pectines, ob salis cum dulci permissionem. His atque aliis Ostreis quidam maximè delectantur, iisque frequentius & copiosius vescuntur, vt Burdegalenses & Santones. Qua de causa euenire puto, cur multi apud eos calculo grauiter laborent: omnia enim Ostrea crassi & salis succi copiam gignunt, qui accedente vini tenuis & generosi liberali potu facile ad renes permeat, vnde calculi in renibus & vesica gignuntur. Quod si quis obiciat vt Pectinum, ita Pectunculorū cibo vesicam similiter & renes purgari ex Plinio, ac proinde cibo huic detergendi vim aliquam inesse: respondemus in corporibus impuris, atque pituita crassa & multa, ventriculo primisque venis infarcta

farcta detergentia ad calculum procreandum multum habere momenti, utpote quæ calculi efficiendi materiam ad renes deducant, multò magis quæ aperiendi vi prædita sunt, quibus qui alieno tempore vitur, renum & vesicæ morbum ac cruciatus valde auget. Hæc de pectinibus. Nunc conchas reliquas explicemus.

De Conchis.

CAPUT XVII.




ONCHÆ Nomen latissimè patere iam diximus, hoc verò Plinij autoritate maximè confirmatur, qui Pectines, Cochleas, Buccina cōcharum nomine comprehendit. Verba eius adscribere superuacaneum haud fuerit, utpote quorum iucunda & eleganti varietate & copia, naturæ fecunditatem, miramque ac multiplicem in procreandis omnibus solertiam ingeniosè imitatus est. Concharum genera, in quibus mira ludentis naturæ varietas, tot colorum differentiarum, tot figurarum, planis & concavis, longis, lunatis, in orbem circumactis, dimidio orbe cæsis, in dorsum elatis, læuibus, rugatis, denticulatis, striatis, vertice muricatis intorto, margine in mucronem emissis, foris effusis, intus replicatis, iam distinctione virgulata, crinita, crispa, cuniculatis, pectinatis, imbricatis undata, cancellatis reticulatis, in obliquum, in rectum expansa, prædensata, porrecta, sinuata, breui nodo ligatis, toto latere connexis, ad plausum apertis, ad buccinum incurvis. Quum planas & concavas dicit, pectines intelligit quibus solis hæc nota contigit, quum ad buccinum recurvas, Cochleas & Buccina comprehendit. Nunc speciatim de conchis loquamur, quibus testa durior est, quæque duabus testis constat, utrisque cauis. Hoc genus *διήυρον*, vocat Aristoteles, ὁ δὲ *διούριον ὁσπράχης ἀεὶ ἐκτε-χόμενον*, quod gemina testa continetur, Bivalue conuertit Gaza, sicut *μενέυρον* univalue: *ἑσπρά* enim valvæ sunt, eas Cicero Conchas Latine dixit. Pinna enim (sic græcè dicitur) duabus grandibus patula conchis, cum parva squilla quasi societatem coit cibi comparandi. Concharum multæ sunt differentiarum etiam præter eas quas ex Plinio protulimus: sunt enim aliæ albæ, aliæ nigre: quædam albo nigroque distinctæ, quarum differentias aliquot iam persequemur.

Lib. 9. cap. 33.

*Lib. 2. de naturis
va Deor.*

De Concha imbricata.



CAPUT XVIII.

Lib. 9. cap. 53.




Lib. 2.

ONCHA Hæc est distinctione testæ imbricatim vndata, ut loquitur Plinius, quamobrem Concham Imbricatam vocauimus: testa enim ad vndarum sese attollentium similitudinem distincta est, quæ distinctiones cum aliæ alijs insideant imbricum modo, alijs imponuntur ad arcendas à tectis pluuias. Easdem Conchæ huius distinctiones non ineptè squamis compares, sic enim squamæ piscium rotundæ dispositæ sunt. Concha hæc magna est, & lata ambitu inferiore, laciniato ac eo firmiter coherente. Testa dura est, intus leuis. Caro dura ac concoctu difficilis, alioqui superioribus similis. Frequens est concha in oriente, reperitur etiam in Oceanò. A Græcorum vulgo *aganon* vocari audio, & à Caloieris Arabiæ, id est, cænobitis qui illic sunt Tridacnam. Verùm Tridacna quorum meminit Plinius esse non possunt. Sic enim ille quum de ostreis loquitur. In Indico mari Alexandri rerum autores pedalia inueniri prodiderunt. Necnon inter nos nepotis cuiusdam nomenclator Tridacna appellauit: tantæ amplitudinis intelligi cupiens, ut ter mordenda essent. Ex his verbis nihil aliud rectè colligas, quàm Ostrea in India valde magna reperiri, vbi omnia grandiora esse quàm

Lib. 32. ca. 6.


quàm apud nos sæpe diximus, quæ magna Ostrea quidam Tridacna appellauit, quia non nisi tribus moribus deglutiri possunt.

De Conchis Striatis.




CAPUT XIX.

STRIATAS Conchas nunc exequimur, quarum primam exhibemus eam quæ communi nomine à nostris *Coquille* vocatur, ab Italis *Capa tonda* à rotunditate: duabus enim testis cõstat multum cauis, & in dorsum multum elatis, vt ad rotundam figuram multum accedant: intus læues sunt, foris striatæ Pectinum modo, in ambitu serratæ. Harum aliæ sunt albæ, aliæ nigricant, aliæ flauescunt, per ginglymum colligantur: vtriusque enim testæ apophyses sese inuicem subeunt coniunguntur. Caro dura est, difficilisque concoctu. Ius ex ea aluum soluit. Ex Concha hac & cæteris quæ sequuntur vstis, & in cinerem reductis dentifricia optima conficiuntur.




ALTERA Concha striata priori similis est, nisi quod illa aliquot lineas tantum à latere ad latus per striarum transversum ductas habet, hæc non lineas simplices, sed virgas latas sicuti fascias per transversum ductas habet. Est etiam rufa, vnde Concha striata, fasciata, & rufa dici potest.



TERTIA Concha striata ceteris longior est, oui figura, testis multum cauis, canaliculis parum profundis, aliquot lineis per transversum ductis.

De Concha Echinata.



CAPUT XX.




Lib. 9. c. 35.

ECHINATAM Concham ab asperitate vocamus, sicut aculeatam ab aculeis vocare possumus. In hac vniones reperiri testatur Plinius. Nam & Iuba tradit Arabicis Concham esse similem Pectini insecto, Hirsutam Echinorum modo, ipsum vnionem in carne ipsa esse grandini similem. Hac Concha superioribus & Pectini similis est, testis admodum concauis, striatis, in ambitu incisus. In striis siue exochis eminent aculei frequentes, incurui, certis interuallis à sese distiti, qui si vi aut alia ratione exciderint, vestigium sui relinquunt. Quod

Quod à me tem ère dictum non est: sunt enim qui putant Conchas omnes striatas aculeis illis armatas esse, sed crebro attritu & maris iactatione rumpi, quod falsum esse experientia docet. Nam in Echinaris fractorum aculeorù vestigia semper apparent, Conchas verò striatas tantùm etiam post magnas procellas in litore sapissimè videas, sine vllis aculeis, eorùmve notis. Vidimus etiam saepe Conchas striatas sine vllis aculeis retibus captas. Quare hanc à cæteris differre certum est asperitate & aculeis. Carne verò interna & substantia planè similis est.

De Concha longa.



CAPVT XXI.

HÆC Concha duabus magnis & longis constat testis. Chameglycymeridi similis est, sed testē multò spissiores sunt, magis rugatæ, colore vario, in ambitu rubescente, in medio albescente, intus candido cum læuitate. Ex hac calx conficitur. Dentifricia optima ex eiusdem cinere parantur.

De Concha altera longa.




CAPVT XXII.

CONCHAM Hanc Dactylum esse seu Vnguem falsum est. Neque audiendi sunt ij qui his quinque vocibus, Aulo, Dactylo, Solene, Donace & Concha longa Plinium seorsum ad hunc piscem significandum vti tradunt. Neque illud rectè ab aliis scriptum est, Digi-

Lib. 3. c. 9.

tos Conchas longas vocari. Nam Plinius diuersis locis de his locutus est, vt de diuersis rebus. Iocinoris doloribus, inquit, scorpio marinus, in vino necatus, vt deinde bibatur: Conchæ longæ carnes ex mulso potæ cum aqua pari modo, aut si febres sint ex aqua mulsa. Deinde multò post. Mares alij Donacas, alij Aulos vocant, fœminas Onychas. Vrinam mouent mares, Dulciores fœminæ sunt, & vnicolores. Quid verò de hoc Plinij loco sentiam postea exponam, atque alios esse Dactylos à Conchis longis demonstrabimus. Hanc quam hîc exhibemus Concham longam Plinij esse affirmamus, quòd nulla sit hac longior & strictior. Nostri *Cullier* vocant. Testa est alba, aspera, lineis multis & diuersis distincta. Qua parte replicatur, foramina multa habet ordine disposita. In nostro litore frequenter iacentes reperiuntur.

De Concha pictorum.



C A P V T XXIII.



Lib. 4. de his.
cap. 15.

NTER Conchas eam numerat Aristoteles qua pictores utebantur, non in diluendis aut asseruandis coloribus, ad quam rem pictores hodie Musculorum testis vruntur, sed cuius testæ radebantur, quòd cõficiendis coloribus vtiles essent, ne quis existimet ex interno corpore taniem aliquam veluti ex Purpuris & Buccinis infecturæ vel picturæ vtilem colligi. Verba sunt Aristotelis. ὃ ὁι χαρτεῖς ὀστρεῶν χρῶνται, πᾶχι δὲ πολὺ ὑπερβάλλει, καὶ ἐξωθεν τῷ ὀστρίῳ ἄλλοις ἐπιμένει. ἐστὶ δὲ τῶν τοιούτων μέγιστα πρὸς τὸν πῦρ τὰς περὶ Καρίαν. Concha quæ pictoribus vsui est, crassitudine plurimùm excedit, & florem illum non intra testam, sed foris habet. reperitur id genus maximè circa Cariam. Huiusmodi est Concha quam hîc proponimus, testis spissis, intus leuibus, foris inæqualibus & asperis, Cinnabaris aut Sandaracæ colore, figura spondylorum aut minorum Ostreorum. Hanc accepi à Gulielmo du Choul Allobrogum præfecto, viro variè admodum & antiquè eruditionis,

ditionis, cuius egregium specimen est editurus his libris quos prope-
diem publicabit. Is ad singularem doctrinam, summam erga litera-
tos omnes liberalitatem atque humanitatem adiecit, qua in me quo-
que vsus Conchas aliquot, atque turbinata depingenda dedit.


De Concha Corallina.



CAPUT XXIIII.

CONCHÆ Supradictæ similis est hæc quæ in mari
nostro reperitur colore scilicet, rubra enim est, coral-
lum planè imitata, vnde corallinam nuncupauimus,
figurâ dissimilis: externa enim testarum parte pecti-
nem refert, nisi quod hæc striata non est, sed lineis tan-
tùm aspera, & tuberculis rubris inæqualis, intus læuissîma, candidi
marmoris colore. Spondylorum modo colligantur testæ vinculo ni-
gro, tenues sunt sed satis duræ. Caro dura, odore viroso, sapore salso.
Rarò reperitur hæc Concha, & vix nisi post diutinos austri flatus, &
caniculæ exortum in litus eiiciantur.

De Concha rugata.



CAPUT XXV.

MAGNA Hæc Concha & lineis multis, & elatis per
trâsuerfum ductis valde rugata est, testis valde spîs-
sis, intus læuibus & splendoris argentei, qua parte
Concham margaritifera, matrem perlarum vulgò
dictam refert, per ginglymum articulâtur: testarum enim in summo
d

apophyses vicissim recipiunt & recipiuntur, quibus accessit vinculum robustum, dicas esse dentes pectinatim cocuntes. Testæ ob spissitudinem in laminas & frustra dissecantur, ex quibus sphaerulae præcū conficiuntur, & dentiscalpia quemadmodum ex matre perlarum, sed non adeo splendida. In hac Concha vniones reperiri non dubito.

De Conchula rugata.



CAPUT XXVI.

NON Ab imo ad summū lineas ductas habet hæc Cōchula, sed à latere ad latus multas veluti rugas sparsim & sine ordine, quarū quedā imperfectæ sunt, & in mediam testā desinunt. Testæ non sunt tumidæ & in dorsum elatæ, quæadmodū striatæ omnes, sed depressæ, colore vario, sunt enim ex albo cinereæ, & ad liuidū accedentes. Labra testarum crassa sunt, & tā arctè connexa, vt sine vi non aperiantur, faciliusq; rūpantur testæ, quàm patefiāt, quod à Chamarū natura prorsus alienū est, quarū testæ hiāt. Vnde eos errare constat qui hanc Cōchulā pro Chamepeloride exhibent. Hæc Concha arenæ modicum recipit per lateris rimā, aquā fugit ore quod illic situm est, rotundum & in ambitu sinuosum. Istas Conchas Veneti *biueronos* siue *piueronos* vocant. Mafsilienfes *Clonissas*. Ligures *Arfellas*.

De Conchula varia.



CAPUT XXVII.



AD Fauces Malgurianas capitur frequenter Concha parua testis spissis & depressis, quæ lineolis multis & admodum variis distinctæ sunt, ob id variam nominauimus.

nauius. Chamae asperae non valde dissimilis, sed minus aspera est. Carne est dura, lutum redolente, sapore salso, ob id ius ventrem multum ciet. A pauperibus solum emitur, vocantque vulgo nostri *pelorde*, quae vox etsi Peloridi affinis sit, tamen longe alia est Concha à Chame peloride, dictamque puto à nostris à luto & sordibus: foedas enim res & sordidas *lordes* appellant. Reperitur eadem frequens haud procul à Narbone, tota luto obsita, vocaturque illic *Pholado* quasi *φωλάδα* dicas à verbo *φωλέειν*, quod latere, vel in latibulis degere significat, quae appellatio aptè conuenit: nam Conchae istae in luto latentes degunt, sepius ad pedem vnum depressae. Has mulierculae venantur gladiis latioribus, aut aliis ferramentis in lutum altius immisis ut eleuent. Ob hanc Concharum naturam in eam sententiam inclinat animus, ut eas *φωλάδες* Athenæi esse putem quarum bis meminit. Αἱ δὲ *φωλάδες* πολυβοσώτεροι, βρωμάδες δὲ. *Pholades* multum nutriunt sed virosae sunt. Et: Αἱ δὲ *φωλάδες* ὄστρεοι, βρωμάδες δὲ καὶ χερσὶν. *Pholades* ori gratæ sunt, sed virus resipiunt, & mali sunt succi. Et Phauorinus, *φωλαῖδες* ὀστράκινά τινα βρωμάδην. Quod si cui hæc sententia non probetur, easque tantum *Pholadas* esse velit, quæ in saxorum cauernulis, non in luto lateant, de quibus postea dicemus, non valde repugno.

Lib. 3.

De Concha Rhomboide.



CAPUT XXVIII.

QUAM Hic representamus Veneti *mussolo* vocant. Græcorum vulgus *Calagnone*, apud nostros *ἀνώνυμος* est. Falso *βάλανον* quidam vocant: nam nihil similitudinis cum quernis glandibus habet, neque in saxorum rimis nascitur, quod temere nonnulli asserunt, neque testa laui contestata est, neque huius caro tenera est, neque palato grata, quod de Balanis scripsit Athenæus, sed dura, virus olens atque insuauis. Opinionem etiam eorum qui spondylum appellant, satis re-

Lib. 3.

fellit testarum connexus de quo in spōdylis dicemus. Huius nomen nullum equidem apud veteres reperi : quare Musculum striatum rectè dici posse puto , quod testa sit Musculorum marinorum testæ simili, sed spissiore & firmitiore. Præterea pars qua cohærent testæ recta est ferè veluti in Musculis, altera parte rotunda : recta ferè, inquam, dempto testarum capite, quod in angulum satis prominet, vt figuram rhomboidem satis aptè tota testa repræsentet, vnde Concham rhomboidem propriè appellari posse putem. Ab angulo capitis testarum ducuntur parua striæ, aliæ rectæ, aliæ obliquæ. Tota concha nigricat. Dura est admodum carne, si cum aliis Musculis comparetur. Rara est hæc Concha, quòd in alto mari degat.

De Balano.



CAPUT XXIX.




ARISTOTELES inter testacea Balanos numerat, à similitudine. Sed hæc vox βάλανος multarum arborum fructibus accommodatur, quemadmodum glans apud Latinos omnium glandiferarum arborum fructibus. Quamobrem Dioscorides addito epitheto Palmarum fructus φοινικβαλάνες vocauit, & Castaneas σαρκινὰς βαλάνες, vel διὸς βαλάνες, & βάλανον μυροβυλινὸν, glandem vnguentariam, quam Plinius myrobalanum vocauit. In officinis hodie semen behen dicitur. Sunt & myrobalani fructus alij Arabibus dicti, qui ex Ægypto & Syria ad nos deportantur, quorum etiam Dioscorides meminit, quum iis fructum palmæ comparat. φοίνιξ ἐν ἀγγύπῳ γίνεται, συζῶται ὁ μεσοπορέσις τῆς χτ' ἢ ὁ πῶραν ἀκμῆς, παρρημύρων τῇ ἀραβικῇ μυροβαλάνω. Palma in Ægypto nascitur. Ea medio maturitatis vigore, autumno decerpi solet. Ex his liquet βάλανον addito epitheto ambiguitatis vitandæ causa multis arboribus attribui. Sed Balanus marinus à similitudine glandis quernæ nominatus est authore Athenæo. Αἱ δὲ βάλανοι καλούμεναι ἀπὸ τῆς χτ' ὡς δρυῖνας ὁμοιότητις. Glādes dictæ à similitudine fructuū quercus. Sic etiā Gaza apud Arist. cōuertit. Ex quo Arist. nō potes colligere quid hodie Glandes appellare poss

possimus: earū enim breuiter meminit his verbis. *περὶ τῶν σήραγγας ὅ τῶν
περὶ δῶν τήθηα ἢ βάλανοι.* Rimis cauernisque saxorū vertibula generā-
tur & glandes. Athenæus Glandes alias aliis maiores facit. *Αἱ βάλανοι
ὅτι μείζονες δέκκεται ἢ δῖστομοι.* Glandes, si maiores fuerint, aluo facile
subducuntur, & placent palato. *βάλανοι διαφέρουσι παρὰ τὰς τῶν, αἱ
μὲν γὰρ ἀγνώστια γλυκεῖαι, ἀπαλαι, δῖστομοι, θρεπτικαὶ, πολύχυλοι, ἐρηπτικαὶ,
δολιχόιοι. αἱ δ' ἄλλαι ἀλυκώτεραι.* Glandes pro locorum varietate diffe-
runt. Ægyptiæ dulces sunt, teneræ, ori gratæ, copiosi nutrimenti, mul-
ti succi, vrinas cient, aluum soluunt. Aliæ magis falsæ sunt. Ea-
dem pro huiusmodi locorum differentia aliis etiam competunt.
Quemadmodum enim Ægyptiæ glandes ad Nili ostia captæ dul-
ciores sunt, copiosiorisque nutrimenti & succi, ita Ostrea in ostiis
Rhodani, Sequanæ, Garumnæ capta, dulciora sunt aliis quæ procul
ab aquis dulcibus capiuntur, ac proinde hæc quod magis falsæ sint,
magis aluum sollicitant, minùs nutriunt. Hæc de Glandium natura.
Nunc Glandes ipsas demonstramus. In Ligustico litore Musculorum
est genus quoddam in saxis latens, nonnulli Glandes veterum esse
putant, sed Pholades esse potius existimauerim, de quibus postea di-
cemus. Si quis tamen nimis præfractè defenderit Glandes esse, non
refragabor. Liberè dicam quod sentio. Duo mea quidem sententia
Glandium genera sunt: vnum quod in Gallia & Britannia nostra
πουβερπες appellant, Pollicipedes nominant quidam, quod pollicum
in pedibus similitudinem habeant, quod nomen eiusque interpreta-
tionem non probo. Id genus glandem esse colligimus, quod illi cum
glandibus magna sit similitudo. Nam vt glandis quercus, vel ilicis
pars prior leuis est, & in acutū tendit, posterior aspera, sic hæc quæ sa-
xo affixa exhibemus, posteriore parte qua saxi hæret, rugosa sunt &
aspera, glandiumque calyculis posteriorem earum partem arcè reti-
nentibus, simili. Plura ex vnica radice pendent è saxorum rimis. Ex te-
staceorum genere sunt: pars enim prior longa, rotunda ex duabus tes-
tis componitur, colore & leuitate vnguium, in medio rimula est, ex
qua capillamenta quedā veluti plumæ rubescētes prodeunt. Concha
vna veluti ex multis acutis vnguibus constat, tota in quinque digito-
rum longitudinem accrescit, crassitudine sunt pollicis in Hispania,
in Britania nostra sunt minores. Pars posterior quæ saxo alligatur, co-
rio duro asperoque, potius quàm testa cōstat, ex nigro flauescit. In Hi-
spaniæ parte ea quæ Oceano alluitur reperiuntur, in Normannia &
Britannia nostra frequentissimè adeo vt per vicinas vrbes pagosque
diuendant. Mulieres & delicatiores homines alia fastidientes ciba-
ria hoc edulij genere delectantur, & qui veneri dediti sunt. Elixan-
tur in aqua, ius quod intus est fugitur, tum priore parte contorta &
disrupta, caro extrahitur & ex aceto editur.

*Lib. 5. de hist.
anim. cap. 15.*

Lib. 3.



CAPUT XXX.



I Cui Glandes hæ non placeant, alias propono quæ glandibus fructibus similiores sunt. Nascuntur in faxis, & in rimis nauium, quæ diutius immotæ vno in loco manserint, adnascuntur etiam Mytulis. Vidi equidem Mytulos vetustos & mortuos totos istis Glandibus opertos & naues præ vetustate putres, quibus frequentissimæ adnatæ fuerant. Hæ Glandes striatæ sunt, foramen habent è quo veluti frondem emittunt, multæ simul nascuntur. Intus parum carnis continent, parux semper manent. Quamobrem has paruas Glandes, illas magnas appellare possumus. Nostri prorsus negligunt, ac ne degustant quidem.

De Conchis læuibus.

CAPUT XXXI.




Lib. 4. de hist.
anima. cap. 4.

ASPERAS Conchas, striatas, rugatas, executi sumus, sequuntur læues & non striatæ: has enim ita diuidit Aristoteles. Ἐστὶ δ' αὖτῶν τῶν ὀστράκων διαφορὰ πρὸς ἀλλήλας εἶς, τὰ μὲν γὰρ λεῖοτραχέα ἐστίν, ὡς πτερὶ σωλῆν καὶ μύδων, καὶ χόγχων ἑνία αἱ χαλκιδναὶ γαλαάδες. Τὰ δ' ὅτραχέα οἷον τὰ λιμνοσφρα καὶ πῖννα, καὶ γένη χόγχων ἑνία, ἢ κήρυκες. καὶ τῶν τῶν μὲν βαλδωτῶν ἐστὶν οἷον κτεῖς, καὶ χόγχων τὶ γένος, τὰ δ' ἀρράβδωτα, οἷον αἶτε πῖννα, καὶ χόγχων ἢ θύμος. Quem locum non satis expressit Gaza hoc modo. Ipsarum etiam testarum magna varietas: nam aliæ læues, vt Vngues, Mytuli, & Concharū quædā quas galadas appellāt. Aliæ scabræ vt Ostrea, Pinna, & Conchæ nonnullæ, & Buccina: quædā etiā peccinatim diuisæ, vt Peccunetuli & Concharū nonnullæ. Aristot. testas diuid

diuidit in læues & asperas. Rursus asperas, in virgatas & nō virgatas. Sunt igitur testæ quædam asperæ & non virgatæ, vt Pinnarum testæ. Sunt quædam asperæ & virgatæ, vt Pectinum testæ. Quare sic verendum fuerat. Testarum magna est varietas, aliæ enim læues sunt, vt Vngues, Mytuli, & Conchæ quædam quæ galades nominantur. Quædam asperæ vt Limnostrea & Pinnæ, & Conchæ nonnullæ. Et asperarum quidem aliæ sunt virgatæ vt Pecten, aliæ non virgatæ vt Pinna. Hactenus Aristoteles qui virgatas testas appellat non simplicibus lineis aut tuberculis, sed virgis elatis & striis asperas, de quibus ac de aliis aliter asperis iam diximus. Læuium inter se differētia est à magnitudine & paruitate, à crassitudine & tenuitate testæ, à colore. quædam enim totæ nigræ sunt, quædam albæ, quædam nigris lineis distinctæ, aliæ purpureas, transversas & rectas lineas habent, de quibus deinceps.


De Concha Galade & Concha nigra.



CAPUT XXXII.

CONCHÆ Γαλάδες Latinum nomen nullum inuenerunt, quare Gaza Latino nomine vsus est. Has inter læues numerat Aristoteles, vt superiori capite protulimus, fortasse à lacteo colore dictæ sunt γαλάδες: sunt enim candidissimæ, maximæ, & leuissimæ. Nonnullæ parum purpurascētes, quædam flauescētes reperiuntur, sed intus omnes candidissimæ sunt. Caro alba est, dura, concoctu difficilis, succum crassum gignit, ius ex his aluum mouet, si per se coquantur, vel sine multæ aquæ admistione. satis rarò capitur. His Conchas nigras opponimus, quas propria pictura non egere existimauius, quod superioribus planè similes sint, nisi quod intus & foris nigricant, caro quoque minus candida est. vtraque non admodum concaua est, & testæ vna cavitāte sua alterius apophysim recipiente firmè colligantur.

De Concha fasciata.




CAPUT XXXIII.



UPERIORIBVS Duabus similis est Concha quam hîc repræsentamus, nisi quod paulò latior est, quod læuibus videtur peculiare. Præterea quinque veluti fascias latas à latere ad latus ductas habet, iis similes quibus puellæ nostræ capillum redimire solent quas *vettes*, appellant, id est, vittas, vnde & hanc Concham *coquille vetade* nuncupant. Inde Latine fasciatam vocauimus, nō ineptè, vt arbitror. Testa est admodum læui, dura, marmorea. Hæc succo & substantia à superioribus non differt. Huic similem planè adiungimus, quam ob id peculiariter non depinximus. Differt tantum lineis purpurascentibus quas per transuersum ductas habet à summo ad imum, alias partim flauescentes, partim albas, intus tota violacea est. Testa est læuissima, si quæ sit alia, tenuis. Vna linea caua alterius testæ longam apophysim excipit, & sic arctè colligantur.

De Concha crassæ testæ & Conchulis variis.




CAPUT XXXIIII.



GALADE & Chama aspera hæc Cōcha figurâ nō differt, neque vitâ aut substantiâ, sed crassitudine tantum testarum. Hæ lineis aliquot à latere ductis distinctæ sunt, nihilominus tamen læues sunt. Ex his vltis & in cinerem reductis præstantissimum antispodium

dium fit, quod in spodij veri vicem commodè vsurpatur. Fiunt & ex his dentifricia, & exsiccantibus admodum medicamentis vtilissimè admiscuntur. fit & ex iisdem calx. Sunt & Conchulæ quædam asperæ, quædam læues nucis iuglandis magnitudine, quæ maiores nunquam fiunt, Græci *καρχαρία* vocant, de quibus Dioscorides loquitur, vt citauimus quum de Chamis ageremus. Ius earum, inquit, cum aqua modica elixarum aluum ciet.

De Concha matre vnionum.



CAPUT XXXV.

DISTVLIMVS In finem sermonis nostri de Conchis pulcherrimam Concham quæ margaritifera est, & lingua Indica *Βέρβει* dicta fuit. A Gallis *Nacre de perles* pro Matre perlarum (nos enim perlas vocamus quas Græci *Μαργαρίτες*, Latini vniones) quod frequentiores & meliores vniones in his quàm in aliis Conchis vel Ostreis inueniantur: nam in aliis etiam Conchis margaritæ proueniunt, de quibus suo loco tractabimus. Hæc Concha magna est, spissâ, modicè caua, figurâ Pæcinum æmula: vna enim parte aurem habet, & foramina parua quæ non permeant. Altera rotunda est, argentei coloris & splendoris maximè in interna parte, externa nonnihil flauescit. Tota læuis vnionum modo. Hanc pro Matre vnionum verissimè repræsentatam fuisse docet Athenæus his verbis. *Ἀνδροθένης δ' ἐν τῷ τῆς Ἰνδικῆς παράπλῳ γράφει ὅτως, τῶν ὁ γρόμβων καὶ χοιρίων, τῶν λοιπῶν καρχαρίων αἱ ποικίλαι εἰδιέαι, καὶ πολὺ διάφοροι τῶν παρ' ἡμῖν. γινώσκουσι δὲ πορφύρα τε καὶ ὀφρύνων πολὺ πλεονέχον τῶν λοιπῶν. ἐν δὲ ἰδίῳ ὁ καρχαρίων ἐκείνοι βέρβει, ἐξ ἧς ἡ μαργαρίτης λίθος γίνεται. αὐτὴ δ' ἐστὶν πολυτελής καὶ τιμὴ Ἀσίαν καὶ πωλεῖται περὶ Πέρσας τε, καὶ τοὺς ἄλλους τόπους πρὸς χερσόνησον. ἐστὶ δὲ καὶ μὲν τὰ ὀφρύνων ὅφιν παρὰ πλεονέχον τῷ κλεινῷ, καὶ διεγλυτταῖα δ', ἀλλὰ λεῖον δὲ ὀστρακὸν ἔχει, καὶ δασύ, καὶ ὁ ὠστὴρ ἔχει δύο, ὥστερ ὁ κλεινός, ἀλλὰ ἐν, ἢ δὲ λίθος γίνεται ἐν τῇ καρπῷ τῷ ὀφρύνων, ὥστερ ἐν τοῖς χρείοις ἢ χαλαζαῖς. καὶ ἐστὶν ἡ μὲν χρυσοειδὴς σφόδρα,*

ὥστε μὴ ῥαδίως διαγινώσκειν, ὅταν παραλεθῇ παρὰ τὸ χρυσεόν. ἢ τὸ ἀργυροειδὲς, ἢ τὸ τελέως λευκὸν, ὅμοια τοῖς ὀφθαλμοῖς τῶν ἰχθύων. Id est, Androsthene in Nauigatione Indiae scribit Turbinum & Chæriorum, & aliarum Concharum formam ibi longè aliam esse quàm apud nos. Illic & Purpuram nasci, & cæterorum Ostreorum magnum numerum. Sed inter alia peculiare id esse quod Berberi vocant, in quo margarita gemma nascitur, magni pretij in Asia, venditurque Persis & nationibus quæ ad Orientem spectant pari auro repenso. Ostreum aspectu Pectini simile est, Concha non striata sed plana, spissa, non utrinque aurata Pectinis modo, sed altera tantum parte. In eius carne gemma concrescit, ut in suilla grando, modò colore adeo similis auro, ut cum eo collata non facillè internoscatur, modò argentei coloris, modò omnino alba, & oculis piscium similis. Hæc sunt quæ certò confirmant nos veram Concham Indicam quæ βέρβερι dicta est, repræsentasse. Eadem ratione arbitror vnionem in Conchis concrescere qua grandinem in porcis, calculum in renibus, vel vesica. Quo anno hæc scriberemus mortuus est quidam, cui in altero rene erat lapillus tot particulis constans, quot in rene venularum erant ramuli, quarum particularum lapilli, extremum veluti caput marmoris rotundi & candidi frustulum referebat, vel margaritæ maiusculæ figuram & splendorem, id ex pituita vitrea concretum fuisse existimo. Quare nec mirum si in Ostreis & Conchis senescentibus vniones reperiantur. De quibus plura suo loco.

De Ostreis.

CAPUT XXXVI.



OSTREA Pro genere vniuerso testaceorum sumi, & vnde dicta sunt, initio huius libri docuimus. Nunc speciatim pro iis testaceis vsurpo quæ Galli *Huistres* vocant. Nos *Peires ostres*, Itali *Ostrege*. De quorum differentiis dicemus, à loco, à testarum varietate, à carnis substantia petitis. Sunt igitur quædam quæ in stagnis marinis nascuntur, quædam in ipso mari, illa *Λιμνοστρεα* vocat Aristoteles, apud quem aliquoties *Λινοστρεα*, perperam legas pro *Λιμνοστρεα*, quæ à loco nomen habent: *Λίμνη* enim stagnum significat, vnde *Λιμνοθάλατται* marina stagna à Galeno dicuntur. Gaza semper Ostrea vel Ostreas conuertit, non satis rectè meo quidem iudicio cum stagni Ostrea dicere debuisset. Hanc differentiam non omisit Athenæus quum dicit. Τὰ δὲ ὄστρεα γινώσκται μὲν ἐν ποταμοῖς καὶ ἐν λίμναις, καὶ ἐν θαλάσῃ. Procreantur Ostrea in fluuiis & stagnis & in mari. Aristoteles. Τὰ δὲ λιμνοστρεα χαλκόμενα, ὅπως αἱ βορβορος ἢ ἐν ταῦτα ζυγίζονται παρὰ τὸν ἀλλῶν ἢ ἀρχῇ. *Limnostrea* quæ

vocan

Lib. 5.

*Lib. 5. de his.
cap. 15.*

vocantur, ibi primùm sui originem capiunt, vbi cœnum est. Plura sunt loca in quibus Limnostreorum meminit Aristoteles, quæ in sequentibus commodiùs exponentur.

De Ostreis quæ in stagnis marinis, & in aquis ex marina & dulci commistis procreantur.



CAPVT XXXVII.

LIMNOSTREA Ex duabus testis componuntur modicè concavis, & parum in dorsum elatis, foris inæqualibus & asperis, & in tenues laminas faciliè sectilibus, intus læuibus, candidis. Testæ parvæ sunt, caro mollis, suavis, concoctu facilis, maior in his quàm in aliis Ostreis, quorum testæ multò ampliores sunt. Cruda eduntur à plurimis sine vlllo ventriculi præter naturam affectu. Sic veteres cruda Ostrea esitasse certum est ex Galeno & Athenæo. In Pontificali cœna scribit Macrobius appositos fuisse Echinos initio, Ostreas crudas. Sic nostri non solùm Echinis & Limnostreis, sed & Ostreis marinis & Lepadibus crudis vescuntur. Conchis striatis, Pectinibus non nisi coctis ob carnis duritiem, alij piperis pauxillum adiiciunt. Huiusmodi Ostreæ sunt in ostiis Rhodani antiquis, vbi nunc sunt lacus, ob immutatum Rhodani alueum. Huiusmodi venduntur Lutetiæ ex Sequanæ ostiis, & Burdigalæ. Cur dulciores, suauiores, succulentioresque sint, in causa est dulcis aquæ admistio. gaudent enim dulcibus aquis, inquit Plinius, & vbi plurimùm influunt amnes, ideo pelagiæ parvæ sunt & rariores. Illud verò paulò diligentius excutiendum est, maioraue sint pelagicis Ostrea quæ in stagnis marinis, aquisve ex dulci permistis proueniunt. Athenæus. Τα μὲν ὀστρεὰ γεννᾶται μὲν καὶ ἐν ποταμοῖς, καὶ ἐν λίμναις, καὶ ἐν θαλάσῃ. κρέσσοντα δὲ τὰ θαλάσσια, ὅταν λίμνη ἢ ποταμὸς παραχέσθῃ. γίνεται γὰρ ὀχύλα καὶ μείζονα, καὶ γλυκύτερα. καὶ ὁ πρὸς ἡμῶν καὶ

*Lib. 3. Salm-
narium.*

Lib. 32. c. 6.

Lib. 3.

πρῶται, ἰλύος καὶ ὑδατος ἀμυγῇ, μικρὰ, ὀλιγα, δηλαδὴ. Τὰ δ' ἐπειρὰ ὀστρεῶν, καὶ
 τὰ κατὰ πλὴν τῆς θέρας ἀρχὴν κρείσσονα, πλήρη θαλασσιζόντα, μετὰ γλυκύτη-
 τος ὁσπόμενα, δύνειν τε, τὰ δ' ἀνιέμενα, μετὰ ἡ λυγρὰ, ἢ ἰχθυοῦν, ἢ
 κατ' αὐτὰ, ῥόφιν τε καὶ δολιχά. Id est, Ostrea nascuntur in fluuiis, lacu-
 bus & mari. Marina optima quando lacus aut fluuius ex proximo in-
 fluit, tunc enim fiunt boni succi, maiora, dulciora. Quæ verò in litori-
 bus & faxis limi & aquæ dulcis expertibus gignuntur, parua sunt, du-
 ra, acria. Verna & quæ capiuntur æstatis principio meliora sunt, ma-
 ris humore plena, cū dulcedine ventriculo vtilia, aluo facili deiciun-
 tur. Quæ cum malua aut lapatho, aut piscibus, aut per se sola elixan-
 tur, abundè nutriunt, & aluum soluunt. Loci igitur commoditas, & a-
 limenti copia hæc Ostrea grandiora & meliora efficit. His contraria,

Lib. 3. cap. 6.

pelagia Ostrea parua & rara. Plinius hanc causam reddit. Grande-
 scunt quidem syderis ratione maximè, vt in natura aquatiliū dixi-
 mus. Sed priuatim circa initia æstatis multo lacte prægnantia, atque
 vbi sol penetrat in vada. Hæc videtur causa quare minora in aliis locis

Lib. 2. cap. 100.

reperiantur: opacitas enim prohibet incrementum, & tristitia minùs
 appetunt cibos. Solis quidem syderis masculi, vt alibi ait Plinius, miri-
 ficam vim in ortu & procreatione rerum nemo est qui ignorat, vt quæ
 eius radiis illustrata non fuerunt longè infelicius proueniant. Sed
 Ostreas tristitiâ minùs appetere cibos more suo metaphoricè dixit Pli-
 nius: neque enim tristitia in Ostreas cadit, neque sensus ullus his inest
 præter tactum & gustatum aliquem. Illud addam cuius initio capitis
 memini, Ostrea marina testa quidem longe maiora esse iis quæ in dul-

*Lib. 3. de gene-
 ra. anim. c. 11.*

cibus aquis reperiuntur, carne verò interna minora: quia mare, vt re-
 ctè scripsit Aristoteles, humidum est, calidius, crassius, multoque ma-
 gis corporatum quàm aqua dulcis, ideo ad gignendum habilis. Cur
 ergo non etiam maiorem carnem in Ostreis efficit? quia humor dulcis
 frigidior quidem est, sed πολὺς ἐστὶ καὶ ῥόφινος, potui aptus & nutriens.
 Quamobrem Ostrea in stagnis marinis & iuxta amnium ostia ali-

Lib. 9. cap. 51.

streis humor quidam candidus. Lac appellat Plinius loco paulò antè
 citat. Et alibi. Nuper compertum in Ostreariis humorem Ostreis
 foeticum lactis modo effluere. In eo inest vis illa ex qua partim ge-

*Lib. 3. de gene-
 ra. anim. cap. 11.*

nerantur. Aristoteles. Ostrodermorum natura consistit partim
 sponte, partim emissà à se aliqua facultate, quanquam ea sæpe sponte
 oriantur. Petrus Gyllius vir eruditus & fide dignus affirmat se de vi-
 ris non paucis spectatæ fidei accepisse Byzantinos Ostrea serere, &
 eorum quasi lac seminare: id ipsum enim in aquam abiectum ad saxa
 ima adhærescere, & Ostrea fieri. Sic ex decocto fungorum in terram
 projecto fungi enascuntur.

De Ostre

De Ostreis.



CAPUT XXXVIII.



STREA Quæ neque in stagnis, neque in flu-
 uiorum ostiis, sed procul ab aquis dulcibus inue-
 niuntur marina siue pelagia nominantur. Sunt per-
 sæpe magna, adeo ut in India pedalia sint. Quæ ex
 Oceano Lutetiam deferuntur sæpe multò maiora
 sunt iis quæ in nostro Mediterraneo capiuntur. Aliquando mul-
 ta simul connexa & supra sese posita. Inter hæc repunt Scolo-
 pendræ, & vermes in Canaliculis inclusi viuunt. Testæforis for-
 didæ & luto obductæ ex crustis multis siue laminis constantes,
 intus læues & albæ. Caro mollis, circa eam fibræ multæ veluti
 fimbriam constituentes, eam aliquando ambiente purpureo crine,
 quæ præstantiæ nota est, autore Plinio. Addunt, inquit, peritiores
 notam, ambiente purpureo crine fibras, eoque argumento generosa
 interpretantur, calliblephara appellantes. Nostri pallidâ sunt testâ,
 alibi colore differunt. Variant coloribus ait Plinius, rufa in Hispa-
 nia, fusca in Illyrico, nigra & carne & testa Circæis. Talia nonnun-
 quam venduntur Burdigalæ *Medokina* & loco vicino *Medoc* ap-
 pellato allata. His caput nigrum est, caro minùs candida. Palma
 mensarum diu illis tributa est, ut scribit Plinius, sunt & apud nos in
 pretio. Et quemadmodum diuersorum in procreandis Ostreis olim
 diuersæ erant laudes quas persequitur Plinius, Cyzicena maiora Lu-
 crinis, dulciora Britannicis & cætera, ita nostro æuo cupediarum a-
 matores Ostreorum censuram faciunt: sunt enim, ut verbis Hora-
 tij vtar,

lib. 3. cap. 6.

Ibidem.

Ibidem.

Ibidem.

Ostrea qui callent primo deprendere morsu,

Et acria, à dulcibus statim discernunt. Britannica omnibus præferunt. Santonica magis falsa & acria iudicantur. Britannicis Burdegallensia succedunt, inter quæ *Medokina* nigra, suauitate præcellunt, quemadmodum Circeæ quæ nigra sunt, ab Horatio commendantur.

Saty. 4.

Lubrica nascentes implent conchylia luna.

Sed non omne mare est generosa fertile testa:

Murice Baiano melior Lucrina Peloris,

Ostrea Circeis, Miseno oriuntur Echini,

Pectinibus patulus iacet se molle tarentum.

Lib. 3. c. 6.

Nec locis suis contenta sunt, gaudent enim peregrinatione, transferrique in ignotas aquas. Sic Brundusina in Aruernum, ait Plinius. Compasta & suum retinere succum, & à Lucrino adoptare creduntur, ubi Compasta vocat, quæ ex Brundusio allata propter famem longæ aduectionis compascebant in Lucrino. Sic Ostreorum viuaria olim facta sunt, quæ primus omnium Sergius Orata inuenit in Baiano, ætate L. Crassi oratoris ante Marficum bellum, nec gulæ causa sed auaritiæ. Athenæus de Ostreorum substantia ex Mnesitheo. Μνησθεος ὁ ἀθηναῖος ἐν τῷ περὶ ἐδεσῶν φησὶν, ὅσπρεα, καὶ χόγχα, καὶ μύες, καὶ τὰ ὄμνια, καὶ μὲν σαρκὶ δύσχατὲρ γαστρίᾳ ἐστὶ διὰ τὴν ὑγρότητα καὶ ἐν αὐτοῖς ἀλκυλὴν, ὥστερ ὅμω μὲν ἐσθιόμενα, καὶ γιγλίας ἐστὶν ὑπακλυσθὶ διὰ τὴν ἀλκυστικότητα. Τὰ δὲ ἐμύδια, ἀφίπνῃ ἢ τοῖς πᾶσι, ἢ τὴν πλείω ἀλκυλὴν εἰς τὴν σωτέρεσθαι αὐτὴν ὑγρότητα. Διόπερ αἱ μὲν ὑγρότητες ἐν αἷσι ἂν ἐληθῇ καὶ τῶν ὀσπρέων, ταρακταῖ, καὶ ὑπακλυσθὶ καὶ γιγλίας εἰσὶν, αἱ δὲ σαρκεῖς τῶν ἐμύδιων ὀσπρέων ψάρις ποιεῖται ἐστὲρ ἐμύδια τῶν ὑγρῶν. Τὰ δὲ ὀσπρία τῶν ὀσπρέων, ἐστὶ τις αὐτῶν καλῶς ὀπλήση, ἀλυποτάτην ἔχει διάθεσιν (πεπύρω) γὰρ, ὥστε ὅμω τοῖς ὅμοις ἐστὶ δύσπεστον, καὶ τὰς ὑγρότητας ἐν αὐτοῖς ἔχει κατεξηραμμένας, διὸ ὅταν ἐκλυτοὶ ἢ γιγλία γίνῃ. Ὡς οὖν τε διδωσὶν ὑγρὰν τε, καὶ δύσπεστον ἅπαν ὀσπρέων, καὶ πρὸς τὰς ἐρήσεις ἐστὶν ἐκ δόδου. Id est, Mnesitheus Atheniensis libro de cibis ait, Ostrearum, Concharum, Musculorum, ac similibus carnem vix concoqui, ob falsum humorem qui in ipsis inest. Quamobrem quum cruda eduntur, ob falsuginem aluum subducere, quum verò elixantur falsuginem suam vel omnino vel magna ex parte in humore quo incoquantur deponere. Itaque Ostreorum decoctum perturbat, & citat aluum. Elixæ verò eorum caro humore suo destituta, murmura excitat, assa autem, modo rectè id fiat innoxia omnino est. Etenim igne victa non perinde ac cruda concoctu difficilis est, exsiccato humore qui in ipsa inerat, quique liberam aluum reddebat. Alimentum humidum concoctu contumax Ostreum omne præstat, & vrinam non ciens. Cateris omnibus præferenda Galeni sententia, qui scribit, omnium Ostreodermorum commune esse succum falsum in se habere, quo venter subducatur, sed ratione maioris & minoris differre. Ostrea enim mol

Lib. 3. de facultate alim.

mollissimam omnium carnem habent, Chamæ autem parvæ, Spondyli, Solenes, Purpuræ, Buccina, atque alia huiusmodi duram. Iure igitur Ostrea, ventrem quidem magis promouent, minùs autem alimētum corpori suppeditant, duriora verò concoctioni magis resistunt, sed magis nutriunt, & hæc quidem coquuntur, Ostrea verò non cocta eduntur. Quemadmodū autē illa concoctu, ita etiam corruptu difficilia sunt, usq; apponuntur bis in aqua pura incocta, quibus cibi in ventriculo corrumpuntur. Ex nostris plerique Ostrea additis pipere, oleo vel butyro suauiora reddunt, nonnulli in sartagine frigunt, sed duriora tum fiunt. Non solū in cibis sed etiam in medicina magna sunt Ostreorum dotes. Peculiariter contra Leporis marini venena Ostrea aduersantur, si Plinio credimus. Stomachum mirè reficiunt, fastidiis medentur. Addiditque luxuria frigus obrutis niue summa montium & maris ima miscens. Testæ Ostreorum cinis vuam sedat, & tonsillas admisto melle. Eodem modo parotidas, panos, mammarūque duritias, caputū vlcera ex aqua, cutēque mulierum extendit. Inspergitur & ambustis, & dentifricio placet. Pruribus quoque, & eruptionibus pituitæ ex aceto medetur. Crudæ si tundantur strumas sanant, & perniones pedum. Quæ Galenus de Ostreorum facultatibus scripsit pete ex LIB. I. de facul. simpl. med. Ego experiētiā comperi ex cinere siue ex calce testarum Ostreorum factā aquam lixiuam ad minuēdos tumores *ὀστρεοτῶδες* pedum & genuum plurimū conferre: exsiccat enim, multū digerit: & calefacit si post vitionem cinis non lauetur, lotus minùs calefacit. Illud potest addendū cur luna crescēte Ostrea atque adeo ostracoderma omnia & crustacea augeſcant, succulētiora quæ sint, cōtrā decreſcente minuātur, quod tradit Plinius. Iam quidē lunari potestate Ostrearum, Conchyliorūque, & Concharum omnium corpora augeri & rursus minui. Hæc Plinius. In causa sunt propriæ lunæ effectiones, quæ sunt rigare, & modico calore humectare corpora. Luna igitur humores alit & regit, quemadmodū Sol suo calore fecundat omnia, quoniam omnium vita oritur à calidi & humidi commistione, & fouetur vtriusque temperamento. Sol masculinum sydus, matrīque vicem gerit, Luna fœminæ, fœmineum enim sydus est, & molle atque nocturnum, soluit humorem & trahit, non aufert, vt ait Plinius. Sed Lunæ corpus crassius quia elementis vicinius, non suo lumine, non suis radiis, sed Solis luce ac radiis perfusum & accensum vires suas in inferiorem hunc orbem immittit. Quare cū variè Solis radios excipiat, variè quoque temperatas esse eius vires & effectiones esse necesse est. Itaque ea abundē à Sole illustrata, corpora quoque humentiora sunt, & contrā. Neque id solū in Ostreorum, vel crustatorum, aut aliorum animalium corporibus, sed etiam in nostris efficitur. Vnde


Lib. 3. cap. 6.

Lib. 2. cap. 41.

Lib. 2. cap. 101.

prudentes Chirurghi trypano caput vix aperiunt, plena Luna, quia tum cerebrum diffundi magis, & totam cranii capacitatem impleri compertum est. Idem in medulla ossium cernitur. Morbis pituitosis obnoxij huius syderis vim sentiunt, ac vnà cum eo pituitam augeri experiuntur. Sani verò & non animaduertentes has atque alias leuiiores immutationes non percipiūt. Athenæus Chamarum genus quoddam Ostreum vocari scripsit. Sed de eo diximus, quum de chamis tractaremus.

De Ostreis syluestribus.




CAPUT XXXIX.



OSTREA Reperiuntur in nostro mari quæ à vulgo *Scandebec* vocantur, propterea quod sapore sunt acri, ob id delicatarum labra nimium calefaciunt & vlcerant: nam *Scandebec*, idem quod rostrum vrens. Testa constant pellucida partibus quibusdam flauescente, aliis purpurascete, foris crinita & crispa, intus splendida, læuissima candidissima. Caro parua, salsa, subamara atque insuavis. Quare etiam à plebe negligitur. Hanc Ostreorum speciem esse puto similem iis quæ tradit Plinius, gigni in petrosis, carentibusque aquarum dulcium aduentu, sicut circa Grynum & Myrinam, vel potius Ostrea esse ἀγρία quæ vocat Athenæus. Γινέται δὲ ὡς καὶ ἀγρία λεγόμενα ὀστrea. πολὺ ποσὸν δὲ ἐστὶ, καὶ βρωμώδην, προσέτι δὲ ὀπτελὴ καὶ ὀρεκτὴ. Sunt quædam Ostrea quæ syluestria nominant, multi alimenti, sed virus olentia, & ori ingrata. Testa syluestrium Ostreorum in fucis mulierum, lapidis specularis vice vsurpari potest, & exsiccantibus pulueribus vtiliter admisceri.

De

De Spondylis.



CAPUT. XL.

LN Ostracodermorum generibus recensentur à Galeno, Plinio & aliis, Spōdyli, ab Athenæo *σάχηλοι* nuncupati, à Græcis hodie *Gaiderope*, ob magnam similitudinem quam cum asini ungula habent, *gaidaron* enim hodie asinum vocant. Galeni interpretes *σπονδυλός* vertebrae conuertit, sed vtendum nomine Græco cenſeo Plinij exemplo qui aliquot locis Spodylium vocauit, & Macrobij quum Spondylos inter cœnæ Pontificalis prima fercula numerat. Item Columella cum reliquis testaceis Spondylos recenset. Spondylus duplici testa constat intus caua & læui, foris ſcabra, ad ungulæ asini formam rotundata, latiore parte, quæ & inferior dici poteſt, tenuior eſt, & multò minus denſa, minus concaua, ſuperior pars qua teſtæ colligantur, ſtrictior, foris elata, intus magis caua, arcta valde & firma articulatione connexa: vtriuſque enim teſtæ binæ apophyſes ſunt, ſiue tubercula quæ binis acetabulis viciffim recipiunt & recipiuntur, vinculo medio, nigro & valido cohærent. Caro interna Oſtreorum carni ſimilis eſt, circa hanc frimbriata eſt membrana. Branchias Spondylis falſò nonnulli tribuunt. Omnia enim oſtracoderma ſanguinis expertia, & exiguo calore prædita toto corpore per ſenſum fugientes cutis meatus *διαπνοή* reſpirant, quemadmodum inſecta autore Ariſtotele. Intus caro eſt ſatis multa ſed durior, virus olens, inſuauiſ & ingrata. Galenus inter oſtracoderma quæ duram habent carnem recenset. Spondyli ſaxis adnaſcuntur, & ita hærent, vt non niſi malleo, aut fracta ſaxi parte capiantur. In mari noſtro pauci reperiuntur. Ego in ſaxis freſconiis Agathenſis ſinus reperi ſed ij parui ſunt, ita hærent, vt in

Lib. 3.

Lib. 3. de ſacult. aliment.

litus reiciētur. Testa crassiorum est partium quàm testa Ostreorum, difficilius vritur, magisq; ad lapidis naturam accedit. In Spondylis Cancrī parui reperiuntur, quemadmodum in Ostreis, & Mytulis marinis. Horum nullam, quod sciam mentionem fecit Aristoteles, Athenæus *ῥάχηλον*, ἀπὸ τῆς *ῥαχύτης*, id est, ab asperitate, mea quidem sententia appellauit. Spōdylos verò à nobis exhiberi ostendit firmior in his & magis exquisita testarum articulatio, quàm in vllō alio ostracodermorum genere, à qua Spondyli nomen sortiti sunt, quòd vertebrarū spinæ modo firmissimè articulati sint, quæ vertebræ *σπονδυλοὶ* à Græcis dicuntur.


De Solene.

CATUT XLI.

LINTER Conchas lōgas, alię sunt scabrę & asperę, de quibus iam dictū est: alię laues & tenues, quales sunt *ὠλίῳ*es qui aliter à Græcis vocātur *αὐλοὶ*, *δὼνακες*, *ὄνυχες*, atque etiam Plinio autore *δάκτυλοι* Eius verba sunt. Solen, siue aulos, siue donax, siue onyx, siue dactylus. Dicitur *ὠλίῳ* à canalis siue tubi similitudine, *αὐλὸς* tubę modo excauatus. *δὼναξ* à figura harundinis crassę, concauę, apud amnes nascentis, quæ *δὼναξ* & Cypria harundo nominatur teste Diosc. *ὄνυξ* verò id est, vnguis ab extremis, tenuitate & figura vnguibus simili vel à testæ colore & substantia vnguibus nostris non dissimili. Pro ię longē diuersa sumitur *ὄνυξ* apud Diosc. **L I B. I I.** de quo suo loco dicemus. Dactyli verò cur dicātur tradit Plin. Concharū ē genere sunt. Dactyli ab humanorū vnguuium similitudine appellati Ab Italis *cape longe* vocantur, à Gallis *conteaux*, quod capulis cultrorū similes sint, ab Anglis *pirot*. Horū duę sunt formę sic distinctę, vt alii mares alij fœminę nominentur à Plinio & Athenęo, non quod ad procreationē semē fœtificum hic emittat, ille recipiat. Nam Conchę, Chamę, Solenes, Pectines locis arenosis spōte proueniunt. Plinius ex his mares alij Donacas, alij Aulos vocant, fœminas Onychas. Vrinam mares mouent. Dulciores fœminę sunt, & vnicolores. Quo in loco nonnihil desyderari facili perspiciet qui præcedentia cōnectere voluerit, quę sunt. Purgatur vesica & Pectinū cibo. Quibus nulla Solenū mentione facta, subiunxit. Ex his mares & cętera. Quare cōiicio legendū esse. Purgatur vesica & Pectinum cibo & Solenū, ex his mares & cętera. Sequitur enim Solenes mares vrinā mouere. Et Athenęus eosdē calculosis, & difficilē meicētib; vtilēs esse tradit, aliq; eadem quę Plin. vt ex eodem autore vterq; sua transcripsisse videatur. Οἱ δὲ *ὠλίῳ*ες μὲν πρὸς Ἰων ἡαλίσμυνοι. πρὸς Ἰων δὲ αὐλοὶ ἢ δὼνακες, ἢ ὄνυχες πολύχυλοι ἢ χαλρόχυλοι, χαλμάδες, ἢ δὲ μὲν ἀρ-
ρεν-

ρένες αὐτῶν ραβδωτοὶ εἰσι, καὶ ἑρμωχρώματοι, εἰσὶ δὲ τοῖς λιθαρί, καὶ ἄλλοις δυσφο-
 ρεῖν δέχεται. οἱ δὲ θήλεις, μονοχρώματοί τε εἰσὶ καὶ γλυκύτεροι. λαμβάνουσιν δὲ ἐφθοί,
 καὶ τηλαμιοί. Κρείττους δ' εἰσὶν οἱ μέγροι τῷ χρεῖν ἐπὶ ἀνθρώπων ὁπλίωμοι. Σω-
 λωισαὶ δ' ἐχθροὶ τοῖς σιωάροντες αἶ. ὅσπερ αὐτὰ, ὡς ἱστορεῖ φακίας ὁ Εὐρέσιος
 ἐν τῷ ἐπιγραφισμῷ, πυρρῶν ἀνείρεσις ἐν ἡμιελίας, γράφων ἕτως. Φιλόξενος δ'
 χαλκίμυτος σωλωιστής, ἐν δημογῶν τύρμνος ἀν' ἐφθόνη: ζῶν δ' ἐκ μὲν ἀρχῆς
 ἀλιεύμυτος, καὶ σωλωιστής ὡν, ἀφορμῆς δὲ λαβόμυτος, καὶ ἐκπορεύσάμυτος βίον
 ἐκτίθειτο. Id est, Solenes à quibusdam vocati, à nonnullis δόνυκες, & αὐ-
 λοι, & δόνυκες succi multum suppeditat, sed mali & glutinosi. Mares qui-
 dem virgati sunt, & caerulei coloris, calculosis & aegrè meiētibus per-
 utiles sunt. Ecce minae unicolores sunt, & dulciores. Sumuntur frixi &
 elixi. Meliores sunt in prunis tosti quoad hient. Qui hos piscantur so-
 lenistae dicti fuerūt, ut narrat Phanias Eresius in libro cuius titulus est.
 Tyrannorum in quos vindicatum est caedes, his verbis. Philoxenus So-
 lenistes ex Tribuno pleb. factus est tyrannus, initio piscatione victi-
 tans, & Solenas venari solitus, occasione verò data mercaturam exer-
 cens facultates sibi parauit.

De Solene mare.



CAPUT XLII.

SOLENEM Marem hodie nulla natio à fœmina di-
 stinguat. Athenæus utrunque iisdem nominibus appel-
 lat, Plinius inter nomina discrimen facit: nam mares
 Solenes, Aulos, Donacas vocat, fœminas Onychas,
 quâ differentiâ non negligimus. Est igitur Solen mas
 ex Concharum longarum genere: duplici constans testa, læui, tenui,
 alterâ tantum parte colligata nigro vinculo, etiam si aliter scribat Ari-
 stot. Cum enim διθύρων alia sint altera parte ligata, altera soluta, ut clau-
 di & aperiri possint, alia utroque latere connexa, in his postremis Sole-
 nas numerat, cum cōtrâ semper altera parte solutos videas, neque in ea
 aut vinculi aut articulationis ullius vestigiū. Dodrantali sunt longi-
 tudine, pollicis crassitudine, harūdinis modo caui, extremis duobus sem-
 per apertis: anteriore caput exerit & retrahit testudinis ritu. Secundum
 testæ longitudinem carnem protensam habet. Testa caeruleo est colore,
 lineas euidētes habet per transversum ductas, qua parte colligatur cras-
 sior est, aliis partibus in tenuē substantiam definit sicuti Myculi. Aqua

Lib. 4. de hist.
cap. 4.

& arena vivit. Ad strepitum se subtrahere, inferiusq; subsidere cernitur, vt ait Arist. Mira quæ de Daëtylis siue Solenibus scribit Plinius. Concharum è genere sunt Daëtyli, ab humanorum vnguium similitudine appellati. His natura in tenebris remoto lumine, alio fulgore, clarere & quantò magis humorè habeant. Lucere in ore mandentiũ, Lucere in manibus atq; in solo, atq; veste decidëtibus guttis, vt procul dubio pateat succi illam naturã esse, quam miremur etiã in corpore. Hactenus Plinius. Huius splendoris causam esse puto glutinosum Solenis succum: quæ enim tenacia, & veluti glutino compacta, ea læuia, æqualia atq; perpolita esse solent, atq; ob id relucetia, veluti pix, asphaltum, albumẽ oui. Solenes cum sale & aceto edendi, vt minùs noxi sint, vel cum sale, aceto & oleo, quod tamen quidã improbãt, quòd oleum lentorem habet, cùm contrã ad glutinosi Solenum succi attenuationem acetum & sal, multò magis cõferant. In prunis tosti deteriores sunt, quia magis exucci, duriores & sicciores. Mirum quod tradiderunt Athenus & Plinius Solenes vtiles esse in cibo calculosis, & vrinas monere, cùm Athenus ipse scripserit, multi succi esse sed mali, & glutinosi, atque id experientia confirmet, succus verò is calculo efficiendo, & vrinẽ retinẽdẽ potius quàm promouẽdẽ aptior sit, nisi de iure id accipiendum sit, quòd ob falsuginẽ & accrimoniã hac vi præditũ sit. Ego testarũ cineribus ad idem malũ vti mallẽ, insigniter enim attenuant, incidunt & exsiccãt, quod si timeatur in exsiccando morsus aliquis, prius sunt lauandi. Solenem marem verè à nobis representatum fuisse clarè ostendunt Athenæi verba iam citata. Eadem illos apertè refellunt qui Conchẽ alterius longæ speciem pro Solene mare depinxerunt. Ea enim tota candida est, at ex Athenæo Solen mas cærulei est coloris.

De Solene fœmina.



CAPUT XLIII.



ONYCHAS Appellat Plinius Solenes fœminas, quæ colore, sapore, magnitudine à maribus differunt, in aliis omnibus similes. Testa lineis cæruleis distincta non est, ob id Plinio vnicolores dicuntur. Caro dulcior est, maribus minores esse solent. Solenes vtrique in

in arena defixi viuunt, ferreo instrumento ex ea eximuntur.

De Musculis.

C A T U T XLIIII.



ON Facile est dicere qui sint Musculi à quibusdam Latinis dicti, qui *μύες* à Græcis masculino & fœminino genere. Item qui sint *μύακες* Dioscoridi, Mytuli & myes Plinio. Cum ostracodermis Musculos Plautus recenset. Habemus Echinus. Lopadas, Ostreas, Balanos captamus, Conchas marinam vrticam, Musculos, Plagofas, striatas. Sic & Celsus L I B. I. I. Ostrea, Pelorides, Echini, Musculi, & omnes ferè Conchulæ aluum mouent. Gaza Aristotelis *μυστέκτον*, musculum interpretatus est Plinium secutus, vt docuimus priore parte operis nostri, *μύας* verò semper Mytilos. Athenæus *μύτλον* à Romanis appellatam fuisse Tellinam scribit, quam Græci quidam *αντέλλω* nominabant. Hermolaus Barbarus mytylum & mytlum idem esse putat. Athenæus *μύας* in diuerso genere diuersa significare demonstrat his verbis. Οἱ δὲ μύες μέσως εἰσὶ βόφιοι, διαχωρῶντες, ἐρηλῶν, κρῆντοι δὲ οἱ ἐφέριοι, καὶ τέτων οἱ φθινοπωρινοί, αἱ δὲ μύες καὶ τῶν μυῶν ἔστι μακρότεροι, γλυκεῖαι τὲ καὶ ὀχυροὶ εἶσι, πρὸς τὴν καὶ βόφιοι. Myes mares mediocriter nutriunt, aluum cient & vrinas. Optimi sunt Ephesij præsertim Autumno. Myes fœminæ, maribus minores, dulces sunt, boni succi, copiosè nutriunt. Tria, inquit Hermolaus, inuenio quæ *μύες* dicuntur. Primùm Testudines sunt, ideoque non *μύες* in plurali, sed *μύδες* & *ἐμύδες* vocantur. Genus hoc, aquatilis mus, & lutaria Testudo à Theodoro, marinus mus à Plinio quandoque L I B. I X. vertitur. Alterum inter pisces, Tertium inter Ostrea pro Mytulo. Quos *μύακες* appellat Dioscorides, Plinius Mytulos nuncupasse videtur. Quoniam quæ *περὶ μύακων* scripsit Dioscorides eadem planè de Mytulis Plin. *μύακες* καὶντες δὲ αὐτὸ θρῶσι τοῖς κήρυξιν. ἰδιαιτέρον δὲ παλυθέντες ὡς μόλιβδος χημικῶς εἰς τὰ ὀφθαλμικὰ σὺν μέλιτι. Ἐκλήγοντες παχὺτήρας βλεφάρων καὶ σμήχοντες λωκώματα, καὶ τὰ ἄλλως ἐπισκελθὲν τῶν ἡρώων. ἢ δὲ ἄρξαι αὐτῶν κυνοδηλοῖς ἐπιτίθεται ὀφελίμως. Plinius hæc ferè sic conuertit. Mytuli quoque vt Murices cinere vim causticam habent, & ad lepras, lentigines, maculas. Lauantur quoque plumbi modo, ad genarum crassitudines, & oculorum albugines, caliginésq; , atq; in aliis partibus sordida vlcera, capitisq; pustulas. Carnes verò eorum, ad carnis morbus imponuntur. Ante locum hunc tradit Myacas degenerare in duas species in Mytulos myiásque. In hac nomine dissensione & varietate hæc rectè statui posse iudico. Myacas generis nomine

Lib. 2. cap. 7.

Lib. 21. cap. 9.

Lib. 32. c. 9.
Lib. 5. de hist.
anima. cap. 15.

appellat Plinius huiusmodi testacea, quæ Aristoteles *μύα*s vocat Gaza Mytulos, Athenæus *μύα*s utroque genere. Aceruantur, inquit Plinius, Muricum modo, viuuntque in algolis gratissimi Autumno. Sic Aristoteles cum exposuisset quomodo Purpuræ & Buccina congregentur & fauificent, idem post *περὶ μύων* dicit. *καλεῖται δὲ καὶ οἱ μύες*. Athenæi locum *περὶ μύων* vtriusque generis paulò antè protulimus. Myacum verò duæ erunt species, Myiæ siue Myiscæ quæ à Plinio dicuntur, & Mytuli. Hermolaus in hoc Plinij loco Myiscas in exemplaribus aliquot vetustis legi affirmat. Sed si quid in rebus marinis cōiectura iudiciūque meum valere debent, Myscos rectè legi posse arbitror, ut sint parui *μύες*, ut declarat Plinius, qui dicuntur ab aliis Latinis Musculi diminutiuo nomine à Mus, ut *μύσχος* diminutiuum nomē est à *μύς*, Myæ siue Myiscæ siue Mysci *ἐλάττης μύες* Aristotelis qui pluri mi circa vnū principium aliquod adnascuntur. *Μύες* in fœminino genere Athenæi. Hos Musculos à Latinis appellari puto, ut iam dixi. His maiores Mytuli erunt Dioscoridis *μύακες* ut prius demonstratum est. Vel Dioscorides *μυάκων* nomine vtrunque genus comprehendit. Quod si nominum horum rationem haberi nolis, sed rei tantū, dicemus in mari reperiri Mytulos siue Musculos, siue *μύαχος* maiores, & minores simul colligatos. De quibus deinceps dicemus.

Lib. 3. de gene.
anim. cap. 11.

De Musculis.



CATUT XLV.



VSCVLOS Paruos & rotundos Plinius Myias vocat, id est, Muscas, nostri *moufches de mar*, Galli, *moules*, Græci hodie *midia*. Veneti *conchole*. Sunt ex ostracoder morū genere, quæ tenui testa, & duplici cōteguntur. Circa saxa aut ligna nascuntur, pilis & veluti lana alligantur. Testa foris nigra, ferè semper vel musco, vel lanugine obdeta, intus leuis & splendens, ex albo cærulea, parte acutiore crassior & spissior, reliquo ambitu rotūdo tenuior. Caro intus pallida, quum cruda est, cocta vitellis ouorū similis, in ambitu fimbriata, in ea foramen est

est euidens ad attrahendam aquam: neque enim per villos attrahit, quod ineptissimè quidam asserunt, lanæ illius siue byssi vsum ignorantes. In media carne est particula carnosa, linguæ similis. Inest & mutis, & pituita quædam glutinosa. Callo albo adhæret. Excutiendus est hic locus Aristotelis LIB. V. de histor. animal. Εμφύον ὃ ἐν Cap. 15. ἐνίοις τῶν ὑστραχιδέρμων καρκίνοι λευκοί, ὃ ὁ μέγεθος πάντων μικροί. πλεῖστοι μὲν ἐν τοῖς μυσί τοῖς πυνελώδεσι. Quem sic conuertit Gaza: Cancris colore albido, corpore admodum parui in nonnullis testa operati generis nascuntur, & plurimi quidem in Mytulis foliatis: neq; id satis rectè, vt opinor, deceptus vocis τῆς πυνέλης significatione, in qua pro balneorum folio siue labro propriè vsurpatur. Sed hinc ad alia concaua & profunda transfertur, sumiturq; ἀντὶ τῆς χαλιδίης. Sic Galenus cavitatem cerebri meatus per quos excrementa crassiora expurgantur excipientem, πυνέλον nominauit. Lib. 9. de usu part. Ἡ μὲν οὖν ὑποδεχομένη τὰς πόρας χαλιδίης, ἥν οἱ μὲν ἀπὸ τῆς χήμης πυνέλον, οἱ δὲ ἀπὸ τῆς χρείας χαρμῶν ὀνομάζουσιν, ἐν μὲν τῇ αὐτῇ μερῇ, οἷον δεξαμένης ὕδρος ἐπὶ τῇ χρείᾳ, ἐν δὲ τῶν κῆτω κῆτῶν περὶ αὐτὸ ὄνομα ἐνδείκνυται, χαρμῶν μίμνεται. Id est, cavitatis igitur quæ meatus hos excipit, quam alij à figura πυνέλον, alij ab vtilitate χαρμῶν, id est, infundibulū nomināt, superiore parte veluti lacunæ vtilitatem præbet, inferiore autem, vt & nomē indicat, infundibulis similis est. Non sum nescius hoc in loco πυνέλον in vulgaris codicibus legi, sed meliùs πυνέλον doctiorū iudicio legas. Lib. 4. c. 165. Dioscorides de Tithymali characiæ semine loquens, cavitatem in qua fructus continetur πυνέλοις cōparat. Εἰ τῶν ἀκρων δὲ τῶν καυλῶν ἡ ῥίζη χυνοειδῶν ραβδίων, καὶ ὑπὸ αὐτῶν ὑποκρίλα ὅμοια πυνέλοις, ἐν οἷς ὁ κερπός. Pendet in cacuminibus caulū coma iunci sub qua caucolæ foliolis balneorum similes, in quibus semen continetur. Quare cū πυνέλος cauum locū significet, Mytulos πυνελώδεις non foliatis dixerim, sed in imo maris, siue in gurgite natos, ad eorum testaceorum discrimen qui in limo cœnoso, vel in arenoso proueniunt. Hanc interpretationē meam confirmo ipsiusmet Gazæ auctoritate, locum enim qui mox sequitur, ita vertit. πυνέ) μὲν οὖν τὰ ὑστραχιδά περ εἰρη, πυνέ) δ' αὐτῶν τὰ μὲν ἐν τοῖς πυνελώδεσι τόποις, ἕνα δὲ ἐν τοῖς σκληροῖς καὶ βραχύνδεσι, τὰ ὅ ἐν τοῖς ἀμμώδεσι. Nascitur enim Concharum genus quemadmodum expositum est, sed locis variis: nam alia vadis, alia gurgite, alia duris locis atque asperis, alia arenosis. Perspicuè vides Ostrea ἐν τοῖς πυνελώδεσι nata, in gurgite nata dici. In Mytulis igitur in imo maris natis cancri parui proueniunt, nec in Mytulis in stagno marino, aut in quouis loco alio lutofo & & sordido procreatis Cancros paruos vnquam reperiās. Nos verò Myias, siue Myiscas, siue Myscos Plinij siue Musculos, & Athenæi τὰς ἐλάττονας μύας, siue τὰς μύας repræsentasse perspicuè ostendunt sapor dulcior, in his & suauior paruitas, rotunditas, testa hirta, atque

alia quæ his à Plinio & Athenæo tribuuntur. Plinius. Degenerant in duas species, in mytulos qui salem virûsq; resipiunt, Myiásque quæ rotunditate differunt, minores aliquanto, atq; hirtæ, tenuioribus testis, carne duriores. Athenæus. Οἱ δ' ἐλάσσονες τῶν, καὶ δασεῖς ἐξωθεν, ἔρη-
 Lib. 3. γωότεροι μὲν εἰς, καὶ ὠχλωτέροι τῶν σκιλωδῶν. ἀφορώτεροι δ' διὰ τὸ μέγε-
 θος καὶ τῷ γένει ὄντες τοῖστοι. id est, minores & veluti hirti, magis vrinam prouocant, & melioris succi sunt iis qui scillæ similes sunt, minus tamen alunt, quia minores & quia natura sunt huiusmodi. Aliquanto post. Αἱ δ' μύες καὶ τῶν μυῶν ὄνται μικρότεροι, γλυκεῖα τε, καὶ ὠχλοὶ εἰσὶ πρὸς τὴν δόξιν. Quæ Myes dicuntur, aliis minores sunt, dulces boni succi. Præterea satis nutriunt.

De Mytulis.



C A T U T XLVI.



MYTULOS Nostri *muscles* vocant, & *consalmes de mar*, ad differentiam fluuiatilium vel palustrium Mytulorum quibus figura tantum similes sunt. A Musculis differunt magnitudine & rotunditate, gustu etiam inferiores sunt: nam salem virûsq; resipiunt, ait Plinius. Eosdem esse Mytulos cum Dioscoridis Myacibus antè ostendimus ex eadem præparandarum testarum ratione, & ex iisdem facultatibus. Quarum postremam non probat Galenus. Τῶν δ' μυάκων ἀρ-
 μότιον ἔλασσον ὑπὸ κληρὸς δακτύλος γεγονόσιν, ἐγὼ δὲ ἐδλεμὴν ὁρίσκειω
 διωάμην ἥς δεῖται τὰ τοιαῦτα τῶν ἔλκων, ὡς περὶ ὑπὸ τῷ λυσιδόντος κινῶς
 δακτύλος γυμνῶνται. Porro Mytulorum carnem tradunt vlceribus à mordente cane inflictis competere. Ego verò nullam insignè facultatem inuenio quam requirant id genus vlcera, tanquam ea quæ à rabido cane mordente sint inflicta. In oleorum præparatione testa Mytulorum utebantur veteres: est enim caua & labris tenuibus. Dioscorides
 Lib. 1. cap. 38. de cicino oleo. Ὄζον δ' ἀνῶς ἢ ἐν αὐτοῖς ἡγεσθῆτα πᾶσιν, ἀρας ἢ λείβητα
 ἀπὸ τῆς πυρὸς, ἀπόψα μύακι δ' ἐσσιπῶσιν ἔλασιν καὶ ἀπολίθησιν. Vbi infitum prorsus humorem reddiderunt, sublato ab igne vase, innatans oleum Mytuli concha tollitur, & reconditur. Et mox de oleo amygdalino. Εἴτα ἀποθλίβων πρὸς πλάγας ἐξίπας, καὶ δ' ἀπὸ τῶν δακτύλων εἰς μύακα ἀνα-
 λάμβανει. Mox tabellis premitur, & quod digitis hæsit, Mytuli concha exci-

excipitur. In hac concha pictores hodie colores suos diluunt, tum quod ij à testa nihil immutetur, tum quod sustinenti manui nulli sint oneri. Hæc de Mytulis marinis de Mytulis marini stagni & fluuiorum suo loco dicemus.

De Pholade.



CAPUT XLVII.

RERM Similitudo facit, vt post Mytulos de Conchis iis dicamus, quas hodie in quibusdam Italiae litoribus balanos vocant. Sed quale sit id genus primum describamus. Ita in saxis latet, vt saxo vndique contegatur, per foramen duntaxat exiguum & sensui vix patens aqua nutritur. Testis constat duabus, longis, non in latum extensis Mytulorum modo, sed rotundis. Intus eadē ferè est caro quæ in Mytulis. In saxis adeo duris nascitur vt non nisi ferreo maleo distraho saxo distrahatur. Sunt qui putent in saxis aquæ salis vi excuatis provenire, alij in luto in saxorum cauernulis accruato. Ego crediderim in saxorum cauernulis vel vi vel natura factis, aquæ marinæ appulsu procreari atq; in Conchâ verti, quæ cavitatis siue foraminis figurâ seruat. Vidi huiusmodi Conchas in portu Veneris. Missum est ad me alio ex litore saxū, cuius partē hîc expressi, in quo nullæ rimæ nullæ cauernæ, sed foramina tantum apparebāt tam exigua vt vix acum admitterent. Eo igitur ictibus multis confracto cavitates internæ multæ erāt, vario situ & diuersæ magnitudinis, in quibus Cōchas istas reperi, quas cum saxo depictas exhibeo. Quare figurâ diutius contemplatus, antiquorum Balanos non esse iudico, sed *φωλάδας* de quibus hæc Athenæus. *Αἱ δὲ φωλάδες πολυτροφώτεραι, βρωμώδεϊς δὲ.* Pholades multum alunt, sed virus olēt. Et: *Αἱ δὲ φωλάδες ὀψιόμοι, βρωμώδεϊς δὲ καὶ κρόχυλοι.* Pholades

Lib. 3.

palato suaues sunt, sed virus resipiunt, & mali sunt succi. Primum huic sententię meę aptissimè quadrat nominis ratio: Nam vt *φωλάδες* dicuntur ferè quę in lustris degunt, ἀπὸ τῆς φωλάειν quod latere significat, ita nihil in marinis rebus reperias, quod penitus in saxo lateat, sicuti Cōchę quas proponimus, deinde notæ Athenæi his proprię sunt: Nam virus olent, & mali succi sunt. Harum nullus, quod sciam meminuit præter Athenæum.

De Pinna magna.




CAPUT XLVIII.

IN Concharum classe censendæ sunt Pinne & Pernæ: ex duabus enim testis componuntur, à Mytulorum figura non multum alienę sunt: Byssu alligantur. Cancrī in his nascuntur, vt in Mytulis gurgitum. De his igitur ordine dicendum, primum de Pinna magna ex qua reliquę dignoscuntur. Pinnam Latini vocāt seruata Gręcorum appellatione à quibus Πίννα & Πίνα dicitur, fortasse à sordibus quibus semper obducta est: πινος enim sordes significat, & πινάπος sordidum. A Massiliensibus Nacre vocatur, à Genuensibus *Pinna lana* ob byssum, à Venetis *Astura* nomine communi aliis multis Cōchis. Pinna duabus gran-

grandibus patula est conchis, ad cubiti magnitudinē accedit, tantam Romæ vidi. Hac paulò minorem mihi Pisis ostendit Guinus medicus præstantissimus. In nostro litore pedali sunt magnitudine. Mytulis quodammodo similis est, nisi quòd strictiorem partē multò magis acutam & longā habet, quoniam in arena vel in cæno affixa viuit. Testa foris est aspera, colore fusco, intus nitidi & argētei splendoris si in arena vixerit Pinna, si in cæno colore est magis flauescēte, & minùs splendēte. Ab inferiore & strictiore parte in amplā latitudinē extenditur, illic arcuissimè clauduntur testæ, hîc faciliè diducuntur. Intus multū est carnis, cuius omnes ferè partes indiscretę sunt, veluti in Mytulis. Pinna in arenosis & cænosis locis proueniunt, ex bysso alligantur. Est autem byssus hîc mollissima & delicatissima lana dicta à similitudine eius ex qua diuitū pretiosissimi pāni cōficiēbātur, vt de diuite in Euan gelio legitur, qui induebatur purpura & bysso, quo in loco quidam ineptissimas interpretationes finxerunt. Pinnarū byssus à Mytulorum bysso tam differt quàm stupa canabina à tenuissimo & delicatissimo serico. Eius magnitudo Pinnarum magnitudini respōdet: in maximis enim pedem vnū longus est, in aliis breuior. Eius vsus est nō vt eo alimentū trahatur, neq; vt per id capillamentū limus ac spurcitia attrahantur: nam circa os positus non est, sed veluti è medio ventre neruosa substantia alligatur. Præterea superiorem & latiorē partem aperitimenti hauriēdi causa, & recludit. Quis est igitur byssi vsus? Eum sic docet Aristot. Αἰ ὁ πῶναι ὀρθαὶ φύοι) ἐν τῷ βήσσει ἐν τοῖς ἀμμόδεξι καὶ βορ- Lib. 5. de hist. cap. 15.
 ρωδέξι. Pinna rectè locis arenosis cænosisque ex bysso proueniunt. Quo ex loco emendandus est Athenæi locus. Αἰ ὁ πῶναι ὀρθαὶ φύοι) ἐν Lib. 3.
 τῷ βυθῷ, legendum enim βήσσει pro βυθῷ. His addimus Pinnas bysso alligari proximis corporibus, vt firmius subrecta semper stet. In Pinna reperitur Pinnother siue Pinnophylax. Sed quæ de Pinna & Pinnotheris societate fabulosa referuntur, ita refutauius in priore parte operis nostri, vt superuacua nunc fuerit de his oratio. Nūc de earū substantia. Athenæus. Αἰ ὁ πῶναι ἐρηλατῶν, βόφροι, δύσπεστοι, δυσχερότεροι, εὐόγε- Lib. 18. c. 4. 25.
 ς ὁ ἀλλὰ καὶ οἱ κήρυκες. Pinnae vrinas pellunt, multum alūt, difficilè concoquuntur & distribuuntur. Similia autem ipsis sunt Buccina. Paulò post subiungit Pinnam mediā esse inter Purpuras & Buccina. Huius & Buccini partes duas facit idem Athenæus & diuersam ipsarum naturam explicat. Cum de Purpure & Buccini substantia dixisset, subdit. Ὡς οἱ μὲν τράχηλοι βόφροι, δυσκατέγατοι ὅ, δὲ τοῖς ἀσθενέσι τὸ σπύριον ἐκ οἰκείων, δύσπεστοι τε καὶ μέσως βόφροι. Τέτον ὁ αἰ μῆκωνες λεγομένοις πρὸς τοῖς πύθμεσι, ἀπαλαί, ὀφθαρτοι, δὲ τοῖς τὴ γαστέρα ἀσθενέσι οἰκείαι. Horum trachelī ventriculū iuuāt, difficilè cōcoquuntur, ob id imbecillo vētriculo inutiles sunt, aluum moratur, & mediocriter alunt. Mecones vero quæ dicuntur, in imo sitæ, tenerę sunt, faciliè corrumpuntur, qua de causa iis qui imbecillo sunt vētriculo inutiles sunt. Hîc pro οἰκείων repo-

fuimus *ὅτε οὐκ εἶσι*. *Τράχηλον* non ceruicem, aut collum cōuertimus quo carent ostracoderma omnia, & pisciū reliquorū maxima pars: verūm hīc *ῥάχηλος* pars est in pinnis & Buccinis dura, neruosa, siue callus cui reliqua caro innititur, proportionē vertebri respoḁdens, ob id ex similitudine *ῥάχηλον* appellari puto, quemadmodū etiā mediā mali partem sic vocari autor est Athenæus. Neq; verò sumi hīc posse pro Conchæ specie manifestū est, vt alibi sumitur apud eundē Athenæū, quam *Lib. 3.* Spondyliū ab alijs nominari diximus. *μήκων* quid sit in Cōchis & turbinatis declarat Aristot. *Ἐτι γὰρ ἡ μήκων ὀνοεῖται περὶ τῶν ὀστράκων καὶ τῶν κηροῖς ὅτι πολὺ αὐτῆς*. Gaza sic vertit. Quod papauer appellamus quasi materiā vacās atq; excremēticia magna sui parte, in omnibus testaceis generibus inest. Et paulò post. *Ἡ μήκων πᾶσι ἐστὶν ὅτε ἐν τῷ αὐτῷ, ὅτε ἰσὺς, ὅτε φάρμακον*. Papauer omnia habet, sed non loco eodē, nec par, nec ex aquo manifestū. Sunt qui *μήκων* ex Arist. pro piscis specie vsurpant, sed nō sine errore, vt in priore operis nostri parte docuimus. *Lib. 9. de hist. cap. 2.* Pinne semper ouū continēt aliquādo maius aliquādo minus p lunari potestate. Ouū autē illud est quale in Echinis Ostreisq; nō qđ ad generationē cōfert, sed qđ melioris tantū nutritiōis indicium est, quale est in sanguine præditis pingue. Pinne enim spōte proueniūt. In his vniones reperiūtur in Acarnania autore Plinio, sed nō laudati. Seniores & maiores Pinnae duriores sunt, minores teneriores, pleniores. In locis tranquillis nascuntur vëto non perflabilibus, maximè vbi aqua dulcis mari permiscetur. In locis in quibus mare fluit & refluit vix reperiās, in Græcia, plurimas, in Italia, in Gallia nostra Narbonensi raras. Hyeme meliores sunt, & elixē assis. Sunt qui vino & aceto maceratas molescere aiunt, sed flatus gignere, quod verū esse non potest, cū vinū flatus discutiat, nisi ea ratione qua humidiora fiunt, flatus gignere dicātur.

De perna.



CAPUT XLIX.




Lib. 3. cap. 11.

ATVRA In Concharum varietate lusit, vt ex vniū^s generis formis pluribus, veluti Tellinis, Ostreis. Myacibus liquet, de quibus prius diximus. Sic Pinnarū vnicū genus nō est. Pinna enim altera est quam hīc proponimus, vt ex figura perspicuū est. Perna à Plinio vocatur

catur. Perne, inquit, Concharū generis, circa Pontias insulas frequen-
tissime stant velut suillo crure longo in arena defixa, hiantēque qua
limpitudine est, pedali non minūspatio. Cibum venantur. Dentes in
circuitu marginum habent pectinatim spissatos. Intus pro spondylo
grandis caro est. Quę omnia in eā quam expressam hīc proponimus,
maximē competunt, p̄sertim figura suilli cruris vnde nomen habet:
dicūtur enim perne tam priores quāmposteriores coxę porcine salite.
Neque absurdē quis existimauerit eius generis Pinnā hanc esse in qua
vniones nasci ex Theophrasto tradit Athenęus. Θεόφραστος μὲν ἐν τῷ πε-
ρὶ λίθων γράφει ὅτι πᾶν θαυμάζομεν ὃ λίθων ἐστὶ καὶ ὁ μαργαρίτης καλε-
μενος, διαφανὴς μὲν τῇ φύσει, ποικίλ' δ' ἐξ αὐτοῦ τὰς πολυελεῖς ὁρμὰς γίνεσθαι δ' ἐν
ὁστρῶν ὑπὲρ παραπλησίως τοῖς πίναις, πλὴν ἐλάττωι. μέγεθος δ' ἡλίγον ἰχθύος
ὀφθαλμὸς ὁμειγνύσθαι. Id est Theophrastus de libro gemmis scribit ad hūc
modum. Inter gemmas pretiosas margaritę sunt, naturā pellucidę, ex
quibus fiunt sumptuosissima monilia. Eas generat Ostreum Pinnis si-
mile, sed minus, tā magnas quāme magnus piscis oculus. Huiusmo-
di Pinna parua in mari nostro reperitur, & in ea vniones parui. Intus
caro superiori similis, nisi quod trachelo caret, id est, media illa parte
dura & neruosa. Tota igitur intus mollior est, & ad coquendum faci-
lior. Hoc illud est quod intelligit Plin. quum dicit: Intus pro spondy-
lo grandis caro est. Spondylum appellans callum seu carnem durio-
rem & interiorē Ostreorū, quo nomine alibi vsus est, quum loquitur
de specie Ostreorū, neq; in luto capta, neque in arenosis, sed solido va-
do, spōdylo breui atq; nō carnosō, nec fibris lacinioso, ac tota in aluo.

Lib. 3.

De Pinna parua.



CAPUT L.



ONCHA Hęc & figura, & victus ratione, & bysso
Pinnę species est, magnitudine differt, & eo quod ante-
quam & acuta & stricta parte in amplitudinem exten-
datur, excauata est. In cœnosis & arenosis viuīt defixa,
carnem intus duram habet, quę virus resipit. Omnium

Pinnae testæ eandem cum Mytulorum testis facultatem habent. Haftenus diximus de Ostracodermis tum iis quæ vnica, tum iis quæ duplici testa constant, huic libro finem imposituri, cum de bysso Pinnae, & de Margaritis quæ in Conchis reperiuntur tractauerimus.

De Byssu.

CAPUT LI.



Lib. 9. cap. 1.

N Sacris Bibliis byssi & byssinarum vestium fit aliquoties mentio, atque etiam in prophanorum libris. In quibus cum Theologorum atque aliorum sententiæ variæ sint, consentaneum fuerit quid de hac re sentiendum sit exponere. Byssus duplex est, terrenus & marinus. De terreno bysso Plinius. Asbestino lino principatus in toto orbe, proximus byssino, mulierum maximè deliciis circa Elim in Achaia genito, quaternis denariis stipula eius permutata quondam, ut auri. Et Pausanias prodidit byssum non alia Græciæ parte nasci quàm in Elide tanta tenuitate, ut ne Iudaicæ quidem bysso cedat, etiam si colore minùs rufet quàm Iudaica, quæ colorem & splendorem auri referebat. Erat igitur lini nō lanæ species est, ex Plinio & Pausania, in Græcia & Iudæa nascentis. Ex ea vestes atque alia ornamenta contexebantur byssina, quæ ut aurum fulgebant. Vnde illud Exodi *CAP. XXVI.* Fecit & velum ex hyacinthino serico, purpureo, coccino bis tincto, & bysso torta, cherubin fecit in ipsis opere polymito. Et mox. Fecit quoque velamen in ostium tabernaculi ex hyacinthino serico, purpureo, coccino bis tincto, & bysso torta, opere Phrygio. Iulius Pollux aduersa de bysso tradidisse videtur. Porro byssina quoque & byssus lini quædam species apud Indos. Nunc apud Ægyptios ex arbore quædam lana fit, ex qua vestem confectam lino maximè similem esse quispiam dixerit, sola densitate excepta: densior enim arbore fructus enascitur, nuci similis duplici munitus cortice, qua dirempta, postquam instar nucis floruerit, interius hoc quod lanam refert eximitur, vnde subtegmen conficitur, stamen autem illi subtendunt lineum. Et Philostratus. Homines qui secundum Indum flumen habitant lineis amictiuntur vestibus: etenim linum in agris plurimum nascitur, calciamenta gestant ex papyro, nobiliores bysso induuntur. Byssum verò ex arbore nasci ferunt, quæ basi quidem populo sit persimilis, foliis verò falici. Sed animaduertendum est Plinium non solum linum vocasse id quod ex herba contusa netur, sed etiam quod ex fruticibus & arboribus carpitur. Superior pars Ægypti, inquit, in Arabiam vergens, gignit fruticem quem aliqui Gosloption vocant, plures Xylon, & ideo lina inde facta xylina. Paruulus est, similemque barbaræ nucis deferit fructum, cuius in exteriori bombyce lanugo netur. Aliud lini genus facit ex harundine, aliud è genista, quod etiā hodie apud nos mulieres

Lib. 19. cap. 1.

lires rusticæ conficiunt. Æthiopes Indique è malis, Arabes cucurbitis in arboribus. Quare materia omnis, siue ex herbis contusis, siue ex fructuum lanugine carpta, ad texendum idonea, linum vocatur. Alter est byssus marinus ex Pinna delicatissimus & mollissimus, sericæ lanæ comparandus, colore fusco, à similitudine Byssi Græci vel Iudaici sic nominatus: prius enim cognitæ sunt diuitiæ terrenæ quàm marinæ, quem non dubito pretiosarum vestium textui additum terreno.

De Margaritis.

CAPUT LI.

DE Margaritis Concharum quarundam veluti fœtu nunc dicemus. Has vniones Latini vocant, non quod in vnica tantum Concha reperiantur: Nam Æliano te Lib. 3. ca. 26. ste, pleræque adeo multos vniones possident, vt sint qui dicant in vnica Concha viginti procreatos fuisse, sed quod nulli duo indiscreti reperiantur: vnde nomen vnionum Romana scilicet imposuere delitiæ: nam apud Græcos non est, neque apud Barbaros inuentores eius aliud quàm Margaritæ. Latini quidam Margaritum dixerunt neutro genere & masculino. Inuestigare nunc oportet quid sit vnio, sit ne Conchæ pars, vel excrementum, vel morbus quidam: de hac enim re summi viri dubitarunt. Chares Mitylenæus vniones ossa appellauit Athenæo teste. Lib. 3. *Χαρίης ὁ ὁ Μιτυληναῖος ἐν ἐξδδμή τῶν περὶ Ἀλεξάνδρου ἱστοριῶν φησὶ. θηρδέειαι δὲ καὶ τῶν Ἰνδιῶν θάλασσαν, ὡσαύτως δὲ καὶ τῶν Ἀρμενίων, καὶ Περσικῶν καὶ Σιθιαίων, καὶ Βαβυλωνίων παρὸντων ὁστρέω δὲ εἶναι ἄδρῶν καὶ παρόμικτες, ἔχον ἐν αὐτῷ ἄρχα. Ἐ μεγίστην, καὶ λακκὴν, δυνάμη σφόδρα, ἐξ ὧν ἐξαρουῦντες ὁστὰ λακκῇ παραγορεύουσι μὲν μαργαρίτιν. καὶ τὰ χελύδακις δὲ ἐξ αὐτῶν ὁρμύχας τε, καὶ ψέλλια περὶ τῶν χεῖρας καὶ τὸς πόδας, περὶ δὲ ἀσπιδάκις οἱ Πέρσαι, καὶ Μήδοι, καὶ πάντες Ἀσιανοὶ, πολὺ μᾶλλον τῶν ἐκ χειρὸς γεγεννημένων. Id est,* Chares Mitylenæus septimo libro Historiarum Alexandri ait. Capi- tur verò in Indico mari & circa Armeniam, Persidem, Sufianam, Babyloniam Ostreo quiddam simile, quod magnum est & oblongum, habetque intus carnem multam, albam, suauissimi odoris, cuius exempta ossa Margaritas vocant, ex quibus monilia componunt & armillas, manus atque pedes ornant, qui cultus maiore in pretio est apud Persas, Medos, & Asianos omnes, quàm quæ ex auro confecta sunt. Quæ sententia à veritate abhorret. Nam si vniones Ostreorum ossa essent, ij semper in omnibus Ostreis reperirentur, cùm ossa ad corporis fabricam necessaria sint, veluti partiū reliquarū fulcra, quod falsum esse docet experientia. Idque contra Ostreorum naturam est, quæ similiter

*Lib. 4. de hi-
stor. anim. ca-
pit. 1. & 4.
Lib. 9. cap. 35.*

atque crustata molle intus habent, nec durum quicquam, sed foris, ut rectè scripsit Aristoteles. Fuerunt qui existimauerint vniones Concharum veluti nucleos esse, alij Concharum partus, quam sententiam Plinius refert. Has ubi genitalis anni stimulauerit hora, pendentes sese quadam oscitatione impleri roscido conceptu tradunt, grauidas postea eniti, partumque Concharum esse margaritas, pro qualitate roris accepti. Si purus influxerit, candorem conspici: si verò turbidus, & foetum tordescere, eundem pallere, callo minante conceptum, ex eo quippe constare, calique eis maiorem societatem esse quam maris, inde nihilum trahi colorem, aut pro claritate matutina serenum. Si tempestiue fatientur, grandescere & partus. Si fulguret, comprimi Conchas, ac pro ieiunij modo minui. Si verò & tonuerit, pauidas ac repete compressas quæ vocant physmata efficere speciem, verum inani inflatam sine corpore. Hos esse Concharum abortus. Hæc Plinius, quibus non consentiunt ea quæ apud Athenæum ista de re scripta sunt. Φασί ὅτι τὰν βροχῶν συνεχέεισσι αἱ, καὶ ὁμίρων ἐγχεύουσιν, τότε μέλλον τὴν πίνναν κλέπει, πλείω γίνεσθαι μαργαρίτων, & ὁμνεῖται. τὸ δὲ χειμῶνος ἐς τὰς ἐμβυθίας θαλάσας διώκειν ἐνώθειαι αἱ τῶναι. θέρος δὲ τὰς μὲν νύκτας κελύφασι διδυμίζμεναι, ἡμέρας δὲ μύσσειν. ἔσται δὲ ἐν πέρσας, ἢ ἀσιλῶν προσφωδῶν, ἐξ ὁδοῦ, καὶ αὐτὰ ἐν τῇ τῶν μαργαρίτων θήλῃ. Id est, aiunt verò quum sepe tonat, & largius pluit Pinnam tum magis concipere: margaritasque plures & magnas procreari. Hyeme autem in profundos maris gurgites condi solere. Æstate hiantes fursum enatare noctu, interdiu conniuere. Quæ saxis, saxorumve cauis adnatæ fuerint, radices agunt, & illic commorantes procreant margaritas. Hæc ab iis excogitata sunt, qui particularem Ostreorum naturam ignorant. Nam Pinne radice innituntur, suntque immobiles, nunquam sedem in quaherent sponte nature mutant, ut verè scripsit Aristoteles. Sed nec superior etiam opinio, quam ex Plinio recitauimus, vera est. Etenim ista silicea intecta omnia sponte & non ab aliis procreantur, neque aliud quicquam procreant. Neque idem partus à diuersis editur, quemadmodum vniones à diuersis specie Conchis siue Ostreis. Adde quod omnia quæ procreant, statim quæque temporibus foetus suos & concipiunt, & emittunt in lucem, cum in variis Ostreis aliquando vniones reperiantur, aliquando nulli: modò hoc tempore, modò illo. Ægyptij hodie externis mercatoribus in Ægyptum proficiscentibus narrant de pisce Columbo, quem Orbem vocauimus, eadem ferè quæ Plinius de Conchis margaritifera, eum scilicet ore hiantem rorem excipere, ex quo deinde vniones efficiat. Sed fabulosa sunt ista: neque enim vnquam in huiusmodi pisce inuenti sunt vniones, neque ros haustus non posset non in ventriculo immutari & concoqui, vel vnà cum excrementis aliis excerni. Quare his reiectis opinionibus Androstheni assentior

*Lib. 4. de Hi-
stor. cap. 4.*

excipitur. In hac concha pictores hodie colores suos diluunt, tum quod ij à testa nihil immutetur, tum quod sustinenti manui nulli sint oneri. Hæc de Mytulis marinis de Mytulis marini stagni & fluuiorum suo loco dicemus.

De Pholade.



CAPUT XLVII.

R E R V M Similitudo facit, vt post Mytulos de Conchis iis dicamus, quas hodie in quibusdam Italix litonibus balanos vocant. Sed quale sit id genus primum describamus. Ita in saxis latet, vt saxo vndique contegatur, per foramen duntaxat exiguum & sensui vix patens aqua nutritur. Testis constat duabus, longis, non in latum extensis Mytulorum modo, sed rotundis. Intus eadē ferē est caro quæ in Mytulis. In saxis adeo duris nascitur vt non nisi ferreo maleo diffracto saxo distrahatur. Sunt qui putent in saxis aquæ salis vi excavatis provenire, alij in luto in saxorum cauernulis acervato. Ego crediderim in saxorum cauernulis vel vi vel natura factis, aquæ marinæ appulsu procreari atq; in Conchâ verti, quæ cavitatis siue foraminis figurā seruât. Vidi huiusmodi Conchas in portu Veneris. Missum est ad me alio ex litore saxū, cuius partē hîc expressi, in quo nullæ rimæ nullæ cauernæ, sed foramina tantum apparebāt tam exigua vt vix acum admitterent. Eo igitur ictibus multis confrecto cavitates internæ multæ erāt, vario situ & diuersæ magnitudinis, in quibus Cōchas istas reperi, quas cum saxo depictas exhibeo. Quare figurā diutius contemplatus, antiquorū Balanos non esse iudico, sed *φωλάδας* de quibus hæc Athenæus. *Αἱ δὲ φωλάδες πολυβοσώτεραι, βρωμώδεις δὲ.* Pholades multum alunt, sed *Lib. 3.* virus olēt. Et: *Αἱ δὲ φωλάδες ἐστῆραι, βρωμώδεις δὲ καὶ χαύχυλοι.* Pholades

palatō suaues sunt, sed virus resipiunt, & mali sunt succi. Primum huic sententię meę aptissimē quadrat nominis ratio: Nam vt φαλάδες dicuntur fere quę in lustris degunt, ἀπὸ τῆ φαλάκης quod latere significat, ita nihil in marinis rebus reperias, quod penitus in saxo lateat, sicuti Cōchę quas proponimus, deinde notæ Athenæi his proprię sunt: Nam virus olent, & mali succi sunt. Harum nullus, quod sciam meminuit præter Athenæum.

De Pinna magna.



CAPUT XLVIII.

IN Concharum classe censendæ sunt Pinne & Pernæ: ex duabus enim testis componuntur, à Mytulorum figura non multum alienę sunt. Byssō alligantur. Cancrī in his nascuntur, vt in Mytulis gurgitum. De his igitur ordine dicendum, primum de Pinna magna ex qua reliquę dignoscentur. Pinnam Latini vocāt seruata Gręcorum appellatione à quibus Πίννα & Πίνα dicitur, fortasse à sordibus quibus semper obducta est: σῆνος enim sordes significat, & σῆναρὸς sordidum. A Massiliensibus Nacre vocatur, à Genuēsibus Pinna lana ob byssum, à Venetis Astura nomine communi aliis multis Cōchis. Pinna duabus gran-

grandibus patula est conchis, ad cubiti magnitudinē accedit, tantam Romæ vidi. Hac paulò minorem mihi Pisis ostendit Guinus medicus præstantissimus. In nostro litore pedali sunt magnitudine. Mytulis quodāmodo similis est, nisi quòd strictiorem partē multò magis acutam & longā habet, quoniam in arena vel in cœno affixa viuit. Testa foris est aspera, colore fusco, intus nitidi & argētei splendoris si in arena vixerit Pinna, si in cœno colore est magis flauescēte, & minùs splendēte. Ab inferiore & strictiore parte in amplā latitudinē extenditur, illic arctissimè clauduntur testæ, hîc faciliè diducuntur. Intus multū est carnis, cuius omnes ferè partes indiscretę sunt, veluti in Mytulis. Pinnae in arenosis & cœnosis locis proueniunt, ex bysso alligantur. Est autem byssus hîc mollissima & delicatissima lana dicta à similitudine eius ex qua diuitū pretiosissimi pāni cōficiēbātur, vt de diuite in Euan gelio legitur, qui induebatur purpura & bysso, quo in loco quidam ineptissimas interpretationes finxerunt. Pinnarū byssus à Mytulorum bysso tam differt quàm stupa canabina à tenuissimo & delicatissimo serico. Eius magnitudo Pinnarum magnitudini respōdet: in maximis enim pedem vnū longus est, in aliis breuior. Eius vsus est nō vt eo alimentū trahatur, neq; vt per id capillamentū limus ac spurcitia attrahantur: nam circa os positus non est, sed veluti è medio ventre neruosa substantia alligatur. Præterea superiorem & latiorē partem aperit alimenti hauriēdi causa, & recludit. Quis est igitur byssi vsus? Eum sic docet Aristot. Αἱ δὲ πίναι ὀρθαὶ φύοντι ἐκ τῆς βήσσας ἐν τοῖς ἀμμώδεσι καὶ βορῶδεσι. Pinnae recte locis arenosis cœnosisque ex bysso proueniunt. Quo ex loco emendandus est Athenæi locus. Αἱ δὲ πίναι ὀρθαὶ φύοντι ἐκ τῆς βυθῆς, legendum enim βύσσας pro βυθῆς. His addimus Pinnas bysso alligari proximis corporibus, vt firmius subrecta semper stet. In Pinna reperitur Pinnother siue Pinnophylax. Sed quæ de Pinnae & Pinnotheris societate fabulosa referuntur, ita refutauimus in priore parte operis nostri, vt superuacua nunc fuerit de his oratio. Nūc de earū substantia. Athenæus. Αἱ δὲ πίναι ἐρηλαταὶ, ῥόφιοι, δύσπεστοι, δυσδιωδύστοι. ἐοικυῖαι δὲ ἀσπίδι καὶ οἰ κήρυκες. Pinnae vrinas pellunt, multum alunt, difficilè concoquuntur & distribuuntur. Similia autem ipsis sunt Buccina. Paulò post subiungit Pinnam mediā esse inter Purpuras & Buccina. Huius & Buccini partes duas facit idem Athenæus & diuersam ipsarum naturam explicat. Cū de Purpure & Buccini substantia dixisset, subdit. Ὅτι οἱ μὲν ῥάχαιοι ὀστέμαχοι, δυσκατέχονται δὲ, ἡ δὲ τοῖς ἀσθενέσι καὶ ῥόμαχοι σὺν οἰκείῳ, δυσέκεκτοί τε καὶ μέσως ῥόφιοι. Τέτον δὲ αἱ μήκωνες λεγόμενοι πρὸς τοῖς πυνθμέσιν, ἀπαλαὶ, ὀφθαρτοί, ἡ δὲ τοῖς καὶ γαστέρι ἀσθενέσιν οἰκεῖται. Horum tracheli ventriculū iuuāt, difficilè cōcoquuntur, ob id imbecillo vētriculo inutiles sunt, aluum moratur, & mediocriter alunt. Mecones vero quæ dicuntur, in imo sitæ, tenerę sunt, faciliè corrumpuntur, qua de causa iis qui imbecillo sunt vētriculo inutiles sunt. Hîc pro οἰκεῖται repo-

Lib. 5. de hist.
cap. 15.

Lib. 3.

Lib. 18. ca. 25.

suimus *ὅτι οὐκ εἶσι*. *Τράχηλον* non ceruicem, aut collum cōuertimus quo carent ostracoderma omnia, & pisciū reliquorū maxima pars: verum hīc *Σάχην* pars est in pinnis & Buccinis dura, neruosa, siue callus cui reliqua caro innititur, proportionē vertebris respōdens, ob id ex similitudine *Σάχην* appellari puto, quemadmodū etiam mediā mali par-


Lib. 11. tem sic vocari autor est Athenæus. Neq; verò sumi hīc posse pro Conchæ specie manifestū est, vt alibi sumitur apud eundē Athenæū, quam

Lib. 3. Spondyliū ab alijs nominari diximus. *μήκων* quid sit in Cōchis & turbinatis declarat Aristot. *Ἐστὶ γὰρ ἡ μήκων διονεὶ περὶ τὴν ὄψιν, πᾶσι τοῖς ὀστράχοις ὁ πολὺ αὐτῆς*. Gaza sic vertit. Quod papauer appellamus quasi materiavacās atq; excremēticia magna sui parte, in omnibus testaceis generibus inest. Et paulō post, *ἡ μήκων πανταχῶς ἐστὶν ἐν τῷ αὐτῷ, ὅθεν ἴστω, ὅθεν φανερόν*. Papauer omnia habēt, sed non loco eodē, nec par, nec

Lib. 9. de hist. cap. 2. ex æquo manifestū. Sunt qui *μήκωνα* ex Arist. pro piscis specie vsurpant, sed nō sine errore, vt in priore operis nostri parte docuimus. Pin-

Lib. 5. cap. 5. ne semper ouū continēt aliquādo maius aliquādo minus p lunari potestate. Ouū autē illud est quale in Echinis Ostreisq; nō qđ ad generationē cōfert, sed qđ melioris tantū nutritiōis indicium est, quale est in sanguine præditis pingue. Pinne enim spōte proueniūt. In his vniones reperiūtur in Acarnania autore Plinio, sed nō laudati. Seniores & maiores Pinnæ duriores sunt, minores teneriores, pleniores. In locis tranquillis nascuntur vêtō non perflabilibus, maximè vbi aqua dulcis mari permiscetur. In locis in quibus mare fluit & refluit vix reperiās, in Græcia, plurimas, in Italia, in Gallia nostra Narbonensi raras. Hyeme meliores sunt, & elixē assis. Sunt qui vino & aceto maceratas molescere aiunt, sed flatus gignere, quod verū esse non potest, cū vinū flatus discutiat, nisi ea ratione qua humidiora sunt, flatus gignere dicātur.

De perna.



CAPUT XLIX.




Lib. 3. cap. 11.

ATVRA In Concharum varietate lufit, vt ex vnius generis formis pluribus, veluti Tellinis, Ostreis. Myacibus liquet, de quibus prius diximus. Sic Pinnarum vnicum genus nō est. Pinna enim altera est quam hīc proponimus, vt ex figura perspicuū est. Perna à Plinio vocatur

catur. Perne, inquit, Concharū generis, circa Pontias insulas frequen-
tissime stant velut suillo crure longo in arena defixæ, hiantesque qua
limpitudine est, pedali non minùs spatio. Cibum venantur. Dentes in
circuitu marginum habent pectinatim spissatos. Intus pro spondylo
grandis caro est. Quæ omnia in eā quam expressam hîc proponimus,
maximè competunt, præsertim figura suilli cruris vnde nomen habet:
dicuntur enim perne tam priores quàm posteriores coxæ porcine. salite:
Neque absurdè quis existimauerit eius generis Pinnā hanc esse in qua
vniones nasci ex Theophrasto tradit Athenæus. Θεόφραστος μὲν ἐν τῷ πε-
ρὶ λίθων γράφει ὅτι τῶν θαυμαζομένων ὁ λίθων ἐστὶ καὶ ὁ μαργαρίτης καλε-
μενος, διαφανὴς μὲν τῇ φύσει, ποικίλη δ' ἐξ αὐτῆς τὰς πολυτελεῖς ὁρμῆς. γίνεσθαι δ' ἐν
ὁτρύεω ὑπὸ παραπλησίῳ τοῖς πίναις, πλὴν ἐλάττωι. μέγεθος ὁ ἥλιον ἰσχυρὸς
ὀφθαλμὸς ἀμεγέτης. Id est Theophrastus de libro gemmis scribit ad hūc
modum. Inter gemmas pretiosas margaritæ sunt, naturā pellucidæ, ex
quibus fiunt sumptuosissima monilia. Eas generat Ostreum Pinnis si-
mile, sed minus, tā magnas quàm est magnus piscis oculus. Huiusmo-
di Pinna parua in mari nostro reperitur, & in ea vniones parui. Intus
caro superiori similis, nisi quod trachelo caret, id est, media illa parte
dura & neruosa. Tota igitur intus mollior est, & ad coquendum faci-
lior. Hoc illud est quod intelligit Plin. quum dicit: Intus pro spondy-
lo grandis caro est. Spondylum appellans callum seu carnem durio-
rem & interiorē Ostreorū, quo nomine alibi vsus est, quum loquitur
de specie Ostreorū, neq; in luto capta, neque in arenosis, sed solido va-
do, spōdylo breui atq; nō carnosio, nec fibris lacinioso, ac tota in aluo.

Lib. 3.

De Pinna parua.



CAPUT L.



ONCHA Hæc & figura, & victus ratione, & bysso
Pinnæ species est, magnitudine differt, & eo quod ante-
quam & acuta & stricta parte in amplitudinem exten-
datur, excauata est. In cœnosis & arenosis viuit defixa,
carnem intus duram habet, quæ virus resipit. Omnium

Pinnarum testæ eandem cum Mytulorum testis facultatem habent. Hactenus diximus de Ostracodermis tum iis quæ vnica, tum iis quæ duplici testa constant, huic libro finem imposituri, cum de bysso Pinnarum, & de Margaritis quæ in Conchis reperiuntur tractauerimus.

De Bysso.

CAPUT LI.



Lib. 9. cap. 1.

N Sacris Bibliis byssi & byssinarum vestium fit aliquoties mentio, atque etiam in prophanorum libris. In quibus cum Theologorum atque aliorum sententiæ variæ sint, consentaneum fuerit quid de hac re sentiendum sit exponere. Bysus duplex est, terrenus & marinus. De terreno bysso Plinius. Asbestino lino principatus in toto orbe, proximus byssino, mulierum maximè deliciis circa Elim in Achaia genito, quaternis denariis stipula eius permutata quondam, vt auri. Et Pausanias prodidit byssum non alia Græciæ parte nasci quàm in Elide tanta tenuitate, vt ne Iudaicæ quidem bysso cedat, etiam si colore minùs rufet quàm Iudaica, quæ colorem & splendorem auri referebat. Erat igitur lini nō lanæ species est, ex Plinio & Pausania, in Græcia & Iudæa nascentis. Ex ea vestes atque alia ornamenta contexebantur byssina, quæ vt aurum fulgebant. Vnde illud Exodi *CAP. XXXVI.* Fecit & velum ex hyacinthino serico, purpureo, coccino bis tincto, & bysso torta, cherubin fecit in ipsis opere polymito. Et mox. Fecit quoque velamen in ostium tabernaculi ex hyacinthino serico, purpureo, coccinobis tincto, & bysso torta, opere Phrygio. Iulius Pollux aduersa de bysso tradidisse videtur. Porro byssina quoque & byssus lini quædam species apud Indos. Nunc apud Ægyptios ex arbore quædam lana fit, ex qua vestem confectam lino maximè similem esse quispiam dixerit, sola densitate excepta: densior enim arbore fructus enascitur, nuci similis duplici munitus cortice, qua dirempta, postquam instar nucis floruerit, interius hoc quod lanam refert eximitur, vnde subtegmen conficitur, stamen autem illi subtendunt lineum. Et Philostratus. Homines qui secundum Indum flumen habitant lineis amictiuntur vestibus: etenim linum in agris plurimum nascitur, calciamenta gestant ex papyro, nobiliores bysso induuntur. Byssum verò ex arbore nasci ferunt, quæ basi quidem populo sit persimilis, foliis verò fallaci. Sed animaduertendum est Plinium non solum linum vocasse id quod ex herba contusa netur, sed etiam quod ex fruticibus & arboribus carpitur Superior pars Ægypti, inquit, in Arabiam vergens, gignit fruticem quem aliqui Gossopion vocant, plures Xylon, & ideo lina inde facta xylina. Paruulus est, similémque barbatae nucis deferit fructum, cuius in exteriori bombyce lanugo netur. Aliud lini genus facit ex harundine, aliud è genista, quod etià hodie apud nos mulieres

Lib. 19. cap. 1.

lieres rusticæ conficiunt. Æthiopes Indique è malis, Arabes cucurbitis in arboribus. Quare materia omnis, siue ex herbis contusis, siue ex fructuum lanugine carpta, ad texendum idonea, linum vocatur. Alter est byssus marinus ex Pinna delicatissimus & mollissimus, sericæ lanæ comparandus, colore fusco, à similitudine Byssi Græci vel Iudaici sic nominatus: prius enim cognitæ sunt diuitiæ terrenæ quàm marinæ, quem non dubito pretiosarum vestium textui additum terreno.

De Margaritis.

CAPUT LI.

DE Margaritis Concharum quarundam veluti foetu nunc dicemus. Has vniones Latini vocant, non quod in vnica tantum Concha reperiantur: Nam Æliano teste, ^{lib. 3. ca. 26.} pleræque adeo multos vniones possident, ut sint qui dicant in vnica Concha viginti procreatos fuisse, sed quod nulli duo indiscreti reperiantur: vnde nomen vnionum Romanæ scilicet imposuere delitiæ: nam apud Græcos non est, neque apud Barbaros inuentores eius aliud quàm Margaritæ. Latini quidam Margaritum dixerunt neutro genere & masculino. Inuestigare nunc oportet quid sit vnio, sit ne Conchæ pars, vel excrementum, vel morbus quidam: de hac enim re summi viri dubitarunt. Chares Mitylenæus vniones ossa appellauit Athenæo teste. ^{lib. 3.} Χάρης ὁ ὁ Μιτυληναῖος ἐν ἐξδόμενῳ τῶν περὶ Ἀλεξάνδρου ἱστορίων φησὶ. θηρόεσσι δ' ἔτι τιτὼ Ἰνδικῷ θαλάσῳ, ὡσαύτως δ' ἔτι τιτὼ Ἀρμενίῳ, καὶ Περσικῷ καὶ Σαρδικῷ, καὶ Βαβυλωνίῳ παρῳρεῖται ὁρῶν δ' αὖ ἐστὶν ἄδρον καὶ παρόμικτες, ἔχον ἐν αὐτῷ σάρκα ἔν μεγάλην, καὶ λευκὴν, δυνάμει σφόδρα, ἐξ ὧν ἐξαίρουσιν ὅσῳ λευκῇ παραγορεύει μὲν μαργαρίτιν. καὶ σαρκαλέαν δ' ἐξ αὐτῶν ὀρμύχας τε, καὶ ψέμια περὶ τὰς χεῖρας καὶ τὰς πόδας, περὶ δ' ἀποδάσκειν οἱ Πέρσαι, καὶ Μῆδοι, καὶ πάντες Ἀσιακοὶ, πολὺ μᾶλλον τῶν ἐκ χρεστίς γεγεννημένων. Id est, Chares Mitylenæus septimo libro Historiarum Alexandri ait. Capitur verò in Indico mari & circa Armeniam, Persidem, Sufianam, Babyloniam Ostreo quiddam simile, quod magnum est & oblongum, habetque intus carnem multam, albam, suauissimi odoris, cuius exempla Margaritas vocant, ex quibus monilia componunt & armillas, manus atque pedes ornant, qui cultus maiore in pretio est apud Persas, Medos, & Asianos omnes, quàm quæ ex auro confecta sunt. Quæ sententia à veritate abhorret. Nam si vniones Ostreorum ossa essent, ij semper in omnibus Ostreis reperirentur, cùm ossa ad corporis fabricam necessaria sint, veluti partiū reliquarū fulcra, quod falsum esse docet experientia. Idque contra Ostreorum naturam est, quæ similiter

*Lib. 4. de hi-
stor. anim. ca-
pit. 1. & 4.
Lib. 9. cap. 35.*

atque crustata molle intus habent, nec durum quicquam, sed foris, ut rectè scripsit Aristoteles. Fuerunt qui existimauerint vniones Concharum veluti nucleos esse, alij Concharum partus, quam sententiam Plinius refert. Has ubi genitalis anni stimulauerit hora, pandentes sese quadam oscitatione impleri roscido conceptu tradunt, grauidas postea eniti, partumque Concharum esse margaritas, pro qualitate roris accepti. Si purus influxerit, candorem conspici: si verò turbidus, & fœtum sordescere, eundem pallere, cælo minante conceptum, ex eo quippe constare, calique eis maiorem societatem esse quam maris, inde nubilum trahi colorem, aut pro claritate matutina serenum. Si tempestiue fatientur, grandescere & partus. Si fulguret, comprimi Conchas, ac pro ieiunij modo minui. Si verò & tonuerit, pauidas ac repete compressas quæ vocant physemata efficere speciem, verum inani inflatam sine corpore. Hos esse Concharum abortus. Hæc Plinius, quibus non consentiunt ea quæ apud Athenæum ista de re scripta sunt. Φασί ὅτι ὅταν βροίται σιμεχεῖς αἶα, καὶ ὁμβρων ἐγχεύεσσι, τότε μᾶλλον τὴν πίναν κύνει, καὶ πλείω γίγνεσθαι μαργαρίτων, ἢ ὁμεινέθῃ. τὴ δὲ χειμῶνος εἰς τὰς ἐμβρυήδας θαλάσσας διώκειν ἐάθαι αἱ πάντα. θέρος δὲ τὰς μὲν νύκτας κελύπτει διδονχόμεναι, ἡμέρας ὅ μύσκει. ὅσα δὲ ἂν πέρας, ἢ ἀπὸ τῆς προσφυδίας, εὐβοολέει, καὶ αἰῶνα ἐνέει τὴν μαργαρίτην ἡμῶσι. Id est, aiunt verò quum sepe tonat, & largius pluit Pinnam tum magis concipere: margaritasque plures & magnas procreari. Hyeme autem in profundos maris gurgites condi solere. Æstate hiantes sursum enatare noctu, interdum conuiuere. Quæ saxis, saxorumve cauis adnatæ fuerint, radices agunt, & illic commorantes procreant margaritas. Hæc ab iis excogitata sunt, qui particularem Ostreorum naturam ignorant. Nam Pinnæ radice innituntur, suntque immobiles, nunquam sedem in qua hærent sponte nature mutant, ut verè scripsit Aristoteles. Sed nec superior etiam opinio, quam ex Plinio recitauimus, vera est. Etenim ista silicea intecta omnia sponte & non ab aliis procreantur, neque aliud quicquam procreant. Neque idem partus à diuersis editur, quemadmodum vniones à diuersis specie Conchis siue Ostreis. Adde quod omnia quæ procreant, statim quæque temporibus fœtus suos & concipiunt, & emittunt in lucem, cum in variis Ostreis aliquando vniones reperiantur, aliquando nulli: modò hoc tempore, modò illo. Ægyptij hodie externis mercatoribus in Ægyptum proficiscentibus narrant de pisce Columbo, quem Orbem vocauimus, eadem ferè quæ Plinius de Conchis margaritifera, eum scilicet ore hiantem rorem excipere, ex quo deinde vniones efficiat. Sed fabulosa sunt ista: neque enim vnquam in huiusmodi pisce inuenti sunt vniones, neque ros haustus non posset non in ventriculo immutari & concoqui, vel vnà cum excrementis aliis excerni. Quare his reiectis opinionibus Androstheni as-

*Lib. 4. de Hi-
stor. cap. 4.*

sentior

sentior qui scripsit ἡ λιβὸν ἐν τῇ σαρκὶ τῶ ὀτρείου γίνεσθαι, ὡς ἐν τοῖς
 σουείοις ἡ χάλαξαν, id est, in carne Ostrei gigni vnionem, quemad-
 modum in suum carne grandinem. Idem Iuba tradit referente Plin-
 io. Arabicis Concham esse similem Pectini infecto, hirsutam Ech-
 norum modo, ipsum vnionē in carne ipsa esse grandini similē. Gran-
 dinem autem in porcis intelligere oportet, grana compacta, & satis
 dura, per carnem sparsa, ex crassa & viscida pituita concreta, atque
 exsiccata, vt ganglium in neruosis partibus, ad cuius generationem
 pituitæ crassitudini & glutino, facultatis assimilatricis imbecilla vis
 accedit. Galli in porcis lepram vocant, quam ex lingua, maximè in-
 feriore eius parte dignoscunt: in ea enim grana illa manifestè appa-
 rent. Aristoteles causam grandinis suam, & eius dignotionem sic do-
 cet. χαλαζῶδεις ὅ ἐστι τῶν ὕδων αἱ ὑγροὶ ὄρεσι, & τε περὶ τὰ σκέλη, καὶ τὰ περὶ
 τὸν βράχιον, καὶ τὰς ὤμους, ἐν οἷς μέρεσι καὶ πλεῖστα γίνονται χάλαζαι. καὶ
 μὲν ὀλῆας ἔχει, γλυκερὰ ἢ σαρεῖ, αὐτὴ δὲ πολλὰς, ὑγρὰ λίαν καὶ ἀχνυλὰς γί-
 νεται. Δῆλα δὲ εἰσιν αἱ χάλαζαι, ἐν τε γὰρ τῆς γλώττης τοῦ κατωῦ ἔχουσι
 τὰς χάλαζας, καὶ ἐν τῇ βίχῃ ἐκτὶν ἐκ τῆς λοφίως, ὅφρα μοι φαίνονται. ἐν
 δὲ τῇ χαλαζῶν τὰς ὀπίσθας πόδας ὅ δὲ διώδονται ἡσυχάζειν. Grandi-
 nosi sues fiunt, quorum crura, & collum, & armi carne constant
 humidior, quibus partibus vel plurimæ grandines innascuntur. Ca-
 ro dulcior est si grandines habent paucas: sed si multas humida val-
 de & insipida est. Facile qui grandent cognoscuntur: parte enim in-
 feriore grandines habentur, & si setam dorso euellas, cruorem in ra-
 dice pili euulsi videris. pedibus etiam posterioribus constare non pos-
 sunt qui grandent. Et Aetius de elephantia si scribens, inter alias no-
 tas hanc quoque affert, sub lingua venulas varicofas fieri ac nigresce-
 re, quod signum est etiam viscera ipsa in simili constitutione esse
 eiusmodi planè qualis in porcis quibusdam circa interna videtur,
 quæ grandinis nomine insignitur. Quemadmodum igitur in porcis
 grādo, ita in Conchis quibusdā vniones efficiuntur ex humore crasso
 & viscoso, puro tamen, nec luto aut sordibus externis infecto, qui vel
 alimenti convenientis redundantia est, vel excrementorum. Id in
 Mytulis, & Ostreis, & Conchis quibusdam recentibus non hianti-
 bus & semicoctis contemplari licet, in quibus humorem iam cras-
 siorem effectum pellucidumque cernas: ea est generandorum vnio-
 num materia. Non autem semper in media carne reperiuntur, sed
 aliis atque aliis locis, inquit Plinius. Vidimusque eam extremis etiam
 marginibus velut è Concha exeuntes, & in quibusdam quaternos
 quinósque. Et: crassescunt etiam in senecta, conchísque adhære-
 scunt, nec iis auelli queunt, nisi limâ. Quibus vna tantum est facies,
 & ab ea rotunditas, auersis planities, ob id tympana nominantur.
 Quo ex loco tympanorum antiquorum figura discenda est, qui-

Lib. 9. c. 35.

Lib. 8. de Hi-
sto. cap. 21.

Lib. 9. cap. 35.

bus in sacrificiis Matris Deum utebantur. Vergilius.

Aenid. 9.

Tympana vos, buxusque vocat Berecynthia matris

Idea.

Illa altera parte plana, altera rotunda erant, non vtraque plana qualia sunt nostra. Illis etiam hodie vtuntur Aphri, atque Turcæ. Talibus etiam Monspelienfes nostri vtuntur quæ *Tymbaules* vocant, quæ vasa sunt fictilia omnino rotunda, dempta anteriore parte plana, membrana ex asinina pelle clausa. Bina gestant è zona appensa, quæ baculo pulfant, adhibitòq; fistularum rusticarum, tum geminarum laminarum, quæ chalibæ sunt & rotundæ, atque inter se colliduntur, sono, satis impudicam saltationem canunt. Ex his illustrabitur etiam Galeni locus L I B. V I. de differ. & caus. morb. & sympt. in quo lapsus est interpres doctus & elegans, qui *τυμβαύλας* scribit similes esse tympanis nostris quæ *Tymbaules* appellari diximus, nominis quidem similitudine in hunc errorem inductus: sunt enim *τυμβαύλας* nō tympana, neque qui tympana pulfant, verum qui ad mortuorum sepulchra tibiis caneant, nominis ratione id indicante: *τύμβες* enim sepulchrum est, tumbam nos vocamus, & *αὐλὸς* tibia. Hi Latine siticines dicuntur, quod apud sitos canere soliti essent, hoc est vita functos. Quod de tympanis nihil hinc cogitarit Galenus, verba ipsius clare ostendunt. *Βομβώδεις δὲ εἰσὶν ἕτεροι τοῖς ἐξ ὠρυζάνων αὐλῶν ἰσχυρότεροι, ὅποιοι ἔχουσιν οἱ τυμβαύλας καλέμενοι, διὰ μὲν τὸ ὕψος ἐξ ἧς γεγόνασιν ἔδωκα μέγας ἢ καὶ καθαρόν: διὰ τε τὸ ὠρύσσειν τῆς τῷ πνεύματι οὐδὲ βαρύνεσθαι φεγγόμενοι.* Aliis sunt bombis similes, referentes sonos qui à latissimis tibiis eduntur, quales habent qui *τυμβαύλας* vocantur. materia quidem ex qua fiunt in causa est cur clare non sonet, latitudo verò viæ spiritus, cur grauissimè. Perspicuum est hinc de tibiis latioribus non de tympanis sermonem fieri. Sed ad vnionum materiam redeamus, quam etiam nō ineptè calculorum in renibus generationi comparare possis: vidi enim vt iam annotauimus, è renibus eductum calculum è pituita vitrea, vt coniicio, concretum, tam splendidum & candidum, vt iis dotibus cum vnione certaret. Vniones non in vnica Concha gigni tradunt diuersi authores. Indicus maximè hos mittit *Lib. 9. cap. 35.* Oceanus, inquit Plinius, atque ex Indicis quoque insulis petunt, & admodum paucis. Fertilissima est Taprobane & Stoidis. Item Perimula promontorium Indiæ. Præcipue autem laudantur circa Arabiam in Persico sinu maris rubri. Et aliquanto post. In nostro mari, ait, reperiri solebant. Crebrius circa Bosporum Thracium, rursi ac parui in Conchis quas Myias appellant. At in Acarnania quæ vocatur Pinna gignitur. Quo apparet non vno Conchæ genere nasci. Nec in Acarnania ante laudati reperiuntur, enormes & feri, colorisque marmorei. Meliores circa Actium, sed hi parui: & in Mauritania maritimis.

maritimis. Idem apud Athenæum legere est: alij enim in Ostreo Pinnis simili gigni tradunt, alij in Indico Ostreo Pectini simili, quod Berberim vocant, alij in Ostreo magno & oblongo in India, Armenia, Perside, Babylonia, alij in Persico pelago. Principium culménque omnium rerum pretij margaritę tenent, ait Plinius. Cleopatra superbissimo ac procaci fastu, vt regina meretrix, lautitiam Antonij omnem, apparatusque detrectans, quarente eo quid astrui magnificentię posset, respondit, vna se cœna centies sestertium absumpturam, duos maximos vniones per manus Orientis Regum sibi traditos, quos auribus tum gerebat, intelligens. Androsthenes scripsit in Asia, Perside, & aliis Orientis regionibus tanti pretij fuisse, vt pari auro rependerentur. Nostro æuo multis aliis gemmis postponuntur. Venetiis nulla fœmina satis ornata esse censetur, quæ non è collo suspensos vniones gestet. Puellæ nostræ in capite gestant, aliæ paruulos & perforatos consuunt. Americus Vespucius in secunda sua nauigatione si non diserte, saltem verè, vt puto, de vnionum copia & vilitate hæc prodidit. Ad gentem, inquit, quandam peruenimus, quæ nos cum maxima suscepit amicitia, & quamquidem vnionum perlarumque Orientalium comperimus numerum maximum tenere, propter quod quadraginta & septem diebus ibi perstitimus. Et centum & decem & nouem vnionum manchas pretio æstimabamus quadraginta non superare ducatos. ab eis comparauimus: nam nolas, specularia, crystallinosque nonnullos, necnon leuissima electri folia eis tantum propterea tradidimus, nempe quotquot quilibet obtineret vniones, eos pro sola nola donabat. Didicimus quoque interdum ab eis quomodo & vbi illos piscarentur, qui quidem Ostreolas in quibus nascuntur, nobis plures largiti sunt, & pariter nonnullas mercati fuimus, vbi in quibusdam centum & triginta vniones, in quibusdam verò nõ totidem reperiebantur. Nouerit maiestas vestra quod nisi præmaturi sint, & à Conchylis in quibus gignuntur per se excidant, omnino perfecti non sunt, quinimo in breui, vt sapius expertus sum, emarcescunt, & in nil redacti sunt. Cùm verò maturi fuerint, in Ostrea ipsa inter carnes, præter id quod carnibus ipsis hæreant, se separant, huiusmodi optimi sunt. Hactenus Americus. Dos omnis vnionum est, tradente Plinio, *Lib. 9. c. 35.*

in candore, magnitudine, orbe, læuore, pondere, quas notas singulatim persequemur. Clariores sunt in mari rubro reperti. Indici specularium squamas assimilant. Circa Bosphorum Thracium rufi sunt & parui. In Acarnania coloris sunt marmorei. In Britannia decolores. Flauescunt & in senectâ, rugisque torpescunt, nec nisi iuuenta cõstat ille qui quæritur vigor. Vsu etiam atteri nõ dubium est, colorẽque indiligentia mutari. Summa igitur laus coloris est exaluminatos vo-

cari, id est, ad aluminis colorem accedentes, quod optimum cēsetur, quum candidissimū est autore Dioscoride. Magnitudine differunt, ut in Acarnania magni nascuntur, sed coloris non laudandi. Circa Actium meliores sunt, sed parui. In Britannia contrā, parui sed haud boni. Figuræ varietate discernuntur, quod aliæ sint totæ rotundæ, aliis vna tantum est facies, & ab ea rotunditas, auersis planities: Sunt alij proceriores fastigiata lōgitudine, alabastrorum figura in pleniorē orbem definentes. Hos digitis suspendere, & binos ac ternos auribus, fœminarum gloria est. Has elenchos appellabant authore Plinio,

Saty. 6.

Item Iuuenale

Turpe putat nil

Quum Virides gemmas collo circumdedit, & quum
Auribus extensis magnos commisit elenchos.

Crotalia etiam nominabant à sono & collisu ipso margaritarum. Quidam sunt rugati, ut qui ætate deteriores redditi sunt. Nonnulli sunt læues, & inani inflati, qui ob id physmata Græco nomine vocantur. Pondus ad hoc æui semenciæ pauci singulis scrupulis excelsere. Differunt quoque ætate, & Concharum siue Ostreorum in quibus nascuntur varietate, ut ex superioribus liquet. Colliguntur diuersis modis. Quidam eos sponte sua decidere, & in saxis iisdem reperi putant, in quibus Conchæ & Ostrea. Ego verò nō nisi post Ostreorum mortem absumpta carne decidere puto. Etenim carni & testæ
Lib. 9. cap. 35. adherent. Quidam tradunt asserente Plinio, sicut apibus ita Cōcharum examinibus singulas magnitudine & vetustate præcipuas esse veluti duces, miræ ad cauendum solertiæ: has vrinantium cura peti, illis captis, facile cæteras palantes retibus includi. Multo deinde obrutas sale in vasis fictilibus, exesa carne omni, nucleos quosdam corporum, hoc est, vniones decidere in ima. Hæc quidem posteriora veriora esse puto, priora non item: Nam Conchis duces esse & retibus capi falsum est. Illud quoque fabulosum est, Concham ipsam quum manum videt, comprimere sese, operirēque opes, gnara propter illas se peti: manūque nisi si præueniat, acie sua abscindere, nulla iustiore pœna, & aliis munita suppliciis. Quippe inter scopulos pars maior inuenitur, sed in alto quoque comitatur marinis canibus, nec tamen aures fœminarum arcentur. Etenim Conchis omnibus tactus tantum sensus, atq; gustatus parum exquisitus à natura tributus est, aliorum omnium sunt expertes. Nec in eis solum sensus, sed & mentem inesse dicas ex Plinio. Idem periculum venantium margaritas. & qua ratione vitetur, sic explicat Athenæus. Κινδυνώδεις ὅι οἱ θηρῶντες τὰς μαργαρίτας, ὅτεν κεχρηότα χόγγον χεῖρ δίδω ἐκτείνωσι τὴν χεῖρα: μὲν γὰρ τότε, καὶ πολλάκις οἱ δολοὶ ἀντὶ τῶν ἀποπρίονται. ἐνίοι δὲ καὶ παραχρήμα ἀποθήσκουσιν, ὅσοι δὲ ἐκ πλῆθους ὑποθέντες τὴν χεῖρα τύχῃσι, βραδίως τὰς χόγγας ἀπὸ

Lib. 3.

ἐν τῷ τῷ λήθῃ ἀποπείσιν. In periculo versantur qui venantur margaritas, si in hiantes conchas manum immiserint, tunc enim comprimunt, ac saepe digitos praecidunt, aliquando nonnullis persaepe morientibus. Qui verò à latere manū subiecerint, facile Conchas à faxis auellunt. Vniones in medicina ab Arabibus vsurpabantur, aduersus cordis affectus, hodie quoque horū imitatores iidem vtuntur. Inde celebres & frequentes in officinis duæ antidoti Diamargariton frigidum, & calidum, hoc est ex vnionibus, quarum prior in frequentiori est vsu, atque alia quæ manus Christi perlata ab vnionibus nominatur. Serapio in suo Aggregatorio ex Rasi vniones frigidos & siccos esse in secundo ordine tradit. Cardiacis prosunt, cordisque syncope laborantibus conferunt, ad spirituum confirmationem, ad fluxum sanguinis exsiccandum, ad oculorum claritatem. Ob eam causam collyriis admiscuntur, non quod digerendi vi præditi sint: neq; enim vtiliter ad cordis imbecillitatem, & spirituum robur confirmandum adhiberetur, sed ob eam quam dixi exsiccandi vim. Melancholicis conuenire non video cum frigidi sint & sicci, nisi quod spiritus puriores efficiant, vaporesque atros ad cor conscendentes siccitate sua absumant, qua vi menses retinere sum expertus. Nullam mea quidem sententia facultatem ad pterygia & suffusiones curandas adferunt, etiam si quidam iis vtantur. His dentes candidiores reddi traditum est, sed idem præstant testæ Concharum & Ostreorum in quibus inueniuntur. Solent Pharmacopei in marmoreo mortario in puluerem redigere, ne aliquid vel coloris, vel substantiæ, vel saporis ingrati à metallico contrahant. Possunt & aceti acerrimi asperitate, vel vix acerbæ, vel Citrij pomi succo dissolui. Id comprobauit Cleopatra luxuria, quam fusiis explicat Plinius LIB. IX. Non desunt Chymistæ, qui ex multis paruis in aquam dissolutis, se posse magnos conficere venditent, qui splendore, læuore, pondere atque omni alia dote Cleopatræ vnionibus inferiores non sint. Sed qui id dixerint permultos audiui, qui id præstiterint nullos vidi. Serapio in vnionum vicem Cōchylia magna & splendida, & fulgentia vsurpari posse tradit, modò dimidio pondus augeamus.



G V L I E L M I R O N D E L E T T I D E T E S T A C E I S

LIBER II.



Quæ Turbinata dicantur, & quæ omnibus communia propriaque sint.

C A P U T I.



UPERVACVVM Foret hîc de turbinis & turbinati significatione satis omnibus nota dicere, nisi variè ab autoribus vsurparetur, ac proinde turbinatorum obscurior esset diuifio. Est igitur turbo qui ex amplo & lato paulatim in mucronem definit, vt de Buccina scripsit Ouidius.

Caua Buccina sumitur illi

Tortilis in latum qua turbine crescit ab imo

Huius figuræ est turbo luforius,

*Quem pueri magno in gyro vacua atria circum
Intenti ludo exercent,*

vt ait Virgilius.

Ab huius figuræ similitudine, dicuntur turbinata ostracodermorum genera. Quare latius fusa sumuntur ab Aristotele, quum sic distinxit: Τα ὃ ἐρωμβώδην καὶ θάπτερ ἔρηλαι πρότερον, καὶ τέλει τὰ μὲν ἐλατὺ ἔχοντα οἷον κήρυκες, τὰ ὃ σφαίροειδὴ μόνον, καὶ θάπτερ δ' τῶν ἐχίνων γένος. Turbinati generis alia in anfractum intorta, vt Buccina, alia in globum circumacta vt Echinorum genera. Alio in loco Aristot. in turbinatis Echinos non recensuit, quâuis testa opertos, vt ex ipsius verbis perspicuū est. Quæ testa operiuntur vt Umbilici, Cochleæ, Purpuræ, & omnia quæ Ostrei aut Cōchæ nomine appellamus, atq; etiā Echinorū genus. Præterea turbinatis, tradēte eodē, hoc peculiare est, vt testæ postrema à capite clauiculatim intorqueantur. Operculū etiā ea omnia iā inde

ab oit

*lib. 4. de par.
anim. cap. 7.*

*lib. 4. de hist.
anima. cap. 4.*

Ibidem.

ab ortu naturæ gerunt. Quæ Echinis nullo pacto conueniunt. Illa *ερρεβωδον* meritò quidem nuncupat *παρὰ δ' ἑρρεβωδον*, quod contorqueri significat. Hac posteriore turbinatorum significatione utimur, & turbinatis Cochleas subiicimus, quæ clauiculatim intorquentur etiam si non in longum mucronem deficiant. Sed ne qua sit in testaceorū diuisione obscuritas, ea sic perspicuè distinguemus. Testaceorum alia sunt vndique contacta, alia parte duntaxat altera. Vndique conteguntur Tellinæ, Pectines, Mytuli, Conchæ alia. Altera tantum parte vt lepas, Auris marina. Rursus eorum quæ vndique integuntur, alia testa continua penitus conclusa sunt, vt nulla ex parte carnem detectam habeant, veluti Holothuria, Tethya, Echini. Alia testa continua inclusa quidem, nec vlla ex parte conspecta, dempto capite, vt Buccina, Purpuræ, Cochleæ, denique turbinata omnia, quæ capitis operculum habent. Alia testa vndique conglobata quidem, sed non in gyrum conclusa sunt, quæ rimam habent sine operculo, vt Conchæ venereæ. Alia vndique duabus testis contacta, vt Pectines, Chama, Dactyli, &c. Ex his omnibus ea tantum hîc tractamus, quæ testam habent vnicam totam continuam, atque in anfractus contortam, dempto capite, quod semper operculo tegitur. Atque hoc quidem turbinatis proprium est, quo à reliquis secernantur. ipsis tamen omnibus commune est, quod iam diximus, quòdque testa intorta sit. Mouentur etiam eadem omnia & serpunt, parte dextra non ad clauiculas, sed in aduersum. Eorundem omnium caro intus laxior continetur, & quæ faciliùs auelli potest. Interiorum natura in turbinatis omnibus similis est, nec nisi magnitudine variat, aliis enim partes maiores, aliis euidentiores, aliis minores obscuriorésque sunt. Adhæc discrimen illud duritiæ, mollitiæ, cæterarumque eiusdem generis affectionum. Caro enim prima in ore testæ, quam omnia torosiusculâ habent, aliis magis talis, aliis minus. Caput eius partis medio prominulum iungitur, & cornicula duo, quæ pro magnitudine plus minùs capiunt incrementi. Exerunt caput more eodem omnia, idemque per metum retrahunt intrò. Nonnullis etiam os, & dentes acuti, breues & tenues, vt Cochleis. Promuscidas etiâ gerit modo muscarû, quod quidē membrû linguæ speciem præ se fert. Habêt hoc idem & Purpuræ & Buccina firmû & torosum, quo similiter vt asili & tabani, quadrupedû tergora penetrant, imò longè validius, testas enim escarum possunt perforare. Venter os protinus excipit, similis in Umbilicis ingluuici auium: habentq; parte inferiore duo albida, torosa, mammis similia, cuiusmodi carunculas vel in Sepiis esse animaduertimus, sed hæc torosiora. Gula à ventre duplex, longa porrigit se vsque ad papauer, quòd postremum fundo commissum est. Hac ergo vt in Purpuris & Buccinis conspicua in clauicula testæ continentur. Quod

autem gulæ subiungitur, intestinum est, gulæ ipsi continuum, simplexque ex toto usque ad exitum, cuius initium circa anfractum papaueris est, quæ & laxius hæret, quod enim *μυκωρα* Latine verbum *Lib. 4. de hist. cap. 4.* e verbo papauer appellamus, in omnibus testaceis generibus inest. *Lib. 4. cap. 4. prioris partis.* Hinc sursum versus replicans, carnis repetit sedem, finitque ad caput, unde eiicitur excrementum, pariter in omnibus turbinatis generibus, tam aquaticis quàm terrestribus. Hæc est interiorum partium quibus turbinata constant, descriptio ex Aristotele. Purpuræ & Buccina lentorem cuiusdam ceræ saluant, qua de re fusius alibi diximus. Mucorem etiam emittunt turbinata reliqua.

De Purpura,



CAPUT II.

Lib. 5. de Hist. animal. cap. 15. **D**E Turbinatis dicturi à Purpura sumemus initium, tum ob certas & illustres notas, quibus à cæteris internoscitur, tum ob celeberrimi illius & pretiosissimi liquoris à principibus, & prodigo luxu nobilitatis viris tantis impendiis expetiti, præstantiam. *Lib. 9. cap. 37.* Πορφύρα nominatur à Græcis, & πορφύρα μικρά Purpuræ parvæ ab Aristotele. *Lib. 9. cap. 38.* Genuenses *ronceram* vocant ab aculeis, Veneti *ognellam*, nostri *burez* mutuata, ut apparet, dictione à Murex. Plinius Purpuras alio nomine Pelagias appellari tradit. Purpuræ, inquit, nomine alio pelagiæ vocantur. Inde pelagium earum succum tingendis lanis laudatissimum idem appellat. *Lib. 5. de Hist. animal. cap. 15.* Buccinum per se damnatur quoniam fucum remittit. Pelagio admodum alligatur, nimixque eius nigritiæ dat austeritatem illam, nitorémque qui quæritur cocci. Sed hæc mihi appellatio non purpurarum omnium, sed vnius tantum differentiæ à loco sumptæ

sumptæ videtur esse debere, id quod ex Aristotele facillè colligitur. *Lib. 5. de hist. 4. 15.*
 Εἰσι δὲ τῶν πορφύρων γένη πολλὰ, καὶ ἔναι μὲν μεγάλας οὖν αἱ περὶ τὸ Σίγγειον καὶ Λέκτον. αἱ δὲ μικραὶ, οἷον ἐν τῷ Εὐρώπῳ, καὶ περὶ τῇ Καρίᾳ. καὶ αἱ μὲν ἐν τοῖς κόλποις μεγάλας καὶ βαχεῖαι, καὶ τὸ ἄνθος αὐτῶν αἱ μὲν πλεῖστα μέλαν ἔχουσιν, ἔναι δὲ ἔρυθρον μικρὸν. Quæ sic Gaza conuertit. Genera Purpurarum plura, & nonnullæ magnitudine augentur insigni, vt quæ ad Sigeum & Lectum Idæ promontoria gignuntur. Aliæ parvæ vt quas Euripus fert, & Caria. Pelagiæ magnæ scabræque sunt, quarum flos magna ex parte niger, sed nonnullis rubidus pusillum. Purpuras quæ ἐν τοῖς κόλποις nascuntur, pelagias rectè interpretatus mihi esse videtur Gaza. Nam κόλπος τῆς θαλάσσης Græci τὸ κοιλώματι τῆς θαλάσσης appellant, & τὴν βαθεῖαν θάλασσαν. Et qualem hîc florem pelagiis tribuit Aristoteles, talem pelagio Plinius scilicet nigricantem. Purpura nostra oui est magnitudine, non nego alibi multò maiorem reperiri. Testa rugata, aspera, cinerea, aliquando flavescente, aliquando ex viridi cinerea, intus luteo colore. In anfractus contorta est. Aculeis veluti clavis ordine dispositis munita, primis minoribus, mediis longioribus multò, vnde Plinius clauatam esse Purpuram dixit, ad turbinem vsq; *Lib. 9. cap. 36.* aculeis in orbem septenis ferè. Rostro est longo, tubuli modo excavato per quod linguam exerere creditur. Ante id foramen est rotundum, operculo intectum quod separatim depingendum curauimus, de quo etiam seorsum dicemus. Ex his perspicuum est quàm alienæ sint à vera Purpura aliorum picturæ, quorum hi rostrum tubulatum, illi turbinem omiserunt. Caro interior qualem in turbinatis antea ex Aristotele descripsimus, suntque falsissima quæ nonnulli de Purpurarum branchiis, & aliis partibus se percepisse blaterant. Purpurarum genera esse plura iam diximus ex Aristotele. Earum differentiæ sumuntur à loco, magnitudine, paruitate, floris siue succi varietate. Magnæ sunt ad Sigeum & Lectum, parvæ in Euripo & Caria. Pelagiarum aquiloniarum flos nigricat. Paruarum litoralium & austrinarum rubet. Earundem plura genera tradit Plinius pabulo & solo discreta. *Lib. 9. cap. 37.* Lutense putri limo, & Algense enutritum alga vilissimum. Vtrisque melius Teniense in Tenei maris ora collectum. Hoc quoque tamen etiânum leuius atque dilutius. Calculosæ appellantur à calculo maris, mirè apto Conchyliis, & longè optimo Purpuris. Dialutense, id est vario soli genere pastum. De generatione Purpurarum diximus in *Lib. 4. cap. 4.* priore parte operis nostri, quæ sponte naturæ fit, sine maris & scæminis commistione, sine ouis. Quamobrem hoc in loco improbanda est auctoris lib. de aquatilibus sententia, ab Aristotelis mente alienissima etiam si eam exponere velle videatur, quam tamen miserè deprauat & corrumpit, vt ex eius verbis perspicuum fiet. Vterque autem piscis (de Buccino & purpura loquitur) purpureum colorem fundit, estque

Massilia, Genua ac Venetiis in cibis expetitus: sed Buccini caro Purpuræ carne durior est. Ambo quoq; fauare dicuntur, quod sanè hoc pacto faciunt. Qua sub lapide prona parte oblōga, albāq; deinceps pendentia disponūt, quæ ita disposita faui nomē habent, ab apū similitudine. Supini autē sub lapide stabulantur, quū fauificāt: quo verò tēpore fauos extruūt, si incoquātur & abscondantur, oua intro continere cōperiētur, quæ saluario lēto lapidibus & cautibus ferrumināt, vt inde decidere nō possint, quod tā magno artificio cōstruunt, vt nihil coaceruatū esse videatur. Hæc autē fauificatio verna esse solet. Primū vt hæc à veritate quā maximè abhorre intelligas, esseq; planè æ gri somnia, explicandū quomodo procreātur Purpuræ & Buccina, deinde quid sit fauare siue fauificare Omne ostracodermorum genus expers coitus est, inquit Aristot. Et cum .Purpuræ tum etiā reliqua testis inclusa, è limo ferè & materia putrescēte oriuntur. Quod & necessaria ratione cōfirmatur: Etenim nulla naturalis actio sine partibus ad eam aptè conformatis perfici potest: nam partibus singulis sua sunt tēperamēta, à quibus facultates, & ab his actiones proficiscuntur, quas omnes corruiere necesse est, imo ne esse quidem possunt, si harū fundamentū vel subiectū nullū existat. At quæ; in Purpura, Buccino, turbinatīsq; omnibus partes sunt semini generādo, cōtinēdo, emittēdo, recipiēdo & fouēdo idoneæ? Quenā alia præter eas quæ sustinēdo, nutriēdoq; simpliciter animali destinatae sunt? Præterea quæ commissio corporum vndique testa conclusis esse potest? Dices fortasse ex Aristotele Genus omne ostracodermorum Vere Autumnōq; habere ea quæ oua appellant, exceptis Echinis cibo idoneis, quippe quibus etsi per ea tempora præcipue vbertas ouorum est, tamen nullo tempore cōmittitur, vt ouis omnino careant, sed maximè pleniluniis diebusque tepidis restituuntur. Hæc quidem Aristot. prodidit, sed locus is ex alio intelligēdus & explicandus est, qui legitur LIB. III. de gener. anim. Quæ oua appellātur nihil ad generationē conferunt, sed indicio sunt melioris nutritionis, quale in sanguineis pingue est, quāobré sapore per id tēpus præstāt, cibōq; laudantur: argumēto quod & Pinne, & Buccina, & Purpuræ cōtinēt, quidē semper ouū illud vocatū, sed aliās maius, alāis minus. Quare falsum est oua huiusmodi per similitudinē sic appellata, nō ex semine, nō ex foemine & maris coitu cōcepta, ita disponi vt faui nomē habeāt, ab apū similitudine, vt hoc sit fauare siue fauificare. Est enim longe aliud apud Arist. Athenēū. Plin. Αἰ μὲν οὖν πορφύραι τῶ ἑαρος συναθροίζονται εἰς ταῖς, ποῖς (ἢ τῶν χαλαρῶν μελῶν κρηρῶν, τῶ δ' ἐφ' οἷον κρηρῶν, πολλὰ ἔχοντα γλαφυρὸν, ἀλλ' ὥσπερ ἀπὸ ἐκ λεπύρων ἐρεβίνθων λευκῶν πολλὰ σιμωλακέειν. ἐκ ἑξ ἧς ὁ ἀρωγμένον πόρον ἔδεν τῶτων, ἔδεν γίνονται αἱ πορφύραι, ἀλλὰ φύονται καὶ αὐταὶ, καὶ ἄλλα ἐκ τῆς σιμωλακῆς καὶ ἰλύος ὁστραχόδεσμων. τῶ δ' ὁ σιμωλακῆς ὥσπερ ἀποκθάρμυς, καὶ ἰαύταις, τῶ τοῖς κήρυξι, κημελάς (ἢ γὰρ καὶ οἱ κήρυκες, id est purpuræ ver

Lib. 5. de hist.
ca. 15.

Lib. 5. de hist.
cap. 12.

Cap. 12.

Aristo. lib. 5.
de hist. anim.
cap. 15.

ræ verno tempore eundem in locum sese colligentes, condunt quam
 fauaginem nominant, quæ veluti fauus est apum, verum non ita
 elegans sed quasi ex putaminibus cicerum alborum multa inter se
 composita, struem vnam sua cohesione coagmentatam. Nullum iis
 patet foramen, neque ex iis nascuntur Purpuræ. Sed cum Purpuræ, tum
 etiâ reliqua testis inclusa à limo ferè & materia putrescente oriuntur.
 Illa verò coagmentatio fauo similis, purgamētum tam iis quàm Buc-
 cinis euenit: nā Buccinis quoq; fauificare in more est. Igitur *κηκαζειν*,
 siue *μελικηραειν*, siue *οιον κηελον ποιειν*, quod est Gaza interprete fauare siue
 fauificare, vel vt Plinius loquitur, lentorem cuiusdam cerij saluare, di
 cuntur Purpuræ & Buccina quum emittunt lentorem quendam, siue
 humorem mucosum, velut à seminis natura, semen verò eorum nul-
 lum esse existimandum est. Ex eo lentore concreto & exsiccato fit con-
 geries veluti putaminum cicerum alborum, inter se coherentium,
 quam in litus eiectam pharmacopolæ quidam pro spuma maris, alij
 pro alcyonio falsò vsurpant. Quocirca procreantur Purpuræ, & Buc-
 cina sponte, vt alia ostracoderma, è limo & materia putrescente, vt iam
 dictum est: & præter saluarium lentorē tenui humore in terram re-
 cepto. Ac quemadmodum fungorum decocto in terram effuso fungi
 permulti breui enascuntur, ita Purpurarū origine aliqua præcedente,
 multò maior copia prouenit: à singulis enim excrementi aliquid ef-
 fluit, quod quidem semen non est. Atque hæc est duplex Purpurarum
 Buccinorū, Mytolorū origo ab Arist. tradita, & à nobis fusiùs explica-
 ta libro quarto prioris partis operis nostri. Reliquas actiones morēsque
 persequamur. Quæ mobilia sunt, inquit Arist. eadem carne vescuntur,
 iis victus ex pisciculis est, vt purpuris: sunt enim carniore, & quidem
 esca huiusmodi capiuntur. Plinius etiam alga nutriri tradit. Pascitur
 Purpura: ait Aristoteles, exerta lingua sub operculo, quæ Purpuris di-
 gito longior est, qua tamen Conchulas, tum sui generis testam per-
 forare potest. Et Plinius. Lingua Purpuræ longitudine digitali, qua
 pascitur perforando reliqua conchylia, tanta duritia aculeo est. Et
 alibi Purpura vocatur, caliculatim procurrente rostro, & caliculi
 latere introrsus tubulato, qua proferatur lingua. Sed id diligentius
 considerandum, linguane testas perforet. Lingua omnibus animalibus
 in ore est, os autem in capite, quod operculo tegitur in Purpurā, atq;
 adeo in turbinatis omnibus. In rostro igitur longo & tubulato lingua
 non est, sed per id eam profert, & exerit. At linguam Purpurarum &
 turbinatorū omniū promuscidibus muscarū quæ inter cornua sunt,
 comparat, quæ firma est, torosa ac rotunda, quæque exeri potest, quā ta-
 men si per anatomen propius intueare & tractes: neque ita longa, neque
 ita duram esse certò comperies, vt per longum rostrū testas perforare
 possit. Quare id fabulosum esse puto, sed ea, quo ad eius fieri potest,

Lib. 9. cap. 36.

Lib. 8. de hist.
cap. 2.

Lib. 9. c. 37.

Li. 5. de hist.
anima. cap. 15.

Lib. 9. cap. 36.

Lib. 9. cap. 36. exerta, Purpuræ succos & humores aliarum Concharum exugunt
 Pectinum ritu, rostro acuto & duro tanquam terebello excavato te-
 stas alias perforant. Tempus viuendi Purpuris & Buccinis longum,
 annos enim circiter sex Purpuræ viuunt, & singulis annis incremen-
 tum earum patet per orbes: quibus totidem quot annos habent, testa
 clauiculatim intorta in crepidinem definit. Plinius annum vnum
 addiit. Purpuræ viuunt annis plurimum septenis. Et: Purpuræ &
 Buccino orbes totidem quod habent annos. Nunc de Purpuræ par-
 tibus, earumque in cibis vel in medicamentis vsu. Purpura vsta
Lib. 2. cap. 4. exsiccat, inquit Dioscorides, dentes abstergit, excrecentias in car-
 ne cohibet, vlcera purgat, & ad cicatricem perducit. Galenus paulò
Lib. 7. cap. 3. fusiùs eadem docet L I B. X I. simplic. medicamentorū. Paulus Æginet.
 Purpuræ crematæ testis eandem vim tribuit quā pompholygi, id est,
Lib. 5. siccandi sine rosione. Aetius. Purpurarum testæ cum aceto potalienes
 tumentes sanant, & secundas morantes detrahunt. Vstarum cinis ad
Lib. 2. cap. 6. eadem confert ad quæ Buccinorum. de quibus suo loco. His addit
 Dioscorides. *Ἰβνία ὃ καλεῖται τὰ ἐπὶ τῶν κυρτῶν καὶ πορφύρων μέλα, πε-
 ρὶ οἷς ἡ ἐλὶξ ἐστὶ τῆς ὀφθαλμοῦ. Καίεται ὃ ὁμοίως δυνάμει ἔχοντα καυστικὰ
 τέρεα τῶν κυρτῶν, καὶ τὰ πορφύρας, διὰ τὸ πικρῆν αὐτῶν τὸ φύσιν.* Id est,
 Ionia vocantur Purpurarum Buccinorumque mediæ partes, circa
 quas testæ volumen clauiculatim intorquetur. Cremata simili mo-
 do maiorem Purpuris Buccinisque facultatem vrendi consequun-
 tur, quoniam apprimendi naturam obtinent. Qui locus mihi satis
 explicatus non videtur, etiam ab iis qui bene longa commentaria in
 Dioscoridem conscripserunt. Ac primum alij *ἰβνία*, alij *κίβνια* legunt.
 Qui *ἰβνία* legunt deductum putant vocabulum à dictione *ἰόν*, quæ
 violam significat, quia Purpurarum quarundam flos violacei sit colo-
 ris, qui flos est inter papauer & ceruicem. Hermolaus *κίβνια* legit, id est,
 Columellas, vt sint Buccinorum Purpurarumque partes mediæ, qui-
 bus velut columnis & fulcris caro & reliquæ partes innitantur. Sunt
 autem partes hæ mediæ, partes corporis interni Purpurarum valde
 torosæ & firmæ, ac fibrosæ, circa quas testæ volumina capreolorū ri-
 tu conuolui incipiunt, secundum Dioscoridem, vel quibus hæret
 vena illa, vel membrana florem Purpurarum continens, secundum
 Aristotelem, inter papauer, quod inferiore est loco, & trachelon siue
 cerniculam, siue collum superiore loco. Sed præstat Aristotelis locum
*Lib. 5. de hi-
 stor. cap. 15.* proferre, vt ei lucis aliquid inferamus. *Τὸ δ' ἀέθρος ἔχον ἀπὸ μέλαν
 τῆς μήκωνος, καὶ τῆς βαχίλης τῶτων δ' ἐστὶν ἡ σύμφυσις τῶν κινῶν. Τὸ χεῖμα δ' ἰδεῖν,
 ὡς περὶ ὑμῶν λευκὸς, ὃν ἀνὰ φαρυγγί, θληβόρυκος ὃ βάπτει, καὶ ἀντιζέει τὸ χεῖμα,
 διαλείπει δ' αὐτῶν ὡς περὶ φλέβα τὸ τοιοῦτον δὲ δοκεῖ εἶναι τὸ ἀέθρος, ἢ δ' ἀπὸ τῆς σύμφυσις οἷον
 τῶν κινῶν.* In cuius loci cōuersione Gaza sensum quidē Aristot. mihi
 videtur esse affecutus, sed obscure locum sic interpretatus est. Florem
 suum

suum inter papauer dictum & collum continent, textu spissiore, aspectu veluti membranæ candicantis, quam detrahunt, tingit hæc expressa & inficit manum. Pertinet eadem suo situ perinde vt vena, idque flos ille celebrer putatur, reliquum contextus quasi alumen est. Quæ dilucidius sic expressa sunt. Purpuræ florem habent inter papauer & ceruicem, quorum cohærentia densa est, compactaque. Coloris quidem aspectu membranam albam refert, quam detrahunt, pressaque tingit & inficit manum, distenditur autem vt vena, atque in hac quidem est flos purpuræ, reliqua coagmentatio est veluti alumen. Hæ sunt mediæ partes de quibus Dioscorides, quibus maiorem vrendi facultatem tribuit, quàm testis, quia tenuiorum sunt partium, celeriusque peruadunt & permeant. Ex Purpulis vstis dentificia optima sic conficimus. Eas vstas vino extinguimus, abluimusque, deinde aceto rosato, postremo aqua rosarum. Tum melle scillitico, vel oxymelite exceptis, & ad confectionis formam reductis, odoris boni, saporisque conciliandi causa rosas & caryophylla addimus. Idem cinis cum puluere glycyrrhizæ, papauerisque semine, ex cremore hordei & paucio vino albo sumptus, pulmonibus malè affectis mirè auxiliatur, fluxiones inhibendo, & id quod iam fluxit absumendo, exsiccandoque. Totæ partes internæ in oleo percoctæ mitigandi doloris vim habent. Saliuâ earundem quæ admodum lenta est, siccantur & glutinantur vulnera recentia, maximè si cum paucio sanguine draconis adhibeatur. Quantum ad Purpurarum vsum in cibis attinet, vniuersè scribit Galenus Purpulis, Ostreis denique ostracodermis omnibus hoc esse commune, vt falsum in carne succum contineant, qui aluum subducat, caro verò dura sit, sed hæc vnicuique magis minusque inest, qualitatibus quantitatibusque ratione. Sed in Purpulis diuersæ partes, diuersam naturam habent. Athenæus. Αἱ πορφύραι μέγξυ πάντες εἰσὶ καὶ τῶ κήρυκος, ὧν οἱ μὲν βράχαιοι, πολύχυλοι ὄστροι, ὅ ῥα λοιπὸν αἰσῶν, ἀλυκὸν καὶ γλυκὺ, καὶ ὀσμώδες, εἰς εὐαίμασιν τε ἐπιβέβητον. Inter Pinnas & Buccina Purpuræ mediæ sunt naturæ, quarum tracheli multi sunt succi, ori grati, reliquæ partes salæ sunt & dulces, facillè distribuuntur, & humores corporis vitiosos ad iustam temperationem reducunt. Rursus Athenæus. Τροφιμώτεραι ὅ τῶν εἰσὶ, καὶ ἀπολαυστικώτεραι αἰ τῆς ποφύρας μήκωνες πάλιν χιλωδέεσαι ὑπάρχουσιν: καὶ γὰρ ὅλον ὃ κήρυκλον τοῖς τὸν ἐστὶν, ἰδίον ὃ καὶ τούτοις, ὃ τοῖς σωλῆσι παρέπειλαι ὃ ἐφόμενος παχὺ ποιεῖν τὸν ζωμὸν. ἐφόμενοι ὃ ὃ καὶ ἐαυτοὺς καὶ οἱ βράχαιοι τῶν πορφύρων, ὀψιτέροις πρὸς τοῖς τῶν τροφιμῶν διαβέβηται. Copiosius alimur, maiorique cum voluptate vescimur papauere purpuræ, quàm cæterorum, sapit tamen scillam, vt & Concha tota. Peculiare est his & Vnguibus, quod coctæ iusculum spissant. Elix quoque seorsum purpurarum tracheli ventriculo malè affecto profunt.

De Operculo Purpuræ.

CAPUT. III.

PRÆTER Purpurarum partes iam explicatas seorsum dicemus de alia. quæ & figura, & viribus, & nomine à Superioribus distat. Hanc Aristot. ἐπικαλύμμα, siue καλύμμα vocat, id est Operculum siue integumentum à verbo, καλύπτω. Appellat etiam ἐπίπταγμα. LIB. V. de Hist. anim. ἐπεὶ ὁ καὶ τὸ ἐπικαλύμμα καὶ ταυτὰ ἀμφοτέρω, καὶ τὰ ἄλλα τὰ στρομβώδη ἐκ γλυκίστης πάντα. νέμονται ὁ ἐξαίροντα τὴν καλυμένην γλῶττιαν ὑπὸ δ' ἐπικαλύμμα. Operculum utrique huic generi adheret nativum, & cæteris omnibus turbinatis, pasci quoque exerta lingua appellata sub illo operculo solent. Et alio in loco. Εὐνὶ ὁ ἐπίπταγμα πάντ' ἐχθ' ἐκ γλυκίστης. Operculum etiam iam inde ab ortu omnia gerunt, de turbinatis loquitur. Statim ab ipsa procreatione turbinatis operculum inesse dicit, ad discrimen Cochlearum. quæ ipse sibi ex glutinoso humore, siue ex muco suo operculum conficiunt. Dicitur aliter à Græcis πῶμα, ut à Galeno, qui seorsum de eo hæc prodidit. πῶμα τὰ πορφύραν δι' ὅξους ποθέντα πλῆθους οὐδαμῶς ἐξαρτάνωντας ἰσάσθαι, θυμωμένους δ' ὅς τας ἀνιγομένας ὑπερμεκῶς ὠφελεῖ, ἐκβάλλει τε καὶ τὰ κατεχόμενα χόρεια. Opercula Purpurarum ex aceto pota scripserunt quidam tumentis lieni mederi, suffitu autem excitare scæminas vulvæ strangulatu oppressas, & morantes secundas detrahere. Eodem nomine operculum Conchylij nominavit Dioscorides, & Cochleas quasdam alpium Liguriæ πρωμάδας, id est, operculares. Dicitur autem πῶμα quod eo testarum foramina claudantur, ut vasa operculo suo. Carni heret, & vnguis noster, ac tanquam ex filis siue ex fibris coagmentatum quid & duratum esse dicas, ut ex eius pictura quam cum Purpura superiore capite expressimus, licet perspicere. Differt substantia à testa quæ multò siccior est, neque fumum emittit, nisi si accensa liquore aliquo extingueretur. Operculum verò pinguitudinis nonnihil in se habens, fumum reddit cornu modo. Vires eius in medicamentis antè ex Galeno tradidimus, quarum seorsum non meminit Dioscorides, sed in capite de Vngue. Qua de re suo loco dicemus. Pharmacopolæ hodie in officinis habent Conchyliorum, Buccinorumque opercula permista, quæ blattas byzantias vocant, ut fufius declarabimus quum de Conchyliis agemus. Sed hoc nomine Purpurarum tantum opercula appellanda erant. Nam βλάττος siue βλάττιον Purpuram significat, unde blatteus color pro purpureo. Casiodorus in Epistolis de Chamæleonte. Colores suos multifaria qualitate cōmutat, modò veneta, modò blattea, modò prasina, modò cyanea. Eutropius: Nero inusitata luxuria fuit, ut qui exemplo Caligulæ frigidis & calidis lauaretur vnguētis, hamis argenteis, aureisq; piscaretur, quæ blatteis funibus extrahebantur, quos Suetonius, & Orosius inter

interpretantur purpureos. Ille: Piscatus est, inquit, rete aurato, purpura coccoque funibus nexis. Orosius: Luxuriæ, inquit, tam effrenata fuit Nero, ut retibus aureis piscaretur, quæ purpureis funibus extrahebantur. Hæc Hermolaus vir pereruditus in suis in Pliniū glossematibus annotavit. Sed et si βλάτιος Purpuram significet, tamen pro operculo solum Purpuræ usus pari docet Nicolaus Myrepticus, qui tamen non sine errore dixit blattum byzantium esse ὁτ' ἐν τῆς ῥῶς τῆς πορφύρας, id est, os narium Purpuræ. Hodie quoque in officinis blattam byzantiam esse credunt, quod in ore & naribus Purpuræ reperitur, quo ineptius nihil dici potest. Purpuræ enim neque nasum, neque nares, neque ossa intus habent, cum testacea omnia foris durum, intus molle contineant. Crediderim igitur legendum ὁτραχὺν ἢ ῥῶν τῆς πορφύρας, id est, testam vel clypeum, siue scutum Purpuræ: ῥῶς enim præter quam quod pellem significat, unde ὁτραχὺς δερμὶς ab Oppiano ὁτραχέρινα vocantur, etiā pro scuto sumitur teste Phauorino. Ῥῶι, inquit, καλεῖται αἱ ἀσπίδες, ὅτι ἐκ βοείων βυρσῶν εἰσι, id est, ῥῶι vocantur scuta rotunda, quod ex corio bubulo cōstent. Operculum verò veluti scutum, Purpuræ capiti imponitur. Cur verò βλάτιος βυζαντίος, vel βύζαντιος dicatur à nemine, quod sciam, traditur. Ego coniicio à Byzante, vel Byzantio Aphricæ cognominari, nam etiam illic purpura tingebatur.

De Flore Purpuræ tingendis vestibus magnopere olim expetito.

C A P U T I I I I.



QUA In parte contineatur infector ille Purpurarum succus, superius ostēdimus ex Aristotele, quum de Purpurarum partibus ageremus. Plinius ab Aristotele non dissentiens scripsit Purpuras florem in mediis faucibus habere. Liqueoris hic est minimi in candida vena, unde pretiosus ille bibitur, nigratis rosæ colore sublucens. Reliquum corpus sterile. Partem hanc quæ succum continet cordi proportionē respondere puto: cor enim hepar, cerebrum, atq; alias partes indiscretas habent Purpuræ, & testacea omnia. Vnde constat nugari eos qui cor, hepar, branchias se in Purpuri inuenisse prædicant. Arist. atq; alij Græci ὁ ἄθος τῶν πορφυρῶν vocant, Plin. atq; alij florem Purpuræ, aliquando succum: Cum vita, inquit, sua succum illum euomunt. Et: Cum fortificauere fluxos habēt succos. A flore Purpuræ vestes ἀρόλαι dictæ sunt, et toga picta à florido Purpuræ colore. Testis est Festus Pōp. Picta inquit, quæ nūc toga dicitur, antea purpurea vocitata est, eratq; sine pictura. Eius rei argumētū est pictura in eide Vertūni & Consi, quarū in altera M. Fuluius Flaccus, in altera T. Papyrius cēfor triūphātes ita picti sunt.

Lib. 9. cap. 36.

Lib. 13. Vitruuius florem Purpure, saniem vocat, & Ostrum: sic enim *LIB. VII.* Incipiam inde de ostro dicere, quod & charissimam & excellentissimam habet præter hos colores aspectus suauitatem. Et prius. Accedit huc chrysocollo, ostru, armenium. Et: Ea Conchylia quum sunt lecta, *Georg. 2.* ferramentis circumscinduntur, è quibus plagis purpurea sanies. Vergi.

Et gemma bibat & sarrano dormiat ostro.

Et alij pluribus locis. Dictum verò est ostrum ἀπὸ τῆς ὀστράκῃς, quòd à Purpuris testa tectis eximeretur, ex Vitruuij sententia. Quomodo succus ille colligeretur sic docent veteres. Tradit Aristoteles eas quum fauificant deterrimum florem gerere. Paruas cum testis tundi solitas, alioqui difficile est succum extrahere. Maioribus testas diffringeant, quamobrem ceruix à papauere separabatur: flos enim inter hæc situs est supra ventrem. Dabant operam vt viuæ frangerentur: nam si priusquam freris expirant, florem omnem cum vita euomunt. Quapropter solebant eas asseruare in nassis, dum se ipsæ colligerent, atque quiescerent. Veteres nassam escæ adiunctam demittere non solebant, ita saepe accidebat, vt Purpura iam detracta decideret. Postea *Lib. 9. cap. 37.* adiunxerunt nassas ne si decidat, liberetur. Idem clariùs Plinius. Capiuntur Purpure paruis rarisque conchis textu, veluti nassis in alto iactis. Inest his escæ, clusiles mordacesque Concharum quales videmus: Has semineces, sed redditas mari auido hiatu reuiuiscences. Appetunt eas Purpuræ, porrectisque linguis infestant. At illæ aculeo extimulatæ claudunt sese, comprimuntque mordentia: ita pèdentes auiditate sua Purpuræ tolluntur. Viuas capere contendunt, quia cum vita sua succum illum euomunt. Et maioribus quidem Purpuris detracta Concha auferunt, minores cum trapetis frangunt. Vitruuius. Conchylia quum sunt lecta ferramentis circumscinduntur, è quibus plagis purpurea sanies, vt lachryma profluens, excussa in mortariis terendo comparatur. Iulius Pollux & capiendarum Purpurarum, & colligendi floris hanc rationem, qua Phænices utebantur sic tradit. Phænices sic venantur animal, lanamque sic tingunt, vt ex ipso aspectu florere dicas. Funi contexto, longo, valido, firmoque, vt in mare multum extendi possit, alligant modicis interuallis dissita ex sparto, iuncove composita, veluti continua tintinabula, quorum densus est ingressus: sparti enim vel iuncorum fines, ex vasculorum oris eminere de industria faciunt, vt facile ingredi, & eos dirimere possint, regredi verò nō item: Hæc vasa escis plena, purpurarij in saxosa loca demittunt, fune ex subere appenso, vt prædam sustineat. His noctu & sapius diu illic relictis, vasa Purpuris plena extrahunt. Deinde tufis ibidem testis, carnèque fale condita ad tineturam, ac sordibus omnibus aqua expurgatis, in feruente lebe prædam marinam coquunt. Sanguis verò statim atque ignem senserit, funditur & florescit, alius quidem flauescit, alius

alius ex cœruleo splendet, alius diuersi est coloris. Quicquid autem in lebetem demiseris, sanguinẽque illum contigerit, eodem colore inficitur. Hactenus Iulius Pollux, cuius sensa fidelius, vt arbitror, expressimus quàm Latinus interpres. Cæterum pretiosus ille Purpurarum succus, non in omnibus Purpuris eiusdem coloris erat. Pelagiarum, magnarumque flos magna ex parte niger, in nonnullis rubescens, paruarum & litoralium rubet. In Aquiloniis partibus niger. In Austrinis ruber. Vitruuius Ostri varietatem sic distinxit. Quod legitur in Ponto & Gallia, quod hæ regiones sint proximæ ad Septentrionem, est atrum. Progredientibus inter septentrionem & occidentem, inuenitur liuidum. Quod autem legitur ad Æquinoctialem, orientem, & occidentem, inuenitur violaceo colore. Quod verò meridiana regionibus excipitur, rubra procreatur potestate, & ideo hoc rubrum. Rhodo etiam insula creatur, cæterisque eiusmodi regionibus, quæ proximæ sunt solis cursui. Sed hîc animaduertendum Purpuram nigram sumi pro violacea exaturata. sic enim sæpe à veteribus nigrum sumi alibi demonstrauius. Purpura violacea me iuvene vivebat, inquit Nepos Cornelius, qui Diui Augusti principatu obiit: cuius libra denariis centum vanibat, id est, decem aureis solatis. Successit dibapha Tyria, quæ in libras denariis mille non poterat emi, id est, centum aureis solatis. Dibapha dicebatur quod bis tincta esset, veluti magnifico impendio. Dibaphum Cicero appellat. Vestimenta Purpura infecta eo temperamento, vt amethysti gemmæ colorem referrent, amethystina dicebantur. Plinius L I B. XXXVI I I. de amethystis loquẽs. Indicæ absolutum Purpuræ colorem habent: ad hancque tingentium officinam dirigunt vota: fundit enim aspectu leniter blandum, neque in oculos vt carbunculi vibrant. Iam amethystinæ purpuræ Tyria addebatur, vnde nomen Tyriamethystus. Plinius L I B. I X. Non est satis abstulisse gemmæ nomẽ amethystum, rursus absolutus nutriebatur Tyrio, vt sit ex utroque nomen improbum, simulque luxuria duplex. Tyria Purpura olim celeberrima fuit, sic nominata à Tyro, quondam insula, postea verò Alexandri magni oppugnantis operibus continenti iuncta. Strabo. πολλὸν γὰρ ἐξήταται πασῶν Tyρία καλλίστη πορφύρα. Longè omnium præstantissima habetur Tyria purpura. Quia verò Tyrus prius Sarra vocaretur, Sarranum ostrum dixit Vergil. & Sarranam Purpuram Iuuenalis. Dicuntur & simpliciter Tyriæ, purpura infectæ vestes. Hîc non omittendum coccum & purpuram colore quidem conuenire, ipsa tamen materia plurimum dissidere, cum huius marina sit, illius terrena. Quamobrem Purpuræ appellatione coccum non contineri rectè censuit Vlpianus in lege, si cui lana. suprâ de legatis tertio. Neque eam ob causam inter se dissentiant, Matthæus, Marcus, & Ioannes de veste qua Iudæi induerunt

*Arist. libr. 5.
de hist. c. 15.*

Lib. 7. cap. 13.

Cap. 9.

Cap. 41.

seruatorem nostrum Iesum Christum. sic Matthæus. περιέθηκεν αὐτῷ χλαμύδα κοκκίνην. id est, circumdederunt ei chlamydem coccinā. Marcus. καὶ ἐνδύσων αὐτὸν πορφύραν. Et induunt eum purpura. Ioannes verò: καὶ ἱμάτιον πορφυροῦ περιέβαλον αὐτὸν. Et pallio purpureo circumdederunt eum. Quam Marcus & Ioannes purpuream vocant, Matthæus coccinam appellat à colore, qui idem est cum purpureo. Matthæus colorem, alij materiam expresse-
 Cap. 41. ræ succo veteres coccū permiscuisse. Plinius L I B. I X. Quin & terrena miscere, coccòque tinctum Tyrio tingere, vt fieret bis bysinū. Coccum autē à Dioscoride κόκκος βαφικὴ dictum, id est, granum infectorium: satis magna copia colligitur in Gallia nostra Narbonēsi vocaturque *vermillon*, à Gallis *graine de scarlate*, ab Arabibus *Kermes*, unde Kermesinus color. Immensa Purpuræ pretia, vestimentorum quæ ea tingeretur varietatem, quibûsque iis vti liceret, tum apud Græcos, tum apud Latinos, petere debes ex Budeo & Bayso viris a tate nostra doctissimis, & totius antiquitatis peritissimis. Ad philosophica reuertatur oratio.

Quæ dicantur Purpurarum κοκκίδες.

CAPUT V.



VNT Qui quum legunt apud Galenum L I B. I I I. de medicamentis καὶ τὸ πᾶν in auriculariis medicamentis κοκκίδα τῆς πορφύρας siue κερχυλῆς. Et linum è Purpura apud Paulū Æg. existimēt in Purpuris lanā aliquā, siue stupam, siue linū, siue tomentum reperiri, quo cōtuso & depexo in medicamentis veteres vterentur. Sed illi toto caelo aberrant, vt dicitur: nihil enim tale in Purpuris, neque in turbinatis aliis reperias. Neque bysso alligantur, vt Pinna & Mytuli. Mouentur enim Purpuræ, & caro turbinatorū omniū non aliter alligatur quàm circa testarum volumina. Quare intellexerunt veteres per κοκκίδα lanæ Purpura tinctæ crassiorē & minus curatam partē, cuius meminit etiam Dioscorides. τὸν δ' αὖτον ὅπον καὶ κοκκίδες καλεῖται τῆς θαλασσίας πορφύρας. Nec secus fimbriati marinarum Purpurarum flocculi cremari solēt. Cur ita appellarint id in causa est, quod Purpura nō solum pro marino animali, sed pro succo eius, pro vestimēto ex eo tincto, & pro lana tincta sumatur. De reliquis significatis testimonia multa veterū proferre possem quæ sciēs prætereo. De postrema significatione proferemus locum Galeni L I B. V I I. Methodi med. Εἰν ναρδίνῳ μύρω λεϊώσας μετ' ἡλίου χιτὼν ὡς λιπαρωτάτῳ, ἀναλαμβάνων πορφύρα χρῶ. Quæ transcribens Paulus Ægin. dixit. τῷ τε λεϊόμενῳ ἀναλαμβάνεται πορφύρα, ἢ ἐρίω, καὶ ἐπιτίθεται τῷ στομάχῳ.

Lib. 2. cap. 83.

De Murice.

CAPUT VI.



MOMEN Murex est polysemum, significat enim acumen siue asperitatem saxi prominentis Nonio teste.

Virgilius.

Et acuto in murice remi

Obnixi crepuere

Aeneid. 5.

Aliquando Murices machinulae sunt ferreae, dolosae, tetragona forma, quae in quancunque partem incubuerint, unum aut plures aculeos infestos protendunt. Vocantur à Græcis *ῥιβολοι*, ut rectè annotat Budæus. Sumitur etiam murex pro Purpura. Martialis.

Sanguine de nostro tinctas ingrate lacernas

Induis, & non est hoc satis, esca sumus.

Inde & Murex Tyrius à Virgilio.

Tyrioque ardebat murice lana.

Et ab Ouidio phocaicus. Nonnūquam Murex generis nomē est, *Lib. 9. cap. 25.*

cui subiiciuntur Concha venerea, & Buccinum. Plinius: Muricem esse latiore Purpura, neque aspero, neque rotundo ore, neque in angulos prodeunte rostro, sed simplice concha, utroque latere se se col-

Ibidem. cap. 25.

ligente. His verbis Concham veneream descripsit, ut suo loco doc-
bimus. Et alio in loco Murices pro Buccinis usurpauit. Purpuræ vi-

Lib. 8. de hist. cap. 13.

uunt annis plurimum septenis. latet sicut Murices circa canis ortum tricenis diebus. Aristoteles. *Ἡ μὲν γὰρ ὀστράκωδερμος πάντα φάλλει, ὅσον*


ἴατε ἐν τῇ θαλάττῃ πορφύραι, καὶ κήρυκες. Et: Congregantur verno tem-
pore, mutuóque attritu lentorem cuiusdam ceræ saluant, simili mo-

do & Murices. sic Aristoteles cum procreationem Purpurarum do-
cuisset, subiunxit. *Ἡ δὲ οὖν ὁ ῥόπον ἐγγίνονται ταῖς πορφύραις καὶ οἱ κήρυκες.*

Ex his notum est Plinium hæc ex Aristotele descripsisse, & pro Buc-
cinis Murices conuertisse. Denique generis nomen esse non Conchæ

Lib. 32. cap. 7.

tantum vnus satis declarat Plinius, quum dicit. Muricum generis sunt
quæ vocant Græci Colycia, alij Corythia, turbinata æquè, sed mino-
ra, multò efficaciora, etiam & oris halitum custodientia. De his suo
loco dicemus. Quare cum Muricis nomen pluribus accommo-
datum sit, Gaza Plinij imitator *κήρυκες* non Murices conuer-
tit, sed Buccinas. Nunc ad Muricum turbinatorum species conuer-
tatur oratio.




CAPUT VII.



MURICVM Qui sequitur copiam, mihi fecit Guilielmus du Choul Allobrogum præfectus, vir procul dubio antiquitatis peritissimus, si quis alius in tota Europa hodie extet. Is nullis à me prouocatus officiis sed planè regio & liberali animo quo erga omnes literatos vtitur, erga me quoq; vsus, non solùm Murices Cõchyliãque mihi communicauit, sed & aliarum pulcherrimarum & variarũ rerũ copiam maximam, maximis sumptibus comparatam, ex quo veluti penu ditissimo & abũdantissimo tandem aliquando depromet, & literarum luce illustrabit multa, quę hactenus à paucissimis aut potiùs nullis cognita in tenebris iacuerunt, quę tamẽ ad Philosophica, Poetica, Historica intelligenda planè necessaria sunt, vt hoc nomine literatos omnes maximopere sibi sit deuincturus. Murices hĩc appello, qui & turbinati sunt, & longos firmosque aculeos siue clauos habent, quos, vt internoscerentur, quàm maximè propriis nominibus potuimus, distinximus. Eum quem hĩc exhibemus, à candore duritiãque qua marmor cãdidum amulatur parte externa, marmoreum appellamus.

lamus. Parte interna ex albo purpurascit. Testa grauis est, densa, solida, aculeis multis horrēs, figura inter Buccinum & Conchylum media, ampla, vt meritò *Δευχόγυλος* dici possit, quemadmodum Purpuræ species quædam. Terreæ est substantiæ, frigidæ & siccæ cum detergendi vi, ob falsuginem quam seruat. Quare ad dentifricia vti possumus, & in epuloticis medicamētis. Viitur faciliè atque in cinerem redigitur, & acrimoniam aliquam ob empyreuma acquirit, quam diligenti ablutione deponit. Calcis itaque modo elota cum oleo rosato in vnguentū reducitur. Ambustis medetur, cicatricemque pulchram inducit. Adhæc omnia fœliciter vti possumus. Carnem atque operculum, Purpurarum, Buccinorum carni operculisque rectè assimilari iudico. Sed hæc in vniuersum de Muricum substantia dicta sint.

De Murice triangulari.



CAPUT VIII.

HIC Altera parte murex planus, altera ferè rotundus, sed ita vt vtrinque duo sint latera, tertium plana pars efficiat, à qua figura quæ huic propria est triāgularis iure dicitur. aculeos habet breues & firmos, vario est colore, foramen duplex habet rugosum, quo ob testæ amplitudinem & breuitatem, sonus editur grauis & tristis. Testa tota ad Cōchylj testam magis accedit. Operculum quum vritur fumum emittit, ob id pingue aliquid habet. Quare in oleo amygdalino decoctum in aurium doloribus vtiliter vsurpatur.

De Murice lacteo.



CAPUT IX.



VRICEM Quē hīc repræsentamus à lacteo colore lacteum nuncupauimus. Turbine obtusiore est quàm cæteri. Exochas & tubercula potiùs habet quàm clauos siue aculeos. Testa ad fucos vti possumus Concharum venerearum vice.

De Murice Coracoide.



CAPUT X.



T Anatomici omoplate appendicē à rostri coruorū similitudine coracoidem appellarunt, ita & nos Muricem hunc coracoidem ab aculeis iucuruis, & rostris coruorum similibus, à nota illustriore & huic propria nomen ponentes.

De Ap


De Aporrhaidē,



CAPUT XI.

PORRHAI DVM Duobus in locis meminit Aristoteles. Gaza Murices interpretatus est. Οὐ γὰρ μικροί τινες


Lib. 4. de hijs
sto. cap. 4.

 πρὸς ἐχθροῖσι μὴ, καθάπερ αἱ λεπάδες, καὶ αἱ ἀπορραΐδες, καὶ πᾶν δ' τοῦτο γένος. προσφύονται ὃ καὶ ταῖς πεταλαῖς, ὅθεν ἀποκλι-
νωσι δ' ἐπὶ τὰ γλῆσσιν· τὸ τοιοῦτον γὰρ εἰσὶν ἐν αὐτῇ πετάλῳ. ὁ γὰρ
τοῖς διθύροις ἄμφω, τὸ τοῖς τροχιβαδέεσι δ' ἔτερον μέρος. Τὸ δ' ἐστὶν σαρκώδης
ἐστὶ, καὶ ἐν τέτρῳ δ' ἐστὶν, τὸν αὖτις ὃ βόπον ἔχει ταῖς ἀπορραῖσι, καὶ ταῖς πορφύ-
ραις, καὶ παῖσι τοῖς τοῖσιν. id est, Gaza interprete. Natice saxis adhære-
scunt more patellarum & Muricum, ac ceterorum generis eiusdem,
nec nisi tegmine dimoto adhærent, quod velut operculum sibi pos-
sident. Vsum enim quem bivaluibz pars vtraque administrat, eun-
dē altera exhibet turbinatis. Caro intus qua oris habitus. Modus hūc
idem Muricibus, purpuris, atque omnibz generis eiusdē. Ex his sunt
qui dubitandi occasionem sumāt, sint ne Aporrhaides in Muricum,
an in Lepadum genere. In Lepadum quidē genere nec ab Aristotele,
nec ab vllo alio disertē ponuntur: duas enim duntaxat Lepadum
species ponit Aristoteles, λεπάδα, & λεπάδια ἀγρία. Sunt tamen
qui ex Lepadum genere esse inde effici putant, quōd Lepadum more
saxis adhæreant. Sed non rectē. Nam quanvis Lepadum more adhe-
reant Aporrhaides, non inde tamen efficitur, eiusdē generis esse cum
Lepadibus. Etenim Nerita adhærent vt Lepades, vt ibidem dicitur,
tamen à Lepadibus genere differunt. Quod si quem mouere debuit
Aristotelis locus, in quo vna cum Lepadibus Aporrhaidum memi-

nit, & is qui mox sequitur, ab eā sententia abducere debuisset, in quo cum Purpuris & turbinatis Aporrhaidas numerat. Τὸν αὖτις ὁ ὅπου ἔχει ταῖς ἀπορραΐσι, καὶ ταῖς πορφύραις, καὶ πᾶσι τοῖς τοῖσιν, Quare Aporrhaidem in turbinatorum genere esse censeo, ut ex superiore Aristotelis loco diligentius animaduerso perspicuum est. Etenim ut Lepades adherent saxi, ita Neritæ, Aporrhaides, & omnes eiusdem generis adherent saxi, sed alia adhesionis modo. Nam Lepades parte altera detecta, & carnem ostendente affixæ sunt: Neritæ verò & Aporrhaides acclinato tegmine, quod illis est operculum, ad saxā, quemadmodum videmus Cochleas terrestres saxi, & trūcis arborum, qua parte carnem ostendunt, veluti adglutinas. Ergo operculum habēt Aporrhaides & Neritæ, id quod proprium esse turbinatis iam diximus. Quibus subdit Aristoteles operculum Neritarum, Aporrhaidū, atque aliorum turbinatorum eundem præstare vsum, quem in bivaluibus conchis testam alteram. Quemadmodum enim in bivaluibus, clusilibus & referatilibus à duabus testis tota interna caro tegitur, ita à turbinata testa, & addito foramini carnem ostendenti operculo tota turbinatorum caro occultitur. Ex his efficitur Neritas & Aporrhaides in turbinatis haberi. Ac Aporrhaidem rectè Muricem mihi videtur Gaza conuertisse, ob aculeos multos, & longos, atque acutos, quibus Murices omnes armati sunt, qualis est hīc quem proponimus. Dicam præterea quod suspicionibus & coniecturis tantum inductus de Aporrhaidē sentio. Nimirum esse eius Muricum, siue turbinatorum generis, cuius mentionem facit Plinius L I B. XXXII. Muricum generis sunt quæ vocant Græci Colycia, alij corythia, turbinata æquè sed minora multò, efficaciora etiam, & oris habitum custodientia. Quod Muricum genus priusquam explicemus, de varietate lectionis dicemus ex Hermolao, qui pro colycia, alij corythia, legendum censet ex Athenæo Colycia siue Corycia. Etenim Chamæ genus quoddam Græcis ait vocari καρύγας in Macedonia, quas Athenis κρύβας dicant. Cæterum eas non muricibus, sed (ut dixi) Chamis præsertim tracheis adscribit, quod & Plinio placuisse huius libri calce video. Facit hoc generum affinitas. Hæc sunt Hermolai verba, quæ vero consensanea mihi non videntur, neque is Plinij locus ex Athenæo emendari potest. Nam si καρύγων nomen Chamis competat, idem turbinatis longè diuersi generis competere minimè potest. Neque illud verum affinitate generum fieri, ut idem nomen vtrisque conueniat: ob id Chamis etiam tribui in calce operis, neque enim ideo post Chameglycymeridas ponit Colycia siue Coryphia, quod Chamis id nominis tribui velit, sed quia elementorum ordine pisces recenset. Quam ob causam post Chametracheas, Chameleos, Chameglycymeridas, subiungit Colycia, & Coryphia, quia à litera C, incipiunt. Vtroque igitur

igitur Plinij loco Coryphæa legendum coniicio, intelligique id muricis siue turbinati genus, quod Aporrhaidem vocat Aristoteles. nomen enim optimè quadrat, quoniam *κωρυφή* ad omnia extrema & summa transfertur, Inde *κορυφαῖον*, quod summum est, & extremum. vn de turbinata hæc in quibus aculei eminent, Coryphæa dicentur. Id etiam conuenit, quod multò minora sint reliquis. Sed hæc pro suspitionibus habeantur.

De Buccino.




CAPUT XII.



ΗΡΥΚΑ Aristotelis, Buccinam Gaza semper interpretatur. Plinius Buccinum. Buccinum minor concha ad similitudinem eius Buccini, quo sonus editur: vnde & causa nomini, rotunditate oris in margine incisa. Aliquando Muricem vocat, sicuti in superioribus do-

- Lib. 9. c. 36.* cuius, Cur Buccina vocetur, verba Plinij ante citata ostendunt. Est ex turbinatorū genere, longiore testa, in medio latior est, inde in turbinem longum definit: altera parte margine in longum procurrente, atque illic rotunditate oris incisa. Tota intus levis est, & candida. Foris tuberculis multis atque exochis aspera. Caro interna partibus quibusdam rufa, quibusdam rubens spectatur, intus candida. Foramen operculo, quod est oui figura, integitur, & arctissimè clauditur. Duo Buccina hīc exhibemus. Vnum interni nihil ostendens, alterum prominente interno corpore, & inuerso operculo. Antiquorum Buccina esse declarat succus dilutior, & minus floridus quā in Purpuris, quod de
- Lib. 9. cap. 38.* Buccino tradit Plinius. Buccinum per se damnatur quia fucum remittit. Testa scabra & aspera, sed non aculeata, neque clauata. Aristoteles.
- Lib. 4. de hist. c. 2. 4.* Εἰς δ' αὐτῶν τῶν στράκων διαφορὰ πρὸς ἀλλήλας εἰσιν. Ἐ μὲν γὰρ λεῖοτραχεῖα ἐστίν, ὥσπερ (ὡλὴν καὶ μύες, ἔκ γόγγυα ἔναι αἱ καλέμεναι ὑπὸ Ἰων γαλάδες. Ἐ δὲ τραχεῖα, οἷον ἔκ λιμνοστρεῖα, καὶ πῖννα, καὶ γέννη γόγγων ἐνὶ οὐκ, ἔκ κήρυκες. Testarum permagna est varietas: quædam enim læues sunt, vt Vngues, Mytuli & Conchæ nonnullæ quæ galades à quibusdam vocantur, aliæ asperæ vt Limnostrea, & Pinna, & Concharum genera quædam, & Buccina. Plinius. Præterea clauatum est ad turbinem vsque, aculeis in orbem septenis ferè, qui non sunt in Buccino. Quæ notæ omnes cū certissimæ sint, & in his Buccinis quæ proponimus maximè expressæ, non possum non in eadem permanere sententia, etiamsi
- Lib. 9. cap. 36.* Plinij locus vnus repugnare videatur, in quo hæc scripsit. Concharum ad Purpuras & Conchylia eadem quidem est materia, sed distat temperamento. Duo sunt genera, Buccinum minor Concha, ad similitudinem eius Buccini, quo sonus editur: vnde & causa nomini, rotunditate oris in margine incisa, alterum Purpura vocatur & cætera. At contrà euenit in nostro litore: Purpura enim semper minor Buccino reperitur. Sed hunc locum corruptum esse docent nos vetustiora exemplaria, in quibus pro minor, maior legitur, quemadmodum etiam legendum esse res ipsa demonstrat. Corruptus est etiam Athenæi locus, ex quo colligunt omnes qui de piscibus nostro sæculo scripserunt, Buccinum minus esse Purpura, quod filius Purpuræ vocetur. Locus Athenæi est huiusmodi. Περὶ δὲ τῶν κηρύκων ὁ ἀρχαιώτατος ἔαδε λέγει. κήρυξ γαλάσσης ζώοντος ὃς πορφύρας. Vbi pro ὃς legendum ὥς. Id est, Buccinum marinum abundè nutrit vt Purpura. Buccina concremata eadem præstant quæ Purpure, sed vehementius vrunt: si quis salis plena fictili crudo adurat. Dentifricio conueniunt: ambustis vtiliter illinuntur, quibus solui medicamentum non oportet: nam postea quam vulnus cicatricem duxerit, ipsum in testæ modum induratum, sponte sua decideret. Fit etiam calx è Buccinis. Hæc Dioscorides.
- Lib. 2. cap. 5.*


De Buccino paruo, & striato.



CAPUT XIII.

INTER Buccinorum genera hæc duo reperi, paruum, lineis frequentibus asperiusculū, vt fortasse illud sit Plinij Buccinum Purpura minus, iis quibus vetustior Plinij lectio non placeat, neque succo, neque partibus internis à superiore differt. Alterum huic simile est, nisi quod lineas prominentiores habet, & transuersas, vt striatus merito dici possit. Est & testa spissiore duriorēque.

De Conchylio.



CAPUT XIII.

DVBITANT Nonnulli sit'ne Cōchylidium turbinatorum genus vnicum, vel nomen omnibus, vel multis turbinatis commune, qua in significatione vsurpauit Plin. Sed vnde Conchyliis pretia? Et: Lingua Purpuræ longitudine digitali, qua pascitur perforando reliqua

Lib. 9. cap. 30.


Lib. 7. cap. 13. Conchylia. Vitruuius pro purpura. Incipiam nunc de ostro dicere, quod & charissimam & excellentissimam habet præter hos colores aspectus suauitatem. Id autem excipitur ex Conchylio marino, è quo purpura inficitur. Quare Conchylij nomen est polysemum apud Poëtas, Historicos, Philosophos, & Iurisperitos. Sed & speciei nomen esse puto, quæ qualis sit, nunc inuestigandum. Sunt qui nihil aliud esse Conchylium quàm Purpuram arbitrentur. Quod haud
Lib. 9. cap. 35. verum esse ex Plinio sic comprobamus: Ait enim, Conchylia & Purpuræ omnis ora atterit, quibus eadem mater luxuria paria penè etiam margaritis pretia fecit. Et de Purpuris loquens. Calculosæ appellantur à calculo maris, mirè apto Conchyliis, & longè optimo Purpuris. His manifestè Plinius Conchylia à Purpuris seiunxit. Aliis Conchylium idem est quod Buccinum, quod Plinius cum duo tantum genera turbinatorum continentium florem illum tingendis vestibus tantopere expetitur posuerit, alterum Purpuram, alterum
Lib. 9. cap. 36. Buccinum, necesse esse videtur Buccinum esse qui Murex, κήρυξ, & Conchylium appelletur: cum etiam constet, & Murice Tyrio infectas vestes dici, & conchyliatas. Quæ ratio etiam si valida nonnullis videatur, eam tamen facilè conuellere possum eiusdem Plinij auctoritate, qui euidentissimè Conchylium à Buccino seiunxit. In Conchyliata veste cetera eadem sine Buccino, præterque ius temperaturæ. Et: alio loco, Conchyliis suum florem coloremque proprium tribuit. Luxuria vestibus quoque prouocauit eos flores qui colore commendantur. Hos animaduerto tres esse principales. Vnum in cocco, qui in rosis micat, gratius nihil traditur aspectu. Et in Purpura Tyria, dibaphaque Laconica. Alium in amethysto, qui in viola, & ipsum purpureum, quémque ianthinum appellamus. Genera enim tractamus in species multas sese spargentia. Tertius est qui propriè Conchyliis intelligitur, idque multis modis. His adiungemus Dioscoridis testimonium, qui cum dixisset de Purpura & Buccino, aliquantò post de Conchylij operculo seorsum scripsit & in fine addit. ὡς δὲ τὸ κογχύλιον καὲν ποιεῖ ὅρα καὶ ἡ παρφύρα, καὶ ὁ κήρυξ. Crematum Conchylium idem efficit, quæ Purpura & Buccinum. Quare cum ex his constet Conchylium diuersam esse à Purpura & Buccino turbinati speciem, iam quale ipsum sit explicemus. Conchylium seruato Græco nomine vocatur à Latinis. Sunt qui Ostracium putent dici. Sed illi nomen partis toti accommodant, vel Plinius nomen totius parti dedit: sic enim LIB. XXXII. Inuenio apud quosdam ostracium vocari, quod aliqui onychen vocant. At onyx, inquit Dioscorides ὄνυξ, ὡς καὶ τὸ κογχύλιον, id est operculum Conchylij, pro quo etiam ostracium sumi à Plinio declarant ipsiusmet verba. Hoc suffitum vuluæ pœnis mirè resistere. Odore castorei, meliusque cum eo vsum proficere. Quæ eadem sunt cum his quæ operculo Conchylij tribuit
Cap. 10. Diolco

Dioscorides: commendat enim vngues, qui odorem castorei referunt, eorundemque suffitu excitari tradit foeminas, quæ vulvarum strangulatione conciderint. Conchylum est ex magnorum turbinatorum genere, ea parte latius qua in turbinem deficit, sine aculeis, tuberculisve vllis. Foramen quo caro interior ostenditur, non rotundum, vt in Purpura & Buccino, sed longum. Tale etiam est operculum de quo mox dicemus. Conchyliis succum inesse purpureum satis testatur Plinius L I B. X X I. Tertius est qui propriè Conchyliis intelligitur multis modis. Vnus in heliotropio, & in aliquo ex his plerunque saturior: alius in malua ad Purpuram inclinans, alius in viola ferotina Conchyliorum vegetissima. Ex eodem succo lanas tingi solitas facile est ex veterum scriptis confirmare. Marcus Medicus de affectibus aurium scribens, claudendam aurem lana infecta Conchylio marino monet: exsiccandi enim vires habet. Et Crito apud Galenum L I B. I I I. medicament. *καὶ τὸ πῶς*, Conchylio infectos flocculos in aurem immittendos. Plinius per se Conchylio infectam lanam magnopere prodesse auribus tradit. Qui Conchyliia legebant Conchyliarij dicebantur, & Conchylileguli, & Conchylæ à Plauto. Conchylij partes omnes in medicamentis vsurpantur. Crematum Conchylum idem efficit quod Purpura & Buccinum, ait Dioscorides. Operculum suffitu excitat foeminas vulvæ Lib. 32. cap. 7. strangulatu oppressas, comitialesque. Carnem internam medicamentis dolorem aurium sedantibus admiscet Galenus in fine libri tertij de medicamentis *καὶ τὸ πῶς* quum myrrham, adipem anserinum, vel butyrum, vel resinam, & Conchylij internam partem æquis partibus trita super aurem ponenda monet. Quo in loco Cornarius legendum suspicatur non *καρχυλὶς ὁ ἐπὶ*, sed *ὁ ἐκτὸς*, opinionemque suam hæc ratione firmare conatur, quod testa & operculum vim habeant resiccandi sine morfu, & quod cauum Purpuræ, Plinio teste, valeat ad præcisos neruos, sed malim ego priorem lectionem sequi. Nam eo in loco magis dolorem sedare studet Galenus, quàm exsiccare, vt alia quæ enumerata sunt, ostendunt, scilicet adeps anserinus butyrum, resina quæ doloris alleuamentum afferunt, calore & humore. Quare per *καρχυλὶς ὁ ἐπὶ* carnem intelligo, quæ ob salsum succum digerendi vim aliquam obtinet, & ob substantiam pinguem, glutinosamque *παραπορευομένη* quid habet. Ob eam causam vermes & aselli qui sub aquario vase stabulantur, in eodem aurium affectu à veteribus commendantur. Testa verò magis exsiccat, quàm vt dolorem leuantibus medicamentis admisceri debeat: exsiccando enim cōstringendôq; dolorem auferent potiùs quàm lenirent. Reperiuntur Conchyliia parua eiusdem figuræ quæ superius depicta est in spongiis fabæ magnitudinem non superantia.

De Operculo Conchylij, & Buccini.



CAPUT XV.



VVM De Purpura diceremus, satis demonstraſſe nos arbitror operculum eius βλάτιον ſiue βλάτιον βυζαντιον, ſiue βυζαντιος appellari debuiſſe. Nunc oſtendendum nobis eſt blattam byzantiam Arabum nihil aliud eſſe, quàm Conchylij operculum, quos imitati Pharmacopolaſt nſtri Conchyliorum, Buccinorumque opercula permixta vendentes, blattas byzantias vocant, has rotundas, illas longas. Serapio. Athfar atheb, id eſt, vngula aromatica, & blatta byzantia Dioſcoridis, eſt Conchylum ex ſpeciebus Oſtreorum, & eſt ſimiliter de Conchyliis palpir, & reperiuntur in regionibus Indiae, in aquis iuxta quas oriuntur ſpica nardi, odor autem eius eſt aromaticus, quoniam iſtud animal comedit nardum, & ipſa colliguntur tempore aſtiuo, quando aquae deſiccantur. Reperiuntur etiam ex eis in litoribus maris Euzim, & color eius eſt declinans ad albedinem, & eſt pinguis, ſed illa quae naſcitur in Babylonia eſt coloris ſubnigri, & eſt maior illa, & omnes habent bonum odorem quando fumigantur, cum eis ſentitur ſicut odor caſtoiei. Quando igitur fit fumigatio cum eis mulieri habenti ſuffocationem matricis, & ſimiliter habenti epileſiam, confert, & quando bibuntur molliunt ventrem, & faciunt omnes operationes quas faciunt oſtraca de paraca, vel portura. Eadem repetit Serapio eodem in libro de Purpurarum operculis agens. Quae omnia ex Dioſcoride tranſcripta eſſe nemo eſt qui neget, ſi illa cum Dioſcoridis verbis contulerit, quae ſunt huiusmodi. Vnguis, ſiue onyx, Conchylij tegumentum eſt, ei ſimile quo Purpura integitur, quod in Indiae nardiferis lacubus inuenitur, ſuaue ideo ſpirans odorem, q̄ Conchyilia inibi nardi pabulo veſcantur. Colligitur poſtea quàm ſtagnantes aquae aſtius

ſqua

Lib. de ſimpl.
cap. 91.

Lib. 2. cap. 10.

squaloribus inaruerint. Laudatissimus qui à mari rubro defertur, candicans pinguis, Babylonicus nigrescit, atque minor conspicitur. Ambo odoris gratia suffiuntur, sed aliquatenus castoreum olent. Iidem suffitu excitant scæminas vuluæ strangulatu oppressas, comitialesque. Poti ventrem molliunt. Hæc Dioscorides quibus planè similia sunt quæ Serapio de blatta byzantia literis mandauit. Dicitur autem vnguis à figura: est enim operculum oblongum, auium carniuorarum vnguibus simile. Altera tantum parte adhærens, id est, crassiore. Quum incenditur fumum multum emittit, valètque ad ea quæ tradidit Dioscorides. Sed id propius intuemum, quod scribit in Indiæ nardiferis lacubus inueniri, suauem ideo spirare odorem, quod Cõchylia inibi nardi pabulo vescantur, colligique postea quam æstiuus squaloribus inaruerint. Nam si Conchylia marina sint animalia, quomodo in lacubus inueniuntur, colligunturque aquis æstu exsiccatis? An mare deferunt turbinata, vt fluuios lacusque subeant? Hæc à Dioscoride ex aliorum sententia dicta esse crediderim, eaque ex aliis descripsisse, quibus expositis, præfert ea quæ ex mari adferuntur. Sunt qui Blattas byzantias longas, negent esse onychas, siue opercula Conchyliorum, quod Blattæ byzantiæ non sint odoratæ sed fœtidæ. Quam opinionem facilè ex eo possum refellere, quod Dioscorides non semper ὀσίδες vocet id quod grato solum & iucundo odore placet, sed aliquando id quod vehementi & graui est odore. Sic pix dicitur ab eo ὀσίδης, quam tamen suauis odoris esse nemo dixerit. Sed de hac re plura aliàs dicturi sumus. Quod autem hoc loco ὀσίδες rectè interpretemur, id maximo est argumento, quod qualitatem odoris exprimere volens Dioscorides dixit. Ἀμφοτέρω δ' ὀσίδης, θυμώδης, καὶ οὐκ ὀσίδης ποτὶς τῇ ὁσμῇ. Ambo graui odoris (de marino & Babylonico loquitur) incensi castoreum quodammodo redolent, quod castoreum odore graui & virus redolente esse debere tradidit idem Dioscorides. Huc accedit quod non nisi à fœtidis rebus factò suffitu, suffocatione vuluæ oppressæ excitantur, neque comitiales. Quare si quæ blatte byzantiæ, hodie venduntur à seplasiariis grati & suauis odoris non sint, ideo Conchyliorum opercula, vel Vngues esse non rectè inficiaberis. Eximendus scrupulus alius, quem nobis iniicit Diosco. quum dicit: Vnguis Cõchylj tegumentum est, ei simile quo purpura integitur. Quæ cõsentire non possunt cum iis quæ diximus de Conchylij operculo, longo strictoque; Buccini verò & purpuræ rotundo, nisi hanc similitudinē ad vsum substantiamque, non ad figuram referamus. Vt sit sensus. Quemadmodum Purpura operculum habet, quo foramen clauditur veluti testâ altera, ita & Conchylium, vel substantia, viribusque simile est Conchylij operculum Purpuræ operculo, non autem figuram. Hæc sunt quæ de Cõchylj & Buccini operculis dicenda putauimus.

Lib. I. cap. 98.

Lib. I. cap. 98.

De Magno Turbine.



CAPUT XVI.

N VNC Dicemus non de *τρομβωδεσι*, sed de *τρομβοις* ipsis, id est, non de turbinatis, sed de turbinibus, qui in longiorem & acutiorem verticem deficiunt, quàm turbinata & Cochleæ. *τρομβες* eisdem esse putato cum *τραβήλοις* & *ἀτραβήλοις*, quorum meminit *Athenæus*. *Ἀγίας καὶ Δέρκυλος ἐν ἀργολικαῖς, τὰς τραβήλας ἀτραβήλας ὀναμίζουσι, μνημονεύοντες αὐτῶν ὡς ἐπιτηδείων ὄντων εἰς τὸ ἀλατίζειν.* Agias & Dercylus in Argolicis strabelos vocāt, a strabelos, de his hoc tradentes quod tubæ modo sonos edant. Primum turbinē proposuimus longum & magnū, multīsq; voluminibus constantem, pro corporis crassitudine, margine spissō & aspero, testā alba lineis, tuberculīsq; multis scabra & aspera. Foramen rotundum habet & rimam qua excernuntur excrementa. Saxi hæret turbine sursum verso. Quæ de testæ carnisque vſu in Purpuris Buccinīsq; dicta sunt, huc possunt accommodari.

De

De Turbine tuberoso.



CAPUT XVII.

HIC Turbinum generibus hîc iure numerabitur, qui à tuberculis multis tuberosus cognominatur. Is sinistrae manus proximus est, longus, tenuis, in mucronem desinens. Huiusmodi sunt quidam albi, quidam nigri, quidam varij. Pollicis magnitudinem nunquam excedunt. In his Cancelli cûm parui sunt, viuunt autore Aristot. sũntq; longiores iis qui Neritarum sunt hospites. Huius generis Turbines in terra reperiuntur, qui Cochlearum nomine comprehenduntur: nam præter Cochleas nullû testaceum genus in terra viuit. Eiusdem Turbinum generis sunt aliquot species diuersæ, quædam longæ, tenues, acutiores, scæves, cuiusmodi tres sunt tuberoso propiores. Alij, postremi scilicet duo in pictura capiti huic præposita, inæquales, tuberosi, scabri, virgati. Vita, morbus, substantia non differunt.

De Turbine angulato.



CAPUT XVIII.

HIC Turbo Buccinis satis similis, quia testæ volumina ita à se discreta sunt, vt in medio angulos efficiant, cognominatur angulatus. In Turbinem tenuatur inferiore in parte, superiore in lógum & acutum rostrum: sic enim cum Plinio loqui possumus, qui Purpuræ ro-

strum dixit. Colore est marmoreo. Vltus dentifriciis conficiendis
utilissimus est.

De Turbine muricato.



CAPUT XIX.



TVRBO Hic aspectu quidem Buccino haud dissimilis est, sed à tuberculis multis, breuibz quidem, & obtusis muricatus appellatur. Superiore parte tumidior est. Intus testa purpurea est, foris alba & veluti calce illita.

De Turbinibus intra spon-
gias viuentibus.




CAPUT XX.



CVM Sæpius Spongas secarem in frusta, vt penitus earum naturam peruestigare, in iis varietatem maximam reperi Conchularum omnis generis, Conchyliorum paruorum, Buccinorum, Turbinum. Cuiusmodi aliquot hîc exhibeo: omnes enim persequi infiniti esset operis, ac vani laboris. Nam quis est qui cognitione ac verbis tantam naturæ rerum fecunditatem assequi posset? Differunt hæc inter se gener

nere: nam vel sunt Cochleæ, vel Turbines vel Neritæ, vel Vmbilici. Differunt & coloribus. Dicemus tantum de eo paruo Turbine qui sinistra manui proximus est rimamque longiusculam verius quam foramen habet, testa non intorta, qui & intra Spongas, & extra reperitur, Conchulæque lactea à candido colore nominari potest. Hac in fucis vtuntur mulieres, in succo pomi citrij dissoluta, & sublimato, vt nunc loquuntur, permista: sic enim facies splendiores, & candidiores effici putant. Sed quia sublimatum atque similia faciem contrahunt, & corrugant vi & acrimonia sua eas pessimè sibi consulere arbitror. Multò vtilius foret in pinguedine felis dissoluere. Huc accedit, quod hac fuci ratione tanquam crusta inducitur, cuius particula si exiliant, arque eximantur, turpissimè fucus detegitur. Hanc Conchulam appellant *petite porcelaine*, eamque equorum frænis & phaleris nonnulli accommodant. Ex iisdem & gagatarum globulis mulieres monilia & cingula contextunt, præsertim viduæ quæ luctus tempore non nisi nigris, candidisque ornantur. Sed quæ equorum ornamentis adduntur, crassiore durioræque sunt testa, aliæ sunt tenuiore, & fragiliore. Vtræque & candore & figura similes.

De Turbine aurito.



CAPUT XXI.



TURBINEM Auritum vocamus ob extremi alterius turbinatæ parti aduersi latam vtrinque appendicem. Est autem hic Turbo perelegans, & rarus in mari nostro. Testæ volumina tuberculis extantibus, pulchro ordine dispositis distincta sunt. Horum imaginem imitantur aurifices in vrceis efformandis, addita basi.

De Turbine Pendedactylo, & Tessarodactylo.



CAPUT XXII.



INTER Cochleas Plinius Pendedactylos quosdam nominat. De his ne turbinatis intellexerit quę proponimus, nescio. Illud sanè omnibus notum esse potest ex turbinatorum definitione & natura, potiùs Turbines esse quos hîc expressimus, quàm Cochleas, cùm in longum protendantur, voluminâque scabra, & veluti striata habeant, cùm Cochleæ maximè rotundæ sint, & turbine compresso non extenso. Dicitur autem Pendedactylus turbo, quod quunque habeat appendices longas & acutas, si extremum turbinis annumeres. Alius est Turbo cui quatuor duntaxat sunt dactyli. Ex his turbinatis alij sunt albi, alij nigricant, alij varij sunt.

De Trochis.



CAPUT XXIII.



OC Turbinum genus à similitudine instrumenti quo lulant pueri, Trochos appellamus. Alij sunt parui, qui à superiore, amplâque parte statim in breue acumen deficiunt. Alij longiores. Omnes læues sunt, & varij. Testa veluti crustis duabus constare videtur,

exter

externa minus nitet, quæ subiacet vnionum est splēdore. Præter Trochus duos, adiecimus aliquot diuerſas ſtromborum formas, quarum aliæ ad Buccinorum, aliæ ad Conchyliorum ſpecie accedunt. Vt nobis vitio verti meritò poſſet, ſi quæ in hoc genere illuſtria ſunt, & à veteribus diſertè expreſſa prætermitteremus: ita curioſius certè facere videremur, atq; ſuperuacaneæ diligentie accuſandi eſſemus, ſi omnia & minuta Conchularum, Turbinum, Cochlearum genera perſequi vellem. Si quis enim otio abundans in marinis litoribus ſpatiari velit, & in ſaxa maris penetrare, totam iſtam rem in infinita varietate verſari videbit. Genera igitur, & illuſtriores ſpecies cognoscendæ, atque vt quæque vel minutæ vel neglectæ, vel nominibus non expreſſæ fuerint, ad genera ſua erunt reuocandæ.

De Nerita.



CAPVT XXIIII.



V A S Aristoteles *Νηρίτις* vocat, Gaza Natice conuertit, à natando, vt opinor. Sint ne in turbinatorum genere dubitauerit aliquis ex Aristot. qui ſic ſcripſit

LIB. IIII. de Hiſt. anim. *ῥομφαία τῶν ἐν τοῖς στρομβοῖς τῶν ἐν τοῖς νηρίταις. ἕτερον δὲ γένος ἐστὶ τῶν νηρίτων, ὃ μὲν ἄλλα παραπλήσιον.*

Longior eſt qui Turbinem ſubit, quàm qui Neritam: genus enim diuerſum eſt quod in Nerite degit, cætera quidem non abſimile. Et paulò poſt. *ὅσα δὲ ἔχει μείζων ἢ ἄλλοτερον πόδα, ταῦτα ἐν μὲν τοῖς στρομβοῖς εὖ ἐγγίνεσθαι, ἐν δὲ τοῖς νηρίταις ἐγγίνεσθαι.* Quibus ſiniſter pes grandior eſt, ij nunquam cum turbinatis hoſpitantur, ſed cum Neritis tantùm incunt ſocietatem. Hic Ariſtoteles de Turbinibus & Neritis, vt de diuerſis loqui videtur, atque ab his Neritas ſecluſiſſe. Sed ſi rem diligentius expendas, eam aliter habere comperies. Nam Nerita à turbinatis non genere, ſed ſpecie differt. Cum turbinatis igitur conuenit, quod teſtā ſit clauiculatim intorta, ſed rotunda & ampla, quæ, ab ea turbinati ſpecie diſtat, cui teſta eſt longa, ſtriſτάquæ. Ideo Cancellus (de hoc enim in locis modò citatis loquitur Ariſtoteles) longior eſt qui in turbinatis longis hoſpitarur, quàm qui in Neritis, turbinatis quidem, ſed non longis. Qualis verò ſit Nerita, & quod ſit inter turbinata collocanda, ita explicat Ariſtoteles. *ὅ δὲ νηρίτις δὲ μὲν ὄστρεον ἔχει λεῖον, καὶ μέγα, καὶ τροχύλον. ὃ δὲ μορφῇ παραπλήσιον τοῖς κήρυξι.* Πάλιν *ὅσα ὡς περ ἐκείνοι δὲ μήκωνα μέλανα, ἀλλ' ἐρυθρόν.*

cap. 4.

Lib. 4. de hiſt. anima. cap. 4.

προσέφυκε ὃ νεθυκῶς χ^τ δ' μέ(ον. ἐν μὲν ἐν ταῖς ὁδοῖς ἀπολυόμενα νέ-
με^ν ταῦτα. ἀνδραγμάτων ὃ ὄντων, τὰ μὲν καρκῖνα ἡσυχάζει πρὸς τοῖς λί-
θοις, οἱ δ' ὃ νηέται προσέχον^ν μὲν, καὶ ὡς αἱ λεπάδες. Id est, Nerita testa
est læui: ampla & rotunda, forma Buccinis proxima, papauer tamen
non nigrum, vt Buccina, sed rubrum habet. Testa annexum corpus
cuius medium firmiter est. Pascuntur in mari tranquillo à saxis soluta.
at quoties flatus vrgent, Cancelli hospites sese in saxa recipiunt, Ne-
rita saxis adhærent Lepadum more. Huiusmodi est Nerita, cuius ima-
ginem veram non magnitudinem expressimus. Est enim Concha am-
pla & capaci, rotunda, læui, turbinata, ad formam Buccinorum acce-
Lib. 9. cap. 33. dente. De Neritis hæc Plinius. Navigant ex his Neritæ, præbentisque
concauam sibi partem, & alterâ auræ opposcentes, per summa æquo-
rum velificant. Hæc de Nerita Aristotelis.

De Nerita Æliani.



CAPUT XXV.

Lib. 13. cap. 23.



ELIANVS Longè aliter Neritam describit quàm
Aristot. vt ex eius verbis liquet, quæ sunt huiusmodi.
Cochlea marina magnitudine exigua, formæ pulchri-
tudine eximia spectatur: eo maris vbi sordium vacui-
tas est, & tranquillitas viget, & in saxis ad imam maris
sedem adhærescentibus nascitur, hæc Nerite appellatur. hoc maximè
ab Aristotelis. Nerita differt, quod illa magna sit, hæc parua. Nec mi-
rum esse debet Ælianum ab Aristotele & Plinio in pisciū descriptio-
nibus dissentire, id quod in plerisque facit, Ex paruitate, & formæ pul-
chritudine Æliani Neritam esse colligimus eam quæ capiti præfixa
est. Punctis nigris eleganter distinguitur, testa intus purpurea, in mar-
gine candida. Quòd si quis Neritam inter Cochleas reponere volue-
rit non valde refragabor.

De Cochleis.

CAPUT XXVI.

Lib. 2. cap. 11.



ERMVLTÀ Cochlearum sunt genera. Aliæ ter-
renæ sunt, aliæ aquatiles, & hæ vel in aqua dulci, vel in
mari degentes. Horum trium generum meminit Dio-
scorides, vnicuique peculiare vires tribuens. καρχήλιος
χερσαῖος ὠστρεόμοχος, δίσσφαριος. Cochleæ terrestres sto-
ma-


macho viles sunt, & non facilè corrumpuntur. Et mox: καὶ ὁ θαλάσσιος ὁ ὑπόμαχος, καὶ ὁ ἐκκεκτος: ὁ ὁ ποταμὸς βρωμῶδης. Marina stomacho idonea, & facilè aluo excernitur, fluuiatilis verò respicit virus. Totidem Cochlearum genera enumerat Plinius. In eodem genere sunt Cochleæ aquatiles, terrestresque, exerentes se domicilio, binæque ceu cornua protendentes contrahentisque. De marinis loquitur quum scribit. Echini oua pleniluniis habent hyeme, & Cochleæ hyberno tempore nascuntur. Dioscorides χοχλίου nomine omnes comprehendit addito epitheto. Aristoteles Cochleas terrestres alio nomine distingui tradit, vocarique à nonnullis καρχαλία. Massarius vir admodum doctus in suis annotationibus in nonum librum Plinij existimat Cochleas à Gæcis appellari τρύμβες, id est, Turbines. Eius hæc sunt verba: Sunt autem Cochleæ inter testacea, quæ sanguine carent. Verum alia aquatiles, aliæ terrestres sunt, quæ item in plures species distinguuntur. Aquatiles Cochleæ sunt, quæ Græcè strombi, Latinèque turbines communi alio nomine nuncupantur, quod ex amplo in tenue deficiant in vertiginem torri. Sed ille mea quidem sententia fallitur. Nam strombi à Cochleis secernuntur, vel ipso Plinio autore, qui in piscium marinorum catalogo, seorsum Concharum genera & strombos recensuit. Et alio in loco pro diuersis ponit. Quartanis Cochleæ fluuiatiles in cibo recentes. Deinde: Strombi in aceto putrefacti, lethargicos excitant odore. Reuera Cochleæ τῶν τρυμβῶδων nomine concluduntur, verumtamen τρυμβῶδη καὶ τρύμβοι multò latius patent. Nam τρυμβῶδων nomine intelliguntur etiam, quæ in longum turbinè desinunt, & in anfractus contortū, à quibus differunt Cochleæ, quod testa quidem sint clauiculatim intorta, sed rotūda & non in longū protesa: dicuntur enim χοχλῆαι, quod habeant τὰ ὑστραχὶ κυκλοτερή. τρύμβοι verò etiā dicuntur, quibus testa quidē in turbinem desinit, etiam si clauiculatim contorta non sit, vt ex superioribus strombis quos depinximus perspicuum fit. Quod si quando apud autores confundantur hæc significationes obseruandū est præter rerū ipsarū naturam id fieri. Id silentio præteriri non debet, quod κόχλος apud Aristot. Umbilicus à Gaza conuertitur, perinde ac si quædam alia species esset. Sed hoc vocabulo nullus veterum Latinorum, quod sciam, pro Cochleæ specie vsus est præter Ciceronem LIB. II. de oratore. Sepe ex focero meo audiui quum diceret, focerum suum Lelium semper ferè cum Scipione solitum rusticari, eosque incredibiliter repuerascere esse solitos, cum rus ex vrbe tanquam ex vinculis euolauissent. Non audeo dicere de talibus viris, sed tamen ita solet narrare Scæuola, Conchas eos & Umbilicos ad Caietam, & ad Lucrinum legere cōsueuisse. Neq; sum nescius doctos homines Umbilicos, paruos rotūdōsq; lapillos & politos interpretari qui in litoribus reperiūtur. Alij vel ad lapi-

Lib. 9. cap. 32.

Lib. 31. c. 17.
Cap. 10. eius
lib.

dem vel ad Concham, vel ad herbam referunt. Verùm ad herbam referre ineptum est, cùm Vmbilicus herba in vmbrosis & præhumidis locis proueniat. Quid lapilli parui similitudinis cum Vmbilico habeant, non video. Quare Cochleæ speciem per Vmbilicum intelligendam puto, quod facilè sibi persuaserit is, qui ea quæ de Vmbilicis deinceps dicentur, attentè legerit.

De Cochlea quæ in oleario vsu erat.



CAPUT XXVII.


Lib. 3. cap. 11.



COCCHLEA Hæc rotunda est, & testa intorta & magna admodum, adeo vt sit quæ aquæ quatuor libras capiat. Ob id eam esse puto, quam Plinius memoriæ mandauit in oleario vsu fuisse, quod ea oleum decapularent, vel ea in vsus quotidianos oleum haurirent, cuius figura ad id percommode quadrat, quemamodum vasis eius, quod arytenam vocant, veluti rostro prominentiore ad hauriendum, fundo cauo & capaci ad retinendum. Huiusmodi Cochleam etiam aurifices, additis ansa & basi in vrceos efformant eleganti artificio, quod eam contra venena aliquid valere credant.

De

De Cochlea margaritifera
vulgò dicta.



CAPVT XXVIII.



COCHLEAM Hanc margariferam, quæ ex India, & sinu Persico adfertur vulgus appellat, quia vnionum colore sit, & splendore. In ea verò vniones non reperiuntur, sed in iis quæ conchis binis constant, vt iam ostendimus. Auro argentoque hæc includitur in poculorum speciem. Ex eadem in frusta dissecta, imaguncule, globuli ad nuncupandas preces, monilia conficiuntur. Sunt qui hanc secundam esse Nautili Conchæ speciem tradunt, sed falsò, vt ex Aristotele dilucidè colligitur his verbis. Ἐπεὶ δὲ ὅμοιοι δύο ἐν ὀστρείοις, ὃ, τε καὶ γλῆφυρος ὑπὸ τινων ναυλῖλος, καὶ ὁ ναυλῖχος, ὡς ἐνίων ὃ αὐτὸν πολύποδος. Τὸ δὲ ὀστράκον αὐτὸς ἐστὶν ὅιον κλεῖς καὶ γλῆλος, καὶ ἡ συμφυῆς. Οὗτος νέμεται πολλάκις παρὰ τῆ γλῆς, εἴθ' ὑπὸ τῶν κυμάτων ἐκκλύζεται εἰς τὸ ξυρὸν, καὶ περιπατῶν τὸ ὀστρεὸν ἀλίσκει, καὶ ἐν τῇ γῇ ἀποθνήσκει. εἰσὶ δὲ αὐτοὶ μικροί, τῷ εἶδει ὁμοιοί, τῆς βολιτανῆος, καὶ ἄλλος ἐν ὀστράκῳ, ὅιον καὶ χλῖας, ὃς σὺν ἐξέρχεται ἐκ τῆς ὀστράκας, ἀλλ' ἐστὶν ὥστερ ὁ καὶ χλῖας, καὶ ἐξω ἐνίοτε πορεύεται τὰς πελαγίνας. Præter dicta Polyporum genera duo sunt Conchis indita, quorum alterum à quibusdam nautilus & nautilus vocatur, ab alijs ouum polypi. Testa ipsius similis est Pectini cauo, & ei nõ coheret. Sæpiùs iuxta terram pascitur. Vnde euenit vt fluctibus iactatus in terram deiiciatur, cumque testa exciderit capiatur & in terra emoriatur. Sunt autem parui & specie similes Boliænis. Alterum genus veluti Cochlea in testa later, nec vnquam egre-

ditur, sed sua interdum brachia exerit. Primum stupidi est non animaduertisse Aristotelem duo tantum Polyporum genera conchis conclusa constituisse, ut ex verbis eius liquet, contra cuius mentem autor lib. de aquatilibus tria ponit. Tertia, inquit Nautili species ab Aristotele prodita. Sed hæc secunda quam adfert, Nautilus Aristotelis esse nequit, neque enim Pectini cauo vlla ex parte comparari potest. Deinde cum Nautili corpore sint exiguo, trahere concham tantæ magnitudinis non possent. Hoc non est artificiosè fingere: Qui enim fingit saltem probabilia debet dicere. Neque concha nauplij quam depinxit Plinius, esse potest, utpote cuius figura ab hac concha alienissima sit. Nauigeram similitudinem & aliam in Propon-tide sibi visam prodidit Mutianus: concham esse acatij modo carinatam, inflexa puppe, prora rostrata: in hac condi nauplium animal Sepiæ simile.

Lib. 9, cap. 30.

De Cochlea cæлата cum suo operculo



CAPUT XXIX.

IN Mari permultæ sunt Cochlearum formæ. Hoc genus quod proponimus ad Turbinum speciem accedit. A nostris, Prouincialibus, & Hispanis *Scaragol*, vel *cagarolo de mar* nominatur, quod ad Cochlearum terrestrium quas *cagaroles* vocant, formam accedat. Testa est turbinata, & satis longa, cælaturis inæqualis & scabra, spissiore quàm in Cochleis terrestribus, intus læui. Operculum spissum est, rotundum, superiore parte non asperum, in qua voluta expressa est, vel figura turbinis Cochleæ clauiculatim intorti. Intus, qua scilicet parte carnem Cochleæ contingit, tuberosum est, & inæquale, rubri

co-

coloris. Partibus internis hæc Cochlea à terrestribus non differt. Carne est dura, & ad concoquendum difficili. Succum salum gignit, vernerem extimulat. Elixæ melior est. Testa in aceto macerata, superiore veluti cute vel crusta spoliatur, redditurque Cochleæ margaritiferae modo splendens, nitida & vnionis modo colorata. Sunt qui Cochleam quâ hîc exhibemus, Vmbilicum appellent, sed non sine errore, vt perspicuum fiet, quum docebimns qui sint Vmbilici, & quid à cæteris Cochleis differant.

De Cochlea Echinophora.



CAPUT XXX.



ARVIS Buccinis figurâ similis est hæc Cochlea, quam echinophoram ab asperitate nominamus: tota enim tuberculis, siue aculeis conspersa est. Operculo, succo, substantia, à paruo Buccino non differt.

De Cochlea Cylindroide.



CAPUT XXXI.



ATVRA Adeo fecunda est in turbinatorum & Cochlearum varietate, vt omnes nominibus exprimere perdifficile sit, quod etiam veteres non fecerunt, alioqui rerum indagatores seduli, & in nominibus inueniendis fœlices. Nos tamen distinctionis gratia,

atque vt aliæ ab alijs internoscantur, nomina ponimus quæ præsertim figuram exprimant, vt in ea facimus quæ hîc à nobis proponitur, *κυλινδρoειδής* que vocatur, à figura cylindro proxima. Pyramidem etiam refert. Pyri modo turbinata est, punctis varijs notata, Pollicis crassitudinem vix vnquam superat.

De Cochlea læui turbine obtuso.




CAPUT XXXII.



LÆVIS Est & polita admodum Cochlea ista atq; in-
turbinem longiusculum desinēs, sed obtusum. Oper-
culo tegitur. Testa est crassiore quàm cæteræ, car-
nēque minus dura. Frequentissimè circa Lerinum in-
sulam capitur.

De Cochlea depresso.




CAPUT XXXIII.



QUERCULVM Cochleæ cælata refert Cochlea
quam hîc representamus quæ concava est, & carnē in-
tus habet. Simillima est cochleis terrestribus, quæ ali-
quando in terra offossa reperiuntur. Altera parte pla-
na est, altera excauata in voluminibus, quæ initio
parua paulatim crescunt ad foramen vsque.

De

De Concha Veneris, siue Murice Mutiani.



CAPUT XXXIIII.


HERMOLAVS Barbarus Plinij locum LIB. XXXII. emendans, pro Veneri cymbia, legi posse censet Veneriæ, Senecam citās: Veneriæ, inquit, Spondyli & Ostrea, Venereq; Conchæ nusquam alibi mentionē factā fuisse scio. Eam esse puto quæ apud Gnidiorum Venerē colebatur, vnde Concha siue Cochlea Venerea dicta sit, quam describit Plinius ex Mutiano, qui Muricem appellabat. Mutianus, inquit, Muricem esse latiore Purpura, neque aspero, neque rotundo ore, neq; in angulos prodeunte rostro, sed simplice Concha, vtroque latere sese colligente: quibus inhærentibus plenam ventis stetit naucem, portantem nuncios à Periandro, vt castrarentur nobiles pueri, Conchâsque quæ id præstiterunt, apud Gnidiorum Venerem coli. Quum descriptionem nulli alteri meliùs quadrare contenderim, quàm ei Conchæ, quam *Porcelaine* vocamus, nonnulli læuigatorem, quia læuissima est testa, qua mulieres nostræ ornamenta quædā sua linea, in amylo aqua multa diluto, lota, deinde exsiccata poliūt, adeo vt splendeant. Eadem Itali atq; Græci hodie chartas læuigant, quod & Plin. olim factitatum fuisse memorat. Scabritia, inquit, chartæ læuigatur dente Conchæve, sed caducæ literæ fiunt. Cōcha ista oui figura est, Purpura maior & latior: sunt enim quæ in magnā amplitudinē accrescāt, testa læui, in cuius extremo vtroq; foramē est, alterū cibi capeßendi gratia nō asperū, nō rotundū, sed parum prominens, nō tamen in angulos procurrens,

Lib. 9. cap. 25.

Lib. 13. cap. 12.

alterum ad excrementa reiicienda, concha simplice atq; vna vtrinq; sese colligente, quod vt intelligas, concipias animo conchā simplicem per planum extensam: deinde vtranque in partem reduci & complicari, ad rotundā siue ouatam concham efformandam, duobus extremis, quæ prius in plano opposita iacebant, nūc inter se iunctis & coherentibus, dempta rima quæ denticulis asperiuscula est, qua parte cōpressa est, & faxis adheret in mari Rubro, & Oceano. Hac eadem parte nauibus vel earundem clauo affigi puto, atq; earum cursum remorari, esseque Remorā Mutiani, cuiusmodi plures cū in hæsisent, vt iam ex Plinio dictum est, plena ventis stetit naui, portās nuncios à Periādro, vt castrarentur nobiles pueri, ob eamq; causam Conchæ eæ apud Gnidiorum Venerem colebantur. Testa dura est admodū, inde agnoscas quod nunquam eam arrosam comperias, quemadmodū in aliis testaceis, quæ à tineis vel aliis eiusdem generis bestiolis marinis corrosa vel perforata sepe videas. Tota intus cādida est, foris varietate colorū insignis, in diuersis cōchis. Huic Cōchæ perforate in altero extremo multi hodie claues appēdunt, & zonę accōmodāt, ob Conchæ elegantiam & læuorem, ob quē nihil sordidū colligit, neq; vestes atterit. Eandē aurifices in duo secant, & cochlearia conficiunt. Huius aliquis est in medicina vsus: nam reperitur in descriptione pilularū de bdellio, ad alui fluxus constringendos, & intestinorum, atq; vteri vlcera, sed pharmacopœorum vulgus pro Concha venerea, Pectines vsurpat. Ex ea denticulifera optima parantur. Vtilis est ad vlcera canthi oculorum, & ad ægylomas, resiccandi vim habet insignem sine caliditate.

De secunda specie Conchæ Venereæ.



CAPUT XXXV.



ONCHAM Hanc raram non possumus nō vocare Conchæ venereæ speciem, ob magnam & figuræ, & naturæ affinitatem: est enim oui figura, Concha simplice vtrinque sese colligente. Vtrinque foramen vnum habet, inter hæc rimam. Ad vlcera, & ad alia exsiccanda non

non minus probanda,quàm superior,varia quoque est, sed ita maculas insperfas non habet,sed pro his lineolas,testa est tenuiore & minore,magisque perspicua.

De tertia specie Conchæ venereæ.



CAPUT XXXVI.



ONCHÆ Hoc genus non minùs venereis Conchis subiici potest,quàm secundum, ob testam vtrinque sese colligentē,& rimam inter foramina duo. Parte qua plana est,compressa est magis quàm supradictæ, altera magis rotunda. Maculis rotundis notata est, durior & spissior secunda,colore candido.

De quarta specie Conchæ venereæ.



CAPUT XXXVII.



ARVA semper manet hæc Concha,quæ superiorum modo rimam habet,& nulli rectius quod Concharum venerearum generi subiici potest. Parte altera plana est,altera in tumorem elata, in qua circulus est aurei coloris, alioqui tota foris candida est, intus cærulea. Testa est valde dura,eadem vi exsiccandi prædita qua superiores.


De Vmbilico.



CAPUT XXXVIII.

DIXIMVS ex Ciceronis loco qui est LIB. II. de oratore, Vmbilicos esse Cōcharū siue Cochlearū species, id quod verum esse indicat ipsa rerū natura, quę nobis, à turbinatis, cōchis, cochleisq; omnibus speciē diuersam exhibet earū, quę præter foramen illud quo Cochleæ saxi inherent, quōq; corpus exerūt: alterū habēt Vmbilico ita similē, vt nullus sit qui has viderit, qui negare possit vmbilicatas merito vocari. Id foramen profundum conuolutionū veluti centrū est, vel circa quod anfractus Cochleę cōuoluuntur veluti circa *περὶ κέντρον*. Hac de causa Vmbilicus vocatur: nā *μετὰ φρενῶς* vmbilicus dicitur, quicquid in aliqua re mediū est. Hic vmbilicus in Cochlea quā hīc exhibemus, manifestissimus est. Cochleā quam cælatam prius nuncupauimus similis est, figurā differt colore & cælaturis: nam picta quidem est variē, quod lineas quasdam purpureas habet, alibi vnionum more splendet, nihilominus tamen tota testa lauis est, densa ac spissa, lumine immisso varietatem colorum iucundam repræsentans.

De Vmbilico vario, & de paruo.



CAPUT XXXIX.

ECCE Vmbilicum priorem mira varietate à natura distinctum, scilicet, nigris, rubris, & albis tuberculis colorum omnium colorem & naturam referentibus, superiore parte latior est, mox in turbinem breuem definit. Alter Vmbilicus est valde exiguus ciceris magnitudine, aliquando paulò maior, qui in spongiis reperitur, veluti granu

granulis rubri corali æmulis conspersus. Inter umbilicum & foramen quo corpus exerit, testam incisam habet. incisuræ operculi vice sunt.

De Cochlea umbilicata cum operculo suo.



CAPUT XL.



COCCHLEA Hæc in magnitudinem satis insignem accrescit, quæ turbinata est, & in medio umbilicata. Variæ vario sunt colore: aliæ enim nigricant, aliæ corneo sunt colore, aliæ maculosæ. Proximè accedunt ad formam cochlearum terrestrium paruarum, quæ conglomeratæ fœniculi crassioribus caulibus adhærent, quæ etiam præter reliquarum cochlearum terrestrium naturam umbilicatæ sunt, carnæque sunt bona.

De alia Cochlea umbilicata.



CAPUT XLI.



INTER Cochleas umbilicatas ea quoque fuerit, longior, & multis anfractibus contorta, quorum longitudo & obliquitas in causa est, quominus umbilici extremum perspici possit. Testa lævis est, & quasi cornea, vel vnguium substantiæ similis.

De Cochlea rugosa & vmbilicata.



CAPUT XLII.

TOTA Huius Cochleæ testa rugas per transversum ductas habet, ita elatas ut striata dici possit, colore intus est albo, foris flavescente, valde fragili. Turbinis claviculæ in acumen non desinunt, pars superior longius procurrit. Foramen valde apertum & longum. Hanc tertiam esse nautili speciem ab Aristotele proditam falso tradidit author lib. de aquatilib. duas enim tantum polyporum species conchis conclusorum ponit Aristoteles, ut ante ostendimus. Neque ullus est qui viderit in ea Concha Nautilus, qui minor est, quam ut tantam Concham secum trahat, cuius etiam structura à facili natatione aliena est, ob transversas rugas, cum in marinis animantibus hoc diligentissimè cauerit natura, ne quid esset, quod natationi moram aut impedimentum afferret.

Priorè



G V L I E L M I
R O N D E L E T I I D E
I N S E C T I S E T Z O O P H Y -

T I S L I B E R .

35

Quæ dicantur έντομα. & ζωόφυτα.

C A P U T I.




OSTVLAT Ordo vt explicatis tribus pi-
sciũ sanguinis expertium generibus, scilicet,
Mollibus, Crustaceis, & Testaceis, ad quartũ
aggrediamur, quo cõtinentur ea quę insecta
nominãtur, nõ perinde nota in mari ac in ter-
ra, & aquis dulcibus, quorũ eã ob causam tra-
ctatio vniuersẽ magis quã speciãtim & à ve-
teribus & à recetioribus explicata sit. Cur au-
tem έντομα, id est, insecta nominentur, & quæ
sint, sic declarat Aristoteles. *έντι ὁ έντομα, ὅτι κατὰ τένομα, έντι έντομας, ἔχοντα, ἢ ἐν τοῖς ὑπλίοις, ἢ ἐν τοῖς ὠρανεῖσι, ἢ ἐν ἀμφοῖν. καὶ ὅτι ὁ ζωώδης ἔχει κέχωρισμένον, ὅτε σαρκώδης, ἀλλὰ μέσον ἀμφοῖν. τὸ σῶμα γὰρ ὁμοίως καὶ ἔσω καὶ ἔξω σκληρόν ἐστιν ἀσπίς.* Sunt insecta quæ, vt nomen ipsum declarat,
incisuras parte sui vel supina, vel prona, vel etiam vtraque habent,
nec osseum quicquam discretum, aut carneum, sed quiddã inter hæc
ipsa medium continent, quippe quæ corpore pariter intus, forisque
duro consent. Cum his miscemus Zoophyta, id est ea quæ nec ani-
malium nec fruticum, sed tertiam ex vtroque naturam habent, quæ
Latinẽ nominare non possumus nisi plantanimẽs, aut plãtanimalia
dicamus. Quorum nonnulla Aristoteles inter testacea recenset, vt
Tethya, & Stellæ, quę quia duro corio integũtur cum testaceis, quia
mediã sunt inter plantas & animalia naturã, cum Zoophytis expli-
cari possunt. Porro eodem libro insecta & zoophyta coniungimus,

Lib. 4. de hist.
cap. 4.

quòd quædam sint Zoophyta, quæ ad insectorum, & quædam insecta, quæ ad zoophytorum naturam accedunt. Ab his ad ea usque deveniemus, quæ prorsus animantia non sunt, quæque plantis omnino similia, atque omnis naturæ animalium expertia, in quo genere sunt spongiæ.

De scolopendris marinis.



CAPUT II.



VVM De Beluis marinis ageremus Scolopendram cetaceam descripsimus ex Æliano. Nunc de alia dicimus quæ ex insectis est, terrestri scolopendræ similis, de qua hæc Aristoteles prodidit. Εἰσὶ δὲ σκολόπενδραι θαλάσσιαι, παραπλήσιαι τῷ εἶδει τῆς χερσαίας. ὁ δὲ μέγεθος μικρῶν ἐλάττωσιν. γίνονται δὲ περὶ τὰς περσίδας τόπους, ἢ δὲ χροιδὸν ἐν ἑρυθρότεροι, καὶ πολύποδες μέγιστοι, καὶ λεπιοσκελέτεροι τῶν χερσαίων. ἔγινοντα δὲ αὐτὰ, ὥστερ' εἶδ' οἱ ὄφεις ἐν τοῖς βαθύσι σφόδρα. Scolopendræ marinæ aspectu terrenis similes sunt, magnitudine paulò inferiores, gignuntur in saxosis locis, colore magis rubro sunt, pedum numero terrestres superant, sed cruribus sunt gracilioribus, serpentum more non in altis gurgitibus nascuntur. Nos species duas hîc proponimus, prior minor est, colore planè rubro, dodrantali magnitudine, in saxosis locis degit. A capite ad caudâ vtrinque pedes habet plurimos, in flexus & volumina sese contorquet, nunc longior, nunc breuior, nunc gracilior, nunc crassior efficitur. Altera est superiore multò longior, utpote quæ ad cubiti longitudinem accedat, tenuior, colore ad candidum

candidum vergente. A capite ad caudam vtrinque pedes habet plurimos, veluti superior. Huius generis Scolopendras in ventriculo Lacertorum marinorum, & Acuum sæpe reperi, & sæpe ex ore extrahi, quod maximo est argumento huiusmodi pisces iis vesci sine pernicio. Præterea eas non in litoribus, aut in litorum saxis, sed in alto mari, ut Lacertos & Acus, viuere.

De Verme μικροσχηλόν.



CAPUT III.



VT In terra, ita in mari vermium nulla sunt genera. Sed in mari nonnulli vermes sunt huiusmodi, ut nulla alia pictura; quâ linea vna continua exprimi possint. Nam adeo indiscretas partes internas & externas habent, ut pili tantum crassiores siue carnosii esse videantur, quos animalia esse neges, nisi motu cieri agitarique conspexeris. Nos de duobus generibus tantum hîc agimus, quos sæpe inter maris purgamenta reperimus. De quibus etiam si nihil, quod sciam, à veteribus scriptum sit, tamē committendum non est, ut silentio prætereantur. Etenim existimare debemus permulta adhuc superesse in rerum cognitione, quæ veteres latuerint, quod natura tam fecunda sit, ut multis sæculis omnia humano ingenio comprehendi nullo modo possint, quæ maximè de causa ad diligentem rerum inuestigationem incitari debent præclara ingenia, plurimumque ab eorum opinione dissentire, qui veterum inuentis nihil addi posse credentes, ad ea tanquam ad sireneos scopulos consenescentes, nihil vnquâ laude dignum præstare possunt, neque bonas literas vlla ex parte promouēt. Ab horum opinione alienissimus, cum experientia ipsa me docuerit, in anatome corporis humani, in platarum stirpiūque cognitione, in marinis terrenisque animantibus, atque aliis plurimis rebus esse quadam adhuc penitus incognita, quadam non satis explicata, quicquid otij per docendi, medendique munus nancisci possum, id omne ad ea perscrutanda & literarum luce illustranda confero. Sed ad Vermes redeo, quorum prior quem hîc exhibemus, cute molli contegitur, tota incisuris constante: os vel rostrum obtusum est, parumque prominet, vnde μικροσχηλόν cognominauimus.

Aliis rostrum deest, sed foramē tantū habent, capeffendi cibi gratia.
Totus vermis digitali est magnitudine, minimi digiti crassitudine.

De Verme *μακρορυγχότερον*.



CAPUT IIII.

IN Luto maris, & marinorum stagnorum viuere com-
perimus eum vermem, quem hīc depinximus, qui su-
periore multò longior est: nam aliquando duorum cu-
bitorum magnitudinem æquat, pollicisq̃ue crassitudi-
nem. Farciminis longi figuram refert. Rostro est mul-
tò longiore quàm superior, simili hippocampi rostro, vnde *μακρορυ-
γχότερον* nuncupauimus. Intus longum duntaxat ventriculi, vel inte-
stini ductum habet, aqua & luto pleni. vnde perspicuum est his tan-
tū vesci.

De vermibus in tubulis delitescentibus.



CAPUT V.

ASCVNTVR In laxis marinis, & super cōcharū
vetustarū testas, tubuli vel siphunculi testacei, rotundi
asperī, candidi, intus læuissimī, quorum alij recti sunt,
alij contorti & replicati. In his procreantur & viuunt
vermes, qui foras se exerunt hauriendæ aquæ gratia.
Hi colore, substantia, scolopendræ rubræ similes sunt, figura & ma-
gnitudine nonnihil differunt: longissimi enim digiti magnitudinem
non excedunt. Pars posteriōr folij myrtei modo in acutum definit.

Priore

Priore parte vtrinque pedes habent, veluti scolopendræ, vnde fistula prominet in extremo obtusa tubæ modo, & perforata, qualem in asilo marino depingemus, eâ aquam trahit. Horû vermiculorum testa pharmacopœi nostri vtuntur, in compositione vnguenti citrini pro dentali. Huic similē testam etiam dentale vocant, quo in eodem vnguento vtūtur. Huiusmodi aliquot picturæ superiori aspersimus.

De Penicillo marino.



CAPUT VI.

A Similitudine penicillorum quibus pictores vtuntur, qui ex caudarum extremitatibus fiunt, vel eorum qui bus albarium tectorio parietum inferunt, Penicillum marinum vocamus, id quod hic exhibemus: figura enim aptissimè quadrat vt apparet. Tubulus est testaceus molli quadam & laxa substantia saxis alligatus, ita vt aquarum, vndis cedat, & agitur. In cauo carnosum quiddam continetur, colore varium: est enim quoddam flauum, alia alio colore perfusa sunt. Quum id carnosum se exerit, frondem expādit, vt in pictura expressi. In saxis circa Lerinum insulam reperitur.

De Hirudine marina.



CAPUT VII.

IN Mari Hirudo & marinis stagnis viuit, ei quæ in aquis dulcibus nascitur persimilis. Digni est magnitudine, ceruice est graciliore, cauda paulò crassiore. Os & caudæ extremum Polyporum acetabulis similia sunt, vt eorum adhæsione sese trahant. Corpus infe-

storum modo ex multis annulis circulisue constat, sed duriore cute quàm palustres, quod in causa est, cur non ita in globum se contrahere, nec ita se colligere possint, sed caudam tantum & caput proferunt & retrahunt. Interna omnia continuo ductu producta & indistincta. In luto viuit, virus olet, cibo idonea non est: pisces tamen lutosi & litorales ea vescuntur. In oleo antiquissimo decocta aurium dolorem sedat. In oleo amygdalino, vel chamæmelino, dolorem hæmorrhoidum. In vino, vulneribus neruorum & conuulsionibus utilis est. Vtæ alopecias cum aceto curant.

De Oestro siue Asilo.



CAPUT VIII.



Lib. 3. Georg.

OESTRVM Siue Asilum marinum vocarunt veteres, neque à voce neque à figura, sed à naturæ similitudine quæ illi est cum terrestri. Oestrus enim terrestris est insecti genus horrifono strepitu, vulgus *tahon*, Latini Asilum vocant teste Virgilio.

*Est lucos Silari circa, ilicibusque virentem
Plurimus alburnum volitans, cui nomen Asilo
Romanum est, Oestrum Graij vertèrè vocantes,
Asper, acerba sonans, quo tota exterrita syluis
Diffugiunt armenta,*

Lib. 11. c. 16.

Lib. 9. cap. 14.

Nascuntur ait Plinius, interdum in extremis fauis apes grandiores, quæ cæteras fugant. Oestrus vocatur hoc malum. Et Columella tradit nasci in extremis partibus fauorum, amplioris magnitudinis quàm sint apes cæteræ, eosque nonnulli putant esse reges. Verùm Græcorum autores *οἰστρος* appellant, ab eo quod exagitet, nec patiantur examina conquietescere. Inde Oestro perciti dicuntur furore correpti. Et *οἰστρον* & *οἰστρολατρεῖν* stimulari & concitari significat. Ab huiusmodi natura, bestiola in mari dicitur *οἰστρος*, id est, Asilus qui Thynnos & Xiphias ita diuexat & concitat, ut in naues aliquando exiliant, atque etiam nonnunquam in litus. Adeò nihil est quod hoste careat. Qua-

lis ver

lis verò sit Asilus marinus pauci nouerunt, quia exiguus est admodum, & rarò, vigente tantum canicula, nec in multis piscibus, sed in Thynnis & Xiphiis, nonnunquam in Delphinis, nec tamen omnibus conspicitur. Eum sic descripsit Aristoteles. *Τισὶ δὲ τῶν θυνῶν οἶστρος γίνε- Lib. 5. de hist. 1. cap. 31.*
ται μὲν περὶ τῆς περιέρχεται. ἔστι δὲ ὁμοῖος τοῖς χροαῖοις, καὶ δὲ μέγεθος ἡλικῶν ἀράχνης. Asilus circa Thynnorum quorundam pinnas oritur specie scorpionis, aranei magnitudine. Quæ brevis est, & non satis explicata Asili notio, ex qua Asilum nunquam penitus nossem, nisi sub Thynni pinna quæ ad branchiarum est scissurâ affixum conspexissem æstuantem canicula. Ergo ex ipsa *ἀποφύκη* sic fusius depingi potest. Pro ore tubulum siue fistulâ habet, pro corporis ratione longam. Vtrinque sitæ sunt veluti manus duæ quæ ad os flectuntur, sequitur aluus cum incisuris, cui affixi sunt sex pedes, duo qui in extrema aluo sunt, crassiores sunt & longiores, qui sequuntur vtrinque locati, paulò minores, reliqui duo qui magis in lateribus sunt, omnium minimi. Ore siue fistula, scorpionis terrestris caudæ, pedibus, eiusdem brachiis similis est, aluo & magnitudine, araneo. Vt Polypi acetabulis, ita hic ore adhæret parti molliusculæ & pingui sub pinna ita tenaciter, ut auelli integer non possit. Sanguinem exugit hirudinum ritu, usque dum præ plenitudine decidat & moriatur. Cur in summo tantum æstu, & caniculæ tempore pisces dictos infestet, id in causa esse puto, quod æstate tantum nascatur, autumno pereat. Cur sub pinna hæreat, in causa est partis mollitudo, pinguitudo, & sanguinis copia. Reliquo corpore Thynni cute quidem leui integuntur, sed illi subsunt squamæ duriores. Ex his intelligendus est Plinij locus LIB. IX. Animal est paruum scorpionis effigie, aranei magnitudine. Hoc se & Thynno & ei qui Gladius vocatur, crebro Delphini magnitudinem excedenti sub pinna affigit aculeo, tantoque infestat dolore, ut in naues sæpenumero exiliant. Dubium non est hæc de Oestro siue Asilo marino dici. Sumpta sunt ex maiori parte ex Aristotele. *Οἱ δὲ θύναι καὶ ξιφίαι οἶστρος περὶ κυνὸς ἐπισπλύνονται: ἔχουσιν γὰρ ἀμφότεροι τιτυκῶντα παρὰ τῆς περιέρχεται, ὅσον χλωήμιον δὲ καλῶμενον οἶστρον ὁμοῖον μὲν χροαῖῳ, μέγεθος δὲ ἴσον ἀράχνη. ποιεῖται δὲ ταύτα πόνοι τοῖς τῶν, ὥστε ἐξάλλεσθαι ἐνίοτε ἐκ ἐλαττον τὸν ξιφίαν τῶν δελφίνων, διὸ καὶ τοῖς πολλοῖς πολλάκις ἐμώττεται.* Hic animaduertere licet quam procul à veritate absit Autor lib. de aquatilib. qui Pediculū marinum pro Oestro exhibuit, cum in eodem cōtextu Aristoteles hunc ab illo ita distinxerit, ut imprudentis sit hominis sine ratione à veteri & probatissimo scriptore dissensisse, vel parū oculati qui Aristotelis locum non viderit, qui est huiusmodi. *Ἐν δὲ τῇ θαλάττῃ γίνονται μὲν ἐν τοῖς ἰχθύσι φθεῖρες. ἔστι δὲ ἐκ αἰσῶν τῶν ἰχθύων, ἀλλὰ ἐκ τῆς ἰλύος. εἰσὶ δὲ τῆς ὕψους ὁμοῖοι τοῖς ὄνοις τοῖς πολύποδι, πολλὴν τιμὴν ἔχουσιν πλατεῖαν, & mox πρὸς τὸ τῶν θυνῶν οἶστρος γίνεσθαι, & cætera quæ ante citauimus. In mari gignuntur*

in piscibus Pediculi, non ex ipsis piscibus, sed ex limo, aspectu similes asellis multipedibus, nisi quod caudam ampliusculam habeant. Et mox. Afilus circa Thynnorum pinas oritur, specie scorpionis & cætera. Vides perspicuè ab Aristotele Pediculum Afello multipedi conferri, cui ille Afilum comparat. Deinde cum Aristoteles tam apertè Pediculum ab Afilo discernat, ille sine causa dubitat, an Aristoteles Afilum à Pediculo, & Pulice diuersum constituerit. Idem autor, inquit de Aristotele, videtur Oestrum seu Afilum diuersum à Pediculo constituere. Nos verum Pediculum marinum libro de Crustatis expressimus, in iis enim numerari debet, quod crusta tenui contegatur.

De Hippocampo.



CAPVT IX.

HΠΟΚΑΜΠΟΣ à Græcis dictus, apud Latinos idem nomen retinuit: compositum est ex dictione ἵππος, quæ equum significat, & κάμπτω, quæ flexuram: nam ἵππο hic magnitudinem non significat, quemadmodum Marcellus Dioscoridis interpretis arbitratus est, ut fufius postea demonstrabimus, sed figuræ & similitudinis nota est: capite enim & iuba equum emulatur, κάμπτω verò vox addita, quia repando est corpore, & in arcum se curuante, prætereà villoso, & incisuris multis distincto, quemadmodum quæ in arboribus & oleribus reperiuntur κάμπτω à Græcis dictæ, à Latinis Erucæ, à nonnullis Bruci, sed nō sine errore: est enim Brucus aliud insecti genus. Ergo cum Hippocampus Erucas maximè cauda referat, reliquo corpore equum, ut pictura exprimit, ἵππο κάμπος optimo iure vocatus est. Romani, Illyrici, Genuenses *Chauai*, Massilienses, & nostri *Chenal* & *Chenalot* vocant. Veneti Draconem. Nonnulli Gallum marinum. Qui nunc Græciam incolunt ἀσπίδα. Quidam Salamandram marinam. Hippocampus toto corpore incisuras habet, dodrantalem magnitudinem non superat,

rat, sæpe minor reperitur, pollicis est crassitudine, rostro oblongo, tubuli modo cauo sine scissura, ab inferiore eius parte operculum foramini opponitur, ad claudendum, vel demittitur ad aperiendum: oculos habet rotundos, satis prominētes, in capitis vertice pili erecti sunt, qui adeo tenues sunt vt non in mortuis & exsiccatis, sed in viuētibz tantū Hippocampis, & natantibus appareant, quemadmodum & qui in reliquo sunt corpore. Toto capite, collo graciliore, ventre protuberante, equo valde similis est. Post oculos quo in loco in ceteris piscibus branchiæ esse solent, pinnulæ duæ auriculis similes sunt, maximè ob situm, vtrinque vnica. Branchiæ verò nullæ sunt, neque tectæ neque detectæ, sed supra dictas pinnulas duo sunt foramina sursum spectantia. Sub ventre rimulas duas habet. Ex vna alui excrementa, ex altera oua foras emittuntur. Cauda reliquo corpore tenuior est, quadrata, cum exochis aculeatis, toto etiam est corpore similiter aculeato, veluti ex cartilagineis circulis compacto, ex quibus aculei extant, membranis intermediis, vt nulla caro appareat. Colore est fusco, punctis albis notato, ventre albicante. Ventriculum pro corporis ratione satis magnum habet, hepar rubrum, similiter oua rubra, cor exiguum. Caudam quouis modo inflectas, & qualem viuo figuram tribueris, talē mortuus & exsiccatus seruat. Est profectò & cognitu & aspectu pulcherrimus, iucundissimūque hic pisciculus, denique huiusmodi vt in eo Naturæ solertiam, atque Dei Optimi Maxi. summum artificium admireris. Ob id summi olim pictores artis suæ peritiam in eo ostentarunt, tum ob difficultatem, tum ob elegantiam. Plinius de nobilitate operum & artificum loquens, Hippocampi meminit. Sed in maxima ait, dignatione Cn. Domitij delubro in circo flaminio Neptunus ipse, & Tethys, atque Achilles, Nereides supra Delphinos & Cete, & Hippocampus sedentes. Item Tritones, chorūque Phorci, Pristes, ac multa alia marina, eiusdem manus omnia, magnum & præclarum opus, etiam si totius vitæ fuisset. Hęc est veri Hippocampi descriptio, quę vt certissima ab omnibus esse iudicetur, quę ab aliis de eo literis prodita sunt refellemus. Primum in eo lapsus est Marcellus Dioscoridis interpret, quod voce ἵππο magnitude denotari scripsit in Hippocampo, vt in Hipposelino, Hippomarathro. eius verba sunt. Credimus olerum & plantarum erucas, quas Græci *ῥόγυρας* dicunt, marino pisci à similitudine nomen dedisse. In locustrarum enim genere Hippocampus à veteribus numeratur. Breuem paruumque piscem scriptor hic esse ait, & nihilominus magnitudinis nota ei coniuncta est. Quod enim Græci multis in natura ἵππο adiiciunt, grande significat, vt in Hipposelino, Hippomarathro, & Hippolapatho indicauimus. Sed id sic intelligendum est, vt hoc animal comparatum olerum aut plantarum erucis, grande sit, marinis

verò beluis, aut piscibus breue & paruum. Nec aliud hîc intelligi voluit dicens paruum esse animal. Hæc Marcellus. Primùm à nullo veterum Hippocampus in locustarum genere recensetur: nullus enim est apud veteres recentiorēve Græcos aut Latinos scriptores locus, in quo non solùm disertè id scriptum sit, sed ex quo vel læuissima coniectura, vel suspitio huius rei colligi possit. Deinde voculæ vnus significatione & rei ipsius ignoratione coactus est, à Dioscoride dissentire, friuola quadam excusatione adhibita. Cùm enim scribat Dioscorides Hippocampum *θαλάσσιον εἶναι ζῷον μικρόν*, id est marinum esse animal exiguum, tamen ob magnitudinis notam adiectam, ait breue esse animal cum beluis marinis collatum, cum olerum aut plantarum erucis, grande. Quid obstat quæso, quominus *ἵππος* in compositionem nominum admittatur pro equo? an oportet verba rebus, an res verbis accommodari? Cùm igitur Hippocampus corpore maximè equum referat, cauda erucam, cur non dicemus dictionem ex vtraque compositam, eaque significari paruum animal, cum id disertè scribat Dioscorides, qui & viderat, & penitus nouerat? Anceps est hac de re Andreæ Matthioli sententia, qui in suis in Dioscoridem commentariis duos Hippocampos descripsit: vnum ex locustarum genere, quod tamen veterum scriptorum nullus tradidit, vt iam diximus, & vt magis perspicuum fiet ex locis quos postea citabimus. Alterum verum, si modo veram eius picturam expressisset, ea enim in multis à naturali diffidet. Hanc de Hippocampo opinionem nec probat, nec improbat. Non dubito tamen quin si insecti huius naturam & vires, de quibus postea dicemus, penitus prospexisset, expertusque fuisset, in meam sententiam discessionem faceret. Multò magis ridiculè Hippocampum depinxit autor lib. de aquatilibus. Cùm enim equinum caput & collum ei tribuisset, os ei equi modo rescissum, narium foramina addidit, collum verò caudam, corpus reliquum tam absurdè pinxit vt monstrum potius aut cōmentitium quoddam animal exhibuerit, quam Hippocampum. Sed in his redarguendis prolixior esse nolo. De viribus Hippocampi dicamus. Hippocampi cremati cinis exceptus cum liquida pice, aut axungia, seu amaricino vnguento illitus, alopecias replet, ait Dioscorides. Ex quo hæc descripsit Galenus his verbis. Hippocampum animal marinum si totum vleseris, alopecius prodesse à quibusdam proditum est, ipsumque videlicet desiccantis esse facultatis, & tenuium partium, aut certè eius cinerem, quem quidam vnguento amaricino commiscet, quidam pici liquida, alij veteri adipi suillo. Plura tradit Plinius. Leporis marini veneficium restingunt poti Hippocampi. Et alio in loco inter ea quæ lichenas & lepras tollunt, ponit Hippocampi & Delphini cinerem ex aqua illitum. Et Hippocampi necantur in rosacco, vt perungantur agri

Lib. 2. cap. 3.

Lib. 11. simpl.
med.

Lib. 32. cap. 5.
Ibidem. cap. 7.
Ibidem. ca. 10.

agri in frigidis febribus. Et ipsi adalligantur ægris. De Hippocampi ventre venenato solus Ælianus scripsit, hoc modo. Lib. II. c. 64. 52a Rei piscatoria bene periti homines dicunt Hippocampi ventrem in vino decoctum, si quis dederit cuiquam bibere, eum primo ex ea potione acerrimo singultu affici, deinde tussire, & sicca quidem tussi vehementer torqueri: etenim nihil excreare, sed & superiorem ei ventrem intumescere, & calidas fluxiones in summum caput efferri, & verò per nares minutim defluere, ac pisculentum odorem reddere, simul & oculos eius sanguine suffusos ignei coloris flagrantia laborare, & eorundem oculorum genas inflari, & vomendi quidem cupiditate ardere ferunt, verum nihil emittere. Quod si natura euicerit, hunc tamen periculata prius morte in obliuionem & dementia incurrere. Sin in ventrem inferiorem delapsus fuerit, ipsum omnibus iam membris captum è vita excedere. Ex morte porro qui euadunt, mente capti aquam summo studio persequuntur. Hanc enim ipsam idcirco expectant aspicere, tum stillantem audire, quod sanè eis ægritudinis leuationem afferat, & somnum conciliet. Itaque ad perennes fluuios, aut ad litora, aut iuges fontes, aut lacus, cōmorationes eis gratæ sunt, cùm tamen non magnopere desyderent bibere, sed & ipsum natæ, & pedes aqua abluere eis plurimùm iucunditatis affert. Sunt qui non hæc mala dicant huius bestię ventrem procreare, sed Hippocampum algam acerbissimam, ex qua ita afficiatur depasci. Hæc Ælianus de Hippocampi veneno, quo etiam si hodie nulli vescantur, tamen solo ventre non aliis partibus venenatum crediderim, quod, vt alia animantia omittam, in aliis piscibus euenit. Draco siue Araneus spinis solis, Pastinaca solo radio, Iulides solo morfu venenum infundunt, aliæ partes sine pernicie sunt edules. Quod hanc venenati ventris causam quidam ad algam referunt, id non verè dicitur: neque enim alga vescitur Hippocampus, vt oris structura demonstrat, sed aqua tantum & luto. Neque alij multi pisces alga victitantes perniciosi sunt, sed quidam ex his optimi, vt scarus, atque saxatilius maior pars, quorum intestina non reiciuntur. Vt Hippocampi venenum, ita eiusdem remedium docet Ælianus. Solertia, inquit veterani piscatoris, & ad res maritimas bene prudentis, salutaris etiam repertus est Hippocampus, is & Cretensis erat, & filios piscatores admodum adolentes habebat. Accidit, vt hic piscator Hippocampus simul cum aliis pisciculis caperet, & peradolentes à rabida Canicula morderentur. Cum eorum in Methyna Cretensi ad litus iacentium vicem dolentes spectatores interficiendam caniculam censerent, & illius iecur medicamentum ad rabiem edendum iuuenibus dandum esse, alij consulerent à Diana salutem petendam esse, semel pi-

scator eos de consiliis quæ adferrent, laudatos dimisit, & Hippocamporum exenteratorum alios assos eis comedendos dedit, alios in acetum & mel contriuit, usque morsus vlcera obligauit, atque hominum adolescentium rabiem vicit, eosque ad incolumitatem tantam restituit. Hæc Ælianus de remedio aduersus canis rabidi morsum ex Hippocampo petito. Quod mihi cum ratione coniunctum esse videtur: Venenum enim veneno alio expugnatur, & sæpe, ut ait Ausonius, Bina venena iuuant. Quare cum ob canis rabidi morsum ὑδροφοβία ægri laborent, rectè malum hoc curatur Hippocamporum cibo qui ὑδροφιλία inducit. Ad pellendos vermes plurimum valere mihi indicauit Græcus quidam si tosti sumendi dentur, cum aqua absinthij, vel portulacæ, vel vino.

De Stellis marinis.

C A P U T X.




Li. 5. de hist.
anima. cap. 15.

Lib. 9. cap. 60.

ΣΤΗΡ Ab Aristotele vocatur marinum animal, à Plinio stella, à similitudine stellarum pictarum, de qua pauca ab iis scripta sunt. Ο ὃ καλέμενος ἀστὴρ, inquit Aristoteles, ἔτω θερμὸς ἐστὶ τῷ πυρὶ, ὥστε ὅτι ἐν λάβῃ παραχρῆμα ἐξαίρετον διεφθον εἶναι. φασὶ δὲ καὶ σῖνος τοῖσι τῶν ὀρίων τῶν πυρρῶν μέγιστον εἶναι. τῷ δὲ μερῶν ὁμοῖον ἐστὶ τοῖς γεωμετέροις. Quæ stella vocatur adeo natura calida est, ut omnia contacta protinus decoquat, detrimento etiam summo Echinis Euripi Pyrrheni eandem esse confirmant. Forma eius stellis quæ pinguntur similis est. Plinius. Præter hæc claros sapientia autores video mirari stellam in mari, ea figura est, parua admodum, caro intus, extrâ duriore callo. Huic tam igneum feruorem esse tradunt, ut omnia in mari contacta adurat, omnem cibum statim peragat. Hæc vera esse alio loco confirmauimus. Sed plura stellarum genera experientia nobis comperta sunt, quæ ordine à nobis describentur. Hæc illis omnibus communia sunt. Radiis quinque constant, qui ex multis particulis, tanquam ex multis vertebis componuntur, ut in aqua mobiles essent. in quorum medio oris situs est, & quinque dentium, ut in Echinis. Excrementorum nullus exitus apparet. Ore igitur Vrticarum more excerni quæ superuacua sunt arbitror. Duriore corio siue callo, ut loquitur Plinius, omnes integuntur: ob eam causam Aristoteles cum Testaceis aliis recensuit. Nos inter Insecta & Zoophyta reponimus, quia ad eorum naturam accedunt, incisuras enim mul

multas in radiis habent, vixque perfecta animalia dici possunt, imo Plinius fructici similia facit. Multis, inquit, eadem natura quæ ^{Lib. 9. cap. 47.} fructici, vt Holothuriis, Pulmonibus, Stellis. Sunt multæ earum differentiæ. Quædam magnæ sunt, quædam parvæ quæ nunquam magis accrescunt, aliæ aculeatæ, aliæ læues, aliæ ab aliis breuitate longitudinéque radiorum distant, aliæ radiorum appendices, & quasi ramos multos habent, aliæ iis carent. Postremò aliæ rubescunt, aliæ flauescunt, aliæ nigricant, aliæ cinereæ sunt. Hæc de Stellis in vniuersum.


De Stellæ prima specie.



CAPUT XI.

RIMÆ Stellæ non magnitudinem sed figuram veram representamus: eius enim brachia siue radij pedis longitudinem æquant. Duro quidem corio integitur, vt Holothuria, sed aspero, radij enim vndique aculeis muniuntur mobilibus, quales in Echinometra videre est. Idem radij excauati sunt, ex quibus carnosæ appendiculæ depêdēt, quales in vrticis quibusdam cernuntur. In radiorum medio os est sine gula. Inde alimentum in quinque partes distribuitur, vt in Echinis. Interne partes omnes indiscrète sunt vt in Vrticis. Radiorum particulæ vinculis tenuibus connexæ facillè disrumpuntur. Hęc Stella, & parua echinata aspectu pulcherrimæ sunt, potissimum corio suo spoliatæ, ob exquisitam & miram partium compagem. Virus olent. Ex his quædā cinereæ sunt, aliæ flauescunt. sola mollis, internâq; pars edêdo est, à nostris tamen negligitur, nec vnquam in mensas admittitur. Nullus etiā veterum eam pro cibo habuit. Græci quidam hodie *Γαδύρον* vocāt hanc Stellam, *Γαδύρον*, opinor, volentes dicere, quòd pali lignei fixi & erecti modo (id enim significat vox Græcæ) radios habeat.


De Stella pectinata.



CAPVT XII.

INTER Stellas magnas hæc quoq; reponēda est, vtpote cuius radij ad pedis lōgitudinē attingāt. Superiori similis est, iis déptis quę sequūtur. Radij circa rotūdū corpus dispositi, in exortu suo angulū acutū nō cōstituunt, sed obtusum. Aculei quibus latera muniuntur rari, recti, pectinatim dispositi, vnde pectinatam Stellā appellauimus. In totius corporis centro Stellula quædam expressa est, à cuius ambitu lineæ quinque per medium radiorum ad extremum vsque protensę sunt. Radij initio satis lati sunt. Rara est hæc secunda Stellæ species. Ore, dentibus, vita, moribus, facultatibus aliis similis est.

De Stella læui.




CAPVT XIII.



QUÆMADMODVM In Raiarum, Cochlearum, Turbinum, Cancrorum, ita in Stellarum varietate lusi se videtur natura. Hanc igitur ab aliis iam descriptis multis notis distinxit: est enim prorsus læuis, aculeisque omni

omnibus atq; asperitate destituta. Radij longi sunt, rotundi, flexibiles, muriū caudis per similes, eorū integumentū cortici serpentū simile est, & ob nigrarū albarūq; macularū varietatē spectatu iucundū. In medio corporis trunco circulus cernitur, intra circumferentiā quinq; maculis rotūdis, & inter has Stellulę picturā distinctus. à cuius circūferentia quinq; radij exoriūtur. Oris cōpositione, victus ratione, à ceteris nō differt. Brachiorū lōgitudine & vario flexu celerrimē natat. Edulis nō est. Ea ad peritonæi rupturā cū ononide fœlici successe vti possumus.

De Stella arborescente.



C A P U T X I I I I.

IMMENSA Et summē admirabilis Dei potentia atque solertia in rebus cælestibus, iisque quæ in aëre & terra fiunt, maximē verò in mari, in quo tam variæ & stupendæ rerum formæ conspiciuntur, vt quærendi & contemplandi nullus vnquam futurus sit finis. Harum vel illud exemplū esse potest, quod hîc propono. Stellam arborescentem.

tem à frondium & ramorum multitudine nomino. Huiusmodi duas vidi. Vnam permagnam apud Gulielmum Peliceriū Monspeliensem Episcopum, virum summa laude dignissimum, ad Lerinum insulā captam, alteram ex Italia ad me delatam. Ab aliis omnibus Stellis plurimum differt. Radios quinque siue truncos habet, in medio os, cum quinque appendicibus, quæ multis parvis dentibus horrent, pars ea depressa est, & summissa, ambitus tumet, in quolibet radorū intervallo foramen seu rimā conspicitur. Quilibet radius statim in binos finditur, hi rursus in binos ramos diuiduntur, atque ita deinceps, quousque ad tenuissimos & capillorū tenuitatē referētes deuentū sit. A quolibet oris angulo linea albicans prodit, & per omnium ramorū mediū producta est, alioqui tota Stella nigricat, & tenui, neque admodū dura sed aspera cute contegitur. Ramuli omnes intro flectuntur, quod argumēto est hos tanquam cirros à natura ad cibū captandū cōditos esse, quibus vndique in orbē dispositis praeda elabi nō potest. Id spectaculū aliquādo in mari studiosē cōtēplati sumus. Stellā paruo filo alligatam in mare demittebamus, in quo expansis ramis natabat, sed prædam aliquam propinquare sentiens, brachiis omnibus contractis amplexabatur. Vrticæ ritu. Rara est hæc Stellæ species, & ob raritatem pulchritudinēque inter anathemata suspenditur.

De Stella reticulata, siue cancellata.




CAPUT XV.



STELLAM Hanc à retis siue cancellorum figura, reticulatam siue cancellatam nuncupamus, & quia inter distinctiones retibus vel cancellis similes extant tubercula quædam rotunda, tuberosa etiam vocari potest. Inter maiores Stellas reponenda est: brachia enim ad pedalem longitudinem perueniunt, crassiora sunt aliarum Stellarum radiis. Aculeis parvis vtrinque eadem munita sunt. Os habet ceterarum

rum modo. Eleganti illa & reticulata distinctione spectabilis est, & inter anathemata collocanda.


De Stella Echinata.



CAPUT XVI.

STELLA Hæc inter saxa viuit, corpore exquisitè rotundo paruoque constat, & radiis quinque sed breuioribus, ynde fit vt minor sit cæteris. Illi è paruo circulo in quo crucis figura deliniata est, veluti è centro exoriuntur tenues, frequentissimis aculeis horrentes, quæ de causa Echinatam nominauimus, in lateribus dispositis. Radiorum flexuosu motu serpentum ritu repit hæc stella, & in sicco posita eos mouere nunquam desinit, quousque in partes disiecerit, quæ separatæ etiam mouentur per flexus: vt vermiû partes, & lacertorum caudæ abscisse. Os habet cæterarum modo. Cochleis paruis, cancrisq; vescitur. In scopulis Agathensis sinus reperitur.

De Sole.



CAPUT XVII.

VT à stellarum pictarum figura, Stellæ marinæ nomen habent, ita à Solis pictura Sol marinus vocari potest is quem hîc depinximus. Differt enim à Stellis quod in his è medio corporis trunco veluti è centro radij

enascuntur, in hoc verò ex corporis rotundi circumferentia, breues, minimè asperi superiore in parte, sed veluti ex squamis compositi, in lateribus verò paruis aculeis rigentes, albi ad extremum vsque gracilescentes. Corpus illud rotundum, in medio rosæ pictæ figuram expressam habet. Ore victu, facultate à Stellis non differt.

De Holothuriis

CAPUT XVIII.



CA Z A Conuertendis Aristotelis libris de Historia, partibus, generatione animalium, & Theophrasti libris de Historia & causis plantarum Latinam linguam locupletiore, auctioremque reddere studuit. Sed quoniam Latine scribendo Græca maximè fugiens, nominibus Latinis omnia exprimere voluit, aliquando tenebras rebus ipsis offundit, ita vt de ipsis difficile ancepsque iudiciū reliquerit. Id quod in Holothuriis & Tethyis dilucidè apparet: Græcis enim vocibus abstinens ὀλοθέρια vertibula vocauit, Callos, & Tubera. Τήθυα verò iisdem nominibus Latinis exprimit, ex quibus vocibus rerum confusio sequitur: neque enim eadem sunt ὀλοθέρια, quæ τήθυα. Quare diuersis nominibus vocanda fuerunt. Hanc sententiam nostram Aristotelis autoritate confirmamus. De Holothuriis enim ita scripsit. πολλὰ δὲ ἀπολελυμένα μὲν εἶναι, ἀκίνητα δὲ οἷον ὄστρεα, καὶ τὰ χαλάρυμα ὀλοθέρια. Id est, Multa faxis quidem soluta sunt, veruntamen immobilia, vt ostrea, & quæ Holothuria vocantur, quibus de suo quædam addit Gaza ita interpretatus. Non desunt complura quæ cū absoluta sunt, mouere tamen se nequeunt, vt Ostreae, & quæ tota simplici, mitioriue testa operata, vertibula appellantur, & Calli, aut Tubera. De Tethyis verò sic. τὰ δὲ χαλάρυμα τήθυα τέτων πάντων ἐχθὲ φύσιν περιηλοτάτων, κίνηται γὰρ αὐτῶν μόνον δὲ σῶμα ἐν τῷ ὀστράκῳ παῖν. Τὸ δὲ ὀστράκον ἐστὶ μετὰ ξυ δέρματος καὶ ὀστράκου. δὲ καὶ τέμνει ὡς βύρα σκληρά. προσαέφικε μὲν ἐν ταῖς πύξαις τῷ ὀστράκῳ. Quæ Tethya dicuntur, inter hæc omnia naturam maximè particularem sortita sunt. His enim solum vniuersum corpus testa occultitur, quæ inter coriū & testam mediæ est naturæ. Quare bubuli corii modo secatur, faxis igitur testa sua adharet. Quare cū Holothuriorū genus à faxis liberū sit, Tethya verò his affixa sint, non dubium quin Arist. diuersas res esse existimauerit. Idem de Tethyis scripsit Plin. Tethya tormini-

Lib. 1. de hist.
cap. 1.


Lib. 4. de hist.
cap. 6.

Lib. 9. cap. 9.

bus

bus & inflationibus succurrunt, inueniuntur hæ in foliis marinis fungentes, fungorum veriùs generis quàm piscium. Ex quo loco, etiam si corruptus sit, satis clarè colligitur Tethya hære. Sic verò emendant, vt pro Tethyæ legamus Tethya, ex Aristotele, & Athenæo. Cui emendationi illa etiam adiungenda, vt pro foliis, scopulis legamus ex Aristotelis loco suprâ citato, maximè cum fungis comparet, qui semper hærentes reperiuntur. Holothuriorum verò alibi meminit Plinius. Multis eadem natura quæ frutici, vt Holothuriis, Pulmonibus, Stellis. Sunt igitur diuersa Holothuria à Tethyis. Quare separatim de ipsis agendum, quod hoc quidem loco fit quia Zoophyta sunt, minimùmque sensus & motus habent.


De Holothuriorum prima specie.



CAPUT XIX.

PAVCISSIMA Sunt ab Aristotele & Plinio de Holothuriis literis prodita, ab aliis nihil, quia inter cibos non habentur, sed in litoribus neglecta iacent. Sunt autem Zoophyta faxis non hærentia, aspero corio contacta. Id genus quod hîc proponimus altero extremo obrusum est & planum, in quo rosæ pictæ imaginem insculptam esse dicas, circa quam sunt acetabula. Inde parua appendix & mollis dependet, pisculentum odorem resipit, nec minus ingratum ac insuauem quàm Lepus marinus. Altero extremo tenuius est. Intus partes omnes sunt indifcreta.

De Holoturiorum secunda specie.




CAPVT XX.

INTER Maris purgamenta id reperi, quod hîc re-
 præsentatur, quod quia vita, integumentî asperitate
 & duritia, partibus internis indiscretis cum Holothu-
 rio conueniat, Holothuriorum speciem esse puto. Al-
 tero extremo caput discretum habere videtur rotun-
 dum, os in medio rotundum, rugosum, quod aliquando dilatatur,
 aliquando constringitur. Sequitur corpus crassius, aculeis multis ri-
 gens, videtur in caudam deficere, ex cuius vtraque parte duæ sunt ap-
 pendices, pedum, pinnarûmve loco, sed differentes. Superior enim
 strictior est, in ambitu incisa, in acutum desinens, ad quam à ceruice
 producta est linea, altera latior vbique. Harum beneficio motum ali-
 quem habere videtur, cuius prorsus expers est primum genus, quod
 aliquando acetabulis suis, saxi hæret, sed soluitur, quo differt à Te-
 thysis quæ semper hærent firmissimè, vel saxi vel ostreorum testis. De
 quibus iam dicamus.

De Te

De Tethyis.



CAPUT XXI.

TΗΘΥΑ Quæ & τήθη appellat Athenæus, quid ab Holoturiis differant, iam diximus. Nostri *bechus* vocant. Plinius Græco nomine vsus est, nisi quod fœminino genere extulit, si non mendosi sint codices nostri, in quibus Tetheas aliquot locis reperias. *Aristoteles* cum qualis sit eorum testa, quòque modo saxi adhæreant exposuisset, fusiùs reliquas partes persequitur. Duo, inquit, foramina habent, à sese distantia, valde exigua, ita vt ferè oculorum aciem fugiant, quibus humorē reddūt & accipiūt. Corio spoliatis primùm apparet membrana neruosa, corpus ambiens, carnémque ipsorum totam continens. Nulli è cæteris testaceis similis est, in omnibus tamen sui generis eadem. Adhæret hæc vtroque ex latere membranæ circumdanti, & qua adhæret, arctius id in vtraque parte est, videlicet qua tendit ad meatus foras ductos per corium, quibus hauriri & emitti humorem diximus, quasi alter sit os, alter excrementi exitus, alter crassior est, alter tenuior, intus cauus vterque, inter hos modico intercedente interuallo. Hæc ex Aristotele quibus pauca adiiciemus, quò notior sit Tethyorum historia. Ea non solum petris, sed etiam ostreorum nostrorum testis affixa sunt, & in iisdem veluti tumores duri esse cernuntur. Oui figurâ sunt, aliquando longiore. Testa extrâ fusca inæqualis & rigida, intus argentea, læuis. Tethyorum caro membrana alba inuoluta ventriculi formam refert, rotundam scilicet & oblongam, meatus crassior & amplior gulæ proportionem

*Iib. 4. de his
sto. cap. 4.*

respondet, alter minor podici. Vterque colore est rutilo vel rufo, reliquum corpus croceum. Id totum corpus corio nudatum seorsum depingendum curauimus, quod ex duobus meatibus eminentibus, quos modò descripsimus, agnosces. Reliqua Tethya corio suo tecta adherent. Quum digitis premitur, aqua per meatus exilit, alioqui sensum fugientes. Iis inest sapor salus cum amarore coniunctus, ob quem detergit, flatus discutit, vt non sine ratione scripserit Plinius, Tethya torminibus, & inflationibus succurrere, & tenellum dissoluere, renumque vitia.

De Mentula marina.



C A P V T X X I I.


Lib. 3.



MENTULÆ Marinae nullus veterum, quod quidem legerim, mentionem fecit præter Athenæum. Κολύβδαμν δ' εἶρηκεν Ἐπίχαρμος ἐν τοῖς ὑποκειμένοις, ὡς μὲν Νίκανδρος φησὶ, δ' ἡ γαλᾶτιον ἀγδοῖον. Colybdenam dixit Epicharmus loco antedicto, vt Nicander ait, Mentulam marinam. Sed Colybdena ex crustaceorum est genere, vt in libro de crustaceis annotauimus. Horum igitur exemplo id Zoophytum quod hîc proponimus Mentulam marinam vocamus, eius figura & specie maximè nos ad id impellente, atque etiam vulgari appellatione, qua Massilienses & nostri vtuntur. Quantum ad integumentum attinet, testaceis annumerari debet, non crustaceis, vt mentula marina Epicharmi. Corio enim duro constat, vt Tethya. Quum viuît intumescit ac distenditur, post mortem flaccescit. Foramina duo habet, quibus aquam trahit, & reicit. Partes internæ indiscrætæ sunt. Multa huiusmodi Zoophyta circa stœchadas insulas capiuntur. Varia sunt, alia viridia, alia nigricantia, alia flauescencia.

De A^l

De altera Mentulæ marinæ specie.




CAPUT XXIII.



EQVE Zoophytū istud à Mentulæ contractæ forma multū distat, si eam cum scroto accipias. Ex dura quidem testa cōstat, sed veluti cartilaginea, spissa, rugosa, perspicua. Foramina à sese seiūcta duo habet, quibus aquam reiicit, quum comprimitur. Partes internas indiscretas habet veluti reliqua Zoophyta.

De Penna marina.



CAPUT XXIII.



PTIVS Mihi non videor zoophytum id nominare quàm Pennam marinam. Est enim pennis magnis iis quæ in pileis gestari solent persimilis. Nostri tamen piscatores formæ extremi alterius similitudine induti, Mentulam alatham vocant. Est enim ea pars peni sine præputio, id est, glandi similis, altera verò parte pennam refert. Pars illa crassior quæ glandis specie est, scissuras aliquot habet, quales sunt brâchiarum scissuræ in Galeis. Quæ pennam repræsentat, festu-
cis tenuibus constat, quæ alumini scissili similes sunt, iis substâtia alia quædam tenera innititur. Noctu maximè splendet, stellæ modo, ob candorem & læuorem.

De Vua marina.



CAPUT XXV.

Lib. 9. cap. 20.



NOSTRI Piscatores oua Sepiarum racematim compacta, à pediculo vno dependentia, earundem atramento asperso, Vuam marinam nominant, de qua re dictum est, quum de sepiis ageremus. Sed de ea Vua non loquitur Plinius quum scribit. Rerū quidem non solum animalium simulachra inesse, licet intelligere intuitibus Vuam, Gladium, Serras. Sed eam Vuā intelligi opinor, quæ hîc depingitur, quæ externa in parte vuæ flores optimè expressos refert. Est autem oblonga quædam & informis massa, ex vno pediculo dependens. Partes internæ indiscretæ sunt, inter quas aliquando reperiuntur veluti glandulæ parvæ, cuiusmodi vnicam seorsum depinximus. Vua marina in vino putrefacta, iis qui inde biberint tædiū vini affert, ait Plinius, cuius rei causam fœtori & marino odori attribuo.

Lib. 3. cap. 10.

De Malo infano marino.



CAPUT XXVI.



RE BVS Nouis seu anonymis noua nomina imponenda sunt, quod hîc facimus coacti. Nam cum nomen nullum apud veteres recentisue scriptores repererim huius zoophyti, à similitudine malorum insanorum, quæ *Albergames* nostri vocant, alij *pommes d'amours*, Mali inf

Mali infani nomen huic accommodare visum fuit. Vuæ marinæ species quibusdam videri posset, sed quia flores vuæ nullos refert, verum foliorum potius, vel plumarum formā, quia etiam pediculo differt, dilucidioris distinctionis gratia ab Vua marina secreuimus, & à similitudine mali eius terrestris, quod oblongius est (nam est & alterum rotundius) malum infanum appellauimus. Facultate ab Vua marina non differt.

De Cucumere marino.




CAPUT XXVII.



VCVMERIS Marini meminit Plinius LIB. IX. Cap. 2. qui & colore, & odore cucumeri terrestri similis est. Is est proculdubio quem proponimus, cucumerem paruum figurā, colore, odore referens. Digiti est crassitudine & longitudine, tuberculis aliquot aspersis, veluti in cucumere terrestri paruo. Partes internas indiscretas habet.

De Pulmonibus marinis.



CAPUT XXVIII.



ΔΕΥ' ΜΟΝΕΣ Atticè pro πνεύμονες dicuntur ab Aristotele, pro marino zoophyto quod sponte prouenit. Latine etiā Plinius Pulmones vocauit. Multis, inquit eadem natura quæ frutici, Holothuriis, Pulmonibus, stellis. Ab eodem LIB. XXXI. idem zoophytū, vt opinor, halipleumō appellatur. Inter testacea haberi ab Aristotele Lib. 9. ca. 47.
Cap. 11.
Lib. 5. de hist.
cap. 15.

Lib. 32. cap. 10.
Ibidem.
Ibid. cap. 11.


rectè dicitur. Eo enim loco Aristo. de testaceis tantùm sponte prouenientibus tractat. Id indicat initium sequētis capituli. Sed eodē modo testaceos Pulmones intelligere oportet, quo Holothuria, Tethya, & stellæ, id est, corio duro contactos. Veteres de Pulmonibus marinis, ut de re tū nota omnibus, & vulgari scribētes, quales essent fufius non exposuerunt. Vnde euenit, quemadmodū in aliis multis rebus, ut qui sint nunc dubitemus. Coniicere licet Pulmones, vel à pulmonum nostrorum figura, vel ab eorundem substantia laxa, molli, foraminibus plena, nominatos fuisse. Vnde Arist. spōgias aplyfias pulmonibus comparauit, sed an marinos, an animalium pulmones intellexerit, in dubio est. Pulmonis marini cinis adalligatus, inquit Plinius, egregiè profluuiā purgat. Et Pulmone marino lignum si confricetur, ardere videtur. Alibi tradit Pulmonem marinum decoctum in aqua calculosis præclarè mederi, & perniones emendare. Sed ne ex his quidem qui sint Pulmones marini licet colligere. Qui res marinas tractant, id Vrticæ genus quod priore parte operis nostri descripsimus, quod nostri, & Itali obsceno nomine nuncupant *potes de mer*, pro Pulmone marino exhibent, sed non sine errore, ut ex iis quæ de Pulmonis marini facultatibus scripta sunt, confirmare facile est. Nam Pulmonis marini cinere egregiè profluuiā purgari à Plinio traditum est, & decoctum in aqua calculosis perutilem esse. Quæ nostris *potes* vocatis conuenire non possunt: nihil enim aliud sunt quàm substantia mollis, pituitæ concretæ perfimilis, quæ in aquam abit. Quare nec in canerem redigi, nec in aqua decoqui corpore aliquo superstite potest. Adde quod nihil cum pulmonis figura, neque cum substantia simile habet. Nos cum illa quæ saxi affixa sunt, diligentius rimaremur & contemplaremur, inuenimus substantiam quandam illis hærentem, corio duro & nigro intectam, intus mollem, fungosam, & fistulosam, spongiarum aplysiarum modo. Ea in saxorum rimis nascitur, cuius imaginem non exhibemus, quia commodè pictura exprimi non potest. Vel pulmo marinus dici potest, corpus quoddam rotundum, pilæ marinæ modo, virescens, foris substantia feltro simile, intus totum fistulosum veluti spongia aplysia. In mari aqua plenus est, & graue. extra mare in se concidit & flaccescit. In saxorum rimis delitescit, & inter algas. Quum verò per mare fertur tempestatis signum est, quod de pulmone marino scripsit Plinius

Cap. 35.

L I B. X V I I I. Pulmones marini in pelago, plurium dierum hyemen portendunt.

De Es

De Eschara.



CAPUT XXIX.



QUOD Hic representamus nostri piscatores *giroflade* appellant, à similitudine pulchri & bene odorati floris, quem nostri *giroflade* Galli *æillet* vocant. Suspicionem tantum, nec dū pro certo habeo, sit ne veterū Eschara, cuius mentionem à solo Athenæo fieri comperio ex Archippo. Super saxa enascitur ex pediculo exurgens, aliquando supra ligna in mare deiecta, nonnunquam pediculo caret. Ex dura terreâq; substantia constat, cute rubra contegitur, qua sublata totum corpus spectatur cribri instar perforatum, lactuæ crispæ, siue capitatae foliis simile. In cibis inutile prorsus est. Aduersus vlcera maligna prodest. Vehementer enim siccatur, & superuacuum carnem absumit.

Lib. 3.

De Spongiis.

CAPUT XXX.



APISCIBUS exterisq; animantibus marinis, tam sanguine præditi quam sanguinis expertibus, ad ea tandem devenimus quibus parum sensus, motusque inest: postremo verò ad ea quæ eis prorsus carent, quæq; plantis similia sunt, in quo genere sunt Spongiæ: eas enim eiusmodi esse ut sensu motuque omni destitutæ sint, priore parte operis nostri demonstrauiamus, Reliqua igitur quæ de Spongiis dicenda sunt more nostro pertractemus. Dicuntur à Græcis *σπγγες* & *σπγγιδαι*, & earum piscatores *σπγγεῖς* spongiatores vel spongiarij. A Spongiæ natura molli, laxa & fistulosa, quæcunque sunt huiusmodi spongiosa vocantur. Vnde pulmonum nostrorum substantia spongiosa à medicis vocatur, & laxa caro præhumidâque quæ in vlceribus accre-

Lib. 4. cap. 10.

scit à Chirurgis. Spongiarum in humore pratorum enascentes appellat
Lib. 19. cap. 4. Plinius. Marcellus medicus spongiarum quæ pruno sylvestri adnascitur, & quæ in rubo rosario agrestis, quæ pharmacopœi hodie Spōgiarum bedegaris nominant. Sed ad Spongiarum marinas redeamus, quas in diuersa genera diuersi auctores partiti sunt. Dioscorides. E' Spōgiis mares appellauere, inquit, tenui fistula, spissas, quarum duriores tragos nominarunt. fœminas autem quæ contrarias dotes habent. Arist. quatuor Spongiarum differentias constituit. Nam alia rara, alia spissa, alia tenuissima, spississima, validissimaque, quas achilleas nominabant. Mollitudinis, duritiæ, magnitudinis earum differentia à loco & situ sumuntur. Quæ primi sunt generis magnitudine amplissima fiunt, ut circa Lyciam, quæ secundi generis, mollissima, quæ tertij duriores. Omnes quæ in altis tranquilisque gurgitibus sunt, molliores efficiuntur, quæ in summis faxis, & ab undis procellisque agitatæ, duriores: flatus enim ac tempestates, Spongiarum, & ea quæ in mari nascuntur duriora reddunt, & incrementum impediunt. Quartum genus earum est, quas aplysias vocant, quia nunquam lauentur, quasi illotarias voces, ait Gaza, hæc ampliores quidem meatus habent, sed reliquo toto corpore densæ sunt, nihilo tamen densiores superioribus, sed lentiores &
Lib. 9. cap. 49. omnino pulmoni similes. Eadem tradit Plinius ex Aristotele. Colore differunt: nam illotæ nigricant, quædam crocæ sunt sine fūco. Arte Candidæ fiunt ut tradit Dioscorides, è mollissimis recentes per æstus tinctæ salis spuma quæ petris cohæret, insolatur inuersæ, hoc est parte caua sursum spectante, & qua abscesserint deorsum. Si verò æstus uia serenitate ad lunam sternantur perfusæ salis spuma, aut maris aqua maximum candorem referunt. Tingeantur etiam in delitiis aliquando & Purpura teste Plinio. Tria Spongiarum genera nobis nota hæc sunt. Primum earum est quæ rara sunt, patentissimæque habent fistulas, quas nulli alteri rei aptius comparare possum, quam hepatis humano membrana sua spoliato, & per medium dissecto, in quo tum cernuntur infinitarum venarum fistulæ, quarum alia sunt maximæ, alia minores, alia minimæ, tamen sensui patentes. Vocatur à Gallis *grosse esponge*. Eiusdem generis aplysias esse puto, sed prope limum & sordes nasci, quam ob causam tam sordidæ sunt, ut elui non possint. Secundum genus est densum, quod paruas admodum fistulas habet, & tenue quod ad crassitudinem corporis attinet, & molle, tantumque mollitudine differt à primo genere, quantum stupa crassissima asperrimæque, à delicatissimo & tenuissimo lino. Nostri *esponge femelle* appellant, & est colore mali arantij. Tertium genus est densissimum, spissum, validum, cinereum, alcyonio tam simile, ut vix nisi gustatu utriusque discrimen agnoscas. Hoc fistulosum non est, sed sæpius cavitatem unam, & eam amplam habet, in qua Cæcellus hospitatur. His Spongiarum generibus explic

explicatis nunc de usu dicemus qui apud veteres frequens erat, & valde multiplex. Martialis.

Hæc tibi sorte datur tergendis spongia mensis

Utilis, expresso quum levis imbre tumet.

Præstabant & strigilum vicem, linteorumq; affectis corporibus. Et contra solem aptè protegunt capita, Plinio teste. Eadem ratione nos qui comam non alimus ad detergendum caput commodè utemur, maximè asperfo sale bene contuso. Galenus aliquando noua, aliquando antiqua spongia vtendum censet, sæpius lota in libr. ad Glauconem & methodi med. Vt cum reficcandum, degerendumque in œdemate, in febribus, in aliis calidis affectibus spongia noua & lota: recentibus enim plus falsuginis inest, & vt ait Plinius, Recentes discutiunt, molliunt, mitigant, veteres conglutinant vlcera. Corpori adhibentur modò sicca, modò cū aceto, vino, frigida, aqua cælesti, cera, posca, melle. Vlcerum humida & senilia imposita siccant. Fractura & vulnera spongiis vtilissimè fouentur, sanguis rapitur in secando, vt curatio perspicui possit. sic quum corporum dissectionem tractamus, spongiis utimur ad ebibendum sanguinem è venis affatim profluentem, & partium conspectum nobis adimentem. Vulnerum inflammationibus imponuntur nunc sicca, nunc ex aceto inspersa, nunc è vino, nunc ex aqua frigida. Imponuntur epiphoris ex posca, & aceto calido ad capitis dolores. Ex aqua verò cælesti imposita secta recentia non patiuntur intumescere. Imponuntur & integris partibus, & fluxione occulta laborantibus, quæ discutiendæ sunt, & iis quæ apostemata vocant, melle decocto perunctis. Item articulariis aliàs aceto falso madida, aliàs ex posca, si ferueat impetus, ex aqua. Eadem & callo falsa madida. Ad canum morsus vtiliter confixa imponuntur, ex aceto, aut frigida, aut melle, abundè subinde humectandæ, ait Plinius. Sed neque hinc frigida, neque acetum mihi placet: ab his enim intro venenū pelleretur, verum mel prodesse potest, tum venenum digerendo, tum attrahendo. Circumligantur & hydropicis sicca, vel ex aqua tepida poscave, vtrunque blandioribus opus est, opeririue aut siccari cutem. Nos summa cum vtilitate ventri & tibiis hydropicorum spongas imposuimus, cute tantum acu perforata, tum enim facilè per carnis inania spatia aqua effluit. Chirurghi in vlcerum siue vulnerum capitis & thoracis vtiliter spongiam molliissimam immittunt, vt sanies defluat, & à spongia exhauriatur. Eadem & ad vlcerum oras dilatandas vtuntur, vel filo alligata, quum stricti sunt sinus, vel cera liquida densata, vel sine filo & cera, quum magna sunt vlcerum, & parum profunda. Cum cera verò sic præparatur. A lapillis, conchulis, aliisque quæ in spongiarum fistulis latere solent diligenter expurgata, cera liquefacta perfunditur, tum inter tabellas

duas expressa, attenuatâque in frustula diffecatur. Penicilli ex spongiis fiebant, in oculorum affectibus, autore Plinio. Mollissimum genus earum penicilli, oculorum tumores leuant ex mulso impositi. Item abstergendæ lippitudini utilissimi. Præterea sanguinis profluvium sistunt ex aceto, aut frigida. Non alia quidem quàm exsiccandi facultate Spongiæ id faciunt, quibus & illud accedit, quod seroso & tenui ab iis exhausto, quod crassius est spissatur, venâque tunc obstruendo sanguinis impetum inhibet. Idem eadem de causâ efficiunt falicis & cannarum flores, & pili tenues leporis. Rursus vsta spongia veteres in multis vti sunt. Vritur autem ut alcyonium, autore Dioscoride, id est, cum sale in crudum fictile mittendo, & oblinendo vasis spiraculum luto, itaque fornaci mandando, & cum figlinum percoctum fuerit, extrahendum. Idem Plinius. Et oculorum causa comburuntur in cruda olla figulini operis, plurimum proficiente eo cinere contra scabritias genarum, excrecentésque carnes, & quicquid opus sit ibi distringere, spissare, explere. Utilius in eo usu lauare cinerem.

Lib. 5. cap. 138.

Lib. 31. ca. 11.

Ibidem.

Cremari etiam cum pice prodidit Plinius. Omnium, ait, cinis cum pice crematarum sanguinem sistit vulnerum. Crito vsta utebatur ad conseruandos capillos, ut videre est apud Galenum *L I B. I I. de compositione med.*

ἔτι τὸ αὐτὸ. Idem verissimè tradit vstam acris esse & digerentis facultatis. *Cæ. tera petes ex L I B. X I. de facultate simplic. medic.*



G V L I E L M I

R O N D E L E T I I D E

P I S C I B V S S T A G N I M A-

R I N I L I B E R .

SS
9

De Stagnorum differentiis.

C A P U T I.



STAGNORVM Genera sunt plura: sunt enim stagna marina quæ λιμνοθαλάσσαι vocantur à Græcis: sunt stagna salsa, etiam si marina non sint, sunt & stagnantes aquæ dulces. Stagna marina facta sunt vel à mari exundante, alucólque suos egresso, vel ab aqua marina per occultos & subterraneos neatus influente, id quod fieri aiunt in ea stagni nostri parte, quæ est ad Balerucum oppidum, quæ *Tau* appellatur, cuius aqua multò purior limpidiôrque est, quàm in vlla alia stagni parte, eâque de causa meliores illic sunt pisces. Vel facta sunt stagna huiusmodi, mari per euripos siue fauces in caua loca sese exonerante, maximè austris diutius & vehementius flantibus, quemadmodum contrà etiam accidit, vt in boreali constitutione stagnorum aquæ intumescant, & in mare relabantur. Tale est apud nos stagnum Latera Plinio vocatum, à Pomponio mela stagnum Volcarum. Aliud est non procul à Narbona, aliud est in Pro uincia, quod vernacula lingua *Martegue*, nominatur. Stagna ista vel natura fiunt, vel arte. Hanc imitati etiam hodie vicini mei qui villas habent stagno nostro vicinas, fossas ducunt, in quas hyème vnâ cum stagni aqua exundante subeunt Mugiles, Auratæ, atq; alij pisces qui in stagnis marinis degere solent, id quod fit longè minore impendio quàm veteres olim piscinas suas extruxerint, vt Lucullus & Horten-

sius, qui præter imensos sumptus qui in exardificationem piscinarum faciendi erant, magno alere pisces cogebantur. Alia sunt, vt diximus, stagna salsa non tamen ob maris influxum: ea enim in locis mediterraneis reperiuntur, sunt & fontes & putei huiusmodi, non aliunde quàm à natiua loci salugine. Inter Narbonem & Carcasum (Carcasona nunc vocatur) stagna quædam sunt, mea ætate, in summis æstibus ita exsiccata, vt relicta in imo aqua pauca in sal concreuerit, quo ne vicini vterentur in regionum vectigalium imminutionem, aratro proficissum & subactum est solum. In his stagnis non reperiuntur marini, sed aliarum aquarum dulcium pisces, illicque ob multæ aquæ dulcis permissionem viuunt: nisi quum in summis feruoribus dulci aqua absumpta salsa nimium & amaræ proxima reliqua redditur. Nec dubito quin Lupi, Mugiles, Auratæ, aliq; huiusmodi pisces huc illati commodè viuerent, vt in ostiis fluminum, & in marinis stagnis viuunt.

Qui pisces in stagnis marinis viuere soleant.

CAPUT II.



ROCELLOSO mari & rigente hyeme, stagna nostra marina magnam piscium copiam nobis suppeditant. Capiuntur in his Mugiles, Lupi, Auratæ, Mormiri, Salpæ, Anguillæ, Aphyæ albæ, Mulli lutarij, Squillulæ, Cancræ, Conchulæ, aliquando Corui & Coracini. Sed quærenda causa cur marini quidam pisces in iis & fluuiorum ostiis libenter versentur. Marina stagna petunt maximè pisces ij qui litorales sunt vt Mugiles, & Auratæ. Ii etiam qui pelagij quidem sunt sed in litora pariendi gratia secedunt. Alij pelagij qui in litoribus non pariunt, vix vnquam aut stagna, aut flumina subeunt, nisi quum auidius prædā persequuntur: ob hanc enim causam, Rhombi sæpe in ostiis fluminum reperiuntur, sic & Delphinos aliquando in stagna & flumina ipsa penetrasse certum est. Illi igitur stagnis gaudent, tum quia eorum natura litoribus maris affinis est, tum quia pisces isti dulcis aquæ permissione gaudent, quæ copiosior est in stagnis, ob pluuiarum & riuulorum illapsum, vnde fit, vt iidem pisces etiam flumina subeant, quod aqua dulci delectentur. Romæ Lupi capiuntur, multis aliis in locis & Lupi, & Mugiles, & Passeres in fluuiis procul à mari disitis. In causa est partui aptior & commodior locus, & optimi conuenientisque alimenti copia. quo qui non capiuntur neque in fluuiis, neque in stagnis inueniuntur, vt Pagri, Rubeliones, Congri,

gri, Raie, Galei, Locustæ, Astaci, atque alij infiniti. Quare nec mirū si pisces quidam in lacu degentes prætergradientium fluuiorum aquis non gaudeant, & contrā fluuiorum pisces eorundem impetum semper sequuntur, lacuum aquas aspernantur. Id Plinius de Tigri flumine & lacu Arethusa literis prodidit. Influit lacū Arethusam omnia illata pondera sustinentem, & nitrum nebulis exhalantem. Vnum genus ei piscium est, & hīc aquæ transcurrentis non miscetur. alueo, sicut nec ē Tigri pisces in lacum transnātant. In causa est aquarum natura diuersis qualitatibus prædita. His & illud accedit, quod pisces nonnulli placida & leniter fluente, alij rapida vnda delectātur. Sed in aquarum qualitatibus hoc est animaduertendum, esse quasdā quas omnino pisces refugiunt, neq; in his viuere vllō modo possunt. Etenim calidæ quidem & frigidæ pisces alunt, modō non nimium neque immodicē in vtrauis qualitate excellant. Vt quæ modicē sulphuræ fuerint pisces alere possunt, sin contrā, nō possunt. In Aruerniæ fonte quodam aluminoso pisces vidi. Quod si aquæ per cuniculos quosdam labentes, vel atramenti futorij, vel ochræ, vel sandaracæ, vel aluminis, vel alterius venenatæ rei qualitate cōtaminentur, pisces non nutriunt. In bituminoso Iudææ lacu nullum omnino animal, neque plantam inesse author est Galenus, imō cum duo in eum fluuij confluant longē maximi, piscium que copia scatentes, nullus omnino piscium fluuiorum ostia excedit, ac si captos quis in lacum iniiciat, celeriter moriuntur, adeo tum animalibus, tum plantis inimicum est, quod exquisitē amarum est, squalidum & siccum. Sed de his satis, iam ad marinorū stagnorum pisces aggrediamur. quorum amplior tractatio & picturæ ex opere nostro De marinis piscibus, petendæ sunt: superuacuum enim foret eadem hīc repetere, & easdem effigies rursus præfigere.

Lib. 6. cap. 27.

Libr. 4. de facult. sim. med.

De Aurata.

CAPUT III.



TAGNA Marina vere cateruatim subeunt Aurata, vt illic æstatem transigant. deinde in mare remeāt non impeditæ. Verūm nostri ex Tamaricum ramis sepēs contextunt, trianguli figura, cuius extremum & acutum angulum ingredientibus aperiunt, regredientibus occludunt, nassisque adhibitis, vel retibus, vel vētriculo, quo tēpore carniū opsoniis nobis omnino interdictum est, incredibilem Auratarum multitudinem capiunt, quæ piscādī ratio tertio quoque anno tantūm repeti potest. Hæ Auratæ figura ab aliis non differunt,

quam ex libro quinto prioris partis operis nostri petes. Pinguiores quidem sunt, sed lutum magis olēt, vel quia in luto degunt, vel quia Conchulis pisciculisque luto viuētibus vescuntur, tum etiam limo, lutulentāque aqua. Vnde & Mugiles qui à piscibus omnino abstinent lutum resipiunt, & omnes pisces qui in puriore stagno versantur minùs lutum resipiunt. Non sunt tamen istæ Auratæ negligendæ in marinarum inopia, sed euisceratæ coquendæ sunt, & fœniculi, vel origani, vel alterius odoratæ herbæ ramulis infarciendæ, vt virosus ille odor euincatur.

De Sparo.



CAPUT IIII.



VT Litoribus, ita stagnis marinis Sparus gaudet: frequenter enim in iis capitur, sparo marino planè similis, & specie, & ceteris corporis partium tum internarum tum externarum differentiis. Macula in cauda, nigricante ab Aurata parua distinguitur. Carne est molliore & nimis humida atque insuauis, cuius figuram representamus minorem quam marini Spari, quia ad eam magnitudinem non accrescit in stagno ad quam in mari.

De Salpa.

CAPUT V.



SALPÆ Quoque in stagnis marinis frequentissimè inueniuntur, lineis siue virgis à capite ad caudam ductis parallelis marinis similes. In stagnis tamè nostris frequentior est ea quæ *Vergadelle* à nostris dicitur, id est virgatus piscis à virgis quibus Salpæ similis est, figurà verò nō item, sed Auratis vel Sparis potiùs: sunt enim Salpæ spissiores & longiores, inter Auratas & Lupos mediæ. Ab iis virgati nostri

nostri neque partibus internis, neque saporis insuauitate, neque carnis mollitie, neque victus ratione differunt. Sed virgati in stagno solum reperiuntur, Salpæ & in mari & in stagno.

De Mugilibus.

CAPUT VI.



MUGILES In mari in fluuiis, in stagnis capiuntur, teste etiam Aristotele. *Οἱ μὲν οὖν κερπεῖς ἐκ τῆς θαλάσσης τῆς ἀναβαλόντος εἰς τὴν θάλασσαν, καὶ τῶν ποταμῶν.* Hi figura à sese non differunt sed sapore & succo. Nam quauis omnes siue in mari siue in fluuiis, siue in stagnis carne abstineant, tamen stagnorum Mugiles pinguiore sunt, marini sicciore, sed saporis gratioris: plus enim fordidum & limi in stagnis est quàm in mari, ob id libentissimè in stagna se recipiunt, nullique ferè pisces in stagnis frequentius reperiuntur quàm Mugiles, neque tutius alibi viuunt, velut factis induciis cum Lupis capitalibus hostibus: statò enim tempore congregantur, & coeunt in gremio hyemis tempore quum stagna subeunt. Sale conditi Mugiles diu asseruantur. Quatuor Mugilù genera fecimus priore parte operis nostri quorum omnium figuras illic expressas habes.

Lib. 6. de hist. cap. 4.

De Lupo.

CAPUT VII.



LVPS Fluuios & stagna ingreditur cum Mugilibus ut supradictum est. In stagno marino pinguescit, magisque tum palato placet quàm marinus, qui carne est sicciore. Omnium stagni marini piscium saluberrimus est & optimus Lupus, quia carniuor est lutoque non vescitur. In miram magnitudinem accrescit, vidimus enim aliquando tricubitalem. Quum stagna frigoribus cōglaciant, moriuntur Lupi, & in summo fluitantes apparent. Quare dicendum magis ab his frigus timeri quàm ab Auratis, Mugilibus & cæteris. Cuius rei causam priore tomo reddidimus, neque enim eam lapidi qui in capite est tātum assigno: nam & Auratis & Mugilibus insunt in capite Lapides, & in nonnullis ut in Coracino multò maiores, tamen ij omnes frigore non intereunt. Hyeme & vere optimi sunt Lupi, æstate minùs probantur, utpote qui sicciore sint. Saliti non

æque boni ac Mugiles, nisi recens saliti edantur: tunc enim meliores sunt quàm si diutius feruentur. Recens capti duriores sunt carne. Caput maximè commendatur, vt caput Glauci, omniumque piscium qui pingues sunt, propterea quod circa caput pinguiora sunt omnia. Contrà caudam Mugilum nostri magis probant, quia cùm Mugiles præhumidi sint, & pinguitudine molesta referti, caudam ob crebras excercitationes minùs pinguem præferunt. Parui Lupi maximè qui in fossis & magis lutosi locis degunt minùs probandi, magni contrà, illi enim ad prædam persequendam non tam validi, herbis ac radicibus in luto altis contenti sunt, alij non nisi piscium bonorum præda victitant. Vtriusque Lupi figuram expressam habes tomo primo.

De Passeribus & reliquis planis piscibus.

CAPUT VIII.



VT Cænosa regio planum educat piscem, Soleam Rhombum, Passerè, sic in stagnis marinis omnium istorum, præsertim Passerum copia magna reperitur, quia lutum amant, quo abundant stagna, & commodissimè illic pariunt. Passeres cum ouis & semine (lac vulgus appellat) capiuntur, molliore sunt carne, lutum redolente, minùs maculosi sunt, & minùs flavescentes quàm marini. Soleæ in iisdem stagnis paruæ sunt, & prætenues, nigriores, odore qui lutum resipit, à marinis distinguuntur. Hyeme capiuntur. Eodem tempore & Rhombi aculeati, maximè ad fauces stagnorū marinorum, vbi piscibus aliis insidiantur, nec multum à marinis aut odore, aut substantia, succòve differunt. Leues autem cum Passeribus in stagnis capiuntur, à quibus parum differunt, inter eos Passeres & Rhombos aculeatos medij.

De Mullo marini stagni.

CAPUT IX.



EX Aliquot Mullorum generibus lutarium Mullum vilissimi generis Plinius appellat à luto. Hunc semper Sargus sequitur, & cœnū fodiēte eo, excitatum deuorat pabulū. Hic Mullus litoralis est, sed & optimo iure qui in stagnis degūt, lutarij vocari possunt, quod illic cœno viuāt. Multò maiores marinis fiunt, nō tamen ideo meliores,

meliores, quos tamen nonnulli magnitudinis causa præferunt, cum tamen bonitate & succi præstantia multum distent. Figura similes sunt, colore minus purpureo, squamis tenacioribus, lineis aureis à capite ad caudam ductis euentioribus. Nec litoralibus gratia, nec lutariis stagni, laudatissimi qui Conchylum sapiunt, ait Plinius, quod non sine causa quis miretur, quod Conchylia multo duriore spissiorèque sint testa, quam ut Mulli ea diffracta carnem internam vorare possint. Cancellis vesci nil mirum, quorum esu deteriores fieri tradidit Galenus: crusta enim molli admodum vestiuntur, nec semper intra testas alienas toti conduntur, sed sapius partem anteriorem proferunt, aliquando extra testas reperiuntur, quum capaciores quærant. Laudatissimos igitur Mullos dixerim, qui Conchylum sapiunt, non qui Conchyliorum carne vescuntur, sed qui inter edendum eandem odoris saporisque gratiam referunt quam Conchylia.

De Gobionibus.

CAPVT X.



OBIONIBVS litoralibus similes reperiuntur in marinis stagnis *ὑπόχλωροι*, id est, subflauis, nigricantes, & albi, qui quanuis in stagnis degant litoralibus, tamen multo inferiores non sunt, licetque iis in litoralium penuria uti, neque enim lutum multum olent, quia herbulis & pisciculis aliis magis vescuntur, quam aqua lutoue.


De Aphya Cobite & Atherina.

CAPVT XI.



PHYA Cobites in stagno frequētissima est *loche* vocatur: colore, figura à Gobionibus non differt, sed magnitudine, parua enim semper manet, Gobiones multo magis augetur. Item à fluuiatili differt quod breuiore sit & crassiore corpore, fluuiatilis longiore & graciliore. Atherina ut in litoribus, ita in stagnis capitur vere maxima copia, lutum redolet, frixa & elixa editur.

De Crustatis stagni marini.



CAPUT XII.



R I A Potissimum crustatorum genera in stagnis nostris viuere comperio, præter hæc nulla ferè alia. Primum est squilla gibba marinæ omnino similis dor si gibbo, cornu frontis, magnitudine. Distat sapore, nam marina est dulcior, *caramot* nostri vocant. Alterum genus est Squilla parua quæ nunquam maior fit, in stagnis nostris frequentior multò quàm in mari, *cinade* nostri vocant. Marinæ prorsus similis est. Tertium genus est Cancer nomine vacans, magnitudine mediâ, similis marino. Chelas duas habet, pedes quaternos. Fœminæ intus est pars quædam crocea qua mares carent, quam ouorum materiam esse puto. Quo tempore ouis turget, optima est. Cæteræ partes internæ albæ in fœmina & in mare omnes. Hoc Cancrorum genus inter marinum & fluuiatilem medium esse comperio, vt in marini & in fluuiatilis vicem vsurpare possimus: stagnorum enim aqua partim marina, partim dulci constat. Quando igitur fluuiatiles desunt, stagni Cancros aqua hordei abluendos censeo, vt in ea si quid sit falsuginis deponant, quibus tum fœliciter vtemur in his affectibus, quibus fluuiatiles valde prodesse prædicantur. Atque hoc expertus profiteor, & phthisicis multùm auxiliari, illis, ita vt diximus, lotis, & in iure capi, vel cum cremore ptisanæ coctis phthisicos diu summo valetudinis eorum commodo alui. Ex iisdem cinis pulmones exulceratos mirè reficit & recreat, si in aqua adianti, vel plantaginis lotus cum lacte asinæ, vel cum cremore ptisanæ hauriatur. Ex eodem cinere medicamentum fit, quod à cane demorsis maximè succurrit. Quare minùs rectè faciunt Medici quidam qui fluuiatilibus vel stagni marini cancris fluuiatiles Astacos substituunt, omnibus do-
tib

tibus Cancris de quibus loquimur, inferiores: illi enim molli præhumidâque substantia constant, & quæ facillè diffluet ac dissipetur, neque corpus satis nutriet, neque peculiarè vim ad pulmones iuuandos insitam habeat. Cancris verò fluuiatiles dulci sunt succo, téperatam substantiam indicante, quem perlibenter amplexatur natura, quo reficitur & fouetur, qui hæret, dissipatûque facilis non est, & natura sua pulmonum malis succurrit. Cancris stagni marini figuram capiti præfiximus vt melius à cæteris eiusdem formæ distinguatur.

De Pediculis & aliis bestiolis stagni marini.

IN STAGNIS marinis nascuntur Pediculi, ita conglomerati vt pisces etiâ hamo iam captos absumant. A marinis neque figura, neque victus ratione, neque viribus differunt. Quare lectorem ad ea quæ de marinis dicta sunt remitto. In iisdem stagnis gignuntur etiam Pulices, à marinis non differentes, & Tineæ paruæ, quales in aqua dulci reperiuntur.

De Vermibus stagni marini.



VERMIVM Eadem genera in stagnis proueniunt, quæ in mari, à marinis non diuersa, sed inter stagni vermes frequentior est longus lumbricus iis qui in corpore humano procreantur similis, sed breuior si modo verum est lumbricos quosdam ad ternum cubitorum magnitudinem aliquando peruenisse. Lumbrici stagni binum cubitorum magnitudinem non superant, pollicis sunt crassitudine, nullas partes discretas habent. Dicas esse intestinum tenue arena plenum. In sedandis doloribus terrestribus non cedunt, si prius arena expurgati & in oleo amygdalino cocti artuum doloribus adhibeantur vel tepidè in aurem dolentem immittantur. A mensis omnino reiici debent.

De Cochleis & Mytulis stagni.



EST ACEA Pauca in stagnis marinis procreantur, plura tamen quàm in aqua dulci: crassiorum enim partium est aqua stagni quàm fluuiorum, & magis corporata calidiôrque, ideo ad duriora & magis terrea gignenda aptior. In stagnis igitur reperias ostrea quædam & Conchas nonnullas, & Cochleas, eam maximè rotundam & striatam quàm hîc expressimus. Cæteras cum de marinis dicemus exhibuimus. Mytuli in stagnis etiam reperiuntur, sed non nisi ubi saxa sunt, vel ligna hærentia. Circa hæc enim nascuntur, bysso alligati, ex duabus testis constantes, foris nigris intus plumbeis. Carne sunt molli, flavescente. Marinis sunt longiores, sed marini spissiore testa, palato gratiores.



G V L I E L M I

R O N D E L E T I I D E

P I S C I B V S L A C V S T R I -

B V S L I B E R.

55


C A P V T I.



V M Nullum sit in aquis falsis viuientium piscium genus, cuius formas plures non tradiderimus, deinceps sequi debent aquarum dulcium pisces, inter quos primi erunt lacustres. Cum enim à mari marinisque stagni discefferis, lacus & amplitudine & latitudine ceteras aquas superant, & ex his riui plurimi, sapius etiam fluuij exoriuntur, vel eos præterfluunt. Sunt autem lacuum perpetuæ & perennes aquæ, stagnorum non item: nam hyeme collectæ, vel plurimum auctæ æstate siccantur. Lacus ferè omnes piscium optimorum tam sunt feraces, vt in mediterraneis marini fluuiatilésque non desiderentur, veluti in Italia, Germania, Allobrogibus. Quorum aliqui sunt lacubus quibusdam proprij & peculiare qui in nullis alijs aut lacubus, aut stagnis, aut paludibus, aut fluuijs reperiuntur, vt qui *carpione* in lacu Benaco dicitur. In Arethusa genus esse piscium quod transcurrentis Tigris non miscetur alueo testis est Plinius, sicuti nec ex Tigri pisces in lacum transnatant. Alij sunt lacubus cum cæteris aquis communes. De proprijs dicemus & communibus non omnibus quidem, sed de nonnullis duntaxat. Cæteros viris doctis & lacuum magnorum accolis pertractandos relinquo, in idque studium vt incumbant, summopere hortor & moneo. Præterea quæ de piscibus huiusmodi generatim dicenda sunt, ex primis libris superioris operis petenda sunt.

Lib. 6. c. 37.

De Chalcide.



CAPVT II.

Lib. 1. αλι-
στρών.



HALCIDEM In lacustrium numero à nobis re-
poni fortasse mirabitur quispiam cum Oppianus cum
marinis numerarit.

Χαλκίδες αὖ θείονται τε καὶ ἀβραμίδες φορέον).

Ἀθρόαι, ὅμο τε δ' ὅμοι ἀλὸς πόρον ἢ περὶ πέρας

Ἡ πελάγη, δολιχοῖσι τ' ἐπιδραμεν ἀγλαοῖσι.

Chalcides & Trisse simul Abramidesque feruntur

Sedibus & variis habitant, nam saxa frequentant,

Aut aquor medium, curua aut per littora currunt.

Præterea Athenæus marinis similibus coniunxit. Χαλκίδες καὶ ἡ

Lib. 7. ὅμοια θείονται, βιχίλιες ἐρέτιμοι. Et alibi: θείονται καὶ ἡ ὁμογενὴ ἐρέτιμος. Ego

verò Aristotelem secutus, ex quo Oppianus & reliqui sua maiore ex
Cap. 20. parte expiscati sunt, inter lacustres colloco, ille enim LIB. VII. de hi-
storia animal. Cum dixerit fluuiatiles & lacustres à peste quidem im-
munes esse, sed horum nonnullis proprios morbos accidere, idque
exemplo in Siluro & Cyprino fluuiatilibus declarasset, idem in lacu-
stribus Balero & Tillone comprobatur, quibus Chalcidem addit, ut si-
milem, id est lacustrem. Quod si quis parū probet, illud saltem ex
Aristotelis sententia cogetur fateri Chalcidem ab eo in eo genere ha-
beri, quod & fluuiis & lacubus commune est, cuius generis est Cy-

Lib. 9. de hist. prinus: loquens enim de lacustrium fluuiatiliūque partu & ge-
Cap. 14. neratione, hæc scribit. Κυπρίνος μὲν παντάκκις ἢ ἐξάκις, ποιεῖται δ'

τ' τὰς μάλιστα ἐπὶ τοῖς ἄγροις. χαλκίς ἡ δὲ βίς. οἱ δ' ἄλλοι διὰ ἀπαξ
τὴν ἐνιαυτῶν. Ἰστέσι δ' ὅτι πάντες ἐν τοῖς ποταμῶσι καὶ τῶν
λιμνῶν πρὸς τὰ χαλαμῶδη. Cyprini quinquies aut sexies pariunt, maximè
iuxta syderum rationem, Chalcis ter. Reliqui semel anno. Pariunt au-
tem omnes in stagnis fluuiorum & arundinetis lacuum. Quare cum
Chalcidem (quem Gaza Ericā interpretatus est, quam etiam Dorion
teste Athenæo Καλκιδικὴν vocauit) Aristoteles vel lacustrem vel flu-
uia

uiatilem esse censuerit, qualis ea sit, & quo nomine hodie nuncupetur inuestigare oportet. Chalcidem igitur lacustrem esse puto quæ in Allobrogum lacubus satis frequenter capitur, Lugdunumque deferitur, & *Celerin* nuncupatur, ob maximam similitudinem quam habet cum pisciculis paruis, Trissis similibus, quibus abundat Oceanum mare celerinos Galli vocant. Eandem esse puto quæ in Italia Sardanel-la vocatur à maxima cum Sardinis similitudine, cuiusmodi etiam fert Larius lacus, quæ à Mediolanensibus *Agonus* nominatur. Eandem etiam producit Verbanus lacus, nisi quod maior sit. Illæ in lacubus ita pinguescunt, vt quum in craticula assantur, pinguitudo veluti oleum destillet, à qua pinguitudine sunt qui Liparim appellant. Maxima copia Vere capiuntur, & muria conditæ seruantur minores, maiores non item, quia non æquè in sale possunt contabescere. Squamis rectæ sunt tenuibus, facillè deciduis, argenti terfi modo corpus splendet. Os habent magnum si totum corpus spectes, branchiarum opercula incisa. Pinnis, cauda, partibus internis Sardinas referunt.


De altera Chalcide.



CAPUT III.

EPIROTÆ Eundem cum superiore piscem *Sarachum* appellant, quem in lacubus suis capiūt, & muria condiunt, ac in fumo exsiccant, vt alio transuehere possint. Huius generis quidā sunt minores, Sardinis, vel Thrissis paruis tam affines, vt vix internoscas, vt pictura nostra demonstrat. Alij ad magnarum Thrissarum magnitudinem accedunt. Chalcides tradit Aristoteles à pediculis infestari, quo in loco videtur mihi pediculorum nomen latius patere: vt eo be stiolæ omnes infestæ comprehendantur. Locus est huiusmodi. τῇ δὲ χαλκίδι νόσημα ἐμώτικτῃ νεανικῶν, φθάρει ὑπὸ τῶ βράτχῃ, γιγνώμενι πολλοὶ ἀνοσφεῖς. Chalcis vitio infestatur diro (sic Gaza νεανικῶν νόσημα, interpretatur) à pediculis multis natis sub branchiis interimuntur.

De Cyprino.



CAPVT IIII.



I Cyprinorum nota propria sit palatum carnosum habere linguae vice, plurima quidem sunt Cyprinorum genera. Nam quae Tinca & Brama nominatur, atque plures alij pisces palatum carnosum habent. Quoniam verò quæ *Carpa* à Gallis omnibus vocatur, inter ceteros omnes pisces maximè carnosum palatum habet, atque ita euidens, vt vulgus etiam linguam appellet, eam pro veterum Cyprino hîc describemus, & Cyprinum esse comprobabimus. Aliquot alios quibus nota hæc communis est cum quibusdam aliis huic tanquam species subiiciemus. Sed primùm id peruestigandum, sit ne Cyprinus piscis marinus an fluuiatilis, an lacustris. Oppianus cum marinis litoralibus recenset.

Lib. 4. ἀλιστ-
τικῶν.

Σχόμβροι κυπρίνοιτε καὶ οἱ φίλοι ἀριαλοῖσι.

Et aliquando post de partu matrinorum piscium loquens.

Πέντε ὃ κυπρίνοισι γοναὶ μένουσιν ἑαῖν,

Lib. 7.

Neque hunc solum sed etiam alios omnes quorum Aristoteles meminit, Oppianus marinos facit. Athenæus à marinis non seiunxit, etiam Aristotelem citans. Κυπρίανος τῶν ἀρχαῖων καὶ ἔτος, ὡς Ἀριστοτέλης ἰσχυρῶς καὶ συναγωγικῶν. At Dorion eodē Atheneo citante inter fluuiatiles & lacustres collocat. Δωρίων δὲ ὁ αὐτὸς ἐν τοῖς λιμένασι καὶ ποταμοῖς καὶ ἀλείων γράφει ἔτος. λεπιδώρον δὲ καλεῖται κυπρίανον. Prior locus est. Cyprianus ex carniuoris & gregalibus est piscibus, vt tradit Arist.

Lib. 4. de hist.
natura. cap. 8.

Sed hunc locū postea excutiemus. Alter est. Dorion vero in lacustribus & fluuiatilibus numerās sic scribit. Lepidotū quem vocant quidā Cyprianum, Arist. sine controuersia aliquot in locis fluuiatiles Cyprianos esse facit, vt quū nonnullis piscibus palatū carnosum pro lingua dat

datum esse ait, veluti inter fluuiatiles Cyprino. Et alio in loco de fluuiatilibus & lacustribus tractans, vt Silurum, ita Cyprinum tonitruo sopiri magno scribit, sed leuius. Item alibi de partu lacustrium & fluuiatilium scribens. Iam verò experientia docet non solum in fluuiis, sed in lacubus magnis & in stagnis Cyprinos nasci. Quare non refert si inter fluuiatiles vel lacustres annumeres. A Gallis omnibus *Carpe* vocatur. Genere ab Itolorum *Carpione* differt, vt post dicetur, quod propter eos dico qui nominis affinitate in eum errorem inducti sunt, vt *Carpionem* Itolorum cum *Carpa* nostra confuderint. Cyprinum Veneti *Rainam* vocant, Romani *Burbarum*, alij *Carpanum*, alij *Carpenam*. *Κυπρίνος* & *Κυπριανός*, à Græcis vocatur. In lacubus & in fluuiis quibusdam ad insignem magnitudinem accrescit: vidimus enim qui trium cubitorum magnitudinem attigerit, nec solum longo sed spisso est corpore, squamis tegitur maximis & latissimis, à quibus *λεπιδόλον* appellatum fuisse puto à Dorione. Vix enim alium reperiās qui validiores vel latiores habeat squamas. Colore est flauescēte maximè quum senuit. Iunior colore est magis ad fuscum inclinante. Capite est breui pro corporis ratione, Tincis hac parte similis. Ore est medio labris adiposis, carnosīs, flauescētib. Ex superioris labri lateribus iuxta angulum scissuræ oris extat appendix vtrinq̃ vna, mollis, flauescēns, in acutum deficiens, *μύταχς* possis appellare. Supra has alia breuiore sunt, & ideo minùs euidentēs nigricantes. Dentibus caret Cyprinus, sed horum vice os palati medio infixum planum habet, laue, triangulare, ex aduerso, in parte inferiore ossa duo incisa, in gulam recurua. Oculis est mediis, ante quos sunt foramina Pinnis natat latis, duæ sitæ sunt ad brachias magnæ, in medio ventre duæ inter quas & caudam alia est vnica, quæ serrato aculeo & valido innititur, inter hanc & præcedentes est excrementi meatus. Ex medio dorso vnica erigitur ad caudam ferè continua robusto etiam incisōque aculeo fulta. Cauda lata est, ex nigro rubescēns, vt & postrema pinna. Lingua caret, vt iam diximus, sed eius loco palatum carnosum dedit natura saporum percipiēdorum causa, quod euulsum linguæ formam adeo refert, vt non solum vulgus, sed etiam viri docti linguā vocent, & linguā veram esse præfractè defendant, adeo difficile est opinionem euellere, quæ in animis hominum penitus infedit. At qui in os viuorum Cyprinorum digitos immiserit, qui viuos mortuōsve disseuerit, cernit superiori oris parti siue palato carnosam substantiam affixam, inferiori nullo modo hærentem, nec vllō pacto solutam aut liberam, vt lingua dici non debeat, nisi imperfecta admodum incertaque. Itaque non iam falsæ & inueteratæ opinioni nemo fidem adhibeat, sed τῇ ἀπορίᾳ, Aristoteli & relique sic scribenti. Εὐ δὲ τοῖς ἐνύδροις, καλαμένοις δὲ ἰχθύσιν, ὃ μὲν τῶν

Li. 8. de hist.
cap. 20.


lib. 6. de hist.
cap. 14.

Lib. 4. de hist.
cap. 8.

χυμῶν αἰσθητῶν γὰρ ὡς ἔχουσιν ἰχθύων ὁ ἔρως ἐστὶν ἡ ἀρετὴ τοῦ ποταμοῦ ἐν τοῖς κυπρίνοις. ὡς τοῖς μὴ σκοπεύμενοις ἀκριβῶς δοκῶν ἰσχυρῶς γὰρ ὡς. Aquatiliū generi quos pisces vocamus, data qdē est lingua, sed imperfecta, incertaq;, ossēa enim nec absoluta. Sed palatū nōnullis carnosū p lingua est, velut inter fluuiatiles Cyprino, ita vt nisi diligēter inspexeris, lingua id esse videatur. Huiusmodi palato carnosō prēditi sunt & alij pisces, vt Balerus, Tinca, & plures lacustres q lingua & dētibus carēt. Qui dentes habēt qbus alimētū retinere queāt, iudē & linguā obtinēt ossēā, imperfectā, inferioriq; parti hērētē, velut lingūe illi ossēe dētes infigi possent, quēadmodū nōnullis in palato. Nullis horū palatū est carnosū. Sed ad Cyprinū redeamus. Is p corporis ratioē vētriculū vel magnū, vel parū habet. Hepar mediū, in quo fellis vesica nigricās. Splenē magnū, pinguedine obducta intestina. Ovis distētū vētrē semp repias, qā qnquies aut sexies anno parit, autore Arist. sed ex ovis incremētū tardū est, ouaq; edita à mare seruātur quū cōgesta repererit, reliqua pereūt. Cyprinus enim Balerus & similes vadis se intrudūt quū parturiūt ac se penumero singulas fēminas, mares tredecim vel quatuordecim persequūtur, fēmina oua progrediendo emittit, mares sectantes semē suū ovis aspergūt, verūm plurima pereunt: cūm fēmina nō stabilis, sed mutans continuē pariat, dissipari oua necesse est, videlicet ea quæ nō in materiā inciderint aliquā sed excepta ab vnda ferantur. Illud verò notandū nō solūm maris & fēminæ cōmitione Cyprinos nasci, sed etiā spōte, & sine vllō maris & fēminæ semine, id quod experientia mihi cōfirmavit: vidi enim in aquis in caua loca & montibus septa receptis & collectis spōte generatos Cyprinos, in quæ loca nec riuus, nec stagnū, nec palus, nec lacus, nec fluuius vllus, nulla denique aqua prater calestē influxisset. Quā Galli omnes Carpam vocāt, veterū Cyprinū esse ex superioribus notis perspicuū est, maximē ex frequēti partu, ex squamarū magnitudine, ex eo quod lacustris sit, & fluuiatilis sententia Dorionis & Arist. Nā quātū ad Athenæi locū iā citatū attinet, dicimus integrum nō esse, neq; enim carniuorū Cyprinus ab Arist. ponitur, cūm herbis, mucō, luto vescatur, neq; verba hæc sensum vllū habēt: ὅ γὰρ ὡς ἰχθύων ὁ ἔρως ἐστὶν ἡ ἀρετὴ τοῦ ποταμοῦ ἐν τοῖς κυπρίνοις, tradit enim Arist. linguā Cyprino deesse sed eius loco palatū carnosum habere, idq; maximē in pisce quē exhibemus cōspicitur. Sed de hac nota satis iam diximus. Nostri Cyprinos in piscinis & viuariis includunt, alij in paludes & stagna cōiiciunt, magno prouentu: nam tertio vel quarto quoq; anno maximos quosq; diuēdunt, relictis paruis ad propagationem. In lacubus Allobrogum & Italiæ vt in Lario capiuntur Cyprini admirandæ magnitudinis. Capiuntur in fluminibus & riuis, vt in Sequana, Arari, Lado. Vniuersē qdē carne sunt molliore, humida, parū glutinosa, satis insipida, sed pro locorū in quibus pueniūt, & nuriūtur differētia, magis minúsue salubres vel insalubres sunt

sunt. Qui in fluuiis magnis vrbibus vicinis earumque sordes excipien-
tibus degunt, mali sunt succi, à quibusdam tamen cupediarum ama-
toribus valde probatur, quod pingues sint & pręgrades, magis proba-
di qui in rapidis & puris aquis nascuntur & viuunt. Qui in palustribus &
stagnantibus aquis, lutu olēt. Lapis palati agris in graui febris estu alle-
uamētū aliquod adferre traditur q̃ sitim sedet & refrigeret. Eodē san-
guinis ē naribus fluxiones cohiberi si ore cōtineatur, sunt q̃ affirmēt.


De Cyprino clauato siue Pigo.



C. P. V. T. I.

A Mediolanēsis Pigus vocatur piscis, Gręcis veteribus
vt arbitror incognitus, quamobrē nomine Gręco atq;
etiā Latino vacat, etiā si Plinius huius mētionē fecerit,
vt mox dicemus, nullo tamē pprio nomine imposito.
Vulgi ergo appellationē sequētes Pigū nominare pos-
sumus, vel, quia ex Cyprinorū est genere à clauis qui ē mediis squamis
existunt Cyprinū clauatū vel aculeatū rectē vocabimus, vt hoc maxi-
mē discrimine à ceteris distinguatur. Hūc optimē expressum Pisis mi-
hi dedit Guinus Medicus. Est igitur Pigus ex Cyprinorū genere, qui
in Lario & Verbano lacu tantū reperitur, vt asserūt Mediolanenſes,
Cyprino ita similis, vt dēptis aculeis Cyprinū esse affirmes. Est enim
eodē corporis habitu. Pinnas totidē eodē in loco sitas, os, oculos, pala-
tū eodē modo carnosū, interna omnia similia habet. A brāchiis linea
curua ducta est, pūctis notata, colore est glauco, vētre rubescēte. Squa-
mis magnis tegitur, ē quarū medio oriuntur aculei acuti veluti crystal-
lini. Vita moribus, sapore, succo, Cyprino superiori similis, nisi q̃ pau-
lō melior est. Pigū esse cuius meminit Plin. lib. ix. duę certissime notę Cap. 18.
demonstrāt. Plinij verba primū subiiciemus, deinde notas declarabi-
mus. Duo lacus, inquit, Italię in radicibus Alpiū, Larius & verbanus ap-
pellātur, in quibus pisces omnibus annis Vergiliarū ortu existūt, squa-
mis cōspicui, crebris atq; pręacutis, clauorū caligariū effigie, nec am-
plius q̃ circa eū mēsem visuntur. Notę sunt hę, prior q̃ in Lario & Ver-
bano tātū lacu reperiūtur hi pisces, testibus omnibus horū lacuū acco-
lis, reliquisq; Italię populis. Altera sumitur ex clauis ē mediis squamis
enatis, vt pictura ostēdit, quos clauis caligaribus cōparat Plin. Sūt autē
caligę calceamēti militaris genus ad mediū vsq; tibiam, vt in antiquis
marmoribus, & numismatis perspicitur, vnde clauī caligares, qui cali-
gis affigebantur vel ad constringendū vel ad ornandū, quales Turcę
etiam hodiā calceis suis affigunt.

De Cyprino lato siue Brama.




CAPUT VI.



I Cyprinorum genera plura statuenda sunt, eis non ineptè piscem subiiciemus, quem Galli *Bramam* vocant, Itali *Scardolam* & *Scardam*: squamis enim, corporis specie, vita Cyprino similis est, sed latiore corpore & compresso, quod illi ex lacustribus & fluuiatilibus maximè conuenit, ac proinde ea differentia à Cyprino distinguetur. Sunt qui ob nominis affinitatem quam *Bramam* vulgus vocat, Abramidem esse putent, sed non sine errore: nam Oppianus, & Athenæus qui Abramidis meminerunt, Thrissis semper coniunxerunt vt suspicari necesse sit Abramides Thrissis similes esse, vel eiusdem generis, atque marinas quæ statis temporibus fluuios subeant, quæ de Brama dici nō possunt. Quare rectiùs Cyprinus latus dicetur. Est autem piscis fluuiatilis & lacustris, maximus & latissimus, capite paruo pro corporis magnitudine, dorso repando & cultellato, corpore compresso, squamis magnis tecto. Linea à branchiis ad caudam ducta curua est. Ad branchias pinnæ duæ sunt, in medio ventre duæ alia, ab excrementi meatu alia est ad caudam continua. Huiusmodi pisces in lacubus maximi nascuntur. Vidi in Aruerniæ lacu quodam Bramas quæ binum cubitorum longitudinem, pedum totidem latitudinem equarent. Stagnantibus aquis delectantur, illicque mucos, herbis, luto vescuntur. Quare in his tantum fluuiis reperiuntur qui tardè fluunt, turbidaque sunt, & crassiore aqua, qualis est Araris, multi item in Gallia Belgica, nec in iis ad eam vnquam magnitudinem accrescunt, ad quam in lacubus & stagnis. Carne sunt molli, pingui, excrementitia, à nonnullis tamen habetur in pretio. In craticula assatur, vel farina bene subacta & pista includitur aromatis codita, sed suauior est quàm salubrior.

DeCy


De Cyprini mira specie.



CAPUT VII.

NEC Potui nec debui studiose lector silentio praterire miram Cyprini speciem quę Lugduni in foro piscario viua empta est, dum hęc commentaria mea pręlo iam iam committenda essent. Nullus fuit qui non, demptis capite & rostro, Cyprinum esse iudicarit hunc piscem. Nam squamarum figura & colore, pinnis, earundem situ, cauda idem plane est cum Cyprino. Pinna dorsi initio aculeum incisum habet, vt in Cyprino. Eundem aculeum habet alia pinna quę excrementorum meatum sequitur, quę rubescit, item caudę pars ei respondens. Tota cauda lata est vt in Cyprino. Duas alias pinnas habet ad branchias, similiter duas in ventre. Caput habet non protensum vt Cyprinus sed Delphini capiti simile, rostrum satis longum sed obtusum quale reuera pictura representat, ex superiore rostri parte iuxta oris scissuram appendix carnosa vtrinque vna depēdet, vt in Cyprino, hac superior est alia brevis & vix apparens nisi propius inspicias vtrinq; etiam vnica.

De Ballero.




CAPUT VIII.

ALVGDVNENSIBVS & lacuum qui in Allobrogibus sunt accolis, piscis Bramę corporis specie valde affinis *Bordeliere* nominatur, quod litora semper sectetur & quęrat: *bord* enim litus significat. Hunc Ballerum esse puto cuius inter fluuiatiles & lacustres

bis meminit Aristoteles. Bramæ tam similis est vt parum cautis pro bramæ sape vendatur, sed ab iis magnitudine corporis & squamarum differt, & pinnarum ac caudæ colore. Est igitur Ballerus capite breui ore paruo, sine dentibus, sed horum loco ossa habet aspera, sine lingua, sed palato carnosio. Pinnas duas habet ad branchias, duas alias in medio ventre, ab excrementi meatu vnicam ad caudam vsque, in dorso aliam. Posteriores pinnae cum cauda rubro colore perfusæ sunt, vt in Percis fluuiatilibus videre est, quæ in dorso est nigricat. Linea à branchiis ad caudam curua producta est. Branchias quaternas habet. Os in medio palato habet, ex aduerso sita sunt ossa duo loco inferiore, altera parte serrata quibus contrario occurso cum palati osse herbæ atteruntur. Ventriculum paruum habet, intestina pinguedine oblita, hepar ex albo rubescens, in quo fel viride, splenem rubrum. Vita & moribus à Cyprino non differt.

De pisce superiori simili, & proprio
Lemani lacus.



C A P V T IX.

SUPERIORI nõvalde dissimilis piscis est Lemani lacus proprius qui *Vangeron* ab accolis vocatur, Mugilibus rostro similis est, sed paulò longiore. Dentibus caret. Pinnas duas subaureas habet ad branchias, in medio ventre duas alias croceas, ab excrementi meatu vnicam, in dorso aliam. Cauda in duas desinit, quas squamæ initio integunt, etiam si non adhæreant. Cyprino & corporis specie & carnis substantia succoque affinis, & vilis habetur.

De Tin

De Tinca.



CAPUT X.

TINCAE nomen ab Aufonio usurpatum hodie quoque in Gallia & Italia seruatur. Piscis hic in lacubus stagnis & fluuiis qui rapidi non sunt uiuit. Ex viridi flauescit, corporis specie, pinnis & earum situ, palato carnosio Cyprinum imitatur, squamis autem differt, paruis enim admodum & tenuibus tegitur, mucos semper obductis, quam ob causam Tincæ lubricæ sunt. Præterea circa oculos circulus in Tinca ruber est, in Cyprino flauescens. Linea à superiore branchiarum parte descendens corpus mediū interfecat. Pinnas duas habet ad branchias, alias duas in ventre, vnam à podice, aliam in dorso breuem sine aculeo. Cauda in pinnam latam desinit. Lapillos habet in capite Auratæ & reliquorum marinorum modo. In ima oris parte ossa serrata pro dentibus. Branchias quaternas duplices. Ventriculum paruum, felaqueum in hepate, velicam geminam aëre plenam in ventre, oua pauciora quam Cyprinus. Nutritur aqua, luto, & mucos, quamob causam palustribus & lacustribus aquis, & fluuiis tarde fluentibus gaudet. Vilis est, & pauperiorum cibus. Aufonius.

Et virides vulgi salatia Tincæ.

Crasso, glutinoso, excrementitioque est succo. Sunt qui Tincam, Aristotelis ψύλλα esse putent, quem Fullonem vertit Gaza, de quo hæc tantum Aristoteles. Ὁν δὲ χαλκῶ ψύλλα, πρὸς τοῖς ἀγλαῖς ἐν lib. 4. de hist.
 stor. cap. 14. ὑπνύμοις, ἀγελαῖος δὲ καὶ ὄτος. Id est, Fullo quem vocat, litora petit tranquilliora, sed is quoque gregalis est. Præterea eundem esse cum eo qui Dorioni Γναφύς vocatur. Athenæus. Γναφύς. Δωρῶν ἐν τῷ περὶ ἰχθύων δ' ἐκ τῆς ἐφήμεως τῆς γναφύως. ἰχθὺν, φησὶ πάντα πύλλον καθαίρειν. Id est, Fullo. Dorion in lib. de piscibus ait fullonis decocto maculā omnem elui. Alij dubitant sitne idem Fullo Aristotelis, & Γναφύς Dorionis, cuius dubitationis causam nullam video, cum Fullo Aristotelis lacustris sit vel fluuiatilis, Dorion vero marinos duntaxat pisces numerasse videatur. Quod vero Tinka & Fullo idem sint non inde necessario efficitur, quia Tincæ decocto sordes deterguntur. Idem enim & Anguillarum, & Ichthyocollæ, & aliorum piscium admodum glutino-

forum decoctum præstare potest: nam lento & glutinoso humori quod pingue est & sordidum hæret, atque vna vtrunque abluatur & tollitur. Tincæ quidem muco obducuntur, & sese mutuo lambunt, id quod aliquando obseruavi, his Lucios vulneratos sese adfricare, & muco vulnera conglutinare tradunt. Non immerito à P. Iouio Platina reprehèditur, qui Tincas antiquitus Mænas fuisse existimauit, cum Mænæ solùm sint marinæ, Tincæ palustres siue lacustres & fluuiatiles. Vidi Romæ Iudæos quosdam Medicinā exercentes qui carpo & plantis pedum Tincas per dorsi longitudinem discissas admouerent in febribus ardentissimis. Sed id nisi in tempore fiat, non modo nihil profuerit, sed maximè obfuerit: nam frigiditate intro repellente, ac magis constringente augetur incendium.

De Salmonum generibus.


C A P V T X I.



VLTA genera Salmonum statui possunt, vnum eorum qui in Oceano nati flumina eodem influentia subeunt, alterum eorum qui in Lemano lacu reperiuntur, aliud eorum qui in Benaco, aliud eorum qui in rapidis fluuiis & riuis è montibus ortis viuunt, de quibus omnibus suis locis dicemus. Fuisse Salmones fluuiatiles & marinos indicant Plinij verba LIB. IX. In Aquitania Salmo fluuiatilis marinis omnibus præfertur. Qui Plinij locus duplicem sensum habere potest, vt Salmo fluuiatilis marinis Salmonibus præferatur: de iis enim piscibus loquitur Plinius, qui pro locorum varietate principatum obtineant, vel vt Salmo fluuiatilis marinis omnibus præstet. Sed Salmones marinos esse experientia comprobatur: in Ligeri enim Garumna, Rheno, atque aliis Galliæ & Germaniæ fluminibus certum est capi Salmones etiam nonnunquam miræ magnitudinis è mari illuc profectos, in quibus fluminibus aliquādiu enutriti, pinguiissimi, suauissimi atque lautissimi redduntur. Qui in fluuiis reperiuntur aliunde nō profecti Truttæ vocantur. Quod si cui mirum id videatur, contempletur quæso diligentius Salmonis ac Truttæ speciem, ac notas singulas, is proculdubio eas omnes adeo consentire perspiciet, vt faciliè mihi sit assensus. Hoc ego in Salmone & Trutta magna (quam Salmonatā vulgus nostrum vocat) sum expertus, nec notam vllam qua distingui possent comperi. Idem periculum feci in Salmone paruo, & eiusdem magnitudinis Trutta, atque eandem in his similitudinem comperi. Id omnibus commune est, quod posteriorem dorsi pinnam parua habent

bent & subrotundam, pinguemque. Sed singula declarabimus suis locis. Nunc de Salmonum lacustrium generibus dicemus.


De Carpione.



CAPUT XII.

INTER Lacustres, Truttas vel Salmones Carpio ab Italis nominatus reponetur, quod figura partium numero & carnis substantia illis sit similis, ut ex collatione cuique perspicuum esse poterit. Rectè igitur vocabitur Salmo vel Trutta Benaci lacus, quod in nullo alio reperiri omnes affirmant. Ferunt olim in Italia *Pione* appellatum, deinde quum quidam cui carius piscis hic venditus fuerat faceret dixisset se *Carpione* emisisse, inde vocari coëptum pro *Pione*, *Carpione*. Est igitur Carpio piscis pedali magnitudine, capite, ore, dentibus, branchiis, pinnis, cauda, squamarum paruitate Truttis similis. Corpori maculas asperfas habet nigricantes & rufas. Ventre est candido, lateribus aureis, dorso nigricante. Pinnulam dorsi posteriorem adiposam habet, quæ Salmonum & Truttarum nota est. Hoc tantum à Truttis differt quod ventre sit paulò prominentiore, & rostro longiore. Cæterum partibus internis, carnis suauitate & substantia Truttas optimas refert, quantum gustu deprehendere mihi licuit, quum per litora Benaci iter facerem: illic enim diligentius Carpiones contemplatus, & assos, & elixos mihi parari iussi sine ullo condimento, ut veriùs de succo & substantia iudicare possem. Tanti faciunt piscem hunc Itali ut vix ullum alium vel marinum, vel fluuiatilem cum eo conferendum putent. Et est reuera piscis bonus, carne duriuscula, siccaque, minimè glutinosa, rubescente, denique omnino Truttis vel Salmonibus simili. Editur Carpio elixus ex aceto. Solent & Benaci accolæ in sartagine frixum, foliis inuolutum, aceto irrigatum per vicinas vrbes circunferre. Idem mos est apud nos Cemeneorum montium incolis in Truttis seruandis & alio mittendis. Aiunt Carpiones diu seruatos contabescere & deteriores fieri, quod & multis aliis piscibus accidit, maxime iis qui delicatior, & friabili sunt carne. Contrà qui duri & glutinosi sunt, asservati meliores fiunt, & concoctu faciliores.


De Salmone Lemani lacus siue Vmbla.



CAPVT XIII.

NULLVM apud veteres scriptores nomē reperi piscis eius qui à Lemani lacus accolis *Umble* dicitur. Ac ne quis nominis affinitate decipiatur differt ab *Vmbra* pisce qui in Gardone Gallię nostrę Narbonensis flumine capitur, quāuis sit is quoque in Truttarum siue Salmonum genere. Item ab eo eiusdē nominis qui in Lado nostro reperitur, qui *Mugilis fluuiatilis* species est. Est igitur *Vmbla*, Lemani lacus Salmono, magno ore, non solum in maxillis dentibus armato, sed etiam sex magnis in lingua. Corporis specie, pinnarum numero sitūq; partibus internis Truttis vel Salmonibus similis. Caput liuescit. Brāchiarū opercula argētei sunt coloris, in extremo aurei. Hepate est carnosio, in quo fel sitū est. Carne est suavi, sicca & dura cū senuerit. Aliquādo duos cubitos longi huiusmodi pisces à Lemano lacu Lugdunū aduehūtur.

De altero Salmone Lemani lacus siue Vmbla altera.




CAPVT XIII.

PISCES valde inter sese similes non solum tractatione, sed etiam nomine cōiunguntur, vt *Thrisa*, *Trichides* & *Trichia*. Sic similis superiori *Vmbla* hic quem exhibemus, *Vmbla* etiam vocatur, sed discriminis causa cognomen additum fuit, appellāt enim Lemani lacus

cus

cus accolæ *Umble chevalier*, fortasse ob magnitudinem, præstantiam & robur. Neque verò à superiore solùm differt, vel sexu, vel ætate, vt ex sequenti descriptione perspicuum fiet. Est igitur hic piscis Salmonibus & Truttis, quæ vulgò salmonatæ dicuntur, similis, rostro recuruo, quo à superiore differt, id enim longius habet, & acutius. Maxillæ inferioris extremum incuruum in maxillam superiorem eius rei gratia excavatâ recipitur, vt in Salmonibus videre est. Maxillæ lineis multis distinctæ sunt. Dorsum ex caruleo nigricat. Venter aureo colore. Hepar flavescit, in eo est fel, splē nigricat. Vētriculus gulæ subiectus est, longus, spissus, cuius innumerabiles sunt appendices, quæ admodum in superiore. In insignem magnitudinem accrescit. Carne est sicca & dura, in assulas diuiditur, quæ Caryophyllis confixæ in craticula assantur, & oleo siue butyro irrigantur. Paratur etiam hîc piscis Truttæ modo. Caput maximè commendatur vt Salmonis.

De Truttis.



(CATUT XV.

TRUTTAS Salmones esse fluuiatiles vel lacustres nemo est qui negare possit, si has cum Salmonibus marinis qui flumina subeunt diligentius contulerit, & partes omnes tum internas tum externas, vitâ morēsque accuratius inspexerit. Sed vt Salmonum, ita Truttarum discrimina quædam sunt, à corporis colore vel maculis, & à loci varietate sumpta. Quæ enim in fluuiis rapidis & limpidis inueniuntur, non sunt adeo maculosæ, & magnitudine, succo, carnis colore & substantia multò inferiores sunt iis, quæ in magnis lacubus Italiæ, Germaniæ, Allobrogum capiuntur, quæ Truttæ salmonatæ, id est in Salmonem versæ, & eodem carnis rubore. De his nunc agimus, quales nobis suppeditat Lemanus lacus, quas Salmones lacustres vocabimus. Huiusmodi igitur Trutta ad duûm triûmve cubitorum magnitudinem accrescit. Truttis aliis similis vel superiori

Vmbra, vel Salmoni foemina, maximè rostro recuruo, squamis minoribus quàm Salmo minùsque argenteis, sed pluribus & frequentioribus maculis purpureis còsperfa. Pinnis, earum situ, maximè pinna dorsi posteriore adiposa, partibus internis, carnis substantia & colore Salmoni simillima. Tales Truttæ permagnæ è lacu Lemano Lugdunum deferuntur, quas primo aspectu nemo est videndis Salmonibus assuetus, qui non Salmones esse contendat. Ausonius in Mosella Sationem piscem medium facit inter Salmonem & eum qui Salar ab eo vocatur. Sitne Sario Trutta nostra, dubito: solam enim in magnitudine differentiam statuere videtur. Versus eius sunt.


Tæque inter geminas species, neutrumque & Utrumque

Qui nec dum Sario, nec iam Salar, ambiguusque

Amborum medio Sario intercepte sub ævo.

In multis Galliaë fluminibus Truttæ cùm senuerint, lacustres Truttas æquant magnitudine. Æstate caro magis rubet. Lacustribus & fluuiatilibus pinguiores sunt marini Salmones in amnium dulcibus aquis saginati, citiusque satiant. Illæ carne sunt sicciore, atq; hac maximè differentia inter vescendum secerni possunt.

De Lauareto.




CAPUT XVI.



VERNACVLIS & propriis vocabulis in rebus nostris explicandis & veterum nominum penuria uti cogimur, ut in pisce qui in lacubus Allobrogum tantummodo reperitur nominando, vulgi appellationem sequimur & Lauaretum vocamus, quem Salmonum Truttarumque generi adiungendum esse suaderet pinna illa dorsi posterior adiposa Salmonum & Truttarum generi propria, nisi multa alia reclamarent, ut oris constitutio Thrissis quàm Salmonibus similior, os sine dentibus, caput compressum, corpus maculis carens, caro mollis & candida. Lauaretum igitur inter Salmones & Alosas ambigere meritò dicemus. Is quod nūquam fordidis

fordidus sit, sed bene ablutus sit, ob munditiem & candorem nomen habere videtur. Lacuum Allobrogum proprius est ut Burgetij, & Æquebeletij. Nec ullus est qui in Italia, Germania, Gallia, aut alibi vspiam viderit. Pedali est magnitudine, corpore utcumque compresso, Aloſæ vel Harengi modo: eos enim pisces capite & ore planè refert. Maxillæ dentibus carent, superioris latera inferiora operiunt & claudunt. Corpus squamis tegitur argenteis. A branchiis per medium corpus recta linea descendit. Pinnas duas ad branchias habet, totidem in medio ventre, proximè anum pinnulam vnicam, in dorso priorem maiusculam, posteriorem paruam & pinguem, Salmonum Truttarumque modo. Cauda in geminam definit longam & latam, in extremo nigricantem. Branchias quaternas, duplices habet, cor angulatum, hepar sine felle. Autumno parit. Carne est candida, molli, suavi, minimè glutinosa, boni succi, mediocriter nutriente. Ex prædictis lacubus sapissime Lugdunum conuehitur.


De Pisce Lemani lacus Bezola
vulgò nuncupato.



CAPUT XVII.

VT Lauaretum lacus Burgetius & Æquebeletius ferunt, ita Lemanus Bezolam vulgo dictam, non admodum dissimilem, nisi quod colore minus est candido ad caruleum inclinante, rostro acutiore, capite minore, ventre latiore & prominètiore. Nullum piscem reperias cum quo melius cõparari possit, quàm cum Harengo, quem in marinis depinximus. Carne est molliore quàm Lauaretus, & ab eo saporis suauitate, & succi bonitate multum superatur, nec in pretio habetur. Proprius est piscis Lemani lacus.

De alio pisce proprio Lemani lacus.



CAPVT XVIII.

EST Et alius piscis Lemani lacus proprius qui ab accolis *la Farra*, vel *Ferra*, vel *Pala* dicitur, Lauaretos vel Thrissas referens, magnitudine cubitali; ore paruo sine dentibus, vt in Thrissis, colore cinereo, corpore depresso, & lato squamis, pinnarum situ & numero Lauaretis similis. Linea à branchiis ad caudam recta & candida ducta est. Pinnulam dorsi mollem pinguemque habet, caudam latissimam. Carne est candida & suauis, quæ Lauaretorum Truttarumque carni non cedit. Æstate & Autumno capitur, Hyeme in altis gurgitibus latet. Sale conditur & seruatur in Hyemen.

De Lota,




CAPVT XIX.

VGDVNENSES Piscem qui in Arari inuenitur Lotā vocant, qui à Gebennensibus *Motella* quasi Mustella nominatur. Piscis est fluuiatilis & lacustris, Mustellæ marinæ vulgari, de qua **L I B. I X.** operis nostri de marinis piscibus diximus, similis admodum, nisi esset corpore rotundiore & spissiore. Ex maxillæ inferioris extremo pilus vnicus veluti ex mento barba propendet, nullus in superiore eminet, vt in marina. Pinnis quatuor natat, duæ sunt ad brachias sitæ, duæ in

in ventre, ab ano vnicam continuā habet ad caudam, huic æqualem & similem in dorso, quam præcedit alia pinnula. Cauda mucroni gladij figura similis est. Paruulis squamis corpus tegitur, quod è rufo fuscum est, & maculis nigris vndulatim dispositis conspersum. Dentes paruulos & tenues habet. Muco oblita & lubrica est Lota, vt Anguilla. Ventriculum paruum habet cum multis appendicibus, intestina conuoluta, hepar albicans, in quo fellis vesica, quæ ex viridi flauescit, splenem rubrum, vesicam oblongam, aëre plenam. Branchias quaternas & duplices. Nascitur in lacubus & fluuiis leniter fluentibus, vt in Arari. Hepar pro corporis ratione magnum est, & delicatū habetur, oua noxia, quemadmodū oua barbi, quæ ventriculū lædunt, & aluum turbant: Caro tota à Lugdunēsis habetur in pretio. Si quis Lotam, Mustellam lacustrem vel fluuiatilē appellauerit, non ineptè mea quidem sentētia fecerit, modo nō eam accipiat, quæ ex mari fluuios petit qualis est Mustella Ausonij qui Mustellę nomine Lampetrā nostram describere videtur, de qua fusiùs diximus in opere de marinis piscibus.

De Pisce qui à vulgo Barbota vocatur.



CAPUT XX.

IN Lacubus & fluuiis minimè rapidis Lotę species, vel ei persimilis piscis nascitur qui à vulgo *Barbota* nominatur. Lotam corporis specie refert, nisi quod rostro est acutiore, item cauda tenuiore & magis in acutum deficiente, ventre prominentiore, aliis omnibus similis: Nam veluti è mento cirrus propendet, ab extremēti meatu pinna vnica est continua ad caudam, huic alia responder in dorso paulò longior, hanc præcedit altera paulò longius quàm in Lota à postetiore dissita. Corpus eodem modo coloratū & maculosum, cutis leuis est & lubrica. Vita etiam & moribus conuenit. Hepar habet magnum & delicatum, albicans. Carne glutinosiore est quàm superior, muco enim & cæno vescitur, in eoque delitescit.



G V L I E L M I
R O N D E L E T I I D E
P I S C I B V S F L V V I A T I -

L I B V S L I B E R .

53

De fluuiatilium piscium differentiis.


[A P U T I .



Q V O N I A M è lacubus magnis nōnunquā fluuij] riuūque oriuntur, lacultribus piscibus fluuiatiles subiungimus, sæpius vero è fontibus etiam paruis maximi fluuij promanant. Pisces qui in iis capiuntur, vel in iis procreati sunt, vel è mari adnatarunt, quorum alij in ostiis immorantur, vel vltius in dulces vndas non penetrant, vt Mugiles, Lupi, Passeres, Sturiones. Alij dulci aqua adeo delectantur, vt lubire non desinant, donec ad fontium ipsorum scaturigines peruenerint, nisi intercipientur. De his omnibus dicturi non sumus. De nonnullis qui mari relicto fluuios petunt iam dictum est, in prioris operis nostri parte. Præterea qui in ipsis fluminibus nascuntur sunt innumerabiles, atq; horum permulti fluminum quorundam proprij ad quorum tractationem & explicationem, diligentiam atq; operam conferre debent maximè ij qui celeberrimis fluuiis sunt vicini. Nunc igitur eos tantum trademus qui & celebriores sunt, & illustriores, à Salmone ducto initio, qui quamuis in mari natus fluuios subeat, tamen quia adeo dulci aqua gaudet, vt natali solo relicto, in illa perpetuò viuat, nec in mare reuertatur, vt opinor, quia in mari rariùs capiatur, in fluuiatiliū tractatione locum habere potest, maximè cum in lacultribus piscibus, de quibus proximè diximus, nonnulli Salmonum generis habeantur.

De

De Salmone.



CAPUT II.

SALMONVM differentia aliquot diuersa etiam nomina ex varia ætatis inclinatione imposita esse dicuntur: maximum enim & qui iam senuit, Salmonem propriè vocant, hoc minorem quique mediæ ætatis Sarionem, siue vt alij legunt, farionem ex Aufonio in Mosella, cuius versus citauimus quum in lacustribus de Trutta loqueremur, Galli differentias duas agnoscunt, magnos, Salmones vocant, paruos *Tacons*. Præterea marem à fœmina distinguunt: hanc enim ob rostrum magis aduncum, hami modo, *Beccard* appellant. Salmo in Oceano tantum nascitur, qua de causa fluuios tantum eos subit qui in Oceanum influunt, fallunturque ij qui in Rhodano capi existimant. Plinius Salmonem nuncupauit. Græcis incognitum fuisse, & ideo Græco nomine carere nihil mirum, cum Græci veteres in Oceanum non penetrarint. Galli hodie idem nomen retinent, item Germani si recens sit piscis, sin salitus mutato nomine *lachs* ab eis nominatur. A Flandris *Saelim*. Vere ex Oceano in flumina se recipit, in Rhenum in Germania, Garumnam & Dordonam in Aquitania, Ligerim, Sequanam in Gallia, Tamesim in Anglia. Gregatim natant Salmones cum Alosis, sese in altum saepe efferrunt, in aqua dulci pinguescunt, & salso omni succo deposito dulces, suauèsque fiunt & eò magis quo longius à mari recesserint. In fluuiis nonnunquam pariunt. Thunnos æquant magnitudine, paruis squamis teguntur, quibus maculæ rotundæ aspersæ sunt, iis etiam notatum est caput, sed frequentioribus & maioribus in fœmina quæ dicitur, quam in mare. Dorsum caruleo est co-

lore, ad nigrum vergente. Venter argentei coloris æmulus. Maxilla inferior sursum recurua est, sed in fœmina magis. Dentes habent in vtraque maxilla longos & acutos. Item in lingua oculos magnos, branchias quaternas. Pinnis totidem natat, duæ ad branchias sitæ sunt, aliæ duæ in vêtre quæ subsunt ei quæ in dorso est maior, quam sequitur alia minor, adiposa quam Salmonum & Truttarum generi communem esse diximus. A podice vnica est carnosæ & pinguis. In pinnam deficit bifidam cauda lata, vt ab ea Salmo merito *πλατύρρος* nominari possit. Ex his externis notis præcipuas non omisit Aufonius in Mosella quum dixit.

*Nec te puniceo rutilantem viscere Salmo
Transferim, lata cuius vaga verbera cauda
Gurgite de medio summas referuntur in undas
Occultus placido quum proditur æquore pulsus
Tu loricato squamosus pectore frontem
Lubricus, & dubia facturus fercula cœna
Tempora longarum fers incorrupta morarum
Præsignis maculis capitis, cui prodiga nutat
Aluus, opimatoque fluens abdomine venter.*

Quantum ad internas partes attinet cor angulatum habet, ventriculū oblongum cum permultis appendicibus, hepar rubrum in quo fellis ex viridi nigricantis vesica hæret. Splen ex rubro niger est. Caro priusquā coquatur albicat. Cocta vel salita rubescit, pinguis est maximè in vêtre, tenera, friabilis, dulcis, ob id cito satiat, maximè capitis & abdominis partes, quæ quum elixæ in aqua solum eduntur, ventriculū replent, & nauseam faciunt. Quocirca magis eos probauerim, qui in vino, aceto & sale multo elixant, vel qui assulas caryophyllis confixas in craticula assant, & cinnamomo, saccharo, acetique condiunt. Recens salitus vituperandus non est. Plinius Salmonem fluuiatilem Aquitaniæ marinis omnibus præfert, idque iure, carnis enim teneritudine & suauitate præstantes in his quæ dixi fluminibus capiuntur. Optimi etiam ex Rheno Basileæ eduntur, multò meliores Antuerpianis, qui quamuis aliis pinguitudine non cedant, tamen saporis gratia, & succi bonitate aliis sunt inferiores, eam, opinor, ob causam quod illic mari propiores sint. Pisces sunt carniuori, in mari latent, ob id rariùs capiuntur. Horum felle ad oculorum suffusiones & maculas, purulentasque aures recte nos vti posse arbitror, eorundem pinguitudine ad aurium dolores. Carne salita & vsta ad vlcera capitis manantia.

De Paruo Salmone.

CAPUT III.

PARVOS Salmones qui pedem vnum, vix superât, Galli & Aquitani *Tacones* appellant, suntque Truttis adeo similes, vt vix à peritis internoscantur, nisi propius inspexerint. Sed aliquid esse quo discernantur capite de Truttis docebimus. Cum igitur parui isti Salmones maioribus omnino sint similes, dempta sola magnitudine, & in iis solùm locis capiantur, in quibus Salmones, non possum nò existimare Taconem, Salmonem esse qui in fluminibus non in mari nascatur, quorum aqua cum frigidior sit, & ad procreandum minùs idonea quàm marina, breuiiores gignit Salmones. Adde quòd in proprio & natali solo fœlicius omnia proueniunt, quàm in alieno. Id in Lampetris cernitur, quæ in fluuiis genitæ semper marinis sunt minores, nec in eam vnquam magnitudinem accrescunt. Quare aut Tacones necesse est esse Salmones in fluuiis natos, aut recens in mari editos, qui patres secuti sint, certum enim est Salmones in mari parere, Tacones autem vel minores adhuc esse quàm vt pariant, vel imperfectos esse Salmones, & veluti abortu editos, id indicat quod in iis nunquam vel oua vel semen, quod lac vulgus appellat, repe-
rias. In Garumna & Ligeri frequentes & optimi habentur.

De Trutta fluuiatili.

CAPUT IIII.

QVAM Galli *Truitte* vocant, nos inde mutuato nomine Truttam appellamus, non Troctam: est enim Æliani Trocta idem piscis cum Amia, vt ex vtriusque descriptionis collatione docuimus LIB. VIII. operis nostri de marinis piscibus. Sunt qui maiorē Truttam quàm Salmonatam vocamus, Sarionem Aufonij esse credant, vt iam in lacustribus diximus. Aliorum iudicio Trutta nostra Salar est Aufonij.

Purpureisque Salar stellatus tergora guttis.

Truttarum differētis proximo libro explicatis aliquot alias addemus. Quædam sunt parua, & eæ quidem albæ, cuiusmodi multas


Santonum & Boiorum fluuij alunt, alix his maiores sunt & flauæ quales in Erari capiuntur, quas vulgus ob auri laminulas quas vnâ cum arena hauriunt flauescere credit. Sunt quædam subnigræ maculis rubentibus notatæ. colorem illum ex senio contrahi existimo, eæ enim omnium maximæ sunt, & iis similes quæ Truttæ salmonatæ vocantur, quòd Salmonibus magnitudine ferè pares sint, quæ in magnis lacubus Allobrogum, Italarum, & Germanorum capiuntur, quas lacustres Salmones optimo iure nuncupare possumus, cute quidè nigricante, sed carne subrubra & sicciore in senectute. Sed de fluuiatilibus nunc agimus, ex quibus albæ cubiti magnitudinem vix attingunt, capite mugilem quodammodo referunt: sunt enim capite breui subrotundo, carnosio, vel potius pingui, coloris lactei. Dentibus acutis maxillæ & lingua armantur. Dorsum ex albo modicè flauescit. Corpus squamis paruis tegitur, & cute quæ facile rugatur, & à carne diuellitur, absceditque. Guttis rubris eadem spargitur. Linea recta à capite ad caudâ ducta est. Pinnis quatuor natant quemadmodum Salmo, duas itidem in dorso, à podice vnicam habent. Corpore sunt spisso in caudam latam deficiente, eaque similiter in pinnâ breuiem sed latam. Hac maximè parte Truttæ magnæ à Salmonibus, & paruæ ab iis quos Tacones appellari diximus discernuntur: in iis enim cauda gracilescit, in Truttis semper lata est, in illis pinna caudæ longa & bifida vt in Alosis, in Truttis breuis & non diuisa. His accedit rostrum acutius in Salmonibus quàm in Truttis. Partibus internis à Salmone & umbra fluuiatili non differunt, nisi quod ventriculi appendices plures & euidentiores habent. Eas quæ flauescunt & nigricant ab albis differre comperio, quod illis rostrum sit acutius, & veluti in fronte macula nigra. Præterea albæ minores sunt, & carne minus flauescente. Truttæ vescuntur piscibus, vermibus, arena, Aqua pura & frigida mirum in modum delectantur, quam ob causam aquarum scaturigines miro desiderio conquirunt, & in fontes amnèsque, ex altis & præruptis scopulis proruentes incredibili impetu feruntur, id quod in Gardonis Gallix nostræ Narbonensis fluuii præcipitiis fieri experientia compertum est, in ea enim subeuntes Truttæ nonnunquam decidunt in disposita à rusticis retia, quarum temeritate admoneri nos oportet, potentiorum viribus cedendum esse, vt illud prudentissimè dictum sit.

*Felix qui nunquam direxit brachia contra
Torrentem.*

Ex his efficitur vt haud falsa esse credamus quæ de iisdem scribit Paulus Iouius in libello de Romanis piscibus, eas aduersos amnes, vel è præruptissimis etiam cautibus decidentes incredibili impetu subire. Ab Nare enim fluuij in Velinû lacum, qui hodie pedelucis est,

cus est, stupenda velocitate volucrum modo ascendere credi, qui lacus ab altissimo montis vertice certis primò coarctatus angustis, & mox tota aquarum mole præcipitatus, nec subiectis quidem cautibus madefactus, veluti è caelo in ipsum profluentem Narem effunditur. Multis in locis Truttæ optimæ habentur. Vnde mirum nō immerito eruditis hominibus videtur, nullum saltē nobis nunc notum, apud veteres Romanos Truttæ nomen latinū fuisse, cū Truttarum magnam copiam, vt nunc, ita olim suburbanos amnes suppeditasse maximè verisimile sit. Solus ex Latinis Ambrosius Troctā nominauit, sed eam vt iam monui, intelligere oportet, quæ à Troctā Æliani diuersissima sit: ea enim marina est Delphinis infestissima. Non defuerunt qui Lupum varium veterum fuisse censuerint ex Columella, quum Lupos sine macula piscinis includi posse asseueret, aliosque esse Lupos dicāt, qui varij appellantur, vt Lupi illi marini sint qui amnes subeūt, varij autem fluuiatiles qui sint Truttæ. Sed ea opinio ex eo facile conuellitur, quod de marinis tantūm mētionem faciat Columella, iisque qui in pretio haberentur. Postremò Lupos varios ad eorum discriminē qui Plinio autore Lanati à candore dicebantur dictos fuisse ostendimus libro nono operis nostri de piscibus marinis. Vtrūque mare nostrum nobis suppeditat, & vtrunque illic expressimus. Truttæ præsertim senioris caro siccior est Salmonis carne, nec æque friabilis, ideo concoctu difficilior. Sed quo puriores vndas sectantur, eo meliores esse necesse est. Quæ in lutosis & stagnantibus aquis degunt, deteriores. Medicos audiui qui saxatiliū marinorum loco, Truttas febricitantibus, aliisque ægris edendas apponi iuberent, quorum sententiam non probo. Quauis enim Truttæ aduerso torrentium impetu fatigentur, & inter saxa degant, permultum tamen earum caro à saxatiliū carne distat, quæ tenera est, & friabilis, leuis, quæque faciliè & concoquatur, & distribuatur, denique optimi succi. Sunt tamen Truttæ sanis cibus gratissimus, & bonus, præsertim si calidæ nec diu asseruatæ edantur. Sunt qui eas non probant nisi statim ac ex aqua eductæ sunt, atque adeo viuæ in feruentem aquam coniiciantur. Alij in sartagine frigunt, & inter folia nucis iuglandis, aut alia odorata conferuant.

De Vmbra fluuiatili.



CAPUT V.



VI Citra diorismum de piscibus loquuntur, Vmbra marinam cum fluuiatili perperam confundunt, cum hæc ab illa permultum differat. De marina Aristo. Galenus, Athenæus, Oppianus, Plinius, Columella locuti sunt. De fluuiatili solus, quod sciam, meminit Ausonius in Mosella.


Effugiens oculos celeri leuis vmbra natatu.

Nos marinam libr. v. operis nostri. De piscibus marinis descripsimus, nunc de fluuiatili dicamus, quæ non solum nomine sed & colore marinis similis est, à quo utriusque nomen: corpus enim est opaci loci modo subfuscum & subobscurum, cubitalem magnitudinem non excedens. Galli Narbonenses demptis Monspelienfibus, Vmbra vocant. Piscis est ex Truttarum genere, Carpioni Italico corporis aspectu affinis. Pinnis & earum situ à Trutta non differt. Duas itaque ad branchias habet, duas in ventre, ab ano vnicam, in medio dorso priorem maiorem, posteriorem minorem, subrotundam & pinguem, squamas paruas & maculosas similiter habet. Carnis substantiam, partesque internas omnes easdem habet. Capite verò à Truttis differt, quo Carpioni similis est: capite enim longiore est quam Trutta, ore minore, nec tantum hians, rostro non acuto sed obtuso maximè in maxilla inferiore, sine dentibus, & sine magna maxillarum asperitate. Oculis est patulis, cornea tunica aurea, pupilla nigra. Corpus à medio sensim gracilescit, in caudam tamen latiusculam & pinnam bifidam, latissimam deficit. A branchiis ad caudam linea recta per medium corpus producta est. Branchiæ intus sunt quaternæ, ventriculus longus & spissus, pinguitudine quæ lacte candidior est, obductus, à quo multe apophyses pendunt. Hepar rubet cui alligata est fellis vesica, fel nigerrimum est, splen longus & niger. Intestina sine gyris vllis ad anum demissa sunt.

Vescitur

Vescitur terra, aqua, limo, vnâque cum his & cum arena auri laminulas haurit, ob id vulgus auro nutriri vmbra credit, & reuera in ventriculo & intestinis aurum reperiri certissimum est. Carne est sicca & alba, qualis est Truttarum paruarum caro. Hyeme latet, æstate cum Truttis capitur, cui cum in succo & substantia permultisque aliis similis sit. Truttarum generi & tractationi subiecimus. Pura aqua maxime delectatur.

De Attilo.



CAPUT VI.

FX Fluuiatilibus piscibus maximos exequi cum stauissemus, à Salmone qui cetaceam magnitudinem attingit exorſi, Truttæ & Vmbra tractationem adiunximus, quod eiusdem sint generis, & in multis similes, etiam si magnitudine pares non sint. Quibus explicatis ad magnos reuertimur, in quibus est Attilus Pado proculdubio peculiaris, etiam si quidam hac de re dubitent, quibus vix fieri posse videatur, tam vastæ magnitudinis piscem in fluuio nasci, quin potius è mari amnem subire. Verùm id mihi à vero alienum non videtur, cetaceum piscem in vastis Padi gurgitibus & recessibus procreari & nutriri. Quod si vel in Mediterraneo mari, vel Oceano nasceretur, vel illic, vel in aliis fluuiis repertum aliquando fuisse necesse foret, quod nemo vel vidit, vel scripsit vnquam. Quare Padi solius alumnus dicemus esse Attilum, de quo hæc Plinius. Attilus in Pado inertia pinguescens, ad mille aliquando libras, catenato captus hamo, nec nisi boum iugis extractus. Hunc verè à nobis representatum fuisse indicat nominis affinitas: ab Italis enim *Adello* & *Adano* & *Adeno* vocatur. Indicat piscis ipsius figura nusquam alibi quam in Pado visa. Postre-

mo ipsa magnitudo. Huc accedit doctorum hominum quibus Italia hodie ornata est consensus, in quibus est Calcagninus qui cum sæpe in Pado Attilum viderit, in epistola quadam optime expressit, quam adscribere ineptum non fuerit, quod nulla alia descriptio Attili nobis propius intuendum proponere possit, ea est huiusmodi. Quod à me percontaris an Attilus quem Ladanū vulgaris nomenclatura solet appellare, is sit quē Italia Moronem, Vsonē Pānonia vocitat, paucis respondeo, me eundem nō existimare, vel ex Plinij testimonio, qui eum Pado vult esse peculiarem, quo loco de propriis quorūdam amnium piscibus agit. Sed ego vt tecum agam liberalius, non modo te ad Plinij, sed ad oculorum etiam tuorum testimonium prouoco. Totam itaque Attili effigiem, ac membraturam quanta potui breuitate perstrinxi, & quia non satis perspicuē id fieri posset, nisi noti alicuius piscis exemplo vteremur. Hyccam siue Sturionem, qui nullo ferme loco non nascitur, mihi proposui. Qui licet in mari natales habeat, solet tamen aduersus amnes mira subire voluptate, donec iam præpinguis redeat. Moronis siue Vsonis exemplo vtendum non duxi, quod neque ij pisces cognoscantur, neque mihi eorū imago satis memoriæ inhæreat. Sic ergo accipe. Attilus hoc differt ab Hycca siue Sturione, quod Sturio pelagius est, Attilus amnicus & Pado peculiaris. Sturio non temere visus æquare quatuor talenta attica, id est, trecentas libras. Plinius scribit Attilum ad mille libras, id est, supra x i i i. talenta excreuisse. Quæ magnitudo sane insignis, & rarò perspicua. Attilus quum ad certam magnitudinem excreuit, squamas hispidas abiicit, quas per quinque versus dispositas gerit, in summa scilicet dorso spina, ex utroque latere geminatas, & sibi quasi parallelas, extremus versus pinnas attingit. His abiectis tactu læuis euadit, nec habet quod vnguem offendit. Contrà Sturio semper hispidas squamas suas tota æstate retinet. Caro Sturionis callū habet, & mirificè palatū oblectat, Attili contra fluxa est & mollis, & palato parum iucunda. Existimāt piscatores *πορομύς*, id est, partem priorem Attili, ad posteriorem vix eam habere proportionem, quam quatuor ad vnū. Tota enim vix huius piscis sita est in capite & parte capiti attigua. Quæ obseruatio etsi ad Sturionē etiā aliōsq; pisces pertineat, autore Ari. ac Plin. cuius verba sunt videlicet: capita piscibus portione corporū maxima, fortassis vt mergātur: tamen in Attilo nescio quomodo præter ceteros luculenta est atq; admirabilis. Parui sunt oculi Attilo in tāta mole capitis. Sturio & Attilus habēt os in parte pna, eo prope in loco cui in ceteris perfectioribus animātibus respōdēt omoplate. Os vtriq; sine dētib; sed Sturioni fermè orbiculatū, Attilo multo maius, & ad lineam obliquā incisum, quo aperto vasto illo hiato pisces deuorat, quos respirando *ἔλκεται* (ita piscatores putāt) cōtrahit. Loca pisculēta maximè frequent

2, & ἀπ' αὐτῆς. Gaza sic. Piscium genus inter ea quæ aquas incolūt, vñū distingui à cæteris iure potest, cūm forma euariet numerosiore. Habet id caput, & prona, & supina. parte qua venter & viscera cōtinentur supina habet. Id quod nō solū de piscibus sed etiā de quadrupedibus traditur ab Aristotele. Ἐχθισι δὲ τὰ τετραπόδα ὥσας, ὅτε μὲν οὐ δὴ ἄνθρωπος μέρια ἔχει ἐν τῷ πρόσθεν, καὶ ἐν τοῖς ὀπίσθιοις. τὰ δὲ ὁπίσθια ἐν τοῖς ὠστέσι. id est, partes quas homo habet, & priores, quadrupedes infra habent, & supinas: quas autem ille posteriores, hæ pronas. Sed ad Attilum reuertatur oratio. Is carne est molli, parum suavi, pro Sturione delicatissimo aliquando venditur, sed sapore impostura detegitur. Piscatores Ferrarienses mihi aliquando nassarunt Attilum capi sagena per transversum amnem iniecta, ex cucurbitis exsicca-

tis suspensa, in quam nauculis vtrinque dispositis vrgetur & compellitur.

De Galeo Rhodio.



CAPUT VII.



IC Piscis quem hîc representamus à nonnullis *Cops* vocatur, & eo nomine designatum, atque optimè figura expressum misit ad me doctissimus Medicus & vir humanissimus Antonius musa brasauolus. Alij nominis affinitate decepti *Copso* appellant, est enim id nomē alterius piscis. Ego verò hunc Galeū Rhodiensem esse, siue vulpē Rhodiēsem existimio, cuius obiter meminimus in LIB. XI I I I. operis nostri de marinis piscibus, quū de Acipēfere siue Sturione loqueremur, quē Archestratus eūdē esse cū Acipensere credebat, non sine ratione in hāc opinionē inductus: est enim piscis iste Acipenseri siue Sturioni persimilis, nō solū corporis specie & partibus sed etiā gustu ac sapore, dempta vnica differentia, quā non nisi ij percipient, qui citra ingurgitationem cibum hunc sumpserint, quique exquisito gustatu fuerint. Ad communes igitur & vniuersas notas attenti, & non ad cuiusque rei maximè proprias, sine quibus rerum differentia penitus cognosci non possunt, facilē Galeum Rhodium cum Sturione confundent, quod Archestrato euenit, cuius sententiam refellit Athenæus cuius verba subiungā, non vt Acipenseri solū à Galeo Rhodio discrimen cognoscatur, sed vt verum Rhodiorum Galeum seu Vulpem à nobis hîc exhiberi comprobem. Ἀρχέστρατος ὁ ὅτι αὐτὸν Σαρδάμαπάλῳ ξήσας βίον, περὶ τοῦ ἐν Ρόδῳ γαλεῶ λέγων, ὅτι αὐτὸν εἶναι ἢ γνῆ) τῷ παρὰ Ρωμαίοις μετὰ αὐλῶν καὶ στεφάνων εἰς τὰ δεῖπνα περιφερομένῳ, ἐστεινομένην καὶ τῶν φερόντων αὐτὸν, χαλκόμενον ὃ Ἀκιπένσερα: ἀλλ' οἷος μὲν μικρὸς καὶ μικρορυγχότερος ἐστὶ, καὶ τῷ χήμει, βίγωνος ἐκεῖνων μάλλον. Et paulò post. Ἀρχέστρατος περὶ τοῦ ῥοδιακοῦ γαλεῶ λέγων τοῖς εἰσὶν αἰσιν πᾶσι πᾶσι συμπελάδων φησιν, Ἐν ὃ ῥοδῶ γαλεὼν τ' ἀκιπένσερα καὶ ἀποθνίσκην Μέλλης, ἀν' μήσοι πωλεῖν θέλη, ἀρπάζον αὐτὸν, ὃν χαλκέσων Συναχέσσοι κωῦα πτόνα. i. Archestratus qui

qui Sardanapali vitam vixit, de Galeo Rhodio scribens, eundē esse opi-
natur cum eo qui apud Romanos cū tibiis & coronis in cænis circun-
ferebatur, coronatis etiam iis qui gestarent, vocantq; Acipenserem. At
hic quidem Acipēser parvus est, & porrectiore rostro, & figura trian-
gulari magis quā ille. Et: Arcestratus de Rhodiensi Galeo loquens,
amicis patrio more cōsulens ait, Galeum Rhodium seu vulpem si tibi
vendere noluerint, quāvis mori debueris, rape, quem Syracusij canem
pinguem appellant. Hactenus ex Arcestrato Athenæus. Quod si Ga-
leum Rhodium cum Sturione seu Acipensere contuleris nullū planē
cōperies qui ei similior sit eo quē proponimus, his exceptis quod Stu-
rio longiore est rostro, & corporis figura magis triangulari: nam alio-
qui Sturionem totius corporis figura, tergi ossibus acutis, & clypeorū
modo efformatis, aliis item in lateribus dispositis, pinnis, cauda, ore in
supina parte sito omnino refert. Is quemadmodum Sturiones relicto
mari amnes subit, reperitur enim in Pado, & in Rhodano, & pro Stu-
rione venditur, nec ab eo distinguitur, nisi ab exercitatissimis, & ex-
quisiti gustatus hominibus. Hanc differentiā me docuit Gulielmus Pe-
licerius Monspeliēsis Episcopus vir singulari doctrina præditus. Tum
ex capite crassiore, & rostro breuiore obtusiorēq; tum ex gustu Galeū
Rhodium siue Vulpē deprehendit: ferinum quid respicit, quod de Stu-
rione dici non potest, carnēq; est duriorē, à quo sapore Galei & Vulpis
nomē habet: Galei enim & vulpes ex Galeorum genere ferini sunt sa-
poris & ingrati. Ego quoq; non viso capite, inter edendum diuersam
piscis huius naturā à Sturione facilē iudicaui, si tamen in dulci aqua
diu natauerit, in cibis haud aspernandus est.

De Exosse pisce & de Ichthyocolla.



CAPUT VIII.



ET ACEVS piscis est quem hīc proponimus cartila-
gineus, sine ossibus vllis aut spinis, sine squamis. Capite
est crasso & lato, ore magno & in promptu posito, ē su-
periore maxilla quatuor apophyses carnosæ dependēt.
Oculos paruos habet pro corporis magnitudine. Car-
ne est prædulci & glutinosa admodum, ob id salituræ idonea, qua me-

lior redditur & rubescens Salmonis modo, atq; etiam durior, quam ob causam aliquandiu maceranda priusquam coquatur. Eam Tanais & Ponti accolæ Romam & Venetias trāmittunt, illicq; in foro piscario venditur. Ab huius piscis carne viscida admodum & tenaci, & ab intestino siue mēbrana interna longa, quam complicatam & exsiccatam pro Ichthyocola vēdunt, in Ponto Collanus dicitur vulgò, à Bononiensibus *Copso*, ab aliis Italis *Colpesce*, à Tanais accolis *Barbotta*, ob appendices è maxilla barbæ modo dependentes, à Germanis *Husò*, & *Husen*, à Græcorum nonnullis *Morona*, Quo verò nomine veteres hūc piscem designarint, inquirendum. Primū eorū improbanda est sentētia qui Marionē dici arbitrentur, quod vox hæc affinis sit Græcorum huius ætatis appellationi, qua piscem hunc ex quo glutinum fit, nominant. Cui rei Plinij auctoritatem adiungunt ex LIB. IX. Et in Danubio

Cap. 15. Mario extrahitur porculo marino simillimus. Sed cū Marionis nomen apud nullum autorem Græcum vel Latinum legatur pro pisce, Barbarum esse iudico, deprauatūque esse Plinij locū modo citatum docuit me Gulielmus Pelicerius Monspelienſis Episcopus in Plinij lectione exercitatissimus & diligentissimus: neq; enim Mario legendum esse, neq; mari, vt in vulgatis nostris exemplaribus habetur, sed maior, ex veterum & optimorum codicum collatione, & ne ab eodē loco recedamus, alia eius vitia corrigemus, & inde piscis de quo nunc agimus nomen Latinum eliciemus. Locus ita nunc vulgo in excusis legitur. Præcipua magnitudine Thunni inuenimus talēta xv. pepēdisse. Eiusdem caudę latitudinem duo cubita & palmum. Sunt & in quibusdam annis haud minores, Silurus in Nilo, Esos in Rheno, Atilus in Pado inertia pinguescens, ad mille aliquando libras, catenato captus hamo, nec nisi boum iugis extractus: atqui hūc minimus appellatus Clupea, venam quandam eius in faucibus mira cupidine appetens, morsu exanimat. Silurus grassatur vbicūq; est omne animal appetens, equos innatantes sæpe demergens, præcipuè in Mæno Germanię amne propter Lisboum, & in Danubio maior, porculo marino simillimus. Et in Borysthene memoratur præcipua magnitudo, nullis ossibus, spinisve interſitis, carne prædulci. Statim initio eius loci pro Thunni, Thunnū rectē emendauit Massarius, vt vnicus hīc intelligatur mirandę magnitudinis, sicq; legatur. Præcipua magnitudine Thunnū inuenimus talenta xv. pependisse &c. Deinde pro Esos in Rheno, legendum puto Exos, de quo Exosse pisce, ea postrema intelligenda sunt. Et in Borysthene memoratur præcipua magnitudo nullis ossibus, spinisve interſitis, quæ pisci quem capiti huic præfiximus aptè quadrant: ossibus enim spinisque, quæ etiam piscium ossa dicūtur, prorsus caret, vt Exos optimo quidem iure dicatur. Hæc postrema Plinij verba ad Silurum referri non possunt, vt quidam falso opinati sunt. Silurus enim ex

Plinio

Plinio LIB. XXI. spinas habet. Siluri, inquit, fluuiatilis, qui & alibi Cap. 20.
quàm in Nilo nascitur, carnes impositi recentes, siue salsa. Eiusdem
cinis extrahit, & adeps, & cinis spinæ eius vicem spodij præbet. Ex quo
loco illud quoque colligitur Silurum Nilo amni peculiarem non esse,
nec Exossem Rheno quamuis in loco prius citato scripserit Plinius,
Silurus in Nilo, Exos in Rheno: nam Silurum etiam hodie in Danu-
bio capi constat, Exossem in eodem Danubio, atque in Borysthene.
Cum igitur tres prægrandes & cetaceos pisces proposuisset Plinius,
Silurum, Exossem, Attilum, singulos deinceps explanans per epexe-
gesim primùm de Attilo, deinde de Siluro, postremo de Exosse dicit.
Absurdum etiam non fuerit piscem hunc Ichthyocollam appellari,

nam etsi nomen hoc glutinum ex pisce significet, tamen pro pisce in-
terdum sumitur teste Plinio LIBRO XXXII. Ichthyocolla appella-
tur piscis, cui glutinosum est corium, idemque nomen glutino eius.

Cap. 7.

Idem gluten Dioscoridi venter est piscis cetacei, præstatque candi-
cans, natione ponticum. quale hodie quoque ex eius piscis intestino
ex Ponto mittitur, quod maximo est argumento piscem hunc
Ichthyocollam esse. Sed quoniam in Ichthyocollæ mentionem in-
cidimus, ex quibus piscis partibus gluten excoquatur, & quibus aliis
ex rebus etiam fiat, explicandum. Quidam ex ventre non ex corio fie-
ri dicunt. Aristoteles non ex vno tantum pisce id confici existimasse
videtur. Inest, inquit, in cute omnium lentor quidam mucosus, verum
aliis magis, ut in tergo bubulo, ex quo glutinum facere solent. Quine-
tiam ex piscibus glutinum à nonnullis excoquitur. Ergo ex Galeis ce-
terisque cartilagineis piscibus, ex sepia fieri posse puto. Docti quidam
eam Asinorum speciem, quam *Molua* Galli vocant, Ichthyocol-
lam esse arbitrati sunt, quod ea glutinosa sit admodum, & eius par-
tes quædam in glutinum densari possint. Sed ea opinio ex eo facile
conuellitur, quod Plinius & Dioscorides Pōticam Ichthyocollam im-

Lib. 3. cap. 102.

Lib. 3. de hist.
cap. 11.

primis commendant. Διαφέρει ὃ ἢ ἐν πόντῳ θηριώμεν & ἡ λαική, ἐπεὶ ἴα-
χus, & ψαρῶδης, & χίσα τρυγιδύη. Plinius. Ichthyocolla ut glutinum
taurinum laudatur, Pontica, candicans, & carens venis squamisque,
& quæ celeberrimè liquefit. Molua autem non solum Ponti, sed
& maris Mediterranei accolis omnibus planè incognita nunc est, &
olim fuit, quia in Oceano solum capitur. Quamobrem Ichthyocolla
esse non potest etiam si ex ea glutinum confici posse nō negē. Quan-
tum ad priorem scriptorum dissensionem attinet, id tenendum & ex
corio siue ex cute, & ex intestinis ventriculòq; atque ex capite, pinnis,
cauda piscis Exossis, item ex taurorum & boum auribus, collo, gluti-
num excoqui posse: inest enim in coriis glutinosus & mucosus humor
aliæ verò partes quas diximus ex crassa & viscida pituita & cōstant, &
aluntur. Madescere debet Ichthyocolla, ait Plinius, concisa in aqua,

Lib. 3. cap. 102.

Lib. 3. cap. 102.

aut aceto nocte & die. Et mox, Tundi marinis lapidimus, vt facilius li-
 queſcat. Vtilem eam in capitis doloribus affirmât, & tetanothris. Dio-
 scorides vtilem eſſe tradit emplaſtris capitis, & leprarum medicami-
 nibus, & tetanothris quæ cutem faciei erugant & extendunt. Eiufdem
 vſus ad maturandos abſceſſus plurimùm confert, & peritonæo diſciſſo,
 ſiue in enterocele ſiue in Epiplocele vtiliter admoueri frequenter ſum-
 expertus. In ſanguinis ſputo, in iure capi diſſoluitur, vel cum medica-
 mentis aſſumi prodeſt, necnon in pulmonum vlceribus cum Cancro-
 rum fluuiatilium cinere. Miſcetur cerato illi Meſuæ Diapente nuncu-
 pato. Eius vires à Paulo Æg. hæ traduntur. Ichthycollæ viſ eſt opplere
 & ſiccare, rectè miſcetur emplaſtris capitis, & glutinantibus, & iis quæ
 ad lepras tollendas, & erugandam faciem conficiuntur. Præter ea quæ
 dicta ſunt addit Auicenna valere ad veſicas ex uſtione factas, & ad
 ſcabiem vlceroſam quod deſiccet & glutinet. Non ſolùm ex piſcibus,
 ſed etiam ex aliis animantibus glutinum fieri autor eſt Plinius. Boum
 coriis, inquit, glutinum excoquitur, taurorùmq; & id præcipuum.

De Siluro.



CAPVT IX.

DE antiquo Sturionis noſtri nomine grauiffimi qui-
 que noſtræ tempeſtatis ſcriptores variis ſententiis in-
 ter ſe diſſenſerunt, quarum plurimæ permultum à ve-
 ritate diſcrepant. Alij enim Sturionem Lupum eſſe
 exiſtimauerunt, alij Padi Attilum, alij Plinij Turſio-
 nem

nem, alij Hyccam. Quas sententias doctè & ingeniosè refutauit Paulus Iouius in libello de Romanis piscibus. De eadem re nos quoque satis copiosè disceptauimus LIBRO XIII. operis nostri de marinis piscibus, quum de Sturione tractaremus. Verùm quemadmodum Iouius aliorum de Sturione opiniones à veritate alienas optimo quidem iure reprehendit, ita ipsemet merito quoque reprehendendus mihi videtur, quod de Sturionis nomine non rectè senserit, quem Silurum antiquorum esse existimat, quèmq; pro Glani Theodorus Gaza apud Aristotelem semper interpretatur. Sed hanc reprehensionem à Iouio accipi velim, à candido animo nulla maleuolentia suffuso, limandæ veritatis studioso profectam. Sunt igitur laues admodum coniecturæ quibus vitur Iouius qualis hæc est, quod hac ætate quisnam piscium antiquitus fuerit Silurus, penitus ignoremus, qui adeo in mari ac fluuiis testimonio Aristotelis, Plinij, Athenæi & Ausonij sit celebratus, ex aduerso autem de Sturionis antiquo nomine plurimum dubitemus, qui sit omnium ferè totius orbis fluuiorum incola longè notissimus, cum tamen credendum non sit Sturionem veteribus ignotum fuisse, aut Silurum veluti aliquo naturæ defectu, tota eius generis extincta sobole penitus euanuisse. Hoc quidem in plurimis aliis piscibus euenit, præsertim lacustribus & fluuiatilibus, qui & nomine, & alimenti præstantia apud nos sunt notissimi, à veteribus autem ne nominati quidem. Contrà à veteribus multi maximè commendantur, nobis planè ignoti. Non oportet tamen celeberrimorum quorūmq; apud antiquos piscium nomina ponere iis qui apud nos quoque sunt in pretio, nisi id firmis rationibus, & à substantia naturæque piscium ipsorum petitis ducti faciamus. Trutta hodie & frequentissimus & optimus habetur piscis, quo cum lacus amnesque Italiæ multi abundant, verisimile non est veteribus Romanis fuisse planè incognitum, quod tamen antiquitus verum ipsius nomen fuerit affirmare non ausis. Sequitur alia non firmior coniectura. In Nilo, Borysthene, atque Danubio, vti Plinius de Siluris ait, etiam nunc frequentissimos Sturiones reperiri. Nam in omnibus Nili ostiis, & superius prope Memphim Ægyptij Sturionem expiscantur. In Borysthene verò, qui hodie *Neper* est amnis, Phasique & in ipso Tanai apud Tanam emporium tanta eorum est copia, vt cetariæ ibi institutæ sint officinæ, in quibus ea salsamenta ex Sturionum ouis salitis, quæ Cauiaria dicimus, itèmq; ipsa Schinalia ex summo Sturionis spinali dorso, sale fumoque inueterata conficiantur. Hæc quidem omnia fateor. Præterea adeo frequentes esse & magnos in Danubio vt eo minores etiam amnes subeant, qui in ipsum influunt, sicuti

Draum, Sauum, & Tybiscum, vt mirum etiam non sit eos Mœnum subire, sicuti Plinius ait. At præter Sturiones in his etiam amnibus multi alij prægrandes pisces procreantur, ad quorum nonnulloseadem coniectura accommodari potest, quemadmodum ad eum quem hîc depinximus, qui vnus est ex Danubij piscibus, & verus Silurus vt in sequentibus ostendam. Quantum vero ad Athenæum attinet, à quo Iouius Silurum Istrium siue Danubianum honoris, atque excellentiæ causa nominatum fuisse scribit, vt ab eo Istrionem piscem dictum putet, & inde fortasse Sturionem, respondeo, Athenæo non Silurum, sed Glanim siue Glanida Istrium vocari, quem à Siluro diuersum esse firmissimis veterum & probatissimorum autorum sententiis postea comprobabo, etiam si ita conuerterit Gaza. Porro quæ ex Aufonij Mosfella proferuntur de Siluro, pro Iouio non faciunt, qui Silurum describit velut actæo perductum tergora oliuo, cum Sturioni terguum non flauescat, vt optimum oleum, sed cæruleum sit. Iam verò nec illud opinioni Iouij suffragatur, quod Hispania omnis Sturionem hodie Sulium appellet, quæ vox à Siluro parum abesse videtur. Nam quemadmodum veteribus piscium nominibus, gentium vocabula ob affinitatem accommodata nonnihil ad piscium cognitionem conferre non negauerim, ita ex coniectura inde solum petita, nec cum aliis firmioribus coniuncta certi aliquid colligi nemo dixerit: lubrica enim est hæc ratio & sæpe fallax. Quod si ex nominis similitudine sola, Sturionis vetus nomen quærendum sit, multò maior est Turfionis cum Sturione, quàm Siluri cum Sulio affinitas, quo Sulij nomine Sturionem Hispani hodie nuncupant: vnica enim litera s, ex medio in principium translata, ex Turfione Sturionem efficies. Illam tamen Iouij opinionem libenter amplexus est in suis in Dioscoridem commentariis Amatus Lusitanus, & faciliè cum Iouio credit Silurum Græcorum nostrum esse Sturionem, quod Hispanica nomenclatura multum ei fauere videntur, à Manardo verò, & aliis reclamantibus sine vlla sententiæ eorum refutatione liberè dissentit. Nos primi Sturionem veterum Acipenserem esse, siue Dorionis & indicauimus & satis comprobauimus LIB. XIII. operis nostri De Marinis piscibus. His omnibus Iouij & aliorum idem sentientium coniecturis vnicam rationem à natura & actionibus Siluri sumptam opponimus: Silurum autore Plinio, vbicunque sit vbique grassari, omne animal appetentem, equos innatantes sæpe demergentem, præcipuè in Mœno Germania, & in Danubio. Quæ in Sturionem nullo modo competere possunt: nam dentibus caret,

carere neque maleficus, neque ferox est, à quibus moribus planè aliena est oris fabrica, ut neque alia animalia appetere, neque demergere possit. Nunc Silurum & Glanim siue Glanida diuersos esse pisces ostendamus, & Siluri nomen Græcum non Latinum, ut perperam Gaza Aristotelis Glanim semper Silurum conuerterit. Athenæus Niloticos pisces recensens, Glanidas, & Siluros seorsum ponit, & Glanidi Istri Latum piscem comparat. Eius verba sunt. Οἱ δὲ ἐν τῷ Νείλῳ ποταμῷ γινόμενοι Λάτοι. ὃ μέγεθος ὀρίσκειν καὶ ὑπὲρ διαγροίας λίβας ἔχοντες. Ὁ δ' ἰχθύς ἕτος λευκός τετος ὦν καὶ ἥδιος ἐστὶ πάντα βόπον σκλαβήμιος, παραπλήσιον ὦν τῷ καὶ τ' Ἰστρὸν γλαυίδι. Φέρει δὲ ὁ Νείλος καὶ ἄλλα γένη πολλὰ ἰχθύων, καὶ πάντα ἥδιστα, μέγιστα δὲ τὰ τῶν χορακίων: πολλὰ γὰρ καὶ τέτων γένη. Φέρει δὲ καὶ τὸς μειώτας χαλκιδέους, ὧν μνημονεύει Ἀρχίππος ἐν ἰχθύσι διὰ τέτων. Τὸς μειώτας καὶ Γωέρδας, καὶ γλαυίδας. εἰσὶ δὲ οἱ πολλοὶ περὶ τ' ὀντόν φέροντες τ' ὀνομασίαν ἀπὸ τ' λίμνης τ' μειωτίδος. Νηλαῖοι δὲ εἰσιν ἰχθύες, εἰ γὰρ ὁ μνημονεύει διώμασι πολυέτη τ' ἀποδημίαν ἔχων. Νάρκη μὲν ἡδίστη, χεῖρος, σιμὸς, φάγος, ὀξύρυγχος, ἀλλάβης, σίλκρος, &c. Id est, Latorum qui in Nilo fluuio procreantur tanta est magnitudo, ut inueniuntur qui ducentarum librarum pondus æquent. Piscis est candidissimus & suauissimus quouis modo apparatus, similis ei qui in Istro nascitur Glanidi. Fert Nilus plurima alia piscium suauissimorum genera, maximè coracinos quorum multæ sunt species. Fert & pisces qui Mæotæ vocantur, quorum Archippus meminit in piscibus his verbis. Mæotas, Saperdas & Glanidas. Sunt & alij multi in Ponto quibus ex Mæotide palide nomen positum est. Nilotici vero sunt pisces, siquidem peregrinationis multorum annorum meminisse possum, Torpedo iucundissima, Porcus, Simus, Phagrus, Oxirynchus, Allabes Silurus. His accedit Æliani testimonium. Glanis inquit, piscis incola Mæandri, & Lyci Asianorum fluminum, & Europei Strymonis, speciem Siluri similitudinemque gerit, idemque fœtuum suorum amantissimus est, mas saltem qui fœtum assidue ab aliorum piscium iniuriis tuetur atque seruat. Eosdem Siluros Glanibus similes à Pausania intelligi puto, quum scribit beluas quasdam perniciosas in Rheno & Istro gigni forma similes Glanibus qui in Hermo & Mæandro proueniunt, excepto colore nigriore, & corporis robore quibus Glanes inferiores sunt. Nomen Siluri Græcum esse non solum ex iam citato Athenæi loco, sed & ex alio facile intelligas quum scribit. τί δὲ ἔχει καὶ σείρου λεγομένου, ἀλλὰ σίλκρον; ἀνόμαστα γὰρ καὶ ἕτος ἀπὸ τῶ σείρου σιωεχῆς τ' ἔραυ. Cur non Siurum dicimus sed Silurum? Sic enim nominatus est quod cōtinuò caudam agitet, Paulus eodem σιλέρη nomine usus est. Quum


igitur Gazam impulit, vt pro Glani Silurum redderet? Vnicus, vt
Lib. 9. cap. 51. opinor, Plinij locus, qui talis est. Silurus mas solus omnium edita cu-
Lib. 6. de hist. cap. 14. stodit oua, sæpe & quinquagenis diebus, ne absumantur ab aliis, id
quod de Glani tradidit Aristoteles. At id non solus Silurus siue Glanis
facit, verum etiam Cyprinus vt eodem in loco scripsit Aristoteles. ea-
dem est erga fœtus suos charitate Glanis teste Æliano alius à Silu-
ro. Quare ex eo quod à solo Siluro seruari oua tradit Plinius, non
necessario efficitur Silurum Glanim Aristotelis esse, qui oua sua cu-
Lib. 9. ca. 43. stodire dicitur. Præterea alio loco Plinius Glanim nominat. Cau-
tius, inquit, qui & Glanis vocatur, auersos mordet hamos, nec deuor-
rat, sed esca spoliatur, quæ ex Aristotele sumpta sunt, qui Glanim ἀγ-
κιστροφάγον vocat. His nec inutile fuerit addere, Apud Dioscoridem
Li. 9. de hist. cap. 37. L I B. I I. pro αἰλῆρος legendum esse σιλῆρος, vel αἰλῆρον & σιλῆρον eun-
Cap. 29. dem esse piscem. quas enim facultates Dioscorides αἰλῆρω tribuit, eas-
dem Paulus Ægineta αἰλῆρω. Sic Dioscorides. τειχηρὸς ὁ ἀπρόφος,
Ibidem. ἀρτηρίας ὁ καθαίρει, καὶ βίητας καὶ σκοπινάδας. καὶ τετραποδῶν ὁ ἡ σαρξ τῆς
τειχηρῆς σκόλοπας ἀνάγει. Sale conditus minimum suppeditat alimen-
tum. Arteriam expurgat & vocem expedit. Illita saliti caro aculeos,
& infixa corpori spicula extrahit. Sic Paulus. σιλῆρος τειχηρὸς βρωθεὶς
Lib. 7. ἀρτηρίαν καθαίρει διακαθαίρει, καὶ τετραποδῶν ὁ σκόλοπας ἀνάγει: Neque
est quod quis obiiciat. αἰλῆρον apud Paulum legi posse sicuti apud
Dioscoridem, quoniam illic Paulus ordine literarum vires medica-
mentorum tradit, & in iis quæ à litera σ. incipiunt scribit quæ modo
citauimus. Idem de Galeni loco sentiendum qui est L I B. I X. de fa-
cul. simpl. medic. ex quo Galeno sua descripsit Paulus. τῶν ὁ ταρο-
χούτων αἰλῆρων ἢ (αἰλῆρα) λαμβάνειν ἐπιθεμελίω ἐξάγει σκόλοπας φασί,
ὡς ἐλασίω ἐχέειν δύναμιν δηλοῖται. vbi pro αἰλῆρες σιλῆρες intellige.
Superest vnica mihi improbanda opinio viri eruditi à quo dissentire
mihi religio foret, nisi veritatis cognitionem, qua nihil prius neque
antiquius viro bono esse debet, ipse quoque rebus omnibus antefere-
ret. De eo aliquando audiui quum diceret, veterum Silurum cum
esse qui ab Aufonio Lucius vocatur, à nostris Brochet, cuius mores
Siluri moribus à Plinio traditis optimè conueniunt: est enim Lucius
voracissimus, dentibus acutis, longis, firmisque armatus est, quem ve-
rè dicere possemus in animalia grassari. Cuius rei exemplum profe-
ram. Narrauit mihi vir fide dignissimus vidisse se Mullæ, quam iter
faciēs in Rhodanum potatum duxerat, labrum inferius à Lucio den-
tibus apprehensum, cuius demorsu cruciatam & territam inde fugisse,
& crebra capitis quassatione Lucium in terram deiecisse quem
ille palpitantē & in aquam redire conantem cepit, domumque tulit.
Certum est feles paruos & canes in viuaria Luciorum coniectos
ab iis deuorari. Quare mores quidem conueniunt, sed natalis locus
maxi

maximè repugnat, Lucius enim lacustris & palustris, siue fluuiatilis tantum, Silurus marinus & fluuiatilis. Neque Lucio competunt notæ quas Siluro Aufonius tribuit, quod dorso sit flauescente olei modo, quod tam vastæ magnitudinis vt Delphinus fluuiatilis nominari possit. Denique Lucium à Siluro apertè distinxit: cum enim de Lucio atq; aliis aliquot dixisset, subiunxit hæc de Siluro vt diuerso pisce.

*Nunc pecus æquoreum celebrabere magne Silure
Quem velut ætæo perductum tergora, oliuo
Amnicolam Delphina reor, sic per freta magnum
Laberis, & longi vix corporis agmina soluis.
Aut breuibus defensa vadis, aut fluminis vlnis,
Aut quum tranquillos moliris in amne meatus,
Te virides ripæ, te cærule turba natantum,
Te liquide mirantur aquæ, diffunditur alueo
Æstus, & extremi procurrunt margine fluctus.*

Propositis igitur multorum de Siluro sententiis nostram liberè proferre non dubitamus. Existimamus autem veram Siluri figuram pictura nostra representari quam ex istri siue Danubij Siluro expressam misit ad me Conradus Gesnerus, de cuius moribus à Germanis fide dignissimis eadem narrantur, quæ Plinius Siluro tribuit: ferox enim est & in animalia impetum facit, eorum enim catulos iniectos discerpit & deuorat, vastissimo est oris hiatus dentibus multis acutissimis & validissimis munito, non squamis sed cute dura contegitur & nigricante. Oculis est magnis. Pinnas duas habet in dorso, à podice vnicam, alias habet branchias in ventre. Carne est dura. Ad quæ ea conferat antea ex Galeno & Dioscoride diximus. Hanc meam de Siluro sententiam æqui bonique omnes vt consulant, oro atque obtestor, quæ certiore, & euidentioribus testimoniis probatam si qui proferant, libenter me eis assensurum profiteor.

De Glanide.




CAPUT X.



OCVIMVS Proximo capite Silurum eundem cum Glanide piscem non esse, sed ei persimilem, qualis est quem hic exhibemus, capite crasso & magno, ore dentibus armato. qualem à bono & docto viro figuram accepi talem exhibeo, nec certi aliquid statuo: nunquam enim temere mihi iudicandum, & affirmandum aliquid statui de iis piscibus quos neque vidi, neque dissecui. Piscem alium pro Glanide vsurpant nonnulli qui ab Heluetiis *Saluz* nominatur, & in Iuerdunenfi lacu capitur, ea adducti ratione, quod ab accolis lacus modò dicti obseruatum sit quod de Glanide scripsit Aristoteles. Τοῖς ὁ ποταμοῖς καὶ λιμναίοις λοιμῶδες μὲν ἐστὶ τῶτοις ἔθεν γίνε), ἐνίοις ὁ αὐτῶν ἴδια νοσήματα ἐμπίπτει, ὅσον γλαυὶς ὑπὸ κύνᾳ μέλιτι, διὰ δ' μετέωρος νδν, ἀστροβλήης τε γίνε): καὶ ὑπὸ βροντῆς νεμενέης καρδίται. Idest fluuiatiles & lacustres à peste quidem immunes sunt, sed nonnullis morbi incidunt proprij. Glanis enim maximè canis exortu, quod sublimis natet, syderatur, & tonitruo sopitur magno. Piscis hic in eam accrescit magnitudinem, vt centum librarum pondus superet, cute dura contegitur sine squamis, capite lato & compresso, circa os appendices multas habet. ex superiore maxilla dependent duæ, ex inferiore sex. Pinnæ duæ sunt in dorso, aliæ ad branchias, ab ano vnicam cum pinna caudæ continuam. Cauda ipsa lata est, & depressa. Carne est dura & insuauis, & ab ipsis lacus in quo capi

capitur, accolis negligitur: credunt enim ab eo tempestates induci, nec vnquam maiores capi sine proxima tempestate.


De Antaceo Borysthenis.



CAPVT XI.

ANTACEI Pisces dicuntur prægrandes, & vastę magnitudinis in Meotide & in Borysthene, quos aliquando in ostiis in glacie concretos effodi autor est Strabo. Ex his falsamenta fiebant, præsertim ex maxillis & iis quę circa palatum sunt partibus, quod eę partes aliis suauitate præstarent. Ex his igitur vnus est quem hęc proponimus rostro oblongo, acuto, oris vasto & rotundo hiatu in supina parte.

De Thymo.



CAPVT XII.

ICINVS Italię fluuius Thymũ spectatu dignissimũ piscẽ procreat, à Thymi odore sic nominatũ. Is cubiti magnitudinẽ equat. Capite est paruo pro corporis ratione, variis coloribus distincto, quod recēs Thymũ odore refert. Vẽtre est prominẽtiore, corpore cęruleo,

pinnas duas habet ad branchias, duas alias inferiore in ventre, à podice vnica. In dorso prior magna est, quæ rubescit, punctisque nigris notata est. Cauda in duas latas deficit.

De Lucio.



CAPUT XIII.



INTER Fluiatiles Lucium collocamus, quauis non solum in fluminibus, sed etiam in paludibus, stagnis & lacubus viuere comperitur. Est igitur Lucius omnium dulcium aquarum communis, quem cetaceis antè descriptis subiungimus, quia in magnitudine insignem accrescit. Marinus planè non est, nec nisi rarò in ipsis etiam fluuiorum ostiis reperitur, nisi aut vndarum vi, aut suo impetu illuc feratur. Has ob causas aliquando in ostiis Rhodani, vel in stagnis marinis capitur, sed prorsus exuccus & insuauis, ac veluti tabidus, nonimenti quidem penuria: nam ibidem permulti pisces commodè degunt, & pinguescunt, sed quod in alienum locum & à nativo diuersum vltro compulsus sit. Ausonius primus ex Latinis, quod sciam, Lucij nomine vsus est, deducto, vt opinor, à græco nomine $\lambda\upsilon\chi\alpha\varsigma$ quod Lupum significat, quia hic inter fluuiatiles sit voracissimus & edacissimus, quemadmodum inter marinos Lupus, cui Græci à voracitate $\Lambda\acute{\alpha}\beta\rho\alpha\chi\alpha\varsigma$ nomen dederunt. Sunt qui Sphyrænâ Lucium marinū vocent, quem Itali *spetto* nostri *spet* appellant. Sed Sphyræna & Lucius valde à sese seiuncti sunt, vt ex capite de Sphyræna colligere licet. Burdigale *Lucz* nominatur, à Gallis *Brochet*, vel ab aliis *Bequet*, vel *Bechet*, à rostro prominente: *Bec* enim lingua nostra rostrū significat. Angli pro ætatis ratione variè appellāt, minorem *Pilz* vocantes, maiore *Lutz*. Aulici nostri Luciū pede vno minorem *Brocheton* vocāt maiore, *Lanceron*, qui pedum duūm triūmve est magnitudine *Brochet*. Est igitur Lucius piscis longus ad duūm triūmve cubitorum magnitudinem attingens in magnis lacubus Galliar & Germaniar, quadrato ferè dorso & perpetuo æquali, donec ad postremas pinnas ventum sit, aliquando tamen ventris distento & prominentiore quum pinguior factus est, quod etiam aliquando Ichthyopolarum impostura

stura accidit, qui piscium quorundam ventrem herbis infarciētes, algam & viles alias herbulas carius vendunt, quàm pisces ipsos, quod Romæ fieri deprehendi. Cauda est breui, capite quadrato, striato, foraminibus paruis excauato. Rostrum anserino rostro non ab simile est, maxilla inferior superiore longior, & cochlearis modo excauata. Dentes multos habet vario modo dispositos: nam in maxilla inferioris anteriore parte dentes parui sunt, in os recurui, in superiore maxilla nulli sunt, quia cum ea latior sit, dentes extra os prominentes, & inferioribus non occurrentes inutiles forent. Horum igitur loco natura duos dentium ordines palato infixit. Oculi coloris aurei sunt æmuli, ante quos duo sunt foramina in vnicam cauitatem coeuntia. Corpus squamis tegitur paruis tenuibûsque, adeo vt iis carere videatur: & cum iis coquatur, & inter edendum, si paruus sit Lucius, negligantur. Sin maior duriores & euidentiores abiiciuntur. Corpori maculae quædam aspersæ sunt. venter candidus est, dorsum nigricat vel liuescit, latera argentea sunt, in magnis & senioribus aurea. Pinnis natat quatuor, duæ sunt ad branchiarum ima, qui pinnarum situs est fluuiatilibus piscibus communis, vt facilius in aqua suspendantur & efferantur. Contrâ altiùs sitæ sunt eadem pinnae in marinis, quia dulcis aqua tenuior est & liquidior, marina crassior & spissior, ob id hæc pondus magis sustinet, illa minus. Inferiore ventris loco duæ aliæ sunt magnæ & validæ. In dorso nulla est, sed non procul à cauda duæ sunt vna superior, altera inferior. Superior aurea est, nigris maculis notata. Cauda in duas pinnas definit similiter pictas. Linea medium corpus dirimens vix cernitur, quia ex minutis punctis constat. Interna omnia corporis figuram sequuntur. Etenim oblonga simul maximè ventriculus pinguitudine obductus, cuius permultæ sunt appendices, in quibus chylus confectus seruatur, ne ob gulæ laxitatem faciliè reiciatur. Intestina tribus longis conuolutionibus constant. Hepar ventriculum amplectitur, in quo vesica est felle viridi distenta, in suffusionibus & oculorum maculis utili. Carne est dura, nec valde glutinosa si in fluuiis & magnis lacubus alatur, sed mali succi & glutinosa si in stagnantibus aquis & palustribus degat. De quo Ausonius in Mosella.

Lucius obscuras vlua, cænoque lacunas

Obsidet, hic nullos mensarum lectus ad usus

Feruet fumosis olido nidore popinis

In piscinis etiam cum Tincis & Cyprinis includuntur Lucij, hi omnes pro loci & victus ratione, vel meliore vel deteriore sunt succo. Galli magnos Lucios & in puris aquis educatos valde commendant, alios item pisces duræ carnis, eosque ridet qui vt carnes, ita pisces asseruant, vt teneriores reddantur. Qua in re vehementer errant: quæ enim dura difficilius concoquuntur quàm mollia, quæ intelligo tene-

ra & friabilia, non humore nimio & superuacaneo diffluentia. Ossa maxillarum à quibusdam in medicamentis vsurpantur vsta, in cinerem & in puluerem redacta. Drachmæ pondere ad calculos renum comminuendos valere creduntur, non alia opinor ratione, quàm calculum in meatibus vrinæ morantem deorsum pellendo, vel pituitam qua calculus retinetur absumendo. Itaq; ad vesicæ calculum nihil prodest. Alij ex iisdem maxillis cinerem mentulæ vlceribus aspergunt ad exsicccandum, quod efficacius præstant saliti Lucij ossa, vt spodij vice esse possint, quemadmodum & Siluri saliti ossa.

De Mugilibus.


CAPUT XIII.



Fluuiis Mugilum genera duo repetiuntur, vnum eorum qui relicto mari illuc subierunt, & sæpius in eorundem ostiis capiuntur, id quod in Garūna, Ligeri, Rhodano, alijsq; multis fluminibus perspicere licet. Alterū eorū qui in fluuiis nascuntur & perpetuò viuunt, de quibus nunc loquimur. Sunt qui Κέφαλον genus Mugilum omnium siue marinorum siue fluuiatiliū cōstituunt, vt Galenus. Alij Leuciscū, inquit idem Gal. Mugilē tantum fluuiatilem faciunt à Cephalo diuersum. Hicestio apud Athenēū Leuciscus Mugilū omniū genus est. Sed de hac nominū varietate satis multa diximus LIB. IX. operis nostri de marinis piscibus. Ac quēadmodū illic Mugilū marinorū genera plura esse docuimus, ita nunc eorum piscium species aliquot proponemus quæ non nisi ad Mugilum naturam referri posse mihi videntur. sunt enim qui succo, substantia, colore, corporis aspectu similes, capite tantum & rostri figura differunt, quemadmodum marini inter sese. De quibus deinceps dicemus.

Tib. 3. de alimentis facul.

De Cephalo fluuiatili.



CAPUT XV.

Κεφαλος Fluuiatilis is est qui ab Aufonio Latine Capito nominatus est. A Gallis *Munier*, quod circa molettinas plurimus sit, ab alijs *Vilain*, id est turpis ac fœdus à victus ratione, quia stercore, cœno, sordibus dele


delectetur & viuat. Alij à capitis magnitudine *Testard*. Sunt qui squalum Latinè appellandum esse contendant, quia Romani hodie squalum vocant. Sed aliàs ostendimus Squali nomen solis Galeis conuenire à squalore & cutis asperitate. Capitonis nomen quo vsus est Ausonius in Mosella ad marinum referri non posse, vel hinc potissimum colligas, quòd aristis Capitonem abundare scribat, id quod fluuiatilibus commune est. Versus eius sunt.

Squameus herbosus Capito interlucet arenas

Viscere præ tenero fartim congestus aristis.

Est igitur Capito hic, marino Capitoni similis, nisi quod dorso est minus lato, & corpore magis compresso. Vnicam habet pinnâ in dorso, duas branchiarum ima parte, inferiore ventris loco duas alias, à pōdice vnicam. Capite est crasso & magno. Os sine dentibus est, sed asperum, palatum carnosum sed minus quàm in Cyprino, item ossa in palato. oculos habet medios, pupillâ nigram. Branchias quaternas & geminas. Ventriculum paruum, Intestina parua, hepar ex albo rubescēs, fel in medio viride, vesicam geminam aëre plenam, peritonæum nigricans. Caro frequentibus spinis firmata est. Vescitur cœno et aqua, à carne abstinet, vt ex frequenti dissectione & ventriculi inspectione cognouimus. In pura aqua diu seruari potest, modo aqua mutetur sæpius, & vas ad summum vsque non impleatur, nec mica panis, nec quicquam aliud in aquam iniiciatur. alioqui moriuntur suffocati. Carne est candida, gustus insipidi. Sale conditus melior efficitur, & à marino salito vix distinguitur.

De Leucisco.




CAPUT XVI.

LEVISCORVM seu Mugilum fluuiatilium aliquot esse species dicere possumus. Ex his est is qui à Gal-
lis *Gardon* vocatur, ab Italis *Lascha*, à nostris fortasse
Siege, nonnihil enim diuersus esse videtur. Est hic Leu-
ciscus superiori corporis aspectu, pinnarum numero,

situ, figura, squamis similis, sed capite est minore, corpore latiore. Dorso caruleo, ceruice virescente, ventre candido, oculis flauescens. Dentibus caret, imo palato ossa habet. Partibus internis non differt à Capitone, nisi quod tanta pinguitudine non obteguntur. Alacris est & viuus hic piscis, unde Galli valetudinem integram designare volentes, hominem Gardone sanioresse dicunt, quod ex piscis istius agilitate & actionibus sumptum est, non ex succo: carne enim est molli, fluxili, parum nutriente.

De Leucisci secunda specie,



CAPUT XVII.



X LIA Leucisci species est ea quæ hodie à Gallis *Vandoise* vocatur, à Santonibus & Pictonibus *Dard*, quod sagittæ modo sese vibret, à nostris *Sophio*, à Lugdunensibus *Suisse*. Hunc Leuciscum nonnulli cum superiore confundunt, sed corporis latitudine differt, rostroque est acutiore, alioqui pinnis, earum numero & situ similis est, Squamis mediis tegitur, quæ lineolis distinctæ sunt. Ex fusco partim viridis est, partim flauus. Ventriculo est paruo, hepate est magno, à quo fellis vesica dependet. Pinguescit multum hic piscis. Carne est molli suauisque. Pinguitudo eius aurium doloribus succurrit, & cum felle eiusdem permista oculorum caliginem abstergit. Piscis hic eiusdem generis piscibus scilicet Mugilibus fluuiatilibus non admodum præstat, neque ab antiquis etiam si verus eorum Leuciscus sit, ceteris præfertur. Quare falsò id Galeno attribuit autor L I B. De Aquatilibus, quòd scribat Galenus Leuciscorum magnam copiam condiri solere, atque in magno haberi pretio. De Leucisco enim vnico tantum loco hæc tradidit Galenus L I B. I I I. de aliment. facult. Εἶναι δὲ τῶν παρ' ἡμῶν ἀνθρώπων τῶς ἐν τοῖς ποταμοῖς γινωμένους ἰχθύας λευκίχους καλεῖσθαι, ἕτερον εἶναι νομίζοντες οὕτως εἶδος τῶν κεφάλων. ἔστι δὲ ἄλλα μὲν ὅμοιον πάντῃ δὲ ζῶον τῷ ζῳῷ, λευκώτερον δὲ βραχὺ, καὶ ἥ κεφαλὴ μικροτέρη, καὶ ἡ γούρῃ ὀξυτέρη. Ἡ δὲ διωάμις ἥ ἀπὸ αὐτῆς ῥοφῆς οἶον ἐμπαροῦσθαι εἶπον εἶναι τῶν ποταμίων κεφάλων, ὡς δὲ ὑπὲρ ὀνόματος, ὡς παράγματος ἀμφισβήτησις, ὁ δὲ τῶν λευκώτερον ἔστιν ἐπίστασθαι, καὶ δὴ φράσαι. τῶν ταριχευομένων ἔστιν ἔτος ἰχθύς, καὶ γίνεσθαι πολὺν κρείττων ἐσθλὸν χυδαοῦς ἔστος ὁ λιμναῖος ἀπὸ τῆς γὰρ αὐτῆς δὲ βλενῶδες τε ἔβρωμῶδες ἐν τῇ γούρῃ καλλίων δὲ πλείονι τῷ χυδῷ ταριχευθέντος ὁ νεῖ

ὁ νεαλός. Ex nostris quidam, pisces in fluuiis genitos Leuciscos appellāt, à Capitonibus specie diuerfos esse existimantes. Cætera quidē animal animali simile est, sed Leuciscus paulo est cādidior, capūtq; minus habet, & gustu est acidior. Nutrimenti autē ipsius facultas talis est, qualem fluuiatiliū Capitonum prius esse diximus. Itaq; de nomine tantū controuersia est non de re. Quod verò his vtilius est proferam. Piscis iste ex iis est qui sale cōdiuntur, & qui lacustris est, ita conditus seipso melior efficitur: quicquid enim in sapore est mucosi, & virus resipiens, id omne abiicit. melior verò est recens diutius in muria seruato. Hic Galenus disertē scripsit Leuciscum Capitonibus nihilo meliorem esse, salitum verò meliorē seipso effici, quod & omnibus eiusdē generis piscibus euenit. Locus hic postulat vt diligentius excutiamus quod ait Galenus Leuciscum habere γερσιν ὀξύτεραν, id est, gustum acidiorē quod mendo nō carere monuimus LIB. II. operis nostri de marinis piscibus, quum de piscium sapore tractarem legendūque esse κεφαλὴν ἔχειν μικρότερον καὶ ὀξύρυγχον. quam germanam esse huius loci lectionem ratio ipsa primū suadet. pisces enim omnes qui in aqua dulci gignuntur & alūtur marinis sunt insipidiore. marinis omnibus subest sapor quidam acris nec ita insipidus. Id declarāt pisces marini qui amnes petūt, qui in aqua dulci nutriti permultū gustu ab iis discrepāt qui in mari capti sunt. His accedit Athenæi autoritas qui Mugilem fluuiatilem appellatum fuisse ait ὀξύρυγχον, his verbis. Κεφαλὴν ὅ γινέται μὲν καὶ θαλάσσιος καὶ ὁ λιμνῆος, & ποταμῆος, ἔτος δ' ἀγριεῖται ὀξύρυγχος. Mugil quidem est marinus, & lacustris, & fluuiatilis, hic autem vocatur ὀξύρυγχος. Ex his igitur constat lectionem nostram veram esse eaque nota à Capitonibus Leuciscum discrepare, quod nostro sit acutiore.

De Alia Mugilis fluuiatilis specie.



CAPUT XVIII.



REQVENTISSIMVS est piscis in riuulis & fluuiis labentibus ex mōtibus Cemencis, qui à vulgo Siego vocatur. Huic ad aliud quā ad Mugilū genus reuocare nō possum, quemadmodum nec pisciculum illum

qui à Lugdunensibus *Fritou* & *Friteau* nominatur, qui superiori ferè similis est, sed minor, palmi enim longitudinem vix superat, superior in Erari, & in aliis etiam aquis etiam cubitalis est. Hic corporis aspectu Mugilibus similis est, necnon pennis, earum numero, situ, cauda, partibus internis. Rostro est acutiore, sine dentibus. Idem cum inferiore qui in Arari frequens est, victus ratione, carnis mollitie & succo maximè conuenit.

De Barbo.



CAPUT XIX.



MVGILVM etiam fluuiatilium generi subiici potest qui à carnosis cirris barbæ modò dependentibus Barbus ab Ausonio vocatus est, à Gallis *Barbeau*, & *Barbet* & *Barbarin* quàm minor est. Piscis est fluuiatilis mugilibus corporis specie, pinnis, earum numero & situ similis, nisi quod pinna quæ in medio est dorsi firmiori aculeo innixa est, pinne vèriss magis flauæ sunt, caudæ pinna rubescit. Rostro est longiore & acutiore cartilagineo & pingui, cuius extremo duæ appendices, ex lateribus aliæ duæ propendēt, à quibus Barbi & Barbati nomē adeptus est. dentibus caret. oculis est paruis, pupilla nigra quam ambit aureus circulus. Branchiarum rimæ parua, quâ obrè extra aquam fati diu uiuit. Linea à brachiis ad caudam porrecta minus euidēs est quàm in aliis. Colore est vario: dorsum enim ex viridi flauescit, venter lactei est coloris. In hepate fellis vesicam habet, intestina in spiras contorta, pinguitudine oblita. Vesicam aëre plenam. Oua venenata esse vulgò dicuntur, quod vim turbandæ alui & vètriculi subuertendi habeant. Hoc ideo fit quia bilem mouent & excitant: iis enim qui assatim ova ista deuorant, & vomitu & alui deiectione, & magno oris ventriculi morfu & molestia corpus vacuatur. Hanc vim ovis istis inesse nonnulli existimant eo maximè tēpore quo salicum quæ ad fluuiorum ripas sunt, floribus in aquam decidentibus vescantur. Sed cum eadem neque salicum floribus, nec aliis ipsorum Barborum partibus quæ ex iisdem aluntur, insit, id idiosyncrasiè potius tribuerim quàm manifestæ cuiuspiam qualitati. Barbus carne est candida, molli, sapore non insuaui, sed pituitosa, spinis multis


multis firmata. Circa caput pinguescit, cum squamis coquitur, quia parua sunt. Cum senuerit, maiore est in pretio, & melior. Quod cecinit Ausonius his versibus.

*Tūque per obliqui fauces vexate Sarauī
Qua bis terna fremunt scopulosi ostia pilis,
Quum defluxisti fama melioris in amnem
Liberior, laxos exerceas Barbe natatus.*

*Tu melior peiore auro, tibi contigit uni
Spirantum ex numero non illaudata feneſtus.*

Vehementer errant qui Mullorum vires Barbis tribuunt, quod vtrique barbati sint, cum maximè à sese dissideant hi fluuiatiles, illi marini & rubri. Barbus non ineptè ob rostrum longius & acutius inter Oxyrynchos connumerari potest, quoniam multi eo nomine à veteribus donati sunt.

De Oxyrynchis piscibus.



CAPVT XX.

SVNT in maximo Caspiæ lacu Oxyrynchi ab acumine rostri nuncupati, magnitudine cetero cubitorum. Eos Caspij captos distrahunt, & muria conditos atque exsiccatos vendunt: simul etiam adipe detracto farinas ex eis conficiunt, atque exempta ex iis viscera excoquunt: unde ad permultos usus accommodatū fit glutinum, quod & firmissimè adhæret & conglutinat, ut difficillimè dissoluatur. Alius est Oxyrinchus Nili alūnus, illic venerationē religionēque habet, ut piscatores valde timeant, ne quando is piscis & sacer & magna religione præditus capiatur. Alius est Oxyrinchus quē mare rubrū procreat, ore est prælongo, oculis ad similitudinē auri fulgētibus: eius dorso signa pallore insignita sunt. Pinnae priores illi nigrae existūt, quæ verò in dorso albæ. Cauda prolixa est & viridis, quā mediā aureola linea interfecat. His Oxyrynchis quos nō vidimus prætermisſis eum proponimus qui Antuerpię crebrò cernitur, & *Hautin* nominatur. Roſtro est longo, tenui & maximè acuto, unde Oxyrinchum rectè à nobis appellatū fuiſſe puto, nisi mauis Sphyrænam fluuiatilem vocare, quia marinæ Sphyræne rostrum simile habet, sed molle & nigrum. squamis medio-

cribus tegitur. Pinnae in dorso tres habet, inæquali spatio à sese distantes. totidem in ventre habet quot Barbus.


De Eperlano.



CAPVT XXI.

IN ostiis fluuiorum in Oceanum influentium, vt Rhodomagi & Antuerpiæ frequens est piscis qui *Eperlan* dicitur, à nitido & splendido colore quo vnionem refert. Alia & præclara nota insignitur, nam violæ odorem resipit. Eius duplex est genus. Alius marinus est & litoralis, alius fluuiatilis. Marinus asinos paruos refert, pedis magnitudinem vix superat, tenui est corpore & rotundo, oris hiatu satis magno. Dentes habet in maxillis, & in lingua. Carne est pellucida. Lapides habet in capite, pinnae easdem quas Salmonum genus, maxime posteriorem illam dorsi pinnam subrotundam & pinguem. Hepar illi rubescit. Ventriculus appendices aliquot habet, intestina sine gyris. Carne est molli & friabili quodammodo violam redolente. Æstatis fine vel autumnii initio capitur. In Sequanæ ostiis optimus est, & in Angliæ fluuiis,

De Perca.



CAPVT XXII.

DE marina Perca in marinis piscibus diximus, nunc de fluuiatili, quæ marinæ nomine similior est quàm corporis figura, aut carnis substantia, aut succi bonitate: marina enim molli est carne, tenera & friabili, concoctu facili, boni succi. fluuiatilis his omnibus ferè doctibus caret. Quare absurdè faciunt qui ea quæ de perca marina dicta sunt

sunt à Galeno LIB. III. de aliment. facul. ad fluuiatilem accommo-
dant. Sic enim scribit. Ἀέλτος δ' ἐν αὐτοῖς ἡδονῆς ἐνεκεν ὁ σχῆρος εἶναι. πε-
πρωμένος, μετ' αὐτὸν δ' ἡρόθυμοί τε καὶ κίχλαι, καὶ μὲν τούτους ἰσχυροὺς τε, καὶ
φυκίδες, καὶ πέριαι. Ψοφὴ δ' ἐξ αὐτῶν ἔμενον ὁ πεπρωμένος, ἀλλὰ καὶ ὑψηλοτάτη
τοῖς τῶν ἀνθρώπων ὥμασιν ἐστίν, αἷμα γὰρ τῶν μέσων τῇ συστάσει. Præstan-
tissimus inter saxatiles voluptatis causa Scarus esse creditur, post hūc
Merulæ, Turdi, deinde Iulides, Phycides & Percæ. Nutrimētum quod
ex ipsis sumitur non solū concoctu facile est, sed & hominum cor-
poribus saluberrimum: ex his enim gignitur sanguis medię consisten-
tiæ. Hæc Galenus. At contra fluuiatilis dura est carne, glutinosa, dif-
ficili concoctu, nec commendanda, nisi iis quibus duræ carnis pisces
probantur. Perca non nominatur per antiphrasim, quod aliis minimè
parcat, vt quibusdam placet, sed quia Græcè dicatur Πέρκη & Περκίς,
fortasse à περκαίνην quod variari significat. Galli *Perche* vocant. Piscis
est fluuiatilis & lacustris. In viuariis etiam cum Tincis, Lucis, Cypri-
nis includitur. corpore est lato & compresso maximè inter fluuiati-
les excepta Brama, squamis tegitur paruis, colore est vario, maculas à
dorso ad ventrem descendentes habet. Pinna & cauda rubescūt. Pin-
næ duæ in dorso erectæ sunt, quarū prior maior est, duæ sunt ad bran-
chias altiores quàm in reliquis fluuiatilibus, Duæ in ventre, vnica est
post anum aculeo innixa. Os illi paruum est sine dentibus. Intus ven-
triculo est medio, hepate diuiso, à cuius maiore parte vesica pender, in
qua fel est tenue & aqueum. Quia carne est dura frequentes spinas à
natura non accepit. Circa litora & frutices parit, vt scriptum reliquit
Aristoteles. Reliqui, ait, semel edūt oua in stagnis fluuiorum & arun-
dinetis lacuum, vt Phoxini & Percæ. Siluri & Percæ continētē emit-
tunt foetum, vt Ranæ, adeo enim foetus ipse continuò sibi coherent, vt
Perce quidem quoniam latior est, piscatores in lacu arundine glome-
rent. Inde euenit etiam vt multas paruas simul capiant in lacubus Al-
lobrogum & Aruerniæ. Ausonius in pretio habitam fuisse testatur,
quemadmodum nunc ab iis qui non nisi duræ & firmæ carnis pisces
probant.

Nec te delicias mensarum Perca silebo.

Ammigenos inter pisces dignande marinis


Solus puniceis facilis contendere Mullus.

Namque & gustus iners, solidoque in corpore partes

Segmentis coeunt, sed dissociantur aristis.

Duritia quidem carnis Mullo parem esse dixerim, sed friabilis non
est, nec glutinosi succi prorsus expers, à quibus commendatur Mul-
lus. Amicitiam Percæ cum Lucio esse ferunt, quemadmodum & cum
Tinca, cuius muco adfricat & illinit vulnera sua Lucius.

De Anguillis.



CAPUT XXIII.



QVAMVIS Homerum scribat Athenæus videri voluisse Anguillas à piscium natura sciunxisse hoc versu.

Τείροντ' ἐγγέλους τε καὶ ἰχθύες οἱ καὶ δίνας.

Tamen inter fluuiatiles vt ab omnibus, ita à nobis hîc reponentur: nam branchiis spirant, quod piscibus solis proprium est, nec potiore ratione Congri, Murænæ, Myri pisces dicentur quàm Anguillæ. Dicuntur à Græcis ἐγγέλους à luto siue limo. Athenæus LIB. VII. Γεωὺς δηλοῖ ὅτι ἡ ἐγγεῦλος ἐν τῷ ἰλύῳ λαμβάνεται, ὅταν καὶ τόνουα, εἰς ὃς ὑπερματῶθη. Dixit tamen Aristophanes in multitudinis numero ἐγγέλους. Ex hac Athenæi autoritate sic legendum puto apud Phauorinum, ἐγγεῦλος παρὰ θ' ἐχέσθαι ἐν τῇ ἰλύν, ὃ ἐστὶ ζωγρεῖα. vbi pro ἐν τῇ ἰλύν inemendatè, vt opinor, legitur in excusis exemplaribus ἐν τῇ ὕλη. Anguilla dicitur à Latinis quod anguis speciem referat. A nostris pro ætatis & magnitudinis ratione variis admodum nominibus designatur. Iidem Anguillas in marem & fœminam distinguunt. Marem vocant *Marguaignon*, qui breuiore, crassiore, latiore est capite. Fœminam contrà quæ capite est minore & acutiore, *Anguille fine* appellant. Sed quid de hac distinctione sentiendum sit postea docebimus. Anguilla omnis nascitur in aqua dulci, solâque ex simili piscium genere, mare vel marina stagna ingreditur, alioqui viuit in lacubus, fluuiis, & stagnis, Est ex lógis piscibus & lubricis, à squamis nudus, cute quæ facillè tota diuellatur tectus. Os illi est fatis apertum, dentibus paruis munitum. Branchiæ paruæ, cuticula rectè, rima parua quam ob causam in turbidis aquis facillè strangulantur, & in aère diutius viuunt. Ad branchias pinnulæ sunt duæ. reliqui corporis flexuosus impulsus pinnarum vices gerit. A medio dorso, & ab excrementi meatu veluti limbus cutis potius quàm

quàm pinnarum substantia, qui posteriores corporis partes ambit. Gula intus longa & lata. Ventriculus & intestina in longum protenduntur. Hepar magnum est & rubrum, ex quo fellis vesica magna pèdet, fel aqueum est. Pinguis & viscida est caro. In putredine gignitur Anguilla ut vermes in terra, id quod experientia compertum fuit. Aliquādo enim equo mortuo in Magalonæ stagnum iniecto, paulò post innumerabiles Anguillæ illic visæ sunt, quod ego ita accipio ut nò ex equi tantùm, sed etiam ex aliorum animalium cadaueribus generentur. Alij tradunt ex Anguillis præ senectute mortuis, & putrescentibus nouas generari. Aristoteles prodidit Anguillas nec per coitum procreari, nec parere oua nec vllam captam vnquam esse quæ aut semen genitale, aut oua haberet. Meatus quoq; vel semini vel vuluæ accommodatos nullam discissam ostendere. Sed hoc vnum inter sanguinea genus totum sine coitu, sine ouo procreari idque argumento constare, quod in nonnullis feculentis stagnis aqua omni exhaustis & limo detracto Anguillæ denuo generentur, si aqua pluuia affluerit, siccis enim temporibus gigni non possunt, quippe imbre viuant & alantur. Videri tamen ait nonnullas habere facultatem generandi, quòd in aliquibus Lumbriculi fiant: ex his enim generari Anguillas credi, sed falso: nam ex iis prodeunt Anguillæ quæ terræ intestina vocantur, quæ sponte in luto, humescentēque humo proueniunt. Iam aliæ absolui ex his visæ sunt, aliæ scalptis discerpitæque intus apparuerunt. Oriuntur hæc intestina in mari in fluuiis stagnisque putredinis maximè ratione, sed in mari quæ algæ sunt, in stagnis autem & fluuiis iuxta ripas, calor enim amplius eas lubiens partes facit ut putreant. Talis est procreatio Anguillarum. Idem alibi tradit Anguillam neque marem neque fœminam esse, neque prolem ex se generare. Quam autem differentiam maris & fœminæ Anguillæ notarunt, scilicet alterā caput habere amplius, atq; oblongius, alterā hoc est fœminam magis repandū, non maris & fœminæ esse differentia, sed generis. Plin. de generatione Anguillarū aliter sensit. Anguillæ, inquit, atterūt se scopulis, ea striginēta viuiscunt, nec alia est earū procreatio. De eadē re hæc Athenæus. *Οχρόσσαι δὲ συμπαλέμεναι, καὶ ἀφῆλται γλοιώδεις ἐξ αἰλῶν, ὁ γυρόμενον ἐν τῇ ἰλῦι ζωογονήται.* Coeunt Anguillæ sese cōplexæ, deinde emittūt strigmentitiū quid ex seipsis, ex quo cū in limo fuerit animal generatur. Idē Oppiani testimonio cōfirmatur, qui scribit Anguillas gregatim circūfundi & corporibus inter se cōplicitis coire, ex quibus lentor in arenam destillans limo excipitur, in quo procreantur Anguillæ innumera.

Lib. 6. de hist.
cap. 16.

Lib. 4. de hist.
cap. 11.

Lib. 9. c. 4. 50.

Lib. 1. ἀλυσ-
τικῶν.

Αἱ μὲν γὰρ ἀστρεπδὸν ἐσὶ ἀλλήλων, χυθίσαι
Ἐγγέλους, δέμας ἰσθδὸν ἀναστρωφάσι θαμνίσαι
Πλεονύμεναι, τῶν δὲ καλίσθαι ἐκελὸς ἀφρῶ
Ἰχθῶρ, ἐν φασάθοις τε καλύνθαι ἢ δὲ μὴ ἰλῦς

Δεξαμένη, κινεῖ τε καὶ ἐγγχεύων τέκεν ὀλιγὸς.

Vidi equidem Anguillas mutuo corporum complexu coëuntes, neque puto partibus ad gignendum necessariis prorsus destitutas esse: inferiore enim vëtris parte, & vulua in fœminis, & semen in maribus reperitur, sed pinguitudine multa circûfusa hæ partes non apparent, quẽadmodum neq; oua pinguitudini permista. Idem enim iis euenire quod de Congris scriptum reliquit Aristotel. quæ cum pinguedine in ignem iniecta crepitât & dissiliunt, atq; sic deprehêduntur. Anguillas igitur crediderim alias in putredine, alias ex maris & fœmine commistione procreari. Harû pauca, vt tradit Aristot. certisq; locis vescuntur limo, cæterisq; eduliis si quis apponat, sed maxime dulci humore viuunt, idque qui in viuariis Anguillas nutriunt, potissimum obseruât, vt pura syncerâq; sit aqua affluēs per ripas vbi viuaria extruūt: nã nisi aqua limpida sit, strangulata breui intereunt, ob eam quam diximus causam. Hinc aquâ turbare solent, qui eas piscantur. In Strymone circa Vergilias capiuntur: tũc enim aqua & lutũ aduersis flatibus turban-
 tur. Cui simile est quod prodidit Plin. de Anguillis, quæ Octobri mense capiuntur in Mincio amne, fluuiibus glomeratę in tantum mirabili multitudine, vt in excipulis eius fluminis, ob hoc ipsum fabricatis singulorum milium globi reperiantur. Idẽ certum est euenire in permultis Gallię riuis & fluminibus, in quibus turbata aqua autumnalibus pluuiis, nassis & aliis excipulis innumerabiles capiuntur Anguillę quę salte in proximũ quadraginta dierũ ieiuniũ seruantur. Aristophanes pereleganter & festiuẽ eos qui ex reipublicę perturbatione cõmoda sua comparant Anguillarum piscatoribus similes facit in Equitibus. Ὅτι γὰρ οἱ τὰς ἐγγχεύεις θηρώμενοι πέποιθας. ὅταν μὲν ἡ λήνη καὶ ἄσκη, λαμβάνουσιν ὅδεν. Ἐὰν δ' αὖτε καὶ ἄτῳ, τὸ βόρβορον κυκλῶν, αἰρῶσι, καὶ οὐ λαμβάνουσιν ἢ τὸ πῶλον ταρατῆης. Ex eodem fonte manasse puto id quod prouerbij loco apud nos iactatur, Piscari in aqua turbida, quod dicitur in eos qui ex litibus, bellis, seditionibus, denique ex quietis vel priuatę vel publicę perturbatione magnos fructus percipiũt, ac maxime hinc facultates suas augent. Anguilla nõ superfluitat viuæ, ait Aristot. nec sursum vt cæteri pisces maxima ex parte efferuntur: sunt enim ventre exiguo, pingue in paucis inest, plurimę eo carēt. Quæ ratio si paulò fusius explicetur multò magis perspicua fiet. Pinguitudo quidẽ leuis est & aëreæ naturę, quò fit vt pingues pisces facile superfluitare possint, hoc tamen satis mihi non facit. Nam Galei qui neq; pingue neq; seuũ habent mortui superfluitant. Potior igitur mihi ratio ea esse videtur, quæ ex ventris paruitate sumitur. Ventrem enim paruũ cavitatem qua viscera continentur, intelligo, quæ cùm parua sit parum quoque aëris congeniti inesse in ea necesse est, à quo pisces in aqua summa sustinentur. Et quid aëre multo congenito opus fuit Anguillę in alto lu-

to de

to degenti, maximè cùm ob paruam branchiarum rimam aërē hau-
 stum satis diu retinere possit, cùm necessarius is fuerit? Quoniam igi-
 tur aër post mortē euanesceat, non mirum videri debet, si Anguillæ
 mortuæ per summam aquam non ferantur. Cur igitur animalia cæ-
 tera superfluitant mortua? In causa sunt flatus sub cute conclusi, à
 quibus sursum efferuntur corpora. Hoc inde maximè colligas, quod
 in aquis extincti non fluitant quoad putrescāt: ex sanguine enim &
 humoribus aliis putrescentibus flatus gignuntur quibus dispersis in-
 tumescunt corpora & efferuntur, cùm nullus iis putrefactis sit exitus.
 Quod si acu pupugeris, tum deorsum feruntur, nec fluitāt. Sed lon-
 gius ab instituto digressi sumus. Anguillæ sale conditæ salubriores
 redduntur, quod enim viscidum inest attenuatur. Quæ in mari ca-
 piuntur præstant fluuiatilibus & lacustribus. In stagno nostro, quod
 Latera dicitur trium vel quatuor cubitorum longitudinem æquant,
 quales eæ quæ ab Archestrato celebrantur. *Κωπαῖαι καὶ τρυμνίαι, με-
 γάλαι τε γὰρ εἰσι, καὶ ὁ πᾶχος θαυμασταί.* In Gange amne tricenos pedes
 implent. Hicetius Anguillas maximopere commendat autore Athe-
 næo. *Περὶ ὃ τῶν ἐγγελέων ἰκείσις φησὶν ἐν τοῖς περὶ ὕλης ὡς αἱ ἐγγέλεις*
Ἀχυλότεραι πάντων εἰσὶν ἰχθύων, καὶ ὀστρομαχία διαφέρουσι τῶν πλείστων:
πλήσιμιοι γὰρ εἰσι, καὶ πολὺ βοφοί. ἐν ὃ τοῖς ἀρίχεσι, τὰς μακεδονικὰς ἐγγέλεις
κατατάττει. Hicetius in lib. de materia, ait Anguillas omnibus piscibus
 fucci bonitate præstare, stomacho gratiores esse: satiant enim & mul-
 ti sunt alimenti, inter salsamenta autem Macedonicas Anguillas an-
 numerat. Nostris Anguilla salsa cibus est gratus, paratūque facilis: eli-
 xa enim & in craticula assata editur citra oleum, vel aliud condimē-
 tum. multum nutrit, nec facilè dissipatur cùm glutinosa sit. Quare
 otiosis cibus est insalubris, iisque qui cum morbis à pituita viscida or-
 tis consistantur, quique articulari morbo, vel lithiasi, vel doloribus
 capitis obnoxij sunt. Recentes falsis insalubriores maximè si parum
 coquantur vel farina subacta & pistata, vel olla conclusa, eæ enim ven-
 triculum relaxant, coctionem turbant, nisi prima mensa sumantur.
 In veru tosta meliores. Capiuntur apud nos nasis. Oppianus *L I B.*
ΙΙΙΙΙ. ἁλιόλακων puerilem & iucundam capiendarum Anguilla-
 rum rationem tradidit, quam satis fœliciter Lippius his versibus
 exposuit.

lib. 7.


*Atque puer ludens vasti prope litora ponti
 Decipit Anguillas, longa intestina sub unda
 Coniiciens, hami setis aquata videres.
 Ut videt, utque ruit, longa intestina petentem
 Arripit, atque cito sensit tumefacta perire.
 Namque puer suflans anima intestina repleuit,*

202 DE PISCIBVS FLVVIATILBVS.

*Et subito Ventus densus percurrit in ora
Anguilla, & pueri flatu tumefacta laborat:
Et vento arctatur frustra que euadere tentat.
Inflatam penitus, & toto pectore anhelam
Spiritus educit pueri ludentis in altum.*

In medicamentis ad aurium dolores & neruorū, anguillarū pituitudo vsurpari potest. fel ad oculorum suffusiones. Anguilla in vino putrefacta vini fastidium facit.

De Lampetra parua & fluuiatili.



CAPUT XXIII.



N fluuiis & riuiis paruę Lāpetrę proculdubio in iis natę reperiuntur, vtpote quę illic capiuntur, quò nulus marinis aditus patere potest: cū neque illi in mare confluant, neque mare cum iis vlla parte sit coniunctum. Tales in Aruernię riuis inueniuntur. Vocantur à Gallis *Lamproyons*, & *Lamprillons*: Marinis sunt partibus internis & externis & colore similes, sola magnitudine differunt: quędā enim magnitudine sunt digitali, alię vermibus terrestribus, crassioribus assimilantur. Tholosę frequētes vendūtur, & illic *charillous* vulgo nominātur. Carne sunt molli, glutinosa, excrementitia. frixę & elixę eduntur. suauioribus aromatis, additis oleo & omphacio cōdite. Sic apparatus ab iis qui gulę delicias sectantur, magis cōmendantur quā à medicis. Luto & aqua vescūtur iisdē que in locis degunt in quibus vermes

De Cotto.



CAPUT XXV.



ACTENVS de fluuiatilibus qui permagnę sunt & medię magnitudinis diximus. Nūc de pisciculis, inter quos primus erit qui ab Aristotele *Βόττος* dicitur. Gaza Cottum conuertit, nescio qua ratione motus.

Quod

Quod si latinū hoc nomē seruemus, interim meminerimus diuersum esse piscē ab eo qui à Numenio ex Athenæo καβος dicitur: sic enim ille Gobionem appellabat, qui à reliquis Græcis καβος vocatus est. Galli Cottū *chabot* nominant à capitis magnitudine. Nostri eadem de causa teste *daze*. Pisciculus est fluuiatilis Ranæ piscatrici similis, si parua magnis conferre licet, corporis figura & colore. Capite enim magno est lato & depresso, oris magno hiatu sine dentibus. Oculi sursum spectant. Pinnae habet duas ad branchias, magnas pro corporis ratione, in ventre duas minores, in dorso vnicam continuam ad caudam vsque, cauda in vnicam deficit. Intus brachias quaternas habet, hepar magnū cū felle. Si corpusculū spectes vētriculū magnū. Arist. huius piscis meminit, quo loco pisces in aqua audire probat. Ἐν τῷ τοῖς ποταμοῖς εἶσιν ἰχθύδια ἀπὸ τῶν πέτρων, ἃ καλεοῖται βοίτες, καὶ ταῦτα θηρέουσι τὰς, διὰ τὸ ὑπὸ τῶν πέτρων ὑποδεκόμενα, καὶ τῶν τῶν λίθοις. τὰ δὲ ἐμπύπτοι παραπερύμματα ὡς ἀκρόντα καὶ καρυβαρουῦτα ὑπὸ τῷ ψόφῳ. Sunt præterea pisciculi fluuiatiles qui sub saxo stabulātur, quos Cottos vocāt. Capiuntur à nonnullis saxo percussō sub quo latent: protinus enim inde exturbantur, vt qui audiant, & caput per strepitum tentētur. Capiuntur cum Cobite fluuiatili in fluuiis & in fontibus. Carnē sunt molli suavi & minimē negligenda.

De Cobite fluuiatili.



CAPVT XXVI.



VM antiquis pisciculi fluuiatiles minus cogniti sint, euenit vt nomine vetere careant. Qua de causa marinorum & similiū appellationes iis accommodare visum fuit. Hunc igitur quē hīc proponimus Cobitē fluuiatilem nominamus, quod marinæ persimilis sit, cuius tria sunt genera, quæ nominibus suis Galli distinxerūt. Primū genus *loche franche* vocāt, alterū *loche*. Vtrūq; genus quū paruum est *lochette*. De primo genere nūc agimus, quæ *loche franche* nominatur, vel quod tota leuis sit, & aculeis careat, vel quod mollior sit & salubrior. Est autē Cobites hæc fluuiatilis pisciculus in riuulorū & fluuiorum ripis degēs, digitali magnitudine rostro satis prominente. Corpus flauescit, & maculis nigricantibus notatur, subrotundum est & carnosum. Pinnae duæ sunt ad brachias, duæ in ventre, vnica ab extremēti meatu, vni-

204 DE PISCIB. FLUVIATILIB.

ca in dorso. Carne est humida & viscida. Si in aqua sordida & cœnosa nutriatur pinguescit, sed multò insalubrior redditur.

De Cobite aculeata & Barbatula.




CAPUT XVII.



OBITES Secunda quę non solum *Loche* sed etiam *Perce à Gallis* vocatur supradictę similis est, ni paulo maior esset & latior, non rotunda sed compressa. In branchiarum operculis aculeum vtrinque habet. Spina interna dura rigidior est, quo fit vt pisciculus iste inter edendum molestior sit quàm Cobites læuis. Sæpius Ichthyopolę parum cautis imponunt, & pro læuibz vendunt, quę impostura inter edendum facilè deprehenditur. Tertia Cobites barbatula omnium minima est, quę ipso nomine statim sese prodit, nomen dedimus à cirris tenuibus, è rostro barbę modo pendentibus quemadmodum in Barbo.

De Phoxinis.



CAPUT XXVIII.



*Lib. 3. de hist.
Cap. 13.*

PHOXINVS Dicitur Gręcè & Latinè pisciculus, cuius Aristoteles solus bis meminit his verbis, ex Gazę conuersione. Pars piscium maxima consummatur mare & scæmina. De Rubelione & Hiattula ambigitur, omnes enim grauidę capiuntur. Consistunt ergo oua per coitum,

tum, in iis qui venerem norunt. Sed non coitu tantum, verum etiam sine coitu, quod argumento constat nonnullorum fluuiatilium, nam Phoxini statim, prope dixerim ac nati sunt, & admodum parui, oua habent. Et paulò post. Reliqui semel oua edunt in stagnis fluuiorum & arundinetis lacuum, vt Phoxini & Percæ. Nulla alia est à veteribus nota tradita, ex qua certi aliquid de Phoxino statuere possimus, quæ verò ab Aristotele ponitur Phoxino cum multis aliis communis est, quos quantumuis paruos capias, semper ouis plenos reperias. Sed ei vni ex omnibus hæc maxime conuenire videtur, quem sæpe in Picardia vidi obseruauique. Illic vocatur *Rosiere* dimidiati pedis lōgitudinem nūquam superat, corpore est lato & compresso, oculis magnis pro corporis ratione, Bramis minimis corporis specie simillimus est, colore est luteo. Quamlibet parui capiantur semper ouis grauidi sunt, adeo vt periti piscatores cum ouis nasci affirmant. Huic qui subiungitur & nomine & figura non multum absimilis est, *Rose* vocatur à rubore caude, reliquo corpore cæruleo est, paulò maior, minus lato corpore. ouis semper plenus est etiam minimus.

De Pisciculo Vario.



CAPUT XXIX.

ISTE Pisciculus ex Phoxinorum genere videtur esse, parit enim circa litora fluuiorum & riuorum, ac quantumuis paruus capiatur, ouis plenus reperitur. Tam variis coloribus nominatur quàm variis coloribus depictus est. *Veron* Galli vocant, quasi varium. eandem ob causam *Pardilla* ab Italis, ab aliis *Sanguinerol* à rubore, à Romanis *Morrell* à nigrore dicitur. Græci quidam ab oculorum colore *ερυθροφαλαμ*. Dorsum aurei splendoris est, venter argentei, latera purpurascunt. cauda in pinnam auream & latiusculam deficit, Pinnas in dorso & in ventre toridem habet, quot reliqui iam descripti. Fellis multum habet, quare non nisi euisceratus coquendus. Cephalum fluuiatilem corporis figura imitatur. Cutē læui integitur punctis notata. Carne est molli & satis suauj.

De Pisciculo aculeato.



CAPUT XXX.



IN Fluuiis & lacubus reperiuntur pisciculi qui optimo iure aculeati nominantur ab aculeis quibus horrent. Horum duo comperio esse genera. Prius est maius, tribus tantum aculeis in dorso munitur, tribus in ventre, coniunctis, quales cernuntur in semine eius generis bliti quod *Espinar* Galli vocant, à quo *Epinoche* pisciculus nuncupatur, vel *Epinarde*, à Germanis *Stachelsch*, ab Italis *Stratzarigla*. Aculei acutissimi sunt & firmi quos in metu erigunt, ut se ab aliorum iniuriis tueantur. Aculeis demptis corpore paruas Percas referunt, à squamis nudi sunt. Fluuij & lacus quidam tanta interdum horum pisciculorum copia abundant, ut putent nonnulli seminarium esse reliquorum piscium, vel certe prædam. Exhaustis etiam vel exsiccatis stagnis quamplurimi relinquuntur pauperibus colligendi. Alterum genus est eorum qui senos aculeos rigidos in dorso habent, in lateribus singulos. Hunc pisciculum in Nare vidi è quo Tiberim subit. Accolæ pisciculis istis vescuntur. Errant qui de genere Galeorum esse aiunt. Quid enim pisciculis istis cum Galeis commune esse potest?

De Gobione fluuiatili.



CAPUT XXXI.



GRÆCI Latinique veteres Gobionis fluuiatilis nullam, quod sciam, mentionem fecerunt, sed solum marinum agnouerunt, qui litoralis est, & saxatilis. Primus Aufonius, ut arbitror Gobionis fluuiatilis nomen pisciculo ei posuit, qui si non alimenti natura, saltem figura ma-

marino valde similis est. Falluntur ergo Medici, qui Gobiones fluuiatiles egris opponi volunt, his eam inesse succi bonitatem existimantes quam Galenus in marinis commendat, à quibus illi hac dote multum superantur. Notissimus est in Gallia Gobius fluuiatilis, *Gouion* dictus. Lugdunenses *Goufon*, Germani *Gob* vocant. De eo hæc cecinit Ausonius in Mosella.

Tu quoque flumineas inter memorande cohortes


Gobio, non maior geminis sine pollice palmis

Præpinguis teres, ouipara congestior aluo,

Prope xique iubas imitatus Gobio Barbi.

Propter duas oris appendices quæ breues sunt quasi *μύγχανες* imitatum esse ait Barbi iubas. Cæterum squamis tegitur paruis. In dorso pinnam vnicam habet, maculis nigris variatam, reliquas in ventre reliquorum fluuiatilium modo. Carne sunt molli, insipida, virus non unquam respiciente: vescuntur enim aqua, luto, & cadauerum carne. Qui enim pisciculis istis insidiantur, capita equorum bouumve in aquam coniiciunt, quo statim permulti coeunt, & cerebrum faniemque hauriunt, dentibus enim carent.

De Aspero pisciculo.



CAPUT XXXII.

LUGDVNENSES Pisciculum Gobioni persimilem *Apron* vocant ab asperitate squamarum. In Rhodano tantum inuenitur, sed non quouis eius loco, verum ea ferè in parte quæ inter Viennam & Lugdunum est interiecta. Est igitur pisciculus Rhodano peculiaris, capite latiore quam Gobio, in acutum desinente. Ore est medio, dentibus caret: sed maxillas asperas habet, foramina ante oculos. Colore est rufo, maculis nigris latis, à dorso ad ventrem obliquè descendentibus variato. Pinnas ad branchias & in ventre similes cum Cottis habet, sed in dorso dissimiles: duæ enim sunt à sese seiunctæ. Vulgus ait pisciculum hunc auro vesci qua arenam cum qua nonnunquam auri laminulæ sunt, haurit. Carne est sicciore quàm Gobio.

De Alburno.




CAPVT XXXIII.



LBVRNI Appellatio ab albedine videtur esse sumpta, ab Aufonio fortasse inuenta. A Gallis *Able* vel *Ablette* vocatur, ab Anglis *Bleis*. A Germanis *Ablem* vel *zumbelfschlim*, vel *veiffschlim*. Alburnus piscis est fluuiatilis digitali magnitudine, Aphyis albis similis, oculis magnis, rubescentibus, dorso virescente, ventre candido. Lineis duabus distinguitur, altera à branchiis ad caudā ducta medium corpus dirimit, altera minùs euidens à radice pinnae branchiarū orta deficit, priusquam ad caudam perducta sit. Pinnas easdem habet quas Gobio. Capite est paruo, corpore latiusculo sed depresso, felle caret. Carne est molli & parum pingui. Vorax est piscis, eam ob causam hamo facilè capitur. Aufonius.

*Quis non & Virides vulgi solatia Tincas
Norit, & alburnos prædam puerilibus hamis?*

De Cancro fluuiatili.



CAPVT XXXIIII.




R V S T A Animalia multò pauciora in fluuiis reperiuntur quàm in mari. De fluuiatilibus nunc dicemus, primùm de Cancro qui tertij generis est Cācrorum omnium ex Aristotelis diuisione. Hoc Cancro carent Galli & Germani. Quamobrem non sine

errore

errore Astacos fluuiatiles in Cancrorum vicem vsurpant, in iis etiam remediis, in quibus veteres Cancros fluuiatiles summo opere commendarunt. Reperitur frequens in Græcia, Creta, Sicilia, Italia, Hetruria. Reperitur & in Nilo Æliano teste. Ego in Italia accuratè pingendum, & ad verissimam effigiem exprimendum curavi, quod viderem à quibusdam picturam eius à vera alienam fuisse repræsentatam. Dicitur à Græcis *καρκίνος ποταμῖνος*, ab Italis *Grancio & Granzo*. Est corporis quidem specie marinis similis, verùm testa tenuiore leuiorèque, corpore minùs rotundo, brachiis primis crassioribus & longioribus pro corporis magnitudine, similiter & pedes habet. Cauda corpori applicata discernuntur mares à fœminis, ea enim in fœminis latior est ad scuti formam, ad oua tutiùs contegenda, in mare est angustior. Carne sunt dulci. Cancri fluuiatiles crustam tempore exuunt, tunc molliores sunt, & summi Pontificis cardinaliùmque mensis maximè expetuntur. A quibusdam in lacte suffocantur, quo dulciores & meliores fiant. Degunt in riuulis & latent in luto, vnde ligonibus effosa scrobe capiuntur. Qui eos vendunt funiculo alligatos, & à sese seiunctos seruant, Etenim si se contingant, pedes mutuo sibi arrodunt & vorant, quod verum esse ipse sum expertus. Cùm enim ducentos Romæ emissem, domique in aquam vt sese reficerent coniecisset, ita inter sese conflictati sunt, vt plures quinquaginta mutilatos repererim, eo tandem deuentum est, vt omnibus necatis vnicus superstes fuerit, quem adhuc exsiccatum seruo. Cancri fluuiatiles satis nutriunt, & corpora humectant. Quare Auicenna in febribus hecticis cum aqua hordei valde probat, quod nihil falsi habeant, humidiorèsque sint marinis. Per multa alia de iisdem traduntur à Dioscoride, Nicandro, Plinio quæ superuacaneum fuerit hîc describere. Solius Galeni sententiam exponam, quo maiorem authoritatem habeat oratio de Cancri fluuiatilis mira & occulta facultate. Fluuiatilium Cancrorum, inquit, cinis desiccat, & proprietate totius substantiæ mirè demorsis à cane rabido auxiliatur, vel solus, vel cum thuris parte vna, gentianæ quinque, Cancrorum decem. Vel eo cinere vtendum quemadmodum parabat Æschrion longo vsu peritissimus qui viuos Cancros in Æneam patinam iniectos tandiu vrebatur quoad in cinerem redigerentur, vt facillimè in puberem tenuarentur.

De Aftaco fluuiatili.




CAPUT XXXV.



N Fluuīs montium & gelidis riuulorum vndis crustata animalia procreātur, quę à figura Aftacorū mari norū, vel contrā marini à fluuiatilibus nominati sunt. Aftaci fluuiatiles corpore sunt rotundo, capite in cornu latiusculum, breue acutum deficiente, sub quo latent oculi, & capiti præposita sunt cornua quatuor, duo breuiora sunt, alia longiora, articulata, flexibilia, in tenuitatem pili definentia. Vtrinque chela vnica est, aspera denticulata, articulis quaternis connexa. pedes vtrinque quaterni, bini chelis propiores bifidi sunt & hirsuti, bini posteriores in calcar definunt. Posterior corporis pars quę collum appellatur, sex tabellis constat, cauda pinnulis quinque, media scuti formam refert, & articulata est, vtrinque duæ communi articulo, postremæ proprio colligantur. Os dentibus munitum vt in locusta & Caneris. Carnis aliquid est in ore pro lingua. Sub cauda appendices sunt in quibus oua reponuntur, Cocti Aftaci rubescunt. Lunæ vim sentiunt quemadmodum crustata alia & ostracoderma. Carne sunt molli & fluida, quamobrem melius coquuntur si in feruentem aquam iniiciantur, maximè aceto vel omphacio admisto: feruens enim aqua mox vt carnem contigerit eam firmat, nec diffluere sinit. Aftaci sarcophagi sunt & scatophagi. Cadauera confectantur, nam si in aqua vel equus, vel canis, vel quoduis aliud animal submergatur, mox tanquam vultures magna frequentia adnatant, nec inde recedunt priusquam quicquid carnis fuerit arroserint. Quo spectaculo quidam aliquando commotus, quemadmodum ex boue cęso apes, ex equo vespas, ita Aftacos fluuiatiles gigni existimauit, quamobrem equos mortuos in aquam coniiciendos aliquoties curauit, tandē euentu ab eadem sententia deductus est. In Gallia & maximi & frequentissimi capiuntur. Non probo Medicos qui Aftacis eam vim & cibis, &
in

in pulmonum vitiis inesse existimant, quæ in Cancris insit, quoniam Astaci carne sunt præhumida, dissipatu facillima, minimum nutriente. Multò minùs probandi qui canculos fluuiatiles esse putent, cum Cancris corpus sit rotundum teste Aristotele, sine cauda, vel cauda corpori applicata nec extensa, Astacus corpore longo, Locustis simili, quod capite & collo tabellis distincto constet. Lapides in capite habere Astaci creduntur, quos Medici quidam ad comminuendum renum calculum in vino albo propinant, sed in senioribus solum reperias. *Italij Gambatio, Gallis Scheremice*

De Astaco paruo.



CAPUT XXXVI.

DE Astaco fluuiatili sermo nos admonet, vt Astacum marinum paruum, quem quum de crustatis marinis ageremus, prætermisimus, huc inferamus. Vterque ex collatione meliùs agnoscetur: Vocamus igitur Astacum hunc marinum paruum, vt à magno differat, quem inter marinos depinximus, vt etiam ab Elephanto & Leone distinguatur, cuius solus, quod sciam, Athenæus meminit. Τὸν δ' ὀστρακοδέρμιον, καὶ εἰς ἀστέρος, καὶ αἰσός, καὶ καρκίνος, λέων, τὸ αὐτὸ γένος ὄντα διαφέρει. μείζων δ' ἐστὶν ὁ λέων τῷ ἀστέρι. Ex ostracodermis sunt Squilla, Astacus, Locusta, Cancer, Leo, quæ eiusdem cum sint generis differunt, maior autem est Leo Astaco. Est Astacus hic semper paruus, nec ferè vnquam magnitudinè picturæ nostræ superat. Capite & thorace est rotundiore quàm fluuiatilis, in lateribus inciso, è capite eminet cornu latiusculum, magnum si totum corpus spectes, vtrinque ferratum, inter oculos situm, quos recondit, & exerit. Cornua quatuor oculis præfixa sunt. Duo breuiora cornu ferrato viciniore, alia duo multò longiora, flexibilia, articulata. Chelam vtrinque vnicam habet denticulatà, quaternis articulis connexam. Vtrinque quaternos pedes sine forficibus. Collum siue cauda tabellis constat & in pinnulas desinit. Sub cauda

appendices sunt ouis reponendis destinatę. Astaco huic viuo corpus rubescit, alioqui lineis cęruleis transuersis variatum. Rarus & bonę carnis est firmiorisquę quàm Elephas, melioris quàm Locusta. Differt à fluuiatili quod sit dum viuut colore fusco, corpore longiore & striatiorē, cornu frontis latiore & breuiore.

De Squilla fluuiatili.



CAPUT XXXVII.

IN Fluuiis insecta quędam viuere deprehendi, quę varia sunt, quędam enim vermium, quędam muscarum, quędam scarabeorum forma sunt. De his cū nihil apud scriptores veteres legerim, non ineptę facturus videor, si aliarum bestiolarum quarum imaginem similitudinēque habent, nomina eis imponā. Ab his incipiam quę proximē explicatis affinia sunt, id est, quę tenui crusta integuntur, qualis est Squilla fluuiatilis quam hęc exhibemus. Ea pedes ternos vtrunque habet. Cauda in duo longa & tenuia veluti fila desinit: digitali est longitudine. Capite est rotundo & compresso instar lentis leguminis. Cornicula quatuor habet. Cum squillis marinis magna est figurę affinitas. Quare non video quo aptiore nomine donetur quam Squillę fluuiatilis.

De Cicada fluuiatili.



CAPUT XXXVIII.



ERNVNTVR Etiam in riualis bestiolę Cicadis terrenis persimiles, quas ob id Cicadas fluuiatiles nomino. Et ventris latitudinē & pedibus natant, vtrunque ternos habent, postremi longissimi sunt. Hoc à terrestribus differunt, quod capite sunt magis

gis exerto, & cœuicis aliquid habere videantur.

De Libella fluuiatili.



CAPUT XXXIX.



MNECTVM hoc libellam fluuiatilem libuit appellare, à similitudine quæ illi est cum fabili instrumento, & cùm Libella marina. Hæc bestiola parua est admodum T, literæ figuram referens, pedes ternos vtrunque habet, Cauda in tres appendices desinit, quæ viridi sunt colore, iisdem & pedibus natat.


De Musca fluuiatili.

CAPUT XL.



MVSCAS volantes in aquæ extremitate sæpe vidimus æstate. Oculis sunt magnis pro corporis magnitudine, dorso rotundo, ventre plano, senos habent pedes, posteriores maiores ad corpus in aqua impellendum. Inter natandum geminas alas extendunt. Quare & in aëre volare, & in aqua natare possunt. Natant ventre in cælum conuerso, contrario situ volant. Vtrunque per vices faciunt. Venter lineis nigris & viridibus distinguitur, his pisces insidiantur. Sunt permulta alia in aquis dulcibus insecta atque bestiola nondum ab omnibus satis animaduersæ, quæque vix bene pictura exprimi possunt. Quare hortor studiosos viros, & sedulos rerum peruestigatores, vt in fluuiorum aliarumve aquarum quas incolunt animalibus cognoscendis & iis posterorum memoriæ mandandis operam ponant.

De Musculis aquæ dulcis.



CAPVT XL I.

LONGE plura & maiora in mari quàm in fluuiis vel lacubus gignuntur ostracoderma, cuius rei causam sæpe aliàs marinæ aquæ vi attribuimus. In aqua dulci stagnante maximè reperiuntur Musculi, ferè nunquam in rapidis fluminibus. Galli *Moules* vocant. Duplici constant concha tenui & fragili, foris nigricat, & veluti ex multis additamentis conflata est, ob id asperior. Intus læues sunt, ex cæruleo nigricantes. Carne sunt dura concoctu difficili, mali succi, quo fit vt qui iis copiosius vescuntur in febres incidunt.

De Cochleis fluuiatilibus.



CAPVT XLII.

COCHLEAS paruas gignunt flumina & riuuli multi, Cochleis terrestribus similes sunt, similiter cornibus iter prætentantes, nisi quod cornua habeant breuiora latioraque pinnularum ferè forma. Testa longiuscula in acutum deficiens Stromborum modo. Harum postrema depressa est magis, aculeis aspera, à quibus echinatham fluuiatilem nominare possumus. Similem aliquando in Ranarum ventre reperi.



G V L I E L M I
R O N D E L E T I I D E
P A L V S T R I B V S

LIBER.

3

De Ranis.

C A P U T I.



VMORE Delectantur omnia Ranarum genera. Quare cum plura & notiora maxime in palustribus aquis degāt, inter palustria potius quàm inter amphibia numerare visum fuit. Diuersa autem earum esse genera experientia demonstrat, vt & autores ipsi tradiderunt. Sed cum à diuersis variè & confusè exponantur, ipsa enucleatè atque explicatè docere operepretiū fuerit, vt qui vel sine perniciē in cibis vti voluerint, vel remedia aliqua ex his parare, vel ab aliquo veneno sibi præcauere, certi aliquid de iis iudicare possint, & quod proposito accommodatum fuerit seligere. A minimis incipimus, quę Gyrini dicuntur Plinio autore, quū de Ranarū coitu & generatione loquitur. Pariunt minimas carnes nigras quas Gyrynos vocāt, oculis tantum & cauda insignes: mox pedes figurantur, cauda findente se in posteriores. Nicander sicuti legitur in exemplaribus ex eussis γερύνης vocat, interpres μύρπος βαλάχης interpretatur. Præterea Nicander in Alexipharmacis primum γέρων nominat, deinde γέρων eiusdem speciei, quæ fruticibus verno tempore adhærescit. Quo loco Scholiastes Græcus tradit duo genera esse βαλάχων, id est Ranarum, hybernas & æstiuas, ex quibus æstiuę coaxant, & innoxie sunt, hybernæ mutæ & mortiferæ. vel sic. Phrynus pro vocali sumitur: sunt enim mutę

Lib. 8. c. 4. 51.

- & minimè vocales, discriminis horum causa dixit Phrynum pro vocali. Est autem Ranæ similis, sed oculis est maioribus, arundinum fruticiumque radicibus adhæret Phrynus. Hæc Scholiastes. Quæ cum plus caliginis quàm lucis rei adferant, nos perspicuè, vt opinor, sic distinguemus, vt Ranæ sint quædam quæ maiorem vitæ partem in aqua transigant, aliæ in sicco tantum, aliæ inter has ambigant. Rursus earum quæ in aqua degunt, aliæ in fluuiis, fontibus & riulis reperiuntur, minimèque perniciosæ sunt, sed edules.
- Cap. 5. Has Ranas fluuiatiles vocat Plinius LIB. XXXII. Græci communi omnium nomine βαράχης. Aliæ sunt palustres & venenatæ, à nostris Bufones aquatiles nominantur, à Græcis ελφοβάραχοι vel
- Lib. 6. cap. 31. βαράχοι ελφοί. Has Phrynīs siue Rubetis coniunxit Dioscorides, tum ob corporis figuram non dissimilem, tum ob vim æquè perniciosam. Earum quæ in sicco habitant, alia inter frutices & arundines viuit, vnde ei nomen teste Plinio. Quidam inquit, ex ea Rana quam Calamiten vocant, quoniam inter arundines fruticesque viuit, minima omnium & viridissima, cinerem fieri iubent. Alia per tempestates ex aëre deiicitur, & στεφάνης cognominatur. Rana quæ ambigit
- Lib. 8. ca. 37. φρύ- vos vocatur à Græcis, à Latinis Rubeta. Plinius: Ranæ quoque Rubetæ quarum in terra & in humore est vita, vel vt Aetius vult cum palustris vitæ conditionem in terrestrem commutauerit φρύ- vos appellatur, id est Rubeta à rubis in quibus degit. Plinius: Sunt quæ in vepribus tantum viuunt, ob id Rubetarum nomine vt diximus, quas Græci Phrynos vocant, grandissimè cunctarum. Quæ postrema maximè indicant de iisdem Plinium loqui & Aetium, quum dicit Rubetas nihilo minores esse testudine parua. Hanc speciem Vergilius Bufonem appellauit, nostri Crapau. Hæc sunt Ranarum genera. Neque vllum est genus quod λῆος βάραχης dicitur vt Hermolaus in mendoso codice legerat pro ελφος βαράχης. Neque alia est quæ Dryophytes dicitur à Calamite, vt docebimus. Postremo neque seiunctum à ceteris genus quod multum sit, nam id multis Ranis accidit etiam vocalibus natura, ob quandam loci proprietatem, quod Plinius annotauit. Ranis sonus sui generis. Multum tamen refert & locorum natura: mutæ in Macedonia traduntur. Mutæ sunt & Cyrenjs eodem autore, illatis è continente vocalibus. Et in agro Cyrenensi, ait Aristoteles, Ranæ vocales præterito tempore deerant. Mutæ sunt etiam nunc, ait Plinius in Seripo insula, eodem alio translatæ canunt: quod accidere in lacu Thessaliæ Sicendo tradunt. Sunt qui putent Seriphum vnam ex Cycladibus non habere Ranas, vnde prouerbium Βάραχης ἐν σερίπῳ, quod confirmare volunt Strabo

bonis autoritate qui seriphum saxosam esse scripsit, quare & sine aqua esse, qua carere imo absque ea ne esse quidem possunt Ranae. Sed Theophrastus non negat illic esse Ranas, sed fortasse non vocales ob nimiam aquarum frigiditatem, neque in Pierio etiam Thessaliae stagno propter aquarum rigorem. Id quod multis in locis euenire mihi compertum est. Quod si quis locum Plinii mihi obiecerit ex libr. x x x i i. in quo aliud à supradictis genus & mutum constituisse videtur his verbis: Est parua Rana in arundinetis & herbis maximè viuens, muta ac sine voce, viridis, respondemus eandem hanc speciem esse cum ea quam Calamiten vocant, quod in arundinetis viuat, minima omnium & viridissima de qua iam dictum est. Nunc ad singula genera explicanda veniamus.

Cap. 7.

De Ranis fluuiorum & riuorum.



CAPUT III.

ET SI Ranae notissima sunt animalia, nemo tamen sanè mentis laborem hunc nostrum tanquam superuacaneum reprehendere iure potest, si post Aristotelem, Dioscoridem, Plinium aliquid tractauerimus. Prodest enim genera distinguere, quoniam & forma & facultatibus differunt. Ranae enim palustres cum Rubetis inter venenatas numerantur: Ranae fluuiorum, riuorum & fontium & in medicamentis & in cibis vsurpantur, suntque quibusdam in deliciis, pauperibus famis alleuamentum inemptum. Præterea multa video à recentioribus de Ranis prætermissa, quæ postea à nobis tradentur, quæ mini-

E

mè negligi oportuit, quale est, lingue forma noua, in oculis palpebra inferior, mobilis sicuti in auibus, tenuis & perspicua, duo foramina rotunda, tenui membrana iis obfusa tympani aurium instar, post oris rictum rimæ duæ per quas tenuem membranam exerunt. Caudæ rudimentum sub qua vnicum foramen est quo fœtum emittit, excrementa excernit, quædam etiam alia quæ in singulis dicuntur, quæ non inutilem nostram in hac animalium cōtemplatione diligentiam esse palam ostendent. Vniuersè quidem βαῖραι à Græcis dicuntur, à Latinis Ranæ. Sed ad cæterarum discrimen hæc fluuiatiles vocentur. In ripis ad solem maximè delectantur, quaternis pedibus assultim in terra gradiuntur, & in aqua celerrimè natant, maximè posteriorum pedum beneficio: sunt enim longi ac proinde ad saliendū aptissimè à natura conformati, & ad natandum, quia lati, in quinos digitos diuisi, qui membrana tenui cōnexi sunt, vt in anseribus, anatibus, & fulicis. Crura & tibiæ validis musculis vinciuntur. Pedes anteriores breuiiores in quaternos tantum digitos fissi. Qui pollicis vice est crassior & breuior. Digitorum tres sunt acies, & totidè articuli. Ossa sesamoidea in primo digitorum articulo pedum anteriorum, in omnibus articulis pedum posteriorum. Colore sunt vario. Quum paruæ sunt admodum & piscis forma, nigre, & specie Ranis piscatricibus similes & colore. Grandiores factæ & cauda in pedes diuisa, aliæ virides sunt aliæ nigricant, aliæ flauescunt. Ventre sunt candido nigris maculis asperso. Cute integuntur tuberosa & inæquali, capite sunt crasso, ceruice contracta sed latiuscula, Rostrum in acutum angulum definit, oris rictus magnus, intus magna oris capacitas. Lingua carere videtur, vel si eam linguam nomines, eam ab aliorum omnium animalium linguis & situ & cōnexione diuersam esse intellige: Nam extremæ maxillæ herens, inde pendet, quo fit, vt qua in parte in cæteris soluta sit, in Ranis sit ligata & contrā: nam in maxilla, vt dictum est, hæret, ad fauces soluta est. Hanc particulam cum Aristotele recte linguam vocabimus, cuius hæc sunt verba. ὁ δὲ βαῖρας ἰδίαν ἔχει τὴν γλῶτταν. ὅ μὲν γὰρ ἐμπροσθεν προσώρουεν ἰχθυώδης ὁ τοῖς ἄλλοις ἀπολέλυτος. Ἐὰ δὲ πρὸς τὴν φάρυγγα ἀπολέλυτος, καὶ ἐπέπληκτο ὅ ἢ ἰδίαν ἀφ' ἑωυτοῦ ἀεί. Ranis lingua sui generis est: pars enim prima quæ cæteris absoluta est, iis cohæret modo quo tota ferè piscium. Intima v erò absoluta ad guttur applicatur, qua suam vocem solent emittere. Prodentibus asperitatem tantum in maxillis habet, qua quicquid arripit mordicus retinet, ob id panno rubro vel frustulo carnis filo ex arundine demisso, demorso extrahuntur & capiuntur. Oculos magnos habent & prominentes, palpebram inferiorem auium ritu oculis applicant, quæ tam tenuis est vt perluceat. Ante oculos foramina sunt, vel ad aërem attrahendum vel ad odorandum, tenui membrana obiecta non ali-

non aliter quàm auris tympanum . Ab oris rictu sub foraminibus ià dictis sinus vtrique est , in quo tenuis membrana, quæ dum aërem sub aqua retinēt, inflatur & foras prominet vesicæ aëre plenæ modo. Ab oculis lineæ duæ fuscæ per latera ductæ sunt , inter has media est dorsī linea quod in caudam definit, sed cute contegitur, post hanc superiore magis quàm inferiore loco, meatus est quo Gyrini & excrementa emittuntur. Cutis circa articulos tantum carni firmè hæret, ob eam causam nullo negotio excoriantur , facileque aëre concepto & cohibito intumescunt . Ventriculo sunt magno longoque, intestinis cōvolutis, coloris varij, ecphysis alba est, ieiunum intestinū, & quod ileum à quibusdam dicitur flaua, ob bilem quam per meatum à vesica fellis in hepate sita excipiūt, quamuis fel viride & tenue appareat, Colon sequitur, cæcum nullum reperitur , illud nigrescit ob sterqus, latum est & amplum , rectum candidum & angustum. Splen parvus est in mesenterio. Hepar rubrum in tres lobos sectum. Maribus renes sunt longi, carnosi, testes lutei parui & rotundi. fœminis appendices circa renes crocæ, quas vterum esse dixerim . Vesica est tenuissima, vixque cernitur. Pulmones tenues , magni, non omnino sine sanguine, vt Aristoteles existimauit, quum scripsit Ranas diutius, in aqua vrinare, propterea quod pulmones sine sanguine habeant, sed potius quod exiguo calore & sanguine prædita, frequenti inspiratione & expiratione non egent . Pulmones nigricant, cor in medio est thorace non piscium, sed quadrupedum cordi simile, nigris punctis notatum . A medio pectore cartilaginea apophysis producit in extremo lata cui innituntur partes quæ maxillæ subsunt . Hactenus descriptæ sunt Ranarum partes . sequuntur actiones . Vere cœunt, Mares vlulatu suo, quem ololyginem nominant fœminas ad coitum alliciunt . Ololyginem vero edunt maxillæ inferioris labro demisso pari libra cum aqua modicè recepta in fauces , superioreque maxilla intenta . Flagrant tantisper oculi modo lucernæ, cum sinus buccarum maxillis distentis interluceat : cœunt enim magna ex parte noctu . Hæc sic ferè ex Aristotele conuertit Gaza Plinium imitatus qui mares à voce ololyzontes vocari tradit. Sed præstat locum adscribere: eleganter enim Aristotelis locum illustriorem reddit, quum de piscium lingua loquitur . Ranis prima coheret, intima absoluta à gutture qua vocem mittunt . mares tum vocantur ololyzontes . statim id tempore euenit cœntibus ad coitum fœminas . Tum siquidem inferiore labro demisso, ad libramentum modicè aquæ receptæ in fauces , palpilante ibi lingua vlulatus elicitur . Tunc extenti buccarum sinus perlucet, oculi flagrant labore perculsi. Ranæ igitur duplicem edunt vocem *ολολυγόντα* coitus tempore & *χόαξ* qua voce omnibus sunt molestæ . quumque maximè

Li. II. cap. 7.

& vltra modum sunt vocales, tum tempestatem præsentunt, quia aqua pluuiæ delectantur. De coitus ratione varia prodiderunt auctores. Plinius. Rana superueniunt prioribus pedibus alas fœminæ mare apprehendente posterioribus clunes. Et mox. Mirum quæ semestri vita resoluuntur in limum nullo cernēte, & rursus vernis aquis renascuntur quæ fuere natæ, perinde occulta ratione cum omnibus annis id eueniat. Dicam hac de re id quod sentio. Certū est Ranas, aliquas sponte nasci maximè quæ Gyrini vocantur. Gignuntur & ex concubitu maris & fœminæ, sed non ita coeunt vt Plinius tradidit, sed animalium retro meientium ritu, atque sic copulatas Ranas vidi: cuius rei causa neque inter crura, neque inferiore in loco sed superiore meatum habent. Quantum ad Gyrinos attinet vt mihi, ita omnibus experientia compertum esse potest sponte etiam in limo generari. In magnis enim imbribus & itinera & loca alia antea omni Ranarum genere vacua primū Gyrinis, deinde Ranis multis abundasse obseruavi. Ranae cibum in aqua capeffunt. Muscas, vermes, cantharos aquatiles, tineas, hircines, cochleas paruas, atque insecta aquatilia omnis generis deuorant. Adeo sunt voraces vt à suo genere non abstineant. Inueni in maiorum Ranarum ore Ranas paruas, atque in ventriculo semicoctas, cochleasque echinatas. Quamobrem esca etiam è longinquo vel cibi odoratu, vel conspectu alliciuntur & capiuntur, maximè ipsarummet Ranarum carne, aut panno rubro carnis colorem referente. Nostis in more est posteriora tantū Ranarum in cibis vsurpare, reliquo corpore abiecto, vel quia carnis parū ei insit, vel quia viscera venenata, vel in cibis inutile quid esse in iis credatur, quod etiam Aristoteles annotauit de Echinis loquens, quorum quod nigricat parti creditum est superiori ex dentium origine pendens amarum nec esculentum, quale in multis inesse animaduertimus, aut certe quod ei proportionē respōdet, vt in Testudine & Rubeta, & in Rana, atque etiam in turbinatis & mollibus, sed colore differt. Caro Ranarum candida est, dura si recēs fuerit, seruata tenerior redditur. Medici vt Testudinū ita Ranarum carnē heceticis & phthisicis apponunt, quod non improbo si in iure capi decoquatur, quo tempore ad venerem non cientur: tunc enim virus olent, modo etiā in locis summo estu exsiccatis capte nō fuerint, sed in fluuiis & riuulis. Ranae apibus insidiantur, nec earū aculeos pertimescūt. Mira tradūtur à Plinio de Ranis à Democrito & Magis, quæ ex LIB. XXXII. petenda sunt. Dioscorides cōtra omnium serpentū venena pro antidoto esse prodidit, si ex sale & oleo decoctæ edātur, iūsque earū itidem sorbeatur, cōtra inueteratos tendinum rigores pollent. Idem tradit Plinius. vnguētis & emplastris adhibite siccādi discutiendique vim habēt, maximè in articulorū doloribus. Inde Emplastrū à Ioanne de Vigo Chirurgurgo

Lib. i. cap. 18.

Lib. 32. cap. 5.

urgo rectè compositum, quod & emplastrum de Ranis nominatur, quo sc̃elici successu in tumoribus & doloribus morbi Hispanici utimur. Ranæ tres in olla vstę & cum melle appositæ alopecias replent, si Plinio credimus, vel cum pice liquida illitæ, vt Dioscoridi & Paulo Ægi. visum fuit, quod ego experientia verum esse comprobauī. Illitus earum cinis profluentis sanguinis impetus sistit autore Dioscoride, quod & Paulus confirmat. Crematarum Ranarum cinis maximè ficcans redditus, sanguinis eruptiones sistit, & alopeciis cum pice liquida medetur. Plinius. Ad sanguinem sistendum Ranarum illinunt cinerem, vel sanguinem inarefactum. Eadem exsiccandi vi equorum scabiem decoctæ in aqua extenuant, donec illini possit, aiunt ita curatos non repeti postea. Eadem decoctæ in aqua marina psoras tollunt, donec sit crassitudo mellis. Multò plura ex Ranis petita remedia aduersus varios morbos leges apud veteres autores.

De Rana palustri & venenata.



CAPUT III.



NTER Ranas sunt quæ in palustribus locis & putri sc̃etidòque limo oppletis & nascuntur & uiuunt, quæ palustres rectè dici possunt, sed quia quæ fluuiatiles sunt, in paludibus etiam & in aquis stagnantibus reperiuntur, ad huius discrimen illam venenatam cognominauimus, quæ Bufo aquatilis vocatur, à

lib. 6. cap. 31. Gallis *Crapau d'eau*, à Græcis ἐλειοβάσαχος, denique terrestris φρύνος, siue Rubeta quæ palustrem vitam in terrestrem non commutauit. Ea Rubeta siue Phryno terrestris minor est, cuius venenum mala symptomataque eadem sequuntur quæ Rubetæ, quæ Dioscorides sic explicat, φρύνος vel ἐλειοβάσαχος, idest Rubeta aut Rana palustris assumpta tumores ciet, pallor corpus vehementer decolorat, vt planè buxeum spectetur: spirandi difficultas torquet, & grauis halitus oris, singultusque & inuita interdum genituræ profusio consequitur. Paulus Æginet. φρύνον etiam & ἐλειον βάσαχον appellat, cui vires omnino similes tribuit. quod corporis tumorem inducat hausta, pallorémque intensum buxo similem, quódque agrè spiritus trahatur, os scæteat, singultus infestet, aliquando etiam semen sine voluntate erumpat. Eadem quoque aduersus hoc venenum remedia præscribuntur. Iuuantur enim qui id hauserunt, secundum vomitionem multo meri potu, & arundinis radices binis drachmis, aut cyperi totidem. Breuiter cogendi sunt vt vehementi ambulationi & cursui se credant ob torporem quo corripuntur. Quinetiam quotidie lauandi sunt. Nicander in Alexipharmacis simile venenum Ranæ illi inesse cecinit quæ multa in arundinetis viuit, quam Calamiten dixi ex Plinio à Græcis nominatam fuisse, eadem quoque remedia aduersus idem venenum præscribit.

De Rubeta siue Phryno.

CAPUT IIII.



RUBETA propriè terrestris est, quæ Bufo à Vergilio dicitur, idest Rubeta maxima terrestris, ad discrimen palustris, de qua modo locuti sumus, φρύνος à Græcis dicitur εἶδος βάσαχου, παρὰ δὲ ἐμπερὴς εἶναι πρὸς τὰς ἀλλὰς, ἢ παρὰ δὲ φέρειται ἀπὸ τῆς λιμναίας φύσεως ἐπὶ τὴν χερσαίαν. Animal est, inquit Aëtius magnitudine nihilo minus Testudine parua, exasperat autem & vibrat terga dum spiritu impletur, atque ob id ipsum audentius euadit. Ad lædendum itaque manifestè insurgit, & saltibus interpositum spatium contrahit: rarò quidè mortuum infligens verùm anhelitum consuevit vehementer virulentum inducere, adeo vt etiam si anhelitu contingat tantùm eos qui prope sunt lædat. Cæterùm qui ab eis læsi sunt, his omne corpus intumescit & diffunditur, ac cito omnino pereût. Vidi equidè hæc symptomata in muliere quæ periit sumptis herbis quibus Rubeta venenum suum affla

afflauerat. Est autem Rubeta Ranæ similis colore fusco, rostro latiore & magis rotundato, quale in secūda Pastinacæ specie descripsimus. Oculis est magnis & rotundis. Deniq; Ranæ palūstri & venenatæ similis est quam ob causam picturā eius nō apposuimus. Cute tegitur crassa & vix penetrabili, tum quia dura est, tum quia tumida & spiritu distēta ictibus cedit. Pulmones intus habet magnos & rotundos, quiq; aëre multo compleri possunt, hepar vitiatum vnde prauū bestiæ temperamentū autore Aristotele, Nonnullorū, inquit, vitiatā omnino iecinora, vt corpora quoque eorundem prauū temperamentum sortiantur velut Rubetæ, Testudinis, & similiū. Neocles & Timeus scripserunt Rubetæ bina iecinora habere, & alterū quidē occidere alterū alteri aduersari & salutē afferre, & à formicis nō attingi, ob id formicis obijciendum censent, vt pars quam non vorarint venenata sit. Mira de Rubetis certatim tradunt autores, quæ Plinius recenset, sed id imprimis, ex his ranis lienē contra venēna quæ fiant ex ipsis, auxiliari. Cor vero etiam efficacius esse. Rubeta apes interimit, subiens enim aditus aluci afflat, & obseruans rapit euolantes. nullo hæc affici malo ab apibus potest. Ex Rubeta multis modis venena præparantur quæ latēt assumentes, quæ præstat ignorasse, quare de remediis dicamus. Rubetarum veneno aduersatur succus betonicæ, plantaginis, artemisiæ potus. Item succus Ranarum marinarum ex aceto & vino bibitur contra Rubetæ venenum. Sanguis Testudinis Ranarum venenis auxiliatur, seruato sanguine in farina pillulis factis, & quum opus sit in vino datis. Rubetæ suus est à natura datus hostis Buteo triorchis, qui eam rapit & deuorat sine pernicio. Vulgus falsò credit gemmā vernacula lingua *Crapaudine* nuncupatam in Rubeta inueniri, & venenis resistere. Terrestris Rubetæ generis ea etiam esse censetur, quæ sub terra vel sub stercore inuenitur, ranis similis, rostro acutius, crucibus breuioribus, cute tota tuberosa, maculis multis cinereis notata, oculis multum prominentibus & virescentibus, qui palpebra inferiore teguntur, maxillæ inferioris extremum frequentissimè mouet, lingua, ventriculo, intestinis, superioribus similis. Vasa spermatica à superiore parte oriuntur circa septum transuersum alba. Renes carnosi, vesica magna, retentam in ea vrinæ copiam in metu effundit. In medio ventre nigra quædam cernuntur, quæ oua fortasse sunt, hæc compressa attramentum emittunt. Hepar nigrum in lobos duos diuisum, in quo vesica felle, quod ex viridi nigricat. Pulmones vt testudini & Ranæ. Vescitur formicis, cantharis, similibusque bestiolis.

Lib. 3. de part.
anim. cap. 12.

Lib. 3. cap. 8.

De Calamite.

CAPVT V.

RANAM Calamiten à calamis in quibus uiuit vocant Græci. Id genus esse dixerim quod ῥαθυγγον vocauit Nicander in Alexipharmacis, idest mutum, atque inter Rubetas numerari potest. *Ranette* nostri nominant. Ranis alijs corporis specie similis est calamite, & partibus internis, sed parua est, tenuis & viridis. De qua Plinius. Est parua Rana in arūdinetis & herbis maximè viuens, muta ac sine voce, viridis, si forte hauriatur, ventres boum distendens: huius corporis humorē penicillis deraſum claritatem oculis inunctis narrant afferre, ipsasque carnes doloribus oculorum superponunt. Huius Ranæ parua ſanies efficaciffimum est pilothrum ſi recens illinatur, & ipſa arefacta ac tuſa, mox decocta tribus heminis ad tertias, vel in oleo decocta æreis vaſis. Dioſcorides viridiū ſanguine pilos auulſos renāſci prohiberi tradit. In arundinetis roris linctū victitat, venenata eſt vt Rubeta ſuperior, quare eidem veneno eadem quoque remedia medebuntur.

De Rana cælitus demiffa.

CAPVT VI.

RER Imbres & tempeſtates cælo delapſa Rana Rubetis ſimilis eſt, ſi Ariſtoteli ſenſibūſq; noſtris fidem adhibeamus, quæ *Νιωτερης*, idest, à Ioue miſſa nominatur. Hæ in nubibus procreatæ decidunt. Quidā in ea ſunt ſententia vt exiſtiment Ranas paluſtres minores, vel vi aſtrorum vel ventorum impetu ſurſum raptas decidere, cuius rei id eſſe argumentum, quòd nunquam niſi aëre pluuiō & commoto delabi videantur. Alij ne cadere quidem vnquam ex alto cenſent, ſed quia ex Buſonum genere ſunt, ex cauīs in quibus viuunt locis dum tempeſtates præſentiunt, egredi, & tum è cælo demiffas Ranas credi, quæ antea non comparuerant. Sed opinionem hanc prorfus refellit quotidiana experientia, atque grauiffimorum ſcriptorum fides. Quod ſi quis hoc miretur, contempletur multa alia in natura æquæ admiranda. Quid enim mirabilius eſſe poteſt aquis in cælo ſtanti-
Lib. 3. cap. 1.
 bus, vt ait Plinius, at illæ ſeu parum ſit in tantam peruenire altitudinem, rapiunt eò ſecum piſcium examina, ſæpe etiam lapides ſubuehunt portantes aliena pondera. Ranæ igitur *Νιωτερης* Rubetarum ſunt

sunt specie, quod tradidit Aristoteles LIB. I. problematum. διὰ τὴν γίνε-
 ται τὰ ἐν τοῖς ὁδοῖς, ὅταν γένῃται πορὰ τῶν μικρῶν βαβάχων τῶν φρυγοειδῶν; ἢ
 οὐκ ἔχουσιν ὁδοῖς ἐν τῇ οἰκείᾳ χώρᾳ; τὸ φύκος, καὶ ταῦτα δὴ φύκις ἐστὶν ἰγρὰ.
 ὥστε ἐπομύρον καὶ ἰγρὸν ἱμαίνεσθαι τὸ ἐν αὐτῷ γίνεσθαι. τὰ δὲ τοιαῦτα ἐν τοῖς
 δὴ ἐστὶν, ἰγρὰ γὰρ τὰ σώματα ὄντα, πολὺ ἔχουσιν ἀπερίττωμα, ὃ ἐστὶ τῶν νόσων αἴτιον.
 Cur insalubris est annus quum magnus est proventus pusillarum Ra-
 narum quæ Rubetæ faciem repræsentant: an res vnaquæque loco suæ
 naturæ idoneo abūdare solita est? itaque eiusmodi animalium genus
 cū natura humidum sit, pluuium annum ob eā causam indicat. An-
 ni verò huiusmodi insalubres sunt, corpora enim humida excremen-
 tis abundant, quæ morborum sunt causæ. Rana huius meminit etiam
 Plinius LIB. XXXII. Iecur Rana Diopetes & Calamita in pellicula
 gruis alligatum, vel dens Crocodili maxillaris annexus brachio. nisi
 malis lectionem Hermolai sequi qui dryophytes legit. de qua Rana
 proximo capite dicitur.

Cap. 10.


De Rana Dryophyte.

CAPUT VII.



VBETARVM generi subiicienda Rana, quæ in
 quercubus & ficubus aliisq; arboribus inuenitur, viri-
 dissimâq; est, qua nota cum Calamite ab aliis distin-
 guitur. De hac Plin. Est Rana parua arborē scandens, Lib. 32. cap. 8.
 & ex ea vociferans. In huius os si quis expuat, ipsamq;
 dimittat, tussis liberari dicitur. Hæc prolixius de Ranis à nobis tradita
 sunt, ut earum differentiæ perspicuè intelligerentur, quamuis enim vi-
 les sint bestię tamen nulla est ex qua vel fructus aliquis percipi non
 possit, vel pernicies vitari.

De Serpente.



CAPUT VIII.



ERPENTES ut in terra, ita in mari, lacubus, palu-
 dibus fluuiis nascuntur & viuunt. De marinis suo lo-
 co diximus, nunc de palustribus qui etiam inter flu-
 uiatiles reponi potuerant. Serpens aquatilis ὕδρος ab

Lib. 1. de hist. Aristotele nominatur. Gaza Natricē conuertit, similiter & apud Dio-
cap. 1. scoridem Ruellius. Eum Vergilius *LIB. III.* Georg. sic depinxit.

*Est etiam ille malus calabris in saltibus anguis,
 Squammea conuoluens sublato pectore terga,
 Atque notis longam maculosus grandibus aluum,
 Qui dum amnes vlli rumpuntur fontibus, & dum
 Vere madent vdo terra ac pluuiialibus austris
 Stagna colit, ripisq; habitans hic piscibus atram
 Improbus ingluuiem ranisq; loquacibus explet.*

Vocatur & Cherfydrus *παρὰ τὴν χερσὶν καὶ τὴν ὕδωρ*, quoniam in aqua
 & in terra degit. In huius appellatione Plinio non conuenit cum Ari-
Lib. 1. de hi- stotele. Nam *ἐνυδρίς* Aristoteli est Lutris, Plinio verò serpens aquatilis,
sto. cap. 1. sic enim scribit. Enhydrys vocatur à Græcis Coluber in aquis viuens.
Lib. 32. c. d. 7. Et alibi: Item Enhydrys. Est autem serpens masculus & albus. Eundem
 his duobus locis serpentem intelligi declarant vires quas similes om-
 nino vtrique tribuit iis ferè verbis. Enhydrys, inquit, vocatur à Græcis
 Coluber in aquis viuens. Huius quatuor dentium superioribus in do-
 lore superiorum gingiuas scarificat, inferiorum, inferioribus. Et: Item
 Enhydridis. Est autem serpens masculus & albus. Huius maximo den-
 te circumscarificant. At in superiore dolore duos superiores adalligat,
 è diuerso inferiores. Serpens fluuiatilis in longum valde accrescit, co-
 lore vario est: nam viridi, flauo, albo, cinereo notatur, qua varietate à
 terrestribus differt. In Lado nostro capiuntur Serpentes cum anguil-
 lis mutuo cōplexu colligatę, qua de causa multi ab Anguillis abstinet.

De Hirudine.

[CAPVT IX.]

HIRUDO à Græcis *βδέλλα* nominata est ἀπὸ τοῦ βδέλλ-
 λειν, id est à fugendo, quemadmodum à Latinis qui-
 busdam Sanguisuga. Palustre est insectū vnde à Theo-
 crito *λιμνάτις* cognominata est. sub lapidibus latet
 quiescitque in sese contracta fabæ latitudine & longi-
 tudine, ac veluti ex circulis aliquot constans. Priore parte os est, poste-
 riore acetabulū, quum repit os acetabuli modo ita applicat vt hæreat,
 reliquūque corpus trahat, tum extenta vermis specie est. In ore tres
 illi dentes esse contrario occurſu sese collidentes ex eius demorsu col-
 ligimus. Partes internas indiscretas habet. Varię Hirudines reperiun-
 tur, alię nigre sunt, alię rufę, alię diuersis coloribus notatę. Nullus
 est planè earum in cibis vsus, sed in medicina non infrequens:
 nam ad hæmorrhoidum sanguinem exugendum admouentur, vel a-
 liis partibus ad sanguinis euacuationem, quando ægri excisorij sclapri-
 vim ferre non possunt, vel pars tolerare non potest. Hirudinibus
 sal,

sal acetum, cineres aduersantur: horum enim contactu decidunt. Cauda abscissa viuunt, ex vulnere sanguis exhaustus effluit. Equorum ora subeunt, & sugendo emaciant. Venenatæ creduntur potissimum rufæ, quod si dentes reliquerint in carne infixos, vlcera fiunt dyteputolica. Quomodo seruandæ & sanguine alendæ vt venenum depellant, docet Galenus in libello de Hirudinibus. Item quomodo à vulnere semouendæ, & quomodo venenum si quod hæserit, educendum. Plinius ad extrahendum sanguinem eundem earum vsum esse scripsit qui cucurbitarum medicinalium ad corpora leuanda sanguine, spiramenta laxanda. Decidunt facietate & pondere ipso sanguinis detractæ, aut sale aspersæ. aliquando tamen affixa relinquunt capita, quæ causa vulnera insanabilia facit & multos interimit, sicut Messalinum è consularibus patriciis, cum ad genua admisisset. inuehunt virus remedio verso, maximèq; rufæ ita formidantur. Ergo sugentia ora forficibus præcidunt, ac veluti siphonibus defluit sanguis, paulatimque morientium capita se contrahunt, nec relinquuntur. Natura earum aduersatur cimicibus & suffitu eos necat.





G V L I E L M I

R O N D E L E T I I D E

A M P H I B I I S

LIBER.

35

 Quæ dicantur Amphibia.


CAPUT II.



VM Ex aliis rebus tum maximè ex loci varietate animantium differentiarum inueniuntur. Harum enim alique terrenae alique aquatiles dicuntur, quod hæ aquam, ille aërem recipiant. Alique inter has mediæ partim in aqua partim in terra versantur, aut quod partus in terra edant, cibum tamen ex aquis petant, aut quod partem maximam temporis in aqua transigant, reliquam in terra, quæ vel terrenæ vel aquatiles nominari possunt. Græci τὰ ζῷα ἐπιμφοτερίζοντα vocant, vel ἀμφίβια. quorum quædam inter marina & terrena ambigunt: quædam inter terrena & ea quæ aquas dulces incolunt de quorum nonnullis nunc tractabimus. In his habentur Ranae, Testudines lutariæ, serpentes palustres, sed quia in palustribus de Ranis & serpentibus diximus, ad alia rariora conuertenda oratio, quæ in terra plurimum versantur, sed in humore cibum capeffunt, nec ea quidem omnia, verum pauca quædam & cognitu magis necessaria.

De

De Testudine Lutaria.



CAPUT II.



ESTVDINVM genera quatuor cōstituit Plinius, Lib. 32. cap. 4. terrestres, marinas, lutarias, & eas quæ in aqua dulci uiuunt, quas Græci Emydas vocant, vt fusius docuimus

LIB. XVI. operis nostri de Piscibus marinis. Aristot. Testudinem lutariam, ab ea quæ in aqua uiuit non seiun-

xit, quam Murem aquatilem conuertit Gaza, quæ dicitur ab Aristotele μύς, vel fortasse έμύς. Hæc quam hîc exhibemus in palustribus & limosis aquis fossisque urbium & castellorum mœnia ambientibus uiuit. Ea sic à Plinio depingitur. Testudinum est tertium genus, in cœno ibidem. & paludibus viuentium. Latitudo his in dorso pectori similis, nec conuexo incurua calyce, ingrata visu. Et à Phauorino. Εμύς ζῷον ἐν λίμνῃ καὶ ἐν ποτῇ ῥόδιμον, ὃ δὲ χελώνη τ' ἐχέτω ἐρρύ. Vocatur à nostris *Tortugue d'aigue*, id est testudo aquatilis, ad discriminē terrestris, quæ duæ similes sunt, nisi quod aquatili cauda est longior perinde ac in muribus, à qua Muris aquatilis nomē accepisse crediderim. Testa colore est nigro, aliquot particulis, veluti tabellis pectinatim iunctis constat, pro arbitrio pedes, caudam, caput, modo exerit, modo recōdit. Pulmones, renes, vesicam, denique partes internas easdem habent lutariæ Testudines cum marinis, quas fusius suo loco explicauimus. Vescuntur insectis aquatilibus, limacibus, cochleis, herbis, vnde & in hortis aluntur, sed quibus aqua non desit, ea enim perpetuo carere non possunt. Cibo omni destitutæ diu viuunt, atque etiā absciso capite, quia cū frigido sint crasso, & viscido succo, is haud faciliè dissipatur nec cito absumitur. Diu sunt seruandæ vt teneriores reddantur, & concoctu faciliores. Integre in feruentem aquam iniiciuntur, vt testæ & ossa sepa-

rantur, deinde carnes oua, cæteræq; internæ partes friguntur. Sanguis actu frigidus sentitur, quem hæcicis nōnulli in potu dant, tū ad refrigerandum tum ad alendum. Iisdem & phthificis carnes cum hordeo coctæ maximè sunt vtilēs.

De Salamandra aquatili.



CAPVT III.

AEC bestiola quam exhibemus Salamandra est aquatilis, qua Pharmacopæi permulti hæcenus pro Scinco vti sunt. Quadrupes est in fontibus & stagnorum ripis habitans serpentum ritu, sæpe extra aquas errans, atq; ad solem stans, inde se nō saltu, sed celerissimo cursu in aquam recipiens. Vidi aliquādo non procul à Montepelio, vidi etiam frequentes in Vincentino agro. Lacertos corporis specie referunt, sed capite sunt paulò latiore, oris rictu Ranę simili, cauda vt in Cobite fluuiatili. Venenatum est animal, sed veneni vires imbecilliores esse comperio quàm Salamandræ. Quare ad eadem vti possumus sed inefficacius, vt ad pilos euellendos, & ad lepras. Pharmacopolas igitur valde improbo qui pro Scincis vsurpant. Non sum nescius amphibium hoc, siue aquatile tantum appellare mauis à plerisque pro Cordylo haberi. Quam opinionem primùm necessariis rationibus conuellemus, deinde alterā quę pro Scinco habet. Aristotelē proferemus cuius hæc verba sunt LIB. VIII. de Historia animalium, quò loco aquatiliū differentias ex diuerso victu recenset. Ζῆ δ' ἐν τῷ ὑγρῷ, ἢ ὅτε δέχεται δ' ὑγρὸν, καὶ ἔχει βράγχια, πορεύεται δ' εἰς δ' ξηρὸν, καὶ λαμβάνει τροφὴν. ἐν δ' ἔσται νῦν ὥστε) τοῖσιν οὗτοι γὰρ ἀνθρώποις ἴσως γὰρ πινόμενα εἶναι ἔχει, ἀλλὰ βράγχια, τετραποῦν δ' ἐστίν, ὡς δ' ἀνθρώποις πεφυκός. In humore quidem viuunt quę aquam hauriunt & brāchias habent, sed in siccum exeunt cibi capessendi gratia, quale vnum tantum vidimus Cordylum appellatum: hic enim pulmonem non habet sed branchias, quadrupelque est & ad gradiendum natura idoneus. Audis igitur Cordylum branchias habere. At hoc animal quod pro Cordylo proponitur pulmonem non branchias habere docet dissectio. Præterea non potius in terra cibum queritare quàm in aqua viuere experientia comperi: nam multos dies in aqua solum, viuum huiusmodi animal alacre conseruauimus nullo prorsus alio cibo iniecto.

De Scin

De Scinco.



CAPVT IIIII.



UPEREST altera, neque minus falsa, neque minus pernicioſa ſententia eorum qui ſuperiori capiti præfixam beſtiolam Scincum eſſe arbitrantur, quos ſatis refellunt ea quæ à Dioſcoride de Scinco prodita ſunt, eum ſcilicet eſſe aut Ægypti, aut Indiæ, aut rubri maris alumnum, quamuis inueniatur in Lydia Mauritaniæ. At hic fontium & ſtagnorum dulcium incola eſt. Iam verò cùm Scincus terreſtris Crocodilus dicatur, vix quicquam huic quem expreſſimus commune eſſe poteſt cum Crocodilo non ſolum figura, ſed nec vita cùm in aqua diutius viuat quàm in terra. Quare magis inclinatus animus, vt exiſtimem Scincum ſquamofum eſſe quadrupedem, quem rectè expreſſum capiti huic præfiximus, qui aliquot ab hinc annis Venetiis venditur exenteratus & ſalitus, ex Alexandria Ægypti. Eſt enim Crocodilo ſimilis, quatuor habet pedes, ſquamis paruis & frequentibus tegitur, capite eſt longo cauda rotunda breuiore quàm in lacerta, quæ omnia Scinco conueniunt ex Plinij autoritate, qui cum de Chamæleonte dixiſſet, hæc ſubiunxit. Ex eadem ſimilitudine eſt Scincus, quem quidam terreſtre Crocodilum eſſe dixerunt, candidiore autem & tenuiore cute. Præcipua tamen differentia dignoſcitur à Crocodilo aquatico, ſquamarum ſeta à cauda ad caput verſa. Maximus Indicus, deinde Arabicus. afferuntur falſi. Alio in loco Crocodilo aſſimilat. Similis Crocodilo ſed minor etiam Ichneumone, eſt in Nilo Scincus, contra venena præcipuum antidotum. Item ad inflammamdam virorum venerem. Quo ex loco vtile eſt ſtudioſos admoneri non citra dioriſmum Scincorum renibus ad venerem inflammamdam vtendum eſſe, quod tamen hodie plerique omnes Medici faciunt. Sunt enim quæ in mulieribus venerem accendunt, quæ in viris extinguunt, & contrà, quòd hominibus ſiccus ſit, magisque ſubſtantie igneæ particeps ſemen, in ſceminis humidius. Quare quæ calidiora fuerint hominum ſemen abſument, eadem in mulieribus frigidius, humidius ac velut ſopitum excitabunt, mouebunt, flatuq; diſtendent, vnde non mediocriter veneris libido accenditur. Roſtrum Scinci, ait Plinius & pedes in vino albo poti cupiditates veneris

Lib. 28. cap. 8.

Lib. 8. cap. 25.

Lib. 28. ca. 8.

accendunt, utique cum satyrio & eruce semine, singulis drachmis omnium, ac piperis duabus admistis, ita ut pastilli singularum drachmarum bibantur. Per se laterum carnes obolis binis cum myrrha & pipere pari modo potest, efficaciores ad idem creduntur. Prodest contra sagittas venenatas, ut Appelles tradit, postea sumptus. In antidota quoque nobilia additur. Sestius plusquam drachmę pōdere in vini hemina potum, perniciem afferre tradit. Præterea eiusdem decoctum cum melle sumptum venerem inhibere. Quę omnia ideo à nobis citata sunt, ut cognoscantur ij qui Scincorum renes in medicamentis prescribunt, non renes sed carnes quę circa renes sunt & latera intelligi. Deinde ut paulo diligentius excutiamus locum postremum quo traditur Scincorum decocto cum melle venerem inhiberi, quę superioribus ex diametro repugnant. Quia ob causam locum hunc medosum esse sagacis coniecturę vir ex Dioscoride colligere possit, qui cum dixisset carnes quę renes amplectuntur, id sibi virum vedicasse ut si drachmę pōdere bibatur, venerem accedat subdit, ἀποπάν εἰς τὸ ἑωρτάειν τὴν προβρυμία, φραγὴ ἀφελήμεν μὲν μέλιος πνομένη ἢ θεῖον αἶμα ἀφελήμεν μεθ' ὕδατος. Id est decocto lēris cum melle aut semine lactuce cum aqua potum veneris cupiditates inhiberi. Ex Dioscoride igitur à quo permulta transcripsisse Plinium constat, inemendatum esse Plinij locum suspicari licet. Eadem traduntur ab Aëtio: Scinci circa renes partes, ad tentiginem pudendorum ciendam bibuntur. Neque aliud magis contrarium huic facultati destruenda videtur, quam lactuce semine ex aqua potum. Quidam etiam lenticule decoctum cum melle potum tētiginē sedare tradunt.

De Crocodilo.



CAPUT V.



CROCODILVS Aqua destitutus diu vivere nequit. Eam ob causam inter animalia ancipitis naturę recenseri debet. Animal est quadrupes partim fluviatile, scilicet Niloticum, partim terrestre, quod ad quindecim cubita excrefcit autore Aristotele, vel plerumque ad duo

ad duodeuiginti aut Plinius. Inuenitur etiam in India noua in insulis Honoratæ urbis. Et flumen Darat Crocodilos gignit in Mauritania. Magno est oris rictu dentibus longissimis & validissimis, exertis, in utraq; maxilla pectinatim dispositis. Lingua caret Crocodilus Ægyptius, inquit Aristot. ea enim in re piscibus quibusdam similis est, cum enim pisces spineam nec absolutam contineant linguam, tum vel maxime nonnulli adeo lauem indiscretumque eum ipsum linguæ tributum locum fortiti sunt, ut nisi labrum admodum diduxeris, ne vestigium quidem linguæ inspicere possis. At reuera linguam habet, sed latam & breuem, ut in exsiccatis Crocodilis cernere licet, quos mercatores ex Ægypto deferendos curant, linguam, inquam, multo interiore quam in ceteris animantibus oris parte sitam, & hærentem. Cum igitur valde imperfecta sit, ea carere existimatur. Maxillam superiorem mouet Crocodilus, ut docet experientia, id quod annotat etiam Aristoteles. Maxillæ à capite protendantur ossa duo, quarum inferiorem animalia omnia mouent, excepto fluuiatili Crocodilo. Hic enim vnus non inferior, sed superiorem mouet. Sed id non solum ex omnibus animalibus Crocodilo peculiare, nam inter aues phœnicopterus superiorē partē rostri mouet, ut annotauit Menippus Philosophus LIB. de Homine. Crocodilis oculi sunt suillis similes, visus in aqua hebes, extra acutissimus. Cute est corticea, dura, contra omnem ictum inuicta, in dorso tuberculis inæqualibus aspera, in ventre leui. Pedes quatuor habet breues pro corporis magnitudine, qui in digitos vnguibus acutissimis munitos diuisi sunt, lateribus adnexa crura tum priora tum posteriora, retro inflexa, & paulum ad latus vergentia ut in lacertis. His in summa aqua expansis natat & cauda, in qua magnū inest robur. Interna lacertis similia habet. Oua parit sexaginta magnitudine ouorum anseris, nec aliud animal ex minore origine in maximam crescit magnitudinem, sexaginta dies oua parit, & dies totidem fouet. Alij tradunt ut lacertos oua obruere terra, deinde discedere, & sponte excludi, educariq;. Sexaginta dies latet & sine cibo durat autore Æliano. Dies in terra agit, noctes aqua, teporis utrumq; ratione. In aqua pisces vorat, in terra humanæ carnis est appetens, in alia etiam animalia impetum facit, ut in canes. Vnde prouerbiū, Tāquam canis est Nilo, quod canes currēdo bibant. Ferunt fame pressos Crocodilos hausta aqua os implere, eamq; in via effundere, ut homines aquatum venturos & ob loci lubricum delapsos corripiant & vorent. Terribilis hæc contra sagaces belua est, fugax contra insequentes. Parua avis quæ Trochilus in Ægypto vocatur, rex auium in Italia, inuitat Crocodilum ad hiadum pabuli sui gratia, os primum eius ad sultum repurgans, mox dentes & intus fauces quoq;, ad hanc scabendi dulcedinem quam maxime hiantes, in qua voluptate somno oppressum conspicatus ichneumon, per easdem fauces ut telum aliquod immissus, erodit aluum. Tradit Plinius alium esse

Lib. 3. de hist.
cap. 7.

Lib. 8. cap. 25.

Crocodilo hostem. Delphinum, qui se ut territi immergentes cultelata dorsi pinna Crocodili aluum, cuius mollis tenuisque est cutis secans. Qua de re quid sentiam quum de Delphino agerem exposui. Sūt qui Crocodilū podice carere credant, sed falso. Cū enim oua pariat, meatu aliquo ea emitti necesse est, atque eodem excrementa excerni, ut in lacertis & aliis animalibus quæ oua pariunt euenit. Sed ut in lacertis, ita in Crocodilis meatus nō apparet squama siue cortice tectus. quamobrem eo carere existimantur. At ij quum egerere volunt, cerni potest. Crocodilos aliquando cicurari posse autor est Aristoteles. Carniuora mansuescunt commodi sui ratione, quale se genus Crocodili exhibet sacerdoti locis quibusdam propter cibi curā quæ ibi infumitur, quod idem fieri ceteris etiam locis intelligi licet. Plutarchus refert Philinum qui Ægyptum obierat sibi in Ægypti Anteo nuncupato auiculam inspexisse simul cum Crocodilo dormientem, eidemq; hūc porrectum adiacere. Strabo narrat in Arsinoë quæ prius Crocodilorum ciuitas dicebatur, cultui habitos sacrosque fuisse Crocodilos, & à sacerdotibus nutritos pane carne & vino, quæ à peregrinis afferrentur ad huiusmodi spectaculū venientibus, à sacerdote vno Crocodili os aperiri, ab alio panem, carnē, vinū iniici, tum Crocodilos in lacum exilire. Sunt quæ antipathia quadam Crocodilis aduersantur, ut potamogeton herba, quam secum habent qui Crocodilos venātur. Est & coluber in aquis viuēs, cuius fel & adipē habēt qui Crocodilis insidiantur, miręque inde adiuuari produntur, nil contrā belua audente, efficacius etiamnum si herba potamogeton misceatur.

*Lib. 9. de hist.
cop. 1.*

Lib. 17. Georg.

De Crocodilo terrestri.

CAPUT VI.

Lib. 18. cap. 8.




PLINIVS genera duo Crocodilorum constituit. Proximè fabulosus est Crocodilus, inquit, ingenio quoque illo, cui vita in aqua terræque communis. Duo enim genera eorum: illius è dextra maxilla dentes adalligati dextra lacerto, coitus (si credimus) stimulant. Canini eius dentes febres statas arcent repleti (sunt enim caui) ita ne diebus quinque ab ægro cernantur qui adalligauere. Idem pollere & ventre exemptos lapillos, aduersus febrium horrores venientes tradunt: hac enim de causa Ægyptij perungunt adipe ægros suos. Alter illi similis multum infra magnitudinem, in terra tantum, odoratissimisque floribus viuit, ob id intestina eius diligenter exquiruntur iucundo odore referta. Crocodileam vocant, oculorum vitis utilissimam, cum porri succo inunctam, & contra suffusiones vel caligines. Hoc secundum

Croco

Crocodili genus quale sit, ingenuè fateor me nescire, malo enim id fateri quàm mihi ipsi studiosisque imponere ac res incertas pro certis proponere. Igitur an hæc secūda Crocodili species Scincus sit mihi nondum certum est, quamvis dicat Plinius. Scincum quorundam sententia terrestrem esse Crocodilum. Non sum nescius pro Crocodilo terrestri à viris doctis haberi, à quibusdam etiam exhiberi animal Crocodilo aspectu simile, corpore quidem leui, ceterùm capite, cauda & pedibus cortice squamoso contectis. Verùm quia post oris rictum branchiarum rima apparet, neque Scincum, neque Crocodili speciem esse dixerim, propterea quod Crocodili brachiis careant, sed solus Cordylus ex pedestribus habeat, quas subesse rima illa etiā in pictura authoris librorum de aquatilibus expressa indicat. Neque verò Cordylus Aristotelis, Crocodilus terrestris esse potest, quoniam Cordylus partim in aqua degit, partim in terra, Crocodilus terrestris in terra tantum, ad discrimen illius qui ancipitis est naturæ.

De Cordylo.



CAPVT VII.

QUOD Hic exhibetur animal Crocodilū terrestrem non esse proximo capite docuimus, sed Cordylū Aristotelis esse crediderim, cuius tribus in locis meminit, annotans ex iis animalibus quæ pedes habent unū tantum esse Cordylum qui brachias habeat. Primus locus iam citatus est capite de Salamandra aquatili. Alter est LIB. IIII. de partibus animal. Οἱ δὲ χόρδυλοι βράγchia ἔχοντες, πόδας ἔχουσι, πτερύγια γὰρ οὐκ ἔχουσι ἀλλὰ τὸ ἔρπον μανώδη καὶ πλατεῖον. Cordyli branchias habēt & pedes, pinnis enim carent, sed cauda illis soluta & lata. Tertius est in libro de respiratione. Ἀποδες δὲ πάντες ἰχθύες, καὶ γὰρ οὐκ ἔχουσιν χολὴν ὁμοιοῦντα τῶν πτερύγων ἔχουσιν, τῶν δὲ πόδας ἔχοντων ἐν ἔχει βράγχιον μόνον τῶν τεθεωρημένων ὁ μεγάλτερος χόρδυλος. Pedibus carēt pisces oēs, etenim quæcūq; habēt ad similitudinē pīnarū habēt. Verū ex iis quæ pedes habēt, unū nouimus cui sint brachia, Cordylus appellatur Hic dissimulare nō oportet in exemplaribus excusis aliquādo Crocodilū vel crocodiliū repertū fuisse.

At recte Cordylum legas testimonio Athenæi Aristotelem citantis.
 χόρδυλος. τὸν Ἀριστοτέλης φησὶν ἀμφίβιον εἶναι, καὶ τελεῖσθαι ὑπὸ τοῦ ἡλίου ἀνα-
 θέσθαι. Νεμενίος δ' ἐν ἀλιβαλαφὶ χόρδυλον αὖτις χελεῖ. Cum igitur quod hîc
 proponitur quadrupes scissuram branchiarum & branchias habeat
 non possum non existimare Cordylū esse Aristotelis, cui soli ex qua-
 drupedibus contigit branchias habere. Est quidem Crocodilo similis
 sed minor. In dorso cute tantū integitur, cortice squamoso cauda,
 pedibus, capite tectis. Capite est minore breuiore minúsque acuto
 quàm Crocodilus post oris rictum foramen vnicum seu rimam bran-
 chiarum habet, pedes in digitos quinque diuisos, his & cauda natat.

De Castore.



CAPUT VIII.



IBRIS Quoque quos Castores vocant in terris &
 in aqua victus est. Quare inter ancipitis naturæ ani-
 malia rectè collocantur, de quibus etsi multi multa
 scripserint, partim ex veterū & probatorum scripto-
 rum libris, partim ex iis quæ ipsi viderunt & obserua-
 runt, tamen inutilis non fuerit hic labor meus eadem rursus pertra-
 ctādi, quia quedam proferimus quæ ad partium tum internarū, tum
 externarum

externarum cognitionem pertinent, quæ à nullo, quod sciam, literis prodita sunt, maximè ex percontatione & colloquio optimi doctissimi que viri Gulielmi Pelicerij Monspelienſis epiſcopi accepta, qui diu domi Caſtores aluit tum minores tum maiores, vt eorum partes, naturam, mores penitus noſſet. Κάτωρ à Græcis παρά δ' γαστήρ, γάτωρ καὶ γάτωρ, ὑπογάστριον γὰρ δ' ἔσθων, καὶ χέρον ὅλον καὶ χεῖρα. id est, à dictione γαστήρ quæ ventrem ſignificat, quod ventroſum ſit animal. Reiicienda igitur quorundam Grammaticorum etymologia qui dictum Caſtorem volunt quod ſeiſum caſtret, vel quòd ob Caſtorium à quærentibus caſtretur. κατάρτιον teſtes Caſtoris vocant, vt annotat Galenus. Fibrum Latine dictum volunt à fibris id est amnium ripis quas incolit. Canem Panticum alij vocant. Galli *bifre*, alij *bieure* nominant. Ab Italis *biuaro*, à Germanis *bibergeil*. Sunt qui à Lutra non diſtinguunt, cum maximè cauda differat, & viribus Lutra Caſtore multò ſit inferior. Caſtor animal eſt amphibium, ac veluti Sciurus aquatilis. Capite, oculis, dentibus murem refert, lingua ſuam, maxillis leporem, roſtro canem barbatum. Dentes longi ſunt, lati, recurui. Animal horrèdi morſus, arbores iuxta flumina vt ferro cædit, hominis parte comprehenſa, non antequam fracta cõcrepuerint oſſa morſu reſoluit. In interiore maxillæ vtriuſque parte octoni ſunt molares, inæquales. Auriculæ parvæ pilis obtectæ. Priores pedes ſimiæ pedibus, poſteriores anſerinis ſimiles, quibus potiſſimum & caudæ latitudine natat, prioribus foueam ſibi cauat in ripis amnium, eamque componit lignis à ſe caſis ea arte collocatis, vt vel decreſcente vel increſcente aqua partem anteriore corporis in ſicco, caudā verò in aqua habere poſſit. quia cauda extra aquam exſiccatur, durior, rigidiórque redditur, atq; ideo minus obſequens præſertim in excernendis alui excrementis, quam ob cauſam partem poſteriore in aqua tenere exiſtimant diligètes rerum perueſtigatores, alioqui ægrè admodum excrementa reiicit, tum quia fellis parum in inſtina inſluit, illud enim frequenter euomit. tum quia alimentis ſiccis maxime veſcitur, vt ramis & corticibus arborum. Anterioribus pedibus ſimiarum vel ſciurorum ritu tanquam manibus cibum ori admouet. Cauda illi piſcium, id eſt, ſquamoſa quæadmodum piſces ſquamoſi ſunt, prona parte, ſupina glabra & læuis. Partibus internis porco quàm alteri animali ſimilior ſcilicet lingua, pulmone, corde, ventriculo, inſtina, hepate in quinque lobos diuiſo, in minoribus lobis fel latet, ſplen paruus pro corporis magnitudine, renes magni pinguitudine obducti non aliter quàm in vitulo anniculo. Veſica ſuillæ ſimilis, teſtes parui, ſubſtrictiq; & adhærentes ſpinæ, qui admiſine vita animalis nõ poſſunt. Quare amputari hos ab iſtis quum capiuntur negat Seſtius diligentiffimus medicinæ autore Plinio LIB. XXXII. quod tamen videtur affirmare Plinius LIB. VIII. Eaſdem

Lib. ii. de fac.
ſimpl. med.

Cap. 30.
Cap. 30.

Lib. 2. c. 16.

partes sibiipfi Pontici amputant Fibri periculo vrgente, ob hoc se peti gnari, castoreum id vocant Medici, aliàs animal horrendi morfus. Priorem sententiam secutus est Dioscorides. Vanum est quod traditur testes ab ipsis euelli, & à sese abiici quum venatu vrgentur: si quidem tangi nequeunt, ita vt in sue substricti. Fibri in inguinibus geminos timores habent, vtrinque vnicum membrana sua còclusum, oui anserini magnitudine, inter hos est mentula in maribus, in fœminis pudendū. Hi tumores testes non sunt, sed follicuti membrana, vt dixi, contecti in quorum medio singuli sunt meatus, è quibus exudat liquor pinguis & cerosus, quē ipse Castor sæpe admoto ore lambit & exugit, postea hoc veluti oleo quas potest corporis partes còtingere, oblinat, non aliter quàm aues præsertim eas quas ad aucupiū ὀρνιθοκῆμοι alunt, quibus supra podicē siue prona in parte caudæ vesicula est in qua inest liquor quidā pinguis oleo similis quē rostro exhauriūt, ac pennas primū maiores deinde minimas quasque pinnas perungunt, id quod Galli aucupio dediti *Proindre* vocant, id est, perungere, atq; hoc maximè prognostico pluuiā præfagiri aiūt, natura aues sub dio degere salitas ad id stimulant vt veluti oleo illitæ pennæ nō malefiant. Hos tumores testes nō esse hinc maximè colligas quod ab his nulla sit ad mentulam via neque ductus quo humor in mentulæ meatum deriuatur & foras emittatur. Præterea quod testes intus reperiuntur. Liqueur ille de quo loquimur, quum recens est, oleū refert, quum vetustior mellis liquidi colore est & crassitudine. Idem leporum exemplo declarare non inutile fuerit. Iis in vtroque inguine tumor est, glandulæ prominentis modo, intus meatus est varicosus, capreoli modo intortus è quo liquor effluit. Hos tumores cum in omnibus leporibus obseruasset vulgus, lepores omnes simul mares & fœminas esse credidit. Eosdem tumores Moscho animali esse puto à quibus odoratum illud pus emanat. Neque sunt audiendi qui putant tuberculi, vel vmbilici inflammati saniem esse. Tumorem esse glandulæ vel testiculo similem membrana circumdatum norunt, qui adulterant, nam in testiculi formam effingunt, ac testiculum Moschi appellant. Hæc quæ de tumoribus inguinum castoris & liquore inde manante à nobis prodita sunt, cum ita se habere doceat ipsa inspectio atque experientia nunc inquirendum sint ne Castoris testes quibus olim vsi sunt veteres in præstantissimis remediis, quibus hodie quoque sæpius vtimur, an verò tumores illi liquore ceroso grauidi de quibus iam diximus. Et si testibus vsi sint veteres possimus ne in eorum vicem tumores illos vtiliter vsurpare. Primū testibus vfos fuisse antiquos perspicuè docent ipsorum scripta. Ὁρχεῖς καὶ σπόρος ὀνομαζέσθαι χρῆσθαι, inquit Galenus, ἐνδοξον ὅτι καὶ πολὺ χρῆσθαι φάρμακον. Lib. 2. c. 16. 5. μ. & γ. Sæpius apud Plinium, paruos esse ait substrictosq; & adhæren-

tes spinæ. Adulterari autem renibus eiusdem qui sint grandes, cum veri testes parui admodum reperiantur. Præterea ne velicas quidem esse cum sint geminæ, quot nulli animantium. Itaque inter probationes falsi esse geminos folliculos in vno nexu dependentes. In his folliculis inueniri liquorem, & asseruari sale, & corrumpi fraude, coniciuntibus gumi cum sanguine aut ammoniaco: quoniam ammoniaci coloris esse debeant, tunicis circumdati, liquore veluti mellis cerosi odoris graui, gusto amaro & acri, friabiles. Quæ postrema nota de exsiccatō te ste cum suo liquore intelligenda est: friabile enim humori competere non potest. Idem de testibus Castoris ex Dioscoride colligitur, qui eligi vult testes ex vno ortu connexos, liquore intus ceroso, odore graui & virus redolente gustu acri, mordente, frabili, naturalibus tunicis circumdato. Nunc quod venditur Castorium etiam si adulteratum non sit testes non esse magnitudo ipsa conuincit, illi enim parui sunt admodum, & gallorum gallinaccorum testiculos magnitudine non multum excedunt, Castorium vero nostrum multo maius est, nihilque aliud planè quàm tumores ij quos & oratione & pictura expressimus, execti atque exsiccati tunica veluti seroto inuoluti, qui pro testibus habentur, quia eo loco sunt quo in quadrupedibus pendunt testes ex vtraque penis parte. Quare non mirum si pro testibus hodie venales proponuntur. Sed facultatibus ne differant vocari in desceptionem potest. qua de re dicam quod sentio Tumorum liquorem liquidiorē esse tenuiorūque partium quàm testium, quod saporis odorisque maior acrimonia declarat, ac proinde in remediis quæ extrinsecus adhibentur efficacior erit, iis vero quæ assumentur vis minuenda pro affectus ratione. Atque existimo veteres ipsos tumorum potius quàm testium liquorem medicamentis promiscuisse, vt ex liquoris cerosi consistentia, odore graui, virus redolente, ex gustu acri, mordente colligere licet quas omnes notas veriores esse in tumorum quàm in testium liquore comperies. Reliquas corporis particulas actiones morésque persequamur. Fœminæ quam hic depinximus vnicus est meatus & ad excernenda excrementa, & ad pariendum. Cute regitur & pilis densis breuibisque & mollibus Lutræ modo. Carne est dura, pingui, bubulæ simili, semper virus olet. quo quomodo condiatur malum succum gignit, assa melior est aromatis aspersis. Dioscorides cum piscibus & Cancris in aqua viuere non piscibus & Cancris vesci intellexisse videtur. Verba eius sunt. Ζῶον ἀμφιβιον ἐστὶ τὸ πλεῖστον ἐν ὕδατι. ὧν ἰχθύσι καὶ καρκίνοις φερβύουσιν. Id est, Fiber ancipitis vitæ animal plerumque cum piscibus & cancris victum in aqua capeffit. Et reuera corticibus & ramis arborum maximè salicum ac foliis & fructibus potius vesci experientia comperit Gulielmus Pelicerius Monspeliensis Episcopus, qui fibris

quos alebat frequenter pisces & viuos & mortuos obiecit, à quibus omnino abstinerent, ac ne degustarent quidem, cum tamen versari in aqua maximè cibi causa videri possit. Permirum illud quoque est quod idem mihi affirmavit de Castore fœmina, quæ catulis ereptis conclusa portis firmissimis arrosis & clavis ferreis euulsis, patefacto aditu ex alto loco præcipitem se dedit. Magnus est Castoris in medicina vsus, nam vt à pelle incipiam, vtile est podagricis, calceari pelli- bus fibrinis ponticis. Vrina venenis resistit, quæ commodè seruatur in sua vesica ad antidota. Fel ad oculorum suffusiones & ad venerem in mulieribus excitandam valet. Coagulum epilepticis conuenire creditur. Tumores inguinum & testes in frigidis & humidis morbis magno sunt auxilio, cum siccò sint & frigido temperamento, quod ex acri odore & sapore colligas. Serpentum venenis aduersantur, sternu- tamenta mouent, & in vniuersum varios obtinent vsus quos declarat Dioscorides LIB. II. Galenus LIB. XI. de facultatibus simpl. medi. & Plinius variis in locis quæ omnia describere superuacaneum foret. Venenis resistere declarant antidoti quibus miscetur vt Theriaca. Opij vires debilitat, ob id narcoticis adhibetur, purgantibus vero ad crassam pituitam incidendam & educendam. Efficacissimum est Ca-

Lib. 32. cap. 3. storium ex Ponto Galatiæ, mox Africæ vt tradit Plinius, quod tamen Strabonis autoritate impulsì nonnulli improbare possent, cum scri- bat Castorium Ponticum esse *φαρμακῶδες* si id venenatum interpreta- rentur, quod tamen verum non est. Nam Strabo de hispania loquens Castorium Hispanicum cum Pontico conferens hoc efficacissimum, Lib. 3. georg. illud imbecillum esse intelligit. verba eius sunt. *Κάστορας μὲν φέ- ρουσι μὲν οἱ Πόντοι, ὃ δὲ χεστῶρον ἐστὶ ἐχθρὸν ὡς τὸ δυνάμει τῷ ποντικῷ. ἴδιον γὰρ τῷ ποντικῷ παρέστι φαρμακῶδες χεστῶστερ ἄλλοις πολλοῖς.* Id est Ca- stores quidem in fluuiis inueniuntur, sed castorium eandem vim mi- nimè habet cum Pontico, cui proprium est efficacissimam habere in medicamentis vim. Neque huic sententiæ nostræ refragatur quod Auicenna, aliq; Arabes aduersus morbos à Castorio tanquam vene- nato excitatos remedia & antidota præscribunt. Nā de Castorio nigro, fœtido, rancido, corrupto loquuntur, quod venenatū esse vnòque die hominē perimere traditur, & in insaniam agere ob immodicam sic- candi facultatem. Est & hoc loco non dissimulandus error auctoris libro de aquatilibus, qui Castorem siue Fibrum, Aristotelis Lata- cem esse scribit, cum Aristoteles ipse eodem in loco Castorem & La- Lib. 8. de hist. ap. 5. racem ad diuersos ponat. *τοιούτῃ δ' ἐστὶν ὅτε χελέμυρος χεστῶρ, καὶ ὃ ἀνέλεον, καὶ ἀνέλεον, καὶ ἐνυδρὲς, καὶ ἡ χελέμυρος λάταξ.* Neque est quod quanquam id moueat quod scribit Aristoteles Lataci dentes esse robustos, noctūque egredi, virgulta proxima suis dentibus vt ferro præcidere, quæ Castori tribuit Plinius. Etenim id Castori, Lata- ci,

ci, & Lutra commune est. Vnde Varro Lutras quasi Lytras, dictas esse existimat, quod arborum radices in ripa succidat & dissoluat, quod Græcis est, *λύτρα*. Lutra quidem præter differentias quas alij adferunt à Castore differt renibus qui in Lutra magni sunt, ac veluti ex multis paruis renibus compacti, quales esse Delphinis & Vitulis terrestribus alibi diximus. Latax verò à Castore quod Lataci pilus sit durior medius inter pilum vituli marini & cerui.

Poteram aliquot alia tum palustria, tum amphibia animalia ad superiora adiungere. Sed quia satis multa de iis cum veteres tum recentiores scriptores tradiderint, & in libris suis ea repræsentarint, eadem hîc repetere nihil est necesse. Quare ordine explicatis iis quæ Elencho Libris De Piscibus marinis præposito cōtinentur, scilicet marinorum piscium generibus omnibus, stagnorum marinorum piscibus, præterea Lacustribus, fluuiatilibus, palustribus, amphibiiis, vniuersæ piscium historiæ finem modumque facio: cuius reprehensores multos, atque etiam vituperatores, paucos verò approbatores, & æquos existimatores fore longè ante prospexi: adeo difficile est in hac temporum infelicitate, & permagna ingeniorum iudiciorumque varietate aliquid efficere, vel sentire quod pluribus probari possit. Qui quæstu omnia metiuntur, quique Philosophiam ac Medicinam latius patere non existimant quàm ipsi cernere animo ac circumspicere possint, ii inanes hos meos labores, frustraque susceptos esse iudicabunt, quorum præposterum peruersumque iudicium etiam me tacente à liberis & eruditis hominibus satis improbat, ab iisque illi hominibus ex imperita multitudine atque ex infima plebe nihilo præstantiores habentur. Alii hoc quidē scriptionis genus latinis literis illustrandum fuisse non negabunt, neque Philosopho Medicove indignum opus esse existimabunt, sed ex his fortasse non defuturi sunt qui cum *πολλὰ ῥάων μωμῶσιν* possint *ἢ μωμῶσιν*, multa reprehendent, ac etiam cauillabuntur. Hos tamen æquiores laborum meorum iudices fore spero, si hoc vnum ab illis impetrauero, vt cogitent ob effusos sumptus qui necessario in hanc rem faciendi fuerunt, principis aut locupletissimi alicuius viri potius quam meum opus hoc esse debuisse. Deinde cum pictoribus ac sculptoribus intolerando hominū genere mihi rem fuisse, tum multa excusaturos ac studia conatusque meos laudaturos certo scio. Quod si qui sint qui ita omnia ad viuum resercent, vt nihil nisi quod exquisitissimum sit probare possint, eos oro atque obtestor, vt in hoc vel simili scriptionis genere versari velint, ac perfectiora limatioraque edere, atque ea libentissimo animo sumus amplexuri. Interim hac præclara conscientia sustentor, quod summis vigiliis ac sumptibus in vniuersa Piscium Historia pertra-

ctanda multa laude non indigna præstiterim, ad studioforum omnium vtilitatem, & ad summam excellentissimorum

Dei Opti. Maxi. operum admiratio-

nem omnia referens, & il-

lius laudem & glo-

riam sempi-

ternam.



Τέλος Ἰωὶ θεῶ.



Errata sic corrigito.

Pagina 9. pro sint, sit.

Pag. 17. pro pactines, pectines

Pag. 100. pro offossa, effossa

Pa. 150. pro aliquando post, aliquanto.

pag. 209. pro puberem, puluerem.



INDEX RERVM COGNITV NECESSARIARVM, QVAE TOTO OPERE SPARSÆ

S V N T.

55

A



METHYSTINA

vestimēta. pa. 73

Amphibia quæ di-
cantur. 228

Anguille quomodo
capiantur. 201

Anguille descriptio. 198

Anguille quando & quomodo capian-
tur. 200

Anguille quomodo generentur. 199

Anguille mortuæ cur non superflui-
tant. 200

Anguille quali succo & carne. 201

Animalia mortua cur superfluitāt. 201

Anguillarum coitus. 199

Anguillarum differentia. 198

Ardiva vestes. 71

Aporrhaides ex quo sint genere &
quæ sint. 79

Asili marini descriptio. 112. & 113

Asilus cum pediculo marino à quibus-
dam temere confunditur. 113

Astaci scatophagi sunt. 210

Astaci marini parvi descriptio. 211

Astaci caro & succus. 211

Astaci fluviatilis descriptio. 210

Attili descriptio ex Calcagnino. 174

Attilus Pado peculiariis est piscus. 173

Attilus qua sit carne. 175

Aues imminente pluvia pennas per-
ungunt. 238

Auli unde dicti. 42

Aurate marini stagni. 139

Auris marina ab aure Veneris di-
versa. 6

Auris marina descriptio. 6

Auris marina cur dicatur. 6

B

Balanorum differentia ex magnitudi-
ne & loci varietate. 29

Balanorum species secunda. 30

Balanus marinus unde dicatur. 28

Balleri historia. 155

Barbi piscis descriptio. 194

Blattæ Byzantiæ. 70

Buccini descriptio. 82

Buccini parvi & striati descriptio. 83

Byssus terrestris quid sit. 54

Byssi usus in Pinna. 51

Byssus marinus. 55

Baldavos variè sumitur. 28

C

Cancris fluviatilis caro, succus, usus in
medicina. 209

Cancris fluviatilis descriptio. 209

Cācri marinarū stagnorū historia. 144

Cancris marinarum stagnorum usus in
medicina. 144

Canis è Nilo. 233

Carpionis Italici historia. 158

Castorem testes sibi amputare falsum
est. 237

INDEX

Castores in inguinibus tumores habēt ē quibus manat liquor.	238	Concha echinata d. scriptio.	22
Castor & latus idem non sunt.	240	Concha virgata.	31
Castoris historia.	237	Concha rugata descriptio.	25
Castoris victus.	239	Concha imbricata descriptio & eius dem succus.	20
Castoris vires in medicamentis.	240	Concha pictorum unde dicta & eius dem descriptio.	24
Castoris caro.	239	Concha fasciata descriptio.	32
Castoris testibus vsi veteres in medi- cina.	238	Concharum varietas mira.	19
Castorium nostrum quale.	239	Concharum venerearum descri- ptio.	102. & 103
Castorium Hispanicū & Ponticū.	240	Concharum crassarum testa vsus.	32
Castorium quid sit.	237	Concharum longarum descriptio.	23
Chalcides an in marinis piscibus sunt habenda.	148	Concharum differentia.	30
Chama unde dicta.	10	Concharū striatarū descriptio. 21. & 22	
Chama nigra descriptio.	35	Conchula lactea descriptio & in fucis vsus.	91
Chama aspera descriptio.	14	Conchula rugata descriptio.	26
Chama à conchis diuersa sunt.	9	Conchula varia descriptio.	26
Chamarum confusa & difficilis histo- ria.	9	Conchylarij, Conchylileguli & Con- chyle.	85
Chamarum differentia.	10	Conchylj succus in cibis eiusdem in me- dicamentis vsus.	75
Chamelea descriptio.	11	Conchylj descriptio.	85
Coccus aliud quam Purpura.	73	Conchyliorum & Buccinorum opercula & eorū in medicina vsus. 86. & 87	
Coccus quid.	74	Conchylum quid.	83
Cochlea calata cum suo operculo de- scriptio.	98	Conchylum & Buccinum differunt.	84
Cochlea lauis turbine obtuso descri- ptio.	100	Cordylj descriptio.	235
Cochlea margaritifera descriptio.	7	Cotti piscis descriptio.	203
Cochlea quae in oleario erat vsu descri- ptio.	96	Cucumeris marini descriptio.	131
Cochlea depresso descriptio.	100	Crotalia quae dicantur.	60
Cochlea Strombi non recte dicuntur.	95	Crocodili Delphini hostis.	234
Cochlea echinophora descriptio.	99	Crocodili Aegyptij descriptio.	233
Cochlea Cylindroid. descriptio.	99	Crocodili mores.	233
Cochlearum genera diuersa.	95	Crocodilus superiorē maxillā mouet.	233
Cochlearum Umbilicarum descri- ptiones.	105. & 106	Kpoxides purpurarum & vsus.	74
Concha corallina descriptio.	25	Crocodilus an lingua careat.	233
Concha Venerea descriptio.	101	Crustata omnia cur Luna crescēte au- geantur & contra.	39
Concha quot modis sumatur.	1	Cyprini partus.	152
Concha matris Unionum descriptio.	33	Cyprini lati descriptio.	153

R E R V M.

Cyprini aculeati descriptio.	153	Holothuria & tethya malè confudit	
Cyprini descriptio.	151	Gaza.	124
Cyprini mira speciei descriptio.	154	Holothuriorum secunda speciei descri-	
Cyprini caro & succus.	152	ptio.	126
Cyprinus lingua caret.	151	Holothuriorum primi generis descri-	
Cyprinus an marinus an fluuiatilis		ptio.	125
piscis sit habendus.	150		
D			
Dactyli unde dicti.	42	Ichthyocolla ex quibus fiat, & quis e-	
Dibaphum.	73	ius in medicina usus. 179. &	180
Dioscoridæ & Galeni loci emendati.	84	Ichthyocolla etiam piscis nomen est.	179
Donaces unde dicti.	42	Ichneumon Crocodili hostis.	233
E			
Εγχαλυσ unde dicta.	198	Insecta quæ dicantur.	107
Elenchi.	6	Ibna quæ dicantur in Purpuris.	68
Eudæpis Plinio est, serpens aquatilis			
Aristoteli lutra.	226	L	
Exosus piscis descriptio.	177	Lac ostreorum.	36
Eschare marina descriptio.	133	Lacus qui sunt.	147
G			
Galeni locus emendatus.	193	Lauareti historia.	162
Galeus Rhodius idem non est cum Aci		Lepadæ more adheret.	4
pensere.	176	Lepadæ species duæ.	3
Galei Rhodij caro & succus.	177	Lepadæ descriptio.	4
Galadum descriptio.	31	Lepadæ parua descriptio.	5
Glandium marinarum descriptio.	29	Lepadæ an à saxis soluantur.	4
Glycymeridum descriptio.	13	Lepadibus & Tellinis in os sumptis tu	
Gobiones & Aphyæ marinarum sta-		be sonos imitabantur pueri.	8
gnorum.	143	Limnoſtreorum descriptio.	35
Grando in porcis quid & quomodo de-		Lota Lugdunensis descriptio.	164
prehendatur.	57	Lucij maxillarum usus in medi-	
Gulielmus du choul Allobrogum pre-		nis.	190
fectus.	24. & 76	Lucius qua sit carne & succo.	189
H			
Hippocampus hydrophobia resistit.	17	Lucij piscis historia.	188
Hippocâpi in medicina usus. 116. &	117	Lucius mulla labrum mordicus appre	
Hippocampus à Græcis unde dica-		hendit.	184
tur.	114	Lupi in marinis stagnis hyeme mor-	
Hippocâpus ex genere locust. nō est.	116	tui reperiuntur.	141
Hippocampi descriptio.	115	M	
Hirudinæ marinæ descriptio.	111	Mali insani marini descriptio.	130
Hirudinum historia & usus in medi-		Mentula alterius descriptio.	129
camentis.	222. & 227	Mentula marinæ descriptio.	128
		Murex in testaceis quid.	52
		Mugiles marinarum stagnorum.	141
		Mugilum fluuiatilium genera.	190
		Mulli marinarum stagnorum.	142
		Muricis Coracoid. descriptio.	78

<i>Muricis triangularis descriptio.</i>	77	<i>Ostreorum speciatim dictorum differ-</i>	
<i>Murex quid sit.</i>	75	<i>rentia.</i>	34
<i>Muricis marmorei descriptio.</i>	76	<i>Ostreorum caro & succus.</i>	38
<i>Mustelle palustris descriptio.</i>	165	<i>Ostrum sarranum.</i>	73
<i>Musculi striati descriptio.</i>	28	<i>Ostrum quid & unde dictum.</i>	72
<i>Musculorum descriptio.</i>	46	<i>Oxyrynchorum piscium historia.</i>	195
<i>Musculi nomen variè sumitur.</i>	45	P	
<i>Musculi foliati an rectè dicantur.</i>	47	<i>Pigi historia.</i>	153
<i>Myes in diuerso genere diuersa significat.</i>	45	<i>Partes supina & prona in piscibus.</i>	175
<i>Mytutorum descriptio.</i>	48	<i>Patella maior Aporrhais non est.</i>	6
<i>Mytuli nomen variè sumitur.</i>	45	<i>Pectinis descriptio.</i>	15
<i>Mytutorum testa usus.</i>	48	<i>Pectines an oculos habeant.</i>	16
N		<i>Pectinis alterius descriptio.</i>	17
<i>Nerita an in turbinatorum sint genere.</i>	93	<i>Pectinum caro & succus.</i>	16
<i>Neritarum Aeliani descriptio.</i>	94	<i>Pectunculorum pro Tellinis videtur vsur-</i>	
<i>Neritarum descriptio.</i>	94	<i>passe Plinius.</i>	7
O		<i>Pectuncolorum descriptio.</i>	18
<i>Operculum purpure quid.</i>	70	<i>Pectines à Pectunculis diuersi.</i>	15
<i>Ostracoderma quæ sint, & cur dicantur.</i>	1	<i>Pectuncolorum caro & succus.</i>	18
<i>Ostracoderma omnia cur luna crescente augentur & contra.</i>	39	<i>Pediculi & vermes stagnorum mariorum.</i>	145
<i>Ostracium quid.</i>	84	<i>Pelagium an purpure species sit.</i>	64
<i>Ostrea Compasta.</i>	38	<i>Pelides significatio.</i>	47
<i>Ostrea & Ostrea quæ sint.</i>	1 & 2	<i>Peloridum descriptio.</i>	12
<i>Ostrea maiora ne sint in marina an in permista aqua procreata.</i>	35	<i>Pelorides unde dictæ.</i>	12
<i>Ostrea syluestria quæ sint.</i>	40	<i>Penna marina descriptio.</i>	129
<i>Ostrea in opacis locis infelicius proueniunt.</i>	36	<i>Penicilli marini descriptio.</i>	111
<i>Ostrea ex lacte effuso prouenire possunt.</i>	36	<i>Perca fluuiatilis à marina multum differt.</i>	197
<i>Ostrea meliora quæ in mistis aquis ex marina & dulci proueniunt.</i>	35	<i>Perna descriptio.</i>	53
<i>Ostrea & Ostrea.</i>	2	<i>Pholades unde dicantur.</i>	50
<i>Ostreorum pelagiorum descriptio.</i>	37	<i>Pholadum descriptio.</i>	49
<i>Ostreorum uinaria.</i>	38	<i>Phenicopter superiorum rostri partem mouet.</i>	233
<i>Ostreorum testa cinis.</i>	39	<i>Picta toga.</i>	71
<i>Ostreorum differentia ex locorum varietate.</i>	38	<i>Pinna quali succo & carne.</i>	51
		<i>Pinna unde dicatur.</i>	50
		<i>Pinna parue descriptio.</i>	53
		<i>Pinna magnæ descriptio.</i>	53
		<i>Piscari in aqua turbida Gallicum pro uerbium.</i>	200

R E R V M.

Pisces plani marinorū stagnorum. 142
Pisces Tigris Arethusa piscibus non commiscuntur nec contra. 139
Pisces quibus in aquis vivere non possint. 139
Pisces qui stagna subeunt & qui ab iisdem abhorrent. 138
Piscium fluuiatilium differentia. 166
Plinij locus examinatus. 80
Plinij locus emendatus. 232
Plinij locus emendatus. 178
Pulmonum marinorum historia. 131
 & 132.
Pulmonis marini usus in medicina. 132
Purpura nigra qua sit. 73
Purpure flos. 71
Purpure uita. 68
Purpure an lingua testas perforet. 67
Purpure flori coccus miscebatur. 74
Purpurei floris varius color. 73
Purpure flos quomodo colligebatur. 72
Purpure descriptio. 65
Purpurarum generatio male ab aliis tradita refellitur. 65. & 66
Purpurarum differentia. 65
Purpurarum vera generatio. 67
Purpurarum victus. 67
Purpurarum in medicina usus. 68.
 & 69.
Purpurarum caro & succus. 69

R

Rana calamites descriptio. 224
Rana quomodo feminas cient ad coitum. 219
Rana olobygynem quomodo edant. 219
Rana quibus vescantur. 220
Rana palustris venenum & eius remedia. 222
Rana aliquæ an ex aëre decidat. 224
Rana duplicem vocem edunt. 219

Rana palustris & venenata descriptio. 222
Rana priores partes à mensis reiicienda. 220
Rana fusior descriptio. 218
Ranarum lingua longè alia quàm in ceteris animantibus. 218
Ranarū in medicinis usus. 220. & 221
Ranarum coitus. 220
Ranarum pulmones omnino sanguine non carent. 219
Ranarum genera diuersa. 215
Ranarum magnus proventus in salubrem annum indicat. 225
Ranarum procreatio. 220
Reipublica perturbatores, Anguillarum piscatoribus similes. 200
Rubetæ descriptio. 223
Rubetæ venenum. 223
Rubetæ veneni remedia. 223

S

Salamandram aquatilem pro scinco perperā usurpant pharmacopæi. 231
Salamandram aquatilem pro Cordylo malè usurpant nonnulli. 230
Salma qua sit carne & succo. 168
Salmones parui in aquis dulcibus gigni possunt. 169
Salmonis fluuiatilis descriptio. 167
Salmonum genera multa. 157
Scincorum carnes circa renes & latera. 232
Scincorū renibus quomodo utendū in medicamentis venerē cientibus. 231
Scolopendrarum marinarum descriptio. 108
Serpentis aquatilis descriptio. 226
Seriphie rana. 216
Silurus sturio noster esse nō potest. 181
Silurus & Glanis ydem non sunt pisces. 183
Silurus Lucius noster non est. 184

INDEX

<i>Silurus</i> gracum est nomen, & unde dicatur.	183	<i>Tethyrorum</i> descriptio.	127
<i>Solenes</i> mares & fœmina.	42	<i>Tinca</i> & fullo pisces diuersi.	157
<i>Solenes</i> cur luceant.	44	<i>Tinca</i> historia.	157
<i>Solenes</i> unde dicti.	42	<i>Tinca</i> & Lupi amicitia.	157
<i>Solenes</i> an calculosis in cibo utiles.	44	Τράχινος in testaceis quid sit.	52
<i>Solenis</i> fœmina descriptio.	44	<i>Tracheli</i> Athenai sunt Spondyli.	42
<i>Solenis</i> maris descriptio.	43	<i>Trochorum</i> variorum descriptio.	92
<i>Solis</i> marini descriptio.	123	<i>Trochilus</i> Crocodili os repurgat.	233
<i>Sparus</i> marini stagni.	140	<i>Trutta</i> descriptio.	161
<i>Spondyli</i> hærent saxis.	41	<i>Trutta</i> Lupus varius esse nõ potest.	171
<i>Spondyli</i> unde dicti.	42	<i>Trutta</i> eadem non est cum <i>Trocta</i> Aeliani.	169
<i>Spondyli</i> branchijs carent.	41	<i>Trutta</i> qua sit carne & succo.	171
<i>Spondylorum</i> descriptio.	41	<i>Truttarum</i> differentia.	169
Σπόγγυλος in testaceis quid.	52. & 53	<i>Trutta</i> salmonum generis sunt.	161
<i>Spongiarum</i> genera.	134	<i>Trutta</i> aquarum scaturigines incredibili impetu persequuntur.	170
<i>Spögiarum</i> in medicina usus.	135	<i>Turbinum</i> & <i>Cochlearum</i> variarum descriptio.	89
<i>Stagnorum</i> differentia.	137	Τυμβώλαι quid apud Galenum.	58
<i>Stella</i> arborescens elegans pictura & descriptio.	121	<i>Turbinis</i> magni descriptio.	88
<i>Stella</i> laevis descriptio.	120	<i>Turbinis</i> auriti descriptio.	91
<i>Stella</i> prima descriptio.	119	<i>Turbinis</i> angulati descriptio.	89
<i>Stella</i> reticulata & echinata descriptio.	122. & 123	<i>Turbo</i> & <i>turbinata</i> quid.	62
<i>Stella</i> pectinata descriptio.	120	<i>Turbines</i> intra spongas viuentes.	90
<i>Stellarum</i> marinarum differentia.	118	<i>Turbinis</i> muricati descriptio.	90
T		<i>Turbinum</i> pentedactylorum & tessaro dactylorum descriptio.	92
<i>Tellinarum</i> usus.	7	<i>Turbinatorum</i> nomine quæ comprehenduntur.	63
<i>Tellinarum</i> genera diuersa.	6. & 7	<i>Turbinatorum</i> internæ partes.	63
<i>Tellinis</i> ori aptatis tubæ sonos imitantur pueri.	8	<i>Tympanorum</i> figura antiqua.	58
<i>Tellina</i> testæ descriptio.	7	<i>Tyria</i> Purpura.	73
<i>Tellina</i> prima descriptio.	7	V	
<i>Tellina</i> tertia descriptio.	8	<i>Vermis</i> breui rostro descriptio.	109
<i>Tellina</i> unde dicta.	6	<i>Vermis</i> longo rostro descriptio.	110
<i>Testaceorum</i> frequens usus calculum gignit.	18	<i>Vermium</i> in tubulis latentium descriptio.	110
<i>Testaceorum</i> oua qualia sint.	17	<i>Vestis</i> qua Iudei Christum induerunt purpureæne fuerit an coccinea.	74
<i>Testacea</i> marinarum stagnorum.	146	<i>Virgatus</i> piscis marini stagni.	140
<i>Testaceorum</i> differentia.	2	<i>Unio</i> in Cõchis quomodo conrescit.	34
<i>Testudinis</i> lutaria descriptio.	229		Vnio
<i>Testudinum</i> victus, caro & succus.	227		

R E R V M.

<i>Vnio quid sit, & quomodo proueniat.</i>	55	<i>Vmbra fluuiatilis descriptio.</i>	172
<i>Vnio in Conchis ut grandio in porcis gignitur.</i>	57	<i>Vmbra caro & succus.</i>	173
<i>Vniones ossa non sunt.</i>	55. & 56	<i>Vmbra descriptio.</i>	160
<i>Vniones in diuersis Conchis proueniunt.</i>	58. & 59	<i>Vmbra alterius descriptio.</i>	160
<i>Vniones unde dicti.</i>	55	<i>Vmbilici parui & varij descriptio.</i>	104
<i>Vnionū in medicina vsus & facultas.</i>	61	<i>Vmbilici Cochleæ cur dicantur.</i>	104
<i>Vnionum præstantia & differentia.</i>	59	<i>Vmbilicus Cochleæ species.</i>	95
		<i>Vna marina descriptio.</i>	130
		Z	
		<i>Zoophyta quæ dicantur.</i>	107



NOMINA ET INDEX

PISCIV M.

A.	Barbus.	194	Capito.	190	ritifera.	97	
<i>Able.</i>	208	<i>Ballerus.</i>	154	<i>Carpe.</i>	150	<i>Cochlea stagni.</i>	
<i>Aculeati piscicu-</i>	<i>Béβépi.</i>	33	<i>Carpio.</i>	158	146.		
<i>li.</i>	206	<i>Berdin Berlin.</i>	3	<i>Castor.</i>	236	<i>Cochlea turbine</i>	
<i>Adello.</i>	173	<i>Bezole.</i>	163	<i>Κήρυξ.</i>	81	<i>obtusio.</i>	100
<i>Aganon.</i>	20	<i>Bieure.</i>	237	<i>Chabot.</i>	203	<i>Cochlea echino-</i>	
<i>Attilus.</i>	173	<i>Bisfre.</i>	237	<i>Chalcis.</i>	148	<i>phora.</i>	99
<i>Alburnus.</i>	208	<i>Bordeliere.</i>	154	<i>Chama nigra.</i>	14	<i>Cochlea Cylin-</i>	
<i>Anguilla.</i>	198	<i>Brama.</i>	154	<i>Chama aspera.</i>	14	<i>droides.</i>	99
<i>Aporrhais.</i>	79	<i>Brochet.</i>	188	<i>Chama læuis.</i>	11	<i>Cochleacæ lata.</i>	98
<i>Apron.</i>	207	<i>Buccinum parvū</i>		<i>Cherfydrus.</i>	226	<i>Cochleæ umbili-</i>	
<i>Atilus.</i>	112	<i>& striatum.</i>	83	<i>Cicada fluuia.</i>	212	<i>cata.</i>	104. & 105
<i>Asper piscis.</i>	207	<i>Buccinum.</i>	81	<i>Cobites aculea-</i>		<i>Cochleæ fluuiati-</i>	
<i>Astac' parvus.</i>	211	<i>Bufo.</i>	221	<i>ta.</i>	204	<i>les.</i>	214
<i>Astacus fluuiati-</i>	<i>Burez.</i>	64	<i>Cobites barbaru-</i>		<i>Κογχέλια.</i>	33	
<i>lis.</i>	210	C	<i>la.</i>	204	<i>Concha coralli-</i>		
<i>Auris marina.</i>	5	<i>Cancer stagnima</i>		<i>Cobites fluuiati-</i>		<i>na.</i>	25
<i>Antaceus Bory-</i>		<i>rini.</i>	144	<i>lis.</i>	203	<i>Concha echina-</i>	
<i>sthenis.</i>	187	<i>Cancer fluuiati-</i>		<i>Cochlea in olea-</i>		<i>ta.</i>	22
B		<i>lis.</i>	208	<i>rio vsu.</i>	96	<i>Concha margari-</i>	
<i>Béβαχες.</i>	218	<i>Capa tonda.</i>	21	<i>Cochlea depref-</i>		<i>tifera.</i>	33
<i>Barbeau.</i>	194	<i>Caparocula.</i>	6	<i>sa.</i>	100	<i>Concha crassa.</i>	32
<i>Barbota.</i>	165	<i>Cape sante.</i>	6	<i>Cochlea marga-</i>		<i>Concharhomboi</i>	

INDEX

des. 27	G	Mentula mari-	Patella. 3
Côcha rugata. 25	Gardieropa. 41	na. 12. 8. 129	Pecten. 15
Concha picto-	Galades. 31	Motelle. 164	Pectunculus. 15. &
rum. 24	Gale ^o Rhodusi 76	Moufches de mar. 18.	
Conchę striatę. 21	Gardon. 191	46.	Peires Ostres. 34
Concha imbrica-	Glanis. 186	Munier. 190	Pelorides. 11
ta. 20	Glandes mari-	Musca fluuiati-	Pēna marina. 129
Conchę vene-	na. 28. & 30	les. 213	Penicillus mari-
rec. 101. 102. 103	Glycymerides. 13	Muscles. 48	nus. 111
Conchę longę. 23	Gobio fluuiati-	Musculi. 45	Perca. 196
Conchula ruga-	lis. 206	Musculus fluuia-	Perna. 52
ta. 26	H	tilis. 214	Petondes. 18
Conchula va-	Hautin. 195	Murex Coracoi-	Φωλίδες. 49
ria. 26	Huistres. 34	des. 78	Phoxini. 204
Consalmes. 48	Hippocāpus. 114	Murex marmo-	Φρύγες. 222
Conchylum. 83	Hirudo palustris. 226.	reus. 76	Pigus. 153
Coquilles saint Ia-		Murex lacteus. 78	Pinna. 50
ques. 15. & 18	Hirudo mari-	Murex. 75	Pinnalana. 50
Cordylus. 235	na. 111	Murex triangula-	Pinna parua. 53
Cottus. 202	Holothuria. 125.	ris. 77	Pulmo marin ^o . 151
Crocodylus terre-	& 126.	Murex. 45. & 46	Purpura. 64
stris. 234	Υδρος. 225	Mures. 45	R
Crocodylus. 232	I	Myia. 45	Rana. 218
Krēls. 15	Ichthyocolla. 179	Μύτιες. 6	Rana palustris. 221.
Cucumis mari-	L	Mytuli. 45	Rana calami-
nus. 131	Lamproyons. 202	Mytulistagni. 146	te. 224
Cyprinus claua-	Lapedo. 3	Mytylus. 6	Rana calo deie-
tus. 153	Lafcha. 191	N	cta. 224
Cyprini species	Lauaret. 162	Nacre de perles. 33	Roncera. 64
mira. 154	Lepas. 3	Natrix. 226	Rubeta. 222
Cyprinus. 150	Lepas parua. 5	Nerita Aristote-	S
D	Λέπας ἀργεῖα. 3. & 5	lis. 93	Salmandra aqua-
Dard. 192	Leuciscus. 191	Nerita Aeliani. 93	tilis. 230
E	Libella fluuiati	O	Saluz. 186
Eγγέλους. 198	lis. 213	Oeil de bouc. 3	Salmo. 167
Éperlan. 196	Limnostrea. 34	Ostrea syluestria. 40.	Sarachus. 149
Eschara. 133	Lote. 164	Ostrea. 34	Scandebec. 40
Exos piscis. 177	Lucius. 188	Ostrega. 34	Scincus. 231
F	M	P	Scolopendra ma-
Ferra. 164	Malum infanum	Patella maior. 5	rina. 108
Fiber. 236	marinum. 130		Ser-


PISCIVM.


Serpēs palustr. 225	T	Turbines varij. 89	Vermes stagnina
Siege. 191	Tacon. 169	& 190.	rini. 145
Swiffe. 192	Tellinæ. 6	Turbo auritus. 91	Vermis μακρορυ-
Silurus. 180	Testudo. 229	Turbo magn⁹. 88	χότερος. 110
Sol marinus. 123	Tethya. 127	Turbo pentedac.	Vermis μικρορυχό
Solen mas. 43	Θαλάσσιον ἔσ. 3	& tessia roda. 92	τερος. 109
Solen fœmina. 44	Thymus. 187	V	Vilain. 190
Solenes. 42	Tinca. 157	Vandoise. 192	Vmbilici. 104
Spondyli. 41	Tridacna. 20	Vangeron. 156	Vmble. 160
Squilla fluuiati-	Trochi. 92	Varius piscic. 205	Vmble cheuallier.
lis. 212	Trutta. 161	Veron. 205	160.
Stella marinę. 119.	Trutta fluuiati-	Vermes in tubu-	Vmbra. 172
120. 121. 122. 123	lis. 169	lis. 110	Vua marina. 130

L V G D V N I,

Matthias Bonhomme Excudebat.







84-B
RARE 11691
FOLIO
QL
120
R77
1554

51539

